

清
實
錄

高宗純皇帝實錄（八）

卷一三四六至卷一四一九
乾隆五十五年至五十七年

清實錄

第二六冊

中華書局影印

清 實 錄

(第 二 六 冊)

高 宗 實 錄 (一八)

*

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

*

787×1092 毫米 1/16 · 69. 1/4 印張

1986 年 4 月第 1 版 1986 年 4 月北京第 1 次印刷

印數 0,001—1,500 冊

統一書號: 11018· 1355—26 定價: 52.00 元

清實錄第二六冊目錄

高宗純皇帝實錄（一八）

卷一三四六	乾隆五十五年正月上	一
卷一三四七	乾隆五十五年正月下	一七
卷一三四八	乾隆五十五年二月上	三〇
卷一三四九	乾隆五十五年二月下	四五
卷一三五〇	乾隆五十五年三月上	六四
卷一三五一	乾隆五十五年三月下	七六
卷一三五二	乾隆五十五年四月上	九七
卷一三五三	乾隆五十五年四月下	一二
卷一三五四	乾隆五十五年五月上	一三四
卷一三五五	乾隆五十五年五月下	一四七
卷一三五六	乾隆五十五年六月上	一六三
卷一三五七	乾隆五十五年六月下	一八二
卷一三五八	乾隆五十五年七月上	一九六
卷一三五九	乾隆五十五年七月下	二〇七
卷一三六〇	乾隆五十五年八月上	二三四
卷一三六一	乾隆五十五年八月下	二三九
卷一三六二	乾隆五十五年九月上	二五八
卷一三六三	乾隆五十五年九月下	二七六
卷一三六四	乾隆五十五年十月上	二九八
卷一三六五	乾隆五十五年十月下	三一〇
卷一三六六	乾隆五十五年十一月上	三二三
卷一三六七	乾隆五十五年十一月下	三三一
卷一三六八	乾隆五十五年十二月上	三四七
卷一三六九	乾隆五十五年十二月下	三六一
卷一三七〇	乾隆五十六年正月上	三七五
卷一三七一	乾隆五十六年正月下	三八九
卷一三七二	乾隆五十六年二月上	四〇三
卷一三七三	乾隆五十六年二月下	四二二
卷一三七四	乾隆五十六年三月上	四三六
卷一三七五	乾隆五十六年三月下	四五三
卷一三七六	乾隆五十六年四月上	四七一
卷一三七七	乾隆五十六年四月下	四八一
卷一三七八	乾隆五十六年五月上	四九七
卷一三七九	乾隆五十六年五月下	五〇五

卷一三八〇	乾隆五十六年六月上	五二二
卷一三八一	乾隆五十六年六月下	五二六
卷一三八二	乾隆五十六年七月上	五三五
卷一三八三	乾隆五十六年七月下	五五四
卷一三八四	乾隆五十六年八月上	五七一
卷一三八五	乾隆五十六年八月下	五八四
卷一三八六	乾隆五十六年九月上	五九九
卷一三八七	乾隆五十六年九月下	六一五
卷一三八八	乾隆五十六年十月上	六三三
卷一三八九	乾隆五十六年十月下	六四七
卷一三九〇	乾隆五十六年十一月上	六六八
卷一三九一	乾隆五十六年十一月下	六八四
卷一三九二	乾隆五十六年十二月上	六九八
卷一三九三	乾隆五十六年十二月下	七一二
卷一三九四	乾隆五十七年正月上	七二三
卷一三九五	乾隆五十七年正月下	七三三
卷一三九六	乾隆五十七年二月上	七四〇
卷一三九七	乾隆五十七年二月下	七五四
卷一三九八	乾隆五十七年三月上	七六九
卷一三九九	乾隆五十七年三月下	七八一
卷一四〇〇	乾隆五十七年四月上	七九三
卷一四〇一	乾隆五十七年四月下	八二三
卷一四〇二	乾隆五十七年閏四月上	八三九
卷一四〇三	乾隆五十七年閏四月下	八四二
卷一四〇四	乾隆五十七年五月上	八六〇
卷一四〇五	乾隆五十七年五月下	八七三
卷一四〇六	乾隆五十七年六月上	八八八
卷一四〇七	乾隆五十七年六月下	九〇九
卷一四〇八	乾隆五十七年七月上	九三二
卷一四〇九	乾隆五十七年七月下	九三七
卷一四一〇	乾隆五十七年八月上	九五三
卷一四一一	乾隆五十七年八月下	九七〇
卷一四一二	乾隆五十七年九月上	九八五
卷一四一三	乾隆五十七年九月下	一〇〇三
卷一四一四	乾隆五十七年十月上	一〇一三
卷一四一五	乾隆五十七年十月下	一〇二八
卷一四一六	乾隆五十七年十一月上	一〇四五
卷一四一七	乾隆五十七年十一月下	一〇五七

卷一四一八 乾隆五十七年十二月上 一〇七一

卷一四一九 乾隆五十七年十二月下 一〇八九

大清高宗法天隆運至誠先覺體元立極教文
奮武孝慈神聖純皇帝實錄卷之一千三百四十六

監修總裁官總纂官太子太傅文淵閣大學士文淵閣領閣事傅爾丹內大臣稽察欽奉 上諭軍機處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次慶隆

應機官理藩院事務太子太傅大學士文淵閣領閣事稽察欽奉 上諭軍機處管理刑部戶部工部事務

世襲騎都尉軍功加十九級隨帶加二級又加二級尋常內大臣戶部尚書總辦滿洲副都統軍功紀錄六

尋常紀錄十四次在案慶隆是歲官太子少保工部尚書紀錄六次尋常紀錄尋奉

敬修

乾隆五十五年庚戌春正月壬午朔

上詣

奉先殿行禮○詣

堂子行禮○御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御太和殿賜王公臣子及外藩使

臣等宴○御乾清宮賜皇子皇孫皇曾孫皇

元孫宗室王公等宴○以

八旬萬壽頌詔天下詔曰朕誕膺

景命虔奉丕基恩錫極以用敷凜肅懷於昭事

於今五十五年矣仰荷

上蒼篤眷

列聖貽謀寓縣乂安朝宇雍肅宮廷之上五代

一堂垓極之遙萬方同軌粵以今茲八月為

朕壽屆八旬前因額切諸臣勉允祝釐之請

亦既恩敷多士特開登俊之科而且停貢獻

之繁文禁郡邑之私祝務黜華以崇實諒乎

德而惠心迺者阮光平不戰歸誠寵畀藩封

之爵已勒布騰歡面內長依屬國之班緬甸

荒陬遣使遠呈金表生番異域輸心來叩彤

墀矧夫內郡耆氓外藩壽考逾期頤者千餘

計見曾元者二百家嘉和會之咸勤屬享王

之畢至朕撫延洪之運躬宵旰之勞問夜求

衣劼毖倍屢於宵密巡方肆武精神式固於

純常歷年陳無逸之篇終日勵自強之訓惟

德惟勤恤將敬為受

天永命祈曰壽曰康寧。幸慰我海羣黎望。昔卅五載古稀介景。推仁曾遠閭閻。迨五十年國慶重熙。惠下復頒綸綍。獲此久長之祉。彌殷懷保之忱。我

皇祖聖壽六旬。先晉躋夫惟正。予一人恩施三沛。仍祇適以攸行。凡所以引養引恬。並切夫求寧求莫。是用麗鴻佈澤。殫緝熙風。夜之心惟期溥率。翔和綿保定升恒之盛。所有應行事宜。開列於後。

五嶽四瀆等祀。及風雲雷雨火各神。應遣官致祭。著察例舉行。各直省有同堂五世者。著各督撫查明具奏。賜予恩賚。自王以下。覺羅十五歲以上者。俱加恩賜。公主以下。至格格。俱加恩賜。王妃以下。奉恩將軍妻。以上年過六十者。俱加恩賜。外藩王貝勒貝子。公扎薩克。台吉。塔布囊。及其福晉妻室。年過六十者。俱加恩賜。滿漢大臣及命婦。年過六十者。俱加恩賜。內外滿漢文武各

官。俱加一級。內外大小各官。除各以現在品級。已得封贈外。凡陞級及改任者。著照新銜封贈。內外文武官員。有因公誣誤降革留任者。該部查明奏請開復。國子監貢監生。及各官學教習。免坐監期一月。各省儒學。以正貢作恩貢。以次貢作歲貢。滿漢孝子順孫。義夫節婦。該管官細加誥訪。確具事實。奏交禮部覈實旌表。滿漢兵丁。曾經効力行間。因病年老開住者。著加恩賜。八旗滿洲蒙古漢軍兵丁。及內扎薩克喀爾喀等蒙古。年七十八十九十以上者。分別賞賚。至百歲者。題明旌表。並加賞大緞一匹。銀十兩。一軍民年七十以上者。酌加賞賚。八十以上者。給與絹一匹。棉一觔。米一石。肉十觔。九十以上者。倍之。至百歲者。題明旌表。並加賞大緞一匹。銀十兩。各省道路橋梁。間有損壞者。著各該地方官查明修理。以利行旅。各省現犯軍流以下人犯。俱著減等發落。其在

配軍流人犯已過十年安分守法別無過犯者著各省督撫分別咨部查照向例覈議奏請省釋。各省監禁人犯著將上年秋朝審緩決至三次各犯仍照節次查辦之例查明所犯情節分別減等發落其緩決一二次人犯內有案情本輕可予矜原者亦著該部查明請旨定奪。各處養濟院所有鰥寡孤獨及殘疾無告之人有司留心以時養贍毋致失所。一從前各省偏災地方所有借給貧民籽種口糧牛具等項查明實係力不能完者著與豁免。

歷代帝王陵寢

先師孔子闕里應遣官致祭著察例舉行於戲予惟從欲以治庸降德於衆兆民

天其中命用麻綏眉壽於皇多祐布告天下咸使聞知普免天下錢糧諭朕賴

昊蒼眷佑既逾古稀欣開八袞幸得小康時懷大惕自乾隆十年以迄四十二年特布恩綸

普免天下錢糧業經三次矣今歲屆朕八旬壽辰仰荷

天

祖貽庥率土稱慶以至梯航重譯祝嘏來庭從古史牒實所罕覩是宜廣宣湛闡敷錫兆民用叶紫禧以答

嘉貺著將乾隆五十五年各直省應徵錢糧通行蠲免其如何按年輪蠲之處著大學士會同戶部即速覈奏遵行 癸未諭上年湖北

荆門潛江江陵監利等州縣因秋汎漢水倒漾低窪各垸先後被淹業經降旨令該督撫實力撫卹分別賑濟小民自可不致失所第念潛江等處本係積歉之區上年又復被淹今春正賑已畢青黃不接之時貧民口食維艱著再加恩將潛江江陵監利三縣成災八分極貧各軍民展賑一個月以資接濟其成災八分次貧及成災七分極次貧並荆門州成災五分各軍民仍著該督撫察看情形或

酌借籽種口糧或減價平糶分別辦理該督等務宜督飭所屬實心經理俾災黎均霑闡澤以副朕軫念窮簷普惠春膏至意該部即遵諭行又諭上年江蘇徐州淮安等府屬各州縣因黃流漫水下注被淹成災節經降旨令該撫實力撫卹分別賑濟毋使一夫失所第念今春正賑已畢青黃不接之時貧民餬口無資著再加恩將睢寧宿遷桃源邳州碭山五州縣成災九分十分村莊無論極次貧民均展賑一個月以資接濟其成災八分以下之安東阜寧海州等州縣及勘不成災地方仍著該撫察看情形酌借口糧籽種該撫務董率所屬實心經理俾窮簷均霑闡澤以副朕軫念災黎敷錫春祺至意該部即遵諭行又諭朕元旦御朝禮部侍郎鐵保前引至中和殿自東班越至西班逗過甬道該侍郎職司典禮乃尚不諳朝儀行走錯誤實屬不合鐵保著交部議處又諭據譚尚忠

奏蒙自縣民楊添祿現年百歲一堂五世請旨旌表等語楊添祿壽屆期頤曾元繞膝洵為昇平人瑞特賜御書扁額並親製詩章以昭榮寵所有應行加恩賞賚及建坊旌表之處仍著該部察例辦理御製詩曰督撫新正有奏箋率陳吉事達邦傳廖曾如向張和古楊復呈茲後繼前五世一堂瑞已罕高齡百袞壽稱駢什成更覺自厚幸勝彼猶先二十年御書扁曰頤壽鍾祥甲申諭朕為皇子時於雍正五年大婚自毓慶宮遷居西二所踐阼之後升為重華宮其後漸次將四五所構為建福宮敬勝齋等處以為幾餘遊憩之地建置規模已極美備無可復加臨御五十五年以來仰荷昊蒼眷佑壽臻八袞五代同堂是重華宮等處實為興祥所自即歸政以後亦尚思年節重臨奉時行慶世世子孫惟當永遠奉守所有

宮內陳設規制亦應仍循其舊毋事更張若皇子皇孫果能善體朕懷謹守此訓幾暇優游年節行慶傳之奕禩實為朕所深願至東五所內為年少皇子皇孫公共所居隨侍內監等住屋亦在此內率無隙地矣若照重華宮之例另行興建不特宮牆四圍別無空隙之地可以廓展且亦非朕垂示後昆之意自不如一循此時舊制之為善也著將此旨交尚書房敬謹存記俾我萬世子孫永遵無斁

○又諭據何裕城奏南昌縣耆民趙登祐現年一百一歲素行善良精力強健請旨旌表等語趙登祐年逾期頤精神矍鑠洵為昇平人瑞其應行建坊旌表及賞給緞匹銀兩之處著該部照例具題○諭軍機大臣等本日何裕城奏屬員賢否一摺朕詳閱單內護鹽道恒寧並未出具考語上年恒寧於報銷鹽餉一事經全德參奏後該撫以恒寧尚屬奮勉急公專摺保奏乃此次屬員賢否單內於

恒寧護道任內既無一語提及而南昌府又止將現署知府趙其璿填註考語是恒寧兩任全行落空何裕城向因恒寧曾任首府於屬員中較為親近未免心存袒護此時若將該員列入上等考語既有所不敢若竟列入下考復自相矛盾又有所不肯是以不置可否朦朧混過希圖暫時掩飾明係有心取巧此等伎倆豈能於朕前嘗試耶何裕城著傳旨申飭仍將恒寧究竟居官如何之處確切

出考據實陳奏毋得再有迴護尋奏查恒寧辦事勤勵現護鹽道甫歷三季已銷過二十三萬餘引臣前因該員係獲咎降調擬俟護滿一年會同督臣鹽政覈奏故未出具考語報聞又諭前以黎何曾經臣事黎氏不以盛衰為去就心迹尚可矜原節次降旨令福康安平心詢問其來意如何並著將黎何等四人派員送京另行酌量辦理復令孫士毅將黎何果否言過其實詳晰具奏今據孫士

毅履秦黎何始以虛詞聳聽繼復藉病推辭假公報怨居心實為險詐近見阮光平歸順天朝撫有安南全境無處逃匿窮蹙內投藉稱繁懷故主假托忠義之名希冀天朝為之別圖舉事其意以黎維祁柔懦無能若一旦復國不過視為綴旒彼得逞其私謀以成己事故於福康安前不得不盛稱安南黎氏舊臣義士情願効力復仇諒山江北等處有兵三四萬屯聚張大其詞構衅滋事其狡獪伎倆尤不可問福康安孫永清接奉前次諭旨後自必即派委妥員解送進京現又令軍機大臣劉綸該委員沿途小心管押迅速送京○乙酉

上詣

雍和宮行禮諭上年直隸保定河間天津順天等府屬各州縣因夏秋雨水較多河流漲發田禾被淹成災節經降旨銀米兼撥令該督實力撫卹分別賑濟小民自可不致失所

第念今春正賑已畢青黃不接之時民食恐不無拮据著再加恩將順天府屬之霸州文安大城武清東安永清保定府屬之清苑安州雄縣新安高陽河間府屬之河間獻縣阜城肅寧任邱景州天津府屬之天津青縣靜海滄州鹽山等二十二州縣成災七八分之極貧並九分災之極次貧民俱展賑一個月以資接濟其成災八分以下各州縣及勘不成災地方仍著該督察看情形或酌借口糧籽種或減價平糶分別籌辦該督務飭所屬實心經理俾災黎均霑愷澤以副朕普錫春祺有加無已至意該部即遵諭行○又諭上年河南歸德等府屬永城夏邑安陽臨漳等縣秋禾被淹成災節經降旨令該撫實力撫卹分別賑濟毋使一夫失所第念今春正賑已畢青黃不接之時民食恐不無拮据著再加恩將成災較重之永城一縣九分極次貧與八分極貧災民加賑一個月以資接濟

其被災稍輕及勘不成災之夏邑安陽臨漳等縣並著該撫察看情形酌借口糧籽種該撫務督飭所屬實心經理俾災民均霑渥澤以副朕惠愛閭閻普錫春祺至意該部即遵諭行（丙戌）

太廟遣怡親王永琅恭代行禮（遣官祭

太歲之神）廣西巡撫孫永清奏據左江道

湯雄業稟稱阮光顯於十二月十二日行抵

鎮南關阮光平遣陪臣阮文名吳文楚率衛

士等於十三日至昭德臺下祇領敕印並據

吳文楚等稟稱國王擇於三月內赴京恭祝

萬壽文楚願隨同行早遂瞻覲謹將國王奏謝

表文進呈硃批表文曰欣悅覽之卿所使陪

臣適至即交彼持迴卿閱朕硃批益當歡喜

相見在即同此殷念也諭軍機大臣曰孫永

清所進阮光平謝表朕已用硃筆於表內批

示該國使臣阮宏匡等現已到京俟其回國

時將硃批表文交令齎往宣諭以示寵眷至

吳文楚係該國得力之人隨同赴闕未免居

守無人降旨令阮光平自京回國後遇下次

進貢之期再行來京該國王呈遞孫永清稟

帖內亦稱凜遵聖旨著吳文楚居守國都今

吳文楚復向湯雄業懇請同來瞻覲該撫自

當仍遵前旨諭以大皇帝俯念爾國新造藩

封特加體恤國王赴京後令爾居守國中以

資鎮撫爾自當暫緩進京著該撫即遵旨宣

諭吳文楚俟其具文呈覆即行迅速馳奏（

命直隸總督劉峽提督閔正祥湖廣提督俞

金鰲在紫禁城內騎馬（丁亥

上幸瀛臺安南國正使阮宏匡陳登大副使宋

名朗等於西苑門外瞻覲

上御紫光閣賜蒙古王貝勒貝子公額駙台吉

回部伯克朝鮮安南琉球暹羅廓爾喀等國

使臣宴（召大學士內廷翰林等茶宴以八

徵菴念之寶聯句（諭據勒保奏秦州直隸

州知州齊佳士現年七十一歲五世同堂等

語齊佳士七旬司牧五世綿祥洵仕籍所罕
聞寶熙朝之盛事特賜御書扁額並親製詩
章用昭褒異所有應行加恩賞賚之處仍著
該部察例辦理○又諭據長麟奏曹縣民人
吳世齊現年一百五歲五世同堂請旨旌表
等語吳世齊壽越期頤曾元繞膝洵為盛世
休徵特賜御書扁額並親製詩章以昭榮寵
所有應行加恩賞賚及建坊旌表之處仍著
該部察例辦理○

御製詩曰吉章方伯報開年最勝新年三事駢
昨甫滇南曾賜什今欣山左并成篇雖殊其
壽七和百都喜同堂曾與元盛事祥徵人我
共蒙

天佑耳益夔然○

御書賜齊佳士扁曰保赤鍾祥賜吳世齊扁曰

頤登世衍○戊子

世祖章皇帝忌辰遣官祭

孝陵○諭回子公額色尹病故可憫著加恩賞

銀三千兩以襄善事仍交該院照例致祭額
色尹從前雖無勞績於一切官差奮勉多年
伊公爵並非軍功所得乃特恩所賜現在出
缺例應降襲念額色尹歸順有年著加恩將
伊公爵仍令伊子喀沙和卓承襲圖爾都從
前出缺伊公爵亦應降襲朕曾加恩令託克
託承襲託克託襲爵後甚屬疎懶今喀沙和
卓業經襲公託克託係喀沙和卓之子著作
為一等台吉○是日起

上以祈穀於

上帝齋戒三日○己丑諭今歲朕屆八旬壽辰
敷錫兆民普天臚慶特降恩旨將乾隆五十
五年各直省應徵錢糧通行蠲免農民等皆
可均霑惠澤因思紳衿富戶田產較多之家
皆有佃戶領種地畝按歲交租今業主既概
免徵輸而佃戶仍全交租息貧民未免向隅
應令地方官出示曉諭各就業主情願令其
推朕愛民之心自行酌量將佃戶應交地租

量子減收亦不必定以限制官為勉強抑勒務使力作小民共享盈寧之樂以副朕孚惠閭閻廣宣湛愷至意○諭軍機大臣等前據福康安奏隨同黎侗進關之段旺等二十九人當經難髮改服酌量於慶遠等處擇地安插業經降旨令福康安等將段旺等俱送往江南浙江四川等省分隸督撫標下令其入伍食糧藉資約束此時福康安等早經接奉其如何將段旺等二十九人分送江南等省及於何時起身之處尚未據該督撫覆奏至黎侗在福康安前稱安南黎氏舊臣情願効力復仇現有兵三四萬屯聚張大其詞構衅滋事并散布謠言俟阮光平進京後仍請天兵送還黎氏其意不過以黎維祁一旦復國彼得逞其私謀以成已事居心實為險詐亦經傳諭福康安等同尚未難髮附和黎侗之李秉道等三人派員送京亦未據將黎侗等起解日期奏到著再傳諭福康安孫永清即

將段旺等二十九人及黎侗等四人作何分解辦理情形速行詳晰覆奏再黎侗素性狡黠不可不嚴加防範著沿途各督撫於黎侗押解過境時務須派妥妥幹員弁小心管束迅速解京若途中稍有疎虞遲誤恐該督撫不能當其咎也將此由五百里各傳諭知之○大學士會同戶部以輪免錢糧酌議具奏得旨依議此次普免錢糧按照各直省額徵銀數將所屬各府州次第搭配分作三次按年輪免通計三年一律蠲完較之按省分年輪免各省年分先後不同者自更覺恩施早被遠近齊霑至一省之中應免府州當先儘五十四年災緩之區首先蠲免於災黎更有裨益該督撫務悉心籌畫妥為分別辦理並督飭所屬實力奉行務使編氓均霑渥澤毋令吏胥從中影射侵漁稍滋弊混以副朕行慶施惠敦錫兆民之至意仍令各督撫自行具奏○禮部奏本年恭遇

皇上八旬萬壽頒詔天下其朝鮮國應頒詔書
例派大臣侍衛齎送此次正值該國貢使在
京應請即交帶回得旨知道了其安南琉球
暹羅三國亦著照朝鮮國之例一體頒發恩
詔即交該國貢使齎回○又奏滿漢原任內
外大小官員二百二十二人敬擬於西直門
內虔設經壇恭祝

萬壽此後續到人員應令一體恭與報聞○命
戶部尚書覺羅巴延三署經筵講官○以鑒

儀使周緝武為正白旗漢軍副都統○庚寅
上詣

南郊齋宮齋宿○諭據琅玕奏天台縣耆民龐
韶九現年一百一歲素行善良精力強健請
旨旌表等語龐韶九年逾期顯精神矍鑠洵
為昇平人瑞其應行建坊旌表及賞給緞匹
銀兩之處著該部照例具題○諭軍機大臣
等前經降旨令黎維祁及伊屬下人等來京
歸入漢軍旗下編一佐領嗣據福康安等查

明黎維祁等安插廣西者共男婦大小三百
七十六名口俟交春後阮光平未經進關以
前分起送京等語朕以送京人數太多令福
康安等酌量分別約計百餘人足敷編一佐
領之數送京入旗其餘俱送往江南浙江四
川等省分隸督撫標下入伍食糧此旨計福
康安等已經接奉其如何分別送京若干名
之處尚未據該督撫覆奏現在已交春令黎
維祁等諒已自粵西分起來京一切房屋住
址俱應豫為辦理若待福康安等奏到後始
行豫備未免遲誤現已降旨於京城隙地起
蓋房屋查明漢軍旗分內人戶較少者將黎
維祁等編入並簡派大臣管理該旗以資約
束查各旗佐領所屬每佐領約有一二百人
此項入旗人數未免過多著傳諭福康安等
即行再加分別將黎氏支屬親戚及曾任官
職者約在八十戶以內分起送京其餘人戶
仍遵照前旨送往江南浙江四川等省安插

或即在粵西地方入伍食糧徐歸民籍亦無不可既經薙髮改服亦不慮其竄逸倘有不安本分滋事潛逃者無難拏獲正法○辛卯祈穀於

上帝

上親詣行禮○命於乾清門頒賜

萬壽恩詔於朝鮮安南琉球暹羅等國使臣行禮祇領如儀○諭軍機大臣曰阮光平祇受封爵疊荷殊恩本年躬詣闕廷祝釐瞻覲實

屬出於至誠俟該國王到京時欲令行抱見禮以昭優異該國王初次入覲未諳天朝體制福康安於其進關後告以此次進京祝嘏大皇帝深為嘉予國王到京朝見時大皇帝欲令國王行抱見請安之禮此係逾格施恩天朝大臣內懋著勲勞者始能膺此異數其餘雖親貴大臣亦所難得今國王邀此隆禮實為希有寵榮至黎維祁及伊屬下人等來京歸入漢軍旗下編一佐領昨降旨令福康

安等酌加分別將黎氏支屬親戚及曾任官職者約在八十戶以內分起送京但各戶人口多寡不一現在查明京城隙地起蓋房屋約可蓋二百三十間自應就房間數目定人數之多少著傳諭福康安等即酌覈各戶人口以每人住房三間而論此二百餘間可容若干人口即行按數送京不必拘定八十戶致滋擁擠○以鑲黃旗漢軍都統存泰正黃旗漢軍都統恒瑞對調○壬辰

上詣

大高殿行禮○詣

安佑宮行禮○幸圓明園○諭曰大學士和珅著加恩賞給黃帶四開襖袍固倫額駙豐紳殷德著兼散秩大臣行走○諭軍機大臣等廓爾喀通事外委馬廷相現在伴送該國貢使來京傳譯語言尚為明曉已賞給千總頂帶著傳諭孫士毅俟馬廷相回川後即以實缺千總拔補用示鼓勵○又諭據成林面奏

阮光平所用衣服冠帶已命如式製造俟其來京賞給惟該國王在國所繫之帶係屬紅鞋今欲加賞金黃鞋帶以昭優異福康安於其進關後應告以此次進京祝嘏大皇帝於國王到京朝見時特賜金黃鞋帶天朝體制惟宗藩始得繫用此帶今國王特膺異數比於親藩實為難覲寵榮國王赴京應仍繫用紅帶恭候到京面覲時大皇帝加恩賞換如此詳悉告知阮光平自必益感逾格恩施有加無已之至意○癸巳

上御山高水長大幄次賜王貝勒貝子公大臣蒙古王貝勒貝子公額駙台吉回部伯克朝鮮安南琉球暹羅廓爾喀等國使臣宴諭據徐嗣曾奏莆田縣民人朱天杜現年九十歲曾孫十二人生有元孫五世同堂等語朱天杜年近期頤曾元繞膝洵為盛世休徵所有應行加恩賞賚及建坊旌表之處著該部察例辦理○又諭據嵩椿等奏請將放出

餘剩優票二千六百七十一張送部銷燬等語每年應放優票雖難豫定數目亦不可支領過多即如去年所領優票五千張僅放出二千三百三十餘張餘剩反至大半似此多行支領將餘票回銷徒增繁冗亦恐滋生弊端著交該部嗣後支給優票時各該處於每年所用數目內多備十分之二三支給勿致過多餘剩即鹽引亦令照此辦理將此通諭該將軍及鹽政等知之○諭軍機大臣等據

徐嗣曾奏甄別教職佐雜千把及密陳藩臬考語兩摺俱係例應於年底奏到之件今至燈節前始行具奏已屬遲滯且所奏考語摺內祇有藩臬兩司而於道府等官賢否概未之及並奏稱上年七月大計案內業經會同伍拉納填註道府考語具題甫准部覆應請邀免重複填註等語大計本內填註考語不過照例具題至年終考覈屬員賢否係屬專摺密陳留中備覽各省皆係如此辦理今該

撫獨以大計案內甫經出考毋庸再行填註為詞率行具奏事關察吏何得藉稱重複希圖省事況該省諸事廢弛正須認真整頓若似此意存延緩省便豈不更滋玩誤耶徐嗣曾著傳旨申飭○又諭本日孫永清奏到屬員賢否一摺係於年底應行具奏之件今遲至燈節前始行奏到殊屬遲延該撫於辦理安南貢使一事業經遲誤此次陳奏屬員考語係本任內照例應辦之事又復延緩若此

該撫所司何事著傳旨申飭○甲午

上御山高水長大幄次賜王貝勒貝子公大臣蒙古王貝勒貝子公額駙台吉同部伯克朝鮮安南琉球暹羅廓爾喀等國使臣茶果並賞賚有差○諭軍機大臣等據書麟奏江西春夏二季共銷鹽十一萬四千一百二十一引按照岸商所開定價計算共該鹽本銀一百五十萬五千餘兩今全德覆奏揚州商人所收鹽價與書麟所奏銀數尚少銀十餘萬

兩但查全德摺內有省店滯銷時不能賣到定價恐干駁查仍係照定價報銷之語是此項數目不符由於岸商報數參差非由銷鹽引數不實提取鋪戶買帳覈對定可水落石出等語前因江西鹽引銷售銀數全德所奏與書麟奏報原數多寡不符恐書麟等率據恒寧詳報具奏致有以少報多情弊自應徹底清查若商人銷賣鹽勛價值間有參差不齊之處開報時仍照額定價值畫一呈報按

數交課於官銷鹽引並無弊混則是商人等隨時市易自行通融辦理原無庸算及錙銖斤斤較量今書麟查明原奏銀數係據經手岸商開報故以所開之數為準覈之銷鹽引數亦無不實所奏情形尚屬可信在何裕城為其親臨上司且於恒寧提報銷數一事未經查出或尚為之徇隱書麟遠在江寧自不值扶同具奏始終袒庇也看來此案情節或係全德因從前曾經奏奏欲實前言有意苛

求復為此奏亦未可定前經降旨令該鹽政提取各商省店底簿及江西水販鋪戶逐一覈對著傳諭全德即行遵照前旨秉公查覈具奏毋得稍有迴護○又諭考城縣移建城垣一案從前富勒渾勘定於垆陽曠野之處憑空興造以致採運寫遠糜費運腳例價多有不敷富勒渾辦事糊塗既已錯誤於前而何裕城茫無主見又復因循於後迨畢沅接任曾親往該處履勘乃並不據實具奏另行擇地移建仍照富勒渾原定處所於荒僻無人烟之地遷就辦理江蘭身任藩司有錢糧奏事之責亦不奏明另辦伊二人之咎實在於此至畢沅所奏考城地方及隣近四路各縣俱不出灰石必須赴遠縣買料興工則各處皆有城垣市鎮豈興築時所用物料悉皆取資汲縣即各該處廟宇衙署以及紳士富民鋪戶等建蓋房屋亦無遠赴二百餘里外購買灰石之理此事種種格礙難行畢沅等

一錯百錯其咎實無可辭以不據實改遷致多有所費令畢沅江蘭分別賠繳伊二人自必心服以多用令賠伊二人必不心服也至江蘭未詳擅發銀兩轉係過之小者即扣平一款亦祇係照例存庫尚無大弊梁肯堂前此所奏盡屬枝節而於緊要關鍵並未說明具奏看來此案情節竟屬荒唐梁肯堂接奉歷降諭旨迄今未據奏覆想因叅奏在前有礙難辦理之處是以遲延未奏著傳諭梁肯堂即遵照節次諭旨逐一據實陳奏毋得稍有迴護至本日内書麟奏到查封陳士駿家產一摺內稱陳士駿原籍並無貲財產業僅有公共住房二十四間約值銀三百五六十兩其同居兄弟陳以湜等銀錢首飾等項計值銀一百五十餘兩並經查封等語陳士駿身為縣令如果有侵漁舞弊情事自必積有多貲今所查原籍財產甚屬有限可見陳士駿尚無侵冒入己情弊其所有公共房屋及

陳以浚等銀錢衣物俱著一併給還。將此由四百里傳諭書麟並諭畢沅梁肯堂知之。又諭本日閱鶚元奏到屬員賢否一摺。係於年底應行具奏之件。今遲至燈節前始行奏到。殊屬遲延。該撫久任封疆。於此等照例陳奏事件。自係素所諳悉。何亦延緩若此。耶。閱鶚元著傳旨申飭。○乙未

上御奉三無私殿。賜皇子皇孫皇曾孫皇元孫諸王等宴。○諭曰。伊斯堪達爾乃舊臣僕。且

係郡王嗣後奏事銜名。著在明亮之次。博興銜名。著在伊斯堪達爾之次開列。○又諭曰。四川提督成德之第四子穆克登布著施恩補放。粘竿處藍翎侍衛其長子德克進布目既短視。身復羸弱。著解退粘竿處。拜唐阿。令成德帶往任所養育。○諭軍機大臣曰。明亮等奏從前察喀爾西雅克部落阿哈拉克齊占頗拉特等將前來貿易之安集延回人及喀什噶爾回人等馬匹奪去千餘匹一案。今

經博斌等將占頗拉特及其子伯爾克並塔爾巴噶什之布魯特阿哈拉克齊玉默特等獲。分別辦理等語。所辦尚妥。布魯特等互相擄掠。雖係伊等常事。似此會合多人。奪取貿易回人馬匹。至千餘匹之多。者亦所罕有。若不懲辦。恐別滋事端。明亮等乘其不備。遣兵將占頗拉特等拏獲。實屬可嘉。明亮伊斯堪達爾著各賞珊瑚朝珠一串。大荷包各一對。小荷包各四個。博興著賞大荷包一對。小荷

包四個。博斌著賞大緞二匹。大荷包一對。小荷包二個。其隨往之布魯特比回子等亦各奮勉。充巴噶什部落之布魯特比玻什輝著賞給二品頂戴。齊哩克部落之布魯特比呼圖魯克著賞大緞一匹。齊哩克部落之布魯特阿哈拉克齊庫楚克著賞給六品頂戴。希布察克部落之布魯特比多連之弟色提巴爾第著賞給五品頂戴。花翎多連之子圖爾第愛勒推著各賞大緞一匹。充巴噶什部落

之布魯特華特著賞戴花翎。璉齊著賞五品頂戴花翎。伊斯堪達爾之姪瑪捫著賞二品頂戴。呼圖魯克都斯著賞三品頂戴。布魯特岳勒達錫列丕野斯托里雅什曲魯曲俱著賞戴金頂以示鼓勵。占頗拉特之子伊第哩呼里等懇請緝送賊犯以贖其父。明亮等未將占頗拉特辦理暫候亦是著將占頗拉特妥為看守。伊子果能緝賊送到時再辦。或送京師安插。臨期酌量妥辦。如此既可絕其根株。各布魯特知所畏懼。竊盜之案自必稀少。巴斯起斯比等各派阿哈拉克齊與博斌引路。俱應加恩著寄諭明亮查明每人賞緞一匹以示鼓勵。又諭據福崧等奏和闐一年交剩糧石折交布二萬六千八百餘匹等語。前此保寧奏伊犁貨買哈薩克牲畜不敷布匹。請向商民回子等購買應用。奏到時朕即以爲買民布匹不免從中多被沾潤。莫若令喀什噶爾等城辦運。今和闐一城餘穀即可

折布二萬六千餘匹。若將伊犁不敷萬餘布匹分派各回城折交。尚不爲多。著傳諭保寧明亮將前項不敷之數即分派各回城折布送交伊犁備用。丙申。

上詣

安佑宮行禮。

御定重排石鼓文十章。刻石鼓於太學及熱河文廟。○御正大光明殿賜朝正外藩等宴。召左翼烏珠穆沁和碩親王瑪哈索哈巴林親

王品級多羅郡王巴圖固山貝子和碩額駙德勒克喀喇沁親王品級多羅郡王滿珠巴咱爾奈曼多羅郡王拉旺喇布坦。教漢多羅郡王齊默特魯瓦固山貝子桑濟扎勒土默特多羅貝勒索諾木巴勒珠爾翁牛特多羅貝勒濟克濟扎布右翼科爾沁和碩親王旺扎勒多爾濟多羅貝勒三音察素固山貝子錫第阿拉善和碩親王旺沁班巴爾。回部郡王品級多羅貝勒哈第爾阿克蘇三品阿奇

木伯克貝子品級公邁默特阿布都拉。阿魯
科爾沁多羅貝勒阿爾達什第喀爾喀多羅
貝勒衮布多爾濟固山貝子德沁喇木丕勒
等至御座前賜酒成禮。順天府行鄉飲酒
禮。

實錄卷之五

五

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百四十六

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百四十七

監修總纂官經筵講官太子太傅文淵閣大學士文淵閣領閣事領閣內大臣稽察欽奉 上諭事務管理
吏部理藩院事務正黃旗滿洲副都統古鑾將都尉軍功加七級隨帶加一級尋常加二級軍功紀錄一次著陸
總纂官經筵講官太子太傅文淵閣大學士文淵閣領閣事稽察欽奉 上諭事務管理刑部戶部三庫事務
世襲騎尉軍功加十九級應帶加二級又加二級尋常加一級尋常加二級軍功紀錄一次著陸
尋常紀錄十四次臣德琳謹遵講官太子少保工部尚書紀錄六次臣曾振瑞等奉
敕修

乾隆五十五年庚戌正月丁酉

上御正大光明殿賜大學士尚書等宴。戊戌
諭朕此次祇謁

兩陵巡幸山東並親詣曲阜展禮

孔林已降旨於二月初八日啟鑒著質親王
怡親王大學士公阿桂大學士嵇璜留京辦
事其月選之文員內佐雜及分發等官武員
內八旗護軍校驍騎校及外省送到之補放
水手官驍騎校並年滿千總等官弁俱著王
大臣照例驗放至外省督撫提鎮等奏摺俱

照上次巡幸山東之例著齋摺人前赴行在奏遞該部通行傳諭知之○廣西巡撫孫永清奏安南國王阮光平接受國印及賜詩具表陳謝並備貢物遣陪臣齎呈計正月下旬抵關又該國王與陪臣阮宏匡等書信臣閱其內情節因從前與暹羅構兵恐干諮詢今阮宏匡據實陳奏合於恭順之義書內並因伊母年高令陪臣購買人役以為奉親之寶謹將原書由驛呈進諭軍機大臣曰阮光平祇領印信詩章備深感激遣使具表陳貢係出至誠現在朕於二月初八日啟鑒巡幸山東計該陪臣等於正月下旬進關起程到京自尚需時日著傳諭該撫計算日期或令該貢使等於朕駐蹕泰安及行抵曲阜時即在該處瞻觀固屬甚善倘不能如期趕赴則竟俟朕於四月十六日回鑾後令該貢使等在京瞻仰另行酌予宴賚亦無不可此次該貢使等總令按站畧速行走不必再似前次之

趨程太速致多勞頓也又據奏稱阮光平現在寄信與陪臣阮宏匡等令將暹羅與安南構衅緣由據實陳奏並將原書進呈等語現在暹羅與安南使臣同赴關廷共與筵宴幾及兩旬彼此並未提及從前起釁緣由亦並無些微形跡朕亦未經垂詢現將該國王所寄原書交與正使等閱看並因伊國母年高賞給人役一劬繕寫勅書並前此硃批表文先行發去該撫接奉後即委員齎赴鎮南關交該國鎮目轉遞阮光平收受該國王自當倍深欣感○賜安南國王阮光平勅諭曰廣西巡撫孫永清奏國王與左江道湯雄業書內稱阮光顯等回國備述瞻觀關廷疊邀寵錫惟有進京祝釐伸悃現在修表進貢謝恩至陪臣阮宏匡等於燈節前到京與諸國藩王使臣同與筵宴內暹羅國與安南曾經構衅恐奉垂詢特寄信與陪臣令其據實陳奏等語並據巡撫孫永清將國王寄阮宏匡等

原信進呈披閱之下深為嘉予國王備列藩封疊膺寵眷感激欣忭具見悃誠所寄陪臣之語令其一切據實陳奏朕甚嘉之至國王節次恭遣陪臣奉表進貢不絕於道今年三月內復親詣闕廷祝釐伸悃足徵傾心向化事大情殷至因陪臣阮宏匡等到京正值新年宴賚外藩之時與各國使臣齊與慶宴其中暹羅一國與安南曾經構衅稱兵恐彼國使臣巧言媒孽令阮宏匡等於垂詢時據實

陳奏尤見國王抒誠効盡一切無疑竟如家人父子恪事小心但朕宴賚外藩時萬國朝正共球畢集如朝鮮琉球暹羅廓爾喀等國無不善錫慶筵同沾闡澤暹羅使臣與爾國使臣雖共列朝班典儀肅穆無由交接語言况外藩部落渥荷龍光均為屬國朕從來撫馭中外一視同仁屬國陪臣斷不敢以國中私事上瀆聽聞暹羅使臣與爾國使臣既相忘無事天朝體制亦未嘗特加垂問各國私

事也又國王寄阮宏匡等信內稱國王之母年登八十氣體稍衰願得上好人役以供饘粥令阮宏匡到京時多方採買隨便寄回一節國王因今春入覲祝釐萬里遠行暫違定省令陪臣購買人役以供奉養足見國王既殷瞻觀之誠復切晨昏之念實為忠孝兼全深可嘉尚茲用特賜人役一勛以資卿母高年補益若交阮宏匡等齎回恐於國王起程之前未能趕到特由驛報交巡撫孫永清委

員齎赴鎮南關交爾國鎮目轉遞國王收受自可早慰娛親之意國王更可乘此春融風日暄和緩程入覲承受朕格外恩施又國王前次奏謝賞賜朝珠荷包表文情詞脫懇朕親為批答即交阮宏匡等齎回今亦附報發去俾國王早悉朕眷注優厚為外藩罕覩之事益當祇承嘉予倍篤忠忱仰副朕懷常膺寵錫欽哉特諭以山西大同鎮總兵彭廷棟為貴州提督貴州都勻協副將巴揚阿為

大同鎮總兵（庚子）直隸總督劉綎奏直省長隄疊道等工因上年秋雨漫溢衝刷前經奏請興修現勘清河天津二道屬之千里長隄瀦龍河大清河等隄及西沽南倉海河等處疊道並永定道屬之鳳河東隄均關水利民田廬舍除汕刷無幾仍勸用民力培修外其衝塌過甚需土較多災歉之後民力拮据應請照工賑例每土一方給米一升銀一分如工程險要土性浮鬆者給減半畚礮銀一分八釐零米石於賑剩米內撥給銀兩於沙灘地租及水利平餘項下支用報聞○河東河道總督李奉翰巡視東漕御史和琳奏微山湖為運道水櫃向例俟挑工完竣於二月間開壩本年南漕已復舊制其來甚速若照向例未免拘泥現八閘內如大泛口淤沙及張莊德勝閘等處攔門沙灘業經挑完竣其南旺彭口等處餘工無幾臣等酌於初六日啟開俾湖水由邳宿直達楊莊仍將南旺等

工尅期辦竣亦即啟放汶水通行灌注得旨應如此聞河南船亦有待放水之事何也尋又奏河南糧船經行臨清閘外衛河每水小之年待上游蘇門山泉接濟近衛河底水本有七八尺凌化即可通行無須停待報聞○辛丑江南河道總督蘭第錫奏淮陽堰圩兩廳臨湖石工及裏外兩廳濱湖磚工前經奏明俟水落確勘現查石工計倒卸五十餘段自一二丈至十餘丈不等零星腰洞及掣卸海墁石塊不下百餘處除著原辦官賠修外其補修舊工及裏外河磚工均派員趕修其清口以下各廳埽壩工程上年俱已加鍊而舊工埽底間有腐朽及墊陷卑矮段落應拆修幫培俱飭估計鍊做再邳宿運河楊莊口門各壩現督令收窄以束水勢得旨覽奏俱悉○壬寅諭軍機大臣等向來暹羅國進貢俱遣使臣三四員不等此次該國例貢與萬壽貢同進所遣使臣仍止係四人前據該督

等奏令將例貢及萬壽貢分起來京經朕降旨令其均於年底一併前來免其在粵守候以示體恤幸而如此辦理若令分起前來則貢使祇此四員雖據該督奏明分作兩起齎貢但未將每起員數聲明是否此四員外另有遣來使臣業經飭令回國之處摺內亦未明晰此時該國陪臣與宴等禮已畢將及起程回國無關緊要朕向來辦理庶務從不肯顛預混過著福康安等詳晰查明遇便據實

覆奏○又諭據何裕城奏江西行銷淮鹽歷來報道鹽帳價俱照定價開報而該商於鹽壅銷滯之候不得不減價出售以致按照定價覈算不無缺少地方官祇防其昂價以病民不虞其賤價以牟利此雖相沿陋例與課項無關而於理究有不合現在覈對帳目如果別無他弊即當剴商全德明定章程俾各商鋪畫一銷售等語前因江西鹽引銷售銀數全德所奏與書麟奏報原數不符恐有以

少報多情弊自應徹底清釐今據該撫查明商人等隨時市易價值間有參差開報時仍照定價呈報於課項並無短絀所言尚為有理況商人銷售引鹽官為定價原恐其昂價居奇有妨民食若於鹽多銷滯之時減價速售希圖廣銷取利既於官課無虧又於商民兩便自應聽其通融辦理該撫所請定立章程俾各商鋪畫一銷售之處殊可不必看來此案情節或係全德因曾經叅奏於前欲實

前言復為此奏亦未可定該鹽政奉到節次諭旨迄今未據奏覆自係有礙難辦理之處是以遲遲未奏著傳諭全德即行詳悉查明據實具奏毋得稍有迴護又諭據畢沅奏考城縣移建城垣錯誤一案請罰交銀二萬兩以贖前愆等語考城縣移建城垣在於垆陽曠野之處憑空興造以致工料運腳俱多糜費畢沅前曾親往勘視並不據實陳奏遷就興工自有應得之咎但查該督節次賠繳

各項其未完銀兩為數尚多除已交部嚴察議奏外此次請罰交銀二萬兩著加恩寬免嗣後該督更宜感激奮勉實力辦公毋再遇事遷就致干咎戾也將此諭令知之○以刑部郎中阿精阿為直隸按察使○癸卯諭軍機大臣等本年朕八旬萬壽安南國王阮光平赴闕祝釐先至熱河瞻覲準於三月中自該國起身進關距八月萬壽之期尚有數月該國王初入內地道路遙遠正值天氣炎熱之時自應緩程前進不必過於趨行朕夏秋駐蹕熱河已定於七月二十六日在萬樹園筵宴藩部八月初三日始行啟鑾回京著傳諭福康安計算程期令阮光平於七月二十一二前抵熱河俾途中行走從容不致勞頓以示朕體恤遠人至意○又諭本年朕八旬萬壽中外臚歡前據兩淮及浙省商人顯請承辦慶典段落以抒祝嘏悃忱業經允其所請但朕夏秋間駐蹕熱河定於八月初三日

啟鑾初九日回京所有段落點綴毋庸早為安設該商等儘可從容赴京辦理著傳諭琅玕全德即諭知各該商等令其於八月初五日以前抵京亦不為遲○又諭從前哲布尊丹巴呼圖克圖奏請來京恭祝本年八旬大慶已照所請令於七月初五日以前赴熱河並輪應木蘭班次之土爾扈特杜爾伯特和碩特烏梁海青海回子等亦均於七月初五日以前前來今朕於八月初三日啟鑾回京定於七月二十六日在熱河筵宴各國來使倘令哲布尊丹巴呼圖克圖及應來之土爾扈特等仍於七月初五日以前前來時值天氣炎熱雨水必多伊等俱未出痘徒使守候多日於伊等未便著寄信保寧恒瑞明亮蘇瑞多爾濟奎舒等明白曉諭哲布尊丹巴呼圖克圖及應行前來之土爾扈特杜爾伯特和碩特烏梁海青海回衆令其各酌於七月二十二三日可抵避暑山莊量期起程○

甲辰。

孝聖憲皇后忌辰遣官祭

泰東陵○

上詣

恩慕寺。

恩佑寺行禮○諭軍機大臣等。前據孫永清奏阮光平接到欽頒國印並續奉御製詩章具表陳謝並遣陪臣呈進貢物約計於正月下旬抵關等語已降旨令該貢使等起程前來

矣。朕於二月初八日起鑾巡幸山東計該陪臣等於正月下旬抵關後即自粵西起程到京尚須時日著傳諭孫永清計算程期或令於朕駐蹕泰安曲阜及行抵泉林時即在該處瞻謁倘不能如期趕赴則竟俟迴鑾後令該貢使等在京瞻仰亦無不可總須按程前進沿途行走舒徐不可以前貢使阮宏匡等併站兼行以致過於勞頓該撫酌定後即飭知護送委員等遵照辦理並即將該貢使等定於

何處可以瞻觀之處迅速具奏並諭福康安知之○乙巳禮部題朝鮮國王李祘表賀

萬壽得旨覽王奏賀知道了本年朕八旬壽辰萬國瞻歡凡屬庶邦君長莫不遠觀來庭躬親祝嘏今王特於年例正貢之外復備物先期呈進具見恭謹悃忱著即賞收並准作為次年萬壽正貢以示體恤該部知道○丙午諭軍機大臣等昨召見胡平府知府張世祿察其才具甚屬平常該員係兩次六年俸滿

給咨送部引見之員該撫於屬員賢否單內尚稱其居官勤勉辦事留心因檢查從前勒保伊桑阿任內所奏屬員賢否單內則僅稱為在任年久黽勉供職并有辦事拘泥之語可見勒保等於屬員賢否尚能留心覈實而海寧填註該員考語尚稱其辦事勤勉殊屬非是該員係兩次俸滿如果才具尚好並能勤勉供職早應予以升擢乃兩經俸滿並無出色之處胡平雖係簡缺但知府尚有表率

屬員之責豈可以無用之人濫膺厥職以為姑息養老之地著傳諭海寧接奉此旨後遇有疑難案件即委令該員承辦試其才具其能否勝任之處無難立見如竟不能勝任即應據實奏明或以京員改用斷不可稍存姑息再俟六年俸滿以致貽誤地方該撫毋得稍有迴護致干咎戾也○又諭據富綱奏准新任學政蕭九成移稱親子蕭池於上年已酉科恭應順天鄉試中式第六十名舉人嗣因簡放雲南學政於九月十六日自京起程將伊子帶至任所幫辦家務原擬不赴來年會試到滇後接閱印鈔始知順天一榜舉人俱須按名覆試並於二月初一日以前取齊雲南距京遙遠勢難如期趕到應否送京補行覆試之處謹據情代奏等語上年因查出科場內仍有代倩聯號等弊是以降旨將順天中式諸生定期嚴加覆試如有託故不到者即予革除以示懲儆蕭九成之子蕭池如

於奉有覆試諭旨之後在京攜帶起程明係意存規避即當革去舉人今據奏該學政於九月十六日出京而順天覆試諭旨係十月初四日頒發是其起身時因未知有舉行覆試之事尚無託故規避情節即所有該學政之子蕭池竟著於下科補行覆試此時不必再令送京將此傳諭富綱轉諭蕭九成知之○吏部議工部侍郎德成於駁減河南考城縣城工單銜具奏照例降級調用無級可降應革職得旨此案德成獨出已見單銜具奏實屬任性乖張其咎較重著降為三品頂戴署理工部侍郎仍帶革職留任丁未諭曰郭世勲奏南海縣耆民梁殿伯現年一百一歲孫曾繁衍視履康強請旨旌表等語梁殿伯年越期頤孫曾繞膝洵為昇平人瑞其應行建坊旌表及賞給緞疋之處著該部照例具題○戊申諭據何裕城奏安福縣知縣時本榮親父生員時舒安現年八十四歲精神矍

鑠五世同堂等語時舒安就養官署年逾八旬曾元統膝實為熙朝人瑞所有應行加恩賞賚著該部察例辦理○江西巡撫何裕城奏南昌府屬豐城縣為章貢下游民舍田廬賴東西兩隄捍護前經奏明將舊有土隄陸續酌改石工查角公嘴土隄一百四十丈除節次改建石隄石牆外墻下第一段大隄之下截內逼深湖外臨大河兼大官糧筏兩洲逐年淤漲河道夾束衝激以致隄身單薄計長十二丈應改石隄請動項建造報聞○已酉諭昨覆試已酉科順天鄉試中式舉人特派大臣嚴行校閱分別等第進呈朕親加披覽列入一二等者文理尚俱清順其三等前列之卷詞意亦尚無大疵惟三等末十五名語多疵類其四等不入等各卷竟至文義荒謬詩句不通可見該舉人等學業庸劣俸弋科名考試時或有傳遞代倩等弊均未可定本應照閱卷大臣所請拏交刑部嚴審辦理

但朕向來不為己甚且本年屆朕八旬萬壽特命開設恩科嘉惠士子不忍因此數人倖獲輟轉株連遽興大獄著將不入等第之王謩舒錦吉文增福張灃王文鱗全行斥革從寬免其訊究列入四等之陳侍廷傅大鵬魁亮謝鳳翥唐古泰著革去舉人仍加恩予留生監准其應試列入三等末之張寶鑑韓大鯨馮德濬孔源泗景福陳爵馬大良多靈額賞澧張燕翼李洙馬蘊懷廣佳郭希和周永瑞等十五名俱罰停會試一科以示薄懲其三等之聶思聰等九十二名均加恩免其停科至監臨等場規不肅有意沽名雖有應得之咎但前因萬治庭頂名聯號一案業經降旨將伊齡阿汪承霈降調著加恩免其再行議處其主考同考官等亦一併免其交議此朕恩施格外樂予從寬士子等務須各知感愧勵志讀書懷刑自愛毋再心存倖進致罹法網監臨考官等亦當秉公矢慎內外肅清

以期遵拔真才屏除弊竇用副宵過施仁諄諄訓誨至意○又諭琉球國王恪守藩封素稱恭順重洋遠隔職貢維虔此次於例貢之外恭進謝恩方物使臣等恐照向例留作下次正貢具呈禮部請為代奏恩准賞收下次仍請如期入貢並稱臨行時國王再三諄囑令使臣具呈籲請情詞懇切誠悃可嘉著照所請該部即將所進謝恩方物准予賞收下次正貢屆期該國遣使來京再當優加恩眷以示朕懷柔藩服之至意○巡視東漕御史和琳奏彭口濟寧等處挑工督辦完竣查去冬興挑時本將各工底水俱歸於不估挑河內壘埧攔蓄且於運河東岸分水口內築壩將汶水收入蜀山馬踏二湖現聞南漕將次入東即札河臣於十八日啟放汶水入運再往年鋪水兼放蜀山馬踏二湖現察情形可不動湖水惟儲蓄以備春夏濟運得旨嘉獎

○庚戌

上詣

大高殿行禮○還宮諭朕本年八旬萬壽宸寓富廬歡薄海內外臣民咸深慶忭即在屬國藩封或親赴闕廷或遣使叩覲無不競趨王會抒悃祝釐外省將軍督撫都統提鎮藩臬等官自必情切葵傾盡思瞻覲第念各省文武大吏職守綦重若同時並赴恐地方營伍事務管理乏人或有貽誤轉非敬事効忱之意朕於各省將軍督撫副都統提鎮藩臬內每省各酌派二三員均於八月初五日以前到京並各酌帶道府丞倅將備二三人隨同班列其未經派令來京者毋庸紛紛籲請庶各省文武官員既得遂其祝嘏之誠而於本任職司要務又可不虞曠廢方為妥善將此通諭知之○又諭此次履試舉人業經降旨列為四等者皆僅革去舉人仍留生員監生其未入等第者始行概予革退此朕格外施恩特從寬宥俾讀書者知所感愧勤學自愛

之至意。八旗滿洲世僕等自宜勤習清語騎射技藝。如學漢文亦應盡心學習。遇有考試雖未能卓越亦須列入等第。方可茲覆試舒錦吉文增福既不入等而魁亮唐古泰又列為四等。旗人之應試者較漢人為數無多而劣者即有五人。是既不勤學漢文又不精習技藝。坐荒於歧途明矣。此皆由該管都統等平日不留心教訓所致。即如鐵保圖敏所學尚有規模而不善於辦事亦屬無用。去歲朕畧為鼓舞擢用。今旗人仍復如是。誠使朕鼓勵士子之心無望矣。此等詩文陋劣自係場中舞弊始得中式。今不深究伊等即係格外之恩。其列為四等之魁亮唐古泰如照漢人准留生員監生似覺便宜而倖進之弊仍不能除。魁亮唐古泰亦著全行革去。如此輩革退後尚自以為讀書之人至含冤抑即非旗下世僕之子孫也。且一經審訊情弊得真不獨予革更須治罪。今革去生監挑為馬甲與

拜唐阿猶得錢糧餉口果能加意勤學技藝奮勉行走異日仍得上進之路如此辦理非謂旗人可不識漢字別項差役漢字亦須學也。著將此交八旗都統等嗣後不時訓教俾學漢文者務期於精。倘學力不及而希圖僥倖臨場舞弊必從重治罪。將此通諭知之。○諭軍機大臣等據長麟和琳奏南糧首進幫船於正月二十二日駛入東境在後各幫已俱跟接行走現在會同鎮臣柯藩率領沿河文武汎舟一體催趲不致片刻停留。今歲漕糧入東比去年較早四十餘日已復舊制等語所辦好已於摺內批示矣。朕此次巡幸山東地方文武官員自必在境內迎駕和琳專司漕務柯藩亦有催漕之責非地方官員可比况有長麟沿途扈隨一切差務足資料理現在漕船行走迅速雖已趲復舊制但各幫銜尾前來已入東境必須和琳等親督員弁來往查催方不致脫幫遲滯著傳諭和琳柯

藩不必赴山東交界地方接駕仍在沿河一帶催趨漕船如催漕經過地方距行在較近即可就近瞻覲倘相距較遠竟可於駐蹕濟寧時再來請安未為遲也○辛亥諭軍機大臣等涇渭為關中八水之二向來有謂涇清渭濁者又有謂涇濁渭清者迄無定說考之谷風詩云涇以渭濁解經者皆言涇濁渭清涇未屬渭之時雖濁而未甚見由二水既合而清濁益分然朕詳繹詩意蓋言涇水發源本清入渭以後其流不得不合而為濁是涇水因渭水而濁非謂涇水本濁也箋釋諸家似與經文本義不合惟宋人蘇轍詩云衮衮河渭濁元人曹伯啟詩亦有涇清渭濁源何異之句足為證據因思二水皆在陝西境內秦承恩係讀書之人以今證古詳加履看無難考據得實著傳諭該撫親赴涇水渭水之各發源地方及二水合流之處確加察視是否涇清渭濁抑真涇濁渭清即行繪圖貼說

具奏尋奏查涇水發源甘肅平涼筭頭山東至長武入陝渭水發源甘肅渭源鳥鼠山東至隴州入陝二水至高陵縣合流臣察視涇水約寬一二十丈入陝後并支流一十有四其流與江漢諸川相似渭水約寬七八十丈入陝後并支流三十有三其色與黃河正同合流處涇北渭南一望可辨七八里始混為一涇係石底四時常清渭係沙底四時常濁并於急流各取水澄之涇一石滓三升渭一石滓斗許臣以所目驗並考之碑乘詢之土著涇清渭濁毫無疑義得旨覽奏俱悉又奏其源在甘肅侯臣查明具奏批其流既清斷無其源反濁之理不必往查矣○又諭昨降旨於各省將軍督撫提鎮藩臬內每省派出二三員令於八月初五日以前到京祝釐業於名單內將書麟圈出今思八月內正屆秋汛之期一切防守事宜最關緊要書麟於河工較為熟悉若令閔鶚元署理督篆兼辦河

務究恐非所諳習。著傳諭閩鶚元屆期前來書麟。竟兼署巡撫印篆。會同蘭第錫防汎。無庸赴京祝嘏也。○又諭據鄂輝奏請來京叩祝本年萬壽大慶。昨出派各省將軍督撫副都統總兵等來京。已將鄂輝派出。令鄂輝既奏伊於來京時沿途照料。應行入覲四川番衆著照所請。准其來京。亦毋庸過早。令其酌計於八月初五日以前可抵京師。量期行走。所有應來番衆亦照所請。照料前來。○又諭本

日召見成都府知府承勲。雅州府知府沈連。朕看沈連人尚明白開展。而承勲係屬滿洲。不能清語。人亦遲鈍。動作不似旗人。即在漢員中尚係平常者。成都為四川首郡。事務繁劇。恐該員未必能經理裕如。想李世傑病後精神稍減。於屬員賢否未能詳加查察。又以承勲人尚誠實。故調任首郡乎。抑其人果明敏。辦事不露丰采。有作用乎。著傳諭孫士毅於該員回任後留心試看。如不勝首府之任。

即行據實奏明。或酌量更調。或即以沈連對調亦可。若承勲實能稱職。亦不必因有此旨。稍存遷就也。○是月湖南巡撫浦霖奏。湖南運丁半坐落湖北境內。上年江陵等縣水災。荊州及荊左二衛屯餉俱經緩徵。所需運費應請於道庫南糧米折項下借給。本年秋後徵還。下部知之。○署四川總督孫士毅奏。查新例。凡鄉會試應迴避督撫者。俱改掣他省。惟教官一項。未經議及。臣前充戊子科四川考官。取中舉人。多有選授教職。但教職不能改掣。或槩令離任。俟臣卸篆後再行咨銓。抑仍照舊例。咨部存案。遇有舉劾。隨摺聲明。得旨不必迴避。

大清高宗法天隆運至誠先覺體元立極敷文奮武孝慈神聖純皇帝實錄卷之一千三百四十七

實錄卷之一千三百四十七

去

大清高宗法天隆運至誠先覺體元立極敷文奮武孝慈神聖純皇帝實錄卷之一千三百四十八

駐劄總管經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事務處管理刑部戶部庫事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十五年庚戌二月壬子朔河東河道

實錄卷之一千三百四十八

去

總督李奉翰河南巡撫梁肯堂奏蘭儀睢寧

商邱一帶新隄土性沙鬆臨河一面漫灘逐

漸淤高隄後窪下愈覺隄身壁立單薄可虞

今查蘭陽新舊隄交接之處當蔡家樓新生

埽工之後以及十四堡二壩迤東均應幫築

土餉並應於蔡家樓上首估添挑水壩長四

十九丈連儀封二三堡加幫隄工並六堡估

築挑水壩長五十丈睢州上下汛應加幫隄

壩並高家寨頭堡下應築挑水壩長五十丈

睢下汎。十三堡大壩之東。應築挑水壩。長三十七丈。下游商邱汎。并虞城上下二汎。地形尤為卑窪。隄壩亦應加幫。現分派承辦官。以次趨修。其南北兩岸河灘。凡溝槽窪形。應築土格土壩。均經州縣派夫趕辦。得旨覽奏。俱悉。○癸丑。以舉行仲春經筵。遣官告祭奉先殿。

傳心殿。○命皇子皇孫從至經筵聽講。

上御文華殿。講官暨侍班之大學士九卿詹事

等。行二跪六叩禮。分班入殿內序立。直講官四人出就講案前。行一跪三叩禮。復位。直講官鐵保朱珪進講。中庸裁者培之。傾者覆之。二句講畢。

上宣御論曰。解是二語者。率以裁傾屬之人物。培覆屬之天。是猶視天與人物為二也。予以為天與人物呼吸相通。本為一體。夫春生夏長。非裁者培之乎。秋收冬藏。非傾者覆之乎。四時代運。貞下起元。天何容心於其間乎哉。

人與物胥在乾元一氣之中。人得其全。物得其偏。則所謂因材而篤之者也。天之栽培傾覆。一歲所必有。人之栽培傾覆。一生所不能無。是則裁傾由自取。培覆亦由自取。惟當順天之常。克己之私。或庶幾乎若必求其裁而避其傾。是猶有吉凶禍福之見於其心者。吾見其不能如四時之運矣。講官暨侍班官跪聆畢。興。直講官德明金士松進講。易經天行健。君子以自彊不息。二句講畢。

上宣御論曰。此教人以聖希天之法也。夫士之去聖賢且遠矣。而況天乎。然而不可無希之之志。若不希之。是自畫也。昔為三希堂記。畧見斯義。且天之行健。日日在人目前。予以為較聖賢之去人。為尤近耳。君子以是為法。自彊不息焉。不庶幾乎希天乎。蓋所謂自亦有二義。一曰自己。二曰自然。自己尚覺有私。自然則無為也。無為而不息。此天之所行健。而人之所當以為法也。設曰何以不息。則注之

曰克已復禮講官暨侍班官跪聆畢大學士公阿桂大學士嵇璜奏曰

皇上乾行不息本宥密之誠以在宥天下天德王道一以貫之苟區天與人而二之即非所以言天矣臣等幸侍

講筵恭承

聖訓曷勝誠服奏畢諸臣出就拜位行二跪六叩禮禮成

上御文淵閣賜茶還宮復賜宴於文華殿東廡

之本仁殿○諭朕此次巡幸山東啟鑒後所有吏部尚書事務著已延三暫行署理其戶部尚書事務著金簡兼署步軍統領衙門著綿恩署理健銳營事務著雅朗阿署理○又諭據德成奏司家莊漫口案內阿桂奏定章程嗣後堵築工程如有必需例外加用之處准令該督等豫行奏明奏銷時據實開報今周家樓漫工例外多用銀兩書麟等並未豫行奏明乃於堵築工竣後始請例外加增與

阿桂原奏未符理應奏駁工部各堂官率行咨准未敢隨同畫押具摺參奏因交軍機大臣秉公查詢茲據奏稱此項例外加增銀兩原應准銷之項該督等雖於合龍時專摺具奏但不先行奏明未免遲緩嗣後如有堵築要工必需例外加用令於工竣之先豫行具奏等語河工堵築漫口如遇工程險要例價不敷原可隨時據實具奏候朕酌量加恩從前阿桂奏定章程准令將加增之數豫行奏

明即准覈銷已不免為工員豫留地步今軍機大臣以此項本應准銷惟該督所奏遲緩議令嗣後如遇要工准於工竣之先具奏不免開例外多銷之漸書麟此奏原係奏銷之前先行摺奏者若如軍機大臣此議是先奏之前又添一先奏且於德成所奏情形調停兩可意存遷就均屬非是至德成堅執已見遇事囁嚅爭辯不過欲露其辦事認真并不得謂之要名沽直即如此案加增銀兩既據

書麟於奏銷前專摺奏明。而德成以其未在建工竣之先具奏。與阿桂原奏不符。欲行議駁。又不與同部堂官和衷商辦。遽行單銜。實奏。本有應得之咎。即不加以重譴。亦當責處示懲。但軍機大臣定議。未能允協之處。業已從寬免究。朕亦不肯獨治德成之罪。德成前已降為三品頂戴。著再降頂戴一級。仍以四品銜留工部侍郎之任。朕於諸臣功過。權衡悉當。一秉大公。惟以事之是非為準。從不稍存

偏倚。此事德成與工部堂官各存意見。不過於部中公務。口舌相爭。尚非競勝營私。致蹈門戶黨援之習。故爾從輕辦理。嗣後務當共矢寅恭。盡心供職。毋負朕諄諄教戒。矜全至意。○軍機大臣以移建城工錯謬之歷。任何南巡撫布政使等分別議處具奏。諭此案江南身為藩司。有錢糧奏事之責。隨同畢沅往勘時。並未將堦陽不宜建城之處稟商該撫。又未自行陳奏。遷就興工。以致採辦艱難。多

糜運費於官民均多不便。獲咎實在於此。本應照部議革職。姑念該員尚無浮冒草率情弊。其前後覈減擅發銀兩。業准照數賠交。江南著加恩降為道員。俟服闋後來京。交該部帶領引見。李承鄴久任藩司。於地方一切情形。自所熟悉。乃於河南藩司任內。移建城垣要務。並不幫同富勒渾慎重履勘。率行首定基址。詳請具奏。其咎與江蘭相等。況曾有承奉陳輝祖之事。其歷任不過模稜了事。李承

鄴亦著降為道員。來京交該部帶領引見。所遺雲南布政使員缺。著費淳補授。畢沅李世傑。何裕城俱著從寬免其革任。仍註冊伍拉納著改為降三級。從寬留任。梁肯堂景安等准其銷去。加一級。抵降一級。均免其降調。陳奉茲著銷去。加一級。仍降一級。留任。康基田唐侍陞德昌俱著各銷去。加一級。抵降一級。均免其降級。餘依議。○諭軍機大臣等。本日畢沅惠齡奏到摺內。俱以今秋為朕八旬萬

壽。中外臣民歡騰慶洽。懇請俯准入覲祝釐等語。該督撫同駐湖北省城一切地方事務俱資督率辦理。豈有並請入覲之理。可見該督撫所稱依戀慶祝並非出於至誠。不過以一奏塞責。殊非敬事効忱之義。畢沅惠齡俱著傳旨嚴行申飭。並著傳諭惠齡仍遵昨降諭旨。於八月初五日以前到京。畢沅不必再行籲懇。以致貽誤地方公務也。又諭曰富綱等奏據署騰越鎮總兵定住稟稱探得緬甸國長深感天朝厚恩。敬備表貢遣使叩祝萬壽。并欲求請封號。其貢物象隻俱已備齊。定於新年坐擺完畢。即令貢使起身等語。緬甸國長孟隕前年遣使輸誠。敕關納貢業經恩准。內附賞賚回國。此次敬備表貢致潔告虔。遣使來京祝釐。請封實係好事。自應於該貢使到時頒賜勅書。給予封號。以遂其感激籲請之忱。該督等於該貢使抵關後務宜遴委妥員護送前進。即著該總兵定住督同伴

送。庶沿途照料更為妥善。朕夏秋駐蹕熱河。已定於七月二十六日筵宴藩部。八月初三日啟鑾回京。著傳諭富綱等計算程期。令該貢使於七月二十一以前行抵熱河。俾途中行走從容。以示朕體恤遠人至意。仍著於該貢使抵關後何日起程。計算何時可到。迅速奏聞。再摺內稱該國長以孟幹前年來京料理進貢事宜妥協。特換管老官屯夷務。此次進貢係該頭目在彼經理等語。並著富綱查明此次進貢是否。即令孟幹齎送到京。抑或另委何人。使臣共有幾名之處。仍即一併速奏。又諭本日據富綱奏緬甸國長孟隕敬備表貢遣使叩祝萬壽。並欲求請封號。其貢物象隻業已齊備。該國長定於一交新年齋潔告虔。即令貢使起身等語。前年該國長遣使輸誠。敕關納貢業經恩准。內附賞賚回國。此次虔備表貢遣使來京祝釐。請封實係好事。福康安聞之自必同深慶幸。著傳諭福

康安侯阮先平進關後遇使告以緬甸國長現在亦欲遣使赴闕虔備貢品恭祝萬壽求請封號皆由大皇帝統御中外萬國輸誠是以荒服炎徼莫不傾心向化効悃來庭如此明白告知阮先平自必踴躍歡忻益深傾向也○兩江總督書麟江南河道總督蘭第錫奏遵旨履勘周家樓漫水經過河渠酌籌疏濬查自該處至洪澤湖西一百五十餘里上游毛城鋪峯山閘減下之水均由睢河及豐

山泗山等湖滙循歸仁隄出董家河安仁利仁等閘經安河入湖現在深通足資宣洩惟附近南岸大隄一帶從前魏工郭工漫水衝出各河形此次多致停淤又衝出新河寬數十丈及十餘丈不等其舊河淤阻應勸用民力挑濬至宿遷縣白洋河村之民便河有十八九里淤為平陸該處自白洋河村至歸仁閘計長三千二百九十餘丈應挑寬五六丈深五尺至一丈二尺請借項照估挑挖工完

仍於該縣地丁內攤徵歸款得旨以實妥為之○禮部題朝鮮國王李祘遣使表賀

萬壽冬至元旦三大節及進歲貢方物宴賚如例

○蠲免直隸永清縣柳園隙地武清縣葦地

乾隆五十四年分水災租賦並緩徵蠲剩銀

兩○甲寅遣官祭

先醫之神○遣官祭

關帝廟○乙卯遣官祭昭忠祠○諭曰保寧

奏稱陞補山西蒲州都司之伊犁守備宋元

祥年力衰邁應請毋庸陞補都司員缺歸部

另行選補宋元祥應請勒令休致等語伊犁

係邊要地方所有官員務須年力精壯方收

臂指之效宋元祥年力衰邁保寧理應早行

奏奏勒休即屯田之事亦不應令其管理顯

係從前因循未辦今因部選陞補都司送伊

來京引見恐朕看出獲咎始行奏奏此等情

事安能逃朕洞鑒耶保寧著嚴行申飭宋元

祥即令休致所遺都司守備員缺著交該部

照例另行辦理○工部奏准熱河副都統咨
操演子母礮坐裂母礮一位應交造辦處撥
給仍將前項舊礮送部得旨熱河應換礮位
著照例撥給其損壞舊礮即交熱河工程處
鎔銷備用毋庸送部○以察哈爾部落領隊
大臣那延厄魯特部落領隊大臣訥音對調
○兩廣總督公福康安疏報墾築廣東隆澳
廠鹽田二十四漏升課如例○是日起
上以祭

社稷壇齋戒三日○丙辰春分朝
日於東郊

上親詣行禮○兩廣總督公福康安奏查廣西
各府安插黎維祔等三百七十二名口遵旨
祥加酌覈內將黎維祔黎維祔等六十一名
口為一起其丁近衡潘啟德阮廷沛潘孟賢
等一百八名口分三起解送進京此外閑阮
傑黃廷球阮賢阮廷建黃德鄧黎允俊閑阮
琬段旺等二百三名口安置江南等省若於

此數起內酌留粵西恐安南壤境毗連日久
仍生事端自應全數解送編管又查解京人
口除著名之人其餘各名下俱有弟兄親族
可分為數十戶編一佐領現京城建蓋房屋
足資棲止報聞○丁巳祭

先師孔子

上親詣行禮○諭軍機大臣等昨據福康安奏
湯雄業將安南國王阮光平寄阮宏匡等書
信拆閱係屬照例辦理福康安因書已拆閱
有屬令使臣購買人獲之事未便作為不知
已備獲四兩專摺照會發交湯雄業委員馳
送諒山等語所辦俱好向來外藩遞送書函
進口例由管轄大臣拆閱今湯雄業在彼駐
劄見阮光平有寄伊陪臣書信不稍拘泥照
例拆閱並將原書寄遞福康安等轉奏尚為
得體至阮光平因伊母年老氣體稍衰意欲
購覓人獲不敢遽行入告而又料及所寄書
信必經內地拆閱希冀奏達後自必蒙恩賞

賚阮光平殊屬巧於用心。福康安即給獲四兩。俾該國王將母有資。安心入覲。雖與朕意符合。但人獲為內地貴重之物。前於孫永清奏到時。朕加恩賞給一觔。福康安又先酌給四兩。若似此有求必遂。無所節制。伊轉視為泛常。無足輕重。福康安亦不可不稍為留意。俾阮光平知人獲實非易得。而天朝格外優賚。更可堅其向化之誠也。將此諭令知之。○湖廣總督畢沅。湖北巡撫惠齡。奏臣等前奏

築潛江縣仙人舊隄。經軍機大臣議令覆查。奏明請旨。今查潛江在鄖襄下游。漢江之水建瓴東注。上年夏秋異漲。宣洩不及。倒漾而西。江陵監利荊門俱受淹浸。臣與藩司熟籌易家拐隄。頂衝迎溜。現已衝成深潭。難以施工。是以將該處讓去。修復仙人廢隄。以資保障。應懇照臣前奏。酌發修費。迅速辦理。工完後仍於潛江江陵監利荊門等州縣分三年攤徵還款。計此時距汛期已近。現派分段趕

築勒限四月完竣。報聞。○戊午祭

大社

大稷

上親詣行禮。○諭曰。梁肯堂奏武士鉉等未完分賠青龍岡等處漫工銀兩。請旨分別叩抵等語。此項分賠銀兩。本應如數追繳。第念武士鉉雖現署守備。究係微末武員。崔見龍孫自祥之子。均屬河營末弁。一時無力完交。所有未完銀兩。著加恩免其追繳。其應得廉俸

俱不准支給。所扣廉俸抵完賠項之後。再准支領。張際望王可立業經身故。現無子嗣。居官俱著全行豁免。更不必分賠矣。該部知道。○步軍統領衙門奏。湖北廣濟縣民楊澄霏呈控該縣重徵勒折。請派大員往審。得旨。此案著派韓鐸。玉德馳驛前往。秉公嚴審。定擬具奏。所有隨帶司員。著一併馳驛。原告民人楊澄霏著照例解往備質。○己未上啟鑒。謁

東陵。

西陵巡幸山東。命皇十一子永理。

皇十五子

皇十七子永璘隨駕。○諭朕祇

謁

兩陵巡幸山東。道經畿甸。當春行慶。首塗所及。

宜沛恩膏。著將直隸經過州縣。本年應徵地

丁錢糧。加恩蠲免十分之三。○又諭據勒保

奏。甘肅固原州監生陳薈十世同居一門男

婦大小一百三十餘人等語。陳薈合族同居。

業經十世。兄弟歡愉。孫曾蕃衍。洵為盛世休

徵。特製詩章。並書扁額。以賜所有應行旌表

之處。著該部照例具題。○

御製詩曰。去歲肯堂七世報。今春勒保更三加。

古楊今許已稱盛。昨豫茲甘較匪遐。弗以多

辭欣俗厚。肯稱祥即信時嘉。載咨大小長民

吏。崇實相將漫瑞誇。○

御製扁曰。聚順延祺。○諭軍機大臣等。據長麟

奏。濱州舉人薛對元與貢生杜宜豐尋衅經

杜宜豐具控該州。即差役緝獲薛宗孟。薛棟

等解州審辦。薛對元復糾人奪犯毆傷差役。

現將薛宗孟等復行拏獲。惟薛對元連夜逃

走。赴京會試。已飛咨直隸。並提督衙門一體

查拏。務獲等語。薛對元身係舉人。與杜宜豐

尋衅爭毆。已屬生事。及該州緝獲案內人犯。

復敢於中途奪犯。擅行釋放。毆傷差役。尤為

不法。必須嚴密緝拏。務獲究辦。雖據該犯家

屬供稱。現已潛赴京會試。但該犯自知罪重。

竄迹潛逃。豈有將實在蹤跡。向人告知之理。

或竟係在隣省。及附近地方潛匿。串捏此供。

以為誣誣漏網之計。亦未可定。長麟何以未

見及此。僅咨直隸一帶查拏。致稽疎縱。著傳

諭綿恩。及順天府尹。直隸。河南。江南。各督撫。

一體嚴拏。緝獲後。一面速行解赴山東。一面

奏聞。並著長麟嚴飭所屬各州縣。實力躡緝。

毋任遠颺。○是日駐蹕烟郊行宮。○庚申。諭

據那奇奏。稱發遣奴犯顧越。即蕭二元。薛

文。二人脫逃。已派委弁兵。嚴行緝拏等語。此等入犯。俱係身罹重罪。免死發遣為奴重犯。該將軍等平日。理宜不時留心。嚴加管束。毋致脫逃。即或脫逃。如果迅速派委員弁。於本境要隘處所。嚴行截拏。該犯等甫經逃走。斷不能越境遠颺。必致拏獲。該將軍等平日。怠玩從事。並未加意嚴行管束。及脫逃後。又不速行派人於境內嚴拏。惟賴咨行隣省原籍。代為捕緝。以致東三省發遣人犯。不時逃竄。

現在脫逃發遣為奴人犯。顧越即肅二元薛文二名。著交那奇泰等。即行派委幹弁兵。於境內各處。嚴行搜緝務獲外。並將此飭諭東三省將軍副都統等各將此等人犯。務須嚴行管束。遇有脫逃者。即行派委弁兵。於境內邀截嚴緝。斷不可如此怠玩從事。惟藉他處代為緝拏也。○諭軍機大臣等。上年據蘇凌阿。劉東恬奏。請挑濬通惠河大通橋護城河。並修砌朝陽門外卸米泊岸。特派金簡會

同估計興修。即日開工辦理。此時早應全竣。朕昨出朝陽門見護城河尚未放水。石砌泊岸亦未完工。所辦均屬遲滯。此項工程。係上年九月內勘估。迄今已及五月。去冬天氣暄和。尚少沍寒凝凍之時。一交春令。土脈已融。原非向年可比。何以直至二月初旬。猶未奏報工竣。著交部議處。現在東豫二省漕船多已抵通。南糧亦俱銜尾前進。趕緊北上。若抵通後。因等候工程不能起卸。以致遲誤漕運。

更屬不成事體。昨已面諭蘇凌阿。劉東恬令其即日同赴工所。勒限迅速督催。自初九日起。限至十三日。將泊岸河道一律趕完。候朕遣人前往勘視。並著金簡於十四日。趕赴南苑舊衙門。將辦過工程。詳細繪圖貼說。並將是否不誤漕運之處。據實面奏。其承辦護城河及卸米泊岸遲滯之監督等官。並著金簡等查開職名。分別議處。再朕閱所挑河工。竟似乾溝。若不能一律深通。挑河最易滋弊。多

致有名無實著金簡等照原估丈尺酌量再加落深以利漕運不得因估計在前稍存迴護挑竣後務須逐段查量屆期再行放水如新舊泊岸彼時尚未乾透莫若將河身內挖起泥土幫培泊岸之旁既可作護岸之用又得省運遠之費豈不一舉兩得金簡何以未見及此將此由四百里諭令知之○是日駐蹕白澗行宮○辛酉諭朕此次東巡所有經過直隸地方各營汛兵丁有派辦差務者俱

著查明賞給兩月錢糧○諭軍機大臣等據湖北學政李長森奏廣濟縣生員張植藻私赴李長森原籍家內面晤伊姪李振鏞批點課文並呈出詩稿名帖顯有賁緣撞騙情弊現已行學斥革並咨明督撫飭提該犯嚴審治罪等語張植藻係湖北生員膽敢至該省學政原籍家內呈送詩稿希圖賁緣鑽刺殊屬不法著畢沅等即行提訊該犯嚴究辦理因思上年在密雲縣地方有遣人投遞策論

之馬晏清一犯在逃未獲前據李世傑查奏馬晏清年貌據稱該犯一名張國安又名張代文係湖北松滋縣人又稱江陵人在建始縣訓蒙度日曾傳諭畢沅等嚴密查拏迄今未經弋獲該犯屢易姓名蹤跡詭秘今在李長森家內呈送詩卷之犯亦係張姓籍隸湖北或即係馬晏清所冒託亦未可定著傳諭該督等向該犯嚴切訊究若果即係馬晏清則是自投法網前案即可完結也○是日駐

蹕隆福寺行宮○壬戌

上謁

昭西陵

孝陵

孝東陵

景陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員

隨行禮○至

孝賢皇后陵酌酒○

孝康章皇后忌辰遣官祭

孝陵○諭據全德奏江西鹽價短少緣由實因省店每遇滯銷勢不能不跌價出售而報官不敷定價恐干駁詰又不得不以定價具報是以報價與賣價多有不同並非該護道押令虛報省店亦無影射情弊等語前因全德具奏江西銷鹽價值不符朕即以出售銀數較報價短少而於官引課項並無虧絀自係該商等通融酌辦其中似無他弊嗣據書麟何裕城查明商人等減價速售希圖廣銷取利以致不符定價具奏參差所言自屬確實即經傳諭該鹽政秉公詳查不可因參奏在前欲實前言稍存迴護茲據查明銷售價值不符之處與書麟等所奏相同並稱該護道及省店商人均無影射情弊果不出朕之所料從前全德辦理此事未免過刻全德著傳旨申飭○是日駐蹕桃花寺行宮○癸亥諭

本日惠倫幫轄行走問伊有無子嗣據稱現有一子名伯樞等語奎林係朕滿洲世僕與伊子孫起名自當擇取清語伊孫呼為伯樞殊近漢習甚屬可厭朕已令改名伯奇圖遇便著將奎林中飭○又諭據奎舒奏章嘉呼圖克圖之呼畢勒罕於本年正月出痘身體甚為妥善等語前世章嘉呼圖克圖久居京師廣聞黃教現今呼畢勒罕出世聞其稟質聰敏但以未經出痘不能來京深為懸念茲聞出痘妥順朕心欣悅特派乾清門侍衛佛爾卿額馳驛前赴西藏齋朕常佩護身吉祥佛一尊並御用珍珠記念琥珀數珠一串表一枚大荷包一對小荷包四個賞與呼畢勒罕作為賀儀仍將呼畢勒罕出痘妥善之處曉示囑勒丹錫呼圖禪師通諭諸喇嘛等俾共歡悅際此喜慶不惟嵩祝寺應奉經卷即各處寺廟亦宜均為唵誦者併交囑勒丹錫呼圖禪師傳行各處寺廟令其均各唵誦經

卷外。仍交該院轉飭格勒克那木喀令伊一聞嘉音。急速整裝。趕緊備辦。應呼畢勒罕。喜儀。自備資斧。前往西寧。致賀呼畢勒罕。不必趕赴行在。陛見。○諭軍機大臣等。據孫永清奏。安南國王阮光平。接到欽頒國印。並續奉御賜詩章。具表陳謝。並備貢物。遣陪臣齎呈。現尚未稟報到關。倘為日已遲。不能趕赴行在。即遵旨送京等語。此摺係正月二十九日所發。其時安南貢使尚未據報進關。則其行抵桂林。自必更須時日。計朕駐蹕泰安曲阜時。該國貢使。諒不能趕來覲見。自應遵照前旨。俟迴鑾後。令其在京瞻仰。但朕於四月十六日回京。不過二旬。即須前往熱河。為期已屬無多。若令該貢使趨行太急。過於勞頓。殊非體恤遠人之意。著傳諭該撫於該貢使進關後。約算日期。如能於五月初旬以前抵京。固屬甚善。倘不能趕到。即飭令伴送安員。緩程前進。竟至熱河行在瞻覲。不必過於

趨程也。○又諭前據長麟奏。濱州舉人薛對元。奪犯毆差。潛逃赴京。會試。即傳諭綿恩等嚴密緝拏。茲已將該犯拏獲。派員解赴山東。歸案審辦。但綿恩等訊問該犯。據供上年六月間。因與素識之通判侯永孝及杜宜豐等談及蒲臺鎮趕集集場。本在西街。杜宜豐等欲將布市那開。因而口角。爭毆。杜宜豐赴州具控。本州差役傳喚薛對元。同薛宗孟等到案候審。屢次到州。往返數月。並遞過訴呈。未經傳訊。因會試場期相近。始行起身赴京等語。查閱長麟原奏。又稱薛對元等與杜宜豐尋衅爭毆。經該州飭差將薛宗孟等拿獲。薛對元率人趕去。薛德用鐵尺打傷差役。趙統薛對元撕破差役周貴衣服。將薛宗孟等奪去釋放。與該犯在京所供情節。全不相符。自因質證無人。希圖狡賴。現在該犯業已解赴山東。著傳諭長麟。即行提集犯證。詳悉究訊。是否該犯所供狡展。抑或另有起衅別情。若

果奪犯毆差各情節審訊得實則該犯係屬舉人非尋常愚民可比敢如此目無法紀定擬時必當加倍從重治罪以示懲儆將此諭令知之○竇授格綢額為福建汀州鎮總兵○是日駐蹕白澗行宮○甲子駐蹕烟郊行宮○乙丑兵部等部議覆陝甘總督勒保疏稱陝甘各營應添庫房藥局馬棚等項經前督臣福康安通飭籌辦茲查明實在情形除舊有修補外計應添督標固原提標中左右

三營並城守營平涼城守及華亭白水二汛靖遠協藥局三十二間庫房三間馬棚二百五十一間甘肅提標五營河州鎮標左右二營循化營保安營奇台堡蘭州城守營洮岷協鞏昌營秦州營西固營庫房十九間藥局四十間馬棚一百二十九間土房及兵丁上宿房五間寧夏鎮屬中衛營廣武營玉泉營大壩堡平羅營花馬池營藥局二十一間馬棚十二間肅州鎮屬金塔協嘉峪關營高臺

營布隆吉爾營藥局十二間馬棚三十三間庫房及草料房十二間西寧鎮屬貴德營喇課營南川營已無戎格營西寧城守營威遠營庫房及料草房四十一間藥局十七間馬棚二十八間請動項建蓋從之○是日駐蹕舊衙門行宮○丙寅諭朕此次巡幸山東祇

謁

闕里覃敷愷澤允宜首自近畿著將直隸本年入學各數大學增額五名中學增額四名

小學增額三名該學政其悉心校錄甄拔尤以副朕嘉惠士林至意○又諭朕此次巡幸山東經臨畿甸曹諭令該督撫等沿途毋事點綴繁文致滋糜費祇須就向有行宮座落畧事掃除其自濟寧登舟以後水營規制亦悉仍其舊但途中程站較多雖無興建工程而修葺粘補究屬不無所費著加恩於長蘆山東運庫內每省各賞給銀二萬兩以示體恤○諭軍機大臣等昨奎舒奏稱噶勒丹

錫呼圖呼圖克圖已由藏至西寧修理行裝
即來京祝嘏等語噶勒丹錫呼圖呼圖克圖
何時自西寧起程之處尚未奏到看來似現
在西寧猶未起程前此哲布尊丹巴呼圖克
圖因朕本年八旬萬壽奏請來京叩祝朕已
准所請令其於七月二十二三日前赴熱河
現在噶勒丹錫呼圖呼圖克圖此時尚不必
進京亦應遣赴熱河與哲布尊丹巴呼圖克
圖一同入宴著寄信奎舒轉諭噶勒丹錫呼
圖呼圖克圖酌於七月二十二三日可抵熱
河量期由西寧起程 大學士公阿桂等議
奏前江寧將軍永慶奏請於江寧京口二處
增設養育兵三百名其每月一兩錢糧經臣
等議令該將軍查明旗庫有無公項到日覈
定今據查該二處並無閒款可以動用請於
地丁銀內支給應如所請從之 廣西巡撫
孫永清奏現將黎維祁等分起解送進京其
餘人戶與督臣福康安熟酌仍遵前旨分發

安置擬將閑阮恭等七十一名口發江南黃
德鄧等六十八名口發浙江閑阮琬段旺等
六十三名口發四川俟各起程後間日管押
前進報聞 是日駐蹕黃新莊行宮

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百四十八

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百四十九

聖休應徵官應選諸官太子太傅文淵閣大學士文淵閣侍讀學士文淵閣侍講學士上諭軍機處掌理

吏部理藩院事務止黃旗滿洲都統世襲騎都尉軍功加七級進等加一級尋常加二級軍功紀錄一次在廣拉

應徵官應選諸官太子太傅文淵閣大學士文淵閣侍讀學士文淵閣侍講學士上諭軍機處掌理

世襲騎都尉軍功加十九級進等加二級又加二級尋常加二級軍功紀錄一次在廣拉

尋常紀錄十四次在應選應徵諸官太子少保工部尚書紀錄六次在尋常紀錄尋常

執修

乾隆五十五年庚戌二月丁卯諭朕此次巡

幸山東

蹕路往來經由直隸所有該省承辦

差務之文武大小各員宜一體加恩用昭渥

澤著該督查明咨部凡有罰俸降級之案俱

准其開復其無此等參罰案件者各加一級

○是日駐蹕半壁店行宮○戊辰遣官祭黑

龍潭

昭靈沛澤龍王之神玉泉山

惠濟慈佑龍王之神○諭朕披閱康熙年間

萬壽盛典恭載

聖祖仁皇帝六旬萬壽時各省老民多有來京

慶祝者今朕壽屆八旬普天同慶薄海臣民

咸深忭舞朕恐外省文武大員紛紛籲請是

以每省酌派二三員並令各帶道府丞倅將

備等官來京以遂其祝釐瞻覲之忱至各省

耆民人等雖未降旨准其赴闕而草野情殷

葵向思欲遠來効悃祝延萬壽者各省想亦

不少朕思年老之人正須頤養長途跋涉未

免辛勤或因不服水土偶生疾病轉非體卹

高年之意不但外省地方道路遙遠不便前來即順天直隸老民僻處鄉隅亦不必齊赴

京師致滋勞頓前已於恩詔內令查明各省

耆民資以粟布銀兩溥被恩施茲特再降諭

旨著各督撫轉飭地方官出示曉諭凡欲來

京慶祝之老民等俱著不必前來以副朕安

老引年至意○又諭昨據雅滿泰奏將福崧

之車夫丁三貴私帶玉石搜獲今日又據秀

林奏將福崧家人曹大保私帶玉石搜獲等

語聞其奏摺係福崧由葉爾羌起身之前先寄信與伊等俾其詳細搜查是以各派人搜出福崧尚係謹慎曉事之人恐伊家人車夫等私帶玉石於起身前自行搜閱仍寄信沿途搜查而伊家人車夫仍敢故犯看來每歲由各回疆換班之大臣侍衛官員等其家人車夫私帶玉石自必常有之事顯係各城駐劄大臣等平日意存瞻徇怠忽從事並不實心搜查是以未經緝獲即如此次因福崧豫行寄信與雅滿泰秀林伊二處始行搜出不然伊二人亦必瞻徇情面斷不肯如此辦理也著傳諭駐劄各回疆大臣等嗣後新疆大臣侍衛官員等回京時所至關口務各派人嚴行搜查毋得苟且塞責不以事為事倘仍有徇縱經他處搜獲者必將經過地方各大臣等從重治罪是日駐蹕秋瀾村行宮已巳遣官祭

歷代帝王廟諭旨綿懿阿哥業經分府且

年歲亦壯著綿懿往泰陵駐守將永碩換回又諭前據長麟奏濱州舉人薛對元奪犯毆差一案曾降旨令鄰省地方一體嚴拏昨已在京城拏獲本日又據梁肯堂覆奏前旨內稱選派明幹之員設法訪拏並通飭文武各屬嚴緝等語想該撫尚未知該犯就獲之信故有此奏因思外省陋習於此等通緝人犯或僅視為海捕具文並不認真躡緝或已經他省拏獲仍復紛紛查辦殊屬無謂嗣後各省拏獲人犯一面知照應緝省分即行停緝以省煩擾至薛對元自東省來京會試路由直隸今因該犯抵京在先查拏在後劉戡及直隸地方官失察處分尚可寬免若應緝要犯業已奉文通緝旋被別省拏獲其經過逗留省分失於覺察即將該地方官查明交部照例議處諭軍機大臣等據梁肯堂奏本月十三日起程趨赴行在瞻觀等語前以本年朕八旬萬壽各省

大員自必情殷祝嘏業經降旨於督撫藩臬中每省酌派一二人屆期赴京叩祝該撫已在派出之內今若再赴行在是又多此一來殊可不必梁肯堂不拘何處接奉此旨即過回豫省毋庸再來行在至直隸山東隣省現在書麟奏請前赴山東覲見因伊並未派出八月赴京是以准其所請前赴行在以便詢問河工諸事江省事務殷繁地方緊要不可無大員管理若督撫同時並來亦非所宜聞

鵝元業已派令於八月來京此時不必再行請覲其安徽山西雖均係隣近省分該撫等亦不必拘泥奏請前赴行在以省往返將此各傳諭知之湖廣總督畢沅奏荊州城守營前年被水衝失損壞軍裝器械應補製盔甲旗幟二項額數較多若全行補製扣餉歸款兵力拮据擬將箭手烏鎗兵盔甲大小紅幟先行酌補同應製之弓箭藤牌衣帽帳房及應修之烏鎗腰刀等項照滿營之案借動

司庫製給報聞是日駐蹕梁格莊行宮

庚午

上謁

泰陵

泰東陵俱未至碑亭即降輿慟哭步入

隆恩門詣

寶城前行禮躬奠哀慟王以下文武大臣官員隨行

禮○諭前據巡城御史穆克登額等奏稱拏

獲建昌縣盜犯王二等供出隨同馬十等行

劫錢鋪一案閱查該縣據報馬十等犯業經

前縣拏獲提省審辦等語此案係乾隆五十

三年二月之事該省既將正犯拏獲事閱二

載至今尚未審結案關劫盜重情任意延緩

非尋常案件可比今在京所獲各犯供詞已

屬確鑿馬十等係案內首犯要犯何得任其

狡展懸案多年該省辦事廢弛於此可見劉

義富尼善及承審遲延各員著一併查明交

部嚴加議處所有直隸已獲各犯俱即派委

受員迅速解交刑部嚴審定擬具奏毋致免
脫更加罪重 諭軍機大臣等據伍拉納奏
請於七月內進京恭祝萬壽等語前以本年
八旬萬壽各省大員自必情殷祝嘏業經降
旨於各省文武大員中酌派一二人屆期赴
京叩祝福建已派魁倫徐嗣曾於八月赴京
伍拉納想未接奉前旨故有此奏各省文武
大夫職守綦重若將軍督撫自不便同時前
來況閩省地方緊要尤不可無大員經理著

傳諭伍拉納遵奉前旨不必來京叩祝○是
日駐蹕秋瀾村行宮 辛未清明節遣官祭

永陵。

福陵。

昭陵。

昭西陵。

孝陵。

孝東陵。

景陵。

泰陵。

泰東陵○遣官祭

孝賢皇后陵

端慧皇太子園寢○賜扈從王公大臣蒙古

王公台吉及直隸地方官員等食○諭朕仰

蒙

昊眷年屆八旬已降旨將各省錢糧善行蠲免

茲恭竭

兩陵巡幸山左鑒輅經臨之處童叟歡迎情殷

愛戴允宜廣敷愷澤普惠畿民因念直隸各

屬節年因災緩徵錢糧貧民無力完納積欠

甚多著再加恩將乾隆四十五年。至五十三

年未完地糧銀一百四十二萬八百六十八

兩零改折銀二萬一千九百三十兩零屯糧

四萬二千九百八十一石零屯穀七百九十

八石零屯米三百十四石零全行豁免俾窮

簷得免追呼共安耕鑿用副朕省方觀民行

慶施惠有加無已至意該部即遵諭行 又

諭上年順天及保定河間天津等府屬各州縣因夏秋雨水較多田禾被淹秋收稍歉節經諭令該督實力撫卹銀米兼賑春初正賑畢後又加恩展賑一月今朕巡幸山東經行畿輔見田畝均已播種遍野青蔥但距麥收為期尚早災歉之餘元氣未能驟復自當再需恩施以期益臻康阜著將現在經過及回鑒經過之雄縣任邱河間獻縣阜城景州滄州天津青縣靜海武清等十一州縣照二月

展賑之例再加賑一個月該督務督飭所屬實心經理俾閭閻均霑愷澤以副朕行慶施惠有加無已之至意 又諭朕此次巡幸山東沿途接駕各廢員著將職名送交軍機大臣俟回鑾後會同該部查明緣事各原案請旨分別辦理 又諭前據巡城御史穆克登額等奏稱拏獲建昌縣盜犯王二等供出隨同馬十等行劫錢鋪一案此事已閱二年之久該省既將正犯拏獲迄今尚未審辦完結

殊屬遲延富尼善原係直隸臬司且曾為熱河道員建昌縣是其所屬此案正伊任內之事乃以劫盜重情一任要犯狡展懸宕多年置不逮結非尋常玩忽可比昨已降旨將該司交部嚴加議處富尼善著即解任來京聽候部議所有安徽布政使員缺著和寧補授其四川按察使員缺著聞嘉言補授湯雄業著補授廣西按察使所遺廣西左江道員缺著黃符綵補授 諭軍機大臣等據奎林等

奏拏獲糾眾劫犯案內許安一犯審明該犯係從逆犯許俊之弟因許俊被兵役拏獲許海邀同該犯前往搶奪在場助勢應依例擬斬監候秋審入於情實等語許俊係從逆匪犯許安膽敢聽從許海糾邀持械幫搶情殊可惡自應入於秋審情實辦理本年雖係停勾之年但該犯情節較重未便久稽顯戮查每年秋決部文行至臺灣約在十月所有許安一犯即著該道俟屆十月之期提出正法

以懲兇頑將此傳諭奎林等並諭刑部知之
(又諭據保寧奏接奉命各回城以應交糧
石折布運交伊犁諭旨即札商明亮等語又
另摺內稱近日具奏豫先支價令民交布即
為去弊起見承辦官員以及商民俱不能染
指請仍照前奏辦理等語覽此二摺前後矛
盾前因若向商民購買布匹不免從中沾潤
是以降旨令各回城折交應用今保寧接奉
前旨札商明亮自應待有回札遵朕指示妥
擬具奏乃請仍照前奏殊屬含混即以交易
哈薩克馬匹而論肥壯者易以官布疲瘦者
以所買布匹換易不過在布之麤細價之低
昂取齊有何不可今保寧奉朕指示之旨又
復掩飾其詞迴護前奏甚非辦事之道著傳
諭保寧所買商民布匹不必退還存庫備用
外嗣後務遵朕前所降旨將現在各城回民
如何折布究竟可得若干是否足敷伊犁應
用之處與明亮等札商籌畫惟期於事有濟

俾可永遠奉行悉心妥辦奏聞(吏部以直
隸失察餉鞘被竊各官議處具題得旨此案
范清澄等於所屬餉鞘被竊漫無覺察一任
該州私賄匪報並不查出究辦非尋常疎玩
可比所有河間府同知范清澄河間府知府
楊濟文俱著照部議革職至天津道慶章係
大學士尹繼善之子經朕不次遷擢由通判
用至道員心滿意足並無認真出力之處近
來屢有降調處分俱經邀恩從寬留任今於
此案復又模稜了事殊屬不合慶章著照部
議革任(兵部議覆江南河道總督蘭第錫
奏稱查黃河自清黃交匯處所至河南虞城
界運河自清江浦至黃林莊向設巡船二十
二隻每隻派兵五名捕緝盜匪惟巡船一項
窄小輕浮實難責令兵丁五人駕駛緝奸且
黃河溜疾往來惟載糧豆煤炭大船從無失
事運河多鋪兵瞭望緝匪尤為得力所有前
項巡船應裁汰變價交運河庫充公原派抽

調河營兵仍歸伍從之。予浙江温州追捕洋盜遭風被溺備弁卹賞如例。予河南睢寧搶護隄工落水備弁卹賞如例。是日駐蹕紫泉行宮。壬申諭此次巡幸山東迴鑾時自濟寧登舟由水程回京前以三四月間正漕船銜尾北來之時若因迴避御舟停泊不前未免守候稽遲致誤漕運曾降旨傳諭管幹珍等令各幫漕船於御舟經過時暫在岸旁排列因思上年直隸被水災區秋收歉薄全賴東豫二省販運糧食及南來貨物以資接濟所有商民船隻亦未便因有礙河道驅入港汊令其久候著即照漕船之例准其於兩岸暫泊俟御舟一過即可過行庶使商販流通物價平減以副朕恤商便民之意著總河巡撫及巡漕御史皆善為經理。諭軍機大臣等據福康安奏廣東將軍巡撫都統監督等各擬奏請赴闕恭伸叩祝但文武大員似難一時並行仰祈將何人應准入都特

加指示等語前以本年屆朕八旬萬壽恐各省大員紛紛籲請特明降諭旨於各省派出一二員來京祝嘏廣東省已派出提督高瑛總兵陳莊唐述先布政使許祖京諭令於八月初五日以前到京福康安想尚未奉此旨故有是奏著福康安傳諭各員仍遵前旨不得復行奏請惟監督額爾登布係內務府人員且簡放後未經請訓應令該監督來京隨班叩祝至福康安帶同阮光平自粵東起程入覲所有總督印務即交與郭世勳署理其粵海關監督印務亦著郭世勳兼署。是日駐蹕趙北口行宮。癸酉遣官祭賢良祠。諭軍機大臣曰福康安前以木植一案罰繳養廉公俸在福康安受恩深重斷不因廉俸已罰稍踰檢閱致有勒索屬員之事但此次帶領阮光平來京入覲途中盤費及一切需用必多著加恩賞給本年養廉銀八千兩即於廣東藩庫支給以示體恤再阮光平定於

三月內進關由粵進京福康安沿途照料與該國王一同行走如遇有賞給福康安香器扇簾及奶餅等物亦必照樣賞給阮光平一分福康安具儀仗迎接時亦當與阮光平一同跪迎謝恩以見朕優待外藩與天朝大臣並無歧視其福康安途中陳奏事件奉到硃批亦不妨與阮光平閱看俾免心存疑慮且俾知朕辦理庶政親綜萬幾悉東大公正雖荒服遠人無不可使共聞共見也將此由四百里傳諭知之○又諭向來直隸地方遇有應需賑濟等事節經將南糧截留北倉豫備撥用本年漕糧全數來通為期較早天庾充裕應於南糧內截留三十萬石存貯北倉以備接濟之用更屬有備無患著傳諭蘇凌阿劉東恬酌留一人在通兌收漕糧一人赴北倉專辦截留之事並令馮光熊隨同辦理馮光熊現在隨營差竣送駕後方能前往該侍郎應俟馮光熊將到時再赴北倉亦不為

遲所有截留南漕或於現過津關南糧各幫內酌留截卸仍催今在後幫船越次前進迅速抵通若漕船銜尾前來在前幫次難以截留或將江廣尾幫漕糧截存北倉否則照從前以截為撥之例按照每幫應撥米數分船勻卸北倉截足三十萬石之數既省楊村起撥耽延而船身輕便抵通更可迅速著蘇凌阿等體察情形酌量辦理總期備貯充盈行走不致遲滯方為妥善除就近傳知馮光熊外將此諭令知之○兩江總督書麟江南河道總督蘭第錫奏查黃河南岸毛城鋪上年漫水將臨河民堰漫刷三處並將下游洪河西堰漫決數處除將淤墊之唐家灣倒勾引河及刷塌之毛城鋪石裏頭均歸河工估辦外其毛城迤下應歸民修之洪灘二河間段淺淤或有淤成平陸兩岸堰工亦多殘缺卑矮計該河坐落江蘇之碭山蕭縣河南之永城安徽之宿州靈璧工段綿長現勘估土方

需銀四萬五千餘兩。惟該州縣民田水落後甫得播種。勢難責令疏築。請借項辦理。分年攤還。勒限四月內完竣。得旨。如所議速行。仍具圖貼說呈覽。是日。駐蹕思賢村行宮。甲戌諭建昌縣盜犯馬十等。行劫錢鋪一案。係乾隆五十三年二月之事。既將首夥各犯提至省城。自應即行審辦。乃案懸兩載至今尚未結案。事關盜劫重情。實非尋常延緩可比。昨將馬十解至行在。交軍機大臣嚴行審訊。該犯係於上年十月內提解到省。臬司飭委保定府知府審訊。該府復交清苑縣知縣究辦。該縣朱腹松僅提齊寬薛熱河兒李五三等犯訊過一次。並未覆行研鞫。該督於此等重案。任聽宕延。並不嚴催完結。臬司富尼善既提各犯到省。又不親行提問。僅委之知府辦理。而該府復藉查賑為名。遞委首縣。輾轉稽延。全不以事為事。直省吏治。可謂廢弛已

極。現派乾清門侍衛慶成同軍機章京策拔馳赴保定省城。將朱腹松革職鎖鞫。前來質訊。其清苑縣知縣員缺。即著慶章前往署理。劉幾已降旨。同富尼善及承審各員。交部嚴加議處。著先行革去花翎黃褂。俟定案時再降諭旨。旌表守正被戕四川雷波廳民張信弼妻黃氏。守正捐軀。江蘇蕭縣民宮端妻彭氏。是日。駐蹕太平村行宮。乙亥諭直隸建昌縣盜犯馬十等一案。係乾隆五十三年之事。既將各犯陸續鞫獲。經前任臬司富尼善行提至省。案關劫盜重情。自應親提研鞫。乃僅委保定府知府王汝璧審辦。懸案多時。朱澗接署臬司篆務。僅以一催了事。亦未提犯嚴訊。均屬延玩。而王汝璧接到委牌。並不親訊。轉藉查賑。公出為名。遞委清苑縣知縣朱腹松訊問。任聽宕延。其不是更大。王汝璧著先行解任。交軍機大臣歸案質訊。朱澗署理臬司。並不提訊速結。亦有應得之咎。著

暫行降署保定府知府定案時再降諭旨其
清河道員缺著鄭製錦調補大名道員缺著
丁淮鑒補授所遺永平府知府員缺著候補
知府福慶署理俟服闋後再行實授諭軍
機大臣等前據李世傑奏病體漸痊擬於春
融赴京而起身日期至今尚未奏到想係病
尚未愈一時不能就道該督已經卸事寓居
成都既不便力疾遠行又不欲遽行回籍徒
爾耽延時日查川省與貴州接壤道路不遠
自應令其就近回籍調理較為妥便但朕若
降旨詢問李世傑必不肯以欲行回籍具奏
著傳諭孫士毅至李世傑寓所察看病勢情
形如現在未能即愈難以赴京即稱旨勸令
暫行回籍俟調理復元後來京瞻覲亦不為
遲也又諭前據琅玕於正月二十九日奏
到上年十二月雨水糧價情形茲屈二月下
旬所有本年春間是否得雨迄今未經奏報
現在江南福建等省俱經奏到普得雨澤朕

俱御製詩章用志欣慰浙省比閩省較近何
以轉未陳奏豈該省於正二月間竟未得有
雨澤耶倘果有缺雨情形亦當隨時奏明無
容諱飾著傳諭琅玕即將該省何時得雨是
否普霑並有無望澤之處迅速覆奏以慰厯
注○詔除江蘇昭文縣乾隆五十四年水災
坍沒地六十九畝有奇額賦蠲免雲南通
海河西寧州河陽江川等五州縣乾隆五十
四年分地震災田銀米並詔除傍海震沒田
二百三十七畝有奇○是日駐蹕紅杏園行
宮丙子諭據畢沅等奏請以咸豐縣知縣
陳元京調補江夏首邑一摺已批交該部議
奏矣因思首府首縣係省會要區事務殷繁
所關綦重必須實心辦事明幹有為之人方
足以資委任近來各省督撫往往以各員應
對之間口才便捷且或以酬應見長遂爾加
之識拔調補首府首縣之任殊不知所用非
人於地方要務必致廢弛貽誤即如直隸建

昌縣馬十等行劫錢鋪一案經臬司將夥犯提到省城遞委清苑縣審訊該縣朱腹松提集各犯止將薛熱河兒齊寬李五三犯審訊一次而於盜首馬十轉置之不問任意玩延現將該縣解赴行在交軍機大臣訊詰始則游移閃爍一味狡展繼因嚴加鞫問方行承認詐為口供並未見首犯幾同笑話其平日居心辦事庸劣狡猾已可概見而劉義被該縣所愚保題首邑至今為其所累可見外省

督撫似此誤信屬員濫於陞調者正復不少嗣後各督撫務於平時留心察看加意遴選遇有首府首縣缺出必擇誠實諳練認真辦事之人奏請調補如或因屬員應酬取巧違行甄拔不能察其誠偽致劣員得以濫竽公事隳廢貽誤地方一經發覺不特該府縣身罹重譴即保題之各督撫亦必均獲咎戾所謂自貽伊戚朕不能稍為寬貸也將此通諭知之○又諭旨建昌縣馬十等行劫錢鋪一

案事關盜劫重情非尋常案件可比臬司並不親提研鞫懸宕兩載迄今尚未完結直省吏治實屬廢弛已極夫臬司為刑名總匯盜案是其專責雖所屬地方遼濶距省較遠之處遇有尋常案件原可督飭屬員勒限完結仍當親加覆覈若案情重大已提至省城辦理臬司仍復養尊處優概置不問僅委之府縣等官審訊一轉一詳別無究辦之處如此稱職誰則不能又安用厚給俸廉優加品秩

虛設此綜理刑名之大員為耶富尼善於馬十之案既經提到省僅派委首府辦理以致輾轉宕延其咎甚重前經降旨令富尼善解任來京聽候部議今思富尼善曾任熱河道員建昌縣係其所屬該處盜劫之事已失察於前又陞任臬司復不將首夥各犯親提嚴鞫該員經朕不次連擢乃於盜劫重案任聽玩延殊為負恩溺職富尼善著革職鞫解赴行在交與軍機大臣質訊各省臬司皆

當以富尼善為戒。若有似此玩視重案者。定行加倍治罪。至朱瀾。昨已有旨降補保定府知府。但伊既接署臬司。置重案於不辦。僅以一催了事。與富尼善獲罪離均。前於西巡迴蹕時。該員曾任正定府知府。於途次召見。其應對尚屬明晰。且在直年久。是以擢用清河道。前劉義面奏。該員尚能謹慎。但才具平常。難勝繁劇。亦祇空言陳奏。是以未經更調。而於朱瀾不能稱職之處。並未切實奏明。今朱

瀾於此等重案。任意稽延。全不以事為事。謹慎之人。斷不至此。是不特限於才識。其平日辦事平常。亦可概見。豈宜復膺知府之任。朱瀾著革職。所有保定府知府員缺。著王銳補授。調補其所遺大名府知府員缺。著王銳補授。○諭軍機大臣曰。革職清苑縣知縣朱腹松。於建昌縣盜犯一案。奉委審辦。並不嚴行鞫訊。僅將案內齊寬。薛熱。河兒二犯。訊過一次。置正犯於不問。迨保定府知府王汝璧問及

各犯供詞。該縣輒照建昌縣原供刪湊。稟覆藉稱質證無人。案懸數月。種種糊塗乖謬。殊出情理之外。昨將該縣拏至。行在交軍機大臣訊問。供詞又復游移閃爍。任意狡展。似此庸劣狡猾之員。於劫盜重案。尚敢如此。其平日居官辦事。必不可信。即經手之倉庫錢糧。亦必有虧缺情弊。著傳諭阿精阿。即帶同署理清苑縣知縣慶章。將朱腹松任所貲財。嚴密查封。毋任隱匿。並一面詳查該員經手未

結案件。及倉庫錢糧。有無虧缺。即據實嚴行參奏。阿精阿係新任臬司。原無所用。其迴護慶章。係獲咎之人。經朕棄暇錄用。特令署理首縣。一經接手。無難確查。若再不知認真奮勉。稍有徇隱。慶章應得何罪。諒伊自知也。將此由六百里傳諭知之。○倉場侍郎蘇凌阿。劉秉恬。御史五泰。奏查朝陽門護城河。及通惠河。五開河道。均挑竣。照估丈量。即於十六日放水。其額設官車及撥船。均如式豫備。仍

飭各汛員遇有流沙淤淺即率夫剗挖將來
漕船回空務令比歷年較早從此冬兌冬開
可符舊制得旨欣慰覽之更當勉力○是日
駐蹕絳河行宮丁丑

孝昭仁皇后忌辰遣官祭

景陵○諭朕此次展謁

兩陵巡幸山東所有經過地方著加恩蠲免本
年地丁錢糧十分之三○又諭前據巡城御
史穆克登額奏拏獲建昌縣盜犯王二等供

出隨同馬十等行劫錢鋪一案此係乾隆五
十三年之事已閱兩載有餘該省止將正犯
馬十等拏獲迄今尚未結案因命將馬十解
交行在審訊復以審辦此案情節傳訊前署
臬司清河道朱瀾保定府知府王汝璧並飛
提承審之清苑縣知縣朱腹松一同質訊此
案係於上年十月內提犯到省總督劉我並
不督同臬司親加研鞫該司僅飭委首府審
訊首府復藉查賬為名遞委首縣辦理乃該

縣朱腹松祇將案內齊寬薛熱河兒二犯訊
過一次置正犯馬十於不問即同餘犯概行
羈禁拖延至今案關劫盜重情各該地方官

互相推諉任意宕延該督近在省城於此等
要案置若罔聞直省吏治可謂廢弛已極劉
我在直隸有年雖非長才而平日居官尚稱
謹飭是以擢用至總督數年以來尚無大過
惟年邁就衰辦理地方事件不能措置裕如
今於劫盜重案任聽屬員欺蔽輾轉玩延若

非巡城御史將逸犯拏獲究出盜首則竟至
終成疑案有是理乎無能若此豈可復勝畿
輔封圻之任本應立于革職照例發往新疆
効力贖罪姑念其年已衰邁限於才識尚非
有心玩誤著加恩以署侍郎降用竇光鼐現
在出差沈初著調署禮部侍郎其兵部侍郎
事務即著劉我署理所有直隸總督員缺著
梁肯堂補授其河南巡撫員缺著穆和蘭調
補其所遺安徽巡撫印務著康基田迅速前

往護理穆和蘭侯康基田接印後即行馳赴新任不必前來請訓江寧布政使印務著閔鶚元即行委員接署俟書麟瞻覲回任後即可兼署撫篆康基田再回藩司本任朕辦理庶務宵旰勤求現已年屆八旬猶日夜孜孜不懈乃劉戡身膺封疆重寄輒敢於緊要案件任聽屬員延玩實非尋常疎玩可比是以降署侍郎不加嚴譴尚係朕格外矜全但恐外間無識之徒妄生議論疑及該督辦理差務平常致獲咎戾殊不知此次東巡差務直隸一切極為妥協趙北口等處修葺橋道工程尤屬堅固朕已加賞銀四萬兩若無此案發覺尚當加之獎許今該督玩視要案至於如此不得不治以應得之罪寧以其差務豫備未周加之譴責耶況此案原係審辦盜犯而直省地方官怠玩情形即因此自行敗露並非朕有意搜求可見天理昭彰凡地方大吏若敢負職辜恩斷不能始終掩飾各省督撫

當以劉戡為前車之鑒詎勉勤慎嚴察屬員如有似此吏治廢弛者一經察出決不稍為寬貸也將此通諭中外知之又諭直隸建昌縣盜犯馬十等一案懸宕多年尚未審結近據巡城御史穆克登額等奏稱拏獲夥犯王二等供出隨同馬十等行劫錢鋪劫掠重案始行敗露得以究出盜首該御史等督率所屬留心偵緝尚屬認真出力除副指揮顧寶臣准其送部引見外巡城御史穆克登額給事中查瑩均著交部議敘○諭軍機大臣等本日朕駐蹕德州經過運河浮橋見南糧頭進揚州二三等幫已過德州北上本年漕運迅速幫船銜尾進行並無停滯現在南漕業過德州東豫二省幫船早已抵壩況河南糧道劉文蔚押送重運到通後始赴白澗行在見面迄今又半月有餘則豫省後接各幫亦可全行到壩前據該侍郎奏稱於二月十八日開斛而現在起卸回空若干幫未經收

兌者。尚有若干幫。總未據續行奏到。自係壩上起卸延緩。或因挖河遲滯。致令漕船守候。蘇凌阿劉秉恬俱著傳旨申飭。並著該侍郎等督率嚴催。倍加趕緊收兌。務須隨到隨卸。即日催令回空。若稍有遲延。以致壩上幫船守候多時。停泊擁擠。有誤回空。則惟蘇凌阿劉秉恬是問。恐伊等不能當其咎也。仍將現在已收若干。未收若干。並回空船隻數目。迅速據實覆奏。毋奏開斛後逐日督催。隨到隨卸。自十八日起。截至二十九日止。計起過德州衛等十二幫。共船四百四十三隻。糧十七萬餘石。均已回空。其未經到壩。及現在起卸者十四幫。共船六百一十一隻。糧二十五萬餘石。計至三月初十。掃數全竣。得旨嘉獎。○軍機大臣議覆伊犁將軍保寧奏定伊犁惠遠城添兵事宜。一伊犁係極邊之地。駐兵年久。生齒日繁。應於惠遠城滿營增步甲額缺四百名。由閑散餘丁內挑取。派員教演。連環鳥

鎗其馬甲缺出。即由此內挑取。錢糧動用伊犁租稅支給。一惠遠城護軍校前鋒委前鋒等共四百四十名。每歲戍守巡邊。差使甚繁。應於披甲人內挑取六十名。令與前鋒一體當差。仍食原餉。又四十位領內。止有護軍校三十二員。應由前鋒內再挑取八名。為護軍校。以資管束。一閑散兵丁。均係豫備挑甲之人。宜先令經歷勤苦。應令差往守卡弁兵等。自帶子弟為跟役。以便訓練。一馬上三鎗。固係良技。但若盡令學習。於別項技藝轉致生疎。應照健銳火器營例。挑取百人。專令學習。餘令學習各技。均應如所奏從之。○是日。駐蹕德州行宮。○戊寅。諭朕年屆八旬。數天錫慶。業經降旨。將各省錢糧通行蠲免。茲巡幸山左。鑒與經蒞之處。閭閻童叟。夾道歡迎。具微愛戴誠悃。允宜重加惠澤。俾茅簷並沐恩膏。因思東省各屬。節年因災。緩徵帶徵銀兩。貧民積欠尚多。若一律徵輸。恐民力不無拮

據著再加恩。將乾隆四十九年未完銀三十萬八千三百餘兩。五十年未完銀六十九萬七百餘兩。五十一年未完銀七十三萬九千一百餘兩。全行豁免。以期比戶得免催科。益臻樂利。副朕入疆行慶。恩施無已之至意。該部即遵諭行。○又諭。此次巡幸山東。所有該省辦差各營汛兵丁。俱著查明賞給兩月錢糧。以昭恩賚。○又諭。據保寧奏。伊犁之錫伯部落領隊大臣承安。玩愒性成。復耽趨集。一切事務。竟置不問。屢經訓飭。毫無悔改。請將員缺另行簡放等語。伊犁係新疆地方。所有將軍大臣諸事。皆當勉勵。不可祇圖安逸。怠忽從事。承安曾在乾清門行走。朕以為尚堪驅策。是以簡放此任。乃將一切事務。置於膜外。至回事官員。待至日昃。不得一見。以致衆怨沸騰。此豈可復令管領隊務。且僅將伊犁回亦屬寬縱。承安即著革職。作為披甲。留於伊犁効力贖罪。保寧畧無瞻徇。不負將軍

之任。其公忠甚屬可嘉。保寧著賞給大荷包一對。小荷包四個。以示鼓勵。如此外領隊大臣內有似此者。並著秉公奏奏。承安員缺著岱森保去。○又諭。曰。承安性情疎懶。前將伊達往伊犁。乃予以自新之路。今仍復如此。殊屬負恩。除已降旨革職。留於伊犁効力贖罪外。著綿恩。阿桂。將伊家產嚴密查抄。勿致稍有寄頓。○諭軍機大臣。曰。福康安奏到。阮光平進關日期一摺。並將原稟。及照會稿進呈。所辦諸凡。皆妥據稱。阮光顯等回國過粵時。曾言愛內地蟒袍華美。為生平所未見。在京購買數件。又於湖北漢口。置買帶回。今該國王復呈寄式樣。請織交龍蟒袍。以為朝燕之服。外藩羨慕中華黼黻。婉言聲懇。自當遂其所請。趕辦發往等語。阮光平祇受藩封。倍加恭順。祝釐請覲。比於內臣。因伊姪阮光顯回國。見帶回內地蟒袍華美。稟請製造朝燕之服。以為章身之用。但內地蟒袍料不可改作

漢衣圓領也。如係該國王心慕華風，欲從天朝制度，雖屬好事。但閱伊稟內，有中州服色采章，深所景慕之語。若許其更換衣冠，自所樂從。但所言未明，亦不可勉強也。該國王若果實有此意，朕必格外加恩，錫之章服。不但照親王品級，給予紅寶石帽頂、四團龍褂，並富如阿哥服色，賞給金黃蟒袍，用示優異。該國王聞之，自必倍加欣躍。朕意其國俗向沿漢制，衣服及蓄髮，斷不可改。若兩用之，實亦無妨。著福康安酌量情形，並將所寄製蟒袍式樣進呈，是否與天朝制度相仿。若該國王原無欲改章服之意，則阮光顯所購內地蟒袍，亦難改造。諒不過羨慕華服耳。再該國王原訂三月起身，今因建國義安距關較遠，中途或有耽延，稟報到關之期，約在四月上旬。自係實在情形，並非意存延緩。福康安自當聽其自便，擇期進關，不必過於敦促。即程期稍迫，亦無庸觸熱星馳，致有勞頓。如計期不

能趕赴熱河筵宴，即於八月初旬到京叩祝萬壽，亦無不可。至其所帶人數，該國王因官役人等俱欲隨同詣闕，瞻仰朝儀，難於峻却。又恐不合體制，呈請開示。福康安以原經奏准隨帶六十人來京，不必拘定人數。此想亦是。將來該國王入覲時，不妨竟令其隨帶百人，俾共遂瞻就之忱也。將此由五百里諭令知之。並著迅速覆奏。○伊犁將軍保寧奏，臣自至伊犁，閱視各營部落兵缺，內惟察哈爾部落開散餘丁甚少。查厄魯特部落餘丁多有未得錢糧者，因飭交領隊大臣訥音，於該處現在年輕餘丁內揀選二百戶，俟青草茂盛時，即令移駐察哈爾部落，以補其缺。得旨嘉獎。○以葉爾羌叅贊大臣福崧為安徽巡撫。○以貴州都勻府屬邦水司土官吳毓秀弟毓奇襲職。○是日駐蹕曲陸店行宮。○己卯諭朕此次巡幸山東，辦差兵丁業已渥施愷澤。所有青州、德州駐防旗兵，派有差務者

並著查明賞給兩月錢糧用數行慶施惠至意○又諭昨據保寧參奏承安一摺已降旨著綿恩阿桂將伊家產查抄矣伊住宅寬敞欲改為王府著金簡伊齡阿將伊住宅查看繪圖進呈再承安又非明珠嫡派後嗣種種不肖辜負朕恩故查抄伊家著賞給住房十餘間銀二三千兩以資養贍綿恩等接奉此旨斷不可意存瞻顧致有寄頓遺漏○諭軍機大臣等前因革職清苑縣知縣朱腹松玩視重案其平日居官辦事必不可信是以諭令阿精阿帶同慶章詳查該員任內經手未完事件及倉庫現貯錢糧穀石有無虧缺據實叅辦並將其任所貨物嚴密查封此旨係於二十五日由六百里發往已閱數日尚未據阿精阿奏到或係該司未免意存瞻顧不即查辦覆奏著傳諭梁肯堂即督率阿精阿慶章等將朱腹松任內事件及倉庫等項嚴密妥速辦理不得稍存迴護舊屬代人受過

也○吏部題覆前任直隸總督劉峩咨稱前經奏准直隸河工同知通判缺出並將兼河之灤州等七州縣一體揀選陞調查該州縣佐雜均有應辦河工事務除本係原定河缺外應將灤州吏目清苑雄縣正定河間獻縣任邱典史榛子鎮張登司北魏司巡檢均以兼河字樣註冊陞調河工汎缺所遺缺仍歸部選應如所請從之○是日駐蹕李六莊行宮○以正藍旗滿洲印務參領兆慶為鑲紅旗漢軍副都統○以甘肅肅州鎮總兵德光伊犁鎮總兵索貴英阿對調○庚辰諭本年朕八旬萬壽業經特降諭旨將天下錢糧普行蠲免浙江省温州府所屬玉環廳額徵租穀及杭州府所屬海寧州沙地租銀本不在應免之例第念此項銀穀按畝輸將實與地丁無異若照舊徵收小民未免向隅著加恩將玉環廳租穀二萬二千餘石海寧州沙地租銀二千八百餘兩一體蠲免俾瀕海黎民

均需實惠該部即遵諭行（諭軍機大臣等前以琅玕於正月二十九日奏報上年十二月雨水情形而於今春曾否得雨總未奏及朕心深為厯念已降旨將該省有無望澤之處詢問該撫矣茲據奏稱本年正月以來杭州省城於初五六十一二三及二十八九等日連次得雨並據各府屬稟報大約相同等語是浙省已於正月初旬得雨嗣後續沛甘霖乃該撫直至二月十五日具摺陳奏朕念切雨暘無時或釋各省地方遇有及時雨澤自應早為奏聞以慰朕懷浙江視他省較近現在福建省早經奏報得雨而該撫遲遲至今始行入告不以民事為事豈不知朕宵旰勤求之至意耶琅玕著傳旨嚴行申飭仍令明白回奏（是日駐蹕晏子祠行宮）是月安徽巡撫穆和蘭奏接印後經理地方各事宜得旨覽不必欲速不可因循○湖廣總督畢沅覆奏湖廣來陽縣生員賀世盛妄著逆

書所稱收漕淋尖踢斛高價折收及巡撫捐官於省等語臣遵旨密訪實無此等情事但漕書蠹役串通舞法原係此輩常技不敢因現查無弊遂涉大意至撫臣浦霖受恩深重何至如該犯所稱捐官誕妄不經之事業據該犯供明隨筆添寫實無影響報聞○陝甘總督勒保奏新疆民數總數查明鎮西府屬宜禾奇台二縣迪化州暨所屬昌吉阜康綏來濟木薩呼圖壁各州縣縣丞巡檢及頭屯蘆草溝塔西河三所千總乾隆五十四年民數共一十二萬五千三百三十七口倉貯各色糧七十八萬六千二百三十八石零得旨冊留覽

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百四十九

實錄卷之九

克

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十

監修總裁官總纂官太子太傅文淵閣大學士文淵閣領閣事領侍衛內大臣稽察欽奉
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂
總裁官總纂官太子太傅文華殿大學士文淵閣領閣事稽察欽奉 上諭事件處管理刑部戶部庫事務
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德瑛總纂官太子少保工部尚書紀錄六次臣曹振鏞等奉

敕修

乾隆五十五年庚戌三月辛巳朔諭軍機大

臣等據阿精阿奏嚴查清苑縣知縣朱腹松
本任倉穀庫項並無虧短惟因借墊常行並
西路玉石車價於房地雜稅銀內借墊銀一
百六十二兩零准銷後方能還款該員任內
命盜重案雖無逾限未解之件而自理詞訟
率多遲延不結等語此語不可信何獨此次
重案置之不問詢之朱瀾王汝璧所供亦屬
相同但朱腹松身膺民社玩視重案其怠惰
昏庸實出情理之外其本任倉庫案件自必

有虧缺拖延情弊。今阿精阿查明朱腹松任內。僅那移借墊銀百餘兩。自理詞訟多有未結之件。俱係常有之事。非其正罪。該員果係如此。何以刦盜重案置之不辦。又屬大奇。或係朱腹松鎖拏前來時。自知有罪。令人豫為彌補。以為掩飾之地。或係該革員平日有昧良負恩之事。天奪其魄。令其自行敗露。前已有旨令梁肯堂督同查辦。著再傳諭該督嚴密訪察。隨時留心。續得該革員實在情弊。即

行據實嚴參。毋得稍存迴護。又諭前經降旨賞給山東銀二萬兩。以為辦理差務之費。該省程站遙遠。各處行宮粘補修葺。所費較多。恐不敷用。因思直隸地方曾先後賞給銀四萬兩。該省辦差之項已屬有餘。即趙北口一帶橋道工程。所費不過數千兩。著傳諭梁肯堂。即於前賞銀四萬兩內撥出一萬兩。加賞東省。除就近傳知長麟外。將此諭令知之。○是日駐蹕潘村行宮。○壬午諭曰。山東省

在籍人員於靈巖建設經壇情殷祝嘏。劉墀王杲張誠基李封著各賞大緞一匹。其郎中道府以下等官二十一員俱著各賞八絲緞一件。○倉場侍郎蘇凌阿劉秉恬奏遵旨查向來南糧撥給直隸賑濟。例用糴米頭二進江浙各幫。多係梗米。應請於三進湖廣江西各幫一色糴米內或以截為撥。或於尾幫截留三十萬石。以資備貯。得旨依議。○是日駐蹕靈巖寺行宮。翼日如之。○癸未諭據保寧

奏伊犁綠營官引見時都司以上官員令自備資斧前往。其守備千總請照滿營官員之例。均令馳驛等語。尚無須如此辦理。駐劄新疆滿官內佐領以上始令引見。其防禦驍騎校等微員俱不令引見。至補放守備千總時保寧受恩深重。身任將軍。想亦不敢瞻徇情面也。著交伊犁將軍烏魯木齊都統嗣後守備以下微員不必送京引見。甲申上至泰安府謁

低廟○諭據鄂輝等奏阜和協副將郎楷升
歷俸期滿兵部調取引見飭令來省考驗該
副將精力漸衰騎射軟弱請將郎楷升勒令
休致等語郎楷升年已衰邁難勝副將之任
李世傑患病精神不能周到鄂輝等早應據
實奏請勒休以重營伍乃竟任其戀棧直屈
該員俸滿經部調取之期恐引見時為朕看
出始為此奏殊屬非是孫士毅甫經到任會
銜具奏尚可免其交部鄂輝觀成俱著交部

察議嗣後文武官員年力就衰者如係呈請
告休或將軍督撫提督等察看不能勝任即
行奏請勒休方准以原品休致如有似此因
俸滿推陞經部調取恐來京時看出衰老情
形始行具奏者除該將軍督撫等交部議處
外即將該員降頂戴二級休致所有副將郎
楷升即照此辦理○軍機大臣議覆山東巡
撫覺羅長麟奏稱東省各屬孤懸村莊距縣
甚遠遇有匪盜報緝需時且避入鄰莊行移

協緝多致竄逸至徵納錢糧零星小戶往返
所費轉浮正額應就近改撥鄰縣管轄請將
鄒縣之李家集改歸壽張蘭山縣之馬蘭屯
改歸嶧縣又直隸鹽山縣之田家莊高家莊
滄州之譚家莊俱歸山東海豐縣其田家莊
高家莊竈課亦歸山東運使徵解應如所奏
其濟陽新城滕縣商河惠民鄆城定陶荷澤
費縣諸城平度文登等州縣計有應撥者四
十二處並令開單送部准改其改後戶口錢

糧除收數目及居住之職官生監籍貫均令
咨部更正從之○是日駐蹕泰安府行宮至
丁亥皆如之○乙酉
上登岱命諸皇子隨詣
碧霞宮瞻禮○丙戌諭軍機大臣曰黎何等
解至行在命軍機大臣傳旨詢問開導再三
令其赴京隨黎維祁居住遂其效忠黎氏之
心而黎何等惟稱黎氏舊臣思欲復仇舉事
原非避難內投但願仍回黎氏故土以身殉

卽等語。黎何等既藉忠義之名出辭堅執。若令仍回安南。自必散布謠言。藉端煽惑。既與阮光平無益。而阮光平或因其心叵測。加以誅戮。不能相容。朕心亦有所不忍。已令暫交刑部監禁。著將辦理情形傳諭福康安將來阮光平入關時。不妨詳細面告。天朝已將黎侗留京。不能復行煽惑。永絕後患。該國王聞知。自當倍加欣感。毫無顧慮也。又諭據汪新奏到。恭請陞見一摺。前以本年八月萬壽

於督撫藩臬內。每省酌派一二人。屆期來京祝嘏。汪新已在派出之列。正可隨班叩祝。藉以遂其三年依戀之忱。該藩司想尚未接奉前降諭旨。故有此奏。著傳諭汪新此時且不必赴京。仍遵照前旨。於八月初五日以前來京祝釐。面聆訓示。又諭據孫永清奏。股頭鄭管等脫逃。將保甲差役等分別治罪一摺。內稱鄭管陳廷因在配窮苦起意逃往廣東。別尋生計。同周亞卿同行。至河邊上船逃

逸。兵役等前往追趕。將周亞卿拏獲。鄭管陳廷二犯一同落水。打撈屍身。無獲等語。鄭管等係臺灣從賊。案犯免死。安置廣西地方。官並不小心防範。已屬疎玩。各犯脫逃。被差役追拏緊急。打落水中。屍身未獲。自係素諳水性。泗水逃往鄰省。希圖漏網。今孫永清既訊明該犯等在配時。原有欲逃往廣東生計之語。自應一面咨明福康安。嚴行飭緝。乃該撫僅將保甲差役等審擬具奏。並未將如何移

咨福康安。專派員役四路緝捕之處。詳細奏明。甚屬不曉事理。除將原摺批交部議外。孫永清著傳旨申飭。並著傳諭福康安等嚴飭所屬一體嚴拏。務獲毋任遠颺。軍機大臣議覆。兩江總督書麟。江南河道總督蘭第錫奏稱。前准關監督徵瑞奏。准淮南商捐造撥船三百隻。為漕務撥糧。河工運料之用。查原定章程。每船應雇船戶。船頭。水手。日給工食。議以運料則河廳出費。但運撥時雖有廳員旗

丁等照例攤出其空閒之日水手工頭可別尋生理船戶留船看守不免枵腹從事不若於南河額設兵內酌抽三百名派令分管即責成雇覓水手駕駛仍交裏外兩廳同知兩營守備管轄其按月名糧由原管照舊支給應如所奏至山東省所備撥船生息款項足以敷用其直隸撥船除運奉天米豆南糧米石外空閒時雇與東省運東豫兩省漕糧其雇刺之船原有商捐銀兩為冬季守船之費

毋庸另議從之○以禮部右侍郎鐵保刑部左侍郎姜晟為會試知貢舉大學士王杰為正考官吏部右侍郎朱珪工部左侍郎鄒奕孝為副考官○丁亥

上詣

岱廟行禮遣官祭

先農之神賜山東地方官員等食諭此次巡幸山東所有東省及各省士子迎鑾獻賦特加考試其考取一等之貢生杜堦生員

程拱字俱著賞給舉人准其一體會試其考取二等之元保李廷芳李堯詢蔣天樞黃旭何壇張興鏞沈清瑞俱著各賞緞一匹○又諭曰孫猛於臺灣總兵任內因迎養伊母全家遭風飄失所有應追陋規銀兩業已無力完交原可加恩豁免但伊弟孫剛等趁接取孫猛靈柩時由任所帶回銀四千五百兩俱已分用其應賠銀兩自應仍在孫剛等名下追賠著照德保等所請於孫剛等俸餉銀內

按年分扣○戊子軍機大臣以刼盜馬十等一案定擬具奏諭曰馬十薛熱河兇齊寬劉得受俱著即處斬王世富在外把風雖在情有可原之例但身為縣役馬十等行刼裕泰錢鋪悉由該犯指引其不敢進店係懼為事主識認並非畏法王世富亦著依擬斬決王二劉得受同係入室搜贓之犯但王二一經到案即將首夥供明質證各犯不能抵賴使虛案速結真盜無從漏網尚可寬其一線劉

得受雖與王二一同供證而行刳時曾用鐵尺毆打事主情節較重非王二可比王二依擬應斬著監候秋後處決以示區別而昭平允此案延玩實出情理之外若各省效尤何以為治但劉我歷任多年尚屬謹慎業經降署侍郎著加恩免其革任仍註冊託倫前任熱河道員失察重案固難辭咎究念道員無審轉盜案之責託倫著改為革職留任免其降調貢楚克扎布明崑身為本府於所屬盜

案並未查催審訊俱著降調留於直隸以同知通判分別差委得缺時仍帶革職留任所有熱河道員缺著全保調補其口北道員缺著索諾木扎木楚署理俟服闋後再行實授慶章前於景州失鞘案內革職復令暫署清苑縣事今念其咎止失察且曾任承德府知府地方情形較為熟悉著加恩補授承德府知府仍帶革職留任所遺清苑縣知縣員缺著梁肯堂揀員調補餘依議○又諭昨據綿

恩阿桂等奏到查抄承安家產酌量留給養贍之資每年租息二千餘兩住房九十餘間朕細思之租息既有二千餘兩其原值即有二萬餘金所辦錯誤伊之產業俱係明珠焚取所得從前已耗去十之七八今仍富甲巨室伊戚屬內沾潤者多復興尤甚朕姑不究已往仍令賞給承安養贍之資已屬格外且綿恩阿桂金簡伊齡阿與伊俱無瓜葛乃竟留給二萬餘金地畝九十餘間住房毋乃贍

顧福康安福長安情分耶類此小事尚用贍顧其餘自更不待言昨日一同召見軍機大臣外並未有獨見之人亦並非有人密奏朕於夜不成寐時思及日間所辦之事絲毫不肯忍畧是以交綿恩等另辦若仍敢徇情試問伊等應得何罪現在查出典當糧店俱交內務府照常開設地畝亦毋庸交部並交內務府令莊頭兼管以備王等分府之用其餘別項物件仍著照例辦理○諭軍機大臣等

據軍機大臣會同刑部審訊建昌縣盜犯馬十等一案夥盜劉得受供稱逸盜崔法曾於五十三年正月間在三台地方戳死蒙古人圖敏圖員罪在逃復詢之陞任建昌縣知縣明善亦稱實有此事業經具詳通報等語逸盜崔法既係馬十案內入室搜贓之犯又前有戳斃圖敏圖之事必須迅速嚴緝務獲一併根究不可任其漏網稽誅著傳諭梁肯堂督飭所屬將崔法及馬十案內各逸犯認真躡緝速行弋獲按律從重定擬以示炯戒並將崔法戳死蒙古人圖敏圖一案該省是否詳報有案作何躡緝審辦之處詳悉查明即行覆奏 閩浙總督覺羅伍拉納福建巡撫徐嗣曾奏臺灣澎湖各營原額及新添戍兵計一萬三千二百九十二名先經督臣福康安以前在軍營挑征作戍倍為勤勞酌議一律換回嗣經奏明於內地水陸各營派定數目分起撥換現據提臣咨稱各起戍兵俱已

就廈門點驗配渡過臺報聞 是日駐蹕魏家莊行宮 已丑諭朕此次巡幸山左於回鑾時駐蹕天津所有東省長蘆兩處商人情殷膽就踴躍欣忭具見惻誠因念蘆東鹽務節經恩施調劑以紓商力今翠華臨莅允宜再沛恩膏著將山東五十四五兩年應完引票課銀三十六萬八千四百餘兩長蘆五十四年應完課銀五十七萬二千九百餘兩自本年奏銷後加恩分作八年帶徵俾商力益資饒裕以示朕行慶施惠有加無已之至意該部即遵諭行 又諭此次山東辦差各兵業經賞給兩月錢糧內有御道潑水兵丁二百名奔走較為辛苦著再加恩每名各賞給銀一兩以示體恤 又諭福建昌縣盜犯馬十等行劫裕泰錢鋪劫得銀錢約共五百兩訊據各犯供稱係分後均已花用案延日久未獲原贓無憑給還事主因思朱瀾王汝璧辦理此案並不親提速結業已發往軍臺効

力所有此項贓銀著朱瀾賠出銀三百兩王汝璧賠出銀二百兩交事主收領嗣後各省盜案如原贓未能起獲即著該管地方官罰賠以示懲儆事主始得實惠事主既得賠項其盜犯貨產例應查明給與事主者但地方官往往以照例事件並不認真查辦從來亦無查覈莫若追出為地方公用年終彙奏不致藉端急玩所有此案即如是辦理○又諭昨據孫士毅奏主站柱現患中風勢難驟痊

暫委和寧署理藩司印務等語王站柱染患風痰一時不能就愈該員本係旗員即著解任回旗調理俟病痊後候朕另行簡用至和寧前已陞授安徽布政使今聞嘉言調補四川按察使今聞嘉言到任尚需時日該省大員乏人和寧於川省事務尚為熟練且係蒙古人員於番情更屬諳習所有四川布政使員缺即著和寧調補其安徽布政使員缺著周樽補授所遺甘肅按察使員缺著張誠基

署理俟服闋後再行實授是日駐蹕中水行宮○庚寅諭據常青等奏安徽廬州府教授李畧齋該學訓導陳尚志印信公文赴部投遞會試內開該教授偶患風寒不及請咨經本府暫委訓導署篆殊屬違例請交部嚴加議處等語教職赴京會試例應請咨督撫齋文達部方准應試乃該教授李畧不候給咨輒以患病往返不及為詞取具同官印結擅離職守妄行赴部投考殊出情理之外李

畧除不准會試外著革職交刑部嚴審至訓導陳尚志瞻徇同官冒昧出結而該府張華甫不候督撫批准竟委訓導署印聽該教授離任起程均非尋常錯誤可比陳尚志張華甫俱著革職交康基田嚴行究審據實具奏○巡視東城給事中慶安等叅奏給事中納福徇庇藐法得旨給事中納福身為巡城於戶部發交東城看守人犯輒敢徇情庇役面囑指揮取保該指揮不肯應允旋經皂役強

行傳取釋放實屬執法從來所無之事必有受賄故縱情弊納福著革職等因文留京辦事王大臣會同刑部提集各犯證嚴訊定擬具奏慶安李嗣不徇情面著交部議叙吏部議准湖南巡撫浦霖奏稱邵陽縣舊為繁難中缺近年來該縣俗刁訟繁應請改為在外揀調要缺並查通道縣苗疆專難要缺近苗民向化地僻風淳應改為簡缺歸部銓選從之○豁除湖南澧浦縣乾隆五十三年水衝石壓地一頃四畝有奇○是日駐蹕泉林行宮至癸巳皆如之○辛卯

孝賢皇后忌辰遣官祭

陵寢○諭據奎林萬鍾傑奏拏獲抗逃投誠股頭歐捷審明正法並拏獲偷渡出海之王儼然等分別發遣及枷滿杖徒又拏獲糾夥行劫毆斃事主之黃笋等各犯正法等摺所辦俱好閩省積習廢弛而臺灣尤甚以致匪徒滋事劫盜頻聞不可不大加懲創奎林等認

真辦理嚴拏重懲盜風可期漸戢甚屬可嘉前已交部議敘奎林著賞給提督職銜萬鍾傑著賞給布政使職銜以示獎勵奎林等益當感激奮勉督飭所屬實力整頓如因奉有恩旨遂爾意存自滿於海洋要區日久生懈朕必將伊等治罪不能稍為寬宥也諭軍機大臣等本日據奎林等奏稱獅仔等社生番頭目懷目懷等一十二名均願赴京叩祝萬壽以展悃忱等語該生番等畏威懷德馴化歸誠聯名願懇祝釐洵屬好事現經奎林等派令熟悉番情之貢生張維光帶同各番目於三月內由鹿耳門配船內渡四月內應可行抵福州省城徐嗣曾前已派令八月來京祝嘏即著該撫帶同各番目等起身務於七月二十日以前赴熱河瞻覲俾與外藩蒙古同與筵宴生番等渡海遠來沿途有大員帶領行走照料一切較之派委員弁更為妥善也將此由五百里傳諭伍拉納徐嗣曾

並諭奎林萬鍾傑知之○又諭曰奎林等奏拏獲糾夥行劫毆斃事主之首從各犯審明正法一摺內稱盜犯黃笋等糾夥行劫事主賴竹家牛隻將賴竹毆斃首夥共有七人現將黃笋陳祐陳姜黃郎四犯拏獲審明正法其逸犯江稀張受昌張馬刁三犯現飭嚴緝等語盜犯糾夥行劫毆斃事主實屬目無法紀雖據拏獲黃笋等四犯審明辦理但逸犯江稀張受昌張馬刁三犯夥同入室搜賊將賊牛交張受昌變賣張受昌先出番銀七圓俵分而逸恐該犯等畏罪潛匿或逃入內地不可不嚴拏務獲著傳諭伍拉納一體嚴行緝捕俟獲日即行審辦毋致逸犯速颺漏網有稽顯戮將此並諭奎林等知之○軍機大臣議准山東巡撫覺羅長麟奏稱東省城垣有前經列入緩修者新城等四十一處今閱多年應及時修築懇於東省地丁報撥款內借銀二百萬兩交蘆東兩處商人承領生息

為鉅工之費其工自五十六年秋季起至五十九年春季止將各府屬分初二三限以次興辦得旨依議其應修初限城垣即著於本年秋季興工○壬辰諭本年朕八旬壽辰業經降旨將各直省地丁錢糧普行蠲免甘肅省臨邊各屬應徵番糧草束及河東河西各屬應徵屯糧本不在蠲免之例第念該省所徵糧草較多若照舊徵收小民未免向隅著加恩將臨邊各屬番糧草束一體蠲免其河東河西屯糧草束亦著照上次之例蠲免十分之三俾邊省民番共霑渥澤該部即遵諭行○又諭據伍彌烏遜奏稱車凌烏巴什之妻呈請將伊族姪貝勒達瓦丕勒之子固魯扎布為嗣等語著加恩即照所請令固魯扎布承襲親王以示朕矜恤宣勞効力蒙古臣僕之意○河東河道總督李奉翰奏據河北道唐侍陞稟稱北岸銅瓦廂東裏頭工尾新建壩工四道之下因河溜逼刷昨又添做壩

工一道。足資挑護。茲查曹縣六堡情形。上游河勢坐灣。直射該工頭埽。迤上亦應酌做壩工一道。長四十丈。現飭該廳營妥辦。其商虞一帶隄工。俱如式。有辦理稍遲者。已飭加夫勒限完竣。再臨河灘面。凡有溝槽窪形。經勘明估築者。復委監令夯礮堅實。以防隱患。報聞。○豁除湖北荊州府乾隆五十四年創挖蘆洲課銀一百十九兩有奇。○癸巳祭先蠶之神。遣妃行禮。○甲午

上謁

少昊陵。至曲阜謁

先師廟

元聖周公廟。○諭朕此次巡幸山東。祇謁

孔林。恩施疊沛。業已慶洽。羣黎更念齊魯諸

生。比戶絃歌。近依

聖里。當此鑒輿臨蒞。允宜嘉惠。膠庠式教化

澤。所有山東省本年入學名數。大學著增額

五名。中學增額四名。小學增額三名。該學政

其悉心蒐錄。遴拔真才。以副朕樂育人材至意。○又諭河南考城縣移建城垣廟署一案。前據大學士九卿等議。奏將工程銀兩令厯任巡撫藩司道府等官分別賠繳。但念該處工程業已修建完竣。各員在任亦有久暫之不同。著再格外加恩。酌予減免。富勒渾李世傑何裕城伍拉納梁肯堂著照原定數目各寬免一半。李承鄴著免賠銀五千兩。畢沅江蘭著各免賠城工部駁案內銀一萬二千兩。

康基田辦理河工事務。頗屬奮勉。所有該藩司應賠銀二千兩著加恩全行寬免。其餘各員應賠者不多。仍照原定銀數賠繳。○又諭本年朕八旬壽辰。業經降旨將直省地丁錢糧普行蠲免。臺灣府屬有應徵供粟及官莊租息銀兩。本不在蠲免之例。第念該省各府州縣錢糧俱已全行蠲免。臺灣瀕臨海外。若不獲一體邀恩。番黎等未免向隅。著加恩將臺灣府屬一廳四縣應徵供粟。按照內地之

例分作三年輪免其官莊租息銀兩亦著蠲免十分之三以示加惠海疆至意該部即遵諭行○是日駐蹕古泮池行宮翼日如之○乙未

上詣

先師廟釋奠至大成門降輿步入行三跪九拜禮遣官祭崇聖祠分獻四配十哲兩廡○賜衍聖公及孔氏族人等食並資章服銀幣有差○山東巡撫覺羅長麟奏酌議修理城

工章程○外省地方購運物料及何處尚有舊基何處必應拆建情形不同部員未經目覩地方各員又未通曉部例每至往返駁查此次應修城工應請派部員詳勘指定做法俾承辦官如式修築工完即照估報銷○各城工僅以本任州縣承辦或該員於保固限內別遇事故則追賠補修未免延滯應將錢糧在一萬兩以內者以本任承辦在一萬兩以外者派附近州縣一二員協辦以該管道

府監察如有偷減革率揭叅治罪徇隱一體叅革仍令賠修並由臣衙門將承辦協辦監察各職名造冊送部備查一修竣驗收後本任承辦州縣應加意黏護接任之員亦不時

修葺仍責成藩司分年確查如有損壞不報並將接任查叅○請領錢糧等事由該州縣徑報藩司呈明臣衙門批准後即令司道等公同當堂發給如有吏役家人需索等弊稟明究治無弊即令該州縣出具切實承領印

結由臣衙門彙送工部存案○所需工料承修官按部價公平買雇由臣衙門出示俾閭閻共見共聞絲毫無擾倘行戶居奇昂價扶制把持亦即令各員通詳究辦得旨此次城工即著該撫自行秉公確估實力稽察以期工歸實用毋任浮冒致負委任○又會同長蘆鹽政穆騰額奏東省城工業經奏准借帑興修其發商銀兩應嚴定章程酌議山東會同撫臣長蘆會同督臣派定按名給領不經

總商之手無從侵扣可免將來拖欠並飭令各商互結雖遇豐歉不齊不得藉詞奏請緩帶得旨嘉獎

實錄卷一百五十一

高

大清高宗法天隆運至誠先覺體元立極敷文奮武孝慈神聖純皇帝實錄卷之一千三百五十

大清高宗法天隆運至誠先覺體元立極敷文奮武孝慈神聖純皇帝實錄卷之一千三百五十一

監修總纂官是孫官太子太傅文淵閣大學士文淵閣領閣事領侍衛內大臣稽察欽奉 上諭軍機處管理
吏部理藩院事務正黃旗滿洲都統世襲領銜副都統加七級隨帶加一級奉常加二級軍功紀錄一次臣履桂
總裁官是孫官太子太傅文華殿大學士文淵閣領閣事稽察欽奉 上諭軍機處管理刑部戶部三庫事務
世襲騎射軍功加九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
奉 上諭此錄十四次臣德興是孫官太子少保工部尚書紀錄六次臣曹振鏞等奉

教修

乾隆五十五年庚戌三月丙申

上謁

孔林至墓門降輿步入墓前北面跪三爵酒畢行三拜禮○諭朕此次巡幸山東祇謁孔林所有蹕路往來山東省承辦差務之文武大小各員宜沛恩施用昭慶澤著該撫查明咨部凡有罰俸住俸降級之案俱准其開復其無此等參罰案件者各加一級○又諭據蘇凌阿等奏東豫二省糧船全數起卸完竣其南糧頭進之淮安等幫現已報過津關

又據管幹珍奏浙江尾幫及湖北湖南漕船全行到淮。盤驗前進等語。本年東豫漕糧於三月初十日業經全數起竣。依限回空。比較上年較早月餘。而南糧各幫亦已銜尾北上。即可陸續抵通。甚為妥速。上年漕運遲誤。曾將辦理漕務各官分別議處。此次該總漕等認真催趲。全漕均可迅速回空。自宜加以獎勵。所有漕運總督。巡漕御史。及有漕省分督撫糧道。俱著交部議敘。其押運催漕出力之

文武員弁。著該督撫詳悉查明。一併咨部議敘。○吏部議覆湖南巡撫浦霖奏稱。辰州府屬鳳凰廳向緣與鎮道同城。止設通判六品頂戴。與分防十總無別。以致徵糧聽訟。苗民視同末弁。不聽彈壓。請改為同知。與永綏乾州二廳一體。應如所奏。仍定為苗疆俸滿缺從之。○旌表守正捐軀河南羅山縣民鄧宣妻林氏。○是日駐蹕長慶屯行宮。○丁酉。諭朕親綜萬幾。冀臻上理。五十餘年以來。於各

直省地方事務。勤求宵旰。今已壽躋八旬。猶日孜孜弗懈。各省封疆大吏。自應仰體朕意。董率屬員。共熙庶績。乃身為督撫者。惟知養尊處優。不以民事為重。凡遇刑名重案。及城工等事。往往因循怠忽。輟轉遲延。陽藉詳慎之名。陰遂諉玩之計。即如直隸建昌縣盜犯馬十等行劫一案。係乾隆五十三年二月之事。獲犯到案。後縣令屢經更易。案犯迄無確供。及臬司提至省城。遞委屬員審辦。並不親

提逮結事。懸兩載。該督劉戡置若罔聞。任其延宕。及巡城御史李獲案內逸犯具奏。因令將各犯解送行在審辦。不消一月。究出正犯正法。並將遲誤之地方官分別降革治罪。以示懲創。茲於山東途次。長麟奏定借帑修城章程。摺內有金鄉縣城一處。係明興任內勘估。朕以事隔數年。何以至今尚未辦理。欲查部駁。何至遲延緣由。始據長麟查明。此項工程。因奉部駁。行縣另估。又經該撫及布政使

繆其吉充沂曹道高瑤屢次駁減往返詳報未能及早興工其辦理遲延之咎實所難辭本當從重治罪但念該撫等究因奉部飭駁惟恐工料浮多疊加覈減尚非有意玩延且城工事在可緩亦非刦盜重情可比是以將該撫及司道等僅交部分別議處不復加以重究就此二事而論可見外省廢弛積習大抵相同朕省方所至經臨直隸山東二省因得於兩案洞悉情形分別辦理想其餘各省似此玩延懸宕之案或更有甚焉者必須妥立章程定以例限庶足專責成而清塵牘至六部等衙門辦理事務雖有定期由各道御史稽查彙奏但事有關涉兩部者亦每至彼此推諉行查不以為要吏胥等得以藉端沉擱百弊叢生其駁查外省事件又每以一駁了事或竟有駁至屢次往返耽延經年累月並不勒限嚴催殊非覈實辦公之道若大學士九卿科道等悉心會議將各部院衙門及

外省辦理一切要務如何另定限期隨時查覈之處酌籌妥議具奏將此通諭知之尋議奏酌定例限各省刦盜及重罪人命案件承審之員該督撫不得委派他屬及改委會審別項致逾四月之限至原問官審斷未當另委賢員者其該管上司向例限兩月應減為一月覈轉具題督撫臬司應提省審辦案件以人犯齊集到省日起限一月完結由部行查外省事件有於在省各衙門查覆者以文到日始限二十日查覆有轉行各處查覆者扣除程途以一月內轉詳逾限司員不嚴催者堂官叅處各省出借籽種口糧未完不及百石亦限一年催徵其僅數石數斗者令地方官賠補一承追銀兩已完交司庫經部行令解部之項以文到日起限六月批解各省州縣應行解司銀兩自奉文日始限一月完解報部其有因該上司因循以致承辦官離任輾轉請咨者追者即應著該

上司賠補一各省報銷工程案件。部駁至三次。仍不覈實造報者。除照舊奏明分別減准外。即將該督撫及承辦官隨摺參處。從之。○是日駐蹕濟寧州行宮。○戊戌

上自濟寧登舟。○諭朕此次巡幸山東。所有扈從官員人等。俱由陸路行走。毋庸乘坐船隻。以省船戶等守候之勞。現在隨用大小各船。為數雖屬無多。而水手人等。當差出力。亦宜體卹。著仍照上屆巡幸山東之例。於常值外。每水手一名。日增給銀二分。俾得均霑實惠。

○是日御舟駐蹕大長溝水營。○己亥

上詣

禹王廟分水

龍王廟行禮。○諭本年係朕萬壽大慶。蒙古王公等。自必各請祝嘏。以効悃忱。惟內外各扎薩克甚多。若准其全來人數過眾。各游牧亦乏辦事之人。此內御前行走。乾清門行走者。准其前來外。其餘輪應年班者。准其前來。

非班期者。俱不必來。著交理藩院通行。內外扎薩克一體遵照。○諭軍機大臣等。前以禹貢徐州貢道有浮於淮。泗達於河之文。淮泗不能相通。而河之故道距淮泗甚遠。本不合流。所云淮泗可以達河之說。恐不足據。因命彭元瑞紀昀詳考具奏。茲據彭元瑞等摘錄諸書。加案具奏。以為淮泗不通河之證。朕親加繙閱。有謂由汴達河者。有謂淮泗達於河澤。古文本應作汴。傳寫訛為河者。羣言淆亂。

紛如聚訟。皆由泥釋達字之義。謂必因水及水始名曰達。遂致畫地拘時。迄不可通耳。不知虞夏都冀。其地三面距河。九州之貢。集於冀州。達河即抵帝都之謂。非必一水逕通也。即如徐州物產。蠙珠貢自淮夷。未必皆可自淮達河。泗濱浮磬。亦可自泗達河。未必定指淮泗合流達河也。猶之近時滇南銅鉛。閩中荔枝。粵東香橙。雖俱由運河以達京師。而經歷程途。有水有陸。寧得謂滇之洱海。閩之建

溪。粵之湏江皆可與運河相注而達於京乎。即今證古以意斷之。淮泗之水彼時似各為一流。而皆可各達河。此特朕無聊之思。著傳諭彭元瑞紀昀再加紬繹考訂。明確詳悉。伊等均係讀書博覽之人。如別有所見。不妨據實奏覆。直陳。毋以朕意若此。曲為附會也。○又諭本日閏正祥奏查閱營伍地方情形一摺。內稱正定一帶。今春雨澤雖少。去秋雨水較多。田禾尚不乾旱等語。上年夏秋之間。直隸等處雨澤深透。兼有冬雪。是以春雨雖稀。土膏尚屬滋潤。但晴霽日久。究恐不無望澤。今覽閏正祥所奏。雖未明言缺雨。而望雨之情自見。朕此次巡方所莅。無時不廑念雨暘。現在東省竟覺望雨。已派乾清門侍衛慶成前往濟南府省城虔誠祈禱。以祈速沛甘霖。著傳諭梁肯堂如直隸實係望雨。即督率所屬設壇祈禱。並將近日各屬有無雨澤。是否不致乾旱之處。詳悉查明。即行據實具奏。毋

得稍存諱飾。○又諭本日據康基田奏稱。安省二月初旬先後得雨。田水充盈。安池一帶復於三月初旬連得霽雨等語。現屆麥畦吐穗。秧苗待蒔之時。農田正資渥霽。茲安省陸續得有雨澤。塘堰溝澮蓄水裕如。足慰廛注。惟是江蘇毗連安省。前經書麟等於二月內奏過春雨優渥情形。一月以來想田畦又需青澤。現在該省是否續沛甘霖。尚未據該撫奏到。著傳諭閔鶚元即將江省曾否得雨。有無望澤之處。據實迅速具奏。毋得稍有諱飾。以副朕廑念雨暘無時或釋之至意。○是日御舟駐蹕王老口水營。○庚子。諭本年朕八旬壽辰。業經降旨將各直省地丁錢糧普行蠲免。烏魯木齊各州縣每年額徵地糧。本不在蠲免之列。第念內地錢糧俱已全行蠲免。該處若不獲一體邀恩。邊氓未免向隅。著加恩將烏魯木齊所屬各州縣戶民額徵地糧七萬餘石。豁免三分之一。以示加惠邊黎。至

意該部即遵諭行○又諭據浦霖奏護送銅船過境一摺。夾單內稱。湖北委員南漳縣知縣李繼孟沿途磕碰銅一千七百五十觔。江蘇委員常熟縣知縣何廷鳳沿途磕碰銅四千七百三十五觔等語。所奏殊不近理。銅觔為質甚堅。鎔鍊時尚費推鑿。何至如玉器磁器不耐磕碰。即使銅板四邊澆薄之處。偶有擦損。自在船內。尚可隨時檢拾歸數。即稍有遺失。亦不應多至數千餘觔。若銅觔因沿途磕碰。即有損耗。假令各省解送銀兩數目短絀。亦可藉稱磕碰乎。此必係解銅委員有盜賣遺失情弊。誣報掩飾。所言本不足信。而沿途各省督撫不加體察。即行據稟入奏。甚屬漫不經心。所有此項磕碰短少銅觔。即著浦霖照數賠補。遇便搭解。委員李繼孟何廷鳳俱著交部嚴加議處。嗣後如有解銅官員稟報磕碰數目。督撫中昏憤者遽行轉奏。俱照此辦理。以示懲儆。○署四川總督孫士毅奏

川省五方雜處。民情犷悍。命案倍於他省。應從重辦理。新疆一帶營汛。操防嚴整。民番皆知守分。各土司亦俱安靜。至鹽法宜嚴查緝。私水陸各引。除分運滇黔。尚有湖廣八州縣。由川江及酉陽黔江行走。查夔州水陸要衝。巫山入楚門戶。現飭鹽法道及該管府廳州縣。各於要隘巡查。仍嚴禁私煎。不許稍有撓越。批得其要矣。又奏銅鉛各廠如寧遠樂山榮經石柱等處。出產漸衰。現委練員經理。并飭各廠員招覓子廠開採。其寶川局每年應易之錢。尚不敷省城一月之用。若將小錢概加禁絕。實多窒礙。應暫准通融酌定。每錢一千重六觔者。作銀六錢六分零。五觔左右者。作五錢。餘小碎者。不准行使。仍用局錢收買。易銀歸款。并分飭各屬嚴拿私鑄。報聞。○補行福建省乾隆五十二年軍政卓異官六員。罷軟官二員。年老官二員。有疾官二員。分別議敘處分如例。○是日御舟駐蹕五里堡水

營○辛丑諭軍機大臣曰孫士毅奏川省地方情形一摺籌辦調劑均得要領惟收買小錢一節摺內稱川省有攬和小錢之弊請定價逐日收買搭配銅鉛改鑄制錢易銀歸款現將破爛小錢概行收買其餘尚堪行使者暫准流通仍酌定易錢數目商賈無利可圖自不肯攜至川中等語川省行使小錢殊干例禁但相沿日久若竟全行禁止未免於邊黎生計有關孫士毅請將破爛小錢一面收買一面將尚堪行使之錢定以價值於禁止之中稍寓變通之道亦祇可如此辦理但小錢因私鑄而起若止收買小錢隨收隨鑄其弊究未能淨絕且直隸山東河南山西江南等省從未聞有夾雜小錢之弊何以川省積習相沿皆將破爛小錢攬和行使自係該省為銅餉聚集之所奸民射利於山僻地方私行鼓鑄以致小錢充斥孫士毅現已飭屬訪查著傳諭該署督派委妥協員弁嚴密查拏

務使私鑄淨盡則夾雜小錢之弊可以不杜自絕至四川隣省地方亦恐有奸民等私鑄小錢運往川中希圖獲利之事並著傳諭甘肅陝西湖北湖南雲南貴州督撫一體嚴行查禁實力訪拏毋得視為具文致壞錢法○戶部議覆漕運總督管幹珍疏稱鳳陽衛各幫向係兌運蘇常二府漕糧應支月糧米石每年赴上江各屬支領零星寫遠不能及時濟運請將安慶廬州六安鳳陽太平淮安揚州徐州海州常州等屬額徵行月米石除坐派本次幫船外餘順道州縣存剩米仍派鳳陽各幫支領其派剩寫遠不便之行月米自本年為始歸漕糧項下搭運於揚州府屬沿河州縣內易出漕贈米石為鳳陽各幫坐派行月之用應如所題從之○是日御舟駐蹕七級馬頭水營○壬寅諭據留京王大臣等奏審訊給事中納福向指揮說情取保一案所辦殊屬非是納福職司巡城徇情庇役將

戶部發交看守之李文遠一犯面囑指揮取保復強行傳取釋放實屬從來未有之事王大臣等審問時納福僅自認面向指揮說情取保而於令家人王姓前往闢說又令李瑞向指揮衙門強索中途釋放之處均誣為不知明係混行狡賴乃王大臣等並不嚴切訊究輒據一面之詞意存開脫其漢給事中葛鳴陽官係同城且李瑞保去李文遠之後曾經向伊稟知是該給事中既已失察於前又不叅劾於後必有徇庇同官情弊自應一併革職嚴訊乃僅請將葛鳴陽解任而於指揮法樂生亦並請解任質審使之兩敗俱傷又出情理之外法樂生係稟報此案之人尚當予以嘉獎即或因畏懼上官擅聽帶去雖屬不合亦過之小者於定案時功過尚足相抵本無庸令其解任若如王大臣等所擬則將來遇有執法營私之事又誰肯首先呈報耶王大臣等審辦此案甚屬紕謬除皇六子永

琿現在病尚未痊並未辦事不過照例列名無庸置議外其留京辦事王大臣及刑部堂官俱著交部議處並將葛鳴陽革職與案內人證東公嚴審定擬毋得仍前有意開脫顛預了事將此通諭知之○又諭據明亮等奏李獲由薩木薩克差遣及代薩木薩克科斂銀物之回子已喇特等八犯審明全行正法各等語新疆回子等從前交通薩木薩克私與科斂銀物情殊可惡節經從重辦理示懲今雅呼和卓等竟自不知畏懼仍敢交通薩木薩克私為科斂銀物其中又復牟利大半分肥入己情尤可恨實屬不法已極明亮等全行拏獲審明業將已喇特等八犯俱即正法辦理尚是但此案究係由明興處研訊前來貿易之安集延回子呼岱巴爾底始將此等情節及案內人犯一一究出明興自差往葉爾羌以來辦理此案尚屬認真出力著加恩將因伊前任所有革職留任及革任註冊

之案。交該部查明俱著從寬開復。雅滿泰一
聞明亮等所寄之信。即將莫羅努爾默特等
拏獲。押解喀什噶爾。尚屬妥協。雅滿泰著加
恩陞為頭等侍衛。伊斯堪達爾遵照明亮等
交派將薩木薩克所遣回子已喇特拏獲。亦
能感激朕恩。實心奮勉從事。著加恩齎賞大
荷包一對。小荷包二對。以示鼓勵。至從前私
販大黃案內。發往浙省之回子邁瑪喇伊木
即令在於彼處處斬。除另降諭旨。發交該撫
外。所有明亮等擬遣回犯庫察克和卓等著
沿途出派妥幹弁兵嚴加防護。押解來京。其
餘均照明亮等所請行。仍交明亮等將現在
未獲各犯。務令留心嚴加察拏。緝獲之日。亦
照此次嚴加治罪。以示懲儆。又諭曰。蘊端
多爾濟等奏據俄羅斯固畢爾納托爾差來
發特發爾科富尼克瑪玉爾所請折抵烏拉
勒寨一案。將達巴岱之夥黨布哩雅特哈什
喀克貴打致斃。將瑪爾虎善打至垂死。業經

咨行固畢爾納托爾等語。所辦又復錯謬。昨
朕已先行降旨訓示。蘊端多爾濟等若俄羅
斯等將此二布哩雅特拏獲。恭順懇請折抵
烏拉勒寨一案。即令固畢爾納托爾呈報薩
納特衙門。由彼薩納特衙門行文理藩院。由
該院具奏。候朕再降諭旨。特為俄羅斯等乞
請時。蘊端多爾濟等一時心無主見。是以豫
為授意。而又以此事務俟俄羅斯等諄諄懇
乞之後。始照所請完結。則俄羅斯等亦感恩
知懼。並非將就俄羅斯草率了事也。今松筠
徒據瑪玉爾所言。即如此辦理。俄羅斯等必
以為我將就伊等希圖了事。況此案固畢爾
納托爾並未向松筠言及。亦係瑪玉爾等如
此懇說。而瑪玉爾不過與本朝札爾呼齊職
分相等。尚不可與松筠辦事。即固畢爾納托
爾如此乞請。松筠亦不可應允。如此辦理。自
當呈報該院轉奏候旨。今憑瑪玉爾等一言。
松筠即如是草率了事。彼奸詐俄羅斯之薩

納特衙門或固畢爾納托爾竟食前言轉云此二布哩雅特俱無罪過我並不欲責打致斃皆係我處瑪玉爾等錯誤今已將瑪玉爾治罪另行更換仍從前妄為推諉抵賴彼時如何辦理反致俄羅斯等輕忽得意松筠何見不到此耶至烏拉勒寨案內原擬四人正法今只打死一布哩雅特亦不能折抵若松筠尚未接到從前諭旨已屬孟浪若已接得諭旨猶是如此辦理則錯謬更甚此案不特松筠想欲了事即朕亦思通融完結但必須俄羅斯等先行懇請爾等具奏朕曲為准行尚可示朕恩耳即此二布哩雅特亦係無罪之人烏拉勒寨等果否已死有何的據松筠即如此任意自專孟浪妄行甚屬不堪即如新疆及臺灣等處俱有自行專辦之事如將重犯先行正法然後具奏者所辦近是朕尚嘉獎似此並非不可稍待之事松筠具奏再行辦理有何不可如此自專果是或尚可行

今乃大錯謬矣若有殺人之事亦妄自專辦可乎從前朕以松筠似有出息尚堪倚任看來竟甚糊塗福薄辜負朕恩試思此案不完不通貿易於我國家有何關涉即我蒙古小民亦無傷礙且松筠曾向俄羅斯等屢經提及今年係朕八旬萬壽之期亦甚無謂此亦我國大慶盛典普歡祝嘏早於俄羅斯等有何干涉耶即如俄羅斯國內有何喜事告知我國尚為事乎松筠辦理此事如此孟浪自專草率完結顯係思念家屬藉朕萬壽大慶為詞此案後即可回京之意耳松筠著革去侍郎副都統並花翎賞給四品職銜仍留該處辦事効力贖罪今由此代蘊端多爾濟等繕寫行知固畢爾納托爾咨文稿底寄去蘊端多爾濟等接得後照例繕寫發交俄羅斯固畢爾納托爾又諭據保寧奏稱伊犁各營兵丁所用角弓年深漸壞該處購買維艱請交陝西巡撫製造一萬一千餘張陸續解

交備用。又庫存箭枝亦多朽壞。並請暫動公項於內地購買箭翎、桃皮等物。令兵丁製造等語。所奏殊屬未妥。伊犁乃極邊要地。駐防兵丁一應器械皆當堅利。至弓箭尤為我朝利器。兵丁等皆宜自行製造。且京城及東三省內外蒙古、扎薩克所用弓箭俱係本處自行備辦。從未聞有他處代造者。我滿洲舊習以弓馬為要務。所用向皆自製。保寧寧不知耶。且伊犁滿洲索倫、錫伯、厄魯特等所用弓箭。又將誰為代製。若如所奏久之兵丁不能自製。並騎射亦生疎矣。伊犁各營及綠旗兵丁內自有能造弓箭者。即使無多。儘可多派數人。令其學習。且箭翎、桃皮等物皆口外所出。伊犁購之甚易。筋角、膠、縹等類。伊犁每年既捕魚鹿。亦應教用。何待內地辦解乎。現在所需弓箭著暫由內地辦解一半。其餘著保寧於各營及綠旗兵丁內擇其能造弓箭者數人。令教習兵丁製補。不惟省內地代

辦之繁。而兵丁等亦不失舊業。轉相傳習。尤於公務有益。保寧仍著傳旨申飭。諭軍機大臣等。本日刑部奏察哈爾蒙古匪犯得爾格楞貴等強劫馬匹案內夥盜登晉即得克晉一犯。因另案發配河南。業已飛咨河南巡撫審訊辦理等語。著穆和蘭速提登晉即得克晉訊明。如果係此案夥盜。即將該犯在配所正法。倘該犯恃質證無人藉詞狡展。即派委委員將該犯徑解察哈爾都統質訊辦理。至該都統現獲訊明咨部。經刑部擬斬立決之得爾格楞貴達爾濟丹津阿玉什四犯著傳諭該都統於四犯內擇可與登晉即得克晉質證者酌留一人暫留監禁。候質其餘三犯著即先行正法。至所留之犯俟河南知照到日及解犯質證後再行正法。并諭刑部堂官知之。又諭刑部定擬申兆吉劃傷胞叔申榮身死一本據稱申兆吉向胞叔申榮之子申開吉索欠互相爭扭。申榮幫護伊子棍

毆申兆吉復取篋內屠刀該犯恐致砍扎搶
刀走避申榮趕上抱住申榮之妻趙氏趨至
奪刀申兆吉用力掙脫致將申榮劃傷殞命
應將申兆吉定擬斬決復夾簽聲明衅起死
者護子趕毆傷由掙脫誤劃並非逞兇干犯
票擬雙簽進呈朕閱本內情節多未確實此
案起衅由申開吉與申兆吉互相爭扭申榮
恐伊子被毆上前幫護父之於子本屬情理
之常況申榮係申兆吉胞叔亦係分應責打
之人且衅由申兆吉索債而起遽將屠刀劃
傷伊叔身死恐另有逞兇干犯避重就輕情
事雖據該犯供稱申榮欲取篋內屠刀該犯
搶刀掙脫以致誤劃斃命但係該犯一面之
詞並非出於屍親之口別無左證豈可據以
定讞致滋輕縱刑部為天下刑名總匯於此
等服制重案並不悉心推究率照原報情節
定擬又為夾簽聲明以斬決斬候雙簽請旨
如將該犯即行處斬是此案用法從嚴由於

朕意若竟從寬改為監候則該犯得以緩死
全賴刑部為之聲請又可為沽名之地該部
為執法之司豈可有意從寬邀譽獨以刻覈
之名歸之於朕耶嘗聞皋陶曰殺之三堯曰
宥之三未聞堯曰殺之三皋陶轉曰宥之三
也阿桂等皆曾讀書識字又係素能辦事之
人何以辦理此案錯謬至此且現在山東一
帶望澤維殷朕屢切民依焦勞日甚阿桂等
不知仰體朕懷何忍以此等案件歸過於朕
致增煩懣試今阿桂等自問於心安乎阿桂
等著傳旨嚴行申飭原本發還仍著推究案
情另行具題如申榮實有搶奪屠刀左證申
兆吉實係掙脫誤劃並非逞兇干犯聲明確
切憑據即可改為斬候無須迴護請旨票擬
依議之簽何必待朕從重定擬耶朕辦理庶
獄惟期平允原不稍存成見亦不肯代人受
過也將此諭令知之○軍機大臣議覆山東
巡撫覺羅長麟奏稱兗州鎮沙溝營地衝差

繁除分汛外存城都司一員經制外委一員又范縣營存城守備一員遇公出即無員弁在營料理請將該二營各添設額外外委二員以資差操即於各該營兵內考拔應如所奏從之○欽差御前大臣領侍衛內大臣喀爾喀扎薩克和碩親王固倫額駙拉旺多爾濟奏臣於二月二十四日至索約勒濟哈倫烏蘇地方傳集哲哩木錫林郭勒盟長喀爾喀車臣汗部落扎薩克及索倫巴爾虎等宣

示

皇上賞給伊等圍場之旨均各感激叩謝臣因帶領伊等至索約勒濟山頂瞻望圍場約計週圍一千三百餘里對照舊存檔案各計有水草之處分別勘定由黑龍江昂阿齊老台至索約勒濟山根東北為黑龍江所屬由喀爾喀郭勒台至索約納濟山根西北為喀爾喀所屬由烏珠穆沁哈布齊勒台至索約勒濟山根西南為烏珠穆沁所屬由科爾沁博

羅和濟爾台至黑龍江陀羅河南岸烏珠穆沁界為哲哩木所屬各行分給查本年索約勒濟山前積雪甚深暫砍樹為記俟立夏雪融再立鄂博報院存案並嚴飭伊等派人留心巡察防護得旨嘉獎○以西藏辦事大臣舒濂為戶部右侍郎○是日御舟駐蹕朱官屯水營○癸卯調正紅旗漢軍副都統富銳為正紅旗滿洲副都統以正紅旗漢軍叅領王汲為正紅旗漢軍副都統以廣西新太協副將德克精額為直隸正定鎮總兵○旌表守正捐軀直隸大名縣民宋二妻田氏○是日御舟駐蹕新莊水營○甲辰諭軍機大臣等昨據梁肯堂奏滄州地方於本月二十日未時起戍時止得雨四寸等語朕巡方所蒞無不廑念雨暘近日東省天氣久晴望澤較亟既據梁肯堂奏滄州於二十日得有雨澤其餘各州縣有無續行稟報得雨之處著梁肯堂即行查明迅速具奏再朕此次回鑾

聞該督於二十五日迎至甲馬營出境未免太遠。並著傳諭該督於二十六日在石屯迎駕。○又諭前據孫士毅奏川省地方向有攙和小錢之弊。請定價收買銷燬。另行改鑄制錢。已降旨傳諭該署督嚴禁私鑄。以絕弊源。並令四川雲貴鄰近各省一體嚴行查辦矣。昨叩閭民人呂鳳翔具控呈詞內有陝西安康縣私鑄小鐵錢一款。可見陝西地方竟有奸民等私鑄之弊。又聞浙江商民市易亦多將破爛小錢攙和行使。其弊與川省相同。不可不嚴行查辦。從前整頓錢法。曾經通行飭禁。不得擅用小錢。近年以來地方官視為具文。因循不問。遂致小錢充斥。夾雜行使。奸民等希圖射利。必至私毀制錢。將一文改鑄數文。質地輕薄。殊干例禁。但相沿日久。若一時嚴行查禁。恐市肆錢價驟昂。於小民生計亦有關係。自應將破爛小錢收買改鑄。其尚堪行用之錢。定以易換價值。使之無利可圖。

行之已久。為之以實以漸。其弊不杜自絕。斷不可稍事張皇。使市僧聞之。居奇昂價。至奸民等既能私鑄。必致私銷。弊源實在於此。各督撫務須不動聲色。督飭所屬密行查禁。倘再顛頑不辦。使小錢仍復流通。則惟該督撫是問。除就近面行傳知梁肯堂長麟外。將此諭令各省督撫知之。○又諭據保泰等奏稱遣往軍臺効力贖罪之廢員任學周。三年期滿。應交之項交完。請將任學周之情罪交部查奏等語。發往新疆各處効力贖罪之人。期滿後。俱由各該處將伊等原犯情罪。用漢字夾片具奏。今保泰具奏任學周年滿。並不將該員情罪一併具奏。殊屬非是。除交該部將任學周情罪查奏外。著傳諭保泰等嗣後此等軍臺効力人員。期滿具奏時。將原犯情罪用漢字開列清單呈覽。○陝甘總督勒保奏。洮州土司世襲指揮楊家業呈稱。恭遇皇上萬壽。願入京叩祝。應請照五十一年莊浪

土司入覲例。今隨各回城伯克同赴熱河。得旨。准其來。又奏。准哈密辦事大臣咨。該處供差馬匹。為數無幾。請將巴里坤廠馬。照例派解三百匹。應用。經移令巴里坤鎮和倫。選派弁兵。將前項馬解赴哈密交收。並據稱。該廠尚有出羣馬四百五十餘匹。足以籌備五十六年差馬之用。應如議。備派其餘馬。留為該廠抵補倒缺年額。報聞。是日御舟駐蹕珠泉屯水營。乙巳。諭軍機大臣等。據富綱

等奏。緬甸國長孟隕差親信頭目便居未駝等。齎送金葉表文。貢品象隻。叩祝萬壽。於三月初四日至鐵壁關。四月初旬到省。後即派員伴送起身赴京。並據該國長懇請勅賞封號。管理阿瓦地方。求開騰越關禁。俾通市易等語。緬甸國長孟隕敬關內附効。惻維殷前已遣使恭進方物。以邀賞賚。燕醕。茲以朕八旬壽辰。普天同慶。復敬備表貢。遣使來京祝釐。遠涉萬里。實屬恭順。可嘉。自應俯允所請。

給予封號。以資綏輯。俟其貢使到時。再將錫封勅書。及國王印信。交令齎回。茲先降勅褒諭。並親書御製詩章。以賜。仍加賞珍珠手串荷包等件。以示優眷。該督等接奉後。即照安南之例。遣派道將大員二人。親齎恭捧前往宣封。面交祇領。該國長備沐寵榮。自必倍加欣感。至該國自禁止通商以來。需用中國物件。無從購覓。而該國所產棉花等物。亦不能進關銷售。今既納賈。稱藩。列於屬國。應准其

照舊開關通市。以資遠夷生計。此事不值寫入勅諭。著傳諭該督等。一面照會孟隕。以該國懇請開關。業經代奏。欽奉大皇帝恩旨。准行。即一面飭知沿邊官員。定期開關。市易。以示嘉惠。遠人之意。再據富綱片。奏南掌國王虔備表文。馴象。遣使祝釐。并附進明年例貢。不日即可抵邊等語。南掌素稱恭順。曾經受封進貢。茲復遣使。臣遠來叩祝萬壽。係屬好事。自應准其所請。著傳諭該督。俟南掌貢

使抵關。即派委妥員護送到省。酌加賞賚。與緬甸貢使分起前後起程。俱於七月二十日前後。至熱河行在。與蒙古王公各外藩貢使同與壽筵。俾得共覩盛典。以遂其瞻觀之忱也。○勅諭緬甸國長孟。頃曰。據雲貴總督富綱奏。爾深感天朝厚恩。敬備表貢。遣使叩祝萬壽。並欲求請封號。已將表文呈覽。朕披閱表內詞義。肫懇祈籲情殷。誠悃實屬可嘉。朕維懷柔藩服。德化所先。効悃將虔。宜加褒錫。

爾自嗣攝國事以來。即遣陪臣具表。敬關輸誠。納賚。朕特鑒爾恭順。降勅褒獎。並賜爾佛像。文綺珍玩。器皿等物。用昭優渥。茲復以朕八旬萬壽。率土臚歡。遣使祝釐。遠涉萬里。尤見向化之忱。已命雲貴總督飭送來使。前赴熱河行在。與蒙古王公。回部伯克。及安南國王。庶邦君長等。同與筵宴。瞻仰朝儀。並當加以優賚。共沐恩榮。至爾以攝國有年。欲懇請天朝封號。以資鎮撫。因念爾國遠在炎陬。恪

共職貢。茲於遣使之前。先期坐擺。致潔告虔。更徵謹恪。朕甚嘉焉。已降旨交該部封爾王爵。俟爾使臣到京。再將錫封印信。勅書交與。爾回。茲先降勅褒諭。親書御製詩章。以賜。並加賞珍珠手串一掛。使爾益加欣忭。並使爾舉國臣民。同深慶幸。已令該督遣大員二人。親齎恭捧。送至爾國。面交祇領。爾既受茲寵錫。備沐殊榮。益當倍矢敬共。恪遵侯度。屏藩南服。延及子孫。仰副朕撫遠綏來至意。○

御製賜獎緬甸國長孟。頃詩曰。奉表前年施惠往。請封今歲竭誠歸。赤心那限萬里隔。黃詔從教舉國輝。經事自惟老勝壯。化民應識德羸威。內安外順胥。

天佑。益切屏營。凜勅幾。○蠲免直隸昌平寶坻雄縣滄州鹽山豐潤玉田等七州縣乾隆五十四年分水災旗地租銀。○蠲免湖南武陵桃源二縣乾隆四十三年分水災出借社穀七千八百六十七石有奇。是日御舟駐蹕。

甲馬營水營。○丙午。御舟駐蹕石屯汎水營。○丁未。諭軍機大臣等。本日據愛星阿奏。馬蘭鎮一帶。於本月二十日未時得雨起。至酉時止。入土四寸等語。現屆二麥結穗之時。農田正資膏霽。薊州距京不遠。業經奏報得雨。近日京城分壇祈禱。是否同時亦得甘霖。尚未據奏。及著傳諭留京王大臣。將現在京城果否得雨情形。即行據實具奏。以副朕廑念雨暘。無時或釋至意。○又諭據穆和蘭奏。歸德開封一帶。二麥暢茂。吐穗揚花。高粱粟穀俱已播種。省城於本月二十日酉時得雨起。至戌時止。入土一寸。當秋稼播種之候。得此春膏。深為有益等語。朕巡方所至。屢念雨暘。現值二麥結實之時。運河一帶。久未得有透雨。天氣燥熱。風沙甚大。見道旁麥苗。已經吐秀。亟須渥沛甘膏。結實方能飽綻。是豫省二麥情形。雖據稱吐穗揚花。恐與東省相等。且所奏省城得雨。僅止一寸。尚未深透。可知著

傳諭穆和蘭。即將豫省曾否續得透雨。各府地方。有無望澤情形。並與麥收有無妨礙。即行據實具奏。毋得稍有諱飾。致負委任。○禮部以會試中額請得旨。這會試滿洲蒙古取中三名。漢軍取中一名。直隸取中十一名。奉天取中一名。山東取中十名。山西取中六名。河南取中五名。陝西取中二名。江南取中二十八名。浙江取中八名。江西取中七名。湖北取中三名。湖南取中三名。福建取中四名。廣東取中三名。廣西取中一名。四川取中三名。貴州取中二名。雲南取中一名。○漕運總督管幹珍奏。江浙漕糧經撫臣閔鶚元琅玕等奏明米色不純。抵通後另貯先放。臣查該二省漕糧。為數較多。若如原奏將蘇松常鎮杭嘉湖七府太倉一州米石盡數另貯。舊存米恐致積壓。臣酌量分別。如江省之丹徒丹陽武進長洲元和吳縣南匯等七縣。浙省之仁興和餘姚臨安新城於潛昌化桐鄉德清長興

武康。安吉等十一縣米六十一萬三千餘石。顆色純實。均堪久貯。其餘應行先支。現將各數目移咨倉場侍郎。驗明酌辦。得旨。甚妥。知道。○福州將軍魁倫。閩浙總督覺羅伍拉納。福建巡撫徐嗣曾。奏查大黃一種。遵旨嚴禁出洋。惟琉球歲勤貢獻。恪守藩封。前經奏明。移咨該國王。酌計每年准買三五百觔之數。此次夷船回棹。應准其購用。第令自行買運。恐鋪戶以例禁出口。高擡價值。否則任意透漏。臣等酌議。委官代買三百觔。飭夷官繳價領運。批。是。又奏一體免稅。仍移行該國咨覆備查。得旨。覽。○是日駐蹕德州行宮。翼日如之。○戊申。諭軍機大臣等。頃據福康安覆奏。阮光平寄來蟒袍式樣。係漢制圓領一摺。始悟從前錯會所奏之誤。總由福康安摺內有該國王愛美中華黼黻。阮光顯已於湖北漢口置買蟒袍帶回之語。朕披閱之下。因文會意。一時以為在漢口置買蟒袍。斷不能改。

圓領。自係該國王心慕華風。有到熱河後。隨眾更換中國衣冠。並表其恭敬之意。是以降旨詢問。殊不知與該國稟請情形互異。竟似有強其改換之事。則錯矣。今細閱福康安奏摺內。有此時未便先行照會之語。自係亦知此事錯誤。不敢顯言。福康安受朕深恩。委以邊關要務。茲辦理安南一事。見阮光平懇請入覲。邊隅寧謐。未免心存高興。所奏之摺。每數敷衍開文。轉昧本意。即如前摺稱欣慕中華黼黻。在漢口置買蟒袍等語。試思漢制衣冠。並非本朝制度。祇可稱為圓領。何得謂之蟒袍。更何得謂之中華黼黻乎。此必係庸劣幕賓。擬寫摺稿時。隨手填砌成文。福康安又不諳文義。未加檢點。遽行入告。遂爾錯誤至此。思之殊增煩懣。似此劣幕。亦未便稍事姑容。著再速行傳諭福康安。務將此旨並前次諭令同看之旨。不必稍露詞色。總以無此事為善。若阮光平業經進關。福康安已於晤時。

言及亦著將實在情形據實速奏不可稍存欺飾○又諭據康基田奏署蕪湖縣事鳳陽縣丞胡璘在沿江地方盤獲盜犯魯玉陳惟聚張起三名究出向在糧船拉絳曹夥同逸犯馬老王三張三薛三王六等自上年冬間至本年春間在安省之東流望江懷寧桐城并湖廣江西之黃岡湖口等處先後行劫現在飛提人犯到省嚴行究辦等語盜犯魯玉等膽敢於江面地方疊次糾夥肆劫殊屬不法該縣丞胡璘訪得形跡可疑即帶同捕役巡兵親往盤獲甚為能事著該署撫即將該員給咨送部引見再降諭旨其在逃之夥匪馬老王三張三薛三王六等各犯必須上緊查拏全行弋獲以正刑誅該犯等曾在湖廣江西等省沿江一帶行劫或在各省逗留竄匿均未可定並著各督撫嚴飭所屬派委妥幹員役嚴緝務獲毋任遠颺漏網○兩廣總督公福康安奏據安南國王阮光平咨送左

江道移文內稱已派國親鄧文真范文治並政省詞林文臣都督府武職各員同文署樂工各名先赴黎城該國王往富春省母回義安即諏吉起程茲先撰慶祝萬壽詞曲十章令樂工演習按拍定譜先行送進伏查前年緬甸貢使帶該國夷樂進京曾命內府演奏今阮光平所進詞曲十章俱係詞闕尚無不合體例且其隨帶樂工演奏希冀列入太常尤為恪恭慶忭當即飭令照繕攜帶進呈報聞○已酉諭據奎林等奏邵武左營把總楊輝亮外委彭槐管帶南路營班滿換回兵丁一百九名並水兵三十名至澎湖洋面猝遇颶風船被擊沉除水兵李進國等十七名班兵馬大雄一名遇救得生外餘俱漂流查撈未獲等語弁兵等班滿回廈在洋遭風擊沉船隻以致漂沒一百餘名之多殊可憫惻把總楊輝亮外委彭槐著交該部照陣亡例議卹其漂沒班兵水兵等著奎林

等查明咨部一例賞卹以巴里坤領隊大臣永安為鑲紅旗滿洲副都統蠲免直隸長蘆嚴鎮興國富國豐財蘆臺等五場乾隆五十四年分水災竈課有差是日御舟駐蹕袁家樓水營庚戌諭曰舒濂等奏稱班禪額爾德尼呼畢勒罕之父公巴勒丹敦珠克溢逝等語朕心甚為憫惻著遣普福致奠外仍著撥賞該處庫銀五百兩以襄善事

又諭曰奎林等奏審擬李同毆死陳誥賄買

頂兒一案已交軍機大臣會同行在法司速議具奏矣此案李同斃命買兒各情節業據該縣唐時勲審訊得實因審限已迫與幕友潘鴻緒商辦通報潘鴻緒起意改作尋常毆毆從輕完結圖避處分該縣家人翁元知此案改輕乘機詐騙犯李同番銀五百圓是唐時勲之擅改重案情節幾致正犯漏網翁元之詐騙多賊身罹重辟皆由潘鴻緒起意改案所致今唐時勲已在臺灣枷號滿日發

往新疆充當苦差而潘鴻緒係此案罪魁較唐時勲情節更重免其正法已屬從輕若照奎林等所擬轉得於枷滿之日送回原籍不足蔽辜且幕賓等平日高擡聲價厚得修脯庸劣官員聽其愚弄陷於罪戾伊等轉得置身事外實屬可惡潘鴻緒著照唐時勲之例一併發往新疆充當苦差以為劣幕舞文者戒嗣後各省劣幕如有似此主使作弊本官獲罪者定案時俱著與本官同罪不得稍從

寬減著為令是日御舟駐蹕史家莊水營

是月左副都御史陸錫熊奏分校文溯閣全書事宜得旨立法雖詳仍在爾等盡心細閱此番既定之後若再有錯訛是誰之咎慎之漕運總督管幹珍奏浙船現已過淮至楊莊口外前月因黃水漸長清水不能暢出河口經臣商同督臣河臣酌放上游之水線河蘆口壩及柳園頭等水下注運中河併力暢刷又經淮揚道於楊莊口外增築挑水兜

水二壩水勢增長畧為起剝即可暢渡又江西十三幫蒙借庫帑以清夙欠又添給半本銀米現已轉因為殷臣於過淮時即傳集兵丁明立規條節浮費定經制俾永遠濟運速潛得旨欣慰覽之○江蘇巡撫閔鶚元奏滇省委運京銅於清河口壩沉溺船隻一號未經全行撈獲運員病故應著該處道府分賠批不如是地方官更不認真撈獲可惜物力況所賠亦不多又奏嗣有撈獲即官為給價收存報部報聞○河南巡撫穆和蘭奏豫省永城縣洪河經前撫臣奏准挑築查該縣境有減水溝一道在洪河西上承碭山虞城夏邑三縣坡水匯注下達江南淮河又申隄一道護衛城池均因上年民埕漫溢以致淤墊殘缺應請借帑興修得旨如所議行

大清高宗法天隆運至誠先覺體元立極敷文奮武孝慈神聖純皇帝實錄卷之二十三十五十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十二

監修總裁官陸建勳太子太傅文淵閣大學士文淵閣領侍衛內大臣稽察欽奉

吏部理藩院事務正黃旗滿洲都統世襲騎都尉果功加七級隨帶加一級尋常加二級軍功紀錄一次並獲

總戰官陸建勳太子太傅文淵閣大學士文淵閣領侍衛內大臣稽察欽奉

世襲騎都尉果功加九級隨帶加二級又加二級尋常加二級軍功紀錄一次並獲

尋常紀錄十四次並獲總戰官太子少保工部尚書紀錄六次尋常紀錄奉

敕修

乾隆五十五年庚戌夏四月辛亥朔享

太廟遣肅親王永錫恭代行禮○是日御舟駐

蹕夏口北○壬子以故西藏納克書奔盆族

百戶谷魯策丹子谷魯擢襲職○旌表守正

捐軀直隸雄縣民唐廷漢妻李氏江蘇安東

縣民左秉彝妻梁氏河南裕州民李秀成妻

王氏○是日御舟駐蹕馮家口○癸丑諭曰

普爾普在御前乾清門行走多年其在軍營

亦頗奮勉今經溘逝實屬可憫著加恩賞銀

一百兩以作善事○諭軍機大臣等據工部

議覆畢沅等估辦常德府花貓隄石櫃石工

一摺內稱花貓隄一櫃加長展寬挑溜護城

關係緊要應如所奏辦理惟查選用舊料即

最少成數亦有十分之一二今該督等稱舊

料可用僅止三十分之一從未有似此抵選

之理等語此次畢沅等籌辦花貓隄石櫃雖

因舊料虧損可用者未免較少但向來選用

舊料即最少者亦有十之一二今估抵僅止

三十分之一與向例太屬懸殊恐該省承辦

官員不無浮開情弊著諭該督等詳悉查明

另行覈估據實覆奏毋令屬員稍有浮冒致

滋弊混○是日御舟駐蹕花園莊○甲寅戶

部侍郎韓鐸以江蘇高郵州巡檢陳倚道將

該州書吏私描印信重徵各情申部據實代

奏得旨此案著派慶桂王昶馳驛前往會同

該督提齊案內人證秉公嚴審定擬具奏所

有隨帶司員著一併馳驛○諭軍機大臣等

本日據韓鐸奏稱家人蕭雲漢自京專差稟

有高郵州巡檢陳倚道差人張貴將揭部文冊投至私宅及拆看後欲根問來歷張貴當即避匿因將原文差送中途投遞韓鏐以家人不加詳詢擅自接收恐另有別情請將蕭雲漢拏交刑部並查拏張貴一併嚴審根究等語蕭雲漢收拾公文見用印文冊即專差封送伊主閱看尚無不合蕭雲漢免其拏交刑部治罪至巡檢家人張貴齎送公文自應投交戶部衙門乃遽向韓鏐私宅投遞迨蕭雲漢拆看查詢又何以即行逸去著傳諭綿恩即傳蕭雲漢問明張貴年貌選派番役查拏務獲訊究明確據實具奏○又諭據韓鏐奏江蘇高郵州巡檢陳倚道揭報查獲私描印篆假給串票具稟該府州俱未批發本年正月初十日將各稟稿錄詳撫藩各衙門亦未經批發因將所獲各項錢糧偽串請據情代奏等語細閱此案情節及所描印信真偽顯然自非出於捏造閱鶚元係朕信任之人

平日辦事尚屬認真似此雕摹印信侵蝕錢糧之事一經發覺即應嚴行究辦據實具奏朕必寬其失察之咎乃於陳倚道詳稟時竟置之不問既已失察於前又復掩飾於後殊負委任此案既經陳倚道揭報必須徹底根究務使水落石出現已欽派大臣前往秉公審辦該撫諒不能將陳倚道加以陷害滅口著傳諭閱鶚元即將此案情節確切聲明先行據實陳奏如一無欺飾雖有應得之咎尚可量從末減倘意存迴護希圖顛預朦混一經欽派大臣究出實情恐該撫不能當此重戾也○又諭地方徵收錢糧全憑串票為據高郵州胥吏竟有私雕印信假串重徵之事實屬大干法紀既經巡檢陳倚道查獲偽串稟明該州究辦該州意存袒庇沉擱不辦及通稟巡撫藩司本府各衙門俱未批發又令該巡檢採辦硝觔自係藉差往他處以圖消弭此案如此通同欺蔽徇縱屬員尤非尋常

袒庇可比竟比直隸疎辦盜案更大矣。查閱該巡檢粘連呈遞偽串二張比對真串印篆不符顯有私描私雕情弊。該巡檢稟請查究實非無因。況該州因陳倚道屢次具稟面諭該巡檢此係前任之事。我既失察於前難以救敗。不過勒令書辦將錢糧彌補毋庸過慮。是該州亦知此案情弊屬實。特因前任事件推諉不辦。意欲彌補錢糧將就了事以掩其失察之咎。若地方官於此等侵蝕錢糧竟敢私行彌補則倉庫設有虧短侵漁亦將彌補不辦耶。書麟身係滿洲世受國恩非他人可比。高郵州雖其所屬但陳倚道祇稟撫藩並未向該督具稟書麟自無由知悉將來咎止失察亦無所用其迴護。現在已欽派大臣前來查審著傳諭書麟即速提集犯證弔齊卷案於欽差未到之前先行查明據實馳奏若敢徇庇罔鴉元康基田查究不實且以該知州吳瑒係吳嗣爵之子稍存袒護一經欽差

查訊具奏必將書麟一併治罪。想該督亦不敢代受過也。○又諭據穆和蘭奏開封歸德衛輝懷慶河南南陽陳州許州陝州等府州屬於三月二十七八九等日得雨自二寸至四寸等語現在山東直隸一帶望雨甚殷間有得雨一二寸至三四寸者而於麥田尚未深透。今該撫奏豫省各屬稟報得雨亦不過二寸至四寸可見該省望雨情形大畧相同現在二麥漸次結實半月內倘得透雨麥收尚不致歉薄。若此時遽因缺雨恐致歉收稍露形跡民間未免高擡糧價即涉張皇倘將來各府州屬或竟因雨澤稀少實有成災處所該撫即當據實奏明不可稍存諱飾著傳諭穆和蘭務須留心察看隨時據實覆奏。○是日御舟駐蹕司馬莊。○乙卯諭曰普爾普所遺正白旗護軍統領員缺著阿爾薩朗調補其所遺員缺著德勒格楞補授。○諭軍機大臣等本日披閱刑部會題雲南巡撫譚

尚忠奏前賓川州知州陶茶短缺承雙官項一本貼黃內稱應如該撫所題陶茶合依挪移庫銀五千兩以下已於限內全完應照例免罪而於該撫所題不准開復之處未經敘入轉似該部出語殊屬含混嗣後該部於本內貼黃情節務須聲敘明晰毋得稍有遺漏○又諭曰富綱奏南掌國王遣貢使赴京叩祝萬壽并進來年例貢於三月初十日入內地土司界四月中旬可抵省城緬甸貢使亦於三月十七日自騰越州起程約於四月初間到省今該貢使等分起行走務於七月二十一二日前抵熱河等語本年為朕八旬壽辰外藩屬國俱各納貢祝釐今改於七月十四日筵宴已令軍機大臣行知該督等令緬甸貢使於七月十一日至熱河南掌貢使於七月十二日至熱河移前不過十餘日該貢使等於四月中自滇起程計至七月初旬尚三月有餘儘可從容行走沿途畧覺趲行

亦不至過於勞頓也○是日御舟駐蹕楊家園○丙辰常雩祀天於園丘遣儀郡王永璘恭代行禮○諭軍機大臣等本日據康基田奏稱將擅出文結之訓導陳尚志及任憑教授李畧離任赴試並不究辦之知府張華甫提省嚴究雖別無受賄情弊但陳尚志瞻顧同官徇情出結張華甫於李畧起程並未禁止顯違定例除李畧一犯應聽刑部審擬外請將陳尚志張華甫照違制律均問擬杖徒等語已批交該部議奏矣李畧前經刑部審訊據供伊父李鰲年逾八十本不願遠離應試因伊父再三逼令進京不及請咨是以懇求陳尚志出結赴考如果迫於父命其情似尚可原今據康基田摺稱陳尚志供李畧係藉詞患病行遲赴省路遠因懇陳尚志通融出結則是李畧顯屬有心違例並非伊父催逼不及請咨所致李畧在

刑部所供明係因無人質對託詞親老希圖寬減未便以心存行孝援親老之例准其收贖將此傳諭刑部堂官並諭康基田知之○又諭據畢沅等奏漢陽縣知縣張瑤稟稱在漢鎮盤獲形跡可疑之王士虎馬三張進忠三犯訊出糾夥行劫各案正在提犯嚴鞫適康基田將盜犯魯玉等供出逸盜馬老三王三張三等咨會協緝查明即係王士虎三犯現在切實根究從重定擬等語畢沅惠齡自莅任楚省以來一切惟事模稜於地方應辦要件並無認真辦理之處此次拿獲江面夥劫之王士虎各犯即督同臬司嚴加推鞫究出疊次行劫並訊明與安徽獲犯同案畢沅等辦理此事可云差強人意至知縣張瑤留心偵緝尚為能事著給咨送部引見其供出未獲各逸犯並著該督等嚴飭沿江員弁速行躡緝務期弋獲毋致始勤終怠○調鑲紅旗蒙古副都統德勒格楞貴為正白旗滿洲副

都統以刑部右侍郎玉德兼鑲紅旗蒙古副都統○是日御舟駐蹕湖洋莊○丁巳上策馬至天津府城

海神廟行禮○安南國使臣黎伯璫等於道旁瞻觀○諭據尚安奏廣西北流縣知縣耿毓孝因相驗遺漏傷痕屍子疊控不休該員拷打斃命捏報病故擬流改發烏魯木齊到配已十五年應照例安插內地若已到內地遇有恩赦應由該省督撫奏請釋回茲耿毓

孝因病未能起解可否照已經起解在途會赦之例准其省釋等語所奏實屬錯謬凡擬流改發新疆之犯新疆年滿仍照原擬流罪定地安插今耿毓孝因相驗不實轉將屍子拷斃捏報病故實屬酷虐即遇恩詔定例不准減等乃尚安藉稱年及七旬衰病難以起解代為聲請明係欲博寬厚之名違例具奏尚安不應沽名若此著傳旨申飭仍交部嚴加議處○諭軍機大臣等本日據綿恩奏派

令番役將陳倚道投遞揭帖之家人張貴并幫同送書之江西舉人王曉孥獲到案。據王曉供稱陳倚道曾向伊從學。上年王曉會試後回家。道經時堡司衙門。陳倚道留住過年。告知該州書吏假印重徵。稟過府州通詳巡撫未見審辦。因王曉今年會試。交與文書攜帶進京。令張貴投遞等語。陳倚道揭報該州假印舞弊情節。既有描摹串票可據。自非無因。王曉係陳倚道業師。因赴京會試。知此事

本省未經審辦。將陳倚道揭部文書順帶進京。交張貴投遞。尚無不合。著傳諭綿恩即將舉人王曉家人張貴一併省釋。毋庸置議。○又諭向聞浙省地方官徵收漕糧多有浮收加耗之弊。從前王亶望任內縱容劣員收糧浮冒。苦累小民。王亶望治罪之後。大加整飭。始得稍清積弊。近聞該省收漕弊竇漸已如前。琅玕才具中平。為人老實。不能真認稽察。顧學潮雖尚知謹飭。硯硯自守。又聞其不能

約束伊子藩司大員。若僅不能約束屬吏。尚可推之耳目不周。如竟不能約束親子。則失之溺愛。更難望其整飭地方。該省收漕情弊。自必須切實嚴查。以肅漕政而清積習。伍拉納近在鄰省。浙江本其所屬。平日必有風聞。著傳諭該督即將現在浙省收漕是否實有浮收情弊。密行查明。迅速據實具奏。頃據伍拉納奏稱徐嗣曾自京回任後。應赴浙省閱兵。並著該督於閱兵之便。親至浙省密加體訪。如得有確據。即行叅奏辦理。伍拉納果能秉公察辦。究出情弊。尚可寬其失察之咎。倘敢瞻徇迴護。代人掩飾。將來別經發覺。即將伍拉納一併加倍治罪。恐該督不能當此重戾也。○又諭據穆和蘭奏雨水情形及糧價平減一摺。已批欣慰覽之。及聞單內所開開封歸德彰德衛輝懷慶河南南陽汝寧陳州許州光州等屬均於三月二十二。二十一。二十五等日。祇得雨一二寸。惟祥符縣於二十八

九日得雨四寸可見該省各府州屬尚未得有透雨。昨因該撫奏報得雨未能深透。恐將來實有成災處。所業經降旨令該撫留心察看。不可諱飾。隨時據實具奏矣。今據奏各屬得雨俱屬稀少。望雨情形已可概見。穆和蘭尚稱二麥得此甘澍滋培。可望有秋等語。似此意存諱飾。雖現在各屬糧價均屬平減。但麥穗結實之時。亟需甘澤優霑。以資充足。麥收可望豐稔。糧價方不致增昂。即大田播種

亦正資時雨。優渥土膏滋潤。蒔插始有裨益。著傳諭穆和蘭即查明現在缺雨情形。麥收是否歉薄。並於大田有無妨礙之處。據實覆奏。以慰廑念。旌表守正捐軀直隸景州民杜五妻李氏。湖北沔陽州民盧么女盧氏。○是日駐蹕柳墅行宮。至己未。皆如之。○戊午。賜扈從王公大臣及安南國陪臣等食。勅諭安南國王阮光平曰。惟爾嚮化輸誠。傾心內屬。爰効虔恭之悃。屢修貢獻之儀。肫款可

嘉。文詞克茂。茲因朕御賜詩章。並將已酉年例貢留抵下次正貢。具表遣使陳謝。兼進方物。值時巡於春令。禮成岱宗闕里。而還。欣叩覲於行廬。蹕旋津淀瀛壖之際。既歡迎於鵷首。復瞻拜於馬前。用是賚以文綺。譙以廣樂。俾得觀環海之殷繁。與行營之整肅。今者使臣回國。特賜王錦緞綵紵等物。以昭優眷。國王情殷祝嘏。計已諏吉遵途。喜相見之匪遙。益承恩於靡既。綸音載錫。異命爰申。特諭。○

河南巡撫穆和蘭奏豫省永城縣境內向有減水溝一道。上承碭山虞城夏邑等處坡水下達濉河。因上年黃水漫溢。現多淤墊。又有申隄一道。係前明嘉靖年間建築。藉以護衛城池。均關係要應。請借帑興修。再減水溝下游江南蕭縣境之夏家橋康家閘一帶。俱有淤墊。現咨江省一律挑估。得旨允行。○己未。諭曰。大學士嵇璜。係雍正庚戌科進士。服官有年。精神矍鑠。茲當庚戌會試。已屆週甲之

期與新進士先後同年。實係人文盛事。著照從前史貽直之例。重與恩榮筵宴。以為藝林佳話。

御賜詩曰。木天希遇兩恩榮。戊戌前庚逮後庚。祖節昔同唐真果。身階今似漢韋平。可知襲慶緣修德。所喜力行不務名。黃閣重逢錫褒什。絲綸盛事紀皇清。○又諭前經禮部奏。內閣中書一項。據吏部咨稱。現在候補者。僅有七員。自本年至下屆癸丑科。三年之內。恐不

敷用。請照例於會試落卷內錄取三十名等語。向例錄取中書係於會試揭曉後。將未經中式墨卷。送入內簾交主考閱取。朕思移送落卷時。折閱彌封。查對紅號。恐有漏洩情弊。而考官閱看墨卷。筆跡亦易於認識。且其時會闈已經徹棘。復行甄錄中書。尤非慎重關防之道。向來定例。本未周密。況中式進士。引見歸班者。十年方能銓選知縣。而落第者。錄取中書。轉可即日得官。補缺後六年俸滿。又

可內用主事。外用同知。比縣令階級轉大。實未平允。著將落卷內錄取中書及學正學錄之例。即行停止。俟帶領覆試合式之新進士。引見後。除已經錄用之庶吉士。部屬即用知縣外。其餘歸班進士。再交吏部按照甲第名次。通行帶領引見。俟朕記名二三十人。以中書錄用。不記名者。仍行歸班。如此則考官無從滋弊。而歸班進士。添一錄用之途。實屬兩有裨益。所有本年會試落卷。如未經挑取。竟

可毋庸辦理。即已經錄取。亦可不必嗣後。如挑取學正學錄。亦照此辦理。○諭軍機大臣等。本年朕八旬壽辰。各省文武大員。情殷祝釐。前已經朕派定。所有豫省派出之梁肯堂。現已陞任直隸總督。川省派出之王站佳。亦因病解任。該省督撫藩臬。內自當另派一員。令其屆期來京。著即傳諭新調豫撫穆和蘭。新授四川藩司和寧。前來叩祝。其河南巡撫印務。著穆和蘭於起程時。交景安護理。四川

布政司印務著孫士毅於和寧赴京時委員接署。朕於七月二十三日自熱河起程旋蹕。伊二人均於二十九日以前到京。隨班祝嘏。並可面聆訓示也。○予浙江寧海營出洋捕盜遺風淹斃之守備董秉玉賞卹如例。○旌表守正捐軀直隸東鹿縣民梁志漢妻王氏。○庚申諭軍機大臣等。據長麟奏東省撥船裝運漕米赴通。經蘇凌阿等以直隸撥船攬載未回。將東省撥船暫留備用。查衛河一帶。

晴霽日久。倘水勢稍落。驟須起剥。再行調取。勢必緩不濟急。請飭下蘇凌阿等。將東省撥船作速押回等語。所奏是。前因直省撥船攬載未回。是以將東省撥船暫留備用。今直省船隻業已調回足數。撥運漕糧之用。若又扣留東省多船。轉致閒置無用。現在東省衛河水勢雖尚不致短絀。但久晴未雨。河水日漸消落。恐須用船起剥。著傳諭蘇凌阿等。即將所留東省撥船。刻即派員全行押回。並著梁

肯堂添派委員沿途督催。毋使片刻停留。俾得早抵東省備撥。○以正紅旗漢軍副都統王汲。鑲紅旗漢軍副都統兆慶對調。○是日御舟駐蹕興福寺。○辛酉諭直隸省節年緩帶地丁銀兩。概行蠲免。所有一切經費。該省藩庫現存銀兩。不敷支放。著於部庫撥銀六十萬兩。河南省藩庫地丁項下撥銀一百萬兩。山西省藩庫地丁項下撥銀四十萬兩。共銀二百萬兩。照例解往直隸藩庫收貯。以備

應用。○又諭據嵩椿奏。請自英額邊起至魏陽邊止。開拓邊界。大量荒地。分別賞給。盛京各城旗人之無田地者。令其墾種等語。嵩椿所見甚是。但恐伊一人經理不能周到。且開拓之地。殊覺遼闊。未免於圍場挖獲山場有礙。再田有肥瘠之殊。若不妥為辦理。均勻分予。此時必有美惡之擇。日後復起爭端。著派吉慶會同嵩椿。勘明開拓邊界。務期於圍場挖獲等山場無礙。量其荒地之肥瘠。妥為辦

理均勻分子無地人等俾不致有美惡之擇以杜日後爭端○諭軍機大臣等據蘇凌阿等奏山東武城地方河道水淺續到南糧各幫自須起剥隨飭楊村通判將東省撥船發回等語山東撥船係豫備東省起剥之用原不應久留直省昨據長麟奏請委員押回已降旨令蘇凌阿迅速將此項撥船全行發回並著梁肯堂飛咨沿途督催前赴撥次而蘇凌阿等之摺適於本日遞到自係聞知長麟欲行奏聞始為此奏著傳諭該侍郎等仍遵前旨派委妥員迅速押回以資撥運毋得稍有遲誤○是日駐蹕桐柏村行宮○壬戌諭鑲黃旗滿洲副都統佛佳現在烏雅里蘇台吉慶現又出差舒亮著兼署鑲黃旗滿洲副都統○補行浙江省乾隆五十二年分軍政卓異官八員罷軟官六員年老官六員有病官一員分別議敘處分如例○是日駐蹕南紅門行宮○癸亥諭前據高郵州巡檢陳倚

道揭報查獲假印串票一案隨諭書麟查奏茲據奏稱陳倚道於上年冬兩次將查獲假印串票稟報該州吳瑛竟置不辦直至本年經陳倚道通詳始捏稱訪獲稟報請將吳瑛革職嚴審等語該州假印給串之事知州吳瑛不能查出嚴究及巡檢陳倚道訪獲稟報意欲袒庇書役沉擱不辦至數月之久又因該巡檢通詳知事難掩覆始捏作訪聞具稟實非尋常徇玩可比吳瑛著革職交與慶桂等會同該督秉公嚴審定擬具奏○諭軍機大臣等本日朕駐蹕南苑自子刻至辰刻大雨傾注兼有雷電頗為深透及閱留京王大臣奏雨摺稱京師同時得雨不過寸餘是迤北得雨似尚優渥看來雲氣寬廣東南西南一帶尤為濃厚河南山東地方必已得有透雨春夏以來該二省雨澤稀少時切廛懷如同時果已廣沛甘霖則二麥獲被滋培結實自益加堅稟尚未為遲而大田得此濃膏亦

屬大有裨益。至直省地方。頃據梁肯堂奏報。涿州亦同時得有透雨。與此處相同。是保定迤南一帶。雨勢較大。自必同霑甘澍。尚未據該督奏到。著傳諭梁肯堂。穆和蘭長麟。將曾否同時得雨情形。迅速具奏。以慰廑注。○又諭據書麟奏。查明吳瑛袒庇奸書。沉擱不辦。及聞巡檢通詳。知難掩飾。始捏作訪聞稟報。又經陳倚道究出糧書夏琯用假串抵還私債。今王如山描摹印篆各情節。已據供認不諱。是該巡檢揭報情形。竟係屬實。閱鴉元職任封圻。康基田專司錢穀。於此等雕描假印。冒徵錢糧之案。一經發覺。即應究辦。據實參奏。乃該撫於陳倚道詳稟時。僅批飭兩司嚴查。而康基田於本任應辦之事。復移交臬司。並不自行查辦。撫藩等互相推諉。延至三月之久。實屬大奇。恐竟有徇縱劣員。通同欺蔽之事。現已明降諭旨。將吳瑛革職。著傳諭慶桂。王昶。會同書麟。嚴審確情。務須水落石出。

並將閱鴉元。康基田如何通同徇隱之處。一併查明。據實具奏。毋得稍有迴護。致干咎戾。至知府劉炳。接據陳倚道詳報。不即批發。及該撫批飭審辦。稽延一月有餘。並未審詳。亦必有袒護屬員情弊。並著慶桂等一併歸案辦理。○又諭據琅玕奏。西塘一帶。自潮神廟迤西。至烏龍廟止。隨塘漲出陰沙。長五千七百餘丈。寬自二百丈至一千五百九十多丈不等。該處石柴各塘。層層保障。實為益加鞏固等語。覽奏欣慰之至。范公塘一帶。為杭州省城之保障。石柴各工。全賴陰沙為外衛。今該處迤西。隨塘漲出新沙。寬長至數千丈。沙灘堅實。業成高阜。其迤東一帶。自必逐漸漲長。而對面南岸陰沙。日漸坍卸。塘身鞏固。更足以保衛民生。此皆仰賴

海神默佑。靈貺聿昭。始得成此北漲南坍之勢。實為濱海居民。額首感慶。著將內府藏香四十炷。發交琅玕。即著該撫親齋至

海神廟虔誠告祭用答

神庥○又諭本日浦霖覆奏到查禁私錢二摺朕初閱其第一摺內稱訪查榔桂等屬及滇黔下游商販處所嚴禁偷鑄夾帶等弊先後拏獲私鑄六起咨部完結現在奸民頗知斂戢等語朕即疑其所言未必皆實且所稱拏獲私鑄六起亦從未奏聞已於摺內批示及閱其第二摺內稱民間日用小錢久已剔除其餘官板制錢因行使日久稍有邊幅不整及顏色微黯者現飭呈繳給價解局改鑄等語是其所奏前後自相矛盾可見該省官局鼓鑄已不能如式久有小錢夾雜行使官錢且然安能使民間私鑄小錢查禁淨盡耶各省設立官局鼓鑄錢文大小輕重本有一定之制自應遵照京局寶泉寶源式樣舛舛如法鼓鑄民間既概用官錢則私鑄小錢自無從夾雜行使乃該撫始則稱民用商販無偷鑄夾帶之弊言已不實繼又稱官板制錢

有邊幅不整及顏色微黯之處則是官鑄已有小錢不啻自行呈告大屬不可著傳諭浦霖務須督飭所屬實力查辦先清其官鑄之添始能杜私鑄之弊不得仍以顛預了事至畢沅管轄二省湖南官鑄既有小錢湖北官局有無鼓鑄不能盡一之處及民用商販是否禁絕私錢前經降旨詢問何以尚未覆奏著傳諭該督將官局鼓鑄及民間偷鑄商販夾帶之弊如何嚴行查禁之處據實覆奏不

得視為具文致壞錢法也○是日駐蹕團河行宮○甲子諭本年朕八旬壽辰各省文武大員情殷祝釐業經降旨於各省將軍督撫副都統提鎮藩臬內每省酌派二三員來京叩覲以遂其祝嘏之誠向來提鎮等官有屆三年奏請陞見之例但本年各省提鎮既經有派令來京者其未經圖出之員該處地方營伍事務各有職司不可曠廢所有本年各省提鎮等官除派出者屆期來京外未經派

出者均不必拘泥成例紛紛籲請陞見將此通諭知之○諭軍機大臣等朕於十三日駐蹕南苑自子刻至辰刻大雨傾注極為深透此亦阿桂所知者及昨晚閱留京王大臣奏雨摺稱京城同時得雨不過寸餘將賜榮等奏報南頂一帶得雨亦僅一寸而本日福崧自京前來因召見面加詢問據奏京師北城一帶得雨約有二寸而皇城以南前門外道路泥濘街衢間段尚有積水看來雨勢頗

大等語胡季堂亦如此說豈伊二人為飾言乎是京城所得雨澤不止寸餘昨日留京王大臣報雨時阿桂尚未到京嵇璜所奏分寸恐未確實著傳諭阿桂即將十三日京城內外及圓明園一帶得雨是否深透究有幾寸之處迅速查明具奏至黑龍潭覺生寺設壇禱雨阿哥等輪往齋宿拈香該處曾否同時普霑甘澍並著阿桂告知二十三兩日在黑龍潭覺生寺齋宿之阿哥等一併查明覆

奏以慰厯注○又諭昨駐蹕南苑甘霖大霏見雲氣寬廣東南尤為濃厚意東省亦必有雨澤業經降旨詢問長麟本日據長麟奏稱十一日先已得雨勢甚滂沱泰安屬之泰安肥城二縣暨濟南屬之歷城長清陵縣章邱等處均一律深透等語覽奏稍慰惟是東省州縣朕巡幸所及省城迤東之泰安一帶土膏本較滋潤又復得此透雨自更霑渥而省城迤西如兗州東昌臨清一路風土乾燥待

澤尤殷茲尚未據該撫奏及恐該處仍未得有雨澤倍切厯懷昨日東南一帶雲陰甚普是否同時亦獲霑甘膏著再傳諭長麟將近日各屬雨澤情形詳悉查明迅速覆奏以慰懸注○又諭前因江浙四川湖廣陝甘雲貴等省多有私鑄小錢業經通飭各省嚴行查禁昨據浦霖覆奏稱官板制錢因行用日久稍有邊幅不整及顏色微黯者飭令地方官毋得挑剔太苛以致市儈居奇昂價等語可

見小錢淨盡之語。本未確實。各處錢局鼓鑄錢文。大小輕重。本有一定之制。在京錢局。專有錢法侍郎稽察辦理。是以向來俱係如式鼓鑄。並無弊竇。外省錢局。有係臬司及他道專管者。總在督撫實力查察。庶局員不致任意舞弊。若專委該司等漫無整頓。恐有不肖之員。或竟藉鑄小錢。希圖多得羨餘。從中漁利。總之外省督撫。果能嚴飭所屬認真辦理。原可諸弊肅清。即如近來漕務遲滯。經朕嚴行飭辦。本年漕運始得迅速抵通。可見地方應辦事務。必須朕降旨督飭。方肯留心辦理。及事過之後。仍復因循玩忽。又安用督撫大吏為耶。嗣後除京師行用錢文。俱係寶源寶泉二局鑄造。向無攙和小錢。並直隸山東業經面諭梁肯堂長麟實心辦理外。著再傳諭各省督撫。所有鼓鑄局錢。務須各督撫實力稽察。毋任局員稍有弊混。其民間私鑄。尤須隨時嚴辦。毋得視為具文。一奏了事。倘私鑄

未能淨絕。而官板制錢。又復不能如式。一經查出。朕必將該督撫一併治罪。至民可使由。不可使知。該督撫惟當妥為辦理。毋令胥吏藉以滋擾。市僧聞風居奇。方於國計民生。均有裨益也。○旌表守正被戕直隸平鄉縣民丁奉周聘妻王氏。○是日。駐蹕新衙門行宮。

○乙丑

上還圓明園。○蠲緩安徽宿州靈璧泗州盱眙五河等五州縣并鳳陽長淮泗州等三衛乾

隆五十四年分。水災田畝額賦有差。

五

上詣黑龍潭祈雨。諭高郵州巡檢陳倚道揭報戶部查獲私描印信。假給串票一案。曾經降旨令書麟閱鶚元查明據實先行覆奏。昨據書麟奏知州吳瑛袒庇書役沉擱不辦。屬實。已將吳瑛革職嚴審矣。本日據閱鶚元覆奏。此案先據巡檢陳倚道稟報。即經批行江寧藩司會同臬司嚴查速辦。仍候督院批示。嗣於二月十二日。經過揚州。該府劉炳知州吳瑛稟稱。假印偽票一案。現在拏獲糧書夏

瑄究出實情等語前據韓鑠將陳倚道揭報詳文及呈驗私描偽串呈覽朕即以此案情弊顯然自非出於捏造該巡檢既於正月十六日稟知閔鶚元而該撫並未叅奏已屬袒護劣員即應立予嚴懲因念該撫平日辦事尚屬認真著即將此案情節確切聲明據實陳奏雖有應得之咎尚可量從末減故特派慶桂等會同書麟前往查辦外復令該撫先行覆奏朕之於閔鶚元不啻推心置腹乃閔鶚元始終袒庇吳瑣曲為開脫以此案係該州稟出實屬有心取巧又復稱此案仍候督院批示試思此等案件應督辦者乎應撫辦者乎吳瑣曾稟總督乎抑先稟伊巡撫乎乃伊意欲諉過總督將來定案時朕未必將通省大員概行罷斥若書麟得邀寬免伊亦可希冀留任詎知陳倚道若果稟知書麟而該督並未叅奏此時更當加倍治罪矣倘閔鶚元果無消弭情弊當陳倚道稟報時何不

一面奏聞一面咨會總督彼此連銜速辦乃僅於陳倚道稟內批示非瞻徇屬員而何直隸馬十等一案朕將大小官員嚴行懲治閔鶚元豈不知之然劉戡不過形同木偶司道等耽延不結尚係廢弛公事即朱履松亦未稟詳總督朕尚將劉戡降用富尼善朱瀾等分別嚴行治罪今江蘇高郵州私雕印信假串重徵關係官員書吏重罪其事較之直隸遲誤盜案更大而閔鶚元始則意欲彌縫其事繼復飾詞迴護實屬狡詐負恩朕臨御五十五年夙夜勤求治理未嘗稍事暇逸雖意欲於六十一年歸政然一日在乎其位即一日業乎其官此可告之天下臣民者乃閔鶚元欲以此大干法紀之事希圖顛覆混過於朕前巧為嘗試其居心大不可問矣朕方以閔鶚元久任巡撫尚能實力辦事將來或內用尚書外擢總督皆不可知伊竟福薄災生身取罪戾豈可復膺封疆之任閔鶚元著即解

任交與慶桂等一併歸案質審所有江蘇巡撫員缺著福崧調補何裕城著調補安徽巡撫其江西巡撫員缺著姚荼署理託倫著補授江西布政使其所遺江西按察使員缺著司馬駒補授○諭軍機大臣等高郵州糧書偽造印串此事竟係閔鶚元有心捏飾瞻徇不謂伊敢於如此忍於如此已於摺內詳晰批示矣知州吳瑛袒庇奸書沉擱不辦及聞巡檢通稟知事難掩飾始作訪聞稟報而閔

鶚元覆奏復以該州暨巡檢同時訪獲僅以批司嚴查了事顯係袒庇屬員百喙難辭不可不徹底查究以期水落石出痛加懲創書麟既已失察於前本有應得之咎諒不敢再有迴護致干重戾慶桂主袒係特派嚴審此案之人自當秉公鞠訊逐一研究務得實情迅速先行具奏此等大案朕不辦則已若辦爾等豈能救人莫因救人而害己慎之○又諭曰康基田專任錢穀於高郵州雕描假串

冒徵錢糧之處一經發覺即應嚴行究辦倘巡撫有迴護屬員情事該藩司本有奏事之責若果據實嚴參或徑詳揭督撫方為不負任使諒閔鶚元亦難勒令徇隱乃康基田於本任應辦之事復移交臬司查究如此推諉遲延竟至三月之久非有心袒庇該州即係迎合閔鶚元之意欲圖消弭其事康基田向來熟悉河務辦事尚屬認真朕方加之委任此事不應有心徇庇若此深為可惜著傳諭

康基田即將此案因何不據實參奏並有無瞻顧上司請託示意抑係已意徇庇屬員一併明白直奏將來定案時或可稍從末減毋再稍有隱飾自貽伊戚也○又諭據穆和蘭奏奏確山縣知縣李源玩視驛站以致馬匹疲瘦驛務廢弛請旨革職等語驛站馬匹有關文報往來最為緊要必須餵養臚壯足資馳遞方無貽誤乃該縣於所管驛站任意廢弛在號馬匹並不加意餵養以致馬匹疲瘦

必有尅扣馬乾入己及一任吏胥家人等從中染指缺額情弊不可不嚴行審訊並應將所有領過馬乾馬價著令賠補方為正辦乃該撫僅將該縣叅奏革職所辦失之太輕穆和蘭著傳旨申飭並著將該縣廢弛驛務如何侵漁缺額之處嚴審定擬據實覆奏丁卯

孝端文皇后忌辰遣官祭

昭陵諭據德勒格楞貴奏和碩特副盟長扎

薩克固山貝子布彥楚克出痘身故等語布彥楚克向來尚屬奮勉今出痘身故殊屬可憫著加恩賞銀三百兩以作善事即由該處庫項動支諭軍機大臣等昨據閩鶚元覆奏高郵州糧書私雕印篆假串重徵一摺始終袒護吳瑛取巧負恩已降旨將閩鶚元解任質審并傳諭慶桂等徹底研究據實先行覆奏矣朕反覆思之其中情弊顯然不一而足查閱陳倚道揭報戶部詳文內稱上年十

一月二十七日十二月初三日兩次詳稟知州十二月十五日專稟知府本年正月初十日申詳撫藩俱未經批發正月二十六日令家人張貴自高郵起身赴京是該巡檢因疊稟本省各上司耽延不辦始行差人赴京投遞而閩鶚元摺內所稱係正月十六日接閱該巡檢稟帖十八日批司嚴查二月十二日路過揚州經該府劉炳知州吳瑛稟知此事自泰安遵旨回蘇於三月初四日到署接據

吳瑛二月十七日詳稟試恩正月十六距三月初四中間幾及兩月閩鶚元始則批令藩臬兩司查辦仍候督院批示以為推諉卸過地步繼復以批司飭府提審了事明係遷延不奏有意消弭已無可置喙吳瑛聞知該巡檢於正月內通詳撫藩知事難掩飾始於二月內稟出又捏稱與陳倚道一同查拏其為事後彌縫通同徇隱更無疑義並疑吳瑛二月內稟知督撫之語尚係聞該巡檢揭報之

信。例提年月必須提齊卷據將陳倚道詳稟該州知府撫藩及吳瑛稟知督撫并聞鶚元批飭藩臬查辦先後各月日逐一詳對明悉奏聞究辦至前據書麟奏二月內於徐州途次始據吳瑛稟知而陳倚道並未詳稟一節著慶桂王昶嚴詢陳倚道如果未經稟過書麟其咎止於失察若曾經稟過而該督亦敢置之不辦書麟係滿洲總督世受國恩更當較聞鶚元加倍治罪看來此事竟成大案不

料聞鶚元如此昧良欲以此等大干法紀之事希圖朦朧混過於朕前巧為嘗試竟是福薄災生天奪其魄此而不嚴加懲治何以肅吏治而整官方慶桂向來辦事不肯擔承而王昶係籍隸江南未免心存瞻顧書麟又以地方官自處若彼此諉卸欲將此案有意從輕顛預過去不肯徹底根究致有不實不盡之處慶桂王昶亦必入於此案內自取重戾朕辦理重案從不肯稍涉顛預此天下臣民

所共見共聞者如事屬因公或可從輕辦理朕竟降旨加恩寬免若如此等大案斷不能稍事姑容慶桂等審辦此案恐自救之不暇若思從井救人必致自貽伊戚慶桂當振作精神一洗從前畏難積習王昶亦當不避嫌疑協同實心查辦書麟既經失察於前尤不應再有迴護必須將此案秉公逐一研究務使水落石出不可絲毫隱飾以成信讞再慶桂向來為人軟弱不能約束家人屢次訓過

此時經朕特派審辦重案若家人等於沿途驛站需索騷擾一經訪聞發覺必從重治罪慶桂起程請訓朕本慮及此事因一時忘却未經面諭今特傳諭知悉令其留心嚴查毋得仍前疎縱致干咎戾又諭昨梁肯堂奏報直屬地方得雨情形一摺單內所開順天保定天津等府州屬俱於十三日得雨三四寸至五六寸不等正定府屬及景州等處止得雨一寸看來保定迤南等處得雨並未深

透而景州與德州境壤毗連恐前此蹕路經過之東昌臨清德州一帶仍有望澤之處朕心深為廕念著傳諭長麟即將十二日泰安濟南等處得雨以後是否續霽甘膏並東昌迤西各府州屬曾否甘霖普被於二麥大田有無妨礙之處迅速查明覆奏至該處雨澤既未霑足恐銜河水勢淺溢於糧艘進行無妨礙本日據管幹珍奏南糧前二進各幫船四月初三日已全入東境現在正資飛挽

前進之際並著李奉翰和琳於沿河一帶籌辦擬運事宜務令幫船銜尾北上及早抵通交卸不致稍有阻滯方為妥善將此傳諭李奉翰長麟和琳並諭管幹珍知之○又諭本日書麟等奏酌籌分年蠲免及搭配各府州屬銀數一摺已批交該部知道矣本年普免天下錢糧令各督撫將所屬額徵銀數按照各府州次第搭配分作二年蠲免仍各自行具奏已據各省陸續奏聞即距京最遠之雲

南亦於本月初間奏到江南距京師不遠額徵錢糧雖較他省為多何以遲至今日始行奏到書麟等辦理殊屬遲滯著傳旨申飭嗣後每遇地方事件務須上緊趕辦毋得仍前延緩○又諭曰額勒春奏接奉諭旨將順天府奏盤獲貴州寨民吳文舉控告趙文華等爭占承種糧地等情現在提訊一摺內稱趙文華屢經捏控及藩司行府究訊復乘間潛逃旋經在家病故等語趙文華既云潛逃何

又稱在家病故若在家本縣何不就獲豈有令其逃在家而死之理措詞殊覺自相矛盾雖非該撫任內之事然於陳奏摺件該撫竟未經寓目耶至承辦此案之該地方官於趙文華脫逃後並未嚴緝到案速行審辦以致該犯復回家病故外省辦理案件遲延推諉相習成風不可不留心整頓所有延擱此案之歷任撫司道府縣著額勒春開列職名交部議處仍著該撫將此案速行審擬具奏

戊辰諭據知貢舉鐵保姜晟奏本年會試舉
子內九十歲以上者四名八十歲以上者七
十三名七十歲以上者二十四名皆三場完
竣未經中式等語本年屆朕八旬特開萬壽
恩科各省舉子年老應試者至一百餘人之
多龐眉皓首踴躍觀光洵為昇平盛事除九
十以上之段三連業經賞給都察院都事職
銜八十以上之曹京賞給國子監典簿職銜
七十以上之姜价項朱柴杰邵利達賞給國

子監學正職銜吳澄賞給翰林院典簿職銜
外所有年屆九十以上之劉湘胡椿陳鳳翔
八十以上之吳霖劉鳳翹李光昂鄧岳潘履
謙馮希賢張守經李國震左昌宗翟阜胡道
南周宗勳汪飛熊蕭士芝方宗華王有年戴
文璧唐熙吳杰許以恭王道烜董夢江何大
烈王奉元武仲喬元熙程紹先孫公輔李根
閻輔輝劉洪文主體亨鄭學洙董作礪劉純
準閔之炎馮全修魯學孟朱光章歐陽謨席

梧貴王宗遠趙泉郭偉勛孫元麟李如山師
尚友胡禮全張啟梧李文沛涂文魁宣鵬劉
鴻徐日暄葉逢年姜球張諤涂宗詔朱有榮
呂樸李如璧趙瑞嵐吳企哲孫有誦郭長源
胡東安傅錫信王克立馬銘張進履于令芳
趙敦典俱著賞給翰林院檢討銜七十歲以
上之董繼允王志遠楊士元朱孟份蔡綬劉
泰孫有謚單備孫保亨馮起鳳錢柏汪元棟
丁釗朱洪賀錫冕張正倫陶煒江永譽程謙

俱著賞給國子監學正銜其九十以上者各
加賞緞三匹八十以上者各加賞緞二匹七
十以上者各加賞緞一匹並年在九十八十
七十以上前經賞給職銜之段三連等七名
亦著一體分別賞給緞匹以示朕嘉惠耆儒
仁壽作人之至意○諭軍機大臣等本年朕
八旬壽辰各省文武大員情殷祝嘏前已經
朕派定所有江蘇省派出之巡撫閔鶚元業
已解任江西省派出之巡撫何裕城已調任

安徽該二省文職大員內自當另派一員令其屆期來京著即令新任江蘇巡撫福崧新署江西巡撫姚榮屆期前來叩祝至何裕城本係派出之員而安徽文職大員中來京祝覲者亦僅派臬司陳大文一人著傳諭何裕城仍遵前旨屆期赴京朕於七月二十三日自熱河啟程旋蹕伊等均於七月二十九日以前到京隨班祝釐並可面聆訓示也○旌表守正捐軀直隸冀州民楊志道女楊氏

己巳諭曰許世亨著加恩入祀賢良祠又諭曰許世亨之子許文謨承襲伯爵經兵部帶領引見已加恩授為頭等侍衛矣許世亨身殉行陣忠烈可嘉今伊子甫經來京當差一切未免拮据著加恩即給予本年伯俸並賞官房一所資棲止伊母及家屬等現在川省原籍並著孫士毅從優照料咨送來京用示朕優加體恤至意諭軍機大臣等昨據李奉翰和琳奏四月初一二日南漕幫船

全數挽出東境在後各幫亦俱跟接前進至江廣幫船喫水較深八閘一帶水勢溜急和琳即南往臺莊一帶催趲現在湖水充足糧艘北上足資浮送較往年有早無遲等語南糧首進漕船現已陸續起卸回空南下而二進三進各幫亦俱銜尾前進看來本年漕船抵通較上年可早至兩月現在湖水充足八閘一帶江廣重船自可無虞淺滯而前次蹕路經過之東昌臨清德州一帶雨澤究未霑足恐衛河水勢稍淺於糧艘過行不無妨礙李奉翰今當往河南防工著長麟即遵前旨速赴沿河一帶籌辦撥運事宜務令幫船緊接北上不可稍有遲誤至直隸景州等處與德州接壤前據梁肯堂奏該處得雨僅止一寸恐南運河水勢不無消落而北運河沙埂甚多水勢更淺本年糧艘過行江南山東河路行走俱屬順利若入直隸境後轉因河水淺溢回空幫船與北上重船擁擠一處阻礙

難行以致到通遲誤未免前功盡棄豈不可惜和琳久任巡漕於催趨事宜較為熟悉即疏濬河道等事亦屬諳練該巡漕趙押尾幫出東境後不可拘泥向例即行復命仍即接催前進隨赴南北運河一帶直至通州照料督催刮淺諸務俟全漕抵通後再行前來熟河復命況科務無甚緊要給事中多員無藉和琳一人供職即會同梁肯堂長麟沿途督辦一切再景州河間等處皆係直隸境內並

著梁肯堂即前赴景州一帶察看河道情形如水勢現在逐漸消落必須及早設法挑淺疏通庶幫船到此趨行無滯至倉場侍郎現有二人糧船抵壩收兌事宜一人儘可經理著傳諭蘇凌阿劉秉恬二人內一人徑赴天津北運河一帶來往幫同料理一人在通州專辦收兌等事務使全漕及早到通交卸回空方為全美○又諭前據浦霖奏查禁小錢摺內稱先後拏獲私鑄六起現在奸民頗知

欽戡無須官為查禁等語朕即疑所言未必皆實而拏獲私鑄亦未據該撫專摺奏聞茲交刑部查明浦霖任內拏獲私鑄共有六案俱係咨部完結則是湖南各屬奸民私鑄小錢犯案者已不一而足其餘僻遠地方私銷私鑄之弊豈能悉行禁絕今浦霖因到任後曾經拏獲六起即以為奸民已知欽戡無須官為飭禁各屬等必致心存怠玩不復嚴行查辦甚或諱飾不報更屬不成事體前已降

旨通行飭禁著再傳諭浦霖務須實力嚴查禁絕勿謂已辦六案塞責遂以私鑄淨盡竟不留心查禁也○太僕寺少卿戈源奏磨勘會試中式第一名朱文翰卷內有寸表蟲沒孤行之語查蟲沒二字雖本爾雅釋詁實非古句全文恐士子好異相率效尤不但文體非宜且易暗藏闕節請嗣後科場制義於五經外微引詭僻者雖出古書概不取錄再三場策題飭令主考親出毋庸假手房考以杜

豫擬透露之弊其園中以三場取中者並令主考將合校頭場之處批明卷內聽候磨勘不得濫列前茅得旨所奏甚是依議行○庚午諭據書麟奏查審高郵州假印串票一案大概情形一摺內稱高郵州知州吳瑛接據陳倚道兩次具稟並不批發揚州府知府劉炳於陳倚道具稟之後即行提審將林之佩假印偽票各情究出尚無扶同徇庇情事因該府將陳倚道之稟批發到州聞鶚元康基田將陳倚道之詳批行到府陳倚道無從知悉以致疑為未批等語聞鶚元於本年正月十六日接閱陳倚道稟帖不即參奏二月十二日路過揚州經該府劉炳知州吳瑛稟知此事又未親行究辦直至三月初四日吳瑛捏稱訪聞詳報始批司飭府提審就延兩月僅以一批了事明係遷延不奏有意消弭其袒護劣員之咎實屬百喙難辭知府劉炳奉委審辦此案業已訊出描印偽串情節復藉

稱犯證未齊不即通詳辦理其為扶同徇隱情弊尤屬顯然乃書麟並不細覈詳稟批發月日嚴究徇縱情節將聞鶚元參奏轉稱聞鶚元曾經批飭到府陳倚道無從知悉劉炳業已提審尚無徇庇情事代為掩飾支吾曲加開脫殊出情理之外書麟具何膽敢為此奏欺朕乎此案關係書吏假票重徵官吏通同欺蔽已特派慶桂王昶馳驛審辦以書麟平日辦事尚屬認真陳倚道並未稟過總督該督咎止失察亦無所用其迴護是以令其會同查審今轉先為開脫希圖掩飾並不將聞鶚元及該府劉炳嚴參一味瞻徇實屬有負委任書麟失察於前之過小欺罔徇庇之罪大矣此時將自救不暇何能從井救人耶書麟著交部嚴加議處又諭據書麟奏查審高郵州假印串票一案一味瞻徇支飾為聞鶚元等巧詞開脫已降旨將書麟嚴加議處矣朕反覆思之此案聞鶚元若於正月十

六日接閱陳倚道詳稟即一面批飭藩臬兩司一面通知總督商辦豈兩司轉不具詳總督是此案不獨撫藩知之而書麟與臬司於正月內亦即早知有此事矣書麟豈得諉為不知臬司又何以不辦此皆有案卷月日可查人証可質者且閱鶚元於正月內陳倚道具稟時實有此批該巡檢豈又自行揭部並有未奉批發之語明係二月內閱鶚元經過揚州知此案終難掩飾始授意該府州捏作

訪聞查拏通稟方有仰藩臬查辦仍候督院批示之語以為掩飾彌縫卸過地步則所云陳倚道詳稟即時批飭其為事後補批更屬顯然斷難逃朕洞鑒閱鶚元袒護屬員延擱不發並不札知書麟該藩臬又不詳稟而知州吳瑛於上年冬間節據陳倚道稟知此事沉擱數月直至本年二月內書麟路過徐州時始行捏情具稟知府劉炳亦係於上年十二月內接到該巡檢稟報匿不具詳是一省

大小官員自巡撫藩臬以至府州通同朦蔽將總督視如無物書麟若稍有人心見此情形方且憤恨之不暇何乃轉為袒庇竟欲將閱鶚元等全行開脫實又出朕意料之外由此推之外省官官相護惡習牢不可破督撫等皆如此連為一氣罔上行私又何事不可為耶朕因書麟在總督中係粗知實心辦事小心謹飭之人於河務尚為諳習是以原其失察之咎特加委任令其會同慶桂等審辦

此案尚係格外之恩竟不料書麟膽敢有心欺飾希冀化大為小以此奏豫占地步欽差大臣到彼時即可傍壁循牆依樣葫蘆將就完案不能出其範圍此等伎倆輒敢於朕前嘗試視朕為何如主耶書麟係高晉之子世受國恩經朕不次加恩擢用總督尤非他人可比若以朕年已八旬精神或有未周於大小事務不能如前照察遂思巧為朦混如此居心欺罔即予立寔重典亦屬罪所應得且

書麟甫接駕而去未見朕之精神如舊乎伊竟敢如此實為可惡姑念該督平日居官尚稱廉謹而於河工事務亦能留心尚可暫寬一綫但僅交部嚴加議處不過議以革任不足示懲書麟著先革去翎頂暫留總督之任以觀後效其應得廉俸等項全行停止俟定案時再覈其情罪另降諭旨不必交部議處並著將指出各情節即行摺發天良據實明白回奏康基田身任藩司錢糧是其專責乃於本任應辦之事經巡撫批令嚴查轉移交臬司辦理推諉遲延竟至三月之久况藩司有奏事之責一接陳倚道稟報即可據實奏督撫等諒亦何敢抑勒消弭乃亦瞻徇推諉非袒護屬員即係迎合閹鶚元之意其咎實無可逭康基田亦先著革去頂戴暫留藩司之任且俟定案後再降諭旨看來此案甚有關係非慶桂王祖所能審辦者且恐伊二人不能堅定漫無主見必致附和書麟所奏

代人受過慶桂等竟無庸在彼辦理即著將閹鶚元劉炳吳瑛傳旨革職拏問同案內犯證一切卷宗迅速押帶解赴熱河行在審辦途間務須小心防範若閹鶚元等或有畏罪自戕之事必將慶桂王祖按律抵罪巡檢陳倚道有應行質證之處亦著帶同前來並著慶桂等諭知該員此案係伊揭出本屬無罪之人現在帶往質證一經得實必邀聖恩獎握不必稍存疑懼如此明白告知不可加以恐嚇也朕臨御五十五年親綜萬幾勤求治理今距歸政之期尚有六載猶日孜孜不懈內而各部九卿外而督撫藩臬俱宜屏除私意各矢天良勉力奉公小心敬事如敢稍存欺蔽則是罪由自取朕亦不能曲加寬宥此事即前車之鑒勿謂朕言之不豫也將此通諭知之○以大學士阿桂和坤吏部尚書彭元瑞左侍郎金士松禮部右侍郎錢保兵部左侍郎沈初刑部左侍郎姜晟內閣學士王

保為殿試讀卷官。○辛未策試天下貢士朱文翰等一百二人於保和殿前制曰朕祇承大寶命仰荷

燕翼貽庥御寓久長日慎一日惟是納隍馭朽屢於以養以教以子惠兆民上答

昊綽恩德今章年躋八旬康彊勤德未敢高自頤養抑非術致駐延孜孜不息久習而安用致五代達吉四裔向風保赤誠求紹倪愛戴然猶仔肩周急思欲持敬宅心鑑古出治千

倉藏富六計勵官而集思廣益責乎周逮迺詢爾多士以佇昌言洪範九疇五福驗之人八徵驗之天而總原於五事之敬用故主敬者天人之合也尚書道政事賅帝王五代心傳萬世治要其中深切著明惟曷其奈何常敬一語足蔽全書向曾於讀名誥篇闡厥義宗矣若夫耆鳩子姒之臨其下禹皋伊旦之貢其君六體十例中與斯言互為發明者可彙舉歟易詩禮春秋可旁通歟大戴禮逸周

書管子晏子荀卿成相淮南主術亦有紬繹斯言者歟帝範帝學大寶丹宸二箴大學衍

義養正圖說或言主敬或不言主敬而義相印事相彰者可指述歟能以此揚明廷抑用資宥密也以古為鑑可知治忽編年之體通鑑謙不敢繼春秋而託於繼左傳其生平精於書局自隨同謨者何人分代者何屬採取者正史外何書畧而為目錄析而為甲子紀年訂而為考異別而為稽古錄體例可徵歟分而冠之以綱為綱目盡出於朱子之意歟遠而追之於古曰前紀徵引盡軌於正興續當代者長編五朝九朝有全帙歟建炎以來朝野雜記不少約與續後代者宋元通鑑兩家之作孰優歟然且紀統紀年不出至公紀事紀辭或嫌失實炎興存宋宣光黜元黃帝國畫萬區后啟鼎鑄九賦釋兵權者詫奇謀就晏安者夸至孝火牛燧象虎渡蝗遷昔備之鑑評尚無愆於春秋之義乎蠲貸之政惠

澤攸先損上益下惠心元吉易義可釋歟昔人謂古者畫井授田故無蠲政然帝王因利利民周官之職左傳之文其制亦有相近者歟除民田租史昉漢文有蠲半者有蠲十之三者有免逋者有免酒課坊稅者有巡幸而蠲有封禪而蠲有幸舊宅而蠲有軍所過而蠲有優聖人林廟而蠲皆能指其年代稽其事實歟寬緩之令宋時謂之倚閣或且迫於衷私累於破限甚至有黃紙放白紙收者當

時章奏剴陳之能言其弊歟至於放民租而以內庫撥還非示人私歟因免賦而及私債不擾民歟朕課情問兩為民亟三時布聞教釀為民謀四輔自乾隆五十年以前蠲貸已二千萬萬積歲有加焉本年以大慶普蠲天下錢糧三年而徧冀裕盈寧而廣和樂民力其有紓歟奉行其盡善歟多士自田間來盡讓陳之善為政者安民必先察吏堯典重乎允釐辭歌戒其叢脞其要在先事後食勿欺

而已周官太宰受其會正其治聽其政事歲月日皆有期會能詳之歟三載考績三考黜陟幽明又有十二年之巡狩大明黜陟立法之意可徵諸說經家歟唐考流外官四等宋考百官三等皆以勤為上能列其日歟城隍修理為二十七最之一竊盜十一而得十為中考能舉其故事歟官箴百官箴之所規政經之所尚斷章可取歟戒石本有全辭節鵠公庭何時所頒歟朕耄念殷勤出則秉燭待

章居則宵衣鮮寐以盡負辰之職孟水方圓之謂何何猶有延玩庇飾者率作興事慎憲省成法猶未盡良歟凡此立敬則不忒法古則不愆乎惠則不屯其膏莅勤則不懈於位書之簡策為治譜庀之朝夕為躬行予曷敢不疊其孰敢弗獲上下交修予一人藉報帝載鴻臚之隆爾萬方更勝公堂兕觥之祝家修廷獻明道教言毋諱母庸朕將親邁焉諭曰郭世勲奏廣東學政陳桂森現在患病

難以速痊正值歲試之時未便遷延請解任
調理等語陳桂森著准其回籍調理所有廣
東學政著周興岱去○又諭據蘇凌阿等奏
江蘇浙江二省應解通濟庫銀兩逾限不到
請撥部存輕齋款銀以濟急需等語江浙二
省輕齋銀兩原係隨漕應用之項例應於南
糧未到之先即行解到乃本年頭進幫船業
將起卸完竣而該二省應解銀兩至今尚未
解到實屬延玩該二省諸事廢弛毫無整頓

於此已可概見所有江蘇浙江起解遲延之
承辦各員及任聽遲遲不行查催之各上司
一併交部分別議處並著戶部即於存庫輕
齋銀兩撥銀十萬兩迅速發給以濟公用○
又諭據永保奏稱和碩特副盟長扎薩克固
山貝子布彥楚克病故請旨承襲等語布彥
楚克既無子嗣此貝子係世襲罔替著加恩
令伊弟鄂齊爾承襲其所遺副盟長員缺亦
著鄂齊爾補授○壬申

上詣玉泉山

龍王廟祈雨○諭軍機大臣等本日梁肯堂
奏酌籌分年輪免錢糧一摺已批交該部知
道矣本年普免天下錢糧令各省督撫將所
屬額徵銀數按照各府州均勻搭配分作三
年輪免仍各自行具奏已據各省陸續奏到
昨因書麟具奏遲延傳旨申飭而直隸近在
畿輔更非江南可比此旨係正月初一日頒
發劉莪在任即應及早查明具奏即梁肯堂

於二月底接任之後距今幾及兩月見劉莪
未經辦理更當迅速酌籌覆奏何以遲至今
日始行奏到辦理均屬遲滯劉莪梁肯堂俱
著傳旨申飭○蠲免河南永城縣乾隆五十
四年分被水成災額賦○癸酉敕諭安南國
王阮光平曰據協辦大學士兩廣總督福康
安奏國王於三月二十九日起程四月十五
日進關帶領親子阮光岳陪臣吳文楚等二
同瞻覲並將國王謝恩表文進呈朕覽王表

情詞真摯愛戴肫誠披閱之餘深堪嘉尚特於表文內親為批答國王身受藩封備膺寵命以本年八月朕八旬壽辰親率王子及陪臣等遠踰萬里詣闕祝釐並以朕為師為父深冀成全鑒王悃忱真如家人父子王既以父視朕朕亦何忍不以子視王且王子年甫垂髫情殷瞻就益徵訓秉義方情根至性特降旨封王子阮光岳為世子俟入覲時頒發敕書並賞給冠服茲先賜國王御用大荷包

一對小荷包三對香器六匣賜王子御用大荷包一對小荷包二對香器四匣用示優寵計此時國王早經就道相見匪遙並當祇奉恩綸懋承渥眷欽哉特諭實授孫士毅為四川總督以原任四川總督李士傑為兵部尚書甲戌

上詣覺生寺祈雨詣

大高殿行禮還宮御乾清宮召讀卷官入親閱定進呈十卷甲第諭現在京察記名

人員將次用完遇有知府缺出不敷簡放著各督撫於所屬同知直隸州知州內擇其才守兼優堪勝知府之任者各省督撫各保舉二員其直隸江蘇省分較大直隸著保舉三員江蘇省督撫共著保舉五員各督撫等務須秉公揀選據實具奏毋得稍有濫竽並出具切實考語即送部帶領引見候朕簡用諭軍機大臣曰慶桂等奏高郵州一案業經提犯審訊屬實撫藩等輾轉延緩是否徇私袒庇現在會同書麟再行嚴鞠知府劉炳於陳倚道稟揭後延至一月有餘始行提審不無徇庇袒護之意請旨解任研訊等語此案書麟閱鶚元康基田等推諉遷延有心袒庇實為負恩取巧已節經降旨分別嚴懲矣慶桂等於十六日抵高郵後自應將撫藩等如何通同徇隱徹底查明迅速嚴行叅奏何以直至十九日始行發摺所辦已屬遲延朕早慮慶桂為人軟弱王昶籍隸江蘇不無瞻顧

而書麟先往查辦又思代為掩飾欲將閔鶚元等全行開脫慶桂等漫無主見恐不能出其範圍是以令將此案犯證卷宗解赴熱河審辦茲慶桂等所奏於知府劉炳僅請解任又不將撫藩一併嚴叅若非經朕屢次降旨嚴飭將此案提到行在審辦則慶桂等必致附和書麟前奏通同徇隱希冀顛預況過將來定案時歸重知府知州而於撫藩等不過予以失察遲延處分慶桂等必至代人受過著慶桂等仍遵續降諭旨將閔鶚元等小心管押迅速解赴行在聽候審訊至書麟另摺奏現在會同慶桂等親提吳瑛等究審不敢稍存迴護並請將劉炳解任等語此事斷非慶桂王昶所能審辦而書麟亦斷不肯審出徇庇實情不料該督竟敢於如此忍於如此實屬孤負朕恩況前奏已欲將閔鶚元等有心開脫而此奏尚復覲顏自稱不敢迴護尤為飾詞怙過著書麟據實明白回奏○又諭

日福康安奏稱前奏聲叙阮光平置買圓領之語詞義牽混實屬錯謬請交部嚴議上次奉到同看之旨並未先行照會阮光平進闕時當遵諭不露詞色等語阮光平寄來蟒袍式樣係屬漢制圓領福康安摺內聲叙不明朕既錯會其意軍機大臣承旨書諭亦未看出面奏以致有此錯誤竟似強令更換服式茲福康安奏並未豫行照會而續奉之旨業經趕到不至有礙大體該督前奏錯誤之咎原是大家之過尚屬可原著加恩免其交部議處嗣後福康安於一切陳奏事件務宜留心檢點據實聲敘不可稍存高興以致徒驚聞文轉昧本意也○乙亥

上御太和殿傳臚賜一甲石韞玉洪亮吉王宗誠三人進士及第二甲辛從益等三十三人進士出身三甲邵葆醇等六十一人同進士出身○還圓明園○諭內外文武大臣特恩賞在紫禁城內騎馬用資代步但年老足疾

之人上馬亦覺艱難如大學士嵇璜雖經賞馬仍恐難於乘騎嗣後已經賞馬之大臣因有足疾難於步履者著加恩准令乘坐小椅傍縛短桿用兩人舁行入直以示朕眷念大臣恩加體恤至意尚書李世傑患病兼有足疾著加恩准照此例又諭曰普爾普之子尚在年幼京中無人照料緯克托著授為二等侍衛徹回照料普爾普妻子在京居住丙子諭曰康基田覆奏高郵州摹雕印串冒

微錢糧一案僅自認糊塗遲誤而於瞻顧上司徇庇屬員各情節仍不據實直陳是其竟無良心孤負委任厚恩難以從寬留任康基田亦著革職拏問交慶桂等一併解赴熱河行在歸案審訊所有江寧布政使員缺著陳大文補授諭軍機大臣等據慶桂等奏請將藩司康基田解任一併歸案審辦一摺康基田接據陳倚道稟報並不據實嚴叅及巡撫批令嚴查仍移交臬司辦理推諉因循藉

詞沉摺必係迎合上司之意袒庇劣員實屬無可置辯今覆奏摺內僅自認糊塗遲誤並未有人請託試思藩司為巡撫屬員巡撫意存徇縱祇須風示意指即可逢迎附和又何待面為囑咐及寄書請託耶外官積弊朕豈不知著傳諭慶桂等即於途間再向康基田嚴切訊問是否迎合閥閥元意指推諉遲延令其據實登答迅速覆奏若再始終隱飾將來解到行在審出實情恐康基田不能保其

首領也○以故貴州定番州屬臥龍司土官龍定元叔致坤襲職旌表守正被戕湖北竹山縣民程文相妻焦氏丁丑諭曰御史江德量條奏兵工二部主事選科遞積本年分部人員該二部暫停籤掣再中書補缺向係按錄取名次補用竟可不先効力請照各部額外人員之例以行走時日之多寡為補缺之先後等語六部主事額缺不同而出缺多寡亦難懸定現在兵工兩部人多缺少候

補需時自當如所奏毋庸再行分派致有壅滯所有本年散館庶吉士及新進士分部人員俱於吏禮戶刑四部照例掣籤其兵工兩部即暫停分派至內閣中書向例俱按錄取名次銓選最為公允今若照行走時日補缺恐行走人數較多爭先競進轉得意為高下致滋弊端所奏不可行亦毋庸交部議奏又諭據恒瑞奏審明蒙古圖財害命之策伯克多爾濟即行正法等語蒙古地方此等案件審明後理應一面奏聞一面正法若俟奏聞奉旨後辦理時日稽遲倘有逃逸不特該犯漏網亦不足以懲令恒瑞於審明後即行正法甚屬妥協至扎奇噶克齊碩瑪爾台吉拉旺等據報後即能將兇犯盤獲亦屬可嘉著加恩各賞緞二匹其具報之蒙古克什克圖巴勒桑等各賞布五匹以示獎勵○諭福建臺灣府乾隆五十年分運廈遭風漂沒兵米一百二十石○調陝西按察使恩明為

安徽按察使以湖南鹽法道姚學瑛為陝西按察使○戊寅

上御勤政殿聽政命內大臣傳玉戶部尚書覺羅巴延三左都御史舒常在紫禁城內騎馬○諭曰檢討龔大萬饒慶捷許霖前因大考分別休致革職昨於山左迎鑾進獻詩冊茲命出題考試所作詩句雖屬平庸尚不甚荒謬且饒慶捷因大考繕寫違式革職龔大萬等因大考列入四等休致並非緣事獲譴尚可酌加錄用龔大萬饒慶捷許霖均著加恩以內閣中書補用○又諭曰郭輝現往前藏查辦事件孫士毅著兼署成都將軍印務四川省土司入覲已派令成德帶領來京所有四川提督印務亦著孫士毅兼署○諭軍機大臣等本年朕八旬壽辰各省督撫藩臬情殷祝嘏前經於江西派出臬司託倫陞任江西藩司出恩明前來叩祝茲因託倫陞任江西藩司該省署巡撫姚茶業經派出撫篆不可無人

護理託倫未便再行前來應改派新任按察使司馬駒至恩明調任安徽現已將該省巡撫何裕城派出恩明亦可毋庸前來惟陝西省現無經朕派出之員應即派新任按察使姚學瑛著傳諭司馬駒姚學瑛俱於七月二十九日以前到京隨班祝釐面聆訓示此時即行先赴新任毋庸奏請來京陛見也將此傳諭司馬駒姚學瑛並傳諭託倫恩明知之○又諭據富綱奏緬甸貢使於四月十二日

到脊十五日齋表起程前赴熱河等語本年朕八旬壽辰外藩屬國俱各納貢祝釐定於七月十四日筵宴前經降旨令緬甸貢使於七月十一日南掌貢使於七月十二日次第前抵熱河今該貢使等俱於四月中旬自滇起程計七月十一二日至熱河行在同興十四日筵宴尚有八十餘日儘可從容趕到亦不致過於勞頓也再另摺奏耿馬土司罕朝璦謹備馴象二隻遣應襲長子罕廷所押送

至省懇轉奏恭祝萬壽等語該土司辦理撫輯事宜向屬勤勉妥協茲虔備象隻懇請代奏祝嘏具見惻誠除所貢象隻准其賞收外著賞給大緞四匹以示嘉獎○己卯諭朕於五月初十日啟鑾前往熱河駐蹕七月二十三日迴鑾著怡親王大學士公阿桂大學士嵇璜禮部尚書常青留京辦事所有五月六月分吏兵二部應行引見官員文職知縣以上武職守備以上著該部每月派堂官一員

輪流帶赴熱河引見其文員內佐雜等官武員內八旗護軍校驍騎校及外省送到之補放水手驍騎校並年滿千總等官弁仍著王大臣照例驗放其各省督撫提鎮等奏摺著齋摺人前赴行在投遞該部即遵諭行又諭山西省太原遼州等十六府州並歸化城應徵本色及清水河等廳並太僕寺牧廠地畝應徵折色銀兩著仍照上屆之例加恩蠲免十分之三其應徵本色之大同朔平二府

及和林格爾等處新墾地畝應輸折色並莊頭退出招種地租銀兩又豐寧三廳地畝折色租銀亦照上屆加恩一體蠲免以示朕普惠羣黎有加無已至意○又諭曰李世傑在總督任內辦事實心因患病奏請解任特命來京以兵部尚書補用現在病尚未痊需人侍奉伊孫李再瀛前經加恩賞給進士授為主事今李再瀛業已病故惟李世傑次子知州李華封丁母憂服闋隨侍來京著即加恩

以員外郎補用俾得就近侍養以示格外體恤○軍機大臣等議覆伊犁將軍保寧奏稱伊犁烏嚕木齊二處為奴罪犯將及二千名人數衆多不無滋事請照舊例擇情罪稍輕者令其採挖銅鐵在廠傭工踰五年為民十年准回原籍予以自新庶人數不至壅積邊地亦得寧謐應如所請較別項發遣人犯加重踰十二年如果奮勉無過該將軍等報部查明令回原籍從之○庚辰諭曰舒濂革去

戶部左侍郎仍留副都統在藏辦事所有戶部右侍郎員缺著慶成補授○又諭欽天監事務著綿恩管理○內閣翰林院帶領已酉科散館修撰編修庶吉士引見得旨此次翰林散館之修撰胡長齡編修汪廷珍劉鳳誥邵瑛業經授職其清書二甲之庶吉士朱理祀孝承梁上國俱著授為編修三甲之庶吉士劉鏗之著授為檢討漢書二甲之庶吉士阮元李鈞簡游光繹施杓那彥成張錦芳顧

德慶楊祖純周栻俱著授為編修三甲之庶吉士張鵬展汪滋畹錢開仕達林吳灼張履元俱著授為檢討錢楷董教增黃鎔尚慶雲楊昭俱著以部屬用○又諭曰魏大斌前在臺灣帶兵赴嘉義縣接應路遇賊匪不能奮勇勦捕以致官兵多有受傷及抵嘉義後又與柴大紀意見不合貽誤軍務革職留於軍營効力贖罪嗣經朕棄瑕錄用仍擢任總兵今兵部奏魏大斌於臺灣水師遊擊任內失

察守備李文彩受賄縱放私船議以降二級調用無級可降請旨革任該員以曾經獲咎之員且此案守備李文彩受賄放船近在同城毫無覺察其平日居官必非實心任事可見魏大斌著照部議革任所有閩粵南澳鎮總兵官員缺著馬龍補授○是月湖北巡撫惠齡奏荊州修理城垣業經完整萬城隄工亦極鞏固其南岸窖金洲被溜刷塌已成陡砌查窖金洲頭另有新洲向連一片茲未屆盛漲而溜勢分走漸成河形該處土人即名為天然河將來新洲諒可全行刷去旁批實是好機會又奏自此窖金洲以次汕刷北岸可保無虞得旨欣慰覽之○又奏潛江縣屬易家拐地方隄塍為江陵監利荊門等處保障上年漢水漫溢衝成深潭不能修築因修復仙人古隄一道長一千二百八十餘丈該隄去江稍遠隄外積沙彌望即遇水發勢平性緩於隄工可無衝刷之虞再隄下舊有間

段河形恐積雨成潭致傷隄腳現亦一律補平報聞○河南巡撫穆和蘭奏豫省中牟尉氏洧川陽武臨潁信陽等六州縣三月下旬雨中帶雹麥苗間有傷損當飭道員確勘據稟早禾被雹未損根莖其稍重者亦因節候尚早儘可補種現查明無力農民酌借籽種俾得補種晚禾得旨覽奏稍慰○山東巡撫覺羅長麟奏東省三月中高阜麥苗業經黃姜蒙恩特派欽差赴省求雨後已姜之麥另發新枝結實亦尚飽綻臣親赴鄉莊查看屬實其附省之長清等處亦屬相同固不敢侈言祥異轉類不經旁批是又奏惟仰體宵旰廑懃亦不敢稍存諱匿得旨覽奏稍慰此間日日有雨總不及寸餘實深懃悚○雲貴總督富綱雲南巡撫譚尚忠奏滇省民間行使小錢其輪郭完整字跡尚清者暫令將二文作局錢一以便民用有願換局錢者亦按此數收繳毋拘定限再查滇省銅鉛各廠砂丁

貪私賣得價奸民因以盜買私鑄現嚴飭廠
員留心稽查毋許偷漏並將廠民應得商銅
酌增價值官為收買俾其有利可圖不致暗
中走漏得旨似汝等中材祇可如此辦理去
其已甚可也○貴川巡撫額勒春奏黔省壤
接滇粵川楚深山密箐每有奸民藏匿私鑄
現諭民間將小錢盡數交官給價解局改鑄
並嚴禁胥役藉端滋擾旁批亦是又奏奸民
私鑄須撓入鉛勛銅少鉛多因以牟利貴州
為辦理鉛運之區現飭廠員除官給印票通
商額鉛外毋許絲毫偷漏以杜弊端得旨行
之以妥實持之以久遠可也

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十三

大清高宗法天隆運至誠先覺體元立極敷文奮武孝慈神聖純皇帝實錄卷之一千三百五十四

監修總纂官臣孫毓汶太子太傅文淵閣大學士文淵閣閣學臣等奉 上諭纂修實錄

史部總纂官臣孫毓汶太子太傅文淵閣大學士文淵閣閣學臣等奉 上諭纂修實錄

總裁官臣孫毓汶太子太傅文淵閣大學士文淵閣閣學臣等奉 上諭纂修實錄

世襲騎都尉加九級隨帶加二級又加二級重慶內大臣戶部尚書孫毓汶滿洲副都統加九級又

尋常紀錄十四次臣孫毓汶謹奏太子少保上諭尚書紀錄六次臣孫毓汶等奉

秋修

乾隆五十五年庚戌五月辛巳朔皇六子和

碩質親王永瑤薨。授一甲一名進士石韞

玉為翰林院修撰。一甲二名洪亮吉。一甲三

名王宗誠為翰林院編修。士午諭中正殿

樂部事務著派八阿哥管理算學事務著綿

恩管理怡親王永琅著補授總管內務府大

臣。又諭據勒保奏搜出由伊犁回歸私帶

玉石之商民李世才等請旨治罪等語李世

才等膽敢私帶玉石進關情殊可惡均照所

請辦理玉石係回地所產其偷買攜入內地

者雖經南路回城嚴加搜查究因伊犁等處

並不稽察以致李世才等牟利於阿克蘇等

處採買由伊犁北路私帶進關所有沿途地

方若不嚴查日復一日皆冀倖由此繞行亦

未可定著交伊犁烏魯木齊巴里坤將軍大

臣等照回城一體嚴查斷不可怠忽從事。

諭軍機大臣曰福康安等奏阮光平於十三

日行抵諒山親率子臣等進關福康安等將

節次諭旨宣示阮光平叩頭謝恩據稱賞用

金黃鞋帶已覺聖恩過重抱見之禮更為逾

格優隆未敢承受特具表懇辭伊子阮光垂

因途間染恙福康安等准其先回調攝派員

護送出關並將阮光平謝恩慶賀各表進呈

所辦俱好朕覽該國王所進表文肫切誠懇

特用硃筆詳晰批示至伊子阮光垂偶抱微

疴該國王願懇旋國調理自應准其所請茲

特賞阮光垂玉如意一柄同硃批表文著福

康安面交該國王祇領並告以王子暨年聰

穎志切瞻天。大皇帝格外加恩。封為世子。今因染恙旋國。雖未能隨同入覲。而中心愛戴。大皇帝深為嘉予。特賞世子玉如意一柄。以為吉祥佳兆。自應即日安痊。至國王辭謝。行抱見請安之禮。措詞謙謹。大皇帝覽表。深鑒忱誠。國王務恪遵恩諭。不必再為辭謝。如此詳晰告知。俾該國王益深歡欣入覲之忱也。再賞福康安。阮光平御製集石鼓詩序墨刻各一分。隨報發去。俾得一同祇領。○又諭據

長麟奏德州途次聞知撫署失火。延燒大堂二堂。自請賠修。並交部治罪等語。長麟現赴沿河一帶籌辦擬運事宜。署中一切細事。自不能兼顧。其衙署著照所請賠修。至自請治罪之處。竟可寬免。即繆其吉甘定進奏。稱不能先事豫防。請交部議處。亦著寬免。至家人馬重陽不能小心。以致燈火燃燒。延及房屋。猝不及救。本應治罪。今已燒斃。亦可免究。所稱王命旗牌。准其自行咨部請領。○命服闋

少詹事童鳳三。仍在尚書房行走。予福建邵武營赴廈門換班。遭風溺斃。弁兵一百十三名賞卹如例。○癸未

孝誠仁皇后忌辰。遣官祭

景陵。○諭據福崧奏。經過直隸山東一帶。均已甘霖普被。二麥俱已結實。飽綻大田。苗禾長發。菁蔥晚禾。現亦出土。又另片奏。稱山東齊河長清等處。已萎麥苗。復得吐穗。結實一律飽綻。等語。所奏殊不可信。本年直隸山東一

帶。得雨較遲。麥苗未能及時長發。朕蹕路所經之處。自東昌臨清迤西一帶。至直省地方。沿途望澤維殷。總未得有透雨。旋蹕後。曾親自祈禱。雖經得雨。尚欠優霑。今福崧遽稱甘霖普被。未免過於飾言。至麥苗已萎。復生之事。前據長麟奏聞。朕即以春膏未能霑足。方深慚悚。曾於摺內批示。並不以此為奇。福崧路過該省。又復將此具奏。矜為異事。殊不知麥田被澤。已遲收成。不無歉薄。間有黃萎麥

苗另生新枝結實於農田大概收成未見禪
益朕臨御五十餘年勤求民瘼每遇各省地
方偏隅被旱宵旰憂勞無時或釋即麥苗有
三穗雙歧之事從不侈言祥瑞督撫等惟當
仰體朕懷盡心民事感召

天和俾閭閻共慶盈寧方為無忝厥職今福崧
意存粉飾附摺瀆陳封疆大吏豈可如此存
心福崧係經過山東並非本屬即以此等事
件率行由驛馳奏將來前抵江蘇新任自更

緣飾虛文致有諱災匿報之事殊負朕棄瑕
錄用之意福崧著傳旨嚴行申飭若再不知
改悔心存高興斷不能曲加寬宥也將此通
諭知之各省督撫務當引以為戒又諭唐
古武學事務著德勒克管理其御藥房面子
學包衣三旗前鋒營僧道司寶諦寺俱係總
管內務府大臣所屬嗣後即著總管內務府
大臣管理毋庸另行分管○內閣翰林院帶
領新進士引見得旨新科進士之一甲三名

石韞玉洪亮吉王宗誠業經授職辛從益蔣
祥墀顧王霖錢學彬陳預洪梧張師誠王蘇
錢福胙祝曾秦維嶽郭淳牟昌裕德文葉大
觀龐士冠恩普羅廷彦趙未彤卞雲龍延弼
張問陶熊方受盛安著改為庶吉士陳希祖
黃鉞李鑾宣朱文翰端木煜鄭澍陳登泰楊
曰鯤張世彥史積中喬遠煥盧元偉劉珏紀
蘭顏惇恪王治樸方體俱著分部學習陳慶
槐王樸齊嘉紹徐憲文葉繼雯田瑛俱著以

內閣中書用韓廷秀朱倌邵葆醇著以知縣
即用李慶芸王霖張時霖宋簡孫希元邢澍
安清翹張桓吳大勳朱煌阮升基魏鈞保麟
鄭大樸俱著以知縣分發餘俱歸班銓選
諭軍機大臣等從前高麗國王及科爾沁等
處蒙古藩王來京瞻覲曾派禮部堂官一員
往迎賜茶茲阮光平親自赴闕祝釐愛戴惻
忱實堪嘉尚著禮部左侍郎德明於該國王
將次抵京時前往良鄉迎迓賜茶並傳諭福

康安於途次遇便告知。甲申諭軍機大臣等據孫士毅奏靖遠營火藥局因城外山上野火焚燒山草火星吹入局房氣眼藥礮觸發將庫房及原貯火藥礮舫立時轟燒請將署遊擊事守備田占魁革職並將失察各司分別賠修補額等語田占魁於軍火重地漫不經心致被轟燒自應即予褫革並照例將燒燬藥礮及房屋等項在各上司名下分賠又摺內稱靖遠營在冕寧縣地方築土為

城約高八九尺其東北城牆界在山坡火藥局即在城內坡上山牆各留氣眼以洩潮氣現飭各營將從前氣眼高寬一尺七八寸者改為一尺中間鐵楞架格寬二三寸者不得過一寸於防守較為慎密等語該營火藥局在東北角山坡之上城外山頭草樹繁多冬間野火焚燒時值北風正與藥庫相對火星易於吹入以致藥礮即時轟發勢所不免今該督雖將氣眼酌量改小然當野火延燒北

風大作時火星飛迸即一尺之氣眼亦能趁風撲入所辦尚未周妥此時該營藥局正在另行修理著傳諭該督如東北山坡草樹逼近即改在西南空曠處所使相距較遠則冬間山草燒荒無從延及自於防範有益。又諭據孫士毅奏嚴查私鑄及收買小錢情形一摺內稱川省錢文存積最多小錢亦數倍他省現在設廠委員收買並嚴諭富戶若不盡數呈繳將來查出即以私鑄之罪罪之富

戶頗知警懼各將小錢交官求換孫士毅與司道親身分赴各廠嚴密查察小錢隨到隨發大錢民情極為悅服兩月以來相率不用小錢甚於官禁不特錢法肅清物價亦頓覺平減等語所辦極為得法前因各省多有行使小錢之弊業經通飭各督撫嚴行查禁今孫士毅於省城設廠八處嚴諭富戶將積存小錢盡數交官小民等見小錢不准流通紛紛呈繳所換局鑄大錢為數雖少買物可抵

數丈。民情踴躍。皆由孫士毅實心任事。親督司道。分廠稽查。辦理方有成效。各督撫果如孫士毅之周詳妥協。不難將小錢查繳淨盡。第恐視為具文。不能如此辦理。使市儈得以牟利。居奇胥吏。又復藉端需索。小錢之弊未除。而民間日用轉多不便。即如本日琅玕。滿霖奏到查禁小錢情形。各摺亦俱定立章程。查辦。但琅玕等材具中。平非孫士毅可比。辦理稍有不安。恐轉致滋擾閭閻。況督撫等養尊處優。於本任地方要事。尚委屬員辦理。此等事件。更難親為督率。各督撫仰膺委任。孰非封疆大臣。豈孫士毅能辦之事。督撫等竟不能認真籌辦耶。著將孫士毅摺鈔寄各省督撫閱看。即行仿照該督辦法。實力稽查。務期小錢收繳淨盡。不致張皇擾累。方為妥善。○調任江西巡撫何裕城疏報乾隆五十三年分開墾宜春蓮花南康等三廳縣額外水田二頃十畝有奇。○乙酉諭前因直隸建昌

縣盜犯馬十等一案。延宕兩年。並未審結。提省辦理。後劉我友富尼善朱瀾王汝璧並不親提審訊。遞委屬員承審之知縣朱腹松。又不將首犯鞠問。事關劫盜重情。玩愒至於如此。是以將劉我降用侍郎富尼善等分別治罪。又江蘇高郵州私雕假印。冒給偽串一案。經巡檢陳倚道查獲。該州吳瑛庇護書吏沈擱。不辦及聞該巡檢通詳。又復捏情具稟。閔鶚元接據稟報。並不立時參奏。僅批交兩司及揚州府查辦。意存消弭。康基田劉炳迎合上司之意。袒庇方員。通同弊混。現已將閔鶚元等革職。拏問解赴熱河審辦。兩案情節。雖輕重不同。均非尋常貽誤公事。失察屬員可比。此而不加以懲治。何以飭吏治而肅官方。恐外間無識之徒。妄謂朕有意吹求。辦理未免過當。殊不知馬十之案。係巡城御史拏獲逸盜。因將此案延玩。情形查出。而假串一案。亦係巡檢陳倚道揭報。戶部始行敗露。此等

事件。既至朕前。豈得置之不辦。並非朕御下從嚴。以苛為察。以刻為明。使人側目。而視重足而立也。朕臨御五十餘年。辦理庶務一秉大公。寬嚴得中。用刑詳慎。於大小臣工。過犯可貸者。無不量予矜原。其不可恕者。亦即加以懲創。用法輕重。惟視人之自取。從不稍為偏倚。於其間。各省官吏。惟當以劉我閭閻。元為戒。罷勉奉公。實心任事。固不可失之寬縱。亦不可意存苛刻。務使庶政持平。共成治理。

稱朕意焉。○又諭前因盜犯馬十一案。革職道員朱瀾。知府王汝璧。俱經施恩。准其贖罪。富尼善之罪。較朱瀾等尚輕。著加恩賞給頭等侍衛職銜。前往喀什噶爾。更換博典。○丙戌。

上還宮。○漕運總督管幹珍奏。各省漕船所需水手短絛。五方雜處。最易藏奸。臣嚴飭各幫。於雇募時。責成頭舵。將向來熟識妥實之人。取保充補。再沿途無賴棍徒。暗隨幫船行走。

遇提溜打鬧時。即從中把持勒索。種種滋擾。現嚴加懲治。外並飭督運道廳及所過文武衙門。一體嚴緝。俾空重各船。均得寧謐。得旨甚好。以實為之。仍毋始勤終怠。是日起。上以夏至祭。

地於

方澤齋戒三日。○丁亥。諭曰。朝鮮國王恪修職貢。恭順可嘉。本年因朕八旬萬壽。普天同慶。特於萬壽正貢之外。另備貢物。輸誠祝嘏。前

已命作為次年正貢。今復咨部懇請轉奏。仍行恭進萬壽貢品。情詞肫懇。具見悃忱。著照所請。准予賞收。屆期自當優加賜賚。以示朕柔懷。藩服加惠遠人。至意該部即遵諭行。○諭軍機大臣等。前聞浙省漕務。有浮收情弊。降旨令伍拉納訪查。茲據奏稱。現有嘉善縣糧戶陸建業等。來閩呈控。革書袁坤一。漕總秦惠勳等。將伊運交漕米一百六十一石。僅給一百石九斗九升串票。業經飭提案內緊。

要犯證串簿解閩親審等語。是浙省漕務浮收加耗積弊仍未清釐。而吏胥等敢於乘機作弊。或竟係該管地方官。亦有通同故縱情弊。琅玕才具中平。為人老實。易為屬員朦蔽。顧學潮尚知謹慎自守。而不能約束伊子。更難望其整飭地方。必須該督切實嚴查。方能肅清積弊。今伍拉納一經糧戶呈控。即行提赴閩省。親行審訊。所辦極是。著傳諭伍拉納。務即嚴訊犯證。檢查串簿。秉公據實具奏。不得稍有瞻徇。至琅玕身為巡撫。不能清查漕弊。咎已難辭。若敢稍存迴護。授意屬員。以冀消弭此事。或伍拉納被其所欺。豈能逃朕洞鑒。朕必照辦理高郵州假串一案之例。將琅玕解來京審辦。閩省元即伊前車之鑒。恐該撫不能當此重戾也。○戊子。諭據長麟奏。平度州知州郭清芳。詳報張子布將羅王氏踢傷身死一案。萊州府知府徐大榕審係羅王氏率同伊子羅有良。將張子布毆傷待斃。

羅有良自將伊母踢死。圖賴隨提犯來省發交按察使甘定進親訊。審明張子布踢死羅王氏屬實。徐大榕固執已見。不肯遵辦。甘定進又不能究出實據。折服該府之心。茲復親訊犯證。實係張子布毆踢致死。並究出郭清芳相驗時。遺漏多傷。不報。請將徐大榕、郭清芳革職。審擬甘定進交部嚴加議處等語。郭清芳承審命案。於相驗屍傷時。並不遵例將兇器比對遺漏傷痕。咎實難辭。而所報兇犯尚無錯誤。惟知府徐大榕自逞臆見。妄斷宕延。轉欲科屍子以茂倫之罪。實屬任情顛倒。若非別有意見。何以於此等重情意為出入。徐大榕、郭清芳俱著革職。鞫問交該撫研審定擬具奏。甘定進本係河工同知。因辦理黃河漫工。埽墊落水。尚屬奮勉。是以不次陞擢。用至按察使。本年朕巡幸山東。召見甘定進。觀其人本粗率。難勝臬司大員之任。今於此案要證情節。未能審訊得實。延緩稽遲。交部

嚴議。自當議以革職。姑念該員曾在河工出力。尚可加恩錄用。甘定進著來京以五品京堂用。○諭軍機大臣等。昨據伍拉納奏浙省漕務吏胥等敢於浮收舞弊。該管地方官難免分肥。故縱自應徹底根究。伍拉納一經糧戶控告。即親提審辦。據實奏聞。而閔鶚元於高郵州假印偽串一案。事關書吏散法冒徵錢糧。經巡檢陳倚道查獲稟詳。並不即時具奏。意欲消弭了事。外省督撫同僚受朕厚恩。委以封圻重任。遇有官吏營私作弊之事。自應立即糾參。毋稍欺隱。閔鶚元久任封疆。豈轉不若伍拉納新用之人耶。著將伍拉納原摺鈔寄慶桂。給與閱鴛元閱看。將因何不行叅辦之處。嚴加詰訊。令其明白登答。據實覆奏。○以福建督糧道陸有仁為山東按察使。○己丑夏至祭

地於
方澤

上親詣行禮。○幸圓明園。直隸總督梁肯堂奏天津南門外地窪積潦。向設五石閘分洩。上年夏秋雨多。河淀灌注。五閘未能暢消。今春添挖三溝。積水始涸。荷蒙指示。令於該處添建二閘。現相度形勢。請於馬家口村前後建單空石閘二。以資宣洩。閘口內外各挑引河一道。謹繪圖貼說呈覽。得旨。允行。○庚寅上以秋獵木蘭。自圓明園啟鑾。○諭朕此次駐蹕熱河。所有經過地方。著豁免地丁錢糧十分之三。○又諭所有密雲縣接駕兵丁。著賞給半月錢糧。○又諭曰。梁肯堂等奏直隸提標左營兵丁陳文亮之母陳氏。現年一百三歲。等語。陳氏年逾期頤。精神強健。洵為昇平人瑞。其應行建坊旌表。及賞給緞匹銀兩之處。著該部照例具題。○是日駐蹕南石槽行宮。○辛卯諭曰。福康安奏廣西左江鎮總兵普吉保。擅令營弁曾世瓊掌責把總黎振乾。以致該把總情急投水殞命。恐有威逼勒索

情弊請旨將該鎮普吉保並把總曾世瓏一併革職解交署總督郭世勲嚴審等語。普吉保曾世瓏俱著革職交郭世勲提集案犯嚴審定擬具奏。○諭軍機大臣曰：普吉保身任專閫，不知奉公卹下，乃於例禁接送繁文，因該副將未經親到，遽把總酷加掌責，役使催繯，繼復怒其旋營，將該管都司一併傳喚，以致該把總情急自盡。似此任性妄為，致斃人命，恐其中別有威逼勒索情弊，不可不嚴加訊究。著傳諭郭世勲、秉公審擬據實具奏。○又諭曰：福康安等奏帶領阮光平途次行走情形一摺，并鈔錄該國王遞回昇隆城等處書信三封進呈，所辦甚好。阮光平疊受殊恩，誠心感戴，入關以來，得睹天朝幅員廣闊，聲教覃敷，歆羨之餘，並懷震懾，而一切優加體恤，其歡欣感激情狀，自屬出於至誠。至途次寄回書信，俱未緘口，足見該國王小心曉事，十分恭謹。而書中所諭處分國事，井井有

條兼述天朝優待隆恩，不特藉以誇耀臣民，并使該國人心更加帖服。看來阮光平用心周到，足以永資鎮撫。長受朕恩，深堪嘉尚。但該國王入覲祝釐往返，約有八九月之久，其國事必須往來酌商，若一律俱不緘口，轉非示信遠人之道。著福康安於途中告以天朝體制，凡外藩呈遞文報，雖例不封口，今國王身列藩封，誠心入覲，大皇帝一視同仁，無分中外，嗣後往來書信，俱不必拘於成例，概不緘口。如此詳悉諭知，俾得益加欣感，並可釋其疑意。○以雲南永昌協副將孝順阿為廣西左江鎮總兵。○是日駐蹕密雲縣行宮。○壬辰諭前因伊齡阿汪承霈辦理科場事務不能實力稽查，一味沽名邀譽，是以將伊二人降調。今因內務府事務較繁，應量為添派，以資稽覈。伊齡阿著加恩以三品職銜在總管內務府大臣上行走。汪承霈亦著加恩署理通政使。○諭軍機大臣曰：永琅等奏本月

十一日寅刻西華門內清茶房外果房失火延燒房屋所貯樂器經卷多被焚燬請將外果房值宿之果上人聞濤蘇拉喜兒交慎刑司嚴審治罪該班內務府郎中常寧嚴加議處永琅等一併分別議處等語著照所請行內廷重地竟至失火延燒房屋八十五間實非尋常疎忽可比永琅係新管內務府於一切事宜多有未諳尚可從寬和坤福長安平素亦未留心稽察但現在危蹕在外至金簡

舒文在京稽查管束是其專責何至漫不經心如此俱著嚴行申飭但金簡經管事務較多且年已七旬精神或不能料理周到尚可託辭諉卸至舒文所管之事甚少自應專心稽察乃自擢任總管內務府大臣以來志得意滿並無認真出力之處今復疎懈至此殊負委任若嗣後再不實心經理仍前忽畧令伊俟之看朕如何處置恐舒文不能當其重戾也伊齡阿係屢經獲咎之人今又棄瑕錄

用若不思奮勉辦公一改從前邀譽沽名模稜積習自問當得何罪至此失火延燒伊齡阿係事後續派與彼無涉所有賠項不必令其分賠也又諭此項經卷雖未全行焚燬但一經搬損必致殘缺失次所有大般若二般若等經曾經各刷十分頒發盛京前後藏供奉如現在經館內所存版片卷頁不全尚可從容緩辦至未經頒發各經最關緊要其中有已經刊刻完竣刷印成部而版片卷

頁多被燒燬者有版片雖經燒燬而刷印卷頁尚存者有刷印卷頁燒燬而版片尚存者有版片未經刊刻完竣即被燒燬者均須詳細檢查以便補輯完善著八阿哥阿桂金簡會同速行認真查覈分晰開單進呈候朕酌量辦理至中和樂器四分編鐘及架上鳳頭等件俱用真金鑄造焚燒後雖經融化其金質自在著永琅等嚴飭官役逐細檢出毋致偷匿並著金簡舒文等照舊趕造先行豫備

乾清宮。重華宮二分應用其編磬一項。乾清宮重華宮二分係玉琢成如畧被薰灼尚堪備用。固屬甚善。若玉質已壞自應速為趕辦。朕思從前中和樂磬原係靈璧石者現貯廣儲司銀庫著金簡等查明一面先將石磬抵用一面照原製玉磬尺寸樣式開單呈覽即發交葉爾羌辦事大臣等挑揀玉料送京至鼓衣架圍俱係繡活亦著金簡等飛咨蘇州織造趕辦不必過於工細務須無誤屆期應用。其壽康宮交泰殿二分不妨畧緩以次製備。所有延燒房屋其必需重建者自應如數補建亦不必仍前高大其餘無用房屋毋庸概行重造至起火緣由須逐一根究確實著交總管內務府大臣嚴審定擬具奏。是日駐蹕要亭行宮。癸巳遣官祭關帝廟。軍機大臣等議覆廣州將軍善德奏稱該處八旗陸續出有甲缺一百八十四名除將及歲間散餘丁挑補外現有孤寡十

二戶請改甲缺六為養育兵缺十二以資伊等養贍此項養育兵缺出即裁汰應如所議從之。是日駐蹕兩間房行宮。甲午諭軍機大臣曰永琅等查審清茶房外果房失火一摺據蘇拉喜兒供初十日晚間煮飯後忘熄餘火十一日早間風大想是鑪縫走烟燎著後簷柱起火等因請將掌果頭目五十三副頭目明良斥革責處掌儀司值年員外郎常惠交內務府議處等語所辦失之寬縱禁城重地理應格外小心防範乃值年司員及掌果頭目既日間在內辦事當此風日乾燥時於所管蘇拉太監等漫不留心稽查疎懈已極不可不嚴行懲治正副掌果頭目五十三。明良斥革後再行嚴審治罪員外郎常惠即應革職問罪方足以示懲儆永琅等審擬此案何僅以交內務府議處斥責了事太監朱貴既在一處居住則該處蘇拉太監等即其所管朱貴不能約束其罪較重審明後自

應發往打牲烏拉為奴乃摺內並未嚴訊又復故為開脫尤屬非是永琅金簡舒文俱著傳旨申飭並著將指出情節嚴切根究再照此旨定擬不可稍有迴護疎漏致干咎戾再此案尚有值年首領太監摺內亦未訊及更為徇縱至清茶房外果房原屬無關緊要竟可不建蓋著於西華門外官房內酌給數間令伊等棲止以備差使又金簡等另摺奏編磬一項先將廣儲司所貯靈璧石磬抵用祝啟琴瑟等派員分投趕辦應如所奏至編鐘鍍金既被薰灼自應另為修整但寧壽宮編鐘經朕特用真金鑄造則乾清宮一分亦當一律改鑄金鐘著金簡等按照舊式製辦無誤應用○又諭據勒保奏土爾扈特和碩特等及各城回子伯克今歲因叩祝萬壽前來人數較多凡土爾扈特等仍由寧夏沿邊一路行走以避內地暑熱各回疆伯克等俱由蘭州西安大路造行以免壅滯一俟進關

後飭令道員副將護送趨行等語土爾扈特及各回城伯克等計四月二十進關後距七月初十以前尚有八十日儘可從容前來與宴不至遲滯至土爾扈特和碩特等恐有未曾出痘之人自應照例由寧夏沿邊一路屆期趕至熱河其各回城伯克倘途次不能趨行即趕至京師尚不誤筵宴之期不至熱河亦無不可總不必過於催迫又另片奏稱土爾扈特汗策凌納木扎勒親來祝釐一切應付應量加豐裕於經過地方有鎮道駐劄處均筵宴一次等語策凌納木扎勒雖係汗號與內外各扎薩克蒙古汗王何異非如安南國王親自初來瞻覲者可比若於經過地方俱行宴賚不特徒滋繁費亦且無此體制該督所請殊不可必將此諭令知之是日駐蹕常山峪行宮○乙未諭軍機大臣曰畢沅等奏稱據臨湘縣知縣李高翊稟會同營員盤獲形跡可疑之楊起貴鄧旺等究出結夥

兩次行剗商船現督同兩司親訊等語畢沅
惠齡浦霖自莅任楚省以來一切惟事模稜
於地方應辦事件並無認真出力之處今一
接該縣稟報即將獲犯提省親鞫所辦尚好
惟有此事差強人意著傳諭畢沅等嚴切根
究此外有無剗掠別案從重辦理並將未獲
各犯分飭各屬實力偵緝毋使一名漏網○
命大學士和珅吏部尚書彭元瑞教習庶吉
士旌表守正捐軀直隸開州民田三妻楊
氏○是日駐蹕喀喇河屯行宮

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十四

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十五

監修總裁官禮部侍郎太子太傅文淵閣大學士文淵閣領事內大臣稽察欽奉 上諭軍機處管理

大臣理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次並履歷

總裁官禮部侍郎太子太傅文淵閣大學士文淵閣領事稽察欽奉 上諭軍機處管理刑部侍郎三庫事務

世襲騎都尉軍功加十九級隨帶加二級又加二級尋常加二級軍功紀錄一次並履歷

尋常紀錄十四次並履歷隨帶官太子少保工部尚書紀錄六次並履歷尋常

教修

乾隆五十五年庚戌五月丙申

書奉 上 旨

上詣熱河

大廟行禮閱視新鑄石鼓於戟門前諭此
次扈從校尉一百八名內常行隨駐二十四
人著加恩各賞一月錢糧其回京八十四人
各賞一兩重銀鏤一個○開採雲南威遠廳
屬西薩猛烈鄉鐵廠從巡撫譚尚忠請也○
以故雲南保甸土知事姜增子之岐襲職○
是日駐蹕避暑山莊至七月辛丑皆如之○
丁酉諭軍機大臣曰金簡等查明燒燬房間

酌量撥補一摺清茶房外果房等處既有閒

房可以撥給自應酌量歸併抵用原無庸急

於建蓋但禁城重地觀瞻所係亦不可稍留

空隙明春當就燒燬空地酌減建蓋房屋不

必仍前高大祇須整齊畫一以昭整肅其週

圍一帶牆垣殘缺不齊亦應即將卑矮之處

增高抹飾餘俱著照所奏辦理 又諭據蔣

賜榮等奏順天府屬各州縣十四日得雨情

形單內開通州於子時至巳時得雨三寸及

書奉 上 旨

閱劉秉恬奏該處於十三日夜間陰雨霖

雨勢不大至次日申時方止等語通州地方

既據劉秉恬奏得雨不大何以將賜榮等奏

又稱得雨三寸且時刻亦不相符豈該府尹

等未經詳晰查明遽行入告或因朕望澤維

殷故爾多報分寸以慰厪念耶著傳諭將賜

榮等查明據實覆奏○又諭據明興等奏回

子玉蘇布等呈報創獲玉石三塊著照所奏

便中解京外其搜獲回人商民等私埋玉石

自應報出歸官但各處差人搜創不惟滋下人挾詐之弊亦且徒事煩擾著傳諭明與無庸特派人搜查○又諭中和樂器內需用磬料若派員前赴葉爾羌採辦不惟路遠稽遲且恐騷擾驛站著將磬式尺寸玉石顏色開明傳諭明與令其仿照趕辦四分由驛遞送來京至玉塊大小不一如有一塊可為幾料者即將整塊送京不必拘定式樣分解戊戌諭曰舒濂今已革副都統摘去花翎賞給

三品職銜伊職銜既小其駐藏辦事大臣關防著普福執掌辦事○已亥諭高郵州偽串冒徵一案書麟閔鶚元等有心徇庇取巧負恩節經降旨嚴懲現在閔鶚元等業經解到交軍機大臣會同行在法司嚴審定擬後仍發往京城著大學士九卿詳酌定擬此案陳倚道雖未稟知臬司但知府劉炳接到陳倚道吳瑛先後稟詳於二月十五日具稟王士榮而閔鶚元又復批飭藩司會同該司查審

臬司有奏事之責見撫藩通同徇隱自應據實叅奏一面親提嚴審乃亦置若罔聞延擱不辦非迎合上司即係袒護屬員與陳倚道稟知康基田而該司並不叅奏提審有意逢迎徇庇厥罪維均今康基田業經革職拏問解赴熱河審辦該臬司係棄瑕錄用之人如此負恩溺職豈得置之不問王士榮亦著革職交與書麟福崧嚴審有無迎合袒庇實情定擬具奏所有江蘇按察使員缺著陳奉茲

調補其所遺河南按察使員缺著李鴻補授○諭軍機大臣等本日慶桂將閔鶚元等解至行在現交軍機大臣審訊此案係巡檢陳倚道揭出因該員有應行質證之處是以諭令帶同前來以備訊問一二日即當仍令該員回任朕所以不即加恩於彼者恐長告訐之風但該巡檢係揭出此案之人通省上司俱因之獲罪自必共相仇恨此次該員回省後若志得意滿藉端生事該督撫自應留心

管束隨時訓飭如該員並無劣蹟而書麟因其舉發此事有心傾陷或加以磨折苦差致令該巡檢有情急自戕情事必將書麟抵償決不寬貸也又諭曰阮光平具表入貢親自赴闕祝釐愛戴悃忱深堪嘉尚前經降旨派令禮部侍郎德明於該國王將次抵京時前往良鄉迎迓賜茶著金簡屆期派茶房侍衛章京一二員帶茶跟隨德明前赴良鄉俟該國王到時賜茶以昭優寵福康安於該處將阮光平等交德明帶赴熱河即由良鄉進京省視伊母在家住居一日於阮光平未到之前可先行趕赴熱河以備垂詢一切並著德明告知阮光平向來天朝體制凡内外大臣即有父母在堂者出差入覲朝見大皇帝後方能回家省視今大皇帝格外體卹令福總督先行到家省視老母實為非常恩典相別不過數日伊即先行趕赴行在等俟國王同覲天顏面承優寵俾該國王知天朝體制

嚴肅先公後私益足堅其敬事之忱福康安不宜自行告知也將此各諭令知之調鑲黃旗漢軍副都統布彥達賚為鑲紅旗滿洲副都統以署正黃旗蒙古副都統永泰為鑲黃旗漢軍副都統庚子諭曰金簡奏安置黎維祁及伊族人屬下人等一摺黎維祁雖孱弱無能不克保其土宇但念黎氏職貢百餘年極為恭順因特授為佐領贍及身家俾得永列仕途宗支完聚已屬格外恩施今黎維祁帶領家屬人等從粵西甫到京城室家初定一切用度未免稍形拮据此時春季已過所有俸銀俸米仍著補行給予並加賞銀二百兩用資安頓至潘啟德以都司職銜補為驍騎校亦係四品頂帶與黎維祁佐領頂帶相同未免無分等級黎維祁再加恩授為三品職銜以示區別又諭曰聞濤喜兒係在果房值宿失火延燒實為此案首犯太監朱貴尚以不能防範稽查發往打牲烏拉給

與兵丁為奴而聞濤喜兒僅擬以發往黑龍江充當苦差殊屬失之輕縱聞濤喜兒均著發往黑龍江給與兵丁為奴以示懲儆○諭軍機大臣等禮部題致祭果郡王福晉一本已依議行矣但定例親郡王現在者則稱某親王某郡王其身後則概加稱謚法原所以分別存故今該部題本內祇稱果郡王殊與定例未符該堂官何於具題事件並不留心檢點若此耶常青等俱著傳旨申飭○又諭本日據留京辦事王大臣奏京師於十七日復得陣雨勢甚滂霈入土約有二寸又據金簡等奏稱十七日丑刻起至寅刻止入土約二寸許蔣賜榮等摺內則稱是日得雨計有二寸等語朕逐加披閱伊等奏報情形已覺參差不齊未能畫一况據宮內總管太監等奏報京城於十七日實止得雨一寸可見各該處所奏得雨分寸未免意存粉飾以少報多著王大臣等再行查明得雨實在分寸據

實覆奏毋得稍有諱飾○又諭曰管幹珍奏五月初十日將南糧三進尾船江西廣信幫船全數趲出黃林莊挽入東境雖比上年較早五十五日但不比上年係有閏之年必須速益求速等語所辦好已於摺內批示矣本年各幫漕船因水勢充裕行走迅速而管幹珍等認真督催籌辦一路遄行無阻尾幫入東日期比上年早至五十餘日即扣去閏月亦較早二十五日此時濟寧臨清及北運河一帶前已令和琳會同長麟梁肯堂籌催撈淺又疊經得雨之後水勢日長自可次第趲行無虞阻滯但糧艘遄行固不可令其稍有停留而催趲過速各幫旗丁等恐不無疲乏亦不可不加之體恤現在除去閏月已較上年早至二十五日即再遲十餘日亦尚有十餘日之多自能及早抵通起卸回空無誤冬兌冬開定制著管幹珍和琳等即行傳知自濟寧至北運河沿途催趲糧艘各員弁不必

過於迫促令其按程妥速行走亦不得稍任
停留較上年抵通得早十餘日便不為遲也
○又諭昨書麟奏拏獲盜犯苗玉周四等係
夥同秦虎等在直隸香河縣行劫之犯隨查
劉戕曾否將此案奏咨到部嗣據刑部查覆
劉戕年終彙奏摺內開明行劫香河縣案犯
已獲四名未獲三名現在又據梁肯堂揭帖
內續獲夥犯秦虎吳三等語香河行劫一案
該犯苗玉等在江南供稱同夥共有七人並
據劉戕單開已獲四名未獲三名亦止七名
今江蘇省拏獲苗玉周四二犯直省又續獲
秦虎吳三二犯是前後已獲八人較劉戕單
開七名之數轉多一名殊不可解著傳諭刑
部堂官將劉戕單開已獲未獲各犯姓名詳
悉查明與書麟摺內七犯姓名逐一覈對務
得確數並著梁肯堂詳查具奏毋得稍涉含
混○辛丑諭據舒濂奏普福濟隆呼圖克
圖又擅行奏請令達賴喇嘛弟兄辦理達賴

喇嘛瑣屑事務已屬錯謬今第穆呼圖克圖
懇請遣伊徒弟等赴內地京城之處伊又並
未具奏尤屬冒昧舒濂竟不可令其辦理緊
要地方事務雅滿泰駐藏日淺尚無大罪且
伊究曾駐藏年餘該處事務已畧悉曉著雅
滿泰赴藏協同普福辦理事務但道路遙遠
雅滿泰著馳驛趨行務期迅速迨往雅滿泰
抵藏後舒濂再由彼處自備資斧前往阿克
蘇以領隊大臣効力行走舒濂未至以前其
阿克蘇事務著毓奇兼署○壬寅諭本年逢
朕八旬萬壽大慶業經將天下民戶應納錢
糧概行寬免矣因念西藏所屬三十九部落
番子等亦有應納款項自當一體同沛愷澤
著加恩將本年應納馬折錢糧銀三百九十
餘兩寬免以示朕一視同仁加惠天下臣僕
之至意○又諭曰江蘭現已服滿將次來京
所有大理寺少卿員缺即著江蘭補授○豁
江蘇太倉州屬寶山縣築塘占廢田四頃六

十五畝額賦○癸卯

孝恭仁皇后忌辰遣官祭

景陵○諭四庫全書蒼萃古今載籍至為美備不特內府珍藏藉資乙覽亦欲以流傳廣播沾溉藝林前因卷頁浩繁中多舛錯特令總纂等復加詳細警校俾無魯魚亥豕之謬茲已釐訂歲工悉臻完善所有江浙兩省文宗文匯文瀾三閣應貯全書現在陸續頒發藏庋該處為人文淵藝嗜古好學之士自必羣

思博覽藉廣見聞從前曾經降旨准其赴閣檢視鈔錄俾資蒐討但地方有司恐士子等翻閱污損過為珍秘以阻其爭先快睹之忱則所頒三分全書亦僅束之高閣轉非朕搜輯全書津逮譽髦之意即武英殿聚珍版諸書排印無多恐士子等亦未能全行購覽著該督撫等諄飭所屬俟貯閣全書排架齊集後諭令該省士子有願讀中秘書者許其呈明到閣鈔閱但不得任其私自攜歸以致稍

有遺失至文淵等閣禁地森嚴士人等固不便進內鈔閱但翰林院現有存貯底本如有情殷誦習者亦許就近檢錄掌院不得勒阻留難如此廣為傳播俾茹古者得睹生平未見互為鈔錄傳之日久使石渠天祿之藏無不家絃戶誦益昭右文稽古嘉惠士林盛事不亦善乎甲辰諭前因李世傑於四川總督任內將年力已衰不勝道員之明安送部引見交部嚴加議處嗣經吏部議以降二級

調用復經降旨俟伊到京之日再降諭旨現在李世傑已加恩授為兵部尚書所有部議降級調用之案著從寬改為罰俸一年免其降調又諭曰福崧奏前任巡撫閔鶚元任內有句容縣知縣王光陞詳稱該縣糧書江嵩年等將花戶完納錢糧拆封侵那一案閔鶚元僅批飭江寧府提犯審訊難保無瞻顧輕縱現已飭委臬司王士榮馳赴該縣吊覈糧串犯證來省親加嚴鞫等語閔鶚元久任

封圻從前尚能實力辦公留心民事况伊科分已深朕原欲內用尚書外擢總督或將來閣員乏人即簡任綸扉皆不可知乃於巡檢陳倚道稟詳高郵州書吏假印冒徵疊次具稟知州知府並不批發一案閔鶚元始則有意消弭繼復飾詞迴護罔上行私罪無可逭因令革職拏問解赴熱河交軍機大臣等嚴加審訊現據供認屬實俟康基田解到對明後再交在京大學士九卿定擬具奏朕猶念

閔鶚元在巡撫中尚係可用之人欲於法外施恩曾向軍機大臣言及或可從輕定以發遣新疆伊已年逾七旬將來尚可准其納贖朕之於閔鶚元特加寬宥者原因其平日尚知愛民勤事不忍寘之重典乃今於句容縣糧書擅自拆封侵挪舞弊一事又並不親提嚴審僅以批飭兩司及江寧府查辦了事試思句容即係江寧所屬該府自顧失察屬員處分必致代為掩蓋彌縫力圖開脫豈肯認

真查訊究出實情亦必至如高郵一案上下通同徇隱使鄉愚小民屢受蠹役劣書之擾究抑莫伸朕又安用此大吏司牧為耶即如以閔鶚元所犯之事即交閔鶚元查審伊豈有不自行迴護之理况高郵假印冒徵甫經破露而句容縣書吏又復有私自拆封侵蝕錢糧之事江蘇為財賦之區錢糧繁重兩三月內即發覺二案則各屬似此者亦復不少可見閔鶚元坐享豐腴惟知養尊處優而於

地方關係擾累閭閻官吏作奸犯科之事一切付之不理並欲為屬員豫留地步任其掩飾朦混沽譽徇私昧良負恩莫此為甚此而不嚴加懲治何以肅吏治而儆官邪且高郵一案係巡檢陳倚道揭報戶部始行敗露並非朕有意吹求亦無人在朕前奏及總因閔鶚元受恩深重如此喪盡天良無事不心存欺飾以致天奪其魄接踵呈露實為天理所不容直隸馬十等一案劉我不過形同木偶

司道府縣耽延不結尚係廢弛公事今高郵
句容二案假串侵那俱係有累百姓之事閔
鶚元竟敢玩視民瘼徇情翫法封疆大吏皆
如此居心行事紛紛效尤民生國計尚可問
乎是閔鶚元不能再為寬貸著交大學士九
卿於定擬時即當問以重辟用示懲儆福崧
甫到江蘇即將此案查出據實叅奏並不稍
事瞻徇尚屬可嘉著交部議敘署句容縣知
縣王光陞即著革職交與福崧提同案內犯
證秉公嚴審定擬具奏朕臨御五十五年兢
兢業業無日不以敬
天愛民為念此天下臣民所共見共聞者迺閔
鶚元欲將此等大干法紀之事希圖顛預混
過是誠何心朕壽躋八旬普天同慶今歲錫
恩之事甚多若於此等重案因舉行慶典遂
爾加恩寬恕不嚴加懲治則封疆大吏又何
以示儆朕不為也朕代
上蒼惠養黎元孜孜不倦惟有日慎一日以期

朝野乂安共成郵治而民生休戚時切於懷
凡內而閭閻九卿外而督撫藩臬俱宜仰體
朕懷各矢天良小心敬事如因朕年高未必
留心萬幾稍存欺蔽使吏治不能整飭民隱
壅於上聞閔鶚元即前車之鑒慎勿以身試
法也將此通諭知之諭軍機大臣曰福崧
奏句容縣糧書侵那錢糧閔鶚元並不親提
嚴辦據實叅奏一摺所奏甚是外間無識沽
譽之徒或以該撫乘人之危謬為訾議想亦
不免但江蘇為錢糧繁重之地官吏等易於
滋弊兩三月內即有高郵句容兩案發覺可
見閔鶚元因循庇護諸事廢弛屬員等無所
畏憚自然百弊叢生此外必尚有似此假串
冒徵拆封侵那之事福崧既受此惡名不必
再存討好邀譽之見務須徹底清釐認真查
察如尚有此等官吏舞弊有累民生立即據
實嚴叅不可稍存隱飾倘以業經辦出此案
得邀優敘可以塞責遂爾心存懈玩始勤終

急或亦思博寬厚之名有心干譽則大不可
況此時若不逐一查出將來即伊任內之事
或別經發覺朕亦不能稍為寬貸也○又諭
昨書麟奏到時雨普霑摺內據稱自蘇州起
程經過常鎮一帶沿途察看秧苗彌望青蔥
其甫經刈麥之處正在翻犁栽種等語而於
麥收分數未經奏及本年江蘇省雨水調勻
麥收自必豐稔而收成分數實在得有若干
朕心深切屢念書麟於署巡撫任內尚未具
奏殊屬遲延著傳諭福崧即行查明該省麥
收分數速行據實奏聞以慰廑注○乙巳旌
表守正捐軀山東范縣民張九妻郭氏丙
午諭曰勒保奏甘州府撫晏廳老民鄭汝仁
現年一百三歲請旨旌表等語鄭汝仁年逾
百齡精神矍鑠洵為昇平人瑞所有應行建
坊旌表及賞給銀兩緞匹之處著該部照例
具題諭軍機大臣等京城於本月十七日
僅得雨一寸並未深透而今日本報又未見

伊等具奏續霈甘霖看來京師一帶究覺稍
形乾燥著傳諭留京王大臣如現在未經續
被甘膏或大田稍有望澤之處即著阿哥等
仍前分赴黑龍潭覺生寺兩處虔誠祈雨若
日內已經得雨或大田不致望澤即可不必
○又諭曰勒保奏哈薩克台吉卓勒齊進京
祝釐與尋常來使不同應於涼州寧夏有鎮
道駐劄地方豫備筵宴並咨照經過各省一
體豫備供支等語哈薩克卓勒齊前於三十
六三十九年曾經兩次進京瞻覲並未沿途
豫備筵宴想此時該台吉尚未進關著傳諭
勒保即行停止並咨明沿途經過各地方一
體遵照○丁未諭軍機大臣等前據勒保奏
土爾扈特汗策凌納木扎勒親來祝釐應於
經過地方各筵宴一次當經降旨訓飭停止
昨又奏哈薩克台吉卓勒齊進京親祝擬於
涼州等處豫備筵宴又經傳諭該督停止並
令飛咨沿途經過各地方一體遵照今又據

奏策凌烏巴什等五月初三日已過蘭州卓勒齊亦於五月二十二三日可出甘境則前後所降諭旨該督接奉已在事後所有豫備筵宴甘肅境內已無從停止其餘尚有後至者亦未便歧視俱著一體筵宴至經過之陝西山西直隸三省概可不必著傳諭秦承恩海寧梁肯堂等止須於過境時照例給付夫馬妥為照料令其過行無滯於七月初十日以前趕赴熱河所有沿途豫備筵宴之處俱著停止不必因接有勒保咨會又滋踵事增華也○豁浙江杭州府屬仁和錢清二場潮坍蕩地五千四百三十畝有奇額賦戊申以故奉恩將軍祿興子倭昇額襲職○旌表守正捐軀江蘇儀徵縣民江朝賢妻王氏○己酉諭曰永皓亮逝伊子綿蘭甫生數月旋又殤殂現在無嗣所遺王爵若照宗人府所奏遽行削除朕心不忍加恩著永澤承襲貝子○又諭據吉慶等奏稱旺清謙厥駿陽三

邊外並無可以開墾荒地皆有關礙等語吉慶出邊察看見其並無可墾之地竟不瞻徇將軍情面即行據實奏聞此奏甚是嵩椿到任未久彼處情形尚未深悉想必係聽信屬下旗員之言或誤中民間教唆旗人之計為此奏請不然即係欲資給旗人生產意圖美名但亦當斟酌查驗實可辦理始行奏聞著諭嵩椿令其將前此率行具奏係聽信何人唆使之處據實明白回奏毋得欺飾○又諭理藩院議奏保泰承審蘇尼特郡王車凌衮布旗分原任王府長史羅布桑車凌所控一案摺內供詞有我們王阿哥之語是大不可王大臣等家奴私下稱伊等之子為阿哥尚屬常事而奏疏內自大內阿哥外俱不得稱為阿哥羅布桑車凌稱其王之子或為王子或為王之台吉塔布囊俱可即使稱為阿哥亦斷不可見諸章奏乃保泰並未留心該院亦未詳加體會俱屬不合將此通行曉諭嗣

後應書王子或台吉塔布囊等稱毋得再行如此再蒙古王公扎薩克等當差日用皆向所屬取給原無異於差徭車凌衮布向其所屬歛湊馬牛尚非大過惟因羅布桑車凌與伊子茶飲心疑下毒即行革退長史殊屬非是至羅布桑車凌雖經革退長史並未另行治罪伊即尋釁控告此風斷不可長著枷號一月滿日懲責後再發鄰里揭告之風可絕亦以示朕眷念蒙古臣僕之意諭軍機

大臣等據梁肯堂奏順天等各府州屬於本月十七十九二十四五等日得雨一二寸至五六寸不等朕逐細披閱單內如固安涿州良鄉盧龍等州縣俱已得雨深透田禾自可日滋長發其順天府屬之寶坻保定府屬之安州及河間正定府屬之阜城井陘等各州縣此次僅報一二寸而從前該督奏到各屬得雨單內亦未將各該州縣列入恐地脉久乾之後止得此一二寸雨澤尚欠需足著傳諭梁

肯堂即查得雨一二寸之各州縣大田曾否栽插齊全並現在有無望澤情形速行據實覆奏毋稍諱飾○又諭曰福崧奏句容縣糧書侵用錢糧一案派委司道嚴查續行查出歷年侵欺銀三千七百兩漕米八百餘石現在親往查辦等語所辦不避嫌怨甚屬持正著賞給大荷包一對小荷包二對以示嘉獎江蘇為錢糧繁重之地高郵一案甫經敗露今復有句容縣糧書歷年侵蝕銀三千七百

餘兩漕米八百餘石之多此項錢糧例應年清年款詳解報司該書吏等又怎能侵蝕入己必係官吏通同以完作欠至漕米一項按額交完一有短缺即不能足數免收又何以侵蝕至八百餘石之多明係斛面浮收上下漁利此等情節該督撫漫無覺察一任蠹書侵欺舞弊而總督藩司駐劄江寧竟同聾瞶該省官吏作奸犯科之事竟至上下相蒙毫無顧忌或恐不止此矣書麟久任封疆受朕

恩眷最為深重乃竟生擁廉俸不思正己率屬一味養尊處優任聽地方諸事廢弛若不嚴加懲治何以肅吏治而儆官方著傳諭福崧即傳旨將書麟革職拏問解交刑部治罪所有兩江總督事務著福崧暫行兼署候朕另行簡放福崧甫到江蘇即能查出此案秉公嚴辦業經勢不兩立不必再存討好邀譽之見務須徹底清釐認真查察倘仍有似此官吏舞弊擾累民生之案或道府有徇庇屬

員通同欺隱情事當即據實嚴參毋稍隱飾方不負朕委任封疆大吏果能各發天良認真辦事朕斷不因衆人有怨懟之言轉加責備該撫又何所畏憚而不認真查辦耶至前任句容縣吳汾亦著革職拏問歸案審辦閱鶚元因何將該員調委他處或明知該縣官吏有此通同舞弊之事故令王光陞前往署理希圖代為彌補隱益亦未可定亦著該撫一體嚴查據實覆奏○又諭高郵假印冒徵

一案書麟並不將閱鶚元等據實參辦轉欲代為掩蓋已屬罪無可逭總督統轄兩江察吏安民是其專責然朕尚以該督駐劄江寧距高郵稍遠一時耳目難周是以加恩祇革去翎頂暫予留任今句容即在江寧府屬係該督駐劄之所該縣書吏等通同侵用錢糧至三千七百兩之多又有漕米八百餘石朋比為奸肆行無忌書麟何至漫不經心竟同聾瞶玩視民瘼負恩溺職莫此為甚若復再為寬宥則封疆大吏何所警畏業經降旨將書麟革職拏問解部治罪朕思兩江地方緊要兼有河工事務一時實不得其人李世傑辦事歷練且曾任兩江總督於地方河務尚為素諳前因病來京加恩補授兵部尚書召見時着其面貌尚不甚衰憊自知伊孫亡後神氣似覺呆滯未知伊心也此時或復明白可勝兩江總督之任否伊在京調養已一月有餘精神或能漸加振作著阿桂與之會晤

細心察看若精神如舊不過步履少艱則總督事務惟在坐鎮照察盡心經理李世傑尚可勝任如精神稍憊心地未能十分明白難稱此職亦不可稍為勉強致滋貽誤阿桂務須加意體察據實奏聞候朕定奪並著阿桂監提閱鴉元訊以句容縣書吏侵用錢糧一案既經該縣稟出爾即不親提嚴審亦當派委司道或別府查辦何以轉委江寧本府該府自顧失察屬員處分豈有不為彌縫掩蓋避重就輕是爾竟係有心庇護為屬員豫留地步聽其捏飾今福崧既據該縣先報書吏侵用錢糧二百四十餘兩而江寧府猶復觀望遷延至今未據詳辦若非福崧飭委司道往查則所侵錢糧三千七百兩漕米八百餘石必致始終掩飾斷不能和盤托出此項錢糧漕米皆須年清年款徵解先收豈能稍逾期限自係以完作欠重納浮收種種苦累閭閻爾身任封疆如此玩視民瘼事事欺飾究

竟是何居心令其據實登答再提康基田訊以高郵一案爾迎合上司袒護屬員已據供認屬實然江寧與高郵尚屬隔府可藉口照察未周今句容近屬江寧爾又在彼駐劄錢糧漕米皆係爾之專責該縣書吏等積年舞弊侵吞欺蝕竟至累百盈千爾何以毫無聞見平日既任聽蠹吏作弊及接到撫批又復延玩不辦今經福崧查出爾如何蓋護屬員知而不舉及閱鴉元如何授意通同捏飾希圖顛預混過之處向其嚴切訊問據實供吐一併迅速據實覆奏○又諭句容縣書吏侵用錢糧漕米一案朕反覆思之其中弊竇甚多必係官吏通同積年舞弊所致句容距江寧九十里非如蘇州相距較遠安徽江西隔省者可比書麟駐劄江寧豈得諉為不知譬如直隸良鄉涿州等近處有此等侵蝕錢糧重案不但京中大臣應有見聞即朕亦當照及乃書麟於密邇州縣官吏如此作奸犯科

於正項錢糧漕米竟敢公然吞蝕書麟僅擁虛位形同木偶朕又安用此總督為耶況查句容縣應徵錢糧不過萬餘兩皆係隨徵隨解年清年款之項書吏等何致侵用至三千七百兩之多向來書役罔知法紀私自侵挪官項亦所不免然從未有侵用如此案之多者必係與縣官連為一氣彼此串通故敢任情吞蝕至該縣應兌漕米一萬一千餘石漕艘受兌時斷不能絲毫短少茲書吏竟侵用八百餘石運糧員弁豈能任其短少十分之一揆之情事必無此理若俱如數交清則所稱侵用八百餘石又從何而出顯係浮收斛面額外加增否則百姓已經完納之後該縣及書吏等復行重徵二者必居一於此小民生計維艱何堪如此倍蓰朘削已令軍機大臣存記俟書麟解到時將此逐一訊問至福崧甫到江蘇即能查出此案據實奏奏並不稍為瞻徇尚屬秉公持正是以朕特為嘉獎

昨經交部議敘今又賞給荷包福崧當如何感激奮勵將江蘇從前積弊徹底清釐方為不負任使且兩三月內即有高郵句容三案發覺則書麟閱鴉元康基田等上下相蒙因循庇護使州縣等無所畏憚百弊叢生必不止此二案福崧既已任勞任怨不避惡名竟當始終不懈不可稍為姑息存不為已甚之見半途而廢倘以業經辦出此案得邀優眷可以塞責遂爾心存懈弛或亦思博寬厚之名則是進退無據依違兩可即非該撫忠於事上之心亦非朕所以厚期該撫之意況此時若不逐一嚴查和盤托出將來即伊任內之事書麟閱鴉元等前車可鑒該撫慎毋自蹈覆轍也將此再行傳諭知之又諭曰書麟現已革職等因解部治罪江南河工正當防汛之時一切籌辦宣洩事宜在在均關緊要恐蘭第錫一人不能兼顧著韓鐸即日馳驛前往江南幫同蘭第錫辦理河工防汛事

務該侍郎接奉此旨。即由京迅速啟程。不必前來行在請訓。又諭本日軍機大臣將金簡寄到溫榆河全圖及說帖呈覽。朕詳加披閱。據帖內稱。溫榆河自居庸關外軍都山發源。匯合八達嶺及黑龍潭二處之水。經沙河直達蘭溝。流至三岔河南入通州境等語。而其所繪圖內。則溫榆河係在通州界內。溫榆河既發源軍都山。則自沙河以北為溫榆。而自既入沙河以後。即不可謂之溫榆。如白河已入潮河。即為潮河之水。猶之伊洛瀝澗。既入於河。則總名為黃河。而不得復別之為伊洛瀝澗。此其顯然可證者也。乃圖內由軍都山迤南。歷經沙河蘭溝三岔河等處。直至通州新開河口。始發貼溫榆河字樣。殊不可解。著傳諭金簡再行詳覈。是否係軍都山發源之稱。及到通州地方。又有溫榆之名。詳晰繪圖粘發呈覽。勿致再有牽混。是月江南河道總督蘭第錫奏。豐碭廳屬蕭縣徐家莊迤

下嚴家莊地方溜勢南趨。情形較重。前經具摺奏聞。奉批於上游作一挑水壩。如何仰見指示。精詳遵旨。即行趕築。臣察看該工北岸河勢坐灣。應於此處挑挖引渠一道。約長七百餘丈。大汎水發相機放。俾掣溜東趨。則南岸埽壩可冀穩固。旁批好。又奏劉家馬路亦應於上游添築土壩一道。約長五十丈。遇水長溜逼時。亦可鑲埽挑溜。以上各工現飭員趕辦。均於大汎前完竣。報聞。福建水師提督哈當阿奏。校閱南澳銅山金門各營兵丁。所演水陸陣式。尚屬整齊。惟演放五子鎗口過高。與健銳火器二營懸殊。因就各該營烏鎗兵中挑派五名來廈。令其學習。俾回營教演。各兵得旨。以實為之。毋為空言。湖廣總督畢沅湖北巡撫惠齡奏。防範銅運章程。一銅船應責成永寧道。於雇募時驗明穩固堅厚。其有現行打造者。亦責令監造官查察。毋許偷工減料。一向例每船載銅七萬觔多。

則私帶少則盜賣虧短應責成江北廳逐一過秤其船身喫水若干尺寸並船戶頭舵姓名移知接護州縣隨時驗明一應將宜昌至漢口一切新舊險灘刊刻一紙飭已東縣交給運員傳知各船戶水手並令所過州縣將險灘名目標立兩岸俾知趨避一水摸撈費每獲沉銅百觔給工價三錢請嗣後遇水深四丈以外者每百觔加銀一錢俾得踴躍從事一銅船沉溺處所應飭運員親屬及沿江州縣丁役嚴加查察毋任水摸私放水底夜間竊取得旨有治人無治法以實妥為之○陝甘總督勒保奏寧夏農田全賴大清惠農漢唐等渠灌溉臣因查閱營伍順勘各渠現河水充盈足資引灌渠旁豆麥可卜豐收稻田亦俱插蒔并據各屬申報五月初九至十二三等日普被甘霖糧價中平民情懼忤得旨欣慰覽之○陝西巡撫秦承恩奏陝省各屬倉儲因節次豁免賑濟皆有缺額今歲麥

收豐稔現除延榆綏三府州地居邊徼產麥無多另籌採買外其咸寧等三十三廳州縣共缺額穀九萬三千餘石請照一麥二穀例按部價每石一兩二錢動項買補倘市價稍昂即飭停止毋致有妨民食得旨嘉獎

大清高宗法天隆運至誠先覺體元立極敷文奮武孝慈神聖純皇帝實錄卷之一千三百五十五

大清高宗法天隆運至誠先覺體元立極敷文

奮武孝慈神聖純皇帝實錄卷之一千三百五十六

監修總裁官經筵講官太子太傅文淵閣大學士文淵閣領事內閣侍衛內大臣稽察欽奉 上諭軍機處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次慶桂

總裁官經筵講官太子太傅文華殿大學士文淵閣領事稽察欽奉 上諭軍機處管理刑部戶部三庫事務

世襲騎都尉軍功加十九級隨帶加二級又加二級尋常加二級軍功紀錄五次

尋常紀錄十四次臣等謹將官太子少保工部尚書紀錄六次臣等謹將

秋修

乾隆五十五年庚戌六月庚戌朔諭軍機大

臣等昨據福崧續奏句容縣糧書侵盜多賊

一摺朕反覆思之其中弊竇甚多該縣每年

額漕一萬一千餘石書吏竟侵用八百餘石

是所侵之數幾及十分之一漕艘受兌時該

運弁何以竟肯短額接收若該運弁受賄通

同含糊收兌則過淮時總漕又何以簽盤驗

放即抵道交卸按數收兌亦斷無不查出之

理倘該縣浮收斛面加倍苛徵應完一石竟

至交納兩石之多小民雖愚亦必不能聽其

如此抑勒四面比對其中情弊顯然不可不

逐一查明以期水落石出現在南糧交卸業

經陸續回空諒此時尚未全出東境管幹珍

現已督押尾幫行抵濟寧著傳諭長麟和琳

會同管幹珍面詢該省督運糧道及押運員

弁所有江寧衛幫船其於開兌時句容縣漕

米究竟有無短絀如何受兌交納之處令其

據實登覆毋稍隱飾倘江寧回空幫船已出

東境即令福崧就近查究如糧艘收兌時竟

無短絀其弊必係該縣官吏通同浮收上下

漁利一經徹底根查自難始終狡飾也又

諭句容縣書吏侵用錢糧漕米除另降諭旨

令管幹珍長麟和琳等查詢押運員弁外董

世明身任糧道漕糧是其專責若與該縣連

為一氣任其侵那短欠或從中染指分肥即

當嚴叅審辦若失於覺察事後應飾庇護亦

當治以應得之咎董世明現署江寧藩篆著

福崧就近面詢令其將指出情節逐一據實

供出。毋任稍有掩飾。若一經得實。即應嚴叅治罪。並著親提王光陞吳汾。及該縣書役等。詰以此項漕米係歷年遞積。抑係一年之內。侵用。及如何通同侵欺。作弊。並交兌時。與旗丁等。如何彼此說通。短少。逐層根究。務使一一供明。以成信讞。福崧受朕厚恩。當將江蘇歷年積弊。徹底澄清。實心報効。毋負朕節次嘉予諄諄勉勵至意。○辛亥。諭軍機大臣曰。福康安奏清遠縣途次帶領阮光平跪接敕封阮光垂為世子諭旨。及荷包香器。該藩恪恭欣幸。伏地叩首。並稱尚有長子光縉。現在監理國事。光垂為次。蒙恩晉封世子。非敢承當。特具表申謝。朕欣覽之餘。深為嘉尚。特用硃筆批答。以示優寵。著將原表發交福康安轉給阮光平閱看。並告以大皇帝接覽謝表。方知光垂為國王次子。國王不稍隱飾。披誠具奏。實深曉大義。大皇帝特命閣臣改撰敕書。即封王長子阮光縉為世子。至節次所賞

物件。仍給予阮光垂。再賞給王世子阮光縉玉如意一柄。大荷包一對。小荷包二對。紗四端。茶葉二瓶。扇一匣。香器七匣。藥錠二十封。俾得同霑寵錫。均被恩施。○予政和碩質親王永璫祭墓如例。諡曰莊。○旌表通嫁捐軀湖北廣濟縣民查萬選妻王氏。竹谿縣民李倫妻陳氏。○壬子。諭兩江總督員缺著孫士毅調補。保寧著於途次即馳往署理。川督印務。孫士毅俟保寧到川。即往江寧。不必來京。請訓。四川總督。俟朕簡放有人到川。保寧再行來京。陸見○諭軍機大臣等。兩江總督統轄三省。兼理河工。政務殷繁。最為緊要。況江蘇一省。經書麟閣鶚元等因循玩誤。姑息養奸。以致屬員等無所顧忌。百弊叢生。兩三月內。即有高郵句容二案發覺。該省為財賦重地。錢糧繁重。官吏最易滋弊。想似此假串侵挪之事。正復不少。亟資整頓。清釐一洗。歷年積弊。非老成幹練。精神周到者。不克勝此重

任朕再四思維舍孫士毅更無其人已明降諭旨將伊調補兩江總督孫士毅抵任後務宜實心整頓察吏安民俾地方河工徵課收漕諸事咸臻妥善方為不負委任至保寧曾任四川將軍總督於該處情形較為熟悉是以令其暫署督篆現在帶領哈薩克台吉等來京祝嘏約計日內不過行抵陝西境內著保寧於何處接奉此旨即於該處馳赴四川其哈薩克台吉等即交伴送員弁帶領前來

再鄂輝在四川將軍任內有年亦曾署理督篆是否歷練實心保寧與伊曾經共事自必深知至孫士毅到川已有半載於鄂輝將軍總督任內所辦案件及察吏教兵諸事是否實心公正堪勝川督之任孫士毅亦必稍有見聞著傳諭保寧孫士毅各抒己見秉公據實速奏勿稍瞻顧徇隱致滋貽誤再鄂輝現今前往西藏查辦事件如能持正妥協條理井然而保寧孫士毅履奏亦俱以為可自當

加以委任倘辦理西藏一案不能周詳妥善朕亦不肯遽行簡放也將此由六百里各傳諭知之○又諭昨日此間自申初起至戌刻止雷雨大作勢甚滂霈入土約有五六寸極為深透察看雲氣自西南而來京城於五月二十六七兩日共得雨五寸後是否續霈甘膏昨日之雨是否同時普霑著傳諭留京王大臣即行查明具奏以慰廑念○又諭前據梁肯堂奏順天府等屬寶坻等處於二十四

五等日僅得雨一二寸恐地脈久乾之後得此廉纖微潤於大田似無裨益昨已降旨詢問著再傳諭梁肯堂於二十四五日以後寶坻阜城井陘等縣是否續獲膏澍本月初二日是否一律得霑渥澤著即行覆奏以慰廑注○癸丑諭江蘇高郵州書吏偽串冒徵經巡檢陳倚道臺稟知州知府並不批發查辦及通詳巡撫藩司又不親提嚴訊據實奏參閔鶚元始則有意消弭繼復捏詞欺飾昧良

負恩罪無可貸因將閔鶚元革職等聞解赴熱河經軍機大臣等審訊屬實按律治罪書麟身任總督統轄兩江察吏安民是其專職乃於高郵書吏執法累民重案既不能覺察於前及事經敗露又思為閔鶚元等飾詞開脫行私罔上獲罪甚重猶以伊在江寧事或不知格外加恩祇革去翎頂暫予留任外間無識之徒或有私相竊議謂朕於滿漢大臣獲罪懲處有所輕重歧視於其間不知巡撫為刑名錢糧總匯衙門閔鶚元於此等關係冒徵累民之事既經巡檢稟揭猶復上下通同徇隱僅以批飭兩司了事玩視民瘼莫此為甚實屬辜恩溺職而書麟駐劄江寧距高郵稍遠或一時耳目難周且陳倚道亦未將此案稟知總督尚可量寬一綫是以未即將伊革職等因朕於諸臣罪戾處治一秉大公輕重原視其人之自取也及據福崧查出句容縣書吏私自拆封便用錢糧一案閔鶚元

又僅批發兩司交江寧本府查辦該府自顧失察屬員處分必代為彌縫開脫又至高郵州一案上司屬員連為一氣使鄉曲小民屢受蠹役侵漁冤抑無伸閔鶚元之罪更大昨福崧果又續查出句容書吏侵用錢糧三千七百兩漕米八百餘石與從前該縣所報數目多少懸殊是江蘇官吏積年舞弊擾累閭閻吏治尚可問乎書麟駐劄江寧距句容不過數十里非如高郵相離稍遠安徽江西隔省者可比書吏如此作奸犯科將正項錢糧漕米竟敢公然吞蝕書麟僅擁虛位形同木偶朕又安用此總督為耶是高郵假印一案書麟尚可稍從末減而句容書吏侵蝕銀米密邇江寧書麟亦竟漫無覺察其罪實與閔鶚元相埒是以昨降諭旨將書麟革職等因解交刑部治罪向來各省刑名錢穀事係總督往往以非其專守委之巡撫兩司而於官員題陞調補又復攬為己職獨操進退之

權及至貽誤廢弛又復借詞推卸殊不知總督有統轄之職糾吏除奸徵漕納課皆應留心整飭豈總督坐享高爵厚祿僅令管理兵丁營伍遂可謂無負厥職耶書麟閱鴉元平日皆尚能辦事為督撫內之中上者故朕特加倍任用恩遇優隆乃不料伊等竟如此玩誤地方於民生休戚漠不相關負朕倚任深恩則其餘中下督撫又安能使朕委任無疑乎是不但於大吏難以倚信即朕亦將無以自信矣朕不僅為書麟閱鴉元愧而朕無知人之明亦且自引以為愧於此益信為君之難今年為朕八旬壽辰普天同慶若四方無事朝野乂安而官吏等皆知大法小廉奉公盡職朕豈不樂坐慶昇平延洪申錫乃地方官舞弊營私而封疆大吏復為之庇護瞻徇今既破露又安得置之不問朕於臣工過戾事或因公即尋常之時亦且加之寬恤寧有際此共球畢集薄海騰歡為史冊罕觀之會

而於倚任大臣反有所苛察乎但因慶洽昌期祇以受禧稱祝為樂而於有干法紀之事亦復稍事姑容則國計民生致滋叢脞豈仰體

上天嘉佑朕躬敘福錫民之意況此次舉行慶典祇因中外大臣諄詞籲懇不得已勉從所請原非朕之本懷朕之所慶者惟在雨暘時若吏治民康以期共躋斯民於仁壽之宇而不在華祝衢謳之虛美此可告之天下臣工者若內外大小臣工以本年為朕慶祝之辰即身獲愆尤可以仰邀曲恕遂爾意存懈怠不思奉法急公則是自貽伊戚朕必不肯因舉行慶典稍存姑息也朕臨御五十餘年代吳蒼惠養兆民孜孜不倦今距歸政之期尚有五載朕惟有日慎一日以飭紀整綱為先務而勅幾兢業健行不息之精神必較從前治益求治以貽萬年無疆之休朕以此教子孫及內而閣部九卿外而督撫藩臬俱當以朕

之心為心朕之政為政各天恪誠共襄邅治但外省督撫見朕治一貪污之吏懲一廢弛之員當時未嘗不稍自儆惕及至事過輒忘惟知養尊處優安享豐腴全不以勤求民瘼澄飭官方為事此等錮弊相習成風自羅法網而不知悔朕甚憫焉著通諭督撫等將此旨各敬錄一通揭之堂楹入於交代俾得觸目警心時加蒞滌成臻廉法以副朕諄諄勉勵教誡成全至意○諭軍機大臣曰福康安帶領阮光平詣闕瞻覲祝釐現在按程當已過江西可入湖北境計由武昌省城至京約需二十四五日今距七月十一日開宴之期尚有月餘途次畧加趲行七月初十以前總可抵熱河此間吏兵兩部月選官定於七月初十日帶領引見著傳諭福康安帶同阮光平按程計日務於七月初八日令該國王趕赴熱河於初九日瞻覲所有初十日山莊宮門引見即可令阮光平隨班瞻仰俾得觀天

朝班聯整肅文武引對銓擢悉出親裁益深其敬畏悅服之忱也○甲寅諭曰成德現在帶領土司赴京其提督印務據孫士毅奏令建昌鎮總兵穆克登阿署理今前任狼山鎮總兵袁國瑞病痊起復著即馳驛前赴四川署理建昌鎮總兵印務○旌表守正捐軀河南邠縣民董保妻李氏息縣民楊勞妻黃氏○乙卯諭曰廣西巡撫孫永清現在病故所有任內降革罰俸處分俱著加恩寬免○又諭曰英善奏孫永清現在病故廣西巡撫員缺請旨簡放等語因思陳用敷前在安徽巡撫任內於學政徐立綱聲名平常未能據實參奏是以降為奉天府尹用示薄懲但念陳用敷係失察學政獲罪非書麟閔黷元之玩視民瘼袒庇徇私者可比陳用敷著加恩補授廣西巡撫並令前來行在請訓後即赴新任陳用敷未到任之前所有廣西巡撫印務即著英善護理○大學士公阿桂等奏審訊

高郵州書吏假印冒徵及有意彌縫之各該管撫司等定擬治罪一摺得旨閱鴛元著從寬改為應斬監候秋後處決吳瑛依擬應絞著監候秋後處決康基田著從寬發往軍臺効力贖罪其起意為首假印誑騙之林之佩夏琯係書吏舞弊著即依擬處斬○諭軍機大臣等據留京王大臣覆奏京城於本月初二三日時有雲氣往來未經得雨現在天氣炎熱已覺望澤而於大田尚無妨礙等語京師自五月二十六七兩日得雨五寸之後迄今已屆浹旬未獲續霑溼露雖目下大田早經出土尚無妨礙而於將來秋收分數是否不致減少著傳諭留京王大臣察看情形據實覆奏並將日內有無續霑甘霖之處即行具奏○旌表守正捐軀江蘇上海縣民尤玉秀妻陳氏（丙辰敕封安南國王阮光平長子阮光纘為世子制曰朕惟一人宅中馭外化軍屬國之封列辟守典承祿佑啟克家之

宵秉義方於夙夜念篤尊親知大德之生成情徵愛戴用沛宗藩之懋賞特昭曠格之殊恩維安南遠介炎荒而國王恪遵臣職藩邦新造承家綿第祿之長崇爵初膺篤祐遂就瞻之切表箋顧懇賁獻情殷際普天同慶之辰欣躋壽域效薄海騰歡之頌共暢皇風爰嘉令器象賢更喜維城宗子爾阮光纘迺安南國王阮光平之冢嗣粹質溫醇英姿瑰特聽鶴鳴之陰和聿培蘭玉成行當經訓之親承快觀荆枝首茁詒燕翼而鎮撫有方震為長子譽龍光而箕裘克紹晉叶康侯有嘉德而裕及後昆故推恩而賞延奕世今封爾為安南國王世子錫之敕命於戲爾自葉以流根如橋如梓材由斲而塗獲肯構肯堂儀文特賁爾榮典冊載綏爾寵爾其在家思孝在國思忠勵迺心於匪懈學為人臣學為人子修厥業以無愆允不隳夫芳聲並懋承乎多祉欽哉毋替朕命○丁巳諭萬壽慶節所有

王公百官應穿蟒袍補服於八月初一日起至二十一日止○蠲免直隸霸州保定文安大城永清東安武清香河寧河樂亭清苑滿城安肅望都蠡縣雄縣祁州安州高陽新安河間獻縣阜城肅寧任邱景州天津青縣靜海滄州南皮鹽山津軍廳正定靈壽藁城新樂肥鄉曲周廣平磁州元城大名豐潤冀州衡水趙州隆平寧晉深州武強饒陽安平定州等五十四廳州縣并各屬旗地乾隆五十四年分水災額賦○舉行山西省乾隆五十五年軍政車異官三員浮躁官一員年老官二員罷軟官一員才力不及官一員分別議敘處分如例○戊午諭湖南乾州鳳凰永綏三廳並城步綏寧二縣每年額徵苗民雜糧八百六十一石九斗三升著仍照上屆之例加恩一律蠲免隨同地丁分年輪豁所有應需兵糧等項亦著照上屆蠲免苗糧之年另行動款撥支以示朕普惠邊黎有加無已至

意該部即遵諭行○諭軍機大臣等刑部奏叅草山東萊州府知府徐大榕遺族姪徐照赴部呈訴平度州民張子布踢死妻母羅王氏一案該府審係逆子羅有良欲踢張子布誤傷伊母身死并將原呈卷宗隨摺進呈朕詳加披閱徐大榕呈內所稱此案經臬司先委武定府唐若瀛審訊取有各犯口供隨將兇鞋過硃入庫後又委兗州府高宮璽覆審逆子亦照前供認且張子布受文母并羅有良各持磚棍毆打時業已昏暈倒地何能舉腳向踢兼兩腳光赤焉有鞋尖傷痕等情並據羅有良本族羅元等供目擊張子布昏倒在先羅王氏身死在後等語是此案緊要關鍵總在張子布果否穿鞋及被毆昏暈倒地在先必須提到見證逐一質訊並將庫貯兇鞋比對傷痕自可水落石出長麟係刑部官員出身辦理此等重案自應悉心體驗務得實情但巡撫事務繁多或一時為承審屬員

朦混因而固執已見將徐大榕奏亦未可定。若徐大榕承審此案果係羅有良誤傷伊母屬實不肯扶同改招參革後復赴部呈訴尚為知府中留心案付認真辦事之員或近見陳倚道揭報高郵州偽串一案輒思具呈翻案亦不可知此事不特罪名出入所係亦且倫紀攸關不可不審訊明確以成信讞胡季堂久任刑部辦理案件素為熟諳吉慶於查勘盛京地畝一事所辦尚為公正即著伊二人馳驛前往山東提齊犯證卷宗細心檢驗秉公研鞫據實具奏朕於讞獄重案秋期詳慎持平無枉無縱並不稍存成見伊二人一係漢員一係覺羅於長麟徐大榕諒不能各有偏護也○又諭曰伍拉納奏福建省四月分糧價單內開福州府屬上米每石銀一兩三錢至二兩二錢二分臺灣府屬上米每石銀一兩七錢八分至二兩五錢等因向來臺灣為產米之區一歲三熟糧食最為充裕

價值亦甚平減福建省內地各屬俱藉臺灣米石陸續內運以資接濟是臺灣米價較之內地本應平賤何以此次所開糧價福州所屬僅係二兩二錢而臺灣反至二兩五錢其中殊有關係此必因前年勦辦林爽文軍需所用米石較多其時價值不無昂貴而地方官至今尚沿習舊時糧價設令官買必致易於冒銷故隨意具報該督亦未留心查覈僅照所報文稟依樣具奏以致所開臺灣米價反責於內地該處自前年平定以後一切兵民糧戶皆安居樂業耕作如故並未拋荒田畝則一歲所收多餘米石自必照常運往內地銷售何以該處反致短少昂貴著傳諭伍拉納即將臺灣糧價如何較內地轉增及該處田畝是否尚有拋荒或其中另有別故查明據實覆奏並著奎林萬鍾傑將以上指出各情節一併詳晰另摺具奏毋得稍有隱飾迴護尋伍拉納奏臺灣究因兵燹之後民鮮

蓋藏牛具籽粒不無拮据且一經收獲留貯稍多市肆糶賣較少糧價轉昂現早稻豐收可期平減至官買冒銷之弊惟有隨時留心體察報聞○己未諭曰圖敏所出鑲紅旗蒙古副都統員缺著觀成補授伊現在患病著不必力疾前來熱河謝恩即病已養好亦著在京等候○又諭曰觀成現在患病且伊母年老有疾已降旨令其留京補放鑲紅旗蒙古副都統所有江南提督員缺著陳大用補授○又諭據孫士毅奏江津縣壽婦彭余氏現年一百歲五世同堂請旨旌表等語彭余氏壽臻百齡曾元繞膝洵為盛世休徵特賜御書扁額以示恩錫所有應加賞賚及建坊旌表之處仍著該部察例辦理○御賜扁曰貞世延祺○諭軍機大臣等本年朕八旬慶辰各省督撫藩臬情殷祝嘏前經派出福崧來京但現在新任總督孫士毅須俟保寧到川交篆後始行赴任計期尚需時

日而江蘇藩司奇豐額江寧藩司陳大文又俱准令赴京祝覲該省兩藩司既俱遠出福崧現又兼署督篆江蘇地方政務殷繁且正當釐剔整頓之時該撫尤應在彼振刷廢弛以察吏安民為要務福崧竟毋庸前來隨班慶祝也○又諭前經於廣西派出藩司英善來京祝釐現在英善護理撫篆新任巡撫陳用敷到任既需時日而臬司湯雄業又伴送阮光平入覲提督梁朝棟復前來慶祝該省文武大員俱經遠出地方事務尤關緊要且陳用敷計日即來行在陸見正屆萬壽開宴之期該省既有提督巡撫隨班祝嘏英善竟不必前來倘該藩司拘泥前旨業已起程在途於何處接奉此旨即於何處速行回任○又諭據孫士毅奏照料許文謨家屬進京一摺內稱許世亨家本貧寒伊子許文謨進京時即量為扶助從優照料護送等語孫士毅前在安南時若非許世亨一力主持令慶成

帶兵護出不特於孫士毅有礙且係國體攸關今伊眷屬在川該督加意照料並從優資送進京揆之情理實為允協現在阮光平親自詣闕祝釐已即日前抵熱河朕仰賴

上蒼眷佑不煩兵力而該藩悔罪抒誠恪恭奉命較之勞師動衆其成功難易奚啻霄壤此人所未敢遽信者而竟得如此善全想該督亦同深慶幸也現該督調任兩江抵任後務須實力整頓察吏安民一洗從前廢弛積習方為無負任使○又諭昨因熱河道府面稟軍機大臣接到沿途傳單供應阮光平等尖宿一日約用銀四千兩阮光平到熱河後一切供支是否照沿途辦給軍機大臣以阮藩到此瞻覲已奉旨令膳房供給飯食務須豐盛若沿途已格外加豐此處似不便從簡又難再有加增面奏請旨阮光平以新附外藩顯請親自祝釐情詞懇懇是以俯准所請並令於經過省城地方酌加宴費豐儉適中以

示體卹乃入江西境後每日尖宿供應即需用銀四千兩之多則其餘宴費舟車夫馬等費更無所底止矣前據福康安奏阮光平於

廣西寧明州坐船前進給與米麵肉勛等物令其自為烹飪則經由陸路每日亦不過供應肉菜又何需一日用銀四千兩即遇省城筵宴亦不至如此多費即如每年朕宴費蒙古王公大臣及各國使臣等所用宴桌每次皆需一百上下用銀亦不過在一千兩之內福康安曾任內務府大臣久侍內廷素所深知此番筵宴阮藩自未必如年節宴會之豐此必不曉事之督撫張大其事任聽屬員恣恣踵事增華而地方官亦借此浮冒侵漁將來即不便開銷亦係通省攤賠與已無涉朕思此事總由福康安籌辦之初未能通盤斟酌又復心存高興以外藩親身入覲為史冊罕觀之事遂爾稍事鋪張以致江西等省督撫望風承意漸次加增並欲將道路橋梁途

間屋宇俱為修葺粉飾甚至路旁枯木皆行伐去竟如隋朝外蕃來覲草木皆衣被文繡而其途中仍不免有凍餒之民為外夷所笑況省會鎮集地方固屬盈寧繁庶而經過道路綿長亦有鄉野偏僻之處豈能概為修飾若被彼窺破轉致貽笑外夷福康安素稱曉事豈見不及此且內地如此逾格優待過事繁華竟似於阮光平有所幸冀故爾不惜多糜國帑極為優崇於體制大有關係豈有堂堂天朝為一二荒微藩臣作誇多鬪靡供應之舉乎阮光平此次赴闕後自必定以朝覲之期源源而至若俱似此費用浩繁則極盛難繼國家經費有常伊於何底再以每日用銀四千兩而計則往來幾及二百餘日需銀八十餘萬轉不若以此項作軍興之費為許世亨等復仇大舉矣朕之所以不用兵於安南者原為惜帑愛民起見福康安豈尚不知仰體朕意乎倘此項繁費起自粵西則其過

在福康安若起自江西則其過在何裕城但即不由粵西而起福康安見沿途如此糜費亦當一面據實參奏一面密為曉諭節減方不失為公正曉事之大臣計此時阮光平已將抵楚境何以該督漫不加察竟未奏聞耶且此項虛糜銀兩大半為地方官花費冒銷或係護送員弁從中勒索於福康安阮光平皆無實惠況所用之銀既難於例外開銷自必在道省官員養廉內攤扣地方官辦公竭蹶勢必仍取之間閭更不可不防其漸將來眾怨歸福康安矣著福康安即查明似此過事糜費之舉從何處而起即行據實查參毋稍迴護福康安受恩深重亦不致稍有隱飾也○又諭曰阮光平赴闕覲祝陸路每站支給需用銀四千兩豈於供應食物之外復有折乾銀兩地方官及護送委員胥分其利乎實不可解此必係總辦供應之員借以為名任意花用格外多費希圖從中沾潤故樂

於張大其事以為浮冒地步外省地方官辦
差惡習往往如此朕所深知則此項銀兩若
非總辦之員藉端冒銷即係護送阮光平員
弁沿途勒索二者必居一於此以福康安行
程計算此時已抵楚境著畢沅於阮光平經
過時傳到護送委員湯雄業成林面詢每日
每站沿途如此供應浩繁係從何省而起該
員等斷無不知之理若已出湖北境即著穆
和蘭密加查訪總之天朝撫馭中外萬國梯
航若沿途過於華麗誇多闢靡是有意耀富
於阮光平更非天朝體制再所有一應供支
若到熱河驟減則與樞駐蹕之地轉不如外
省之豐殊為倒置必須自湖廣河南直隸各
處逐漸遞減到熱河後方能豐儉適中畢沅
等當告知湯雄業成林以江西一路原非外
藩入覲正道故供應向無一定章程至湖廣
河南直隸三處係南徼各國入貢通衢一切
俱有定制不能逾格過優此語不必曉諭阮

光平令委員告知可也再昨據梁肯堂奏於
六月初五日起身往長安城防汛永定河汛
務非豫東江南河工可比梁肯堂仍應速回
保定辦理阮光平過境事宜務須節儉得體
即使河工有緊要之事長安城距保定不遠
該督亦無難朝發夕至也將此各傳諭知之
庚申諭曰姚茶奏稽查鼓鑄局錢一摺內
稱寶昌局鼓鑄正額錢文尚屬如式惟另鑄
工料錢文字畫多有模糊銅質亦甚龐糙隨
提鑪匠責懲將此次鑄不如式者盡數發局
另鑄所需火工著落局員賠補等語各省設
立官局鼓鑄制錢其輕重厚薄原有部頒一
定分兩豈容絲毫偷減革率致私鑄得以乘
機攬雜今江西省局所鑄工料錢文每卯皆
有額定數目與正額制錢隨時解驗皆係官
為鼓鑄何以勛兩多有參差不齊則正額錢
文亦恐不能如式何裕城久任江西巡撫未
能留心稽查嚴禁實難辭咎著交部議處江

西一省如此各省錢局亦難保無此弊前經通諭各督撫禁止私鑄私銷實力查辦若此項官局錢文字畫模糊質地麤糙局員先已滋弊則私鑄亦得藉此影射於錢法大有關係姚茶將鑄不如式之錢盡數發局另鑄著落局員賠補所辦甚是著即通諭各省督撫務須督率道府局員認真稽查並令藩司於解收局錢之時無論正額工料按卯親加提驗如所鑄錢文有偷減銅觔節省火工不能遵照部式以致參差不齊之處立即發回另鑄並將局員鑪匠叅處責懲俾官錢一律整齊堅實私鑄自無從攬入弊混行之日久則私鑄私銷之弊更可不禁而自止矣倘督撫等視為具文並不隨時稽察使官板制錢不能如式而私鑄仍未能淨絕一經查出必將該督撫一併治罪決不寬貸將此通諭知之○諭軍機大臣等據姚茶奏安南國王阮光平於五月內入江西境所過水陸塘汛必當

整齊嚴肅即沿途供頓犒勞筵宴均宜量從優厚等語昨因熱河道府稟知軍機大臣接到沿途自江西而來傳單每日供應阮光平尖宿約用銀四千兩辦理殊覺過當已降旨令福康安及湖廣河南直隸各督撫查明沿途供應如此浩繁係從何省而起據實叅奏並令各該省逐漸遞減以期豐儉適中此事或係何裕城前在江西時意存華靡豫定章程該署撫接任後即遵照辦理以致經過各站承辦供應之員任意開銷如此繁費著傳諭姚茶將沿途應付繁多之處是否始於江西查明據實連奏毋得稍有迴護○又諭曰姚茶奏修理斗姥閣工竣一摺內稱前撫臣何裕城奏明斗姥閣工程須用石柱接墊以防蟻濕現據上饒縣採辦石柱二十四根每根長一丈二尺五寸四面各寬一尺三寸等語龍虎山上清宮之斗姥閣經何裕城奏請動帑興修當經允行上年正月該撫進京陛

見朕因斗姥閣既被嵐氣薰蒸樑柱多為蟻蛀諭令修建時於木柱下酌用石墩以防蟻濕至高亦不過三四尺乃何裕城飭屬採買長至一丈二尺五寸竟係統用石柱成造以致糜費工料帑銀實屬錯謬何裕城著傳旨申飭看來該撫如此遇事糊塗於一切地方公務毫不留心經理則昨日朕所聞阮光平入江西境後每日除舟車夫馬宴養外供應一項至用四千兩之多亦必係何裕城不諳事宜受屬員之愚瞞事增華以為地方官浮冒開銷地步並著何裕城據實迅速覆奏該撫愆尤叢集錯誤之處不一而足慎勿再有隱飾迴護自取重戾也○又諭曰海寧彙奏錢糧完欠數目一摺其單內所開錢糧各條款完欠等項各廳州縣開敘繁雜閱之殊未明晰該省每年額徵錢糧幾及三百萬兩各州縣額徵糧石亦有定數其已完未完自應簡明開寫何以含混不清若此再各省麥收

分數朕時深厯念山東河南及江南湖廣西安無不早奏即最遠之雲南等省亦早經具奏山西距此間甚近何遲至此時始行奏到可見該撫於地方一應事務竟漫不經心諸多懈忽延玩海寧著傳旨申飭並著將該省每年額徵確數及節年已完未完之處另行詳悉查明開具簡明清單速行呈覽又諭曰託倫奏署撫臣姚茶業經派出進京祝嘏託倫未便再行前來叩祝請俟撫臣回任後即星馳赴闕等語託倫由熱河道於上年秋間擢授江西臬司時甫經面聆訓示自抵任江西尚未及一載姚茶回任後已屆冬令託倫彼時並可毋庸來京請訓○辛酉諭向來滿漢科道相沿前明內陞外轉之例徒資賁緣都察院三年題請一次殊為具文滿漢科道果有才具出眾供職勤慎者京察之年原准該衙門分別保送引見時記名以道府陞用或亦時有命各部院保用道府者是陞途

不致久滯又何用相沿舊例屆期題本徒滋
案牘耶嗣後滿漢科道內陞外轉三年請旨
之例著停止無庸題本諭軍機大臣曰畢
沅等奏均州鹽河地方有民人賀廷選等燒
香念佛哄誘騙錢當經拏獲十餘名究出夥
黨現委臬司馳往會同搜捕等語湖北均州
與河南新野縣連界向來八卦順刀等會俱
係在河南地方發覺該處民人最易興習邪
教節經拏獲懲治而惡習相沿尚恐根株未
能淨絕此次均州惑眾騙錢一案雖非前項
邪教可比或係從河南流傳亦未可定著穆
和蘭即嚴飭新野等屬留心密偵實力查拏
或仍係八卦邪教其中有段文經皆未可知
如訪獲此案內邪教正夥各犯即解交湖北
歸案審辦旌表守正捐軀直隸元城縣民
劉珍妻任氏河南新鄭縣民馬鳳虔妻唐氏
壬戌勅封緬甸國長孟暕為國王制曰朕
惟德孚柔遠王朝隆無外之模忱切嚮風屬

國被咸寧之福既歆將夫職貢懇備遐蕃宜
褒錫以恩綸允綏嗣服龍光斯賁爵命維新
爾緬甸國長孟暕地處炎陬系居支庶曩者
家遭多難禍亂相尋繼因國賴長君攀援共
戴敏關納賁恪恭著攝立之年降勅頒珍惠
愷浹歸仁之感茲以今歲為朕八旬萬壽敷
天慶洽薄海歡騰願大吏以抒情遣陪臣而
祝嘏先期齋潔葵傾矢在寸心重譯來同琛
獻踰乎萬里麻徵所應肥款堪嘉至爾國世
裔載延邦基復整干戈是戢期鎮撫夫民人
鐘簴常新思奠安夫土宇漑撫虔悃跂藉榮
施仰祈封號於天家文披金葉遠賜詩章於
下國寵荷珠光今封爾阿瓦緬甸國王賜之
勅印王其勉修政事慎簡官寮敦輯睦於鄰
封垂教寧於邊境永受無疆之慶流及子孫
益堅不貳之誠保其宗社欽哉毋替朕命
諭軍機大臣曰管幹珍等奏詢問江淮九幫
運弁旗丁等僉稱甸容縣正兇改兇及搭運

平斛米石均在水次全行免收過淮簽盤抵
通交倉均無虧短等語此係運弁旗丁等一
面之詞究難憑信現在押運道廳尚在通州
守候該省尾幫抵壩著蘇凌阿劉秉恬就近
詢問江寧衛幫船開兌時句容縣漕米究竟
有無短絀如何受兌交納該道廳等並非監
兌之員該幫亦非所屬若將運弁旗丁等通
同該縣書吏從中朦混之處據實說明即與
該道廳無涉毋得代為隱飾致干重戾蘇凌
阿等詢有端倪即行據實覆奏至董世明係
江寧糧道句容漕米上兌時是其專責向來
每船裝米不過四五百石若短米八百餘石
則幫船必致少裝二隻此尤顯而易見者董
世明在彼監兌斷無不知之理前經降旨令
福崧就近詢問何以至今尚未見奏到且據
管幹珍等稱句容縣徵收米石有應免漕船
者亦有應收富成虎賁等倉者是江萬年等
侵吞米石非於應免漕船項下加額浮收即

係於存倉各款另有虧缺情弊著再傳諭福
崧將指出各情節即行徹底根究速行覆奏
福崧受朕節次加恩務須認真查辦不可存
將就了事之見致負委任○癸亥諭軍機大
臣曰琅玕等奏閱鶚元長子閱思敬現任湖
北武昌府同知第四子閱思毅現任內閣中
書所有貲財現飛咨湖北順天府查辦等語
閱鶚元於高郵句容二案先後發覺並不親
提嚴審玩視民瘼徇情執法實屬欺飾負恩
伊任所原籍貲產自應查抄入官留於江省
以備公用示懲此係閱鶚元罪由自取與伊
子無涉閱思敬閱思毅現在湖北京城服官
當差一切俱資用度著傳諭蔣賜榮畢沅等
接到琅玕咨會竟可毋庸查辦若現在已經
查辦亦著即行給還旌表守正捐軀山東
海豐縣民劉士純妻侯氏甲子諭軍機大
臣等平度州民張子布毆傷羅王氏身死一
案已命胡季堂吉慶前往東公審辦茲據長

麟審明定擬實係張子布踢死羅王氏徐大榕自認初任不諳刑名以致錯誤是徐大榕業經輸服認罪何以復遣人赴刑部控告希圖翻案必係徐大榕因已經遣人進京呈訴冤抑於該撫前故為輸服供詞否則竟係長麟迴護原奏逼勒徐大榕改供亦未可定此案疑實甚多即如張子布向羅有良查詢伊妻下落彼此爭鬧羅王氏與羅有良各持磚棍毆打張子布昏暈倒地地在先何能舉腳向踢即據長麟所訊供詞內羅王氏撲跌倒地張子布騎壓羅王氏身上羅有良回家見伊母受傷即拾石毆傷張子布倒地其情節亦未見允當羅姓聚族多人同街居住聞羅王氏家爭鬧自必同來看視幫助張子布祇係隻身何能打退多人反將羅王氏按地毒毆即云張子布騎壓羅王氏身上亦祇能舉手迎面毆打又何能反身向踢羅王氏小肚致命況羅有良既同羅王氏共毆張子布何以

忽又躲避外出置伊母於不問揆之情理必無其事豈有羅有良反不知伊母如何被張子布踢斃而轉以案外之羅劉氏作證遂為此案確據且據徐大榕呈稱臬司先委武定兗州二府會審何以長麟原奏內並未敘入若該二府與徐大榕所審無異亦應一併參奏再閱此次長麟摺內祇向張子布反覆嚴訊而於羅有良是否誤踢伊母之處不置一詞亦屬顯有偏倚至律載毆妻之父母至死者斬監候今既審係張子布踢斃羅王氏屬實何以該撫轉引恩義已絕應同凡論照罪人不拒捕而擅殺律將張子布問擬絞候其中似恐案情不實曲為調停將來張子布自可不入情實三四年後仍得免死減等不致身罹重辟以為將就了事之見均不可不逐條根訊徹底確查此案已逾一載羅王氏屍身久經腐爛無可檢驗雖踢傷小肚致死顯門骨上紅暈可憑而是否鞋傷亦不能分別

總在提齊案犯細心研究且羅姓鄰族多人羅元又係羅有良胞弟曾向羅有良查問伊母如何身死羅有良彼時默無一言亦可從羅元根訊確實長麟承審錯誤雖係罪關出入但犯人未決及早審明尚非冤獄且朕斷不以巡撫大員於此等無心出入人罪未決之案加之重譴至張子布形同乞丐徐大榕豈有受其賄贖為此庇護開脫之事亦斷不值以一官徇之即羅有良雖較之張子布尚

係溫飽之家長麟必無受其賄說故為縱釋之理或承審之員從中迎合偏斷亦不可知總之此案不特罪名出入所係亦且倫紀攸關朕於長麟徐大榕俱無所偏向祇期詳慎持平無枉無縱以成信讞胡季堂吉慶亦斷不可稍存成見於長麟徐大榕有所歧視務使確訊實情水落石出悉心定擬具奏毋負委任又諭曰福崧奏審擬句容縣糧書侵蝕錢糧一案已批交軍機大臣會同行在法

司覈擬速奏矣該撫摺內稱前任句容縣吳汾提訊時見其人甚平庸兼有疾病上年曾經康基田等詳請勒休閔鶚元延擱未辦等語知縣有親民之責吳汾才具平庸不能勝任該藩司等既經詳請勒休閔鶚元何又延擱不辦可見閔鶚元諸事玩誤護庇劣員一任地方廢弛其辜恩負職之處種種敗露現在康基田雖准其贖罪尚未出京著留京王大臣監提閔鶚元與康基田質對訊以吳汾

若果年力精壯辦事勤幹而康基田挾嫌以該員衰病勒休閔鶚元即當據實參奏或康基田因勒索吳汾不遂遽爾捏詳勒休閔鶚元尤當嚴參查辦何以緘默不言祇將吳汾留任了事將此二層令其當面質對各行據實登答若康基田所詳屬實閔鶚元心存袒護吳汾置之不辦以致縱容該縣書吏作弊侵用銀糧盈千累萬則閔鶚元玩誤之罪更無可逭務須質對明確據實覆奏

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十六

實錄卷一千三百五十六

三

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十七

監修總纂官歷是謀官太子太傅文淵閣大學士文淵閣領閣事領侍衛內大臣稽察欽奉 上諭事件處掌理

吏部總纂官務正黃旗滿洲副都統世襲騎都尉功加七級隨帶加一級尋常加二級軍功紀錄一次臣履桂

總纂官歷是謀官太子太傅文淵閣大學士文淵閣領閣事稽察欽奉 上諭事件處掌理刑部三庫事務

世襲騎都尉功加十九級隨帶加二級又加二級臣曹錕內大臣戶部尚書總纂滿洲副都統軍功紀錄五次

奉書紀錄十四次臣德馨歷是謀官太子少保工部尚書紀錄六次臣曹振鏞等奉

校修

乾隆五十五年庚戌六月乙丑諭曰穆和蘭

奏查明每年實欠錢糧義實奏銷一摺豫省
上年地丁雜稅等項未完銀六十七萬六千
餘兩而五十三年亦尚有未完銀十萬三千
五百餘兩此項未完銀兩未必實欠在民即
如江蘇高郵州書吏私雕假印偽串冒徵百
姓胥受其愚而句容縣糧書侵用錢糧盈千
累萬皆係以完作欠歷年吞蝕由此而推可
見閭閻受國家百餘年培養愛育之恩深仁
厚澤無不浹髓淪肌窮年力作之餘皆思踴

躍急公輸將恐後。而臺書猾吏等假捏串票。任意侵漁。使小民急公奉上之誠。轉為若輩私肥囊橐之計。甚而地方官知朕無時不以惠養黎元。藏富於民為念。輒思積欠過多。自必蒙恩豁免。因而急於徵催。影射入已。作為未完者。想亦不少。朕臨御五十五年。勤求民隱。孜孜不倦。凡遇水旱偏災。無不先期諮詢。重則加恩。概予蠲免。輕則准其分年帶徵。俾窮簷蔀屋。咸躋盈寧。朕之於民。未嘗不體卹周至。乃督撫牧令等。既不能宣達朕意。又使書吏從中侵蝕。豈得謂尚有人心者乎。愚民易於欺虐。不受奸吏重徵之累。已屬倖免。寧有應交正項錢糧。敢於遲延觀望耶。封疆大吏。皆係受朕委任。重恩不於此等關係民生休戚之事。盡心稽察。則其他更不可問矣。嗣後各省督撫等。於藩司奏銷之期。務須將未完各項。是否實欠。在民悉心體訪。徧行曉諭。務使急公之戶。不受重徵。方為無忝厥職。現

在高郵句容二案接踵發覺。想各省亦必有似此者。俱著徹底清查。毋任官侵吏蝕。虧帑累民。倘經朕此次諄切曉諭之後。尚思通同隱飾。希冀掩蓋消弭。一經敗露。書麟閔鶚元等。即前車之鑒。慎毋自蹈覆轍也。將此通諭各督撫知之。並令各省將此旨榜示通衢。俾咸知朕意。○丙寅諭奉天府尹員缺著榮柱補授。並著即赴新任。不必前來行在請訓。○署伊犁將軍永保奏。奉諭伊犁駐兵需用弓箭一萬一千餘內。一半飭陝西巡撫製辦。一半由該處各營內選派能造弓箭者。教導兵丁。漸次修造。補缺查伊犁滿洲營二原設有收拾弓箭兵。今請設修造軍器營。飭員會同索倫錫伯部落總管將弓箭及鞍韉搬袋等動項監造。再派兵學製以補缺數。并售與各營兵應用。得旨。知道了。保寧一時不及回任。特飭交汝辦理。○諭江南江淮衛四幫乾隆五十四年分渡黃遭風漂沒漕米六百九

十八石有奇。丁卯諭曰：單沅等奏黔省委員桐梓縣知縣吳壽朋領運京鉛該縣帶有家眷多人，並柴米物件，以致船身加重。於巴東縣等處地方沉溺，船隻鉛觔請將吳壽朋革職審擬，並着落照數賠繳等語。運京鉛觔鼓鑄攸關，押運委員自應小心謹慎，乃吳壽朋攜挈家眷多人，並帶有柴米物件，種種累墜，以致連溺船三隻，沉鉛二十一萬觔之多，殊屬玩誤。迥非遇有險灘風暴失事者可比。吳壽朋著革職交單沅等提同船戶人等秉公查審。該參員有無盜賣鉛觔捏報沉溺等事，訊明具奏。其沉溺鉛觔並着照數賠繳。至吳壽朋在黔挈眷同行，本省巡撫何以漫無覺察，亦着查明交部議處。此等押運事務，不過一二年即可差竣，原不必攜帶家眷。嗣後遇有解運銅鉛，及因公奉派押解官物等事，俱不准委員等挈眷同行，以昭慎重。○戊辰諭軍機大臣等：昨梁肯堂奏喀爾喀盟長貢

楚克扎布差扎奇魯克齊博羅特前來進貢，住宿多倫諾爾廳街外，被賊竊去銀兩衫帽等物，請將該同知交部議處，並飭令照數賠還等語。多倫諾爾地方過往之人，銀兩被竊，該同知咎止失察，若飭令照數賠還，該處為蒙古部落往來孔道，一遇被竊之案，即令賠償，同知所得廉俸無多，又安能逐案自出已貲，概為賠墊耶？且蒙古人衆，往來輻輳，其攜帶銀兩，本難深悉。博羅特所失銀八百餘兩，究屬自不小心，失於防範，況係伊自行呈報，其虛實亦難憑信。即如西藏年班喇嘛從前赴京，遇有遺失物件，俱着落地方官賠償，以致報失者紛紛，自派委大員護送以來，將賠償之例停止，今竟不聞有報失之事，可見伊等呈報被竊，未必不出於裝點情節。所有博羅特被竊銀兩一案，著傳諭梁肯堂飭屬嚴緝賊贓，務期弋獲，其飭令該同知照數賠還之處，竟可不必。○又諭曰：單沅等奏據宜昌

府知府稟稱查得川省培石菜子壩地方有巫山縣民人開設鹽店藉稱攬行施南等屬官鹽影射冒銷現在咨會川省飭屬嚴禁以杜藉官行私之弊等語湖北施南宜昌二府所屬建始鶴峯等八州縣距漢岸較遠向係行銷川鹽但起埠設店地有一定原不許違例改移致啟影射冒銷之漸今該督等既查有巫山縣民人在不應設店之區開張多鋪顯有藉端販私情弊祇須移會川省查明勒令關閉移回原報行銷口岸起埠其弊即可杜絕亦不值具奏請旨總在該督等平日嚴飭與川省交界地方文武各官巡查稽察使湖廣應銷川鹽之地劃清界址毋許越境行銷而私販囤積處所搜查淨盡方為實力整頓豈僅那移一二鹽鋪即可謂盡心緝私耶將此傳諭知之○已已諭曰直隸提督閔正祥江南提督陳大用俱著在乾清門侍衛上行走○又諭據奇豐額奏查抄閔鶚元貲產

案內有原任德安府知府趙枬捐職理問趙深捐職員外郎祝徵萃俱係閔鶚元姻親並有寄頓銀兩恐尚有虛捏隱飾等弊請一併革職解交浙省歸案審辦等語趙枬趙深祝徵萃俱著革職解赴浙省交與琅玕一併歸案審辦○諭軍機大臣曰奇豐額奏查抄閔鶚元家人房產摺內稱訊據趙深祝徵萃等供出共有寄存銀二萬一千九百八十餘兩錢二千六百三十餘兩田五百八十畝又據署震澤縣知縣王勸查出該縣地方第八都第九都等處共田一百九畝俱係閔鶚元名下之產恐就近各縣尚有假名置買之田現在密行查訪等語各省大小官吏每年祿糈所入積有餘貲置買田產原屬例所不禁即與富戶等締結姻親亦事所常有但以本省大吏置買本省田產與所屬部民鄉宦富家結親往來實為大干法紀之事試思巡撫統轄全省一切催徵銀糧等事俱應秉公稽察

乃於所屬置買田畝則完糧納稅該縣豈敢實力催徵並有代為完繳之事皆不可知而紳士富民等倚恃與巡撫誼屬姻親假其聲勢必至包攬詞訟武斷鄉曲其弊更無所不至著留京王大臣監提閔鶚元嚴加訊問此項田畝及與趙柟祝徵萃結親若在江寧藩司時已屬年利犯法若在安徽任內尚可毋庸置論如在江蘇巡撫任內則閔鶚元之罪更大現在令奇豐額檢對契卷年月無難立時查出閔鶚元豈能始終狡飾耶即使所置田產係在安徽巡撫任內之事伊調任江蘇後亦應即時售去於浙江本籍另行置買有何不可並應將與江蘇紳士富戶結親係在安徽任內之處具摺奏明曉諭地方官令親戚等毋得招搖生事尚不失為公正大臣閔鶚元係讀書曉事之人於此等顯而易見之嫌疑竟不思早為引避利令智昏公然將所置田產自行管業而與紳士富戶等交結往

來並寄存銀兩生息實屬顛倒替亂天奪其魄如此執法辜恩朕用伊為巡撫多年任其牟利徇情朕亦深以為愧封疆大吏如此難信朕實為之寒心至閔鶚元所買震澤縣田契俱係捏名而積存銀兩又分交各處寄匿其居心尤不可問督撫等果自信潔已奉公實心辦事必不萌豫備犯罪之念其豫備此念者必係貪贓壞法之人自知行私作弊積有厚貲一經敗露必致查抄入官心懷恐懼方行豫為隱寄親戚假捏姓名希圖查抄時可以遺漏隱匿為此鬼域伎倆朕可欺天可欺乎再閔鶚元當四十二年正月內來京陛見正值

皇太后大事伊並未過二十七日即先行出京即云有旨回任亦當懇辭伊犯事後朕始向軍機大臣等言之據阿桂言是年奉差滇省於正定途次得信後即日趕回在涿州地方遇見閔鶚元等語阿桂與閔鶚元俱係國家

大臣阿桂奉差往滇。聞信後並未奉旨。即行馳回。可謂識大臣之體。而閔鶚元本屬在京。其安徽任內有何迫不及待之事。乃遽爾回任。可見阿桂為休戚相關之大臣。而閔鶚元竟屬全無良心之小人矣。十數年來。朕因閔鶚元在巡撫中尚屬能事。此等大節所關。朕欲全其名節。不肯宣示。今閔鶚元昧良負恩。至於此極。始將此事明言。並著傳諭留京王大臣。將以上指出各情節。向閔鶚元嚴加究訊。令其逐一登答。毋任稍有捏飾。○又諭。據李鴻章現在蒙恩補授河南按察使。懇請准赴闕廷叩覲等語。本年朕八旬慶辰。各省督撫藩臬俱情殷祝嘏。前已派出河南巡撫穆和蘭屆期來京隨班行禮。李鴻章此時著即先赴新任接印任事。俟穆和蘭回任後。李鴻章於冬間再行前來請訓。○舉行湖北湖南二省乾隆五十五年軍政。車異官四員才力不及官二員。有疾官一員。分別議敘處分如例。○

庚午諭軍機大臣等。此間旬日以來未經得雨。稍覺乾燥。前據留京王大臣奏京師初七日得有透雨之後。迄今幾及半月。未據續有奏報。朕心深為廑注。著傳諭留京王大臣。將京城近日曾否續得雨澤土脈不致乾燥。並大田有無妨礙之處。即行據實覆奏。○又諭。兵部具題海壇鎮總兵丁朝雄於署臺灣水師副將任內失察天地會邪教一案。議以降調。因該鎮有革職留任之案。無級可降。請旨革任一本。已降旨將丁朝雄送部引見矣。丁朝雄由福建水師參將歷任副將總兵。在閩年久。於水師營務是否熟悉。平日約束兵丁督緝巡洋諸事。能否實心出力。及居官如何之處。著伍拉納束公切實具奏。毋得稍有瞻徇。俟該員引見時候。朕再降諭旨。尋奏。丁朝雄歷任水師海面情形最為熟悉。至整飭營伍緝捕洋盜均屬認真報聞。○又諭。昨福康安奏帶領阮光平於六月初八日自南昌前

進等語。江西南昌至熱河計程尚有四千餘里。距七月開宴之前不及一月。前經降旨諭令於七月初八日趕至熱河。以便於初九日瞻覲。今天氣炎熱。途次或間遇雨水。恐未能加緊趕行。該藩情殷。瞻覲誠悃。可嘉。亦不可不示以體恤。著傳諭福康安於途次酌量情形。如能於初八日行抵熱河。固屬甚善。倘畧有耽延。即初十日趕到。亦可於十二日應地吉門瞻覲。若再不能如期。務於十二三日趕到。總在不悞。十四日筵宴之期。福康安於途中固不得任意濡緩。亦不必過於趨程。致滋勞頓也。旌表守正捐軀直隸蠡縣民楊作梁妻彭氏。辛未諭曰。姚榮泰德興縣民人。傳正元現年八十二歲。五世同堂。請旨照例錫養等語。傳正元年臻耄耄。曾孫統膝。洵為盛世麻徵。所有應加賞賚之處。著該部察例辦理。諭軍機大臣曰。姚榮泰奏清江縣知縣江啟澄於驛遞要件任意遲延。起解錢糧

又復誑報日期。請旨革職等語。已降旨將江啟澄革職矣。該縣於所管境內接遞驛報遲延。雖屬玩忽。然尚與何裕城無涉。至上年地丁等項錢糧例應於本年四月內掃數解司。乃該縣欠銀至九千六百餘兩之多。經藩司飭差催提。於五月十五日始行起解。又復捏報日期。則平日之懈惰無能。有心欺飾。已可概見。何裕城久任江西巡撫。於此等曠職之員。何以並不即時叅劾。況應完地丁積欠至九千六百餘兩之多。亦難保無書吏從中侵冒。以完作欠之弊。何裕城所司何事。著傳旨申飭。並令據實明白回奏。○壬申遣官祭大神廟。○軍機大臣等議覆閩浙總督覺羅伍拉納奏稱臺灣為產米之區。漳泉民食全資接濟。前因私販偷渡。准福州將軍永德奏臺灣於鹿仔港設口。泉州於蚶江設口。凡厦門船由厦門舊口掛驗。赴鹿耳門。虹江船由蚶江新口掛驗。赴鹿仔港。其厦門向有白底

船赴鹿仔港販運米石者亦必由蚶江掛驗始准出口海道既紆風信尤須守候是以船船漸次歇業漳泉一帶遂至糧少價昂請嗣後蚶江船仍由蚶江口掛驗外至廈門船船即准由廈門同知掛驗徑赴鹿仔港並令與泉永道於牌照內加用關防驗放毋庸遠赴蚶江則商船既難偷渡亦得便捷進行再船船比蚶江之單桅雙桅船較大配運官米亦得多載請定每船載米六十石穀倍之如有遭風失水照例令原保行戶賠補其餘廈門一切橫洋等船仍止准對渡鹿耳門毋許偷越鹿仔港則海禁嚴密而於民食兵糈兩有裨益應如所請從之○旌表守正捐軀直隸衡水縣民鄭世祥妻康氏○癸酉諭曰謝清問條陳酌更郡縣名目刪除問刑定案從重字樣並大理寺卿遇有出差請旨派署等款科道之職在於時政得失及叅劾不職之大臣如近日直隸江南諸弊政何無一人直

陳謝清問此奏朕詳加披閱皆屬撝拾浮詞無關緊要之事該御史非心存躁進即有意沽名此等前明惡習其風斷不可長即如摺內所稱河南祥符浙江紹興俱係宋代年號宜加酌改一款歷朝郡縣定名或因山川名勝紀事紀時取義雖各不同大約皆選擇吉祥字樣錫以嘉名祥符紹興郡縣即沿襲宋真宗高宗年號有何不協有何關涉而必須亟為更改乎至以霸州霸字為非正術薊城薊字禮記作乾大理臨安等府師宗彌勒等縣係屬唐宋土酋僭稱之號均應酌易尤為荒誕不經此等郡縣名號相沿已久指不勝屈豈能一一追溯肇錫之由若如該御史所稱皆宜考證定名則天下郡縣不下數千紛紛更易有是理耶又稱問刑定案不宜將從重等字列敘所見更為錯謬內外問刑衙門凡讞獄定罪俱照所犯情節按律科斷其中

有罪浮於律者不得不從重辦理豈不察其

犯事之輕重。而概予從重乎。該御史所言。竟似罪應絞者。從重則改為斬罪。應斬者。從重則改為凌遲。是於律例條款。全未體認。明曉僅以虛言妄奏。陽博寬厚之名。而陰濟其邀譽之見。其居心尤不可問。又大理寺卿遇有出差。若不簡員暫署。於體制未符一款。向來刑名事件。俱係刑部主稿。大理寺不過隨同稽覈。無關輕重。趙佑等雖出學差。遇有會審會議事件。現有滿漢卿員三人。儘可辦理。又何必再行簡員兼署。該御史此奏。不過借以添列條款。羅敘見長。更屬無謂。又另摺奏。酌籌直隸邊界。歸併村莊一事。前因長麟條奏。已交軍機大臣覈議。准行該督撫等俱遵照。確查各村莊遠近形勢。妥協辦理。該御史又復拾人牙慧。鈔摺膚詞。曉曉陳奏。是誠何心。本朝綱紀肅清。凡身任臺諫者。從不敢蹈明季陋習。紛紛以建白為長。乃謝清問率將此等毫無裨益於國計民生之事。列條漬奏。是

其沽譽盜名。妄希倖進。豈能逃朕洞鑒。謝清問著嚴行申飭。諭軍機大臣等。據留京王大臣覆奏。嚴訊閔鶚元一摺。祇將奇豐額查出江蘇寄存銀田。及在震澤縣置買田畝之處。向伊根究。而於朕所降諭旨。內指出四十二年。皇太后大事時。伊未過二十七日。先行出京一節。竟未將如何遵旨詢問。及伊如何登答。詳細敘入。殊不可解。閔鶚元受朕厚恩。用至巡撫。今以徇庇屬員。怠玩公事。查抄治罪。伊有心隱匿。豫將家貲寄頓。其牟利營私。固已辜恩負職。然此猶不過利令智昏。希圖寄匿。以為日後安享地步。覈其情罪。尚屬細事。至其喪心昧良。有關大節罪案。最重之處。實在皇太后大事時。不待二十七日。遽行出京。留京王大臣等於此關係重大之款。摺內竟無一語提及。豈朕所降諭旨。祇係空言多此一问。伊等竟置若罔聞。不思登覆耶。著傳旨嚴行

中飭仍著將此一節再行嚴訊令閔鶚元供吐確情據實具奏○又諭曰福康安奏六月十五日行抵湖北黃岡十六日即可馳抵武昌現在趨程行走等語並將阮光平恭謝敕封阮光繡為世子表文進呈阮光平感激歡忭實出至誠披覽之餘深堪嘉尚前經傳諭福康安於途次酌量情形固不得任意濡緩亦不必過於趨程總在不誤十四日筵宴之期如途中實在不能行走迅速仍遵前旨或於初十日及十二三日趕到亦無不可該藩臚覲情殷雖不憚於勞頓然亦不可不示以體恤也仍著福康安將沿途程站一日可行若干里通盤覈算於何日可以趕到熱河之處速行具奏○甲戌諭軍機大臣曰孫士毅奏四川總督任內辦理未完事宜移交後任一摺內有控告官役勒索科場舞弊奸徒私鑄等案俱情節較重必須徹底根究從嚴辦理至刑名案件以及各項錢糧奏銷並鹽務

銅鉛在在皆關緊要保寧曾任該省總督一切均所熟諳此次署任諒不存五日京兆之見稍涉模稜著傳諭該署督於孫士毅交代後諸事實心整頓妥速辦理時以剔弊釐奸為念方不負朕委任也○又諭曰福康安覆奏阮光平入覲沿途供應事宜恐地方官踵事增華辦差長隨等從中浮冒節飭廣東廣西兩省司道妥行酌議俱係節之又節並移咨沿途督撫一體遵照茲直隸所接傳單如此混開經費殊堪駭異等語所奏係屬公論已於摺內詳晰批示矣此事前據熱河道府面稟軍機大臣朕以為必起自江西當經降旨諭令直隸河南湖廣江西各督撫及福康安據實查明奏覆節據河南湖廣等省陸續覆奏並無其事而何裕城姚榮尚未奏到即梁肯堂亦祇奏直隸為入貢通衢一切差務俱有定款不能逾例辦理而於此項傳單係屬接准何省知會之處未經據實聲明今福

康安奏粵省議定供應章程並無多費已轉行沿途各處遵照妥辦則此項過事糜費虛開冒銷之弊竟與護送各員無涉自係承辦供應之員借以為名任意花用希圖從中沾潤豫存浮冒地步地方官惡習相沿往往如此朕所素知不可不徹底根究查出此項傳單究竟起自何省至傳單內所開直隸尖宿州縣力量難支必須幫貼此項章程自由總辦司道具詳總督定議飭遵則直隸各處所貼銀兩又從何而出若傳單內所定條款古北口以外亦酌定稍為貼助則熱河道府亦不至賠累過多計無所出可見地方官藉此舞弊冒銷必致終於破露著再傳諭梁肯堂將刊刻傳單直省條照何處之例轉行若非起自直隸一面奏聞一面飛咨河南湖廣江西逐站挨查務使根究到底水落石出不可存顛預了事之見致干咎戾○乙亥諭曰阿克蘇領隊大臣員缺著佛佳馳驛前往○丙

子諭科道三年內陞外轉之例原屬具文昨已降旨停止今思京察之期都察院堂官原有保送記名道府之例但外轉祇此一途熱中之輩未免以壅滯竊議嗣後漢科道當照六部漢郎中之例都察院堂官覈其才具分別繁簡送部截取御史以知府用科員以道用照例截取則選用道府者人數較多所有漢郎中科道論俸截取俱著定以四年之俸准其截取如該員等歷俸未滿吏部月選遇有繁缺知府缺出不敷選用屆期該堂官另行奏聞候朕簡放如一時簡用無人再令該堂官分別保送庶於甄錄之中仍杜躁進之漸○諭軍機大臣等昨謝清問條奏內請刪除問刑定案從重字樣一條尤屬紕繆顯為熱中邀譽起見已降旨嚴行申飭矣今據伍拉納奎林等奏臺灣匪犯糾眾毆兵奪犯偽造印照私給偷渡匪徒及線目藉緝婪贓溺斃人命並挈獲私賣火藥等事又海寧奏山

西謀財害命一案皆係大于法紀決不待時之犯非從重辦理則海疆要地奸匪何所示懲若如該御史所奏此等莠民奸役亦僅照尋常案犯問擬將從重字樣概行刪除可乎除分別批令法司速議外著發交留京王大臣傳到謝清問將以上各摺令其逐件閱看是否應從重辦理之處著自行明白回奏○又諭曰安南國王阮光平入覲沿途供應繁費昨已降旨令梁肯堂將此項刊刻傳單直隸係照何處之例轉行據實查奏矣本日據姚榮奏率同司道傳齊在省府縣逐一查詢堅稱並未見此項傳單所過各縣亦實無每日費銀四千兩之事各處失宿所費每日用銀二百餘兩係與藩司託倫督辦前撫何裕城本未豫定章程等語並將廣西廣東所定供應食物等項清單呈覽是直隸刊刻傳單似非接據江西知會做照辦理而河南湖廣又復謠為不知即昨據福康安奏供應事宜

俱係節之又節移咨沿途遵辦所言似非捏飾但此項傳單終無著落朕豈能任伊等含糊混過不復查究明確著再傳諭梁肯堂務遵前旨徹底根查究竟此項傳單做照何處知會抑係直隸憑空刊刻之處務得實據覆奏不可存顛倒了事之見致獲咎戾也○丁丑諭軍機大臣等刑部題覆河南省康珍聽從伊母砍死胞兄康金先一本朕細閱案情康金先平素忤逆嗣因買妾貌醜欲行殺死因伊母斥阻奪刀被劃傷指伊母嗔其忤逆令康珍砍死除惡康珍跪地代求伊母即取刀自刎康珍無奈勉從連砍殞命等情向來此等案件刑部議覆時用夾片聲明內閣票擬雙簽交九卿定議者多及會議時不過以迫於母命情尚可原改擬斬候但康金先既係素常忤逆肆酒逞兇自必強暴有力豈有甘受伊弟刀砍不為抵禦之理況伊弟跪求時康金先知伊母必欲置之死地即應乘間

逃逸何以束手任聽康珍連砍斃命即供詞內亦並無另有旁人代為捆縛扭結之處種種情節刑部覈議時俱未經指駁安知非康金先以別事被康珍砍死伊母知罪應抵償裝點迫使情由冀圖寬減案關倫紀不可不徹底根究以成信讞著傳諭刑部堂官即將指出各疑竇逐一指駁令該撫查明登覆到日再行覈擬具題戊寅諭軍機大臣曰畢沅奏查獲均州民人賀廷選等燒香念佛騙錢一摺內稱甘志邦等輾轉口授邪咒詞句誕妄悖謬每夜燒香三炷念誦一遍可以消災獲福畢沅現赴荊州令臬司等解犯前來親加窮詰就近嚴辦等語畢沅何不知事體輕重若此已於摺內批示矣此等咒詞俚鄙不通愚蠢小民借以為哄誘騙錢起見不過小說鼓詞之類而該督指為誕妄悖謬視之太高殊為不值凡不法匪徒編造狂妄詞語或干犯教令明有指斥者始得謂之悖謬今

閱該犯等咒語內祇係西天古佛八大金剛觀音羅漢等人人所曉之常談不過希冀消災延福與悖謬者相去懸絕乃該督強為牽合張大其詞亦太不曉事可笑矣況燒香念佛施捨錢文鄉愚無知何處無之若概視為邪教紛紛搜捕嚴辦亦復成何政體畢沅前在河南巡撫任內於該省八卦順刀等會正實邪教未能搜查淨盡而段文經至今亦未見就獲並不加意督緝以絕根株而於此等無知愚民念誦俚鄙咒語治以哄誘騙錢之罪即可了事之案作為邪教張大其事以見其認真辦事及實有感衆邪教轉恐置之不問外省惡習往往如此而畢沅更不應若是大非素所期望之品將此諭令知之○開採四川馬邊廳屬銅大雷波廳屬分水嶺二處銅廠從調任總督孫士毅請也○是月漕運總督管幹珍等奏本年南運河水勢充盈風色順利江西在前幫船已於六月二十二日

全過津關。至南糧二進回空。過關者已有數
幫。江浙各幫亦皆卸竣。南下當飭押運員弁
迅速催行。早歸水次。得旨。誠應忻慰。欽差
侍郎韓鐸。江南河道總督蘭第錫。江蘇巡撫
福崧奏。江南淮徐揚一帶。六月中旬。風雨猛
驟。各工埽壩。皆有刷墊。臣等飭員搶護。俱獲
平穩。再洪澤湖水雖長發。不致十分瀰滿。現
將五壩封土。加培高厚。毋使旁洩。以衛下河
民田。該處秋禾亦極暢茂。得旨。以手加額。慰

書奏奉 上諭

奉 上諭

覽。更宜敬慎修防。○閩浙總督覺羅伍拉納
奏。閩省市肆及民間行使。向用番銀。每圓作
錢若干。惟零星找補。始用制錢。隣省商販。又
因三面環山。腳價昂貴。所帶多係銀兩。私鑄
無從攬雜。現復於江西浙江接壤處。加意查
辦。毋許流通。入閩所有交官收買。為數無多。
似可無庸設廠。旁批。是又奏至浙省貿易。概
用錢文。小錢易於攬混。業經撫臣琅玕遵旨
設法收買。務期錢弊肅清。得旨。因地制宜。祇

可如此。○河東河道總督李奉翰奏。伏汎以
來。黃河溜勢湍急。下達暢順。有長旋消。各工
平穩。本月初七八等日。中牟祥符蘭陽儀封
商邱考城武陟等處。沿河一路。甘澍頻霑。凡
有雨淋埽面。隨時填築堅固。得旨。正當敬慎
之時。勉之。○又奏。豫東兩省。黃河水勢既旋
長。即消而各工。水長搶護之時。並無風雨。荷
蒙

神佑。實由

書奏奉 上諭

奉 上諭

聖敬感孚。旁批。莫為此虛譽之言。益加敬慎可
也。又稱此時伏汎已過。各工一律鞏固。得旨。
覽奏。欣慰。陝甘總督勒保奏。甘省地處沿
邊。不產銅觔。亦未設錢局。所有錢文。俱係商
人從隣省攜至。邊民秉性。撲拙。遇有小錢。不
肯接受。民間本自剔除淨盡。現奉旨查辦。以
來。鋪戶居民。各遵禁令。錢價亦屬照常。並無
市僧居奇之弊。得旨。時常留心可也。雲南
布政使費淳奏。滇省本年春收豐稔。入夏暘

雨應時禾稻雜糧俱獲暢發至銅務為臣專責現飭厥運各員督率煎鍊迅速挽運得旨一切據實毋為虛言

實錄卷一百五十七

去

大清高宗法天隆運至誠先覺體元立極敷文奮武孝慈神聖純皇帝實錄卷之一千三百五十七

大清高宗法天隆運至誠先覺體元立極敷文奮武孝慈神聖純皇帝實錄卷之一千三百五十八

監修總裁官經筵講官太子太傅文淵閣大學士文淵閣領事領侍衛內大臣稽察欽奉
吏部理藩院事務正黃旗滿洲都統世襲騎都尉功加七級隨帶加一級尋常加二級軍功紀錄一次臣履桂
世襲騎都尉功加九級隨帶加二級又加二級查重慶內大臣戶部尚書理藩院滿洲都統軍功紀錄五次
尋常紀錄十四次臣德馨理藩院講官太子少保工部尚書紀錄六次臣曹振鏞等奉

秋修

乾隆五十五年庚戌秋七月己卯朔享

太廟遣肅親王永錫恭代行禮○諭曰梁肯堂奏順德府同知嵇璜前經推陞知府因兩耳重聽以知府銜仍留同知原任今又屆三年限滿例應甄別該員雖逾七旬兩耳重聽但人尚強健精力未衰似應准其留任等語所奏徇情違例甚屬非是撫民同知雖非知府可比然亦有管理地方之責豈可任年老重聽之員濫竽貽誤是嵇璜即應勒令休致或大計時填効方為正辦乃梁肯堂猶復奏請

留任其意不過以嵇璜為大學士嵇璜親弟
瞻顧情面曲事姑容且見嵇璜年屆八旬耳
亦重聽現在仍任綸扉受恩深重遂爾私心
窺測將嵇璜仍行留任以為討好邀譽之計
夫大學士固非重聽者所能稱職朕因念嵇
璜年屆八旬此時在朝諸臣科分資格無有
深於伊者且內閣僅司票擬並未令兼綜部
務無虞曠職誤公朕得一作伴老臣亦屬昇
平盛事此係格外加恩在朕則可非臣下所

能援擬者乃梁肯堂於身任民社之員竟思
以耳聾年邁者姑留供職必致諸事廢弛貽
誤何以肅吏治而飭官方嵇璜雖係大學士
未嘗管理部務人尚謹慎小心並不敢干與
外事而梁肯堂尚有意逢迎則阿桂和坤以
大學士軍機大臣總理部務督撫等趨承迎
合更無所不至即其餘之軍機大臣六部尚
書俱有叢議各省陳奏事件之責督撫等若
皆存心顧忌試思在朝滿漢大臣誰無弟兄

子姪在外服官者設皆如梁肯堂之有心結
納將闡茸不職年衰有疾之人紛紛留任甚
且因父兄身居顯秩即有貪婪不法者亦概
置之不察則朝綱政體尚可問乎從前楊景
素迎奉于敏中將于易簡竟欲保舉直隸藩
司經朕洞燭隱微將楊景素嚴加懲治梁肯
堂豈不知之此事雖不至如楊景素之敢於
保舉藩司大員而瞻徇袒庇其心實與楊景
素無異該督係由直隸州縣歷加超擢陞至

總督皆出自朕特用乃不思秉公持正整飭
官常殊負委任雖伊於總督甫經陞任而在
直隸年久豈不知朕辦理庶務一秉大公從
不許內外大小臣工私情結納而此時實無
其人梁肯堂竟敢以此嘗試於吏治大有關
係梁肯堂著交部嚴加議處并令將如何瞻
顧嵇璜情面將嵇璜留任之處據實明白回
奏並將此旨交行在扈從大臣及在京大學
士九卿等閱看又諭曰普福在藏所辦事

務甚屬姑息。著革去侍郎。降為三等侍衛。○庚辰諭軍機大臣曰。福康安奏帶領阮光平於六月二十四日已抵許州。約於七月初八日必可趕到。并遵旨將該藩隨從內酌減人數。令其在後緩行。另飭委員徑行帶至京城。札會金簡即令於恩賞阮光平住屋內居住等語。所辦俱屬妥當。已於摺內詳悉批示矣。阮光平瞻覲情殷。歡欣踴躍。沿途趨程行走。不辭勞頓。係屬出於中心至誠。自許州至熱河計程二千一百餘里。以日行二百里計算。約於本月初八日自可趕至熱河。俾得早遂瞻天之願。極為好事。想福康安一路照料同行諸凡必臻妥適。至阮光平沿途供應。每日需銀四千兩之事。已據江西湖廣河南等省先後奏覆。皆稱福康安早經傳知豐儉適中。不許張大其事。看來傳單內所列供應條款章程自係直隸所定。昨梁肯堂覆奏。竟謗為不知此項傳單。豈有飛過直隸。逕到熱河之

理已降旨嚴切詢問。梁肯堂斷不能再有推托。此事與福康安無涉。不必心存畏懼也。著附報發去。新鮮荔枝五個。賞福康安二個。賞阮光平二個。賞陪臣吳文楚一個。併令福康安告知該藩荔枝產自南方。想安南亦有此物。視之不甚可貴。但京城並無荔枝。每年皆從閩南呈進。極為貴重。非親近王公大臣。不克蒙此異數。今特為郵賞。係屬大皇帝格外恩施。并念陪臣吳文楚為國王親信出力之臣。此次又再三籲懇。偕來瞻覲。忱悃可嘉。故亦得蒙此恩賞。俾阮光平等益深欣感也。○辛巳旌表守正捐軀浙江仙居縣民劉邦獻女劉氏。壬午諭曰。何裕城奏安徽省原任翰林院庶吉士曹昞現任徽州府學教授。呂詒監生張惇方奏耀祖耆民姚一溥。余文章沈必可。秦連茹等。俱現年八十以上。五世同堂。請各賜予恩賚等語。曹昞等俱年鑠耄。艾膝繞曾元。洵為昇平人瑞。所有應行加恩賞

齊之處著該部察例辦理○癸未諭曰海寧泰陽曲縣職員郭天隆現年八十五歲五世同堂請照例錫賚等語郭天隆耆齡雙鑠統膝曾元洵為壽宇庠徵所有應行賞賚之處著該部察例辦理○諭軍機大臣曰福康安奏帶同阮光平於七月初一日行抵直隸磁州現在設法趲程晚夜前進如能初八日趕到固屬甚善否則於初九十等日趕至熱河瞻覲等語磁州至熱河計程尚有一千五百餘里前月下旬直隸京城及熱河一帶連日甘霖疊沛雨水泥濘現雖晴霽將及旬日而道路想未能十分乾燥若過為趲行未免勞頓該藩萬里來庭已距畿輔不遠自益當加之體恤著福康安遵照節次所降諭旨如初八日不能趕至即在初十前後到來亦不為遲總無誤十四日筵宴之期為要將此諭令知之○甲申諭本年朕八旬慶辰業經降旨普免天下錢糧令各省按各府州縣分年輪

蠲陝西省正項錢糧既經輪免所有各廳州縣尚有應徵本色起存並學租共糧二十萬五百一十五石草一萬五千六百三十五束棉花四十九觔零著仍照上屆之例加恩一律蠲免以示朕普惠邊黎數錫延禧至意該部即遵諭行○諭軍機大臣曰梁肯堂覆奏安南國王阮光平過境供應事宜豫飭司道等酌議章程捐廉給發委員帶銀四千兩以備沿途供給並無每日四千兩之事至前項議定條款恐行文鈔寫錯誤將活字套刷以圖便捷實無另見有刻板傳單亦無他省傳單知會做照等語熱河道府呈出刊刻傳單內開明每日宿站發給二千兩尖站發給一千兩磁州加給銀五百兩清苑加給銀一千兩通共應發銀三萬七千五百兩今該督僅稱一總發給委員四千兩以備沿途供給尚思迴護前奏所謂君子可欺以其方梁肯堂豈能始終支飾乎前據江西湖廣河南等省

覆奏皆稱福康安早經傳知沿途務須豐儉適中不許張大其事經由各省實無過費。經朕節次嚴詢梁肯堂自知不能再為推托始認此項傳單起自直隸並非做照他省知會辦理雖欲辯而更無可辯矣。梁肯堂以阮藩情殷膽就萬里來庭酌定條款遇事糜費尚為要好起見。非如劉戡之延玩盜案書麟閣鷄元之庇護劣員任聽蠹吏之侵冒錢糧者可比。亦不值再加深究。該督將同知嵇贊留任一事非瞻徇嵇璜情面而何。乃亦曲為飾辯不肯承認。徇情交結自蹈重戾。在梁肯堂亦不得不如此措詞。並不值復為追問也。將此諭令知之。旌表守正捐軀直隸慶雲縣民徐可成妻周氏。乙酉哲布尊丹巴呼圖克圖噶勒丹錫呼圖克圖及衆呼圖克圖諾們汗喇嘛等八親。諭曰閏正祥奏據山永協副將黃大謀稟報六月下旬雨水連綿永平府城外河水漲發由南水門漾入城內

低窪地方水深一丈有餘至八九尺不等。駐防官署及守備衙署兵民房屋被水淹浸坍塌城外各鄉村水勢漫溢人口亦有被淹之處。現在一面雇覓水手將淹浸地方及壓傷人口分往救護一面將本身應得養廉備具印領支借倉米五十石賞給災民等語。永平府城河水暴漲兵民倉猝被災殊堪軫憫著梁肯堂即派委妥幹道員一人馳往該處確切查勘將被淹戶口給予口糧分別撫賑其壓傷人口亦即查明酌給銀兩以示體卹並著該督嚴飭所屬實心經理妥協賑給毋使一夫失所以副軫念災黎至意。至該副將黃大謀於郡城猝被水患之時即帶同兵役協力保救並指廉借領米石散給災民俾資口食尚有見識。黃大謀著交部議敘。又諭據台斐音奏稱永平府六月二十八日河水漲溢城內水深數尺至丈餘不等官房坍塌一百九十餘間並未傷及人口等語該處自六

月二十六日大雨清河灤河漲溢城內水深數尺至一大不等官房倒塌官員兵丁暫就民房廟宇棲止殊堪憫惻更念旗人俱賴錢糧度日今所住房屋被水生計未免拮据著加恩兵丁各賞一月錢糧所有被水官房著交台斐音詳細查勘即行辦理具奏○丙戌諭軍機大臣曰孫士毅奏續獲銅鉛數目一摺內稱滇省委員黃澍黔省委員胡融在川省境內沉溺銅鉛未獲之數較多覈計打撈起至月日雖已滿一年之限未便因例得豁免任其委棄等語滇黔二省運京銅鉛在川境大湖等灘沉溺尚有十五萬七十餘觔未經撈獲若照著名險灘遇有風濤沉失打撈一年限滿即請豁免之例停其撈獲此項沉失銅鉛為數甚多棄之豈不可惜且秋冬水涸之後安知水摸等不乘機撈取並恐舵工水手通同作弊遇有險灘故將船隻磕漏沉溺銅鉛希圖事後竊獲亦不可不防其漸今

孫士毅奏請再行展限打撈所見甚為周到此事即著交與保寧嚴飭重慶府知府趙由坤督率地方官派撥兵役協同該運員家丁於沉溺處所小心看守俟灘水稍退時將未獲銅鉛再行多雇水摸上緊設法打撈務期多為撈取以歸實用勿得視為具文致滋偷竊之弊○丁亥土爾扈特汗策凌納木扎勒杜爾伯特多羅郡王納旺索諾木和碩特多羅貝勒德勒克烏巴什阿爾台烏梁海散秩大臣布延德勒克等四人哈密郡王品級多羅貝勒額爾德錫爾及各回城阿奇木伯克等十七人緬甸國使臣便居未駝等十人南掌國使臣以整烘等六人臺灣生番頭目懷目懷等十二人入覲上御卷阿勝境召見同扈從王貝勒貝子公大臣蒙古王貝勒貝子公額駙台吉等賜食並各賞賚有差○諭伊犁阿奇木伯克一等台吉鄂囉木咱布乃額敏和卓之子伊斯堪達

爾之兄從前額敏和卓宣力有年現今伊斯堪達爾又勤妥奮勉著加恩鄂囉木咱布作為公品級一等台吉以示鼓勵又諭阿巴噶多羅郡王喇特納錫第著賞三眼花翎杜爾伯特多羅郡王納旺索諾木著賞黃馬褂三眼花翎哈密郡王品級多羅貝勒額爾德錫爾著賞黃馬褂雙眼花翎青海固山貝子濟克默特伊什喀爾喀固山貝子索諾木旺扎勒多爾濟俱著賞黃馬褂青海鎮國公吹忠扎布喀爾喀輔國公額琳沁多爾濟扎哈沁三等公託克多巴圖俱著賞花翎伊犁厄魯特總管碩通著賞黃馬褂以示朕惠愛藩部臣僕之意予故喀爾喀扎薩克和碩親王貢楚克扎布致祭如例戊子

孝懿仁皇后忌辰遣官祭

景陵 諭曰長麟奏濟南府臨邑縣壽民孫祝現年一百三歲孫曾繁衍視履康強請旨旌賚等語孫祝期頤矍鑠食德飲和洵為壽世

麻徵所有應行建坊賞賚之處該衙門照例具題又諭土爾扈特汗策凌納木扎勒著在乾清門行走諭軍機大臣曰孫士毅奏安南夷人到川分別入伍耕種一摺所辦甚為周妥前據琅玕奏安插黎維祁屬下人等僅將該夷人分隸各標學習入伍其餘老弱婦女及不能食糧者如何令其永謀樂利之處未及通盤籌畫再分送江南安插者至今尚未據該省督撫奏到著將孫士毅原摺鈔交福崧琅玕閱看仿照辦理己丑安南國王阮光平陪臣吳文楚等金川木坪宣慰司甲勒叅納木卡等三十人哈薩克汗杭和卓之弟卓勒齊等五人入覲

上御卷阿勝境召見同扈從王貝勒貝子公大臣蒙古王貝勒貝子公額駙台吉等回部王公伯克緬甸國南掌國使臣臺灣生番等賜食並賜安南國王阮光平詩餘各賞賚有差

御製詩曰瀛藩入祝值時巡初見渾如舊識親
伊古未聞來象國勝朝往事鄙金人九經柔
遠祇重譯嘉會於今勉體仁武偃文修順
天道大清祚永萬千春○諭曰今歲因朕八旬
壽辰普天同慶是以恩澤覃敷宗室覺羅內
有獲罪發遣監禁者著交宗人府將發遣監
禁人等查明並將其犯罪情由年月開錄清
單奏聞以俟朕酌量加恩○又諭熱河監禁
之弘敏已經十有餘年而其原犯情罪亦不
甚重著施恩將弘敏放出交該族長嚴加管
束如再生事端自必加倍治罪○諭軍機大
臣曰畢沅奏審擬均州民人賀廷選等燒香
念佛一摺照捏造妄誕妖言惑眾大逆例將
陳季升等問擬凌遲妻女給功臣之家為奴
竟以悖逆辦理實屬錯謬此案前據該督奏
到時朕以此等無知愚民不過念誦俚鄙經
語編寫佛號治以哄誘騙錢之罪即可了事
何必張大其詞作為邪教業經降旨飭諭想

畢沅尚未接奉故仍照大逆問擬即如該犯
等咒語內祇稱西天古佛八大金剛觀音羅
漢人人共曉之常談如小說鼓詞之類並非
不法匪徒編造狂妄詞語干犯教令者可比
安得謂之大逆亦並不得謂之邪教乃畢沅
竟指為罪大惡極分別擬以凌遲斬決何不
知輕重至此試思鄉愚無知燒香念佛施捨
錢文何處無之若概視為邪教紛紛搜捕亦
復成何政體倘遇有實在邪教轉恐不能認
真查緝以絕根株而於哄誘誑錢無關緊要
之事如此大辨以見其留心民社畢沅尚屬
讀書曉事者尤不應錯謬若此著傳旨嚴行
申飭並著遵照前降諭旨另行妥協辦理○
庚寅諭降調雲南布政使候補道員李承鄴
平日尚屬能事今吏部帶領引見朕看其年
力就衰起跪亦覺艱難著加恩賞給按察使
銜准其休致以示體恤○又諭山東平度州
張子布羅有良彼此互毆羅有良跌壓羅王

氏身死一案。先據長麟奏。萊州府知府徐大榕。審係羅有良將張子布毆傷待斃。羅有良畏懼。自將伊母羅王氏踢死屬實。因執己見。任意妄斷。因降旨將徐大榕革職。等因。嗣經徐大榕遣人赴刑部衙門控訴。將原呈卷宗供指進呈。朕詳加披閱。徐大榕所指各情節。似屬確鑿。可據。案情出入。所關甚大。不可不審訊明確。以成信讞。因命胡季堂。吉慶前往東公審訊。復據長麟審明張子布踢死羅

王氏屬實。將張子布照罪人不拒捕而擅殺例。問擬絞候。徐大榕發往新疆。朕又因該撫所審情節。疑實甚多。節經降旨。指明案內緊要關鍵。令胡季堂悉心研鞠。茲據奏稱。正在詳檢羅王氏尸骨間。羅有良忽自行供出。伊於張子布蹬倒伊母聲喚時。因張子布掙起要跑。伊曾用力向拉。致自跌伊母身上。併將張子布帶跌。而伊在下。以致壓斷伊母肋條等因。隨逐一檢驗。實係羅有良跌壓羅王氏

肋骨折斷致斃。巡撫長麟不能審出實情。將張子布定為正兇。今其將因何錯誤之處。自行明白回奏。隨同該撫驗審之道府歸朝照等請解任究訊。徐大榕雖所訊供證未確。而指定正兇。並無錯誤。俟另行分別擬議具奏等語。此案朕以羅有良既同羅王氏共毆張子布。何以忽又躲避外出。置伊母於不問。豈羅有良反不知伊母如何被張子布踢斃。而轉以案外之羅劉氏作證。且張子布踢死妻

母。律應問擬斬候。何以該撫反引罪人不拒捕而擅殺律。問擬絞候。似恐案情不實。曲為調停。因逐層指問。今胡季堂等審出羅有良自認用力向拉張子布。致張子布並伊同跌壓伊母身上。而伊在下。致折斷肋骨身斃。是羅有良並非有心致死伊母。但誤傷父母致死。者應問斬決。而違犯教令為匪不端。致父母羞忿自盡者。亦應擬絞立決。若如該撫前奏。則該犯羅有良竟得倖逃顯戮。而張子布

之妻既被羅王氏意欲另行嫁賣又誣認踢死妻母問擬絞候亦屬冤抑莫伸可見天理昭彰羅有良不待追究即自行承認種種情節皆不出朕之所料胡季堂吉慶辦理此案盡心詳鞠審出確實證據甚屬可嘉均著交部議敘濟東泰武道歸朝煦泰安府知府宋思仁武定府知府唐若瀛瞻徇上司承審不實俱著解任其是否聽從長麟隨聲附和抑係有意開脫朦混之處交胡季堂等一併歸

案訊明定擬具奏巡撫長麟參革知府徐大榕俟胡季堂等審明定案時再降諭旨至前據徐大榕呈稱臬司先委武定兗州二府會審逆子供認不諱將兇鞋過硃入庫一節此係緊要憑據前經指出詢問今胡季堂等未將兇鞋究出下落聲明並著一體訊明隨案覆奏再登萊青道奇明曾與歸朝煦會審此案何以胡季堂等僅將歸朝煦等奏請解任竟置奇明於不問即該道未經承審而平度

州萊州府是其專管乃所屬府州於此等重案未能訊出實情奇明漫無覺察竟同聾瞶本有應得之罪知州郭清芳係首先承審之員於相驗羅王氏時既不能細心詳察兇器比對傷痕遺漏錯誤又妄指張子布為正兇率行具詳以致府道臬司巡撫彼此各執一見幾成冤獄胡季堂等摺內亦未將如何審訊問擬之處先為聲敘均著再行嚴審確實一併定擬具奏○以吏部右侍郎朱珪為安

徽巡撫旌表守正捐軀湖北江陵縣民賀成章女賀氏○辛卯諭曰沈初著調補吏部右侍郎仍兼署禮部侍郎事務所遺兵部右侍郎員缺即著劉綬補授○又諭曰台斐音奏查勘永平府被水衝塌旗房應移建高阜之處並請借給官兵俸餉修理軍裝器械等語永平府駐防兵丁被水官房浸濕軍裝器械理宜修補著照台斐音所奏賞借官兵半年俸餉銀兩其應修房屋即交該地方官迅

速受辦餘照所奏行○壬辰

上御澹泊敬誠殿賜扈從王貝勒貝子公大臣

蒙古王貝勒額駙台吉等同部王公伯克安

南國王及陪臣緬甸國南掌國使臣金川土

司臺灣生番等宴○癸巳中元節遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○吏部議准調任四川總

督孫士毅奏請成都府屬崇慶州地方遼瀾

最易藏奸請將瀘州直隸州州同移駐崇慶

州之懷遠鎮添設外委一員於城守營內抽
撥兵丁十名帶領協防衙署於裁汰瀘州州
同舊署估變建蓋俸廉役食於瀘州州同衙
門內向有之數酌撥其添設外委汛署及兵
丁卡房等該督既稱計費無多即由本省通
融酌辦毋庸動項應如所請從之○以革職
雲南浪穹縣屬鳳羽鄉土巡檢尹煒堂姪見
道襲職

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十八

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百五十九

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務工部錢法堂事務禮部世襲副都統世襲副都統和七級隨帶加一級尋常加二級軍功紀錄一次臣履桂

總辦官經筵講官太子太傅文淵閣大學士文淵閣領閣事稽察欽奉 上諭事務處管理刑部戶部工部事務

世襲副都統軍功加十九級隨帶加二級又加二級尋常加二級軍功紀錄一次臣履桂

尋常紀錄十四次臣德瑛經筵講官太子少保工部尚書紀錄六次尋常紀錄尋常

秋修

乾隆五十五年庚戌七月甲午朝鮮國正使

黃仁黈副使徐浩修等入覲

上御卷阿勝境召見同扈從王貝勒貝子公大

臣蒙古王貝勒貝子公額駙台吉回部王公

伯克安南國王及陪臣緬甸國南掌國使臣

金川土司臺灣生番等賜食至丁酉皆如之

諭軍機大臣曰梁肯堂奏委勘永平府城

及天津朝陽兩縣被水情形一摺內稱灤州

樂亭豐潤玉田等州縣並天津四鄉及口外

朝陽俱因六月下旬陰雨連綿河水陡發窪

地田禾間被淹浸民房多有坍塌現在飭委

道員分往查勘等語永平天津等處因夏雨

稍多河流漲發民房廬舍不無被淹坍塌其

低窪地畝亦間有損壞之處自應詳晰履勘

加意撫綏即一隅偏災亦不可稍存諱飾梁

肯堂現在派委道員分往查勘撫卹俾災黎

均霑實惠毋使一夫失所至上年天津青縣

靜海等處亦因春夏雨水較多以致田禾受

淹此次被災情形較上年輕重若何究於秋

成有無妨礙並上年被水各款收之處一併

詳悉查明據實速奏以慰廑注又諭曰劉

秉恬奏北倉截卸漕糧事宜業已完竣現在

回至通州辦理收兌事宜俟全漕告竣即趨

赴行在叩覲等語本年全漕抵通較上年連

閏月共早至兩月一切起卸回空辦理雖屬

從容但現值兌收江廣幫船漕米而督飭回

空等事在在均關緊要若該倉場於此時前

赴行在瞻覲不能親身督率料理恐江廣尾

幫起卸回空不無遲滯著傳諭蘇凌阿劉秉恬務須趕緊驗收使江廣漕糧及早兌交俾得迅速回空方為妥善不必前來行在仍照例於朕回鑾時在南石槽接駕叩覲亦不為遲○乙未諭吐魯番二等台吉丕爾敦乃額敏和卓之子年來亦頗奮勉著加恩作為一等台吉以示朕惠愛宣力舊回僕之意○旌表守正捐軀河南安陽縣民閭榮山女閭氏丙申諭據嵩椿等奏大凌河河水漫溢錦

州九關臺旗民房屋被水等語本年六月因雨水較大河水漫溢錦州九關臺旗民房屋被水殊屬可憫窮簷口食不繼未免失所著加恩無論旗民統各賞給兩月口糧且似此災黎理宜急速救援一面賑發一面具奏乃嵩椿等尚以暫行貸給秋後追償為請候命下日始行賑發等語甚屬拘泥竟不曉事體之緩急嵩椿等俱著嚴行申飭現在九關臺地方被水甚重嵩椿著不必來京於何處接

奉此旨即速赴九關臺宜興亦著赴錦州九關臺地方一同查勘辦理此事妥協後伊二人再回盛京○諭軍機大臣曰長麟奏平原禹城等縣自六月二十四日起至七月初七八日雨水連綿馬頰等河水勢盛漲漫溢田禾房舍間被淹浸臨邑陵縣等處低窪地面田禾亦有浸傷長麟現在馳赴各處查勘等語本年東省雨水調勻田禾暢茂可望收成豐稔今因六月二十四至七月初七八等日

陰雨較多平原禹城及臨邑陵縣等處村莊田禾間被淹損殊為可惜長麟聞稟即親往各處查勘務須妥為撫卹俾災黎均霑實惠其被淹田禾將來或致成災不可稍有諱飾至坍塌房屋無力貧民俱應酌給修費積水處所亦應設法疏消著該撫詳確履勘實力妥辦毋使一夫失所以副朕軫念災黎至意並將如何酌量撫卹各該處被水輕重情形田禾是否可望有收之處即行迅速覆奏以

慰厯注○丁酉諭大凌河馬殿著派伊齡阿於八月底大田刈穫後前赴該處秉公查勘辦理具奏○諭軍機大臣曰琅玕奏據稟報耆民王萬春等六十名現交進京使員照料起程等語前恐各省耆民等情殷葵向思欲速來効悃祝釐此等年老之人正須頤養跋涉辛勤轉非朕安老引年之意特明降諭旨令各督撫轉飭地方官出示曉諭不必來京琅玕自應遵照辦理乃以浙省耆民情詞懇切難以阻止准其進京叩祝殊不曉事但該耆民等業已啟程前來此時亦不便令其中途轉回俟到京後查照向例酌予恩賚第恐附近京城各省督撫聞知離京較遠之浙江老民尚准其進京慶祝而江南山東直隸等省皆欲從而效尤各處年老之人跋涉遠來未免長途勞頓或因水土不服偶生疾病豈體恤高年至意况前次恩詔內已令各省查明賚以粟布銀兩是耆民俱經溥被恩施各

督撫等務須仰體朕懷不得因浙省耆民業已來京輒思踵事即老民等再三籲請亦應將前降諭旨內優加體念之意諄切曉諭斷不可令其前來徒滋勞頓除就近傳諭梁肯堂外將此傳諭江蘇安徽江西湖廣河南山東山西陝西各督撫並諭琅玕知之○又諭據蘇凌阿等奏現在湖廣軍船業已全數起竣止餘江西漕船四幫趕緊辦理不日即可竣事統俟起卸全完再趨赴行在叩覲等語前以起卸回空等事在在均關緊要雖本年全漕抵通較上年早至兩月辦理儘屬從容而該倉場等必須親身在彼督率趕緊驗收方能使江廣尾幫及早回空受兌是以諭令該侍郎等照例在南石槽接駕不必前赴行在叩覲著再傳諭蘇凌阿劉秉恬務須遵照前旨將現在抵壩軍船竭力起卸一面即委員押催回空南下俾得早回一日即早兌一日新漕方為妥善該侍郎等總不必急欲趨

赴行在以致收兌稽遲也○又諭據夢吉等奏本月十五日接得穆和蘭題本一箱本箱破損封鎖不全當堂查閱惟有批文一紙內註寫正副各六本查點並無本章其隨本揭帖點單內開二十封此外短少部科等衙門揭帖五封一面咨明直隸沿途挨查一面咨照河南補行題咨等語各省具題本章事關緊要何致到通政司衙門竟有本箱破損本章全無之理況沿途齎遞上下按站接替齎

本馬夫既見本箱破損何以不行查明遽為接遞事關題本不可不徹底根查除就近諭知梁肯堂派委員弁逐站挨查外著傳諭景安一體嚴行查究其本箱破損本章全行失去究係起自何站是否另有別情迅速查明具奏○戊戌

上御萬樹園大幄次賜哲布尊丹巴呼圖克圖噶勒丹錫呼圖克圖及衆呼圖克圖諾們汗喇嘛等並蒙古王貝勒貝子公額駙台

吉等宴賞賚有差○諭本年乃朕八旬大慶寰宇普被恩膏宗室覺羅內永遠圖禁人等亦應加恩曾命宗人府將此等所犯情節查明具奏今據宗人府將空房圖禁宗室覺羅原犯情節查奏此內宗室平住明強博端覺羅舒明阿安福巴通阿之妻孀婦及閑散覺羅花沙布之女等七名口原犯情節尚屬可原著加恩俱行放出仍交各族長嚴加約束如不安分復又滋事不但圖禁仍加重治罪

將此交宗人府明切曉諭其情節較重者照常圖禁○吏部議失察句容縣糧書侵蝕錢糧之歷任該管上司及前任兩江總督李世傑等照例分別降調得旨江蘇句容縣糧書侵蝕錢糧漕米一案該省各上司漫無覺察銅弊相沿以致奸吏蠹書吞侵銀米累萬盈千重徵累民莫此為甚非尋常失察可比是以將總督書麟革職拏問發往伊犁効力贖罪巡撫閔鶚元知情不舉定以重辟李世傑

係前任兩江總督在任已歷一年於此等重案不能先事嚴查叅奏其咎實與書麟相埒本應嚴加治罪姑念伊平日尚屬能事現已年力就衰染患兩腿軟弱之疾亦難望其就痊今在京供職步履維艱不能當差辦事且伊籍隸貴州距京較遠李世傑著加恩以原品休致令其回籍所有歷任失察之該管司道府等官均照該部所議劉墀著革去職銜成汝舟夏家瑜鶴齡張銘金汝珪初之朴俱

著革職索寧安方煒著降二級調用餘依議○已亥諭直隸盜犯馬十一案司道府縣等審辦遲延劉戡未經查催尚係因公失察非江蘇高郵句容兩案書吏冒徵侵蝕有累閭閻書麟並不據實嚴叅聞鶚元知情不舉者可比且伊身任直隸總督有年辦事尚屬勤慎所有兵部尚書員缺著加恩即以劉戡補授○又諭曰琅玕奏耆民王茂源等俱年臻八十以上五世同堂請旨錫予恩賚等語王

茂源錢奇俊葉瑞元王兆霈俱年登耄耄膝繞曾元洵為盛世休徵所有應行賞賚之處著該部照例辦理○以內閣學士胡高望為兵部侍郎○以貴州督糧道孫曰秉為湖北按察使○旌表守正捐軀河南郟縣民趙清門妻田氏○庚子諭廣東左翼鎮總兵係水師要缺著該督於通省總兵內揀選一員調補所遺員缺著黃大謀補授○又諭曰姚荼奏彭澤縣職員袁大正年八十一歲五世同

堂南昌縣耆民林子貞年一百二歲請錫賚旌表等語袁大正林子貞精神矍鑠曾元繁衍實為壽宇嘉徵所有應行建坊旌表及錫賚之處著該部察例具奏○又諭曰福崧奏銅沛同知何堂承辦壩工並不細察情形實心經理已有應得之罪復將應賠工料違例浮報非尋常計料不實者可比請發往烏魯木齊効力贖罪所有糜費工料不准開銷等語銅沛同知何堂於所管汛內減水石閘一

座宣洩黃水後即照例堵閉因上年伏秋二汛較大河身衝刷寬深該同知在河口築壩一道希冀水勢順流易於施工乃該處正當黃水坐灣不能抵禦以致兩次壅塌雖所辦不合機宜多糜工料但究係因公起見與浮冒虛捏者不同祇應將所費工料銀兩不准開銷予以薄懲已足蔽辜今該撫問擬發往新疆効力贖罪所辦未免過當何堂著革職留任所有此項糜費銀兩著落照數賠繳○

辛丑諭安徽巡撫何裕城自簡任以來小心謹慎今於途次患病身故所有任內降革罰俸處分及應行賠繳銀兩俱著加恩寬免○又諭曰明興將偷換去歲秋季玉石之張殿魁等察出分別定罪具奏請旨明興於此項偷換玉石盡行查出殊屬妥善著施恩賞給大荷包一對小荷包二對以示鼓勵張殿魁身為兵丁隸役錢糧重地膽敢起意偷換官玉情殊可惡若僅定擬絞罪俟來年秋後處

決仍不足以示懲儆張殿魁著改入今歲秋審情實接旨後即行絞決餘俱照所奏行○諭軍機大臣曰明興奏葉爾羌上年秋季送京玉塊私行偷換一案係該處糧餉局當差綠營兵丁張殿魁等舞弊偷易等語本年四月葉爾羌解到玉塊竟有將石子抵換者當即詢問福崧據稱此項解京玉塊裝箱時俱係伊逐一親加檢點包裹在該處並無弊竇想係中途竊換自以為辦理周密今明興查出即係當差兵丁在該處私行偷易福崧在彼竟漫無覺察轉以眼同裝箱捏詞支飾其咎實無可辭本應嚴加治罪姑念伊到江蘇後於句容縣糧書侵蝕錢糧漕米一案不避嫌怨秉公叅奏辦理尚屬認真是以加恩寬宥若嗣後於巡撫任內一切地方公事不思實力整頓釐剔亦如在葉爾羌光景稍事模稜一經發覺必將該撫加倍治罪決不再為寬貸將此諭令知之○壬寅

上自避暑山莊迴鑾○是日駐蹕喀喇河屯行宮○癸卯諭據周樽奏安徽涇縣貢生胡先染監生查時世休寧縣耆民張之寬俱年登耄耋五世同堂請照例錫賚等語胡先染等壽履康彊門庭行慶洵為盛世嘉徵所有應行賞賚之處著該部察例具奏○又諭舉人秦錫疇前於伊祖秦雄飛在甘肅道員任內出具折收監糧印結一案革去舉人究係伊祖之咎與伊無涉秦錫疇著加恩准其捐復

○諭軍機大臣等二十三日夜間密雨連綿昨日辰刻方止夜間又復有雷雨連宵勢甚滂沛至二十五日丑刻方見開霽直隸永平天津等處前因雨水稍多河流漲盛田禾廬舍間被淹浸已據梁肯堂委員查勘昨又令該督親往永平察看加意撫卹矣今又連次大雨直隸各屬秋禾正在結實刈穫之時恐不免又有被淹之處著傳諭梁肯堂即飭屬確切查明二十三等日是否同時得雨過

多於秋田有無妨礙據實迅速覆奏不可稍存諱飾○又諭刑部題覆署江西巡撫姚綬審擬劉士湖致傷胞兄劉士鵬身死雖據該署撫聲明傷由誤中並非逞兇干犯但服制攸關自應按律將劉士湖定擬斬決一本朕詳加披閱劉士湖因親兄劉士鵬派挑祭禮蹲立階下用錐修整扁擔劉士鵬斥其遲慢揪揪向下按打劉士湖被揪疼痛兩手向上遮護連錐並舉因錐尖向上致傷劉士鵬左

肋殞命情節殊未確實劉士湖被伊兄揪打之時若僅將兩手遮護何必持錐不放即云正在用錐修整扁擔被揪負痛迫不及待未經將錐放下即順手遮護則錐尖亦未必恰好向上遂致劉士鵬傷重殞命劉士湖顯係有心持錐抵拒豈得謂之誤傷向來毆死胞兄之案巡撫具題時另將可原情節聲明者係因胞兄忤逆父母聽從父母之命毆斃胞兄或見胞兄毆打父母救護情急致將胞兄

毆斃方准於本內聲明今劉士湖持錐致傷伊兄劉士鵬左肋殞命明有干犯抵格情事何得以傷由誤中聲明輒思為該犯未減罪名姚茶久任臬司於刑名案件自應諳晰況甫經擢署巡撫正應遇事認真詳慎乃竟有意沽名將此等服制有關重犯違例聲請殊屬有負委任長此安窮甚不合也姚茶著嚴行申飭除照簽將劉士湖按律斬決外將此諭令知之○是日駐蹕常山峪行宮○甲辰

諭曰胡季堂吉慶審明平度州民羅有良與張子布互毆將張子布扭拉自跌伊母羅王氏身上壓傷肋骨身死除巡撫長麟業經奏請治罪外所有承審各員及此案各犯證一併分別議擬一摺羅有良因伊母羅王氏被張子布毆打蹬傷倒地該犯恐張子布跑脫力向扭拉先自閃跌伊母身上伊身在下以致壓折伊母肋骨殞命係屬誤傷致斃本非謀故毆殺者可比自應量從末減但伊母究

因該犯跌壓身死情雖可恕而法有難容羅有良著從輕改為處絞立決王浦身充鄉約始則教令伊姊羅王氏至張子布家訛賴搪塞繼復畧誘張羅氏雇給傭工情殊可惡若僅照擬杖徒枷號不足蔽辜王浦著改為發遣伊犁為奴以示懲儆至長麟業經自請治罪已交該部覈議其登萊青道奇明於所屬府州重案漫無覺察及署理臬司又隨同巡撫照供會詳竟同聲贖濟東道歸朝煦檢驗

羅王氏屍身遺漏肋骨重傷又於巡撫審定後會同率詳均屬溺職奇明歸朝煦俱著照擬革職已革萊州府知府徐大榕雖於所訊各犯供證不能確實但指定羅有良為正兇並無錯誤且若非該員遣人赴部呈訴則此案幾成冤獄徐大榕著即開復所有歸朝煦奇明徐大榕俱著該部帶領引見餘俱著照胡季堂等所奏辦理○諭軍機大臣等本日召見江寧將軍永慶詢據奏稱經過山東平

原等處因七月初旬雨水稍多。溪河漲發。道路泥濘。房舍田禾。亦有被淹等語。旋聞胡李堂等奏。片內亦稱。濟南以西。禹城平原等縣。聞有被水之處。俟經過時。察看情形。再行面奏。等語。東省平原禹城等處。因入秋以後。雨水連綿。河水漫溢。以致村莊田畝。猝被淹浸。雖前據長麟奏稱。現在親往該處查勘。但該處災黎如何量加撫卹。積水處所如何設法疏消。尚未據該撫續行奏報。朕心甚為軫念。著傳諭長麟。即將該處實在情形。詳細履勘。其被水各縣。應行酌加賑卹。各事宜。並田禾是否可望有收。究有幾分之處。迅速查明。據實覆奏。毋得稍有諱飾。○又諭本日。騰越鎮總兵劉之仁。前來行在。接駕該鎮。係派令來京祝嘏之員。現在雖有蘇爾相在彼署理。但騰越係邊關緊要地方。為緬甸出入經由之路。此時該國長納款輸誠。業已恩准開關通市。該處夷民交易往來。正資大員彈壓。劉之

仁係朕無意中照例派出。該督亦應酌量邊地情形。不妨據實奏留。何竟未計慮及此。現在該鎮業已遠來。即令其速返。亦不及辦理。開關通市之事。著傳諭富綱。嗣後一應事務。須通盤籌畫。料理周到。縱當邊疆寧謐之時。於鎮將大員。亦不可輕為更動。致易生手。或有辦理不善也。○旌表守正捐軀直隸冀州民劉根聲妻趙氏。○是日駐蹕兩間房行宮。乙巳諭本年朕八旬壽辰。各直省文武大吏。齊集京師者。多率土臣民。共伸祝嘏。兼之辦理慶典。點綴商匠雲集。人數實衆。京城米價。不無稍增。現在京倉米數。充盈著發。給發米三萬石。照時價減糶。所有五城監糶事務。著派胡季堂保成。諾穆親。蔣賜榮。鐵保。吉慶。虔禮。寶。姜。晟。德。成。張。若。淳。每城二人。妥為經理。於八月初一日起。開倉平糶。以平市價。而裕民食。副朕行慶施惠有加。無已至意。○又諭曰。書麟前在兩江總督任內。因高郵州

句容縣書吏等舞弊並未查出竟同木偶已將伊治罪矣第念伊所犯之罪究係失察尚非如閔鶚元意存護庇屬員擾害百姓者可比書麟著施恩賞給頭等侍衛職銜前往哈密更換伊桑阿○諭軍機大臣曰周樽奏據宿州管河州同金成華稟稱該州濉河因開放天然閘水勢隨長連日雨大風狂各處漫溢之水下注以致趙李等莊民淹漫溢即日起程前往查勘又於途次接據宿州知州姚

繼祖稟稱七月十二三等日上游黃水不循河路泛溢而來西北兩鄉各村集秋禾被淹濉股等河新舊隄埝悉皆漫溢等語宿州濉河等處因連日雨水較多河流陡長而西北兩鄉又因上游黃水會歸下注看來此次水勢情形較為漲盛該處村莊隄埝不無淹浸漫溢廬舍田禾亦間有損壞之處現在周樽雖已馳往查勘督率該州縣妥協辦理但該藩司初到安徽於該處地方水利情形恐未

能熟悉朱珪係新任安徽巡撫現今尚在京師不過隨班慶祝無關緊要今宿州既經被水一切疏濬撫卹事宜在在皆應悉心詳勘實力妥辦著該撫即日由京馳驛速行前赴安徽親往宿州察看水勢情形所有漫溢隄埝亟應上緊修補其市集民廬如有損壞田禾或致被淹俱著逐一勘明加意撫卹不可稍存諱飾俾災黎均霑實惠朱珪未到之先仍著周樽履勘被水情形詳慎妥辦毋致一

夫失所並將如何設法疏消積水及被淹田畝是否成災之處先行迅速查明據實覆奏以慰廑注○是日駐蹕要亭行宮○丙午諭曰浦霖奏湘陰縣民胡先哲生員顧尚傑善化縣監生楊士彥湘潭縣民胡錫蓮醴陵縣監生易子範張居閩攸縣武生王命卿城步縣民楊志宏武陵縣舉人楊健俱年屆八十以上五世同堂又善化縣壽婦羅任氏清泉縣壽婦鄭王氏安鄉縣壽婦張計氏俱年踰

百齡五世同堂請分別賞資旌表等語。耆民胡先哲等暨壽婦羅任氏等暨鑠康疆門庭衍慶洵為昇平人瑞。所有應行賞資及建坊旌表之處著該部察例具奏。○又諭據福崧奏徐州府屬之碭山縣東南一帶緣毛城鋪土壩刷寬過水臨河民堰漫缺下注大隄內外民田廬舍間被淹浸其蕭縣地方因黃水漫灘匯注洪河不能容納附近田畝亦有被淹該撫現在親往履勘督同該府縣等分別撫卹請賞給一月口糧以資接濟等語江南碭蕭二縣均係積歉之區今因毛城鋪裏頭刷寬河水漫溢以致附近田廬間被淹浸雖現據韓鐸等奏業經補築完竣河勢漸次歸槽但該處民食維艱自應亟為賑卹俾得餬口有資著照福崧所請即於河庫撥銀一萬兩解赴工所以為撫卹之用該撫務須督率所屬加意妥辦按照被災戶口覈實散給使窮簷均霑實惠不致一夫失所以副朕軫念

災黎至意。○諭軍機大臣曰韓鐸等奏毛城鋪裏頭壩尾現已補築完竣王平莊民堰漫缺進水之處亦漸淤窄並於碭山縣一帶大隄酌做挑水壩草壩俱一律穩固無虞等語昨據周樽奏安徽宿州地方因上游黃水不循河路泛濫而下以致該處西北兩鄉各村集秋禾間被淹浸隄埝亦皆漫溢當經降旨令朱珪迅速馳往查勘又傳諭福崧令其親赴該處實力察看妥協朕心正切屢注茲又披閱韓鐸等奏到之摺知大河水落工平毛城鋪西裏頭刷寬之處已於二十二日補築完固大河水勢業經歸槽則下游宿州被淹之處自可漸次消涸覽奏稍慰朕懷著再傳諭福崧馳抵宿州後務須遵照前旨督同妥辦勿使一夫失所迅速覆奏並著韓鐸蘭第錫所有補築壩壩必須堅實完固其碭山縣大隄及淮南廳瓦房工段汕刷處所亦應一律搶鑲結實倍加敬慎以期秋汛平穩不可

稍涉疎懈○又諭昨據周樽奏安徽宿州地方因雨水過多各處之水會歸下注上游黃水亦不循河路泛溢而下以致該處西北兩鄉各村集秋禾間被淹浸隄埝亦皆漫溢此語甚不明白所謂上游黃水係隄內之水乎亦係漫隄而出之水乎著韓鐸蘭第錫速行回奏雖周樽現已親往查勘降旨令新任安徽巡撫朱珪即日迅速由驛前往察看情形妥為撫卹今恩周樽甫經到任於安徽地方情形固不能熟諳而朱珪人亦誠實於安徽巡撫亦係初任辦理疏消賑卹一切事宜究恐未能周妥且甫經起身亦不能即時趕到現在江蘇年成尚好無甚緊要之事且孫士毅此時想已可抵清江福崧接奉此旨後將督印交孫士毅接管即日馳驛迅速前赴宿州賢同周樽及該州縣等將漫溢隄埝上緊修補其市集民廬如有損壞田禾或致被淹俱應逐一勘明加意妥辦毋使一夫失所該

撫馳抵宿州後如何設法疏消積水及淹浸田禾是否成災先行由驛馳奏以慰屢注如此旨到時孫士毅尚未前抵江寧福崧亦應即日馳往不可拘泥等候孫士毅交卸篆務致有遲滯將此傳諭知之韓鐸蘭第錫之事尤為緊要仍即迅速覆奏○又諭曰景安奏查明永城夏邑二縣被水情形一摺內稱現在洪溝河減水溝漲溢係因江南碭山縣王平莊臨黃民埝漫溢過水由毛城鋪開口流入以致漫及永城東北鄉潘陸道口等處村莊又自碭山之三岔河紀家窪漾及夏邑縣之東北鄉等處村莊此時被水居民遷避高阜乏食貧民酌借口糧等語永城夏邑二縣之東北鄉猝被水淹雖屬一隅偏災不可不確切查勘加意撫卹著傳諭景安督飭所屬實力妥辦其乏食貧民即著賞給一月口糧以資安頓毋使不肖吏胥從中侵蝕務俾災黎均霑實惠方為妥善至上游毛城鋪西裏

頭漫刷之處。已據韓鏞等奏稱。於二十二日一律補築完固。則永城夏邑被水。不過交界處所。自可漸次消涸。是否仍可播種秋麥。並如何查勘撫卹之處。即行迅速覆奏。以慰廑注。○軍機大臣等奏。湖南湘鄉縣民童高門。在密雲途次叩關。呈控該縣糧書莫青桂等。碾穀代漕。折勒重徵。得旨。此案著派王昶。馳驛前往審辦。不必前赴行在請訓。所有叩關之童高門一犯。著照例解往。其隨帶司員。著一併馳驛。○是日駐蹕密雲縣行宮。○丁未諭本年屆朕八旬壽辰。自當照例將秋朝審情實人犯。加恩停其勾決。而刑部九卿科道等。因係停勾之年。於各省秋審朝審招冊案犯。覈議具題時。想亦不過虛應故事。未必照每年詳慎辦理。但其中有情罪重大者。如糾衆搶劫。奪犯傷差。妖言惑衆。逞兇殘殺。並官員侵漁帑項。勒斂民財之類。非殘忍不法。即有關於民俗。官方予以監候。已屬法外之仁。

使更久稽顯戮。不特死者含冤莫釋。而莠民奸吏日遠漸忘。非所以肅刑章而昭炯戒。刑部以為應仍於秋後勾到者。果本不多。朕矜慎庶獄。不厭詳推。所有此次刑部另開情重各犯。仍著會同九卿科道。和衷研覈。倘有覈其情節。尚可緩至明年者。九卿科道等不妨切實指出。簽商。獄獄大典。在常時尚宜詳慎。況際此行慶施惠之時乎。至御史謝清問前次條陳各款。內有刑部問擬罪名。不宜加從。

重字樣一條。顯係沽名邀譽。已明降諭旨。扶其隱微。但既有此奏。刑部九卿科道。於覈議情重人犯時。即著謝清問在旁聽察。將此等人犯。是否實係情真罪當。不能不從重辦理之處。逐案指示。以服其心。若謝清問另有所見。亦不妨隨同簽出。以示朕慎重刑章大公至正之意。○又諭曰。郭世勲奏。博羅縣民湯干城。年逾八十。身及五代。現有子孫六十餘人。共處一堂。請予錫賚等語。湯干城壽逾八

旬五世同堂洵為昇平人瑞所有應行賞賚之處著該部察例具奏○諭軍機大臣等昨密雲途次有叩閭湖南民人童高門即交軍機大臣會同刑部訊問據供係長沙府湘鄉縣人充當區首乾隆五十二年該縣糧書彭重美等五人違例勒折漕米每石折銀五六兩不等伊運米十石到倉延擱不收屢經控告又復宕延不結只得交銀四十七兩五錢作米十石至交納錢糧每兩須紋銀一兩三

錢若花戶交納每兩外加至五六錢不等伊交納糧銀八錢零六厘業有串票差役彭祥等又向催徵復給大錢一千六百五十文等語所控情節俱關該縣戶書勒折重徵有干法紀已降旨令王昶馳驛前往秉公審辦矣朕思外省書吏舞弊侵漁之事自所不免加以官官相護惡習牢不可破即如江南高郵句容二縣假票冒徵捏完作欠歷年竟習以為常一經查辦始相繼破露可見童高門所

控勒折重徵等事未必無因自應徹底根究以成信讞吉慶辦理盛京官地及審擬平度州民羅有良跌壓伊母致死二案均能公正自持不稍瞻徇今該侍郎於一二日內即可回京著傳諭吉慶如已抵京即速行束裝赴楚會同秉公審辦倘於途次接奉此旨亦即由該處馳往秉公審辦悉心研鞫將該戶書等如何違禁勒折串差舞弊是否確有實據抑係童高門有挾嫌誣控之處秉公查審據

實具奏不可稍涉顛預致負委任○又諭曰長麟奏濟南東昌等府屬因雨水過多田禾被淹者共計四十一州縣現在率同道府等分投查勘經理災賑事宜又據運河道沈啟震報稱衛河水漲致臨清州屬之姜家莊漫隄過水汕刷隄頂三十餘丈現亦加料搶鑲追壓月內即可趕築完固等語此次東省被災地方較為寬廣長麟既往各處履勘務須督飭所屬實力詳查妥為撫卹俾災黎均霑

實惠不可稍有靳惜。致有向隅。又據奏稱武定濟南三府舊有徒駭馬頰等河。因河身淺狹。復經積雨。彙注必致停淤。淺塞。請於查看後。照例確估土方。借帑興挑。分年徵還等語。本年春間。朕巡幸東省。道經該處。見馬頰等河。俱係乾涸。何以此時致有漲溢停淤之處。或因各處雨水過多。彙流該處。以致泥沙壅塞。自當亟為疏濬。且災黎等亦可以工代賑。自屬兩有裨益。著傳諭長麟。即照所奏妥協辦理。其有去工較遠。及被災較重。老弱殘廢等戶。未能赴工傭食者。仍分別給予賑濟。並酌量借給籽種。俾得無誤春耕。該撫總須相度被災輕重。悉心籌辦。毋致一夫失所。以副朕軫念災黎至意。並將現在查勘情形。及衛河水勢。曾否全行消落之處。據實迅速覆奏。○又諭前據韓鐸等奏。毛城鋪西裏頭壩尾被水刷寬二十餘丈。近黃民埕漫缺。該壩下水下注。由洪溝河直下。以致蕭場兩縣地方。

被水。並據周樽奏。安徽宿州地方。因上游黃水泛溢而下。以致該處西北兩鄉。村集田畝。俱被淹浸。墾塍亦多衝缺。又據景安奏。現因江南碭山縣王平莊。臨黃民埕漫溢。由毛城鋪開口流入。以致永城夏邑二縣之東北鄉。猝被水淹。各等語。昨又披閱韓鐸等奏。到之摺。知大河水落工平。毛城鋪西裏頭刷寬之處。已於二十二日補足完固。大河水勢業經歸槽。則下游宿州被淹等處。自可漸次消涸。覽奏稍慰朕懷。但細閱圖內。毛城鋪過水以後。由洪河下注。該處南北民墾。皆有缺口。河南永城縣界地居缺口之西南。其安徽宿州自必在缺口之東北。宿州既係毛城鋪之下游。則永城夏邑地在西南。自必勢在上游。何以漫溢之水。又漾至該處。令人殊不可解。是否南北之水。左右分折而下。以致宿州永城夏邑等處。同時被淹。著韓鐸蘭第錫李奉翰。均各詳悉查明。繪圖貼說。呈覽。至河南永城。

夏邑東北一帶。既被水淹。所有歸隸以下各
隄工現在正當防汛之時。在在著重。俱關緊
要。著傳諭李奉翰韓鐸將現在豫省河工。是
否穩固情形。據實覆奏。以慰廑注。○又諭據
范宜清奏稱六月二十八日小凌等河水衝
決淹斃驛丁三十一名等語。從前嵩椿奏大
凌河小凌河水勢漫溢。即降旨命嵩椿宜興
前往錦州九關臺等處妥協辦理。想此時已
到該處。著寄信嵩椿宜興將被災驛丁一併
查明撫卹。○旌表守正被戕直隸遵化州民
王立妻孟氏。○是日駐蹕南石槽行宮。○戊
申
上詣
安佑宮行禮。○還圓明園。○是月欽差戶部右
侍郎韓鐸江南河道總督蘭第錫等奏報。河
工各閘壩分洩通暢。兩岸各工搶護平穩。其
洪灘等河減下之水。由泗山孟山等湖逸達
洪澤湖。湖心平行足資容納。批。皆賴

天地神明賜佑耳。又批。以手加額。覽奏欣慰。益
加儆慎。○湖廣總督畢沅奏伏汛安瀾。濱江
黎庶共慶安恬。得旨欣慰。覽之。莫為此滿足
之言。但當敬慎防守。○山東巡撫覺羅長麟
奏報收買小錢。令民間各赴錢店當舖售賣。
該商店以大錢五文。易民間小錢十文。彙總
交官小錢十文。官給大錢六文。在小民得以
無用之錢。易為有用之資。在商店亦得以五
文收買之本。即獲一文之利。無不踴躍交納。
得旨久而無懈可也。○又奏東省衛河水勢
盛漲。加築子埝晝夜保護。本月二十五等
日。又陡長水三尺餘寸。以致臨清府屬之姜
家莊漫隄。過水汕刷。隄頂三十餘丈。現在取
土加料。趕築完固。得旨覽奏俱悉。詳妥為之
俾受實惠。不可惜費。○又奏履勘禹城平原
等州縣。分別被水輕重。查明某村大小口應
領倉穀數目。填寫印票。當時給予俾其即日
請領。以資急濟。併飭查明某村應賑戶口名

數書寫木牌懸掛村內俾小民共見共聞吏胥無從侵蝕批未必能應去其甚者勉之又批一切詳妥為之俾受實惠○雲貴總督富綱奏酌籌開關通市事宜除騰越永昌現有原設稅口杉木籠暮福二處業已設汛駐兵查驗收稅外應於扼要之順寧府城及南河口兩處設卡稽查其自內地販貨出邊者在府城收稅給照於南河口驗票邊外販貨進內者在南河口收稅給照至府城驗票並於內地匯總之雲南驛地方責成大理府設卡查察又思茅同知之南關亦為出入必經要道應於該處撥役稽查掛號給照得旨立法難周行之在人勉力實辦無為空言

大清高宗法天隆運至誠先覺體元立極敷文奮武孝慈神聖純皇帝實錄卷之一千三百五十九

大清高宗法天隆運至誠先覺體元立極敷文奮武孝慈神聖純皇帝實錄卷之一千三百六十

監修總纂官禮部議官太子太傅文淵閣大學士文淵閣領閣事領侍衛內大臣稽察欽奉

史館纂修院事務正黃旗滿洲都統世襲騎都尉軍功加七級隨帶加一級奉常加二級軍功紀錄一次在慶柱

總裁官禮部議官太子太傅文華殿大學士文淵閣領閣事稽察欽奉

世襲騎都尉軍功加十九級隨帶加二級又加二級軍功紀錄一次在慶柱

尋常紀錄十四次在慶柱經進議官太子少保工部尚書紀錄六次在曾振鐸等奉

敬修

乾隆五十五年庚戌八月己酉朔

上御同樂園賜王貝勒貝子公大臣蒙古王貝勒貝子公額駙台吉回部郡王伯克安南國王及陪臣朝鮮緬甸南掌等國使臣金川土司臺灣生番等食至甲寅皆如之 諭昨據長麟奏濟南東昌等府屬因雨水過多田禾被淹者共計四十一州縣已傳諭該撫督飭所屬妥為撫卹第念東省此次被災之處較多小民生計拮据殊堪軫念該省現在修理城工需用繁多藩庫款項恐不敷賑卹之用

著於部庫撥銀一百萬兩照例解往以備賑卹如尚有不敷再行奏請動撥該撫務須督飭各屬悉心經理俾得均需實惠毋令一夫失所以副朕軫卹閭閻至意該部遵諭速行諭軍機大臣等據孫士毅奏保寧於七月初七日行抵成都交代印務即於是日由驛起程馳赴兩江新任等語計自七月初旬起程迄今將屆一月自可馳抵江省接印任事近來該省高郵句容等處偽印假串舞弊重徵以及糧書侵蝕銀米營私骫法弊竇叢生雖經大加懲創恐似此積習相沿弊端未能盡絕不可不留心稽察以期積弊肅清又該省河工鹽務均關緊要孫士毅到任後務須諸事實力稽察妥為經理該督受朕厚恩一切地方要務自必加意整頓不致稍有因循有負委任也將此傳諭知之 又諭據李奉翰等奏交秋以後河水節次驟長兩岸埽壩雖有行勢而屢加追壓益資堅穩瞬息白露

暑雨無多河水可期日漸減退各工保護平穩等語豫省黃河水勢六七月間屢次驟長刷逼隄根經李奉翰等督率屬員搶護穩固現在業過白露河水消落所辦尚屬妥協一俟奏報安瀾即將辦理各員交部議敘至南河豐碭廳引河出槽漫溢直注毛城鋪以致西裏頭刷寬過水蕭碭宿州等處間被淹浸昨據韓鏞等奏報西裏頭刷寬之處已經補築完固被淹各處自可漸次涸出且毛城鋪

原係洩水地方漫溢之水更易疏消著傳諭韓鏞蘭第錫即督率汛員等實力辦理設法疏導隄壩各工亦皆保護堅固如果河水消落工程平穩該督等奏報安瀾時亦必照李奉翰等之例特予甄敘用示獎勵該督等務須益加凜勉不可稍存懈怠也將此並諭李奉翰等知之○庚戌遣官祭

關帝廟○諭曰勒保奏泰州耆民任忝錫現年一百一歲孫曾繁衍請賞賚旌表等語任

忝錫壽逾百齡精力康強孫曾繞膝洵為昇平人瑞所有應行賞賚及建坊旌表之處著該部察例具奏又諭本日據郭世勲奏稱暹羅國王遣使進貢祝釐於七月十一日正貢船甫到副貢船尚未抵粵等語該國王情殷祝嘏恭進方物閱其表文歡欣踴躍具見惓忱但現屆八月初旬該國貢使抵粵較遲既未能如期到京隨班慶祝自毋庸即令趨緊行程著郭世勲將該國前後抵粵貢使人

等俱酌量令其緩程行走於年底到京隨入宴賞以示朕體卹遠人至意又諭曰琅玕奏浙江徵收漕務不能督飭妥協盡除積弊致有嘉善縣糧戶赴閩控告及嘉善二縣書吏舞弊之案獲罪重大懇即革任從重治罪等語浙江漕務向多弊竇琅玕身任封疆不能督率稽察於嘉善等縣糧書浮收舞弊之案毫無覺察實屬有負委任且此案與江蘇句容縣侵虧錢糧一案皆因書吏滋弊而書

麟尚係統轄之員琅玕則身為巡撫地方錢糧是其專責覈其情罪雖較閔鶚元稍輕而較書麟為重本應從嚴辦理姑念琅玕自知罪重悚惶待命懇請革任治罪尚屬具有天良除聽該部照例治罪再降諭旨外琅玕既屢獲愆尤又不能力除積弊且浙省巡撫兼綜鹽漕事務繁劇琅玕才具中平亦難勝任琅玕著賞給頭等侍衛職銜前往哈密辦事更換伊桑阿回京所有浙江巡撫員缺著海

寧調補其山西巡撫員缺著書麟補授書麟甫經獲罪念其平日居官尚屬小心謹慎現因補放巡撫一時不得其人是以棄瑕錄用書麟仍著帶革職留任八年無過方准開復該撫務宜益加感愧詎匏自新以副朕宥過施恩之意諭軍機大臣等據景安奏豫省本箱擦破遺落事件係在直隸滿城縣境內等語前經就近傳諭梁肯堂令其將遺失本章一事派委員弁逐站挨查今景安既查明

在直隸滿城縣地方失落何以梁肯堂轉未經奏聞著傳諭該督即將齋本馬夫袁直等嚴審究辦並將因何奏報遲延並滿城縣因何失察之處一併查明據實覆奏又諭據學政李長森奏到考試情形摺內稱棗陽縣考生蔣宗雅恃矜健訟控案不赴審訊於考試時面加詰究該生言語刁悍毫無愧懼即立予黜革等語諸生身列膠庠理宜謹飭自愛如果恃矜刁健妄生事端實有劣蹟不惟

予以褫革且應嚴行治罪若黜革之後心懷不平或致造言怨誹議論沸騰亦不可不嚴辦示懲以端士習著傳諭畢沅即將李長森所奏考生蔣宗雅詳悉訪查其抗不赴審是何案件平日有無逞刁唆訟不安本分之處倘有實在劣蹟訪聞既確即當治以應得之罪如係該學政意為好惡或有屈抑則李長森亦有不是該督務須秉公查究據實奏聞不可稍存回護也尋畢沅奏革生蔣宗雅遇

事生風借端訛詐實有劣蹟現飭臬司按擬得旨覽似此健訟應嚴辦○辛亥遣官祭昭忠祠諭曰據周樽奏鳳陽府屬之宿州境內村莊因上游水注民埕漫溢又靈璧縣係宿州下游該縣中北兩鄉間有被淹等語宿州靈璧因近日雨水較多該處村莊隄埝不無淹沒間閭未免失所所有被水地方著加恩賞給一月口糧以資接濟該撫務須督率所屬加意妥辦按照被災戶口覈實散給使

窮簷均需實惠以副朕軫念災黎至意該部遵諭速行○諭軍機大臣等據周樽奏宿州靈璧地方因黃水漫溢下注境內間被淹浸雖夏收尚屬豐稔但民力究不免拮据懇請借給一月口糧俾資生計等語本年夏秋間雨水較多黃河水勢屢次驟長朕心自六月初間即時刻厯注幸隄壩各工保護平穩現在已過白露可望安瀾實非黃河漫溢也宿州靈璧等處間被水淹祇係毛城鋪及天然

峯山等間減洩盛漲之黃水會注靈璧宿州該州縣地處下游因會流下注將趙李兩莊民埕漫缺過水並非黃河衝決乃周樽摺內竟稱黃水漫溢乍經披覽驚疑及細加閱看始能明曉周樽率據屬員稟報一任劣幕狡摺入告竟不親加檢點陳奏錯謬至此豈不知朕屢念河防無時或釋耶周樽著傳旨嚴行申飭將此並告蘭第錫等知之至該二處被水村莊田廬間有淹浸自應賞給一月口

糧以資接濟昨已遣令鳳陽府知府谷廷珍迅速馳回辦理撫卹諸事並著傳諭福崧朱珪督同周樽及該府縣實力撫卹妥為散給務使貧民均需實惠以副朕軫恤災區之意又諭昨降旨將海寧調補浙江巡撫其山西巡撫員缺將書麟補授矣山西布政使鄭源璣現在來京祝嘏書麟未到任之前所有該省撫篆之人護理除就近傳知鄭源璣令其即回晉省外著傳諭書麟不拘何地接奉

此旨即迅速赴任海寧交代印務即行連赴浙江巡撫之任如鄭源璫先經回省海寧亦即將巡撫印篆交其護理前赴新任書麟海寧俱不必前來請訓致稽時日將此各諭令知之以鑲黃旗滿洲副都統佛佳補授理藩院右侍郎仍兼副都統○壬子諭據額勒春奏黃平州武生王嗣文年一百一歲四代同居曾元統膝等語王嗣文壽逾百齡家風敦睦澤衍後昆實為熙朝盛事所有應行賞

之處著該部察例具奏○又諭曰周樽奏蕪湖縣民晉起鳳現年一百歲精神矍鑠請予旌表等語晉起鳳生逢盛世壽衍期頤洵為昇平人瑞所有應行錫賚及建坊旌表之處著該部察例具奏○癸丑諭司業銜郭鍾岳年一百十歲自福建原籍詣闕祝釐精神矍鑠步履康強洵為昇平人瑞著加恩賞給鴻臚寺少卿銜用示朕優眷引年至意○甲寅諭據保寧奏涪州生員甘克和江津縣民趙永年綿竹縣民王維祥什邡縣貢生戴國相西充縣民張積善皆年逾耄耋五世同堂等語甘克和趙永年王維祥戴國相張積善壽衍耆齡澤綿後嗣洵屬昇平人瑞所有應行賞賚及建坊旌表之處著該部察例具奏○又諭曰梁肯堂奏永定河自立秋後河流平順工程穩固白露已過各河水勢俱有減無增等語永定河兩岸工程該督督率道廳等修防保護時逾秋汛順軌安瀾宜予甄敘梁

肯堂著交部議敘所有在工人員亦著一併交部議敘以示獎勵。又諭據周樽泰宿州靈璧二州縣村莊間有被水業經降旨賞給一月口糧茲孫士毅奏報碭山一縣浸水淹浸情形較重小民口食未免拮据亦著加恩先賞給一月口糧以資接濟其應否再行給賑並著該督等查明據實具奏該部遵諭速行。諭軍機大臣曰保寧奏地方情形及接辦各事宜一摺內稱孫士毅交代各項有如

控告官役勒索科場舞弊等件均須徹底嚴究從重辦理等語川省政務殷繁在在均關緊要自當勉力整頓實心辦理惟科場舞弊之案若祇係劣生傳遞代倩冒名頂替等情節其弊尚小不過照例究辦治以應得之罪倘竟係夤緣學政串同提調等官暗通關節則情罪重大非尋常舞弊可比必須從嚴根究保寧摺內籠統聲敘殊欠明晰至地方官役勒索平民藉端擾累最為閭閻之害亦須

認真嚴辦不得稍存徇庇著傳諭該署督將現辦之控告官役科場舞弊等案是何案情即行查明據實具奏再鄂輝查辦舒濂一案已降旨將達賴喇嘛兄弟等解京尚未覆奏西藏與川省聲息相通商賈往來得信較易近日如得藏中信息即迅速由驛馳奏以慰厘注。又諭據孫士毅奏七月二十八日馳抵毛城鋪查勘補築隄工現在水勢平緩由滾壩下注洪灘河照常分洩其王平莊一處

漫缺本寬急切未能斷流俟灘水稍落即將民堰趕緊施工並令官為料理等語所辦尚屬妥協又奏稱洪河下游淹浸處所碭山一縣情形較重請照例先給一月口糧等語碭山因漫水被淹小民口食未免拮据著即加恩賞給一月口糧飭令地方官妥為撫恤其應否再行給賑並下游各州縣被淹輕重情形著傳諭詳悉確查據實奏聞分別辦理不可稍有諱飾至各州縣未經涸出地畝即督

飭所屬設法疏消。以便民間趕行播種。務須實力經理。妥速為之。並將近日督辦堰工及履勘被水各處情形。迅速具奏。以慰廑注。乙卯諭曰。富綱奏。易門縣耆民周琿。現年一百一歲。請賞旌表等語。周琿年逾期頤。曾元統膝。洵屬昇平人瑞。所有應得賞賚。建坊旌表之處。著該部察例具奏。○又諭據李奉翰奏。豫東河工前於水長之時。間有出槽漫灘。隨時搶護。咸臻穩固。今已時逾白露。水勢安瀾等語。六七月間。豫東河水驟長。經李奉翰等督率屬員。搶護平穩。現在水勢消落。奏報安瀾。宜予甄敘。用示獎勵。李奉翰景嵩著加恩。交部議敘。所有在工人員。亦著查明一併議敘。丙辰遣官祭黑龍潭。

昭靈沛澤龍王之神玉泉山

惠濟慈佑龍王之神。○諭據嵩椿奏。錦州等處河水消落。各處旗民已經賑給口糧。所有高阜地畝。及去河較遠之處。田禾俱無損傷。

尚能收穫等語。所辦尚屬周到。稍覺舒懷。所有應行賑給。並淹斃人口。倒坍房屋。俱照嵩椿等所奏。分別賞給銀兩。米石。但九關臺邊塞係衝當大路。閘衛今既被水衝毀。復行修建。其應仍舊址。或別於高阜建立之處。俟酌定後。始可辦理。著交嵩椿等。俟將應建邊界之處。詳驗奏到。時再候朕另派熟悉工程人員前往估計辦理。丁巳。

太宗文皇帝忌辰遣官祭

昭陵

上詣

恩慕寺

恩佑寺行禮。諭曰。英善奏。隆安縣耆士陸產。鳳現年一百一歲。請予旌表等語。陸產風年逾百齡。精神矍鑠。洵屬昇平人瑞。所有應行賞賚。及建坊旌表之處。著該部察例具奏。○又諭曰。浦霖奏。湘陰縣耆民周騰蛟。現年一百一歲。五世同堂。請予旌表。錫賚等語。周騰

蛟期頤雙鑠慶衍曾元洵屬盛世嘉徵所有
應行賞賚及建坊旌表之處著該部察例具
奏 戊午祭

大社

大稷遣豫親王裕豐恭代行禮 諭本年為朕
八旬壽辰內外臣工情殷祝嘏籲請舉行慶
典用抒慶忭之忱所辦工作點綴朕尚未經
寓目昨詣恩慕寺永寧寺拈香始見道旁點
景處所過於繁費臣工等因屬競効臆歡而

踵事增華不但以為喜抑且心覺不安朕
臨御五十五年海宇昇平太和翔洽幅員廣
拓夷裔咸賓朕躬壽躋八旬精神強固曾元
衍慶五世同堂凡茲備福克膺皆賴

昊蒼萬祐然朕自慚薄德兢業彌深不敢以景
運之增隆遂謂

天人之協應是以勤求宵旰敬念庶徵惟日夜
孜孜益懷寅畏思以仰酬

鴻貺並非故示謙沖本年自七月而後藩部若

長等祝釐入覲雖設樂賜筵朕心不遑暇逸
惟懼稍廢政務即本日距萬壽之期不過三
日猶復披覽章奏召見大臣寧以時際隆平
遂敢謂豫大豐亨侈然自足耶且辦理慶典
從前因恭遇

從前因恭遇

聖母皇太后萬壽大慶合萬國之歡心躬致孝
養娛侍

慈寧茲朕年已登八表猶以不及恭慶

皇考六旬

聖母皇太后九旬為憾撫今追昔愴然於懷方
深感慕今歲雖循例舉行慶典難卻臣民之
請實不忍以幸值慶辰遽思行樂也即如所
演大慶戲劇原係

皇考恭祝

皇祖萬壽舊本從前

聖母皇太后五旬六旬七旬八旬萬壽慶節朕
屢加增改綵舞稱觴現今皇子大臣等雖有
進呈樂章以其詞過頌揚亦祇節其靡文並

未加之潤色朕之崇實黜浮不肯稍事鋪張
於茲可見再平日興建工程廟宇皆係經營
舊制嚴肅觀瞻可以垂之永久猶嘗引以為
過著之論說若此次點景綴設不過塗飾一
時聊以娛目更為無益繁文幸荷

上天恩佑彌月清明設或連遇風雨豈不徒耗
物力今已成事不說未便全行裁撤仍著該
管大臣將一應綵飾量為減省以示朕式靡
崇儉至意將此通諭中外知之 又諭據景

安奏永城被水之潘陸道口十一村莊濱臨
洪溝情形稍重內何家水口等五集尤為低
窪濱河之處消退未能迅速該處係上年被
水較重之區茲復被淹閭閻不無艱食等語
豫省永城夏邑二縣因洪溝河減水溝盛溢
境內村莊間被水淹前經降旨賞給一月口
糧以資養贍茲該二縣高阜地畝及低窪地
方俱已涸復惟永城之潘陸道口等處村莊
疊經河水漲溢民力未免拮据著加恩於現

賞口糧之外再賞給撫恤一月用示朕軫念
民食有加無已至意該部即遵諭速行 又
諭曰泰承恩奏臨潼縣民王之翼年八十四
歲五世同堂朝邑縣壽婦馬李氏韓王氏俱
年一百一歲請予錫賚旌表等語王之翼馬
李氏韓王氏等慶洽高年孫曾繞膝洵屬昇
平人瑞所有應行賞賚建坊旌表之處該部
察例具奏 又諭曰琅玕奏上虞縣民王瑞
臣年一百一歲五世同堂請予錫賚旌表等

語王瑞臣年逾期頤曾元衍慶洵屬盛世嘉
徵所有應行賞賚建坊旌表之處該部察例
具奏 諭軍機大臣等據韓鏞等覆奏宿州
夏邑永城漫水情形摺內稱目下黃河水勢
隨長隨消上下各工一律穩固其碭山王平
莊民堰進水溝槽設法趕辦等語豫省河工
前因黃水上游驟長間有出槽漫灘致宿州
下游等處猝被水淹昨據李奉翰等奏豫東
河工搶護穩固水就安瀾業經降旨交部議

敘所有江省礪山等處前因民垵漫缺附近田畝致有淹浸現在時逾白露各州縣被淹地方水勢日見消落自應迅加疏導俾民間得以趕種二麥其王平莊一處漫缺較寬急切未能斷流除此灘水漸落之時該督等務須董飭所屬趕緊施工並即將天然峯山各開要行收束俟各工穩固奏到時必當予以甄敘用昭獎勵也○又諭曰長麟奏搶護臨清州姜家莊民垵浸水現已堵閉斷流鑲築

穩固至衛河水勢較從前盛漲時減水四尺有餘業將荆門等開酌量開板俾上游之水均由張秋東岸五空橋平水三開等處分洩入大清河歸海並將龍灣魏灣等壩開全行啟放宣洩甚屬得力等語所辦俱好已於摺內批示至所稱東昌府屬之聊城博平清平等縣境內多有坡水高於河水之處現飭開挖聊城縣境西岸官堤並於各縣境內開挖進水各開引坡入河俟坡水減落即將挖口

暫行堵閉總以消盡坡水為度日內坡水大形減落若再晴霽數日秋田均可消涸趕種秋麥無誤耕作覽奏尤為慰懷該撫所辦俱為詳妥勉力為之現在該處民田積水光景若何是否日內可期全行消涸著速行查奏以慰厘注至一切賑卹事宜務須篤率所屬實力籌辦毋使災黎或致失所其青州府屬博興縣續報被水之處自當一併查勘加意撫卹方為妥善又稱疏消被水各縣坡水事

宜現委解任道員歸朝煦協同運河道沈啟震分頭照料等語歸朝煦前因承審羅有良誤傷伊母身死一案審辦錯誤照議革職已降旨送部引見此時既有經理聊城等縣疏洩事宜甚為緊要即將該員暫留彼處幫辦俟各工完竣再行給咨送部引見亦未為遲吏部議准尚書胡季堂奏山東民人羅有良一案請將承審錯誤之巡撫長麟革職交刑部治罪司道府各員分別照例降革得旨

該撫長麟未經驗出緊要傷痕又不能詳審實情因屬咎有應得但不過冒昧奏奏尚非有心出入且此次搶護臨清州姜家莊民捻漫水辦理有方現已堵閉斷流鑲築穩固諸事尚為妥協長麟著革職仍留山東巡撫任並免其交部治罪繆其吉著改為降三級從寬留任其隨同檢驗不實之知府唐若瀛宋思仁俱改為革職留任八年無過方准開復甘定進俟到京後該部帶領引見再降諭旨

己未

太祖高皇帝忌辰遣官祭

福陵 諭前據周樸奏宿州靈璧兩州縣因雨水較多村莊間被淹沒業經降旨賞給一月口糧以資接濟茲復據奏稱該處田禾被水補種已遲難免一隅偏災著加恩於賞給一月口糧之外再行酌量給賑該督撫務須督率所屬確查被災戶口普行散給俾閭閻均需實惠以副朕軫念民食有加無已至意該

部即遵諭速行 諭軍機大臣等據英善奏安南陪臣陳有和捧齋賞給阮光垂玉如意回國於七月初八日進關並帶阮光垂遣來陪臣阮德潤陳文對二員護送前進在桂林省城酌量賞費准其一體由驛進京等語陪臣陳有和業經出關回國將所賞玉如意面交阮光垂原可無庸再行赴京茲又帶同阮德潤陳文對二員一併馳驛前進而英善於省城接見時復加以賞賚徒多繁費現在阮光平於祝嘏後即令起程回國該陪臣等來京亦已無及著傳諭英善即飭知陳有和等不必馳驛趨行令其緩程行走於途次接過該國王轉程即隨同回國較為省便也將此並諭沿途督撫知之○又諭據福崧奏中河楊莊等處壩工趕緊鑲築並委員防守五壩連日以來水勢平定各工一律穩固現在前赴宿州等語覽奏稍慰前因宿州地方漫水下注秋禾被淹新任巡撫朱珪不能即時趕

到福崧署理督篆是以諭令該撫迅速前往督同周樽辦理今孫士毅已經接任馳赴宿州原可毋庸福崧在彼督率辦理該撫接奉此旨後著即回江蘇本任若已前抵該處亦不必趕回仍著隨同孫士毅辦理撫卹事務至周樽奏宿州靈璧等處漫水情形一摺有黃水現未斷流之語措詞甚屬錯謬已於摺內批抹該處未消積水祇係毛城鋪及天然峯山等間減洩盛漲之水會流下注豈得謂

之真黃水耶現在水勢既未全消沿淮地方亦有積水業經賞給口糧茲復降旨給賑以資貧民口食著傳諭孫士毅等督同各州縣確查災分輕重計口散給俾小民等均霑實惠毋使一夫失所以副朕軫念災黎至意○又諭曰託倫奏江西萬安縣民劉德懋南昌縣民吳正英萍鄉縣監生羅錫高安縣武生丁昱廣昌縣生員何裕張文宗鄱陽縣民石基煥俱年踰期頤五世一堂請照例錫賚等

語劉德懋等父壽康強曾元衍慶洵屬盛世嘉徵所有應行賞賚建坊旌表之處著該部察例具奏 庚申

上御禮輿還宮騎駕鹵簿全設導迎樂作並奏萬壽衢歌皇子皇孫皇曾孫皇元孫王以下文武大臣官員紳民耆老蒙古王貝勒貝子公額駙台吉回部王公伯克安南國王及陪臣朝鮮緬甸南掌等國使臣金川土司臺灣生番等環跪稱慶賞賚老民樂工承應匠藝人

等有差 詣

大高殿

壽皇殿行禮 遣官告祭

天

地

太廟

社稷 遣官告祭

奉先殿 御重華宮張樂進宴 諭令歲朕八旬慶節率上臚歡現在來京祝嘏臣民俱已

疊沛恩施同霑愷澤所有承辦慶典之浙江商人志切呼嵩亦宜一體加恩用昭嘉獎著將該商等本年應交柴塘生息銀十二萬兩於五十六年為始分作三年帶完以示朕錫福施恩至意○又諭本年朕八旬壽辰中外臚歡兩淮商人情殷祝嘏踴躍急公具見個忱其一應運課等項業經節次調劑以紓商力今該商等愛戴輸誠共申華祝允宜特沛恩施用昭嘉獎所有此次兩淮承辦點緞之總商洪歲遠鄭旅吉汪日初王履泰尉濟美江正大張大安巴敬順巴恒太余晟瑞黃滌泰程儉德張廣德羅榮泰鮑有恒黃恒茂張肇恒孫世昌汪肇泰吳開太吳是聚巴善裕汪益新鮑逢吉賈恒順等二十五名俱著加恩於現在職銜各加頂戴一級以示獎勵
阜甌
上八旬萬壽慶節遣官祭
福陵

昭陵	昭西陵	孝陵	孝東陵	景陵	泰陵	泰東陵	孝賢皇后陵	顯佑宮	東藏廟	城隍廟	上詣	奉先殿行禮	大臣官員蒙古王貝勒貝子公額駙台吉安南國王及陪臣朝鮮國緬甸國南掌國使臣金川土司臺灣生番等行慶賀禮作樂宣表如儀禮成	上幸寧壽宮賜王公大臣蒙古王貝勒貝子公
遣官祭						遣官祭	遣官祭					御太和殿王貝勒貝子分文武		

額駙台吉外藩使臣等宴（御乾清宮賜宗室諸王等宴皇子皇孫皇曾孫皇元孫以次舞綵稱祝如儀）壬戌諭予告大學士蔡新年逾八旬跋涉遠來抒誠祝嘏具見惻忱召見筵宴時看其精神步履矍鑠如前朕心深為嘉慰現在慶祝後自應令其仍回原籍但念自京至閩道路較遠著經過沿途各地方官酌備船隻肩輿俾得行程安頓並賞給人僕一舫以資頤養示朕優眷著臣恩加無已

至意（又諭曰曹文植之母賞給大緞二匹貂皮十張）○又諭福建海壇總兵丁朝雄於前署臺灣水師副將任內失察天地會邪教因該鎮有革職留任之案無級可降兵部議以革任是以降旨令將該鎮送部引見今據伍拉納奏丁朝雄在閩年久熟悉水師情形歷經拏獲洋盜五十餘名老成歷練整飭營伍實為得力之員並詢之福康安亦據奏稱前年出師臺灣該鎮堵禦海口著有勞績是

丁朝雄於閩省水師營務尚屬實心出力且海壇鎮員缺緊要未便遽易生手丁朝雄不必赴部引見著加恩改為革職留任（又諭現在江蘇蕭場二縣並安徽宿州靈璧等處因夏秋以來雨水較多河流漲發民田廬舍間被淹浸節經降旨令該督撫等查勘撫卹賞給口糧毋使一夫失所恐該省賑務需用較多著撥兩淮運庫銀四十萬兩淮關稅課銀三十萬兩許墅關稅課銀十五萬兩龍江

關稅課銀十五萬兩共銀一百萬兩照例妥委幹員迅速解交孫士毅以備賑務之用（諭軍機大臣等據孫士毅奏勘查碭山以下被水情形一摺內稱碭山蕭縣宿州靈璧等處淹浸地方各有輕重惟宿州西接永城北接蕭縣上游水勢建甯而下灘股等河新舊隄埝間有漫缺漫水直趨靈璧一時遠難宣洩該州澮河本屬疏通現將沱河淤塞處所即日挑撈以資分洩等語所奏情形頗屬明

晰酌辨疏洩及撫卹事宜亦俱妥協前因各該州縣水未全消節經賞給口糧給予賑卹所降恩旨此時該督等應已奉到即著孫士毅等督率各州縣確查戶口普行散給俾得均霑實惠至各處未消積水祇係毛城鋪及天然峯山等間減下之水會歸流注且該處係減水之地間壩名色亦因減水而設一遇河水盛漲原應開放宣洩及王平莊等處民埵缺口亦不過減水較多間有漫缺並非黃河衝決周轉節次奏摺內妄稱黃水下注甚屬錯謬不但措語不祥且於此次漫水情形不相符合朕自六月以後因夏秋汎水方長日切廑懷猶幸工程平穩現在節過白露可望安瀾乃周構任聽劣幕敘摺入告輒以黃水漫溢為言披覽之下每切驚疑地方大吏豈不知朕屢念河防無時或釋耶著傳諭韓鐸等嗣後奏報被水情形細加檢點應稱毛城鋪等處減下之黃水不得因減字率稱黃

水漫溢以致措詞失當將此各諭令知之又諭前經兵部具題海壇鎮總兵丁朝雄於署臺灣水師副將任內失察天地會邪教議以降調因無級可降請旨革任已降旨將該鎮送部引見矣今思海壇鎮員缺緊要且該鎮歷任水師營務尚為熟悉前於副將任內出師臺灣著有勞績並歷經拏獲海洋首夥各盜是以另降諭旨將該鎮革任之處加恩改為革職留任不必赴部引見著傳諭丁朝雄如交卸起程於何處接奉此旨即由該處迅速仍回原任該鎮嗣後益當感激朕恩奮勉出力於一切整飭營伍緝捕洋盜等事倍加認真辦理如或存心懈怠始勤終怠則是自取咎戾決不能再邀寬宥也 癸亥秋分夕

月於西郊
上親詣行禮

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百六十

實錄卷之一千三百六十

十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百六十一

監修總纂官臣孫毓汶太子太傅文淵閣大學士文淵閣領閣事領閣內大臣稽察欽奉

吏部理藩院掌印給事中黃旗滿洲副都統世襲騎都尉功加七級隨帶加一級尋常加二級軍功紀錄一次

總裁官臣孫毓汶太子太傅文淵閣大學士文淵閣領閣事稽察欽奉

世襲騎都尉功加十九級隨帶加二級又加二級臣黃培內大臣戶部尚書鑲黃旗滿洲副都統軍功紀錄五次

尋常紀錄十四次臣德麟鑲黃旗副都統太子少保工部尚書紀錄六次臣曹振鏞尋奉

教修

乾隆五十五年庚戌八月甲子

上幸圓明園○諭曰阿蘭保於一切差務奮勉
且又在引馬上行走尚屬得力之人因念伊
母年老原欲調補本處副都統令其就近侍
養乃該員旋丁內艱甚屬可憫著加恩賞銀
一百兩以襄善事阿蘭保事畢之後即著來
京當差○乙丑諭曰伍拉納奏監生何大川
民人張惟開陳文通等俱年屆九旬五世同
堂請予賞賚等語何大川張惟開陳文通等
均年臻耄耄膝繞曾元洵為麻徵人瑞所有

應行賞賚之處著該部察例具奏○又諭曰景安奏監生趙廣生著民賈三才維文正等俱年登耄耄五世同堂者民張幹如現年一百四歲壽婦薛朱氏現年一百二歲請旨錫賚旌表等語趙廣生等一門聚順繞膝曾元張幹如薛朱氏年逾期頤龐眉鮑背洵為昇平盛事所有應行賞賚及建坊旌表之處該部察例具奏○諭軍機大臣曰福崧奏查明靈璧宿州被水情形又尋辦撫卹疏消各事宜一摺所辦俱好已於摺內詳悉批示矣宿州靈璧碭蕭等處被水村莊民田廬舍間有淹沒節經降旨令該督撫等親往查勘賞給口糧並於孫士毅未經奏請之先早撥兩淮淮關等處鹽稅課銀一百萬兩解交孫士毅以為賑卹之用所撥帑項寬餘著孫士毅等督率地方官實力查明被災戶口按名賑給無使一夫失所倘有不敷不妨據實奏請再行撥給朕軫念災黎必使普霑實惠從不肯

稍存惜費之見該督等務當仰體朕心妥協辦理至福崧奏稱睢河隄岸民堰漫缺之處地方官以為民修之工迄今尚未堵築現經親往查出勒限知州姚繼祖等星夜賠修上緊補築所需工料不許攤派閭閻等語所辦亦是睢河民堰漫缺寬至十餘丈及二十餘丈不等分溜下注勢尚湍急自當及早堵築完竣俾下注之水斷流堵塞則下游田畝即可早為涸出以便趕種春麥此係要緊工程乃該知州等視為民修隄埝並不上緊築辦甚屬玩誤所有應需工料即著該員等自行出貲補修毋許攤派小民以示懲儆但睢河一處如此恐此外民修隄埝地方官從而效尤亦漫不經心不能及早堵塞所關非細孫士毅等務須悉心履勘如有似此玩視之員亦即罰賠速修不可稍為姑息又據韓鐸蘭第錫奏往來蕭碭一帶目覩被水田畝俱已涸出惟毛城鋪滾壩因外灘王平莊臨黃民

堰漫缺過水之處。未能即時斷流。其外河山安海防各廳工程。黃運湖河之水。同時灌注。各工亦均險要。現在五壩內智字一壩。即行拆啟等語。蕭碭被淹田畝。業經涸出。自可漸次趕種春麥。覽奏稍慰。至王平莊臨黃民堰漫缺之處。尚未斷流。該處雖係民修之工。但現在被災之區。民力不繼。自應官為經理。俾得即時施工補築。以期堵截下流。惟此處隄堰向係民修。由來已久。若因此次官為經理。即援以為例。國家經費有常。其端亦不可長。所有補修隄堰各工事竣後。仍將所用工料銀兩。覈明數目。分年帶徵完款。但不可使官吏藉此浮冒開銷。若該處民力。實因被災之後。不能稍有蓋藏。無力分年完繳。屆期該督撫等。即行據實奏明。候朕降旨加恩寬免。又高堰誌極。連舊存長水已至一丈三尺。束清禦黃兩壩。早經全行拆除到底。而洪湖水勢未消。自不得不於五壩內酌開智字一壩。以

資減洩。但高郵寶應等湖。是否足資容納。關係下游高寶淮揚一帶民田。不可稍存大意。務須敬慎辦理。若有淹及田畝。即予賑卹。且既開放智字一壩。將湖水分洩。高郵等湖。務須導令歸江。不使稍有阻滯。其南關車邏等壩。亦須嚴飭工員。加謹防護。毋得稍有疎虞。以保下游民田。此為最要。仍著將開放智字壩後。高郵等湖。果否足資消納。鳳凰壁虎等橋。湖水歸江之路。是否通暢。下游高寶淮揚等處田畝。不致有礙之處。迅即查明據實覆奏。以慰廑注。○丙寅。諭曰。孫士毅奏。毛城鋪減水。由碭蕭宿靈等處下注。又因七月下旬陰雨較多。湖水加長。雖寧十三社村莊間被淹浸等語。碭蕭宿靈地方。前因被水成災。節次降旨賞給一月口糧。並撥銀一百萬兩。著該督撫等實力撫卹。矣。今雖寧十三社村莊亦有被淹之處。小民口食維艱。朕心深為廑注。所有被水較重之六社。著加恩賞給一月

口糧以資接濟。該督撫等務須督率所屬。按名賙給。毋許胥吏等稍有剋扣侵漁。俾災黎均霑實惠。至被水較輕之七社田畝。雖經涸出。尚可趕種春麥。但念該邑上年曾經被災。民力不無拮据。其應行的借口糧籽種之處。著該督撫查明具奏。以副朕軫念災民有加。無已至意。該部即遵諭行。○又諭據福康安奏。前因粵省營員有戰船笨重。駕駛不靈之語。是以奏請仿照民船改造。以期出洋利用。嗣後該鎮將等議論紛歧。因復遍加諮訪。查從前外洋戰船大小不一。各就海道情形。均勻配造。相沿已久。且規制寬宏。氣象雄壯。用以裝載多兵。施放火器。實饒急足備。其利用原不止於捕盜一端。請將各項戰船均仍其舊。無庸改造。以免更張。其內河槳櫓各船。亦查與水道合宜。俱可無庸更改等語。所奏甚是。沿海各省設立戰船。原以捍禦海疆。巡哨洋面。關係綦重。上年因福康安奏。抵粵後派

撥官兵搜捕洋匪。各將弁等輒以盜船狡捷。營船追趕不前為詞。酌請仿照民船式樣。改製自屬變通辦理之法。是以令軍機大臣會同該部覈議。令各該省於應行拆造時。陸續照商船式樣酌量改造。今據福康安體察情形。悉心酌覈。查明戰船尚為得力。並無駕駛不靈之處。奏請仍照舊制不稍迴護。前奏自係實在情形。著照所請。所有前項戰船概可毋庸改造。以存舊制。而免紛更。並著通諭沿海各督撫一體確切查明。遵照妥辦。此項戰船平時遇有匪徒剽掠。自應分路緝捕。加緊追趕。乃該將弁等輒稱船身笨重。雇用民船其意祇以民船出海捕盜。俱用本船舵水。不復需用兵丁駕駛。是以藉詞推諉。希圖安逸。且水師弁兵自應以試演水務為急。今據福康安奏。該將弁等止習馬步射及鎗礮等項。而於水師營務轉不留心學習。用違所長。殊非覈實之道。著各督撫等嗣後務須嚴飭舟

師實力訓練。俾駕駛嫺熟。於戰船出入風濤。務期帆舵得力。各督撫於考拔時。令其操駕。運船洄水出沒。留心驗看。如果合式。方准援補。似此行之日久。自能悉臻純熟。便於行駛。於海疆水師營務。實有裨益。將此通諭知之。

○又諭曰。保泰現遣赴藏辦事。所遺員缺。著烏爾圖納遜署理。德勒克扎布仍以頭等侍衛前往喀喇沙爾辦事。侯德勒克扎布到任後。烏爾圖納遜再行交代。前來德勒克扎布所遺圍場總管員缺。著貢楚克扎布補授。○

諭軍機大臣曰。朱珪奏經過直隸之河間。獻縣。阜城。景州。山東之恩縣。平原。高唐。茌平。地方皆有積潦。未消。沙深。乘筏行走。紆迴等語。前因天津等處田畝間被水淹。已令梁肯堂前赴各該處悉心查勘矣。今朱珪所稱河間等處積水尚未消退。自應設法疏消。俾地畝及早涸出。尚可趕種春麥。該督務須率屬上緊辦理。並將河間。獻縣。阜城。景州各處被水。

較之上年輕重若何。及現在是否消退。一併查明。據實奏覆。至山東臨清。東昌。青州各屬間有被水之處。已據長麟親往查勘。設法疏消。並降旨將被災各地方。令該撫加意賑卹。茲平原。高唐。茌平等處積潦未消。想田畝不能即時涸出。倘有誤播種春麥之期。民力豈不更形拮据。著傳諭長麟。務須悉心妥辦。毋使災黎或致失所。並將平原等處被水輕重。及是否消涸情形迅速查明覆奏。以慰廑念。

○又諭曰。孫士毅奏逐次查勘情形摺內稱。毛城鋪減水。由碭蕭宿靈等處下注。睢寧十三社地方致被淹浸。內六社被水較重。請賞給一月口糧。其餘七社為患尚輕。現已涸出。應否借給口糧籽種之處。查明會題等語。所辦俱妥。已於摺內詳悉批示矣。所有睢寧地方被災較重之六社。已降旨賞給一月口糧。其被災較輕之七社。田畝現經涸出自可播種春麥。但該邑上年曾經被水。民力不無拮据。

据自應借給口糧籽種以資接濟著該督撫等據實查明具奏此次所發帑項寬餘務須遵照節次所降諭旨督率所屬妥協辦理毋使一夫失所不可稍存靳惜之見以副朕軫念災黎至意又據朱珪奏宿州與碭山靈璧接界地方積水尚有五六尺及丈餘不等現在會同福崧督率各員分路散給並趕築隄堰以期早為疏通等語宿州村墟被水較深之處亟應設法疏通俾得及早涸出趕種春麥其漫缺隄埝必須上緊修築完竣堵截下游此為最要昨降諭旨甚明孫士毅等務須悉心查勘實力撫卹並將現在隄埝築有幾成積水曾否一律消退涸出田畝尚可不誤春種之處迅速覆奏以慰廑注至廬鳳道述德知州蔡必昌已令軍機大臣傳旨令其即日馳回安省以便委辦該管地方災賑事宜將此諭令知之○丁卯祭先師孔子遣成親王永理行禮○

上御同樂園賜王貝勒貝子公大臣蒙古王貝勒貝子公額駙台吉回部王公伯克安南國王及陪臣朝鮮緬甸南掌等國使臣金川土司臺灣生番等食○戊辰上御正大光明殿賜王貝勒貝子公大臣蒙古王貝勒貝子公額駙台吉回部王公伯克安南國王及陪臣朝鮮緬甸南掌等國使臣金川土司臺灣生番等食賞賚有差並賜兩淮浙江長蘆商人等食○諭本年係朕八旬大慶達賴喇嘛班禪額爾德尼俱遣使來進丹舒克朕心甚為欣悅但今達賴喇嘛之兄弟商卓特巴等肆行舞弊占人地畝轉尊崇素不敬奉黃教之紅帽喇嘛令與第穆呼圖克圖濟龍呼圖克圖等同坐且與衆喇嘛斂取銀兩並將達賴喇嘛商上物件亦有虧缺來藏熬茶人等應得路費亦皆減半發給殊不知此項人等俱係特來參見達賴喇嘛若優禮相待方能衆心嚮往日多今如此扣減殊

失人心必致敬奉參見之人漸少於達賴喇嘛毫無裨益前噶勒丹錫呼圖禪師駐藏之時雖達賴喇嘛及伊兄弟均屬年幼不能管事而賴其經理人心無不悅服所辦甚好自伊回京後達賴喇嘛人過誠實專習經典或且偏信旁人全無主見達賴喇嘛係朕所立諸事如此廢弛實不能仰體朕心藏中之事朕若置之不管亦無不可但前藏僧俗蒙古人等俱致離心不特國體攸關即達賴喇嘛亦復何益是以將達賴喇嘛之兄弟商卓特巴等全令來京濟龍呼圖克圖亦行撤回又恐乏人幫助達賴喇嘛辦事為日既久屬下人等復有擅專舞弊等事均不可定今已訊明舒濂而普福雖無別項情節其一味顛頑不能勤慎辦事雅滿泰畧知藏中事務又不甚諳練究難放心朕因憐憫達賴喇嘛故遣噶勒丹錫呼圖禪師仍復至藏幫同達賴喇嘛辦事伊至藏後務將諸事整理至遲不過

三年章程自可立定交付駐藏大臣率領噶布倫等照辦即可將伊撤回至達賴喇嘛之兄弟商卓特巴等如此舞弊殃民將商上物件均致虧缺有傷達賴喇嘛顏面以致眾怨沸騰即是達賴喇嘛仇人非但不應袒護並應痛加懲治特令此數人來京實為保全達賴喇嘛以期於藏中有益之意今覽達賴喇嘛所奏於此事全未知悉皆伊兄弟及商卓特巴等私自違背黃教所致今已悔過感恩

敬謹具奏朕心深為憐憫特加恩賞給達賴喇嘛珍珠數珠一串嗣後惟當勤習經典庶得常受朕恩鄂輝接奉此旨即將珍珠數珠賞給達賴喇嘛並將此項情節明白宣示再現在達賴喇嘛敬謹具奏朕已將伊兄弟等送京不能寬恕即使施恩亦止施與達賴喇嘛此七人定令來京鄂輝務遵旨辦理不可再行姑息其僧俗人眾亦皆明白宣諭以示朕保護黃教惠愛全藏之至意又諭貴州

安籠鎮總兵范建豐因母老懇請留京侍養著加恩准其留京署理副都統所遺員缺著花連布補授○又諭向來各省督撫等陳奏各摺如遇有緊要事件急於上達或地方公務關係重大即需請旨辦理或有特旨令其由驛速奏者始准其由驛馳遞近日該督撫等奏事往往擅用五六百里馳遞及披閱奏函不過尋常照例之件事非緊要祇益驚疑甚屬不曉事體至由三四百里及馬上飛遞者該督撫尤視為泛常率行馳奏殊非慎重驛站之道嗣後各省督撫等如非緊要事務俱不准濫用驛遞倘不知輕重緩急仍沿故習必治以應得之罪不能稍為寬宥也○諭軍機大臣等前因周樽具奏查勘宿州靈璧地方被水摺內將毛城鋪天然峯山等開減洩之水竟稱黃水漫溢措詞失當是以降旨申飭本日由驛遞到周樽奏摺朕以為必係辦理該處賑務及疏消積水情形及至披覽

即係覆奏接奉前次申飭諭旨專摺謝恩殊屬非是各省遇有緊要事件方許由驛馳奏今周樽不過覆奏謝恩係屬尋常事件祇須差人齎遞不應擅動驛馬豈地方安置臺站專為該司馳遞尋常奏摺而設耶且摺內或將現在查辦災賑補修隄埝及積水是否消涸情形分晰奏明而於接奉諭旨感激惶悚之處隨摺聲敘尚可由驛馳奏乃摺內並無一語提及何不曉事至此周樽著再傳旨嚴行申飭○已已

上御同樂園賜王公大臣等食○諭軍機大臣等昨派噶勒丹錫呼圖禪師赴西藏辦事賞令由驛前往業經理藩院行文沿途妥為照料茲已於八月二十一起程著傳諭經過地方各督撫派員照應夫馬俾無濡滯但恐隨從之喇嘛人等途中或有藉端擾累驛站之處並著留心約束毋任滋事○又諭本年九關臺河水漲溢被災旗民雖據嵩椿等遵

旨查明賑卹。但本年被災情形較上年如何之處並未奏及其高阜地畝或可無礙低窪處所積水未消恐不能耕種朕心深為軫念著寄信嵩椿等將本年被水情形較上年如何其高阜地畝收成分數低窪田地曾否涸出之處即行查明迅速奏聞。○庚午遣官祭賢良祠。○諭本年朕八旬壽辰中外臣民俱踴躍輸誠共申祝嘏前歲即經王公大臣及督撫大吏等陳請辦理慶典經朕特派大臣總理各事宜並諄諄訓諭毋得踵事增華致滋糜費茲朕於十二日進宮受賀十六日禮成出御園往來閱視道傍點景絲飾雖未免尚多華瞻而規置安頓之處均屬整齊妥協不惟外藩君長暨諸國貢使人等目睹昇平景象鼓舞歡欣即工匠人衆以至附近鋪戶俱可藉此稍霑利益且西直門外添蓋之鋪面皆資商賈貿易開張民間日用交易甚便而外省所輸經費較之三十六年有減無增所

辦點綴較三十六年更為完好是此次舉行慶典既足以抒臣民愛戴之忱而經理得宜皆由該管大臣等詳定章程留心稽察俾臻妥善所有總辦慶典之阿桂和坤福長安胡季堂金蘭李綬伊齡阿均著加恩交部議敘其在事出力總辦監督各員亦著查明分別等第一體議敘以示朕行慶施惠至意。○又諭刑部尚書員缺著明亮補授伊現在喀什噶爾辦事所有刑部尚書事務著舒常兼署。○諭軍機大臣等前據孫士毅奏安南夷人到川分別入伍耕種一摺所辦甚為周妥琅玕雖將安插情形奏聞尚未及通盤籌畫其江南安插之人竟未據該省督撫奏到業經降旨將孫士毅原摺交福崧琅玕閱看令各仿照辦理矣茲據琅玕覆奏除將夷人分隸各標學習入伍外現有入官沙地分別撥給官為名佃按年收取租息給與夷人養贍等語所辦尚屬認真妥當何以福崧至今尚未

覆奏著將琅玕原摺鈔寄閱看今孫士毅業經到任著傳諭該督撫即通盤籌畫遵照辦理其現在如何安插之處即迅速覆奏毋再遲延○又諭據保寧奏蓬溪縣知縣劉德懋濫行科派請革職嚴審一摺內稱五十三年臺灣凱旋官兵過境前已故署縣保明雇備夫馬等項借領庫項並令地方約保人等那借銀兩墊辦其例不准銷之項於里下津貼收還原款該縣劉德懋接任後照數催收有縣民唐時敏呈控該縣將伊兄唐時泰應領墊辦銀兩貯庫押令買補社穀後發銀並呈出收錢印照及催牌硃單叢對相符等語官兵經過蓬溪縣境前任已故知縣因庫項不敷動支令地方約保人等那銀墊辦本無大過該員劉德懋接任後若僅照數催收彌補歸款尚係以公濟公不至有侵漁入己情弊其咎尚輕倘藉承辦兵差為名公然出給印照濫行科派以圖肥己則是該員任意侵冒

擾累閭閻自當嚴行革審以示懲儆著傳諭該督先將劉德懋有無藉端貪冒入己之處詳悉審究務得確情即行據實覆奏尋奏知縣劉德懋僅止接收津貼歸還各款其應還約保墊項內本有唐時泰應領錢一百一十餘串實因唐時泰前為社首時曾經徵變社穀一百八石是以押令即將墊項賠補至一切支領均係約人等公同經手並無染指侵漁情弊報聞○又諭據長麟奏東昌府以南暨博平堂邑臨清等處積水業經全行消涸惟東昌府城外尚有積水一段現在創挖官隄兩處分洩尤為迅速七八日總可疏消罄盡東昌附城地畝本屬低窪向來止種高粱今歲既經被災若再不趕種秋麥來年難資接濟已飭令借給籽種均可無誤春耕等語所辦皆好覽奏稍慰東昌臨清一帶積水漸已疏消東昌附城被淹之處又經創挖官隄宣洩坡水日內亦可全行涸出惟各該處

被災地畝。雖據奏稱農民乘筏泛舟。拔取高梁。薄有收穫。但積水淹浸日久。收成恐不免歉薄。通計合省約收分數。究有若干。著該撫即行查明據實具奏。其現在涸出地畝。積淤泥濘。是否能力及期播種秋麥。接濟災黎。並著查明覆奏。以慰廑注。○調鑲黃旗漢軍都統恒瑞為正白旗漢軍都統。以工部尚書金蘭為鑲黃旗漢軍都統。○辛未

世宗憲皇帝忌辰遣官祭

泰陵○

上詣

安佑宮行禮。○諭軍機大臣等。據梁肯堂奏。查勘東路天津等處被水情形一摺。內稱寶坻天津被淹村莊地畝。計有八九分。其武清寧河不過六七分。確查輕重等差。照例給賑。其鹽山慶雲高陽保定阜城清河等州縣。或因河流泛溢。或因減水匯歸。田禾不無損傷。再當分路覆查。確定被淹分數等語。東路天津

等被水地方。業經該督查明極次貧民。分路賑恤。其續報之鹽山慶雲等州縣。因七月間陰雨連綿。田禾或致淹浸。小民生計恐不免拮据。該督等現在分路覆勘。務須實力確查。如有成災處所。即酌量輕重情形。奏請賑恤。朕軫念民艱。無時或釋。該督等總須仰體朕意。寧濫毋遺。不可稍存諱飾。以致閭閻或有向隅。至固安縣因雨水過多。兼以水雹。田禾間有被損。並著該督飭令所屬。查明實在情

形。妥為辦理。今年秋禾統計。究有幾成。速奏來銀。米有不敷。不妨奏請。將此諭令知之。○又諭據孫士毅奏。查勘湖河水勢。並山圩五壩石工及清口情形一摺。所辦好已於摺內批示矣。本年秋汛。洪水長將束清禦黃兩壩全行拆展。湖水暢出。清口高於黃水尺餘。衝刷泥沙。會黃東注。其外河各廳工程。因湖河之水同時匯注。酌拆智字一壩。由高寶諸湖入運。注江。是湖河等處洩水情形。事機極

順覽奏深為慰籍。山盱等處石工雖經風浪湧擊。間有掣却。今已搶鑲穩固。下河一帶。想可無虞。至宿州靈璧蕭碭等處積水。係屬毛城鋪及天然峯山等閘減洩之水。會歸下注。本非黃水漫溢。即王平莊缺口。及睢河民埝漫缺之處。亦非黃河衝決隄工可比。現在設法疏消。施工補築。想尚易於辦理。惟念及該處被水較重。節經降旨賞給口糧。撥銀賑卹。但恐淹浸地畝。未能即時涸出。有誤春耕。於間閭生計。殊有關係。著傳諭孫士毅。即將積水曾否全消。涸出地畝。能否趕種秋麥之處。即行查明具奏。至被水地方。秋收自屬歉薄。究竟本年約收分數。尚有幾分。並著詳查據實覆奏。以慰廑念。○壬申諭向來各省選拔貢生赴京朝考。因省分遠近不一。分作三次考試。此次各省選拔貢生。俱已陸續到齊。著在貢院內併作一場考試。嗣後拔貢朝考。統俟各該生等齊集京師後。禮部即行奏請定

期在貢院考試。不必分作三次。至朝考取入一二等者。向派王大臣挑選。其入選者。帶領引見。以小京官分部學習。及以知縣教職等官錄用。較之進士歸班舉人。截取銓選者。更速。是拔貢一途。尤為士子捷徑。必須秉公考覈。以杜躁進。而整士風。但各省學政考拔時。拘於成例。按照府廳州縣應拔定數考取。往往有一學中並無真才可膺是選。而濫行充數。並有於鄉紳子弟中選拔者。是各學政已不免有瞻顧徇情之處。而到京朝考後。若仍令王大臣挑選。安知不又互相請託。殊非覈實進才之道。所有王大臣挑選之例。著即行停止。此次拔貢朝考取入一二等者。著於正大光明殿覆試。再行欽派大臣秉公閱卷。取定後。按照等第名次帶領引見。候朕分別錄用。其朝考及覆試題目。屆期欽定。以昭慎重。著為令。○又諭曰。義行簡向在軍機處行走。由內閣侍讀補放知府。今以親老呈請改補。

京職各省官員往往有父母年已衰老不肯據實陳請意圖戀棧表行簡呈明情願內用甚屬可嘉著加恩仍留知府頂帶以員外郎即行補用○諭軍機大臣等據韓鏞奏王平莊民堰濱臨黃河因溜勢生灣漫缺現在設法取土盤築裹頭會同孫士毅等趕緊催料晝夜堵截以期及早斷流其峯山開業已堵閉天然開亦經收窄等語宿州靈璧各地方因王平莊民堰漫缺由毛城鋪等處減洩下注積水久未消退節經降旨飭令趕緊堵築設法疏導今毛城鋪滾壩過水日見消減王平莊嫩灘亦漸涸出而民堰缺口曾否堵截下注之水是否斷流未據韓鏞等奏及疎切厘懷該處堤堰雖係民修之工但下游各處積水皆由王平莊民堰漫出必須及早堵截被淹地畝方能漸次涸出趕種秋麥著傳諭韓鏞等會同孫士毅催集物料上緊補築仍即將王平莊缺口堵築幾成之處迅速覆奏

清 實 錄 乾隆五十五年八月下

○又諭曰孫士毅奏自入江境以後接據上下兩江民人具控呈詞關涉官吏之案紛紛不一擇其中情節較重之件俟由工所回至清江浦親提究辦其餘批飭兩司提省確訊等語所奏甚是江省吏治廢弛已非一日地方官相率效尤一任書吏等舞弊營私毫無顧忌必不止高郵句容兩案今孫士毅甫經到江而民人具訴者紛紛且有已結舊案事隔多年復經翻控者不可不徹底認真審辦以肅吏治而整官方孫士毅辦事老練結實受朕委任重恩務須不避嫌怨秉公逐案確查並嚴飭兩司親提研鞫如不肖官吏有似高郵句容之冒微侵蝕作奸犯科等事立即據實奏參嚴辦不可稍存徇隱姑息有負任使將此傳諭知之○癸酉諭曰郭世勲奏雷瓊道府等稟稱參將錢邦彥帶領外委張中秀出洋巡查遇見盜船即施放鎗礮打傷盜匪盜船退遁該參將乘勢追擊衝撞破船

二五一

頭盜匪回帆抗拒將錢邦彥殺害并傷斃兵丁舵水人等外委張中秀趕上救護兵丁亦各受傷等語錢邦彥帶兵出洋巡緝陡遇盜船即放鎗礮打傷盜匪復乘勢追拏尚為奮勇乃因遇礁碰損船隻不能行駛被盜拒傷身死殊堪憫惻錢邦彥著照陣亡例議卹其餘傷斃兵丁等並著郭世勲查明照例分別卹賞該部知道○諭軍機大臣曰郭世勲奏據雷瓊道俞廷垣等稟稱本年六月該鎮總

兵陸廷桂率同叅將錢邦彥出洋巡查該鎮由東開駛錢邦彥帶領外委張中秀由西開駛巡至崖州老虎頭外洋見有盜船四隻錢邦彥與張中秀先後往捕施放鎗礮打傷盜匪盜船退遁錢邦彥乘勢追拏衝礁撞破船頭盜匪回帆抗拒將錢邦彥殺害並傷斃兵丁舵水人等張中秀趕上救護兵丁亦各受傷隨一面咨會署提督蒼保一面飭委署臬司韓蔚馳往督緝並據蒼保奏稱接到郭世

勲知會即兼程前往查拏各等語叅將錢邦彥及兵丁舵水人等已降旨分別賞卹矣雷瓊一帶海面尚有盜匪出沒經福康安嚴飭沿海文武官兵兩次捕獲巨盜林亞五等審明正法稍示創懲今崖州洋面尚有盜船出沒叅將錢邦彥奮勇追拏因遇礁石撞破船頭不能行駛盜匪等竟取乘機回帆抗拒將錢邦彥殺害實屬逞兇藐法懲不畏死似此拒捕傷官巨匪不可不上緊搜捕按名拏獲

嚴辦以懲兇暴而靖海疆但海洋盜匪敢於如此肆行無忌殺害叅將大員未必不因福康安赴京後郭世勲等不能認真整飭而沿海文武員弁及水師官兵等俱各心存懈弛以致盜匪出洋肆劫行兇拒捕郭世勲等實難辭咎此時署提督蒼保總兵陸廷桂署臬司韓蔚俱已馳赴該處分頭督緝著郭世勲嚴飭該署司督率雷瓊道府等迅速查拏多方堵截並著各提鎮督率水師員弁帶領兵

丁出洋搜捕若能按名擒獲該撫及提鎮等尚可將功抵過如盜匪逃散匿迹不能全數搜拏惟郭世勳等是問恐不能當此重咎也至粵東洋面與閩省毗連盜匪聞拏緊急或潛逃閩省島嶼藏匿或登岸竄逸均未可定著伍拉納即酌派水師將弁出洋分頭巡緝幫同截拏並密飭各海口員弁留心偵緝如有盜匪進口立即盤獲毋得稍有疎漏再福康安接奉此旨知崖州地方有盜匪拒捕傷官重案自必急於回粵嚴飭督拏更為得力但現在帶領阮先平同行若遽先行馳回恐該藩心疑粵省有何要事轉為不便著傳諭福康安此時且不必稍露形迹仍與該藩接程行走俟至湖北分路後該督即速遣行趕回粵東如盜匪尚未全獲務須督飭嚴拏盡法處治毋使一名漏網再附報寄去奶餅一匣著福康安即交阮先平祇領以備途間食用並告知該藩不必具表謝恩以示優眷○

旌表守正捐軀直隸無極縣民黃清女黃氏○甲戌諭編修周厚棘前因大考休致來京祝嘏進獻詩冊復令出題考試所作詩句文理尚順且該員因繕寫越幅列入四等休致並非文理荒疎尚可加恩錄用周厚棘著仍以編修用○諭據烏雅爾達奏稱發往黑龍江為奴人犯王三槐殺死伊家主納爾新保一家五口並砍傷五口脫逃等語王三槐係謀殺人未死入於緩決減等發遣之犯今膽敢殺死伊家主一家數口殊堪痛恨著交烏雅爾達嚴緝務獲從重治罪外但從前屢經降旨以此等違犯內如有兇頑不聽使令者伊家主不妨即時杖斃或有不能管束者令即報官另行辦理設使分給人犯之家長等果能管束得宜撫養有恩伊等亦人也斷不忍殺傷該家主一家數口此皆因各人犯之家主等惟知役使鞭撻並不給與衣食又不留心防範以致伊等忿激殺傷家主著交東

三省將軍等通行明白曉諭令分給人犯之家長等務須嚴加約束如有性甚兇頑不能管束者即行稟知上司另行辦理縱致杖斃亦無不可仍令該家主等務須給與衣食毋得暴虐役使以致復為似此殺傷一家數口之事再此等人犯家主或恩養或暴虐將軍副都統等稽查未周以致釀成命案尚屬可原至伊等殺人脫逃一經稟報嚴行緝拏全在各該將軍副都統等認真督捕且甫經脫逃之犯豈能即時出境遠颺該將軍副都統等如果一聞稟報即迅速派委幹員役各赴偏僻要隘堵截緝拏斷不致免脫逃颺即或出境鄰境將軍副都統等如能認真緝拏亦斷無不獲之理著再行飭諭東三省將軍副都統等嗣後如有似此脫逃人犯務須迅速派委幹員役嚴行緝拏仍通行明白曉諭各人犯家長等務須嚴加管束量予衣食不得妄行撻辱以致忿恨莫釋釀成傷斃人

命之案○乙亥諭軍機大臣曰福崧奏分撥江南安徽安南夷人先經書麟酌派江寧三十三名蘇州十九名安徽十八名現在酌給養贍悉心籌辦等語所辦非是此等安插夷人自應於總督巡撫駐劄地方或有入官田畝可以撥給耕種俾得永謀樂利之所歸併一處安插以便就近約束況人數無多何必分派三處徒滋籌辦之煩即該夷人所需口糧在養廉內動支捐發祇可暫時賙給亦非經久之法該撫既稱蘇州現有入官田畝可以酌量撥令耕種自當妥協商辦孫士毅在四川總督任內所辦安南夷人到川分別入伍耕種一事經理甚為周妥是以降旨令福崧琅玕仿照辦理所有江南安徽安插人事宜竟交與孫士毅酌籌妥辦不必分作三處安插務使該夷人等挑補名糧者得以入伍學習而老幼羸弱亦使之各有恒產方為妥善宜孫士毅在川省能措置得宜而於江南轉

不能斟酌盡善耶將此傳諭孫士毅並福崧知之。又諭據周樽奏雨水田禾情形一摺。內稱鳳陽鄰近各屬雖間有低窪地畝積水。隨長隨消。於收成並無妨礙。其餘各屬雨水均能調勻。早稻業經刈穫。晚禾亦已結實。不特廬州安慶二府年穀順成。即鳳屬高阜處所亦皆豐稔等語。而於通省收成究有幾分之處。未經敘及。又據開報糧價單內。朕詳加披閱。各府州縣俱較上月稍減。即泗州被有水災之處。亦比前有減。無增。惟鳳陽府屬。註有稍增字樣。可見該省雨水較多。而泗州因淮河漲發。以致田畝間有被淹。收成尚不至於歉薄。現在田禾將次登場。著傳諭朱珪。即行查明。安省秋收分數。牽算究有幾成之處。據實覆奏。以慰廑注。○又諭曰。朱珪奏直隸宣化府同知湯垣。採買寶直局鉛觔。在安徽和州地方。陡遇暴風。將一號鉛船沉溺。當經該州會同營弁運員。雇募水摸打撈。已經全

獲等語。向來各省採買銅鉛等船。及滇黔等省運京銅鉛。中途沉溺打撈。無獲或不能如數全獲者。俱令各運員等分別著賠。將地方官議處。原以杜偷漏而示懲儆。但打撈不力。致銅鉛損失。既定有罰賠議處之例。則認真撈獲。並無缺少者。亦當量予甄敘。俾該員等知所激勵。上緊打撈。以期沉溺銅鉛。不致終於無獲。立法較為平允。嗣後遇有銅鉛錫觔等船。在途沉溺。該員果能實力設法。全數撈獲者。著該督撫查明咨部議敘。以示獎勵。所有此次全獲沉失鉛觔之員。即著照此辦理。○諭曰。周樽奏據潁州府知府李基稟稱。訪得亳州有楊姓。毆傷伊父身死。兇犯脫逃一事。當即密札飭查。並親赴查辦。旋據署知州宋思楷稟報。查得前任知州裴振任內。有村民楊洪。用斧砍傷伊妻魏氏。伊父楊士美。拉救誤傷腦後。致死。楊洪即行脫逃。經裴振親詣驗訊。差緝未獲。未經詳報。該府即抵州檢

驗楊士美腦後果有鐵器傷痕并訊取該犯親屬確供據實揭報請將知州裴振革職勒限協緝知府李基一併革職等語茂倫重犯自應迅速查拏據實呈報以期及早弋獲逮正刑誅乃該知州於楊洪誤傷伊父身死脫逃一案匿不通詳一任兇犯逋颺日久未獲殊出情理之外僅擬革職協緝不足蔽辜裴振著革職拏問仍勒限令其派人留心購緝俟獲犯定案時再行究擬知府李基既有訪聞並不立時查辦亦屬疎玩但此案究係該府稟揭覈其情罪與匿不詳報之知州尚屬有間李基著革職仍行送部引見其在逃之兇犯楊洪務即飭屬嚴拏並著鄰近各省一體躡緝務獲毋致久稽顯戮○丙子諭曰琅玕前已有旨降為頭等侍衛前往哈密辦事所有該部議請革去職銜發往伊犁効力贖罪之處著加恩寬免仍令即往哈密辦事○丁丑諭軍機大臣等前因通惠河年久淤墊

令金簡會同蘇凌阿劉秉恬勘估派員挑濬已於二月內挑竣按開放水其通州外河石壩前為軍船起卸之處因來源微弱將上游之溫榆河一併挑挖以資浮送本年轉運漕糧較為迅速全漕業經完竣但恐經夏令之後積潦停淤河底又致高墊著傳諭蘇凌阿等督飭汛員不時查看遇有淤沙橫亘即加疏濬方於轉運漕糧永遠有益並著該侍郎等即將新挑河道現在是否深通可資經久之處查明據實覆奏○又諭據永保奏哈薩克汗幹里素勒坦之弟多索里素勒坦前赴伊犁懇將帶來灰鼠等物貿易綢緞布匹之處擬駁等語朕雖因辦理妥善賞給荷包但所辦尚未周密伊犁商販甚多即當面議駁仍恐不肖之徒將私帶貨物潛行貿易究與未駁何異且安集延回人等永保即照所懇令其內地行走尤屬錯誤阿克蘇等處並有回人集場伊等夾帶俄羅斯貨物於途中私

自偷賣永保何以未見及此著傳諭毓奇等此項人等前至阿克蘇地方務須嚴密查察毋許私行貿易尋毓奇等奏俄羅斯所產物件禁止不准入卡大黃等物不准出境臣等謹將此旨通行曉諭除嚴飭各卡站外並將烏什阿克蘇之阿奇木伯克邁默特阿布都拉托克托呢咱爾等面加詳諭如有前來伊犁阿克蘇二處貿易回人俱給以烏魯木齊吐魯番喀喇沙爾庫車等路引於各處驗照搜查不至稍有疎漏報聞○是月欽差戶部侍郎韓鐸江南河道總督蘭第錫等覆奏上游黃水泛溢實係毛城鋪滾壩及天然閘等處分洩下注並非大隄漫溢之水自七月二十二日補築工完後水勢歸槽仍循滾壩下注照常分洩得旨度慎為之可也○河東河道總督李奉翰奏時逾白露黃沁兩河安流順軌皆賴

以手加額欣慰覽之○湖南學政張姚成奏考試情形得旨為之以實持之以久可也○山東巡撫覺羅長麟奏臨清州屬姜家莊民埝漫水三十六丈已於八月初二日堵閉斷流東昌府聊城縣境運河水勢多與閘背相平先將縣南之荆門等閘酌量閉板俾上游之水均由張秋東岸之五空橋平水三閘等處分洩入大清河歸海併將荆門閘造北之龍灣魏灣滾水壩及減水各閘啟放中秋前後積水均可全消趕種秋麥無誤得旨所辦好勉為之今若何速奏來

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百六十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百六十二

監修鴻臚寺卿臣等奉 上諭事臣等查

吏部理舊院事務王黃旗滿洲都統世襲騎尉尉功加七級隨帶加一級尋常加二級軍功紀錄一次臣等查

鴻臚寺理舊院事務太子太傅文學士文淵閣閣事稽察欽奉 上諭事臣等查理舊院戶部三庫事務

世襲騎尉尉功加十九級隨帶加二級又加二級尋常加二級軍功紀錄五次臣等查理舊院戶部三庫事務

尋常紀錄十四次臣等查理舊院戶部三庫事務臣等查理舊院戶部三庫事務

教修

乾隆五十五年庚戌九月戊寅朔諭軍機大

臣曰福崧等奏查勘泗州等處被水情形摺
內稱分路履勘成災輕重不等高阜地方收
成俱好尚非急需撫卹惟實在被水村莊秋
禾無獲仰懇一體酌量給賑統俟查明戶口
覈實題報等語泗州等處積水淹浸久未消
退低窪地方秋禾多被淹損自應一體給賑
以資貧民口食著該督撫等即速詳查戶口
題報給賑毋使一夫失所以示朕軫念災黎
至意 已卯

上御勤政殿聽政 諭昨閱考試滿洲繙譯生員取中試卷內清字訛錯繙譯平常者甚多其落卷內舛錯尤甚者更復不少此等士子俱係初學之人漢題較難繙譯平常尚可乃清字竟至訛錯不無情弊不成體統主考大臣等並未詳細選擇惟拘定額取中殊屬疎忽非是已延三慶桂著交部議處將此次試卷內字畫訛錯者俱著開除外其餘著於本月十一日再令入場考試其主考大臣等屆期另行奏派所有應辦事宜著交該衙門照例辦理考試之日即著此次派出搜檢拔貢之王大臣侍衛等搜檢其蒙古繙譯尚屬較可即著照取中試卷出榜○軍機大臣等議覆浙江提督陳杰奏請浙江通省所有提鎮標及各協營千把外委額外外委缺出皆送總督驗放但總督駐劄閩省道路遙遠此等微員往返維艱請嗣後各該營遇有千把外委額外外委缺出除將總督駐劄本省各營

照舊辦理外其隔省較遠各標營就近令該提及該鎮自行考拔或遇該督查閱營伍之時再將該提鎮新行拔補之千把外委逐加考覈優劣倘有冒濫分別叅究應如所請從之○以戶科給事中薩哈爾濟為內閣學士兼禮部侍郎以服闋內閣學士尹壯圖為原官 庚辰諭曰福長安等奏考試選拔禮部既經奏明照鄉會試辦理乃所派司員詢以一切章程不能分晰登答填寫卷面履歷多有錯誤等語拔貢一途為士子進身捷徑前已降旨歸併一場考試並停止挑選嚴加覆試原以杜倖進而昭慎重禮部自應認真妥辦其一切場中事宜亦應照鄉會試之例詳慎辦理乃似此疎忽舛漏咎實難辭除詢明順天府原係禮部承辦免其議處外所有禮部堂司各官著交部分別議處並著即行另派妥練司官四員趕入貢院接辦毋致再有貽誤○諭軍機大臣曰郭世勲奏接准暹羅

國王鄭華咨稱乾隆三十一年被烏肚構兵圍城國君被陷其父鄭昭得復舊基十僅五六該國舊有之丹荖氏麻叨塗懷三城現被占據懇請諭令烏肚割回三城等情閱其情詞係屬非禮妄求擬作已意未敢具奏將表文駁回應否如此請旨遵辦等語並鈔錄表文咨文及所擬檄稿進呈所奏尚是自應如此辦理但所擬照會尚有未盡周到之處朕思暹羅所稱之花肚番即係緬甸從前緬甸與暹羅詔氏構兵時尚係已故緬首惜駁並非現在國王孟暉之事即丹荖氏等三城亦係詔氏在國時被緬甸侵占本非鄭氏國土相安年久自應各守疆界現在緬甸已經易世暹羅又係異姓繼立更不當將詔氏失去疆土向其爭論況彼此皆無憑據未便以無根之言遽索土地天朝撫馭萬國一視同仁毫無歧視緬甸固屬新封而暹羅亦係鄭昭得國後鄭華嗣掌國事始加封爵該國王等

惟當欽遵前諭釋嫌修好共沐寵榮豈得以此等非分干求妄行瑣瀆若因暹羅懇諭緬甸返其侵地即允所請設緬甸以暹羅越疆構釁亦索城池復來申訴兩國紛爭伊於何底耶或係因福康安來京郭世勲初署督篆該國以此事先為嘗試亦未可定該撫接准咨文即應作為已意一面行文駁回一面馳奏方於事理妥協今俟此摺發回始行檄諭往返耽延未免多需時日該國使臣在粵見日久未發回文自必料及奏聞候旨而檄內又稱未經據情代奏恐非取信屬國之道朕已命軍機大臣代擬檄諭祇可云兩廣總督福康安現在來京陛見郭世勲係署理總督接閱該國咨文札商福康安意見相同始行聯銜照會不敢上瀆天聽若該國王必欲懇請轉奏封疆大吏從不敢壅於上聞但恐該國非禮妄干之咎致干詰責斷不能仰邀恩准也如此剴切曉諭庶足以服該國王之心

而措詞嚴正亦得撫馭外夷之體該撫接奉
照會文稿即當聯銜照繕發往如續得暹羅
來咨即行迅速馳奏又諭阿拉善王旺沁
班巴爾福晉格格係朕孫女今在京遠逝其
靈輓現須由內地回伊游牧恐道路遼遠所
有人夫等項雇覓維艱不無拮据著傳諭沿
途各督撫於靈輓經過時一切人夫酌量官
為雇備前抵游牧毋令途次遲滯以示體恤
○壬午諭步軍統領衙門奏據山東濱州武

生薛樸元控稱杜宜豐等在本州誣伊與堂
兄薛對元等率眾搶劫糧鋪什物及經差拏
後又賄買差役趙同善等捏稱薛對元等毆
差奪犯希圖傾陷以致伊兄問擬絞候但伊
兄曾於去年十二月二十七日自家起身於
正月到京會試本州何以捏稱正月二十日
在籍毆差實屬冤抑隨調取薛對元到京居
住齊魯會館帳簿查閱並嚴訊看館之人稱
薛對元實係本年正月十五日到館則二十

日在本省犯事地方官顯有誣捏情弊等語
奪犯毆差惡習最為可惡即在無知鄉愚亦
應從重究辦以儆刁風前據長麟審擬薛對
元率領族人薛宗孟等赴杜宜豐家碎毀器
物經杜宜豐呈控該州差拘薛宗孟等到案
薛對元遂商謀奪犯糾集多人喊令毆差朕
以為該犯身列賢書藐法逞兇情罪更重是
以令刑部歸入本年秋審情實案內辦理今
聞所控情節薛對元已於正月十五日到京

居住會館與查出帳簿月日相符並詢之籍
隸山東京官亦僉稱正月二十內見過薛對
元夫濱州距京千里即馳驛亦不能於二十
日在本籍地方糾人搶犯且薛對元既於二
十日滋事何以十四日地方官升豫先赴該
犯家中圍捕豈有滋事在後而拏犯轉在前
之理即秋審過堂臬司何以將薛對元捏報
患病並不解院再查長麟審辦此案內有薛
樸元供詞今據薛樸元供稱彼時並未到案

質訊焉有供詞此語是否確實該省現有原卷可查如果薛樸元到案必有親供畫押無難即時查對明白若無薛樸元親押即係捏造此種疑竇不一而足似此關係人命出入重事外省問刑衙門如此任意周內殊出情理之外不可不根訊確實以成信讞但此案各犯證人數衆多未便提解來京審辦胡季堂前經派令赴東審訊平度州民人羅有良一案並不以長麟曾任刑部司員係伊保舉

稍存瞻徇而穆精阿熟諳刑名素日不肯隨聲附和想不致有依違袒庇之事但胡季堂穆精阿俱係刑部堂官長麟亦係刑部出身因思和琳歷任巡漕於一切運務河工俱能實心經理甚為熟諳明年巡視東漕事務即仍派伊前往以資駕輕就熟現在收束湖水察看河道開壩等事均關緊要本欲令伊即赴東省所有薛對元一案即著和琳會同胡季堂穆精阿秉公確訊均著於明日馳驛前

往不必再行請訓其隨帶司員亦著一併馳驛抵東後務當提集犯證卷宗將指出各情節逐一查對嚴鞠務得實情不可稍涉徇庇有負委任原告薛樸元即交胡季堂等帶往所有步軍統領衙門原摺及薛樸元原呈供詞亦著一併發往備質以翰林院侍讀曹城充日講起居注官左贊善裴謙署日講起居注官○癸未諭向來令各省督撫保舉堪勝知府原以才具資格可以勝方面之任者

方准登之薦剡豈可逾格保舉以啟越等躁進之漸前浦霖將未陽縣知縣成明保舉知府吏部議駁經朕准令送部引見但思該省直隸州知州同知內豈無守潔才優堪膺是選者乃率以知縣越級保薦殊屬非是昨經吏部帶領引見已令軍機大臣存記遇有知府遺缺將該員陞用矣嗣後各省督撫保舉知府務當於直隸州知州同知內擇其才具優長操守廉潔者秉公保奏不得以知縣等

官濫膺薦牘即知縣中如果有勤幹廉明實堪勝任郡守者亦不妨奏明令其由丞倅漸次陞擢循序以進若以知縣驟保知府不但失之過優實啟奔競躐等之漸浦霖著飭行將此通諭知之諭軍機大臣等前因黎維祁失國內投念其祖宗世守藩封職貢百有餘年不忍致令廢絕是以降旨加恩令其來京編入漢軍世襲佐領今黎維祁到京供職後頗屬謹慎守法因念伊妻未曾隨同進關

令於隨從女子中挑擇一二人以為側室而黎維祁以跟隨屬下人等妻孥俱已散失伊不忍一人獨有家室並稱親弟黎維祇親妹三人及妻妾家眷等相別已經二載存亡未卜朝夕繫念魂夢難安不肯遽置膝妾黎維祁本屬情懂之人此事却不以安樂而忘患難其心可嘉其情翻屬可憫從前黎伺進關時曾稱黎維祇糾集多人力圖恢復該國人心未去羣思推奉黎維祇與阮氏為難嗣將

黎伺解京詢問復稱國母尚在伊所若在此淹留有負故主托妻寄子之重且稱寧死不易衣冠是該國反側之徒皆以黎維祁妻弟眷屬尚在該國境內輒思藉以為名糾眾滋擾與阮光平轉多未便不若令阮光平將黎維祁之妻妾弟妹一併派人送出既全黎氏骨肉又免該國後患豈不一舉兩得著福康安告知阮光平以黎維祁棄印潛逃失國雖由自取大皇帝俯念黎氏舊隸藩封恪共臣

服是以加恩將黎維祁送京編入漢軍世為佐領今伊眷屬尚留滯安南不免有流離瑣尾之嗟且黎伺等曾以黎維祇為名號召多人希圖滋擾今黎伺等雖已解京監禁而爾國心懷叵測之人如黎伺者想亦未能盡去即黎維祁之妻究屬從前該國主母人心思舊亦恐有奉之生衅者於爾國終非萬全之策此次國王進京祝嘏備荷殊施大皇帝之於國王不啻家人父子恩義兼隆因為國王

代計其已故者不必論若將黎維祁妻妾弟妹及一切親屬人等送出如黎氏舊臣在安南尚有自作不靖為國王素所疑忌者亦可乘此送出俟到鎮南關後即交廣西巡撫派員送京在黎維祁不但室家團聚亦使永絕繫戀故邦之念而爾國反側之輩更無從藉以滋事實為兩得之道再暹羅鄭華以詔氏所失之土懇求天朝諭令緬甸割還大皇帝以暹羅所失三城係詔氏在國時被緬甸侵

占本非鄭氏國土相安年久自應各守疆界況緬甸已經易世暹羅又係異姓繼立更不當將詔氏失去疆土向其爭論若再以此非禮干求必當加之嚴譴也如此詳悉告知並著附報發去蜜錢菓乾一匣賞給阮光平以備途次食用不必具表謝恩以示優眷○烏嚕木齊都統尚安奏本年七月初六日夜間山水驟漲山溝東南所立滿營水磨及磨旁房屋被衝坍塌存貯麥麪沉溺當飭知州慶

衍借支兵丁一月口糧仍於兵丁每月應領麪石內作為一年扣還並於庫貯馬價內動銀一千八百兩交各該協領將銜坍塌水磨速行修理以來年官鋪滋生銀兩補還歸款報聞又奏從前昌吉縣南山金廠產金較少經臣奏明移於北山試採自募夫立廠以來每月產金數目較南山稍多但該處與從前封閉古城瑚圖斯山毗連恐夫役越境偷採難以巡查請將北山金廠封閉新募夫役全

行撤去以靖地方得旨先行甲申諭據額勒春奏古州同知董樑郎岱同知林荔二員堪勝知府之任與督臣札商意見相同會同富綱具奏等語前令各省督撫保舉堪勝知府之員原欲督撫等各舉所知登之薦刺不必會同商酌譬如令六部保舉司員各堂官等自當會同保送若有旨令九卿各舉一人即應專摺自行具奏不相關會外省巡撫與總督不同省會者與此無異今額勒春於本

省保舉知府之事札商總督始行具奏殊屬拘泥其餘各省巡撫保舉知府有與總督會商者均屬非是嗣後除各該省保題屬員仍舊照例會銜外其特旨令各省保舉人員如督撫駐劄隔省俱著自行密保毋庸會銜具奏○又諭曰保寧奏卓克采兇番安佈穆等圖財害命將投宿民人方志偉砍毆身死張國澄余現明亦皆受傷經該土司聶噶爾佈木拏獲兇手稟報審明正法該土司頭目人等雖有約束不嚴之咎姑念其一聞喊救即親往查辦應從寬免議等語土司聶噶爾佈木於所屬番人逞兇謀命即行親往查拏將安佈穆等拏獲伏法正兇不致漏網尚屬奮勉不但應寬其失察之罪並當加以賞賚著保寧即傳旨賞緞二匹以示獎勵○諭軍機大臣曰梁肯堂奏據天津縣知縣李符清在北關店內盤獲假冒理藩院主事楊超錚名字之崔三現飭藩臬兩司速提該犯來省督

同嚴審定擬等語崔三冒充職官膽敢在天津縣署遞送字帖稱有公事議約計圖誑騙情甚狡譎該縣李符清親往店內面加盤詰究出假冒情節尚屬留心著該督將李符清記名以示獎勵其崔三一犯蹤跡詭秘恐捏稱假官騙錢不止一次亦必有夥同詐冒之人且官員名字甚多何以獨冒理藩院主事楊超錚之名其中恐尚有別情該督即將該犯嚴行審究務得實情速行定擬具奏○又

諭步軍統領衙門奏據江南民人湯乾學呈稱南北兩河自四十三年以來漫缺口岸八九次上費國帑總由不遵古法所致而河員疎防性成反以黃河有事為利開列江南河工十病河南河工三病赴京呈明等語南北兩岸工程近年以來黃流順軌頻慶安瀾上年毛城鋪缺口亦立時堵閉而本年天然峯山等開因減洩黃水下注低窪地畝間被淹漫尚非河水中決但自四十三年以後黃河

屢次漫口其中或有辦理不善之處而所稱
網罟種柳等款非盡無因即遇有汎員缺出
並不秉公拔補工次稽料不足河廳包攬草
率各條如果屬實與河工殊有關係自應詳
查究辦以杜弊端而重河務著將步軍統領
衙門原摺及該犯原呈內所陳十三款交與
韓鐸孫士毅會同蘭第錫李奉翰穆和蘭按
照款內所指情形逐一分析查明如有可以
採取之處務須詳悉妥議據實具奏不可稍
存迴護如此時韓鐸因節近霜降該處工程
平穩業經起程回京於途次接奉此旨亦即
轉回江南會同孫士毅等悉心詳覈俟將各
款妥議後再行來京復命亦不為遲將此各
諭令知之尋韓鐸孫士毅蘭第錫覆奏湯乾
學所指河工十病查高堰山貯石工偶為風
浪所擊間有數段掣卸與樁木無涉毛城鋪
外灘已做成二百六十五丈現存口門二十
丈水勢暢注正河徐城誌橋連舊存長水九

尺五寸下游拳山開前已全行堵閉天然開
大加收束即日亦可堵閉唐家灣引河業經
停淤洪澤湖水漸已消落毛城鋪滾壩之水
日見減退洪睢河兩岸民埝次第補還被淹
田畝涸出無礙耕種得旨覽奏俱悉 乙酉
諭軍機大臣曰額勒春奏報七月分雨水糧
價情形一摺內稱田間稻穀早者已陸續收
割晚者亦結實齊全指日新糧入市糧價自
必益加平賤等語照省今年陽雨應時農田
早晚稻穀俱一律茂豐盛覽奏甚為欣慰
但現屆秋成之際該省收成究有幾分尚未
據該撫奏報著傳諭額勒春即將通省收成
實在分數繕摺具奏 軍機大臣會同理藩
院議覆鄂輝等酌議藏中各事宜一摺中舊
例凡唐古忒事務俱係噶布倫等查辦稟知
達賴喇嘛裁定自噶勒丹錫呼圖禪師進京
後諸務交噶布倫辦理者甚少以致唐古忒
生怨嗣後凡補放戴綱第巴頭目俱令四噶

布倫揀選保送達賴喇嘛駐藏大臣驗看後仍由達賴喇嘛處發給執照其一切應得田產及入官抄產並因公免差每年食差徵收錢糧等事俱令四噶布倫繕備執照噶勒丹錫呼圖禪師親用鈐記再用達賴喇嘛印信如有需用駐藏大臣印信之處亦令一體印用發行一凡第巴內如有辦理地方事務擾害屬下者噶布倫等查出即稟明駐藏大臣濟龍呼圖克圖點革仍稟達賴喇嘛外其所

遺員缺俱交噶布倫等揀選人品端方辦事妥協者保送與濟龍呼圖克圖商定人數先送駐藏大臣驗看再稟達賴喇嘛驗放此雖係慎重地方起見但應行揀放之人其賢否恐駐藏大臣究難深知嗣後噶布倫等保送之人先令駐藏大臣與噶勒丹錫呼圖禪師公同酌定再送達賴喇嘛驗放其執照仍舊辦給一凡揀放廟內堪布請濟龍呼圖克圖會同羅布藏根敦達選熟悉經卷喇嘛二三

人送達賴喇嘛驗放仍稟知駐藏大臣其應給執照令濟龍呼圖克圖於達賴喇嘛印照紙尾親用鈐記發給一唐古忒等舊例無論僧俗凡有勞績者達賴喇嘛發給免差印照但達賴喇嘛為人長厚屬下人等有私用達賴喇嘛印信免差等事唐古忒等頗有怨言請嗣後全行清查其實有勞績應行發給者仍用達賴喇嘛印信補用濟龍呼圖克圖噶布倫鈐記另行換給外其不應發給及賄囑

者概行徹毀嗣後賞給田廬蠲免差務等事應給執照者務令噶布倫等與濟龍呼圖克圖商定後再稟達賴喇嘛發給仍稟知駐藏大臣再達賴喇嘛商上恐有奪人田產賞入官等事現交濟龍呼圖克圖噶布倫等清查稟知達賴喇嘛內有應行退還原業者令達賴喇嘛濟龍呼圖克圖發給執照退還其不應退還者入於達賴喇嘛商上以為公用其從前所給免差執照以及有無奪產賞人

等事即交噶布倫等先行查辦俟噶勒丹錫呼圖禪師抵藏後再行詳查與駐藏大臣酌定再稟知達賴喇嘛給與執照一舊例抄沒田產什物一併交達賴喇嘛商上賞人田產亦聽達賴喇嘛所指噶布倫等無憑稽查請嗣後達賴喇嘛賞人田產俱令噶布倫等查其情理給與如有不合即令勸止其應治罪者亦交噶布倫詳查果罪應抄沒再行回明達賴喇嘛查抄仍交噶布倫存案但必須先

回明駐藏大臣酌定是否然後再辦再達賴喇嘛父母兄弟勢不能不給養贍之資請一併交鄂輝等會同噶勒丹錫呼圖禪師詳細擬定奏聞一達賴喇嘛商上倉庫向係商卓特巴專管出入俱用達賴喇嘛印封請嗣後零用物件仍交商卓特巴支用所用數目按季呈明濟龍呼圖克圖查察外凡開閉倉庫請由達賴喇嘛濟龍呼圖克圖派人會同噶布倫監視仍按季詳察覈對出入總數一從

前來藏熬茶蒙古番子俱自到日滿支口糧今商卓特巴等私自減半支給請嗣後俱交噶布倫等按人滿支其賞賜熬茶人等物件亦交噶布倫登記轉給以免從中侵換之弊一跟隨達賴喇嘛之孜仲舊例一百五十餘名今近三百名恐一時礙難褫革請陸續裁汰至一百六十名而止所奏雖屬可行但三百人內難保無奸詐之人著交駐藏大臣俟噶勒丹錫呼圖禪師抵藏後噶布倫等公同

詳察如有奸惡之徒即行褫革一商卓特巴孜仲綏綢等人數過多最易生弊羅布藏根敦為入公正誠實現管達賴喇嘛私事請嗣後自商卓特巴以下俱令羅布藏根敦管轄一凡藏中公事請令噶布倫等俱向濟龍呼圖克圖公商再稟達賴喇嘛酌定濟龍呼圖克圖私謁達賴喇嘛請執師弟禮其行禮會集坐位與臣等對面令其退避一席布達拉大昭二處自商卓特巴以下內而令羅布藏

根敦管轄外而令濟龍呼圖克圖管轄如有
滋弊令內外公同查察稟知達賴喇嘛嚴辦
若事有關係令濟龍呼圖克圖與臣等面商
濟龍呼圖克圖現在令其來京已達噶勒丹
錫呼圖禪師赴藏其濟龍呼圖克圖坐次與
謁見達賴喇嘛之處俱毋庸議外噶勒丹錫
呼圖禪師坐次謁見達賴喇嘛儀注俱照從
前駐藏時行從之○和闐辦事大臣李侍政
錦格等奏和闐回民安居樂業今歲穀石較
往年尤為豐收但其間無業人等俱賴傭工
度日而各色穀價不一多有未便今查和闐
普爾錢除支放官兵鹽菜羊隻外每年尚餘
七百六十九串有奇請於此項贏餘內動支
一百五十六串按時價將麥黍高粱各買三
百石存貯空廩遇青黃不接穀價昂貴時酌
價減糶其所賣之錢仍歸原支項下入官以
備彙報嗣後每秋即以此為例動款辦理於
回民生計尤為裕如得旨允行○予故喀爾

喀賽因諾顏部落扎薩克多羅貝勒德木楚
克扎布致祭如例○丙戌

上幸靜宜園駐蹕至壬辰如之○諭前經降旨
將漕糧三十萬石截貯北倉派撥直隸各州
縣賑濟之用茲據梁青堂奏被水各州縣實
需賑卹者計有四十餘處各處存倉米穀自
應儘數動支除冬間散賑外尚應豫備來年
出借籽種口糧減價平糶現需之大賑加賑
米糧恐不敷用懇於通倉內賞撥米三十五
萬石等語直隸被水地方普加賑卹需用米
石較多自當寬為豫備俾小民均霑渥澤著
加恩竟於通倉存米內撥給四十萬石該督
即分飭應撥州縣赴通領運務期實用實銷
不得任聽吏胥虛糜盜賣滋弊並著督率所
屬確覈戶口按數散給毋致一夫失所以副
朕軫念災黎有加無已至意○又諭曰書麟
奏交城縣耆民武魚河現年八十二歲壽陽
縣耆民任常慶現年八十八歲俱五世同堂

請錫予恩賚等語武魚河等年逾八旬慶衍
曾元洵屬熙朝盛事所有應行賞賚之處著
該部察例具奏○丁亥諭據明亮等奏俘獲
喀什噶爾監禁應行發回之布魯特玉默特
珠德彌什托禮彌什等人犯內夤夜私卸械
械潛逃之珠德彌什解送勒保擬以發遣充
當苦差并將看守人役治罪等語明亮等所
辦殊屬錯謬珠德彌什等雖係審明未經盜
竊應行發回之人究屬扭械監禁候旨發落
之人理宜守法靜候今乃膽敢私卸械潛
行脫逃情殊可惡明亮既經拏獲理宜即行
正法俾新疆各部落人等共知法令嚴肅即
看守人役亦應嚴行辦理以示懲儆明亮等
獨未計及於此耶乃將珠德彌什擬以發遣
既已錯謬至審擬看守人役摺內聲敘殊未
明晰尤屬無謂昨甫降旨將明亮補授刑部
尚書乃伊辦理此案如此錯謬殊為褊薄著
將明亮等嚴行申飭外仍將明亮博興交部

嚴加議處伊斯堪達爾究屬回人著從寬免
其議處著明亮將珠德彌什即行正法並著
通行曉諭布魯特等以珠德彌什等皆係審
明並未行竊應行發回之人但伊等扭械監
禁之際理應守法靜候乃珠德彌什竟敢私
卸械潛行逃脫殊屬目無法紀情實可惡
是以將珠德彌什正法嗣後爾等務須凜遵
法憲毋蹈覆轍若珠德彌什業經解赴勒保
處勒保即將珠德彌什速解喀什噶爾交與
明亮等遵旨辦理其督領看守之彌喇布伯
克呼達雅爾之子額布塞依特向原看守之
回人愛什木等六人索取錢文令愛什木等
回家過年致令珠德彌什乘間脫逃若僅枷
號不足蔽辜著將額布塞依特發遣內地餘
俱照明亮所請行○戊子遣官祭
歷代帝王廟○遣官祭
都城隍之神○諭科道三年內陞外轉之例
原屬具文昨已降旨停止今思京察之期都

察院堂官原有保送記名道府之例但外轉只此一途熱中之輩未免以壅滯竊議嗣後漢科道當照六部漢郎中之例都察院堂官覈其才具分別繁簡送部截取御史以知府用科員以道用照例截取則選用道府者人數較多所有漢郎中科道論俸截取俱定以四年之俸准其截取如該員等歷俸未滿吏部月選遇有繁簡知府缺出不敷選用屆期該堂官另行奏聞候朕簡放如一時簡放無

人再令該堂官分別揀選庶於甄錄之中仍杜躁進之漸又諭曰永保等奏拏獲偷竊馬匹之回犯伊斯拉木聶提沙爾審明辦理等語伊斯拉木聶提沙爾等身係逃犯膽敢糾同從前脫逃之回犯岳和布多里雅特偷竊馬匹又拒捕放鎗情殊可惡計其所竊馬匹已逾十匹以上理應即行正法乃永保摺內奏稱應按例將伊斯拉木擬絞監候入於秋審情實是何言也繼而始稱將伊斯拉木

立絞訖如此辦理方為允當但既將聶提沙爾擬絞入於秋審亦應予勾著將聶提沙爾即予勾決永保接奉此旨將聶提沙爾即行處絞至此等脫逃人犯一經報逃不過在伊犁境內即或出境亦不過逃往回部地方如果實力緝拏斷無不獲之理乃該將軍大臣等竟不實力督緝任其藏匿山內以致糾眾肆行偷竊馬匹未經拏獲之岳和布多里雅特著永保等嚴緝務獲照例治罪商伯克托

克托跟蹤追捕所乘之馬為烏鎗所傷竟將伊斯拉木聶提沙爾拏獲甚屬奮勉著由該處庫內賞給大緞一匹以示鼓勵至辦理新疆事務須信賞必罰始足以昭勸懲著飭諭永保如有似此應行治罪者即行辦理其應行賞賚者亦著即行獎賞慎勿仍此拘泥猶豫也諭軍機大臣曰秦承恩奏安徽民人呂鳳翔在山東行在叩閭控告安康縣私徵私鑄及余小一搶奪等款逐一研鞫實係挾

嫌捏告加以駁詰該犯瞪目直視其為瘋顛妄控毫無疑義擬發邊遠充軍等語此案係三月內在山東行在控告當令東省派員解交秦承恩審辦何以延至五月之久始行審擬具奏所辦實屬遲滯姑念該撫平日辦事尚能認真妥協加恩免其議處嗣後遇有地方一切公事務須益加題勉毋得似此遲延致干咎戾至呂鳳翔因挾余小一毆逐微嫌捏告搶奪該縣審係虛誣該犯復捏砌私鑄私徵等款叩閣呈遞甚屬狡詐未便因其言語荒唐遽以為瘋顛妄控從輕完結該撫所擬發往邊遠充軍之處不足蔽辜著將該犯發往伊犁給予兵丁為奴以示懲儆○己丑上御演武廳閱健銳營兵○諭兵部叢議綏遠城將軍興兆副都統七十五承審失入一本向例各省秋審人犯有原擬情實經刑部改為緩決者即照承問失入例實降一級調用不准抵銷是興兆七十五俱應降調因興兆

係宗室公祇折罰將軍俸二年抵降一級免其降調將七十五實降一級調用兵部雖屬照例辦理但同罪異罰定例未為允協嗣後宗室王公等兼將軍都統職任者遇有同副都統一律降留處分仍照例罰俸若處分較重副都統應行降調者其王公每一級著加倍罰職任俸四年以昭平允興兆即照此例辦理七十五著照部議降一級調用仍送部引見著為令○又諭本年輪應年班蒙古王公內有來京祝釐者伊等已住月餘若年班又令前來不免勞頓除御前行走者仍令前來外其餘俱不必來如自願來者聽以示朕惠愛蒙古臣僕之意○諭軍機大臣等前據勒保奏甘省本年暢雨應時田禾暢茂通省收成約計八分有餘覽奏深為欣慰本日又據該督奏到糧價清單朕詳加披閱蘭州翠昌等各府屬俱有較上月稍增字樣該省收成既通計八分有餘當此新糧入市價值應

日就平減何以此次糧價單內轉比上月稍增殊不可解著傳諭勒保即將糧價因何較增之處查明據實覆奏毋稍迴護 辛卯諭朕閱工部議駁陝甘總督勒保題銷乾隆四十九年勦洗鹽茶廳送回軍需一本內火繩一項甘省係用紙張製造殊屬非是烏鎗最為軍營利器而臨時施放尤藉火繩點引朕嘗火鎗中鹿從不知用紙為火繩即向來京師健銳火器各營亦無用紙火繩放鎗者蓋緣紙張質地脆薄易於破損若用以為繩藥多則過火迅速藥少則又難於點引且不耐雨水潮濕是以總用麻繩撻造從無以紙為火繩之法不知甘肅何所倣而為之竟成笑話即此以推可見外省綠營器用全無實際且一省如此恐各省亦皆意圖省便多有似此者於軍制殊有關係即云藥煮麻觔火繩貯庫日久恐致黴黧不妨將火藥麻繩物料照例豫備足數臨用時再將藥水薰煮亦無

難立時製辦夫兵可百年不用不可一日不備况烏鎗尤為臨陣銳器豈可因火繩不堪適用反致臨時誤事耶嗣後各省營伍所用火繩俱著照定制以麻觔妥製毋許偷換紙張以利軍行而昭實用所有各省營伍是否俱用紙火繩點放烏鎗之處著督撫據實覆奏並令不時查看入於年底彙奏 又諭曰梁肯堂奏原任河南儀封縣勒休知縣葛其英未完銀兩除寬免一半外尚有未完分賠祥儀青龍岡二案漫工銀四萬五千四百四十餘兩除查封衣物及坐扣過伊孫葛泰生開官廉俸共銀一百八十五兩外實在未完銀四萬五千二百五十九兩零現在查明家產盡絕將葛其英問擬杖徒葛泰生一併革職等語此案葛其英應賠銀兩已寬免一半外尚應追銀四萬五千餘兩為數較多該員既經家產盡絕勢難按款追完即伊孫葛泰生係開官微員廉俸無幾每年扣抵亦不及

百分之一所有葛其英名下未完銀四萬五千二百五十九兩零著穆和蘭查明該員任內祥儀青龍岡等處漫工時歷任撫藩及本管道府照數分別攤賠以清款項葛其英即照梁肯堂所奏定擬杖徒完結伊孫葛泰生亦著照所奏革職已足示懲該部知道○諭軍機大臣曰孫士毅奏川省安插交夷高春旺等稟稱知阮光平既受封爵到京祝嘏此等行事好過黎家想來必定憐愛百姓我們都情願跟他況父母妻子都在安南懇求准令回去骨肉團聚又黎伺之子黎允全帶有下人六名亦求進京與黎伺同在一處等語所奏似屬可行安南夷人等因黎維祁失國內投不肯留住安南紛紛進關求入內地彼時朕念該夷人志切從亡不忍背黎向阮若令仍返安南轉致失所罹難是以發往四川江浙等省安插復諭各督撫妥為安頓分別入伍歸農以資生計今高春旺等以阮光平

寵膺藩服向化輸誠必能愛養百姓不致有挾嫌殘虐之虞且伊等父母妻子俱在安南繫念室家情殊可憫自應准令歸國以遂其故土之思但該夷人或於初到川時在孫士毅前再三籲請而此時安之若素不復思歸亦未可定著保寧向高春旺等及其餘安插之人確切詢問是否情願回國即行奏聞再降諭旨其黎伺之子黎允全及伊屬下人六名著保寧即派員送京歸入黎維祁佐領下安置至川省安插夷人既有情願返國者恐分置江浙夷人內亦有同情並著孫士毅海寧一體面加詢問如有繫思故國懷念妻孥者亦著據實奏聞俟各該省奏到後候朕降旨令其回國但現在安插各夷人已經該督撫等妥為照料其壯健者既入伍食糧而老幼羸弱亦經籌給地畝各有恒產夷人等若已安居樂業並不復念故鄉該督亦不必因有此旨稍有勉強也總之願歸安南者奏聞

候旨其不願者聽將此各諭令知之仍各據實覆奏。又諭據蘇凌阿等奏所有撥給直省備賑米四十萬石現將倉內稔米七萬二千餘石粟米五千餘石儘數放給並於舊存粳米內酌撥三十二萬餘石湊足四十萬之數應令督臣梁肯堂轉飭各州縣雇備船隻迅速領回應用等語直隸因被水地方較多現需普加賑卹是以寬為豫備自應速行領運以資接濟著傳諭梁肯堂乘此天氣和暖

之時速飭各該州縣照例雇備撥船上緊趕運毋任稍有遲延以致河水凍阻。又諭據工部議駁勒保題銷乾隆四十九年勦洗鹽茶逆回軍需一本朕詳加披閱該督請銷銀六萬四千九百餘兩經工部覈去銀二萬五千餘兩駁減不啻十分之四多寡懸殊因令軍機大臣查覈原案工部俱係按照成例覈減其中如火繩一項該省既冊開河州鎮每丈用紙十二張半製造何以各鎮協營火繩

又每丈用紙二十五張多至一倍即該督原奏所稱用紙十三張製成火繩則繩甚微細迎風易滅是以各營俱用紙二十五張造成等語豈河州鎮所造火繩獨不嫌微細易滅手至藥鉛軍器以及樹皮麻筋火繩等項該督亦並未按照准銷成例開報以致數目浮多屢經部駁是否係承辦軍需各員希圖浮冒任意開銷而該督亦不詳查率行題覆殊非覈實辦公之道朕思所駁既多非營員等

所能賠繳況此項火繩本不應用紙張該省既經錯誤於先及報銷時又復浮冒多開屢經駁飭而勒保又並不查實刪減以致軍需要案久懸殊屬非是。所有部駁覈減銀兩著落勒保及四十九年以後之歷任督藩照數分賠以清款項並著傳諭勒保即將前項指駁各條逐一詳晰查明據實明白回奏。所有工部議駁原冊著發交閱看。以刑部左侍郎姜晟知武舉內閣學士翁方綱為武會試

正考官詹事平恕為副考官

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百六十二

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百六十三

監修總裁官歷任議官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲領都尉軍功加七級隨帶加一級尋常加二級軍功紀錄一次臣履桂

總纂官歷任議官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲領都尉軍功加九級隨帶加二級又加二級臣著陸內大臣戶部尚書鑲黃旗滿洲都統軍功紀錄五次

尋常紀錄十四次臣德瑛歷任議官太子少保工部尚書紀錄六次臣曹振鏞等奉

敕修

乾隆五十五年庚戌九月癸巳

上還圓明園 甲午諭據長麟奏查明被水各
州縣成災分數摺內稱濟南東昌曹州武定
等所屬二十七州縣被淹較重分別給予兩
月一月口糧又武定府屬之惠民縣亦經被
水懇請將本年錢糧一體蠲免等語東省本
年被水各州縣情形較重閭閻生計未免拮
据所有濟南府之平原禹城齊河德州長清
德平濟陽臨邑陵縣東昌府之聊城茌平高
唐堂邑館陶清平莘縣冠縣恩縣博平曹州

府之范縣臨清州及所屬之邱縣夏津武城武定府之商河濱州樂陵等三十七州縣除業經分別給予口糧外並加恩於十月內各按成災分數照例給予賑濟其惠民一縣春收歉薄且與災地毗連亦著加恩將該縣本年錢糧於恩詔普免案內與各災地一體先行蠲免至被災地方所有應徵漕糧其成災自五分以上者著加恩緩至乾隆五十六年起分作二年帶徵以紓民力該撫等務須督

飭所屬悉心妥辦俾得均霑實惠以副朕軫念災黎有加無已之至意該部遵諭速行○又諭文溯閣全書訛謬甚多且有脫寫全卷者皆原辦各員校辦草率所致自應將四庫全書舊要二分及各館應纂應繕各書罰令校勘纂繕以贖前愆但各書卷帙浩繁若無總辦之人仍恐未能盡一著派八阿哥彭元瑞金簡總司其事俟朕進宮後於冬三月將搞藻堂舊要先行校勘完竣明春駐蹕圓明

園時再將味腴書屋舊要校勘以便就近稽覈俾臻完善至全卷脫寫未經校出各員竟未寓目非校書錯誤者可比總校王燕緒吳紹潔分校李斯咏除罰令校書外著交部從重議處以示懲儆○又諭曰毓奇奏稱阿克蘇遊擊阿玉錫搜出回民馬天龍等車轅內玉石四塊將馬天龍等分別治罪等語馬天龍等於車轅鈎心上挖孔偷藏玉石實屬違法謀利著即照毓奇所奏將馬天龍等解交

勒保治罪遊擊阿玉錫搜出馬天龍等車轅鈎心內夾藏玉石甚屬留心急公如不稍加賞賚無以示勸著交毓奇由該處庫內賞緞一匹以示鼓勵嗣後有如此者俱著照此獎勸辦理餘照所請行○又諭據恒瑞等奏將偷竊牛隻殺害人命之烏梁海瑚圖克審明辦理等語烏梁海瑚圖克因偷竊牛隻適遇庫庫里克瞥見恐其首告膽敢用烏鎗將庫庫里克打死情殊可惡恒瑞等將瑚圖克審

明即行正法。甚屬允當。至佐領碩克碩養一見庫庫里克屍身。即行訪究。將正賊瑚圖克盤詰緝獲。尚屬留心。稍加賞賚。始足以示獎勵。著交恒瑞。由該處庫內賞緞一匹。以示鼓勵。嗣後凡有似此者。俱著照此賞賚。餘照所請行。諭軍機大臣等。上年阮光平懇請頒示正朔。即經降旨允准。並諭該部即將本年時憲書二十本發往。交該督等委員齎至鎮南關。令該國鎮目轉交國王祇領。嗣後俱照例屆期頒給。此次五十六年時憲書。俟十月初一日頒發後。即遇便照數寄交該督撫轉給阮光平祇領。俾得奉時遵朔。以昭優眷。再每年新正之吉。御書福字。賞賜王公大臣。及各省督撫。俟十二月朔日。始行試筆。阮光平寵列藩封。情殷愛戴。自應一體賞給。但屆期始行頒發。該國王奉到後。已逾元旦令節。茲特先期親書以賜。俾得歲內祇領。於新正敬謹懸掛。使該國臣民共迓春禧。以示欽時。

錫福中外同霑之意。又每年歲底蒙古藩王俱特賞荷包一分。今阮光平即照蒙古親王新年分例。賞給大荷包一對。貯各色玉石八寶一分。小荷包四對。貯金八寶一分。銀八寶一分。又小荷包一個。貯金銀錢四枚。金銀鏤四枚。一併先期發往。阮光平早佩恩榮。想膺優眷。自必倍深欣感也。著福康安將以上所賜福字荷包。即轉交阮光平祇領。並將此旨詳悉告知。俾該國王知朕格外體恤。恩加無已至意。○乙未兵部以武會試中額請。得旨。這考試。漢軍取中二名。直隸取中七名。陝西取中六名。廣東取中五名。河南取中一名。山東取中四名。江南取中二名。山西取中三名。湖北取中一名。湖南取中一名。四川取中一名。廣西取中一名。福建取中一名。浙江取中二名。江西取中一名。雲南取中一名。貴州取中一名。○葉爾羌叅贊大臣明興愛星阿等奏。葉爾羌底臺至都齊特十四臺。每臺馬五

十匹車三輛牛十隻惟客爾布扎什一臺設馬二十匹並無牛隻且將二十六年所增設車二輛於二十八年奏請裁汰今由客什噶爾前往伊犁統運綿布銅觔俱由客爾布扎什經過絡繹不絕請將所裁車二輛仍舊增設從之○丙申諭據彭元瑞等奏考試各省拔貢直隸省東秋六號一卷詩句平仄訛錯甚多又脫寫二字難以句讀應請將該生斥革等語因令軍機大臣拆閱彌封條宣化府

延慶鄉學選拔增生楊廷掄即將該生考取拔貢原卷並總督學政會考試卷詳加覈對文理亦屬平常詩句兼有拗字拔貢定例如本學實無可拔之人原應寧缺無濫今似此濫膺選錄何以杜倖進而拔真才楊廷掄著全行斥革仍准其原名應試所有原考之順天學政金士松及覆考之總督劉燾俱著交部照例議處○又諭曰伍拉納奏賊犯陳苔因被差役趙榮偵見擒捕即拔身帶小刀戮

傷趙榮身死一案福建漳泉一帶民情刁悍若照本例擬斬監候不足示懲請旨即行正法因該犯現在患病審明後即行處決等語所辦甚是差役趙榮經本官委令訪拏匪犯適在沙保地方偵見賊犯陳苔上前擒捕該犯即拔刀連戮趙榮倒地殞命實屬藐法逞兇自應立寘重辟若照例問擬斬候實不足以懲嗣後內外問刑衙門遇有賊犯行兇用刀立時殺斃差役情節似此可惡者俱應

請旨即行正法不得拘例辦理使兇犯稍稍顯戮餘仍著該部覈議具奏○諭軍機大臣等據嵩春等奏盛京清寧宮等處朽壞劄舊處所請交部估修等語伊齡阿現往大凌河查勘田地工程不必交部即交伊齡阿將大凌河田地等事查畢由彼前赴盛京會同嵩椿詳細查勘是否應修所估合例與否據實奏聞○兵部議准湖廣總督畢沅疏稱鶴峯州有城池倉庫監獄之

責僅設兵丁一百九十一名。標馬四十二匹。不足以助軍威。請將灣潭馬兵十名。標馬十匹。長樂馬兵五名。標馬五匹。徵歸鶴峯州城。得資合標演陣。又請調撥灣潭步守兵三十名。將二十五名歸州城。差標以五名補還。長樂汛仍數四十名之數。其灣潭一汛尚存防兵三十名。足資彈壓。從之。以大理寺少卿江蘭為山東布政使。以扎薩克圖汗部扎薩克鎮國公副盟長索諾木多爾濟為盟長。

扎薩克鎮國公貢楚克多爾濟為副盟長。○予故烏珠木沁扎薩克車臣親王瑪哈索哈子已勒珠爾喇卜齋襲爵。○丁酉。諭據吉慶等奏查審湖南湘鄉縣民童高門呈控該縣糧書勒折重徵一摺。內稱親往常平倉抽盤應貯穀石。尚屬相符。其糶穀銀兩解長沙府庫查對亦無短缺。五十二年間該州因辦臺灣兵米在倉碾穀一萬二千餘石有案可稽。並非兌漕之用。惟所控勒折多收之處。因該

縣地方遼闊零星小戶挑運需時。每託附近親族及糧書等代為完繳。以致吳青桂等計圖漁利。遂將寫遠各戶內相識者俱先為墊完銀米。持票向索錢文。每銀一錢加至三四分。糧一斗折收錢三四百文不等。至重徵串票並無月日可憑。供詞亦復互異。現在調取實徵底簿按款清查。並摘傳花戶詳悉根究。請將前任桐鄉縣知縣李玳馨革職歸案。審訊長沙府知府陳嘉謨一併解任候質等語。

此案蠹書吳青桂等於錢糧重務輒敢豫為代墊。從中牟利。實屬大干法紀。前任知縣李玳馨毫無覺察。或竟有通同容隱情事。自可不從嚴究辦。李玳馨著即革職交與吉慶等提同案犯嚴切審訊。知府陳嘉謨亦著解任候質。至該縣吏書等既有墊完銀米多索錢文之事。則假票重徵種種滋弊。自所不免。吉慶等務當提集卷證逐一嚴究。以期水落石出。不可稍存徇隱。○諭軍機大臣曰。富綱

奏據永慧等稟稱恭捧勅諭詩章珠串於七月初十日行抵蠻得列新城該國王孟隕叩接後引至城內率領子弟頭目俯伏羅拜一祇領謹備馴象土產遣頭目三人敬齋表文隨同進關轉求代奏謝恩計九月下旬可以到省等語並將譯出表文進呈所辦俱好披閱該國王表文措詞亦極肫切其歡忭感激具出至誠深堪嘉尚所備馴象土物自應准其呈進該頭目等既約於九月下旬可以

前抵雲南省城即在省照例宴賞畧停數日於十月初起程距年底為期尚有三月儘可從容趕到該督即派委齋賞赴緬之糧道永慧叅將百福伴送進京亦屬妥協務飭該委員等沿途妥為照料於臘月二十邊到京以便與各外藩同與朝正盛典並入宴賚均沐寵榮以遂其瞻就之忱旌表守正被戕湖北興山縣民胡慶亨妻張氏戊戌諭曰朱珪奏旌德縣壽婦江吳氏現年一百歲五世

同堂請予錫賚等語江吳氏年屆期頤曾元繞膝洵為盛世休徵所有應行賞賚及建坊旌表之處著該部察例具奏又諭曰額勒春奏甕安縣壽婦陳王氏現年一百一歲精神矍鑠請予旌賞等語陳王氏年越期頤孫曾繁衍洵為昇平人瑞所有應行賞賚及建坊旌表之處著該部察例具奏己亥諭曰畢沅奏湖北江夏武昌等州縣衛所有應徵節年緩帶錢糧八十二萬六千二百餘兩請

於本年徵收十分之四其餘六分於乾隆五十六七八三年輪免正賦之期按數完足等語楚省本年雨暘時若閭閻幸獲豐收但於一歲之內新舊並徵民情不無拮据著照該督所請湖北江夏武昌咸寧嘉魚蒲圻興國大冶漢陽漢川黃陂孝感沔陽黃岡蘄州蕪水黃梅廣濟潛江天門荊門雲夢江陵公安石首監利松滋等二十六州縣並武昌武左沔陽蘄州黃州荊州荊左荊右等八衛所有

應徵節年緩帶錢糧八十二萬六千二百五十兩零著於本年先徵十分之四其餘均於五十六七八輪免錢糧之年照數輸納俾小民生計倍覺寬舒以示朕嘉惠黎元至意該部知道○又諭據郭世勲奏廣東雷瓊一帶洋面俱係總兵陸廷柱管轄該鎮不能先事豫防以致叅將錢邦彥於巡洋時遇盜被害事後又不上緊追捕迄今三月之久並未報獲一盜請將該總兵革職協緝等語陸廷柱

前於臺灣獲咎經朕棄瑕錄用自應倍加奮勉於緝捕洋匪等事實力整飭乃於雷瓊一帶平日既毫無防範事後又漫無調度致兇盜久稽弋獲非尋常玩誤可比陸廷柱著革職仍留該處協緝俟獲犯後再行定擬至該省沿海各口岸為盜匪出沒之所著郭世勲嚴催各該提鎮督飭員弁分路堵截務將此案首夥各盜全行擒獲毋使一名漏網○又諭前據伍拉納奏賊犯陳咎因被差役趙榮

偵見擒捕即拔刀戮傷趙榮身死一案因該犯藐法逞兇殺死捕役若照例問擬斬候不足蔽辜降旨令內外問刑衙門遇有賊犯行兇用刀立斃差役者俱應請旨即行正法今閱刑部覈題王金玉行竊致死趙康求子一案依例將王金玉問擬斬決夫竊盜之於事主係屬平人尚以臨時拒捕殺斃罪應斬決乃以奉公緝犯官人賊犯竟敢抗拒戕害向例僅止問擬斬候其罪反輕於拒殺平人之條定例未為允協何以昭法紀而儆兇頑嗣後如有賊犯拒捕逞兇立時用刀殺斃捕役者竟當問擬斬決著為令○諭軍機大臣曰福康安奏遵旨諭令阮光平將黎維祁弟妹妻妾查訪護送進關該藩恐黎維祁等心懷疑懼匿而不出懇請天朝告示曉諭並慮跟隨黎維祁進關之人未帶家眷一併探訪陸續齎送等語阮光平仰體朕意計慮周到實在可嘉之至著福康安告以前因黎維祁弟

妹妻妾尚在交南瑣尾流離既為可憫而安南反側之徒恐有藉以為名糾聚滋事是以降旨令國王查訪送出實為一舉兩得今國王欽遵諭旨以伊等播越之餘心存疑畏恐其一聞招致或誤謂國王設計加害轉致潛藏若給以天朝告示偏行宣播自必盡釋疑懷即可訪問蹤跡護送進關大皇帝深鑒國王意計精詳用心周到極為嘉予而又以上年跟隨黎維祁進關及續行內投之各起黎

氏舊人大半未帶家眷當一體探訪送進設想尤為周密但此等進關夷人大皇帝念其志切從亡不忍令其遷流失所除黎維祁親屬人等編入佐領下當差養贍外其餘安插四川江浙等省分別入伍歸農前據四川總督奏稱夷人內有因國王寵膺藩服向化輸誠必能愛養百姓情願仍歸故土圖聚室家大皇帝因諭令該督撫等於安插夷人偏加詢問如有繫思故國者據實奏聞酌量降旨

令其歸國俟四川江浙等省覆奏到後再向跟隨黎維祁在京之人詢問若有情願仍返安南亦一體辦理在國王既可省齎送之煩而國中戶口日增益著盈寧之象但此時國王且不必亟於查訪俟覆奏到日再候諭旨遵行並隨報賞給國王御用之漢玉雙鹿白玉天鵝煖手二件時刻鐘表一個時辰表一個以昭思念嘉予之意如此詳悉告知阮光平益當欣感遵奉也再披閱阮光垂呈伊父

書信知病已痊愈而改封伊兄光纘為世子之命光垂尚未聞知婉懇代辭立言亦頗得體福康安於本月十四日已抵湖北應山縣距省城不遠與阮光平分路後自當遵照前旨迅速馳回廣州督緝洋面盜匪以期速行就獲再本日據郭世勲奏總兵陸廷柱管轄雷瓊不能先事豫防以致叅將錢邦彥於巡洋時遇盜被害請旨革職等語已降旨將陸廷柱革職矣但該鎮前在臺灣獲咎經朕棄

瑕錄用自應倍加奮勉乃於海疆緝捕重事不能實力整飭實屬負恩溺職將來定案時於革職外自當問以餘罪以示懲儆將此諭令知之○以湖南永綏協副將伊常阿為廣東雷瓊鎮總兵○庚子諭湖北巡撫員缺著福寧補授和寧著調補陝西布政使所遺四川布政使員缺著英善補授湯雄業著補授廣西布政使其廣西按察使員缺著善泰補授又諭前據步軍統領衙門奏山東濱州

武生薛樸元控告杜宜豐等在本州誣捏伊兄薛對元奪犯毆差一案據稱薛對元係上年十二月二十七日起身到京會試本州何以捏稱正月二十日在濱州有毆差之事經步軍統領衙門調查薛對元所住會館帳簿月日相符並詢之籍隸山東京官僉稱正月二十內曾見過薛對元實係正月十五到京證據確鑿朕彼時以濱州距京千有餘里即馳驛前往亦不能於二十日在籍滋事是以

特命胡李堂等馳赴東省提集卷宗查對研鞠茲據胡李堂奏稱此案臬司及府州詳報俱稱係上年十二月二十六日之事與該撫原卷本年正月二十日犯事日期迥不相符咨詢長麟據稱審訊時公出在外未及覈對卷宗是以錯誤所言亦難憑信至檢查該撫奏結原卷不但薛對元等供詞並未畫押即案內各犯成招供詞亦俱無押現在提集人證隔別訊究等語此案大奇實為從來未有

之事長麟由刑部司員游擢藩臬辦事尚屬勤奮在江蘇藩司任內輿論亦皆允協江蘇民情向於地方官喜生營議而長麟聲名尚好其居官操守自屬謹飭是以擢用山東巡撫伊自莅任以來辦理地方公務無不認真踴躍朕召見臣工亦多有稱其官聲政績者朕方以為在督撫中尚堪任使之入將來或外擢總督內用尚書皆不可知乃長麟辦理薛對元一案竟將犯事月日任意更改那前

作後且於問擬死罪人犯不令其畫供過堂荒唐草率一至於此是誠何心朕細閱胡李堂摺內情節薛對元於主使奪犯毆差之事堅不肯認因思此案犯事月日無論正月二十日薛對元現在京城不能回籍即云係上年十二月二十六日之事距到京之期不及二十日薛對元家道貧窮按程行走亦不能於正月十五日趕到是否另有寬抑情節尤當確切訊究至侯永芳杜宜豐皆屬豐富之家薛對元實係寒士即使杜宜豐有交結賄囑情事長麟身為巡撫亦不至得財枉斷或該府州等聽受賄囑顛倒案情長麟亦斷無從中染指分肥之理但長麟受朕恩眷志得意滿遂爾自以為是於此等重案竟敢任情增減由此而推則督撫等得操出入之權自恃眷注肆意妄為甚至如唐李藩鎮放縱恣睢亦何不可此而不嚴加懲治何以肅吏治而儆官邪且長麟前於平度州民羅有良跌

壓伊母羅王氏身死一案未能審出實情幾至正兇漏網又復誣叅知府彼時朕尚以該撫係屬無心之過特為寬宥已屬格外加恩今於薛對元一案復又改移月日意為增減則實係出於有心其咎甚重並非書麟琅玕之失察州縣書吏舞弊止於無能者可比看來長麟竟係恃朕恩眷以滿招損遂至福薄災生天奪其魄封疆大吏如此辦理錯謬豈可稍事姑容長麟即著革職留於山東辦理城工事務効力行走該省城工即係長麟奏請修理之工倘若承辦稍有草率偷減一經查出該令長麟自問尚能保其首領乎所有山東巡撫員缺著惠齡調補其湖北巡撫員缺已降旨著福寧補授此時先著畢沅兼署惠齡自京回任諒此時甫經到楚接奉此旨即行馳赴新任可不必來京請訓惠齡未到之前著胡李堂暫理山東巡撫事務濱州知州方應時著革職交胡李堂等提集犯證嚴

行審訊甘定進著革職交軍機大臣就近訊供後解東質審其案內與方應時串囑商辦之郭姓一犯交步軍統領衙門順天府五城御史一體拏緝獲後一併解往歸案辦理新授平陽府知府杜安詩亦著留於東省聽候質訊胡李堂等將摺內所指各情節嚴加審訊務期水落石出不可稍涉瞻徇以致案情不實有負委任朕臨御五十五年仰荷昊蒼篤祐海寓昇平年躋八旬康強逢吉無時

不兢兢業業小心敬事本年屆朕壽辰中外臚歡藩部君長向化輸誠梯航絡繹為史冊希聞之事而臣工等辦理工作點綴朕以其成事不說未便全行裁撤然猶恐偶遇風雨時切厘懷幸荷

上天恩佑彌月晴明實為朕心所不敢期必者朕之仰承

鴻貺備福克膺惟日孜孜時深寅畏從不敢以景運增隆稍存滿假內外大臣受朕簡畀皆

當以朕之心為心常懷惕勵方能永承恩眷乃長麟以眷注稍優遽行自滿實屬器小易盈自取罪戾各省巡撫中如閔鶚元長麟皆係尚能辦事之人今閔鶚元以袒庇劣員長麟以玩視重案接踵敗露朕更將何以用人心實愧懣督撫等皆荷封圻重任於地方官政務惟當虛己秉公周詳謹慎不可仍蹈覆轍也將此通諭知之又諭據琅玕奏藩司顧學潮患病未得即痊請委員暫行代理一摺內稱顧學潮於七月內染患瘧疾至八月初旬兩腿發軟行走不便今自秋後浮腫日甚現在展步需人精神頗覺委頓等語藩司係錢糧總匯責任匪輕顧學潮於七月間即已患瘧至八月腿足虛腫步履不便勢難即就痊愈琅玕自應據實陳奏將顧學潮解任回籍其藩司一缺請旨另行簡放方能無誤重寄乃遲至九月猶稱委員代理並聲明不敢因卸事在即稍有觀望延挨此明係琅玕

因新任巡撫海寧將次抵任該藩司患病情
形難以掩飾始於卸事之前繕摺具奏所謂
欲蓋彌彰豈能逃朕洞鑒耶琅玕諸事廢弛
即此已可概見著傳旨嚴行申飭至顧學潮
前在直隸府道任內辦事尚屬認真是以加
恩擢用浙江藩司乃自蒞任以來遇事模稜
未見有奮勉出力之處茲既患病未痊難望
振作自當令其回籍調理顧學潮著以原品
休致所遺浙江布政使員缺著歸景照補授

其按察使員缺著姜開陽補授○禮部帶領
朝考取列一等二等之選拔貢生郭德燠等
引見得旨馬敦詩石燿王桂懷金毓奇黃駿
孫貽謀程尚義司能任賈杰李應釗孫維璣
郭崇封吳經琳蔡儒亮堯茂德冉基安蕭晉
璉何粹文趙天錫等十九員以知縣試用定
住崇善福寧昇寅丁孝彝李肆頌陳啟文李
芳梅吳若曾李于培任蘭祐張三綱丁樹本
蘇琳沈長慶張光勳汪傑楊懋怡陳奇芝張

大維秦光傳李夢蛟周宗泰張學潮廉奇瑜
葉倚蟾黃大名陳義書何錦王蘭等三十名
以部員用定安李綸盛楊豫春王朝琳馬履
祥石鈞吳邦慶井玉棟戈廷蕃梅大鶴劉福
集周景巖李其植王家相馬袁煒吳自求管
松年袁斯麟張宗泰彭蘊琨周之冕茅奎光
尤維熊張步衡徐奕韓徐初卓振清王肇奎
崇一淦方玉垣龍舜漁葛桂華曹穀貽宮璋
林晉奎洪奮起宋漢楊龜望顏懷珠趙鈞元

保馬邦玉李尚英劉彥中王慰祖楊溝謝士
華李廷芳吳經吳沆郭維垣李宗聖耿鳴陽
范麟趾趙樓王勳臣張運煦蘇嘉善李元文
胡殿襄董鰲林敷英童應賞丁鑽朱忠鄭懷
吳啟煒范懋裕郭德燠徐泮鯤汪守和車世
球項邦槐程世璵鄧時余邦佐陳仁鈞祖之
棟鍾孚吉顏凌霄楊儀國黃登張錦樹龔傳
主樊世祊劉文樸劉琢璧黃崇正主德歲李
有俊方同明姚瑩王松年張允中張恒清樊

起鳳党振聲張廷珍陸湛任灝呂廷瑞許大
燁胡璘張舒岳炯彭照麟龍萬育張謹度朱
有綏倪丙樞陳羣黃慶雲喻照陳鳴鶴顏斯
緝區郁如何廷瓚陳文勳張夢齡楊錫珍朱
明遠黎夢皋范暄楊朝樞李廷英殷象賢吳
永輔王喟等一百二十八名交與吏部詢問
願以教職用者以教職用願以佐貳等官用
者以佐貳等官用○辛丑諭軍機大臣等濱
州武生薛樸元控告杜宜豐等誣捏伊兄薛
對元奪犯毆差一案昨經胡季堂等查明實
係上年十二月二十六日之事與長麟原奏
本年正月二十日犯事日期不符業已降旨
將長麟甘定進知州方應時革職令胡季堂
等提犯嚴審矣茲據軍機大臣等訊問甘定
進並將拏獲之郭德美一犯一併審訊錄供
進呈朕詳加閱看此案解省時薛對元在司
監禁甘定進首經訊供薛對元並未承認奪
犯毆差之事即差役等亦祇稱薛對元聲言

欲行捆打其實並未動手供情本不確鑿豈
可遽行定案而長麟在途次提犯審結又復
擅改日期甘定進係屬臬司刑名是其專責
豈有巡撫將未實供詞周內定案那移月日
臬司全不與聞之理即云事後始行得知亦
應據實叅奏今甘定進到案匿不供吐反覆
詰訊方稱曾經訊過此案言語支離顯有迴
護扶同情弊又郭德美係甘定進舊時衙役
杜宜豐曾向其懇求說情探聽批語並得有
謝儀於此案顯有串通交結情弊此間所供
必有不實不盡之處且知州方應時袒護杜
宜豐任情偏聽或實有聽受賄囑之事現據
郭德美供出聞得李姓高姓曾為杜宜豐關
說送給方應時銀三千兩方應時亦有親送
署知府杜安詩之事此案弊端甚多所供自
屬有因不可不嚴行究問著將訊取供詞鈔
寄胡季堂等閱看先令據供嚴訊並令江蘭
押解甘定進及郭德美一犯速赴東省交與

胡季堂等將業內各情節逐一徹底訊問據實具奏勿得稍有徇隱○以告退奉國將軍綿俊子奕澤襲職○壬寅諭曰畢沅奏湖北江夏縣職員莫廷樸現年八十四歲通城縣壽婦金張氏現年八十五歲俱五世同堂請照例錫賚等語莫廷樸等年逾八旬曾元衍慶洵稱盛世嘉徵所有賞賚之處該部察例具奏○諭軍機大臣等據金簡奏黎維祁屬下安南人阮廷沛等三十八名眷口四十三名共八十一名口情願回國具呈懇請代奏等語伊等父母妻子皆在安南志切懷歸情殊可憫自應准其回國俾遂其鄉土之思已另降諭旨傳諭福康安等失所有伊等同國沿途經過地方自當派委員弁護送但祇須酌量給予飯食住宿一切應付更不必似隨同黎維祁來京時從優辦理矣至阮廷沛等到武昌後或由水程前進或由陸路行走孰為簡便並著該督撫等酌量妥辦俟送至廣

西境內即交陳用敷妥為照料出關令其歸國除就近傳知順天府外將此諭令沿途各督撫知之○又諭前據孫士毅奏川省安插交夷高春旺等懇求回國業經准其所請並令江浙各省向該省分置夷人一體詢問矣茲據金簡具奏黎維祁屬下安南人阮廷沛等三十八名眷口四十三名共八十一名口情願率同眷口返國具呈懇請代奏伊等情切懷歸殊為可憫自應准令回國以遂其故

土之思已傳諭沿途督撫量為照料送回安南並著福康安先向阮光平告知以阮廷沛等呈請回國蒙大皇帝恩准遣歸伊等到安南後即交該國王管束國王寵膺藩服撫有安南阮廷沛等既情願挈眷回國自應安分守法不敢別滋事端國王亦必善為撫綏不存歧視倘或伊等私帶黎維祁書信藉端煽惑著國王留心詳查即可自行懲治不必因係天朝遣回之人稍存顧忌亦不必具表奏

聞此皆大皇帝體恤恩慈代為籌慮實為無微不至如此明切曉諭俾阮光平知天朝寬大深仁自必倍深感戴也○癸卯

上詣

大高殿

壽皇殿行禮○還宮○諭曰梁肯堂奏山海關等處駐防兵丁每年支放兵米向在奉天永平等屬動支採買今應備五十六年兵米因奉天省連年撥賑存倉米石不敷而永平府

各屬又偶因被水歉收未能採買即屯糧亦應蠲緩難以通撥請即在通北兩倉賞撥米石內支領等語著照所請所有山海關歲需兵米一萬七千七百餘石永軍廳永協需米三千七百石冷口需米二千二百六十石即在賞撥通北兩倉米內照數支領以濟兵食○又諭曰書麟奏甄別續到舉班人員一摺照例將才具出眾之員以兩字相兼之缺補用其才具稍次及短於肆應者分別以專難

專銜一字之缺及專簡無字之缺補用等語此例未為允協向來大挑一等舉人分發各省以知縣試用並令督撫等察其才具嚴加甄別原為慎重地方起見不得以庸劣之員濫竽貽誤其人果能勝民社之責自應補用知縣而拘執無能或年老者即當以佐雜教職等官改補奉行已久嗣經勒保條奏多列例款於兩字一字之外復加以專簡無字之缺將此等大挑人員分別補用既屬煩瑣亦

明係寬設其途為庸劣之員姑容地步此例不可行著軍機大臣會同該部另行妥議具奏尋奏大挑一等舉人到省後應令各該督撫切實甄別詳加考察其有果能勝民社之責者即以知縣用其拘執無能年老者分別題明以佐貳教職改補概不准其分別專難銜一字兩字等項以昭慎重從之○又諭據弘暢等奏稱盧溝橋演放礮位一百步二百步之礮中靶俱與定數相符惟三百步之礮

中數較少請將該章京等記過兵丁等責懲等語每年演放礮位所以專備軍旅之用但打仗斷無三百步外即行放礮之理縱然施放鐵子雖到非越過即擦地必無準無力即射箭放鎗過遠亦無準頭必愈近方能中傷有力若如此演放反成虛文况演放礮位中數短少者既有責懲之例如數定數及中數多者亦當示勸著交軍機大臣及該部將演放礮位步數并懲勸之例詳細定議具奏尋

奏查從前定例凡大小礮位均於一百步設立礮靶自乾隆四十二年海蘭察等奏改千觔以上者設立三百步礮靶十五出中十出以上為合式五百觔以上者設立二百步礮靶中十二出以上為合式其四百觔者設立一百步礮靶中十三出以上為合式自奏改以來每年八旗出演千觔以上之礮所中數目均未合式請嗣後演放礮位無論體質大小觔兩輕重仍照舊例各於一百步設立礮

靶演習若中不及額欠少一二出者叅領記過一次年終應得紀錄不准給予礮手責四十棍如少三出以上者叅領罰俸一年仍停陞一年礮手責八十棍其多中一出者叅領紀錄一次礮手賞銀一兩多中二出者叅領紀錄二次礮手賞銀二兩如僅能合式毋庸給予紀錄又千觔以上之礮體質重大演放後倘有傷損修理不易請限以三年演放一次該部屆期行令各旗酌撥一二位演放從

之○又諭據觀明奏稱獨石口駐防兵丁房屋現在不敷居住請於二十戶每戶加蓋房兩間等語各省駐防兵丁所得官房原俱有定額迄今閱年已久並無增辦房屋者若云獨石口兵丁年久生齒日繁則各省現在生齒亦皆繁庶矣倘俱效尤奏請增添房屋亦實難准行况此事亦非緊急不可等待者觀明係以副都統署都統事務前既不同保奏具奏今又不候烏爾圖納遜自行專摺具奏

無非見好沽名觀明著交部察議仍著嚴行
申飭旌表守正捐軀河南西平縣民馮有
全女馮氏甲辰

孝慈高皇后忌辰遣官祭

福陵諭據伍拉納奏福建所屬海島四百五
十七處浙江所屬海島五百六十一處多有
民人居住有搭蓋寮房零星散處者有建蓋
瓦房已編保甲者有漁畝時暫行搭廠者自
應遵照定議悉行燒燬惟是烟戶稠密之處

若概行驅逐使謀生之民一朝失業轉致漂
流為匪請將編甲輸糧者免其驅逐倘有匪
徒竄入立即擒縛解官辦理其餘零星散處
或本係封禁之地將所搭蓋寮房燒燬人口遷
籍安插至各處漁戶駕船出洋暫搭寮廠未
便概行禁阻應令地方官取結給照認真稽
查等語前因顧學潮奏稱沿海各省所屬島
嶼多有內地民人建蓋草寮房屋居住日聚
日多誠恐相聚為匪查察難周令該督撫查

明海島情形如有匪徒潛搭草寮房屋居住
者立即燒燬今據伍拉納查奏浙閩兩省海
島居民甚多已成市肆不便概行焚燬驅逐
所奏是自應如此辦理沿海民人居住海島
久已安居樂業若遽飭令遷徙使瀕海數十
萬生民失其故業情殊可憫且恐地方官辦
理不善張皇滋擾轉致漂流為匪亦非善策
所有各省海島除例應封禁者久已遵行外
其餘均著仍舊居住免其驅逐至零星散處

人戶僻處海隅地方官未必能逐加查察所
云燒燬寮房移徙人口亦屬有名無實今各
島聚落較多者已免驅逐此等零星小戶皆
係貧民亦不忍獨令向隅而漁戶出洋採捕
暫在海島搭寮棲止更不便概行禁絕且人
戶既少稽察無難尤非烟戶稠密之區易於
藏奸者可比自應聽其居住毋庸焚燬所有
沿海各省地方均著照舊辦理惟在各該督
撫嚴飭沿海文武員弁實力稽查編列保甲

如有盜匪混入及窩藏為匪者一經查出即將該犯所住藥房概行燒燬俾知儆懼其漁船出入口岸務期取結給照登記姓名倘漁船進口時藏有貨物形跡可疑即當嚴行盤詰無難立時拏獲地方官果能實力奉行認真稽察盜風自可永戢原不在多設條款競為無益之空言也○又諭據永保奏稱布庵鄂拓克五品頂戴賞戴花翎之布魯特比圖里拜病故等語圖里拜前於緝拏布魯特賊匪時曾經帶道出力且於一切委派事件亦屬奮勉今伊病故殊堪憫惻著加恩將圖里拜翎頂賞給伊子胡魯拜戴用以示眷念之意○諭軍機大臣曰伍拉納奏籌議閩浙兩省戰巡等船分別留改一摺此事前經福康安奏稱外洋戰船大小不一各就海道情形均勻配造實為緩急足備應請均仍其舊無庸改造以免更張朕以該督所奏俱係實在情形當即明降諭旨通諭沿海各督撫一體

確切查明遵照妥辦夫海洋風帆順利營船商船俱可行走迅捷原無笨重靈便之分若風水頂逆即商船亦不免隨波蕩漾人力難施至於巡洋緝盜全在弁兵等奮勇追捕並不關船隻之大小也想伍拉納尚未接奉此旨故於閩省戰巡各船奏請毋庸遽議更改而於浙省之雙蓬船船仍請屆期拆造著傳諭伍拉納即當遵照前旨所有閩浙兩省戰巡及漿櫓各船均可毋庸改造惟當嚴飭水

師弁兵等於平日認真操練出入風濤務期帆船得力而駕駛巡洋時遇有盜船益當實力追捕不可稍有退怯以期永戢盜風方為妥善又諭據步軍統領衙門奏湖北應城縣已革武生李杜控告倉書陳開兩蕭有成等科派買穀浮收錢米又派令村民歛錢買馬折收草費各款事聞蠹書散法殃民如果所控屬實恐該縣亦有通同染指情弊不可不嚴行訊究倘係李杜因革退武生挾嫌捏

控亦當審明治罪以儆刁風著傳諭吉慶王昶於湖南審案完竣即取道湖北就近提集人證將此案實在情節秉公確訊定擬具奏
盛京將軍宗室嵩椿等奏盛京所屬各城旗倉原貯額穀二十萬石民倉原貯額穀五十二萬石近年該處歉收除賑貸並節年蠲緩共計旗倉現存米二萬四千石有奇民倉二十八萬一千石有奇缺額甚多不足以資緩急今歲瀕河窪地雖間被淹浸其餘高阜地畝均屬豐收應及時買補以足原額但缺額過多恐一時全行購買米價驟昂請今年於盛京戶部庫項內支給旗倉先買三萬石於州縣徵收地丁銀兩內支給民倉先買五萬石各按市價均限冬季內買補還倉其餘缺額俟來秋再行採買報聞是日起
上以孟冬享
太廟齋戒三日乙巳諭都察院奏六科給事中十五道御史所辦案件俱係筆帖式代為

呈畫惟京畿道辦理案件偶有上堂之時其餘六科並不進署其十四道雖同京畿道進署並不上堂舒常到任一載認識尚未周徧茲奉新例漢科道截取道府均應出具考語京察屆期并須甄別賢否若一年之內不過見面數次優劣究未深知請嗣後十五道六科分日進署上堂等語此奏想係舒常一人主見所言却是向來科道俱歸都察院衙門統屬其京察保送等事皆由該堂官考覈近又降旨將科道俸滿四年者截取道府其堪勝外任與否亦責成該堂官出具考語覈實保送是都御史之與科道考覈攸關即不得循俗例謂之有統無屬且俗例乃明朝惡習相沿會典本無也若並不上堂見面認識尚難週徧其才具優絀更無從知其底蘊從前雍正年間六科統歸都察院彼時給事中御史等紛紛陳奏互相爭執仰蒙
皇考降旨嚴飭始行更定今科道等既由都察

院堂官出考。自應照舒常等所奏。分日進署。上堂接見辦事。至於科道。本有奏事之責。如遇民生國計所關。原許其條陳利弊。即如本日給事中李翹泰奏韓鏐之子假借籍貫。并停止吏員分發一事。朕以其所言尚是。即交部議奏。倘或內外大臣及都察院堂官舒常等果有不法之事。科道等亦可列之彈章。所言若是。朕尚當加之優獎。將被劾者治以應得之罪。並不因有上堂接見之例。遂致

壅塞言路。若科道等因更定此例。後有復行。潰奏自爭身分者。必當重治其罪。或以此奏係舒常主見。將來藉端糾劾。意圖報復。亦斷難逃朕洞鑒也。舒常等所奏著依議。給事中李翹泰奏侍郎韓鏐之子韓樹猷冒籍順天充當胥役。加捐府經歷。分發浙江得旨。所奏是韓鏐原籍貴州。且身為侍郎大員。何以伊子韓樹猷假借順天籍貫。充當吏胥。著該侍郎即據實明白回奏。所有此項吏員人等

應行停其加捐分發之處。著該部覈議具奏。以故喀爾喀扎薩克和碩親王貢楚克扎布子達爾瑪錫里襲爵。丙午。

孝敬憲皇后忌辰遣官祭

泰陵。諭軍機大臣曰。託倫奏玉山縣城垣自乾隆八年以後迄今並未興修。城身間有隙裂塌陷。其城樓水洞石砌亦皆坍塌。均應及時修葺。委員勘估。實需銀一萬三千七百四十餘兩等語。玉山縣城垣日久未修。間有坍塌。自應量為修理。以肅觀瞻。今據託倫委員勘估。雖於摺內聲明。會同孫士毅合詞具奏。但孫士毅甫經到任。江西是其所轄。或於今冬明春無事之時。應前往江西查閱地方。著

傳諭孫士毅即於查閱之便。就近赴玉山勘明。會同確切覈估。妥行辦理。軍機大臣議奏。湖南學政張姚成奏。考試童生。向有派保認保之名。嗣後派保應責令各教官遵例挨派。毋任童生私自認識。而挨派之後。該學政

仍不時加意周防。勿致童生賄囑滋弊。至傳遞文字即多係巡邏之役。串通書吏。假借稽查為名。轉為接遞。嗣後應令該學政親自督同提調及巡捕各官。上下巡察。並將書辦衙役於未經出題之先。概行封鎖。至武生充伍食糧往往以貧窮武生咨充塞責。嗣後咨送武生應揀年力強壯。技藝較優者。咨營充補。既經發營。並飭令營員時加訓誨。倘有始勤終怠者。不但革去名糧。即武生一併移咨點

革。其在營出力各生。漸次考拔。更足以示策勵。其未經挑撥之武生。仍著該學政嚴飭教官。留心查察。且并飭各省學政一體遵照辦理。應如所請從之。○以故質莊親王永琿子綿慶照例襲爵。○是月。欽差總管內務府大臣伊齡阿奏。會勘九關臺。關門地勢情形。前因大凌河水勢漫溢。公廨兵房。盡被衝圯。擬改移六臺設關。以重防守。今詳細查勘。與其改移他處。莫若仍於該關就近。擇高阜處所。

遵依舊制。建立關口。既與客商旗民稱便。而九關臺名目。亦可仍存其舊。從之。○原任山東巡撫覺羅長麟奏。曹單二縣承辦河工歲料。做照豫省章程。官為採買。應幫運價。於曹單二縣徵還十分之五。其餘五分。於曹州府屬各州縣。均勻攤徵。從之。○又奏。通省牽算收成。實在七分有餘。至涸出地畝。現已播種。間有積淤未涸。俟晴曝數日。亦可一律翻犁。惟沿河兩岸。尚有未涸地畝。現委員多用泥

江犁。趕緊疏消。得旨。一切勉為毋為空言。○四川總督保寧覆奏。近聞將軍鄂輝所奏。藏中一切情形。將達賴喇嘛之兄弟。並商卓特巴等。解送京城。從此藏地肅清。一勞永逸。且鄂輝向來辦事。精細謹慎。到藏數月。頗洽人心。此事諒必易於辦理。不致掣肘。得旨。所辦甚好。可無他慮矣。不料其能如此。又得一手好大臣。心甚欣慰。○江南蘇松鎮水師總兵魏繼奏。本標四營額設艚船沙哨等。於內外巡

洋均適其用。並不敢雇募民船。以致舵手生疎。有虛水務得旨。以實為之。毋為空言。○臺灣鎮總兵奎林。按察使萬鍾傑等奏。臺灣向來所出稻穀。原較內地充裕。糧價甚賤。自林興文滋擾。民多失業。米價昂貴。於五十三年平定。百姓陸續歸耕。糧價日減。至地方官每月所報糧價。雖與市價相符。仍不免豫為採買地步。冒昧開報。惟有細心體察。不使稍有混冒。得旨。何處無弊。查之以實可也。○陝西

延綏鎮總兵瑪爾洪阿奏。查開營伍情形。得旨。以實為之。不可虛應故事。○貴州提督彭廷棟奏。巡閱營伍事宜。得旨。以實力為之。毋為虛言。

大清高宗法天隆運至誠先覺體元立極敦文奮武孝慈神聖純皇帝實錄卷之一千三百六十三

大清高宗法天隆運至誠先覺體元立極敷文奮武孝慈神聖純皇帝實錄卷之一千三百六十四

監修總纂官太子太傅文淵閣大學士文淵閣總纂官領侍衛內大臣稽察欽奉 上諭事仲慶官理
吏部理藩院事務正黃旗滿洲都統世襲副都統功加七級隨帶加一級尋常加二級實功紀錄一次慶桂
總纂官理藩院官太子太傅文淵閣大學士文淵閣總纂官領侍衛內大臣稽察欽奉 上諭事仲慶官理
世襲副都統功加十九級隨帶加二級又加二級臣董誥內大臣戶部尚書羅蘇漢滿洲都統功加紀錄五次
尋常紀錄十四次臣德齡謹將官太子少保工部尚書紀錄六次臣曹振鏞等奉
敕修

乾隆五十五年庚戌冬十月戊申朔享

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵遣官祭

孝賢皇后陵

端慧皇太子園寢 頒乾隆五十六年時憲

書 順天府行鄉飲酒禮 諭曰郭世勲奏

廣東陸豐縣監生陳兆珠現年八十歲連州

耆民蕭耀勝現年九十五歲俱五世同堂請

照例賞賚等語耆士陳兆珠等年臻耄耋膝

統曾元洵為盛世嘉徵所有應行賞賚之處

著該部察例具奏 又諭曰潘啟德以都司

頂戴補用驍騎校現因不能管束屬下人等

經該都統金簡奏明革退但念潘啟德曾著

微勞且始終跟隨黎維祁志節不渝尚屬可

嘉所有都司頂戴及驍騎校錢糧仍加恩賞

給以示微勞必錄至意 已酉

上御乾清門聽政 庚戌諭朕八旬壽辰中外

臣工同伸歡慶所有滿漢緣事罷職各員會

集京師建設經壇共申祝嘏本年春間巡幸

山東該員等亦有在新城靈巖等處設壇頂祝者自應分別加恩。覃敷慶澤。茲據軍機大臣將吏兵二部冊開各員案由情節分別等第開列清單。覈議具奏。朕詳加披閱。覈其情節較輕尚堪錄用之范衷穆克登泰常愷文瑞晉仰馥邊廷綸福保凌廣亦沈世燾豐紳福森泰李燦舒慶雲李振文郭繼儀范清澄常德徐坤陳務本劉鰲劉德榮文祿趙增陳元善陳純士荆自新張昉郝文星丁雲銘宮

慕超扎爾杭阿盧芝田藍玉皂王保梁煥哈榮布時興李步堂李榮俱著交吏兵二部帶領引見其革職內外文武各大員三金李友崇謝溶生敦福任承恩安麟富珠禮托賓泰何俊施國麟亦著一併帶領引見候朕再降諭旨其餘應行賞銜加級分別辦理之處均著照軍機大臣所議行俾得共膺品級之榮以示朕錫慶施恩闡澤均霑至意。諭軍機大臣等前據孫士毅奏初到江省時百姓呈

控積案者不一而足其中倘有不肖官吏作奸犯科如高郵句容等案一經審實立即奏究辦等語業經降旨令該督俟工竣後回至清江親提確審並於摺內批示如高郵句容等案尚有二三件否著該督查明具奏現在王平莊進水溝槽已於前月二十四日堵合斷流上緊趕築二壩此時想已工竣孫士毅即可回至清江審辦呈控積案者傳諭該督須不避嫌怨秉公逐案確查若有似高郵

句容之冒徵侵蝕官吏通同舞弊執法累民等事速行據實奏奉不可徇隱遲延致負委任刑部奏本年係停止勾決之年所有秋朝審各犯情罪重大者仍照例摘敘案由請旨辦理得旨朕詳加閱看官犯內如閔鶚元身為巡撫袒庇劣員雖屬罪無可逭但現在飭查伊在江蘇任內除高郵句容兩案之外是否尚有他案若別無官吏等執法營私等件猶可寬其一線閔鶚元著牢固監候吳瑛

於書吏舞弊並不詳辦固屬有意彌縫但究係前任之事尚無通同侵蝕情弊吳瑒亦著牢固監候朱雲以汎弁諱盜抑勒事主捏報遭風林得明巡洋被刦軍械捏報避罪於法俱難寬貸均著照所擬即行正法至常犯鄒起倖杜明發盧效龍陳現彩劉順吳名舟彭代興雷泳德陳佳文胡明仕廖思才李有富秦氏歐英仲謝華杞張三癸蒙傳受李株株王德明許貴宋有魁呂得雲張占鰲劉農古劉作林夏氏彭元萬添時李九賀俊劉成忠譚氏龍遇成陳亨衢邱蒂高曾應趙尚朋莊阿二江阿董胡駝子盛有受方高仵魯三仵陳老六吳元士許世芳馬五鳳可兒自修黃鶴鳴趙男王寧沈嘉猷李崑齡楊大有李三門二小劉氏張高五斤姚興茂和應武賀明有王保王成鄂齊爾扎布序興穆三回子毛起明柳庭傑俞六即俞崑葛二七十一犯或係奪犯傷差或連斃二命或匿名揭帖告言

人罪或姦盜罪人拒殺官役或因姦謀殺不知情本夫或續姦不遂故殺拒絕姦婦或聽從假差嚇詐致死三命或謀死幼姪圖絕夫兄之嗣或科場作弊或行竊餉銀等罪叢其情節法無可寬亦俱著照擬即行正法○理藩院奏甘省民人與阿拉善蒙古兩造互相索討銀錢並定地界請派一二大臣會同旺沁班巴爾秉公辦理得旨此案著派蘇凌阿巴忠馳驛前往秉公查明務於蒙古民人均有裨益設立鄂博以期永無爭競如果旺沁班巴爾不知厭足任意妄為亦據實奏奏

壬子

上御太和殿視朝文武陞轉各官謝恩諭曰海寧奏九月十七日到省後即親往藩司署中看視顧學潮精神委頓卧牀不起斷非旦夕所能痊愈雖經琅玕奏委寧紹台道左周協同代辦但並未交卸印篆應請即令開缺等語前據琅玕奏顧學潮患病未痊委員暫

行代理並不請旨開缺已降旨將琅玕嚴行申飭其浙江布政使員缺著歸景照補授矣藩司為錢糧總匯責任非輕顧學潮於七月已經患病琅玕遲至九月內因海寧將次到任始行具奏又不請旨另行簡放僅令道員協同代辦明係瞻徇邀譽則其於地方要務全不留心整頓諸事廢弛即此可見琅玕著交部議處吏部帶領經壇慶祝之原任工部侍郎李友棠等三十員引見得旨李友棠

謝溶生俱著賞給三品職銜同籍范東著以主事用其革職之案帶於新任穆克登泰晉仰龔俱著賞給降二等銜休致文瑞著仍以員外郎用常愷仍著以內管領用其革職之案帶於新任凌廣赤福森泰俱著以主事用其革職之案帶於新任福保沈世燾俱著賞給降二等銜休致豐紳著賞給降三等銜休致舒慶雲李振文郭繼儀李燦俱著發往各原省以同知用其革職之案俱著帶於新任

范清澄常德著發往各原省以通判用徐坤陳務本著發往各原省以縣丞用其革職之案俱著帶於新任劉鰲著賞給降二等銜休致趙增陳純士著仍以知縣用其革職之案各帶於新任劉德榮文祿張昉陳元善郝文星丁雲銘宮慕超俱著賞給原銜休致兵部帶領經壇慶祝之原任寧夏將軍三全等十三員引見得旨三全著賞給三品頂戴休致安麟著在頭等侍衛上行走托賓泰著在

二等侍衛上行走何俊著賞給三品頂戴休致扎爾杭阿著賞給四品頂戴休致皂王保著在三等侍衛上行行走田藍玉著發往福建以守備補用梁煥著以守備用哈綽布著在三等侍衛上行行走時興著在藍翎侍衛上行行走李步堂著賞給千總頂戴休致任承恩著交巡捕營以叅將補用施國麟著賞給三品頂戴休致旌表守正捐軀廣西藤縣民黃懋文妻陸氏甲寅諭據烏雅勒達奏稱查

明黑龍江各屬地方收成分數打牲烏拉之
鑲白等四旗齊齊哈爾地方田禾歉收等語
本年打牲烏拉之鑲白等四旗齊齊哈爾地
方田禾被旱收成歉薄未免乏食著交都爾
嘉確實查明應行接濟口糧借給籽種之處
即行撥給具奏勿使生計有失 吏部遵旨
查辦經壇慶祝議列二等之原任編修祝堃
御史鄭澂郎中靈毓布政使永慶按察使巴
尼琿道員初之樸知府袁鑒等一百十六員
俱係緣事革職並無餘罪請給原銜原任主
事廖占鰲知州沈長春等十六員俱係革職
後問擬杖徒請降一等給銜原任員外郎葉
成額按察使王廷燮道員朱瀾知府王汝璧
等十四員俱係革職後問擬軍流請降二等
給銜議列三等之原任鴻臚寺卿劉墀司業
黃壽齡郎中吾祖望道員邊學海知府任溥
等七十五員俱係革職後並無餘罪列入三
等請降一等給銜原任員外郎彥方道員周

廷俊知府牛繩祖等四十員俱係革職後問
擬杖徒請再降一等給銜原任給事中葛鳴
陽郎中宋國琰按察使吳之黼鹽運使沈樹
聲道員周升桓知府弓養正等三十九員俱
係革職後問擬軍流請再降二等給銜又原
任員外郎永善等四員應降一等給銜司務
愛仁阿應降二等給銜筆帖式定德應降三
等給銜知州陳煥應降一等給銜知縣明德
布應降三等給銜佐戴教職李寶裔等一百
八員應降一等給銜佐雜張學英等二百四
十六員應降一等給銜查該員等俱係無級
可降微員請各給與原銜得旨如所議行
乙卯
上詣
雍和宮行禮○諭據顧學潮奏交卸藩篆摺內
另片奏稱現有未完賠繳銀一萬八千九百
餘兩解任後既無養廉可扣而原籍產業無
多一時亦難變抵懇於五十六年限內一律

解繳等語所奏甚屬非是顧學潮由直隸微員經朕不次施恩疊加拔擢用至道員復又超擢浙江布政使宜如何感激力圖報効乃伊自到浙五載以來一味模稜隨衆唯諾於地方吏治毫無整飭並無陳奏事件上年來熱河行在陞見因朕屢問乃面奏改造海船焚燬海島房屋草萊二事以見其留心公事若其事果應辦理原可稟知督撫奏明妥辦何必待陞見時始行面奏以為建白見長之地然昨經福康安查明海船已無庸改造伍拉納亦奏稱島嶼民人安居已久不便概行驅逐致令失所是顧學潮所奏兩事費之地方實在情形俱係難行之事可見顧學潮祇以虛言塞責全無實際已不能勝藩司重任且伊自七月染患病症委頓已及數月既不陳請開缺琅玕亦未奏聞迨至新任巡撫海寧將次到任琅玕始行具奏仍請委員代理不即交篆開缺今知海寧業經奏請解任顧

學潮輒以未完官項為辭奏稱現無養廉可扣不能趕緊措完熱中戀棧情見乎辭實屬昧良負恩況浙省吏治廢弛收漕舞弊皆係琅玕顧學潮二人玩誤因循所致顧學潮即著革職勒令回籍仍將在藩司任內支過五年養廉全數罰出以為海塘之用並令福崧海寧於原籍任所督飭將伊應繳養廉及未完銀一萬八千九百餘兩俱著即行全數繳出不准分限以示懲儆諭軍機大臣曰梁

肯堂奏據玉田縣知縣錢端稟稱該縣田家莊有逃回流犯田自相窩匪行竊經山海關副都統台斐音督率兵丁將該犯擒獲現飭通永道陳昌圖會同台斐音督飭州縣研究追起贓據捕拏逸犯等語田自相係擬絞緩決之犯於三十七年減流發配陝西該犯即於是年七月脫逃回籍在玉田縣地方行竊窩匪已經十八年之久該處民人皆以形跡可疑指為賊匪而厯任知縣竟漫無覺察殊

出情理之外今據山海關副都統台斐音帶兵協同提督衙門番役赴該村將田自相拏獲並將該犯兄弟族人及同村大小男婦四十人一併搜捕並非該督豫有風聞飭屬查拏乃先以此奏為站腳地步殊屬弄巧矣田自相在籍肆竊多年地方官不及早查辦已不能辭咎而該犯逃回至十八年之久豈直省接據陝省咨緝並不認真飭屬躡捕猶不可解著梁肯堂即日馳赴玉田縣會同台斐音將正夥各犯全行拏獲毋使一名漏網此案不必交該督審辦即著將全案匪犯派委員弁兵役迅速解交刑部徹底訊究從重辦理至田自相自陝西逃回以後之歷任該州縣及各上司並著梁肯堂查明據實嚴叅勿得再有迴護致干咎戾將此傳諭梁肯堂並諭台斐音知之又諭前經孫士毅奏川省安插交夷高春旺等以父母妻子均在安南籲請回國因思江浙分置夷人諒亦有同情

諭令該督撫等面加詢問如有思念故國者據實奏聞候朕降旨令其歸國本日海寧奏面詢夷人阮廷璉等跪稱親屬多在安南如蒙恩准回國俾得團聚與在此需受天恩無異又阮輝珥等男婦大小十名口稱係黎氏僕從懇求進京歸入黎維祁佐領下當差等語已批令照所請行矣四川江浙等省安插夷人繫念室家思回故國殊堪矜憫自應准令迅速回國以慰其懷歸之意著傳諭該督撫如詢明夷人情願歸國即一面奏聞一面派員照料起身送至廣西交陳用敷安行護送出關令其遄歸故土以示體恤不必拘泥候旨致稽時日也至阮輝珥等既係黎維祁舊僕懇請進京即著海寧將該夷人大小男婦附便送京交與金蘭歸入黎維祁佐領下跟隨故主効力當差更為妥善將此傳諭保寧孫士毅並諭海寧陳用敷知之丙辰諭曰候補少詹事童鳳三現在尚書房行走念

其需次日久得缺無期伊朝棟陞任所遺鴻臚寺卿員缺即著童鳳三補授○又諭曰吏部奏據大同府豐鎮理事同知成照呈稱伊母年老患病懇請改補京職等語外省官員往往有父母年已衰老希圖戀棧不肯據實陳請今成照以伊母年歲雖與例不符但現在衰老多病懇請改補京職侍養殊屬可嘉向來同知內用例應以主事改補成照著加恩以員外郎用以示獎勵○諭軍機大臣等

都察院衙門奏湖北江陵縣民趙學三呈控易羣占等串通書吏何良弼等包攬隄工偷減土方一摺湖北荊州隄工俱令官為經理今趙學三所控方家洲民隄被包頭易羣占等侵蝕土方錢文並不按照原估丈尺修築復串通書役朦混舞弊如果所言屬實自當嚴行查辦以警竄役包攬之弊但趙學三或因伊兄趙五登係屬訟棍現被地方官監禁審訊將來恐有干涉逃避赴京架詞呈控以

圖拖累洩忿亦未可定均不可不徹底根訊以杜積弊而儆刁風著傳諭吉慶王昶於湖南審案完竣即取道湖北與前日應城縣已革武生李杜控告倉書科派浮收一案一併秉公確訊定擬具奏○又諭本日蔡攀龍奏所轄各營十州縣內收成俱八分有餘惟興化一縣僅止四分有餘等語查孫士毅等前次奏報江蘇秋禾實收分數興化縣係六分有餘何以與該總兵所奏不符是否實係六分有餘抑或係該屬稟報分數稍有粉飾孫士毅等即據以入奏著傳諭該督等即詳悉查明據實覆奏以慰厘注○賑恤山東平原禹城齊河德州長清德平濟陽臨邑陵縣聊城茌平高唐堂邑館陶清平莘縣冠縣恩縣博平范縣臨清邱縣夏津武城商河濱州樂陵等二十七州縣並德州臨清濟寧東昌四衛水災饑民並予緩徵○丁巳諭據蘭第錫題報江南河工黃河南北兩岸於秋汛後啟

放毛城鋪等處開壩設法疏導各工俱保護平穩等語本年徐城及老壩口誌椿長水丈餘兩岸隄埝工程在在均關緊要經韓錄會同蘭第錫等督率屬員搶護平穩現在水勢消落題報安瀾宜予甄敘用示獎勵韓錄蘭第錫著加恩議敘孫士毅趕赴江南督辦王平莊隄堰工程剋期完竣較為迅速亦著一體議敘所有在工出力人員著查明一併咨部議敘又諭曰禮部將補考直隸拔貢試

卷進呈朕詳加披閱內有考不入等之良鄉拔貢生閻廷樺一卷文理平常詩句尤多疵謬閻廷樺著全行斥革仍准原名應試所有原考之順天學政金士松及會考之總督劉

戡俱著交部照例議處 戊午

上幸圓明園己未諭曰勒保奏甘肅蘭州府屬之皋蘭金縣靖遠三縣高阜地方先因六月內雨水較少禾苗長發稍遲嗣於八月間天氣驟冷正當升漿結實之時猝被嚴霜以

致黃萎各該屬素稱瘠土現在收成無望民力未免拮据請將本年應徵正雜銀糧草束緩至來歲徵收等語著照所請甘肅皋蘭金縣靖遠三縣所有應徵本年正雜銀糧草束概行緩至明年輸納俾民力得臻充裕以示朕體恤邊氓至意○又諭年未及歲未襲爵以前之宗室王貝勒貝子公等向例俱不支俸米但未襲爵以前雖有藍甲養贍究不能遍給所屬著加恩嗣後年未及歲應襲宗室王貝勒貝子公等之嫡子俱按其所襲爵秩應得俸米減半賞給以示朕加惠宗室之意又諭曰梁肯堂奏流犯田自相自陝西配所脫逃業經十八年之久在籍窩竊不法夥匪諒必不少自應逐一嚴拏從重究辦請將玉田縣知縣錢端革職該管上司分別議處並自請交部嚴議等語此案先經山海關副都統台斐音督率兵丁協同提督衙門番役將田自相等拏獲並非該督豫有風聞飭屬

查拏乃梁肯堂於台斐音未經具奏之前。先於初八日奏聞。明係為站腳地步。當經降旨。令將全案人犯解交刑部嚴訊矣。田自相逃回肆竊。至十八年之久。直省地方官。接據陝省咨緝。竟不認真飭屬躡捕。所司何事。實屬可惡。該縣到任已逾一年。並不早為查辦。殊屬玩縱。可見外省吏治廢弛。錢端即著革職。遵化州知州薛學詩。通永道陳昌圖。按察使阿精阿。漫無覺察。各亦難辭。著交部分別議處。該督在直年久。未能先事訪聞。足見平日並不留心。梁肯堂著交部嚴加議處。其歷任各官。仍著該督查明。據實嚴參。以示懲儆。又諭曰。老格患病數月。且又年老衰邁。伊前在軍營。甚屬出力奮勉。著加恩以原品休致。並賞給全俸養病。所出正藍旗蒙古副都統員缺。著豐紳濟倫調補。其所出鑲藍旗漢軍副都統員缺。著范建豐坐補。○庚申。諭軍機大臣等。據步軍統領衙門奏。本月十一日在

海甸地方盤獲。欲行叩關之貴州民人傅志榮。並搜出黃紙呈詞。當即詳加訊問。據供係貴州遵義府桐梓縣人。與伊母鄒氏。伊弟傅志華同住。有堂弟傅志舜。素行無賴。屢向索詐銀錢。未經給與。於去年六月在本縣控告伊弟傅志華。將他毆打。並串通刑書李如林。差役李興等。無故鎖拏傅志華。搶去什物。並砍傷伊母鄒氏。斃命。歷經控告。未獲伸雪。本年五月到京。後正欲叩關。即被拏獲。請將傅志榮解交該省審明。定擬等語。此案傅志榮所控伊堂弟傅志舜。串通吏役。擅行鎖拏。並晝夜搶去什物。將伊母鄒氏手足砍傷。致斃之處。如果屬實。則該地方官於人命重案。竟不悉心究辦。一任書吏舞弊。殃民實屬大干法紀。但或該犯挾嫌誣捏。架詞聳聽。妄冀叩關亦未可定。均不可不徹底根究。以懲積弊。而儆刁風。昨據富綱奏。請陞見業經准令前來。該督接奉後。自必即日起程。由黔省經過。

著即會同額勒春將此案內所控情節逐一訊究秉公定擬具奏俟此案審得確情再行來京陛見亦未為遲所有傳志榮一犯已交部迅速解往步軍統領衙門原摺並著發交富綱等閱看將此由四百里諭令知之○又諭曰孫士毅奏江寧安插安南人阮阮係等二十三名及安徽安插之黃廷球等十四名俱已安居樂業不願返國其蘇州安插之梁廷校等十九名安徽安插之阮賢等四名繫懷故土情願仍回安南現今暫住恭候諭旨辦理等語四川江浙等省安插安南人繫念室家殊堪矜憫自應令其迅速回國以慰其懷歸之意前已降旨傳諭各該督撫如詢明情願回國者即一面奏聞一面派員照料起身想孫士毅尚未接奉前旨著再傳諭該督即將願回之安南人派員照料起程知會沿途送至廣西交與陳用敷妥行護送出關令其適歸故土以示體恤並著陳用敷與阮光

平相晤時向該國王告知江省安插之安南人除不願回國之阮阮係等四十七名口仍留該省外其梁廷校等二十三名呈請回國蒙大皇帝恩准遣歸伊等歸國後即交與國王管束如果安分守法國王自必善為撫綏不存歧視也○又諭曰胡季堂等奏審訊薛樸元控告杜宜豐誣捏伊兄薛對元奪犯毆差及郭德美供出杜宜豐賄囑知州方應時一摺朕詳加披閱杜宜豐與薛對元不過以語言譏誚口角微嫌遂爾恃富欺壓有破著二三千兩銀子就可給薛姓沒臉之語並囑托李元鵬轉求知州准呈出氣今李元鵬雖經病故而杜宜豐行賄知州之語係鞠元相告知現在既經胡季堂等差提到案則有無虛實無難一訊而得况杜宜豐既托李元鵬向方應時說合批准呈詞則該州明係有聽囑受賄之事必須四面質證訊出實情毋任飾詞狡展至郭德美係甘定進舊時衙役杜

宜豐曾向其懇求說情。鈔給批語。得受銀兩。於此案顯有串通交結情弊。雖據堅供。杜宜豐有無賄囑。方知州伊並不知道。祇得過杜宜豐銀十五兩。所言亦難憑信。又審據知府杜安詩與杜宜豐並不同宗。方知州實無餽送之事。亦未必盡確。該州既有聽囑。准呈及初詳偏袒等情。則並無受賄餽送。知府之語均不足憑。即衙役杜桐等所得之賄。恐不止現在供認之數。自應逐一研究。從重辦理。至薛德毆差之處。衆證確鑿。而薛禮元有無主使。尚未據供認。此案關係罪名出入。現在遣犯薛德李芳想已提到。並著胡季堂等悉心推鞠。當面質證。務期水落石出。以成信讞。總之該尚書等固不可以無據之言。周內定案。亦不可存顛預。將就了事之見。致負委任。將此諭令知之。○壬戌。諭軍機大臣曰。陳用敷奏護送阮光平於十月初四日已抵湖南省城。該藩自坐船後。服食起居。較陸行更為便。

適精神倍覺興健等語。覽奏深為欣悅。又據奏該藩於途次接奉兩次賞賜物件。及現將黎氏舊人有繫思故土者酌量令其歸國。諭旨特具表謝恩。並將原奏進呈。朕詳加披閱。其感激歡忭。具見惻忱。此時且暫無批諭。該藩出關時。陳用敷自必具摺奏聞。彼時自有諭旨。及另片奏安南留守潘文璘等寄呈阮光平啟書一函。內稱本年七月十一日有廣東遂溪縣船戶陳朝球等船隻被劫。經該國巡洋屯將范光章勦殺盜匪。將原船收獲等語。范光章巡哨海洋。見有內地商船被劫。即能奮勇追捕。將盜匪勦殺實屬可嘉。著賞給大緞二匹。即令該撫面交阮光平。於回國時給予該屯將范光章以示獎勵。並著陳用敷告知該藩。此事奏達大皇帝。深為嘉予特賞。范光章大緞二匹。交國王敬謹齋回。遵旨賞給至國王渥膺恩眷。屏翰南交。本有地方之責。安南與粵東洋面毗連。遇有盜船逃竄國。

王境內沿海一帶務須飭令鎮目屯將等一體嚴緝查拏若拒捕即當勒殺不可以中國之人畧從觀望以期綏靖海洋國王永受恩榮更無既極將此諭令知之

平定王上書

王

大清高宗法天隆運至誠先覺體元立極敷文奮武孝慈神聖純皇帝實錄卷之一千三百六十四

大清高宗法天隆運至誠先覺體元立極敷文奮武孝慈神聖純皇帝實錄卷之一千三百六十五
監修總裁官禮部尚書太子太傅文淵閣大學士文淵閣領事稽察欽奉 上諭軍機處總辦
吏部理藩院事務內閣學士兼禮部尚書禮部副都統等加七級隨帶加一級奉旨加二級實功紀錄一次臣等謹
總裁官禮部尚書太子太傅文淵閣大學士文淵閣領事稽察欽奉 上諭軍機處總辦刑部戶部三庫事務
世襲騎都尉功加十九級隨帶加二級又加二級臣等謹將內大臣戶部尚書理藩院副都統等功紀錄文
奉旨紀錄十四次臣等謹將禮部尚書太子少保工部尚書紀錄六次臣等謹將等奉

秋修

乾隆五十五年庚戌十月癸亥

上還宮○策試中式武舉魏廷魁等四十人於太和殿前○甲子諭四川總督員缺著鄂輝補授成德著補授成都將軍所遺四川提督員缺著觀成補授保寧侯鄂輝到任交代後即來京陛見再回伊犁將軍之任○命侍講學士陳崇本在尚書房行走○乙丑上御紫光閣閱中式武舉騎射○諭曰奎林萬鍾傑辦理臺灣各案緝獲盜犯均屬認真奮勉知府楊廷璽隨同查辦亦屬出力俱著加

思交部議敘以示獎勵。又諭據奎林等奏。審擬淡水廳盜犯鄭疊等。嘉義縣盜犯林添成等。鳳山縣盜犯許鳳林等三案。因各案犯未全獲。請將文武職名查明開參。固屬照例辦理。但臺灣地處海外。盜劫頻聞。該地方文武各官。遇有稟報盜案。即能認真躡緝。罕獲多犯。頗屬奮勉。功過尚可相抵。若仍照例開參。恐不肖官員。規避處分。轉致啟諱。匿不報之弊。所有各案文武職名。著加恩免其開參。

並著奎林等。督飭所屬。將案內逸犯。嚴密查拏。毋任遠颺漏網。○又諭曰。奎林等奏。據嘉義縣詳報。縣民林璇璣。猶隻踐食蔡探園蔗。起衅。蔡探執槍。往與林璇璣爭毆。被林璇璣用刀戳傷斃命。蔡均祿趕救。亦被戳傷。將林璇璣問擬絞候。從重立決等語。此案奎林等辦理未免過當。蔡探工人朱琳。因林璇璣猶隻踐食園蔗。彼此爭鬧。經朱琳回家告知。蔡探以口角微嫌。即持槍趕與林璇璣爭毆。

其理本曲。並先用槍向毆林璇璣。始持刀抵禦。致毆蔡探倒地。蔡均祿趕至幫護。亦被砍傷。蔡探因傷重殞命。而蔡均祿傷痕業已痊愈。覈其情節。係屬鬪毆傷人。不但不應擬以立決。亦不至入於本年情重人犯案內辦理。此事若照內地。祇應照例問擬。即以臺灣地方。民情刁悍。必當嚴示創懲。不過將林璇璣一犯。入於明年秋審情實。已足蔽辜。該部知道。○禮部題。冬至節應行慶賀禮。得旨。今年

冬至次日。著停止行禮。○山西巡撫海寧奏。太平縣候選知府王協。七世同居。一門敦睦。請照例予旌。下部議行。○丙寅。上御紫光閣。閱中式武舉技勇。○諭前因步軍統領衙門奏。據江南民人湯乾學。呈明河工利弊十三款。若所言屬實。與河務殊有關係。當經降旨令韓鑾。孫士毅等。公同妥議具奏。茲據覆稱。該犯實因年老失館。困苦無聊。妄思條陳河務。希冀好處。又恐沿襲舊文。別無

新異遂臚列毛城鋪廢棄草壩各條並拔缺包工等事砌詞聳聽其實毫無確據請將湯乾學按律發邊遠充軍因年逾七十准其收贖等語河防重務關係民生向來酌定章程悉臻妥善豈容鄉愚無識之徒妄為訾議乃湯乾學以失館無聊編列河工各款赴京具控輒思更易舊章並以營求包攬等事一併列入意圖傾陷其居心實不可問若不嚴加懲治則好事者紛紛效尤於河工大有關礙

倘該犯所陳各條或有一端可採尚可稍為寬宥今審明俱係空言自當按律問擬充軍該部議時應不准其收贖以示懲儆茲韓鏞等以該犯年逾七十懇請准令收贖殊不知該犯年歲雖老但既能徒步遠赴京師捏詞妄控豈有不能前往戍所之理况韓鏞等辦理河工若寬此謬議更張者將來條陳河務必羣言沸興河臣將不勝其辦矣韓鏞孫士毅蘭第錫李奉翰穆和蘭俱著飭行○又諭

據鑲藍旗滿洲都統奏綿慶現襲郡王年未及歲支給半俸全俸之處請旨等語綿慶雖未及歲但每日進內讀書不特與凡未及歲之王貝勒有別即較之常朝之王貝勒差事尤勤著加恩賞給全俸○諭軍機大臣等據海寧奏千總袁鳳鳴鄭寧巡至王遜外洋追拏匪船被賊匪拒捕打傷並掠取鎗礮刀械逸去現在馳赴溫州督率文武設法擒拏等語浙江溫州一帶盜匪出沒洋面最為商船

之害上年經伍拉納親往該處督拏緝獲數案今盜犯尚敢肆劫竟至拒捕傷官掠取軍器不法已極可見沿海盜風未能盡戢海寧現已親赴溫州著傳諭該撫即行督率文武員弁設法擒拏以期全數弋獲至溫州海道與閩廣相通恐洋盜等聞知浙省查拏緊急竄入福建廣東洋面或竟登岸潛逃亦未可定並著傳諭各該督撫於所屬內外洋面及沿海地方一體嚴密堵拏毋任遠颺漏網○

以署正黃旗蒙古副都統博厚。為鑲紅旗蒙古副都統。旌表守正捐軀直隸博野縣民韓羣兒妻王氏。丁卯。

上御太和殿傳臚。賜中式武舉一甲王福曾。瓊。非。王萬清三人。武進士及第。二甲魏廷魁等五人。武進士出身。三甲馮治等三十三人。同武進士出身。諭總辦慶典之阿桂。和珅。福。長安。胡季堂。金簡。李綬。伊齡阿。俱著恩加二級。諭軍機大臣等。前因黎維祁眷屬尚在

安南。諭令阮光平尋訪送京。並據該國王自請將黎維祁從人眷屬一併探訪送進。茲查明黎維祁弟妹妻妾十二名口。其跟隨黎維祁進關之人。除懇請返國者。業經遣回安南外。其情願留京之黎忻等。共有眷屬五十二名口。未經帶出。應將名單交與阮光平查訪。黎維祁等所開眷口。係就進關時名數開出。今已將及一年。又經兵燹。其或有逃亡。及婦女改適出嫁者。恐不能逐名查送。著傳諭福

康安於發給名單時。詳悉知會該國王。祇須將單內現存之人。確加查訪。遣送進關。如有事故。不妨據實聲明。並非令其按名照單查送。俾該國王知朕體諒深恩。必益加感戴。不致辦理掣肘也。又諭。本年直隸永平。天津。河間等府屬各州縣。夏秋雨水較多。河流漲發。田禾被淹。致成偏災。山東平原。禹城。齊河。德州等各州縣。被水成災。又江蘇徐州府屬蕭縣。碭山二縣。安徽鳳陽府屬之宿州。靈璧

二州縣。均因毛城鋪土壩刷寬。漫水下注。民田廬舍。間被淹浸。節經降旨。撥給銀米。分別賑借。令該督撫實力撫卹。毋使一夫失所。第念各該處被災地方。秋成失望。於明春青黃不接之時。民力恐不無拮据。是否應需展賑。蠲緩。並此外勘不成災地畝。應否酌借口糧。紓種之處。傳諭梁肯堂。惠齡。福崧。朱珪。即行體察情形。據實覆奏。候朕於新正酌量加恩降旨。雲貴總督兼署雲南巡撫富綱疏報。

乾隆五十四年分開墾呈貢等州縣成熟地十六頃有奇。旌表守正捐軀河南唐縣民靖同妻史氏。戊辰。

上御乾清門聽政。諭本年夏間黃水盛漲將王平莊民堰漫塌。衝刷溝槽。由毛城鋪滾水壩下注洪河。以致永城。宿州靈璧等處田廬間被淹浸。而韓鐸等奏報時。祇稱唐家灣引河減洩黃水。出槽漫灘。下注毛城鋪。其外灘王平莊民堰亦被漫缺。鉗口土壩尾。刷寬二十餘丈。並未將王平莊在毛城鋪大隄之內。及衝塌二百八十餘丈之處。詳晰奏明。且稱此次長水。賴有各開壩分洩。各工一律平穩。彼時朕以為王平莊在毛城鋪大隄之外。不過因毛城鋪洩下之水。間有泛溢。實不知王平莊竟在毛城鋪大隄之內。黃水漫溢。衝決民堰。淹及下游。並非毛城鋪減下之水也。嗣經周樽具奏。宿州靈璧地方被災情形。摺內稱黃水漫溢下注。並未斷流。朕方謂該處祇

係毛城鋪減下之水。匯注。周樽指為黃水。措詞不明。尚降旨申飭。而韓鐸等因朕有此旨。節次奏摺。總遷就其辭。含混聲敘。並未言明王平莊在毛城鋪大隄之內。而內外大臣。率多迴護。亦未有明言及此者。直至令韓鐸等繪圖呈覽。朕始知王平莊係在毛城鋪大隄之內。衝塌民堰。並非毛城鋪減下之水也。況閱圖內新築王平莊大壩。長至二百八十餘丈。缺口若此之寬。自係黃流漫溢為患。從前因韓鐸等所奏不明。誤會其意。伊等復從而掩飾。朕既未親臨其地。亦何由洞悉情形。今披覽河圖。始覺前此之謬。此固由韓鐸等奏報牽混。然朕未經看出。即當引以為過。斷不肯始終迴護。欲實前言。朕臨御五十餘年。辦理庶務。一秉虛公。從不飾非。遂遇知而能改。何待伊等代為迴護耶。昨因南河秋汛安瀾。特降旨將韓鐸等交部議敘。乃伊等於王平莊漫口一事。始終含混。本當治以應得之罪。

姑念辦理堵築工程剋期竣事。免其治罪。已屬格外加恩。豈可復邀甄敘。所有韓鑠等交部議敘之處。著撤回。至大隄以內河灘逼近黃河。每遇盛漲時。留為河流蕩漾地步。原應禁民居住。庶不致與水爭地。以免漫溢之虞。今江南王平莊一帶村莊。多在大隄之內。其豫省瀕河之處。及直隸永定河兩岸地方。在隄內河灘居住者。想亦不少。從前巡視永定河。經朕屢降諭旨飭禁。而地方官奉行不力。

小民等又罔知後患。祇圖目前之利。以致村莊戶口日聚日多。若不申明禁例。轉非愛護黎元之意。但民人等安居已久。未便令其遷移。轉致失所。著各督撫等轉飭地方官。將各該處隄內河灘。現在村莊實有若干戶。房屋若干間。查明確數。造具清冊。嗣後毋許民人等私自增添。其有遷居人戶。即於冊內刪除。以杜影射占居之弊。並著各督撫於年終彙奏一次。務須認真查禁。毋得視為具文。以副

朕慎重河防。保衛生民至意。又諭據保寧奏審擬蓬溪縣知縣劉德懋於臺灣凱旋兵丁過境。承辦雇備夫馬等項。接收前任知縣那借津貼銀兩。雖審明並未入己。但因公科斂。咎實難辭。請將劉德懋革職。照例問擬杖徒等語。劉德懋因兵差過境。執將前任知縣那借民間津貼銀款。擅用印照催繳。自有應得之咎。但究屬以公濟公。且係聽從前任接收津貼。尚無侵漁入己情弊。予以褫革。已足

蔽辜。劉德懋著革職。所有問擬杖徒之處。著加恩寬免。餘著照所奏完結。該部知道。又諭曰。伍拉納奏到籌議臺灣新設屯所。分撥埔地事宜。又臺灣戍兵增餉。游民挑募入伍。掛驗船隻番錢。歸官經理。及船廠採辦木植。臺地增銷鹽勛各事宜。二摺臺灣地方。於五十年春間。平定逆匪後。經福康安等將該處設立屯弁。清查埔地。及戍兵加餉挑募各事宜。分晰具奏。旋經軍機大臣行令該督等

查明定議即應督飭所屬將各條悉心查覈酌議奏聞以期永定章程利興弊絕乃迄今已二載有餘始行議奏殊屬遲延即云地隔重洋往返酌籌有需時日亦不應遲緩若此所有伍拉納奏到兩摺除令軍機大臣會同該部議奏外伍拉納著交部議處○諭軍機大臣等前因江浙兩省為人文之藪特將四庫全書添辦三分發交揚州金山及杭州文宗文匯文瀾三閣藏貯所有裝潢皮架等事

俱交兩淮浙江鹽政辦理嗣因陸費墀總理四庫全書草率錯誤獲咎甚重即罰令出資承辦陸費墀本係寒士家無擔石向在于敏中處稽館為業諒不過千金產業耳今所辦三閣書匣等項及繳出罰銀一萬兩計其家貲已不下二三萬若非從前在四庫館提調任內苞苴餽送何以有此多貲現在陸費墀業已身故所有插架裝匣等事若令伊子接辦恐未能諳習且身後所遺家業想已無多

亦難措辦此時三分書俱已校對完竣自應全行發往三處藏貯未便稽延著傳諭海寧全德即仿照前次發去裝潢書匣等式樣製造專派妥商辦理並著海寧查明陸費墀原籍現有田房產業加恩酌留一千兩之數為伊家屬養贍如尚有餘貲即作為添補三閣辦書之用海寧全德務須認真督率該商等經理妥速嚴工毋任遲延草率○以詹事鄒炳泰為內閣學士兼禮部侍郎○已已

上命遴選羣臣進獻萬壽頌冊百篇呈覽諭內閣學士翁方綱順天府府尹吳省欽翰林院侍講吳壽昌編修劉鳳誥禮部主事宋鳴琦俱著賞大綬二匹翰林院編修盧蔭溥俞廷樞程嘉謨阮元庶吉士張師誠舉人周嘉猷生員施鑒坡俱著賞大綬一匹○諭朕披閱臣工等所進萬壽歌頌內有尚書房行走侍講吳壽昌恭紀九言詩一冊上下句用韻分叶體製新穎詩句藻麗其辭章雖屬可觀不

免有騁博見才之意。因思尚書房翰林入教皇子皇孫等讀書。惟須立品端純。藉資輔導。原不同應舉求名者。僅在文藝詞章之末。況皇子及皇孫年長者。學業已成。其年幼之皇孫。皇曾孫。元孫等。甫經就傅。不過章句誦讀之功。尚屬易於啟迪。選擇師傅。祇以品行為先。與其徒藉詞藻華而不實。轉不若樸誠循謹之人。尚可資其坐鎮。即如阿爾學問雖未優長。而資格已深。人亦謹飭。於皇子師傅。頗屬相宜。現在皇子等俱已年長。尚書房翰林等。皆係皇孫。皇曾孫。元孫之師傅。若以外間師弟世誼而論。行輩多屬相等。且有誼屬晚輩者。在皇子師傅親身訓課。自不至於交結干求。而行輩較晚之師傅等。分同賓友。恐不安本分之人。藉以結納交通。致有如從前秦雄褒與皇孫綿德往來交結之事。不可不防。其漸向來尚書房師傅缺出。係掌院學士自行揀選。僅會同內閣帶領引見。今阿桂。嵇璜。

俱已年老。精力不周。嗣後著大學士等。公同揀選。不必專取才華。務擇資深立品之員。帶領引見。候朕簡用。至皇子皇孫等與尚書房師傅朝夕晤對。祇須勸勉訓課。不得泛論文藝。相聚閒談。為俗例倡。和之舉。致啟夤緣。倘或該員等有營求干請之事。一經發覺。朕必照綿德秦雄褒之例。從重治罪。決不寬貸。著將此旨恭錄一道。交尚書房存記。俾知警惕。又諭曰。胡季堂奏。山東清平縣耆民張致。同弟張珩。又滋陽縣耆民馬遇樂。均年逾百齡。請照例旌表等語。張致。張珩。昆弟隨肩。期頤雙饒。馬遇樂。年臻上壽。耕鑿自安。洵為昇平人瑞。所有應行建坊旌表。及加恩賞賚之處。該部察例具奏。○諭軍機大臣曰。穆和蘭奏。勘丈沙壓地畝。請賞限一年。以便詳細清釐。一摺。豫省臨河地畝。果有沙壓難耕。糧賦無出自應。勘丈明確。題請豁免。但黃河沙性坍塌無常。既有從前本係可耕之地。現在被

沙漲壓者豈無從前本係沙壓之地現在業經坍卸可以開墾者小民惟利是圖難保無以新灘地畝私自耕種希圖影射免科或更有歷年報明沙壓此時尚可挑復之地若臨河沙壓地畝俱係有漲無坍則年復一年祇有豁免而無升科亦非政體不可不逐一詳細履勘分晰查明以歸覈實今即照穆和蘭所請予限一年為期既寬該撫務須率同藩司將以上指出各情形分委幹員協同各地方官攜帶實徵糧冊開明四至按畝勘丈將應豁應減應徵之處仍即親身履勘分別覈實辦理毋使胥役里地人等朦混滋弊將此傳諭知之○又諭黃河南北兩岸築隄捍禦原以防河水盛漲時泛溢為患專藉大隄為之保障以河流正身而論則瀕河兩岸灘地在隄以內者即當謂之隄內在隄以外者正當謂之隄外此一定不易之理也乃向來河臣等所奏河務情形摺內轉以附近河

身兩岸灘地指為隄外而大隄外之民田廬舍轉稱隄內殊為內外倒置茲偶思及必係從前河臣等意圖影射以隄內之民田廬舍為隄外倘遇黃水衝缺口岸即可指稱在隄外漫溢以為掩蓋其災輕朦混之地不可不即行更正以杜隱飾弊端嗣後總以黃河正身為主附近兩岸灘地在隄之內者謂之隄內若在大隄以外者謂之隄外毋得再有牽混以致陳奏失實稽滋影射也○旌表守正捐軀直隸鉅鹿縣民孫治中女孫氏○庚午諭軍機大臣等上年閏五月內在密雲縣地方令程宗聖呈遞策論之馬晏清即馬波一犯在逃未獲節經降旨令四川總督於該犯居住太平縣地方嚴密查拏並令湖廣督撫在該犯原籍松滋縣一帶偵緝務獲迄今已一年有餘總未據該督撫等奏報拏獲該犯呈遞策論後或仍在京城一帶藏匿或因為時已久希冀地方官訪拏稍懈潛回原籍

均未可定除就近諭知提督衙門仍派番役密行躡緝外著傳諭四川湖廣各督撫等嚴飭所屬上緊查拏務期就獲解京懲治毋得視為海捕具文使要犯始終藏匿漏網○辛未諭軍機大臣曰陳杰奏接據護溫州鎮總兵詹殿權報稱瑞安營署都司李春櫛等巡哨洋面被賊匪搶去鎗礮一事陳杰即馳赴溫州瑞安督緝等語此案業據海寧奏報已降旨諭令海寧陳杰督率文武員弁設法擒拏並著福建廣東各督撫一體堵緝矣又據歸景照奏海寧於本月初七日前往溫州十二日行抵建德縣地方寒熱復作似成瘧疾因趨程心切不肯停泊現在已抵蘭谿服藥未能速效神氣稍覺沉綿已稟請撫臣暫駐蘭谿趕緊醫治俟精神平復再行前進等語所見甚是海寧先因偶感風寒調理旋愈嗣接據陳杰移會即東程前赴溫州在途次寒熱復作神氣沉綿自應即行回省調理以期

實錄卷五十五

文

速痊若再力疾前往加以焦急一時不能向愈轉於地方公務無益現在該撫業飭溫處道高樹勳紹興府李亨特先行馳往查辦而陳杰自寧波馳赴溫州路程較近此時早已至彼海寧竟應速回省城上緊調治所有溫州洋匪一案即專交陳杰辦理該提督務須督率水陸各鎮營弁兵及派往該道府等協同實心查拏以期全數弋獲盡法懲治此等賊匪在洋日久所用淡水食米勢須登岸運取即所刳贓物亦必須登岸變賣如沿海各岸口弁兵留心堵截實力搜查無難立時就獲至該都司等出洋巡哨時共有五船何以千總索鳳鳴等二船被賊搶取鎗礮器械其餘三船並未協拏救護是否實係官兵追捕受傷抑係畏縮裝點均未可定朕於海寧奏到時早疑及此並著該提督嚴密訪查如該弁等有畏葸捏報情節即行據實嚴參不可稍有隱飾迴護又據歸景照奏籌辦漕務情

實錄卷五十五

文

形一摺所言利弊自係確有所見。但歸景照在浙年久平日既能留心及此即當稟知巡撫早為整頓。今已簡用藩司。漕務尤其專責。著該藩司照摺內所指情弊逐一清釐。幫同海寧實心籌辦。不可徒託空言。有負委任也。將此由五百里諭令知之。○以內閣學士多永武為鑲黃旗漢軍副都統。○壬申諭曰。海寧因病身故。所遺浙江巡撫員缺著福崧調補。江蘇距浙江較近。該撫將印篆送交孫士

實錄卷一百三十五

手

毅兼署。即行馳赴新任。福崧前在浙江巡撫任內辦理地方公務性疑才拘。諸事殊欠愜意。姑念該撫自簡任江蘇以來稽查積弊甚屬認真。從前曾任浙江諸悉該處情形。尚可收駕輕就熟之效。是以加恩調補。該撫務須益加奮勉。隨時整頓。而收漕為目。今要務宜慎為之。若再仍前怠玩。定行加倍治罪。至江蘇巡撫員缺緊要。一時不得其人。因恩長麟在山東巡撫任內於羅有良薛對元二案。辦

理錯謬。獲罪甚重。但伊平日辦事尚屬勤奮。前任江蘇藩臬於地方情形較為熟悉。若此時留於山東辦理城工。伊係革職之員。呼應不靈。較於工程無益。所有東省城工著交與惠齡接辦。長麟即前往江蘇署理巡撫事務。仍不准戴用頂戴。其應得廉俸亦不准支給。如果莅任後自知愧悔。勉思整飭地方。力圖報効。俟過數年後再當降旨加恩。倘以為又得邀恩更復恃才偏聽。意存自滿。伊係棄瑕

實錄卷一百三十五

手

錄用之人。必當從嚴懲治。立寘重典。斷不能屢邀寬貸也。○又諭昨歸景照奏海寧前往溫州督拏瑞安洋面盜匪。在途患病當經降旨令該撫即回省城調理。以冀速痊。今據歸景照奏報海寧行抵蘭谿地方身故。殊為可惜。海寧自簡任封圻以來尚屬急公勤奮。茲甫經調任浙江正資整頓。乃以力疾前赴溫州督緝洋匪。在途溘逝。深堪嘉憫。海寧著加恩照總督之例給予卹典。該部察例具奏。○

又諭曰。勒保奏。甘肅蘭州府屬之皋蘭金縣。靖遠三縣高阜地方。先因六月內雨水較少。禾苗長發稍遲。嗣於八月間天氣驟冷。正當升漿結實之時。猝被嚴霜以致黃萎。現在收成無望。被災戶民。力難接濟。之食堪虞。請照例給予賑濟等語。皋蘭金縣靖遠等三縣。猝被嚴霜。前據該督奏明。業經降旨。將本年應徵正雜銀糧草束。緩至來歲徵收。今既查勘成災小民。口食維艱。自應給予賑濟。以示體卹。

實錄卷一百一十五

奉

卹著該督即派委妥員。實心經理。俾災黎均霑實惠。以副朕愛養邊氓至意。○癸酉。諭軍機大臣等。據畢沅等審訊貴州委員吳壽朋。領運京鉛。沉溺鉛船一摺。內稱該員帶有家口。及柴米物件。種種累墜。以致船身加重。沉鉛二十一萬觔。雖沉溺各處。係在著名險灘。猝遇暴風。但違例攜眷。即屬玩誤。所失鉛觔。應賠腳價。現咨黔省查明確數。著落該參員追繳等語。運京鉛觔。該委員理應小心運送。

即遇有名險灘。亦當加意防範。以免疎虞。今吳壽朋領運京鉛。沉溺至二十一萬觔之多。撈獲之數。僅止三萬三千八百觔。恐中途有盜賣鉛觔。捏報沉溺情弊。畢沅等惟當從此根究。嚴加詰訊。乃祇稱該員攜帶眷屬柴米。以致船重壓沉。情節殊非確實。試思該員所攜眷屬五人。食米亦僅止六十石。能重幾何。豈有將鉛船沉壓之理。畢沅等既經冒昧。奏於前。審訊時。又復為之迴護。顯將有心。開

實錄卷一百一十五

重

脫著畢沅再行研訊。確情據實具奏。至此項沉溺鉛觔甚多。自應賠繳。今畢沅將腳價銀兩一併著落賠繳。吳壽朋係屬微員。焉有多貲。賠交官項。將來必至拖欠難完。仍歸無著。並著畢沅一併另行籌議具奏。尋奏遵旨。親提吳壽朋等。嚴訊據稱。沉溺鉛船。實係在著名險灘。猝遇暴風。又以違例私帶家眷。一切食米柴薪。不免寬為籌備。以致裝載稍重。連溺三船。實不敢私行售賣。至應賠各項。至三

千五百餘兩。若令吳壽朋一人完繳。誠如聖諭。必致拖延。擬將應賠銀兩分為三股。吳壽朋賠繳一股。原委各上司於該叅員違例攜眷未經查叅。應賠一股。失事各地方官於運船過境未能先事豫防。應賠一股。下部議。○甲戌。諭軍機大臣等。據伊齡阿查明松山杏山等處牧廠地畝一摺。此項地畝。於紅冊之外。丈出多畝。皆係影射私開。自應查明業戶。照畝數之多寡。治以應得之罪。其查出尚可開墾荒地。未便聽其拋棄。今據伊齡阿逐畝丈量。必須登記簿冊。既可備招募開墾之需。亦可杜影射占據之弊。現在奏到摺圖存記。著傳諭伊齡阿再將米廠地畝。速行詳悉查勘。並將私墾各案。及失察之副都統。地方文武。應議各官。一併秉公查辦。俟具奏到日。交內務府會同該部分別覈議。○丙子。上詣奉先殿。

壽皇殿行禮。○是月。署浙江布政使按察使歸景照。奏收漕最易滋弊。雖繁立科條。而奉行不力。仍屬有名無實。惟在各上司潔已奉公。認真督察。批此說得之。實力勉為之。又奏。今擬於收漕時。由藩司詳請。派隔屬賢能道府。分赴各處督察。並於丞倅州縣中。擇其誠實廉幹者。派往協同監收。倘查出弊端。據實稟揭。得旨。好一切勉為之。○河南巡撫穆和蘭。奏。河堤附近居民。並無新添廬舍。開墾地畝。以及私築堤堰。侵占河身等弊。得旨。以實為之母。為空言。○刑部尚書暫署山東巡撫胡季堂。奏。本年濟南武定各屬二十七州縣。被水成災。仰蒙賑卹。請將本省應運漕米十二萬一千九百五十餘石。全數截留。以充民食。得旨。先行下部知之。○陝甘總督勒保。奏。本年皋蘭金縣靖遠三縣被災。臣於題報後。即與藩司蔣兆奎。分往親查。覈實散賑。不得稍有弊混。得旨。俾受實惠。勉之。○雲貴總督兼

署雲南巡撫富綱奏頭運二起京銅於九月二十八日全數兌足。即於是日自瀘州開行。咨明沿途督撫嚴查催趲。俾迅速抵京得旨嘉獎。

實錄卷一百五

庚

大清高宗法天隆運至誠先覺體元立極敷文奮武孝慈神聖純皇帝實錄卷之一千三百六十五

大清高宗法天隆運至誠先覺體元立極敷文奮武孝慈神聖純皇帝實錄卷之一千三百六十六

監修總裁官太子太傅文淵閣大學士文淵閣領閣事傅爾丹
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次
總裁官太子太傅文華殿大學士文淵閣領閣事稽察欽奉 上諭事件處總辦刑部戶部工部事務
世襲騎都尉軍功加十九級隨帶加二級又加二級軍功紀錄六次
尋常紀錄十四次
纂修總裁官太子少保工部尚書紀昀六次
纂修
乾隆五十五年庚戌十一月丁丑朔諭總辦

慶典工程係和坤金簡專司其事著於所加二級外再加一級彭元瑞前曾查勘工程現又纂輯萬壽盛典亦著一體加二級又諭前因工部議駁勒保題銷勒洗鹽茶廳逆回軍需一案駁減甚多諭令該督詳晰查明據實回奏茲據勒保覆奏請將前項裁減銀二萬五千七十餘兩在勒保及歷任總督藩司名下照數攤賠惟所稱火繩一項係因軍需緊急本地所出樹皮麻筋甚少是以用紙擰

造殊屬非是。烏鎗為軍營利器。而臨時施放。尤藉火繩點引。朕常親御火鎗。皆以麻繩引。火從無用紙張製造。即健銳火器等營。亦無用紙火繩者。蓋紙張質地脆薄。久貯易於潮濕。若擇造為繩。藥多則不能留火。藥少則點引較難。故烏鎗火繩。向用麻筋成造。從無用紙之理。今甘省綠營於軍火要需。竟屬有名無實。勒保全不諳習。率據該營員等稟報具奏。尤屬不合。嗣後該省各營所用火繩。俱照

定制改造。麻繩不可用紙。以收實用。○諭軍機大臣曰。福崧奏。江省各州縣向有漕總名目。慣於舞弊。每年點充之際。各州縣並不遵例僉換。若不嚴革重懲。恐其暗中滋弊。影射朦混。查有長洲等二十八州縣漕總。每縣二三名不等。共七十一名。業已按名斥革。擊解來省。枷號通衢。復發回該州縣。枷示漕倉門口。俟收漕完竣。再行分別發落等語。江省近年漕務廢弛。福崧飭屬嚴辦。查出長洲等縣

漕總盡書七十一名。斥革枷示。所辦甚屬妥協。現已降旨將福崧調補浙江巡撫。本年浙省嘉興府屬有漕書浮收舞弊之事。恐該省各州縣亦有似此漕總名目。欺哄鄉愚。影射滋弊。不可不嚴行查辦。著傳諭福崧。到浙江新任後。一體留心訪察。認真辦理。至長麟經朕棄瑕錄用。此時赴任江蘇。於地方要件。益當加意整頓。以期積弊肅清。所有各州縣舞弊漕總。即著長麟照福崧所奏實力嚴辦。使

各漕書咸知懲儆。毋或稍存姑息。致負委任。將此各諭令知之。○調湖南巡撫浦霖為福建巡撫。以直隸布政使馮光熊為湖南巡撫。甘肅按察使張誠基為直隸布政使。○戊寅。諭據毓奇奏。接奉諭旨。稽查由伊犁路徑回歸阿克蘇之安集延回子等。有無私攜俄羅斯物件等語。所辦殊屬錯謬。前令稽查新疆回城貿易之安集延回子等物件者。特因恰克圖貿易現在停止。而安集延回子等貪圖

重利將俄羅斯出產物件竊行帶轉販賣。是以暫行禁止。其恰克圖貿易開時。仍准其照常貿易。今據毓奇奏稱。將商民回子。安集塔布魯特。土爾扈特等解衣搜查。成何體統。即恐與薩木薩克等寄信勾通。亦祇應悉心訪辦。若如此辦法。不惟致各部落人等驚疑。亦非朕撫恤外藩之意。毓奇若並未如此辦理。不過虛詞入奏。希圖見長。尤屬不合。宜伊在朕前。竟敢公然欺罔乎。且穆蘇爾達巴漢。乃

通伊犁回城之大路。其不准安集塔回子等經由者。因伊等係卡座外部落之人。由外地行走。可不致私攜俄羅斯地方出產物件售賣故耳。並未將內地貿易回子。及土爾扈特等概行禁止也。若如毓奇所奏。則彼處商民往來甚眾。終日惟搜檢之。不暇。尚能辦理餘事乎。大抵毓奇之意。以為書麟。長麟。琅玕。現俱獲罪。巡撫正在需人。伊從前曾任漕督。冀乘此市美。或可復任封疆。否則思家念切。意

圖更換來京。毓奇之心。必不出此二者。幸回子等均係受恩多年之人。即安集塔。布魯特等。亦皆久沐深仁。不致滋生事端。不然。衆怨沸騰。其弊尚可問乎。看來毓奇竟不宜在烏什辦事。著革去子爵。及頭等侍衛。降為二等侍衛。前往喀什噶爾。隨同明亮辦事。富尼善人尚安靜。烏什事務。即著富尼善前往接辦。伊亦係棄瑕錄用之人。若復更張多事。必當重治其罪。除將此旨通諭各處大臣外。仍以

回語譯出。傳諭京城居住之回子。並各回城知之。又諭據科凌阿奏。本年值伊年班。瞻仰情殷。請於封印前來京陛見等語。科凌阿。本年八月內慶祝萬壽來京。於九月內甫經回任。保琳亦係同來。以理論之。舒楞額應來。此次自應將舒楞額應來。及科凌阿適值年班之處。聲明具奏。其來與否。請旨定奪。乃並不如此聲明。冒昧具奏。殊屬取巧。摺內又以依戀君上為辭。尤屬妄言。伊甫經陛見回任。

何依戀之有。明係畏憚復來。假飾之詞也。摺內於依戀字殊筆點出。外科凌阿著交部查議。本年年班著舒楞額來。○諭軍機大臣等。前因勒保題銷軍需本內。甘省所用烏鎗火繩係以紙張製造。可見外省綠營器用全無實際。恐各省火繩意圖省便。多有似甘省不用麻繩者。於軍器殊有關係。曾通諭各省督撫查明據實覆奏。此係九月十四日所降之旨。迄今將及兩月。本日已據穆和蘭奏到。直

隸密通京師。較河南尤近。何以梁肯堂尚未具奏。殊屬遲緩。著傳諭該督即行遵照前旨。查明直隸各營是否用紙張彈造火繩之處。迅速據實具奏。勿再遲延。○庚辰。諭據陳河道鄭崇錦為甘肅按察使。○奏。據陳杰奏。溫州瑞安洋面賊匪拒傷官兵一案。隔別研訊。方得實情。緣千總袁鳳鳴一船。於九月二十日。遇盜劫取軍器。外委林公柱一船。將軍器搬藏山上。二十一日。千總鄭寧復被

盜船圍住。搬取軍器衣物而去。外委金殿選隨即收船回泊。分巡之都司李春楠。停泊未駛。將遇盜實情。面稟護副將王愈安。該副將因賊船過多。兩次被劫。隨商同備弁。裝點捏報。現將該將備千總等。摘去頂戴。追取劄付。咨明督撫辦理等語。此案前據海寧奏到時。朕早該及該都司等出洋巡哨。何以袁鳳鳴等二船。被賊搶劫。器械餘船並未協拏。恐有裝點情弊。曾降旨令陳杰據實嚴查辦理。茲

據陳杰奏到。竟係護副將王愈安。商同備弁捏報。果不出朕所料。而其所報情節。將盜船數目及遇盜日期。全行改捏。殊出情理之外。綠營懦怯性成。而水師弁兵為尤甚。每遇緝捕賊匪。率多畏葸不前。稟報時又復假捏情節。希圖避罪。此等惡習。甚為可恨。王愈安。李春楠。袁鳳鳴。鄭寧。林公柱。金殿選。俱著革職。拏問。交與福崧。陳杰。嚴審定擬具奏。○辛巳。諭軍機大臣等。本年六月內。據梁肯堂奏。客

爾喀盟長貢楚克扎布差扎奇魯克齊博羅特入貢。於多倫諾爾地方被賊竊去製造經典銀八百餘兩。並衫帽等物一案。曾降旨令該督通飭所屬嚴拏。迄今將及半載。曾否將案內賊犯拏獲。總未據該督奏聞。豈此等偷竊外藩來使之案。並不認真嚴緝。僅以一奏了事耶。著傳諭梁肯堂。即行飭屬查拏。務獲賊。毋再玩延干咎。○吏部議奏。戶科給事中李嗣奏。稱吏員人等著役時。籍貫本不認真。易滋弊混。且以胥役考滿後。即得分發試用。官雖卑微。徑實便捷。嗣後吏員人等報滿後。應只准其歸班銓選。不許加捐分發。應如所請。從之。○壬午諭。據秀林奏。查獲商民張子敬等。私販灰鼠水獺海龍香龜貂等皮。張除皮張入官外。將張子敬等解送原籍等語。商民張子敬等六人。膽敢違例私販俄羅斯土產海龍水獺灰鼠等皮。實干法紀。秀林查獲。尚屬留心事體。著交部議敘。餘照所請行。

但此案商民所販灰鼠皮二萬餘張。水獺海龍皮二百餘張。香龜貂一千餘張。明係由喀什噶爾葉爾羌烏什入境。各該處大臣所司何事。若私販無多。情猶可恕。今至二萬餘張。直行偷越。該大臣毫無覺察。實屬玩誤。著將明亮等嚴行申飭外。仍將此項皮張究由何處販來。令其查明覆奏。○又諭。據伍彌烏遜奏。老兵默多爾親。現年一百三歲。身體康健。洵為昇平嘉瑞。默多爾親著加恩交該部查例賞賚。○諭軍機大臣等。據步軍統領衙門奏。湖南長沙縣保正王澤遠。呈控監生李敬思。主員李楷等。串通該縣倉書黃克明等。勒派採買倉穀。短發價值。歷控不辦一案。事關蠹書軌法。派累鄉民。該省總督藩司等。何以不為查究。恐亦有徇庇情弊。如果所控屬實。自應從嚴究辦。若王澤遠受人唆囑。挾嫌妄控。亦當治以應得之罪。以儆刁風。著傳諭吉慶。王昶。於審訊湖北李杜。趙學三。兩案完竣。

後仍赴湖南提集案證將此案實在情節秉公確訊定擬具奏。癸未諭曰。原任淮徐道師彥公。淮揚道趙載元。前於失察高郵州書吏假串冒徵案內革職。咎有應得。本不應送部引見。但念該二員係河員出身。尚能熟悉河務。師彥公。趙載元。俱著加恩送部帶領引見。乙酉諭軍機大臣等。浙江瑞安營巡船被盜搶劫軍械一案。前據海寧奏稱。千總袁鳳鳴等在外洋追捕盜匪受傷失去軍器。朕

即疑有裝點情弊。及陳杰親往查訊。始知此案實在情形。該弁等連日遇盜搶劫。巡船並未出洋。署都司李春櫺亦未追緝。竟係護副將王愈安商同捏報。已降旨將該副將備弁等革職。拏問矣。茲伍拉納奏報之摺。尚係據該營初報具奏。是以所奏情節未能確實。現將此案交福崧。陳杰嚴審辦理。未獲各犯。飭該撫及提督等認真躡緝。浙江與閩省海道本屬相通。恐盜匪見浙省查拏緊急。竄入閩

省洋面。或棄船登岸潛逃。亦未可定。著傳諭伍拉納。即行嚴飭水師將弁。並沿海各地方官。於外洋海口嚴密堵拏。毋任遠颺漏網。再伍拉納另摺奏。署千總沈天衢帶領哨兵。在菜子嶼外洋拏獲盜犯十七名。甚屬奮勉。可嘉。著該督即將沈天衢送部引見。以示鼓勵。旌表守正捐軀。湖北棗陽縣民袁二。嫡妻盧氏。丙戌。

上詣

壽皇殿行禮。諭曰。大學士王杰。尚書彭元瑞。董誥。胡季堂。福長安。將軍保寧。或簡任綸扉。綜理部務。或出膺閫帥。宣力邊疆。宜錫宮衛。用昭優眷。王杰著加太子太保。彭元瑞。董誥。胡季堂。福長安。保寧。俱著加太子少保。旌表守正捐軀。河南扶溝縣民包常理妻陳氏。丁亥。諭軍機大臣等。據陳杰等奏。瑞安洋面匪船拒傷弁兵。擄取軍械一案。現派兵船五十隻。哨探賊蹤。於浙屬洋面。遍歷兜拏。務

將各匪船全行弋獲。再遊擊錢夢虎。在洋巡緝。調派來溫會剿。十月十八日。船至昌石營淡水門洋面。遇盜拒敵。官兵受傷。搬去鎗破牌刀。現飭副將劉漢。馳往查明。另行具奏等語。浙省洋面盜匪。肆行劫掠。膽敢拒傷弁兵。搶奪軍器。瑞安外洋。甫有千總袁鳳鳴。鄭寧巡船被盜之事。匪犯尚未就獲。今遊擊錢夢虎。又在昌石營洋面遇盜。劫去軍器。可見該省沿海一帶。夥匪甚多。竟係福建。廣東等省

查拏緊急。匪徒皆竄入浙江洋面。愈聚愈多。若不嚴行緝捕。恐致別滋事端。現在陳杰飭派兵船出洋哨緝。賊匪聞追拏嚴緊。自必棄船登陸。竄匿島嶼。陳杰係屬提督。地方非其所屬。恐呼應不靈。緝捕不能得力。因思福崧曾任浙江巡撫。於該省洋面情形。較為熟悉。近日該撫應已抵任。省城並無要事。自當前往會辦。以期盜匪速獲。著傳諭該撫。即速馳往溫州。駐劄該處。此案即責成福崧。會同陳

杰督率文武各官。帶領弁兵。於外洋及海口地方嚴密緝拏。毋任遠颺漏網。至錢夢虎遇盜一案。有無裝點捏報情弊。並著據實查明辦理。不可稍有諱飾。將此傳諭福崧。並諭陳杰知之。仍著將查辦情形。由六百里迅速覆奏。已丑。

聖祖仁皇帝忌辰。遣官祭

景陵。諭曰。保寧奏。潼綿營遊擊張思紳。駐防察木多臺站。迄今未及一載。竟敢藉病乞休。

其情甚屬可惡。請將張思紳革職。枷號半年。再行釋回等語。西藏一路臺站。係邊陲要地。向由內地派員前往駐劄。三年更換。今張思紳駐防該處。未及一年。遽行藉病規避。稟請休致。自應嚴懲示儆。著即照保寧所請。將張思紳革職。於察木多地方枷號半年。滿日釋放。保寧係伊犁將軍。暫署督篆。並不存五日京兆之見。於此等捏病乞休之員。不避嫌怨。即行嚴參辦理。甚屬可嘉。著加恩賞給上用

大荷包一對。小荷包二對。以示獎勵。諭軍機大臣曰。保軍奏著總兵袁國璜。已交卸建昌鎮篆。自應循例進京。但邊疆要地。驅使需才。請將袁國璜暫緩進京。留川候委。俟簡放有缺。再令該鎮赴京等語。袁國璜前在熱河召見時。看其人尚明白。熟於川省營伍。是以令該鎮馳赴川省。署理建昌鎮篆。今據保寧奏請。留川候委。暫緩進京。袁國璜竟不必令其來京。即著留於川省。俟有該省總兵缺出。候朕簡放可也。將此傳諭保寧。並諭鄂輝知之。是日起。

上以冬至祀

天於

圓丘。齋戒三日。辛卯。

上詣

南郊齋宮齋宿。

大清高宗法天隆運至誠先覺體元立極教文奮武孝慈神聖純皇帝實錄卷之一千三百六十六

大清高宗法天隆運至誠先覺體元立極敷文奮武孝慈神聖純皇帝實錄卷之一千三百六十七

監修總纂官太子太傅文淵閣大學士文淵閣領事領侍衛內大臣稽察欽奉 上諭軍機處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣廣緒

總裁官經筵講官太子太傅大學士文淵閣領事稽察欽奉 上諭軍機處管理刑部三庫事務

世襲騎都尉軍功加十九級隨帶加二級又加二級臣董誥內大臣戶部尚書庫直隸滿洲都統軍功紀錄六次

尋常紀錄十四次臣德琿經筵講官太子少保工部尚書紀錄六次臣曾振鐸等奉

敕修

乾隆五十五年庚戌十一月壬辰冬至祀

天於

園丘

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵遣官祭

孝賢皇后陵

端慧皇太子園寢○癸巳諭據穆和蘭奏尉

氏縣民王從讓汜水縣民高寬孟縣民劉萬

高俱五世同堂請照例賞賚等語王從讓高

寬劉萬高俱年臻耄耄膝繞曾元洵屬昇平

盛事所有應行賞賚之處著該部察例具奏

○諭軍機大臣等據福崧奏寶山縣塘工形

勢險要應於塘前酌添坦水以資抵禦又施

家港橋工亟須加橋搶修完整現飭藩司巡

道悉心確估具稟孫士毅長麟覆奏等語寶

山地方濱海向曾建有石塘為全縣保障五

十二年間因風潮衝刷將塘外土工傾卸潮

汐直抵塘根形勢單薄業經興工補築茲據

福崧查勘須再添築坦水方能永資鞏固其

形勢坐灣及頂衝之處亦應添築坦壩修葺

椿工福崧現已調任浙江所有此項工程著傳諭孫士毅長麟再行悉心查勘將應否修辦之處據實具奏其鎮洋華亭等處據福崧奏亦有應修工程並著孫士毅長麟一併查勘具奏尋奏臣等抵鎮洋察看各工俱屬完整即遇風潮亦可不致衝刷其寶山縣塘工形勢險要石塘內現有積水若不設法疏消難資鞏固批此係至要勉為之又奏石塘南首有土隄一道外有洩水小河城外居民賴

以灌溉今擬將塘內積水全行引歸洩水河內似於田畝塘工兩有裨益批好又奏施家港橋工急宜搶護查該處本有碎石單壩二百餘丈自應如福崧所奏搶築完整橋木自不致朽爛得旨好實力妥為之○甲午予改浙江巡撫海寧祭葬如總督例謚勤毅○乙未

上御乾清門聽政○諭曰尹壯圖奏近有嚴罰示懲而反隣寬縱者如督撫自蹈愆尤不即

罷斥罰銀數萬以充公用因有督撫等自請認罰若干萬兩者在桀驁之督撫借口以快饕餮之私即清廉自矢者不得不望屬員欣助日後遇有虧空營私不容不曲為庇護是罰項雖嚴不惟無以動其愧懼之心且潛生其玩易之念請永停罰銀之例將罰項改記大過若干次如才具平常者或即罷斥或量予京職毋許再膺外任等語督撫等坐擁厚廉以其尸位素餐故議罰充公之項令其自

出已貲稍贖罪戾亦不過偶爾行之非定例也若敢藉此飲派累及屬員則是貪黷營私自蹈重罪倘僅予以罷斥改用京員是名為嚴之實以寬之且各督撫必感尹壯圖此奏矣尹壯圖慮有此等情弊奏請將罰銀之例永遠停止固屬不為無見殊不知朕之簡用督撫皆因一時無人而又非犯侵貪徇庇之過者以愛惜人材起見偶有過誤往往棄瑕錄用量予從寬即或議繳罰項皆留為地方

工程公用亦以督撫等祿入豐腴而所獲之
咎尚非法所難宥是以酌量議罰用示薄懲
其案情重大如富勒渾雅德閑鷄元諸人一
經罷斥即不能復邀起用甚至執法營私貪
婪敗檢有若王亶望陳輝祖國泰郝碩等無
不按律懲治立實典刑未曾但示罰而復用
也此朕權衡情罪一秉至公或重或輕惟視
其人之自取並非封疆大吏身獲罪愆概得
以罰鍰倖免但督撫中或有昧良負恩之人

以措辦官項為辭需索屬員派令伙助而屬
員亦藉此斂派以為逢迎之地此等情弊不
能保其必無尹壯圖既為此奏自必確有見
聞今摺內祇係空言並無佐證若遽以無據
之辭治督撫以派累之罪倘更誣人重罪亦
可不察虛實加之嚴譴乎著將所指之督撫
何人逢迎上司者何人藉端勒索致有虧空
庫項者何人即令尹壯圖指實奏朕必嚴
加究訊重治其罪決不稍存姑息朕從來不

尚虛詞顛預了事尹壯圖不得以風聞取譽
也又諭曰富勒渾雅德均已年邁留在伊
犁亦不得力施恩俱著回京以侍講學士
馬啟泰為詹事丙申諭據朱珪奏歙縣捐
職府知事潘起煌績溪縣耆民周瑞積五世
同堂懇請恩賚等語潘起煌等年踰八秩統
膝曾元洵為盛事所有應行賞賚之處該部
查照向例辦理又諭本年東省地方因夏
秋雨水較多田禾被淹業將被災各州縣優

加賑卹並將應徵漕米倉穀一律緩徵其勘
不成災地方雖被水稍輕究與災地毗連秋
收未免歉薄著加恩將鉅野濮州朝城海豐
陽信利津惠民霑化蒲臺青城博興高苑平
陰壽張金鄉等十五州縣應徵漕糧與成災
地畝一體分作兩年帶徵俾閭閻得免追呼
民力益臻寬裕該撫務須督率所屬實力體
察毋使吏胥等私徵中飽以副朕加惠貧黎
至意又諭據勒保奏本年朝覲之和碩特

多羅貝勒德勒克烏巴什回至安西州地方
出痘身故等語。德勒克烏巴什入覲歸途出
痘身故。朕心深為惻然。著加恩賞銀三百兩。
辦理後事。仍交烏爾圖納遜查伊子嗣承襲。
旌表守正捐軀江蘇震澤縣民潘文彬妻
程氏。丁酉諭曰。尹壯圖奏督撫等藉交納
罰項為名。派累屬員。致有虧缺。因降旨令將
何人勒派。何處虧缺。一一指實。參奏。茲據覆
奏。各督撫聲名狼籍。吏治廢弛。經過各省地
方。體察官吏賢否。商民半皆感額興嘆。各省
風氣大抵皆然。若問勒派逢迎之人。彼上司
屬員授受時。外人豈能得見。徒以道路風聞。
漫形奏牘。斷不敢作此孟浪之行等語。朕披
覽再三。摺內並未指實一人一事。仍係撫拾
浮辭。空言支飾。朕五十五年之間。簡任督撫
多矣。凡棄瑕錄用之員。皆因一時無人。或所
獲之咎。又非侵貪敗檢。法難寬貸者。是以量
予從寬。復加起用。若如王亶望、陳輝祖、國泰

郝碩等有貪黷營私劣蹟。一經發覺。無不加
以重辟。從不稍存寬假。即尹壯圖摺內。亦復
歷數諸人言其相繼敗露。伊等敗露抵罪。並
非尹壯圖所參劾。其事不遠。豈伊未曾為官
乎。至若李世傑書麟、長麟等在督撫中。尚能
董率屬員。留心民事。尹壯圖僅稱為獨善其
身。李世傑以老休致。不必復言。其現指較好
之督撫。將書麟、長麟頻與閔鶚元相提並論。
其意蓋以書麟、長麟既已復擢用。閔鶚元
同係在巡撫任內獲罪之人。尚在囹圄羈禁。
故爾隱躍其詞。用巧實愚。朕已洞鑒矣。朕之
用人。權衡悉協。至公從不畸輕畸重。長麟平
日辦事認真。聲名實好。審擬薛對元一案。祇
係改易月日。於案內情節。及問擬罪名之處。
並無錯誤。非閔鶚元有心徇庇劣員。欲化有
為無者可比。即書麟與閔鶚元。雖均係失察
所屬胥吏舞弊。然書麟於高郵假印一案。並
未據陳倚道揭報。句容冒徵一案。亦係書麟

在署理巡撫任內。經該縣查出檢舉。即行飭屬查辦。及福松接任。劾參。摺尾尚會同總督銜名具奏。若閔鶚元則始終徇隱。袒庇屬員。其咎較書麟為重。今尹壯圖兩次牽連言及。竟似罪同罰異。亦應寬釋。是巧為閔鶚元作說客。非曰愛之。其實害之。著尹壯圖明白回奏。伊二人之罪。同乎不同乎。至摺內所稱。伊經過之直隸。山東。河南。湖廣。江。浙。廣西。貴州。雲南等省。商民半皆感額興嘆之語。竟似居

今之世民不堪命矣。朕臨御五十五年。子惠元元恩施優渥。普免天下錢糧四次。普免各省漕糧二次。為數何啻萬萬。偶遇水旱偏災。不惜千百萬帑金。補助撫卹。賑貸。兼施。蔀屋窮簷。共霑實惠。凡身被恩膏者。無不家喻戶曉。小民等具有天良。方將感戴之不暇。何至感額興嘆。相聚怨咨。或係尹壯圖往來途次。間有一二小民。為胥役擾累者。向其陳訴。尹壯圖亦即當據實奏聞。朕必差大臣往辦。但

此係聞之何人。於何處見此情狀。亦令其據實指出。即所言月選官傳說。缺分美惡。虧空數目。似屬確有見聞。據以入告。而摺內又云。僅屬空聞。並未目擊。究竟此等傳聞之語。出自何人。豈絕無姓名可指乎。尹壯圖又請簡派滿洲大臣。同伊密往各該省。盤查虧空。不但朝廷無此政體。且各省吏治不同。庫項充盈者。無藉盤查。即或偶有虧缺之處。一聞欽差起程。信息早已設法彌補。名曰盤查。仍屬

有名無實。合計天下州縣。不下千餘。即使經歷數年。尚不能盤查周遍。在尹壯圖之意。亦知事有難行。不過自揣學問才具。均屬平庸。內而不能陞用侍郎。外而不能簡派學政。至尚書督撫之任。更難夢想。欲藉此奏見長。或俸錄用。又可假盤查為名。沿途嚇詐。希得挾助。可以名利兼收。此等居心。豈能逃朕洞鑒。朕自御極以來。迄今已五十五年。壽躋八袞。綜覽萬幾。自謂勤政愛民。可告無愧於天下。

而天下萬民亦斷無氓良怨朕者。茲距歸政之期。僅有數載。猶恐年耄倦勤。稍有弛懈。惟日孜孜。冀仰答

昊蒼鴻貺。每於召見內外大小臣工時。以朕辦理庶務情形。時加諮訪。僉稱朕精神強固。辦事日益勤勵。若如尹壯圖所奏。則大小臣工等皆係虛詞貢諛。面為欺罔。而朕五十餘年以來。竟係被人朦蔽於外間一切情形。全無照察。終於不知矣。著尹壯圖將所奏直隸等

省虧空者何處商民興嘆。究係何人。月選官議論某缺虧空若干。又係聞自何人傳說。逐一指實覆奏。若果查詢得實。朕從不肯顛預混過。自有辦法。尹壯圖不可徒以空言無實。自蹈欺罔之咎也。又諭山海關監督百福保奏。一年任滿。比較盈餘。短少銀四萬八千八百七十餘兩。請從重治罪。並將房屋變抵其餘銀兩。將應得俸銀全行坐扣完款等語。關稅盈餘比較短少。該監督自有應得之咎。

但念該處連歲歉收。商本不能轉輸。況今歲九關臺等處。雨水較多。河流漲發。間被淹衝。以致貨船到關稀少。盈餘短絀。自屬實在情形。且較之五十四年德綸任內。微有多餘。尚非辦理不善。百福保著罰俸四年。以示懲儆。所有短少盈餘銀四萬八千八百七十餘兩。著加恩免其賠繳。其所請治罪並變抵房屋之處。俱著一體寬免。諭軍機大臣曰。富綱奏緬甸南掌回國貢使。目下已入滇境。擬俟

貢使到省。略為停息。即派員伴送出關等語。回國貢使既經該督派員伴送出關。足資照料。惟本年緬甸國王孟順遣使備表來京。謝恩。前據該督奏委糧道永慧參將百福伴送來京。已於十月初七日自省起程。是該國貢使已有委員伴送。亦可毋庸該督親自照料。富綱此時有赴黔委審案件。尚需時日。即於明歲新正到京。亦不為遲。至緬甸所遣貢使。則必須年內趕到。著傳諭富綱。即飭知伴送。

貢使之委員等妥為照料。務於十二月二十日以前到京。毋致遲延。○廣東巡撫郭世勳疏報花縣開墾田地六十二畝有奇。恩平縣開墾田地六頃五十八畝有奇。○戊戌諭軍機大臣等。前據尹壯圖奏各省督撫藉罰項為名。派累屬員。致倉庫多有虧缺。因令將何人派累。何處虧缺。逐一指實。復據尹壯圖奏稱。虧空各省皆有。請簡派滿洲大臣。同伊密往盤查等語。其實在何省虧空。共有若干之處。並未指明。仍係撫拾浮詞。籠統具奏。所言本無確據。但尹壯圖既請派大臣同伊前往盤查。朕亦不肯顛覆了事。已派侍郎慶成。帶同尹壯圖前往山西。確切盤查。覈實辦理。以服其心。蓋因尹壯圖原奏內稱。現有罰項之督撫。即自矢清廉。仍不得不望屬員扶助。如書麟為督撫之較好者。未免尚罹此失等語。是以即令其前赴伊所指書麟之省。由宣化行走。先至大同盤查。自北而南。直至省城。藩

庫將有無虧空之處。覈實盤驗。著傳諭書麟。即行迎赴大同。聽候查辦。至此次派慶成前往晉省。自應馳驛。按品支予廩給。其尹壯圖係自請盤查之員。本不應一體由驛行走。但恐其自備車馬。未免濡遲。止著給予驛馬。不必支予廩給。將此由五百里傳諭書麟。並諭梁肯堂知之。○又諭曰。伍拉納覆奏籌辦浙省瑞安洋面盜匪拒捕一摺。內稱本擬於冬間赴浙巡閱。今俟撫臣回任。交卸撫篆後。即先由福寧一帶。前赴溫州等處閱兵。就近會同提臣陳杰。妥籌辦理等語。浙省瑞安。及淡水洋面盜匪。刻奪軍械之案。節據陳杰奏報。已降旨令福崧馳往溫州。駐扎該處。會同陳杰。督率文武各員。嚴密緝拏。以專責成。今伍拉納擬俟交卸福建撫篆後。亦前往會辦。因思福建地處海疆。洋盜及械鬪等案。較之浙省。更為難辦。調任巡撫浦霖。雖任巡撫有年。但甫調閩省。於該處情形。諸未諳悉。伍拉納

此時未可遽離福建。著傳諭該督俟浦霖到任將該省地方一切情形與之講求熟習。俟一二月後伍拉納再往浙省閱兵。會辦盜案。亦不為遲。至瑞安洋面逸盜及淡水洋面盜船拒捕之案。前已降旨令福崧陳杰嚴速查拏。並令將查辦情形迅速覆奏。現在曾否獲盜及督緝查辦情形究竟若何。未據該撫等奏報。並著傳諭福崧陳杰遵照前奉諭旨。將是否擒獲匪犯迅即覆奏。尋福崧奏盜匪拒

傷弁兵實屬不法。臣現於十八日由尖山星夜起程馳赴溫州。會同提臣嚴行查辦。得旨宜速往嚴拏。今獲幾犯否。○以故貴州思南府印江縣屬土縣丞張洪功子希賢襲職。○已亥諭昨據尹壯圖奏各省督撫派交罰項虧空倉庫而商民等感額興嘆不能樂業。因兩次明降諭旨令其指實覆奏。並將朕用人行政大端剴切曉諭。尹壯圖亦自認措詞失當。實不能指出確據。奏請治罪。是其逞臆妄

言陳奏不實。自問亦難以解免矣。朕之簡用督撫凡棄瑕錄用者。或因一時不得其人。或所獲之咎並非侵貪。執法始加思量。予從寬以觀後效。但以其素餐尸位。亦不可不予以薄懲。故令罰出養廉充公。以贖其虛糜廩祿之罪。若如尹壯圖所奏。概免罰賠。則邀恩起用督撫等。如書麟之失察屬員。長麟之恃才任性。既得免罪復官。又可坐享豐厚。使曾獲罪戾之人無所儆懼。何以飭吏治而肅官方。

若從前王亶望等之侵貪罹罪。實由自取。何嘗因有罰項。始致藉詞婪索。在尹壯圖之意。實亦知此。第欲督撫等見伊此奏。以為見好市惠之地耳。至於天下官吏。自督撫以至州縣。人數衆多。賢愚不等。若謂其中竟無一貪婪玩法之人。朕原不敢深信。即小民等愛憎之口。或因吏胥侵擾。或因偶挾微嫌。間有一二人怨其守令。亦屬事所難免。若謂普天之下民不堪命。竟至疾首蹙額。互相告語。怨及

朕躬則斷斷無此情理朕實不肯受其咎我朝自定鼎以來深仁厚澤浹洽人心朕覽國史順治年間睿親王攝政曾欲於邊外築城避暑加派直隸等省銀二百四十九萬餘兩以輸工用逮世祖章皇帝親政即降旨將所加賦稅盡抵是年額徵錢糧概免派累

聖祖仁皇帝御宇六十一年德政及民

恩周寰宇曾免天下錢糧三次漕糧二次稽之史冊隆古未聞我

皇考愛養黎元整肅綱紀十三年中惠民實政不能殫述朕誕膺

景命丕紹宏圖保赤誠求無時不以愛民為念普蠲天下錢糧者四普免各省漕糧者二偏災賑卹蠲貸兼施以及修築海塘河工為民禦災捍患為數何止數千萬萬今已年踰八旬勵精圖治孚惠益下猶日孜孜罔敢暇逸

敬惟我國家

聖

聖相承前猷式廓惠此兆民有加無已朕自繼緒以來益隆繼述凡澤民之事敦錫愈多恩施愈溥此不特勝國所無即上溯三代下訖宋元亦復罕有倫比惟願我萬世子孫以朕之心為心以朕之政為政勤求民瘼益廣仁恩於惠民之政總能有增無減俾我大清億萬年景祚綿長天下臣民亦永荷無疆之福此實朕之深願也夫以朕之愛養斯民如此其厚天下萬民無不身被醴膏共知感戴尹壯圖於朕愛民勤政之意惻然罔覺忍為此蹙額興嘆之語幾於搖惑人心豈伊自外生成獨非大清之民乎且如邇日各省叩關呈控者不一而足無不欽差大臣前往審辦皆因朕平日愛民如子未嘗加派一縣枉刑一人即民間鼠牙雀角之爭亦不令稍有冤抑故赴愬求理接踵而來曾有人言朕於此等

小民不啻如慈父之養驕子者是愚民感激深恩尚能咸喻朕意尹壯圖身為大員曾鄉曲小民之不若矣今已令侍郎慶成帶伊前往所指書麟管理之山西省切實盤查若果有倉庫虧缺即當追問虧缺之由嚴加究辦倘有代完巡撫罰項情弊朕必將書麟及伙助之屬員從重治罪若所盤查倉庫毫無虧缺則是尹壯圖以捕風捉影之談為沽譽邀名之舉不但誣地方官以貪污之罪並將天下億兆民人感戴真誠全為泯沒而朕五十五年以來子惠元元之實政實心幾等於暴斂橫征之世試令尹壯圖清夜捫心亦何忍為此耶著將朕辦理庶務之苦心及尹壯圖莠言亂政之處通諭知之○又諭本年齊齊哈爾田苗被旱歉收著加恩照都爾嘉等所奏官屯人等欠交倉穀七千五百石免其補交○庚子以左贊善裴謙充日講起居注官侍講吳省蘭著日講起居注官○辛丑

上詣
壽康宮行禮○諭曰伊犁屯田每名收獲細糧九石零之花五等二十七名人犯著每日各加賞麵半觔該管官員及收獲十八石以上之綠營兵丁各賞給一個月鹽菜銀兩收獲二十八石以上之官員著交部加倍議敘兵丁等著各賞給兩個月鹽菜銀兩總兵德先著一併交部議敘○旌表守正捐軀陝西渭南縣民喬民即妻李氏○壬寅

上幸瀛臺○諭曰惠齡奏審擬昌邑縣民人隋必蔭殺死無服族叔隋有喜等一家六命一案已批交三法司覈議速奏矣此等先犯不法已極照例問擬凌遲即應一面奏聞一面恭請王命先行正法若照尋常案件之例等候部覆設或疎於防範越獄脫逃或竟染患病症瘐死獄中使先犯倖逃顯戮且百姓日久或不知為何事惠齡審擬隋必蔭一案不即正法殊屬拘泥著傳旨申飭此等先徒害

三四〇

命衆證可據。豈尚慮及地方官寬彼乎。嗣後各直省。凡殺死一家三命以上。先犯審明。後均著即行正法。以儆兇殘。因思愚民無知。輕於罹法。往往以細故微嫌。逞忿斃命。與其犯案後。示以懲創。莫若平時切實化導。俾知畏罪保身。勉為良善。督撫等身居省會。且所屬地方寬廣。或不能親臨訓誨。其知州知縣等。均係親民之官。於聽斷詞訟。收納錢糧之時。皆得與所部民人相接。自應隨時隨事。將天理國法之宜畏。身家性命之宜保。剴切宣諭。俾共知曉。庶使暴戾之氣漸消。而民俗敦龐。可收默化潛移之效。朕辦理庶獄。每見此等逞兇案犯。不能道之以德。不得不齊之以刑。方且引以為愧。地方官皆有訓迪斯民之責。尤當於風俗民情。加之意也。○諭軍機大臣等。據盛京將軍嵩椿等奏。佐領王尚春。驍騎校范建保。帶領水師弁兵。在洋面蹤緝盜匪。八月十二日至兔兒島。有盜犯李佩等來劫。

該員等直前擒拏。賊犯帶傷落水者六七名。餘賊跳入水內。除入水擒獲四名外。餘俱漂流無蹤。又存船中水櫃內。獲賊一名。訊據供稱。李佩同首盜華官等二十七名。自七月至八月。在錦州蓋州一帶盜竊五案。並傷斃事主等語。盜犯華官等糾集多人。在錦州等處肆行疊劫。并膽敢傷斃事主。實屬目無法紀。不可不嚴拏迅辦。該犯等籍隸福建。或因在該省洋面犯案。查拏緊急。是以竄入奉天。地方復糾衆為匪。此次行劫脫逃。或仍潛回本省。並或在附近沿海各省分逗留藏匿。俱未可定。著傳諭各該督撫。一體派委員弁嚴密查拏。毋使一名漏網。至該犯等所得贓物。若即在奉天一帶上岸變賣。則就近緝拏。尤易為力。並著嵩椿等飭屬留心蹤緝。毋令稍有疎懈。以致盜犯遠颺。○吏部議准。兩江總督孫士毅奏。請將徐州府鹽捕通判裁汰。改為豐碭北岸通判。專管北岸工程。所有原管鹽。

捕事務改歸銅沛同知兼管原設豐碭通判改為蕭碭南岸通判專管南岸工程原設豐蕭碭守備改為蕭碭南岸河營守備專管南岸工程具安阜營守備請裁汰改為豐碭北岸河營守備專管北岸工程原設安阜營經管工程歸併山安營守備兼管其徐州府通判原係簡缺今改為江工豐碭北岸通判定為要缺在外揀調從之○甲辰

上幸瀛臺諭軍機大臣等據步軍統領衙門

奏湖南民人蒲太沂呈控前在湖南永明縣因控告徐士賢等賄買武童案首等事本省審係証告發配河南新鄉縣充軍今在配所脫逃來京申訴前案並控新鄉縣民人張兆等欠錢不還各等情蒲太沂前在湖南所控各案經該省總督審係証告且又有教唆詞訟之案將該犯問擬軍罪發配河南乃於在配四年後膽敢潛逃赴京以從前楚省所辦負屈復行翻控如該省前此審辦之案果有

屈抑自應秉公研究倘該犯以逃軍赴控妄希誣捏翻案更當嚴行治罪以儆刁風現將蒲太沂一犯解交湖南著傳諭吉慶主祀於湖南審辦長沙縣保正王澤遠呈控倉書勒派採買一案之便就近提集犯證悉心研審毋任狡展至該犯所控新鄉縣民人張兆欠錢不還一案並著吉慶等於回程過豫時一併嚴訊明確定擬具奏○又諭曰孫士毅奏寶山縣江東海口外沙灘上於潮退時起獲

銅礮一位鐵礮四位並無銹蝕痕跡亦未鑄有年月字樣自係沿海各營汎之礮被匪盜偷竊經弁兵追尋匪盜等攜帶不及棄擲水中現飭總兵魏轍知州西琳親往查驗等語此項礮位在海口外沙灘起獲該處並無民居自係盜船棄擲該督恐沿海各營有遺失礮位之事現在通飭嚴查綠營向有諱盜捏報惡習其弊或不出此但思礮位並無銹蝕痕跡尚係新鑄之礮拋入水中當亦不久而

各礮未鑄年月字樣。又似非各營所安設者。且起出之礮。係縣役會同營兵查獲。若果營中遺失。諱匿未報。豈肯自行出首。或係出洋商船。在外國貿易。置買礮位。防禦盜賊。回內地後。不便攜帶。棄擲海濱。或係盜匪刼奪商船。礮位在沙灘私行藏匿。均未可定。著該督即會同提督陳大用。通查沿海附近各營。安設礮位。是否齊全。式樣是否相同。抑或此項礮位。竟屬商船遺失之處。詳悉查明。據實覆

奏。至礮位為軍火要需。民間原不應私行製造。即商船在外夷置買。以為途中禦盜之用。亦當於進口時報明。呈繳地方官酌量給予價值。分撥各營備用。方為妥善。著該督申明例禁。酌定章程。一併具奏。所有沿海各地方。並著各督撫嚴飭所屬一體照此稽查收繳。○又諭。孫士毅奏。據降調通判葉文麟。稟稱。於署通州任內。有所屬泰興縣承審搶奪一案。該縣係於九月二十七日解州。該署州

於十月初七日審轉。經署臬司張銘遺漏未辦。率將解州日期。移改十月十六日。通州知州呂燕昭。不行據實詳明。輒將職名開送。以致該署州降調。現將此案是否實情。行令按察使秉公確查。徹底根究等語。州縣臬司。承審及審轉案件。俱有一定例限。如有遲延。即應將何衙門逾限之處。聲明聽候部議。豈容私自移改日期。迴護處分。誣過屬員。但該署州葉文麟。於所屬承審遲延。不行揭報。致被

叅處。或係捏詞妄稟。希圖卸罪。亦未可定。均應徹底究辦。整飭官方。著傳諭該督。即吊取案卷。覈對日期。據實查明具奏。以昭平允。又據該督另摺奏稱。沐陽縣民張懷路。呈告監生仲見龍之祖仲繩。所著奈何吟一本。辭多狂悖。現在提犯來省。從嚴審辦等語。因將所著奈何吟一本。詳加披閱。雖不至如呂留良徐述夔之狂吠。顯肆悖逆。但其詩詞內。如舉世盡成狐假虎。及石渠天祿釀成禍。種等句。

甚屬謬妄看來該犯竟係一不通之人求名未遂怨憤牢騷因而逞意編造語涉妄誕不可不從嚴懲辦並著該督查明作詩之仲繩現在是否尚存因何作此悖妄語句伊孫仲見龍因何藏匿不繳提犯至省嚴訊定擬具奏吏部議准兩江總督孫士毅奏請將句容縣改為疲難中缺歸部選從之乙巳諭軍機大臣曰福康安等奏報徵收關稅期滿一摺覈計五十六年徵收數目比照四十一年兩年均多收銀五十三萬九千一百餘兩因思粵海關收納洋貨稅課每年徵收盈絀不在洋船之多寡惟視貨物之麤細到關細貨較多則徵收自裕但若鐘表羽呢等件究非民間常用之物銷售未能迅速即商船販運稍多所致稅銀亦不應比較盈餘多至五十萬九千餘兩朕聞外洋夷地與俄羅斯相連近年俄羅斯因未通貿易北邊一帶稽查

嚴禁私將海龍黑狐等項皮張貨物由洋船販至廣東售賣恐該關稅課充盈或由於此俄羅斯需用內地大黃茶葉等物刻不可離若私販皮貨至粵自必易換該國必需之物透漏出洋是名為閉關仍不能全行禁絕著傳諭福康安等於粵海關洋船進口時嚴密稽查有無前項情弊如販有海龍等物務須嚴行查禁毋任稍有偷越亦不得因稽查違禁貨物遂將稅銀短少也至此次該關洋貨究係何項貨物以致稅課增多即著查明開列清單呈覽○又諭據福崧奏查勘海塘實在情形將應辦工程分別緩急次第興修一摺所辦尚好海塘工程保衛民生為浙省應辦要務現據該撫所奏情形應行修補之處甚多自應及時籌辦斷不可再有因循著傳諭該撫務須督率所屬將應辦各工次第經理俾臻完善毋得玩愒從事也○又諭據福崧奏浙省海塘近年以來未曾妥實歲修現

在柴石工程。發損姪塾之處甚多。彼時前撫臣琅玕並未前往查勘。據實奏報等語。浙省海塘工程。關係民生保障。經朕屢次親臨相度。特發帑金。改建石工。永資鞏固。是該處工程。為浙省第一應辦要務。琅玕身任巡撫。此事是其專責。自應隨時親往查勘。據實具奏。乃竟安坐衙署。並不前往閱視。殊不可解。豈於保衛民生之事。視同膜外。全不經心耶。著將福崧原摺鈔寄琅玕閱看。○是月。浙江巡

撫福崧提督陳杰。奏象山洋面拒捕盜匪。日久未獲。臣等不勝焦急。因思溫州一帶。捕魚民船。深知水性。於盜船蹤跡。必能一望而知。若妥協雇覓。示以重賞。令弁兵帶往擒拏。可期得力。批。此亦一辦法。好。又奏盜匪在洋。日久食盡。亦須上岸購買。是陸路亦屬緊要。臣等已派員弁前往上大陳。下大陳。石塘等處。凡盜賊出沒之區。實力堵截。以免偷越。批。更為要緊。宜督令地方官留心。又奏。嚴諭沿海

鋪戶居民。毋許代變贓物。私售米糧。如能拏獲送官。立予重賞。批。好。勉為之。又批。諸凡可謂盡心力矣。但當實力為之。今獲幾犯否。○漕運總督管幹珍奏。綠營積習。去其具文。方收實用。臣自上年校閱後。即逐細冊記。隨時查覈。批。是。又奏。今親行查閱。水師折舵搶風。進退靈敏。陸路止齊步伐。變化從容。馬步鎗箭。悉照京營式樣。中靶俱有七八分不等。藤牌技勇。亦俱便捷。至火繩一項。前因甘省用

紙製造。蒙聖訓。應照例用麻。誠恐各營有製造不能如法之處。於閱兵之便。親行查驗。實係硝煮麻筋。堅緊適用。臣當經申諭各營。嗣後斷不可雜用紙撚。致有遺誤。批。是。又批。為之以實。持之以久可也。○湖廣總督畢沅奏。楚北民氣澆漓。訟風最甚。一經控准。即竄跡遠颺。以遂其遷延拖累之計。致民間有圖准不圖審之謗。批。實在可惡。又奏。現飭令各州縣。每屆放告之期。控案稍涉緊要。即將原告

押送藩臬立時審辦倘有原告逃避行提已逾兩月者即將被告人證訊明銷案批似此惡人莫若竟以不審結案則惡徒或歛跡矣又批汝至楚惟此一奏尚覺有良心但遲矣餘有旨○湖南巡撫浦霖奏謝調任福建恩並請馳赴闕廷請訓得旨速赴新任不必來福建民風不比湖南勉之○伊犁將軍暫署四川總督保寧奏京銅攸關鼓鑄查有寧洱縣知縣蕭霖領運京銅七十三萬六千餘觔兩次具報沉溺現嚴飭各該處文武設法打撈設有短少應令該運員照數著賠不准豁免得旨所奏公當之極即有旨○貴州巡撫額勒春奏貴州風氣樸素尚無外省趨尚浮華積習現在司道以下各官亦俱遵循規矩不敢有換帖燕會以及托故上省承值筵席等事得旨恐汝不能詳查耳

大清高宗法天隆運至誠先覺體元立極敷文奮武孝慈神聖純皇帝實錄卷之一千三百六十七

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百六十八

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉副軍功加七級隨帶加一級奉 上諭事件處管理

總裁官經筵講官太子太傅文華殿大學士文淵閣領事稽察欽奉 上諭事件處管理刑部主事稽

世襲騎都尉副軍功加十九級隨帶加二級又加二級直隸州內大臣戶部尚書鑲黃旗滿洲副都統軍功加七級奉 上諭事件處

管理刑部主事稽察欽奉 上諭事件處管理

校修

乾隆五十五年庚戌十二月丁未朔

上詣

大高殿行禮○諭曰朱珪奏旌德縣貢生朱麟

書五世一堂請錫予恩賚等語朱麟書慶衍

曾元洵為盛事所有應行賞賚之處著該部

照例辦理○諭軍機大臣等據畢沅奏楚北

訟風最甚一經控准竄跡遠颺民間有只圖

准不圖審之謗每屆放告之期接閱詞狀即

將具呈人押交藩臬立時審辦倘有原告規

避已逾兩月者即照新例詳明銷案仍俟緝

獲原告治罪統計結過各案一千五百餘件

未結各案現俱派員分審立限速結等語楚

省民情刁悍素以健訟為能但若如所辦何

致原告規避希冀牽引株連為洩忿陷人之

計此等刁民甚屬可惡自當嚴行懲創以儆

惡習今畢沅督率地方官嚴審速結並將具

呈人立即管押勿令遠颺所辦尚好但該督

自到任以來迄今已及兩載於地方事件並

未實力整頓惟此一奏尚覺稍有良心然亦

因楚省赴京呈控者紛紛不絕派往審辦之

吉慶等久駐該省畢沅恐民風日益刁健始

行留心查辦立法嚴懲是所辦雖屬認真而

平日不及早清釐以致塵案累積告訐成風

亦難辭怠緩之咎且恐此奏仍屬虛言也況

地方官收受呈詞後即應將原告之人扣留

待質乃任其匿不到案枉累無辜而闖革疲

玩之員藉辭延宕懸案不結就該督所奏情

形而論是該省之吏治廢弛已不啻自行呈

首矣。嗣後該督等務須督率所屬遇有控案立即管押原告迅速審斷。倘敢潛行逃避情虛已可概見。莫若照原告兩月不到立案不行之例。竟可毋庸審辦。詳明銷案。其任聽原告逃匿之地方官。即行從嚴叅處。仍俟緝獲原告到案。重治其罪。庶使此等刁惡訟棍知所儆懼。或可稍為斂跡也。將此傳諭畢沅。並諭福寧知之。○又諭曰。高安奏。縵來縣民人吳文德向鄒緒堂索欠未償。越日鄒緒堂帶

同兵丁何奉朝。赴吳文德鋪內尋鬧。該犯躲避未見。嗣因買食西瓜。與何奉朝挨坐相碰。致被詈罵。吳文德觸起前嫌。將何奉朝扎傷身死。請照故殺律擬斬。監候等語。此案鄒緒堂向吳文德爭鬧。何奉朝不過隨同前往。吳文德於他處相遇。輒因口角微釁。觸起前嫌。將何奉朝立即扎斃。情殊兇惡。且事犯在本年秋審以前。著傳諭尚安。將該犯入於本年秋審情實人犯內。即行正法。○戊申。吏部議

覆廣東巡撫郭世勲疏稱。現奉裁之東莞一場係大使實缺。請將博茂場委缺。改為實缺。以符銓政。其俸廉役食。照東莞場原額支領。并給新印。應如所請從之。○己酉。諭前據尹壯圖奏。督撫等藉交罰項為名。派累屬員。致有虧缺。且言督撫等聲名狼藉。吏治廢弛。各省風氣大抵皆然。若果所言確有指證。據實劾參。朕必從嚴究辦。而尹壯圖兩次奏覆。仍未指出一人一事實據。因伊有自請盤查之

奏。當派侍郎慶成帶同前往山西切實盤查。該省係書麟管轄。即伊摺內所指之人也。倘有侵虧。自不肯為之隱諱。今慶成偕尹壯圖馳抵大同府會同書麟。將庫項逐一查照。彈兌絲毫。並無短少。復將倉庫丈量盤驗。石數亦屬相符。並據尹壯圖奏明親自盤查。不能指出虧空確據。陳奏不實之咎。百喙難辭。懇即回京治罪。是其前奏之逞臆妄談。幾如捕風捉影。毫無憑據。實已不能置辯。但閱其摺

內。仍稱猥以慧愚。冒瀆聖聰。蒙派往山西盤查倉庫。晝夜趕程。誠恐偶冒霜露之疾。不能平安回京。以受朝廷處治。轉非為臣之體等語。是何言耶。往查是伊所請。今既派往。又欲回京。人臣受君命者。當如是乎。且伊奏摺。祇云各督撫藉口罰項。派累貪婪。各州縣倉庫侵虧。官吏欺蔽。並未言及朕之得失。若所奏皆能確實。倉庫竟有虧缺。方將嘉其公正。治督撫等以應得之罪。今尹壯圖自知虛捏。而

認罪之語。一則曰冒瀆聖聰。再則曰受朝廷處治。故為隱躍其辭。轉似伊抗疏諫諍。朕不能容受直言者然。則其居心巧詐。殆不可問。且所奏倉庫虧缺。始而欲派滿洲大臣同往查訪。茲以大同府庫無虧。又不欲赴他處盤驗。遽請回京。似此進退任意。已犯人臣無將之義。尹壯圖雖非積學。亦曾讀書。寧不知人臣無將。將則必誅乎。在尹壯圖之意。徒以備職閒曹。內而不能陞用侍郎。外而不能如錢

澧之簡派學政。藉得養廉公費。思因此奏仰邀陞擢。伊之才具迂謬。固不待言。即以學問而論。前奏各摺。內字畫訛舛之處。不一而足。豈能勝訓迪士子之任。蓋伊亦自知才具學問。均屬平常。即或不能邀恩錄用。猶可以建白沽諱直之名。且得藉盤查各省倉庫為辭。沿途嚇詐。挾制官吏。將來或盤至淮揚一帶。騷賈等畏其聲勢。共相攸助。伊既坐博高名。又可廣漁厚利。以為名利兼收之舉。此在尋

常庸主。尚不能受其欺。若朕燭照所及。情偽周知。小人心術。早已洞見肺腑。尹壯圖視朕為何如主。而敢以此等伎倆。在朕前嘗試耶。朕臨御五十五年。敬

天勤民。勵精圖治。仰膺

昊眷。海宇乂安。自踐阼以迄今茲。年躋八袞。親綜萬幾。貪官蠹吏。如王亶望。陳輝。程國泰。郝碩等。有犯必懲。從不肯輕縱殃民。稍滋擾累。是朕之愛民勤政。五十五年如一日。返躬自

問實無失德。即云罰項一事。亦不過因督撫等偶有公過。量予薄懲。且實為愛惜人才起見。不但滿洲人員無幾。即漢員中人才可用者亦屬難得。是以不即罷斥。令其罰繳養廉。為地方公用。以贖其尸位素餐之咎。況金作賈刑制於虞典。罰鍰輕重。見於呂刑。古之聖帝明王。明罰勅法。皆所不廢。朕之酌議罰項。豈得謂之過舉乎。方今我國家帑藏充裕。藏富於民。普免漕糧地丁。及偏災蠲賑。不啻數

千萬萬區區罰項。尚不及億萬分之一。若云貪此微利。則辭十萬而受萬。斷無是理。況億萬分之一乎。尹壯圖全不知朕用人之苦心。而冒為此奏。真同夢嚙。朕轉不嫌其謬妄。但覺其可笑。可鄙耳。至尹壯圖盤查外省倉庫。是其自行奏請。今甫查過大同府庫。並無虧缺。伊亦自言大同如此。太原可知。但尹壯圖摺內所指原不止山西一省。查無虧缺。恐不足以服其心。尚當前赴山東及直隸正定。保

定等處。亦著慶成帶同順道前往。切實盤驗。若言近省尚無侵虧情弊。即照伊摺內所指各省。徧歷詳查。亦無不可。朕辦理庶務。從不肯顛預混過。尹壯圖不得惟以空言支飾。致蹈欺罔之咎。仍著明白回奏。○諭軍機大臣曰。慶成帶同尹壯圖前往山西盤查虧空。該侍郎係欽派大臣。自當照例支予廩給。尹壯圖乃自請前往之員。止給驛馬。已屬格外恩施。加以體恤。自不應復予廩給。但伊本係窮儒。所帶盤費。想亦無多。如果不敷用度。慶成不妨將自領廩給。及跟役口糧內酌量分給。以資日用。並著慶成傳旨曉諭尹壯圖。伊之謬妄之處。固難辭咎。然究係愚昧無知。其罪斷不至死。亦不值治以重罪。現在接奉諭旨。令爾認真盤查。如果得有實據。聖恩尚當嘉予。如爾不能周察。我係特派之人。自當助爾實力查辦。如此明白曉諭。庶足以折服其心。無可藉口。至尹壯圖此次由直隸至山西。將來

事竣回程時。即當盤查正定。保定等處。或令其再往山東。江浙等省盤查。均未可定。前據伊摺內稱。比年認罰最多之督撫。所得廉俸。除用度應酬外。尚餘若干。又從何處生法若干。始完如許罰項等語。書麟即係有罰項之人。此時尹壯圖現隨慶成在太原省城。盤查司庫。即著慶成帶同尹壯圖。面向書麟詢問。將書麟罰項若干。除用度外。究於何處生法。詳詢書麟。書麟作何登覆之處。令其據實覆

奏。如慶成等盤查完竣。業已起程。接奉此旨。即著帶同尹壯圖。速回太原。遵旨詢問。毋得延緩。○又諭。據書麟奏慶成及帶同司員等自入山西境後。例有廉給。亦不支領等語。向來欽派大臣出差。俱按品支予廉給。前因尹壯圖係自請盤查之員。是以降旨止給驛馬。不予廉給。至慶成係朕特派帶同尹壯圖前往。所有應得之項。自應照例支領。再此次盤查太原省城司庫之後。倘尹壯圖復欲向伊

所指之直隸。山東。江浙等省。前往抽查。亦未可定。著傳諭各督撫。於該侍郎等到省時。俱遵照前旨。尹壯圖止須給以驛馬。其慶成及隨帶司員應得廉給。仍行按例給與。○又諭。據福康安等奏提訊崖州案內生存弁兵一摺。內稱錢邦彥在洋面被害在前。張中秀趕及在後。與兵丁奮力殺賊。該弁兵俱因抵禦受傷。並非畏賊偷生。總兵陸廷桂與錢邦彥分路巡哨。當錢邦彥失事時。陸廷桂之船相

去二三百里。無從得信。不能前往救應。至錢邦彥被害後。船隻擱在河灘一節。查覈情形。與原勘亦屬符合。尚非裝點捏飾等語。所奏自係實情。惟是此案盜匪拒捕戕官。迄今已逾數月。尚無一犯就獲。殊屬不成事體。著傳諭福康安。郭世勲。嚴催該提鎮督率員弁。於沿海口岸。實力躡緝。務將兇盜盡數拏獲。以靖海疆。毋任日久遠竄。致成海捕具文。○調鑲紅旗蒙古副都統博厚。為錦州副都統。以

吉林協領靈泰為鑲紅旗蒙古副都統○庚戌諭軍機大臣等據惠齡彙奏通省城工一摺內稱陽穀等縣四十二處係前撫臣長麟奏准借帑生息興修其福山縣一處現據報本年雨水過多坍塌城垣段落已飭府查勘另行辦理等語東省應修之陽穀等縣四十二處城垣經長麟奏明借帑交商生息分限興修此項工程浩大為各處地方保障長麟前經估奏未及興修交與惠齡接辦所有一

切應辦事宜該撫務須按照章程即行詳查確加覈定不得任聽屬員草率從事致有偷減情弊其福山縣城垣既據奏稱坍塌段落亦著該撫勘明另行辦理將此諭令知之○辛亥

上幸瀛臺○諭曰新授錦州副都統博厚之名係漢文語氣著改名積拉敏○諭軍機大臣等據浦霖奏接奉調補福建諭旨即於十一月二十日自湖南起程懇請來京陛見等語

已於摺內批令不必來矣福建地方民刁俗悍非湖南可比且係海疆重地一應緝拏洋盜稽查奸匪等事均關緊要浦霖係新調閩省恐於該處情形未能諳習著傳諭該撫到任後辦理地方事件加意講求留心整飭一二年後再行奏請陛見亦不為遲浦霖於何處接奉此旨即由該處速赴新任○豁免江西安徽幫旗丁遺風漂沒漕米一千一百四十四石有奇○壬子

孝惠章皇后忌辰遣官祭

孝東陵○癸丑

上幸瀛臺翼日如之○甲寅諭軍機大臣等直隸山東山西湖北等省俱經各督撫陸續奏報得雪豫省與該數省接壤毗連自應一律均被祥霽且距京甚近何以該撫迄今未見奏到是否該省尚未得有雨澤抑業經得雪或未據各屬報齊是以具奏稍遲耶著傳諭穆和蘭即將現在該省曾否得雪情形迅速

具奏。以慰厯注。○乙卯。諭前經尹壯圖查明大同府庫無虧。懇請回京。朕以尹壯圖所指原不止山西一省。令其查明藩庫後再赴直隸及山東江浙等省。逐加盤驗。並以其前摺內稱請詢各督撫所得廉俸。除每年用度酬應。又從何處生法。始完如許賠項等語。因即令伊就近詢問書麟。據實登覆。想未接奉前旨。茲據慶成帶同尹壯圖至太原省城。赴藩庫眼同點驗銀款。與清冊相符。絲毫無缺。已

自太原起程回京。仍著慶成遵旨帶尹壯圖速回太原。以前奏之語。向書麟切實詢問。將該撫作何登答之處。詳悉覆奏。至此次尹壯圖來往山西經過各州縣地方甚多。小民等有無感額之狀。與嘆之語。並著尹壯圖於途中體察諮詢。一併據實覆奏。事竣回程時即行遵照前旨。盤查正定。保定等處。再前赴山東濟南。由旱路至江南等省。徧歷詳查。不拘省城及各府州縣。尹壯圖欲往何處。即帶同

前往盤驗。以服其心。長麟係有罰項之人。且係尹壯圖摺內所指獨善其身。不能整飭吏治者。今山東為長麟舊管地方。江蘇乃長麟新調之省。且長麟曾任江蘇藩臬。各府州縣原其所屬。尹壯圖欲實其言。自必認真查察。斷不肯為之隱諱。若又為之隱諱。做好人。則進退無據。更不成人矣。尹壯圖見長麟時。並著照詢問書麟之語。向該撫詢問。所繳罰項。究於何處生法若干。看其如何登覆。據實奏

聞。至尹壯圖前奏有密查虧空一語。所見尤謬。京中派往大臣。原不能掩人耳目。若令改裝易服。密往訪查。國家更無此政體。倘以督撫藩臬。皆不可信。寄耳目於密查之人。豈簡用之封疆大吏。以及監司方面。盡人可疑。獨似尹壯圖之一二人。可以寄之心膂乎。萬一併此一二人而疑之。是輾轉生疑。朕將不能自信。何以綜理萬幾。撫馭天下乎。即或督撫中貪婪敗檢。如王亶望陳輝祖國泰郝碩

等皆昧良負恩。為天理所不容。無不自行敗露。陷於重辟。並非朕有意苛求。稍存逆億也。在尹壯圖之意。不過以久滯閒曹。希圖陞擢。自問才具。於侍郎尚恐無分。或思藉建白見長。妄冀簡派學政。殊不知伊之學問。尤屬陋劣。即如節次奏摺。桀驁訛為傑。驚孟浪譎為夢浪。今日摺內之眼同。又訛為衍同。別字不一而足。豈能勝訓迪士子之任。又若自請赴外省盤查。且厯指各州縣俱有虧空。蓋因伊丁憂時。往來各省。或有與地方官交接抽豐之事。而地方官未遂所欲。故向伊將地方清苦。公私賠累之處。藉詞抵塞。此係外官常有陋習。而尹壯圖遂信以為實。冒昧入告。又可藉盤查為名。需索嚇詐。其居心卑鄙。即此可見。安能逃朕洞鑒耶。○宗人府奏。應封宗室恒節等十八人。照考試等第。將應得品級。予封得旨。恒節。永欽。永裕。俱著授為三等鎮國將軍。永邁。授為三等輔國將軍。明嵩。恒。特。俱

授為三等奉國將軍。煥明。永勒。綿芬。內格。煥格。俱授為奉恩將軍。綿標。授為不入八分輔國公。永準。授為一等輔國將軍。成秀。葉鏗。額綿。傳。俱授為一等奉國將軍。伊豐額。德文。泰。俱授為二等奉國將軍。○丁巳。諭。據刑部。訊明。浙江道御史和寧。前在張家口監督任內。所有未完稅課盈餘銀兩。實因是年張家口被旱成災。客貨往來稀少所致。並行文直隸總督。查明屬實。是該員應繳盈餘銀兩。逾限不交。尚屬有因。惟從前奏報時。浮報虛數。較前任尚有加多。則其欺飾之咎。自所應得。和寧著照擬草職。其未完盈餘等項銀一萬二千餘兩。著免其賠繳。所有將該員住房變抵。及在近支子弟內。坐扣糧俸之處。俱著加恩一體寬免。○諭。軍機大臣等。前據孫士毅奏。寶山縣江東海口外沙灘上。於潮退時。起獲銅礮一位。鐵礮四位。現飭總兵魏繼等前往查驗。本日據陳大用奏。會同該鎮等。公同驗看。

其鐵礮均與營製不同。銅礮亦係舊色。所有沿海各營存貯之礮。查與冊報足額相符。並無遺失等語。寶山縣所獲礮位。既非營礮。著傳諭孫士毅。將鐵礮四位。留於該省酌量改鑄軍器。所有銅礮一位。著即送京。其鐵礮若無需用之處。亦一併送京。該督祇須於漕船之便。將礮位飭交運員順便帶運。毋庸專員解送也。○戊午。

上御乾清門聽政。○諭。向來滇省辦運京銅八起。皆派雲南官員領運。自瀘州至京。程途甚遠。涉歷江河。屢換船隻。運員等人地生疎。雇他省舵工水手。多非素習。往往防護疎虞。銅船致有沉溺。今費淳奏請承運京銅。令滇員運至重慶交替。自重慶至漢口。儀徵等處。例應換船之所。即由各省選派人員更換。遞運。令其雇覓妥船。慎選舵水。可免沉溺之虞。等語。戶部照該藩司所奏覈覆。固屬慎重。銅務起見。惟是各省水程遠近。自重慶至漢口。

自漢口至儀徵。再由運河進京。中間相距各數千里。每至交替處所。凡遞運委員。不能不盤查秤兌。或因舛舛短少。成色高低。額外需添。或因結報無虧。藉端勒索。遞相交卸。則遞有稽延。勢必輟轉長途。逾遠程限。是欲杜弊而轉致有違限誤運之漸。不足以專責成。而昭慎重。嗣後自應仍令滇省委員。長運到京。庶責有專司。不致互相謾卸。但所歷之四川。湖南。湖北。江西。江蘇。安徽。山東。直隸。地方。皆

非滇員本省。如江路經過險灘。河道提溜打。開。雇覓人夫。呼應究恐不靈。且遇有沉溺等事。亦恐該員藉端影射。不可不派委大員。經理稽查。所有滇銅經過之處。四川著派鄂輝。湖南著派馮光熊。湖北著派福寧。兩江著派孫士毅。山東著派惠齡。直隸著派梁肯堂。於銅船到境時。各派勤幹或道或府一員。會同滇員照料押運出境。後遞相交替。仍通飭各屬小心護送。令各該督撫籌定章程。如何督

同道府大員及地方官稽查彈壓代雇船隻之處妥議具奏不得僅以出境入境日期一奏了事倘有沉溺短少惟派出之該督撫是問嗣後每年滇省奏到銅運開幫時即照此次辦理章程將沿途各省藩臬大員開單候朕每省酌派一員經理其事俾各有專責毋致推諉則盜賣短少之弊自可永除所有戶部覈覆費淳陳奏各條俱毋庸議○又諭昨據德成奏甘肅皋蘭縣修建郭城一案福康

安原奏通行拆建並未聲明改建勒保造冊題估照舊式均有加增實屬朦混今該督題銷到部始知估冊與原奏不符自應將多用銀二萬三千餘兩照例刪減不意尚書金簡以估冊既經叙入亦可准銷含糊支吾不肯定案意在規避處分將錯就錯違例准銷等語本日召見軍機大臣及工部堂官等面加詢問金簡與德成各執一詞意見不相符合朕思工程報銷全以估冊為憑奏請興修摺

內原不能將做法丈尺瑣瑣聲叙此案蘭州城工福康安原奏明言拆建即係拆去舊城全行改建與改造原無分別豈有城牆改寬城樓臺座仍照舊式興建之理且勒保題估冊內已將一應做法詳細開列所銷工價仍不出原估十八萬餘兩之外而較之舊城式樣城臺丈尺增加寬深城樓一間者廣為三間單簷者添為重簷規模恢廓辦理均無不合原不當苛求駁減若勒保題估果有浮冒

金簡違例議准或竟有賄囑請託情弊德成即當指出衆奏必將金簡勒保革職研審治以應得之罪今所辦本無不合德成惟以拆建改建一二字瑣屑區別嘵嘵爭辯明係固執已見藉辭攪擾以見其百折不回不畏強禦原非認真辦事之本意也德成身係滿洲尤不應有沽名要譽之習即以家法杖責示懲亦不為過姑念其平日尚屬勤慎諳習工作尚可量予從寬德成著革去職任仍加恩

僅令其在工部侍郎上効力行走。以觀後效。所有皋蘭縣郭城一案。即著照估准銷。○諭軍機大臣等。據尹壯圖奏。遵旨回至太原省城。詢問書麟。覆稱。所有罰項。將養廉餘存銀兩完繳。已屬有餘。無庸別處生法。從前所奏。望助屬員之語。實為過當。且倉庫整齊。並無虧缺。業已傾心帖服。可否懇恩。即令回京待罪等語。前經降旨。令慶成帶同尹壯圖於山西查辦事竣。再赴正定。保定。并山東。江南等省。一體盤查。慶成想已接奉前旨。此次盤驗。虧空原係尹壯圖自行請往。且長麟即係尹壯圖摺內指出之人。今山東為長麟舊管地方。而江蘇又為新調之省。自當令尹壯圖一併認真查察。未便准令回京。著傳諭慶成。仍遵前旨。帶同尹壯圖於盤查正定等處後。即前赴山東。江南。不拘省城及各府州縣。聽其詳悉盤查。並仍向長麟。照詢問書麟之語。詢以所繳罰項。如何生法。令其據實登覆。再行

回京候旨。○已未。諭曰。旺沁班巴爾。年輕尚有出息。故將伊補授寧夏將軍。自當感激朕恩。一切益加敬謹。奮勉行走。乃伊倚恃將軍職任。護庇屬下人等。欺壓平民。爭占地界。且前因送回格格靈觀時。朕加恩。令地方官護送。伊不知感戴朕恩。反行騷擾驛站。種種錯謬。甚屬不堪。本應從重治罪。姑念伊究係糊塗蒙古。著從寬革去將軍職任。退出御前。仍令在乾清門効力行走。寧夏將軍員缺。著圖

桑阿調補。所遺荊州將軍員缺。著舒亮補授。○又諭。據都爾嘉等奏。打牲索倫達呼爾等馬匹牲畜。頻遇瘟疫。兼之田禾歉收。生計拮据。請將現在捕貂之丁役四千六百五十六名。各賞借銀十二兩。即將打牲地方牧養之滋生馬匹。變價充用等語。打牲索倫達呼爾等均賴牧養馬匹。打獵為生。今值頻年瘟疫。馬匹牲畜。多有傷耗。加以田禾歉收。自應加恩量予接濟。著照所請。每名各賞借銀十二

兩即將滋生駒馬五百餘匹。全行變價。以為賞借之用。如有不敷。即於庫貯設價銀兩內動支。其應行賠補之倒斃馬匹。並免賠補。以示朕軫念世僕之至意。○調鑲白旗蒙古副都統保成。為正白旗滿洲副都統。以內閣學士玉保。為鑲白旗蒙古副都統。○庚申。諭曰。大臣官員等。奉使各省。馳驛往來。應給之馬匹。廩給及跟役口糧。各按品級。以為等差。於兵部勘合內。逐一填註。原不准例外多支。乃派出之大臣等。多假欽差聲勢。騷擾驛站。隨行官員。亦復不知斂戢。以致家奴跟役。訛索多端。者有之。各該省督撫。並不劾叅。地方官懼其凌辱。惟求安靜。過境。曲加承應。違例濫支。即多用夫馬車輛。勒取供給。亦不敢復行爭較。而辦差之家人胥役等。藉端派累民間。從中侵冒。其弊將無所不至。昨尹壯圖摺。即稱地方官辦理差務。胥役滋擾。商民不無議論一節。所言縱或過當。然近年或因阮光平

及各國陪臣入覲時。地方官應付太過。故有此語。若不申明例禁。嚴示懲創。何以肅清郵政。況地方官辦理差務。無論大小官員。皆宜恪遵定例。即朕省方所至。守土官吏。各有除道清塵之責。朕猶曲加體恤。切戒華靡。豈遣派辦事之員。轉可任情滋擾。即如近日旺沁班巴爾。自京回伊游牧。以其送格格靈觀。令沿途酌量給夫。遂致例外多支。擾累驛站。伊不過一蒙古藩王。地方官尚如此畏懼。若朕特派之親信大臣。又將如何供應耶。朕軫惜民隱。凡有赴京控告者。無不欽派大臣前往審辦。今雖馳驛人員。間有騷擾之事。亦不肯因噎廢食。不行派遣。致小民含冤莫愬也。特此降旨。剴切誡諭。嗣後欽差大臣官員。如敢於應得馬匹廩給之外。稍有擾累。一經發覺。即行從嚴治罪。若該督撫等。任聽屬員。違例濫付。希圖見好。不行叅劾。亦即將該督撫一併嚴究。決不姑貸。○諭軍機大臣等。前因

阿拉善王旺沁班巴爾送格格靈觀。由內地回伊游牧。曾降旨傳諭沿途各督撫。於經過時酌量雇備人夫。毋致滯遯。原以道路遼遠。恐雇覓人夫艱難。是以諭令各督撫官為雇備。用示體恤而已。本無令其別項供應之事。今聞旺沁班巴爾。於經過直境時乘坐八轎。騷擾驛站。妄自尊大。該督前往接見。不加禮貌。并高坐問伊係何姓名。梁肯堂身為總督大員。祇應遵旨將人夫一項飭屬妥為照料。

原不應躬出見彼。及別有支應。致滋煩費。若如此等差務。尚需分外應付。則設遇阿哥等祇謁。

兩陵經過該省。又將如何支應。乃該督一任旺沁班巴爾沿途擾累。不行據實叅劾。且親自往見。以致受其倨辱。心懷愧忿。又復隱忍不言。殊不可解。梁肯堂不當不解事至此。著嚴行申飭。並令明白回奏。○辛酉諭軍機大臣曰。慶成奏尹壯圖自知謬妄。查過兩省。均已

親身目擊。面詢書麟罰項確係出自廉餘。若至江南。並無顏以對長麟。懇將此情節代為奏聞等語。尹壯圖自請前往各省盤查。厯指直隸山東江南等省多有虧空。且請詢問各督撫完交賠項。係從何處生法。此皆伊自行陳奏之語。今甫查過山西庫項無虧。詢問書麟罰項。實係將俸廉繳納。而其餘各省尚未盤查。長麟罰項亦未面詢。未便即令回京。著傳諭慶成遵照前旨。俟查過直隸後。仍帶往

山東盤查。再由陸路前赴江南。不拘何府州縣任其盤查。再照詢問書麟之語。面詢長麟覆奏。此次尹壯圖來往山西直隸。即日又須往山東江南等省。所過州縣地方甚多。小民有無感額之狀。與嘆之語。著尹壯圖於途中體察諮詢。其所曾見者。又皆何往。一併據實具奏。再慶成帶同尹壯圖盤查各省。伊若向慶成言及天氣寒冷。馳驛遠行。不能即時回京。皆因我冒昧陳奏。致相拖累。深抱不安。

等語。慶成即應答以汝此語即屬昧良。奉差行役。乃臣下職分當然。雖赴湯蹈火。尚且不辭。何況查辦事件。設使奉旨帶爾赴伊犁等處。我亦安心前往。若以馳驛道路。即已畏怯不前。何以出兵赴敵耶。如此明白曉諭。看其如何回覆。即行詳悉奏聞。○又諭曰。福康安奏據署臬司韓崱稟稱。委員都司盧魁等在沿邊一帶密行偵訪洋匪蹤跡。隨於欽州與安南交界之先安港口。盤獲無照空船一隻。擒獲水手董勝發。黃均腹二名。並訊出同夥之關應華。關進秀二犯。一併拏獲。並經起出賊衣。現飭催提解省審辦等語。所辦甚好。崖州盜匪拒傷官兵一案。久緝無蹤。今既拏獲董勝發等四犯。並據供出盜首何起文等姓名。雖尚在逃未獲。而該犯等竄匿之處。董勝發等斷無不知。向其嚴切根究。自可得其蹤跡。按名弋獲。以期搜拏淨盡。又據另片奏稱。據署南澳同知宗聖垣具稟。於隆澳口岸。會

營拏獲匪犯余阿策等四名。又在牛心石洋面遇有盜船。施放鎗礮。上前追趕。搜獲余思等四名。及火藥器械等物。現在一併飭審等語。南澳為閩粵交界處所。查緝匪蹤。尤關緊要。今據該處員弁。先後拏獲余阿策等八犯。尚能認真查緝。看來福康安回任後。該省地方文武。自知畏懼於緝捕等事。不至仍前懈弛。是以屢有緝獲。著傳諭福康安。即將解到各犯。嚴行鞠訊。根究崖州一案。魁黨。盡數訪拏。務期根株淨盡。洋面肅清。方為妥善。仍當速辦速奏。○調正藍旗護軍統領宗室崇尚為鑲黃旗護軍統領。以正藍旗滿洲副都統富銳兼正藍旗護軍統領。○以廣東潮州鎮總兵蒼保雷瓊鎮總兵伊昌阿對調。○旌表守正捐軀山東陵縣民馬五子妻劉氏。

大清高宗法天隆運至誠先覺體元立極教文
奮武孝慈神聖純皇帝實錄卷之一千三百六十八

實錄卷之一千三百六十八

五十九

大清高宗法天隆運至誠先覺體元立極教文
奮武孝慈神聖純皇帝實錄卷之一千三百六十九

監修總纂官經筵講官太子太傅文淵閣大學士湖廣總督領侍衛內大臣稽察欽奉 上諭事件處管理

吏部理藩院事務正黃旗滿洲都統世襲副都統軍功七級隨帶加一級尋常加二級軍功紀錄一次

總纂官經筵講官太子太傅文華殿大學士文淵閣閣學侍讀欽奉 上諭事件處管理刑部戶部工部事務

世襲副都統軍功加十九級隨帶加二級入加二級軍功內大臣戶部尚書鑲黃旗滿洲副都統軍功紀錄五次

尋常紀錄十四次自乾隆經筵講官太子少保工部尚書紀錄六次自乾隆尋常紀錄

秋修

乾隆五十五年庚戌十二月壬戌諭曰毓奇

因商販回人私帶例禁物件解衣搜查將伊
革去子爵頭等侍衛作為二等侍衛毓奇辦
理冒昧究屬因公尚無大罪著加恩將世襲
子爵仍留伊本身罰子爵俸二年以示警戒
○緩徵盛京廣寧遼陽鳳凰等四城乾隆五
十四年分水災地畝額賦○賑卹盛京鳳凰
城雪裏站通遠堡沙河站東關寧遠等六驛
本年水災站丁並奉天錦縣義州海城等三
州縣本年水災貧民○山西巡撫書麟疏報○

寧遠通判續墾成熟地六百三十五頃三十四畝有奇。以故一等伯志福子扎拉芬。一等男托克托遜子瑞福。三等男永奇子恒通。三福子長和。各襲爵。以故察哈爾三等建烈公敏珠爾多爾濟子扎木巴勒策凌襲爵。○癸亥。諭據孫士毅奏。降調通判葉文麟呈控前署通州任內所屬泰興縣拏獲搶犯一案。該縣知縣武廷選承審並未遲逾二叅分限。前署司張銘因自己逾限多日。欲圖迴護。

妄扣該縣加展限期。而後署司訥清額。執那改該縣解州日期。將武廷選開叅革職。並將署知州葉文麟不行揭報職名送部。致罹降調。種種捏飾。難保無受囑誣陷情弊。請將訥清額革職嚴審等語。此案該縣武廷選解犯到州。係在二叅限內。並未遲逾。該署州葉文麟亦無不行揭報之咎。乃前署臬司張銘於案犯解到不即審辦。混將該縣扣展限期。以為却過之地。而接署臬司訥清額。移改解州。

日期並將該州續叅以致武廷選及葉文麟俱經部議降革。張銘以監司大員。審案遲延。轉思規避處分。該過屬員。已屬不合。至訥清額係接署人員。並非本任之事。復為張銘迴護。將屬員捏混開叅。恐尚有徇情受屬情弊。訥清額著革職。交該督等提同張銘嚴審確情。據實具奏。○諭軍機大臣等。據伍拉納奏。拏獲行劫浙省哨船及在閩洋肆劫盜犯陳勝等十四犯。審明後即已處決。梟示等語。所

辦尚好。惟浙省瑞安巡洋官兵哨船被盜。搶劫軍械一案。前據陳杰奏報。係盜船八隻。圍住哨船。搬取軍器衣物而逸。今據伍拉納審訊此案。盜犯陳勝等供認行劫兵船時。實止盜船四隻。與陳杰所奏不符。或係該弁等虛報盜船數目。欲藉寡不敵衆為辭。以掩其退怯之罪。亦未可定。現在福崧已赴溫州。即著會同陳杰就近查明行劫盜船確數。據實具奏。此案盜匪共夥黨四十餘人。向在溫州一

帶洋面肆行劫奪。茲據閩省拏獲各犯內有此案夥黨七名。而浙省並未緝獲一名。並著伍拉納、福崧、陳杰嚴行督緝。將逃逸盜犯迅速弋獲。毋使遠颺漏網。再據伍拉納奏。閩省現獲盜犯除審辦外。尚有陸續報獲者二十餘名。現在提省審訊等語。所辦亦是。該犯等解到時。該督務須隔別研鞫。如係行劫兵船之犯。即當從嚴懲治。以戰盜風。其獲盜之地。方文武各員緝捕多犯。尚屬奮勉。並著照該督所請。俟查明出力之員。奏到時再行酌量加恩。用示鼓勵。將此由五百里各傳諭知之。

○蠲緩直隸滄州南皮、鹽山、慶雲、青縣、衡水六州縣並嚴鎮興國、富國、豐財、蘆臺、濟民六場本年水災竈地額賦有差。○以故二等伯伊昌阿子托布齊圖、一等男喀寧阿子扎郎阿、各襲爵。○以故雲南永昌府屬鎮康土知州刀悶鑑弟悶銑襲職。○甲子諭從前因後藏達賴喇嘛班禪年班來使進京經過地方

多有擾累。甚至遺失包裹。州縣官代為賠出。以致該來使肆行訛詐。各督撫等不能約束。屢經降旨曉諭。特命軍機大臣會同理藩院將應付各事宜酌定章程通行遵照。並令各省揀派道員同武職沿途防護。該督撫等理宜嚴行稽察。照例辦理。乃本年衛藏喇嘛來使入貢。福長安自蘭州回京。適於山西途中相遇。見喇嘛等行李包件車載夫送絡繹道路數日不絕。並無派出官員稽查護送。若任其騷擾驛站。不為飭禁。又恐如從前捏報遺失物件責令賠償。致啟訛索詐冒之漸。更屬不成事體。且伊等經過各省祇有例給驛頭如運送多餘包件俱係自行雇備並無官給車輛夫馬之例。其沿途伴送大員專為照料喇嘛不准滋事而設。亦應隨同行走。今甘肅陝西山西直隸等省既無官員護送。又復濫應夫馬喇嘛等見沿途無人管束攜帶私包過多任意需索地方官員遂以例給驛頭不

款違例供應各督撫等漫不經心而委出之道員等又不親身彈壓惟以過境無事一奏塞責實難辭急玩之咎著各該督撫即將因何不遵例支給之處據實明白回奏並將派出道員等係屬何人因何不親身照料查叅示儆不得稍有徇隱朕嘗歷觀史冊漢唐宋明之世恐召邊釁於外國貢使往往曲意優容任其恣睢橫肆因此為外夷所輕轉生大患者不可勝數我國家德威遠被中外一家四夷來享來王罔不賓服迥非前代可比朕因其遠赴闕廷輸誠向化每格外加恩賞賚以示厚往薄來之意即衛藏喇嘛來使亦以伊等不遠萬里而來是以優加體恤酌給騾頭運載包件如果不知安分滋事妄為仍當照例治罪即如近日達賴喇嘛之親弟兄等倚勢滋擾尚命拏送來京治罪何況所遣之來使僅一微末喇嘛聽其妄為轉不加懲究乎封疆大吏等不知仰體朕意顧忌因循不

復過問外間無識之徒不幾疑本朝尊崇喇嘛如元季之供養喇嘛致有詈罵者割舌毆打者截手之事更復成何政體乎總之外國使臣入貢沿途皆有定例原不准絲毫濫付地方官惟求安靜過站即有例外求索不復與較昨尹壯圖摺內奏稱地方官辦理差務胥役滋擾商民感額興歎一節雖未免言過其實然本年阮光平及各國陪臣入覲時想沿途應付稍過地方辦理拮据或亦有之然辦差之員臨時不惜多費以期見好及至事後又復口出怨言藉稱賠累致尹壯圖求給不得其感額興歎之言實由於此此等惡習最為可惡但各督撫所司何事以致小人誣朕耶嗣後著各直省督撫認真稽察凡外夷陪臣及喇嘛來使過境嚴飭州縣照例應付並各派妥當道員遞行護送行走若敢仍前濫應即行指名劾叅該督撫如有徇隱一經發覺必當從重治罪決不姑貸將此通諭

知之仍著據實奏聞○又諭嗣後外藩各國齋表來京貢獻方物使臣其朝鮮國仍照向例令禮部照料辦理外所有安南緬甸暹羅南掌等國來京使臣及隨從人等應行照料事宜俱著內務府經理仍著禮部派委司官二員幫同照應○又諭前經降旨直隸解到旗租銀兩足數普賞八旗兵丁一月錢糧即行普賞一次現在直隸解到租銀雖不足數賞資之用但念該兵丁等寒冬歲暮生計維艱著於節年租存項下撥補足數加恩普賞八旗兵丁一月錢糧俾生計益臻充裕以示敦錫春祺有加無已至意該部即遵諭行○諭軍機大臣等直隸每年額徵旗地租銀該督例應於十月內飭令藩司委員解部以備頒賞八旗兵丁之用今據戶部奏稱該省本年應解五十四年分旗地租銀因逾限未解節次行催始據解銀二十五萬二千二百餘兩再上年清查旗租案內經伊齡阿奏明追

完解交藩庫銀十七萬一千八百餘兩亦應批解部庫以備分賞節經檄催解部仍未報解殊屬遲延等語此項五十四年分旗地租銀於本年十月間早應照例解部乃該督遲久未解經部屢次檄催僅據解到銀二十五萬二千二百餘兩不敷賞資八旗兵一月錢糧之用本年直隸地方夏秋之間雨水過多收成不無稍歉該督徵收租銀未能齊全致所解旗租尚未足額或屬事理所有至上年伊齡阿清查旗租案內所有追完銀十七萬一千八百餘兩早經存貯在庫該督有何動用之處以致遲延日久屢催未解著傳旨嚴行申飭其不敷分賞銀兩於部庫積存旗租內先行撥用著傳諭梁肯堂即嚴飭藩司查照伊齡阿原奏實數迅速委員撥解歸款並將因何遲延未解及有何擅自挪移之處據實速行明白回奏○豁免雲南解京遭風沉溺銅七萬觔以故奉恩將軍七福子庚寧

襲職○乙丑諭曰郭勒哲特穆爾額爾克已拜病已數月不能痊愈管理旗務不可無人其都統員缺著舒常補授○又諭據梁肯堂奏阿布該卓里克圖王進京在宣化縣榆林堡被賊竊去衣物銀兩請將該縣知縣王瀾交部嚴加議處將失去衣物銀兩勒令照數賠還等語外藩入覲經過州縣向無地方官派人護送之例即偶有失竊物件該縣知縣不過照竊案處分議處俟躡緝賊匪後起獲贓物再行給主原不應照數賠贖若一一為之賠償或竟致捏報啟詐冒之漸從前因多倫諾爾遺失銀兩該督請令賠償曾經降旨飭諭今梁肯堂復有此奏實屬不曉事體所有拉特納錫第失竊贓物惟當實力查拏毋庸令該縣賠償王瀾著交部照例議處○諭軍機大臣等據孫士毅等奏署句容縣事候補知州程宗洛署金壇縣事縣丞倪時慶徵收漕米民間交納未能允服訪係漕書毛永

年王申之等從中滋弊致啟物議恐有官吏勾通情事現將漕書等提至省城嚴鞫並將程宗洛倪時慶解任候質一摺已批交該部知道矣江南吏治廢弛如高郵州句容縣之書吏重徵侵蝕種種舞弊甫經嚴行懲辦乃為時無幾復有程宗洛倪時慶等縱吏滋弊之事其中恐有官吏通同勒折浮收染指分肥情弊不可不徹底究辦著傳諭孫士毅長麟即提集案內應訊人等嚴加根究據實具奏毋得稍涉徇隱○又諭曰全德奏籌辦食鹽口岸滯引一摺據稱安慶池州太平三府處處瀕江私鹽最易闖入官引滯銷日甚數年以來又積至六十七萬有餘其積年遞壓課帑徒懸不如攤完課稅充銷積引較得年清年款等語已批交該部速議具奏矣前因私販充斥致官鹽不能暢銷該地方官未能實力查緝而該鹽政又於各州縣呼應不靈是以曾降諭旨令書麟協同辦理今據全德

奏。地方官勤情不一。仍多視為具文。以致奸販無所畏憚。官引遞壓。則是各口岸私鹽之多。總由地方官查緝不力所致。於釐務大有關係。著傳諭孫士毅。嗣後仍須會同全德辦理。並檄飭所屬。嚴查私販出入。隨時留心緝捕。務令根株淨盡。官引得按額足銷。方為妥善。將此並諭全德知之。○又諭據陳用敷奏。阮光平於十一月二十九日行抵鎮南關。與之錢別。該藩縷述隆恩。詞意甚覺肫摯。自關

外至義安。按日計程。總在年內可到。謹將該藩謝恩表文呈覽等語。表文已經披閱。於表內親加批諭矣。現屆嘉平之吉。御書壽字以賜。以為新春吉慶。並加賞金線葫蘆大荷包一對。小荷包四對。內分貯金錢二個。金八寶一分。又白玉鶯一件。漢玉象一件。玳瑁金盤一件。海棠盒一對。奶皮一匣。奶餅一匣。用示眷注垂念之意。陳用敷奉到後。即行照會阮光平。敬謹遞交。祇領。該國王渥受厚恩。自必

倍加感悅也。將此由四百里諭令知之。○丙寅。諭曰。保寧奏雲南委運京銅之寧洱縣蕭霖。在已縣甘溪口遇風船壞。沉銅六萬觔。嗣據該縣暨運員上緊打撈。業已全數撈獲。行至雲陽縣廟磯灘後。碰沉銅七萬觔。一月之內。兩次沉溺。其為漫不經心。已可概見。請將蕭霖交部嚴加議處。沉銅如限滿無獲。不准豁免等語。所奏甚為公當。滇員運送京銅。最關緊要。不容屢次疎虞。乃該運員蕭霖。於已

縣地方。碰沉銅觔。甫經撈獲。復有沉溺之事。不惟疎於防範。且恐有銅觔短缺。捏報沉溺情弊。蕭霖著交部嚴加議處。所有沉溺銅觔。除撈獲外。餘著該員照數賠補。以示懲儆。保寧係伊犁將軍暫署總督。並不存五日京兆之見。於此等事件。竟能不避嫌怨。嚴叅辦理。尚屬可嘉。保寧著交部議敘。○丁卯。上幸瀛臺。○哈薩克汗翰里素勒坦之弟多索里素勒坦陪臣使愛濟拜等五人。杜爾伯特

汗瑪克蘇爾扎布遣使普爾普等十八人。土爾扈特郡王舍梭遣使額爾奇斯等三人。朝鮮國正使光恩尉金箕性。副使禮曹判書閔台懋。遼羅國正使拍魯令思達。那末納剌密。副使啣疎。越理買抵屋八突。緬甸國大頭目便居也。控等三人。於西苑門外瞻覲。○諭曰。舒濂辦理藏務。諸凡不妥。又與達賴喇嘛之弟兄結交。其咎甚重。本應交刑部治罪。姑念伊此次照料達賴喇嘛之弟兄來京。尚屬妥速。著加恩賞給員外郎職銜。在軍機處効力行走。以贖前愆。○諭軍機大臣曰。竇光鼐奏。考試衡州金華府查辦夾帶頂替各案。又據提調官訪拏東陽縣文童盧澄。胡夢泰。覓人代倩一案。現在嚴訊。分別治罪等語。提調官專司稽察文場弊竇。該員訪拏代倩案犯。尚屬留心著傳諭福崧。即行查明。提調係屬何人。開送職名。交部議敘。以示鼓勵。○戊辰。上御寧壽宮景祺閣。賜王。貝勒。貝子。公。大臣。及

蒙古王。貝勒。貝子。公。額駙。台吉等。食。○諭曰。吏部尚書彭元瑞。供職內廷。勤勞夙夜。學問優長。本日朕至寧壽宮。見其所製燈聯。莊雅典切。現在詞臣中。無出其右者。漢協辦大學士員缺。久未簡用。有人彭元瑞。著加恩協辦大學士事務。尚其益勵操修。勉勤職業。用副朕造就成全至意。○己巳。上御撫辰殿大幄次。賜王。公。大臣。蒙古王。貝勒。貝子。公。額駙。台吉。及哈薩克。汗。幹里素勒坦之弟。多素里素勒坦。陪臣使愛濟拜等五人。杜爾伯特瑪克蘇爾扎布。遣使普爾普等十八人。土爾扈特郡王舍梭。遣使額爾奇斯等三人。宴。○諭福康安等奏。增城縣民溫廷毅。現年九十五歲。陸豐縣監生郭維旭。現年八十九歲。均係五世同堂。請予錫賚等語。溫廷毅。郭維旭。俱年登耄耄。統膝曾元。洵為昇平人瑞。所有應行賞賚之處。著該部照例辦理。○又諭曰。伍彌烏遜奏。杜爾伯特貝勒達瓦

丕勒病故。達瓦丕勒。宣力有年。茲聞溘逝。朕心憫惻。著賞銀三百兩。辦理後事。其貝勒即著伊子齊默特多爾濟承襲。○庚午。諭軍機大臣等。據梁肯堂奏。永定河灘村莊。實無添建房屋一摺。並繪圖貼說呈覽。朕閱圖內所注大清河地方。似有錯誤。東淀河一帶。朕屢曾親臨閱視。於水道支流。素所稔悉。該處當鳳河下游。斜埵外。迤下向東河道。應是大清河。其自西南來會注之水。應是東淀河。今將

大清河三字。寫於兩河會合之地。而東淀並未繪出。殊屬牽混。已用硃筆標識。應將圖樣畧加展寬。分晰繪出。以清眉目。至河灘內舊住村莊。既據該督查明柳坨等十一村。俱已遷淨。其餘一百十二村。遷去一千六百餘戶。並無另增房屋。著傳諭該督嚴飭所屬。申明例禁。經此次清查之後。務須隨時實力查察。不得再有私行占住民戶。致礙河道也。○以杜爾伯特鎮國公鄂勒哲鄂羅什瑚為杜爾

伯特盟長。○辛未。

孝莊文皇后忌辰。遣官祭

昭西陵。

上詣

慈寧宮。

壽康宮行禮。○是日起。

上以歲暮。裕祭

太廟。齋戒三日。○壬申。諭軍機大臣曰。伍拉納奏著

同安縣知縣張學溥。緝獲崖州拒捕官兵案

內盜犯鄧全。吳佑二名。審係同夥。共二十二人。乘駕紀日盜船。於六月二十五日。駛至廣東虎頭山外洋。遇船六七隻。在洋對敵。見有一船損壞。該犯等乘勢駛攔。同各盜船人眾擁上搶奪。馬褂腰刀。拒傷官兵。各自回船逃逸。那日見各船互相抵敵。乘勢往搶。實不知何人把官兵傷害。其先在洋面盜船三隻。並非同夥。再三詰訊。姓名尚無指實。其如何拒捕戕官確情。恐有不實不盡。再須質證之處。

未便遽請正法。仍將鄧全等嚴行監禁等語。此案前據福康安奏。盤獲崖州案內夥盜關應華等四犯。供出拒捕日期。及洋面尚屬相符。惟關應華等所供案內盜首係何起文。李廣才。蛋家二。亞常。大辦三。共船五隻。除李廣才一船落後。其拒捕傷官首夥。實係何起文等四船。與本日伍拉納奏到鄧全所供祇有盜船三隻。船數不符。且關應華等供詞內。亦無鄧全等坐駕紀日船隻。乘勢搶劫。幫同拒捕之語。情節未能脗合。恐各供均有不實。不盡。及另有逸盜之處。自應將鄧全等解粵質訊。今伍拉納奏請將該犯等嚴行監禁。咨明廣東覈辦。往返咨查。耽延時日。轉致久稽顯戮。所辦殊屬錯誤。著傳諭該督。即將鄧全。吳佑二犯。派委妥協員弁。小心解送廣東。交福康安確加審訊。審明後即行正法。若羈禁日久。恐防範稍疎。致有越獄脫逃之事。再鄧全等所供逸盜紀日等二十犯。關應華等所供

逸盜李廣才等三十餘犯。多未就獲。著傳諭福康安。伍拉納。嚴飭文武員弁。上緊緝拏。其沿海各省地方。海道俱屬相通。恐該犯等聞閩粵洋面追拏緊急。竄入他省洋面藏匿。並著各該督撫。一體嚴緝務獲。毋使一名漏網。至同安縣知縣張學溥。拏獲盜犯鄧全。吳佑二名。尚屬留心緝捕。並著伍拉納將該員送部引見。以示鼓勵。○又諭。梁肯堂奏。據署磁州知州明崑稟報。查獲圖財謀命之劉松一犯。搜出邪教歌單一紙。訊明該犯在山西壺關縣地方。打柴度日。與三皇老祖教首楊便熟識。聽從入教。給與歌單。現在飛洛山西巡撫查拏楊便。及入教夥犯。並移咨河南巡撫。嚴查該犯原籍家中有無收藏不法字跡。提省嚴審等語。所辦尚好。邪教惑人。最為風俗人心之害。楊便膽敢設立三皇邪教名目。編造歌詞。聚眾斂錢。甚屬可惡。不可不嚴密查拏。逐一根究。以盡根株。著傳諭書麟。即密

派員役赴壺關縣地方將楊便速行緝獲確訪邪教來歷及傳教夥犯嚴切追究從重辦理毋得稍有縱漏並著穆和蘭即飭該縣前往劉松家內搜查曾否收存不法字跡提訊該犯家屬有無在原籍將邪教歌詞授徒傳播之處據實嚴查毋任隱飾漏網至劉松既身帶歌詞潛赴磁州一帶沿途難保無聽從入教之人亦著梁肯堂一面留心查訪一面親提該犯研究邪教來歷有無輾轉煽惑並

在壺關縣地方起意謀死李永白實情一併嚴審明確據實具奏再明崑係原任承德府知府甫於馬十案內降調今能於署磁州任內訪獲過路匪犯究出邪教歌單尚屬認真著送部引見○癸酉以歲暮禋祭遣官祭太廟中殿。

後殿諭曰穆和蘭奏寧陵縣民周興邦武安縣民王丕才俱年屆九旬五世同堂請予賞賚等語周興邦王丕才年登耄耄統勝曾元

洵屬昇平人瑞所有應行賞賚之處著該部照例辦理○甲戌禋祭

太廟

上親詣行禮遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵遣官祭

孝賢皇后陵

端慧皇太子園寢遣官祭

太歲之神諭軍機大臣曰慶成帶同尹壯

圖赴山西直隸山東等省盤查均無虧空現

已往江南盤驗節次據尹壯圖具奏經過各

州縣地方。百姓俱極安帖。隨處體察。毫無興嘆情事等語。可見所奏商民半皆感額興嘆。竟屬全無影響。今既目擊商民樂業情形。自不能復置一辭。但伊從前道路所聞。得自何人傳說。縱不能認識商民。將名姓一一指出。而該地方官吏。係屬何人。豈竟不能記憶。且伊前次覆奏摺內。即云感額興嘆。係指牧令不能約束胥吏而言。究係何處牧令。自必確有其人。即如其所經之直隸。感額興嘆之官吏。

為誰。著慶成即向尹壯圖確切詢問。令其指實具奏。二三人。再尹壯圖丁憂回籍時。由京至滇。祇過直隸。河南。湖廣。貴州等省。何以伊前摺內。又有經過江浙廣西各省之語。自係尹壯圖紆道前往各處。與地方官交接。以為抽豐之計。並著慶成。將伊回籍時。因何由江浙廣西等省之處。一併詢問具奏。○乙亥。上御保和殿。賜朝正外藩筵宴。左翼。科爾沁和碩親王。恭格。喇布坦。多羅郡王。喇什。端羅布。

喇什。噶勒當。多羅貝勒。濟克濟扎布。輔國公納遜。巴圖諾。觀達。喇公。品級一等台吉。拉旺琳沁。多爾濟。丹準。旺布。一等台吉。敏珠爾。多爾濟。巴林親王。品級多羅郡王。巴圖。固山貝子。和碩額駙。德勒克。固山貝子。多爾濟。喇布坦。奈曼多羅郡王。拉旺。喇布坦。土默特多羅貝勒。索諾木。巴勒珠爾。固山貝子。色布騰。喇什。翁牛特多羅貝勒。濟克濟扎布。多羅額駙班珠爾。二等台吉。哈斯巴圖爾。喀喇沁。固山貝子。丹巴多爾濟。輔國公。溫都爾。瑚多羅額駙。扎密揚多布丹。二等塔布囊。固山額駙。喇特納。吉爾第。教漢。固山貝子。桑濟扎勒。鎮國公。納木扎勒。多爾濟。固山額駙。扎爾瓦。烏珠穆沁。輔國公。瑪哈布爾尼雅。阿巴噶。扎薩克一等台吉。巴勒丹。色楞。歸化城。土默特。二等台吉。巴勒丹。多爾濟。鄂爾多斯。四等台吉。拉旺。多爾濟。右翼。科爾沁。和碩親王。旺扎勒。多爾濟。喀喇沁親王。品級多羅郡王。多羅額駙。

滿珠巴咱爾。浩齊特多羅郡王敏珠爾多爾濟喀爾喀多羅郡王桑齋多爾濟扎薩克多羅貝勒達克丹多爾濟固山貝子遜都布多爾濟扎薩克鎮國公達什格呼克扎薩克輔國公索諾木扎布。公品級扎薩克一等台吉薩蘭多爾濟幹珠爾扎布。扎薩克一等台吉楚克蘇木扎布。貢楚克貢格拉什。回部郡王品級多羅貝勒哈第爾。阿巴哈納爾多羅貝勒瑪哈巴拉。烏珠穆沁多羅貝勒旺楚克。鄂爾多斯多羅貝勒棟囉布色稜。輔國公丹津多爾濟。阿巴噶固山貝子朋楚克。歸化城土默特輔國公索諾木旺扎勒。青海輔國公根敦多布。伊克明安輔國公呢瑪藏布。土爾扈特三等台吉額琳沁達瓦。四等台吉格蘇勒。綽羅斯三等台吉舍楞。和碩特四等台吉宗濟特。車木伯勒。哈薩克汗幹里素勒坦之弟多索里素勒坦。及朝鮮國正使光恩尉金箕性。副使禮曹判書閔台嶽。暹羅國正使拍

暨令思達那末納剌突。副使啞疎越理買抵屋八突。緬甸國大頭目便居也控等三人。及領侍衛內大臣等。召左翼。科爾沁和碩親王恭格喇布坦。多羅郡王喇什端羅布。喇什噶勒當。巴林親王品級多羅郡王巴圖。固山貝子和碩額駙德勒克。奈曼多羅郡王拉旺喇布坦。土默特多羅貝勒索諾木巴勒珠爾。翁牛特多羅貝勒濟克濟扎布。教漢固山貝子桑濟扎勒。右翼。科爾沁和碩親王旺扎勒多爾濟。喀喇沁親王品級多羅郡王多羅額駙滿珠巴咱爾。浩齊特多羅郡王敏珠爾多爾濟。喀爾喀多羅郡王桑齋多爾濟。固山貝子遜都布多爾濟。回部郡王品級多羅貝勒哈第爾。烏珠穆沁多羅貝勒旺楚克。鄂爾多斯多羅貝勒棟囉布色稜。哈薩克汗幹里素勒坦之弟多索里素勒坦等。至御座前。賜酒成禮。○是月。兩江總督孫士毅。署江蘇巡撫。長麟奏。接准浙江巡撫咨會。象山

洋面盜匪尚無就獲。恐乘間竄入江省。應一體堵截。臣等現嚴飭各屬實力查拏。務期速獲。得旨。應留心實力查拏。○福建臺灣鎮總兵奎林。臺灣道萬鍾傑奏。彰化縣匪徒糾眾結會。現督飭各屬拏獲張標等三十六犯。分別斬決充軍。其未獲犯謝志等十三名。仍嚴飭文武上緊催拏。不使一名漏網。批。此人可惡。今獲否。又批。所辦可嘉。即有旨諭。○湖廣總督畢沅。湖北巡撫福寧奏。楚省自收買小

錢以來。共收過小錢七萬四千三百五十餘觔。現在市廛交易制錢物價頗覺平減。得旨。毋致終急可也。○是年。追予出師安南陣亡遊擊蕭應得一員。都司盧文魁等六員。守備馮天璣等九員。千總楊起龍等十四員。把總李世俊等十員。外委謝廷超等九十一員。額外外委吳秀芳等十四員。漢土馬步兵丁李上通等六千八百七十六名。祭葬卹賞如例。俱入祀昭忠祠。○旌表孝子福建等省民陳

日焜等四名。順豫福建民劉繼謹一名。孝女江西蕭氏一口。守節合例。八旗閒散宗室崇親妻富察氏等十一口。滿洲馬甲巴哈那妻鄂木託氏等一百五十口。蒙古護軍永明妻劉氏等五十六口。漢軍閒散高煒妻吳氏等二十四口。內務府披甲海常妻甯氏等四口。奉天等省駐防閒散李國強妻趙氏等一百三十七口。直隸等省民王茂翰妻蔡氏等四百六十二口。夫亡殉節江蘇等省民秦汝楫未婚妻朱氏等二十三口。未婚守志。鑲黃旗蒙古閒散碩成聘妻高佳氏一口。直隸等省民關品聘妻吳氏等二十口。百歲壽民婦浙江等省龐韶九等三十八名口。各給銀建坊如例。○一產四男。直隸民陳化新妻劉氏一家一產三男。山東等省民徐耀才妻曹氏等五家。○會計天下民穀數。各省通共男婦三萬一百四十八萬七千一百一十五名口。各省存倉米穀四千五百四十八萬六千六百

一十石二斗八升三合四勺

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百六十九

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十

監修總裁官經筵講官太子太傅文淵閣大學士文淵閣領事領銜內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功初七級隨帶加一級尋常加二級軍功紀錄五次

總纂官經筵講官太子太傅文華殿大學士文淵閣領事稽察欽奉 上諭事件處管理刑部戶部主事

世襲騎都尉軍功初九級隨帶加二級又加二級尋常加二級軍功紀錄五次

尋常紀錄十四次直隸總督經筵講官太子少保工部尚書紀錄六次直隸總督

秋修

乾隆五十六年辛亥春正月丙子朔

上詣

奉先殿行禮○詣

堂子行禮○御太和殿受朝作樂宣表如儀○

詣

大高殿

壽皇殿行禮○遣官祭

太廟後殿○御乾清宮賜皇子皇孫皇曾孫皇

元孫諸王等宴○丁丑諭上年江蘇徐州府

屬蕭縣碭山等縣因毛城鋪土壩刷寬漫水

下注民田廬舍間被淹浸致成偏災業經降旨令該督撫實力撫卹分別蠲緩並動撥銀兩給予賑濟小民自可不致失所第念該處被災地方今春正賑已畢青黃不接之時民力恐不無拮据著再加恩將蕭縣碭山睢寧三縣八九分災無分極次貧民概行展賑一個月其衛所飢口及貧生兵屬亦著照正賑之例一體辦理至該三縣被災五分並勘不成災地方及銅山沛縣邳州宿遷山陽清河阜寧鹽城安東桃源泰州東臺興化海州沐陽等十五州縣並淮安大河二衛勘不成災之區仍著該督撫察看情形酌借口糧籽種以資接濟該督撫務須董率所屬悉心經理俾茅簷蔭屋渥澤均霑以副朕順時施惠恩加無已至意該部即遵諭行○又諭上年安徽省宿州靈璧等各州縣因毛城鋪土壩刷寬漫水下注民田廬舍間被淹浸業經降旨令該撫實力撫卹分別賑濟小民自可不致

失所第念今春正賑已畢青黃不接之時貧民餬口無資著再加恩將宿州靈璧泗州三州縣被災八九分貧民無分極次概行加賑一個月其衛所飢口及貧生兵屬亦著照正賑之例一體辦理至宿州靈璧泗州盱眙五河被災五六七分貧民及勘不成災之鳳陽懷遠鳳臺壽州定遠霍邱天長滁州全椒來安舒城等十一州縣仍著該撫察看情形酌借口糧籽種以資接濟該撫務須董率所屬實心經理俾災黎均霑愷澤以副朕軫念窮簷普惠春膏至意該部即遵諭行○又諭曰保寧奏大竹縣民許志榮現年一百一歲資州民曾友仁現年一百歲綿州民婦唐羅氏現年一百一歲俱請旌表等語許志榮曾友仁唐羅氏均年屆期頤精神矍鑠洵為壽宇祥瑞所有應行賞給銀兩緞匹及建坊旌表之處著該部照例辦理○又諭曰王懿德奏長沙縣民劉光任現年一百歲五世同堂懇

請旌賚等語。劉光任壽享期頤。曾元統膝洵為昇平人瑞。所有應行建坊旌表及加恩賚之處。著該部照例辦理。○是日立春。順天府進土牛春山寶座。○戊寅。諭。據姚茶奏。萬載縣民鄺南輝。監生鮑啟仁。上高縣生員李幹秀。與國縣職員徐佐達。崇仁縣民楊文智。崇義縣監生郭源。現俱五世同堂。請予錫賚等語。鄺南輝等俱年登耄耋。饒膝曾元。洵為昇平人瑞。所有應行賞賚之處。該部照例辦理。○又諭。據姚茶奏。永新縣民胡遇軒。劉西侯。廣豐縣民婦徐呂氏。現年均一百歲。請予旌表等語。胡遇軒等俱年屆期頤。精神矍鑠。洵為壽世祥瑞。所有應行賞賚。並建坊旌表之處。該部照例辦理。○是日起。

上以祈穀於

上帝。齋戒三日。○己卯。諭。上年直隸永平天津河間等府屬各州縣。夏秋雨水較多。河流漲發。田禾被淹。致成偏災。節經降旨。令該督實

力撫卹。並於天津北倉。截留漕米。及通倉撥給米石。分別賑濟。毋使一夫失所。第念今春正賑已畢。青黃不接之時。小民生計維艱。口食恐不無拮据。著再加恩。將順天府屬之文安。寶坻。大城。武清。寧河。永清。東安。霸州。薊州。保定。永平府屬之樂亭。灤州。盧龍。昌黎。保定府屬之清苑。新城。雄縣。高陽。河間。府屬之河間。獻縣。阜城。交河。東光。景州。天津府屬之天津。青縣。靜海。滄州。遵化。州屬之玉田。豐潤等

三十州縣。所有八分災。極貧。九分災。極次貧民。俱著加賑一個月。俾民食得資接濟。至被災較輕之六七分。及八分災之次貧。並勘不成災地方。仍著該督察看情形。或酌借口糧籽種。或減價平糶。分別酌辦。該督務須督飭所屬。實心經理。俾災黎均霑愷澤。以副朕普錫春祺。恩加無已至意。該部即遵諭行。○又諭。上年山東省平原。禹城。齊河。德州等各州縣。因夏秋雨水較多。河流漲發。田禾被淹。致

成偏災。節經降旨。令該撫實力撫卹。分別蠲緩。並撥帑截漕。一體賑濟。毋使一夫失所。第念今春正賑已畢。青黃不接之時。小民生計維艱。口食恐不無拮据。著再加恩。將平原禹城。齊河德州。長清德平。濟陽臨邑。陵縣聊城。茌平高唐堂邑。館陶清平。莘縣冠縣。恩縣博平。范縣臨清。邱縣夏津。武城商河。濱州樂陵等二十七州縣。並坐落衝地。被災九分極次貧民。於正賑之外。加賑兩個月。其七分八分極次貧民。俱展賑一月。以資接濟。至被災五分六分。及勘不成災之區。仍著該督察看情形。或酌借口糧籽種。或減價平糶。分別酌辦。該撫務須督飭所屬。實心經理。俾災黎均霑渥澤。以副朕惠愛閭閻。敷錫春祺至意。該部即遵諭行。○庚辰。

上詣

南郊齋宮齋宿。○辛巳。祈穀於

上帝。

上親詣行禮。○壬午。世祖章皇帝忌辰。遣官祭

孝陵。○

上詣

雍和宮行禮。○諭據勒保奏平涼縣民陳世道現年一百一歲。懇請旌表等語。陳世道壽逾百齡。精神矍鑠。洵為昇平人瑞。所有應行賞賚及建坊旌表之處。著該部照例辦理。○癸未。諭曰。梁肯堂奏蠡縣耆民沈良柱等俱年躋九袞。五世同堂。懇請賞賚等語。沈良柱馮之真。主雙才。主又楚。郝子成。魏贊。楚光宗。王文正。俱年臻耄耄。繞膝曾元。洵為熙朝盛事。所有應行賞賚之處。該部察例辦理。○又諭曰。惠齡奏壽光縣耆民胡恭等年逾百齡。懇恩旌表等語。胡恭趙之曾。楊鴻。蔭均壽過期。精神矍鑠。洵屬昇平人瑞。所有應行賞賚及建坊旌表之處。著該部察例具奏。○又諭曰。秦承恩奏大荔縣民張之璋等八家均係

五世同堂。其壽婦胡馮氏。現年一百三歲。又三水縣民趙邦傑。十世同居。請予賞賚旌表等語。張之璋等或昌貽五世。算紀百齡。或十葉同居。一門聚慶。洵屬昇平嘉瑞。所有應行錫賚及建坊旌表之處。著該部分別察例辦理。○甲申。享

太廟。遣怡親王永琅。恭代行禮。○遣官祭

太歲之神。○

上詣

大高殿行禮。○御紫光閣。賜蒙古王貝勒貝子。公額駙。台吉。大臣。及哈薩克。杜爾伯特。土爾扈特。朝鮮。暹羅。緬甸。國使臣等宴。並賞賚有差。○御重華宮。召大學士。及內廷翰林等茶宴。以洪範九五福之一曰壽聯句。○諭前命軍機大臣議覆浙江提督陳杰條奏選拔千把外委。應按照總督提督駐劄地方。就近考驗一摺。行令兩江等處。各就該省營伍道里情形。悉心妥議具奏。彼時朕以此等微末弁

兵。分隸各提鎮標營管轄。其有距總督駐劄地方較遠者。於選拔時。必須前赴總督衙門考驗。恐資斧維艱。且往返轉需時日。是以諭令該督等將隔省各標營。如何就近令提督總兵自行考拔之處。酌定章程。另行覈辦。原為體卹末弁起見。嗣據兩江湖廣閩浙等省陸續奏到。情形各有不同。茲福康安奏。千把二項。職分較大。所得養廉。較諸文員中州判縣丞為加優。一加拔補。即可食廉。赴考不虞拮据。嗣後各營千把缺出。請循照舊例。仍送總督考拔。其外委及額外外委缺出。各歸就近考拔等語。所議甚是。千把職任雖微。但一經拔補。將來即可膺都司守備之選。若本營鎮將考送。或有不公。提督瞻顧情面。不行駁飭。適足以啟倖進諸弊。即總督巡閱時復行考驗。查出徇情弊竇。叅革示懲。而該弁業已拔補有年。於營伍操防。不無貽誤。轉非慎重戎行之道。即如前年福康安叅奏。總兵葉至

剛濫送兵丁呂豪一案是其明證嗣後直省提鎮協營遇有千把缺出仍由提督轉送總督考試拔補其外委及額外外委例無養廉所得餉銀亦屬無幾恐其憚於遠涉隳其上進之心著照福康安所議行該部知道○又諭向來各省遇有壽民年逾百歲及五世同堂應行旌表賞賚之處俱係照例具題嗣因朕得有五代元孫上年又係朕八旬壽辰中外臣民同深歡忭是以各督撫於所屬民人內見有年登耄耄膝繞曾元者具摺入告以為昇平盛事然在上年奏報則可此後仍當照例具題辦理朕從不侈言祥瑞崇尚虛文總期時和年豐天下共享盈寧之福斯實為麻徵上瑞如不過皓首龐眉含飴行慶因屬閭閻佳事而朕屢念黎元時深願望者實在彼而不在此也嗣後各省有百歲耆民及五世同堂等事著各該督撫仍照向例具題給予旌賞不必專摺奏請所有本日穆和蘭奏

汜水縣民李汝霖封邱縣民張廷照長麟奏銅山縣民王進公福崧奏烏程縣民翁尚英臨海縣民侯介福瑞安縣民蔡次玉等即著該部照例辦理○諭軍機大臣等據福康安等奏審訊崖州案内夥盜關應華等供稱並未隨同拒捕但既已搬取器械即與拒捕無異自應照例定擬被擄之董勝發等二名訊未行劫但在盜船上聽從使令未便即行寬釋俟獲到盜首另行訊明定擬此案已經得有蹤緒乘此搜捕較為得力至盜首及各夥盜據關應華等供稱現往短棉農耐等處躲避不得以該處係安南所屬地方觀望復經照會阮光平令於境內一體挨查盜匪自無從竄逸等語所辦俱是已於摺內批示現在粵省地方文武各員經福康安等認真督率俱知上緊訪緝設法追拏案內匪犯自無難全數弋獲福康安等惟當督飭所屬益加嚴密購線尋蹤不得以已獲數犯稍存疎懈至

盜首及夥盜等逃往安南之短棉農耐地方藏匿。冀延殘喘。福康安已行知阮光平一體查緝。並著福康安再行照會該國王。以盜犯等因內地查拏嚴緊。竄往爾國所轄之地方避匿。如能按名拏送。奏聞大皇帝。自必仰蒙恩獎優賞。即或該犯等往來洋面。奔竄無定。不能跟蹤拏獲。亦當派人嚴密搜查。勿使潛匿安南境內。驅回內地。以便官兵截拏。此等匪犯若在爾國地方藏匿。驅除未盡。必致剗掠滋事。為害行旅。於爾國亦多未便。如此明白宣示。該國王感激朕恩。自當嚴飭境內幫同緝捕也。至陳亞太供出盜首亞常。夥盜英亞九等各犯。務須上緊緝拏。毋任漏網。其各營縣員弁稟報續獲洋匪各案。著福康安等逐案研訊。嚴行定擬具奏。將來拏獲盜首時。其出力之官兵兵丁等。並著福康安等查明具奏。候朕酌量加恩。以示鼓勵。將此傳諭知之。○又諭據長麟奏各屬造報民數未確。請

展限覈實查造等語。國家承平日久。生齒日增。戶口自必益增繁庶。各省督撫。於年底奏報。亦祇就各州縣開造清冊。彙覈繕奏。祇覺繁增。然原屬具文。無甚關係。若長麟所奏。必另行委員清查辦理。戶口殷繁。勢難一一查覈。即細加查造之後。亦斷不能一無舛漏。且恐吏胥藉端滋擾。更非安輯閭閻之道。長麟祇須照例造冊奏報。毋庸過為稽覈。轉滋擾累。而無實際也。將此傳諭知之。○乙酉。諭前

據尹壯圖具奏。督撫因有賠項。派累屬員。以致倉庫多虧。小民興嘆。屢經降旨詢問。尹壯圖全改其言。虛譽朕愛民勤政。及至詢其實事。尹壯圖節次覆奏。總不能指實一人一事。因令慶成帶同赴山西直隸山東江南等省。盤查倉庫。俱無虧短。是尹壯圖逞臆妄言。其罪已無可逭。揆其初奏之意。不過自揣才具甚庸。學問又劣。於尚書督撫不敢奢望。而思藉此一奏。或可內擢侍郎。外用學政。殊不知

朕之用尹壯圖為閣學。原以雲南現無大員。故爾不次陞擢。若論其才具學問。於閣學已為倖獲。今尚欲妄思干進。其希榮卑鄙之念。朕早已灼見其肺肝。若謂其以建白沽諫直之名。雖庸人亦知其不能出此。惟伊前摺內所奏。各省多有虧空。奏請盤查。尚不得不謂之有所建白。但朕綜理庶務。從不肯察察為明。五十餘年。未嘗有特派大臣清查倉庫者。蓋緣偏聽一人。即恐其人藉端勒索。查弊適足以滋弊。而督撫藩臬舉不足信。何以委之地方重任。至其所稱吏民感額興歎之語。則實造作無稽。天良盡泯之言。不可不辨。試思我國家

列聖相承。厚澤深仁。洽於寰宇。

聖祖仁皇帝御宇六十一年。普免天下錢糧二

次。漕糧一次。

世宗憲皇帝十三年中。整綱飭紀。內外肅清。愛民實政。不可殫述。其時因籌辦西北兩路軍

糈。未及議及普蠲之事。迨朕繼緒承庥。臨御五十六年。偏災賑卹。蠲貸頻施。以及修築河工海塘。捍衛民生。所費何止萬萬。而普免天下錢糧四次。漕糧二次。為數又不啻數千萬。乎惠閭閻有加無已。朕歷觀史冊。自勝國以朔漢初。僅有漢文帝賜農民田租之半。史臣已侈為美談。從未有如我朝普免正供。再三再四者。朕愛養黎元。如傷在抱。惟恐一夫不獲施惠。猶以為未足。是以宵旰憂勞。勤求民瘼。迨今年逾八秩。猶日孜孜。無事無時。不以愛民為念。雖底小康。猶懷大惕。從不肯矜言示惠。朕嘗稱易象云。有孚惠心。勿問元吉。實膺之心。而見之詩文。不啻再三也。乃尹壯圖忍為此感額興嘆之言。直似方今天下民不聊生。不特誣及朕躬。並將億兆黎民愛戴。惻忱全為泯沒。故不得不將朕子惠元元之實政實心。一為剖析。天下之民。具有天良。方將感悅之不暇。亦何至怨讟煩興。朝不謀夕。

乎。茲如尹壯圖所言。竟已民不堪命。何以百數十年。海宇清寧。地方無事。即有王倫。蘇四十三。田五。林爽。文等。一二亂民。聚眾滋事。亦無不立就撲滅。民皆安堵。若夫天下之大。兆民之衆。貧富本屬不齊。其中有拙於謀生。自傷窮困者。事所難免。况國家承平日久。生齒日繁。物產祇有此數。而日用日漸加增。康熙年間。朕在沖齡時。即聞乳保等有物價昂貴。度日艱難之語。今又七十餘年。戶口滋生。較前奚啻倍蓰。是當時一人衣食之需。今且供一二十人之用。欲使家給人足。比戶豐盈。其勢斷有所不能。若如經生迂腐之見。拘執古制。均其田畝。限其服制。必致貧者未富。而富者先貧。擾累紛紛。適以釀亂。即如孟子云。庖有肥肉。廄有肥馬。民有饑色。野有餓莩。又云。內無怨女。外無曠夫。亦係當時啟導時君。權宜立論。而以事理度之。則亦有未可盡信者。試以廄有肥馬而論。則當時七國縱橫。兵車

乘馬。不能一日不備。豈有徒步從征之理。若以怨女曠夫而論。則臨淄十萬戶。即全出齊宮。怨女。散之民間。亦斷不能使無一夫。繆曠。即如唐太宗時。偶因災祲。曾放宮女三千人。所放若及一半。則所留者仍有三千。縱復全行遣出。亦難使天下曠夫。人皆有偶。此所謂盡信書。則不如無書也。本朝恭儉相承。惠民益下。偶有行軍征討。即芻秣亦從不取之民間。是以拓土開疆。大功屢歲。雖用兵而民不知兵。至於宮中嬪御。以及給使女子。合之皇子皇孫等。乳媼使婢。約計不過二百人。實從古宮闈所未有。朕以躬行節儉。為天下先。而太平日久。戶口殷繁。小民生計。或有未能盡裕。朕正以盛滿難居。每懷兢惕。更不能不時以愛民為急也。至現在紀綱整肅。內外大臣。實無敢有營私亂法者。康熙雍正年間。雖法度嚴明。吏治整飭。尚不免有明珠。徐乾學。索額圖。噶禮。隆科多。年羹堯。諸臣。竊權交結。而

鄂爾泰由文鏡李衛亦尚有三家鼎峙之說。自朕臨御以來。大學士傅恒為朕倚任多年。恪恭奉職。訥親亦為朕所嚮用。因貽誤軍機。即行正法。而平日居官。並無貪黷之事也。且近日總督中。如福康安為朕信任之人。畢沅與前任總督書麟。李世傑輩。均係素能辦事者。有敢於公然角立門戶。營私舞弊者乎。其有貪婪不法。如王亶望陳輝祖。國泰郝碩。諸人一經敗露。無不立寘典刑。天下各督撫。當此吏治肅清之際。即有不肖之心。亦必默化潛移。豈敢以身試法。夫各督撫。如果品等項。土貢。令出產之州縣。墊辦採買。不能保其必無。倘謂藉端賠項。派累屬員。則斷斷不敢為。此如尹壯圖所指之書麟長麟二人。則併此些微土貢。亦可保其不令屬員代辦。是以偶因公罪罷斥。旋因人才難得。仍皆用為巡撫。總之尹壯圖謬妄無知。以臆額興嘆之言。誣及朕躬。誣及百姓。朕正不妨以謗為規。尚欲

加恩寬宥。但降旨詢問。臆額興嘆。究屬何人。或百姓道路之言。不能指實。而牧令官吏。斷無不知姓名之理。今尹壯圖覆奏。竟敢以不能記憶虛詞。有心欺罔。其咎實不可寬宥矣。且現據伊奏出。伊母年逾七旬。留在雲南原籍。伊即來京候補之語。竟是天奪其魄。自陳不孝。滇南距京萬里。垂白老親。未能迎養。自當據實陳情。留籍侍奉。乃竟戀職忘親。棄之不顧。尚得謂之人類乎。尹壯圖不但無君。而且無親。人倫盡喪。豈可忝居朝列。玷辱縉紳。尹壯圖著革職。交與慶成押帶來京。交刑部治罪。俟定擬上時。候朕再降諭旨。將此通諭知之。○又諭曰。彭廷棟奏查閱營伍情形。一摺。內稱所到各營。將部頒行軍紀律。向各兵指名抽問。有能記五六條者。並有全能背讀者。分別獎賞。以示鼓勵等語。提鎮大員。平日督率將備。訓練兵丁。當令各營伍騎射精純。技藝嫻熟。咸成勁旅。至頒發紀律。不過使各

標營遵曉大畧。參將遊擊以上能知亦可矣。原不在兵丁之能否背讀。以定等差。即該兵丁等於紀律各條。全能背記。設行軍時騎射弓馬俱未精嫻。雖背讀亦有何益。行軍之道。全在臨時相機。不可拘守成法。即將備等未曾親履行間。亦不能洞悉機宜。豈兵丁等能背讀紀律。即謂通曉兵法耶。即如士子等服官効用。讀書原當知律。若必令人人將律例背誦。又復成何事體。彭廷棟所奏。不過藉此

以見其認真整飭。殊屬多事。著傳旨申飭。又諭本日費振勲奏到。謝賞石鼓文。及涇渭濁詩圖一摺。此項墨刻。前經頒賞內外臣工。因揭印較多。是以各省學政。亦得與分賞之列。今閱費振勲奏謝之摺。鋪敘繁文。連篇累牘。殊屬無謂。學政職司訓課。一切士習文風。皆須整飭。自有任內應辦事件。該學政到任以來。於陳奏考試各摺。並未見有實力整頓之處。乃僅於謝恩摺內。填砌膚詞。徒為虛

頌。希冀藉此見長。豈不知朕綜理庶務。惟在崇實黜浮。不以虛言粉飾為尚耶。又另摺奏請。仿刻石鼓文。列於文廟等語。朕以太學為京師首善之區。熱河為每年駐蹕之地。因特令將重刻石鼓文。於兩處建立。若如該學政所奏。則各省學宮。均須紛紛請建。殊為多事。費振勲著傳旨申飭。丙戌。

上詣

安佑宮行禮。○幸圓明園。○丁亥。諭據額勒春

奏。大定府民吳尚敏。現年一百三歲。五世同堂。懇恩旌表等語。著照所請。所有應行賞賚。及建坊旌表之處。著該部照例辦理。○諭軍機大臣等。本日長麟奏。遭風琉球難夷護送歸國一摺。內稱據通州詳報。乾隆五十五年九月初二日。東七甲港口有外來船一隻。查係琉球國人。運送粟米。遇風漂至港口泊住。詳細經孫士毅。福祿批飭。妥為撫卹。令將如何遣回本國之處。查議具詳。茲據查明該難夷

願坐原船回國。即移會陳大用撥兵護送至閩歸國等語。朕閱此摺。乃知上年九月間。即經通州詳報。孫士毅等既已據詳飭查。自應將該難夷遣風情節。一面奏聞。一面查辦。乃直至長麟到任後。查明具奏。殊屬遲緩。朕辦理庶務。惟以興速為要。著傳諭孫士毅。嗣後遇有此等事件。即一面飭查。一面奏聞。將此傳諭孫士毅。並令長麟知之。○又諭。前據梁肯堂奏。盤獲謀財害命兇犯劉松。供出山西壺關縣民楊便。倡立三皇老祖邪教。因降旨令書麟查緝。茲經書麟將楊便等拏獲。供稱俱係務農良民。並無倡教斂錢之事。因楊便寄居史窰村種地時。劉松在彼砍柴。被楊便驅逐。是以挾嫌誣扳等語。楊便等既堅供無倡立邪教之事。搜查各家。又無圖像歌單等不法事跡。所供尚屬可信。且書麟續又准梁肯堂咨會。覆訊劉松。已自認挾嫌誣控是實。所帶歌單。係焦園村人高三。言及壺關縣神

焦廟道士廣息。曾傳歌詞。因收該犯為徒。轉行傳給。並非得自楊便。是此項歌單。為高三廣息二犯所傳。供詞甚屬確鑿。著傳諭書麟詳悉詢問楊便等。實係誣扳。即行省釋。以免拖累。其神焦廟道士廣息。焦園村人高三。二犯。並著該撫飭屬查拏務獲。從嚴究辦。將此並諭梁肯堂知之。○戊子。諭。據譚尚忠奏。新興縣民陳管。現年八十八歲。建水縣民婦楊馬氏。現年一百一歲。均五世同堂。請予旌賞等語。著照所請。該壽民等所有應行賞賚。及建坊旌表之處。該部照例辦理。○己丑。上御奉三無私殿。賜皇子皇孫。皇曾孫。皇元孫諸王等宴。○諭。向來各省民人赴京呈控案件。都察院步軍統領衙門。不敢壅於上聞。即行據呈轉奏。朕勤求民隱。惟恐鄉曲小民。含冤莫訴。每遇來京具控之案。無不特派大臣前往審辦。其中屈抑者固。有。而近日不安本分之徒。見來京者。控無不准。准無不辦。赴愬

求理者。遂覺接踵而來。及欽差大臣提集案犯。認真研鞫。所控情節。多屬子虛。不過挾嫌逞忿。妄砌誣捏之詞。冀遂其拖累之計。即被控之人。訊明省釋。而輾轉審解。拘禁囹圄。胥役等又復借事生風。從中嚇詐。事雖得白。而身家已破。情形殊堪憐憫。且欽差大臣經過地方。徒勞驛馬。糜費供支。於沿途驛站。亦恐不無擾累。此等刁健訟棍。各省多有。而湖北湖南為尤甚。若不嚴加懲創。則枉累無辜。藉

廣東全書

五

端傾陷之風。伊於何底。所有本日吉慶等奏到。審擬湖南長沙縣保正王澤遠。誣控勒買倉穀一案。及富綱等奏到。審擬貴州桐梓縣民人傅志榮。誣控傅志舜串通書役斃命搶奪一案。俱著交刑部覈覆時。量行加重定擬。以示懲儆。嗣後著各省督撫轉飭所屬。剴切出示。諭以小民等。如果實有冤抑。地方官不為審理。原不禁其赴京具控。但若稍涉虛誣。亦必加倍治罪。務使家喻戶曉。咸懷儆惕。庶

告訐刁風。漸知斂戢。而良善鄉民。免致株累。亦整飭風俗人心之一端也。○又諭據譚尚忠奏。保山縣民姬良海。河西縣民婦解羅氏。昆明縣民婦楊李氏。均年屆百齡。請予旌表等語。著照所請。該壽民等所有應行賞賚及建坊旌表之處。該部照例辦理。○直隸總督梁肯堂奏。籌議護送銅船章程。查銅鉛船隻。自景州入境。至天津。係天津道所轄。自武清至通州。為通永道所轄。駐劄既近。呼應較靈。請嗣後銅鉛一入景州。即責令天津道督同向例所派丞倅參遊。及地方官護送。至武清地方。交通永道督催。并令天津鎮就近彈壓。照料。下部知之。○庚寅

廣東全書

五

上詣

安佑宮行禮。○御正大光明殿。賜朝正外藩等宴。召左翼科爾沁和碩親王。恭格喇布坦。多羅郡王。喇什端羅布。喇什噶勒當。巴林親王。品級多羅郡王。巴圖。固山貝子和碩額駙德

勒克。奈曼多羅郡王拉旺喇布坦。土默特多
羅貝勒索諾木巴勒珠爾。翁牛特多羅貝勒
濟克濟扎布。敖漢固山貝子桑濟扎勒。右翼
科爾沁和碩親王旺扎勒多爾濟。喀喇沁親
王品級多羅郡王多羅額駙滿珠巴咱爾。浩
齊特多爾郡王敏珠爾多爾濟。喀爾喀多羅
郡王桑齋多爾濟。固山貝子遜都布多爾濟。
回部郡王品級多羅貝勒哈第爾。烏珠穆沁
多羅貝勒旺楚克。鄂爾多斯多羅貝勒揀囉
布色稜。哈薩克汗幹里素勒坦之弟多索里
素勒坦。至御座前。賜酒成禮。○順天府行鄉
飲酒禮。

實錄卷一三七

主

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十

實錄卷一三百七十

主

大清高宗法天隆運至誠先覺體元立極敷文奮武孝慈神聖純皇帝實錄卷之一千三百七十一

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副統世襲騎都尉軍功加七級隨帶加一級尋常加二級軍功紀錄一次 吏部謹

總裁官總纂官太子太傅文淵閣大學士文淵閣領閣事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲副統軍功紀錄五次

尋常紀錄十四次臣德瑛總纂官太子少保工部尚書紀錄六次臣曹振鏞等奉

敕修

乾隆五十六年辛亥正月辛卯

上御正大光明殿賜大學士尚書等宴○癸巳

諭據惠齡奏東平州生員師屏翰現年九十

一歲又姚榮奏安福縣民婦邱賴氏現年一

百歲均五世同堂請予旌賚等語著照所請

該壽民等所有應行賞賚及建坊旌表之處

該部照例辦理○諭軍機大臣曰慶成奏帶

同尹壯圖抵蘇後遵旨照依詢問書麟之語

詢問長麟據稱歷任巡撫七年領過養廉八

萬餘兩除繳罰項尚餘銀二萬餘兩用度有

餘何必生法若藉口婪索豈成人類並據尹

壯圖奏長麟夙稱廉謹今親與接談頗覺敬

慎小心所云罰項無庸另行生法之處洵屬

可信隨至藩庫盤查悉與冊檔相符並無缺

少前奏措詞乖謬實屬罪由自取惟求從重

治罪等語前因其誣及天下百姓是以明降

諭旨將尹壯圖革職令慶成押帶來京交刑

部治罪矣長麟所繳罰項經尹壯圖面詢該

撫實係歷年多餘養廉積存完繳確鑿可信

而長麟並有若藉此婪索屬員豈成人類之

語是該撫果借罰項為名向屬員勒索幫助

實屬不成人類尹壯圖詢問明並無其事則伊

前此以無稽之言任意污蔑亦不得謂之人

類矣又尹壯圖前奏稱書麟長麟僅能獨善

其身未免尚罹此失遇有虧空不能不向屬

員生法今摺內又以長麟謹慎小心不向屬

員生法之言自屬可信則前後措詞自相矛

盾試令伊捫心自問豈非進退無據之小人

乎。至摺內稱所過淮揚常鎮以及蘇州省會正當新年慶賀之時。溢巷摩肩。携豚沽酒。童叟怡然自樂。並未聞有官吏滋擾之事。所言前後更為不倫。伊前摺所稱商民半皆感額興歎。各省風氣大抵皆然。竟似居今之世民不堪命。而此時目睹閭閻豐裕情形。復以諛詞虛譽。冀圖解免前言之謬。其居心巧詐。尤屬顯然。著慶成將以上指出尹壯圖前後措詞自相矛盾各情節。逐一詢問。看其如何登答。再尹壯圖前奏。以比年來虧空彌補。徒事遷延。大率各省皆有。若如所言。則督撫等所奏倉庫無虧。全不可信。即如本日穆和蘭奏盤查河南通省倉庫。並無缺少一摺。亦豈以虛言入告。俱不足憑乎。著慶成令尹壯圖將前奏虧空未經查過之處。係何省督撫謊言。倉庫無虧。逐一指出。毋任再有支吾隱飾。本日又據惠齡奏遵奉昨降諭旨。將盜案原贓未能起獲。即著該地方官罰賠示警。一摺。民

間偶被竊盜。其所失物件尚恐原贓無著。責令地方官賠償。俾得主得。需實惠。可見朕惠愛黎元。無微不至。小民方且感戴之不暇。豈有怨謫繁興之理。且今未獲賊贓之地方官。賠給被竊之百姓。尹壯圖亦以為累官累民乎。并著慶成詢問尹壯圖。將商民感額興歎之言。究竟得自何人。聞於何處。令其一併登答。據實覆奏。將此傳諭知之。○乙未勅諭班禪額爾德尼呼畢勒罕曰。朕撫御天下。惟期寰宇衆生安居樂業。爾前世體朕尊崇正教。普育羣生至意。維持法門。廣布經典。甚屬妥協。今爾特遣來使。堪布羅布藏班珠爾來請朕安。貢獻方物。呈進丹書。克具見忱。朕躬荷麻祥。爾亦自當協吉。惟爾幼穉。須知勉紹前因。仲巴呼圖克圖綏綏堪布。皆係朕素識之人。恩待優渥。朕今聞爾性資穎慧。勤習經典。仲巴呼圖克圖等侍奉呼畢勒罕。自宜盡心善導。俾得專習經傳。聞興黃教。達賴喇嘛

弟兄。朦蔽達賴喇嘛舞弊。朕皆持平辦理。仲巴呼圖克圖。雖斷不至如是妄為。倘呼畢勒罕長成。左右一有類此之人。必當照辦。仲巴呼圖克圖。其善為護持。呼畢勒罕。務以近正人遠小人為要。欽哉。毋忽。茲爾來使回藏。錫爾勒諭。并賜銀茶桶一。壺一。盞一。各色大緞二十匹。大小哈達各十條。交來使堪布羅布藏班珠爾齋回。以示恩眷。特諭。○諭軍機大臣等。據孫士毅奏。嚴緝私販一摺。內稱。淮北引鹽積滯。皆由私鹽充斥。地方官查緝不力所致。現與朱珪熟籌。扼要緝捕之方。而出力大員。頗難其人。惟廬鳳道述德。實心任事。委令督緝私梟。必能得力。已會同朱珪密飭該道。悉心偵探。並嚴飭地方官及各關委員。如能獲有大夥私販。不特免其失察之咎。並可立予保題。以期私淨。引銷。年清年款等語。所辦甚是。已於摺內批示。淮北私鹽興販之地。已據孫士毅查明。多在滁州。定遠。鳳陽。壽州。

合肥一帶。即著該督會同朱珪。設法偵緝。嚴定勸懲。務須督飭屬員。實力辦理。不可日久生懈。致私鹽稍有透漏。至原任廬鳳道述德。前因失察。亳州。茂倫。重犯潛逃。該州匿不詳報一案。業照部議降調。該員來京需次。本無所事。今既據孫士毅奏。其緝私得力。即著賞給同知。留於江省。交與孫士毅。朱珪專委。以緝私之事。俟二三年後。如果認真出力。著有成效。即奏明。以知府陞用。亦無不可。該員前在廬鳳道任內。有管理關務之責。委令督緝私鹽。或恐不能兼顧。今已降調離任。轉可專心查緝。於緝捕私販之事。更可期得力也。將此各諭令知之。○丙申。諭曰。總兵張朝龍。尚維昇。出師安南。陣亡。前經降旨。從優議卹。均照提督例。給與騎都尉。又一雲騎尉。世職。本日兵部將張朝龍之子。張文貴。帶領引見。襲職。因念張朝龍。尚維昇。帶兵前赴安南。屢著勞績。迨後力戰陣歿。奮不顧身。尤堪嘉憫。著

再加恩均賞給三等輕車都尉世職即令伊等之子承襲用示朕褒嘉勇烈有加無已至意○又諭本日召見副都統靈泰觀其人尚明白伊前在吉林協領任內辦理官役事務尚屬熟諳盛京亦有辦獲之事以盛京之缺補用更資駕輕就熟現在阿必達久病未痊工部滿洲堂官之員阿必達著即開缺仍留副都統在御前侍衛上行走俾得安心調攝所有工部右侍郎員缺著成策調補所遺盛京工部侍郎員缺著傅森補授盛京副都統員缺即著靈泰調補○丁酉諭曰畢沅等奏蒲圻縣民單方攷黃岡縣民藍有德江陵縣民廖繼周監利縣民王如瑞襄陽縣生員李榮房縣民朱瑟和棗陽縣民婦傅舒氏等俱曾元繞膝五世同堂請予恩賚等語著照所請所有該壽民等應行建坊旌表之處該部照例辦理○戊戌

孝聖憲皇后忌辰遣官祭

泰東陵○

上詣

恩慕寺

恩佑寺行禮○諭曰福崧等奏雷擬千總袁鳳鳴等在洋遇盜搶失軍械並護副將王愈安等飾詞具報一摺袁鳳鳴帶兵出洋巡緝遇見盜船正當奮力擒拏督率兵丁等向前追捕乃轉被盜匪過船將該弁擒住搶去軍械衣物且該弁亦並未身受一傷實屬怯懦不堪該撫等比照領兵官失誤軍機之例擬以斬候尚不足以懲袁鳳鳴應照臨陣脫逃律著即處斬餘俱照該撫等所奏完結又據奏查明遊擊錢夢虎在淡水洋面瞥見盜船即首先出抵脚踢兩賊落水又拔刀連砍數匪嗣因盜匪拚命抵拒致被重傷倒地等語錢夢虎一見盜艘即能迅速追拏迨至賊船駛攏抵死拒捕該遊擊親身直前抵禦奮勇格殺盜匪多名身受重傷覈其情節勝袁鳳

鳴畏縮無能者多矣。錢夢虎著免其治罪。仍回遊擊之任。所有在船兵丁亦著照舊歸伍食糧。朕向來辦理軍務信賞必罰功罪輕重惟其自取。該弁兵等巡緝海洋遇盜匪持械拒捕。即與臨陣無異。豈可心存畏憚。恒怯不前。今袁鳳鳴出洋捕盜。反被盜匪撿倒船艙。如此無用。竟不成為武弁。是以將袁鳳鳴立寘重典。錢夢虎雖被盜格傷。而其奮身追捕殺斃匪犯多人在營員中。尚屬認真緝捕。是以仍令其照舊供職。嗣後各水師營員弁目俱當知所勸懲。遇有出洋巡緝之事。毋得稍有退縮。致干重罪。著該督詳諭各提鎮兵丁知之。該部知道。○又諭據書麟奏解州民人陳徽舜現年九十歲五世同堂請予錫賚等語。壽民陳徽舜所有應行賞賚之處該部照例辦理。○諭軍機大臣曰書麟奏據臬司顧長統稟稱密查壺關縣神焦村有朝真觀一所土人稱為神焦廟當即馳往該處傳齊廟

內道士詢問並無廣息之名亦並不與劉松認識逐一搜查亦無歌單及不法字跡其高三一犯查係河南林縣人所住村莊與壺關縣連界委員前往訪拏聞已被豫省拏獲等語前據梁肯堂覆訊劉松供稱所帶歌單在高三家鈔得高三係得自神焦廟道士廣息所供甚屬確鑿因令書麟飭屬嚴查務獲今據奏稱查明該廟道士共十一人並無廣息名字各道士亦均不與劉松認識並調查道會司所造合縣道士名冊亦並無廣息其人則劉松前日何以又有此供著梁肯堂再行嚴訊劉松伊所指廣息究在何處居住是否實有其人務得確切證據以便跟蹤嚴緝毋再任其狡展至高三一犯既據豫省拏獲其所傳歌單實在來歷自可向其逐一追究著穆和蘭即將高三嚴刑審訊劉松所鈔歌單是否係伊傳給并曾否與神焦廟道士廣息認識轉相傳播令其據實供出自無難得其

底裏也。將此各諭令知之。○又諭據福崧奏拏獲行劫哨船正盜陳潮、邱阿田、陳阿助等三犯。審明後，即恭請王命處斬梟示。又拏獲買贓之周友卿一犯，審係在沿海地方屢次價買贓布，請先在海口用重枷枷號一年。滿日發遣黑龍江給披甲人為奴等語。浙省行劫哨船拒捕奪械一案，前經閩省拏獲七名。浙省係犯案地方，獲犯僅此四名，轉較閩省為少。且所獲各犯止係案內夥黨，而盜首在逃。迄今未獲。著傳諭伍拉納、福崧、陳杰嚴行督緝，將逃逸各犯迅速全行弋獲。毋任逋颺漏網。拏獲後不分首從，即行正法，以示懲儆。又據福崧另片奏稱：海塘應修各工，亟須安速補築。擬暫回省城親往督催。俟二月內伍拉納來溫之前，仍即前抵溫州會同商辦等語。福建地處海疆，最關緊要。浦霖新調該省巡撫，恐未能熟諳海疆情形。且浙江粵東洋盜多係藉隸福建。該犯等劫得貨物竄至閩

省洋面，勢須登岸賣贓。海口地方亦必有接贓私買之人。現在浙省拏獲屢買盜贓之周友卿，可為明證。伍拉納此時竟當在閩飭屬於洋面及各處海口認真緝捕，或親至沿海查拏。何必因此一案餘犯前赴溫州。上年十一月內，曾經降旨諭知伍拉納。此時想已接奉該督即當遵照前旨，毋庸赴浙。如已起程抵溫，將緝捕事宜與福崧等高定後，即著速行回閩。至福崧俟查催海塘後，即行前往溫州督辦務期盜首就獲。洋面肅清不可稍有疎縱也。將此由六百里各傳諭知之。○命大學士王杰為尚書房總師傅。○以禮部右侍郎順天學政劉墉為左都御史。順天府府尹吳省欽為禮部右侍郎。提督順天學政。○禮部題：朝鮮國王李祘遣使表賀冬至、元旦。及謝恩方物。暹羅國王鄭華遣使表賀萬壽方物。緬甸國王孟暎遣使表貢謝恩方物。俱賞賚筵宴如例。○己亥。諭曰：伊犁之索倫

達呼爾部落兵丁等自前往駐防以來一切官差甚屬奮勉。且於喀什噶爾塔爾巴哈台防戍差務均甚得力。但數年來生齒日繁。向來每月給與一兩錢糧。於伊等生計未免拮据。著施恩。伊犁之索倫達呼爾兵丁等每月賞給二兩錢糧。並加增養育兵三百名。每月給與一兩錢糧。以示朕惠愛旗僕之意。○諭軍機大臣等。本日穆和蘭奏據陳文緯稟稱。督同府縣將劉松所供之高三拏獲。該犯雙目俱瞽。搜查家內並無不法字跡。連日審訊堅供。與劉松素不認識。惟記得五十二年三月間有一乞丐在門前要錢要飯。回說沒有。他便生氣。說我係河焦溝劉松。誰不知道。出言詈罵。因用拐棍向毆。他就去了。並沒傳授歌詞。亦不知神焦廟道士係何姓名。實是挾嫌誣扳。隨將該犯押解到省。經該撫率同司道研訊。供亦相符。現在飭縣管押。以候質究等語。前據梁肯堂覆訊劉松。供稱所帶歌單。

係焦園村人高三言及壺關縣神焦廟道士廣息曾傳歌詞。因收該犯為徒。轉行傳給。是此項歌單劉松得自高三。供詞甚屬確鑿。茲據穆和蘭奏拏獲高三。審訊堅稱並未與劉松認識。曾有討乞花子在門首叫喊。因不給錢飯。出言詈罵。自稱劉松實是挾嫌誣捏。並無傳授歌詞情事。或高三恃無質證飾詞狡展。抑或劉松實係誣扳報怨。均未可定。著傳諭梁肯堂即速提訊劉松。伊前日所指高三是否實有傳授歌詞之事。如係挾嫌誣扳。則其歌單畢竟得自何人。務令一一據實供吐。速奏。毋任支吾狡展。致滋延宕。該督審訊明確。即一面具奏。一面咨明穆和蘭查照辦理。○又諭曰。奎林等奏拏獲謀殺捕役復經越獄從賊逆犯林濕一名。業經照謀叛律擬以斬決。即請王命正法。并嚴拘犯屬。照律緣坐等語。此案林濕一犯先因拒捕殺斃事主。拏獲收禁。及賊匪陷城。旋即越獄從匪。逃入內

山。現又起意夥同匪類殺死捕役不法已極。該犯雖已立正典刑。其長子林兜。次子林連。均年在十五歲以下。例應送京開割。著傳諭奎林等即將該犯林濕之子林兜林連解送進京。交內務府照例辦理。至此案未獲何創等各犯。並著奎林等即行飭屬上緊緝拏。務獲審明定擬。毋使一名漏網。○又諭曰。伍拉納奏續獲行劫浙省哨船案內。拒傷官兵首夥盜犯。審明分別凌遲斬決一摺。又另片稱。據各營縣報獲浙江劫船案內。洋盜蔡市等十五名。廣東戕官案內。洋盜梁麟等十五名。現在提省嚴鞫等語。所辦好。已於摺內批示矣。浙江粵東洋盜。多係籍隸福建。該犯等劫得貨物。回至閩省。勢須登岸變贖。是以節經降旨。令伍拉納嚴飭各文武員弁。於洋面海口嚴密訪拏。茲據伍拉納前後拏獲浙省行劫哨船案內盜犯二十八名。拏獲廣東戕官案內盜犯前後十七名。可見各盜犯在浙江

粵東洋面行劫後。俱紛紛竄回原籍。希圖上岸變賣贖物。伍拉納尤當上緊飭屬。於洋面及各處海口認真緝捕。遵照節次諭旨。毋庸前赴溫州。況此次雖據該督拏獲曾根邱谷等各犯正法。而昨日福崧等摺內。拏獲陳潮等。說出該犯等俱在吳機林首陳賞等船中。出洋行劫哨船。又前據福康安奏崖州案內盜首。係何起文李廣才蛋家二亞常大辯三等犯。俱未經拏獲。是各案首夥盜犯尚多。正應趁此跟蹤購線。務須全數弋獲。盡法處治。以靖海疆。而戢盜風。所有拏獲盜匪認真出力之文武員弁。並著伍拉納查明咨部議叙。以示鼓勵。將此諭令知之。仍即將續獲盜犯速行回奏。○以伊犁將軍保寧為御前大臣。庚子。諭曰。勒保奏安定縣民吳喜周蘇拱辰俱年臻耄耄。五世同堂。請予錫賚等語。壽民吳喜周蘇拱辰等所有應行賞賚之處。該部照例辦理。○又諭拏獲脫逃之鑲黃旗滿

洲候補繕本筆帖式瑞昌。訊據供稱伊係提督衙門主事台費音之子。因伊繼母平日不加撫恤。不勝折挫。是以離家躲避。前往浙江尋伊師傅。凡係旗人脫逃被獲。俱應發遣伊犁。茲瑞昌因伊繼母折挫離家躲避。情尚可憫。與無故擅自脫逃者有間。但伊雖因繼母逼迫所致。朕亦斷不肯因其子而治其母之罪。著交該旗將台費音家產除留台費音當差費用外。其餘分作四分。將瑞昌之弟兄三人。分析另居。勿許母子等相見。瑞昌著革去候補繕本筆帖式。發往熱河。不作罪人。令其披甲當差。若果能奮勉向上。再行挑充別項差使。○諭軍機大臣曰。長麟奏訪擎收藏小錢之黃甲一犯。訊係此項小錢。從湖北開張緞店之屈恒太。鍾嘉茂處得來。查驗背面清字。多係寶黔寶雲寶源字樣。現在咨明湖廣雲貴各省。確查嚴辦等語。所辦好。小錢攪雜流行。於錢法大有關礙。節經降旨。通諭各督

撫一體認真嚴禁。乃黃甲屈恒太等並不遵例繳銷。膽敢輾轉藏寄。若各省奸商從而效尤。則官為收買查禁之例。仍屬有名無實。不可不嚴究。以絕根株。其小錢背面所鑄寶黔寶雲字樣。自係雲貴二省私鑄。由湖廣流行到蘇。該二省向來有私鑄小錢之弊。雖經上年嚴定章程。通行禁止。而地方官奉行不力。積弊未能一時肅清。著譚尚忠。額勒春嚴飭所屬。上緊查拏。勒限呈繳。如再視為具文。該處奸商。仍將小錢私行販賣。一經查出。係寶黔寶雲字樣。惟該省督撫是問。至寶源係工部錢局字樣。官鑄斷無此等小錢。想係奸商等見通行錢文內有寶源字樣。私銷做鑄。并著湖廣督撫逐一根查。此樣小錢。究竟何處私鑄。嚴辦示儆。又據孫士毅等另片稱。擎獲盜匪丁士隴等五起。係在浙江寧波秀水等處行劫。並獲戔刀匪犯虎牙等五名。現在嚴切究審等語。盜匪棍徒。為害行旅。擾累市集。

最為地方之患。孫士毅等能密飭各屬拏獲多名。足見實心任事。務須將現獲各盜犯嚴行訊究。夥盜姓名一併嚴拏。速行審辦。不可稽延。其曳刀匪犯虎牙等。妄立譚號。結黨成羣。亦當速為根究。有無夥黨。按名訪獲。從重懲治。以安良善而靖地方。將此各傳諭知之。

○調熊岳副都統烏什哈達為鑲紅旗蒙古副都統。荊州副都統隆興為熊岳副都統。以成都協領成德為荊州副都統。○辛丑諭曰：馮光熊奏于蘭珍、李年略湯有德、方成章、何天衢、歐陽易氏、邱陳氏等。或年臻耄耋。或壽行期頤。俱五世同堂。請予旌賚等語。該壽民壽婦等所有應行建坊旌賚之處。交部照例辦理。○兩江總督孫士毅奏籌議護送京銅章程。銅船自湖北蘄州地方即與江西九江府屬德化縣交界。經安徽之池州、太平、江蘇之江寧、揚州、淮安、徐州方始出境。道里迢遙。江面居其大半。若僅派遣道府一員押送。耳目

難周。且恐非本屬呼應不靈。臣悉心籌議。除江寧巡道本有經理換船之責。江寧府即令該道專查督運。其餘青成該管知府各於所轄地方接替押送。所有楚點粵等省辦運京鉛點錫及各省採買銅鉛過境亦一體辦理。其運自浙閩等省銅鉛及各省在蘇採買洋銅應由鎮江常州蘇州者亦責成該府知府押送。均嚴察妥護。不令任意逗留。如有偷賣沉溺等事。嚴叅罰賠。示儆得旨。好。實力為之。

○陝甘總督勒保疏報烏魯木齊頭屯安插民戶墾田一頃八十畝有奇。○癸卯上還宮。○諭各省彙奏事件內盜案竊案已未緝獲及命盜已未審結。拏獲尋常案犯等款。向由各該督撫將緝獲審辦各數造冊送部查覈。並令該部按照功過等差。定立處分。以示懲勸。但近年殊未見各部查奏。此因奉行日久。承緝承審人員意存疎懈。內而各部外而督撫。皆視為海捕具文。以致塵案久懸。要

犯逃匿。殊非覈實辦公之道。所有查拏人犯審辦案件等款。應如何再行酌定處分之處。著軍機大臣會同該部查照向例酌量覈加定議具奏。並定以各部不行以時奏聞科道如何查叅之例。○諭軍機大臣曰。梁肯堂奏復將劉松嚴加刑鞫。據供歌單實是高三傳給。而高三又係得自神焦廟道士廣息。我與高三廣息並無仇隙。何肯憑空誣扳等語。昨據穆和蘭奏將高三拏獲到案。該犯年逾六十。雙目俱瞽。搜查家內並無不法字跡。堅供與劉松素不相識。今梁肯堂訊據劉松所供之高三約四十五六歲。面麻微鬚。並非瞽目。與現在豫省所拏之高三年貌既屬不符。況劉松所供高三住址家口年貌確鑿可據。是此項歌單竟係高三傳給劉松。而高三亦實有其人。明係豫省地方官恐干失察。邪教處分意欲化有為無。或另拏一名姓相同之人。輒以訊不知情。希圖將就了事。均未可定。穆

和蘭甫經委任。不應出此。已據梁肯堂將高三的確住址咨明豫省。著再傳諭穆和蘭務須密委幹員。按照直隸所開高三住居地方跟蹤緝獲。毋得一任屬員朦混。僅將現獲之高三搪塞定案。致干咎戾。至晉省神焦廟道士廣息。前據書麟覆奏實無其人。亦不可信。並著書麟照梁肯堂咨文所開廣息年貌一體再行嚴緝。務獲歸案審辦。毋任遠颺漏網。將此傳諭穆和蘭書麟。並諭梁肯堂知之。○甲辰諭曰。戶部議駁四川調撥協勒巴勒布綠營官兵借支行裝銀兩。未便照換防臺藏官兵之例。遞請減扣一摺。係屬照例議駁。但念該官兵等遠涉衛藏。往返二萬餘里。雖未經打仗。即日凱旋。而長途不無勞苦。所有此項官兵借支銀兩。著加恩照所請免其十分之六。餘著分季扣還。以示格外體恤。○諭軍機大臣等。據伍拉納奏拏獲崖州洋面拒捕傷官案內盜犯鄧全吳佑同。續獲各犯內已

解到省之梁麟等七犯一併解粵審辦其未經解省之鄭竹等八犯即在泉州就近起解送粵等語浙省粵東洋盜多係籍隸福建即經該督具奏前後拏獲温州案內盜犯二十八名崖州案內盜犯十七名伍拉納督率有方地方文武各員上緊緝捕拏獲多犯尚屬認真惟各案首犯及夥盜數之福康安福崧所奏尚多逃匿正應趁此跟蹤購線悉數擒拏其崖州温州兩案之外各處洋盜並著飭屬嚴緝以靖海疆而戢盜風該督竟當遵照節次諭旨在閩督拏最關緊要毋庸前赴温州如已起程抵浙將緝捕事宜與福崧等商定即著速回閩省所有解赴粵省各犯著福康安嚴加審訊令將首夥各犯姓名蹤跡據實供出審明後即行正法仍一面將供出各犯嚴密查拏毋使一名漏網將此傳諭伍拉納並諭福康安知之○又諭據特成額等奏稱土爾扈特親王車凌烏巴什等遣員將由

俄羅斯回來之喇嘛薩邁林並俄羅斯所給書信一併呈送前來訊據供稱俄羅斯等去年聚兵本年秋間前來等語並將防守辦理情形具奏特成額等所慮太過土爾扈特乃係蒙古慕化來歸已經二十餘年指給游牧受朕深恩實已淪肌浹髓將感激之不暇豈復有欲回本地之心俄羅斯等如欲來攻取土爾扈特亦斷無豫先送信之理此事竟屬荒唐車凌烏巴什等俱係幼穉聞此疑懼將人一併送到特成額理宜鎮靜處之乃反欲派領隊大臣前往坐卡立即令協領瑚圖靈阿馳往撫慰如此張皇適以生其疑懼何益之有況俄羅斯若實有此書亦不過因土爾扈特受朕之恩游牧豐厚特設一離間之計特成額即妄行疑懼紛紛備辦使俄羅斯聞之豈不為其所笑特成額著傳旨申飭現今保寧速回該處妥辦并著將喇嘛薩邁林及所齎俄羅斯書信一併解送來京特成額奉

到此旨。先行曉諭車凌烏巴什等爾等將由俄羅斯回來之喇嘛薩邁林并書信毫不隱匿一併呈送。業經大皇帝御覽。甚屬嘉獎。賞爾錦緞一匹。龍緞一匹。大荷包一對。小荷包四對。今薩邁林所稱俄羅斯等本年秋間前來之語。甚屬荒唐。俄羅斯之多木哈拉地方。距爾等游牧甚遠。其間尚有哈薩克游牧間隔。斷不能來。現伊犁將軍由京經過烏里雅蘇台科布多地方。赴爾等游牧。一應事件。俟伊來時。自與爾等主張。此時俄羅斯如果前來。爾等一面盡力拒戰。一面報知伊犁烏魯木齊科布多將軍大臣等。立派大兵。必將俄羅斯盡行剿滅。爾等勿庸疑懼也。將此旨由六百里加緊發往。○以左都御史劉墉禮部尚書紀昀對調。○乙巳諭前據尹壯圖具奏各省倉庫多有虧缺。及詢以是何省分虧空若干。又不能一一指實。惟自請前往盤驗。冀實其言。朕思天下各省倉庫甚多。那移虧缺

之弊。或不能保其必無。從前朕亦微有所聞。但恐偏聽生弊。人言未可盡信。故五十餘年以來。推誠待下。不肯察察為明。未嘗特派大臣清查倉庫。致使查弊之人反得藉端滋弊。今既據尹壯圖奏稱各省虧缺大勢皆然。既有人奏明。則不可置之不問矣。因令侍郎慶成帶同尹壯圖前往山西直隸山東江蘇聽其盤查。以驗傳聞虛實。如果數目稍有虧短。一經據實奏。朕必將督撫藩司及該府州縣從重治罪。且根問致虧之由。嚴究辦理。迺尹壯圖所至各省。查明藩庫及各府州縣庫貯均屬充盈。并有康熙年間銀兩久存在庫者。各處倉廩米穀。逐一盤量。亦皆不虧升合。若謂各省本有虧缺。一聞欽差起程。信息臨時設法彌補。無從查出。殊不知州縣庫貯無多。或可通融掩飾。至於藩庫銀兩。每省不下數十百萬。即欲彌縫。一時豈能猝辦。是尹壯圖所奏虧空之語。不過輕信浮言。撫拾入告。

竟屬全無影響矣。茲已遍加查驗。目擊情形。其誣捏妄奏之罪。自難解免。可見外間傳聞之說。舉不足信。再謨所謂無稽之言。勿聽者。此也。至山西直隸山東江蘇四省藩庫。既查無虧缺。該藩司等屏擋得法。實能慎重錢糧。所有該四省現任布政使。均著加恩。交部議敘。○又諭曰。伊齡阿名下應交未完各項內。其分賠代賠者。均著加恩寬免。其罰賠硝磺價銀二萬五千七百餘兩。著寬免一半。其餘一半。以伊房地入官抵補外。餘著一併豁免。○是日起。上以祭社稷壇。齋戒三日。○是月。湖南巡撫馮光熊奏。湖南五十五年大計。因前撫臣浦霖調任卸事。未及覈辦。經護撫臣王懿德奏明展限。臣甫經到任。屬員多未識面。賢否無從悉知。請將湖南大計。展至本年六月舉行。下部知之。○四川總督鄂輝奏。川省五方雜處。錢法弊

混前督臣孫士毅奏明。借動司款收買保寧署任。又復嚴查催收。近日場市通行。均係局鑄大錢。其從前行使之錢。民知干禁收買。不日可盡。現飭局員將廢錢速行改鑄。陸續歸補司款。仍嚴拏私鑄。以絕根株。批。此中弊甚多。應留心勿怠。又奏。川鹽各分口岸。按引配供。惟川東與湖北毗連。該省鶴峯等八州縣。又例食川鹽。恐有影射夾帶之弊。分飭巫山等處嚴查透漏。毋致有礙淮綱。其餘未盡事宜。惟有竭盡愚忱。不敢冒昧。更張不敢因循。遷就。批。二語得之矣。諸凡勉為之。

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十一

實錄卷之一千三百七十一

一

清 實 錄 乾隆五十六年二月上

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十二

監修總裁官經筵講官太子太傅文淵閣大學士文淵閣領閣事領侍衛內大臣內閣學士

吏部尚書禮部尚書兵部尚書工部尚書刑部尚書戶部尚書各部尚書總督

總督經筵講官太子太傅文華殿大學士文淵閣領閣事經筵講官太子太傅文華殿大學士

世襲騎都尉軍功加十九級隨帶加二級又加二級臣等謹將內大臣戶部尚書總督經筵講官太子太傅文華殿大學士

等官紀錄十四次臣等謹將經筵講官太子太傅文華殿大學士等官紀錄等奉

敕修

乾隆五十六年辛亥二月丙午朔

實錄卷之一千三百七十二

一

上命

皇十五子嘉親王顯琫上祭

關帝廟○諭曰穆和蘭奏拏獲脫逃遣犯高

虎山審係盜犯免死減等發往黑龍江為奴

在配脫逃行至濟縣地方被獲審明後即恭

請王命將高虎山正法等語高虎山係發往

黑龍江為奴之犯逃回河南原籍非經由直

隸地方即係由山東行走沿途州縣甚多難

以概行查叅若該省臬司督飭各屬於此等

遣犯潛逃過境。嚴行偵緝。亦不致於疎縱。著該部查明該犯原供。係由何省逃回。即將所過省分按察使交部議處。嗣後拏獲逃遣人犯。審訊係由何省行走。即將沿途所過省分按察使一併議處。庶各省按察知有處分留心緝拏要犯。○丁未祭

先師孔子。遣成親王永理行禮。○諭據永保奏稱。和碩特盟長扎薩克多羅土謝圖貝勒德勒克烏巴什病故。所遺貝勒之爵。應令何

軍機處

三

人承襲。盟長員缺。應請簡放等語。德勒克烏巴什所遺貝勒之爵。著伊從弟騰特克承襲。和碩特盟長員缺。著鄂齊爾補授。所遺副盟長員缺。即著騰特克補授。○諭軍機大臣等。前據孫士毅等奏。江省各標營戰哨船隻。請改歸巡道一摺。批交部議。茲據吏部議覆。以江寧等廠船政。向係各該道管理。乾隆三年。經原任總督慶復請歸於各府同知通判。就近兼理。迄今五十餘年。如果有礙難辦理之

處。何以遲至今日。始覺佐貳管理未便。應請勅下該督撫。再行確實查明。從前有無貽誤之處。並必須更改緣由。詳細聲覆到日。再行覈議等語。各標營戰哨船隻。最關緊要。孫士毅等奏請交巡道管理。自係因佐貳官職較卑。分管各廠。無所統轄。不若交巡道大員督辦。以專責成。而昭慎重。但自乾隆三年。由道員改歸丞倅之後。已閱五十餘年之久。即云江省同知通判等。差務殷繁。往來調派。亦不始於近日。如果礙難辦理。何以歷任督撫。並不隨時酌改。因循至今。或係孫士毅長蘄到任後。查出丞倅等管理船政。有貽誤草率情弊。是以奏請改歸巡道。而摺內又未詳細聲敘。該部自難遽行覈准。著傳諭孫士毅等。即照吏部所奏。將乾隆三年以後。專管之丞倅等。如何經理不善。必須酌改之處。據實詳悉覆奏。再行降旨准行。至此事已閱多年。歷任督撫不下數十人。從前即有因循貽誤。朕亦

不肯概行追究該督等更無所用其迴護也

○戊申祭

大社

大稷

上親詣行禮○諭曰翰林院詹事府應考人員

著於二月初九日在圓明園正大光明殿考

試○又諭據正黃旗漢軍都統奏稱監生楊

朝鶚於五十三年二月內告假前赴伊叔試

用知州楊浚任所迄今逾限屢催未回將楊

平定金士志二

朝鶚並伊叔楊浚一併奏等語楊朝鶚身

係旗人告假前赴伊叔任所理宜依限回京

楊朝鶚迄今三年並未回京任意逗留推諉

明係留戀外任規避旗下差役殊屬可惡若

不從重辦理何以整飭惡習楊朝鶚即著革

去監生出旗為民伊叔楊浚並未催令楊朝

鶚回京亦屬非是楊浚亦著革職以示懲儆

○已酉諭前因尹壯圖奏督撫藉詞賠項勒

派屬員倉庫遂致虧缺商民感額興歎節次

降旨詢問令其據實指出並著慶成帶同前

赴直隸山西山東江蘇等省盤查尹壯圖目

擊各省庫項豐盈倉儲充足並無絲毫短缺

而往來數千里內復見商賈士民安居樂業

共享昇平實無地方官滋擾之事伊又全改

其言自認為愚謬妄談其於何處督撫貪黷

何處商民嗟怨總不能指實一事一人輒以

感額興歎之言誣及百姓其罪不能再為寬

宥因降旨將尹壯圖革職押帶來京治罪並

平定金士志二

將伊熱中干進戀職忘親及種種虛捏妄謬

之處明白通諭矣茲據慶成押帶尹壯圖到

京命大學士九卿會同審訊尹壯圖俯首認

罪將希榮卑鄙飾詞誑奏各實情逐一供吐

大學士九卿照挾詐欺公妄生異議律問擬

斬決在諸臣以尹壯圖如此乖謬不敬忠孝

兩虧實堪共憤自應按律問擬即不立寘典

刑亦當發遣伊犁以示懲儆但朕於臣工功

罪是非必期覈實若伊前摺內祇以各省多

有虧空。奏請盤查。倘所查倉庫果有一二處虧短。必將督撫藩司及該府州縣等重治其罪。根問虧短之由。嚴加究辦。尚將尹壯圖予以獎擢。是以未往盤查之先。大學士九卿等奏請將伊革職治罪。其時朕猶曲加寬宥。未嘗交部也。今即盤查無缺。所言盡屬虛誣。而伊前摺內若無此商民感額興歎之言。亦欲矜全格外。乃尹壯圖造作無稽。使小民等受我朝百數十年深仁厚澤。尊親愛戴之忱。盡行泯沒。竟將熙皞之民。誣為朝不謀夕之狀。則莠言惑衆。其罪實無可解免。雖摺內所指係下吏怨及督撫。小民怨及牧令。而文理不通。未能分晰。直似居今之世。民不聊生。朕實不受此言。即萬民孰無良心。亦不受此言也。此而不加之譴斥。仍令復任原官。不特無以安天下百姓之心。而朕亦轉類矯情矣。昔唐太宗之於魏徵。徒以金帛賜賚。沾納諫之名。原非虛衷聽受。試思唐太宗果從諫如流。魏

徵果直言無隱。則太宗闕德之事多矣。即納巢刺王妃時。何不聞魏徵讜言諫阻。耶當時君臣之間。相率為偽。不能相與以誠。而竟能博千載美名。實素所不取。朕辦理庶務。一秉大公至正。從不肯飾虛文干譽。而於臣工獲罪重輕處置。悉歸平允。尹壯圖擬拾虛詞。妄行瀆奏。律以挾詐異議之罪。原難寬予從寬。而造作無稽。汙蔑良民。其咎更無可逭。然朕孜孜求治。兢惕為懷。從前彭元瑞呈進古稀

頌。贊揚鴻業。朕因作古稀說。有以頌為規之語。今尹壯圖逞臆妄言。亦不妨以謗為規。不值遽加之重罪也。尹壯圖著加恩免其治罪。以內閣侍讀用。仍帶革職留任。八年無過。方准開復。並著將朕前後辦理此事原委權衡。至當之處。再行通諭知之。○庚戌。以舉行仲春經筵。遣官告祭。
奉先殿
傳心殿 命皇子皇孫從至經筵聽講。

上御文華殿講官暨侍班之大學士九卿詹事等行二跪六叩禮分班入殿內序立直講官四人出就講案行一跪三叩禮復位直講官慶桂沈初進講論語回也聞一以知十賜也聞一以知二二句講畢

上宣御論曰朱子注此以為一與十數之始終一與二數之相對回與賜之高下以是而定夫既云數矣則自一而數至十回將何以歷而知至十哉即二為一之對則所謂始終正

中庸卷下

相對之二也且善惡高下是非賓主之類其相對者不可屈指數是賜亦可稱盡知且與回同矣予以為十者上下八方也其數既合其理亦備是同之知舉一而無不知也夫子示曾子吾道一以貫之正謂此也謂回為即始而見終則尚有見者存焉蓋一以貫之無所為知而無不知正可為聞一知十之證賜之聞一知二則實自用其知推測存焉此夫子之所以與其弗如同也若以朱注視之則

其所知亦不過賜之流而已其去一貫之道遠矣未必似曾子之能聞諸夫子也講官暨侍班官跪聆畢興直講官鐵保金士松進講書經大禹謨允執厥中一句講畢

上宣御論曰允執厥中乃二帝三王所傳之心法心法即治法也心蘊內而治施外舍執中無二道也蔡沈註以為堯之告舜但曰允執厥中蓋取論語之言今堯典內無是語也然舜之詳言人心道心之公私必當精以察一

中庸卷下

以守亦不見堯典也舜之語非堯所授乎精察一守即所謂執中也其下四海困窮天祿永終後漢苞氏注以為窮極四海天祿所以長終蓋以為吉言矣而宋朱子注則以為四海之人困窮則君祿亦永絕似以為凶語而予則以為朱子所注得理且非凶語也易曰其亡其亡繫于苞桑為人君者誠念四海民之困窮法文王之視民如傷則必思所以濟民之困窮雖不能博施濟眾而民之困窮者

究不無少救亦可保其君祿之善終即洪範九五福之考終命豈不善乎若為君者不思四海之困窮而自恣其樂思欲保天祿之永終得乎因經筵畧釋經義故簡而言之以戒萬世之為君者講官暨侍班官跪聆畢大學士公阿桂大學士嵇璜奏曰

皇上本天德以行王道一以貫之故於聖學聖治精切詳明畧無纖翳之隔也臣等幸侍講筵恭承

聖訓曷勝誠服奏畢諸臣出就拜位行二跪六叩禮禮成

上御文淵閣賜茶還宮復賜宴於文華殿東廡之本仁殿諭軍機大臣等據奎舒奏稱訪得去歲搶奪赴藏喇嘛凱木楚克等什物之德爾格部落賊番等姓名咨行四川總督查辦又搶奪尼雅木錯部落牲畜郭羅克等併咨行查拏等語去歲奎舒將搶奪凱木楚克等什物賊犯奏請查拏時朕即降旨交保寧

迅速嚴緝保寧接旨後雖經覆奏派員訪查而鄂輝自接任以來有無拏獲之處尚未奏到今奎舒已將賊匪姓名訪獲尤易緝拏總兵張芝元深知番人性情著即派張芝元將此等賊犯指名要出從重辦理再郭羅克等膽敢夥結數百人搶劫尼雅木錯部落牛羊傷人致斃甚屬可惡若不嚴辦不足示儆著鄂輝嚴密查拏從重辦理示眾再蒙古番子俱賴牛羊生理乃自己並不加意防守被劫後又不力為趕拏但憑報官辦理伊得坐獲牲畜亦屬不合奎舒請將此項牛羊追出時一半給與事主一半入官示罰所奏亦是著傳諭鄂輝於追出後遵照辦理又諭據永保奏稱接到特成額所解喇嘛薩邁林並俄羅斯書信即意料土爾扈特斷不能回俄羅斯地方俄羅斯亦斷不能前來攻取所見甚是與朕諭旨脗合殊堪嘉獎著賞大荷包一對小荷包四個玉搬指一個以示獎勵今聞

土爾扈特原游牧處所俱被水衝即使復回更令在何處游牧如謂默們圖素多詭詐原係被衆逼迫而來今送信令其復回現默們圖游牧在伊犁品河距俄羅斯更遠豈能徑回若俄羅斯果欲前來必渡額爾齊斯河始能至和博克薩哩等處彼若造船渡河我亦斷無不知之理則俄羅斯決不能來明矣或竟係薩邁林逃出妄造此言惑衆今永保交特成額即將薩邁林解京甚屬妥協著通行

聖旨

五十二

傳諭經過之烏魯木齊巴里坤哈密駐劄大臣陝西甘肅山西直隸督撫等於到境時務派妥幹員弁迅解來京並著傳諭永保酌量保寧到塔爾巴哈台時即由伊犁起程迎赴該處見保寧商議一切事務保寧再赴伊犁永保即駐劄塔爾巴哈台特成額仍回烏魯木齊領隊大臣之任俟本年秋冬無事時永保再行來京陛見○辛亥

上幸圓明園○諭嗣後阿哥等凡奏事摺內自

朕孫輩阿哥以上照舊繕寫曾元來昆初雲諸孫輩阿哥以下照新定清語繕寫著交阿哥書房登記遵行○軍機大臣議奏遵旨覈定彙奏事件處分查新舊盜案已未緝獲地方官分限開叅例有專條惟該督撫及提督臬司等有統轄兼轄之責向例通計獲不及十之二三者罰俸六個月處分過輕請改為罰俸一年又竊案已未獲記功記過各案該督撫及提督臬司等向例獲不及十之二三

聖旨

五十三

者罰俸三月亦請改為罰俸半年至逃遣人犯失於查緝地方查明由何省逃回即將該省按察使交部議處庶知飭屬嚴拏其命盜已未審結應令依限趕辦如有遲逾即隨案聲明議處再各該部等辦理如有遺漏舛錯不以時奏聞者該科道等查叅交議從之○山東巡撫惠齡奏籌議護送京銅章程東省銅船過境自嶧縣至德州一千餘里河道綿長必資大員彈壓查嶧縣至濟寧俱究沂曹

濟道管轄濟寧至德州係濟東泰武臨道管轄請責成該二道於各所屬境接替押送設法嚴催如該道等遇事公出嶧縣至濟寧即派運河道濟寧至德州即派督糧道務令迅速進行如實遇風暴沉溺銅觔未能全獲亦祇令該運員酌留家丁同地方官打撈俟全獲補解庶免誤運得旨實力為之○壬子諭曰奎林等奏風聞彰化縣南投地方有匪徒結會之事臺灣府知府楊廷理已派妥人前往訪查隨即密飭該營縣一體查拏陸續拏獲張標等三十六名訊明張標籍隸漳州與泉人不睦思欲結會防備泉人與謝志等糾人復興天地會相約有難大家幫助應請將張標等二十八犯照謀叛例擬斬已經正法林三元等八犯從重發黑龍江為奴逸犯謝志等十三犯現飭嚴拏等語天地會名目係逆匪林爽文糾約拜盟聚眾滋事自勦平逆匪後嚴行查禁甫及數年張標謝志膽敢潛

謀糾結以復興天地會為名鑽刀設誓暗立記號不法已極閩省民俗最為剽悍而臺灣遠隔海洋結會械鬪之風尤甚今張標等復興逆匪會名實堪痛恨若不嚴加懲辦何以安良善而靖地方所有此案聽從糾邀未經結會之林三元等八犯亦未便僅擬發遣致滋輕縱著該部從重定以絞候其另摺所奏盜犯翁希棠內知情買贓之陳隆盛一犯又縣吏蕭秀私雕假印一案均著該部從重定擬具奏嗣後並交刑部存記遇有臺灣地方結會拜盟等案似此情節重大者均著加等治罪至奎林萬鍾傑訪拏要犯實屬可嘉著交部議敘楊廷理於此等案件豫行派人密查復馳赴該處督同營縣嚴拏緝獲多犯亦屬認真出力著加恩賞給道銜用示獎勵所有逸犯謝志等十三名尚未就獲謝志與張標商同結會起意興復天地會名目尤為可惡斷不可任其漏網著奎林等督同楊廷理

將各犯嚴密查拏務獲從重辦理以示懲儆
○諭軍機大臣曰孫士毅奏淮北私鹽現飭
令迷德設法偵緝密速擒拏茲據稟稱拏獲
私鹽大小船十三隻私販水手三十餘名約
共鹽十餘萬觔現將解到各犯親加訊鞫如
供有應拏要犯再行查拏到案詳細質訊徹
底究辦等語兩淮地方私販出沒官引不能
暢銷於釐政大有關係今拏獲私鹽竟有十
餘萬觔大小鹽船十三隻之多自應確查來
歷有無水陸窩頓之處其同夥私販共有若
干均須逐一切實根究從嚴辦理著傳諭孫
士毅會同朱珪督飭所屬凡淮南淮北各令
其往來躉緝以專責成以淨根株至此案私
鹽雖經人鹽並獲為數甚多其沿途地方文
武各官如查明一到本境即經協同緝獲自
可免其議處若實有留心緝捕認真出力之
員再咨部議敘倘經過所管之境毫無知覺
雖被別處拏獲其經過失察之該管地方官

仍當照例議處以示懲儆並著該督等查明
辦理分別勸懲庶該地方官各顧考成益當
竭力搜擒私鹽自可不致透漏若因此案拏
獲多人該地方官概免議處轉恐啟伊等倖
免之見以致緝私疎懈也將此傳諭孫士毅
並諭朱珪知之○又諭昨譯出俄羅斯書信
內有令土爾扈特等携眷可由齊爾濟斯一
路前來之語默們圖游牧在晶河車凌烏巴
什游牧在和博克薩哩俱在伊犁塔爾巴哈
台卡內游牧保寧既由烏里雅蘇台科布多
赴塔爾巴哈台俟到彼處東北一帶台卡時
驗明今秋此項台卡應否增兵防備著詳細
熟籌奏聞○雲貴總督富綱奏雲南永昌府
屬騰越州保山縣龍陵廳永平縣順寧府屬
順寧縣雲州緬寧通判等因籌辦邊務於乾
隆三十五六七八等年奏准加買常平穀石
自十一萬石至六七千石不等雖照例同原
額常平同時出借但出易無多微變堪虞因

邊儲未敢更張。今緬甸歸化開關通市。此項穀石若照舊長存。並恐易滋弊端。查騰越龍陵保山額徵秋米不敷兵食。歲需動銀一萬數千兩。採買供支莫若。以此穀碾放不敷兵米。較為兩便。再常平為借濟攸關。各該處原貯過少。地近邊防。年來戶口滋繁。亦須酌增存貯。通行覈計。除永平順寧雲州緬寧等共祇加買四萬六千四百石。應照舊留存外。其騰越現存加買穀並升息穀九萬二千九百九十石。撥出三萬石。連原存作為正額。其餘即碾放該州應買騰越鎮不敷兵米。龍陵現存加買及升息穀四萬八千四百二十四石。零撥出一萬六千石。連原存作為正額。其餘碾放該廳應買龍陵協不敷兵米。保山現存加買及升息穀十一萬四千四百五十八石。零撥出三萬石。連原存作為正額。其餘即碾放該縣應買永昌鎮不敷兵米。逐歲動支。可免紅朽採買亦歸節省。得旨如所議行。予

告休喀爾喀扎薩克圖汗兼多羅郡王齊旺巴勒齋子布尼拉忒納襲爵。癸丑上御勤政殿聽政。遣官祭昭忠祠。諭曰。穆和蘭奏稱按察使李濤現在患病勢難就痊。懇請解任調理等語。李濤著准其解任回籍調理。所有河南按察使員缺著吳璥補授。又諭曰。福康安前因木植一案罰總督養廉三年。以示懲儆。今在廣東總督任內緝拿洋盜。整飭地方。諸事認真妥協。殊屬可嘉。所有前罰養廉除已經交納外。餘著加恩寬免。至長麟前在山東巡撫任內於羅有良薛對元二案獲罪較重。前令其署理江蘇巡撫。曾經降旨不准支給廉俸。但念其自署任以來查辦地方事件亦屬奮勉。著加恩每年賞給養廉一半以資辦公。又諭曰。富綱奏銅廠積欠實數酌籌捐補一摺。內稱乾隆四十九年清查以後截至五十四年年底止辦獲銅七千餘萬觔。共長支工本銀五十二萬七千七

百餘兩俱係實欠在民並無官虧影射捏報等弊。此內有著銀十二萬九千三百餘兩在原領該鑪戶名下勒限追完。其無著廠欠銀三十九萬八千四百餘兩請於通省養廉內分年攤捐彌補。再從前兩次清查有著廠欠尚有未完銀十一萬九千二百餘兩實俱無力完繳亦應歸入通省養廉內接續攤扣等語。滇省採辦銅觔不得不豫發工本以資接濟鑪戶等多係無業貧民日積月累逋欠自

所不免。前於乾隆四十四年四十九年查明實在廠欠無著確數曾降恩旨豁免。今據富綱奏四十九年以後至五十四年廠欠無著銀兩委係近年物價增昂用費較多致成積欠並非廠員侵冒自屬實在情形且該省辦運銅觔每年依限掃幫採辦尚屬妥速所有此次廠欠除有著銀十二萬九千三百餘兩仍令勒限追完外其無著銀三十九萬八千四百餘兩著即加恩豁免至從前兩次清查

有著廠欠尚未完銀十一萬九千二百餘兩究係該省催追不力所致所有此項銀兩即著於該督撫藩司及經管廠務之道府養廉內攤扣完補。○又諭曰吏部題請將告病之翰林院侍讀學士彭紹觀准其休致一本現在翰詹各員定期於本月初九日考試向例在京官員遇京察期近即不准其告病今彭紹觀於己屆大考之年始以患病年衰呈請開缺明係藉詞規避著即革職其掌院學士

率行咨部殊屬非是著交部察議該部不即駁回遽行題奏亦著飭行○署江蘇巡撫覺羅長麟奏現在辦理展賑事宜親赴徐州查勘碭山蕭縣睢寧三處所種秋麥均已長發尚有受淤新涸地畝未經翻種即借給籽種俾得趕種春麥其實在貧窮小戶或無牛力者分委佐雜各員勸諭有力鄉鄰通融雇借並令督催趕種其勘不成災之銅山等十七州縣衛上年被水本輕復經緩帶民力已覺

從容惟宿遷邳州二處地土瘠薄間有拮据小戶亦即查照地畝借給籽種務俾春收普獲得旨嘉獎○以吏科給事中和琳為內閣學士兼禮部侍郎署通政使汪承霈為順天府府尹○甲寅遣官祭

先醫之神○考試翰林院詹事府官於正大光明殿○諭曰巡漕給事中和琳已降旨補授內閣學士但伊於漕務河道情形頗能諳悉節年辦理均屬妥協現屆重運北來之時

未便遽易生手和琳著仍留山東巡漕之任

○諭軍機大臣等各省漕船經朕降旨嚴催近來已復冬兌冬開之限惟江西漕船向來開幫遲滯前歲因鳳凰灘水淺至五月始行渡湖出境本年正月內雖據姚茶奏到首幫已於上年十二月二十日開行但江西受兌水次甚近渡湖出境程途不遠首幫於臘月底開行至今未將掃幫出境日期具奏恐在後各幫尚未全離水次又致有從前遲延捏

報情事著傳諭姚茶即將江西幫船何日掃幫出境所報首幫開行日期有無捏飾迅速據實具奏不可任聽押運各員仍前延緩倘經查出恐該撫不能當其咎也○又諭前據恒瑞奏汗山察罕烏蘇以內有俄羅斯所屬烏梁海二百餘戶在彼游牧請逐出等語當即降旨令俟本年青草發時遣佛住三丕勒多爾濟帶兵往逐今既有薩邁林訛言保寧現由烏里雅蘇台科布多前往塔爾巴哈台著傳諭保寧恒瑞伍彌烏遜等公同酌量現在情形應逐與否妥議奏聞○又諭據特成額奏稱將由俄羅斯逃出喇嘛薩邁林取供具奏等語薩邁林所供竟屬荒唐如哈薩克拏獲一二逃出之士爾扈特賣與俄羅斯亦不過無知部屬希圖小利如謂伊欲助俄羅斯取土爾扈特則必無此事又據供因犯舊病信步行走被人拏獲而又稱伊有二馬在俄羅斯更屬支離夫有病之人行走且屬昏

迷豈能另牽一馬。即屬無病。亦僅應乘一馬耳。薩邁林攜帶二馬。明係有意遠逃。俄羅斯如欲出兵。其何處派兵數萬來科布多。何處派兵數萬來塔爾巴哈台。斷不肯先事聲張。洩露俄羅斯果欲前來。豈有舍較近之恰克圖一路不走。轉迂道遠渡額爾齊斯河來塔爾巴哈台之理。昨據譯出俄羅斯字稱薩林烏巴沙之子阿布達汗有煽動之意。或係存留額濟勒地方之土爾扈特等。現欲來歸俄羅斯。設此離間之計。亦未可定。特成額墮其術中。張皇失措。著傳諭保寧速赴塔爾巴哈台。與永保面商一切。併將經過之土爾扈特杜爾伯特等情形。留心察看。奏聞其存留額濟勒之土爾扈特實在情形。亦著詳細查明。留心辦理。此旨。著由六百里加緊發往。並將特成額奏到薩邁林供詞鈔寄閱看。乙卯諭曰。伍拉納奏續獲行劫浙省哨船案內正盜暨在閩洋疊劫各案首夥盜匪。審明正法。

一招浙江粵東洋盜多。係籍隸福建。節經該督具奏。前後拏獲四十五名。今又據拏獲浙省草嶼洋拒傷官兵之林水等十七名。在閩疊劫多次之林前等十四名。審明正法。所辦尚屬認真。但浙省草嶼洋案內。前經陳勝供出之吳機。林首陳賞等。糾夥四十餘人。分坐盜船四隻。搶劫哨船。而粵東崖州洋面。戕官之何起文。蛋家二大辦三亞常等。首夥各盜。俱未經拏獲。此時伍拉納想已接奉令。其不必前赴温州。諭旨。務當督率地方文武各員。趁此跟蹤嚴緝。毋使一名漏網。以靖海疆。而戢盜風。又另片稱。署臬司王慶長在泉州地方。督緝盜犯。前後獲犯甚多。復親赴同安縣屬之井頭鄉。曉諭居民。令其舉首縛送。已據緝獲肆劫有名匪犯四十餘名。等語。王慶長親赴同安訪獲多犯。尚屬留心緝捕。自應加恩鼓勵。但現在並無臬司缺出。而王慶長自道員署理臬篆以來。於緝盜情形較為熟諳。

未便遽離閩省王慶長著賞給按察使銜如果始終奮勉再當加恩實授○又諭曰伍拉納奏黃巖鎮右營守備葉起發帶領兵船在洋緝匪令兵丁方洪選等同黃巖支領口糧載米出洋被盜匪搶去米袋軍械方洪選等懼罪捏報該備據情率轉顯有通同捏混情事請將葉起發革職交福崧嚴審定擬等語浙省營伍廢弛兵丁怯懦從前調派出征不能得力而水師出巡洋面遇盜則畏葸不前失事則飾詞避罪温州兵船被劫甫有捏報遺失軍械之事今黃巖鎮兵丁方洪選等復敢將劫去米石軍器捏飾具稟守備葉起發率行轉報此等緣營欺詐之習竟至互相效尤實堪痛恨葉起發著革職交與福崧提同該兵丁等嚴審確情從重定擬具奏並著伍拉納陳杰將浙省營伍隨地隨時力加振作嚴示創懲如再不知悛改將弁即行參究兵丁即行責革務使水師陸路弁兵咸知軍紀

痛改惟怯捏報積弊以副朕整飭戎行慎重海疆至意○又諭據成德奏松茂道倭什布之第二子保明係胞弟姪女婿誼屬姻親應否迴避請旨遵行等語松茂道為總督所屬將軍不過兼轄並非專管上司倭什布之子係成德胞弟姪女婿雖屬姻親究與例應迴避者不同倭什布著毋庸迴避該部知道○以鑲白旗漢軍印務叅領鄭明倫為鑲黃旗漢軍副都統○命御前行行走固倫額駙散秩大臣豐紳殷德管理御茶膳房造辦處事務以上駟院卿巴寧阿為總管內務府大臣○丙辰
孝康章皇后忌辰遣官祭
孝陵○戊午諭曰詹事府詹事馬啟泰前次陞用正詹係由吏部進本開列應陞照例補授茲該員於本日帶領考試之翰詹等官引見朕看其人甚平常年已衰邁若此次一體與試諒必列置下等馬啟泰著降一級用出缺

以為考中一等者之陞階。又諭此次考試翰詹各官按其文字優劣分為四等一等阮元吳省蘭二等胡長齡劉鳳誥陳嗣龍汪廷珍劉鏞之蔡共武曹城程昌期崔景儀吳樹本邵晉涵十一員三等潘紹經陳崇本余集俞廷掄謝振定劉種之陳萬青朱理游光繹曹振鏞裴謙周厚轅陳萬全祁韻士梁上國王天祿施杓李鈞簡秦承業邱庭澄王錫奎冠賚言祝孝承汪如洋吳廷選羅修源錢開仕顧德慶達椿張鵬展徐鑑汪彥博倪思淳盧蔭溥徐準史致光王觀文寧秦泉李傳熊錢樾蔡善述吳鼎燮戴聯奎陸伯焜錢斌羅國俊馮集梧德生周拭甘立猷錢榮法式善謝墉德昌周維壇朱紱關槐尹英圖李光雲繆晉程嘉謨李驥元楊祖純那彥成恭泰王坦修吳玉綸瑚圖禮汪滋皖翟槐翁樹培邵玉清汪鏞七十四員四等周瓊劉錫五邵瑛吳灼達林朱依昞李鼎元永安八員不入等

集蘭一員侍講吳省蘭著陞授詹事編修阮元著陞授少詹事侍講曹城編修劉鳳誥吳樹本俱著陞授侍讀學士修撰胡長齡侍讀陳嗣龍俱著陞授侍講學士編修汪廷珍檢討劉鏞之俱著陞授侍讀編修曹振鏞雖考列三等但觀其才具尚堪造就且係曹文植之子著加恩陞授侍講編修邵晉涵檢討蔡共武俱著陞授中允編修崔景儀程昌期俱著陞授贊善其考列三等之少詹事恭泰著降補侍讀少詹事羅修源著降補右庶子侍讀學士達椿著降補侍講侍讀學士陳崇本著降補侍讀侍講學士王坦修著降補洗馬侍讀德昌陳萬青侍講文寧中允朱紱贊善劉種之裴謙俱著各降留編修檢討法式善陸伯焜祁韻士俞廷掄汪彥博盧蔭溥王觀秦泉倪思淳俱著以部屬分別錄用徐鑑尹英圖俱著以知縣用至三等六十名以下經硃筆單點之程嘉謨李驥元楊祖純吳玉綸

瑚圖禮俱著罰俸一年七十名以下之汪滋
峴翟槐翁樹培邵玉清汪鏞俱著罰俸二年
考列四等之員詩賦俱屬庸謬但觀其才具
尚可錄用之周瓊劉錫五邵瑛吳灼李鼎元
俱著加恩以內閣中書用達林朱依炆永安
俱著休致不入等之侍講學士集蘭著革職
其留館者各宜自思愧奮勤讀正書敦勵實
行毋負朕激勸教誡至意又諭此次考試
滿洲由別衙門陞用翰詹等官閱其繙譯文
字並無堪列一等者二等達慶寶源二員三
等薩提薩敏觀永慶善岳起五員不入等愛
星阿哈通阿二員其考列三等之洗馬薩提
底子觀永俱著降一級用不入等之贊善愛
星阿中允哈通阿俱著革職○又諭曰伍拉
納奏惠安縣民劉會寧化縣生員楊新隆均
年登耄耄五世同堂請予恩賚等語該壽民
等所有應行賞賚之處該部照例辦理又
諭曰鄂輝奏溫江縣民宋榮高江津縣民姜

良相邑縣民李成璋宜賓縣民張鑑季其鼎
達州民高秉敬湯廷獻李國吉新寧縣民熊
樞榮等皆年登耄耄繞膝曾元請予恩賚等
語該壽民所有應行錫賚之處該部照例辦
理○諭軍機大臣曰穆和蘭奏親赴林縣督
緝要犯高三據河北道陳文緯稟稱該縣南
焦園村有高姓四戶惟高山晃一名面貌與
劉松所供相似隨加究訊據供平日做棒槌
發賣並伊母前患噎症身故各情節均與劉
松所指符合因即搜查該犯家內並無不法
字跡并堅供與劉松廣息向不認識經該撫
親提嚴鞫供亦無異現在派員押解直省以
便質審等語前因梁肯堂奏劉松供指之高
三並非替目其年貌俱與豫省所拏之高三
不同是以諭令另行嚴緝今據穆和蘭續行
查拏之高山晃雖姓名居址年歲微有不符
該犯亦堅供並不與劉松等認識但貌既相
似其平日所做生理及伊母病症又相脗合

或即係劉松所指之高三因一時質對無人堅不吐實以圖狡賴亦未可定著傳諭梁肯堂俟該犯解到時即行提出劉松與之當面質對其是否傳授歌詞自不難得其底裏再本日刑部定擬傳大頭等疊次行劫一案內有夥犯胡克即侯二於上年十一月內由順天府尹轉發直隸灤州充徒旋於十二月內脫逃此等夥犯情節較重自應上緊緝獲解京審辦並著梁肯堂飭屬嚴拏務獲毋任遠颺漏網○又諭據長麟奏前次所獲曳刀匪犯虎牙等五名之外又拏獲苗四等三十七名現在分提各犯嚴加究審等語匪犯虎牙等結黨成羣擾害地方實屬可惡既據該督撫拏獲多名即當嚴加根究從速行辦理以示懲儆况曳刀會名目尤為從來未有之事該犯等敢於肆行創立不可不嚴拏禁止以絕根株著傳諭孫士毅長麟務須迅速審辦並嚴訊該犯等是否尚有夥黨按名

緝獲毋使遠颺漏網○己未諭曰南書房翰林辦理石渠寶笈正在需人著內閣學士王保詹事吳省蘭少詹事阮元在南書房行走一同纂辦○諭軍機大臣曰福康安等奏拏獲形跡可疑之李亞安即李昌利據供與洋盜往來熟識並於赤嶺地方拏獲夥盜梁章有黃亞六王才勝鄭之秀四名又先後拏獲盧亞四何亞四及莫亞九蔡亞保伍維連等犯俱令解省審辦等語崖州案內盜匪經福康安等督率文武各員實力躡緝今先後拏獲多人嚴行審辦該地方官弁等尚屬認真但所獲俱係夥犯其盜首未經就獲且洋面劫盜甚多尚不止此一案不可不竭力搜拏務期全數弋獲以淨根株據匪犯李昌利供稱盜首何起文蛋家二現住安南農耐地方與前奏關應華等所供相合前經諭令福康安等照會阮元平嚴飭境內將竄入安南盜犯幫同搜捕著再傳諭即詳悉知會該國王

以盜首何起文蛋家二等因內地查拏緊急竄往爾國恐案內盜首及夥盜等在爾國所轄地方或掠爾國百姓亦未可知應令爾地方官嚴拏以靖地方該國王如能按名拏送奏聞大皇帝自必優加獎賞即或該犯等在洋面奔竄無定難於跟緝亦當令所屬嚴密搜查驅向內地以便官兵截拏勿使在境內潛匿致令劫掠滋事於爾國商旅亦多未便如此明白宣示該國王感激朕恩自當嚴行飭屬協同搜捕也

御集卷之三十三

又諭據福康安奏安南國王阮光平回至義安遵委陪臣恭齋表函方物於正月上澣自義安起程當移行陳用敷暨駐關員弁俟該陪臣到時即啟關驗進並派委員弁妥行護送進京等語阮光平回至本國即派陪臣來京恭進謝恩表函貢物其恭順感悅之忱甚屬可嘉但該陪臣於正月上澣自義安起程過日已可進關計算程期到京未免太早不值為彼一國使臣辦理

宴齊自應令安南使臣於七月二十日以前抵熱河以便與各外藩一同與宴著傳諭陳用敷於該陪臣等到關後在粵西畧為憩息再行緩程前進並知會沿途地方按程緩行約計七月二十邊至熱河亦不為遲並著該撫諭令該陪臣等以鎮南關距熱河道里遙遠途中已交夏令天氣炎熱自當緩程行走以示體恤將此並諭福康安知之

御集卷之三十三

又諭據永保奏稱接到特成額具奏審訊薩邁林供詞摺稿將意見陳奏保寧亦將奉到諭旨覆奏此案特成額初奏到時朕即將荒唐不可驟信之處明白指出屢次降旨矣薩邁林必係額濟勒地方有其親屬伊本有意逃往因俄羅斯不用隔教之喇嘛又恨土爾扈特所以設此離間之計令其持書遣回俟將薩邁林解到交軍機大臣審訊實情自露至稱哈薩克抗和卓阿布齊之子被俄羅斯察罕汗召往亦無關緊要哈薩克善於圖利界於我

國與俄羅斯之間伊等恭順於我。又懼俄羅斯亦係必然之勢。且今遣其子弟不時入覲。則其在察罕汗處或自往或貿易均未可知。並非輔助俄羅斯以為質也。永保奏請訪詢。並請將拏薩邁林給與俄羅斯之哈薩克查辦。亦似為特成額之言所動。此事竟宜鎮靜處之。至保寧奏稱科布多塔爾巴哈台一帶。台卡增兵防守。所奏雖是。惟當嚴密防範。不可微露張皇。致使土爾扈特等疑懼。著傳諭。

實錄卷一百一

三

保寧永保令其熟商辦理。戶部議覆四川總督鄂輝奏稱川省收買小錢改鑄嗣因呈繳甚多。局錢不敷發給。經前督臣孫士毅奏准酌撥藩庫銀兩墊發。目今局鑄日多。應須易銀歸款。但此項大錢發給省城鋪戶。恐伊等見大錢充斥。勢必擡高銀價。於改鑄成本難免虧折。查上年署督臣保寧奏准於附近水次各州縣加買貯穀五十萬石。每石給銀五錢五分。莫若將此改鑄錢文以九九易銀。

之例發交各州縣為買穀之用。司庫既免動支。即可歸抵墊項。至各官養廉亦請於本年二月起酌半發給錢文。令各州縣領回行用。庶錢價日平。盜鑄不禁自絕。俟改鑄全完。仍照舊例辦理。應如所請。得旨依議。速行。○以廣西故都結土知州農世仰子恩注襲職。○庚申諭軍機大臣等。據奎林等奏。拏獲盜犯。並拒捕案內。從犯審明正法。及審訊械鬪案犯。分別正法定擬各摺。已批交該部矣。臺灣。

實錄卷一百一

三

民風剽悍。糾眾拒捕。目無法紀。械鬪搶劫。視為故常。弊俗相沿。實堪痛恨。奎林等自到臺灣以來。詰奸緝匪。諸事認真。遇有情節較重者。審明後無不立寘典刑。嚴示懲創。節次所辦案件。均屬可嘉。如此力加整頓。該處玩法積習。或可漸次挽回。一二十年以後。民氣漸馴。各知警懼。不但壯年強悍之人。可消其桀驁之氣。即幼穉者耳濡目染。長成後亦皆知畏法愛身。勉為良善。是在奎林等留心整飭。

母致久而生懈自可收默化潛移之效也將此傳諭知之

實錄卷一百一十二

庚

大清高宗法天隆運至誠先覺體元立極數文奮武孝慈神聖純皇帝實錄卷之一千三百七十二

大清高宗法天隆運至誠先覺體元立極數文奮武孝慈神聖純皇帝實錄卷之一千三百七十三

監修總裁官陸建勳太子太傅文淵閣大學士文淵閣學士領侍衛內大臣稽察欽奉 上諭事務處管理吏部理藩院事務正黃旗滿洲都統普爾布特副都統加七級隨帶加一級尋常加二級軍功紀錄一次 慶桂總管欽遵講官太子太傅文華殿大學士文淵閣學士稽察欽奉 上諭事務處管理刑部戶部三庫事務世襲騎都尉軍功加十九級隨帶加二級又加二級黃誥內大臣戶部尚書鑲藍滿洲都統軍功紀錄五次尋常紀錄十四次 內閣編修滿洲太子少保工部尚書紀錄六次 臣等謹將奉

敕修

乾隆五十六年辛亥二月辛酉春分朔

日於東郊遣肅親王永錫行禮○直隸總督梁肯堂奏據永定河道詳報勘明坐落永清柳園隙地五十五頃三畝有奇被水四分例不成災應徵租銀請照例緩至本年麥後徵收又坐落武清縣范甕口葦地三十八頃九十四畝有奇成災八分照例蠲免十分之四其餘應徵租銀請分年帶徵以紓民力報聞○陝甘總督勒保疏報烏魯木齊濟木薩縣丞安插民戶墾田八頃四十畝○旌表守正被

我湖北穀城縣民劉永照妻劉氏○壬戌舉
行乾隆五十五年大計直隸省不謹官三員
罷軟官一員年老官十員有疾官五員才力
不及官一員奉天省年老官一員才力不及
官一員江西省不謹官三員罷軟官一員年
老官九員有疾官三員才力不及官一員浮
躁官一員河南省不謹官一員罷軟官三員
年老官九員有疾官二員才力不及官二員
甘肅省罷軟官一員年老官五員有疾官一
員才力不及官三員湖北省不謹官一員罷
軟官一員年老官七員有疾官四員四川省
罷軟官二員年老官九員有疾官二員才力
不及官二員浮躁官一員廣東省不謹官二
員罷軟官二員年老官一員有疾官二員才
力不及官一員浮躁官二員雲南省年老官
八員才力不及官一員貴州省年老官二員
有疾官一員才力不及官一員浮躁官一員
江南河員罷軟官一員才力不及官一員河

東河員罷軟官一員年老官一員分別處分
如例○癸亥諭曰伍拉納奏海祿現在患病
難以速痊請回旗調理等語海祿著解任回
旗調理所遺福建陸路提督員缺著哈當何
調補奎林即著陞授福建水師提督閩省水
師事務臺灣尤為緊要奎林自任臺灣總兵
以來於地方營伍詰奸緝匪諸事皆能實心
整頓該處玩法行兇積習正可漸次挽回且
內地水師總兵設有三員而臺灣止係一缺
責任更重此時未便遽易生手奎林仍著兼
管臺灣總兵事務每年或赴廈門一二次查
閱內地營伍並著奎林自行酌量往來兩處
總須在臺灣駐劄之日多廈門駐劄之日少
方足以資整飭至奎林駐劄臺灣時所有水
師提督事務著常泰兼署其駐劄廈門時臺
灣總兵印務即著伍拉納奎林於水師總兵
內擇其熟諳海洋精明強幹者酌委一員奏
請暫署○諭軍機大臣等據全德彙奏上年

銷鹽總數一摺內稱江西缺銷官鹽雖祇七千八百二十五引究於定額有虧將來又恐致新舊遞壓據護鹽道恒寧稟稱竟有數日不銷一引官鹽者該護道親往隘口堵截聞私始日漸銷官引其平日地方官並不認真禁緝可知現咨江西撫臣再行嚴飭所屬實力緝私等語江西省與浙江閩粵毗連隣省私販鹽觔潛往售賣官引每不能暢銷前經降旨嚴飭並令恒寧護理道篆暫留一年覈其銷數多寡以定功過乃恒寧於所屬地方緝私怠玩不能認真督飭缺銷官鹽七千八百餘引新舊遞壓仍恐不能年清年款著傳諭姚某就近督催恒寧並通飭各該地方官緝拏私販務使官引暢銷補足缺額數目本年三月屆滿時即行牽算銷數具奏將來此事即交與姚某嚴查妥辦俟再滿一年時將該省通年銷數牽算多寡如較額引稍有短少即著據實嚴辦不得稍存徇隱並著全德

隨時查察覈實具奏倘該鹽道仍有短缺捏報情弊則惟該撫是問以專責成不得置身局外也將此各諭令知之○又諭據伍拉納奏署臬司王慶長在泉州督緝續獲洋盜王笑陳寶等四十四名分別斬梟充發一摺已批交該部知道矣又據片內奏稱王慶長駐劄泉州督同文武等獲浙粵及本省各案首夥盜犯一百數十名節次分別辦理等語此次緝拏洋盜王慶長前赴泉州率同文武各員實力搜拏節經等獲多犯辦理頗屬認真前據該督奏王慶長親赴同安訪獲盜犯業經降旨加恩將王慶長賞給按察使職銜以示獎勵但獲犯既多自非王慶長一人所能緝捕所有幫同出力文武各官亦應一體加以鼓勵著傳諭伍拉納即詢明王慶長將隨同該署司緝捕之文武員弁最為出力奮勉者開送職名由該督咨部議敘至此案盜犯多係籍隸閩省尚未全獲並著該督轉飭王慶

長督率文武。赴此認真。緝務期搜捕淨盡。以靖洋面。而戢盜風。毋致稍有疎懈。○又諭前因汗山察罕烏蘇地方有俄羅斯屬之烏梁海偷越游牧。曾令保寧恒瑞伍彌烏遜等酌量情形。會商妥辦。今思此等烏梁海來汗山等處游牧。已歷多年。並未滋事。現既有喇嘛薩邁林訛言。莫若且置此事於不論。著傳諭保寧恒瑞伍彌烏遜本年且毋庸逐遣。俟此事已過。明春再行酌辦。○又諭據特成額奏稱車凌烏把什聞薩邁林之言。即行呈請將伊游牧移於巴里坤等處。隨派領隊大臣花尚阿前往安撫等語。所辦甚屬錯謬。車凌烏巴什初聞薩邁林之言。即將俄羅斯所給之書一併解送。並無游牧之心。本係因特成額謬遣協領瑚圖靈阿前往安撫。車凌烏巴什反恐特成額生疑。故有此請。若特成額初時鎮靜處之。車凌烏巴什斷不至如此嘗試也。特成額糊塗不堪。著嚴行申飭。俟永保到

塔爾巴哈台。令伊即回烏魯木齊領隊大臣之任。并傳諭保寧令其見車凌烏巴什時。即安撫曉諭曰。此事業經奏聞。大皇帝奉有大皇帝諭旨。薩邁林所告俄羅斯來索爾等之語。甚屬荒唐。斷不可信。且爾等與哈薩克同為天朝部屬。哈薩克等斷無敢於負恩反助俄羅斯搶擄爾等之理。爾等只宜安處勿懼。不必遷移。若俄羅斯果來。大皇帝必派大兵保護爾等游牧。如此曉諭後。即將車凌烏巴什情形如何之處。迅速奏聞。○湖北巡撫福寧奏籌議護送京銅事宜。查銅船由湖北巴東入境。黃梅出境。請嗣後銅船將次到楚。即令宜昌府前往迎護。送至宜都。交荊州府接護。至監利縣。交湖南委員護送至湖北嘉魚縣。交武昌府護送至漢陽黃州二府。按段轉交。由江西出境。即轉回迎護。續到各起。再令該道就近稽察。其各船停泊。必使歸於一處。并令地保塘汛巡防。危險處所。責令地方官

添雇熟諳水手以資防護并咨會川省於重慶換船時將船隻編號載明船戶水手姓名及銅筋若干造冊咨楚以便按船復驗催令出境仍飛咨江西安徽江蘇一體盤查庶免盜賣之弊得旨總之在人不在法勉為之○豁除安徽太湖縣乾隆五十三年分水衝沙壓地一十三頃七十三畝有奇額賦漕糧○甲子遣官祭賢良祠○諭據明興等奏請將採取磬料玉石之出力官員伯克及衆回人等分別賞賚等語此次採取磬料玉石之官員伯克回人等甫及五月即能採得四分俱經開琢成方均屬奮勉著加恩主事景格阿奇木伯克阿克伯克高伯克莫羅果帕色呼庫勒之阿奇木伯克瑪塔喇木每員各賞給緞二匹其回人三百名每人各賞給布六匹以示鼓勵○諭軍機大臣等戶部奏川省各廠出產銅鉛前據李世傑請照滇省辦銅之例派員專管三年更換覈其獲銅多寡分別

勸懲業經議准遵行在案嗣屆三年限滿節次查催先後據李世傑保寧咨稱毋庸獎勵議處而孫士毅在任時造送管廠各員獲銅數目清冊覈計所獲多少盈絀不齊必須明示勸懲方足以期廠務振作請勅下該督仍恪遵原奏辦理等語川省銅鉛各廠既據李世傑等請照滇省向例視所獲之多寡於三年後分別勸懲業經定有章程何以該督等又咨請毋庸獎勵議處其所稱三年中獲銅較多者係礦苗偶旺所致即為數漸少者因礦砂將竭硿老山空並非有意廢弛是否係該處實在情形孫士毅曾任該省總督必能知其詳細且該督所造廠員銅數清冊祇係比較盈絀並未如李世傑保寧等以毋庸優獎議處之處聲明或亦另有所見究竟川省廠務能否照滇省之例計所獲之多寡分別等第按限覈實題奏以重考成之處著孫士毅即行覆奏勿庸代為迴護也將此傳諭知

之○又諭曰畢沅等奏拏獲私梟拒捕首夥各犯審明定擬一摺已批交三法司覈擬速奏矣該犯唐光烈等膽敢越境販私逞兇拒捕實屬目無法紀馬定鑫等率領各該縣營分投追捕將首夥各犯全行拏獲尚屬認真緝捕除鎮將道府大員毋庸加恩外其追捕出力之各該縣營員弁著福寧查明咨部議敘以示鼓勵至此案私販入境即經兵役截拏迨被該犯等拒捕殺傷兵役該營縣旋即隨同追拏獲犯尚為迅速所有疎防失察各員弁著加恩免其叅處仍令留心巡緝以期私販淨絕官引暢銷方為妥善再私梟唐光烈等既於上年十二月十二日破案旋經拏獲畢沅等自應即日提省審明速奏何以於本年二月初八日始行定案奏聞辦理未免失之延緩嗣後遇有此等案件當隨事迅速審辦具奏將此傳諭福寧並諭畢沅知之○

被災人等所借倉穀請展限交納等語比年以來廣寧等七城疊被水災殊屬可憫著加恩照范宜清所請將現在小凌河等四站丁役所欠糧米一萬九百三十八石展限於五十六年秋成後再行照數催徵還倉○以雲南病休孟連宣撫司土司刁派新子派功襲職○丙寅諭軍機大臣曰書麟奏據知府恩福等將神焦廟當家道士景宣洞源及年貌與劉松所供相似之道士景國等解省訊問書麟率同藩臬兩司親加訊鞫僉供實不知有廣息其人伊等並不與高三劉松認識情願同赴直省與劉松質對等語此案節據梁肯堂提訊劉松供稱歌單實是高三傳給而高三又係得自神焦廟道士廣息屢經降旨令書麟穆和蘭飭屬查拏前據穆和蘭奏訪獲高山晃一名狀貌雖與劉松所供相似而年歲居址亦屬不符今書麟又稱將壺關縣通縣道士遍查並無廣息之名自係劉松隨

口誑供。或將素有仇隙之人。誣扳洩怨。均未可定。梁肯堂率據該犯所供。咨查兩省。輾轉拖累多人。殊屬不成事體。著傳諭該督再行嚴訊。劉松此項歌單。究竟傳自何人。抑係該犯自行編造。務得切實憑據。上緊訪獲。審明定擬結案。毋得再任該犯信口捏供。紛紛咨緝。致滋擾累。將此傳諭梁肯堂。速問速奏。並諭書麟知之。○戶部議覆。前署四川總督保寧疏。稱洪雅縣屬山梯黨老林溝等處。產有鐵礦。勘明無礙。田園廬墓。試採有效。堪設鑪二座。除夏秋水浸。不能採取。春冬二季。應獲礦煎鐵九千七百二十觔。照十分抽二例。抽稅一千九百四十四觔。每觔變價銀二分。共銀三十八兩八錢八分。請自五十五年為始。按年徵收。解庫充餉。應如所請。仍飭該管文武員弁。巡查毋得透漏。侵隱滋事。從之。○直隸總督梁肯堂奏。清河道屬之千里長堤。諸龍河堤。大清河蘆僧河等堤。大名道屬

之衛河紅花堤。天津道屬之宣惠河通水道。屬之還鄉蘆運。黑龍小泉等河。堤埝各工。均開水利。民田廬舍。必須亟籌。以資防護。宣洩請照以工代賑例。每土一方。給米一升。銀一分。其工要土鬆者。照歷年成案。每方酌給減半。畚鍤銀一分八釐三毫。乘春融上緊趕辦。並令該道等實力督查。得旨。用之以實可也。○丁卯諭曰。譚尚忠奏。南寧縣壽民崔輯瑞。現年一百二歲。五世同堂。請予錫賚等語。著照所請。該壽民應行旌表。賞賚之處。該部照例辦理。○諭軍機大臣等。昨據陳用敷奏。江西委員高鳳翥。辦運滇銅。行抵廣西。安鳳塘站板灘。猝遇狂風。撞破船隻。沈失銅五萬六千五百餘觔。當即撈獲五萬五千二十觔。尚未復銅一千五百觔。一年限滿。打撈無獲等語。此事沈失滇銅。既據撈獲五萬五千餘觔。可見該運員及地方官。果能認真設法打撈。斷無終於無獲之理。督撫遇有銅觔沉溺之

事往往藉詞水勢溜急難於打撈以為誣卸之地及部中行令賠補該員等上緊辦理即能撈獲此其明驗也嗣後該撫境內遇有銅運沉失務須嚴飭運員及地方官認真設法打撈以期全數就獲勿再任其飾詞捏報也將此諭令知之○又諭前因駐藏五百名兵丁內慶麟等各署即用一半各項操演差役人數無多是以令已忠將各大臣官員署內應差兵丁俱擬定名數但不識現今仍照所定之數應差或又私行加增著傳諭保泰等查明據實奏聞○戊辰遣官祭黑龍潭

昭靈沛澤龍王之神玉泉山

惠濟慈佑龍王之神○諭曰伍拉納奏到閩省雨水二麥情形一摺內稱各屬得有雨雪二麥獲此滋培乘時暢發收成定卜豐稔等語閩省自冬春以來節次雨雪優霑二麥豐收自屬可望但該督遽稱定卜豐稔措詞太涉滿足已用硃筆改正批示矣朕臨御五十

餘年敬念庶徵時懷兢業荷蒙

昊蒼眷佑陽雨應時然且寅畏益深不敢稍存自滿該督身任封疆自當仰體朕懷於民事倍加謹凜不得因該省甫霑雨雪遂為此滿足之言也○又諭曰鄂輝奏華陽縣匪徒陳添順行醫為生捏稱衍化真人轉世與僧珠林等妄稱謀逆惑眾誣騙錢文並私製小旗糾人入夥偽封官職經該縣知縣嚴士鉉等訪聞拏獲首犯隨飭署臬司林鶴參將楊長棟帶同員弁嚴拏共獲犯一百餘名並據署典史谷煊將僧珠林等拏獲審明後將要犯即行凌遲正法其餘各犯照例分別定擬等語陳添順等始稱衍化真人轉世計圖誑騙繼因獲利無多復捏造謀為不軌情詞附和煽誘不法已極鄂輝督飭所屬於兩旬之內將首夥要犯全獲分別正法所辦甚屬妥速本地方官功過相抵毋庸議敘至署理臬司道員林鶴參將楊長棟緝捕認真拏獲多犯

著加恩交部議敘。署典史谷煊於鄰縣匪犯到境即行查獲亦屬奮勉著即送部引見以示鼓勵。其逸犯楊榮等三名雖非案內緊要人犯仍著該督董飭文武上緊緝獲毋任漏網。○諭軍機大臣曰梁肯堂奏河南省解到高山晃提出劉松指認劉松並不認識據供高三住房在林縣焦園村西北緊靠山坡大門向南又供出高三名叫高選在林縣當催頭而現經拏獲之高山晃則稱住房在村西南大門向東與劉松所供不符劉松既知高三住址若押令前往指認真偽自可立見現派臬司阿精阿親帶劉松徑赴林縣焦園村地方查辦等語此案節據梁肯堂提訊劉松供稱歌單實是高三傳給高三又得自神焦廟道士廣息屢經書麟在晉省查拏實無廣息其人而豫省前獲之瞽目高三訊非正犯現在所獲高山晃一犯年歲居址又屬不符書麟穆和蘭身任地方豈肯於此等邪教人

犯因循不辦之理想劉松係謀財害命罪應斬決之犯必係自知身罹死罪任意誣扳以爲苟延時日之計梁肯堂率據該犯所供輾轉咨查拖累多人殊屬不成事體本日鄂輝奏華陽縣匪徒陳添順謀逆騙錢一案首夥各犯迅速全行拏獲審明定案後始行奏聞並不稍露張皇梁肯堂歷任封圻豈轉不若初任總督之鄂輝耶著傳諭穆和蘭就近即飭阿精阿押帶劉松前往焦園村令其指認住址確切查拏如實有高三其人自當就近根究嚴行審辦倘所指又屬虛誣自係該犯任意誣供藉詞支飾殊屬可惡即著穆和蘭阿精阿用刑嚴審劉松畢即於該處正法速爲完結毋任伊信口捏供紛紛咨緝徒滋擾累也將此傳諭梁肯堂并諭穆和蘭知之○旌表守正捐軀直隸阜平縣民周奉玉妻耿氏○已已遣官祭

歷代帝王廟○庚午以病休奉國將軍永悌

子綿款照例襲職○辛未

孝昭仁皇后忌辰遣官祭

景陵○諭昨召見國子監蒙古司業五格詢以蒙古語竟全不解何以膺訓課蒙古學諸生之任該員原係郎中著仍以郎中補用所有國子監蒙古司業員缺著該部於蒙古應陞人員內揀選能通習蒙古語者二三員帶領引見候朕簡用○又諭據孫士毅等奏審訊販賣私鹽各犯據供或在海州等處池窰收買餘鹽或在洪澤湖邊窰溝曾家嘴二處半途接買現已飛咨全德查明海州小房子等處是否均係板浦場所管再行彙奏所有各犯供出未獲之同夥船戶及窰丁秤手等均經四路緝拏務獲等語海州小房子等處產鹽池窰俱係專設場員經理存積餘鹽豈容稍有透漏今該犯等所賣私鹽多從該場販買顯與窰戶通同作弊即該場官亦不得諉為不知乃全德平日惟以官引滯銷指為地

方官查禁私梟不力紛紛陳奏豈知該犯等所賣私鹽竟係從場窰販出是地方官即竭力緝私而窰戶轉將官鹽出售何以杜私販而絕弊源全德於所屬各場並不認真整頓實力訪查以致窰戶等敢於私行售賣及至私鹽充斥官引不能暢銷祇以地方官查緝疎懈為詞意存推卸甚屬不公全德著嚴行申飭並交該衙門議處以示懲儆嗣後各鹽政務須嚴飭各該場將所積餘鹽毋許窰戶等稍有透漏使私梟無從販買其弊自可漸除而官鹽不致日有壅滯至窰溝曾家嘴兩處私鹽該犯等供係向攬頭秤手轉買該處並非鹽場安得有攬頭秤手恐亦係官廠人役通同舞弊自應查拏到案究明來自何場與失察窰丁私賣餘鹽之各場員等一併嚴叅究辦其同夥船戶窰丁秤手並零星接販之人俱當查拏務獲徹底根訊著孫士毅等將全案人犯逐一研鞠務得實情其場員有

無知情賄縱及沿途經過地方員弁兵役有無得贓包庇情事一併嚴審定擬具奏諭軍機大臣等據孫士毅奏丞倅管理各廠船工草率從事請交巡道督辦一摺所奏是已如議行矣江省船廠自乾隆三年由道員改歸丞倅之後已閱五十餘年何以歷任督撫並不隨時酌改前降旨令孫士毅詳查奏覆茲據奏稱江寧蘇州兩藩司於書麟任內詳請將船工仍歸道員管理書麟因詳內所敘未明先行駁查旋值卸事未辨等語戰戰兢兢最關緊要管理之丞倅等經理不善原應早為籌畫乃書麟於兩司具詳後未將應否辦理之處據實覈定僅藉稱詳內原委未明先行駁查為此模稜兩可之見地方大吏於此等事件任意因循推諉安能望其留心整飾耶書麟不應出此著傳旨申飭兩江總督孫士毅江南河道總督蘭第錫奏淮安府運河迤下東岸向有涇河石閘減洩河水由

山陽寶應各縣入射陽湖穿蕩歸海民田藉以灌溉自五十一年運河盛漲致該閘兩牆蟄裂底石衝翻難資啟閉屢據山陽縣士民王旭等呈請按田捐修前督臣書麟飭令確估茲覈估實需工料銀五千九百八十四兩零臣等赴勘石閘密通淮城減洩盛漲上下隄工不致喫重並可保護城垣民田亦資灌溉但需費稍多請先動借司庫錢糧責成該縣知縣購料督修仍令分四年攤徵歸款報聞

○壬申

上御勤政殿聽政○諭軍機大臣等都察院衙門奏江南邳州民人栗時育以蠹役誣陷代父聲冤等情呈控一摺此案栗東鈞先後呈控該省督撫衙門審係栗東鈞私立社名抗不完料問擬流罪經書麟咨部完結今栗時育以邳州書役石位串工書張清萬捏造供詞陷害伊父並將已完攤派稽料勒折重追種種情弊如果所控屬實自當嚴行究治或

係粟東鈞抗欠工料誣告勒折業經問罪粟時育藉口為父聲冤來京呈控希圖翻案卸罪亦不可不徹底根究以儆刁風著傳諭孫士毅長麟提集犯證東公確審定擬具奏此事係書麟審辦咨部非孫士毅長麟任內之事自無所用其迴護也所有原告粟時育已交該部照例解往質訊都察院原摺供詞俱著發交閱看○豁免貴州運京沉溺未護鉛六萬三千三百觔○以侍講學士周興岱為內閣學士兼禮部侍郎○緩徵安徽宿州靈璧泗州并舊虹盱眙五河等五州縣鳳陽長淮泗州等三衛乾隆五十五年分被水成災額賦及民欠籽種○旌表守正捐軀河南許州民李大顯妻蔡氏○癸酉軍機大臣議覆陝西總督勒保奏稱西藏喇嘛來使進京經過各省經理藩院分晰定以包件數目並奉旨責令道員副將等親查惟新疆各部落回目及土爾扈特人等進京向來馬匹口食係

屬按品給予而行行李包物止由哈密等處秤明觔重移咨內地給以車輛並無定數若不限以觔重數目恐回目人等行李包件逐漸加添所需車輛愈多於驛站不無擾累請各按品級定以觔重數目自係杜漸防微之意應令伊犁將軍及回疆辦事參贊大臣等分別各回目並土爾扈特人等品級斟酌所帶包件輕重多寡應定若干車輛馬匹應用若干議定確數奏到再行覈覆得旨依議速行

○吏部議奏查拔貢以知縣分發各省與大挑一等舉人有間應請令該督撫詳加察看果能勝任者以到省日起扣滿二年方准題署仍試看一年如稱職再請實授報聞甲戌諭據永保奏厄魯特部落總管碩通病故等語碩通前在軍營甚屬奮勉復在伊犁効力多年今聞溘逝朕心深為軫念著加恩賞銀一百兩以裨善事並加恩將碩通所遺厄魯特部落總管員缺即著伊子特古斯們都

補授其賞銀著即於該處庫貯銀兩內動支賞給。又諭前此土爾扈特喇嘛薩邁林由俄羅斯逃出帶來妄造謠言之書。特成額一見即張皇失措。經朕洞鑒。節次降旨申飭。併令保寧由張家口科布多趕赴塔爾巴哈台。令永保急回塔爾巴哈台辦理。今特成額復將車凌烏巴什欲往塔爾巴哈台求見之處當斥回不准。呈請火藥未行給予。又請採買硝磺亦斥駁不行等情具奏。特成額乖謬錯誤何至於此。土爾扈特等歸附後受朕恩二十餘年。甚為恭順。朕所確知。今雖有薩邁林浮言車凌烏巴什等并不為其言所動。絕無異心。朕亦可以深信。車凌烏巴什欲往塔爾巴哈台見特成額。併欲畧備些須火藥之處。皆見其恭順誠心。儘可准行。特成額不曉事體。反生疑惑。斥駁不行。即不給予火藥。乃并將其請自買硝磺之事亦并斥駁。未免令車凌烏巴什轉生疑懼。特成額錯謬已極。竟似

天奪其魄。喪心病狂。深負朕體卹土爾扈特之意。若不從重辦理。何以示儆。特成額著革去翎頂。即在該處廣衆前枷號一月。以示懲戒。期滿之日亦不必令回烏魯木齊。仍留塔爾巴哈台交與永保充當拜唐阿差使。効力贖罪。將此交保寧永保二人先至塔爾巴哈台者。即將朕旨對衆宣諭。將特成額枷號外并將朕體卹土爾扈特之意通諭知之。諭軍機大臣等據特成額奏稱車凌烏巴什呈請欲赴塔爾巴哈台見參贊大臣。由此見伊犁將軍並討取火藥俱已駁飭等語。特成額愈用心愈屬非是。竟如病狂矣。車凌烏巴什因特成額辦理錯謬甚露疑懼情形。特成額理應照其所請。令其來塔爾巴哈台面加安慰以釋其疑。今特成額並不如此辦理。反增其疑惑之心於事更屬不便。若不將伊從重治罪。必致車凌烏巴什寒心。除已降旨將特成額革職枷號一個月以示懲儆外。著傳諭

保寧令其速赴車凌烏巴什游牧明白曉諭
曰昨將爾等欲往塔爾巴哈台并遣人採買
硝磺特成額不准爾請之處奏聞大皇帝奉
有諭旨土爾扈特受恩深重二十餘年伊等
感激之誠朕素已鑒悉今特成額因不准爾
等呈請反致爾等生疑已降旨革職徹去頂
翎枷號治罪矣至俄羅斯斷不能來爾等無
庸疑慮汝若恐爾等部屬無知之人妄生畏
懼即選其不可信者移駐游牧東南可信者
駐劄西北亦即可防其逃竄如此曉諭車凌
烏巴什等自無憂疑再花尚阿係初用領隊
大臣又遵特成額指示若至其游牧張皇辨
理更屬不妥令其即行撤回并傳諭保寧永
保此事宜外示鎮靜內務留心細察情形熟
籌辦理○是月陝甘總督勒保奏蘭州郡城
北靠黃河舊有石岸一道乾隆三年並二十
年節經修築嗣後河流南趨恐傷駁岸復於
二十三十六等年先後於岸外分建板壩十三

座以挑溜勢今河流愈趨南岸各工正當其
衝上冬河水消落露出岸底舊有石岸闊年
已久兼以原係紅砂石成砌大半酥碎脫落
其板壩木椿下截亦全行朽爛應行拆修至
駁岸迤西向係土灘近因河水南趨衝成旋
灣亦應添築駁岸始可保護城根並於迎溜
處再添建板壩二座以禦水勢需工料銀三
萬九千八百餘兩批用之以實久而保固毋
致浮冒又奏先行趕辦木石等料存貯一俟
秋冬水落興工得旨自當堅固修理知道了
○又奏皋蘭縣常平倉糧額貯十萬石除歷
年動用督標兵馬糧料及民間借糶僅存其
半上年偶被霜災復經奏准將該縣正借銀
糧緩徵並按災給賑現又需借口糧籽種及
將來青黃不接尚須酌量平糶加以各營月
米需支所存益屬無多若俟秋後採買豐歉
又難豫必查乾隆二十四年三十六年曾因
賑糶不敷奏明於鄰近州縣撥貯茲查距省

較近之西寧現存糧二十七萬餘石該處需用無多請撥五萬石運赴皋蘭作為實貯以備借糶報聞

大清高宗法天隆運至誠先覺體元立極敷文奮武孝慈神聖純皇帝實錄卷之一千三百七十三

實錄卷一千三百七十三

三八

大清高宗法天隆運至誠先覺體元立極敷文奮武孝慈神聖純皇帝實錄卷之一千三百七十四

監修總裁官總纂官太子太傅文淵閣大學士文淵閣領閣事領侍衛內大臣稽察欽奉
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄五次
總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務
世襲騎都尉軍功加九級隨帶加二級又加二級軍功內大臣戶部尚書錄藍旗滿洲副都統軍功紀錄五次
尋常紀錄十四次監修總裁官太子少保工部尚書紀錄六次尋常紀錄等奉

敕修

乾隆五十六年辛亥三月乙亥朔諭向來戶

刑二部案件繁多定例題本期限較寬但查
覈錢糧研求情罪雖比別部事件辦理稍需
時日亦不宜過於稽緩嗣後戶刑二部題本
俱著統以八十日為限刑部八九兩月應題
之本仍准照百日之限其餘各部題本限期
仍照舊例辦理毋任遲逾○又諭據奇臣奏
請借支銀兩修理涼州官兵所居官房等語
兵丁等所居官房係乾隆二年修建閱年既
久牆垣不無倒塌著即照奇臣所請兵丁等

每人借給一年錢糧令其修補此項借給銀兩著作為八年扣還完項至官員等官房係四十七年借銀修葺尚未甚久向使修葺之時如果堅固豈至倒塌復需修理為耶今又借銀修理顯因從前所借銀兩今已扣完藉此為名欲與兵丁等復行借支銀兩如此日久必至八年借銀一次奇臣並不敷實遽行代為奏請殊屬非是奇臣著申飭官員等不必借給銀兩至伊摺內稱三寶為兩江總督亦屬謬誤三寶從前原任閩浙總督而伊所奏請又係杭州乍浦之事與江南毫不相涉將此一併曉諭知之○諭軍機大臣曰勒保奏李獲搶奪蒙古牲畜番賊審明正法一摺林沁等均係邊地番子膽敢糾夥攜帶弓箭在蒙古地方以打牲為名肆行搶奪實屬兇頑可惡自應嚴飭該管地方文武員弁上緊查緝何以該犯等於五十四年九月內犯案後並未據該督具奏直至本年二月內始行

李獲事隔一年有餘可見該督並不督飭所屬認真迅速查拏殊屬延玩勒保著傳旨申飭至多爾吉沙木格龍棍布係夥同林沁在蒙古地方搶奪牲畜之犯必須飭屬嚴緝務獲毋使遠颺漏網况格龍棍布自係喇嘛隨同槍劫尤屬可惡李獲後更當從重辦理再摺內所稱索諾本並非番語想係索諾木之訛該督庸劣幕友不諳番語將木字誤添一畫以致錯誤勒保於陳奏事件何未留心檢點耶將此傳諭知之○賑卹奉天錦州義州牛莊熊岳鳳凰金州等六城並

福陵

昭陵總管衙門盛京內務府戶工二部及數陽邊門等處乾隆五十五年分水災旗地人戶並蠲免租銀有差○丙子諭上年孫士毅奏川省地方向有攬和小錢之弊請定價收買銷燬另行改鑄制錢節經降旨通諭各督撫一體收買查禁乃奉行未久本年正月內據

長麟奏稱。在蘇州地方訪獲收藏小錢。訊係由湖廣雲貴流行到蘇。復降旨令該省根查嚴禁。本日又據姚茶奏。竊獲在吳城鎮沿河一帶。攬賣錢桌之龔洪烈等。起出小錢六千。現在嚴行訊究等語。可見各省私銷私鑄之弊。雖屢經飭令設法禁止。而小民趨利若鶩。地方官又不認真查辦。或且局錢不能如式。以致奸民影射積習難除。即官為收買之例。亦屬有名無實。此事總在督撫等行之以實。要之以久。而於官局不任透漏舞弊。始能盡絕根株。若不能正本清源。即定例綦嚴。亦復何益。嗣後各督撫務須一體嚴行飭禁。毋得日久懈弛。僅以查無私鑄一奏塞責。若經此次飭諭之後。再有小錢攬雜流行。惟該督撫及管錢局之員是問。將此通諭知之。○署江西巡撫姚茶奏。本年正月。據新建縣知縣等訪得。吳城鎮錢桌有私攬小錢之弊。隨委員密往查拏。於龔洪烈等家起出小錢六

十二千。俱係舊錢。經飭司提犯嚴訊。據供因見官買每制錢一換小錢五。該犯等起意用制錢一換小錢三。小民樂於私售。積有成數。即在沿河擺桌換用。並非私鑄轉販。批。即非私鑄。亦當嚴處。又奏。制錢一文換小錢五文。係本省定價。奸商等因而作弊。請仍照部例。按勛兩給價。小民自不肯私換。至吳城鎮距省不遠。既經拏獲。恐各處未敗露者尚多。現嚴飭各屬查辦。批。行之在人。爾等不實辦。定例何益。又奏。江西界連廣東福建浙江湖南湖北地方。嚴飭各該縣督同營汛實力堵緝。得旨。以實為之。不可以一奏了事。○豁除江蘇上元縣及省衛坍沒地八頃三十八畝。有奇額賦漕糧。○丁丑清明節。遣官祭

永陵

福陵

昭陵

昭西陵

孝陵。

孝東陵。

景陵。

泰陵。

泰東陵。

上命

皇十五子嘉親王顯琰祭

孝賢皇后陵。遣官祭。

端慧皇太子園寢。

上詣

安佑宮行禮。○諭曰。畢沅歷任封疆。辦理地方事務。尚屬認真妥協。所有應繳未完賠項內。著再加恩寬免銀三萬兩。○諭軍機大臣等。向來江浙兩省漕務弊竇最多。上年福崧長麟將各州縣漕總名目革禁。嚴行懲處。官吏等自必稍知儆惕。浮收包攬之弊。可以漸次剔除。因思江西。湖廣。河南。山東等省。皆有漕務。雖徵收數目。不及江浙之多。但百姓將應

完漕米。向州縣交納。即難保書吏等。無從中勒折浮收。把持包納之弊。亦不可不一體整飭。嚴禁。著傳諭姚茶等。務須留心訪察。各州縣如有設立漕總名目。俱照福崧長麟所辦。即行嚴拏懲處。以清弊源。除就近諭知畢沅外。將此各傳諭知之。○大學士九卿等議覆。御史徐烺奏。稱近年多有來京越控之案。請令各督撫將越訴定例。飭屬刊示曉諭。並令在京各衙門。遇有控案。先向詰訊。如未經在院司道府衙門控理者。即將該犯解交本省督撫審擬題報。又據副都御史劉權之奏。稱外省控案。有業經督撫定案。咨部復行翻控。或本犯脫逃來京。及親族代為訴理者。應交刑部覈對呈詞。如與原案大概相同。毋庸另審。即將該犯治以脫逃越訴之罪。若情節迴殊。又事關重大。或本省歷控未結者。即將該犯暫禁。提取全案卷宗。覈對質訊。或交該督撫審辦。或請派大臣前往臨時請旨。如本省

未告而捏稱已告者照誣告律治罪均應如所奏從之。○戶部議覆署四川總督保寧疏稱。健為縣竈戶。新開鹽井七眼。每眼設煎鍋一口。俱係小井。請照下井鍋例。每口攤課銀二兩。產鹽十八萬七千五百觔。應配水引二十張。陸引三百七十五張。據天全州新商趙大發等全數認增。與例相符。應如所請。自乾隆五十五年為始。按年徵收。奏銷從之。○戊寅

上幸盤山。自圓明園啟鑾。○諭朕此次巡幸盤山。所有沿途經過地方。本年應徵地丁錢糧著蠲免十分之三。○又諭刑部題覆湖南省平江縣民李笑兮誣執妻父童錦安父女通姦。勒據捆毆致童錦安忿激縊死。將李笑兮問擬絞候。一本朕詳加披閱。李笑兮因貧難度。日屢欲嫁賣其妻。被童錦安阻止。嗣又欲攜伊妻遠出。圖嫁復被斥阻。李笑兮忿恨起意。與魏三元商謀。誣捏童錦安父女通姦。令

伊妻攜錢託童錦安帶買蚊烟。是晚童錦安將蚊烟送至伊女房門。李笑兮隨自進房聲喊童錦安與女通姦。魏三元接應走進將童錦安脫去衣褲。縛住手足。裝成姦宿情形。勒令寫立犯姦字據。復拾瓦鋒劃破童錦安左右腮。挾經隣人解勸。仍不釋放童錦安之子。至始行解放童錦安告官。後忿激自縊。覈其情節童錦安係李笑兮妻父。乃以斥阻嫁賣其妻。輒起意商謀。將父女通姦情事裝點。污蔑並捆縛手足。劃傷腮腴。以致伊妻父羞忿投縊。實為兇狡。雖童錦安係自縊身死。即與謀殺無異。况父女通姦。如果屬實。照亂倫重律問擬。父女俱當立決。今李笑兮設謀污陷。即照誣告人父女通姦治以反坐之罪。亦應按律予以立決。且童錦安係李笑兮外姻尊長。該撫僅照常人挾仇污蔑致被誣之人。自盡律擬以絞候。而刑部祇將該犯入於本年秋審辦理。其罪名並未駁改。俱屬失當。所有

調任湖南巡撫浦霖及刑部堂官均著飭行
李笑兮著即絞決至聽從誣姦幫同綑縛之
魏三元非尋常加功可比若僅予以杖流亦
不足蔽辜魏三元著從重發往黑龍江給兵
丁為奴以示朕明刑弼教至意○旌表守正
捐軀安徽霍邱縣民余明遠女余氏○是日
駐蹕湯泉行宮○已卯諭直隸易州直隸州
知州員缺前經補授蔣如燕至今尚未到任
易州係

陵寢重地知州員缺未便久懸現有在直候補
知府楊濬文未經得缺著即以知府銜補授
易州直隸州知州其原補授之蔣如燕到直
後如查未逾違例限著另以相當之缺補用
○直隸總督梁肯堂奏永定河附近牝牛河
減河鳳河龍河分消永定河之水為河工最
要各河身淤沙漸高間段阻塞應及時挑挖
一律深通不惟分洩盛漲兼於瀕河民田廬
舍有益估需銀三萬八千五十餘兩請於永

定通永天津各道庫存河淤地租平餘飯食
銀兩內動撥興修並派隣近州縣辦理仍令
該管河廳分駐監督以專責成報聞○是日
駐蹕三家店行宮○庚辰諭此次巡幸盤山
途值春雨應時所有墊道人夫著加恩賞給
銀二百兩○是日駐蹕大新莊行宮○辛巳

祭
先蠶之神遣妃行禮○諭上年直隸所屬州
縣內有間被水災之處節經降旨撫卹並於
本年新正特頒諭旨加賑一月此次巡幸盤
山偶見薊州境內柳樹尚有水痕雖所被偏
災業經屢加恩卹但蹕路經臨目覩情形朕
軫念民依有加無已著將薊州所屬各村莊
再加恩展賑半個月以副朕時巡沛澤補助
閭閻至意○又諭此次巡幸盤山途中適需
春膏所有墊道兵丁等亦著查明每名賞給
銀二兩以示體恤○又諭據伍彌烏遜奏杜
爾伯特公烏塔斯患病身故等語烏塔斯効

力有年。今病故可憫。著加恩賞銀二百兩。以作善事。所有公爵。即令伊子博第格埒勒承襲。所賞銀兩。即由彼處庫內動支。○是日。駐蹕白澗行宮。○壬午。刑部題覆閩浙總督覺羅伍拉納疏稱。受封偽職何東山之胞姪何适。照例緣坐。得旨。何适係逆犯何東山之姪。雖例應緣坐。但何東山從逆時。何适年幼。逃避。並不知情。尚可從寬。何适著免其治罪。送交內務府照例辦理。嗣後逆犯家屬。年未及歲者。俱著照此辦理。○予故杜爾伯特扎薩克多羅貝勒達瓦丕勒致祭如例。○是日。駐蹕盤山行宮。至戊子。皆如之。○癸未。諭軍機大臣等。據孫士毅等奏。張懷路呈告仲見龍之祖仲繩。所著奈何吟。辭多悖謬。一案。審明。仲繩生於明季。仲見龍係仲繩遠族。並非嫡派子孫。張懷路因挾涉訟微嫌。聽從趙從等教唆。將家藏奈何吟。首出誣控。應請將仲見龍省釋。至仲繩。曾孫仲克順等。雖不知伊曾

祖刻有詩藁。搜查實無其書。但究係本犯子孫。豈竟毫無聞見。請將仲克順等。照仲繩應擬絞決罪名。減一等。杖一百。流三千里等語。所辦未免過重。仲繩生於明季。至本朝康熙年間。尚在所著詩藁。原有頌揚本朝之辭語。涉牢騷怨憤之處。既據張懷路供明。係為崇禎弘光而發。該犯呈首時。即慮及當官看出。恐坐以反誣之罪。曾與趙從密商。趙從以此書刊於康熙年間。首出必當嚴究。是張懷路趙從等挾嫌誣控。希圖拖累。洩忿情節。業經確鑿。祇須將仲克順等。責懲完案。已足蔽辜。何必問擬滿流。況仲繩詩詞。謬妄係指明季而言。更不值代勝國追究。將其裔孫治罪也。外省督撫辦理案件。若非失之寬縱。即屬有意從嚴。權衡情罪。每不能允當。孫士毅在督撫中。係屬曉事之人。不應若此。著傳諭該督等。即應遵照發落。其誣告之張懷路。唆訟之趙從等。仍照所奏辦理。咨部完案。○又。諭據

成德奏尼雅木錯部落被郭羅克番子搶去牛三千四百隻羊三千五百五十隻並搶去馬匹軍器等物現派參遊大員酌帶安幹兵目前往郭羅克地方傳集土司頭人嚴行查拏等語此案前據奎舒奏到曾降旨飭令郭輝派員前往督拏茲據成德等接准青海來咨選派員弁即赴郭羅克地方查緝著傳諭該將軍等選派熟諳番情大員親往郭羅克查緝務將此次搶奪賊番首夥全行拏獲從嚴究辦至尼雅木錯被搶牛羊至六十餘隻之多恐係該番人等希冀多得賠償浮開贓數具報均未可定除降旨令奎舒查明咨會川省並著傳諭成德等飭諭查辦各員確切查明辦理毋任冒混○又諭據郭輝奏去歲六月據奎舒咨稱郭羅克等劫擄西寧所屬尼雅木錯部落番子等牛三千四百隻羊三千五百五十隻殺人四名當即差撥官兵前往緝捕等語除傳諭郭輝等嚴緝務獲外朕

思從前郭羅克劫擄西寧番衆而甘肅番衆復行劫擄青海蒙古此皆由青海蒙古番民素性懦弱不能自顧游牧以致數被劫擄及被擄後又不能自行追捕惟憑報官代緝已屬惡習且難免有捏報數目情事著傳諭奎舒將去歲被劫實在數目查明覆奏仍著曉諭該番等數年以來或甘肅番民劫擄青海蒙古或郭羅克番民劫擄西寧番衆代緝紛紛甚屬無謂嗣後如有不自行防範至彼劫擄而又圖利捏報則斷不為辦理如此曉諭庶伊等各知儆懼加意防範而被劫之事自鮮矣○又諭據郭輝奏擄獲沉溺銅鉛數目按月具報一摺閱所開單內委員黃澍於五十二年五月十八日在大湖灘沉銅七萬觔前後擄獲銅共一萬五千八百餘觔尚未獲銅五萬四千一百餘觔此項沉銅係五十三年五月之事扣至年底已逾兩載擄獲者僅一萬有餘未獲者尚有五萬數十觔之多是

該地方官及運員等並未認真設法打撈已可概見。前據陳用敷奏廣西境內沉銅五萬六千餘觔當即撈獲五萬五千餘觔未獲者止一千有零可見該員等果能實力打撈斷無終於無獲之理。著傳諭鄂輝即將未獲各項沉銅嚴飭該管地方官及運員等務須設法打撈期於全獲毋得怠緩從事任其捏飾也。○又諭曰陳用敷奏安南國王阮光平遣使恭進表函方物於二月十八日行抵桂林省城二十日起程進京等語安南所遣陪臣前據福康安奏到時當經降旨陳用敷令將陪臣在廣西省城畧為憩息緩程前進並令陳用敷知會沿途經過地方照料該陪臣等按程緩行約計於七月二十邊至熱河以便與各外藩一同筵宴。今據該撫奏稱安南陪臣已於二月二十日由省城起程自係未經接奉前旨但該陪臣等業已起程計此時已早入湖南境內如陳用敷遵照前旨將陪臣

追回固屬不成事體若沿途扣算七月日期過為羈留以致在途多延時日亦覺未妥除令軍機大臣劄行委員遵照行走外著傳諭沿途經過各督撫俟該陪臣到境後即行照料前進於四月底到京彼時已屆端陽可以瞻視龍船競渡酌賜宴賚毋得拘泥前旨有失體恤遠人之意將此傳諭陳用敷及沿途各督撫並諭福康安知之。○成都將軍成德四川總督鄂輝奏裏塘巴塘二臺原奏買稞麥各二十石今西藏等處業經酌減該二臺亦應一律減貯查裏塘現有青稞一千二百八石零巴塘現有青稞一千八百二十九石零應請即令裏塘長貯一千二百石巴塘長貯一千八百石共足三千石之數毋庸再行採買其餘存剩青稞即於該二臺實支歲糧內動銷以免撥解所貯糧石仍令存七出三更易以免徽變下部知之。○四川總督鄂輝奏籌議銅運事宜查滇運銅觔來川造船運

送經前督臣李世傑奏明交川東道率屬妥辦並奏准重慶以上委永寧道查辦裝運船隻令江北同知經理請自瀘州至重慶仍委永寧道稽查自重慶至巫山出境即交川東道稽查並令瀘州重慶府忠州夔州府各在本管境內護送仍嚴飭江北同知飭攬頭選料造船並募備熟諳舵水以便依限開行得旨以實為之母受屬員欺○甲申諭曰孫士毅奏據江西藩司託倫稟稱玉山縣城垣原圯續圯計五十六段又圯塌石砌五段先據署任知縣程肇豐估計工料需銀三萬四千六百餘兩嗣據陞任山西同知原任玉山縣知縣丁如玉減估共需銀一萬三千七百餘兩兩任先後所估銀數多寡懸殊程肇豐因丁如玉大加刪減曉曉不服請將丁如玉留於玉山協辦城工俟親抵該處覈估確實另行分別參奏等語外省官員承辦工程事件往往浮報多開募圖侵冒否則欲見已長故

行摺節草率完工以為居功見好地步此項玉山縣城工署縣程肇豐估需銀三萬四千餘兩經丁如玉減估止需銀一萬三千餘兩是覈覆之數減至倍餘若無浮冒情弊不應懸殊若此但工程需費之數雖有丈尺可按亦必需工竣後確切覈算實用實銷則銀數多寡無難立見並非口舌爭辯所可逆料此案署任知縣程肇豐即著解任留於該處陞任知縣丁如玉留於玉山署理知縣辦理城工如果丁如玉草率偷減欲實其言以致工程未能堅固即將丁如玉參處若所估之數儘堪敷用工程做法俱能如式一律完整則是程肇豐有意冒銷侵欺入己其罪自不可逭即將程肇豐革職嚴審定擬具奏該部知道○又諭曰陳用敷奏接奉諭旨令此番安南使臣緩程前進約計七月至熱河但此旨到時該陪臣等先已過省因計算行程尚在粵西境內隨飛飭委員帶同該陪臣等仍來

省城。憇息數旬。後再行前進等語。前以安南使臣入關尚早。途中程期尚寬。該陪臣等不必急於跋涉。故令緩行以資憇息。今於七月內前赴熱河。以便宴賚。乃陳用敷於該陪臣過省之後。奉到此旨。過於拘泥。輒又復趕回使臣至省。令其徒勞往返。實屬不成事體。該撫前於安徽巡撫任內。辦理地方事件。無不似此糊塗。是以降為府尹。茲復加恩擢用。巡撫該撫宜如何奮勉。遇事主持。乃於辦理安南使臣之事。仍錯謬顛倒。至於此極。竟係故智。復萌除另降諭旨。嚴行申飭外。陳用敷著交部嚴加議處。○諭軍機大臣等。前以安南所遣陪臣。到關尚早。令在粵西畧為憇息。並令知會前途。令其緩程行走。於七月二十邊到京。昨據陳用敷奏。到該陪臣業已起身。此時應入湖南境內。沿途不便過為遲留。多延時日。致滋疑畏。即降旨。仍令按程前進。於四月底到京。俾與端陽宴賚。乃陳用敷於該陪

臣過境後。拘泥新旨。復行趕回。實屬不成事體。如此茫無定見。不特取笑外夷。且恐該陪臣等不知原委。見該撫已令起程。忽又追回。留住省城館驛。必致心懷疑惑。殊非撫馭遠人之道。除交部嚴加議處外。陳用敷著仍傳旨。嚴行申飭。並著該撫轉告該陪臣等。以前此因爾等進關尚早。大皇帝特加體恤。令緩程赴都。及聞爾等已過桂林。即不必復回。以至徒勞往返。巡撫拘泥糊塗。輒令爾等轉回省城。實為錯謬。大皇帝已將巡撫訓飭。交部治罪。爾等仍可按站前進。計程到京。瞻覲仰邀宴賚。途中雖交夏令。但北地尚不過於炎熱。爾國王上年入覲時。即係六月間。北上行走。均屬妥適。爾等此行。亦不致過於勞頓。此皆大皇帝體恤深仁。念爾等遠來。是以屢次降旨。俾得行走便適。爾等宜咸喻此意。如有信啟寄回。亦應將此事詳悉。啟達爾國王。俾得知悉。如此明白宣諭。庶使該陪臣等感戴。

天朝加惠遠人至意不致別懷疑慮陳用敷接奉此旨後即行派員照料起程知會沿途趨程行走務於五月初五以前到京亦不可因有此旨過於促迫也將此由六百里加緊傳諭知之仍將該陪臣何日起程約計何時可以到京之處迅速覆奏○又諭本日江蘭呈進貢件向來兩司從無進貢之例亦不准奏事處接收江蘭本係兩淮商籍伊父在日曾備貢件經軍機處大臣代奏酌量賞收原不在兩司之例此次貢件業據專人齎呈已令該處豫備呈覽外著傳諭江蘭嗣後如遇萬壽及歲底准其各進一次其餘端陽中秋及尋常巡幸俱不准越分呈進○又諭據明亮等奏訪得薩木薩克現已勢窮及所稱那爾巴圖於今春遣人往伊犁欲來京恭請聖安等語前因那爾巴圖拏獲薩木薩克並未解送是以降旨明亮等如那爾巴圖遣使請安著不必准行今那爾巴圖深自追悔始遣

使懇請來朝伊遣使至伊犁固不應即為准行但現在薩木薩克勢窮在鄂羅陀依帕居住那爾巴圖苟欲贖前愆將薩木薩克拏解前來亦可了結一事計那爾巴圖遣使至伊犁時保寧業已接任著傳諭保寧如那爾巴圖遣使請安即告伊來使從前爾伯克那爾巴圖苟能恭順將薩木薩克拏解前來自必承受大皇帝厚恩惟其未行解送而反釋放故當治罪大皇帝仍念那爾巴圖受恩多年恭順奮勉恕其愚蒙並未加罪僅未准其遣使朝貢今遣使伊犁亦未便准行但念爾伯克那爾巴圖因未獲恭請聖安甚屬惶恐自知不能由喀什噶爾前往復使人繞道伊犁足見肫懇此次暫准前往爾伯克誠感聖恩將薩木薩克拏解前來不惟准爾來使進京大皇帝且必格外施恩如此曉諭一面奏聞一面即於來使內遣回一人令其傳諭其餘來使即行送京○兵部議准兩江總督孫士

毅等奏稱江南二十河營原設兵九千一百四十五名按戰二守八例實額戰兵一千八百二十九名現因淮關捐造撥船三百隻照原議於各河營抽撥兵三百名派管該處並無登梯簽棧之役每名給守餉一分足資養贍所有原設戰餉二成六十分應行裁去又自乾隆二十五年裁裏河下營守備改船務營守備撥出守兵二千四百四十四名歸船務營管轄又四十六年續撥守兵一百六十四名駕船運柴復於四十七年裁汰守餉五百四十四名現存十九河營計兵六千六百九十三名照戰二守八例該戰兵一千三百三十八名現在戰餉除請裁撥船戰餉外尚多戰餉四百三十一名應行裁去改為守餉以昭畫一從之○山東巡撫惠齡奏東省初限應修之陽穀等十五州縣城工原估尚可節省如牆垛城臺等項現拆驗有磚完土堅毋庸全行拆砌者又如券洞內海墁石道有

可通融依舊者寫橋一項有可用土築不必改建石橋者逐細核算節省銀五萬八千二百三十九兩零另冊報部臣不敢以原估已定遽就糜費亦不敢以工大費繁有意刪減批是又奏惟運腳一項長麟前奏止請將取土坑基去工遠近覈實報銷其餘料物不准開銷運腳但查工部則例一切雜料運腳分晰甚明查覈亦易是以各城工皆按例准銷今若一概刪除恐工員託詞賠墊於工程剋扣取償且恐派用民間胥役滋擾臣等再四籌畫木料磚塊等項尚可本地採買惟應需灰觔雜料除離山較近之陽穀泗水嘉祥蒙陰沂水莒州六州縣毋庸給與運腳其較遠之曹縣單縣范縣城武鉅野壽張金鄉邱縣夏津九縣應照例按道路准銷即於節省項下動用亦屬有贏無絀得旨所奏是自應以實為之○蠲緩甘肅皋蘭金縣靖遠等三縣乾隆五十五年分霜災額賦有差○乙酉

孝賢皇后忌辰遣官祭

陵寢○諭曰浙閩一帶洋面盜匪出沒為害商旅甚至圍劫哨船拒傷兵弁節經降旨令各該省督撫嚴密查拏經伍拉納督率員弁陸續拏獲各案首夥盜犯一百一十餘名茲復據奏獲盜犯三十八名俱已審明正法伍拉納辦理認真連獲多犯著交部議敘其出力緝捕之文武員弁並著該督查明咨部議敘以示鼓勵至福崧陳杰在温州沿海地方督拏洋盜為日已久祇獲正盜陳潮等三名差弁赴閩亦祇獲張阿岩一名獲盜無多毋庸交部議敘仍著該撫等督飭所屬上緊緝拏毋任疎縱此等盜匪皆由沿海各處民風剽悍地方官不能留心化導遂致相習為匪輕生犯法朕不能道之以德不得不齊之以刑尚當引以為愧故每披覽奏牘見愚民自蹈刑章駢首就戮未嘗不惻然動念但匪犯等糾夥出洋聯踪劫掠倘再稍事姑息更何以

安行旅而靖盜風若愚民等見此番痛懲之後咸畏法懷刑勉為良善民氣漸淳刑網皆可不設是誅戮者祇此百餘人而所以保護生全者實多也閩浙等省盜風如此之熾總因富勒渾雅德從前在督撫任內姑息養奸因循貽誤所致伊等獲咎甚重本不應釋令回京姑念皆已年老得以倖邀寬宥有釋回嗣後該督撫等若再蹈伊二人覆轍必當從嚴治罪斷不能倖邀寬典惟當督率所屬認真緝匪化導愚氓與其懲於既犯之後不若弭於未然之先小民等苟能自愛身家不致輕罹憲典於辟以止辟刑期無刑之意或庶幾焉○又諭曰朱珪奏安徽和州安慶衛積欠南北蘆課等項銀兩因該州衛連年間被淹浸民間元氣未復若將緩帶錢糧同時並徵民力未免拮据等語和州安慶衛於五十二三等年被水淹浸所有新舊應徵銀米業經加恩遞緩第念該處連年疊被水淹民間元

氣未能驟復加之應徵五十五年新糧若仍新舊一時並徵恐民力實有不逮著再加恩將和州未完災緩帶徵南屯米折銀一萬五千餘兩安慶衛未完災緩蘆課銀四十二百餘兩俱以五十五年起分限三年帶徵俾小民按限輸將無虞竭蹶以示朕惠愛閭閻有加無已之至意該部知道○又諭曰特成額所遺烏魯木齊領隊大臣員缺著善保補授令其馳驛前往○諭軍機大臣曰伍拉納奏續獲閩浙兩省行劫首夥盜匪分別定擬一摺該督此次督率屬員查緝盜匪前後拏獲多名辦理尚屬認真已交部議敘矣但閱摺內此次拏獲盜犯共三十八人又將從前所獲各犯一併牽連敘入竟似此次獲犯有一百餘名之多若如此開敘則一年之內所獲之犯不幾及千數耶摺內聲敘甚屬牽混著傳諭伍拉納嗣後奏報拏獲盜匪各摺務須分晰清楚毋得前後牽混也○丙戌諭此次

巡幸盤山所有修墊山路人夫著加恩賞給銀二百兩○諭軍機大臣等據勒保奏拏獲劫奪蒙古牲畜賊番審明正法等語貴德番民膽敢糾衆傷人劫奪牲畜其情甚為可惡今將拏獲之葉噶丹津垂布藏等犯正法所辦甚是但此案內垂布藏阿都均係青海郡王所屬蒙古而反哄誘番民劫擄牛隻更屬可惡青海蒙古平素不能自顧牲畜又不謹防卡座一經被擄即憑報官辦理實屬惡習前已屢經曉示今反哄誘番民劫擄本處牲畜其情尤可痛恨若不嚴行禁止成何事體著傳諭奎舒將未獲之蒙古阿都等嚴行查拏審明從重治罪○兵部等部議覆前署四川總督保寧疏稱四川崇慶州懷遠鎮移駐州同外委事宜除州同題准以瀘州州同移駐外請將城守營屬青雲營酌撥外委千總一員移駐懷遠鎮仍歸青雲營守備兼轄城守營參將統轄其兵丁即於城守右營原撥

該州汛兵內抽撥十名交該外委帶領協防。又請以崇慶州所屬西界五十八甲北界五六甲地方撥給新設州同管理再瀘州州同衙門額設典史二民壯六門子二阜隸二快手四馬夫二件作一學習件作二應酌留典史一學習件作二改歸瀘州州判衙門辦事其餘盡令隨帶移駐應添捕役即於快役內改設均應如所請至所擬崇慶州分駐懷遠鎮州同關防瀘州鹽捕州判兼察九姓土司關防亦准咨禮部鑄給其舊關防戳記照例咨銷從之○旌表守正被戕山東益都縣民郝湖妻趙氏○丁亥祭先農之神遣豫親王裕豐行禮○諭曰額勒春奏龍里縣知縣楊炳志氣昏頑精神委頓詢以案牘民情類皆答非所問辦理地方公事舛錯遲延請旨革職等語楊炳著革職至該員係直隸舉人由易州學正截取知縣此等庸劣之員當日截取時例由總督驗看何

以並不據實具奏殊屬不合著吏部查明驗看之總督一併議處該部知道○河東河道總督李奉翰山東巡撫惠齡奏東省上年雨水較多濟南武定等屬支幹各河多有淤淺經前撫臣長麟奏准借帑興挑又臣李奉翰奏准籌淺東昌坡水由徒駭河歸海今勘得徒駭馬頰二河大概深通因去年雨多淤淺估挑土二十四萬五千三百二十餘方又趙牛小支沙河三道宣淺坡水由徒駭河歸海河形淺狹共估挑土四十二萬八千二百二十餘方又四女寺哨馬營支河宣洩漳衛之水現在滾壩迤下河身淤淺應一體挑濬估挑土六萬九千四百八十方零即於司庫春撥餘項下借動遊員督修定於四月內完竣其項分年攤徵歸款得旨著照所請行該部知道○又奏東昌府護城隄工自乾隆六年修築後歷久殘缺上年坡水驟長汕刷益甚亟宜修築完固以資保護請一體借帑興工

仍攤徵歸款報聞○戊子直隸總督梁肯堂疏報宣化縣墾地一頃四十八畝有奇○已

丑

上自盤山迴鑾○諭據步軍統領衙門奏正藍旗滿洲步軍校貴德呈報賊犯孫英一名在監病故經指揮鄧謙芳帶領仵作驗係用鐵鍊自縊身死而訊據步甲德兒等供稱見孫英斜枕鐵鍊之上並無自縊情形與仵作所驗不符請將一千人證俱交刑部另行詳驗

高宗實錄卷一三七五

五

徐英屍身審明定擬等語此案情節步甲等一面之詞固不足據即指揮所帶之仵作等遺漏傷痕捏混填報之處亦所不免是相驗原報均未可據以為憑但孫英一犯不過僅係竊賊並非刦盜可比律無死法何至畏罪自盡且步甲等供內孫英口裏哼哼斜枕鐵鍊之語迥非自縊情形或係步甲等希圖索詐有意凌虐致斃否則或係步甲等知情縱竊事後分贓因孫英就獲恐被到案實供致

罹罪譴有心將該犯致死冀圖減口亦未可定著傳諭刑部堂官委員將該犯屍身另行相驗悉心研鞫以成信讞所有步軍統領原摺並著發交閱看○又諭曰都察院奏東城吏目尹明允辦理民人陳玉控告林大拐伊妻子一案審係誣捏有都察院經歷廳稿房劉姓到坊為陳玉求情釋放經該吏目斥出劉姓遽將陳玉拉去吃飯一去不回當即飭拏劉姓送交刑部辦理茲將該管廳官交部議處等語陳玉控告林大串通車夫拐伊妻子一案即使審明誣捏尚無大罪惟經歷廳書吏劉姓為該犯向坊官求情及坊官不允所求輒膽敢私行帶去藐玩已極不可不從嚴究辦著交步軍統領衙門順天府五城一體緝拏務將書吏劉姓緝獲交刑部嚴審有無賄囑情弊從重定擬具奏該管廳官平日不能約束並著交部議處○是日駐蹕大新莊行宮

高宗實錄卷一三七五

五

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十四

實錄卷一千三百七十四

吉

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十五

監生總管經筵講官太子太傅又開大學士文淵閣閣學領侍衛內大臣稽察欽奉 上諭事件處管理吏

部理書院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次主筆

總管官經筵講官太子太傅又開大學士文淵閣閣學領侍衛內大臣稽察欽奉 上諭事件處管理吏部三庫事務

世襲騎都尉軍功加七級隨帶加二級人加二級在量站內大臣戶部尚書總辦滿洲都統軍功紀錄五次

尋常紀錄十四次在總辦經筵講官太子少保工部尚書紀錄六次在總辦學集

敕修

乾隆五十六年辛亥三月庚寅

上駐蹕三家店行宮 辛卯

上迴圓明園是日月食 刑部議覆河南巡撫
穆和蘭題陳張氏罪名一疏得旨陳張氏與王傑通姦致伊父張起羞忿自盡該撫因係已嫁之女問擬絞候刑部亦照擬覈覆固屬照例辦理但張起之死由於伊女陳張氏與人通姦所致與子孫因姦因盜致祖父母父母憂忿自盡者情罪相同自應一律問擬絞決夫服制以已嫁未嫁分輕重尚可若一

關父母之生死則不可如尋常罪犯照出嫁降服之例稍從輕減也且明刑所以弼教父母天倫不得因已未出嫁遂有區別設使已嫁之女致死父母豈可免其凌遲概從寬典耶嗣後婦女與人通姦致父母羞忿自盡者無論已嫁在室之女俱著問擬絞立決交刑部纂入例冊所有陳張氏一犯即著照此辦理餘依議○豁除湖北黃州衛坍沒屯地一項六十六畝有奇額賦○壬辰

上詣

安佑宮行禮 諭據伍拉納奏續獲浙江哨船案內夥盜高造等四名又聞省各案盜首林啟並夥盜陳秋等二十八名又疊次夥劫消賊之蔡溜一名俱即處斬梟示又知情買贓及誘逼雞姦之紀笑等六名分別充軍杖徒一摺已批交該部議奏矣伍拉納督率員弁嚴拏洋面盜匪前據奏報陸續拏獲洋盜共有一百一十餘名之多業經降旨將伍拉納

交部議敘茲復續獲浙閩各案盜犯高造等三十餘名審明辦理該督上緊飭緝連次拏獲多犯甚屬奮勉又另摺奏拏獲臺灣脫逃征兵陳傑勇即行正法具見留心緝捕不使要犯稽誅所辦亦屬認真伍拉納著再交部議敘並賞大荷包一對小荷包二對用昭獎勵署臬司王慶長前因緝獲盜犯多名曾賞給按察使銜並著加恩一併交部議敘 諭軍機大臣曰孫士毅等奏審擬馬玉等販賣私鹽一摺已批交該部議奏矣此案該犯等所賣私鹽多從臨興場竈戶販買全德鹿奎係專管鹽務之員各場大使皆其所轄乃並不認真整頓實力查察致竈戶等敢於私行售賣實難辭咎今孫士毅等摺內祇請將場員及失察私販繞道潛行之都司把總一併革職而於全德鹿奎並未提及豈官場出售私鹽專管之鹽政運司轉得置身事外耶著傳諭孫士毅等因何不將全德鹿奎奏請議

處緣由即行據實覆奏。又諭據保寧等奏
汗山察罕烏蘇以內游牧之俄羅斯屬之烏
梁海等毋庸逐辦等語。所辦甚妥。但保寧等
意欲出派曉事扎薩克二員。部院章京一員。
曉示伊等。將此地方賞給居住。不必納貢之
處。則可不必。此際如將此地賞給伊等。又不
令納貢之處。曉示反似因薩邁林訛言。安慰
伊等矣。著傳諭恒瑞伍彌烏遜。本年仍作為
不知。照從前每年稽察之例。仍派扎薩克一
員。依歷年查到地方前往一次。大概稽察。此
所遣之扎薩克等。亦毋庸必見烏梁海等。尤
不可露賞給居住。不令納貢之意。俟明年應
辦之時。再另請旨酌辦。將此並寄保寧知之。
又諭據保寧等奏。至科布多。將薩邁林造
言之事。明白曉示杜爾伯特汗瑪克蘇爾扎
布伊等。光景甚屬安靜。畧無驚懼。烏里雅蘇
台。科布多。所屬邊卡。暫且無庸添兵。惟暗中
防範等語。永保亦將土爾扈特情形。奏到。薩

邁林所言。雖必無之事。但土爾扈特等不時
往來。科布多所屬土爾扈特。杜爾伯特等。不
無見聞。若不明白曉示。反似隱匿。令伊等懷
疑。保寧等所辦。尚是。今烏里雅蘇台。科布多
所屬邊卡。無故添兵。反似多事。著不必派往。
恒瑞。伍彌烏遜等。既稱訪得實信。再行酌辦。
即如所奏辦理。但色楞欲見保寧。而至今未
到。色楞素性狡詐。保寧此去。伊未知的。確恐
不無觀望。此皆由特成額從前辦理。張皇所
致。著傳諭保寧。至和博克薩哩。見車凌烏巴
什。曉諭後。即將現在情形。及所得信息。迅速
奏聞。保寧至塔爾巴哈台。見永保時。即籌議
如何撫綏。如何防範。留心辦理。現在俄羅斯
乞通貿易。但既有薩邁林造言之事。未便准
行。將此一併鈔寄與保寧。永保知之。旌表
守正被戕河南內黃縣民田存敬妻宋氏。
癸巳。諭曰。譚尚忠奏。籌畫收買小錢章程。一
摺。內稱。各屬收繳小錢。與其運省改鑄。多糜

脚費莫如於適中處所就近銷燬改鑄大錢較為便捷等語上年孫士毅奏川省地方尚有攙和小錢之弊請定價收買銷燬節經降旨通諭各督撫一體收買查禁乃奉行未久江蘇江西二省仍有收藏小錢之事經長麟等嚴拏懲治可見小民趨利若鶩地方官又不認真查辦或且局錢不能如式以致奸民影射積習難除是收買小錢之例不特有名無實更恐弊益滋弊蓋奸民私鑄小錢恃有官為收買之例紛紛赴局呈繳易換大錢即將所易之大錢私行銷燬復鑄小錢輾轉更換希圖獲利則官為收買不啻導奸民以私銷私鑄之弊矣且官局不肖書吏或即將收買小錢復行轉售弊中生弊而小錢終無收繳淨盡之日於錢法大有關係若不正本源即定例綦嚴亦復何益試思小民等私用小錢已干法禁今既宥其應得之罪祇令將小錢呈繳原屬格外加恩又何必將大錢給

換致滋弊竇乎嗣後著督撫轉飭地方官出示曉諭再行酌量勒限令將民間所有小錢就近赴官呈繳免其治罪不必給換大錢若此次告誡之後仍復私自收藏攙雜使用一經查出即行按律懲處並將錢文入官決不再為宥貸如地方官奉行不實或官局偷漏舞弊惟該督撫及管理錢局之員是問此弊各省皆所不免而雲南為尤甚富綱回任更當與譚尚忠上緊嚴查實心整頓以清弊源毋得日久懈弛僅以查無私鑄一奏塞責自干咎戾將此通諭各省督撫知之又諭曰梁肯堂奏據涿州知州宋鑒稟稱有河南淮寧縣發遣盜犯孫二王成張毛兒三名於二月二十九日押解到州派役李文忠王沛等會同營兵轉解前行至賓店地方孫二假稱腹痛赴坑乘間逃逸該役等前往追趕王成張毛兒又先後免脫現在王沛追趕未回李文忠畏罪自縊請將該知州宋鑒革職等

問等語。孫二等均係免死減等盜犯。沿途自應小心管解。毋致疎虞。乃於該犯等遞解到境。竟至全行脫逃。實非尋常疎玩可比。宋鑒著卽革職。等因。交該督提同兵役人等一併嚴審定擬具奏。其在逃各犯。並著飭屬迅速緝拏務獲。至此等重犯。過境時該督及臬司理應嚴飭文武員弁。慎派兵役。留心護解。今該知州如此玩忽。致要犯脫逃三名之多。則其平日之不能整飭官方。已可概見。梁肯堂阿精阿。及其餘該管各上司。均交部嚴加議處。○又諭曰。譚尚忠奏據署寶寧縣知縣熊孔榮詳報。該縣僉差解審發回斬決人犯蕭光祖一名。於正月初五日夜間。行至縣屬地方住宿。該犯乘兵役睡熟。擄斷鎖杻脫逃。現在飛飭各州縣嚴密截拏。請將熊孔榮及添差撥兵護解之署。卽北縣縣丞樊若時。彌勒汛把總羅文魁。一併革職。協緝等語。蕭光祖係例應斬決重犯。由臬司轉發首縣收禁。沿

途自應添派兵役逐程小心護解。今於寶寧縣地方乘夜毀棄刑具。脫身潛逃。兵役等竟敢任意熟睡。以致追尋無蹤。該署縣等僉派不慎。疎玩已極。若僅予以革職。不足蔽辜。熊孔榮樊若時羅文魁。俱著革職。等因。交該督提同押解兵役人等一併嚴審定擬具奏。至譚尚忠於地方文武員弁。平時不能加意整飭。臬司賀長庚於重犯發回。未能嚴飭所屬留心防範。以致重囚中途竄逸。亦難辭咎。譚尚忠賀長庚。及該管各上司。均著交部嚴加議處。○諭軍機大臣等。安南國王阮光平。於南旋後。接奉硃批嘉獎。並御書大壽字。荷包玉器等件。具表恭謝。情詞肫摯。實皆出自衷誠。披覽之餘。深為欣悅。已於表內硃筆批示矣。前國王所遣進京謝恩使臣。朕因其入關尚早。程期尚寬。該陪臣等毋庸急於跋涉。降旨傳諭廣西巡撫陳用敷。令其知會前途。緩程行走。於七月交秋涼爽。前赴避暑山莊。與

蒙古王公等一同宴齊此係朕特加體恤令得緩行赴都不致途中冒暑勞頓及陳用敷接奉諭旨陪臣已過桂林即不必再令轉回徒勞往返乃陳用敷拘泥前旨輒令趕回省城殊屬錯謬已降旨訓飭將陳用敷交部議罪並恐陪臣等不知原委見巡撫已令起程忽又追回或致心生疑畏諭令陳用敷將此事情節向陪臣詳悉告知今再將朕前後降旨飭諭緣由一併令該國王知之表內稱有廣西撫部院陳字樣於陳用敷未經書名其意自屬尊重天朝但君前臣名汝既備列藩封與督撫大員同係臣子何有內外之分嗣後對朕之言均應直書督撫名姓用符體制汝益當恪恭侯服勵乃忠誠以期永膺渥眷所有硃批該國王表文仍著發交閱看該國王接奉此諭不必另行繕表謝恩副朕嘉惠遠藩優加體恤至意又諭曰孫士毅奏據各屬稟報拏獲海洋江面及內河陸地行劫

盜犯劉鶴張三等四十九名現已審明各情節分別定擬一摺已交部議奏矣江省洋面雖非閩廣可比但沿海一帶地方亦當留心偵緝今孫士毅等分委幹員嚴密查拏緝獲多犯從嚴究治可見地方官認真辦理即能獲盜如此之多所有此次出力拏獲多盜之知縣縣丞一併交部議覆准其送部引見以示鼓勵外其案內未獲逆盜著孫士毅等嚴飭所屬四處搜捕務期弋獲以淨根株現在浙省洋面盜匪出没皆由沿海各處民風剽悍地方官不能留心化導遂致相習為匪犯法輕生倘或稍事姑息何以安行旅而靖盜風福崧在温州地方督拏已久獲盜無多並著傳諭該撫上緊緝捕飭屬嚴拏不可因日久生懈致滋疎縱也又諭曰陳用敷奏阮光平奉到御批表文恩賜各件具表謝恩並將表文進呈朕披覽之下具見該國王語出衷誠深可嘉尚已於表內批示并將陳用敷

拘泥前旨令該國使臣趕回省城辦理錯誤業將該撫訓飭議罪緣由用寄信諭旨詳悉諭知阮光平該撫接奉後即專員齎至鎮南關交該國鎮目轉送該國王閱看並著知會阮光平以天朝凡有傳諭各督撫大臣事件俱用大學士遵旨寄信字樣上年國王在京瞻覲祝釐大皇帝曾將寄信各督撫諭旨賜令閱看國王自己諳曉今此次諭旨大皇帝特令寄信頒示係屬格外優眷與內地督撫大臣視同一體大皇帝之於國王不啻家人父子實為從來外藩未有之榮幸如此詳悉照會該國王自必倍加欣感也除將硃批表文及寄信阮光平諭旨發交陳用敷就近轉交外並諭福康安知之○又諭前據土爾扈特親王車凌烏巴什將伊屬下由俄羅斯逃出喇嘛薩邁林及俄羅斯所寄書信一併呈送朕當即嘉獎賞給錦緞荷包等物今解到薩邁林審問伊逃出時經車凌烏巴什遣護

衛伊濟勒審訊據供出俄羅斯言詞書信伊濟勒即恐宣洩惑眾遂同原書一併解送特成額處看來伊濟勒甚屬曉事可嘉著加恩賞給散秩大臣職銜并戴花翎仍令保寧等就近賞銀一百兩以示獎勵○又諭昨據蘊端多爾濟等奏俄羅斯請通貿易業將未便准行之處寄諭保寧永保矣今閱所譯俄羅斯文字仍無恭順求請之辭且現有薩邁林之案如准其貿易反似畏怯須俟伊等窮蹙之日然後准行可耳著傳諭保寧永保等令其加意防範不可張皇無庸添兵又特成額所奏薩邁林供稱俄羅斯言本處有兵六萬爾等願從則助我相攻如不願從聽爾自便本處決於興兵等語今覆審時據薩邁林所供俄羅斯並無必舉之語而所譯俄羅斯文字內亦未言及興兵或係特成額不解蒙古語彼處通事平常以致誤寫著一併傳諭保寧永保等令將通事等詳訊具奏○河東河

道總督李奉翰奏豫省黃河兩岸額設河兵每廳自一百五六十名至三百一十名多寡不等。惟蘭儀一廳緣乾隆五十一年將所屬儀封下汛。睢州上汛分設儀。睢通判河兵隨工分撥。該廳僅存八十二名。自前年蘭陽河溜上提。蔡家樓一帶新生埽壩。該處地近新南隄。要工林立。儀封頭二三堡挑水各壩埽段綿長。兵力不敷。每當大汛現時。撥用每致緩不濟急。請於各廳兵多工簡之處量為調撥。查上南廳設兵三百一十名。撥二十名黃沁廳設兵二百一十名。撥二十名。曹考廳設兵一百六十名。於考城汛內撥十八名。商虞廳設兵一百八十名。撥十名。連原存之數共有兵一百五十名。可敷修防之用。報聞。○甲午。諭朕恭閱。

世祖章皇帝實錄內有直隸總督張元錫被麻勒吉呵辱自刎之事。因取國史館所纂張元

錫列傳詳加披閱。內載張元錫於任直隸總督時。值孫可望降。附學士麻勒吉。齎勅往迎。至順德府。元錫出迎。麻勒吉責其失儀。加以呵辱。元錫歸。引佩刀自刎。以家人救未絕。經巡撫董天機奏聞。

命學士折庫納往究。並令赴京質對。元錫具陳麻勒吉苛索凌辱情狀。下九卿科道議。將麻勒吉革職。旋經降級留任。數月後。元錫復自縊身死等語。朕閱此情節。當時開國之初。滿漢臣工不無意存歧視。此案自係袒護滿洲。故於麻勒吉議從末減。試思張元錫接見麻勒吉時。若非任意需索。肆行呵斥。種種受辱。難堪何至以總督大員。遽爾輕生自刎。迨赴京對。勒復未將伊屈抑之處。為之申理。致張元錫含冤莫雪。仍復自縊。麻勒吉妄作威福。情罪甚大。設在此時。朕必寘之重典。決不稍為寬貸。至張元錫服官本朝。並無劣蹟。雖係明季庶吉士。未經授職。與曾任前明清要。覲

顏改節者不同。非但不應列入貳臣乙編。並不應列入貳臣傳內。乃國史館臣不加詳審。輒與馮銓龔鼎孳諸人一例編輯。該總裁亦不免存偏袒附和之見。著飭行該館從前所辦諸臣列傳。有身事本朝而在勝國時僅登科第。未列仕版者。均著查明改正。毋庸概列貳臣。以昭信史。朕彰善癉惡。一秉大公。於偷生貪祿。行同犬彘之流。即身後亦不能倖邀寬假。而覈其事蹟。實與貳臣有間者。則必明示區別。使薰蕕不至混淆。如張元錫等地下有知。固當銜感於泉壤。而天下萬世知朕於滿漢諸臣一視同仁。褒貶悉歸至當。益可曉然於激勸之大義也。○又諭曰。新授直隸州知州員承寧。熟習俄羅斯文字。向來俄羅斯事件。俱能悉心妥譯。今將員承寧留京。遇有此等事件。尚屬得力之員。員承寧著開其所補知州員缺。仍留京以員外郎補用。但念伊家計維艱。行走未免拮据。著加恩交部。遇有

各庫員外郎缺出。或錢局監督員缺。即將員承寧奏請坐補。員承寧嗣後益當感激朕恩。於一切差使。倍加奮勉。所有俄羅斯學生。務須悉心訓課。戶部議覆署四川總督保寧疏。稱天全州茶樹繁盛。額增之引。仍不敷配。茶商段公泰等請增茶引二千五百張。配運接濟。於國課民食。兩有裨益。并請先將乾隆五十五年分發川現存茶餘引五百張全數飭發配行。其不敷引二千張。俟頒五十六年發川餘引動給。按年照例推課。應如所請。從之。○乙未諭曰。岱森保補授領隊大臣。前往伊犁。雖屬年淺。但念伊母年老。著即回京。伊所遺錫伯部落領隊大臣員缺。著伊犁協領德明阿補授。並賞給副都統職銜。○又諭。熱河滿洲佐領兆善。因該佐領下馬甲長保住賭博。杖責致死一案。交軍機大臣審明。將兆善議以降二級調用。具奏。固屬照例定擬。但兆善如果挾嫌。有意將長保住杖責致斃。自

當從重治罪。今因長保住賭博該佐領兆善將伊責懲。長保住並不認罪。自悔反行頂撞。兆善始行加倍重責。因傷身死。況驗其傷非不如法。若遽將兆善降級。恐啟兵丁不遵約束之漸。且駐防地方立法亦當從嚴。所有兆善降級之處著寬免。仍留原任。諭軍機大臣等。現在審訊薩邁林一案。雖多疑竇。但伊供稱前往邊卡解馬被哈薩克擒去等語。土爾扈特游牧邊卡皆有土爾扈特人居住。聞此謠言未免疑懼。若添官兵反致生疑。現在車凌烏巴什既將薩邁林送出。料無他意。著傳諭保寧永保等。令其嚴密巡察。作為無事。再薩邁林往來必由卡上經過。卡上官兵所司何事毫無知覺。甚屬怠玩。此皆特成額任內之事。將此寄與保寧永保並著嚴查。奏。署江蘇巡撫長麟奏蕭縣等被水災區蠲緩兼施。並於正賑展賑外准借籽種。若再平糶接濟。民食更為有益。請將倉貯穀石麥豆

酌撥出糶。照江蘇災地減糶章程。各州縣鄉鎮分設棚廠。妥辦報聞。湖南巡撫馮光熊奏籌議護送銅鉛章程。查每年滇黔運京銅鉛俱經過湖南巴陵縣境。係岳常澧道及岳州府所轄。岳常澧道駐劄澧州。距岳郡較遠。岳州府近在同城。請嗣後准到滇黔知照之文。即飭岳州府馳往界首迎護。督送出境。又南省辦運京鉛自省城開行至湖北嘉魚縣出境。其長沙至巴陵文替應責成長沙府照料。巴陵至湖北嘉魚。即令岳州府護送出境。並令該管長寶道岳常澧道稽查。再滇黔銅鉛自四川重慶換船開行。若俟地方官具報上司轉咨。未免紆遲。現咨明川省。令重慶府於換船開行五日前。即繕傳單沿河飛遞來楚。以便迎護。又船隻入巴陵縣觀音洲上。翻嘴下翻嘴。荆河腦白螺磯楊林磯。在在危險。應照例刊知單。並令多雇熟諳水手。小心保護。以免疎虞。得旨行之。在人立法而不實

力行之何益。丙申諭曰慶桂現穿母孝。所有正藍旗滿洲都統事務著雅朗阿署理。再伊所署正紅旗蒙古都統事務著常青署理。○諭軍機大臣等。據福康安奏。拏獲海洋疊劫盜犯吳士奇等三十三犯。審明後即行正法。又拏獲崖州拒捕案內盜犯將周元保等八犯。先行正法。伍維連一犯暫留質證。所辦均屬認真妥協。其緝捕出力之文武各員。即著各部議敘。以示鼓勵。又福康安另摺奏稱

閩省解到盜犯鄧全等一十七名至省。隔別研訊。供詞各皆矛盾。據鄧全等十二名供明。係在閩洋行劫之犯。內有鄧全吳佑陳送梁麟四犯。曾在閩省虎頭山洋面搶劫。並非崖州案內正犯。監提正盜關應華當堂質認。各稱從未見過。閩省訊供時。因閩省廈門虎頭山與廣東崖州老虎頭山地名相似。該犯等圖免受刑。朦朧混認。查兩山相距不下三千六百餘里。原供開船行劫月日本屬未確。拒

捕情形亦未脛合。該犯等甫經解到。未便仍行解閩。致有疎虞。現飭牢固監禁。錄供咨閩查訊明確。即在粵省正法等語。鄧全等雖非本案正盜。但曾在閩洋疊次行劫。即係例應斬梟之犯。亦不必因供內地名不符。稍稽顯戮。閩粵洋面毗連。盜船往來。出沒原無定蹤。全在兩省文武員弁協力緝拏。以靖盜風。而安行旅。在閩在粵。自不可畧存畛域之見。致追拏員弁等。彼此推諉。轉使盜匪遠颺漏網。

朕以沿海地方。洋盜肆劫。嚴飭各該督撫。上緊查拏。果能實力督緝。即行恩加褒叙。從不肯將盜犯本籍地方官。治以失察之罪。致啟其諱匿之心。即如浙江廣東所獲盜犯。多籍隸福建之人。朕並未咨及閩省。轉因伍拉納獲盜較多。加之甄敘。該督等惟當協力緝拏。更毋庸以疆界區分。稍存歧視。嗣後閩粵獲有盜犯。於何省拏獲。即於何省正法。若以供詞稍有不符。復解往犯事地方質訊。恐長途

往返接遞致有疎虞且該犯等自知罪在必死往往信口誣扳混供情節希冀反覆查苟延殘喘即如直隸所獲謀財害命之劉松一犯搜出邪教歌單據該犯供指係豫省高三晉省廣息傳授及徧查兩省並無其人實係劉松誣扳始將該犯正法完案福康安等拏獲盜犯惟當悉心研鞫不得任其誣扳狡展稽延時日其未獲要犯匪夥等既有逃匿安南之供自應照會阮光平於境內堵截搜拏該國王最稱恭順想能嚴飭鎮目上緊緝捕如果將匪犯獲獻自當優加恩賚也至阮光平回國後特遣家臣黃仲川齎送福康安禮物固屬該國王恭敬悃誠藉通款洽但伊職居藩服分則外夷福康安卻之不受自當如此該國王按准照會知人臣無越境私交之義於天朝法制更為得體也將此傳諭福康安郭世勳並諭伍拉納知之○丁酉諭據永保奏哈薩克汗幹里素勒坦遣伊子阿彌

載來京瞻覲並將土爾扈特俄羅斯等情形籌畫具奏哈薩克汗幹里素勒坦於去歲遣伊弟多索里素勒坦恭祝朕八旬萬壽尚未回至牧所今又遣伊子阿彌載前來實因屢年受朕不次之恩淪肌浹髓感戴之心出於至誠實為可喜永保因阿彌載幼小令其在路不必趕緊令於七月盡八月初間至避暑山莊所辦甚是又將土爾扈特喇嘛薩邁林傳述之語斟酌籌畫目今俄羅斯哈薩克土爾扈特等情形與朕所降諭旨昭合永保頗為長進甚屬可嘉新疆得此曉事可任之人實為於事有益永保著加恩授為內大臣賞戴雙眼花翎以示鼓勵即頒賞頭品頂戴雙眼花翎大荷包一對小荷包四個永保接授後益當感激朕恩於一切事體愈加奮勉○戊戌上御勤政殿聽政○諭曰慶霖現穿母孝所有青州副都統事務著派德福前往署理慶霖

著來京成服。○諭軍機大臣等現在審訊薩邁林竟不認自行逃往堅稱被哈薩克拏去且又供四哈薩克內有一名雅瑪呼勒者等語看來或果係被擒亦未可定此案竟不必深究但傳諭保寧永保等作為無事處之可也。○調鑲藍旗蒙古副都統台斐英阿為正藍旗滿洲副都統以工部右侍郎成策兼鑲藍旗蒙古副都統。○豁除直隸易州梁各莊建永福寺占民田四十五畝有奇額賦。○己亥諭據僧保住奏稱拏獲由配所脫逃為奴遣犯周盛寬林大生二名業經審明將周盛寬即行正法林大生係尋常發遣人犯照例另行辦理等語周盛寬係三次搶掠減等為奴遣犯膽敢由配所脫逃情屬可惡拏獲自應正法但林大生雖係尋常遣犯其因何事發遣之處摺內並未聲明如何照例辦理之處亦未聲明再此次所獲逃犯二名想來非協領佐領等自行拏獲必有領催兵丁亦應

賞賚以示鼓勵著交僧保住將林大生究係因何事發遣現在拏獲如何照例辦理之處查明並將拏獲逃犯之兵丁人等查明量加獎賞奏聞。○晉江西巡撫姚榮慶奏督辦緝私疏引查南昌等府與粵浙毗連之處堵截尚易為力惟建昌府屬界連閩省路徑較多堵截稍難必須於各要隘添設卡巡廣為堵截現經岸商等呈請捐辦上年缺銷七千八百餘引誠恐新舊遞壓現通飭嚴緝私販以期暢銷俟恒寧三月底屆滿即牽算銷數覈計功過具奏得旨此亦無可奈何之法且行之或可再酌以按察使銜福建臺灣道王慶長為福建按察使。○庚子諭據阿桂奏伊子阿必達患病日久現在不能當差等語著照阿桂所請阿必達准其解任調理其所遺正藍旗滿洲副都統員缺著阿爾薩朗調補阿爾薩朗所遺員缺著永珊補授。○諭軍機大臣曰姚榮奏粵浙兩省毗連江境之處堵

緝私鹽尚易為力。惟建昌府屬界連閩省之區。路徑較多。堵緝稍難。必須於各要隘添設卡巡。廣為堵截。方收實效等語。各省行銷官鹽。分疆畫界。各銷各地。原以杜偷漏引課。越境販私之弊。但必須酌覈遠近情形。使民間食鹽不致舍近求遠。去賤就貴。方為妥善。即如姚茶所奏。江西建昌界連閩省。該處私鹽多從福建販入。可見建昌一府。雖例食淮鹽。而距淮南二千餘里。閩省邵武汀州等處。不過二三百里。運鹽程站較之淮南近至十倍。其鹽價自必貴賤懸殊。欲百姓之舍近賤而食遠貴。原非正道。即禁閩鹽之不入江境。顯屬有名無實。不知從前定例時。何以不將隣閩府分就近行銷耶。他如湖南之永順。湖北之宜昌等府。與川境毗連。該處私鹽俱從四川運入。以此類推。各省多有在鹽政等各有額定引課。所謂出納之吝。不肯通融辦理。殊不知建昌與閩省相近。永順宜昌等府與川

省相近。何妨改食川閩引鹽。所有應徵鹽課。即移至該二省輸納。如此一轉移間。不特便於民食。即私販亦無從影射獲利。其弊自可不禁而止。即直隸豫東。江浙閩粵。山陝甘肅。雲貴等省。向定銷引地方。有相離較遠之處。或可改歸就近省分。均勻搭配。庶於民食國課兩無妨礙。但此事行之既久。一涉更張。恐致滋擾。扞格難行。著傳諭各督撫酌量情形。悉心覈議。如能不動聲色。與隣省彼此確商調劑。可省許多緝私之繁者。並著會銜詳議具奏。總以不畏難而又以不滋事為要。又諭曰。姚茶奏拏獲臨川縣民張必發等十二犯。結黨誘賭滋事。審明定擬一摺。內稱張必發等藉墟會酬神為名。結拜兄弟。糾黨誘賭。並有強當強買之事。民間因其兇惡。指為天罡地煞名目。該犯等即以天罡為會名。每借廟會斂錢打架。擾害地方等語。此案張必發等立會斂錢。強梁滋事。殊屬不法。乃該撫摺

內稱天罡地煞實是鄉間詬罵惡人之語為之聲敎以冀化大為小甚屬非是試思天罡地煞係水滸傳奇所造名目設為誇大之詞以肆其橫行搶奪姚茶豈未之見非若川省呼匪徒為咽嚕語涉詈罵者可比安得以天罡為詈罵之言曲為解免耶況該犯等既聚集多人而鄉民以天罡會指為詬罵該犯等豈肯直居其名外省地方官辦理案件往往規避處分化大為小積習相沿牢不可破即如閩省天地會改為添弟會有心隱飾即其明證姚茶曾任閩粵豈不聞知雖張公發等糾黨滋事不過意在斂錢訊無別項不法情事然該地方官有意消弭以天罡係詈罵之詞代為開脫該撫不行詳察遽爾入告轉致案情不實姚茶著傳旨嚴行申飭至此案雖非糾眾搶劫滋事但既聚有十二人之多為首之犯亦應加重問擬絞罪方足示懲著傳諭姚茶再行提犯嚴鞠務得確情另行定擬

具奏以成信讞尋奏提到各犯率同兩司悉心推鞫據供天罡會名目係外人所指後即藉此恐嚇鄉愚供認明確實與自立無異批若是罵語何以藉名恐嚇人此即足見汝不明白矣又奏聚會結盟罪無可逭已將首犯張必發從重擬絞餘犯亦俱加重定擬得旨覽○辛丑諭軍機大臣曰奎林等奏續獲結會匪徒審明定擬一摺已批交該部速議具奏矣但摺尾僅寫至恭摺具而止奏字以下應寫字樣全行脫落特用硃筆點出該提督等於此等陳奏事件何漫不經心錯誤若此豈繕寫拜發時竟全未寓目耶奎林為鍾傑著嚴行申飭又另摺奏拏獲榜示有名逸匪陳宜徐講二犯審明正法所辦尚屬認真所有盤獲該二犯之兵役著奎林等查明酌加賞賚以示鼓勵將此諭令知之○吏部議覆湖廣總督畢沅奏稱湖北安陸一府地處荆襄要衝統轄荆門鍾祥京山潛江天門當陽

六州縣幅員遼濶訟獄繁多為楚省第一難治之區且沿江隄防護均關緊要該府治理頗費周章請將安陸府屬荊門州改為直隸州知州以附近當陽並荊州府屬之遠安二縣撥歸管轄仍定為衝繁疲難要缺在外揀選題補其原設州同一員亦改為直隸州州同經理各屬糧捕事宜仍定為簡缺歸部銓選至學正訓導吏目巡檢等官悉照舊制應如所請從之○閩浙總督覺羅伍拉納疏報閩縣侯官霞浦福鼎福安寧德漳平等七縣墾地十一頃二十畝有奇及詔安墾水田八十八畝有奇○陝西巡撫秦承恩疏報安康縣墾大道河等處水田一頃十八畝有奇○旌表守正捐軀直隸晉州民茹黑妻姚氏○壬寅諭曰鄂輝奏據署臬司林偽稟稱儀隴縣易蕭氏故殺夫姪易紹華一案該府縣原擬本屬絞罪該署司以係尊長致死行竊之卑幼改擬杖流今經部駁除遵照改正外

理合據實檢舉自請交部議處等語此案原擬之府縣既係問擬絞候並無錯誤自應免其議處至該署司林偽改擬失當固屬咎有應得但念該員據實自行檢舉並不稍存推諉尚屬得體所有林偽交部議處之處著加恩寬免○江南河道總督蘭第錫奏順黃壩上下共有木龍五架又陳家莊新生埽工前河臣李奉翰奏明估紮木龍一架嗣因順黃壩壩頭四二架漸淤經奏明移改並於陳家莊加築挑水壩現甚得力惟順黃壩二三五架木龍身外現又漸掛淤灘必須起拆移紮其陳家莊工頭自築挑水大壩木龍漸亦被淤應將工頭木龍移於工尾改紮長四十丈以資挑溜報聞○癸卯諭免貴州運京沉溺未獲鉛三萬一千五百五十觔○甲辰諭曰額勒春奏平遠州知州朱昕領運楚鉛據該員報稱在楚鎔化竟短少七萬餘觔連後幫覈計共短二十萬觔查該員在局領兌時如果

低潮何以並無隻字稟聞且後幫之鉛未到未鎔何以知其短少顯有情弊請將朱昕革職提解回黔嚴審究擬等語委員朱昕領運楚鉛在局領兌時既無短少何以在楚鎔化忽稱短鉛七萬餘觔且將未到未鎔之鉛逆料其必有短少豫留侵冒情弊居心實屬巧詐僅予革職審擬不足蔽辜朱昕著革職等因交該撫嚴審定擬具奏至閱摺內該委員係於五十五年在局領運該員在途任意遲延經該撫札催並將遲延職名開查咨部是該員領運在途無故逗留顯有偷換舞弊情事該撫明知該員行走遲滯僅行札催並不查明參究迨事已逾年經該員稟報鉛觔短少始行奏參實屬非是額勒春著傳旨申飭現在該員朱昕已據提解回黔嚴審究擬該撫務須秉公研鞠徹底查辦毋得意存瞻徇致滋寬縱干咎該部知道○又諭據穆和蘭奏新野縣知縣陳子瑾於魏壽山店內被

劫業經親往勘驗情形並不據實通詳捏報被竊請將陳子瑾革職等語知縣有緝盜安民之責本宜稽查盜匪嚴拿究辦以安良善乃該縣陳子瑾於魏壽山店鋪被劫一案輒敢規避處分以盜為竊似此有心諱飾必致縱盜殃民自應將該縣嚴參治罪若僅予褫革何以肅吏治而靖閭閻陳子瑾著革職等因至該撫於此等諱盜欺飾之員僅以參奏革職了事所辦殊屬輕縱穆和蘭著傳旨申飭該部知道○諭軍機大臣等據陳用敷奏前此接奉諭旨已在安南陪臣過省之後辦理糊塗此時自當遵旨即令起程趕於端陽前到京但該陪臣等業已轉回若復令其即日起程距端陽止有四十餘日加緊併站尚恐不能如期抵京既非所以仰體軫恤深恩而行程急速忽遲陪臣等轉生疑慮且恐趕赴不及與兩次所定宴賚之期均不能適當其時現在酌量情形不敢因前經錯謬文飾

迴護仍遵前旨。於七月二十日前行抵熱河等語。前因安南使臣已經過省。陳用敷拘泥前旨。仍行趕回。辦理實屬糊塗。業經降旨。交部嚴加議處。並令該撫即行派員照料。啟程於端陽前到京。今陳用敷以現距端節止有四十餘日。恐趕赴不及。仍請俟四月中旬由水路行抵武昌。由武昌登陸進京。約於七月二十前行至熱河。此時若再令起程。為期更促。莫若即照所請。為便。該撫於此事雖顛倒錯亂於前。而接到後奉諭旨。計算程期。不敢將錯就錯。所奏尚屬可行。著傳諭陳用敷。仍遵初次諭旨。竟令陪臣等於四月中旬。緩程前進。由水路行抵武昌。再行登陸。並著傳諭沿途各督撫。不必即行豫備。探知該陪臣等到境。飭屬妥為照料。令其緩程行走。於七月二十以前行抵熱河。以便與外藩蒙古哈薩克等一同宴齊可也。是月浙江巡撫福崧提督陳杰奏。浙省洋面近年屢有盜匪拒捕。

查向來出洋巡緝。多係零星分股。自顧汛地不能得力。臣等嚴飭各鎮將弁。連艚會哨。協巡。並因上年添雇民船協緝。後洋面寧謐。現將應行更換船隻。捐雇派換。在温州各洋面常川協緝。所配兵丁。亦令酌量輪換。以均勞逸。得旨。汝浙省水師。大不及閩省。勉力整飭。毋為虛言。○閩浙總督覺羅伍拉納奏。福建省上杭縣大巖背山。產有礮礮。經前督臣李侍堯奏明開採。並查明該山場。每歲約得礮五萬觔。閩省歲需礮一萬六千觔。計採兩年可備六年之用。今自五十二年十一月起。至五十四年十二月止。共收獲十萬觔。業經採煎足數。應行停止封禁。下部知之。○陝西巡撫秦承恩奏。寶陝局鼓鑄錢文。向委佐貳一員專司。由布政使鹽道稽查。其錢即貯局中。搭放兵餉。由司給票赴領。惟該局每年額鑄六萬餘串。近日收買小錢改鑄。為數更多。若照舊貯局。恐日久滋弊。查藩司為錢糧總匯。

所有局鑄錢文請即歸藩庫收貯其搭放兵餉即由司當堂給發得旨嘉獎

大清高宗法天隆運至誠先覺體元立極敷文奮武孝慈神聖純皇帝實錄卷之一千三百七十五

大清高宗法天隆運至誠先覺體元立極敷文奮武孝慈神聖純皇帝實錄卷之一千三百七十六

監修總裁官總纂修官太子太傅文淵閣大學士文淵閣領閣事領侍衛內大臣傅爾丹奉 上諭事件處管理
吏部理藩院事務直隸總督滿洲都統世宗憲御前軍功加七級隨帶加一級尋常加二級軍功紀錄一次臣履桂
總纂官經筵講官太子太傅文華殿大學士文淵閣領閣事稽察欽奉 上諭事件處管理刑部三庫事務
甘肅副都統軍功加十九級隨帶加二級又加二級臣董浩內大臣戶部尚書總纂滿洲都統軍功紀錄五次
尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十六年辛亥夏四月乙巳朔享

太廟遣順承郡王倫柱恭代行禮○諭軍機大臣等本日吏部將推陞慶陽府知府周承芳帶領引見該員係由浙江衢州府同知論俸推陞知府朕觀其才具平常恐不勝知府之任著傳諭勒保俟該員到任後留心察看如尚堪供職則可果不能勝任即行據實奏聞毋得瞻徇○又諭前因陳用敷於安南使臣過省之後復行趕回辦理拘泥錯謬降旨將該撫交部嚴加議處經吏部議以無級可降

應行革任。本應即照部議革任。昨據該撫具奏。接到續奉諭旨。令該陪臣等即日起程。於五月初到京。計算程期。實不能趕赴。仍請遵照前旨。於七月二十前行抵熱河。是該撫雖顛倒錯亂於前。尚不敢將錯就錯於後。已將吏部議本折留。俟御門降旨留任。但該撫於外藩陪臣入覲之事。辦理錯誤。令其徒勞往返。咎實難辭。雖加恩免其革任。亦應將陪臣等經過各省沿途往回支應之費。罰賠示儆。著傳諭沿途各督撫。將安南陪臣此次過境一切例給支應費用。共計若干。俱咨明陳用敷。令其照數賠交。不准開銷。○予故浩齊特扎薩克多羅額爾德呢郡王齊蘇隆多爾濟致祭如例。○丙午。諭本日召見大理寺少卿富爾遜。年邁耳聾。高聲詢問。竟無所聞。奏對舛誤。難勝京堂之任。著即以原品休致。○丁未。

上還宮。○是日起。

上以常零祀

天於

圜丘齋戒三日。○戊申。諭軍機大臣等。刑部奏安徽涇縣監生董一棟之弟董培呈控湯考等。刦搶筏木。糾衆拆屋。釀成人命。出銀賄和一案。朕詳閱情節。此案業據該撫審明題結。今復據董一棟遣弟赴京控告。所控起釁互毆。各斃人命緣由。均與原題相符。惟呈內所稱。刦搶筏木。糾衆數百人持械爭毆。及縣書婪贓舞弊。湯姓出銀賄和。俱屬原題內未有之情節。是否該犯捏詞聳聽。抑或承審之員刪減案情。意存開脫。自應徹底究訊。至董一棟在湯姓墳前八十步。蓋造房屋。恐礙風水。經湯考聞知。控縣禁阻。董姓並不聽候審斷。即行建造。固屬不合。而湯考不俟官斷。輒復持械糾衆。搶木拆屋。以致各斃人命。亦屬恃強滋事。著將董培解往。交孫士毅。弼查原案。秉公審訊。據實具奏。孫士毅弼非此案原辦之

人自無所庸其迴護也。○已酉。

上詣

南郊齋宮齋宿。○諭前年因叅革府經歷沈寧仁署理鳳陽縣任內辦理災賑。覈減銀至一萬餘兩之多。顯有侵冒情弊。交前任巡撫陳用敷查辦。嗣據該撫審明。稱係多帶夫役。濫用多費。委無捏飾侵吞之事。將沈寧仁發往伊犁充當苦差。並將各前任失察官分別著賠。業經照擬完案。朕思沈寧仁以微員署理

縣篆。經管賑務。浮開銀兩。該省自行覈減至一萬餘兩。其為藉端侵冒。情弊顯然。陳用敷查審此案。僅稱該員所派人役過多。復延時日。致例外多有糜費。並未將濫領冒銷之弊查出。問擬發遣。已屬從輕辦理。案已久定。朕亦不加深究矣。今因該旗查辦著賠之人。有因濫賑覈減之一語。偶觀之不勝愾惕。朕自臨御以來。迄今五十餘年。勤求保赤。補助多方。每遇偏災。無不豫籌蠲貸。偶值旱潦災侵。

不惜千百萬帑金。優加賑卹。並每諄諭封疆大吏。寧濫無遺。不得稍存靳惜。務使窮簷胥霑實惠。此天下臣民所共知共見者也。因濫賑而治罪者為誰。沈寧仁承辦賑務。果能毫無欺隱。惠及閭閻。即使多費帑金。尚當加之獎擢。茲覈減過多。乃因其違例私用。但非侵冒入己。故從輕辦理耳。若侵冒入己。必當正法。豈祇發遣着賠乎。今軍機大臣及該旗部所辦不周。竟稱因災賑覈減。此語雖小。不用心之誤。為實大有關係。朕不肯受。亦不忍受也。使天下後世謂因多賑覈減。治人之罪。則朕為何如主。且此案正賑加賑帑項。就鳳陽一邑而論。已費銀二十餘萬兩。豈於此萬餘金。而轉有所吝。命覈減之理。此案乃沈寧仁浮開銀數。為家人胥吏從中侵冒所致。是以將伊治罪。特無入己之贓。故未正法耳。並非於災賑帑銀。嫌其多費也。若如軍機大臣及旗部所稱。因災賑覈減。則以後各省凡

遇災傷地方官必豫存恐因賑覈減之心以致撫卹不周。災民失所。其弊尚可問乎。無知狂徒。正可妄言謂朕為吝賑不愛百姓矣。故此一語之失。事雖小而所關者大。不得不費辭。此諭著通行各省大小衙門。各書一道。永遠示警。知朕愛民不惜費也。○又諭據成德奏金川河東土守備丹比西喇布病故等語。丹比西喇布前在軍營奮勉打仗受傷。現今傷發病故。殊屬可憫。朕心深為軫念。著加恩賞銀一百兩。以作善事。其所遺守備員缺。此次即著伊子郎爾結補授。丹比西喇布之母現已年老。著賞給都司半俸。養贍終身。以示體恤。○諭軍機大臣等。昨因厄魯特總管碩通病故。伊子特古斯們都現係副總管。是以將伊補放。並非令其承襲。將來特古斯們都出缺時。若再將伊子孫補放。則視為伊家世職。久之直如勲舊佐領。衆人皆其屬下矣。此事斷不可行。著傳諭永保。遇此等缺出。務須

留心。將此通諭新疆各處將軍大臣等一體遵辦。○庚戌常雩祀天於圜丘。上親詣行禮。○辛圓明園。○諭曰。梁肯堂奏宣化鎮總兵愛星阿現患痰疾。驟難痊愈。懇請解任等語。愛星阿准其解任。回旗調理。所有直隸宣化鎮總兵員缺。著扎勒杭阿補授。○諭軍機大臣曰。梁肯堂奏拏獲解部發遣盜犯孫二。審明正法。及官弁兵役人等分別定擬一摺。已批該部議奏矣。孫二係免死減等盜犯。膽敢在途脫逃。情殊可惡。今梁肯堂飭屬拏獲。後即將該犯正法。所辦尚是。至摺內又稱同孫二脫逃之王成一犯。現經河南內黃縣拏獲。解省審辦等語。王成亦係免死減等盜犯。一經拏獲。例應即行正法。著傳諭穆和蘭不必將該犯解部。審明後即行正法。至未獲之張毛兒一犯。著梁肯堂飭屬嚴拏務

獲。毋使漏網稽誅。又該州解役王沛沿途既不能小心管解。致重犯三名同時脫逃。茲復畏罪潛逸。甚屬可惡。並著該督一併飭拏。從重處治。其拏獲孫二。王成二犯之兵役人等。著梁肯堂穆和蘭查明量加獎賞。以示鼓勵。○辛亥諭曰。錦州副都統一缺。有管理旗民莊頭。並稽查沿海一切事務之責。必須精明之人。方於事有裨益。積拉敏乃新授之員。恐有未周。台斐音係定長之子。前於玉田縣盜犯田自相之案。辦理尚屬妥協。著調補錦州副都統。積拉敏著即調補山海關副都統。○又諭據科凌阿奏。現患痰喘頭暈病症。精神委頓。步履維艱。請回旗調理等語。科凌阿於今春三月間卧病。現在雖能起立。步履維艱。即著照伊所請。准其回旗調理。其所遺乍浦副都統員缺。著雅爾泰調補。○又諭曰。伍拉納奏緝獲行劫錦州等處洋面首夥各盜犯。審明辦理一摺。已批交該部矣。此案盜犯黃

如玉等二十餘名。出洋疊劫。延及數省。搶掠多贓。情罪甚為重大。經該督飭屬嚴拏。即據總兵丁朝雄糧道錢受椿購線訪獲。將該犯等究出洋面行劫實情。得以按律辦理。該鎮道留心緝捕。不使要犯稽誅。尚屬可嘉。除伍拉納王慶長業經加恩議叙陞用外。丁朝雄錢受椿俱著交部議叙。以示獎勵。○又諭曰。福康安奏接准陳用敷咨會奏稿內。有容縣民謝綬田寮被劫牛物。及雲南曲江司巡檢徐振家人林茂船在橫州被劫二案。正盜均未被獲。其事主被劫贓物。俱已飭令該州縣照估罰賠給領。查贓從盜起。以未經被獲之案。先令州縣罰賠贓銀。其中實有窒礙難行之處。不敢以業經會銜具奏。遂不加酌覈。致滋流弊。業將東省現辦情形。備細札知陳用敷通飭遵照等語。所奏甚是。前經降旨。各省盜案。如原贓未能起獲。即著該管地方官罰賠。原以盜匪劫掠財物。擾害閭閻。該管官於

緝獲正盜後。即應審明賊數。嚴切查追。全賊不難起獲。即使變賣俵分。亦不致花銷淨盡。無如州縣官一經獲盜。往往延擱不審。或雖經審定。而置原賊於不問。是以飭令嗣後盜案。原賊未能起獲。即著該地方官罰賠。以示懲警。但盜憑賊定。而賊從盜起。必須盜確賊真。方可據以定案。若正盜尚未被獲。先令州縣賠出賊銀。將來州縣規避罰賠。必有抑勒事主諱盜。及刪減賊數情弊。而狡獪事主。因有官為賠贖。豫行浮報賊數。圖得便宜。均屬勢所不免。嗣後各督撫。應通飭所屬。遇有盜案。即行嚴緝。正盜審明。賊數查追。給主如已經獲盜。而原賊未能起獲。仍遵前旨。著該管官罰賠示懲。其正盜尚未緝獲。賊數無從審明者。俱照福康安所奏辦理。諭軍機大臣等。前因奉天錦州等處洋面。行劫盜匪多。係籍隸福建。當經降旨。令該省督撫。飭屬嚴拏。茲據伍拉納奏。緝獲行劫錦州等各洋首

夥盜犯二十二名。已審明正法矣。奉天為陪都根本之地。民風淳厚。從無為匪劫掠之事。是以奉天錦州一帶。海洋往來商賈。並未聞有被盜疊劫重案。乃此次盜犯黃如玉等。糾約多人在錦州蓋州等處洋面。肆行劫掠。多次所得賊銀至三千兩。其餘貨物甚多。實為該處商旅之害。該盜犯等。俱係籍隸福建。必有閩省民人在錦州蓋州一帶。為之串通勾引。不可不嚴行查辦。以靖洋面。而戢盜風。朕聞奉天錦州一帶沿海地方。竟有閩人在彼搭寮居住。漸成村落。多至萬餘戶。則此次錦州盜案。明係此等無業民人。作為線目。並恐有窩藏隱匿之家。以致該犯等。敢於在洋肆劫。登岸分贓。此皆係地方官。以閩人在彼貿易營生。藉此多徵商稅。遂爾任其居住。若不亟行查禁。則呼朋引類。日聚日多。不特勾連盜匪。擾害行旅。且於陪都風俗淳樸之鄉。大有關係。但閩人在彼居住。已非一日。且戶口

較多。亦未便概行驅逐。惟有嚴飭該管旗民員弁。編列戶口清冊。設立保甲。逐一清釐。隨時查察。如有不法滋事。勾引盜匪在洋搶劫。及窩留代變贓物者。即將犯事之家從重處治。保甲等亦一體治罪。並查明實在戶口造冊後。毋許再有加增。其有遷移回閩者。即於冊內開除。務使有減無增。庶可漸次禁絕。然必須不動聲色。設法查辦。方為妥善。嵩椿為人疎濶。辦事未能精細。積拉敏係新授錦州副都統。於該處情形亦未能熟諳。因思台斐音在山海關副都統任內。訪拏玉田縣逃回匪犯田自相一案。並節次查獲私帶人獲等犯。辦事甚屬認真細緻。已明降諭旨。與積拉敏對調矣。海蓋廣寧及牛莊等處沿海地方。皆係奉天錦州所屬。恐皆有閩人居住。此事竟責成台斐音遵照諭旨指示之處。嚴密設法查辦。並著嵩椿及奉天府尹一體留心幫同整飭。總以不滋事而絕盜源。使閩人不致

在彼聚集為匪。日漸減少為要。復令軍機大臣詢問前任山海關監督巴寧阿。據稱錦州蓋州牛莊等處。每年俱有福建商船到彼貿易。即有無業閩人在該處居住。漸聚漸多。或有借打魚為名。往來洋面。勾通閩盜之處。亦未可定等語。可見此等寄居貧民。與閩盜俱係同鄉。彼此聯絡。上年錦州等處洋面商船被劫一案。該將軍等拏獲李佩等犯。即有閩省民人流寓奉省者在內。此其明證。台斐音赴任後。務須會同嵩椿等。密訪嚴查。為之以漸。不可稍涉聲張。轉致閩人等激而生事。有負委任。台斐音向來辦事奮勉。今又委以海洋緝捕之事。並著加恩賞戴花翎。以示鼓勵。將此傳諭台斐音。並諭嵩椿等知之。仍著將如何設法查辦之處。據實悉心妥議具奏。尋台斐音奏親赴錦屬查勘。天橋廠龍王廟二處寓居閩人祇一百九十一名。因貿易索賍等事。以致羈留。現在思歸者衆。遇有海船擬

即給票回閱其餘安靜願留者向設海正一名及新添正副堡頭二名足資稽查該處領票漁船三十二隻不時偵緝以杜藏奸蓋州牛莊等處情形大約相同即日至盛京會同將軍府尹等一併籌辦得旨好勉為之○又諭本日譚尚忠覆奏查辦小錢一摺內稱欲禁小錢宜嚴私鑄現在飭屬訪拏私鑄匪犯提省審辦等語民間攪和小錢節經降旨令各督撫嚴定章程通行禁止並恐官局偷漏舞弊飭令該督撫等嚴查整飭矣今譚尚忠奏稱欲禁小錢宜嚴私鑄不知民間私鑄得以攪雜流行者皆由局錢不能一律整厚奸徒得以乘機影射不得以小錢未能淨絕悉諉之民間私鑄也今欲肅清積弊必先嚴飭局員將官鑄按照部式分兩毋得稍有偷減則局錢輪郭整厚與私鑄小錢迥別奸民自無所用其弊混方為正本清源之道此時富綱想已將次回滇著傳諭該督撫一面飭屬

查拏私鑄勒限呈繳一面飭令局員如式鼓鑄嚴查鑪戶毋得稍滋弊竇致干咎戾並傳知各省督撫齊令留心官局以正其本○壬子調正紅旗漢軍副都統兆慶為湖北荊州副都統○癸丑諭曰朕於五月二十一日啟鑾駐蹕熱河秋後進哨凡有應行豫備之處著交各該處照例豫備又諭曰吳省欽奏現在染患痰嗽之症精神委頓非一時所能痊愈懇請賞假兩月回京調理等語吳省欽著准其給假回京調理所有提督順天學政著吳省蘭去並著即日前赴通州接印任事不必請訓○又諭據恒瑞等奏臺站章京翰克拏獲偷馬二十一匹之蒙古扎木楚德勒格爾等照例分別定擬即將該犯等騎馬二匹賞給翰克等語翰克路遇該犯等趕馬行走因形跡可疑當即盤獲實屬留心奮勉若僅賞以該犯等自騎之馬二匹尚不足以示勸著再加賞大緞二匹以示鼓勵○諭軍機

大臣曰。秦潮奏考試情形一摺。內稱鳳臺縣招覆第一卷童生。見其人甚粗鄙。神色可疑。當經另桌給卷。留心察看。該童生怱怱納卷。文理淺塞。與正場原卷。相去懸殊。豈可聽其僥倖冒進等語。歲科兩試所取諸生。為士子進身之階。豈容稍有假借。扁試時。自應稽察嚴密。方可杜代倩傳遞之弊。今取進鳳臺縣第一卷童生。尤非後列可比。乃覆試時文理潦草。與正場原卷。迥不相符。如出兩手。其中必有代倩傳遞等弊。不可不嚴加根究。以杜僥倖而拔真才。該學政摺內。未將審明如何作弊之處。詳細聲叙。殊欠明晰。此案著交朱珪。就近提犯。訊明作弊緣由。即行審擬具奏。將此傳諭朱珪。並諭秦潮知之。尋朱珪奏審訊童生鄭定川。正場文詩。係錄塾師改正窗槩。覆試文非宿構。以致懸殊。尚無他弊。應照不應重律。杖八十。折責三十板。完結。下部知之。○以副都統銜哈密辦事大臣伊桑阿為

正紅旗漢軍副都統。○甲寅。

上辛靜宜園駐蹕。至己未。皆如之。○乙卯。諭曰。鄂輝奏進征廓爾喀。中途撤回屯土弁兵。支給俸賞。行裝銀兩。經部議覆。准銷七分。其刪減三分銀兩。按名追繳。本應遵照扣還。惟是屯土弁兵。此次中途撤回。因彼時無需多兵。並非軟弱無用。請將應追三成行裝俸賞銀七百三十八兩。免其扣還等語。屯土弁兵等屢次調派出師。甚屬奮勇出力。此次進征廓爾喀。該番等遠從征調。因將次歲事。始於中途撤回。已領之項。自無庸復行追繳。鄂輝並不拘泥部駁。懇請免追。所奏甚是。著即照該督等所請。將應繳三成行裝俸賞銀七百三十八兩。加恩全行賞給。免其扣還。以示體恤。○諭軍機大臣等。據保寧等奏。查看科布多塔爾巴哈台所屬情形。並將酌辦緣由具奏前來。俄羅斯因停止交易。十分窮困。造言搖惑。豈遽有移兵至科布多塔爾巴哈台之事。

今已將薩邁林所告之語。並攜來原書。咨問俄羅斯薩納特衙門。想彼無言可答。不過推諉不知而已。保寧等既云查彼處情形。似無此事。又請暫留本年伊犁換回兵丁。暫停應送內地馬匹。並將哈什圍獵。改由博囉塔拉巴爾魯克齋爾等處。打牲行圍。巡查哈薩克邊界。征收稅馬官兵。較往年多派數百。早日起程。其籌畫俱覺太過。朕意俄羅斯如果前來。僅此兵力。亦不足恃。莫若靜以待之。再所問俄羅斯之信。自有回音。彼時相機降旨。亦不遲誤。○改湖北施南協右營存城。建始崔家壩三汛。鈐記為中營字樣。歸中軍都司專轄。從湖廣總督畢沅請也。○以福建候補道戚蓼生。為福建按察使。○丙辰。諭軍機大臣等。據蘊端多爾濟等奏薩邁林之事。恰克圖俄羅斯等聞之。甚屬惶悚。據稱伊西路並無集兵之語。或係哈薩克土爾扈特內。通俄羅斯文者。編造等語。昨保寧等奏到。查看哈薩

克等情形。及暫留應徹兵丁。改地圍獵各事宜。朕即傳諭保寧等。以為籌辦太過。今覽蘊端多爾濟所奏。其荒唐之處。更覺顯然。殆因恰克圖停止交易。又不准新疆一帶買俄羅斯貨物。哈薩克布魯特等。無利可圖。編造謠言。亦未可定。著傳諭保寧。永保只須加意防範。毋庸紛紛豫備。○丁巳。諭曰。普福前在理藩院行走多年。於蒙古事件。尚能熟諳。今伊在理藩院行走。尚可得力。今該院現出有郎中一缺。即著加恩。以普福坐補。○予故喀爾喀厄魯特固山貝子策凌多爾濟致祭如例。

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十六

實錄卷之六

六

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十七

盛修德載官經選講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級年卅二歲軍功紀錄一次在慶桂

總裁官經選講官太子太傅文華殿大學士文淵閣領閣事稽察欽奉 上諭事件處管理刑部戶部工部事務

世襲騎都尉軍功加九級隨帶加二級入加二級在慶桂內大臣戶部尚書世襲騎都尉軍功紀錄五次

尋常紀錄十四次在慶桂經選講官太子少保工部尚書紀錄六次在慶桂稽察欽奉

教修

乾隆五十六年辛亥四月庚申

上還圓明園旌表守正捐軀河南新蔡縣民

金文煥女金氏 辛酉

孝端文皇后忌辰遣官祭

昭陵諭曰保寧奏車凌烏巴什等初遇薩邁

林傳播浮言一事張皇失措經策伯克多爾

濟之妻布尼明白開導始將薩邁林並俄羅

斯書一併送出扎薩克一等台吉阿咱喇平

時率多幫同辦事亦屬奮勉等語布尼著賞

給墨爾根哈屯名號並大緞二匹錦緞一匹

阿咱喇著賞給公品級並大緞二匹錦緞一匹以示獎勵。以散秩大臣觀音保為正黃旗漢軍副都統。壬戌諭軍機大臣等據奎林等奏拏獲偷渡舵水客民一案內稱蔡牙聽從王金山偷渡過臺將已故陳次之舊置商船一隻裝載客貨託陳次之姪陳鼎為管船出海駛近臺灣將船停泊僻靜處所另雇小船二隻裝貨上岸被汛口盤獲陳鼎等聞知將原船駕逃等語客民私渡臺灣例干嚴禁王金山起意偷渡包攬客民陳鼎等聽從駕駛過臺聞知汛口查拏又復駕船逃走均屬不法未便任其遠颺漏網著傳諭奎林留心偵緝並著伍拉納等於沿海地方及各該犯原籍上緊查拏務獲嚴行審辦速奏再另摺王謁等霸占採捕黃兒毆斃黃田一案將隨衆毆傷黃成之黃治一犯從重照光棍為從例問擬絞候而摺內復將光棍為首擬斬立決之例牽連敘入殊未明晰奎林著傳旨

申飭仍將案內在逃要犯王謁黃兒等嚴拏務獲從重定擬具奏。補行乾隆五十五年大計山西省罷軟官一員年老官七員有疾官四員才力不及官三員分別處分如例。以故廣西太平府屬土知州韋一麟第一彪襲職。甲子。上御勤政殿聽政。○諭軍機大臣等前據朱珪奏三月分糧價單內所開各屬價值皆係價中與上月相同字樣竟成印板文章經朕降旨申飭茲朱珪奏到三月分糧價單惟鳳陽府屬之中糴米小麥較上月稍增其餘十二屬俱仍開與上月相同該省米糧價值豈能一律相等而各屬每月時價亦不應絕無增減朱珪前此奏報糧價既率據屬員稟報並不確切查明遽行入告而此次所開三月分各屬糧價又復依樣葫蘆仍視前奏報具文可見該撫僅係讀書之人於地方事務不能留心查覈豈不知朕屢念民依無時稍釋之

意耶。著再傳旨申飭。又諭前因黎維祁投回內地。特令帶領屬下人等來京。歸入鑲黃旗漢軍旗下。授為佐領。賞給錢糧。俾免失所。伊自到京數月以來。尚知安分。上年冬間。忽向該管都統金簡。懇請仍回安南。並請於安南之高平諒山。宣光。興化四處內。酌給一處安插。愚妄無知。莫此為甚。茲據都統金簡奏稱。黎維祁庸懦無能。聽信黃益曉。范如松。阮國棟。黎忻等教唆。是以妄行瀆請。而黎光睿二十名。不領餉銀。隨同告歸。亦屬生事。請將黃益曉等四名。分別發往伊犁等處當兵。食糧。黎光睿等二十名。分發江寧等處安插等語。黎維祁自到京以來。入旗受職。恩加養贍。乃敢聽信黃益曉等之言。瀆請回國。自應將教唆之人。加以懲治。已令將黃益曉等四名。發往伊犁等處。入伍當兵。祇准支食一半錢糧。黎光睿等二十名。不必發遣外省。即著發往熱河地方安插。著將辦理情形。諭令該國

王知悉。並將硃批金簡原摺。發給閱看。至黎維祁弟妹妻妾。及伊從人眷屬等。尚在安南。未經帶出。前經降旨。令阮光平查訪送出。俾得家室完聚。係朕格外之恩。今黎維祁等如此不安本分。不能承受朕恩。竟不必將伊等眷口查送。況黎維祁等進關以後。迄今已及兩載。婦女老弱。經兵燹流離之後。亦恐難於尋訪。著傳諭該國王。若此時業已訪得。仍可遣送進關。倘現在尚無消息。竟可毋庸查訪矣。現屆天中令節。該國王迎禧集慶諸事吉祥。因思上年端節。正值該國王入覲在途。曾馳賜節賞一分。今遠隔闕廷。朕心深為廕注。著照上年之例。加恩賞給庫紗葛紗牙扇蕉扇十錦扇芙蓉巾香器藥錠等物。並奶餅一匣。隨旨發往。用昭優眷。將此諭令知之。不必遣人謝恩。○乙丑。諭京師自三月初六日得有膏雨以後。近畿一帶。業據奏報。普霑渥澤。惟京城一月以來。雖間有微雨。未得深透。現

屆大田播種之際望澤甚殷因思清理庶獄或可感召甘霖著刑部堂官查明徒罪以下各案犯情節較輕者分別減等發落其因事牽涉拘繫候質者亦速行訊明省釋至尋常案件並著即行完結毋得稽滯該部即遵諭行丙寅河東河道總督李奉翰奏蘭儀廳兵不敷用請撥上南黃沁曹考商虞四廳兵六十八名歸蘭儀廳修防從之以陝西河州鎮總兵路超吉為雲南提督調陝西延綏鎮總兵瑪勒洪阿為河州鎮總兵以湖南衡州協副將楊秀為延綏鎮總兵丁卯諭軍機大臣等據御史初彭齡奏彭元瑞於伊姪彭良昇為其子頂買嚴維敬史員一案經刑部審出之後始行具奏其中知情扶同瞻徇取巧情節已屬顯然再武英殿國子監皆係彭元瑞管理上年十二月武英殿出有校錄一缺咨行國子監咨取肄業生充補彭元瑞即將伊婿饒文震咨送嗣因諸生賁有頌

言彭元瑞復令提調將咨文駁回等款因命軍機大臣嚴行訊究業據彭良昇自行供認先已告知伊叔而彭元瑞亦自認彭良昇未經刑部審出拘拏之前已向告知哀懇容隱因念其家有老母未行具奏隱忍不言之罪實無可辭等語其咨送伊婿饒文震充補校錄一款現在平查稿案情節亦屬支離彭元瑞前於浙江學政任內不能謹飭因係已往之咎且念其學問尚優未即罷斥復經加恩擢用尚書而協辦大學士一缺懸缺兩年未補因彭元瑞近年以來頗知黽勉又用為協辦大學士伊自當感激朕恩力圖改悔以副朕矜宥成全至意乃於伊姪彭良昇頂買史員一案知情容隱及知事難掩蓋仍復飾詞檢舉而咨送武英殿校錄又輒將伊婿饒文震咨送顯有徇私情弊其咎實無可辭若伊一知彭良昇頂買舞弊情節即行據實奏明送刑部治罪其咎止於失察不過如諾穆親

失察伊姪篤隆阿一案尚可加恩留任今彭元瑞竟敢為之容隱事後始行飾詞檢舉且伊塔克補校錄即係應行迴避之人並不停其咨送是其種種徇私欺隱若再加恩寬宥為大臣者竟可任情欺蔽從而效尤更將何以示儆即令彭元瑞捫心自問亦何顏復膺顯要耶將來定案時自應將協辦大學士吏部尚書全行斥退以示懲戒所遺員缺即令孫士毅補授並協辦大學士事務此時尚未

明降諭旨著先傳諭孫士毅即行來京陛見將總督印務交與長麟暫行署理其兩江總督員缺現已另諭寄知書麟令其來京陛見再行降旨補授孫士毅若能到於朕啟蹕前更好將此由六百里諭令知之又諭據御史初彭齡奏彭元瑞於伊姪彭良昇為其子頂買嚴維敬吏員一事經刑部審出後彭元瑞始行具奏明係知情取巧又將伊塔克文震咨送武英殿校錄旋因國子監諸生嘯

有煩言復行駁回等款當令軍機大臣提齊人證鞠訊並詢問彭元瑞據彭良昇供出頂買吏員一事恐刑部審訊破案已將情節告知彭元瑞而彭元瑞亦自認於具摺檢舉時並未將知情隱忍緣由據實奏明請從重治罪是彭元瑞有心隱飾已屬咎無可辭至將伊塔克送校錄雖註明迴避未曾畫稿旋由武英殿駁回但彭元瑞係總理國子監即不應將伊塔克送現在弔查稿案亦難置辯將來定案後自應將彭元瑞協辦大學士吏部尚書斥退現已傳諭孫士毅令其來京陛見補授彭元瑞遺缺書麟前因句容縣漕書作弊一案獲咎較閔鶚元為輕是以加恩棄瑕錄用伊曾任兩江總督該處地方河務尚為熟諳孫士毅赴京後仍欲將書麟補授兩江總督著傳諭書麟接奉此旨後將山西巡撫印務交鄭源璣暫行護理啟程赴京陛見其山西巡撫員缺將馮光熊調補並著傳諭馮

光熊亦啟程赴京。其巡撫印務暫交王懿德護理。至彭元瑞知情不舉。徇私濫送等事。現已訊有端緒。即可審明定案。另降明發諭旨。想書麟等於途次可以接奉也。將此由五百里各傳諭知之。○又諭曰。福康安等奏稽查礮位。酌定章程一摺。內稱各國來廣貿易洋船。間有攜帶礮位鎗刀等項。由粵海關監督於該船出入虎門時。查驗開報。例准隨帶。其東省商船。領照出口。無論遠赴夷地。及赴各省貿易。均由守口文武員弁。驗照放行。不准攜帶礮位等語。此事恐難行。已於摺內批示矣。商船出洋攜帶礮位。原為洋面禦盜之用。不特各國來廣貿易商船。未便禁止。即內地出口商船。概行不准攜帶礮位。倘於海面遇匪船行劫。臨時不能抵禦。豈有轉令束手待斃之理。況在船行劫者。不獨內地匪徒。想各國夷匪。亦有糾約為盜。攜帶鎗礮。出沒海洋。為行旅之害。而內地出洋商船內。轉無礮位

抵禦。該商等即不保護貨物。亦各愛惜身命。若拘泥禁止。何以衛商旅而禦盜劫。若有名無實。何必為此耶。著福康安等。飭令海口文武員弁。祇須於商船出洋時。將礮位稽查點驗。後仍准其攜帶。不可因噎廢食也。至另摺奏。拏獲崖州拒捕盜犯梁章有等。訊出梁章有即係蛋家。二頂名支飾。希圖避重就輕。俟催提盜犯陳學輝等到日。再行質審。立寘重典。又訪獲描刻關防李應選一犯。現在嚴刑根訊等語。所辦好。蛋家二係為首戕官之犯。情罪重大。既經就獲。訊明定案時。自當問擬凌遲。其拏獲該犯之文武員弁。並著福康安等。查明出力之人。隨案咨部議敘。以示鼓勵。所有未獲之盜首何起文。大辯三。及案內夥盜。仍著嚴飭文武。及各路委員人等。加緊搜捕。盡數查拏。毋使一名漏網。將此傳諭福康安。郭世勲知之。○蠲免山東臨清平原禹城。齊河德州。長清德平濟陽臨邑陵縣。聊城在

平。高唐堂邑。館陶。清平。莘縣。冠縣。恩縣。博平。
商河。濱州。樂陵。邱縣。夏津。武城。范縣等二十
七州縣。德州。東昌。臨清等三衛。上年水災耗
羨銀一萬四千九百七十兩有奇。○戊辰
上還宮。○己巳。

上御太和殿視朝。文武陞轉各官謝恩。○幸圓
明園。○諭軍機大臣等。據尚安等奏。俄羅斯
因禁止通商。將薩邁林放出。造作浮言。以為
搖惑土爾扈特之計。斷不敢與內地構兵等
語。所奏尚為近理。至所稱密寄信與巴里坤。
古城。吐魯番。領隊大臣。令其加意防備之處。
殊可不必。倘有洩漏。轉致土爾扈特人衆生
疑。著傳諭尚安。此際惟當安靜防守。視為無
事。仍速令各領隊大臣。及回疆各城大臣等。
不必聲張。免致回衆疑懼。○庚午。諭軍機大
臣等。昨據孫士毅等奏。酌籌建昌府屬各隘。
添設卡巡。堵緝私鹽一摺。朕以為有名無實。
交部覈議。據戶部議奏。私鹽易售之故。總由

舊定銷引之處。距出鹽地方過遠。而私鹽就
近販賣。價值較平。民間日食所需。買私勢所
必至。雖添設卡座巡丁。堵緝稽察。不能周密。
仍屬有名無實。且令商人捐辦。仍不能杜絕
私梟。徒令坐糜費用。所奏均毋庸議。仍令該
省督撫。遵照新降諭旨。籌議具奏等語。已依
部議速行。並著長麟。全德。前往其地。詳悉妥
議。速奏矣。向定銷鹽地方。相隔遼遠。民食不
便者。原不止此一處。是以新降諭旨。令各該
督撫妥議。就近改撥引課。即如建昌一府。例
食淮鹽。距淮南二千餘里。至閩省汀州。邵武
等府。不過二三百里。程站近至十倍。鹽價自
必懸殊。淮南商人運鹽至建昌。道路遙遠。水
腳盤費。用度較多。鹽價自必倍昂。不能令商
人賠本賤賣。此病不惟在民。而且病在商。閩
省私鹽。數日可至該處。費省價平。出售自易。
轉欲驅令民間舍近求遠。舍賤買貴。不但其
勢有所不能。抑且於情理亦未平允。今惟添

設卡座。增設丁役。以杜絕販私之弊。並未尋究本源。亦屬徒勞無益。且商人等運鹽路遠。所費已屬不貲。復將新建卡座工料。及巡丁兵役飯食等項。俱令商人捐辦。層層糜費。亦非體恤商人之道。該商等勢不能不將新增費用。仍於鹽價內取齊。則病民益甚。其弊不止病商。於查緝私鹽之事。仍屬有名無實。此不待智者而後知也。朕非固執所降諭旨。欲將銷鹽較遠地方。改歸就近省分。均勻搭配。庶於釐政有裨。原不誤國課。而且利商。但此事行之已久。另加更定。必須踏勘地方情形。妥議章程。俾民商兩便。方能永遠無弊。長麟現在署理兩江總督。江西乃其所轄。著即帶印前往。與全德一同至彼。會同姚茶悉心妥議。並知會閩省督撫。會商辦理。務使官引暢銷。商民交利。以副朕恤商愛民至意。方為妥善。此事關係鹽務。在全德以兩淮有額定鹽課。未必肯通融。將建昌一府。劃歸閩省。所謂

出納之吝。必致扞格難行。不知省商費而不誤國課。於淮商為有益耳。但恐姚茶不能折服全德。因長麟平日尚屬曉事。是以令其前往。長麟務須確持定見。悉心籌議。此係發令之始。長麟等議到日。各省已可陸續奏到。若江西辦有規則。各省銷鹽地方。即可查明道路遠近。仿照更定。至從前定地銷鹽。分畫疆界。鹽政衙門。必有成案可稽。全德接奉此旨。即查明定例。因何不按遠近。定立疆界。又行之已久。何近年方有此弊。商人等行銷納課。是否早經賠累拮据之處。一面先行覆奏。一面會同長麟。起程前往。所有江蘇巡撫印務。長麟起程時。即交奇豐額暫行護理。除常行事件。照舊辦理外。如該省及安徽省。另有緊要事件。原可札商辦理也。將此由五百里傳諭長麟等。並諭伍拉納等知之。○吏部奏。原任湖北糧道王均等。均應不准捐復。得旨。王均。張官五。俱係聽從李天培派帶木植。且王

均係道員。與臬司並無統轄。張官五係隔省之員。不過交往通情。非逢迎上司可比。情節均尚可原。劉璿於安插土司。捏報病故。其失察之咎。尚屬因公。所有王均、張官五、劉璿三員。俱准其捐復。餘依議。○舉行乾隆五十五年大計。卓異官。奉天省二員。直隸省十二員。江西省十一員。河南省九員。山西省十一員。甘肅省六員。湖北省六員。四川省十五員。廣東省十二員。雲南省七員。貴州省七員。並江南河員一員。東河河員三員。分別議敘如例。○蠲免江蘇碭山、蕭縣、睢寧等三縣徐州衛上年水災額賦有差。並予勘不成災各州縣衛緩徵。○辛未諭前據福崧奏嚴維敬呈控咨查冒領吏員執照捏行改籍一案。交刑部行提犯證審辦。嚴訊代改籍貫之朱瀚究出。彭良鼻賄囑該犯為伊子頂買情節。將彭良鼻拘拏到案。旋經彭元瑞具奏。彭良鼻是伊親姪。頂名舞弊。實係不能約束。並未將知情

容隱之處。據實檢舉。朕以彭元瑞身為大臣。渥受恩眷。自不致庇護伊姪。飾詞具奏。其咎亦止於不能管教子弟。尚無大過。昨據御史初彭齡奏。彭元瑞於此事早已知情。及刑部審出之後。始行具奏掩飾。顯有瞻徇取巧情弊。並奏稱。彭元瑞管理武英殿。國子監事務。上年十二月。武英殿校錄缺出。咨取肄業生充補。國子監即將伊婿饒文震咨送。旋以諸生噴有煩言。復令武英殿提調具文駁回。實屬徇私顛倒等語。因命軍機大臣會同刑部。將此案一併審明。定擬具奏。茲據訊明。彭元瑞於四月初間。已知彭良鼻頂買情弊。即欲拏送刑部。彭良鼻以家有老母。再三哀懇。遂即聽從容隱。迨刑部指名拘拏。彭元瑞含混奏聞。藉為支飾彌縫之計。彭良鼻到案。即據供認不諱。彭元瑞始自行認罪。不能置辯。至咨送伊婿饒文震充補校錄一節。雖經武英殿駁回。而國子監咨送原稿。僅註明迴避字

樣未經畫行。仍未停止咨送。而弔查該衙門。從前咨送校錄之稿。無不畫行者。是其徇私濫送之弊。欲蓋彌彰。無可解免。奏請將彭元瑞革職。覈其情罪。實無可寬。從前彭元瑞在浙江學政任內。不能謹飭。因係既往之事。且無左驗。是以不復深究。仍行保全。加恩錄用。洊擢尚書。近年以來。頗知黽勉供職。且念伊學業優裕。甫用為協辦大學士。旋錫宮銜。如此曲賜矜全。恩施格外。彭元瑞自當感激思奮。益勵操修。迺敢辜負朕恩。徇私容隱。非僅如近日諾穆親失察伊姪篤隆阿可比。且此案刑部堂官。皆有觀望之意。獨阿桂一人飭辦耳。即阿桂和坤亦未必與彭元瑞情孚莫逆。然使伊果能謹恪自持。無瑕可摘。又誰得乘間抵隙。持其短長耶。且不但阿桂和坤不能意為好惡。於朕前臧否大臣。即朕辦理庶務。一秉大公。有功必錄。有罪必懲。惟視其人之自取。從不稍存成見。而有所愛憎於其間。

是彭元瑞此案。不惟為大臣者。不能曲為軒輊。即朕素以其文詞雅贍。猶欲成全保護。然一經敗露。御史糾參軍機大臣等審訊得實。自應按例懲辦。亦不能稍為迴護。若再加曲宥。為大臣者。竟可相率效尤。無所畏忌。何以儆有位而肅官箴。彭元瑞具有天良。即令其清夜捫心。亦何顏覲居顯秩耶。本應即照所議革職。念其學問素優。堪任編纂書籍之事。姑免其全行斥退。彭元瑞著革去太子少保。協辦大學士。吏部尚書。仍加恩降授侍郎。南書房行走。予以自新。而觀後效。彭元瑞經此番懲戒之後。倘再不知改悔。定行從重治罪。不能屢邀寬典矣。至刑部堂官。於此案遲延觀望。經阿桂嚴飭究問。始行查出實情。除阿桂外。其餘各堂官。均著傳旨嚴行申飭。國子監堂官吉善等。咨送饒文震雖詢無顯聽屬託情弊。但彭元瑞既稱係伊至戚。未經畫稿。該堂官仍行咨送。即屬有心瞻徇。吉善等俱

著交部議處。彭元瑞所遺吏部尚書員缺。著孫士毅補授。並協辦太學士事務。其兩江總督之缺。地方河務較繁。一時不得其人。因思書麟久任江南。於該省地方河工。尚稱諳練。前以句容書吏侵蝕一案獲咎。因其曾飭所屬查辦。尚非如閔鶚元之有心徇庇屬員者。可比。是以復棄瑕錄用。自任山西巡撫以來。尚知改過奮勉。書麟著補授兩江總督。其所遺山西巡撫員缺。著馮光熊調補。其所遺湖南巡撫員缺。著姜晟補授。姜晟屢經獲咎。以其尚諳刑名。屢加寬宥。今於彭良昇一案。姜晟亦不無觀望。第因簡任乏人。湖南事務較少。是以復任封圻。姜晟抵任後。若再不知振作改悔。定行加倍治罪。孫士毅即著來京供職。其印篆交與長麟署理。馮光熊未抵任以前。所有山西巡撫印務。著鄭源璽護理。姜晟未抵任以前。所有湖南巡撫印務。著王懿德護理。朕綜理庶務。黜陟臣工。功罪權衡。從不

豫存成見。大臣等若敢稍涉隱飾。亦無不洞燭情偽。罰當其辜。茲特明白宣示。申誡諸臣。其各勉矢撲誠。屏絕私意。約束子弟。勤慎奉公。倘竟自蹈愆尤。朕惟執法從事。決不姑息。是朕之小懲大誡。正所以保全大臣。庶不至敗檢縱恣。轉罹重罪也。所有頂冒吏員案內各犯。著即照議完結。並將辦理此案原委。通諭知之。○又諭據寶琳奏查閱杭州乍浦官兵技藝。請將騎射平常之協領等革任。協領係督率大員。務須騎射熟嫻。方可管教所屬官兵。茲協領富貴成德保騎射平常。且復性好安逸。甚屬不堪。富貴成德保即照寶琳所請。革去協領。以示懲儆。至寶琳奏摺內措詞殊不明晰。前既稱杭州。後又稱乍浦。前後牽混。甚屬含糊。寶琳著申飭。嗣後遇有一切事件。務須詳晰聲敘。如係杭州之事。只稱杭州。如係乍浦之事。只稱乍浦。不可如此含糊從事。○諭軍機大臣曰。孫士毅等酌籌建昌府

屬添設卡巡堵緝私鹽一事。朕以為有名無實。昨經降旨。令長麟全德前往江西會同姚茶詳悉妥議。並將向定銷鹽地方。何以定立疆界相距遠近。商民既屬不便。因何又奉行日久。不加更定。諭令全德查明先行覆奏。朕思淮南商人運鹽至建昌。道路遙遠。費用增多。鹽價自必倍昂。欲令民間舍賤買貴。舍近求遠。其弊在於病民。若民間貪圖賤價。買食私鹽。官引壅積難銷。勒令商人平價出售。勢必賠本賤賣。運腳無出。則此弊不特病民。抑且病商。不知從前定例時。何以不就近分地行銷。致使道里遠隔。搭配不均。商民交病。且定例不始於近年。何以近年方有此弊。商人等行銷納課。若向有賠累拮据之處。因何不早思變計。以情理撥之。其故殊不可解。或係歷任鹽政。以額引均有定課。撥出一府。即少一府鹽課。所謂出納之吝。未肯通融籌辦。不知減淮南一府之課。增閩省一府之課。於國

課原無所損也。抑或該處私鹽充斥。查緝不易。即使以建昌劃歸閩省。而私販越過建昌。仍可隨地闖入。延及他府。則改撥之法。亦屬無益。是以不必更張。再或因該商等定地行銷。各有窩本。久已置同產業。不肯撥歸隣省。商人致捐資本。是以寧可捐資添卡添兵。以防私鹽偷漏。種種情形。難以懸揣。朕非欲固執新降諭旨。豫存成見。惟在長麟等踏勘情形。悉心籌議。庶使官引暢銷。商民兩便。方為妥善。長麟尚稱曉事。全德久任鹽政。自所諳習。此次派令前往。自能詳妥辦理。副朕恤商愛民之意。並著傳諭全德。於起程之前。將從前定地銷鹽例案。據實查明。因何不按遠近勻配。商人有無賠累拮据之處。一併先行覆奏。以吏部左侍郎金士松。禮部右侍郎鐵保。充武英殿總裁。○壬申。諭曰。景安著調補山西布政使。其河南布政使員缺。即著鄭源璣調補。鄭源璣現署撫篆。俟馮光熊抵任後。

再赴新任。○諭軍機大臣等據趙佑奏拏獲鎗撞棍徒一摺。內稱南安府知府胡本濤等查獲形跡可疑之李承恩。邱大成。周嘉謨等三名。訊係廣東嘉應州人。改名易姓。由贛屬定南信豐一路來到南安。甫及兩日。正在設計招搖。未有說合生童。即被查拏。若照謀而未成例。罪應枷杖。遞籍。不過就其捏名。咨行收管。不足以示懲創。請將該三犯解粵。交該省撫臣確究的實。姓名頂戴。斥革治罪等語。李承恩等三犯。混捏姓名。藉以賣筆墨等物為名。隨棚赴考。希圖招搖撞騙。未便將就完案。自應解粵辦理。該犯等解到後。著福康安等嚴行審訊。查明的實籍貫姓名。有無頂戴。即行斥革治罪。以示懲儆。又據趙佑奏贛州拏獲久慣鎗架之傅章寧夥謀招搖之孫發祥一案。並著傳諭姚蔡即行提集犯證。嚴審定擬具奏。將此各諭令知之。○調工部右侍郎張若淳為刑部左侍郎。禮部右侍郎吳省

欽。為工部右侍郎。以降用侍郎彭元瑞為禮部右侍郎。○癸酉。諭本日到京之喀什噶爾幫辦事務頭等侍衛博興。前曾在理藩院行走多年。於該院事務尚屬熟練。博興仍著在該院郎中上行走。○又諭據福康安等奏行商拖欠番夷貨價。嚴審定擬。分別追還一摺。內稱訪查豐泰行商吳昭平。有拖欠夷商銀兩之事。嚴切飭查。當據喝叱喇哈等呈控。該商欠交番銀四十萬一千六百餘圓。合銀二十八萬九千一百餘兩。請將吳昭平革去職銜。從重發往伊犁當差。家產業經查封。共估值銀五萬九千三百餘兩。除抵該商名下所欠關餉銀兩外。餘銀五千八百餘兩。先給夷人收領。尚欠貨價銀二十八萬三千三百餘兩。現據原保各行商蔡世文等情願限五年內分作六次代還等語。行商吳昭平於乾隆五十四年揭買夷商貨物。價值久未清還。欠銀至二十八萬餘兩之多。情殊可惡。自應照

所擬發遣示懲。至所欠銀兩。雖據福康安等將估變家產餘銀。先給夷商收領。不敷之數。亦經各商呈請分限代還。但內地商人拖欠夷商銀兩。既據該夷商呈控到官。若不即為清欠。轉致貽笑外夷。著福康安等。即於關稅盈餘銀兩內。照所欠之數。先行給與夷商收領。再令各商分限繳還歸款。至粵海關監督徵收商稅。管理洋行。於洋商拖欠物價。不能早為清釐。亦難辭咎。所有五十四年以後監督等。俱著福康安等查明。咨送該衙門議處。○諭軍機大臣等。據梁肯堂奏。熱河自廣仁嶺而下。有旱河一道。因前兩年陰雨較多。山水漲發。河道漸次淤塞。又河屯協署前河道。亦有淤滿。均請挑挖。應否仍照上屆交熱河工程處估辦等語。該處旱河。既經該督委員勘明。實係淤塞。自應准其挑濬。但所奏太遲。朕五月間。巡幸熱河。為期已近。此時興工挑挖。已屬無及。莫若俟朕駐蹕熱河時。就近派

令熟諳工程之員。會同確估。再行修濬。將此傳諭知之。○又諭浙江省安插夷人。去冬據該撫奏明。除送回安南外。其黎輝琿等十名。口情願來京。跟隨黎維祁居住。前因黎維祁率領所屬人等。業經歸旗。編入佐領。是以准令來京。今黎維祁聽從黃益曉等教唆。妄請回國。分給一道安插。實屬愚謬。無知不安。本分。已將黃益曉等。分別發遣。不便又將外省安插夷人。增入令與黎維祁等聚處。致滋事端。所有浙省送京夷人黎輝琿等十名。口現在尚未到京。著傳諭沿途各督撫。即於中途截留。詳加詢問。如黎輝琿等。情願仍回故土。即行遞赴廣西。咨會陳用敷。遣送出關。交與該國王收管。若伊等不願返國。亦可毋庸送京。著即解往江寧。交與該督。同原發該處夷人一併安插。並令地方官嚴加管束。倘敢生事。即行從重治罪。尋山東巡撫惠齡奏。詢問黎輝琿等。俱願回本國。遵旨遞赴廣西。咨會

撫臣陳用敷辦理報聞○又諭昨審訊俄羅斯逃出土爾扈特喇嘛薩邁林據供伊因迷失道路遇打牲哈薩克掠賣與諾特海回子隨至俄羅斯鄂木城意欲脫逃有喀爾喀賽因諾爾部落之蒙古安達賚告以俄羅斯聚衆欲襲取土爾扈特並給俄羅斯字書一封令其攜出呈報等語拉旺多爾濟係賽因諾爾部落扎薩克親王現在駐劄游牧著傳諭拉旺多爾濟查明安達賚有無父母妻子並何時逃入俄羅斯之處據實奏聞仍諭令恒瑞一體詳查○大學士公阿桂大學士伯和坤奏審訊護軍海旺等偷竊庫銀一案分別定擬並應議各員請旨辦理得旨海旺富爾呼納多福賓保成祿鍾福索木賀七犯俱著處斬並派刑部堂官一員同該旗護軍統領傳齊各護軍看視行刑俾各知所儆畏多隆武五保佛保太保永明六達子九福鍾保珠隆阿等九犯俱係看庫之人於海旺等偷竊

庫項既經撞過並不據實首告復敢得受贓銀聽從徇隱情罪可惡僅擬發往伊犁為奴殊屬輕縱所有多隆武等九犯俱著改為應斬監候秋後處決入於本年秋審情實辦理至護軍統領等俱係輪日該班有稽查之責若僅議本旗該管及是日輪應值宿之員則其餘前鋒統領護軍統領等俱得置身事外無以示懲所有各前鋒護軍統領叅領等官俱著交軍機大臣嚴行查詢從重治罪至此庫係存貯銀兩封鎖不開銀庫司員雖無看守職任但平日坐擁厚廉並不隨時看驗封條留心查察實難辭咎著將該司員等應得三年養廉均停其支領阿桂和坤係管庫大臣既經失察於前辦理此案又復失之寬縱除將所短銀兩著落照數賠補外仍著交部議處其出首之花尚阿尚屬畏法僅賞銀五十兩未足示獎著賞銀一百兩餘照所奏完結○署江西巡撫姚榮疏報乾隆五十四年

分南昌豐城分宜萍鄉樂平等五縣開墾新
生田地塘二頃二十七畝有奇○甲戌諭曰
孫士毅未到任之前所有吏部尚書事務著
劉墉暫行署理○是月陞任兩江總督協辦
大學士吏部尚書孫士毅奏查勘玉山縣城
工並挑溝建閘共需銀一萬八千四十三兩
即著錯估知縣程肇豐丁如玉二員分賠得
旨允行○福建巡撫浦霖奏督臣駐劄泉州
搜捕洋盜臣恐各盜聞風竄入鄰境分飭員

實錄卷一百七

三

弁於交界處堵截查拏得旨如此不分疆界
嚴緝洋盜可嘉勉為之若得大案要犯更當
奏請議敘○福建水師提督奎林覆奏臺灣
匪徒糾眾結會多在收成以後青黃不接之
時常有搶案擬於每年秋仲赴臺灣駐劄春
盡冬初回廈門辦理水師事務得旨好勉為
之母高興自滿○山東巡撫惠齡奏拿獲青
三府屬海洋島嶼甚多有地畝錢糧應查辦
者計三十處請照內地例編排保甲造冊報

覈每年於三府中委同知一員前往巡查並
勸農桑得旨行之在人妥實為之○又奏雲
南委員楊大觀銅船遭風沉銅全行撈獲查
銅觔短少例應賠補今既全獲可否仰邀議
敘請旨辦理得旨有罰無賞無是理也咨部
議敘

實錄卷一百七

三

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十七

監修總裁官經選講官太子太傅文淵閣大學士文淵閣領事領侍衛內大臣隆慶致朱
吏部理藩院事務正黃旗滿洲副都統世宗憲御封常功加七級隨帶加一級等語加二級戶部尚書一次自乾隆

總參謀長達壽宮太子天傳人華教大學士、湖廣總督、樞密院奉
上諭事件、總督、副都統、三庫事務

世宗修府衙功加十二次隨帶二役又加二役自嘉祐內大臣戶部尚書漢藍旗滿洲副都統功加五次尋常紀錄十四次乾隆庚辰建輝宮太子少保工部尚書等六次在青張頭年奉

乾隆五十六年辛亥五月乙亥朔吏部議准

烏魯木齊都統尚安奏稱哈喇巴勒噶遜地

方應設管糧官一員即於効力廢員內揀選

給銜管理糧務從之
丙子諭曰定郡王綿

恩現丁母憂伊所管之鑲紅旗滿洲都統事

務著永琅暫行署理左翼前鋒統領事務著

雅朗阿暫行署理火器營事務著阿爾薩朗

暫行署理 丁丑

孝誠仁皇后忌辰遣官祭

景陵（一）諭軍機大臣等上年山東省二麥約收

分數於五月初二日奏到本年東省雨澤應時昨惠齡奏報省城復得時雨摺內祇稱二麥顆粒飽滿並未將通省麥收共有幾分之處先行約計具奏豈不知朕屢念民依無時或釋耶著傳諭惠齡即將東省統計麥收約有幾分據實速奏以慰廑注尋奏通省二麥收成約有九分批所奏何遲又奏五月初一日得雨優渥將來刈穫可冀有增無減得旨欣慰覽之○旌表守正被戕山東費縣民劉

甲妹劉氏戊寅定宗室王公等兼任實降
例和碩睿親王淳穎等奏詢明失察偷竊庫
銀之該管各員請分別議處得旨此案守庫
護軍等膽敢糾約多人偷竊內庫銀兩該管
護軍統領等平日怠玩並未查出實非尋常
疎忽失察者可比崇尚斌寧扎郎阿著照所
議於伊等兼管職任內各降一級調用綿恩
景燭德勒格楞青喀木齊布富銳台斐英阿
阿爾薩朗均著各降二級留任又諭向來定

例。兼將軍都統之宗室王公等。遇有案件。應與同事大臣降調者。每降一級。俱加倍罰該管職任俸四年抵銷。第念因一案將同事大臣等。全行實降。王公等。僅於兼管職任內。罰俸抵銷。並不降級。仍行留任。未免於宗室王公等。稍有袒護。殊失平允。本日因偷盜內庫銀兩一事。業經降旨。將崇尚斌寧所兼職任。俱行實降。著交宗人府。及該部嗣後。凡兼職之宗室王公等。遇有案件。應與同事大臣降級調用者。均著照此次之例。將宗室王公等所兼職任。實行議降。其加倍罰俸。著即停止。況所降者。僅兼任之級。於伊等承襲原爵。殊無干涉也。○又諭。現出有鑲黃旗護軍統領員缺。著吉慶補授。正黃旗護軍統領員缺。著巴忠補授。鑲藍旗護軍統領員缺。著巴克坦布補授。吉慶。巴忠。仍著兼侍郎。副都統。○戶部議准。兩淮鹽政全德奏稱。前因江都。甘泉二縣。食引壅滯。以五分融入湖廣。綱引行銷。

今湖廣積引較多。應將融引。收回本岸辦理。從之。○已卯。調鑲藍旗蒙古副都統成策。為正紅旗滿洲副都統。正藍旗蒙古副都統。豐紳濟倫。為鑲白旗滿洲副都統。以理藩院郎中。上行走。博興。為正藍旗蒙古副都統。理藩院郎中。普福。為鑲藍旗蒙古副都統。○庚辰。諭曰。朕此次駐蹕熱河。巡幸木蘭。著怡親王。儀郡王。大學士。公。阿桂。協辦大學士。尚書。孫士毅。留京辦事。所有吏兵二部。應行引見官員。文職。知縣以上。武職。守備以上。於未啟鑾進木蘭之前。著該部每月派堂官一員。輪流帶赴熱河。引見其文員內佐雜等官。武職內八旗護軍校。驍騎校。及外省送到之補放驍騎校。水手。並年滿千總等官。弁仍著王大臣照例驗放。至八月以後。月選州縣等官。照例俟回鑾後。歸於九月分。一併引見。其各省督撫。提鎮等。奏摺。著齋摺人。前赴行在投遞。進哨後。著兵部派員。駐劄哨門。接遞各省奏摺。

封送行在。候朕批示發回。仍於哨門交付齎人祇領。該部即遵諭行。○又諭據琳寧等奏稱吉林地方失火。適值大風。遂至延燒官署旗民房舍。四十餘間。請旨仍照前次所有廟宇官房。動支官項修理。後局房舍。於備用銀兩內。動支修理。其官兵水手等居舍。並請借給俸餉。以資修葺等語。吉林地方。猝遇火災。旗民房舍。延燒至四十餘間之多。殊堪軫念。被災房舍。重行修葺。若不動支官項通融接濟辦理。則伊等力必拮据。著照琳寧等所請。廟宇房舍。著交該處同知修理。官房著派員估計。動支官項修理。其官兵水手等被災房舍。照伊等品級斟酌借給俸餉。以資重行修葺。此次火災。適值大風。既非人力所能撲滅。琳寧等著從寬免其交部議處。該處街道狹窄。草房較多。遇有火災。人力不能前近。並著照琳寧等所請。此次修葺房舍。著將街道展寬二三尺。大所草房。俱著改建瓦房。餘均

照所請行。○又諭據保泰等奏。噶勒丹錫呼圖薩瑪第巴克什身故等語。薩瑪第巴克什長於經典。兩次赴藏。協同達賴喇嘛辦事。俱屬妥協認真。今聞身故。朕心深為惻然。著加恩賞銀五百兩。以作善事。派雅滿泰真。賈仍賞大哈達一。噶布拉克數珠一。鈴杵一分。與薩瑪第巴克什塔前。永遠陳設。○諭軍機大臣等。據保泰等奏。薩瑪第巴克什身故。請簡派呼圖克圖赴藏。協同達賴喇嘛辦事等語。著濟龍呼圖克圖前往。協同達賴喇嘛。妥慎辦事。不得因前有嫌隙。意見參差。並傳諭達賴喇嘛知之。○辛巳。諭軍機大臣曰。董椿奏准宿兩關徵收盈餘銀兩。較之上屆。少收銀六萬九千八百餘兩。懇請照數分年賠繳等語。准宿兩關近年徵收稅課盈餘。並無短少。何以董椿此次徵收銀兩。少至六萬九千八百餘兩之多。董椿人尚謹慎。小心諒不敢以多報少。其管關之家人書役等。董椿亦自當稽

查約束不至任其從中舞弊致有短絀即云去秋王平莊民趁衝塌亦係即時補築完竣且距豫省較遠貨船自應照舊流通不致阻滯其因何少收稅課盈餘之處著董椿將該處實在情形據實速奏再降諭旨毋得稍有隱飾致干咎戾將此諭令知之○壬午諭軍機大臣等昨據董椿奏准宿兩關徵收稅課盈餘銀兩因豆船過關稀少較之上屆均有短絀降旨令將因何少收情形據實覆奏茲朱珪奏鳳陽關徵收稅課一年期滿比較上三屆短少盈餘銀四萬一千九百餘兩請在各員名下勻攤賠補等語鳳陽關徵收稅課盈餘銀兩上三屆均有十七萬四千兩不等何以此次短少四萬餘兩昨淮關短絀稅課或因去秋王平莊民趁衝塌貨船稍有阻滯但該處民趁即時補築完竣且距豫省較遠商販自應照舊流通其稅課短少之故未必因此今鳳陽關在淮關上游距王平莊尤

遠商販更不應有阻滯該關短少盈餘自必另有他故是否實係米豆船隻過關稀少抑該監督等屢經更換在關員役從中弊混徵多報少致有短絀之處著傳諭朱珪詳悉查明據實速奏再降諭旨毋任稍有隱飾迴護尋奏去歲江南河南兩省糧價相同商販無利到關者少夏秋湖河泛漲冬令水淺冰凍貨船稽遲以致短絀報聞○癸未諭軍機大臣等前據孫士毅等酌籌建昌府屬各隘添設卡巡堵緝私鹽一事朕以為有名無實當即降旨令長麟全德前往江西會同詳悉查勘並將向定銷鹽地方何以相距遼遠於商民均屬不便且奉行日久因何不早思變計之處查明先行覆奏既又思若將建昌一府應銷引鹽劃歸閩省而私販越過建昌仍可隨地闖入則改撥之法亦屬無益復降旨傳諭長麟全德務須詳妥辦理不可稍存拘泥違就之見本日召見書麟詢以江西建昌鹽

務情形。所奏與新降諭旨。大畧相同。蓋無知小民。惟利是圖。祇知得尺則尺。得寸則寸。如建昌劃歸閩省。私販即可越過建昌。沿及撫州。雖設卡巡緝。亦恐不能攔截。在商人運鹽道路愈遠。腳費愈增。鹽價自必倍昂。欲令民間舍賤買貴。舍近求遠。不但勢有不能。於情理亦未平允。且商人行銷鹽引。利於就近。而憚於遠行。即如建昌行銷淮鹽。書麟亦奏稱商情多有不願。何以現在又請添設巡卡。堵緝私鹽。轉增多費。或係該商等定地行銷。各護窩本。是以不惜增費。抑係通網有公。攤幫貼資助辦理之處。殊難懸揣。朕辦理庶務。毋固毋必。惟期利民便商。兩有裨益。從不稍存成見。長麟全德。皆當仰體朕意。據實查辦。不必迴護前旨。此事節經降旨傳諭後。尚未據長麟等查明具奏。想此日正在會同詳悉查勘。若即令書麟前赴兩江之任。則長麟在彼。即須將督篆先行移送。恐諸事呼應不靈。現

已令書麟俟送駕後。再往江南。彼時孫士毅自己到京。長麟等查辦情形。亦可奏到。再令軍機大臣會同詳晰酌商定議。期臻妥善也。將此由六百里傳諭知之。仍即將實在情形。先行速奏。又諭曰。鄂輝福崧同日奏到雨水農田情形二摺。並糧價清單。朕詳加披閱。鄂輝摺內。祇稱省城及附近州縣各得透雨。二麥情形。各府州縣所報與省城大概相仿。福崧摺亦祇稱三四兩月。各屬具報得雨。二麥收成分數。多在九分以上。各等語。而於該二省二麥收成。統計分數實在約有幾分之處。並未奏及。朕屢念民依無時。或釋該督撫豈不知之。何以此次所奏。僅係雨水糧價情形。於民食攸關之事。轉不詳晰查明。早為陳奏。耶著傳諭鄂輝福崧。即將該二省統計麥收分數。據實速奏。以慰廑注。○又諭本日據福崧奏。拏獲在洋行劫盜犯戴添英等。分別定擬一摺。已批三法司覈擬速奏矣。此次戴

添英等四犯在洋糾夥行強。搜劫贓物。情罪最為兇惡。一經拏獲。審訊得實。自當一面具奏。一面恭請王命。即行正法。閩粵江南等省。拏獲洋盜。俱係如此辦理。今福崧審擬戴添英等一案。於行強糾劫情節。業經審訊明確。自當即行正法。乃尚待請旨辦理。殊屬拘泥。除交部速議具奏外。福崧著傳旨申飭。○蠲免盛京海城錦縣義州等三州縣上年水災額賦有差。○甲申。諭前據姚榮奏江西建昌府屬界連閩省之區。路徑較多。堵緝稍難。必須於各要隘添設卡巡一摺。彼時以建昌距淮南二千餘里。離閩省邵武汀州等府。不過二三百里。運鹽程站較之淮南近至十倍。其鹽價自必貴賤懸殊。欲百姓之舍賤買貴。舍近求遠。於情理亦未平允。何以從前定例時。不將鄰閩府屬就近行銷。並恐他省亦有似此者。因降旨通諭各省督撫。彼此酌商調劑。使商民交便。以省緝私之繁。嗣據孫士毅等

奏酌籌建昌府屬設卡巡緝章程。朕恐有名無實。且商人行銷鹽引。利於就近。而憚於遠行。運鹽道路愈遠。腳費愈增。所費已屬不貲。若又添設巡卡。多增費用。不特病民。而且病商。復令長麟全德前往該處。察看情形。詳妥辦理。昨又思。無知小民。惟利是圖。祇知得尺則尺。得寸則寸。如建昌劃入閩省。私販即可越過建昌。沿及撫州南昌。無所底止。恐巡緝亦未能周到。傳諭長麟等。不可迴護前旨。稍存拘泥。遷就之見。朕辦理庶務。毋必毋固。惟期利民便商。從不豫存成見。今據全德將前旨所詢數款。查明覆奏。所言甚是。其摺內稱。若將建昌一府。改食閩鹽。恐撫州等府漸有私鹽闖入。於通省鹽務有關。是以該處向係減價敵私。合通省綱力。派出公費貼補。與朕昨降諭旨相同。果不出朕之所計。從前酌定行銷引鹽運道。全藉關津山隘。得以稽察遮攔。若舍此久定之界。聽其就便行銷。則平原

地面毫無阻隔鄰鹽逐漸侵入必致無所底止且以通網之力資助建昌一府公費衆擎易舉於該處商人並無賠累况有杉關等隘口可恃為門戶堵截閩私自應照孫士毅等奏設立巡卡增派兵役嚴密稽查以絕私販侵越之路至江西一省情形如此則他省可知看來該督撫等酌議到時亦與全德所奏大畧相同此事竟可不必要更張以悉仍其舊為是長麟全德如未經出境均可不必前往如已前赴江西祇須將各隘口如何設卡巡緝可期永絕私販之處會同詳悉履勘覈定章程據實具奏毋庸再議劃歸閩省之事總之整飭疆務全在各地方官實力緝私認真督察使各銷各地毋任鄰境鹽舫絲毫闌入則官引自必暢銷私販無利可圖並可不禁而自止也○吏部條奏酌改銓選各事宜一滿少詹事缺出以內班學士論俸陞轉庶子侍讀侍講洗馬司業作為其次應陞學士缺

出以內班庶子侍讀侍講洗馬司業論俸擬定正陪引見補放其由外班通政司叅議等員揀補之例請停止又中允贊善二缺向例定為外班均須試俸查庶子侍讀侍講等官均不試俸嗣後中允贊善應一體辦理再庶子以下外班借補內班之缺俟內班應陞有入按數扣還一旗員親老銓選到班時值外班扣除應歸即用班以京缺坐補仍先儘丁憂服滿人員銓選其因親老扣除所遺外缺即將其次人員陞選如其次亦係親老並非頂選另將無親老者銓補一佐雜教職等官凡係親老服滿病痊起用者不准捐免坐補原缺一給執照限期在部貢監考職肄業期滿各館議敘謄錄供事於奉旨文到日限一月役滿書吏在京限一月在籍限兩月俱令本員親領一吏員改籍歸宗復姓更名等事均請停止得旨所奏是依議○又奏已革捕役止於酗酒鬪毆等事州縣印捕官照失於

查察例降一級留任。又差役私行拷逼致死人犯。地方官降二級調用。毋庸查級議抵其餘案情較輕者。准以加級紀錄抵銷。得旨。所奏是。依議。○乙酉。諭曰。刑部議覆江蘇省拏獲鹽犯謝鴻儀等。分別治罪一摺。案內孫元梅。以監生窩頓私鹽至四千觔以上。特符庇匪。未便因其係屬監生。即得免其為奴。應將該犯改發黑龍江。給披甲人為奴等語。所奏是。已依議行矣。該部議從重。原係遵朕諭令改者。向來監生犯事。罪應發遣者。例祇發往當差。與平人為奴者不同。定例本未允協。監生捐銜者多。即實是監生。既名列成。均理宜畏法自愛。若以定例從寬。輒敢恃符玩法。較之無知愚民。尤為不肖。且既犯罪斥革。即與平人無異。豈得因其原屬監生。即免為奴。致滋輕縱。嗣後監生犯事。有似此情節較重者。俱照平人一律辦理。至在籍候選之進士。舉人。及其餘舉貢生員。皆屬身列衣冠。名登黌

序。若能安分守法。立品讀書。為小民倡率。原當加以體貌。別於齊民。倘恃符縱肆。自蹈刑憲。是即不知君子懷刑之義。為士林所不齒。免其加倍治罪。已屬法外施仁。復轉較平人從輕定擬。何以明刑弼教。嗣後進士舉貢生員等。如祇係尋常過犯。不過行止敗類者。仍照舊例辦理。若係黨惡窩匪。卑污下賤者。著俱照平人之例問擬。以示懲儆。○旌表守正捐軀廣東英德縣民龍士達妻鄧氏。○丁亥。上御勤政殿聽政。○遣官祭關帝廟。○諭曰。朕啟鑒後。常青著兼署吏部尚書。金簡著兼署戶部尚書。○又諭曰。朕啟鑒後。步軍統領事務。著金簡暫行兼署。俟綿恩百日孝滿後。仍交綿恩署理。○又諭鑲藍旗護軍等。騎射生疎。皆由該護軍統領斌寧平日廢弛。並不善為訓練之所致。斌寧雖因另案。由護軍統領降調。此次若不交部察議。仍覺倖免。況訓練係伊專責。咎尤難辭。斌寧

仍著交該部察議

平定縣志卷之三

七

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十八

清 實 錄 乾隆五十六年五月下

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百七十九

乾隆五十六年五月庚寅諭前因民間
攬使小錢節經降旨令各督撫嚴定章程通
行禁止並恐地方官收買小錢奸民等即將
所易大錢銷燬仍行私鑄小錢繳換圖利是
則名為交官收買轉導以私鑄私銷之弊因
復諭令將給換大錢之例停止勒限收繳以
期淨盡今思市集錢文多係商賈貿易流通
間有攬雜民間收藏行使各處皆然茲令將
小錢赴官繳出免其治罪毋庸換給大錢固
可剔除奸弊但恐小民趨利若驚收藏小錢
教修
奉常紀錄十四次自乾隆十四年奉旨起錄六次自乾隆五十六年
奉常紀錄十四次自乾隆十四年奉旨起錄六次自乾隆五十六年

五〇五

皆係貿易所得。見地方官僅令將小錢全行交出。不給官值。不但無利可圖。且使一空蓄積。愚民觀望。遷延呈繳。必不能踴躍。甚或私行藏匿。日後復間雜行使。定例雖嚴。而小錢終無淨盡之日。仍屬有名無實。嗣後著各督撫。轉飭地方官出示曉諭。凡民間呈繳小錢。若止數百文。數十文者。為數無多。不必將大錢給換。其呈繳至數十百千串者。查明實係零星存積。並非私銷私鑄。即按照繳出小錢。酌兩量行酌給大錢。小民等不致賠累。自必爭先呈繳。可期收買淨盡。但須將收買價值。確加覈定。不可令稍有贏餘。致奸民仍行轉售私銷。弊中滋弊也。將此再行通諭知之。又諭曰。署理江蘇巡撫長麟。自棄瑕錄用以來。查拏盜匪。會匪嚴緝。鹽梟等案。於地方一切事件。辦理頗屬認真。著加恩實授江蘇巡撫。給還頂戴。仍著賞戴花翎。該撫益當感激。朕恩倍加奮勉。毋致始勤終怠。以副朕格外

加恩訓誨成全至意。又諭據理藩院奏。左右兩翼蘇尼特二旗游牧被旱成災。該盟長扎薩克等。向歸化城等處借米千斗賑濟。請派章京一員。會同該盟長扎薩克等。查勘情形。俟查到時。再行具奏等語。看來該處被災較重。若俟查到再行辦理。恐已緩不濟事。著派副都統普福。署理察哈爾都統烏爾圖納遜。赴蘇尼特二旗游牧。會同該盟長扎薩克等。查勘被災情形。將從前所借米石。即行賞給外。再於附近地方。撥米千斗。迅速運往。偏給貧乏蒙古。毋使一人失所。以副朕軫恤蒙古臣僕至意。諭軍機大臣等。據正紅旗滿洲都統等奏。廣東已故通判永清前署封川縣任內。辦理埤務。拖欠餉項共銀肆千七百餘兩。准兩廣總督咨查該員在京產業。催令完繳。現查該員名下。止有地一項四十餘畝。約值銀二百餘兩。其餘並無別項家產。可抵請行令廣東著落各該管上司。代賠完項等

語。永清於署封川縣任內。辦理埠務。拖欠餉銀四千七百餘兩。向來辦理鹽務各員。俱有餘潤可需。何以該員在任時。至有拖欠餉項之事。如係經理不善所致。則該省埠務。自不止此一處。何以他人並無拖欠。獨該員名下。致欠四千餘兩之多。自應詳細確查。若他人俱係足額。唯永清獨有拖欠。是該員在任時。必有侵欺入己之事。則查估產業。自應豐裕。何以祇有此數。恐此外尚有隱匿寄頓情弊。如永清並無侵蝕。而其所欠銀兩。另有情節。亦應查明酌辦。不值遽將該員產業。查抄變抵。亦不應遽令該管上司分賠。且永清僅係知縣。辦理埠務。拖欠已如此之多。則所管道府等員。又當何如。是此案必須確切查明。方可覈辦。著傳諭福康安。即將永清拖欠餉項實在情節。及此外有無似此拖欠之人。即行查明。據實具奏。再降諭旨。朕辦理庶務。一秉至公。地方官員。有實係侵貪肥橐虧缺帑項。

者。自不令坐擁厚貲。稍為寬貸。若虧欠之故。另有別情。亦必據實辦理。或行寬免。斷不肯稍涉含混。致有屈抑福康安。惟當仰體朕意。據實查奏。不可稍存迴護之見也。○左都御史舒常奏。五城命案。向係正指揮相驗。辦理竭蹶。請照外省佐貳代驗例。正指揮時值事繁。不能兼顧。委副指揮吏目代驗。城內兩日。城外三日。違限及規避者。巡城御史查叅。報聞。○補行乾隆五十五年大計。江蘇省。罷軟官一員。年老官六員。有疾官四員。才力不及官三員。陝西省。年老官五員。有疾官四員。才力不及官一員。分別處分如例。○旌表守正捐軀山東蓬萊縣民于四子妻蘇氏。○辛卯。上詣大高殿行禮。○還宮。○是日起。上以夏至祭地於方澤。齋戒三日。○壬辰。諭軍機大臣等。工部奏。

川省修理新疆五營演武廳教場藥局一案該督造冊題銷所開木植觔重數目及按里折給腳價之處未經分晰開明經部三次題駁該督仍未逐款聲明開造無憑覈算請旨勅下該督查明題報並查明辦理此案總督及承辦官職名送部議處等語工程銷算例應將物料細數逐一造報今此案木植數目觔重及運送道里遠近屢經部駁仍未聲覆殊屬延緩著傳諭鄂輝即照指駁各款據實聲叙即行摺奏一面另造妥冊報部以清塵案至辦理此案總督及承辦各官並不遵部駁覈報均屬不合著即據實查明交部議處

○甲午夏至祭

地於方澤

上親詣行禮○辛圓明園○乙未上以秋獮木蘭自圓明園啟鑾○諭曰朕此次巡幸木蘭駐蹕熱河所有經過地方著蠲免

地丁錢糧十分之三 是日駐蹕南石槽行宮 丙申諭軍機大臣曰畢沅等奏永順宜昌兩府每年定額不過各銷三千餘引淮南並不爭此綱地實係恃此數處險隘以為敵私之地如改食川鹽實有扞格難行之處應請仍循其舊等語此事昨已明降諭旨將各省行銷引地悉照舊定章程辦理無事更張矣今畢沅所奏永順宜昌三府不復改食川鹽尚與諭旨相合自應照舊辦理惟所稱永順龍山等四縣如遇淮鹽不能接濟仍令零星買食川鹽聽從民便但不得過十觔以上一節所言殊屬未當該處毗連川境小民因淮鹽不能接濟零星買食川鹽亦事所常有但不可定以銷鹽觔數使百姓以買食私鹽業已奉有明文遂致逐漸增多無所底止設如畢沅等所奏以十觔為率明立科條不啻導以興販私鹽之路况小民趨利若鶩或於十觔之外加增數觔地方官豈能按戶稽查

逐一秤驗。如果私販鹽觔。事經發覺。自當按法懲處。若係官鹽不能接濟。零星買食。地方官祇可行所無事。所謂民可使由之。不可使知之。畢沅等所奏永順等四縣買食川鹽。定以十觔之處。不必行。將此各傳諭知之。是日。駐蹕密雲縣行宮。○丁酉。

孝恭仁皇后忌辰遣官祭

景陵。○淮關監督董椿覆奏。王平莊隄埝漫缺八十餘日。山東安徽二省亦因被水。貨物昂貴。商販不前。盈餘銀遂致短絀。得旨有旨諭部。諭曰。戶工二部議覆淮安等關徵收稅課一年期滿。淮安關短少盈餘銀六萬六千六百餘兩。宿遷關短少盈餘銀四千九百餘兩。著落該監督照數賠補等語。固屬照例辦理。第念上年山東安徽二省被水較廣。兼之王平莊民埝衝塌。豆貨重船阻滯難行。商販稀少。以致盈餘比較不敷。尚係實在情形。所有此次淮安關短少盈餘銀六萬六千六百餘

兩。宿遷關短少盈餘銀四千九百餘兩。共短少銀七萬一千五百餘兩。著落該監督賠補銀一萬兩。其餘銀六萬一千五百餘兩。俱著加恩寬免。並免其議處。餘依議。○是日。駐蹕要亭行宮。○戊戌。諭軍機大臣曰。蘭第錫奏查驗徐屬工程情形。並黃河水勢驟長。各工搶護平穩一摺。所辦俱好。毛城鋪滾水壩工。及王平莊對岸河勢坐灣。應挑引河。各工均關緊要。前經孫士毅會同蘭第錫勘估興修。辦理甚屬妥協。嗣因孫士毅陞任來京。蘭第錫親往該處查驗各工。並無草率弊混。足見該督等督率有方。深可嘉獎。現距伏汛尚有月餘。徐城北門誌椿新舊已長。水至一丈三尺。甚為浩濶。蘭第錫與孫士毅先事豫備。料物齊全。俾鑲防工段得以應手。而蘭第錫督同道將等分投搶辦。各工保固無虞。覽奏深為欣慰。但未經入伏以前。水勢已如此增長。將來入伏後。尤應加倍慎重。不可稍涉大意。

此時書麟甫由京啟程到彼尚需時日著傳諭蘭第錫務當督飭在工文武各員一律留心防護以期各工穩固黃流順軌方為妥善又諭本日蘭第錫奏徐城北門誌橋原存長水七尺八寸五月初七八九等日驟長水五尺六寸新舊共一丈三尺四寸水勢浩瀚督同道將等分投晝夜搶辦現已消退二尺餘寸各工俱穩固無虞等語豫省黃河地居江南上游今徐城誌橋已長水至一丈三尺河南水勢自必先行加長該處險要隄壩曾否保護穩固何以未據李奉翰奏報豈不知朕屢念河工無時或釋耶著傳諭該督將豫省黃流增長丈尺及各工平穩情形即行具奏以慰廑注又諭前因特古斯們都本係副總管是以補授伊父碩通總管遺缺並非令其子承襲已傳諭永保此後酌量奏請矣但恐日久怠忽從事著再傳諭保寧將此事特辦專稿交代後任將軍等俟特古斯們都

出缺時斷不可將伊子孫奏請補授總管伊子孫即有勞績不拘何官皆可保奏惟不准再任總管也是日駐蹕兩間房行宮已亥諭曰尹壯圖前經降旨以內閣侍讀用但念員缺甚少補授無期著如恩以禮部主事即用又諭曰伍拉納奏查明捕盜奮勉之文武分別奏咨辦理一摺閱省文武各員弁經伍拉納飭委緝拏洋盜該員等均能認真出力前後緝獲多名甚屬可嘉丁朝雄錢受椿胡世銓徐夢麟雖係專閫道府大員分當宣力但始終奮勉獲盜甚多著如恩一體交部議叙同知黃奠邦等八員獲盜俱在十名以上著送部引見但該員等均係捕盜得力熟手現在尚有逸盜未獲若令其同時赴京引見恐該省緝捕乏人著該督酌量先令二人給咨送部俟該員引見回閩後再行陸續咨送方為妥協其在本境堵截拏獲逸盜十名以下之文職知府德泰等十八員武職

署副將海隆阿等十八員俱著交部按照伍拉納造送清冊分別酌予議敘以示鼓勵餘著照該督所請行諭軍機大臣等昨軍機大臣面奏阿桂之子阿必達病故等語阿桂年高恐因此事悲切體氣失調著賞給奶餅一匣阿桂務須仰體朕意善自寬慰又諭據伍拉納等奏委署臺灣道府印務並札會水師提督暫緩內渡一摺所奏是臺灣民風刁悍地方緊要甫經奎林等懲創以後必須熟手經理方足以資整頓該督等所奏署理道篆之楊廷理前已有旨將該員補授臺灣道矣至奎林回赴廈門接受水師提督印務自應俟丁朝雄渡臺及新任道員到任後再回廈門俾得互相交替於海外地方益昭慎重俱著照該督所請辦理將此諭令知之是日駐蹕常山峪行宮（庚子旌表守正捐軀直隸慶雲縣民張英妻王氏河南河內縣民溫喜妻劉氏湖南芷江縣民曹善妻吳氏

○是日駐蹕喀喇河屯行宮○辛丑上詣熱河文廟行禮詣永佑寺瞻禮諭此次隨出校尉一百八人內常行隨駐二十四人每人各賞一月錢糧其回京八十四人各賞一兩重銀銀一個是日駐蹕避暑山莊至八月戊午皆如之壬寅諭軍機大臣曰馮光熊奏湖南寶慶府帶徵商稅一摺內稱一年期滿除足原額外盈餘銀八百三十餘兩此項盈餘銀兩例解司庫留充公用業經全數解司其不敷丁役辛工飯食等銀七十餘兩由司覈給造銷等語各關徵收稅課期滿比較原有具奏之例至一府一縣額徵商稅向來未見奏報比較何以寶慶一府該撫獨專摺奏聞且既據奏現有盈餘全數解司何以又有不敷之項由司覈給摺內聲叙殊未明晰現在馮光熊業已交篆起程想此時姜晟將次到任著傳諭該

撫即行查明。據實覆奏。尋姜晟奏。從前寶慶府商稅照額徵解。嗣經奏准儘徵儘解。所有盈餘銀兩存貯司庫。每年關口辛工飯食等費。除將耗銀支給外。尚有不敷。即於盈餘項內覈給。前任撫臣馮光熊所奏。係照例辦理。報聞。○又諭曰。鄂輝奏。拏獲糾夥連劫盜犯。分別正法。發遣一摺。盜犯尹耀等。糾夥肆劫。於旬日內。竟至四案之多。實屬目無法紀。該督審明後。將疊劫多次。及為首之犯。即行正法。所辦尚是。此等盜犯。結夥成羣。連日行劫。自即係咽喉匪餘黨。惟在該州縣等。實力緝拏。嚴行處治。方足以戢奸宄而靖地方。正如閩粵等省。洋盜聞拏緊急。即四散藏匿。若巡緝稍有懈弛。仍復聚而為匪。不可不隨時隨地。留心偵緝。以絕根株。著傳諭鄂輝。嗣後總當督飭所屬。密訪嚴拏。不使咽喉匪餘。潛滋暗長。方為妥善。除原摺交部覈議外。將此諭令知之。○是月。天津巡漕給事中李嗣奏。楊村

北河沙埂。空重漕船。不能並行。嚴飭弁兵。趕挖通暢。批。好。勉為之。又奏。現在銅鉛未到。守空剝船。可撥。並雇民船足數。重船一到。即可起剝。得旨嘉獎。○陞任兩江總督協辦大學士吏部尚書孫士毅。河東河道總督蘭第錫。奏徐城北門一帶。河身最狹。盛漲時宣洩不暢。應於北岸民居西北。河勢坐灣處。開挑越河一道。長九百七十丈。寬二十丈。至二十八丈不等。深一丈餘。計需銀一萬九千八百餘兩。批。不覺少乎。又奏。勒限五月挑竣。得旨嘉獎。○四川總督鄂輝覆奏。通省麥秋豐稔。收成實有九分。報聞。

大清高宗法天隆運至誠先覺體元立極敷文奮武孝慈神聖純皇帝實錄卷之一千三百七十九

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百八十

監修總裁官總纂修官太子太傅文淵閣大學士文淵閣領事領侍衛內大臣稽察總纂
上諭事件總管理
吏部尚書院掌務正官滿洲副總裁世襲騎都尉掌功加七級總管加一級尋常加二級軍功另議一次至要機
機要官總纂修官太子太傅文華殿大學士文淵閣副領侍衛內大臣稽察總纂
上諭事件總管理刑部三庫事務
世襲騎都尉掌功加九級總管加二級又加二級在軍功內大臣在戶部尚書總纂滿洲副總裁掌功另議五次
掌書批發十四次自總纂經總纂官太子少保工部尚書掌書批發一次自稽察總纂掌書

乾隆五十六年辛亥六月甲辰朔諭軍機大

臣曰王懿德奏江西協撥貴州兵餉過境由辰溪縣撥役解至芷江縣羅舊驛收貯夜間被賊竊去鞘銀一千兩請將辰溪縣知縣楊義年等革職拏問一摺已將該縣等一併革職拏問交與該撫提同兵役人等嚴審定擬具奏矣至所稱現經獲賊唐開泰等三名審問時忽認忽翻難以懸定等語餉銀過境該犯等膽敢起意偷竊至一千兩之多實屬目無法紀自應嚴加審訊從重辦理但必須起

獲贓據供認確鑿始成信讞若現無贓據而該犯又復隨認隨翻恐刑逼誣供致有屈抑此時姜晟想已抵任該撫久任刑部於此等案件自能詳慎妥辦著傳諭該撫務須提犯親訊細心研鞫必得起出原贓方可定為此案正賊固不可任其狡展抵賴亦不得草率定讞稍有枉屈也○工部議准直隸總督梁肯堂奏稱永定河南北兩岸事務殷繁河營守備應駐南岸裁石景山汛千總一缺改為永定河協辦守備駐劄北岸仍食千總廉俸刊給鈐記撥河淤租銀二百兩建造衙署鳳河東隄外委移駐石景山汛蘆溝橋浚船把總改為鳳河東隄把總移駐東隄從之○湖北巡撫福寧疏報乾隆五十五年分武昌左衛首墾下則屯地四頃二十四畝有奇○豁免江西九江前幫漕船失風漂沒米一千一百七十四石有奇並予淹斃舵水賞卹○蠲免直隸霸州保定文安大城固安永清東安

大興通州武清寶坻薊州香河寧河灤州盧龍昌黎樂亭清苑新城蠡縣博野雄縣祁州安州高陽新安河間獻縣阜城肅寧任邱交河景州故城東光寧津天津青縣靜海滄州南皮鹽山慶雲津軍廳南和平鄉廣宗鉅鹿任縣永年邯鄲成安肥鄉曲周廣平雞澤威縣清河磁州元城豐潤玉田冀州南宮新河棗強武邑衡水等六十九廳州縣上年水災額賦有差○乙巳諭曰吏部議駁勒保奏請將原任鞏昌府知府陳漢照例捐復一本所駁甚是著依議行此事前據勒保奏稱陳漢在知府中頗為出色其降調究屬因公懇請照所降之級捐復留甘差委等語彼時朕以該員係因公降調諭令軍機大臣存記俟部議上時原欲准令捐復今據吏部議覆以陳漢前在禮部郎中任內遺失紅本非尋常疎忽可比應不准其捐復因復看勒保摺內僅稱查其原案究屬因公並未明敘罪由顯係

希圖朦混殊屬非是。遺失紅本之罪。非尋常因公呈誤。况有旨重處。豈得謂之獲咎較輕。竟率行懇請捐復耶。勒保著飭行。諭軍機大臣等。據金簡奏。拏獲再犯竊賊張三。照律枷號。發交宣武門監看守。於二十四日夜。在監脫枷逃走。請將看監門甲和特亨額。門軍德成。德福。俱革退。馬甲步甲。交與刑部審訊等語。張三係再犯偷竊枷號。既經發交宣武門監。理應嚴加防範。乃門甲和特亨額等。並不小心看守。致令乘夜脫逃。據供張三脫下鑰鎖。枷號越牆逃走。其脫枷之時。豈竟無聲息。和特亨額等三人。豈有同時睡熟。竟無知覺之理。恐有知情故縱情節。不可不嚴行審訊。著刑部將門甲和特亨額等。嚴切訊鞠。務得實情。定擬具奏。其在逃之賊犯張三。並著金簡飭派員弁番役人等。嚴緝速獲。一併送部從重究辦。無任速遞。將此各諭令知之。軍機大臣議覆。暫署兩江總督江蘇巡撫覺

羅長麟等奏。稱請於建昌府發商。開設總店。所屬四縣。各設子店。分銷鹽引。照閩省時價。每觔減二文。隨時起落。出示曉諭。私販無利。自止。再於各要隘。嚴密巡緝。兵役等有能拏獲。梟販者。即將所獲鹽貨車船頭匹。全行賞給。其鹽交商店八折給價。倘有包庇縱私情。節。官弁嚴叅。兵役與私販一體治罪。應如所請。辦理。並咨會閩省督撫。於交界處。委員查堵。得旨依議。速行。○丙午。諭軍機大臣曰。管幹珍和琳奏。五月二十八日。江西尾船已全數催出。臨清。惟閭外衛河水勢。近日微形消落。現將湖河各閘。亮板北注。以資浮送等語。衛河水勢消落。自係豫省雨水未能需足之故。直隸山東河南三省。自四月二十七及五月初旬。奏報得雨後。迄今未經續奏。看來各處自五月初旬以後。俱未經續獲甘霖。雖該三省麥收。據報八九分不等。此時想經刈獲登場。固資晴日。曬晾而大田正當長發之候。

尤賴雨澤滋培著傳諭梁肯堂穆和蘭惠齡將現在曾否續得甘膏農情有無望澤是否不致妨礙之處各行據實速奏以慰厯注○都察院奏巡城御史如派巡漕及巡察吉林黑龍江等差請即開缺再管理街道御史應照巡城例一年更換報聞○丁未諭據保寧奏請將與屬兵之女通姦之守備孟嘉永革職枷號四十日發往喀什噶爾等處効力等語新疆地方孟嘉永身係守備膽敢與管轄兵丁之女行姦甚屬卑賤不堪若僅照保寧所奏完結不足蔽辜亦無以警衆俟孟嘉永枷號滿日杖四十即發往喀什噶爾等處賞與回子為奴餘照所請行○諭軍機大臣等前經蘭第錫奏徐城北門誌棧原存長水七尺八寸五月初七八九等日驟長水五尺六寸新舊共一丈三尺四寸因思豫省黃河地居江南上游徐城誌棧已長水一丈三尺有餘河南水勢自必先行加長傳諭李奉翰將

該省黃流增長丈尺及各工保護情形即行具奏本日該督奏到查勘曹單黃河工程水勢一摺內稱曹單一帶黃河於五月初六七等日陸續長水三尺九寸初十日後漸次消落現在僅存長水一尺八寸其曹縣六堡自長水之後共深二丈七八尺溜勢湍激暢行下注河底可期愈加刷深直達江境等語所奏尚係東省黃河而於豫省五月間長水情形仍未經奏及此時將屈伏汛一切河水長落及保護工程事關緊要該督奏報情形自應由驛三四百里馳遞仍僅交差弁齎呈殊屬遲緩豈不知朕厯念河防時縈宵旰耶著傳諭李奉翰將前此降旨詢問豫省水勢曾否加長並各處險要隄壩是否穩固情形據實速奏以慰厯注毋再遲緩將此由五百里諭令知之尋奏豫省黃河五月初長水三尺七寸下旬長水一尺七寸六月初二三四等日長水二尺九寸至四尺一寸均旋漲旋消

各工穩固得肯覽為日正長敬之勉之○又諭曰福康安等奏審明崖州拒捕戕官首夥盜犯分別正法並拏獲盜首大辦三李廣才及各船拒捕夥犯二十五名押解來省審辦等語所辦好此次緝獲首夥各犯之文武員弁著福康安等查明開單咨部分別議敘以示獎勵又另片奏阮光平接到搜捕洋盜咨會即飭該國沿海各屯上緊巡哨並令吳文楚為水軍都督分布巡緝至此案盜匪前在廣南短棉農耐地方竄匿因令該國協同緝拏今據該國王咨稱該國轄內並無此等地名應再照會阮光平令其復行確查辦理等語阮光平接到咨會派令吳文楚統率海艘戰兵分屯游徼實屬恭順可嘉吳文楚為該國王心腹得力之人特令為水師都督搜拏洋匪足見阮光平為內地除盜安良出於感激惻忱頗知以事為事盡心調度並非視為海捕具文以一咨塞責其所稱該國境內並

無短棉農耐地名自非捏飾况廣南係阮岳所管之地聞阮光平向與阮岳不睦恐有呼應不靈掣肘難辦之處亦未可定外洋島嶼沙洲道里本屬渺茫地名多非的確非若藏匿內地盜匪必須確切挨查一一窮究吹毛求疵可比此時福康安惟當以該國王實心敬事調度有方綏輯海疆不遺餘力婉詞嘉獎而鼓勵之不必似內地以獲犯無據之供責成該國於短棉農耐地方搜求根緝轉令該國王難於措辦至吳文楚如果將盜首拏獲著福康安等即行奏明朕當加以優賞即其所屬土目人等有能拏獲盜匪者亦量加賞賚俾令益知感戴現在盜首止有何起文一名未獲或仍知照該國王飭令留心緝捕其餘夥盜十六犯未獲祇須嚴飭內地文武員弁認真躡緝不必復令安南協捕於撫馭外藩之道較為得體所有未獲盜首何起文一犯及盜夥王才高孔亞錫張亞四布亞往

亞儘亞妹亞九吳添帶頭蓬獲大礮劉亞二陳亞二陳亞六張老二亞七亞勝等犯並另案洋盜孫維斌首夥人等著福康安等嚴飭根拏務期按名就獲母使一人漏網將此由五百里諭令知之○以故廣西思恩府屬古零土巡檢覃子儀子兆鵬襲職○廣西巡撫陳用敷疏報乾隆五十五年分小鎮安通判天保奏議等三廳州縣開墾老荒水旱田六頃八十畝有奇水田埜九十七埜有奇○旌表守正捐軀河南西平縣民趙玉書妻張氏太康縣民高興旺妻孫氏○戊申諭曰步軍統領衙門奏河南民人鄭守謙呈控光山縣役何九等將伊子鄭宗尼攢毆致斃三命一案縣役何九等因鄭守謙揭取派夫折錢告示欲行呈控輒將鄭守謙拏獲並將伊子毆斃復赴伊家搜取告示躡死伊孫又將伊媳踢傷殞命該縣祇將快役劉興擬罪其何九等並未抵命覈其情節雖係該犯一面之詞

但事關盡役科斂連斃三命重案自當徹底根究嚴查辦理以成信讞外省習氣往往以州縣民人在上司呈控之案即發該管府縣審辦該府縣豈有不迴護之理以致扶同瞻徇百弊叢生此案係五十四年之事該省巡撫藩臬俱經更換與穆和蘭等無涉自無所用其迴護著穆和蘭將案犯卷宗親提至省率同藩臬東公嚴審定擬具奏嗣後不特民人赴京控訴事件經朕降旨發交審辦者應行提犯親訊即本省民人在督撫衙門控告屈抑之案亦當親提究辦不得仍委所屬府縣承審致有輾轉庇護宕延不結之事況督撫等職任封圻當以整飭地方伸理冤抑為務豈可養尊處優於民人陳訴要案僅委之屬員辦理耶所有原告鄭守謙著該部照例解往候質步軍統領衙門原摺並發交穆和蘭閱看○諭軍機大臣等自駐蹕熱河以來連日天氣炎熇未得雨澤想京城一帶晴霽

日久鬱蒸殊甚。自必望雨甚殷。朕心深為廕念。著傳諭阿桂等於覺生寺、黑龍潭等處。照例設壇虔誠祈禱。並查詢在京回子能祈雨者一體祈雨。以期速沛甘霖。如得有雨澤。即行奏聞。用慰廕注。尋奏遵旨設壇祈雨。兼令回子薩哈爾索丕一體祈禱。得雨即馳奏報聞。○已酉。諭據德勒克扎布奏。請將扎薩克、台吉、齊業爾協同貝子、鄂齊爾辦事等語。齊業爾署理盟長以來。諸凡妥善。且正盟長鄂齊爾為人淳樸。副盟長騰特克年幼。即照所請。着齊業爾協同盟長鄂齊爾辦理事務。○豁免甘肅宜禾縣乾隆四十八、五十二兩年分民欠籽種口糧五千七百九十石有奇。房馬價銀二百二十兩有奇。○旌表守正捐軀直隸開州民吳學思妻任氏。○庚戌。諭曰。勒保奏奏西和縣知縣黃潼鯉相驗不實。請將該員革職一摺。覈其情節。該縣民人李琳、李三文子與堂嫂閻氏口角爭扭。毆傷閻氏。取

辜醫治。旋即平復。嗣因閻氏胃痛病發身死。該縣初憑仵作驗報。因傷致斃。率行通詳。繼復訊得閻氏實係因病身死。自行據實檢舉。是該員雖誤報於前。尚不敢迴護於後。且此案未經成招。即自行確訊得實。非有心捏報。始終迴護者可比。該督請將該員革職未免過當。黃潼鯉著罰俸一年。以示薄懲。所有奏請革職之處。著加恩留任。○兵部奏職方司書吏陳遵五延擱車駕司移付山東巡撫公文。復改填月分。請交刑部審訊。得旨。此案兵部職方司書吏膽敢於印付上私行挖補。改填月分。顯係有心捺擱。藉端撞騙。自應嚴切根訊。從重辦理。至山東巡撫咨送遲誤文報。各站員職名。係上年三月內。自京發遞。行在本箱遲誤。即經兵部奏奉行令該撫開送職名。何以直至七月內始行咨覆。請免開參。復經兵部駁令。仍將各職名開送。而該撫又遲至十一月內覆到。已屬遲延玩愒。乃兵部於

上年三月之事該撫於十一月內始行覆到並不即時行催任其遲至數月之久亦屬延緩可見兵部與該撫俱不以事為事咎均難辭著留京王大臣會同刑部提到書吏陳遵五嚴究執攔挖改實情從重定擬所有兵部堂官承辦司員及山東巡撫一併察議具奏○予故杜爾伯特扎薩克輔國公烏呼斯致祭如例○旌表守正被戕直隸東光縣民魏朋妻李氏○辛亥諭軍機大臣曰梁肯堂奏河南差弁齎摺行至柏鄉地方將摺匣包袱遺失現將差弁王晟高鎖解豫省查明斥革等語河南差弁王晟高呈遞奏摺並不隨身齎帶輒將摺匣包袱拴繫車後以致中途遺失殊屬玩誤該督即將王晟高鎖解豫省查審斥革所辦尚是此等差人齎遞奏摺想係不甚緊要事件著穆和蘭再行補繕另委妥弁齎進將王晟高訊明有無別情斥革辦理並著梁肯堂飭令正定趙州一帶所屬州縣

派役留心尋覓毋使隱匿將此諭令知之○又諭上年六月間據梁肯堂奏喀爾喀王貢楚克扎布差扎奇魯克齊博羅特入貢於多倫諾爾地方被賊竊去製造經典銀八百兩並衫帽等物請令該廳同知照數賠還一案曾降旨傳諭該督以賠償銀兩恐來使等有裝點被竊希圖地方官賠償之事可以不必惟在飭屬嚴拏賊賊務獲迄今已屆一年曾否將案內賊犯拏獲未據該督奏聞豈以此案一經奏報於前遂可了事耶著傳諭梁肯堂如賊犯業經緝獲即行奏聞倘仍未弋獲務須嚴飭所屬認真躡緝毋得視為海捕具文日久玩延致干咎戾也○直隸總督梁肯堂覆奏五月下旬各屬得雨一二寸至四五寸不等早穀高粱黍稷長發暢遂近日間得陣雨禾苗並無妨礙得旨覽奏稍慰初六此間得雨三寸尚欠優渥炎熱太甚尚亟愁望也○壬子諭軍機大臣曰梁肯堂奏審辦密

雲縣道旁叩聞之湖北蘄水縣民人徐文緒一摺內稱查照原呈提犯研鞫據供因姪女被堂叔家人陶象吉拐匿在縣控告本縣並不傳審反受加責心懷不甘要想告狀伸冤應請將該犯照例發近邊充軍但該犯年已七十語無倫次實有痰迷形狀應解回湖北嚴行禁錮等語徐文緒所供各情節如果屬實何以該縣並不審究轉將該犯枷責自應秉公查辦若係該犯有心誣陷挾嫌誣告亦應按律辦理以警刁悍如實係年老痰迷即將該犯飭交司監嚴行永遠禁錮毋令再行滋事將此傳諭畢沅等知之○又諭曰吳璥奏請俟新任藩司鄭源璫抵任即交卸起程趨赴行在陛見一摺前據李奉翰奏稱吳璥於河防修守事宜熟悉幹練請令該司協防大汛實於要工有益等語業經允其所請現在正當大汛之期黃河上下各工在在均關緊要得一熟手率同保護自較為妥協此時

不必汲汲趕赴行在仍令留辦防汛事宜俟過伏秋兩汛於九十月間朕自熱河旋蹕時再行起程來京瞻覲○又諭曰鄂輝奏覈辦本年四川省秋審案件將擬絞官犯德新斬犯文思鏡二名俱擬入緩決一摺覈其情節即贏夫陳大成既經受雇起身又復在途翻悔並逞強嚷罵理本不直德新舉腳嚇踢適傷陳大成肚腹斃命尚係事出無心且該犯父叔胞弟均係出兵身故情亦可憫至文思鏡一犯因伊父與陳黃氏通姦致其母自縊殞命該犯將陳黃氏砍斃究係痛母情切與逞兇謀命者有間鄂輝甫任總督於秋獻案件即能斟酌情理細心推究將此二案俱擬入緩決所辦尚是但該省秋審題本到部時自必按律辦理已令軍機大臣存記俟刑部覈擬具題再降諭旨將此傳諭知之○軍機大臣奏旱河工程應修者三處廣仁嶺迤東山溝水發沙石衝入旱河現在河底高於大路

二尺有餘。又鐘鼓樓至大河沿。旱河底與岬平。又河屯協署前。河身亦經淤塞。共估需銀三千九十兩零。即日興修。仍請撥熱河道庫備賞銀五萬兩。交典生息。為歲修費。從之。

癸丑。以故奉恩將軍德明子富永阿襲職。

甲寅。諭曰。普福等奏伊等親至蘇尼特兩旗游牧。查勘被災情形。辦理賑濟等語。該處連年被旱。貧窮蒙古。必須廣為賑濟。方不致失所。著加恩將車凌衣布巴勒珠爾雅喇木丕勒。請借二年郡王俸銀。不必借與。即行照數賞給。令其散放貧窮蒙古人等。此項銀就近於口北道庫內。速行支給。普福等仍往蘇尼特兩旗游牧。會同該盟長扎薩克等。妥為辦理。不得遺漏一人。車凌衣布巴勒珠爾雅喇木丕勒。各賞借郡王俸一年。俾整理產業牲畜。分作四年。坐扣完結。以副朕惠愛蒙古臣僕一體軫卹至意。

又諭據恒瑞等奏辦理戶部事務主事職銜五十八。安泰俱已年滿。

若俱發回原處。現在辦事需人。請將安泰發回該處。以防禦補用五十八。仍留烏里雅蘇台辦事。令其候補防禦之缺。俟該處缺出。文到之日。再行送京引見。補放。令回原處等語。

五十八。安泰俱經年滿。既係情願。仍回原城。以武官補用。著照恒瑞等所奏。五十八。安泰俱著以該處防禦補用五十八。得缺以前。仍留烏里雅蘇台辦事。俟出缺時。再令來京引見。補放。發回原處。

諭軍機大臣等。此間昨日未刻起。至申刻止。大雨滂沛。入土五寸。遂交熱河道查看。自王家營迤西較小。本日未刻。又復得陣雨。勢甚綿密。現在京師望澤甚殷。昨今兩日。未知曾否一律普被甘膏。著傳諭留京辦事王大臣。即將日內是否得有雨澤之處。查明覆奏。以慰廑注。

又諭前因賊犯張三。脫枷逃逸。諭令步軍統領衙門。飭派番役嚴緝。茲據金簡奏。番役在涿州魯坡村地方。將張三拏獲。訊據供稱。曾許給門軍德。

成錢十千文。將我開了手鐐。又將腳鐐鑰匙交我收管。並給小刀一把。叫我起了枷上鐵錫。可以逃走。於五更時候。即脫枷潛逸等語。張三前因犯竊擬枷。在宣武門看守。膽敢拏枷逃走。實屬不法。該門軍德成。因張三口許錢文。給與鑰匙小刀。縱令脫逃。甚屬可惡。自應與囚同罪。但張三係二次犯竊。脫逃拏獲。罪不至死。即加重。亦不過發遣為奴。著傳諭刑部堂官。審訊明確後。其縱令脫逃情節。如

實錄卷三十三

下

果屬實。著將德成。永遠枷號於各城門。輪流示衆。俾得共知儆畏。其一同該班之門甲門軍等。有無通同賄縱情弊。並著嚴行確訊。定擬具奏。其拏獲張三之番子等。著金簡酌量獎賞。以示鼓勵。將此傳諭刑部。並金簡知之。○又諭曰。陳用敷奏拏獲脫逃遣犯正法一摺。內稱該犯潛逃後。當經該縣查知。會差兵役。即日在北門城外追獲。審明正法。所有典史李靈長。知縣李日躋。相應開報。聽候部議。

等語。遣犯脫逃後。該縣既能即日拏獲。不致任其竄逸稽誅。尚屬留心緝捕。自應將該員聲請免議。乃該撫摺內。何以又將該縣典史一併開參。殊未明晰。況典史係屬專管。知縣僅係兼管之員。亦不得漫無區別。該撫前任安徽巡撫任內。辦理地方事務。率多錯誤。是以降為府尹。經朕復加擢用。封圻何尚如此顛預。不知留心耶。陳用敷著傳旨申飭。以喀爾喀右翼部扎薩克多羅貝勒車布登納

實錄卷三十三

上

木扎勒為烏蘭察布盟長。烏喇特扎薩克鎮國公車布登棟羅布。為副盟長。○乙卯。諭曰。雅爾泰因伊調補乍浦副都統。奏請求京陛見等因。一摺。殊不成話。前稱雅爾泰所遺員缺。調補兆慶。後復稱將伊調補乍浦副都統。部文遲速難定。自應擇其緊要者。明白入奏。雅爾泰並無罪戾。豈有無故出缺之理。雅爾泰殊屬不曉事體。著傳旨申飭外。雅爾泰距前歲年班陛見。已及二載。著即前來熱河陛

見○丙辰補行乾隆五十五年大計。安徽省不謹官一員。罷軟官一員。年老官七員。有疾官二員。才力不及官三員。山東省。罷軟官一員。年老官八員。有疾官二員。才力不及官三員。浮躁官三員。廣西省。罷軟官二員。年老官五員。有疾官二員。才力不及官三員。分別處分如例。○以故貴州思州府屬坪正長官司何型子鎮西襲職。○丁巳諭軍機大臣等。本日刑部議駁湖北省民人陳谷松與王廷英共毆呂九如身死。將正犯陳谷松減等擬流一本。所駁甚是。已依議行矣。此案陳谷松。王廷英共毆呂九如斃命。先經該撫以王廷英毆傷呂九如左右膝。膝肌僅止紫黑皮破。尚屬輕傷。不至於死。應以在逃之陳谷松擬抵。王廷英照例擬徒。及拏獲陳谷松到案審訊。與原審各情節無異。自應將該犯照例擬以絞抵。乃該撫又稱助毆之王廷英所毆亦屬重傷。於未結案之前病故。准其抵命。將陳谷

實錄卷一千三百六

五

松減等擬流。具題前後自相矛盾。豈呂九如之死。竟無一抵命之人任聽正犯陳谷松以王廷英業已身故。無可質證。希圖推卸。而該撫亦祇憑屬員詳報。並不細心研究。以致先後辦理兩歧。罪名互相出入。殊屬非是。此事是否係該臬司意欲如此辦理。抑出自該撫主見。著傳諭福寧據實明白回奏。至畢沅係該省總督。近在同城。於此等人命重案。亦應留心查察。何以未經駁正。著畢沅會同福寧據實查明。親提犯證。再行鞫訊。明確妥議具奏。所有刑部原本著摘鈔畧節。發交閱看。○又諭前據福寧奏。安南陪臣於五月二十二日由武昌省城前進。約計五月二十七日可出湖北境等語。河南毗連楚省。該陪臣一出湖北。即入豫省信陽州境。該處距熱河計程不過二千八百餘里。若按站行走。七月初間即可行抵熱河。彼時距賞賚之期尚遠。該陪臣亦無需早到等候。且現在大雨時行。想沿

實錄卷一千三百六

五

途不無泥濘。儘可令其緩程行走。以示體恤。著傳諭該督撫等。計算日期。令於七月二十五六行抵熱河。亦不為遲。○戊午。諭軍機大臣曰。王懿德奏。調補善化縣知縣汪輝祖。患病未痊。未便令其到任。且何劉氏等命案。該員尚有應訊之處。亦未便遽准回籍等語。已將該員開缺。交姜晟查審矣。汪輝祖先經臬司飭委檢驗桂陽縣民婦何劉氏等命案。該員藉病託故。遷延未往。經巡撫馮光熊於叅

實錄卷千三百六

五

奏陳玉垣案內。聲明汪輝祖有無規避別情。另行叅處。嗣據汪輝祖以氣體漸虛。精神恍惚。請解任回籍調理。雖據王懿德驗明患病屬實。但其中恐有被巡撫叅劾。託病捏報情節。王懿德所奏殊不可信。著姜晟親提何劉氏等命案。研訊確實。並汪輝祖有無規避別情。一併秉公據實審擬具奏。又據王懿德另摺覆奏。嚴禁小錢一事。不過敷衍塞責。並無設法查辦之處。至所稱令鹽道於收卯之日。

會同藩司親加點驗。仍不時前往抽查等語。殊屬拘泥俗套。足見不實。王懿德係本任藩司。暫護撫篆。現在姜晟已抵湖南。伊即應卸事。早回本任。藩司即伊也。將來會同鹽道。於收卯之日。親加點驗。即伊應辦之事。乃摺內轉稱飭令鹽道會同藩司辦理。其時藩司是誰耶。不通之極。且公然以巡撫自居。誇大其辭。實屬糊塗。王懿德著傳諭嚴行申飭。

實錄卷千三百六

五

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十一

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄以舊履歷

總纂官經筵講官太子太傅文華殿大學士文淵閣領閣事稽察欽奉 上諭事務處管理刑部主事事務

世襲騎都尉軍功加十九級通帶加二級又加二級品銜內大臣少保內務府總管滿洲副都統軍功紀錄五次

尋常紀錄十四次臣等謹將經筵講官太子少保工部尚書紀錄六次事謹錄等奉

敕修

乾隆五十六年辛亥六月己未諭曰戶部議

覆鳳陽關徵收稅課一年期滿短少盈餘銀

四萬一千九百餘兩著落管關之員各按經

徵月日分別攤賠一摺因屬照例辦理第念

該關稅務全賴上游豫省米豆船隻赴江販

運上年因豫省江南年歲收成俱各豐稔米

豆價值相等商販無利可圖是以船隻過關

稀少盈餘短缺尚屬有因所有此次鳳陽關

短少盈餘銀四萬一千九百餘兩著落該監

督等各按經徵月日攤賠銀一萬兩其餘三

萬一千九百餘兩俱著加恩寬免 又諭曰

齊蘇龍多爾濟病故所遺扎薩克郡王爵著

伊子端多布多爾濟承襲其未及歲以前所

有扎薩克印務著協理台吉揚扎布署理

吏部議准湖廣總督畢沅奏稱江陵縣郝穴

鎮監利縣朱家河巡檢二缺應裁各改設主

簿一缺從之 戶部議准陝甘總督勒保疏

稱鎮番縣民王元簡等認種箕畓湖義田所

納銀糧作書院生童膏火額交草束酌分鎮

蔡二營以為馬草從之 禮部議准福建巡

撫浦霖疏稱彰化縣學文童進額請增四名

二年一貢從之 兵部議准陞任兩江總督

協辦大學士吏部尚書孫士毅等奏稱福山

營所轄壽興沙漸次坍沒原設汛兵足資駐

守請將該汛外委移駐青草沙小陳浦汛應

裁即將裁存兵三名並福山營存城兵七名

撥駐青草沙兼令福山營千總巡查黃泗浦

巡檢協同稽察從之 旌表守正捐軀河南

陝州民蕭世芳妻張氏。庚申諭現因河東商力疲乏。亟須調劑。已令軍機大臣會同山西巡撫馮光熊詳悉酌議。可否將鹽課改歸地丁。於富戶貧民均有裨益。但經理一切章程。尚需勘辦。馮光熊究係新任。於該處鹽務。尚未能熟悉。蔣兆奎曾任河東運使。鹽務素所熟諳。且該布政使上年在京。亦有課歸地丁為便之語。蔣兆奎著調補山西布政使。幫同馮光熊妥為辦理。所有甘肅布政使員缺。即著景安調補。萬寧著調補山西按察使。其貴州按察使員缺。即著顧長紱調補。尋軍機大臣議。臣等與馮光熊酌議。鹽課歸入地丁。計畝攤徵。富戶既免簽商。貧民得食賤鹽。生計益裕。至鹽池雖係民產。亦須地方官經理。庶免爭端。每年計所出鹽抽稅若干。於歸入地丁之鹽課內扣除。批此語或一辦法。又奏。俟馮光熊抵任後。會同蔣兆奎詳勘商辦。從之。又諭曰。惠齡、馮光熊俱經賞戴花翎。河

南巡撫亦係兼提督銜。穆和蘭並著一體賞戴花翎。○又諭曰。喀木齊布病故。所遺鑲白旗護軍統領員缺。著布彥達賚補授。○又諭曰。積拉敏病故。所遺山海關副都統員缺。著永安調補。永安現在牧場。著派聖保即行馳驛前往更換。○諭軍機大臣等。此間自十二三日得雨以後。農田已極優渥。本日復得大雨。現在尚未開霽。似覺雨水稍多。前據王大臣等奏報。京師得雨亦已深透。本日未據續奏。晴雨情形。朕心深為廕念。著傳諭留京辦事王大臣。如近日所得雨澤。僅稱霽足。則已。倘或已形過多。恐僧道皆不諳求晴之法。即派回子薩哈勒索丕。祈求晴霽。隨報據實具奏。以慰懸廕。○又諭據金簡等奏。革職貴州威寧州知州高瑋。於五十二年十二月前往胞弟山西寧武府知府高璨任所就養。嗣據晉撫咨據高璨詳稱。高瑋於五十五年七月內。自寧武府起程回京。迄今已及一年。並未

歸旗高瑋既於上年七月間自寧武府起程何以至今尚未回旗自必在沿途地方任意逗留且曾任黔省知州或竟繞道潛往在該處藉端生事均未可定著傳諭各該督撫一體嚴行查拏送京治罪至知府高瓌於伊兄起身後呈報遲緩及本旗飭查仍復含混聲覆之處並著該撫確切究問據實具奏將此各諭令知之○留京辦事王大臣等奏訊明書吏陳遵五等各情罪分別定擬兵部堂司官及山東巡撫均請交部察議得旨此案陳遵五充當兵部職方司書吏於應議臺站職名接到印付希冀撞騙銀錢以致遲誤日久雖訊無得贓情弊但心存撞騙事後復改印付非尋常玩誤可比留京辦事王大臣擬以杖徒殊屬輕縱陳遵五著發往伊犁充當苦差至車駕司貼寫王毓秀於正月內齎送印付遲至數月未見移覆並不回明本官查辦明係有心弊混亦有應得之罪即著照陳遵

五原擬杖一百徒三年餘依議○調正白旗蒙古副都統巴克坦布為鑲紅旗滿洲副都統○以內閣學士依蘭奏為正白旗蒙古副都統○以故雲南雲龍州箭桿場土巡檢字恩寵弟恩隆襲職○辛酉諭據伍拉納奏臺灣水師副將孫全謀俸滿三年例應於內地水師副將內揀選調補現在乏員陞調請將孫全謀暫行留任俟再滿一年選員調補等語臺灣副將一缺關係緊要必得諳習風土熟悉情形之員方於地方營伍有益臺灣雖在海外非若烟瘴地面例須更換者可比該處總兵道府各員現在並無更調之例副將等官又何必拘例定年限紛紛更換致易生手孫全謀著留臺灣水師副將之任嗣後所有俸滿更調之例並著停止○壬戌吏部等部議准四川總督鄂輝奏稱三臺縣屬葫蘆溪鹽大使一缺應裁改設三臺縣分駐葫蘆溪鹽捕縣丞從之○戶部議准湖北巡撫福寧

疏稱寶武局鑄印積壓應自本年起分作十年將買存漢洋銅劬通融借支帶鑄仍將額辦滇銅分年帶買俟鑄竣一年卯額專案造報歲需滇銅先一年六月咨滇省撥廠限八月內咨覆楚省監鑄各員造報遲延或限內卸事違限一月至三月者照奏銷錢糧冊結遲延不送例分別罰俸四五月者降一級留任六月以上降二級調用一年以上革職倘因滇銅未到不能依限鼓鑄造報隨時咨部展限從之○封閉湖南宜章縣羊牯泡沙盡錫廠從巡撫馮光熊請也○豁除江西德興縣東南二鄉乾隆五十三年分被水沙壓田地六頃五十一畝有奇額賦蠲免陝甘皋蘭金縣靖遠等三縣上年霜災額賦有差○旌表守正捐軀浙江江山縣民姜好德妻嚴氏○癸亥諭軍機大臣曰穆騰額奏東省現在產鹽雖足敷春運將來秋曬豐歉難以豫定必須豫籌接濟應請仍照向例將蘆屬餘

鹽通融撥借等語鹽劬為民食所關東省既因海灘風信不時潮汐不旺產鹽恐未能豐足而長蘆現有存積餘鹽自應准其籌撥以資接濟但此項鹽劬既經運往東省售買則應徵引課是否即係東商完納其運腳等費又係出自何省商人再自天津前赴東省一水可達由水路運往自必省便若由陸路則運費較多是否由陸運水運及於官課有無短絀之處著傳諭穆騰額一併查明覆奏尋奏東商來津買鹽水運至德州柘園鎮發沿河各州縣行銷所有引課東商完納水腳亦係商出課不短絀報聞○乙丑諭軍機大臣曰梁肯堂奏據三河縣知縣稟報屯居旗下家奴侯添祿被伊主何森堂弟阿林因索銀不遂捆毆身死一案緣何森窮苦日甚欲將契買家奴侯振極等出賣阿林貪圖侯振極父子有貲應允承買言定身價銀兩兩次交足立契鈐印後阿林隨向侯振極聲言契買

緣由。即向侯振極索詐銀兩。因侯振極出言回覆。輒將伊子侯添祿。用繩捆縛。自持木棍。疊毆。傷重。殞命。等語。阿林貪圖侯振極父子貲財。用銀置買。其居心已不可問。及至索銀不遂。將侯添祿捆毆致斃。情節甚為可惡。若論旗下毆斃家奴。原無擬抵之例。但阿林以甫經置買之人。起意勒索。以致捆毆傷命。實屬貪狠。將來定案時。自應照平人例擬抵。方足以昭平允。所有阿林一犯。及案內應訊人證。俱著解赴刑部。交刑部堂官嚴審定擬。該犯解到時。先行重責四十板。再加研訊。並著傳諭阿桂。將阿林一犯。審明定擬。趕入本年秋審情實。以為貪暴不法者戒。不得以阿林係屬旗人。稍從輕減也。將此傳諭刑部堂官。並諭梁肯堂知之。○又諭曰。福康安奏。安南國王阮光平。遣使續進貢表。現在據報進關。如該貢使阮文典等進關後。計算七月杪。及八月初間。可以趕赴熱河。應令加緊行走。俾

與前次貢使同選宴賚。如進關稍遲。令於抵桂林時。暫行留住。令其緩程行走。於封印前抵京等語。此次安南貢使阮文典等。既未經據報進關。現又距八月初旬不遠。不值令其長途冒暑過行。自應照福康安所奏。於該貢使行抵桂林時。暫行留住。令其從容緩程行走。竟於封印前抵京。得與諸蒙古番回部落及各國使臣。同與宴賚。較為妥協。若此時該貢使已過桂林省城。約計趨程行走。可趕上前次貢使。即令其同赴熱河。著速傳諭沿途督撫。妥為豫備。並諭陳用敷。斷不可如前次陳玉視。已經過省。復行追回。以致徒勞往返。如約計行程。不能趕上前次貢使。即於該陪臣行抵桂林省城時。暫留憩息。並咨會沿途地方。一體令其緩程前進。於封印前到京。亦不為遲也。該撫務須酌量妥辦。毋再舛誤。干咎。仍將接奉此旨。如何辦理之處。即行覆奏。將此由六百里傳諭陳用敷。並諭福康安及

沿途督撫知之。○又諭曰。福康安奏安南國王阮光平遣使續進表貢謝恩。並將表文進呈。覽奏深為嘉悅。該國王於上年赴都叩覲。回國後感戀交縈。即遣陪臣陳玉視等齎表謝恩。已令於七月二十五六日前抵熱河。加恩宴賚。茲該國王復以萬里初歸。為時懇促。修儀備物。未能竭盡悃忱。且陳玉視進關之後。又疊荷隆施。愈覺感悚靡寧。因再敬備表貢。遣使續齎進關。情詞肫切。忱悃可嘉。而一種感恩戴德之誠。溢於楮墨。自應准其齎進。賞收。渥加賚予。以示恩眷。已另降諭旨。令陳用敷於該貢使行抵桂林時。妥為照料矣。至另摺奏據安南都督黎文認等。來至江坪思勒地方。投遞呈文。內稱國王接奉照會。分委伊等帶領兵丁。趕獲賊人。殺斃二十餘人。生擒二人。現在將擒獲二犯。提省審辦等語。阮光平恪守藩封。認真緝捕。並令吳文楚為水軍都督。飭令夷目分投巡察。奮力殲斃盜匪。

多名。並生擒二人。解交內地。足見該國王調度有方。恭順將事。實出至誠。此次擒獲盜匪。係該國分巡夷目。既據福康安等備具綱紗。茶布銀牌等物。派弁馳齎前往賞給。此間自無庸再與獎賚。若將來吳文楚自行拿獲盜首。著福康安即行奏聞。朕當加之優賚。以示獎勵。福康安等不必先行備物賞給也。所有阮光平表文。及福康安奏到二摺。並著發鈔。將此傳諭知之。○盛京將軍宗室嵩椿等奏。牛莊蓋州及各海口。查有流寓閩人一千四百五十名。雖經編甲。恐有遺漏。現在於閩人中。添設保長。倘保長回籍。再行選補。漁船每隻給票。如有奸匪。哨船查拏。並准漁戶人等出首。加以獎賞。秋冬時商船南旋。地方官親往查驗。附船回閩者。冊內除名。年終結報。流寓人等。有無增減。仍令各該處副都統稽察。得旨。所定章程合宜。為之在人。勉之。○丙寅遣官祭。

火神廟。○戊辰諭軍機大臣曰。朕駐蹕熱河。幾餘偶檢舊作。有昨歲賜安南國王阮光平至避暑山莊。陛見詩章。憶及上年該國王萬里來庭。情殷愛戴。節經接見慰勞。頻加宴賚。而該國王恭順恪誠。根於至性。其感激依戀之忱。不啻家人父子。及陛辭回國。朕復繫念不置。屢賜上方品物。優賚有加。今屈指又將一載。因用前韻特製詩章。書扇以賜。現在海署。屆侯該國王正可藉拂炎薰。至此間相隔交南。道里甚遙。若以時鮮食品。附驛速寄。恐致徽損。不堪食用。今隨報發去菓乾一匣。以示眷注。該國王接奉後。不必專表謝恩。祇須附便奏及。仰副體恤至意。將此諭令知之。○御製詩曰。例事山莊駐夏巡。勅幾不息必躬親。近當愠解南薰我。遠憶心懸北極人。詣闕去年思會面。為邦永訓在漸仁。簷頭寫寄梅花信。風被瀛疆奕葉春。○庚午。諭據梁肯堂奏。順德府屬之任縣大陸澤。因上年雨水過多。

諸河並漲。田禾被淹。收成歉薄。所有應徵地畝。請減半徵收等語。大陸澤台墾地畝。上年被水歉收。既據該督勘明屬實。自應照文安大窪之例。酌減糧租。所有乾隆五十五年。該處應徵租銀三千六百七十餘兩。著加恩減半徵收。以紓民力。該督務須飭屬妥辦。俾小民得需實惠。該部即遵諭行。○諭軍機大臣曰。姜晟奏。江西協撥貴州兵餉。解至芷江縣羅舊驛。被竊去鞘銀一千兩。查閱該府縣等原稟情形。催拘犯證。迅速解省審訊。一摺。細閱該府縣所稟偷竊情節。其中疑竇甚多。殊不可信。據稱鞘餉安放驛館屋內。緊挨板壁外。係菜園。被賊從板壁地枋腳下。挖洞量高五寸。從洞外將末尾一鞘。橫移洞口。撬開竊銀而逸。一節。洞高僅止五寸。甚為窄小。而一鞘餉銀。重至千兩。豈能於洞口移出。即用鐵鉤拉拽。亦無此力量。必有內應。況餉鞘收貯屋內。賊犯不過在外窺伺。何由確知安放之

地。即在此處挖洞。竟能應手而得。又更夫唐守興供。係伊叔唐開泰。遠同彭有才串通夥竊。亦無此情理。唐開泰既與唐守興通同行竊。自必分得贓銀。一經伊姪供明。即可起出贓據。一訊得實。何以又稱唐開泰等忽認忽翻。未得確證。且唐開泰與唐守興。分係叔姪。自必代為諱匿。何以遽肯供扳。而彭有才於審訊後。旋即病故。或係畏罪自戕。或竟係同夥之人。致死滅口。其中亦顯有別情。承審此案之員。未能將此緊要之處。逐一根訊。率行具稟。以致案情不實。自有應得之咎。姜晟久任刑部。於此等案件。尚能詳慎妥辦。必須提集犯證。將以上指出各情節。細心研鞫。務得實在贓據。嚴審定擬。並將承審疎忽之員。參奏議處。毋得任聽屬員。率稟虛詞。致有枉縱。將此傳諭知之。○兩廣總督公福康安廣東巡撫郭世勲奏。廣東辦運滇銅。及廣西湖北白鉛。又江西採買滇銅。所過地方。應責成各

該府護送催趲。倘遇守風守水等事。親往稽察。至運京點錫。添派道員押送。督糧道督催。先期移咨前途各省督撫。豫派道員接解。從之。○牟永旌表守正捐軀河南淮寧縣民王士坤妻馬氏。太康縣民王甲妻王氏。○壬申。諭軍機大臣等。本日據順天府奏。京城自屢得澍雨以後。連晴數日。正可藉資蒸曬。深為有益等語。京師節次得雨。雖日來天氣晴霽。土膏自尚屬霑潤。但現在熱河地方。炎熇殊甚。想京中氣候。亦大概相同。或過之。有病人否。如尚不致望雨。則已。倘因天氣鬱蒸。著留京王大臣等。仍派令回子薩哈勒索丕。照前虔誠祈禱。以冀續沛甘霖。將此諭令知之。仍著據實覆奏。以慰厘注。尋奏。京城十七至二十等日。續得雨澤。二十九日。大雨傾注。旋即晴霽。民間並無時疫。無須祈禱。報聞。○又諭。曰。蘇凌阿等奏。漕船抵通。摺內稱。湖北湖南各幫。有失風拆板船。自一隻至五隻不等。不

能到通等語。向來漕船失風。該總漕及沿途督撫俱應專摺具奏。此項拆板船隻並未據奏報。想係失風後所裝米石。即時搬出。不致沉失。或係上年重運北上。及回空時失風損折。此次未經起運之船。著該侍郎查明覆奏。至本年河水充足。漕船行走迅速。現在南糧尾幫俱已陸續抵通。較上年更早。該侍郎自應督率坐糧廳。隨到隨收。俾無壅滯。及早回空。方為妥善。並著傳諭蘇凌阿等。將本年全漕約計何時可以收竣。比上年可早幾日之處。即行奏覆。以慰廑注。○癸酉。諭軍機大臣等。據奎舒奏。濟龍呼圖克圖帶來牛內有疲乏者。貝勒濟克默特伊什等情願幫助等語。濟龍呼圖克圖所帶牲畜途中疲乏者已有三百。其自起程時帶來自必更多。雖濟克默特伊什等遵奉黃教。情願幫助。若以此為例。大員進京時踵而行之。尤屬不可。著傳諭奎舒嗣後取道西寧之呼圖克圖等行路所用。

牲畜留心酌減。將此並諭保奏。一體辦理。○是月。浙江巡撫福崧奏。廿里亭汛迤東起至塔山外口。新漲沙一道。逐漸增長。得旨。此係好機。當祭。

海神祈祐。○湖廣總督畢沅奏。潛江縣仙人隄培高五尺。日前漢水大漲。得資抵禦。萬城隄及窖金洲老礮一律穩固。得旨。以手加額。欣慰覽之。○河南巡撫穆和蘭覆奏。五月下旬至六月初四日。各屬得雨。晚禾滋長。大田可冀有收。半月內再得透雨。田禾益茂。得旨。覽奏稍慰。此處則十分霑足矣。○山東巡撫惠齡覆奏。五月中旬。省城及附近州縣得雨一寸至四寸不等。大田暢發。得旨。覽奏稍慰。○陝甘總督勒保奏。涼州駐防滿兵住房坍塌。請按每兵名下應得一年餉銀。借給興修。分作八年扣還報聞。

大清高宗法天隆運至誠先覺體元立極教文
奮武孝慈神聖純皇帝實錄卷之一千三百八十一

實錄卷之一千三百八十一

十九

大清高宗法天隆運至誠先覺體元立極教文
奮武孝慈神聖純皇帝實錄卷之一千三百八十二

監修總裁官總纂修官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲副都統功加七級隨帶一級尋常加二級軍功紀錄一次著桂

德興官總纂修官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

世襲副都統功加十九級隨帶加二級又加二級尋常加二級軍功紀錄五次著德興官總纂修官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

尋常紀錄十四次著德興官總纂修官太子太傅文華殿大學士文淵閣領閣事稽察欽奉 上諭事務處管理刑部戶部三庫事務

校修

乾隆五十六年辛亥秋七月甲戌朔享

太廟遣豫親王裕豐恭代行禮○諭據佛住奏
稱阿哥木伯克邁默特阿布都拉呈請設立
清文學校選其子弟及眾伯克之子弟內質
可造就者教習禮儀清語可否准行奏聞請
旨等語此誠美事所請甚屬可嘉朕深欣悅
加恩賞給邁默特阿布都拉大緞一匹著佛
住即照其請准設立清文學校仍擇通曉清文
清語員弁令其在學留心教授○旌表逼嫁
捐軀安徽望江縣民劉自省妻金氏守正捐

軀河南洛陽縣民李遂女李氏○乙亥諭曰
福康安奏廣西慶遠府知府張肇祥之子聞
散柏齡上年奉旨交部咨取來京該府任意
遲延及屢次檄催復稱伊妻患病身故伊子
扶襯由水路回旗現在催令改由陸路赴京
請將張肇祥交部嚴加議處等語八旗外任
官員子弟年至十八歲例應回京當差張肇
祥之子柏齡年已及歲並不即令回旗已屬
不合經朕圈出指名調取又復有意遷延嗣
該督屢次檄催輒以挈眷赴任伊妻中途患
病身故丁憂於本年三月二十八日令其扶
襯由水路進京藉詞稟覆殊出情理之外張
肇祥於上年十一月初業已接奉令伊子赴
京部咨自應即起身來京若尚未起身適值
伊母病故即應以不便赴京之故報該督撫
且向來旗人守制以百日為期計算本年二
月內柏齡早已滿服何以遲至三月二十八
日始令由水路起程是具有心延玩實屬咎

無可辭然張肇祥種種托故遲延庇留伊子
尚為罪之輕者至以奉旨調取來京引見之
人竟稱令其扶襯歸旗措詞舛謬豈上對君
父之言大不敬矣張肇祥著革職送京交部
治罪以示懲儆該部知道○又諭曰鄂輝奏
立限收禁小錢一摺內稱小錢本于例禁應
立定期限飭令赴官呈繳無須給價收買等
語前因地方官收買小錢恐奸民等即將所
易大錢銷燬仍行私鑄小錢繳換圖利諭令
各督撫所有呈繳小錢但免其治罪不必換
給大錢繼復思小民收藏小錢皆係貿易所
得若地方官僅令將小錢交出而不給官值恐
愚民觀望遷延呈繳不能踴躍甚至私行藏
匿日後又復間雜行使仍屬有名無實復經
降旨令民間呈繳小錢若止數百文數十文
者不必將大錢給換如繳至數十百千串者
即按照勅兩量行酌給以銀使小民不致賠
累自必爭先呈繳今鄂輝所奏想尚未接奉

後降諭旨。是以祇稱民間所有呈繳小錢。免其治罪。不復給價。著鄂輝遵照續降諭旨。飭屬出示曉諭。如有繳出小錢較多。查明實係零星存積。並非私銷私鑄。即照所繳小錢。酌量給與銀兩。並著各督撫一體遵照辦理。又鄂輝奏改鑄小錢。若於額設匠役之外。另募人夫。入局幫鑄。恐伊等學成手藝。一經鑄畢出局。或竟亂法鑄私。惟令儘此局中額設之鑪戶砂丁。盡力工作。不使稍懈等語。改鑄收到小錢。額外多募人夫。一經學習鼓鑄。出局之後。難保其不滋生弊端。此慮甚是。著各督撫即仿照鄂輝所奏。祇須督率局中額設工匠。儘力鼓鑄。毋庸另行多募人夫。致滋弊竇。將此通諭知之。○又諭據秀林奏。審明七品都管伯克鄂克塔木之子額依穆爾與守備蘇世義署內餘丁王英鬪毆蘇世義。輒將鄂克塔木喚去。妄行掌責一案。分別定擬具奏等語。鄂克塔木係七品伯克伊子額依

穆爾與餘丁王英口角相毆。該守備蘇世義聞知。即袒護王英。將鄂克塔木喚去掌責。甚屬糊塗不法。自應從重辦理。以慰回衆之心。秀林審訊明確。請將守備蘇世義革職。仍留三年。令其効力贖罪。餘丁王英枷號兩個月。杖責四十。並賞給鄂克塔木緞匹茶封等物。以示撫慰。所辦尚屬平允。向來各城駐劄大臣。辦理外藩與內地交涉事件。多有袒護內地民人者。日久必致伊等寒心。殊非朕撫卹外藩之意。今秀林並不袒護守備蘇世義如此秉公辦理。尚屬可嘉。各臣駐劄大臣。遇有此等事件。亦應照此辦理。但秀林原定蘇世義之罪尚輕。不足蔽辜。著交秀林傳集衆回民。將蘇世義革職重責四十。枷號三個月。示衆。餘俱照秀林所奏行。並將此通行曉諭。回疆各城駐劄將軍大臣等。嗣後遇有此等事件。均著照秀林辦理。斷不可稍存袒護內地之見。○又諭蘇尼特二旗連年被旱成災。衆

蒙古等牲畜多有傷損本年雖經加恩賞給銀米散賑今值夏令應當祈雨之時蒙古等素崇黃教何不聚集大喇嘛誦經祈禱今特因二旗生計發去大雲輪經一分烏爾圖納遜接奉後即令蘇尼特二旗交有道行喇嘛將此經唸誦祈禱應時甘澍以弭旱災○諭軍機大臣曰魁倫奏琉球船隻出口照例免稅一摺細閱單內所開除大黃一項係遵照奏定章程官為代買外其綢緞絲布及川芎川連紙涇縣紙等件俱係內地貨物而洋優蘇木等物乃外洋所出又似帶至內地售賣之件該夷使既置買內地物件帶回該國何以外洋之物復轉向內地購買帶回魁倫所開單內殊屬牽混著該將軍詳晰奏明又大黃係向何鋪代買來自何處即行覆奏尋奏洋優蘇木俱出西洋暹羅等國並非琉球所產大黃一項據承買藥材行戶等供稱各樣藥材俱由江西樟樹鎮販運來閩銷售但江

西亦不產大黃聞得陝西涇陽縣為大黃匯集之所轉發漢口樟樹等處行銷等語復詢據琉球國通事魏廷玉稟稱琉球與西洋暹羅諸國相距遙遠向無商賈貿易洋優蘇木故就閩購買至大黃每歲或買數百觔及數千觔不等自飭禁後覈定數目官為代買帶運回國並無轉售他處等情報聞○丁丑諭提管幹珍等奏六月三十日全漕抵通一摺上年南糧各幫於七月初八日全抵通壩本年六月三十日即已抵通較早八日况上年尚有江西後七幫在北倉截却本年係全漕俱抵通壩辦理更為妥速所有總漕巡漕及有漕省分督撫糧道俱著交部分別議敘以示獎勵其押運催漕出力之文武員弁並著該督撫查明一併咨部議敘○旌表守正捐軀河南中牟縣民張某妻潘氏○戊寅諭據永保等奏拏獲偷竊哈薩克馬匹之察哈爾蒙古濟蘭泰多爾濟已經正法併將幫助賊

今借給馬匹之棍楚克巴勒黨巴朗枷號解送內地發遣等語永保如此定擬辦理甚是新疆辦事大臣凡遇有關內地外夷人等事件往往有心偏護內地之人今永保並不偏護如此秉公示以大方將偷竊馬匹之賊拏獲審明令圖伯特眼同正法及曉諭杭和卓之處甚屬可嘉至坐卡委署叅領富桑阿見哈薩克阿哈拉克齊圖伯特稟到即帶兵尋蹤追緝將賊拏獲且不准圖伯特懇求私息之請據實報出尚曉事體輕重亟勉從事豈但可有其罪仍當量為加恩以示獎勵著永保將富桑阿記名俟編等之時量加等第外哈薩克阿哈拉克齊圖伯特自己馬匹被竊反求私下向賊追還了事只求饒此二人之命等語外夷哈薩克如此誠篤央求息事亦屬可嘉並當獎賞著永保即於彼處賞緞內賞給圖伯特一匹察哈爾佐領呢勒齊海驍騎校色楞扎布俱係該管之員乃濟蘭泰等

膽敢偷越卡座偷竊哈薩克許多馬匹皆由該員等平日管束不善所致呢勒齊海色楞扎布即照永保所奏各罰俸一年完結○諭軍機大臣曰尚安奏烏魯木齊地方倉貯充盈請將濟木薩一處暫停屯兵耕作歸營操演等語濟木薩舊貯新收糧石共有二十萬石該處每歲支銷不過一千七八百石而缺糧需撥之迪化州等處又距濟木薩程途較遠腳費繁多不能運往以致該處糧石日積

日多存貯年久不無歲變損耗自應量為變通調劑但如該都統所奏將濟木薩屯兵令其暫停耕作歸營操演所遺屯地招募商民戶民領種所辦尚未允協該處除種地屯兵之外另有額設操防兵丁現在中外一家邊陲寧謐亦何必復將屯兵歸伍藉資捍衛況此等綠營兵丁務農日久即令其操練技藝亦屬有名無實且內地咨送屯兵攜挈眷口到彼種地一切行糧盤費亦需按名支給而

該處糧既充餘。又無耨屯兵耕作。豈非置之無用之地。莫若將額設種地屯兵。逐漸裁減。招募商民戶民。領種輸糧。俾倉儲不致積多損耗。而屯兵又可省官為送往之煩。方為妥善。但此項屯兵。俱係挈眷在彼居住。並不換班。若概行裁撤。又恐不無失所。或將屯兵。即為常住之訓練兵。而省內地換班之兵。是否可以如此辦理之處。著尚安酌量該處情形。悉心妥議具奏。不可拘於遵旨。稍存迴護也。

將此諭令知之。尋議烏魯木齊提標各營。並無換班之兵。惟巴里坤鎮標古城營。有換班之屯兵一百五十名。係由內地肅州鎮標各營派撥出口。五年更換一次。濟木薩距古城僅七十里。請即於濟木薩屯兵。內輪流派撥古城營屯田。一年更換一次。毋庸移住。亦毋庸添建兵房。所有肅州之兵。即令回營。此後不必再向內地調撥。其餘兵丁。仍歸濟木薩原營操練。於舊制無增。既可免有眷兵丁之

遷移改撥。又可省換班兵丁之行糧盤費。且在營之兵數稍多。該處遇有修城建倉。儘可撥兵修建。更可免人工價值之開銷。得旨允行。○又諭據惠齡奏訪獲新城縣民張允智。設教誦經。斂錢惑眾。現在嚴行審究。一摺。內稱張允智之師許作信。先曾興立龍天門教。念經傳徒。許作信病故。徒黨俱即星散。張允智窮苦無聊。遂復興教騙錢。聚會念經。除現獲各犯外。均須徹底根究。按名搜捕等語。外

省邪教煽惑。最為風俗人心之害。其有悖逆誹謗。滋事不法。自當嚴行懲治。寔之重典。並究餘黨。以淨根株。若不過吃齋念佛。燒香斂錢。其意祇圖誑騙錢文。尚無悖逆情事。該地方官審訊明確。即將該犯枷杖示儆。如有情節較重之犯。或即問擬發遣。已足蔽辜。不必輾轉株連。波及良民。致多擾累。著傳諭惠齡。所有張允智一案。祇須就案審辦。迅速完結。毋庸別生枝節。以致拖累無辜也。○己卯諭

軍機大臣曰。梁肯堂奏報六月分雨澤糧價情形。摺內稱先經缺雨之磁州現已得雨四次。惟順德府屬之邢臺內邱等處未獲優澍等語。本日又據吉慶奏經過直隸沿途各州縣雨澤調勻。其順德所屬之內邱邢臺二縣農民稍覺望雨。與梁肯堂所奏相同。惟該侍郎摺內又稱於六月二十二日入河南彰德境。甘霖滂沛。得雨三寸有餘。該處與內邱邢臺接壤。想已均得霑被等語。似內邱邢臺等

處。於六月下旬亦經得被甘膏。或梁肯堂發摺時尚未據各該縣稟報。故奏稱該處未獲優澍。亦未可定。本年直隸地方雨澤適中。現在正值田禾長發茂盛之時。尤藉澍雨滋培。如順德所屬各縣業經得雨則已。若尚未續獲甘霖。於大田或有妨礙。梁肯堂務須飭令所屬即時稟報。確勘情形。據實奏聞。不可稍存諱飾。將此傳諭知之。並將順德所屬現在曾否續經得雨之處。即行覆奏。以慰廛注。○

刑部奏審驗瀋陽解送旗人張田五戡死大功服兄張白得身死一案。提訊時該犯哭訴翻供。實在非伊殺死。伊父同押在州並未投首。且檢驗該州所詳兇刀血衣毫無憑據。實係刑逼妄認。反覆嚴訊。堅供不諱。其中恐有番役串通情弊。請派員前往驗審。得旨此案著派王德馳驛前往奉天。秉公嚴審。定擬具奏。至錦州地方拏獲賭博燒鍋各案內有瀋陽番役糾同合夥等情。最關緊要。並著王德

於經過錦州時先行嚴審究辦。毋庸解送刑部。○福建巡撫浦霖奏琉球國番民安仁屋等於乾隆五十五年六月內駕船回國。於洋面遭風折桅。漂至浙江臨海縣地方。當經護送到閩。照例安插撫卹。報聞。○以貴州定廣協副將永寧為雲南普洱鎮總兵。○庚辰諭曰。長麟奏江淮五府州屬除當年成熟次年因災拖欠銀米麥豆等項。仍於本年秋收全數開徵外。其實在因災積欠。請均勻酌撥分

年催納等語。江蘇省淮揚徐海等處屢因被災歉收。經朕卽次加恩於賑卹蠲免之外。又將節年積欠錢糧。概予緩帶。原欲使節屋窮簷。無不均需惠澤。其中如係一年偶被偏災。次年成熟後。自應按數帶徵。若連年災歉。卽應據實聲明。分年催納。以紓民力。今江淮等處自乾隆四十八年起。至五十四年止。因災積欠銀八十一萬餘兩。米麥豆一十七萬餘石。俱係閔鶚元任內之事。乃閔鶚元身任巡撫。並未覈計積欠之多寡。以定分年之遠近。均係籠統聲敘。概於次年秋後開徵。是小民遇有一歲豐收。卽須併納七年積欠。力不從心。以致吏役等催呼滋擾。轉不若未逢樂歲。尚可暫緩追逋。此卽閔鶚元辦理不善。不能仰體朕惠愛黎庶之一端。所有江寧淮安揚州徐州海州等五府州屬。自四十八年起。至五十四年止。因災積欠銀八十一萬三千五百餘兩。米麥豆一十七萬三千三百餘石。均

照長麟所請。按照所欠多寡。分作四年帶徵。並著加恩。將此項帶徵銀米麥豆。每年寬免一半。其當年成熟。次年因災拖欠銀二十二萬餘兩。米麥豆一萬七千餘石。於本年秋後開徵時。亦著寬免一半。俾小民等戶有蓋藏。生計益臻。饒裕得以永享豐年之樂。長麟卽將此旨刊刻謄黃。通行曉諭。令僻壤窮鄉咸喻朕意。毋任不肖吏胥。因有恩旨寬免。從中影射侵漁。以完作欠。務須密訪嚴查。肅清弊竇。使閭閻得以均霑實惠。方為妥善。該部卽遵諭行。○諭軍機大臣曰。福崧奏五月分海塘沙水漲刷情形一摺。內稱東塘自念里亭汛迤東起。至塔山外口。新漲水沙一道。逐漸增長。而南岸老沙亦日見坍卸。今值梅汛水旺之時。所漲新沙。並未刷動等語。此係好機。皆仰賴海神庇祐。故能新沙日漲。保護塘隄。自應虔誠致祭。用答

神庥著頒發內府藏香五十枝。交福崧親詣拈香。以酬靈貺。將此諭令知之。○辛巳諭據善德等將酗酒毆打民人龍和傑之馬甲廣福審明。併案內人衆。分別定擬具奏。各省滿洲駐防。特為保護民人。寧謐地方。而設。今馬甲廣福膽敢因沉醉踢壞龍和傑門戶。恃強肆毆。甚屬不堪。著將廣福削去旗籍。發往伊犁。吉勒章阿等加重枷號半年。鞭責發落外。該管官員等交部嚴加議處。該將軍等平日未能約束。咎亦難辭。善德等著一併交部察議。將此通諭各駐防知之。○諭軍機大臣等。昨據秦承恩奏雨水情形一摺。內稱省城於六月十一日得雨四寸。各府州屬得雨三四五寸等語。當此盛夏之時。風日炎燥。必得大沛甘霖。方於農田有裨。若得雨僅止四寸。雖足資濡潤。但雨澤究欠霑渥。恐秋禾未得滋培暢茂。著傳諭該撫。將近日是否續得霽雨。於田禾有無妨礙之處。據實奏聞。以慰厘注。

○壬午諭軍機大臣等。前因直隸順德所屬之內邱等縣未獲透雨。曾經降旨詢問梁肯堂於農田有無妨礙。尚未據奏覆。茲張誠基具奏保定省城於本月初五日得雨三寸有餘。是直隸雨澤究未深透。但昨據留京王大臣奏報京師於初五日未刻起。至初六日丑刻止。得雨七寸。保定距京甚近。既同時得雨。何以僅止三寸有餘。著即查明覆奏。且京師於初七日又經得雨。而熱河自初八日亥刻起。至本日辰刻雨勢連綿未止。雲氣甚為寬廣。直隸省城及順德一帶。是否得霑渥澤。朕心深為廑念。看來口外雨澤業經透足。無虞短少。而口內不無望澤之處。著傳諭梁肯堂將省城及各屬曾否續得透雨。即行迅速覆奏。以慰厘注。將此並諭張誠基知之。○癸未孝懿仁皇后忌辰遣官祭景陵。○甲申諭曰。蘇凌阿等奏全漕到壩起卸完竣一摺。前因南糧各幫抵通較早。業將總

漕巡漕等交部議敘。茲蘇凌阿等於漕船到
壩後，即督率坐糧廳上緊起卸，並不留難勒
掙，隨到隨收。於七月初九日，已將全漕俱行
起竣。較上年更早至十七日辦理，甚為妥速。
所有倉場侍郎及坐糧廳俱著加恩，交部分
別議敘，以示獎勵。○諭軍機大臣曰：富綱奏
據騰越鎮州稟報，有福建民人蔡元媽方賢
二名，從緬甸投出，詢係五十年十二月內前
往暹羅貿易，被緬人裹往阿瓦。上年國王孟
頤感激，思准開關。查知伊等尚未回籍，各給
路費，咨送進關等語。緬甸國王孟頤前因向
化投誠，願請錫封通市。朕俯念該國王恭順
悃忱，錫之寵命，並准開關貿易，以示柔懷。今
該國王感戴恩施，凡內地人民羈留在彼者，
俱給與盤費，遣送進關，其効順輸忱，實可嘉
尚。著賞給蟒緞二匹，錦二匹，大緞二匹，紗二
匹，大荷包一對，小荷包二對，用昭優獎。著富
綱派員齎至關外，交該國頭目孟幹轉送該

國王祇領，並繕寫照會，移知孟頤，以該國王
資送內地人民回籍，具見小心敬順。經本督
部堂據情奏達，大皇帝垂鑒，款誠特加優賚。
國王益當恪守藩封，永承恩眷也。○乙酉，諭
軍機大臣曰：鄭源璫奏，晉省鹽課歸入地丁
之議，雖意在卹商，轉與民食諸多未便。惟有
將現在報乏之商酌量抽換，另募殷實富戶
承充，至從前所定行銷地方，均屬因地搭配，
並無應行改易之處等語。所奏非實心實語。
晉省簽商一事，向為該省富戶之累。地方官
藉此訛詐，而富戶畏懼充當，罄貲圖免，輾轉
更派百弊叢生。前經書麟面奏簽商，朕即以
為不便。令軍機大臣會同新任山西巡撫馮
光熊詳悉籌議，並將將兆奎調任晉省。俟馮
光熊抵任後，督同將兆奎親履其地，通盤籌
畫，再行酌議具奏。但恐地方官向來得受鹽
規，今聞改歸地丁，必有紛紛稟阻者。今鄭源
璫所奏，果以改歸地丁為不便，仍應另募富

戶充當。顯為晉省官吏留需索富戶地步。該藩司在晉八年。即係該省地方官於簽商一事。想亦均需餘潤。今已調任河南。所有調劑晉省鹽務。專交馮光熊等辦理。與伊無涉。既往不咎。朕亦不加深究矣。但河南亦有行銷河東引鹽地方。將來馮光熊酌議。晉省鹽課攤入地丁。咨商豫省一體查辦。彼時鄭源璣倘復從中阻撓掣肘。必將伊一併治罪。決不寬貸。此時馮光熊想已抵任。俟將兆奎到晉後。即督同妥辦。務使商民交便利。歸於下方。為盡善。將此傳諭鄭源璣。並諭馮光熊知之。○又諭據勒保奎舒奏稱。循化番眾糾夥搶擄青海扎薩克台吉沙喇布提理游牧牲畜。沙喇布提理帶兵前往拒敵。中鎗身斃。將賊番擄去馬匹奪回。賊眾潰散。隨尾至貴德番地訪得賊番姓名。已飭屬指名緝拏。嚴辦示懲等語。此等番眾擄掠青海蒙古牲畜。致傷人命。尚非有心戕害。然因循日久。亦不成事。

體今既向郎桿番目都拉等訪得賊番姓名。務須盡數拏獲。嚴加懲辦。以昭炯戒。毋使人漏網。至西寧辦事大臣。僅管青海蒙古番眾。其附近蒙古地方之貴德循化等處。亦應歸西寧辦事大臣兼管。如遇有行竊事件。緝辦較易。循化設有同知一員。貴德僅設有縣丞一員。貴德地方亦應照循化改設同知管轄。著交勒保奎舒將附近西寧地方番眾。應如何歸併欽差大臣管轄。貴德地方應如何改設同知之處。會同妥議具奏。至納罕達爾濟拏獲循化所屬沙布隆部落番夷羅扎克布沙木等三人。既無行竊。復不匿盜。俱行指名舉出。尚知法禁。如將伊等過事窮鞠。番眾聞知。恐嗣後再遇此等事件。反至互相隱匿。奎舒用心過當。欲求詳盡。反失機宜。此其不曉事體也。將此傳諭奎舒外。並交勒保侯羅扎克布沙木等解到蘭州時。祇須問明情由。安慰賞賜。遣回游牧。該卡管轄不善之梅楞

旺沁革退兵丁責懲沙喇布提理賞給銀兩之處俱著照奎舒所奏辦理。丙戌諭今歲熱河滿洲兵丁等射布靶甚善而平日當差亦皆勤勉著加恩賞給一月錢糧。厄魯特兵丁亦著賞給一月錢糧以示朕愛養鼓勵滿洲蒙古世僕之意。諭軍機大臣等前因河南省民人鄭守謙在京呈控光山縣役何九等毆斃伊子鄭宗宜等三命一案諭令吉慶前往該省秉公審辦。茲據吉慶奏稱提犯研訊鄭宗宜致命重傷實係縣役何九所毆是以畏罪潛逃。劉興聽從胡文舉許給銀兩全行承認。光山知州玉山於飭委訪查時捏稟正光實係劉興一人實無縣役在內扶同朦蔽。應據實先行叅奏等語。是此案情節與該省題結原案大有不符。吉慶審出賄囑捏稟各情弊。奏請開棺覆檢以成信讞。所辦甚好。穆和蘭前此一任屬員朦混率行題結已屬非是。乃本日覆奏移交審訊一摺。適同時奏

到內稱據前臬司李濤詳稱鄭宗宜委係劉興因索欠起衅毆打致斃。即經親訊劉興供認鑿鑿。與司詳無異等語。尚屬意存迴護。因查知州玉山係旗員詢為額勒春之子額勒春為穆和蘭姑夫誼屬姑表姻親其由豫省調任山東東昌府同知即因迴避該撫調往東省。是穆和蘭明知玉山於所屬命案顛預詳報恐致獲咎尚欲曲為庇護其為瞻顧表弟顯而易見。穆和蘭摺內竟無一語提及實為欺隱。穆和蘭不應如此。此案竟不必會同審辦。著將玉山即行革職解赴豫省交與吉慶歸案審訊。至何九一犯著該撫即嚴飭所屬迅速拏獲毋得久任遠颺致干重戾。穆和蘭前曾獲咎經朕不次擢用巡撫乃敢意存瞻徇曲庇姻親甚負委任著先傳旨嚴行申飭並令其據實明白回奏。將此傳諭穆和蘭並吉慶知之。又諭曰秦承恩奏據渭南縣民人劉世俊出首族叔劉照魁從遠道回家

攜有銀兩馬匹恐係行竊為匪經該縣將劉照魁拘拏到案訊出該犯係入八卦教內於上年二月自山東起身由庫車阿克蘇葉爾羌至喀什噶爾尋見震卦掌教王子重該犯以劉照魁遠赴口外送伊家信功行較大封為東震至行開路真人令其回至山東與伊姪王臘元兒興復原教並令該犯口許同教發遣葉爾羌等處屈進河等六犯封號等語王子重係震卦教內發往喀什噶爾給回子為奴之犯乃不思悔改復敢潛通信息妄加封號興復原教實為罪大惡極而同教發遣新疆之屈進河等仍向王子重討求封號均屬慙不畏死竟與叛逆無異自應速正刑誅以昭炯戒但王子重係震卦掌教為此案罪魁著明亮等迅拏到案嚴審令其供出在新疆地方傳教煽惑輾轉授徒入教之人一併查拏根究無使一名漏網速即驛奏審訊明確後即派委妥幹官員兵役將王子重迅速

解京再行根究同教匪犯盡法處治沿途務須小心管押毋使乘間脫逃此等邪教人犯到處皆有夥黨若一經逃竄必有同教之人為之隱匿潛藏往往難於緝獲並恐該犯自知罪重或乘間自戕倖逃顯戮皆未可定務當防範嚴密不可稍有疎虞致干咎戾其屈進河申文成宋明周法才周進毛有倫六犯並著明亮等密拏審訊該犯等既向王子重討求封號必有與教授徒等事務須逐一根究一面速奏一面即將屈進河等六犯在該處正法示眾所有王子重屈進河等供出各犯如有在新疆復立八卦教名目授徒惑眾者亦即在該處正法其貿易民人內如審係被惑聽從入教之犯著一併解交刑部發遣以絕根株又喀什噶爾遣犯詹清真係天地會匪犯託劉照魁攜帶家信並給與紙條聲言到粵時給伊家屬看過必有重謝其紙條內語甚違悖並著明亮嚴訊詹清真在該處

有無傳習天地會教。曾否亦入過八卦教。切實研鞠。若有匪徒聽從入教者。亦當一體從嚴辦理。詹清真亦即正法。至此等邪教匪犯。原以新疆回子等向不信佛。是以發往該處為奴。乃該犯等到彼。仍各互相交結。聯絡聲氣。甚至妄加封號。可見喀什噶爾葉爾羌等四處邪教遣犯如此。其餘回疆地方均有邪教案內發往為奴之犯。自必在彼仍行傳教煽惑。此項邪教發遣之犯。俱係情罪重大。到配後。自應嚴加管束。乃回疆辦事大臣等視為尋常案犯。給與回子為奴。後遂爾聽其在。外滋事。來往招搖。從不過問。若一經脫逃。不過咨會沿途查拏。塞責以致該犯等肆行無忌。看來八卦邪教天地會案犯行教授徒。不特喀什噶爾四處為然。著傳諭回疆辦事大臣一體留心訪拏。如遣犯在彼復傳邪教。立即從嚴查辦。至王子重等在該處復思與復原教。竟敢設立封號。誘惑匪徒。並有銀兩馬

匹。資給劉照魁。豈非入教之人。其相資助若明亮等。稍加管束。不令與匪徒交結。往來何致該犯得有餘貲。妄思復教。其平日毫無覺察。任聽新疆地方遣犯邪教蔓延。形同木偶。咎實難辭。明亮明興秀林。佛住等。俱著嚴行申飭。若再不將此案匪犯實力查拏。細心根究。以致狡供漏網。必將伊等一併治罪。決不寬貸也。除秦承恩飛咨該新疆大臣查照辦理外。將此由六百里併傳諭福康。安書麟。長麟。惠齡。穆和蘭。梁肯堂等知之。並著將案內各犯嚴行查辦。○又諭曰。秦承恩奏請將劉照魁委員解交刑部。及王子重等託帶各信一併封送軍機處等語。八卦邪教煽惑人心。久經破案。分別治罪。劉照魁膽敢不畏法。復行入教。潛赴新疆重地。為遣犯王子重暗通信息。受封名號。罪惡已極。該撫將該犯拏到。審訊得實。所辦甚好。業經降旨新疆辦事大臣及各督撫。將案內各犯嚴行查辦矣。至

劉照魁族姪劉世俊見伊叔遠道回家形跡可疑即行稟首尚知畏法自應優加獎賞所有審出劉照魁入教寄信各緣由之渭南縣知縣田灝著送部引見以示鼓勵其劉照魁一犯著秦承恩派委妥幹員弁迅即解赴行在以憑質訊再劉照魁既可潛赴新疆復行入教該省保無有似此不法之徒暗中煽誘從前段文經案內之徐克展即經逃逸陝省旋被弋獲正法恐陝省尚有此教黨羽並著傳諭該撫仍宜留心訪緝飭屬嚴拏毋使邪教潛興漏網稽誅方不負任使將此由六百里諭令知之○又諭昨據奎舒奏稱循化番衆搶擄青海扎薩克台吉牲畜鎗傷沙喇布提理身斃一摺朕即諭令查拏嚴辦示懲嗣後附近青海地方之循化貴德等處番衆可否亦歸西寧辦事大臣兼管貴德地方亦照循化改設同知管轄番夷之處交勒保奎舒會同妥議具奏矣今思此事必應如此辦理

此等附近蒙古地方番衆遇有此等搶擄事件若歸西寧大臣督辦自必得力倘僅恃地方官管轄既屬有名無實一經事出又復妄生疑懼因循了事徒使愚番恣肆至貴德地方改設同知亦當照循化之例作為旗缺以滿洲蒙古人員選用但循化貴德番衆內現設有百戶夷目俱經賞給五六品頂戴著交奎舒其中如有能捕盜奮勉出衆者即行酌量奏請賞戴藍翎如此則伊等管束所屬既能得力而於西寧辦事大臣差遣亦大有裨益著傳諭勒保奎舒令其會同悉心妥議具奏○軍機大臣議奏熱河總管盛住呈稱熱河園內及外廟續添看守兵丁共三百六十三名每名每月除給錢糧一兩外又賞地六十畝近年食物昂貴所得不敷瞻養情願將地畝退交再熱河看倉兵丁每月祇給銀一兩並無地畝生計更艱均請每月各加給錢糧一兩又千總十名副千總十七名亦願將

賞地退出並請一體增給錢糧報聞○旌表守正捐軀安徽無為州民張茂發妻李氏湖北廣濟縣民潘能任妻陳氏○丁亥諭曰金簡奏據廣東提督高瑤咨稱堂兄高瑋送女來粵成親在署患病令其上緊醫治即行回京等語高瑤人本庸輒從前在軍營並無認真出力打仗之處高瑋係革職知州前經呈明在伊弟高瑤任所就養於去年七月起程回京復遶道往粵以送女成親為名屢次托故潛逃高瑤於伊堂兄來至任所時即應押令回旗並據實奏聞乃遲延數月始藉稱因病滯留移咨到旗殊屬不合且伊子高崢年已及歲經朕指名調取來京當差又復托病耽延至今尚未到京實為有心庇縱廣東係海疆要地似此疲玩性成之員豈堪復膺專閫重寄高瑤著即解任來京交部治罪其廣東提督員缺著孫起蛟補授○又諭據李侍政等奏回民和碩勒墨特因向該處民人借

錢不給彼此口角遂持刀將劉子英扎死當將和碩勒墨特拏獲審明擬以斬決請旨即行正法等語新疆居住旗民人等如係有意欺壓回子固應將旗民人等辦理而回子等亦不可無故欺壓旗人商民即如李侍政等所奏回子和碩勒墨特因借錢小事膽敢將民人扎死殊屬兇頑之至此等人犯拏獲審明後即當一面具奏一面辦理又何俟請旨耶新疆大臣等往往拘泥不識事之輕重此等兇惡回子若不如是辦理不但無以示懲戒久而縱恣成何事體除交李侍政將回子和碩勒墨特正法示衆外仍著通諭新疆各處嗣後如有似此者即行果斷辦理斷不可如此拘泥至和碩勒墨特之姊夫阿子墨特及鄂木巴什克弟沙遇有此事並不隱匿即隨同官兵拏獲亦應獎賞著交李侍政等酌量賞資以示鼓勵○又諭曰諾穆親著兼署兵部右侍郎所有三山事務著伊齡阿兼管

○戊子中元節

上詣

永佑寺瞻禮○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

○端慧皇太子園寢○諭曰穆和蘭奏商邱縣民人張景仲因向吳四索欠爭鬧起衅殺死吳四等四家男婦十一命並扎傷砍傷男婦十二名口將張景仲凌遲梟示其同居之母張劉氏胞兄張二胞姪張魁一併發伊犁給

官兵為奴一揭張景仲以索欠微嫌於黑夜攜帶兇器殺害吳四等四家十一命又扎傷十二人跌壓致斃幼孩二命如此兇殘慘毒實從來未有之事朕覽奏深為惻然更加惡然向來殺死一家三四命者其情罪已極兇惡乃張景仲殺傷竟至二十餘人之多固由戾氣所鍾性成殘忍但地方官有親民之任化莠為良是其專責縱不能道德齊禮亦當明示政刑嚴加約束如果平日切實懲誡俾

知畏罪保身何致有此殘害多命之事可見各省牧守等官所稱於每月朔望宣講聖諭廣訓亦竟屬託諸空言以致愚民全無儆戒重罹法網甚至有肆行戕害如張景仲者即云世風日降人心日壞不能俗盡敦龐亦何至兇暴若此之甚朕實引以為愧司牧者豈能辭平日失於訓化之咎所有該縣知縣及巡撫以下該管上司俱著交部分別議處至張景仲殺死多命並致令吳四絕嗣該犯

雖無親子亦豈可令其兄姪仍延似續乃該撫將該犯胞兄張二胞姪張魁不過問擬發遣殊屬輕縱除伊母張劉氏著照所擬即發往伊犁給官兵為奴外張二張魁俱著解交刑部照例治罪並著通諭各省督撫嗣後務當身為表率以化民敦俗為要務督飭所屬認真訓誨於聽斷詞訟收納錢糧與部民相接時隨事隨地將天理國法之宜畏身家性命之宜保剴切曉諭使知交相警戒勉為善良庶暴戾之氣得以漸消而民俗或臻敦厚方為無負臨民之任督撫等其共加策勵整治民風以副朕諄諄訓勉至意○又諭理藩院議奏喀爾喀車臣汗部落台吉西哩等因打牲失火延燒商民張廷貴貨物經前任盟長王貢楚克扎布將所燒貨物向西哩追出賠給民人茲據蘊端多爾濟報稱並未燒死牲畜所有著落西哩賠償民人燒燬貨物實屬錯謬請將西哩所賠之物仍向民人追出

實錄卷一百三十八

七

給還西哩收領而該院拘泥成例照依具奏向因蒙古等恃牲畜為生故蒙古律失火燒死牲畜者令其賠償至商民原以貨物為生豈有燒燬民人貨物而竟不令其賠償之理耶前任盟長王貢楚克扎布將所燒貨物向西哩追出賠給民人所辦尚屬平允茲該院乃照依蘊端多爾濟所報議奏以貢楚克扎布所辦為非請將已與民人之物復行追出給還西哩甚屬糊塗拘泥除將辦理錯謬之

實錄卷一百三十八

七

該院堂官交部查議外仍著查明所有貨物如尚未向民人追出猶可倘業經追出給還西哩亦無庸復令西哩賠償即著落辦理錯謬之堂官等分賠給與民人至所罰袒護西哩捏報之蒙古達什等之牲畜既不可給與民人仍著照該院所議追出存公以備賞賚該副盟長協理台吉等所辦尚無錯誤所有議罰俸祿牲畜均著寬免如此辦理之處即著為例嗣後遇有此等事件俱照此例辦理

○諭軍機大臣曰陳用敷奏署龍州通判王撫棠稟稱六月初七日接據貢使阮文瑛等稟稱因一路雨水阻滯難以行走現在芹營地方守候水退再行前進查芹營係安南處北鎮地方距南關尚有四百餘里該貢使既因雨水阻滯進關難定時日斷不能於八月初間趕赴熱河仍遵前旨俟進關後令其緩程行走於封印前抵京等語阮文瑛既未據報進關日期此時距封印前月日甚寬將來進關後儘可從容緩程行走竟於封印前抵京與各外藩使臣同與宴賚較為妥協著傳諭沿途各督撫此時竟可無庸豫備俟該陪臣進關後得有前途信息再行照例備辦於經過時令其從容前進亦未為遲也○以山西蒲州協副將蔡鵬為雲南開化鎮總兵

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十二

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十三

監外總管經建講官太子太傅文淵閣大學士文淵閣領事領侍衛內大臣稽察欽奉上諭事件處管理光祿府膳房事務正黃旗滿洲副都統世襲騎都尉軍功加七級隨帶加一級烏魯加二級軍功紀錄一次慶桂
總管官經建講官太子太傅文華殿大學士文淵閣領事稽察欽奉上諭事件處管理刑部戶部三庫事務世襲騎都尉軍功加十九級隨帶加二級烏魯加四級內大臣戶部尚書領侍衛內大臣副都統軍功紀錄五次
尋常紀錄十四次世襲經建講官太子少保工部尚書紀錄六次烏魯加一級
敘修

乾隆五十六年辛亥七月己丑諭據善德奏

因伊陞見將將軍印務交評德暫行署理等語善德既閱三年未來陞見即准其所請但彼處現有總督自應將印務交與福康安署理緣何交副都統署理善德果不知此例乎且近日廣州滿洲兵丁尚有妄行與民鬪毆傷人之事若將將軍印務僅交副都統署理又安能約束管理屬下耶著申飭諭軍機大臣曰書麟等奏伏汎水勢安瀾工程平穩一摺覽奏欣慰惟摺內稱洪澤湖水因頻得

大雨淮水加長匯注洪湖高堰誌橋長至一丈零四寸等語聲敘總不明白又稱清口以下清黃並注甚為湍激徐城北門誌橋仍存新舊長水一丈二尺更不成話河湖誌橋長水情形該督等自應將舊存底水若干尺新長若干尺分別聲明乃輒稱洪湖長水一丈有餘徐城黃河長水一丈二尺餘寸竟似河湖各水暴漲一丈餘再加底水更不知若何浩瀚書麟等豈能設法抵禦此係向來河工陋習故作此語以為水勢盛長伊等搶護平穩更見籌畫有方前年六月內書麟蘭第錫奏報徐城誌橋長水一丈三尺六寸並不將舊存新長分敘經朕降旨訓諭並令嗣後將新長尺寸明白具奏不得仍前陋習該督等豈未接奉乃未久忘之復蹈故轍又為此牽混之詞甚屬非是汎本日據李奉翰等奏黃河僅長水一尺三寸下游徐城誌橋長水尺寸自亦相仿何至陡長一丈二尺餘寸尤為

錯誤。且李奉翰所奏亦祇將新長之水敘入並不牽連底水。甚為明晰。豈書麟蘭第錫兩人轉不如李奉翰之晚事耶。蘭第錫人本粗直。或一時大意。而書麟係棄瑕錄用之人。又復久任河工。自應加倍細心。勉力以冀稍贖前愆。何漫不經心。若此。朕將伊復加擢用。兩江總督時原慮其才短無用。今即此奏報長水尺寸一端。更可概見。書麟蘭第錫俱著嚴行申飭。並將李奉翰等原摺鈔寄閱看。至此水勢不至十分漲盛。

各工保護平穩亦惟仰賴

神佑。若似書麟等如此糊塗。其籌畫調度實不可恃。現在伏汛雖過。秋汛正長。該督等益當嚴督在工人員。慎之又慎。敬謹巡防。以期工程鞏固。毋得稍有懈弛。致干咎戾。所有湖河誌椿。究竟新長水若干。舊存底水若干。著書麟等即行分晰奏覆。勿再牽混。將此傳諭書麟蘭第錫並諭李奉翰知之。尋奏徐城北門誌椿舊存底水一丈一尺四寸。新長水一

尺一寸。現存水共一丈二尺五寸。洪澤湖高堰誌椿舊存底水四尺四寸。新長水六尺。現存水共一丈四寸。得旨其如識見不到而更不用心何。○又諭據秦承恩奏雨水情形摺內稱。西安府屬之咸寧、長安、咸陽、鳳翔府屬之鳳翔、岐山及邠州、乾州等州縣雨澤未能深透。現在設壇祈禱等語。前因秦承恩奏報省城及各屬得雨僅有三四寸。恐該省雨澤尚欠優渥。深為廕念。業經降旨詢問。今該撫

奏到西安鳳翔所屬州縣望澤頗殷。是該處竟係缺雨。秦承恩於此等緊要之摺。自應由驛馳奏。何以僅交差弁齎遞。殊屬遲緩。現將硃批原摺由四百里發回。著該撫即將該處曾否續沛甘霖及田禾有無妨礙之處迅速奏聞。如或因早成災。務即據實具奏。毋得稍有諱飾。又另奏查明陝省鹽法一摺。內有榆林等州縣販賣蒙鹽及不許蒙鹽透漏入境等語。從前各省章奏於滿洲蒙古字樣有

摘用滿蒙二字者屢經有旨飭諭乃該撫仍沿陋習輒將蒙鹽等字敘入摺內省字有限轉不成話豈該撫於陳奏事件一任庸劣幕友隨意填寫不加檢點耶秦承恩著傳旨申飭尋奏陝西西安鳳翔兩府屬從前得雨較少茲於七月初五等日疊沛甘霖通省普霑豐收可望得旨欣慰覽之○陝西巡撫秦承恩奏榆林縣永樂倉鹽池濱臨無定河所產鹽觔在於榆林懷遠神木府谷葭州等五州縣行銷每年徵課銀四百八十八兩零自乾隆三十二年河流改道鹽池被衝所產鹽觔不敷五州縣民食其神木府谷葭州東北二鄉並買食蒙古鹽鹽戶納課日形疲乏懇將榆林懷遠西南二鄉一律准食蒙古鹽即令榆林縣鋪七十四家仿照各屬牙當領帖行銷攤徵課銀四百八十八兩補完永樂倉原額報聞○庚寅諭軍機大臣曰穆和蘭奏拏獲邪教人犯一摺內稱查得周有係周明之

父自周明犯案正法後周有旋於上年四月內身故埋葬村西並拏獲孫貽恭杜三元二犯究出趙成司喜吳第二等從前亦曾入教現飭解省嚴審等語所辦不明已於摺內批示矣周明係震卦教內正犯伊父周有自必首先傳習從前未經審出况現經屈進河等寄周有信內令其向劉照魁討求口號必有聚徒傳播之事該犯雖經病故自應向其家屬嚴切根究况周有之子周明尚有義子周進豈周有家中竟無妻子乃穆和蘭僅據地保鄰佑指稱周有已經身死轉置該犯家屬於不問且該撫拏獲孫貽恭杜三元供出之趙成等現經逐一根訊詎有不將周有現在有無子孫其身死後係何人埋葬之處詳悉聲叙之理今摺內竟無一字提及何該撫於此等緊要關鍵正應細心詳鞠之處疎忽至此殊為失當即如今日黑龍江將軍都爾嘉拏獲吉林逃遣咨查吉林將軍是否實係遣

犯始行正法一事。豈有平民被人拏獲。自認違犯之理。又何必輾轉咨查。是都爾嘉於不必細心之事。徒多枝節。而穆和蘭於理應細心之事。反致忽畧。將軍督撫等。若皆如此不曉事理。輕重必待朕逐一指示。又安用此大吏為耶。著傳旨嚴行申飭。至孫貽恭。杜三元。前此既經入教。今屈進河寄信。令其討號。湊錢。送給盤費。必另有輾轉入教之人。其趙成。司喜。吳第二。所供雖經傳給歌詞。現已改悔之語。亦不可信。均應詳細根究。悉心推鞠。毋任狡展。並此外有無傳習入教之人。務須按名拘獲。嚴訊實情。問後俱解交刑部。勿稍疎縱。將此傳諭知之。尋奏。周有係周進之義祖父。並無子孫。妻室的屬。惟有兩弟周貴。周沛。俱經外出。現拏獲訊供。據稱伊兄周有。實係上年四月身故。伊等為之埋葬。周有從前聽從其子周明。勸令入教。周貴。周沛。亦即隨同禮拜念歌等語。是該犯一門。均係從前漏

網無疑。現又將續拏之曹二。宋二等犯。一同質訊。嚴究有無習教及轉相傳授之人。俟訊明後。交部辦理。報聞。○辛卯諭。前因四庫全書內錯誤甚多。特令總纂等詳加校閱。並恐熱河文津閣所度全書。亦多魯魚亥豕之訛。復令紀昀。帶同詳校各官。細心閱看。該員等自應認真校勘。將書中脫落訛舛之處。逐加改正。俾臻完善。今朕偶閱文津閣四庫全書。內揚子法言一書。其卷一首篇有空白二行。

因檢查是書。次卷數對。竟係將晉唐及宋人註釋名氏脫寫。書中篇首空至兩行。顯而易見。開卷即可瞭然。乃詳校官既漫不經心。而紀昀係總司校閱之事。亦全未寓目。可見重加警校。竟屬虛應故事。朕每幾餘披覽其書。內有一二字錯落。令軍機大臣隨時改正者。不一而足。因尚係尋常訛脫。不加責備。今篇內甚至脫去二行。紀昀等實難辭咎。寧不自知。慚惡耶。况朕曾有御製書揚雄法言一篇。

雖係近年之作亦應繕錄弁於是書之首紀
昀亦未留心補入更屬疎忽紀昀及詳校官
莊通敏俱著交部分別議處除將天津閣四
庫全書內揚子法言一書就近交軍機大臣
將空行填補并繕錄御製文於篇首外著紀
昀親赴文淵文源二閣將揚子法言一書檢
出繕錄御製文冠於簡端並帶同詳校各官
抽查此書卷首是否亦有空白之處及此外
各書有似此脫誤者一體抽閱填改如再不
悉心詳檢經朕看出必將紀昀等加倍治罪
不能再邀寬貸也○又諭凡由內地發遣賞
給回部為奴之邪教人犯原為令伊等受回
人折磨各城駐劄大臣等理宜代為嚴加約
束乃大臣等於此等遣犯解至該處一經分
給回人即謂與伊等無涉是誠何心哉則又
安用此大臣駐劄為耶豈意見竟不及此歟
將此著一體曉示新疆各城將軍大臣等嗣
後務須嚴行約束指示各回人等所有此等

發遣為奴之犯任聽折磨平日大臣等果能
嚴行約束將濫行惑眾往來通信之人立即
嚴緝辦理安有生事之理各處將軍大臣等
共應知此意一體留心毋得仍前怠忽從事
也○諭軍機大臣等據福崧奏拏獲各案盜
犯分別正法定擬一摺內稱盜犯紀孝等十
一名俱恭請王命正法其情有可原之劉建
等十二犯從重擬斬監候俟滿三年後再行
解部發遣黑龍江給披甲人為奴等語紀孝
等十一犯或在洋為盜或行劫搜贓情罪重
大自當立正刑誅未便稍稽顯戮至劉建等
十二犯雖祇係接遞贓物在船看守與行兇
搜刮者稍為有間但現當嚴戢洋盜之時尤
宜嚴加懲創以示炯戒福崧將紀孝等即行
正法並將劉建等遵照新例從重問擬斬候
並年滿發遣不待聽候部覆始行定案所辦
甚是嗣後該撫益當嚴飭文武各員留心緝
捕不必拘泥定例有犯必懲以靖盜匪而安

善良方為無負委任。將此諭令知之。又諭據勒保奏。五月分糧價單內開各屬價值。皆係價中與上月相同。字樣毫無參差。所奏殊未可信。甘肅地方府州各屬地土既有肥磽。人事亦或不齊。米糧價值豈能一律相符。而各屬每月時價更不應絕無增減。今勒保所奏。僅據屬員開報價值。率行奏報。則奏米糧價何用。竟成印板文章。是該督於民食所關。並未留意。豈不知朕軫念閭閻。無時或釋。於

各省奏到糧價。無不詳加披覽耶。勒保著傳旨申飭。仍將糧價有無增減之處。據實具奏。尋奏。甘省各府屬市價旋長旋落。前次奏報五月糧價值青黃不接之時。但夏禾將次登場。是以價值不致增長。且因新糧尚未入市。亦遽未能減落。報聞。又諭。前薩邁林供稱。帶來俄羅斯假造書信。係喀爾喀蒙古安達賴代書。當交恒瑞。拉旺多爾濟等詳查。並無俄羅斯安達賴之人。覆加究訊。又據供稱係

該旗台吉衣布策凌所屬喇嘛舍巴所書。時有本旗博德訥什哈塔爾親見等語。所供似實。但薩邁林編造訛言。致車凌烏巴什游牧之人各懷驚懼。經朕屢降諭旨。交保寧。永保。明白開導。伊等意稍安定。永保等務須留心防範。嚴飭臺卡官兵實力緝拏。俟俄羅斯回書到時。再將舍巴三人押送來京。訊明嚴辦。示懲。○壬辰。諭據惠齡奏。東省平原等二十七州縣本年應行帶徵漕糧。及買補截留散

賑漕米為數較多。請將前奏二年內帶徵買補之糧。分作四年完納等語。該省上年雨水稍多。秋禾間有被淹。本年雖雨水調勻。民間益藏恐尚未能充裕。其帶徵買補各項。自應酌展年限。用示體卹。所有平原等各州縣。於二年內應行帶徵之米。麥豆。十萬八千餘石。又買補截留散賑漕米。十萬九千餘石。著加恩分作四年帶徵。買補搭運。以紓民力。該部即遵諭行。○諭軍機大臣曰。惠齡奏接准泰

承恩召會當即密令登州府知府藍嘉瓚訪拏段文經徒弟並恐段文經在登州一帶藏匿令其星飛搜捕一面派委臬司陸有仁前赴荷澤單縣等處查拏王袁氏王膺元兇等再行訊供具奏等語此案已有旨令該撫實力查拏矣劉照魁在陝西供明於五十四年冬間在王子重之母王袁氏家聽見楊武等向王膺元兇口稱聞有段文經徒弟現在登州恐逃往海邊上去等語所言必非無因安知段文經不竟在登州一帶藏匿此等緊要人犯該撫接到咨會後自應親赴登州迅速訪拏乃竟安坐衙署僅令知府前往訪捕不特要犯難於偵緝並恐捕役等暗中通信導之遠遁從前查拏段文經時曾令荷澤縣捕役王膺元兇往緝王膺元兇即係八卦教內之人彼時自必潛通消息令其竄匿可見該處府縣捕役多有聽從入教者今惠齡即令登州府往拏其所帶捕役俱係通同一氣即

果有段文經在彼潛匿早已聞風遠颺惠齡何不曉事體輕重若此著傳旨申飭並令該撫即行迅往登州一帶不動聲色嚴密訪拏毋得仍前玩愒至王膺元兇拏到後務須研訊確供追究楊武等向伊所稱段文經徒弟係屬何人令其據實指出密拏到案根訊段文經下落並遵照前旨將王子重之母王袁氏及王膺元兇速解行在審辦如有王膺元兇等供出同教要犯亦一併按名嚴拏解京辦理將此由四百里傳諭知之即行迅速覆奏尋奏據王膺元兇供稱前在王袁氏家聽見劉照魁楊武等談及段文經現在官府查拏甚急楊武等聲言想是逃往海邊藏躲並未說及段文經之徒弟姓名在登州何處至各犯家中雖經搜查均無經卷圖像不法等物尚恐狡供不吐必須設法窮究至段文經竄跡稽誅已久茲據署曹州府通判王岐稟報貌似段文經之馬興押解到省連日審訊

現已另摺具奏。臣即自省起程。以查辦城工為名。前往登州海邊一帶。不動聲色。密委員弁。帶同眼目。改裝躡緝。不敢假手捕役。致串通滋弊。得旨。今究得蹤跡否。○癸巳。諭曰。閭閻泰和。奏向例各巡漕御史。僅將重運催趲出境。遂爾了事。心有不安。請嗣後各巡漕御史。催查重運後。即接催空船。仍在各處往來稽查。催趲等語。所奏竟成笑話。巡漕御史起自雍正年間。原為督催重運而設。每年各幫重

船。銜尾北上。抵通後。各巡漕俱遵照向例。卸事復命。歷來奉行已久。本以重運幫船。恐有沿途逗留等事。得有巡漕為之逐程催趲。更與漕務有裨。若起卸回空後。旗丁等自必早思歸次。豈有故為遲滯。甘心守凍之理。況已有總漕督押回空尾幫南下。又何必復令巡漕往來稽察。使地方官吏轉多紛擾。不過奉差日久。自可多得公費耳。此奏不可行。至請將派出巡漕四員。各按巡視地方。鑄印頒給。

尤屬無謂。各巡漕文移往來。俱有銜名可據。亦不慮漫無區別。又何必另行鑄印。徒事更張耶。所奏亦不可行。原摺即著發還。○又諭順承郡王錫保。從前在北路軍營。應賠倒斃駝馬銀三十四萬四千四百餘兩。在伊子孫熙良等名下。接續坐扣。固屬咎有應得。但念其在將軍任內。不過辦理不善。與冒銷侵蝕者有間。且歷年已久。其扣項已閱五世。所有未經扣完銀七萬二千四百餘兩。著加恩寬

免。以示朕篤念宗潢。優加體卹至意。○又諭昨據宗人府奏。貝勒綿從病故一摺。自果恭親王福晉至綿從之妻。三代孀居。綿從又無子嗣。今綿從之爵。輪應永璫承襲。但永璫一支。竟至絕嗣。永璫現在既有二子。即將一子為永璫後。承襲綿從之爵。則永璫不至絕嗣。而三代孀婦。均有依倚。著派八阿哥阿桂。即往綿從家。面問伊祖母福晉。可否如此辦理。奏聞。再降諭旨。○甲午。諭曰。姚茶奏護理江

西鹽道恒寧現已降調。自應飭令離任。但該員於江西鹽務尚稱熟諳。請俟陳大文到任。將鹽法一切事宜當面講求交代。後再令離任等語。江省鹽務現於建昌一郡添設卡巡。酌減鹽價。自須熟手經理。恒寧降調後。鹽道員缺。雖經選授陳大文。但該員究係生手。恐於該處鹽務未能諳悉。朕正憶及此。尚未明降諭旨。今姚榮奏稱。飭令恒寧交卸南昌府篆。其所署鹽道印務。暫緩離任。以免隔手交代。所奏尚是。恒寧前於失察屬員派銷鹽勸一案降調。尚係因公。獲咎並無大過。且該員辦理江西鹽務已有三載。尚稱熟諳。現在建昌地方增設卡巡。減價敵私等事。諸關緊要。即陳大文到任時。令恒寧將一切事宜明晰告知。亦恐一時未能詳盡。究不如恒寧一手經理較為妥協。恒寧著加恩以同知銜仍護理江西鹽道事務。該員益當感激朕恩。實心整理。若該省仍有私鹽偷越。官引帶銷之弊。

必將該員加倍治罪。不能再邀寬貸。其新選江西鹽道陳大文。俟有該省相當道員缺出。著姚榮另行奏補。諭軍機大臣等。據山東學政鄒炳泰奏稱。在濟南府開考。有章邱生員孟衍魯呈所撰聯句。復有控章邱縣衙役索詞。內開私造偽冊。採買穀石。浮派折價。私催蠲免口糧。多索運米車價。又折收糧米。有餘糧餘米名目各款等語。該縣衙役於經徵米石。浮收多派。款迹累累。該生員所控似非全無證據。如果屬實。則該縣嚴孫詒在任已久。一任衙役等私徵勒派種種舞弊。恐不免有通同染指情事。不可不徹底根究。倘所控虛誣。亦應將生員孟衍魯治罪。以儆刁風。現在吉慶審訊河南光山縣衙役何九等毆斃人命一案。計接奉此旨時。自己審辦完竣。著即順道前往東省。提集章邱縣案內人證。秉公詳悉嚴訊。定擬具奏。毋得稍存迴護。所有該學政原摺。及孟衍魯所遞稟詞。並著鈔寄。

閱看將此諭令知之。乙未補行乾隆五十五年大計。浙江省不謹官二員。罷軟官二員。浮躁官一員。才力不及官二員。年老官六員。有疾官五員。分別處分如例。丙申諭。昨因偶閱文津閣四庫全書內。揚子法言其卷一首篇有空白二行。竟將晉唐及宋人註釋名氏脫寫。已降旨將紀昀詳校官莊通敏交部分別議處。旋命軍機大臣將法言一書詳加閱看。書內繕寫訛錯之處不一而足。從前詳

校官既漫不經心。而紀昀總司校閱。復不加訂正。其餘各書恐似此錯誤者。正復不少。可見紀昀等從前覆勘時。竟屬虛應故事。全未寓目。紀昀及詳校官莊通敏著再行交部議處。又諭據宗人府奏。四品宗室扎昆珠因染瘋疾棄家潛出。不知去向。俟俘獲時照例辦理等語。扎昆珠身係宗室。竟至逃起實為有玷宗室甚屬不肖。理宜嚴行拏獲。照例辦理。以示儆戒。著交刑部。步軍統領衙門。五

城一體嚴拏。務獲解交宗人府照例辦理。諭軍機大臣曰。丹巴多爾濟在喀喇沁地方開窑挖煤。不遵部駁。私用民人銀兩。該旗有署扎薩克一切事件。竟不許署扎薩克主持。誤聽下人之言。任意辦理。署扎薩克格勒克薩木魯布因而畏懼。交迫。竟至自戕。特命福長安及盟長索諾木巴勒珠爾前往查辦。今據福長安等奏到。彼查詢屬實。丹巴多爾濟著先革職。交慶桂押解來京。命阿桂金蘭交

慎刑司看守。俟福長安等查明此外有無妄為之處。續奏到時。再行降旨定罪。此內丹巴多爾濟之梅楞伯布岱。現在京師。著寄諭阿桂將伯布岱派員拏解喀喇沁。交福長安等質審。丹巴多爾濟雖由年輕嗜利。不以署扎薩克為事。究因惑於下人之言所致。此輩理應查出重治。其罪著併傳諭福長安按名查出。毋使一名漏網。嚴行定罪具奏。○丁酉上御卷阿勝境。賜尾從王公大臣蒙古王貝勒

貝子公額駙台吉等食翼日如之。諭曰：丹巴多爾濟所出正紅旗蒙古都統員缺著保泰補授。保泰未來之前著永琨署理。察哈爾八旗都統員缺仍著烏爾圖納遜署理。諭刑部題覆浙江省民人張雲濤與邱方玉之母湯氏妻曹氏通姦商同勒死邱方玉并曹氏畏罪自縊身死一案。將湯氏照親母因姦謀死子女例實發伊犁給兵丁為奴。固屬照例辦理。但細閱此案情節。湯氏先與張雲濤調戲通姦。被伊媳曹氏窺破。恐其洩漏。誘令張雲濤一併通姦。後因曹氏戀姦情密商同張雲濤將邱方玉勒斃。除謀殺親夫罪應凌遲之曹氏業經畏罪自縊外。其親母湯氏雖係尊長致死卑幼。然事起通姦。並誘令伊媳一併姦宿。復因伊子礙眼輒聽從伊媳同謀勒斃。是與伊子邱方玉恩義已絕。設或伊子別無兄弟子嗣。遂令翁姑及伊夫絕嗣。所關甚為重大。向例親母因姦謀死子女者。不論

是否造意俱發往伊犁給兵丁為奴。原以母子倫紀攸關。不得與凡人一律問抵。若其母身蹈邪淫罔顧廉恥。已無夫婦之倫。又安有母子之義。朕思同一母子。然又有親母繼母之別。繼母因其子本非己出。心懷殘忍。謀死前妻之子。情罪自為更重。若親母之於子。究係所生。即或因姦致死。與繼母自當有間。亦應分別辦理。近來各省題奏事件內間有逞兇斃命。慙不畏法之案。出於情理之外。然戾氣所鍾。自古而有。即如文言釋坤初六之言。可知周之時已有如此亂逆之事。設無其事。孔子不忍言也。今世風日降。人心更不如古。無怪兇惡之徒。竟至藐法蔑倫。行同梟獍。朕向來遇有此等奏到之件。因係蔑倫重案。概不加罪。批不惟不忍。而且自慚。民間風俗日下。既不能道德齊禮。化莠為良。俾不致身罹法網。我君臣皆當引以為愧。惟在明刑勅法。重示創懲。庶兇惡之徒稍知儆戒。使之勉

為善良。朕意各省如有母殺子女之案，除尋常情節仍照向例辦理外，其有因姦起意，致令絕嗣者，即將其母問擬斬候，入於秋審。情實即或伊子尚有子弟，未致絕嗣，仍當定以斬候。永遠監禁，遇赦不赦。其繼母親母於情實中畧予以勾不勾之分，亦足以示輕重區別。著大學士九卿將是否應如此辦理，及如何分別之處，悉心酌議具奏。其邱湯氏一案，俟大學士等詳議復奏，再行降旨。尋議嗣後

繼母因姦將前妻子女致死滅口者，無論是否起意，俱改為擬斬監候，仍查明伊夫如已絕嗣，即入於秋審。情實若尚有子嗣，將該犯婦永遠監禁，遇赦不赦。至親母因姦故殺子女之案，亦不論是否起意，俱請擬絞監候。致令伊夫絕嗣者，入於秋審。情實即不致絕嗣，仍永遠監禁，不准援赦。若姦夫獨自起意謀殺其子，以便往來姦婦，雖未知情同謀，但因姦令夫絕嗣者，係繼母發往伊犁給兵丁為

奴。親母發往各省駐防兵丁為奴。如姦婦果不知情，當時喊救，事後告官，或伊夫尚有子嗣，及姦夫別因他故起釁，自殺其子者，姦婦仍按所犯本罪，悉照本條律例辦理。其嫡母有犯，與親母同。嗣母有犯，與繼母同。現在邱湯氏一犯，查明伊子所生尚有一子，即遵照新定條例，改擬具題從之。○又諭據梁肯堂等奏，查勘順德府屬邢臺內邱等縣，今夏得雨稍遲，早禾未能暢發等語。邢臺內邱等縣

本年入伏以來，未經得有透雨，收成未免歉薄。其應徵錢糧，若令小民一律輸將，民力恐不無拮据。所有順德府屬之邢臺內邱沙河鉅鹿任縣南和平鄉唐山等八縣，本年應徵未完錢糧，著加恩緩至來歲麥熟後徵收。俾閭閻生計，益資寬裕，以示朕軫念窮簷優加體卹至意。該部即遵諭行。○又諭曰：八阿哥阿桂遵旨往見綿從之祖母，據稱請以永璫之子綿律給與永璫為嗣等語，代為轉奏。著

照綿從之祖母所請將永璩之長子綿律給與永璩為嗣。所有承襲之爵理應減等承襲貝子。但果恭親王弘瞻係朕幼弟。伊溘逝後。即將郡王爵秩襲與永璩。及至綿從延世未久。相繼而亡。朕心甚為惻然。著加恩綿律。仍承襲貝勒之爵。侍養三代嫡婦。以示朕憫卹之至意。○諭軍機大臣等。據熱河道全保將私在喀喇沁地方商同開挖煤窰之民人龔廷玉。拏獲取供具奏等語。龔廷玉著交地方官速行解交福長安質審辦理外。昨日福長安摺內有丹巴多爾濟。既如是私取民人銀兩。開採煤窰。此外不免別有營私事件之語。如有福長安等自應徹底查明。速結具奏。斷不可徇情。此案訊明。福長安等一面具奏。一面即起程前來。不必等伯布岱解到。儘可將伯布岱解赴熱河審辦。○戊戌。諭曰。姜晟奏審明竊鞘案犯情形一摺。內稱唐開泰住宿驛館。起意與彭有才商量行竊。并約定唐守

興作為內應。唐守興用刀割斷棕繩。將尾鞘擲近壁洞。推出一半。彭有才撬開鞘壳。竊出餉銀。現在彭有才業已身故。訊之唐開泰等。俱經供認。已派員逮赴芷江地。查起原贓等語。此案前經姜晟奏據承審府縣稟稱。餉鞘安放驛館屋內。緊挨板壁。外係菜園。賊從板壁地枋腳下挖洞。將末尾一鞘橫移洞口。竊銀而逸等語。朕彼時即以所訊情節。多有不實。賊犯不過在外窺伺。何由確知餉鞘安放之地。即在此挖洞。竟能應手而得。必係有內應之人。串通行竊。降旨令姜晟細心研鞫。務得實情。今該撫奏實係更夫唐守興在內。將尾鞘擲近壁洞。推出一半。彭有才在外撬開鞘壳。偷竊。唐守興並將柳連擊聲響。以圖掩飾。果不出朕之所料。是唐守興因思偷竊餉銀。豫充更夫。作為內應。情節甚屬可惡。即可作為此案正犯。不得以彭有才業經身死。任其狡卸。致滋輕縱。真贓雖少。何必俟全得

著傳諭姜晟。即將唐開泰供出藏放原贓地方。是否現已起出。根究確鑿。嚴審定擬具奏。○旌表守正被戕河南祥符縣民劉得子妻常氏。○已亥。

上御卷阿勝境。哈薩克汗幹里素勒坦子阿彌載。及來使等四人。杜爾伯特扎薩克台吉衮布。烏梁海頭目色爾可等。安南國陪臣陳玉視等六人。入覲。同扈從王公大臣。蒙古王貝勒貝子公額駙台吉等。賜食。至辛丑皆如之。

書錄事字全

主

○蠲緩安徽宿州靈璧泗州舊虹盱眙五河舒城定遠壽州鳳臺懷遠霍邱天長滁州全椒來安等十六州縣并鳳陽長淮泗州三衛乾隆五十五年分水災額賦有差。○庚子。諭據都爾嘉等奏。稱將打牲烏拉逃遣犯人曹志吳世祐吉林烏拉逃犯李春山王大。前後拏獲審明。行查吉林烏拉。與各該犯姓名相符。俱經正法。請將拏獲鄰省逃犯之員。給與議敘。兵丁等賞給銀兩等語。都爾嘉等拏獲

逃犯。審明正法。雖俱合宜。但因李春山二犯。即行行查吉林將軍。甚屬過當。而究竟由何處拏獲之處。亦並未聲明。凡逃犯被獲之時。多有賴詞。不肯以逃自認者。豈有無干之人。而反以逃自認之理耶。且吉林烏拉之逃犯李春山等。在逃之時。該處必咨行鄰省。令其嚴緝。又何行查之有。都爾嘉等欲為精密。而反至失宜。成何道理。外省將軍大臣等。往往如此。即如河南巡撫穆和蘭奏。查辦邪教回

書錄事字全

主

民周有一案。第稱周有已經病故而周有有無子孫。及家口應如何辦理之處。並未一言入奏。此等事件。理宜詳悉查辦。而穆和蘭並不細心。都爾嘉等於逃犯李春山等。不必深究之事。而又如此過為用心。將軍大臣等。遇有事件。每致煩擾朕心。是誠何意。除將都爾嘉嚴行申飭外。並將申飭穆和蘭之諭旨。一併鈔寄都爾嘉等閱看。其拏獲鄰省逃犯之官兵等。即照都爾嘉等所奏。將驛站官多庸

夢文部議敘兵丁四人每名賞給銀五兩。諭軍機大臣曰。穆和蘭奏前因周有並無子孫的屬。惟有兩弟周貴周沛俱經外出等語。周貴周沛係周有之弟。豈非該犯的屬。乃該撫摺內尚稱周有並無子孫的屬。惟有兩弟。竟是必須周有之子孫方得謂之的屬。而兄弟叔姪俱視為疎遠之人。如此則不應緣坐弟兄之罪乎。穆和蘭何糊塗。若此著再傳旨申飭。並著該撫派委妥幹員弁。即將周貴周沛二犯迅速解赴行在歸案審辦。沿途飭令小心管押。務於八月前解到。毋得疎懈遲誤。並將續獲各犯嚴究有無習教。及轉相傳授之人。按名查拏審辦。勿稍疎縱。將此由五百里諭令知之。辛丑。諭據伊江阿奏接奉甘肅布政司禁止小錢咨文。現在逐細留心嚴拏等語。此事原指內地各省而言。於新疆回城無涉。此皆該地方官糊塗率行移咨耳。吐魯番回衆皆用騰格錢。即該處商民與內地

回民交易間有用內地錢文者。亦不多見。倘有攙雜小錢使用。伊江阿自應臨時查拏辦理。又何必如此聲張。將回民等一體嚴查耶。除將此曉諭伊江阿令其遵行外。並著通行新疆各處一體遵照辦理。諭軍機大臣等。前此刑部議駁湖北省民人陳谷松與王廷英共毆呂九如身死。將正犯陳谷松減等擬流一案。彼時原因刑部以該撫先後辦理兩歧。罪名互相出入。是以傳諭該撫據實明白回奏。今據福寧奏稱。例載凡審共毆擬絞人犯。遇有助毆傷重之人。解審病故。准其抵命。應絞之人減等擬流。此案王廷英用刀背毆傷呂九如左右膝臙服等處。雖色至紫黑。亦不為輕。而正犯陳谷松所毆致命各處其傷更重。因王廷英已經病故。與助毆之人身死。准其抵命。正犯減流之例相合。是以照例辦理等語。此等共毆致斃之案。兩人下手俱有重傷者。內有一人病故。其一人若仍應擬抵

該部例內。即不應有減等擬流一條。今既載有此例。該撫即係遵例問擬。亦不得謂之舛誤。福寧辦理此案。其錯處在王廷英病故後。輒將初報輕傷。改為重傷。希圖末減陳谷松罪名。而於所引例條。似無不合。朕觀此原。以為不當。但福寧實係引例。然或其中另有別故。該部何以加之指駁。恐不足以服福寧之心。著傳諭刑部堂官。將因何議駁之處。詳悉覆奏。候朕再降諭旨。○又諭曰。費淳奏請給

價收買商銅。以杜私鑄。一摺。內稱滇省辦銅各廠。除抽課交官外。向有一成二成。准令通商之例。商人難保無影射收買私鑄。漁利情弊。應官為收買。每年可多獲銅一百餘萬觔。以之添撥各省採買及鐵砂折耗。蘆店底銅之用等語。此奏雖似為該省杜絕私鑄起見。其實該藩司以各省採買銅觔及蘆店底銅。恐有欠缺。故欲將此項商買餘銅歸官。以作抵補之用。祇係一偏之見。未經通盤籌畫。所

謂知其一。不知其二也。銅觔為民間必需之物。不能一日缺少。若將各廠抽課各官所剩餘銅。概行禁止商民售賣。則民間所用之銅。從何而出。即使廠中稍有偷漏。為數亦屬無多。不特銅價因此昂貴。而小民等需用孔亟。必致將官錢私行銷燬。改鑄銅器。即錢價亦必因之倍增。況現在滇省各廠所產銅觔。尚屬旺盛。每年額運各起。俱係依限開幫。並無短絀遲誤。即民間錢價。亦俱平減。本無庸認

認過慮。若如該藩司所奏。是名為設法調劑。而轉使私銷益甚。弊實叢生。況杜絕私鑄之弊。惟在地方官實力查禁。今不於此悉心整頓。而以禁止商賈餘銅。為正本清源之計。恐防弊而實以滋弊。且使該處商民知有此事。必將銅觔豫為擡價。居奇。銅價既貴。則錢價自增。於閭閻日用。諸多不便。所關非細。民可使由。不可使知。費淳何見不及此耶。此事當再加詳酌。富綱譚尚忠久任滇省。於銅務自

所熟習。著伊二人會同悉心妥議。據實奏覆。想該督撫意見亦與朕大畧相同也。將此傳諭富綱譚尚忠知之。並將此旨及原摺發交在京大學士九卿閱看。○蠲免陝西朝邑華陰二縣乾隆四十六、五十、並五十二等年分水災貸欠未完籽種口糧穀三千四百石有奇。麥七百八十石有奇。○壬寅諭軍機大臣曰。惠齡奏據署曹州府通判王岐稟稱。訪有聲音面貌與段文經相似之人。當即拏獲到案。據供名喚馬興。有夥計史二可以質證。隨傳史二識認。稱此人即係段文經。及冠縣知縣送到眼目二名。惠齡先行提到詢問。會稱實非段文經。訊之史二。實因貪賞混供等語。馬興面貌既與段文經相似。而史二初供。又有即係段文經之語。自應詳晰根究。既據該縣送到眼目二名。即當隔別詰詢。段文經面貌是否與現獲之馬興相符。該眼目分作兩起詢問。自不能豫為串通。且二人前後所稱

段文經面貌。或有彼此參差之處。即可從此根究矣。乃該撫將二人令其一同當堂識認。勢必隨同附和。又何能遽信為確實。而摺內並未聲明隔別詢問。即此可見該撫不能辦事之一端。惠齡著傳旨申飭。所有馬興史二兩犯。即著該撫委員迅速押赴行在質訊辦理。○是月河南巡撫穆和蘭奏。豫省大河以南各府州收成在八分以上。河北三府惟彰德府屬之湯陰臨漳林縣三縣衛輝府屬之汲縣淇縣輝縣濬縣滑縣獲嘉六縣收成不無歉薄。似應酌量籌辦。其本年應徵未完舊欠錢糧倉穀如有應行辦理之處。統俟勘實具報到日再行詳議。得旨切忌諱災。又批如有應緩徵者。速奏來。○山東巡撫惠齡奏。東省向來官設錢局私鑄尚少。但水路通衢之地商賈攜帶攙雜民間零用積存。在所不免。臣等將私鑄私銷及攙和行使罪名刊示遍貼。并飭各州縣及分駐沿河鎮集之佐雜衙

門均設堂櫃令鄉民就近呈繳少者毋庸給價如多至數十百千串即秤明觔兩換給大錢其應給價值照東省從前覈定每繳小錢一觔換給大制錢九十文再所收小錢各省歸官局改鑄東省並無錢局請照乾隆三十七年查辦小錢例解交直隸省城錢局改鑄得旨覽奏俱悉以實妥為之

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十三

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十四

監修總裁官總纂修官太子太傅文淵閣大學士劉世明領閣事領侍衛內大臣楊家駉奏 上諭事侍處管理吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次直隸總督官總纂修官太子太傅文淵閣大學士劉世明領閣事楊家駉奏 上諭事侍處管理刑部戶部三庫事務世襲騎都尉軍功加十九級隨帶加二級又加二級直隸內大臣戶部尚書蘇昌奏滿洲副都統軍功紀錄五次尋常紀錄十四次直隸總督建儲官太子少保工部尚書紀祿六次直隸總督等奉

教修

乾隆五十六年辛亥八月癸卯朔遣官祭

閼帝廟○諭據李奉翰奏七月十一二等日黃河水勢加長儀封三堡溜勢更為湧急當飭該道等上緊搶護因大溜撞擊埽身陡整入水都司楊克榮及頭目崔克勤兵丁崔進朝隨埽落水該都司於急溜之中冒出崔克勤崔進朝撈救上岸後復赴水架起楊克榮登岸仍各在埽上竭力搶辦等語頭目崔克勤兵丁崔進朝於落水救出後仍復赴水架起都司楊克榮又在埽上幫同搶辦勇往出

力實屬可喜之至。該督請將崔克勤項補外委。崔進朝拔為頭目。獎勵尚輕。崔克勤著即加恩拔補把總。崔進朝著即拔補外委。以示優獎。其都司楊克榮因上緊搶護。隨埽落水。於急溜之中冒出。幸得該頭目等救起。亦屬奮勉。楊克榮著加恩以遊擊陞用。至外委張興兵丁馬岡武蘊文搶護埽工。落水淹斃。殊為可憫。著加恩照陣亡例議卹。此次黃河水長。溜勢湧急。仰賴

河神庇佑。得以搶護平穩。著發內府藏香五十枝。交該督等虔誠致祭。並親書扁額發往懸掛。用答

神庥。現在正當秋汛之時。一切益宜敬慎。該督等務須督率工員。實力防護。以期工程一律穩固。永慶安瀾。不可稍存大意也。○

御書扁曰福佑恬瀾。○諭軍機大臣曰成德等奏前往西藏熬茶喇嘛在拉木托洛海地方被搶等案。據差往德爾格之都司張志林稟

稱親帶弁兵在於所轄寨落各番衆內逐一搜查。當獲有賊犯納木魯敦多克等五名。並起獲被搶原贓。訊明此案番賊共有十餘人。現在督拏等語。此等番賊。膽敢於過往喇嘛及牧放牛羊地方。肆行搶劫。實屬惡不畏法。自應盡數查拏。嚴辦示儆。今該都司率同該土司實力搜查。拏獲多名。所辦尚好。其未獲各犯。現據該土司頭人等稟稱已訪得賊人蹤跡。現在設法擒拏。按名獻出等語。著傳諭

成德等嚴飭該土司。務須督率員弁。及土司頭人等親赴各寨落嚴行搜緝。迅速查拏。全數弋獲。毋使一名漏網。○又諭前據福寧覆奏陳谷松與王廷蓉共毆呂九如身死一案。因王廷蓉已經病故。與助毆之人身死。准其抵命。正犯減流之例相合。是以照例問擬等語。朕披閱時原覺此例不當。但福寧辦理此案。既係引用舊例。該部何以加之指駁。業經降旨令刑部堂官將因何議駁之處。詳悉覆

奏矣。本日又據畢沅奏。此案如王廷英所毆。亦係重傷。於未結案之前。中途病故。自應照例。即以該犯抵命。陳谷松即可減等擬流。今王廷英先既稱係輕傷。不至於死。擬徒病故。乃正犯陳谷松。獲到日。又以王廷英原毆。亦屬重傷。於未結案之前病故。准其抵命。將陳谷松減等擬流。細覈前後情節。錯謬顯然。畢沅未經加意查察。咎無可辭等語。此案該督撫等。始以王廷英所毆。呂九如尚屬輕傷。不至於死。應以在逃之陳谷松抵抵。及陳谷松到案。又稱助毆之王廷英。亦屬重傷。於未結案之前病故。准其抵命。將陳谷松減等擬流。前後所稱情節。實自相矛盾。但皆例內載有助毆傷重之人。解審病故。准其抵命。應絞之人。減等擬流一條。以致引用牽混。是從前定例。本未允協。轉起高下其手之弊。嗣後凡遇共毆斃命之案。惟當將下手傷重致命正犯抵抵。其助毆之人。無論傷輕傷重。俱不得

以解審病故。即准其抵命。致使正犯反邀未減。乃為正辦得中。所有畢沅摺著鈔寄刑部堂官閱看。並著將該督撫辦理錯誤緣由。是否如此。及該部前次因何指駁情節。據實覆奏。候朕再降諭旨。將此傳諭知之。○甲辰。遣官祭黑龍潭。

昭靈沛澤龍王之神。玉泉山。

惠濟慈佑龍王之神。○諭軍機大臣曰。丹巴多爾濟不必交慎刑司看守。即著放出。交與

伊家。務令安靜居住。不准出門。俟朕回鑾後。再降諭旨。阿桂金蘭等。將此旨嚴諭丹巴多爾濟。令其凜遵。○調四川重慶鎮總兵諸神保。為浙江黃巖鎮總兵。以署四川建昌鎮總兵袁國璜。為重慶鎮總兵。○乙巳。諭軍機大臣等。著寄諭伊齡阿。今將鄂勒哲特穆爾額爾克巴。拜交諾穆親帶同回京。伊至家時。近隨公主居住。跟隨人等。不許入內見面。惟派太監二名。聽其役使。茶飯亦令太監傳送。斷

不許沽飲。倘太監等私給酒飲。必須嚴辦。伊齡阿接奉此旨。傳諭公主知之。如再飲酒。惟伊齡阿是問。○又諭。昨將鄂勒哲特穆爾額爾克巴拜令諾穆親帶同回京。交與公主。併派伊齡阿嚴察。今丹巴多爾濟業經放出。慎刑司。令其家居。亦不可無責成。查管之人。丹巴多爾濟亦交伊齡阿不時嚴行查管。伊齡阿仍傳旨伊母。告以丹巴多爾濟擅敢恣意妄為。皆因其母溺愛不教所致。朕憐念丹巴多爾濟尚未生子。施恩放出。令其家居。若不從嚴約束。任聽妄為。恐色布騰巴勒珠爾。扎拉豐阿。必至絕嗣。丹巴多爾濟亦照鄂勒哲特穆爾額爾克巴拜令近隨伊母居住。嚴行管教。不可令其比昵下人。又至被惑。待朕回鑾後。再降諭旨。永琨係其岳父。著同伊齡阿隨時嚴管。伊若不遵。永琨即據實奏。朕必將丹巴多爾濟重懲。今鄂勒哲特穆爾額爾克巴拜。丹巴多爾濟俱責成。伊齡阿管束。伊

齡阿若仍前姑容。致伊二人再有出外滋事。惑於下人飲酒妄為之處。朕必將伊齡阿加重治罪。斷不輕恕。○四川總督鄂輝條奏銅運事宜。一向例裝載銅船。每夾一艘。船一隻。以七萬觔為率。但查重慶至宜昌。寸節皆灘。裝載過重。轉棹欠靈。今擬酌裝五萬觔。並酌經過地方官。協同運員嚴查船戶。毋許違例夾帶私貨。仍致笨滯難行。至一入長江。並無灘險。到楚換載。仍以每船七萬觔為限。○銅鉛船隻。每年春夏在二三四五等月。秋冬在八九十十一等月。按八個月放行。其六七十二正月。俱停開運。並咨明雲貴督撫。飭令運員豫為料理。查照月分。按起如期到川領運。○川江重載大船。只能順流而下。不能逆挽上行。是以銅船到川。另有色造船隻之人。名曰攪頭。此等人屬江北同知專管。色攪年利。弊端百出。應飭令江北同知。在各攪頭中。慎選殷實老成之人。令其承充。取結造冊。呈報各

衙門備查。一得運京起程之信於此數人中。挨次派令造船承值。造完日。令江北同知就近察驗。如有板薄釘稀。將攪頭責處。並飭改造。頭舵水手。責令按船配雇。如有疎失。照例追出原領腳價。並枷示河干。不許再行攪載。將船隻變價。以充撈費。倘運員到川。或有私用冊內無名攪頭。混行色攪承載。許江北同知查報覈辦。各險灘處所。酌募灘師四五名。按所在州縣捐給工食。令其常川在灘。專放銅鉛船隻。如遇灘安穩。聽運員量加犒賞。如有失事。將該灘師革退。枷示河干。仍令各地方官將應行添設灘師之處。及灘師姓名造冊查報。如遇銅鉛失事。即在木摸頭打撈。於水摸中選誠實一人。點為木摸頭。專司督率。如一月內全獲。於例給工價外。另賞銀五十兩。限外十日或半月內全獲。以次遞減。三月內全獲者。毋庸獎賞。倘限內撈獲稀少。或逾限不及一半。將水摸頭加責。如捏報偷摸。

情弊。加倍治罪。下軍機大臣會部議行。○丙午。遣官祭昭忠祠。○上御卷阿勝境。賜扈從王公大臣蒙古手貝勒貝子。公。額駙。台吉等。及哈薩克汗幹里素勒坦子阿彌載等。杜爾伯特扎薩克台吉衮布。青海扎薩克固山貝子車爾登多爾濟等。烏梁海頭目色爾可等。安南國陪臣陳玉視等。食至庚戌皆如之。○諭軍機大臣曰。勒保奏蔣兆奎現在調任山西藩司。自應速令該司交卸篆務。赴閩請訓等語。晉省商力疲乏。官引滯銷。亟須設法調劑。前因蔣兆奎有將鹽課歸入地丁。與商民均有裨益之說。於該省地方鹽務情形。較為熟悉。是以將該藩司調任山西。此時業經由甘起程。著傳諭蔣兆奎不必前來請訓。即先赴山西接印任事。幫同馮光熊酌議章程。妥為籌辦。俟此事辦理完竣後。再行來京陛見。亦不為遲。昨召見河東道和明。詢問鹽務情形。據稱晉省鹽池。係該

處百姓所置產業。若鹽課攤入地丁後。該業戶自行刮曬。仍可賣與民人肩挑步販。照舊獲利等語。鹽池所產鹽飭苦黑。向來官商經理。該處百姓尚不願買食商鹽。今既歸業主自行交易。若不減價售賣。則民人豈肯買食苦黑貴鹽。是極價居奇之弊。更可不禁自止。而鹽價日賤。於閭閻生計。更為有益。所有昨令軍機大臣詢問和明奏片。即發交馮光熊閱看。蔣兆奎到任後。並著該撫即率同詳悉

履勘妥協籌辦。總使利歸於下。商民交便。方為盡美。將此傳諭馮光熊並諭蔣兆奎知之。

○丁未。祭。

先師孔子。遣協辦大學士孫士毅行禮。○諭軍機大臣曰。陳用敷奏。接准秦承恩咨文。即飭令按察使善泰前往養利州查拏劉書芳。並將同案安插軍犯楊八等十一名。密行拘訊。如有不法情事。併案辦理等語。劉書芳係山東單縣八卦教匪犯。充發廣西養利州。復

敢在配傳教。收劉照魁為徒。並令前赴廣東德慶州探訪同教軍犯步文斌。而步文斌即將劉照魁認為義子。輾轉交結。復與邪教實屬大干法紀。此時自己拏獲到案。著陳用敷即親提嚴審。該犯在配日久。所收徒弟。必不止劉照魁一人。且步文斌係在廣東德慶州安插。與劉書芳相距甚遠。往來通信。是其行蹤詭秘。必有勾結入教之人。並著福康安等逐一嚴究。根訊明確後。無可解京質審之處。

即遵前旨。將劉書芳步文斌在該處正法示衆。所有究出該犯所傳徒弟。務須按名拏獲。解京辦理。其徒弟轉相傳授之人。不必輾轉株連。以省拖累。至與劉書芳同案安插廣西軍犯楊八等十一名。與劉書芳自必聲息相通。難保無在彼授徒傳教之事。若仍留該處。勢必煽誘滋事。並著陳用敷審明後。解交刑部另行定地發遣。以淨根株。將此各傳諭知之。○理藩院奏丹巴多爾濟所出扎薩克固

山貝子奏請承襲得旨特納錫第著加恩
作為扎薩克一等塔布囊丹巴多爾濟之爵
候朕另降諭旨○戊申祭

大社

大稷遣克勤郡王雅朗阿恭代行禮○諭刑部
覆奏議駁湖北省陳谷松與王廷英共毆呂
九如身死一案稱王廷英所毆同一傷痕該
撫前因正犯陳谷松未獲稱為輕傷繼因陳
谷松已獲復將王廷英所毆指為重傷圖寬

陳谷松絞抵之罪辦理自相抵牾是以題駁
等語向來共毆之案因舊例本未允協以致
引用牽混但傷重傷輕自當驗訊明確實實
辦理方可定讞今該撫等審擬陳谷松一案
始以王廷英毆係輕傷繼復指為重傷辦理
實屬矛盾此案係惠齡初審以王廷英所毆
係屬輕傷不至於死應以在逃之陳谷松擬
抵即將王廷英擬律旋即中途病故之處咨
明刑部尚無不合畢沅兼署巡撫時亦欲照

擬完案因福寧即日到任不逮即將卷宗移
交福寧辦理是本案雖非畢沅題結亦有應
得之咎至福寧與臬司孫曰秉係承辦定擬
具題之人乃於王廷英一人忽云傷輕忽云
傷重辦理兩歧罪名出入實難辭咎畢沅著
交部議處福寧孫曰秉俱著交部嚴加議處
其共毆之案仍著該部詳悉覈議酌改具奏
尋奏嗣後除原議應擬滿流之犯律有一定
罪名無從高下其手遇有監斃及解審病故

照例准其抵命將下手致命傷重應絞之人
減等擬流外其助毆傷重之人如有監斃及
解審病故必須驗訊明確所毆實係致死重
傷始准抵命將下手致命傷重應擬絞抵之
犯量減一等擬流並於例文內分別注明從
之○吏部議奏地方官不能化導致縣民張
景仲戕害多命之河南巡撫穆和蘭等照例
降調無級可降應行革任得旨此案商邱縣
民人張景仲殺死吳四等四家男婦十一命

並傷男婦十二口跌壓致斃幼孩二命如此
兇殘慘毒為從來未有之事該地方官職在
牧民平日不能化導實難辭咎本應照部議
降革但外省督撫等於分內應辦之事尚難
辦理妥協豈能望其整齊民俗化莠為良民
間有此戕害多命之事朕自以不能道德齊
禮引以為愧司牧者勸諭愚民亦豈能家喻
戶曉姑念該地方官咎止失於訓導究非亂
法營私可比穆和蘭著免其革任仍註冊署
高郵縣知縣楊懋著改為革職從寬留任歸
德府知府彭翼蒙亦著改為革職從寬留任
○己酉以故扎薩克三等子額勒濟圖子那
遜布顏襲爵○庚戌諭據陝西解到邪教八
卦案內劉照魁一犯往喀什噶爾為邪教案
內遣犯王子重傳寄書信因令軍機大臣嚴
加審訊詰其如何出口據供於乾隆五十五
年四月內到陝西六月到甘肅地方打聽出
口的人都要在肅州起票就假認王子重親

戚帶有家信前往探望到肅州衙門起票出
口等供王子重係八卦邪教內重犯發遣回
疆從前該犯由甘肅出口地方官行文遞解
該省各衙門皆有案冊可稽劉照魁出口時
既公然自稱係王子重親戚前往探望該州
知州理應拏往解部審問乃竟轉給與口票
俾得沿途照驗往來無阻如此則邪教重犯
何必發遣為奴乎若其偷出口則不過失察
其過尚輕豈有公然令發遣重犯往來外域
之理其過甚大已令勒保查明該州知州即
行革職拏送刑部治罪并令勒保明白迴奏
矣各省地方關隘稽查奸宄最為緊要今甘
肅所屬之肅州嘉峪關口明知王子重為邪
教發遣重犯何得任聽其親屬起票出口傳
寄書信何以錯謬至此設如反叛為從發遣
者亦與以出口之票乎可見各省督撫於稽
查關隘緝拏邪教匪犯要務視為具文並不
認真督飭而該管地方官亦全不留心盤詰

一味廢弛。殊屬不成事體。嗣後各督撫等務須實力整飭。督率所屬。於各處關隘嚴密查察。毋任疎縱。倘再有似此者。惟該督撫是問。恐不能當其咎也。將此通諭知之。○又諭據陝西拏獲私往新疆傳寄書信之邪教民人劉照魁。業經解到審訊。據劉照魁供稱。伊於五十五年四月。由肅州地方官處領得路票。由嘉峪關歷經各處。至喀什噶爾地方。與發遣該處給伯克為奴之邪教罪犯王子重相見。傳寄書信。其役使王子重之伯克。業經身故。王子重現在該處貿易生計。頗足用度等語。是何道理。凡內地民人出關。俱領取路票。其所經過地方。皆待該大臣等查驗。後始准過境。今劉照魁所領路票內。顯然開載往尋八卦邪教之王子重。乃竟任其過境。則所謂查驗路票者。又奚為耶。顯係劉照魁經過地方之駐劄大臣等。均不以公事為事。其駐劄新疆之大臣等。聞居何事。而不親行查驗耶。

該犯王子重係前因犯罪發往喀什噶爾賞給回子伯克為奴之犯。理宜嚴加約束。役使如原指之伯克。或有一事故革退。或係身故。亦應另指伯克。令其約束役使。今役使王子重之伯克業已身故。並未另指伯克役使。以致任其安閒貿易。生計寬裕。尤屬非是。明亮等所司何事。乃竟漫不經心。甚屬跡忽不堪。設使該處回子等有陰謀戕害伊等之事。伊等豈亦置若罔聞耶。明亮等形同木偶。何用伊等駐劄該處。想因伊等思家念切。竟至昏憤耳。明亮等著嚴加申飭。併令將各情節明白回奏。○辛亥
太宗文皇帝忌辰。遣官祭昭陵。○諭軍機大臣等。據遣犯劉照魁供稱。初由肅州起路。票係店家代懇衙役領取。所過地方亦係各該處店家向兵役商同驗票。即換給路票放行等語。除另降諭旨申飭勒保外。劉照魁經過各地方駐劄辦事大臣所司

何事。過往之人。所領路票。合對換給時。皆不親身查驗。竟委之店戶下人。任其滋弊。似此要犯。俱混聽換票放行。甚屬不堪。絕不以公事為事。著嚴飭哈密喇沙爾吐魯番庫魯葉爾羌阿克蘇喀什噶爾辦事大臣。各令其明白回奏。○軍機大臣等奏。據浙江巡撫福崧奏。稱朝鮮國難夷金容贊等於乾隆五十六年二月十九日。由本國開船。至三月初一日。在洋面遭風。漂至平陽縣。照例撫卹。咨送到京。請飭禮部查照舊例。遣回本國。報聞。○以廣東城守協副將德昌。為浙江定海鎮總兵。○壬子。

上御萬樹園。惟次。賜扈從王公大臣。蒙古王貝勒貝子。分額駙。台吉等。及哈薩克汗幹里素勒坦子。阿彌載等。杜爾伯特扎薩克。台吉衮布。青海扎薩克。固山貝子車爾登多爾濟等。烏梁海頭目色爾可等。安南國陪臣陳玉視等。宴。賞賚有差。○癸丑。

太祖高皇帝忌辰。遣官祭福陵。○甲寅。

上御山莊宮門觀射。皇孫質郡王綿慶年十三。中三矢。賜黃褂。三眼花翎。皇元孫載錫年八歲。中三矢。賜黃褂。雙眼花翎。

御製命諸幼皇孫曾元來山莊隨園。遂觀其射。詩以誌喜。詩曰。觀射尋常多抱愧。今朝觀射喜偏應。元孫八歲三箭中。侍祖當年此地仍。弧矢四齡爭較早。構堂萬世冀恒承。一身七代瞻神御。

家法。

天恩永佑徵。○御卷阿勝境。賜扈從王公大臣。蒙古王貝勒貝子。分額駙。台吉等。及哈薩克汗幹里素勒坦子。阿彌載等。杜爾伯特扎薩克。台吉衮布。青海扎薩克。貝子車爾登多爾濟等。烏梁海頭目色爾可等。安南國陪臣陳玉視等。宴。至丁巳。皆如之。○兩廣總督公福

<p>康安奏惠州府屬大洲場乾隆二十二年因該場額鹽較多分設大洲柵委員管理近因該柵所管池漏田瘠丁疲未能足額而大洲場池漏整齊曉丁殷實歷係豐收場柵原屬毗連大使足資料理請裁大洲柵歸併場員管理從之○乙卯</p>									
<p>萬壽節遣官祭太廟後殿○遣官祭福陵</p>									
<p>昭陵</p>									
<p>昭西陵</p>									
<p>孝陵</p>									
<p>孝東陵</p>									
<p>景陵</p>									
<p>泰陵</p>									
<p>泰東陵○遣官祭</p>									
<p>孝賢皇后陵○遣官祭</p>									
<p>顯佑宮</p>									

<p>東嶽廟</p>									
<p>城隍廟</p>									
<p>上御澹泊敬誠殿扈從王公大臣官員及蒙古王貝勒貝子公額駙台吉回部來使安南國陪臣等行慶賀禮○諭本年朕屆八旬開一年穀順成雨暘時若壽辰之前夕微雨飄灑次旦曦景晶瑩天色開朗太和翔洽實為渥荷</p>									
<p>天庥十一日命皇子皇孫曾孫元孫等山莊較射元孫載錫年方八歲五發三中朕心深為嘉悅賜以黃褂因憶昔年朕隨侍</p>									
<p>皇祖山莊閱射朕連中五次仰蒙天語褒嘉</p>									
<p>慈顏大悅蒙</p>									
<p>賜黃褂其時朕年十有二歲今元孫甫及八齡即能連發命中仰見</p>									
<p>昊蒼篤祐</p>									
<p>家法貽庥慶澤延洪克膺備福現在八旬開泰</p>									

元孫業已長成就傳。計朕壽躋九旬時。又可見六代來孫同堂稱慶。敬惟

鴻貺駢蕃。

貽謀悠遠。朕於感荷之餘。倍深兢業。不敢以景運增隆。稍存自足。惟有勵精宵旰。孜孜不怠。益務敬

天勤民。仰酬

恩佑。從前因誕育元孫。為史冊稀有盛事。曾命督撫等查明各省五世同堂者。據實奏聞。特

頒恩霽。今思朕逮事

皇祖

皇考。復得元孫。朕已親見七代。

篤慶錫光。更為古今罕有。著交八旗都統步軍統領順天府府尹及各直省督撫詳查臣民中如有實曾親身上見祖父。下逮元孫。有指證者。據實奏聞。候朕優加恩霽。用昭壽寓同登之盛。○丙辰。工部議准陝甘總督勒保奏安西州屬敦煌縣地方有裁留安西府及沙

洲協都司衙署各一。請將安西府署舊料改建

文廟。都司衙署改為訓導學舍。從之。○豁免遭風漂沒安徽廬州二幫正耗糧米六百八十八石有奇。○丁巳。諭軍機大臣等據福康安奏接到阮光平咨啟。以臣母年屆七十。附帶禮物致送。雖其意存見好。而人臣義無私交。體制豈容踰越。現在婉詞照會。將帶來禮物令成林送交諒山鎮。轉行送回等語。此

舉未免過甚。阮光平備位藩封。恪恭侯服。渥承恩眷。比於近臣。上年該國王祝嘏來京。福康安仰體朕撫育深仁。盡心照料。途中往返數月。朝夕相晤。結契良深。友朋交際往來。原屬人情所不廢。況係因福康安之母七旬生辰。備儀稱祝。尤不應因辭拂其美意。所有阮光平送給儀物。福康安竟當收受。優加酬答。以見投報之情。不必以人臣無外交之義。過於拘執也。朕撫馭中外。一視同仁。從不稍存

歧視。除將硃批福康安摺就近發交安南陪
臣陳玉視等閱悉。並諭知阮光平外。將此傳
諭福康安知之。○又諭據山東委員試用州
同王岐將貌似段文經之馬輿及伊影計史
二兩犯解到。當令軍機大臣研訊。此二人均
係無業貧民。討乞度日。馬輿並有妹夫及地
保人等可證。復提刑部解到之王成功一犯。
令其識認。王成功一見。即稱面貌模樣。全不
像段文經。不敢妄認等語。是馬輿與史二與
本素全無干涉。竟係該委員王岐意圖見功
陞擢。妄拏平民。刑拷逼認。似此拖累無辜。豈
堪膺牧民之任。著惠齡將該員存記。停其陞
用。仍責令王岐緝拏段文經真犯。如不能拏
獲。其咎更難解免。除令軍機大臣將馬輿史
二即行釋放。並罰令王岐每人各給銀二十
兩。以示體卹外。將此傳諭知之。

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百八十四

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十五

監修總裁官建儲太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次慶柱

總裁官建儲太子太傅文華殿大學士文淵閣領閣事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級日量滿內大臣戶部內書總辦滿洲副都統軍功紀錄五次

尋常紀錄十四次日量滿建儲太子少保工部尚書紀錄六次尋常紀錄尋奉

欽修

乾隆五十六年辛亥八月戊午

上自避暑山莊啟鑒辛未蘭○是日駐蹕中關行宮○已未諭據刑部將恩詔減等已逾十年軍流官犯分別開單具奏除陳天相洪旋吉二名有關人命情節較重不准釋放其餘各犯俱著加恩釋回原籍○又諭曰李奉翰等奏本年桃伏秋三汛黃河大溜順軌安流河勢並無遷改即間有舊埽墊卸以及接修新埽處所均即搶修穩固現在已屆白露可慶安瀾等語本年七月間河水驟長儀封三

堡溜勢湧急經李奉翰等督率屬員搶護平穩新舊埽工補修鞏固現在時逾白露奏報安瀾宜予甄敘以示獎勵李奉翰穆和蘭俱著交部議敘所有在工人員亦著查明一併咨部議敘○是日駐蹕波羅河屯行宮○庚申諭據穆和蘭奏河南彰德衛輝懷慶三府所屬各縣內有本年得雨稍遲收成僅止五六分不等所有應徵未完舊欠錢糧及新舊倉穀請緩至次年麥收後徵收並分別酌借籽種口糧其應徵米豆二項並請停徵一半等語彰德衛輝懷慶三府本年夏間得雨較遲前經降旨令該撫查明據實具奏茲據勘明湯陰等十三縣收成僅止五六分不等是各縣秋收歉薄自應分別加恩以紓民力所有湯陰臨漳林縣汲縣淇縣輝縣濬縣滑縣獲嘉新鄉陽武修武原武十三縣應徵未完舊欠錢糧及新舊倉穀俱著緩至次年麥收後完納其成災五分之湯陰等五縣仍著借

給籽種並於冬間或來歲青黃不接之時察看民情酌借一月口糧其勘不成災之林縣等八縣亦著借給籽種至應徵漕糧內米豆二項竟著加恩全予緩徵俟次年秋收後完納俾閭閻益裕益藏以示溥惠窮黎恩加無已至意○軍機大臣等議覆兩江總督書麟奏前請於建昌府開設鹽店減價敵私經原議大臣以建昌附近之撫州亦應酌減鹽價會議具奏查建昌接壤閩贛令行令准鹽於

二十八丈之內再減二丈已出示該處居民并令省店運鹽前往照價售賣至撫州一府額引較多減價貼補須銀十九萬三千餘兩再加建昌減價現須銀三萬四千餘兩為數甚多且撫州之鹽向係該處水販到省店轉買若各府水販知省店獨於撫販減價皆將冒充撫販圖買賤鹽其貼費更無所底止請將撫州鹽價免其議減等語固因卹商起見但該府情形與建昌畧同恐該處水販亦有

增價轉賣之弊自應將該處現賣時價若干較建昌昂貴若干之處詳晰查明方可通盤籌畫應令江西巡撫就近查明據實聲覆再將應否減價斟酌定議從之○是日駐蹕張三營行宮○辛酉

上行圍○諭軍機大臣等據德成奏山東省初限城工估冊其中做法有未盡善必須調劑數款一摺已交軍機大臣詳議具奏另降諭旨姑勿論所言是否可行即摺內券洞鋪墁

石塊一款據稱券洞必須鋪墁石塊者非特便車馬之往來實以防穿窬之出入等語措辭甚屬不通竊賊撬掘壁洞皆係橫穿出入人牆並非將城洞穿穴地道今城門券洞添砌石塊貼地鋪墁祇供踐踏之用竟與竊盜穿窬無涉德成妄行牽引不通可笑著傳旨嚴行申飭○又諭據鑲白旗漢軍都統德保奏奏雲南省勒休開化府知府劉杰應賠粵鹽餘息及銅價等項接准該撫移咨該旗著

追完款劉杰並未歸旗疊催七次仍在外逗
留六年之久欠項虛懸請令該撫將劉杰併
伊子解送來京交部治罪並請將該撫一併
交部查議一摺此案劉杰係勒休旗員其應
賠鹽銅價銀於五十三年據該撫移咨該旗
著追完款乃劉杰並不歸旗經該旗疊催七
次於本年五月始據該撫咨稱劉杰因患病
甫愈於三月起程回旗計該撫初次咨報迄
今又逾數年之久而前後所報劉杰應賠款
項及起程日期又復不符劉杰在開化府任
內既有應賠鹽銅款項移咨該旗後即應催
令劉杰作速歸旗完繳何以該旗疊催七次
該督等任其在外擱延六年之久尚未回旗
以致久懸帑項且劉杰久經勒休其接任之
員又係如何交代明係該督等有意庇護藉
詞逗留而所報應賠款項及起程日期何以
又復前後不符著傳諭富綱譚尚忠詳晰查
明據實明白回奏俟奏到時再降諭旨其劉

杰著該督等即派員同伊子劉門囊劉燈等
解送來京交部治罪劉杰已經起程尚在中
途逗留即著沿途各督撫查拏委員解京
是日駐蹕阿貴圖大營 壬戌
上行圍○是日駐蹕海拉蘇台大營○癸亥遣
官祭賢良祠○
上行圍○諭據伍拉納等奏清查各屬倉庫錢
糧一摺內稱閩省共缺額穀六十四萬九千
六百餘石雜項銀三十六萬三千二百餘兩
詳加察訪倉穀一項緣歷來採買不無日久
懸宕嗣因臺匪滋事碾運兵米間有越例多
給其雜項銀兩因公動缺事所難免兼之五
十一二等年辦理軍需不無通融墊給所有
不准造銷之項皆應於承辦各員名下著追
歸款懇請各歸各任於三年內全數完繳如
逾限無完及無可著追者在該管道府名下
分賠等語所辦非是殊欠公允前此臺匪滋
事所有軍需款項經特旨撥解數百萬帑金

發給應用其口糧兵米亦由四川江浙等省運往支放即有例外多支一時通融墊發事後不准造銷亦係在撥解銀米內虧短數目與該省倉庫實貯之款原無干涉今該督撫等清查各屬錢糧惟以墊辦軍需為辭明係藉端影射況各屬虧短銀數不下數十萬該管道府職分較小廉俸無多若所屬各州縣應賠無著之項悉令道府賠繳帑項仍屬虛懸所有閩省查明虧短銀數即照該督等所請統限三年著落全數完繳其有拖欠未完及抵變不敷並道府不能完繳者均著閩省歷任督撫藩司於限內分賠完繳如再逾限不能清款惟該督撫藩司是問必將伊等從重治罪不稍寬貸也○是日駐蹕呼魯蘇台大營○甲子
上行圍皇孫綿寧年十歲中鹿賜黃褂雙眼花翎
御製威遜格爾行圍誌事詩曰

堯年避暑奉
慈寧樺室安居聰敬聽老我策驄尚武服幼孫中鹿賜花翎是宜誌事成七律所喜爭先早二齡
家法永遵綿奕葉承
天恩貺慎儀刑○駐藏辦事大臣保泰雅滿泰奏據喇嘛噶布倫稟稱六月二十四日行至聶拉木給信與廓爾喀商議舊時未完債項七月初六日廓爾喀頭人帶領七十餘人至聶拉木次早廓爾喀頭人等領兵千餘向聶拉木進發我等見來人甚眾一時不能禁止將彼處橋梁拆毀廓爾喀疑斷其歸路混放鳥鎗致相爭鬪廓爾喀即占據聶拉木將噶布倫戴綑等俱圍在彼處臣等隨遣都司嚴廷良迅赴聶拉木查問起釁緣由並委戴綑敏珠爾多爾濟帶領唐古忒兵丁飛往救應臣保泰調達木兵五百名酌帶綠營兵丁至扎什倫布安撫人眾諭軍機大臣等據保泰

等奏廓爾喀將噶布倫戴綱誘去圍在聶拉木。膽敢占據地方。保泰現往後藏酌辦。並據成德亦願前往。廓爾喀係歸降外夷。何遽敢肆行滋擾。從前鄂輝成德已忠辦理藏務時。若將債欠查明清還。自可久遠寧謐。乃含糊辦理。交噶布倫私自還給。唐古忒性本瑣屑。復不照原議給發。致有此事。若差去之噶布倫能知事體輕重。與廓爾喀理論限期還給。則廓爾喀亦不敢占據滋事。祇因丹津班珠

爾見廓爾喀人衆。心存懦怯。退回拆橋。廓爾喀見橋已拆毀。懷疑生變。其情形可想而知。保泰聞信。即赴後藏。如已查明辦竣。固屬甚好。倘若暫且不能完事。鄂輝距彼甚近。自可不時聞信。成德人稍粗率。未經歷練。應令鄂輝前往為妥。亦不必多帶兵丁。不過於伊所管綠營內揀選五十人帶去。已足敷用。鄂輝係總督大員。領兵前往。廓爾喀自必聞風膽落。西藏現有達木蒙古兵丁。若再有需用之

處內地相去寫遠。可於土練番兵內就近調取千餘名。不獨順便。且較為得力。著鄂輝探聽西藏信息。相機妥辦。再保泰奏廓爾喀倘肆掠進攻。即將班禪額爾德尼移於前藏所奏亦屬太過。班禪額爾德尼在扎什倫布衆心安帖。倘一動移。後藏人衆必致紛紛擾亂。不成事體。況廓爾喀既能侵後藏。亦必能侵前藏。彼時又將移達賴喇嘛。班禪額爾德尼於何地。保泰只可靜守。斷不可輕移妄動。致

惑衆心。如實有變。萬不得已。不得不移。則又不必拘泥此旨。再廓爾喀前經悔罪歸順。封錫王公。膺受恩典。唐古忒縱有欠項。負約亦當訴知駐藏大臣。懇求剖斷。自能代伊查辦。並將失信之噶布倫加以責處。乃並不呈明駐藏大臣。竟擅自圍住聶拉木。大肆猖狂。著鄂輝保泰多寫示帖。嚴行曉諭。以前歲爾等與藏內失和。任意侵掠。天朝曾發兵進討。因爾等悔懼歸誠。賞其既往。封爵優隆。今爾等

不知感恩。又復滋擾。大兵即時雲集。爾等自問能抗拒乎。縱再傾心降順。泥首顙求。亦恐難邀寬免矣。如此詞嚴義正。明切曉示。並將帶去兵丁。揚威奮武。使之聞而警服。保泰馳抵後藏。即將廓爾喀情形如何之處。速由六百里具奏。候朕再降諭旨。○又諭曰。廓爾喀人等膽敢圍困丹津班珠爾等。侵犯聶拉木一事。一則因當日鄂輝成德已忠辦理不妥。苟且了事。以致今日復生事端。彼時據鄂輝等奏。但稱一切事務。俱已妥為安置。欠項俱已還清。廓爾喀遣使進京瞻覲。其欠項如何擬定歸還。以及兩造立結之處。並未具奏。顯係鄂輝成德已忠等急欲了事。苟且完結。此即鄂輝等之罪。二則保泰等抵藏理合查明一面。將鄂輝等參奏。一面妥辦具奏。何得佯若罔聞。比及有事。始奏稱詢問達賴喇嘛。方知此事。此乃保泰等之大誤。況達賴喇嘛之所以遣丹津班珠爾特為債目。所謂查邊操

兵皆屬假託。彼時保泰何得並不窮詰。使丹津班珠爾等曉事。亦當在附近地方留心查看。至廓爾喀人等所云還完一限再還一限。其餘即不追索之言。亦不過詎哄丹津班珠爾等前往。其意以為一經圍困之後。即可為質索項。乃丹津班珠爾等並不審察輕重。但圖目前之利。逕行往見。入其術中。而又懦弱過甚。拆毀橋梁。致廓爾喀人等疑為斷其歸路。皆由保泰等未曾詳察。一任達賴喇嘛遣

丹津班珠爾前往之所致也。保泰等如能辦結此事。甚妥。萬一不能。鄂輝到彼。惟宜會同保泰等留心熟籌。務期作速辦結。鄂輝保泰雅滿泰均受朕重恩。稍為曉事。務期於事有益。示外夷以大方體統。廓爾喀均係內附天朝之臣僕。鄂輝保泰雅滿泰宜遣妥幹人員見伊等。宣諭云。此次爾等圍困達賴喇嘛所差之人。侵犯聶拉木。不過為索取債目。令我等已代爾等向唐古忒等追出。意欲歸還。汝

等。但汝等係歸順之臣僕。遇有事故。理宜聲明情節。稟報大臣等。求其剖斷。既可如數得銀。而此後兩造貿易之事。我大臣等亦好代汝等辦理。彼此斷不至於拖欠。爾等亦得永沐大皇帝恩施。乃計不出此。擅敢圍困丹津班珠爾。侵犯聶拉木。令我等將欠項追出。還給汝等。汝等恭順祇領。唯命是從。倘執迷不返。我等即奏聞大皇帝。立即發兵勦滅。汝等宜審度利害。如此遣人往諭。倘唐古忒等之力。不能清還。即動官項代還。再勒限向噶布倫等追出歸款。但此意斷不可使廓爾喀人等得知。要之兵固不可輕動。然遇必需用兵之事。亦不可吝惜錢糧。因小以失大。即如康熙年間為西藏之事。兩次發兵前往。鄂輝等惟宜相機辦理。不得固執。亦不可張皇失措。鄂輝保泰。此次若能辦妥。勉贖前愆。朕仍嘉予。但丹津班珠爾係班第達之子。班第達係西藏名門。世胄。藏內之人未免有畏懼。逡巡

之意。班第達係最要之人。其子為廓爾喀所困。暫不能出。難保其不胡思妄作。鄂輝保泰雅滿泰等。宜潛行留心。不露形跡。至唐古忒所欠廓爾喀債目。究係拖欠幾限。未還之處。鄂輝到彼查明。順便奏聞。又諭本日據保泰等奏。廓爾喀現因貿易之事。復搶占後藏。聶拉木地方。已降清字諭。旨指示保泰等遵照。妥辦。如保泰未能即時辦理完結。尚須令鄂輝前往督辦。前據鄂輝奏請。朕見朕本欲

於鄂輝來京時。令孫士毅前往川省。署理總督印務。今後藏。聶拉木地方。既有廓爾喀搶占之事。鄂輝尚須在彼聽候信息。豫備前往。孫士毅現在留京。並無應辦要務。且曾任四川總督。該省一切地方事宜。本係熟手。著傳諭孫士毅接奉此旨。不必前來行在請訓。即輕裝減從。馳驛前往四川。署理總督印務。到川省後。如保泰已將廓爾喀之事。辦理完結。無須鄂輝前往。即著鄂輝來京。陛見。候其陞

見回任。孫士毅再將督篆交卸。倘鄂輝應往後藏督辦。孫士毅亦應俟鄂輝辦理。鄂爾喀事務完竣。來京陛見。回任後再行交卸。督篆回京供職。孫士毅此時馳驛出京。祇以鄂輝陛見。令往署理。督篆為辭。不必將鄂爾喀之事。稍為宣露也。將此諭令知之。○是日駐蹕納爾蘇台達巴漢西大營。翼日如之。○乙丑。世宗憲皇帝忌辰。遣官祭。

泰陵。○諭軍機大臣等。昨據兵部奏。新授浙江定海鎮總兵德昌。查福康安咨部。副將等第內。係列為三等之員。其定海鎮總兵員缺。應否另行簡放。請旨定奪等語。所奏甚是。德昌前以副將引見。朕不過看其人才尚可。且有勞績。記以去得。是以簡用。今在副將任內。既據福康安以該員稍欠歷練。尚須學習。列為三等。自難遽膺總兵之任。阿桂等於朕簡放後。即查明具奏。尚屬細心。朕甚嘉之。如此方是。昨本報遞到時。奏事太監將此摺竟未單

行呈覽。夾入吏兵兩部月摺。一併遞換。隨事發下。經軍機大臣看出。擬寫空名諭旨。進呈。朕方命取兵部原摺送看。竟係奏事太監遺漏呈覽。已各責三十板。示懲矣。至兵部具奏此摺。係屬何人主意。想他人未必能見及此。自係阿桂看出。查明辦理。著傳諭阿桂。將此事是否。係阿桂一人主見。抑係各堂官中何人看出。商同具奏之處。據實覆奏。以上此旨。著與大學士九卿看。再昨據保泰等奏。廓爾

喀又有因私債未清。搶占聶拉木之事。已降清字諭旨。詳晰指示。令保泰等遵照妥辦。並著將所降諭旨。鈔寄阿桂閱看。其意以為何如。一併據實覆奏。再孫士毅已命往四川署理督篆。所有留京辦事。尚須添一人輪流值宿。著阿桂詢問嵇璜。如伊精力尚可行走。即派嵇璜。倘稍覺衰頹。不必勉強。即派常青留京辦事。將此傳諭知之。○丙寅。

上行圍。○旌表守正捐軀安徽亳州民孫國贊。

女孫氏靈璧縣民袁大樂妻皮氏○是日駐蹕都穆達烏拉岱大營○丁卯

上行圍○諭曰喀沙和卓家原有兩公爵因承襲無人僅將喀沙和卓襲封輔國公數年以來喀沙和卓於一切差使甚屬盡力勤勉著施恩將喀沙和卓所襲輔國公晉封為鎮國公○諭軍機大臣等廓爾喀侵擾後藏朕已降旨令鄂輝往辦鄂輝受朕深恩簡用總督廓爾喀之事又係鄂輝初時辦理不善以致

滋事何尚觀望不前著嚴行申飭至此事朕前交鄂輝成德巴忠會同辦理此次保泰奏到朕披覽之後將摺令巴忠閱看尚未加以責斥次日巴忠在軍機大臣前自稱此事辦理不善懇祈趕赴藏地効力贖罪經軍機大臣等代奏朕因已遣鄂輝往辦未令前往不意巴忠即於是夜潛出投河淹斃殊堪駭異因思從前商辦此事時巴忠必自倚恃御前侍衛隨從有年又為欽差大員凡有事件俱

係自專今復滋生事端恐鄂輝成德據實陳奏心懷疑畏是以短見自戕伊既如此鄂輝等聞知未必不致狐疑慌亂倘因此貽誤公事伊等不能當其咎也著傳諭鄂輝等令其安心奮勉馳赴藏地如將此事妥辦完竣朕必加恩寬宥以功抵罪倘仍苟且了事不為久遠之計鄂輝更何顏見朕耶至保泰現已自前藏往扎什倫布所有事務即著保泰相機辦理不必等候鄂輝廓爾喀雖係絕域但

其人不無詭計保泰於臨近時務須留心防範不可輕視萬一為其所欺於國體大有關係保泰惟當慎之又慎○是日駐蹕巴顏布爾噶蘇台大營○戊辰夕

月於西郊遣裕郡王亮煥行禮○諭軍機大臣等據陳用敷奏阮光平奉到端陽節恩賞並諭旨一道硃批金簡原摺一件具表謝恩將表文進呈朕閱該國王表內情詞懇切感戴惻忱出於至誠流露甚為嘉悅又據該國王

表內稱前經奉旨查尋黎維祁弟妹眷屬起送北上而伊等內懷疑阻尚無消息今奉廷寄遵旨諭知黎維祁妄聽教唆不安本分其眷屬毋庸查訪等語從前黎維祁到京後賞給俸祿錢糧建蓋房屋伊尚知感激朕恩情願在京居住是以降旨令阮光平為之查訪弟妹眷屬送京使其一家團聚乃黎維祁聽信黃益曉等唆使滋事經金簡等詳加曉諭伊仍屢次潰稟訓飭不悛是以諭知阮光平

毋庸將伊眷屬尋訪此皆黎維祁愚情無知福分淺薄不能承受朕恩其咎實由自取著將阮光平表文並硃批金簡原摺一併發交金簡令傳黎維祁閱看並著傳旨曉諭黎維祁如伊自知改悔循分安居尚可承受恩眷仰荷生成倘再復萌妄念不知安靜守法必當重治其罪不能再邀矜宥也○是日駐蹕舒庫爾昂阿大營○已已

上行圖○諭曰書麟等奏現在節逾白露河湖

水勢旋長旋消各工平穩等語本年夏間河湖水勢加長清口以下清黃並注甚為湍急經書麟等督率在工員弁保護平穩埽壩各工鑲修鞏固現在已逾白露嗣後水勢有消無長可慶安瀾書麟蘭第錫俱著交部議敘所有在工人員亦著一併查明咨部議敘以示獎勵○又諭據勒保奏喀什噶爾班滿換回都司阿那布現經推陞四川潼綿營遊擊詳加考驗弓馬俱屬平常難勝遊擊之任該

員係於五十二年換防出口經喀什噶爾辦事大臣明亮出考豫保令考驗弓馬平常應令仍回都司本任所有豫保之案請飭部註銷其四川潼綿營遊擊開缺另補等語所奏甚屬可嘉已於摺內批示各省督撫凡遇保舉人員一經陞用即明知才具不能勝任往往意存迴護見好不肯據實陳奏令勒保於推陞遊擊阿那布驗看弓馬平常即奏明請將豫保之案飭部註銷開缺另補並不因該

員曾經明亮出考豫保稍有瞻徇深得覈實辦公之道各省督撫俱應似此實心任事營伍官方庶可日就整飭勒保等著交部議敘其阿那布仍回都司本任及註銷豫保之處俱著照該督所請行○諭軍機大臣等本年十一月條福康安之母七十生辰上年曾諭令福康安屆期來京茲距十一月之期尚寬但粵省現無要務福康安若豫行來京更得從容就道著傳諭福康安接奉此旨即行起

程將總督印務交與郭世勲署理並諭郭世勲知之○山西巡撫馮光熊奏河東鹽務商力積疲換商增價實屬無濟查河東鹽價前已每觔加增四釐正課雜項歲納銀兩加價之數已浮於額今若再加一二釐積成八十餘萬兩數載之後商力又疲有加無已迄無底止若課歸地丁聽其自為販運既無官課雜費又無兵役盤詰關津阻留更為便益至歸課之法查山西省領引行鹽共四十四州

縣有引多而地丁少者有引少而地丁多者更有向食土鹽蒙古鹽僅領河東引張交納稅銀之陽曲等四十四州縣及陝西鳳翔一府長武一縣本屬參差不齊且以河南陝西山西三省比較河南引多而地丁少陝西山西地丁多而引少或將三省應納正課雜項共四十八萬餘兩在三省引鹽完課納稅之一百七十二廳州縣地丁項下通計均攤再池稅一項聽令各原畦主照舊澆曬發販仍

官為彈壓稽查以杜偷竊爭攘得旨大學士九卿議奏尋議均應如所請行惟河南引多地方較現擬地丁每兩均攤九分有餘之數應由該省酌量增攤在河南所加無多而山西陝西行鹽州縣不致著重請交該撫等會同籌酌定擬具奏至河南陝西二省民運池鹽路程較遠其作何辦理較為妥協之處一併行令陝西河南巡撫詳晰查明咨覆晉省統入善後事宜案內覈辦從之○豁除直隸

豐寧縣猪首營水衝荒地一項額賦有差
封閉盛京松嶺子邊門界內沙鍋屯煤窰從
將軍嵩椿請也○是日駐蹕安已究和羅昂
阿大營○庚午

上行圍○諭軍機大臣曰勒保奏緝獲番賊究
出青海扎薩克屬下蒙古勾通番子搶劫緣
由及遵辦歸併管理二摺已於摺內批示矣
青海等處番子相隔遙遠本不便交地方官
管理乃向來俱由西寧辦事大臣報明內地

為之緝拏輾轉稽延殊屬鞭長莫及自應遵
照諭旨歸併西寧辦事大臣就近管理遇有
搶掠事件即行上緊緝拏呼應較靈自為捷
便至此案蒙古合拉納杭等膽敢勾通番賊
搶竊其主以致其主傷斃是即與自戕其主
無異情罪甚為重大所有拏獲各犯俱應不
分首從即於該處正法以示懲創其案內未
獲番賊據勒保奏若調派官兵入山搜捕恐
沿途番子聞信驚疑轉致激成事端所見亦

是惟當督飭地方文武選派熟番協同兵役
設法緝拏務期弋獲嚴行懲辦毋得稍有疎
縱至隣近蒙古邊界番子應如何歸併管理
著勒保奎舒悉心妥議具奏伊兩人共辦一
事自應和衷商榷以期輯寧邊境即二人中
過調其接任之人亦當彼此同心共濟務期
公事有益方得協恭之道也將此諭令知之
○又諭刑部進呈雲南秋審黃冊內該撫原
定緩決刑部改入情實者共有三起一起絞

犯可儒因王發玉向王老溫爭鬧上前解勸
被王發玉戳傷該犯即奪刀砍傷王發玉身
死其同案之張琇砍斃王老溫已入情實可
儒雖非同場共毆究係各斃一命一起絞犯
白七五因與楊李氏之妹李保姐有姦令其
唱歌不理輒用掌毆經李氏持棍向毆該犯
奪棍戳傷李氏殞命衅起因姦逞忿毆斃婦
女一起絞犯鄭起鶴因與楊連賭博經楊連
之嫂萬氏前往詈罵互相爭毆該犯連毆萬

氏斃命賭匪逞兇毆斃理斥之婦以上三起閱其情節均無可緩之理刑部改入情實俱屬允當秋獻大典理宜悉心斟酌覈實辦理乃譚尚忠率行擬緩殊屬寬縱譚尚忠著傳旨申飭○軍機大臣議奏據山東巡撫惠齡將初限十五處城工造具估冊送部經德成奏稱其中做法有未盡妥善必須調劑數款一據稱泗水等十四處城垣請一體添砌海墘磚塊加砌宇牆水口等語查泗水十四處城工俱係照舊辦理並非另行建造其城垣既經築打灰土二步如果一律堅實自可毋庸海墘亦無須加築宇牆惟水口一項係出水之路應令該撫查明添砌務須用磚堅築出口寬大俾得暢流下注方為妥善一據稱券洞海墘必須石塊鋪砌請仍照原估補填石塊等語查券洞內添砌石塊貼地鋪墁原為地當孔道而設其有地非衝途舊制原築灰土者自可毋庸更改惟據該撫奏現有石

塊尚可選用可以酌減辦理等語應令惠齡查明何處券洞原係砌有石塊仍行選擇添補鋪墁更昭慎重一據稱修理城工以磚石為最請將泗水嘉祥二縣裏皮灰土改用碎石又請將莒州等三處裏皮灰土陽穀等七處裏外皮灰土即照江南河南之例均改素土惟查初限將竣未便更張俟二三兩限再行增改等語查築砌城垣磚石最為鞏固但如本地所產石料有限取材碎小石性又不堅凝則以石傳土又不若以土傳土較為連屬穩固今泗水嘉祥及莒州等城身裏外皮所包灰土如果攪和得法打築堅實其中心素土一手做成土性膠粘自可連合為一較之於素土上貼砌碎石及純用素土者轉覺包築渾成可資經久從之○是日駐蹕烏蘭哈達大營○辛未上行圍○以巡捕營副將馬瑞為浙江定海鎮總兵○是日駐蹕伊遜河東大營○壬申

上行圍○諭軍機大臣等刑部進呈四川省秋審黃冊由緩決改入情實者共有五起內惟文思鏡一犯因伊父與陳黃氏通姦致其母自縊殞命該犯將陳黃氏砍斃究係痛母情切激於義忿與逞兇謀命者有間勾到時尚可免其勾決其餘四起一條呂池陽因伊兄呂經陽與張壁建爭毆被張壁建用刀戳傷該犯見兄受虧拾石擲傷張壁建殞命其同案之陳文富戳斃呂紹陽已入情實呂池陽

雖情切護兄傷由擲中究係共毆各斃一命一條楊添順因索范年見伊為雇主黃登幅牧牛欲牽牛抵欠黃登幅求其寬緩索范年不允用刀向戳楊添順將刀奪獲被索范年嚷罵蹬踢該犯用刀格傷殞命逞兇刃殺傷重近故一條張爵樹因令兄妻馬氏赴田收割不允斥其懶惰即被詈罵該犯回罵被毆用刀格傷馬氏殞命細故逞忿刃砍兄妻立斃一起向珩忠因見年甫十四之何其榮挖

放堰水戲言被罵互相爭毆向珩忠連毆何其榮越三日殞命疊毆傷多致斃幼孩以上四起覈其情節均無可緩之理刑部改入情實俱屬允當鄂輝身任總督辦理秋獻大典並未留心確覈臬司聞嘉言於秋審案件尤其專責乃竟率行擬緩殊屬寬縱鄂輝聞嘉言俱著傳旨申飭○是日駐蹕六道河大營○是月兩江總督書麟江蘇巡撫覺羅長麟奏稱沐陽縣一隅被水禾秫已經收穫鋤口

有資無須官為撫卹被淹雜糧亦屬無多不致成災惟塌倒房屋力難驟辦請將坍房一千四百餘間照例給與修費其各家搶獲糧米僅敷一冬食用若仍徵納錢糧未免稍形拮据查該縣本年係恩詔普免案內輪蠲之年並無應納新糧惟尚有長麟前奏節年積欠分年帶徵案內應徵四十九五十等年積欠銀一萬一千九百兩有奇米麥三千四百石有奇請將該縣被水之劉家集等二十二

鎮本年應完積欠展至來年秋後徵納其來
年應徵之積欠並請展至五十八年秋後徵
納如此遞展則民力寬紓而積欠錢糧亦無
拖壓之累再海州境內西南鄉與沐陽毗連
其低窪地畝間有積水被淹情形請將海州
被水村莊應徵積欠遞展一年得旨允行○
四川總督鄧輝提督觀成奏准保泰咨稱據
脅噶爾第巴頭人等稟稱廓爾喀將定日各
寨落燒燬懇速添兵等語並據派往濟龍之
漢兵胡廷海等稟稱廓爾喀占據濟龍現經
保泰派調唐古忒達木番兵二千名在各隘
口防守等因伏思廓爾喀甫經歸順仍敢與
唐古忒人等肆擾不過貪圖財利又因唐古
忒性懦可欺遂思脅制其情形大約由此但
據保泰派調唐古忒達木番兵二千名在各
要隘防守諒該番等決不敢再行深入至威
德起程時曾與商定此番到彼只須差遣妥當
將備向廓爾喀示以恩威將該處頭人番目

喚出妥為駕馭自可令其懾服今成德聞信
馳往到彼自能相機妥辦其所帶漢屯兵弁
三百數十餘名均精壯曉事足資差遣復細
加商酌若此時稍露聲色未免迹涉張皇總
俟成德等出口後一路探得情形知會到日
應如何酌籌策應再行妥辦得旨自為之計
則得矣而實不出畏事脫身之見不料汝如
此

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百八十五

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百八十六

監修總裁官禮部議官太子太傅文淵閣大學士文淵閣領侍衛內大臣稽察欽奉
上諭事件處管理
吏部理藩院事務正黃旗滿洲都統世襲騎都尉軍功加七級隨帶一等子加二級軍功紀錄一次
吏部理藩院事務正黃旗滿洲都統世襲騎都尉軍功加七級隨帶一等子加二級軍功紀錄一次
稽察欽奉上諭事件處管理吏部理藩院事務正黃旗滿洲都統世襲騎都尉軍功加七級隨帶一等子加二級軍功紀錄一次

世襲騎都尉軍功加十九級隨帶加二級又加二級軍功紀錄內大臣戶部尚書總辦滿洲都統軍功紀錄五次
尋常紀錄十四次
監修總裁官太子少保工部尚書紀錄六次
尋常紀錄尋常

敘修

乾隆五十六年辛亥九月癸酉朔

上賜蒙古王貝勒貝子公額駙台吉等食戶
部議奏在京八旗承襲世職年未及歲者准
其支食半俸嗣後厄魯特年未及歲世襲人
員請照在京八旗例減等給與半俸從之○
是日駐蹕張三營行宮○甲戌諭御前額駙
甚少鄂勒哲特穆爾額爾克巴拜丹巴多爾
濟二人獲罪雖重朕仍憐憫色布騰巴勒珠
爾扎拉豐阿將鄂勒哲特穆爾額爾克巴拜
丹巴多爾濟放出俱施恩賞給公銜令在乾

清門効力贖罪鄂勒哲特穆爾額爾克巴拜
丹巴多爾濟務須感激朕恩倍加奮勉倘不
知罪怙惡不改復生事端朕必從重加倍治
罪決不輕貸○諭軍機大臣等向來福建民

風好關往往以小嫌逞忿致成械鬪之案最
為惡習節經嚴加懲創本日閱廣東招冊該
省亦頗有械鬪案件尚較閩省為多此風斷
不可長不可不防微杜漸以儆兇悍而靖地
方又廣東審辦命案內往往有將旁人謀害

以圖傾陷訛詐者其風尤為兇頑可惡在愚
民無知止圖洩忿詐財以為得計不知一經
官為審訊即時敗露或為被詐之人拏獲訴
理所謀者未中於法而先自罹於抵命是欲
害人而轉以自害尤須明白曉示嚴行禁止
庶足以保全民命安輯閭閻著傳諭福康安
郭世勳嚴飭地方文武各員將械鬪謀命之
案不時留心稽察實力化導庶此風漸戢免
罹法網以副諄諄教誡至意○又諭曰勒保

覆奏劉照魁上年領票出口。肅州知州涂躍龍輒據店戶保結混行給票。現將涂躍龍革職解送刑部。並自請交部嚴加議處一摺。已交該部矣。此案劉照魁前經軍機大臣審訊。業據該犯供明。係假認王子重親戚。央該處店戶在肅州起票。今勒保查詢該州涂躍龍又稱上年六月有高登科劉照魁等共四人前往安西傭工。經店戶王謙益具保給票。與劉照魁所供不符。自係涂躍龍恐縱令邪教案犯親戚出口。其咎更重。而朦混請票。不過失察。是以避重就輕。藉辭推卸。現在涂躍龍業已解京。自可與劉照魁質訊。其一同起票之高登科已據勒保查拏。該犯到案後。更無難究訊得實。勒保不可因屬員搪塞之辭。稍存顛預了事之見也。將此諭令知之。○是日駐蹕波羅河屯行宮。○乙亥。諭曰奎林等奏拏獲洋盜審明正法一摺。內稱盜犯蔡允等駕船行劫。遭風漂至淡水廳竹塹港外洋面。

經淡水同知袁東義竹塹守備林登雲派撥兵役往查。即將盜犯蔡允等十二名拏獲。現查明出力兵役。按名獎賞等語。淡水洋面有盜船漂至。該同知守備一聞口汎稟報。即撥兵役出港查拏。當獲首夥盜犯十二名。尚屬留心緝捕。除出力兵役等業經奎林等獎賞外。袁東義林登雲均著交部議叙。以示獎勵。○諭軍機大臣等。現在刑部進呈福建省秋審情實人犯黃冊各案內。如林三元曹慶藍漢廖的石講陳贊陳湧林紅記洪月等九犯。係天地會聽糾入夥匪黨。曾雅丁遂黃治三犯。係械鬪案內聽糾助毆傷人之犯。王水林旋璣吳真三犯。係在臺灣犯事。問擬死罪。此等人犯均屬法無可赦。勾到時自應即予勾決。但福建省勾到之期尚早。若俟刑部行文辦理。有需時日。該犯多人。羈禁囹圄。自知罪在不赦。或致別生事端。殊覺不成事體。著傳諭伍拉納等接奉此旨。即將林三元曹慶藍

漢慶的右講陳贊陳鴻林紅記洪月曾雅丁
遂黃治王水林旋璣吳真十五犯提出先行
處決○調戶部左侍郎諾穆親為理藩院侍
郎兵部左侍郎覺羅吉慶為戶部左侍郎○
是日駐蹕中關行宮○丙子諭軍機大臣等
刑部進呈陝西省秋審情實黃冊內蒙古旺
楚克毆傷瑪寨身死一案叙述該員外郎原
報有管理蒙民字樣率意減省轉至不成文
理從前各省章奏於滿洲蒙古等字有摘用
滿蒙及蒙民二字者屢經降旨飭諭今駐劄
寧夏員外郎係管理蒙古民人交涉事務乃
刑部執將蒙民字樣叙入冊內并不留心檢
點殊屬疎忽刑部堂官著傳旨申飭除將黃
冊改正外並將此諭令知之○以戶部右侍
郎正黃旗漢軍副都統慶成兼正黃旗護軍
統領○是日駐蹕避暑山莊至乙酉皆如之
○丁丑諭朕披閱刑部進呈甘肅省秋審人
犯黃冊內絞犯林中萃逼斃李仲娃子等二

名一案閱其情節李仲娃子李進玉兒之父
李鴻在日曾與林中萃故父房屋居住並託
林中萃代為完納房地糧錢李鴻故後伊妻
韋氏因李仲娃子弟兄年幼央林中萃管束
并照看家務迨李仲娃子年長自理家務韋
氏邀林中萃到家查檢帳目林中萃執將典
房原契竊取燒燬冀圖白索原業免還典價
後韋氏身故林中萃欺李仲娃子等懦弱欲
行索房先借地糧名色向李仲娃子豫支十
年糧錢肆行辱罵嗣復逼騰房屋李仲娃子
以係典業與之分辯林中萃即向李仲娃子
索取憑據并以若無契紙即行逐出之言恐
嚇李仲娃子弟兄查檢房契無獲慮被再鬧
俱即投繯殞命此案林中萃與李鴻素相交
好是以李鴻故後伊妻韋氏即託其管束幼
子照看家務林中萃受其付託自應憫憐孤
寡顧念交情為之盡心經理於情義庶為允
協乃竟心存吞霸見李仲娃子年長自管家

務輒乘查檢帳目之時竊回典契燒燬滅蹟
迨韋氏病故後欺伊子懦弱借端向索糧錢
逼騰房屋李仲娃子與之分辯林中華明知
契已竊回轉向詐索憑據逐令出房以致李
仲娃子李進玉兒情迫勢窘均即自縊是林
中華倚仗曾經代理家務有意欺凌挾制窘
辱慘斃二命絕人子嗣種種校詐兇殘無復
人理該督審明定擬時即應將林中華請旨
即行正法乃僅問擬絞候歸入情實致使該
犯得以稽誅年餘辦理殊屬輕縱勒保著嚴
行申飭并著接奉此旨後將林中華即行正
法至林中華霸產欺孤情理滅絕伊名下所
有產業自不便令其子孫坐享李仲娃子年
已十九曾否娶妻生子著該督查明如李仲
娃子已有子嗣不但李鴻產業應歸管理即
林中華所有產業亦著給予李仲娃子之子
一併管業若李仲娃子並無子嗣亦應查明
李鴻之近支親屬將李鴻及林中華產業一

併分給承管以為欺孤絕嗣者戒至林中華
逼斃一家二命絕人子嗣僅將該犯抵法不
足蔽辜並令該督查明林中華子嗣內再將
一人擬絞監候入於情實俟明年勾到時再
行酌量降旨○又諭曰富綱等奏順寧府因
牛寨民周士賢被保黑夷人波林等搜劫經
緬寧汛外委楊美枝帶同兵丁王亮素廷受
追捕該犯拒捕楊美枝王亮素廷受傷受傷
身故請照例卹賞等語外委楊美枝兵丁王
亮素廷受巡查塘卡追捕賊匪受傷身死俱
著照陣亡例分別卹賞該部知道○諭軍機
大臣曰勒保等奏青海蒙古勾通番子搶殺
審明正法及會議循化責德兩屬番子歸併
西寧辦事大臣管理二摺所辦尚好已於摺
內批示並降清字諭旨令奎舒將納罕達爾
濟嚴行飭諭矣此案和拉納罕等勾通搶刦
緣由扎什一經到案即行供吐實情將首從
多人供出得以按名緝獲及審訊和拉納罕

各犯時均各校展不認復經扎什當堂指證無從抵賴始各供認不諱是案內首夥各犯若非扎什供指明確幾致兇徒漏網該犯聽從和拉納罕同行為從雖有應得之罪但念其到案供明指證各犯尚屬畏法所有該督問擬扎什斬候之處著加恩寬免現在案內未獲番賊尚多若須扎什質對仍著暫留備質將來無須質證之時即將扎什釋回俾番衆等咸知感勵遇有此等案件不肯互相容隱庶正犯得以速獲不致稽誅漏網其案內逸犯蒙古番子等據扎什供出尚有二十餘人並著勒保等嚴飭該管各官及納罕達爾濟一體嚴拏務獲從重治罪至青海等番子相隔遙遠本不便交地方官管理向來由西寧報明內地輾轉緝拏實有鞭長莫及之勢今勒保等遵旨議令歸併西寧辦事大臣就近管理遇有搶掠案件查緝要犯呼應較靈辦理自為便捷除將所議章程交軍機大臣

議奏外將此諭令知之○又諭據勒保等奏郡王納罕達爾濟旗下蒙古和拉納罕勾通番子等偷竊扎薩克沙喇布提理旗下蒙古羊隻沙喇布提理追趕被鎗身死一案業經審明將賊犯等正法具奏一摺除另降漢字諭旨外大凡蒙古等皆善於騎射烏鎗時常獵獸青海蒙古賦性庸懦無能平時番子等聚衆來擄牲畜常不能抵禦今郡王納罕達爾濟旗下蒙古和拉納罕以番子扎什養為己子又商同索諾木旺客勾引番子等偷竊扎薩克沙喇布提理旗下牲畜戕害扎薩克更屬可惡納罕達爾濟平日不能嚴束其下致有下人勾通蒙古番子偷竊之案又復怯懦不能即時派兵追勒轉袒護和拉納罕不將賊情稟告奎舒甚屬糊塗無能奎舒將其章京等帶赴蘭州眼同將伊等勾通偷竊之處審明尚屬妥協理應將納罕達爾濟交該院嚴加議處著寄信奎舒傳諭納罕達爾濟

曰爾青海蒙古賦性懦弱以致不時被番子偷竊今爾蒙古和拉納罕勾通番子偷竊爾既不覺察於事前又復袒護於事後且云和拉納罕等並非賊犯尤屬糊塗不堪今眼同審出實情寧不知愧此次姑將爾叅奏議處如再有此等事件不但官不為代辦並將爾從重治罪如此嚴切申飭明白開導再青海蒙古及毗連番子等理應各守邊界斷不可越境雜處著奎舒傳諭納罕達爾濟嗣後嚴飭所屬各於境內游牧不得容留鄰境番族潛匿將現在容留番衆查明逐出如納罕達爾濟不以為事復有此等案件必重治其罪奎舒若因已飭交納罕達爾濟即不嚴查復致蒙古番子雜處亦必一併將伊治罪又諭廓爾喀人等肆行滋擾侵占地方將噶布倫等圍困執去但唐古忒人等賦性懦弱見敵則走遣發大兵又不能遇賊痛勦而我兵一撤廓爾喀又復乘間前來今據軍機大臣

等奏稱廓爾喀與西藏接壤從前伍彌泰薩喇善駐彼辦事之時即有因私事起釁搶掠地方及圍困使人之事旋復和好仍舊通商無關緊要駐藏大臣但付之不聞即前年廓爾喀搶掠唐古忒宗喀濟龍地方之事慶麟張皇失措不計事之輕重冒昧具奏以致大費氣力始得完事若照前令其私下完結何至如彼等語極邊小夷彼此剽掠乃其常情軍機大臣等皆知其土俗乃保泰等在彼反不知乎國家帑項豐盈士卒衆多發兵前往為一勞永逸之計誠無所惜但廓爾喀因利相爭遣兵前往伊等不敢抗拒望影奔潰勢必稽顙請降若允其請而班師唐古忒人等又不能守約善鄰每因小利而激變又復呈請代為辦理似此牽纏殊屬不成事體此次之事即其明證觀保泰等此次所奏顯係憶及前歲慶麟曾經具奏始效尤而為之保泰鄂輝在藏亦屬多年該處實在情形自必稔

知著傳諭鄂輝保泰此事究竟應否作何辦理俾其私下完結之處盡心熟籌各抒已見據實奏聞○又諭曰保泰奏親至扎什倫布探聽廓爾喀信息檄調唐古忒番兵交戴綱等防守脅噶爾并調回都司嚴廷良不令前往但察看廓爾喀情形究係邊外小部落惟利是圖不過因唐古忒等所欠債目未償而所差之噶布倫不曉事體一見賊人衆多措置乖方以致滋蔓若僅遣噶布倫戴綱等帶

兵前往唐古忒素性退懦一至邊境遇敵輒自逃竄詐稱向賊打仗占奪地方任意飾詞稟報希圖諉卸此皆事所必有設果如此不特於事無益且使我衆驚疑致廓爾喀益加恣肆今保泰已至扎什倫布去邊境尚有千餘里遠憑文報懸揣辦理不惟不能詳盡抑且實在情形未得周知保泰雖不可過為深入亦應帶兵前往春隊等處駐劄以資彈壓伊何慮不及此耶保泰陸續調兵業經二千

有餘且達木蒙古兵尚屬得力衛藏路程較遠鄂輝一時不能即到保泰如安坐扎什倫布則與安住前藏何異保泰固當深思熟計不可任意輕忽亦不可止圖自便過於恒怯保泰接奉此旨如業經前進甚善若尚未離扎什倫布即往春隊一帶擇形勝之地相度機宜妥協經理○又諭昨有道傍叩關民婦李黃氏交軍機大臣審訊據李黃氏供稱伊女龍姐被李六牛誘至陽武縣民人孫老三

家拐賣為娼曾在陽武縣輝縣先後控告俱未審理復赴該撫衙門喊控批發祥符縣究訊將伊遞回陽武差役教串捏供案延不結等語李黃氏之女被人拐賣為娼節控有案該地方官因何延擱不辦任聽差役教供朦蔽均須徹底根究但案內情節尚非重大不值特派大臣前往著將李黃氏解回豫省交穆和蘭提集犯證嚴審具奏此案曾在該撫衙門喊控發交首縣未經辦結已屬不合茲

復發交該撫審訊務須親提認真究訊吊查案卷據實辦理不得仍交府縣致滋迴護干咎將此諭令知之并將訊取供詞發交穆和蘭閱看○調鑲紅旗蒙古副都統玉德為正黃旗滿洲副都統以奉恩輔國公宗室綿佐為鑲紅旗蒙古副都統○戊寅諭前因高瑱私往廣東至伊兄高瑒署內高瑒並不奏明押令回旗又不即行呈報降旨將高瑒解任來京交部治罪茲據福康安查明高瑒於乾

隆五十五年自寧武回京在清河暫住適值高瑒進京曾與相見及高瑒潛往粵省高瑒留住署內遲延數月始藉稱因病滯留移咨本旗高瑒身故後又復匿不具報高瑒身為提督大員朦混欺飾實屬有心庇縱高瑒著即革職交刑部治罪○諭軍機大臣曰福康安奏訊據高瑒之子高端供稱伊父於乾隆五十二年十二月前往寧武府知府胞叔高璫任所五十四年四月有山西人張姓為伊

大姊做媒許配代州崞縣人賈輝為繼室伊父隨於五十五年八月自寧武起程回京本年正月到惠州提督署內伊父旋即病故等語高瑒自高璫任所回京並不呈明本旗私赴粵東在高瑒署內逗留數月高瑒藉病朦朧顯係意存欺隱至高瑒身任山西知府伊兄高瑒在署就養率與該省紳民交接結姻不加阻止尤屬不合除降旨將高瑒革職交部治罪外著傳諭馮光熊詳悉查明高瑒在寧武府逗留三年之久高瑒并不呈報高瑒與崞縣人試用知縣賈輝結姻高瑒因何任聽伊兄與本省紳民交結往來不加阻止之處即行面詢高璫據實奏治罪毋任捏飾俟該撫查明奏到後再降諭旨○又諭據福康安奏提訊八卦教匪步文斌究出該犯在配勾誘各軍犯傳徒習教並張正魯等代為往來寄信等情復飛咨陳用敷嚴訊劉書芳在廣西配所如何傳教收徒各情節咨覆辦

理一摺步文斌劉書芳二犯前經降旨令福康安等嚴切究訊如案內無須該犯等質對之處即在該處正法今據福康安奏究出步文斌在配仍與各軍犯輾轉誘惑並與王子重往來遞信討求封號情節甚為可惡將來尚應與王子重劉照魁質訊以憑嚴切根究著傳諭福康安即將步文斌同劉書芳一併派委妥員迅速解京沿途務須小心押解毋稍疎虞○又諭曰西藏廓爾喀人等因私債

未清復行滋事搶掠將噶布倫擄去經保泰等節次奏到時朕皆降旨訓諭仍遣鄂輝急往妥辦今將昨日所降諭旨今日所降諭旨鈔寄阿桂福康安閱看阿桂係經事之人福康安亦甚曉事伊等閱看後意見若何各據所見奏聞再此事保泰等如能完結甚妥萬一蔓延滋擾必須動兵時即遣福康安前往辦理○又諭曰成德等奏摺內稱接壤青海之德爾格部落窮番前赴青海所屬尼雅木

錯玉舒等番地潛匿探知有赴藏者回至本地糾眾掠取牲畜物件請交奎舒嗣後德爾格番子有往青海所屬各處者無論有無滋事即行緝拏解赴德爾格交該土婦等語德爾格部落雖隸川省多有在接壤青海所屬尼雅木錯玉舒等番地居處者德爾格番子潛赴青海所屬番地探知有人赴藏擅敢糾眾擄掠情節可惡理應嚴行查拏著交奎舒通飭尼雅木錯玉舒所屬各番土千戶百戶

各宜嚴密搜索現在伊等境內如有潛居之德爾格番子即行緝拏審明若曾滋事從重辦理示懲外即並未滋事但與該處番子為子為奴餬口者亦即徹出妥為解赴德爾格部落交該土婦令其嚴加約束仍不時留心嚴查如有類此潛赴隱居者亦著照辦不可稍有疎懈所有成德漢字奏片鈔寄奎舒閱看○已卯諭軍機大臣等據鄂輝等奏成德帶領滿洲綠營官兵三百餘名起程赴藏此

事原係鄂輝等前次在彼糜費糧餉所辦竟無頭緒而已忠謬出已見姑息了事雖已投河自斃但成德鄂輝亦有隨同瞻徇之咎況鄂輝為首先辦事之人今聞彼處復生事端理應迅速前往奮勉贖罪乃復推諉不前僅令成德帶兵赴藏殊出朕意料之外此次成德尚有勇往氣概而鄂輝惟知自圖安逸畏事脫身伊受朕厚恩簡任總督大員若如此畏葸自安祇為人往來傳遞文書又安用總

督為耶著嚴行申飭計此旨到時孫士毅亦已至川鄂輝即於該處滿洲綠營官兵內擇其奮勇得力者再帶二三百名前去如此則將軍總督前後領兵前進亦可以揚我軍威成德鄂輝至彼時惟當與保泰會同妥辦斷不可再為姑息稍事因循總期永遠無虞倘日後復致滋事必將鄂輝等重治其罪也○
庚辰

上御依清曠勾到秋審官犯服制及雲南貴州

情實罪犯停決官犯三人服制斬犯十三人雲南絞犯八人貴州絞犯九人餘七十四人予勾○諭本日召見新調貴州按察使顧長紱詢其祖母年已七十九歲伊母年近七旬貴州道路較遠難以就養顧長紱著調補浙江按察使其貴州按察使員缺即著姜開陽補授○又諭據嵩椿奏舊有瘡疾復發不惟不能乘騎步履亦覺痛楚懇請解任回京調理等語盛京將軍職任最關緊要現屆打牲

備祀之時嵩椿既已抱病即照所請准其來京俟陞見後再降諭旨盛京將軍員缺著琳寧調補琳寧接任俟打牲備祀一切事務完竣遵照從前所降諭旨來京陞見琳寧所遺吉林將軍員缺著恒秀調補恒秀接奉此旨即將將軍印信交該處副都統暫行署理恒秀速即來京○予故多羅貝勒宗室綿從致祭如例○壬午

上御依清曠勾到四川情實罪犯停決斬犯七

人絞犯十五人。餘一百五十一人予勾。○諭朕偶閱嘉靖年間所刻文獻通考其序文內有命司禮監重刻以傳之語。文獻通考一書於列代制度典章采摭綜覈鏤板以傳原屬表章之道。但自應交與儒臣詳校精覈付諸梨棗庶於稽古崇文較有裨益乃竟付諸奄豎之手。率行承辦書內句讀及所別四聲多有舛誤。即此可見嘉靖年間惟知溺志焚修耽心齋醮於政治朝綱廢弛不講。此書自不

值特加論說重為駁正。著將此旨錄存首冊以示朕崇實黜浮至意。○諭軍機大臣等據惠齡奏親赴登州一帶嚴查并往勞山訪察實無要犯段文經藏匿茲復由青州各海口遍加偵緝亦無段文經及其徒弟蹤跡等語。看來段文經自滋事逃竄後或竟早伏冥誅迄今已歷多年一時難以根緝但恐同黨藏匿日久復出亦未可定著傳諭直隸河南山東各督撫不動聲色密飭所屬留心偵緝毋

得視為海捕具文久而生懈以致要犯始終漏網。○命工部左侍郎鄒奕孝提督山東學政。○癸未諭軍機大臣等據明亮奏審訊遣犯王子重等傳習邪教潛通信息一摺所奏總不明白已於摺內批示並將明亮交部嚴察議奏矣。此案現據明興同日奏到嚴訊邪教人犯於劉照魁所供屈進河宋明申文成外又究出討封全仕名號之龐行忠等共九犯俱即審明正法並傳齊各遣犯目覩行刑

俾該犯等共知警戒乃明亮查辦此案止將王子重詹清真派員解京而於該首犯等如何傳教收徒及往來通信之處並未研訊明確得有頭緒且王子重等俱係邪教案內發遣該處為奴之犯到配後又復通信匪徒交結往來種種不法明亮平日不能嚴加防範稽查管束自有應得之咎乃祇稱漫無覺察實屬疎忽並未自行請罪明亮何以糊塗若此著再傳旨嚴行申飭仍著將該處遣犯逐

加嚴究有無傳教通信及求給名號等事務得實情從嚴辦理毋任稍有狡展將此傳諭明亮並諭明興知之○軍機大臣議覆陝甘總督勒保青海辦事大臣奎舒等奏請將循化貴德兩處生熟各番統歸西寧辦事大臣兼管嗣後番地應納番糧及與漢民交涉命盜案件仍歸循化貴德文員照例辦理由該管上司覈轉會同題咨完結其番子搶掠蒙古之案徑由西寧辦事大臣就近緝拏應如

所請但熟番內向設有千戶百戶鄉約管轄而生番並無頭目其應如何設立之處仍令該督等再行悉心籌酌會議具奏至千戶百戶等頭目內果有奮勉緝賊之人應令奎舒奏明賞戴藍翎以示鼓勵此後蒙古等不能自行拏獲賊事後指為外來番賊呈報緝拏者概不與之辦理再查西寧鎮總兵駐劄同城嗣後如有案情稍大需派官兵之事應令西寧辦事大臣酌量檄調從之○甲申

上御依清曠勾到廣東廣西情實罪犯停決廣東斬犯四人絞犯十人廣西斬犯四人絞犯三人餘一百十六人予勾○諭各省秋審情實人犯解審後仍發回各州縣監禁中途每致脫逃曾降旨將應入情實要犯概留司監以免疎脫嗣因保寧李世傑及御史劉紹錦紛紛條奏以留禁司監人犯衆多恐致滋事經軍機大臣會同刑部分別條款議奏擇其案情重大者在司監收禁其尋常案犯仍令

發回原監乃定例未及數年雲南寶寧縣斬犯蕭光祖即於解審發回後在邱北縣地方脫逃可見更定新例究未妥善所云留禁司監人犯過多自知必死恐致商同越獄之說不過藉詞推卸試思各省司監必在省城墻垣堅固禁卒衆多臬司為總理刑名大員並無別項要務親加督察嚴密巡查原不致有意外疎虞之事今不收禁司監往返遞解距省較遠州縣多有至千餘里者長途解送要

犯乘間脫逃。勢所必至。倘不急為更正。留禁司監。使此等桀驁兇徒。得以稽誅漏網。更復成何事體。且省城為督撫大員駐劄之地。若司監重犯。尚不能留心防範。又安用此督撫臬司為耶。嗣後各省秋審情實人犯。解審後俱即留於司監羈禁。不必發回各州縣。並著該督撫就近派撥本標及城守營兵丁。幫同巡邏。責成按察使。督率兵役實力稽查。倘有疎虞。必將該督撫臬司一體治罪。決不稍為寬貸。

○又諭曰。台斐音奏錦州所屬于家屯霍家臺等處。於九月初一日猝被風雹。剝倒旗民房屋。壓斃人口。損壞禾稼。所有被災旗民。業經捐貲掩埋。並開倉查照人口。散給一月口糧等語。錦州地方。偶被風災。旗民俱有受傷。禾稼間有損壞。殊堪軫念。該副都統務須會同將軍府尹等。督率地方官詳悉查勘。實力撫卹。俾旗民得資接濟。無使一夫失所。其被災地畝。倒壞房間。並著查明咨部辦理。

○諭軍機大臣等。本日勾到廣東省秋審情實人犯內。周閏潮一起。係調戲小功服兄之妾何氏。致令羞忿自盡。閱其情節。周閏潮始以何氏年久無孕之言戲問。繼以想必伊兄沒用為詞。向其褻狎。何氏即行嚷罵。經伊夫詢知緣由。告知伊父周益勲。投族理責。何氏羞忿莫釋。投繯殞命。此案周閏潮調戲何氏。若僅以語言調戲。別無手足勾引情狀。致令該氏自盡。此等祇係語言調戲之案。向來俱

不予勾。若褻狎則必其狀或致手足勾引矣。則該犯即應勾決。不可恕。此案該撫及部議都未聲敘明晰。現將周閏潮暫行停勾。著傳諭郭世勲。即將周閏潮如何向何氏褻狎。是否僅係語言之處。詳細查明具奏。再降諭旨。

○丙戌。上自避暑山莊迴鑾。○御行殿勾到福建情實罪犯。停決斬犯八人。絞犯七人。餘一百三十一人予勾。○諭據惠齡奏山東萊州府臨清

州等屬州縣間有被旱被水歉收之處雖查明均不成災然無力貧民未免稍形拮据等語山東萊州府屬本年秋間雨水較多低窪地畝間有被淹前據惠齡奏到即令妥為查辦茲據該撫勘明萊州臨清等屬均有被水被旱歉收之處雖據奏並未成災民力究恐不無竭蹶所有被水之濰縣南臺社等處一百零九莊昌邑縣任流社等處一百四十九莊平度州傅家回社等處六十七莊高密縣張家大莊等處一百六十九莊本年錢糧倉穀及歷年舊欠均著加恩一體緩徵其被水較重者並著酌借籽種以資接濟又被旱之臨清州新莊等一百十二村莊邱縣之南屯等處五十七村莊館陶縣之孟家莊等一百五十九村莊平原縣之大王莊等四十八村莊高唐州之于家莊等一百三十村莊德州之南劉李莊等一百五十五村莊恩縣之腰站等二百三十七村莊並臨清德州二衛坐

落該二州境內被旱村莊所有歷年帶徵新舊錢糧均著暫行停緩俟明年麥收後完納其應輸漕米亦著加恩緩徵一半以示體卹該撫務須督飭所屬實力妥辦俾無力貧民均霑實惠毋使一夫失所以副朕軫念民依恩加無已至意○又諭曰梁肯堂奏順德廣平等府屬十一州縣本年因七月下旬雨澤未能深透收成稍有歉薄等語本年順德府屬之邢臺等八縣雨澤愆期秋禾未能暢發收成較歉所有應徵本年錢糧業經降旨緩至來歲麥收後開徵茲據梁肯堂奏順德府屬之廣宗及廣平府屬之磁州等各州縣秋禾實收止五六分雖勘不成災民力未免拮据著加恩將廣宗磁州永年邯鄲成安肥鄉曲周廣平鷄澤威縣清河等十一州縣應徵本年未完錢糧概行緩至明年麥熟後徵收俾閭閻益臻寬裕以示朕施惠窮黎有加無已至意○是日駐蹕喀喇河屯行宮○丁亥

諭現在後藏邊境有廓爾喀與唐古忒因帳目滋擾之事。鄂輝等帶兵前往進剿。著戶部於四川就近省分酌撥銀二百萬兩照例解往。仍從戶部補撥。交與該督留備軍需之用。

○諭軍機大臣等。後藏地方被廓爾喀侵擾。兵力無多。達木番兵打仗雖屬奮勉。而人數僅止三百人。未能抵禦。唐古忒兵丁又復畏葸。恒怯見賊即退。毫不足恃。保泰等現將前藏之江孜地方至布達拉一路分起差官督催砌卡防守。一面札知都司徐南鵬駕馭番民保護扎什倫布。並以仲巴呼圖克圖有欲出廟過河之語。今綏綏堪布作為班禪額爾德尼之意。寄信阻止。現在大兵尚未到彼。亦祇可如此辦理。但思後藏地方為班禪額爾德尼駐錫之地。該處習俗崇信佛教。若不即移至前藏。人心尚可固守。今班禪額爾德尼業已遷移唐古忒。兵屢次挫衄。而撒迦廟紅帽喇嘛等竟向賊匪投遞哈達。甚為可恨。看

實錄卷一百一十五

五

此情形。恐扎什倫布亦難保護無虞。此時惟應飭知徐南鵬帶領兵丁番民等同仲巴呼圖克圖儘力防守。前藏距後藏尚有一千餘里。關津要隘甚多。廓爾喀賊匪勢雖猖獗。斷不能越過卡寨。經至前藏。保泰等惟當將沿途險要隘口分派兵丁小心防遏。現在後藏地方既被賊匪搶占數處。保泰等防守疎虞。本有應得之咎。今姑不加深責。亦不望其進兵收復。祇須將前藏地方竭力固守。毋使賊匪侵入。倘所守地方再被賊人搶占。自問當得何罪耶。保泰等若不知感激奮勉。稍贖前愆。仍似從前疎懈。竟至將達賴喇嘛班禪額爾德尼帶回內地。更有何顏見朕耶。又據鄂輝奏現已宣示唐古忒人等。告以大兵不日到來。毋得驚惶。所辦尚是。保泰等自應將調派大兵即日可到之處。遍行明白宣諭。不但可以安唐古忒僧俗番眾之心。並可奪賊匪之氣。看來廓爾喀明知唐古忒等素性懦弱。

實錄卷一百一十五

五

是以膽敢欺凌肆行滋擾鄂輝成德帶兵馳往該處賊匪聞內地大兵一到自必震懾軍威望風畏服成德現已帶第一起官兵前往鄂輝亦已隨後邁馳趕赴該處正當乘此兵威痛殲賊匪大示創懲至鄂輝成德等均係統兵大員固不可畏蕙不前亦不可輕視賊匪冒昧進兵此處最當相機奮勇慎之又慎成德素尚勇往然不能深知大體尤須計出萬全加意慎重又鄂輝所奏派令道員林儁馳赴打箭鑪照料各起官兵出口並將應辦一切軍需事宜趕緊督同司道妥辦成德所奏分起帶兵籌備口糧夫馬並備火藥鉛丸等項所辦俱妥惟當實心經理一切勉力為之以期迅速藏功再遊擊烏爾公阿帶兵在撒迦溝防守今所帶唐古忒兵丁退走達木兵受傷陣亡亦多該遊擊現在何處曾否打仗摺內未據聲明著傳諭保泰等即行查明具奏其陣亡官兵等奮勇殺賊臨陣捐軀甚

實錄卷一百八十七

七

為可憫著保泰等詳細查明具奏再降諭旨交部議卹○又諭廓爾喀賊匪在後藏地方肆行滋擾明係欺唐古忒等懦弱無能是以乘勢搶占現經鄂輝成德等派調屯土弁兵先後帶領前往自可痛加殲戮俾知懾伏惟是西藏地方途長站遠所有兵餉臺站並口內口外軍行一切事宜最關緊要此時鄂輝業經前往西藏著傳諭孫士毅抵任後即照應辦各事宜先事豫籌悉心妥辦使糧餉軍需等項得以源源接濟不致臨事周章孫士毅曾在軍營行走本係熟手務須籌辦妥協以副委任○是日駐蹕常山峪行宮

實錄卷一百八十七

七

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百八十六

實錄卷一千三百八十六

五

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百八十七

監修總裁官總纂官太子太傅文淵閣大學士文淵閣領閣事領侍衛內大臣傅爾丹奏奉 上諭軍機處管理

吏部理藩院掌印給事中廣祿滿洲副都統甘肅新都尉軍功加七級通帶加一級尋常加二級軍功紀錄一次慶桂

總裁官禮部議官太子太傅文華殿大學士文淵閣領閣事稽察奏奉 上諭軍機處管理刑部戶部主事曹振

世襲騎都尉軍功加十九級通帶加二級又加二級尋常加二級軍功紀錄五次

尋常紀錄十四次恩慶總纂官太子少保工部尚書紀綱六次尋常紀錄等奉

校修

乾隆五十六年辛亥九月戊子

上御行殿勾到陝西情實罪犯停決斬犯六人

絞犯十六人餘一百十八人予勾○諭據姜

晟奏審擬唐佔哇糾竊江西解點餉鞘一摺

此案前經王懿德具奏曾經降旨令姜晟必

須起獲原贓根訊確鑿方可定案茲據姜晟

將各犯悉行拏獲親提審訊究出糾夥偷竊

及輾轉勾約各情節並將竊去原贓全數起

獲辦理尚屬細心姜晟著交部議敘餘著軍

機大臣會同行在法司迅速定擬具奏○又

諭據勒保等奏潼關城垣工程修理完竣。請派大臣前往驗收等語。潼關城垣雖因年久多有坍塌。但所需工料等項。何至用銀一百三十五萬餘兩之多。著派和琳馳驛前往。詳查確勘。大加刪減。毋任稍有浮冒。○又諭昨據保泰等奏稱。與廓爾喀打仗。達木之協領澤巴傑。公扎什納木扎勒陣亡。唐古忒兵丁甚屬懦弱。遇賊輒遁。達木之蒙古兵丁殊屬奮勇。竭力禦賊。陣亡者甚衆等語。協領澤巴傑。公扎什納木扎勒陣亡。甚屬可憫。著交部照陣亡例議卹。其陣亡之達木蒙古兵丁。著交保泰等查明咨部。一體議給賞卹。唐古忒人衆懦弱之極。遇賊輒即逃遁。殊屬可恨。其屬下兵丁。竟置扎什納木扎勒於不顧。以致殞歿於陣。本應將隨征兵丁治罪。今不根究治罪。伊等已屬徼倖。即間有陣亡者。亦不過被賊追及見殺耳。無庸交部議卹。著交保泰等將此明白曉諭唐古忒之噶布倫戴細等。

知之。○又諭曰。琅玕等接奉行查邪教人犯。私往新疆。探望遣犯王子重一案。所降諭旨。據琅玕伊桑阿奏稱。因伊等前後率行換給路引。致要犯得以過境。請交部分別從重議處等語。此等邪教人犯。私由哈密往來行走。原係琅玕伊桑阿任內之事。伊桑阿琅玕均受朕深恩。擢任巡撫。獲罪蒙宥。遣往新疆辦事之人。乃竟不以公事為事。於要犯過境。漫無覺察。僅據愚昧屬員呈報。發給路引。任聽行走。疎忽之極。伊等於似此事件。並不留心查察。朕又奚用伊等駐劄該處為耶。伊桑阿琅玕甚屬不堪。著照琅玕等所請。交部分別從重議處。○又諭曰。吉夢熊奏現因感冒風寒。手足拘攣。運動維艱。請解任回籍調理等語。並據伍拉納等同日奏到。吉夢熊著准其解任回籍調理。所有提督福建學政著改派鄭奕孝前往。其提督山東學政著翁方綱去。○又諭直隸本年輪免錢糧。應徵地丁較少。

據梁肯堂奏藩庫存貯銀兩不敷支放著即撥給部庫銀七十萬兩即令該督派委委員赴部支領○又諭現在廓爾喀與唐古忒因帳目不清互相滋擾業經調發內地兵丁而成都將軍成德總督鄂輝均已陸續趕赴西藏矣大兵齊集必須熟諳領隊人員勦辦始克得力著派乾清門侍衛額勒登保永德珠爾杭阿阿尼雅布墨爾根保即刻回家治辦行裝二三日內即行馳驛起程速由四川前

赴西藏交成德鄂輝差遣委用仍著加恩賞給額勒登保等五人每人銀一百兩以資治裝之用額勒登保著授為頭等侍衛令其督率約束前往○是日駐蹕兩間房行宮○已丑諭軍機大臣等前據雅滿泰具奏現在藏內原貯及豫備兵糧可得七千石現屆秋收又可採買糧二萬石是該處兵糧現可不虞短缺但大兵陸續到齊所備糧石必須倍加充裕其採買價值亦應按照時價酌量辦理

前此巴忠辦理軍餉於達賴喇嘛商上存貯糧石定價購買每石給銀二兩及舒濂等買貯倉糧麥子每石價銀一兩四錢八分青稞每石價銀一兩七錢四分可見該處糧麥時價原不及二兩從前巴忠所給價值未免過費其意自因見好達賴喇嘛優給價值虛糜帑項殊不知大兵赴藏勦辦廓爾喀賊匪原為保護達賴喇嘛班禪額爾德尼及僧俗番眾伊等商上糧石應照時價平減用助軍糈

豈得以軍興急需故擡價值轉圖餘利著諭保泰雅滿泰嗣後採買糧石祇應按照舒濂等從前採買時價給付不得因有巴忠所辦之例或致效尤至現在大兵陸續進發賊匪自必聞風震懾昨又派巴圖魯侍衛額勒登保永德珠爾杭阿阿尼雅布墨爾根保馳驛前赴軍前聽候差遣該侍衛等俱係久經行陣奮勇出力之人到軍營後成德鄂輝派令帶兵打仗為緣營表率爭先殺賊軍聲更可

大振至後藏地方。自班禪額爾德尼移至前藏。該處人心是否不致渙散。仲巴呼圖克圖現往扎什倫布。能否保護無虞。不致擅離。其江孜等處地方。把守要隘番兵。近日曾否與賊接仗。魯噶爾營寨現在尚有唐古忒兵固守。邇日如何堵禦情形。詳悉速奏。以慰廑注。

○以內閣學士玉保為盛京兵部侍郎。○是日。駐蹕要亭行宮。○庚寅。

上御行殿。勾到奉天。湖北。情實罪犯。停決奉天。斬犯三人。絞犯三人。湖北斬犯三人。絞犯十人。餘一百二十一人予勾。○諭前因各省秋審情實人犯。解審後。仍發回各州縣監禁。中途每致脫逃。特降旨。令將各犯概行留於司監收管。以專責成。今閱各省秋審情實人犯黃冊。如直隸一省監犯有一百九十餘名。雖司監較大。足資羈禁。究恐人犯過多。一處擁擠。難於防範。嗣後各省情實人犯。解審後。若仍照舊例發回各州縣。往返遞解。或致要犯

乘間脫逃。其事斷不可行。應令在司監及首府首縣監獄分禁。司監牆垣堅固。禁卒衆多。該臬司自可督率弁兵。嚴加管束。即府縣各監近在省城。亦必較外府州縣監獄寬敞嚴密。該督撫等近在同城。再派撥本標及城守營兵丁。幫同巡邏查察。自可不致有意外疎虞。於防禁要犯。更昭慎重。而免擁聚。倘再有疎失之事。必將該督撫臬司及該管府縣一體治罪。決不稍為寬貸。○又諭現在廓爾喀

與唐古忒因帳目不清。在後藏邊境有滋擾之事。經鄂輝等帶兵前往勦捕。所有自京至後藏一帶。沿途驛站馳遞文報。關係緊要。必得大員專司經理。方無貽誤。直隸著派張誠基。山西著派蔣兆奎。陝西著派和寧。四川著派英善。務各督飭所屬。實心料理。毋致遲誤。○諭軍機大臣等。本日勾到湖北省秋審情實人犯。內經刑部由緩決改入情實者七起。除絞犯萬志成一起。因萬云和取水互毆。該

犯打傷伊女萬嫌女殞命雖係毆斃幼女理尚不曲他物適傷致斃又絞犯郭必美一起因與郭必昆趕集將鍋遺忘囑令同尋未允被罵尋毆該犯連毆郭必昆殞命傷非金刃死越旬餘此二案情尚可原均予免勾此外絞犯嚴萬舉因與年老之嚴應潮爭地吵鬧被其攏毆該犯用担毆傷嚴應潮殞命兇斃老人復傷其孫嚴之寧又絞犯唐林九因唐受蔭以伊貪得媒禮爭鬧登門叫罵該犯之

兄唐潮九出而爭鬧被毆該犯用鎗戳傷唐受蔭殞命貪得媒禮理既不直用鎗戳斃難以護兄為解又絞犯朱紹五因全為周在河捕魚該犯邀允朱鵬舉向阻被毆該犯用刀格砍全為周殞命糾人逞兇金刃傷多又絞犯陳們子與劉浩同伴求乞因劉浩為人強橫侵用眾丐錢文該犯氣忿用斧砍傷劉浩殞命挾嫌逞兇鐵器傷重又絞犯蠻招因伊姊告知被夫斥詈該犯理論被鄭氏用木桿

向毆該犯奪桿回毆鄭氏殞命逞兇致斃婦女傷至骨損骨斷以上五起覈其情節均無可緩之理刑部改入情實均屬允當福寧曾任臬司於秋讞大典理應悉心斟酌覈實辦理乃率行擬緩殊屬寬縱臬司孫曰秉刑名是其專責何以疎忽若此福寧孫曰秉著傳旨申飭○又諭昨因勒保奏承恩奏潼關城垣修理完竣所需工料等項用銀至一百三十五萬餘兩之多已派和琳馳驛前往查勘

大加刪減覈實報銷今復思勒保等摺內有雇覓各項諳練匠作之語察其語意含糊而不露其中似有情弊此項工程原係德成前往勘估豫料收工時亦必仍派伊前往是以將包攬工程匠頭自京帶往以為冒銷弊混地步而該省即用所帶匠役承修任其浮冒開銷不復過問若祇係用本地土匠則西安城工甫經修竣何患匠役無人又須向他處雇覓耶朕於辦理要工從不存惜費之見即如

西安城工。已不惜多費帑金。豈於潼關城垣。轉為斤斤較量。但因一城樓所用工料多至一百三十五萬餘兩。其為藉端浮冒情弊顯然。且該督撫摺內字句。自露間隙。隱躍其詞。尤屬可疑。著傳諭秦承恩。即將修理潼關工程。是否用德成所帶京中匠役。據實明白回奏。秦承恩曾任西安藩司。久在工所。督飭趨辦。並不將浮冒情弊。隨時參奏。已有應得之咎。茲特降旨詢問。若再意存徇隱。一經察出。

決不能再邀寬貸也。和琳此次奉命前往。務須將該處工程。詳加覆覈刪減。並將此項工程。是否係德成帶往匠役修理之處。一併嚴查據實具奏。勿稍徇隱干咎。此旨著交和琳開看。後仍發交秦承恩閱看。將此各諭知之。○是日駐蹕密雲縣行宮。○辛卯諭從前西藏戴綱第巴缺出。皆由達賴喇嘛處定補。曾降旨令駐藏辦事大臣會同達賴喇嘛商議揀選補放。至噶布倫責任更要。遇有缺出時。

若即將達賴喇嘛議定正陪之人奏放。仍不免徇情滋弊。著交駐藏大臣嗣後凡噶布倫缺出。會同達賴喇嘛於應陞用人內。擇其能事者。秉公選定正陪。於各人名下注明如何出力之處。奏請補用。俟朕揀放。駐藏大臣倘有徇私不公者。一經發覺。必加重譴。著為令。○是日駐蹕南石槽行宮。○壬辰。

上詣

安佑宮行禮。○幸圓明園。○諭曰奎林現派往

西藏辦事。所有福建水師提督員缺。著哈當阿調補。仍兼管臺灣鎮總兵印務。○又諭西藏現有廓爾喀等肆行強梁。搶占地方。擄去噶布倫等之事。保泰雅滿泰殊屬昏憤。所辦均無章程。除將保泰雅滿泰革職。仍留該處効力贖罪外。保泰所遺正紅旗蒙古都統員缺。著奎林補授。前往西藏駐劄辦事。奎林接奉此旨。急速馳驛前往西藏。無庸來京請訓。奎林所管都統事務。仍著永琨署理。舒濂從

前曾在西藏生辦事務。嗣經調回軍機處行走。於廓爾喀等滋事之由。及如何降旨指示辦理之處。舒濂尚屬知曉。著施恩賞給副都統職銜。馳驛前往。協同奎林辦理事務。○諭軍機大臣曰。保泰等所奏。以唐古忒兵少。賊勢甚迫。欲將達賴喇嘛班禪額爾德尼移於泰寧。是何言也。保泰雅滿泰二人。不料其良心病狂。一至於此。竟是用無用之物。釀亂已甚。幸而達賴喇嘛堅意不從。倘誤聽保泰等之

言。竟棄布達拉而去。尚復成何事體。朕深喜達賴喇嘛如此通曉事理。而所屬堪布及各喇嘛。亦共知大義。堅心保守。其僧俗人等俱不致驚散。朕心稍為寬慰。實堪嘉獎。今特發大哈達一方。正珠記念一串。交成德等。給與達賴喇嘛。示朕獎悅之意。至保泰雅滿泰二人。遇廓爾喀滋擾之事。即心慌膽落。懦怯已極。殊屬負恩。目下正當有事之時。暫將保泰雅滿泰革職。留彼効力贖罪。此旨到時。成

德鄂輝想已先後抵藏。所有欲保守布達拉之堪布大喇嘛。即著查明具奏。候朕施恩賞給名號。再向者朕以達賴喇嘛不能約束其弟。在彼隨同居住。貪利作孽。於藏務無益。是以令其來京。今觀達賴喇嘛能毅然決斷。甚有識見。著加恩令伊弟羅布藏根敦扎克巴。回至西藏。仍隨達賴喇嘛居住。以資奉侍。俟今歲年班堪布等來京時。附便同回。成德等先將此旨。告知達賴喇嘛。但其弟至藏時。仍

不可令其管事。除就近曉諭舒濂外。並諭令鄂輝知之。○癸巳。諭曰。孫士毅現令前往四川署理總督。其未回京以前。吏部尚書事務著劉墉暫行兼署。○諭軍機大臣曰。陳用敷奏。究出邪教軍犯在配收徒。現在嚴拏審辦一摺。並搜出程東岳王芥保等。寄與劉書芳書信等語。程東岳係與劉書芳同案發遣之犯。膽敢在配。復收軍犯王芥保為徒。而李若居。係安肅逆匪案內。劉心高。係河南混元邪

教案內充發之犯乃在配均不安分與劉書芳書信往來且因劉書芳有令其各守本教之語輒連名寄書致謝是其始終怙惡惡不畏法必另有傳教煽誘之事不可不嚴行根訊著陳用敷即派委員役將劉書芳及程東岳王芥保李若居劉心高等一併解京與劉照魁質審歸案辦理至同案軍犯劉顯明係劉書芳胞兄袁松安係劉書芳妻舅及黃存義等五犯與劉書芳聲息相通難保無在彼授徒傳教等事務須嚴切根究勿任狡展如訊無別項情節再遵前旨解交刑部另行定地發配以淨根株將此傳諭知之○以陝西河州鎮總兵瑪爾洪阿為福建陸路提督直隸河屯協副將阜君保為河州鎮總兵○甲午諭軍機大臣等廓爾喀侵占聶拉木濟龍竟敢犯至扎什倫布若不痛加懲創斷不能使之懾服前此所言償債之事竟無庸提及著鄂輝成德即向廓爾喀諭以爾等受大皇

帝隆恩封為王公乃敢如此妄為甚屬可惡爾等搶奪唐古忒地方較所欠之債已越數倍爾等將所有搶奪物件即行呈交方可飭令在藏番民還汝欠債若不呈出豈但不償汝債併且興師問罪痛加殲戮將此明白曉諭後即整齊軍旅痛加懲勦但計鄂輝成德到彼需時奎林為日更久現值冰雪之時賊匪定已回巢一俟來年雪化後務須宣示兵威深入勦殺使之畏懼帖服方為一勞永逸之計現今所調兵數畧少奎林鄂輝成德等公同商酌或滇兵或降番再調一二千名俟其到齊進勦奎林成德各領一隊分為兩路前進鄂輝自領一隊由聶拉木接應後路不可稍存輕忽亦不可草率完事務使彼恭順乞哀真心懾服不敢再行滋事方為妥善此次雖係令鄂輝成德帶兵前往奎林舒濂駐藏辦事但一切事務總宜和衷共濟切不可分別軍務地方稍存畛域之見至成德奏接

准保泰來咨。不敢拘泥前旨。即兼程先赴前藏。撫安衆心。甚屬可嘉。但伊領兵甚少。不可一到即輕易進兵。務宜持重。俟頭隊官兵到後。再行奮勇打仗。成德此時務須急馳到藏。將賊匪情形。速行奏聞。○旌表守正被戕直隸滄州民某人妻張氏。○乙未。諭軍機大臣等。本日馮光熊由驛遞到奏摺。朕以為必係地方緊要事件。及披閱所奏各摺。祇係安設臺站。并派員接護藏使進京。陞署平定州牧等件。並非刻不容緩之事。此等奏摺。自應差人齎遞。何必由驛馳奏。該撫係軍機司員出身。何不曉事。若此著傳諭該撫。嗣後凡有似此尋常事件。不得輒用報遞。徒勞驛傳。致駭觀聽也。○轉兵部右侍郎明興為左侍郎。以內閣學士和琳為兵部右侍郎。○丙申。遣官祭

歷代帝王廟。○遣官祭

都城隍之神。○

上御勤政殿聽政。○諭曰。朱珪奏安徽鳳陽。潁州。泗州等府屬州縣低窪之區。本年夏間雨水稍多。間有淹浸。雖經涸復補種。收成未免歉薄等語。鳳潁等府屬各州縣。本年窪地遇水。收成既經歉薄。除應完本年漕糧耗羨等項外。其應行帶徵舊欠錢糧。為數尚多。若令同時輸納。民力不無拮据。所有鳳陽。宿州。靈璧。亳州。霍邱。盱眙等六州縣低窪村莊地畝。應完五十四五兩年地丁。屯折漕糧漕項等款。舊欠銀米。併天長縣自四十八年起。至五十五年止。歷年舊欠銀米。俱著加恩緩至來年秋後徵收。又壽州自五十年起。至五十三年止。定遠。鳳臺。二縣鳳陽長淮二衛自四十八年起。至五十三年止。分限應徵歷欠銀米。所有低窪村莊地畝。均照原限展緩。至五十七年開徵。其餘應完分限帶徵銀米。以次遞緩。又五十四五兩年舊欠銀米。亦著緩至來年秋後徵收。以紓民力。該撫務須督飭所屬

實心經理俾小民益資寬裕。以副朕軫念窮
簷有加無已至意。該部即遵諭行。○以太常
寺卿李臺為通政使。○以內閣學士薩哈爾
濟為鑲白旗蒙古副都統。○丁酉諭軍機大
臣等。廓爾喀侵擾後藏。前已令奎林赴藏督
辦。今保泰等奏稱賊匪於八月二十日已抵
後藏。分圍扎什倫布。並揚言欲分三路直入
前藏等語。現在鄂輝成德等已帶領屯土番
兵。分起前往。不日即可抵藏。諒賊匪自必聞
風竄避。斷不敢侵擾前藏。奎林自臺灣取道
抵藏。尚須時日。福康安素嫻軍旅。聲勢較大。
或有必須到彼督辦之處。亦未可定。著傳諭
福康安接奉此旨。即迅速趲程來京。以便豫
備前往。○又諭廓爾喀賊匪至扎什倫布。保
泰聞信具奏。計已五六日。尚未搶掠扎什倫
布。看來賊匪無能為。即所稱分為三路侵犯
前藏之言。想亦虛聲恐嚇。斷不能來侵前藏。
至賊衆久住扎什倫布。從何得食。不過在左

近村堡抄掠。亦非長策。諒必不久遁回。豈能
復至前藏乎。即或前來。成德亦將次到彼。且
濟龍呼圖克圖業經抵藏。伊尚屬晚事。可諭
知濟龍呼圖克圖。稱大皇帝諭旨。廓爾喀如
此肆行侵擾。大兵即至。但目下唐古忒等未
免心懷驚懼。務協力抵禦。方能有濟。濟龍呼
圖克圖宜轉告衆呼圖克圖。鼓勵僧俗保護
達賴喇嘛。班禪額爾德尼。同心捍衛。即大兵
未齊。亦豈有不能固守布達拉廟宇之理。保
泰等何至惶懼無措。不思經理之策。束手待
斃。幸達賴喇嘛未曾搖惑。倘誤聽其言。遽行
移動。以致大衆潰亂。則保泰雅滿泰二人。雖
萬死不足蔽辜。至所奏現今唐古忒等俱懷
驚懼。保泰等自應揀派數人。使之偵探賊勢。
作為耳目。何以祇知坐候。噶布倫等稟報。若
噶布倫等不行稟報。伊二人於一切情形。惜
然罔覺。鄂輝成德抵藏後。著將保泰雅滿泰
傳旨嚴行申飭。再成德抵藏時。賊匪甫行逃

道即宜領兵進剿。若已出境遠遁。即不必窮追。統俟明年雪消之後。再行進剿。鄂輝成德此時務須迅速前往。不可稍有遲滯。至在藏貿易之巴勒布人等。現在鄂輝成德領兵多寡。衛藏情形。及明年添兵進剿各事宜。斷不能隱瞞伊等。此內或有傳送賊信之人。亦未可定。且此輩不過能鑄佛像。造作金銀器皿。即不留在藏。無甚關係。此等工作。內地匠役多能為之。並非必須廓爾喀之人。鄂輝抵藏

後。即將在藏之廓爾喀貿易人等。密行訪查。此內有與賊遞信。或形跡可疑者。俱解送來京。其餘盡行逐令出境。一人不可遺漏。再保泰護送班禪額爾德尼來前藏之時。扎什倫布有達木兵一百五十名。綠旗兵一百二十名。達木兵丁強壯。打仗奮勇。保泰自應留在後藏防守。何以反將達木兵帶回。僅留綠旗兵一百二十名。適徐南鵬所報。又稱兵八十餘名。其四十名又歸何處。此實保泰恒怯太

過多。以強兵自隨。不但置扎什倫布於度外。併棄徐南鵬而不顧矣。鄂輝成德於事定之後。查明據實奏。吏部議覆。烏魯木齊都統尚安咨稱。哈喇巴勒噶遜新設糧員。應建衙署。該處操防兵丁三百名。酌撥數十名。就近工作。糧員歲需公費。照庫屯品河糧員例。歲支銀一百兩。額設書識一名。民書一名。召募充補。五年役滿。照例辦理。該處歲收民糧六百餘石。應設立斗級一名。所需壯役在迪

化州壯役內撥給四名。仵作一名。在甘肅選撥應用。均應如所請行。從之。戊戌

上詣

大高殿

壽皇殿行禮。還宮。諭軍機大臣等。昨據鄂輝奏。廓爾喀賊匪已至後藏。必須多兵進剿。現已飛咨富綱挑兵二千名。由維西一路出巴塘赴藏等語。賊匪擾至後藏。現在鄂輝成德等先後帶兵前往。賊匪自必聞風竄匿。况

此時將屆冬令該處山高雪大賊匪不能耐冷勢難久留若此時即調雲南兵丁前赴該處亦不能窮追深入駐劄藏內守候需時該處地方較小不能容多兵久駐以致擁擠且藏內糶麥糶粳採辦不易糧運維艱再添滇兵間駐該處辦理更為掣肘朕意此事即須大舉亦當俟明春厚集兵力所有雲南兵丁屆期再行前往亦不為遲著傳諭鄂輝等酌量情形若此時必須添兵勦辦刻不容緩自

可毋庸停止如現在尚可無須此項兵力即一面奏聞一面飛咨雲貴總督及帶兵將領暫緩赴藏總在鄂輝等斟酌緩急情形悉心妥辦並著傳諭富綱此時暫緩起程在彼豫備總聽候鄂輝等趨行咨會準信再令赴藏現在不必急於調發致滋勞擾○己亥

孝慈高皇后忌辰遣官祭

福陵○諭據烏爾圖納遜奏稱鑲黃旗察哈爾三等侍衛德沁扎布呈請將伊父那旺在時

所買土爾扈特人十戶共四十七名口情願納進等語著照烏爾圖納遜所奏將德沁扎布納進之土爾扈特十戶四十七名口即著附入察哈爾旗分厄魯特佐領○是日起上以孟冬享

太廟齋戒三日○庚子諭據長麟奏江南蘇州常州江寧等府屬本年因春夏之間雨水較多低窪地畝間被淹浸收成未免歉薄等語江南蘇州府等屬本年雨水較多田禾間有被淹前據長麟奏到即令妥為查辦茲據該撫勘明蘇州常州江寧等府屬極窪地畝消涸較遲僅能補種雜糧等項不過薄有所收雖據奏並未成災民力究不無竭蹶所有蘇州府屬之長洲元和昭文常熟崑山新陽常州府屬之無錫陽湖江陰江寧府屬之江浦六合等十一縣本年應完漕屯等米六萬六千餘石著加恩緩至來年秋收後分作二年帶徵其應納地丁等銀亦著緩至來年麥收

後一體完納。又太倉州屬之寶山縣并海州暨所屬之沐陽縣等三州縣所有本年墊漕銀兩及應徵麥石地漕等款一併緩至來春麥收後分作兩年徵收以示體恤。該撫務須督飭所屬實力妥辦。俾無力貧民均霑實惠。毋使一夫失所。副朕軫念民依。恩加無已至意。○又諭曰。馮光熊覆奏。詢明高璿在寧武府任內聽伊兄高璿與代州丁憂知縣賈輝結姻一摺。閱所奏情節。高璿與賈輝結姻

時高璿因有查審案件赴省。並未在署。迨回任查知。曾說高璿之非。並將媒人責處。是高璿之咎。止在不行稟辦。尚無與本地紳衿交結往來之事。且高璿現已病故。無從究問。高璿著交部議處。至丁憂知縣賈輝曾任職官。乃並未服滿。執行議婚。甚屬不合。賈輝著交部嚴加議處。○又諭。每年賞給軍機章京銀兩不敷應用。辦理公事。不無拮据。銀庫官員所得養廉銀兩較多。著每年由銀庫郎中員

外郎司庫等養廉內各出銀五百兩。賞給軍機章京以為公費。○諭軍機大臣等。朕明春巡幸五臺。於三月內啟鑾。該處行宮坐落廟宇。不過畧事掃除糊飾。均無庸另行修葺。著傳諭馮光熊督飭該地方官。諸事倍加撙節。即一椽一櫨亦不得妄有添建。該撫務須仰體朕意。妥協辦理。斷不可踵事增華。稍涉糜費。○又諭前次廓爾喀侵擾西藏邊境時。鄂輝等將就了事。並未大示創懲。賊匪無所畏

懼。又習見唐古忒怯懦。敢肆欺凌。是以此次復來滋擾。若不示以軍威。則我軍甫撤。賊匪復來。方欲進兵。賊已遠遁。頻歲勞師。遠涉仍屬無功。終非一勞永逸之計。朕意自明歲春融。厚集兵力。分路進討。鄂輝資望較輕。恐難勝統兵重任。且鄂輝前在金川軍營。尚係守備。奎林已為領隊大臣。即成德彼時職分亦在鄂輝之上。今令奎林成德分路帶兵。鄂輝在後路接應。則奎林成德轉似偏裨。恐不相

下朕再四思維。竟須福康安前往督辦。方足以資統率。福康安素嫻軍旅。識見較鄂輝為優。且奎林係福康安堂兄。平日尚稱友愛。令其同辦軍務。想能和衷協辦。迅速藏功。至鄂輝平日帶兵不甚奮勇。籌算亦不能周到。朕意即令鄂輝留駐藏地。辦理糧運。毋須同在軍營。況現在駐藏大臣除奎林帶兵外。祇有舒濂一人在彼。一切採辦糧餉。及接運軍糈等事。均關緊要。得鄂輝舒濂商同辦理。更於

實錄卷一百三十八

三十八

軍行有益。著傳諭福康安接奉此旨。即趨程迅速來京。候朕面授方略。又諭廓爾喀所鑄錢文。向衛藏行使。原為貪圖利息起見。後又欲將舊錢停止。專用新錢。每銀一兩。祇肯用錢六個。固屬貪得無厭。而噶布倫番衆人等。與彼交易。亦不免圖占便宜。彼此惟利是圖。各不相下。以致復滋事端。但衛藏地方。行使廓爾喀錢文。總緣唐古忒人等。向與廓爾喀交易買賣。是以不得不從其便。今該賊匪

反覆無常。肆行搶掠。昨已降旨。令將在前藏貿易之人。概行逐去。即使廓爾喀震懾兵威。懇求納款。亦斷不准其再通貿易。是廓爾喀所鑄錢文。衛藏竟可毋須行用。我國家中外一統。同軌同文。官鑄制錢。通行無滯。區區藏地。何必轉用外番幣貨。況伊將所鑄之錢。易回銀兩。又復攙銅鑄錢。向藏內交易。源源換給。是衛藏銀兩。轉被廓爾喀逐漸易換。尤屬不成事體。若於內地鑄錢運往。程站遙遠。口

實錄卷一百三十八

三十八

外又多夾壩。運送維艱。莫若於西藏地方。照內地之例。安設鑪座。撥派官匠。即在彼鼓鑄。駐藏大臣督同員役監製。經理自可不虞缺乏。將來勦辦事竣。鄂輝當傳齊達賴喇嘛噶布倫等。明白宣諭。以唐古忒人等。懦怯無能。又復固執貪利。此次因伊等與廓爾喀換易錢文。紛爭滋事。是以大皇帝為保護衛藏。派調大兵。前來勦辦。俾僧俗番衆。倚賴安全。所有廓爾喀貿易人等。俱不准其復來交易。永

斷葛藤。特於藏內鼓鑄官錢。令其行用。伊等舊存廓爾喀錢文。概行銷作銀兩。一律使用官錢。伊等當感激大皇帝愛護深恩。敬謹遵行。即可永資樂利。若扭於積習。不知感悟。仍欲與廓爾喀彼此交易。行使所鑄錢文。則伊等竟係冥頑不靈。自貽伊戚。必將駐藏大臣一併撤回。任聽伊等所為。即使賊匪再來滋擾。亦不復過問矣。如此明白諭知該處僧俗番衆。自當各知醒悟。遵照辦理。至鄂輝摺內

實錄卷五十五

五

又稱後藏距廓爾喀甚遠。糧運烏拉。更為掣肘。此時不進兵。斷乎不可。若用兵大舉。於事亦覺不值。看來鄂輝不免有仍前畏難。將就了事之見。廓爾喀原屬無能。此時鄂輝成德等先後帶兵。前抵該處。賊匪自必聞風竄避。但必須懾以兵威。痛加懲創。俾知懾服。不敢再萌他念。方期一勞永逸。若少存將就了事之意。使彼無所畏懼。大兵撤後。彼必復至邊境搶掠。又將作何辦理。倘復須調兵進剿。是

賊匪轉得以逸待勞。反客為主。從來外夷。反覆無常。見兵威壯盛。即行逃竄。及大兵撤去。仍來窺伺。往往疲敝內地。用兵之道。當先發制人。若云道路遙遠。糧運維艱。豈有賊匪能來。我兵難往之理。鄂輝等惟當相度機宜。妥為籌辦。俟兵力厚集。痛加剿殺。使之聞風膽落。不可先存遷就。致留後患。○又諭川省籌辦糧餉。及察木多等處存貯米麥。藏地採買糧石。祇豫備現調兵丁支食。若明春大舉進

實錄卷五十五

五

剿。調兵近萬。現備軍糧。自屬不敷支用。軍行以糧運為先。若臨時稍有缺乏。則師不宿飽。安能使之枵腹進征。此時先事豫籌。源源接濟。實為軍興要務。但近年辦理軍需。多有糜費。從前康熙五十七。八。九等年。雍正六年。俱曾出師西藏。調派滇省兵丁。即係由維西一路。出巴塘赴藏。所有糧運事宜。均有辦定章程。川省滇省舊案。自尚齊全。孫士毅富綱譚尚忠均係戶部司員出身。孫士毅費淳又曾

在軍機章京行走。從前辦理西藏舊案。想當日親著。即令孫士毅等詳查康熙雍正年間章程。仿照辦理。不可照近年軍需之例。稍有浮冒。西藏距川省萬有餘里。道途遙遠。且口外均係番子地方。全賴烏拉運送。不能迅速。將來軍營需用糧石。遠赴川省調取。實屬緩不濟急。朕思察木多居適中之地。或將察木多等處現存糧石。運送西藏。再將川省附近邊界備辦軍糧。撥補察木多存貯。續行運送。如此源源遞運。庶可無虞。缺乏且打箭鑪以外。土司地方。均係種植稷麥。並著孫士毅酌量情形。就近採買運送。道路較近。既可以豫備急需。又可以節省運費。於軍務大有裨益。至鄂輝所奏藏地糧運維艱。道途險遠。未免有畏難之意。殊不知賊匪遠來藏地。口食未聞缺乏。將來我兵果入賊境。自當資糧於賊。鄂輝等到彼務須會同成德設法籌辦。以利軍行。總之糧餉為兵行要務。孫士毅等務須

實錄卷一百八十七

三十

查照舊案。悉心妥辦。不可稍有貽誤。○辛丑孝敬憲皇后忌辰。遣官祭泰陵。○諭據嵩椿等奏。稱錦州所屬旗民驛丁屯戶等。田地間有被災。自五分至七分不等。請先行借給一月口糧。以資接濟。所有應行賑濟蠲免。緩徵各事宜。另行具奏等語。著照嵩椿等所請行。但錦州地方適遇風災。人口房屋多有傷損。復又被旱成災。該將軍理宜親往查辦。至宜興係管理奉天府事務之員。又係戶部侍郎。榮柱身為府尹。俱應親往。朕尚以閭閻被災。深切軫念。所有加恩事宜。無不迅速辦理。嵩椿宜與榮柱何以竟不親往。僅派協領前往查辦耶。況嵩椿患病之處。摺內亦未聲明。嵩椿等不行親往查辦。甚屬非是。至奏被災情形。原與刑部無涉。僧保住現署兵部事務。茲因被災。田地內有驛丁田地。摺內列銜。並未親身前往。亦屬非是。嵩椿宜與僧保住榮柱俱著交部嚴加議處。並著嚴

實錄卷一百八十七

三十一

行申飭。○命祭酒瑚圖禮侍講那彥成在南書房行走。○豁免奉天錦州府廣寧縣乾隆五十三年四兩年分因災貸欠未完糧米七千六百四十七石有奇。○是月山西巡撫馮光熊奏太原駐防滿洲兵原額五百四十名。乾隆五十一年添設兵一百名。所需兵糧准於山西各州縣額設繁費內。每年抽撥銀四千兩充用。每年除支給新兵歲餉。并操演火藥。加增閏糧外。所餘之項。僅足製備弓箭鳥鎗。所需盛甲腰刀。無項可動。今查臣標右營太原營及大同鎮標之神機庫。俱有舊存盈餘軍裝。係從前裁營汰兵。及刪除額外軍裝案內。分交收貯。當即行文各標營派員挑出馬廬甲六十頂。副步廬甲四十頂。副腰刀一百把。量為修整。令該兵等領用。報聞。○陝甘總督勒保奏甘省地處邊陲。駐劄滿漢重兵。每歲估撥兵糧。及供支料豆。需用浩繁。加以地方賑借等項。皆取給於倉儲。必須積貯充盈。

實錄卷一百一

十一

方可有備無患。甘肅各屬常平原額不敷供支。節次奏請買補。惟因缺數過多。隨時採買。入必須俟豐收之年始可辦理。是以歷年未能照額買足。查現在各屬常平實貯倉斗糧止二百六十餘萬石。已缺原額糧一百五十餘萬石。加以本年應支各項及估撥來歲兵糈。又約需六十餘萬石。統計常平倉貯共不及二百萬石。僅存原額之半。若再有動用。愈覺不敷。本年甘省夏秋收成並有九分。自應乘此時採買。惟查各屬缺額倉糧。為數尚多。若全行買補。有妨民食。此時請先採買一百萬石。擬即由司分飭各廳州縣領價採買。其價值仍照從前節次奏定章程。如果時價稍昂。即令報明停止。至所需銀兩應先於司庫酌款動支。報聞。○四川總督鄂輝奏。前此查辦廓爾喀人等爭占邊界。未將伊等地租債帳查明辦理。草率了事。實難辭咎。現准保泰兩次來咨。知會唐古忒人等驚惶失措情形。

實錄卷一百一

十一

必須前往彈壓是以成德即於八月二十二日酌帶漢弁兵前往今蒙恩令孫士毅馳驛前來署理督策自當即便起程一面飛咨成德令其在打箭鑪一帶暫候到彼更換回省現有郭洛克賊番搶刦青海牛羊一案俟此案審結後約計彼時孫士毅已離川省不遠即將印務交藩司暫護臣即先行馳至打箭鑪一帶將成德所帶之能通番語屯土弁兵分帶馳赴後藏將建昌鎮總兵穆克登阿松潘鎮總兵張芝元一併帶往協同妥辦得旨已因汝等將就了事致有此變若再將就了事其過誰當

實錄卷一千八百七

高

大清高宗法天隆運至誠先覺體元立極敦丈奮武孝慈神聖純皇帝實錄卷之一千三百八十七

實錄卷一千八百七

高

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百八十八

監修總裁官建儲太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 慶祥

總裁官建儲太子太傅文淵閣大學士文淵閣領閣事稽察欽奉 上諭事務處管理刑部戶部三庫事務

世襲騎都尉軍功加九級隨帶加二級又加二級 董誥內大臣戶部尚書鑲黃旗滿洲都統軍功紀錄五次

尋常紀錄十四次 日德祿總辦建儲太子少保工部尚書紀錄六次 曹振鏞等奉

敬修

乾隆五十六年辛亥冬十月壬寅朔享

實錄卷一千三百八十八

十

十

太廟

上親詣行禮 遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵 遣官祭

孝賢皇后陵

端慧皇太子園寢 頒乾隆五十七年時憲

書 順天府行鄉飲酒禮 癸卯諭軍機大

臣等據蘇凌阿等奏貴州委員蕭志翊接運

吳壽朋解京鉛觔吳壽朋押解領運時在湖

北地方沉溺未獲鉛十七萬八千一百觔該

處地方官是否打撈全獲等語上年貴州委

實錄卷一千三百八十八

十

員吳壽朋在湖北省之巴東東湖江陵三縣

地方沉溺鉛觔迄今已一年有餘何以未經

該督撫報明撈獲數目此項沉溺鉛觔至十

七萬八千餘觔之多若不上緊打撈任其沉

失豈不可惜著傳諭該督撫等嚴飭地方官

同該委員親屬認真督令水摸實力打撈務

期全數起獲並將曾否撈獲若干觔之處及

委員如何治罪據實覆奏毋得久而生懈致

沉失鉛觔終無獲也尋湖廣總督畢沅奏黔

員吳壽朋沉溺鉛船經臣叅奏並飭分賠在案嗣據巴東江陵縣陸續撈獲四萬四千八百一十觔尚未獲鉛十三萬一千三百九十觔現在江水稍涸勒限打撈不敢稍懈得旨實力為之封閉四川興文縣葛藤山斗毛巖鐵礦從總督鄂輝請也○甲辰

上御懋勤殿勾到湖南浙江情實罪犯停決湖南斬犯五人絞犯六人浙江斬犯一人絞犯一人餘一百四人予勾○諭軍機大臣等據

福崧奏外委陳學明所駕巡船一隻駛至太平縣沙鏹洋面被盜拒傷搶失器械福崧現在親往台州黃巖一帶稽查督緝等語上年浙江温州洋面盜匪拒捕戕官一案所有正夥各犯俱係閩省拏獲審辦浙省祇獲盜一名即廣東崖州盜案節據福康安等具奏將首夥各犯拏獲多名分別正法嚴示創懲而浙江海洋盜匪未聞就獲多人今又有此事可見福崧陳杰無能並不嚴飭地方文武員

弁實力巡緝豈不自知愧勵耶福崧現往該處督率查拏務將盜匪全數就獲從重辦理若再不認真督緝致盜匪遠颺將來被閩粵二省拏獲福崧陳杰恐不能當其咎也將此諭令知之○又諭據廣東督撫福康安郭世勲奏安南國王阮光平派撥都督黎文認等帶兵駕船在觀瀾海面追獲盜船擊斃落水二十餘人生擒二犯業經就地處決仍將前次齎去賞物優加賞賚以示鼓勵等語廣東

洋盜因內地官兵追拏緊急竄入安南洋面前經福康安咨會安南一體協拏該國王即派撥兵丁在外洋認真堵緝上年據該國屯將范光璋捕獲盜犯曾經優加賞賚茲復據阮光平派撥都督黎文認帶兵追獲盜船擊斃多人生擒匪犯二名即行正法不使稍稽顯戮具見該國王感激朕恩力圖報効實堪嘉獎著加恩賞給阮光平金花緞二匹八絲緞二匹紅呢一板果乾一匣奶餅一匣以昭

優眷。黎文認奉委緝盜。認真巡哨。甚屬奮勇出力。亦著加恩賞給五絲緞二匹。用示獎勵。至該國王前遞到謝恩表文。其感戴悃忱。實屬至誠流露。已於表文內用硃筆批答。著一併發交阮光平閱看。該國王渥受朕恩。仰邀褒獎。益當倍加感奮。不必差員及持表謝恩也。將此諭令知之。○乙巳諭曰。閔鶚元前在江蘇巡撫任內。於高郵州。句容縣書役。偽串假票。侵那錢糧兩案。遷延不奏。始則有意消弭。繼復飾詞掩蓋。種種廢弛貽誤。其罪甚重。經大學士九卿。按律問擬。改為監候。本屬罪所應得。但念閔鶚元。於高郵。句容二案。辦理錯謬之處。節經降旨查訊。實係徇庇屬員。心存迴護。任內尚無別項貪黷亂法情節。此等庇護徇私之事。各省督撫中。即不能保其必無。特未經敗露。得以倖免耳。閔鶚元羈禁囹圄。已經歲餘。且年逾七旬。著加恩即行釋放。伊精力已衰。並非不可少之人。亦不足再加

錄用。著即令其回籍。閉門思過。閔鶚元益當感激朕法外恩施。自知愧悔。○又諭。前據鑲白旗漢軍都統德保。奏雲南勒休知府劉杰。久未歸旗。拖欠咨追官項。降旨令富綱等嚴查。將劉杰同伊子劉門燮。劉燈解部治罪。茲據該督撫查奏。劉杰有應賠銅廠銀兩。及另案粵鹽餘息。於勒休後留滇追繳。久未完解。據稱家有產業。尚可回旗變抵。及具報起程日期後。又復屢次藉病延挨。經該督撫派員管押。始行起程。是劉杰在滇耽延至六年之久。明係有心逗留。不願回旗。竟思藉患病為辭。久在外省居住。其罪實不可逭。劉杰即著革職。發往伊犁効力贖罪。現在行抵何省地方。即著該省督撫截留。以已力由彼逕行發遣。若再逗留。著該督撫即行拏問。解京正法。伊子劉門燮。劉燈。俱著銷除旗檔。聽其為民。所有應賠銀兩。即交該旗將其家產入官變抵。以清官項。至富綱。譚尚忠。任聽劉杰在

滇省久住。並不早為押令起程。均屬不合。著交該部嚴加議處。○諭軍機大臣曰。伍拉納奏據延平府知府鄧廷輯稟報。頭運委員領解餉銀。分裝船隻。行至長鐵灘地方。有第七號餉船。誤碰石梁。擊碎船身。沉溺餉銀二十鞘。現在設法打撈。已獲六鞘。仍飭上緊撈獲等語。此事殊不可信。向來各省運解銅鉛船隻。經行險灘。往往有奏報沉溺。至解運餉鞘。即有疎虞。亦係途中被竊。即如湖南芷江縣驛。失去鞘銀一案。審係更夫串通賊匪偷取。從未聞有餉鞘沉溺之事。其中必有串通偷竊。裝點捏報情弊。不可不嚴行審究。況運送餉鞘。由水路行走。事所常有。若以經歷險灘為辭。竟似解運銅鉛。具報沉溺。將來必致任意偷竊。紛紛捏報。此端斷不可開。著該督撫即將此案親提該委員。及丁役家人船戶水手人等。嚴加根究。徹底查明。如有串通情弊。據實究辦。將該委員參奏治罪。毋任捏飾。朦

混。致滋寬縱。其未獲餉鞘。務須全行起獲。倘不能足數。即著查明分別賠補。以杜捏飾之漸。將此傳諭知之。○吏部議奏。據江西巡撫姚茶奏。九江府知府達桑阿。因所屬瑞昌縣竊犯越獄脫逃。部議降一級調用。請令加倍捐復。知府留省補用。查監犯越獄。案情較重。應不准其捐復。再查定例。凡降革人員。在部呈請捐復。俱覈明原案情節。公私輕重。分別准駁具奏。原以詳示甄別。嚴杜倖進之階。近來外省督撫。每於緣事叅處之屬員降革離任後。不論案情公私輕重。率行奏請捐復。甚或有不將被議原委聲敘。朦混呈請者。實違定例。且啟僥倖夤緣之漸。應請嗣後凡外省降革人員。督撫率行奏請捐復者。臣部概行議駁。從之。○丙午。上御太和殿視朝。文武陞轉各官謝恩。○諭本日朕閱山西省情實人犯招冊內。絞犯余文全一起。因恨伊胞叔余發。不行周濟。起意將

其年甫十二之幼子余興成子致死洩忿。隨誣入場內。揪倒在地。用石連毆殞命。又絞犯孫式漢一起。因年甫十歲之小功堂姪孫寬漢子。攜取所借鐵抓欲走。該犯奪抓毆砍孫寬漢子倒地。憶及其父母相待刻薄。頓起殺機。用鐵抓連砍殞命。以上二案。刑部均照原擬依尊長謀殺本宗卑幼律。問擬絞候。入於情實。辦理未為允協。尊長致死卑幼。其情節輕重原有區別。如卑幼果有不安本分下流為匪等情。為尊長者訓誨不悛。恐貽羞族黨。以致責打殞命。自應按照定律問擬。勾到時尚可不行予勾。若因挾嫌懷忿。輒倚尊長名分。故行毆打致死。甚或覬覦家貲。肆意凌虐。毆斃卑幼。且其中致絕人子嗣者有之。是其殘忍已極。恩義斷絕。即當以凡論。不得再援尊長之例。按照定擬。今余文全。因伊胞叔余發。不行資助。輒將大功服弟余興成子。用石毆斃。孫式漢因孫寬漢子。攜取鐵抓奪毆。憶

及其父母相待刻薄。頓起殺機。是其致死緣由。實因圖洩忿恨。利已慘斃幼孩。情節均屬殘忍。自應即以凡論。乃刑部仍照尊長致死卑幼律。擬絞候。引用例條。未免牽混。殊非弼教明刑之義。嗣後凡遇尊長謀殺本宗卑幼之案。其應如何分別案情。定擬罪名之處。著軍機大臣。會同刑部。悉心定議具奏。○又諭曰。孫士毅奏。新授浙江黃巖鎮總兵諸神保呈稱。現值廓爾喀滋擾。後藏情願赴藏。隨同帶兵進剿等語。所請甚屬可嘉。諸神保即著留於川省。遇有續調官兵。令其帶往。俟有川省總兵缺出。即行補用。所有浙江黃巖鎮總兵員缺。著海通保補授。○諭軍機大臣等。據奎林等奏。奪獲圖誘生番滋事匪徒。審明定擬一摺。該犯彭貴生。因與泉州人不睦。輒敢勾引生番出山。欲加殺害。以圖洩忿。此事甚有關係。現已將該犯拏獲。搜出書信。不致滋生事端。若此信寄到。而生番等頑悍無知。竟

聽從出山將三角湧莊居住之泉州民人妄為殺害更復成何事體。豈能置之不問。必將生番痛加戮戮。又當致啟衅端。所關非細。此等要犯。既經拏獲。審出確情。自應立正刑誅。以示儆懲。乃奎林仍復拘泥請旨。殊不可解。況伊自任臺灣總兵以來。於該處搶奪鬪毆。及滋事不法匪徒。審明後即行正法者。不一而足。且有案犯情罪。尚不致即予立決。而以臺灣民風犷悍。從重辦理者。亦復不少。何獨於此等勾引生番殺人洩忿。事關構釁重大之犯。轉不敢請王命。即行正法耶。奎林平日辦事。於輕重緩急機宜。不能卓有把握。忽昧忽明。即此可見。是以朕於廓爾喀侵擾後藏一事。慮及奎林不能獨當其任。復令福康安來京。面授機略。前往督辦。奎林務當痛改舊習。倍加詳慎。毋致臨時稍昧事機。以期速藏膚功。方為不負任使。至臺灣為五方雜處之地。匪徒兇棍最易滋事。奎林在彼力加整飭。

有犯必懲。積習尚未能盡改。哈當阿到任後。於奎林辦理得宜之處。總當仿照而行。若似此案之不知輕重。拘泥失當。則不可踵其所為。所有彭貴生一犯。即著處斬。其未獲之饒阿俊。黃管二犯。著哈當阿等飭屬嚴密緝拏。務獲歸案審辦。將此傳諭奎林。哈當阿。並諭福康安知之。又諭曰。陳杰前經屢次獲咎。朕加恩棄瑕錄用。復授為浙江提督。自應感激朕恩。倍思奮勉。乃自到浙以後。祇係循分供職。並無認真出力之處。即如上年溫州洋盜各犯。俱由閩省拏獲。浙省僅獲盜一名。又廣東崖州盜案。節經閩粵督撫。飭屬拏獲多名。分別正法。而浙江未聞就獲多人。可見陳杰任意疎懈。不能嚴飭所屬。實力巡緝。致有巡船被刦之事。殊屬有負委任。甚不稱意。陳杰著嚴行申飭。現在該提督前赴黃巖查緝。務將此案盜匪迅速全行捕獲。從重辦理。若再不認真督緝。致令遠颺。必將陳杰治罪。不

能稍為寬貸也。今獲犯否。將此諭令知之。（
協辦大學士吏部尚書署四川總督孫士毅
奏。臣於九月十五日。在梓潼接印任事。查成
德鄂輝等先後派領漢屯兵二千二百名。
加調滇兵二千。察木多兵二千。及先期挑派
換班兵丁一千二百餘名赴藏。需用兵食。為
數不少。西藏糧臺。現存糧三千石。喇嘛商上
現有糧四千石。時屆秋收。尚可採買二萬石。
並牛羊一萬八千餘隻。我兵進藏後。若能迅
速藏事。兵糧儘足敷用。萬一稍需時日。兵數
又須加多。自當籌備充裕。應即在藏發價採
買。至各糧臺。稞麥計此番兵過。僅供支放。亦
當乘時採買。現飭各臺員。在附近部落採買
備貯。至應用銀兩。現據藩司詳動備貯軍需
一百五萬兩酌撥支用。再省城由打箭鑪出
口。直至藏中。業照上屆所定安設臺站馬匹。
其自廣元入境。至省城錦官驛。一體添設。以
利文報。至軍火鉛彈。現飭令此次換臺兵丁。

順便分起管運赴藏。並飭各標營補製豫備
聽候撥用。臣即日馳赴打箭鑪駐劄調度。諭
軍機大臣等。據孫士毅奏籌辦糧務事宜。可
謂盡心籌畫。所見均與朕意相同。廓爾喀賊
匪前來後藏搶掠保泰等。於前月二十五日
奏報情形。迄今已及九日。並無隻字奏到。著
傳諭鄂輝成德等到藏後。即嚴詢保泰等將
因何不奏報賊情之處。令其明白登答。據實
速奏。鄂輝成德計此旨到彼。諒已先後抵藏。
亦應將該處情形速行奏報。以慰廑注。至糧
石為軍行要需。不可不豫為籌備。此次大兵
赴藏。原為該處僧俗番眾保衛地方。自應給
價令其採辦。但前後藏地窄人稠。蓋藏亦少。
現在派調之兵為數已多。若再添滇省調往
及內地官兵。該處所存稞麥。或至不敷支食。
且恐滇兵未到。賊已先竄。多兵在彼駐劄。坐
食數月。糜餉必多。著傳諭鄂輝孫士毅斟酌
緩急。探聽情形。如此時賊匪尚未竄回。必須

多兵勒截即飛咨富綱將滇兵調發倘賊已遠遁現在毋需此次兵丁將續調各兵概行停其派調戶部奏河南虞城縣監生楊淑控銀匠余盛耀等包封錢糧以完作欠復串同縣役劉成緒等捏稟被冤將地畝交官免累請交該撫嚴審得旨此案所控情節係蠹役舞弊索詐浮收案關田賦經徵非尋常捏詞可比雖所稱請將自置地三十餘頃全數交官以免拖累之處似非情理但節次在

巡撫藩司衙署控告未經審結不便再交該省巡撫審辦致滋迴護著派劉義吉慶馳驛前往提集人證秉公研審定擬具奏丁未諭據明亮奏邪教罪犯劉照魁前往喀什噶爾與王子重傳寄書信一案伊等失察請交部察議佛住奏請將伊從重治罪德勒克扎布僅止認罪各等語劉照魁前往喀什噶爾與王子重傳寄書信乃明亮等形同木偶毫無知覺並未察出茲僅奏請將伊等交部察

議甚屬無恥明亮等業經交部嚴加議處矣今著將伊等再行交部嚴加議處德勒克扎布並未奏請交部僅以空言謝罪亦著交部嚴加議處至佛住奏請將伊從重治罪尚知已過著將伊從寬交部察議伊等所屬各處該管官員等俱著照伊等所請交部分別議處原任西藏辦事大臣保泰奏據都司徐南鵬報稱廓爾喀賊衆搶占扎什倫布旋於九月初一日圍擾營官寨官兵施放鎗礮殺

死賊首一名賊衆數十名將寨固守夜間賊匪將附近唐古忒積穀焚燬諭軍機大臣等廓爾喀賊匪侵擾後藏志在搶掠斷不能在彼久住朕早已料其必思竄回今將唐古忒糧食焚燬可見賊匪自知勢難久留急思遁去是以將積聚概行焚燬看來賊匪無能斷不敢擾及前藏此時鄂輝威德帶兵到彼賊匪自己早竄但必須懾以兵威痛加勦戮方可使之畏懼不敢再萌窺伺今鄂輝威德先

後奏到各摺俱不免存將就完事之見。殊不知朕之初意原不欲勞師遠涉。今賊匪肆行侵擾。竟敢搶占扎什倫布。不得不聲罪致討。非彼乞哀可完之事。若因賊匪已遁。遂思就事完結。使賊匪無所畏懼。將來大兵徵歸。賊匪復來滋擾。又將作何辦理。此事勢在必辦。孫士毅鄂輝成德惟當堅持定見。將調派兵丁籌辦糧餉各事宜。通盤籌畫。俟明春大舉時。軍食充裕。兵力壯盛。一俟雪化。即可窮追深入。痛加剿殺。為一勞永逸之計。至都司徐南鵬帶兵固守營官塞尚屬奮勉。俟應陞缺出陞用。以示鼓勵。又諭曰。保泰奏據綏綏堪布羅卜藏凱木楚克稟稱。仲巴呼圖克圖於賊匪未到之先。將細軟物件搬至東喀爾藏匿。其扎什倫布廟內有孜仲喇嘛及四學堪布喇嘛。在吉祥天母前占卜。妄稱占得不可與賊接仗。以致衆心惑亂。不復守禦。皆行散去。致被賊匪占據等語。實為可笑。可恨。孜

仲堪布喇嘛等皈依佛教。見賊匪侵擾佛地。自應督率衆喇嘛等極力保護。乃竟假托占辭。妄行搖惑。以致喇嘛番衆皆無固志。相率散去。其情罪實屬重大。著傳諭鄂輝等到彼後。即查明占卜惑衆之孜仲喇嘛及四學堪布喇嘛等係屬何人。即行正法。至仲巴呼圖克圖帶領衆喇嘛看守扎什倫布一聞賊匪信息。即先期逃避。委之不顧。本應一併正法。但念係班禪額爾德尼之兄姑從寬典。即著

雅滿泰拿解來京。其商卓特巴之缺著綏綏堪布補授。該處廟宇係歷輩班禪額爾德尼住錫之地。經賊蹂躪。僧衆離析。必應亟為整頓。鄂輝成德抵藏時。即派新放商卓特巴之綏綏堪布速往扎什倫布妥為安撫。清查贓財。以便將來平定後。班禪額爾德尼安禪棲止。僧衆等亦各復業。不致失所。方為妥善。

戊申

上御懋勤殿。勾到江西安徽情實罪犯。停決江

西斬犯九人絞犯七人安徽斬犯九人絞犯八人餘一百七人予勾以詹事吳省蘭為內閣學士兼禮部侍郎豁除安徽祁門縣乾隆五十三年水衝沙壓地六頃五畝有奇額賦已酉

上詣

雍和宮行禮庚戌諭每年大操該盟長等皆係將八旗官兵合於一處操演閱看但八旗官兵為數甚多若止合操一二次則其整齊

與否一時殊難看出著交該盟長等嗣後大操先將八旗官兵按期演閱後再行會集一處合操如此則整齊與否當時看出即可指示而勸懲亦易施矣雲南巡撫譚尚忠疏報會澤縣開墾田地五頃六十四畝有奇辛亥諭據琳寧等奏請接濟吉林寧古塔被災旗人口糧倉莊糧穀亦請展限交納等語今歲吉林寧古塔偶遇霜災收穫歉薄甚屬可憫著照琳寧所奏將被災旗人加恩接濟

口糧至兵丁等應交義倉官莊屯丁等應交官倉額穀著寬限二年完納民人應交錢糧蠲免一分餘亦寬限二年完納以示體恤至意士子諭軍機大臣曰勒保奏拏獲匪犯附天保解京審訊一摺附天保從前在甘肅地方捏稱世襲公爵誣騙店戶廖珂給與家信令至京城住宅投遞保薦廖珂嗣因廖珂被獲究出附天保誣騙情節曾經降旨令各該督撫密訪嚴拏務期弋獲今靖遠縣知縣

楊懋德因該犯形跡可疑稟請咨查解審經勒保提犯飭委署蘭州府知府清安泰嚴加鞫訊審出節次撞騙緣由並提從前被騙之腳戶楊應強等認係附天保屬實並據供出曾在山東滋陽縣地方經兗州府差役盤獲發縣審訊假稱武舉取結釋放又在山西五寨縣地方犯賭被拏經該縣責處釋放各情節此案附天保聞拏潛匿事關六年該府清安泰奉委審訊即能究出實情尚屬留心能

事著送部引見該縣楊懋德因該犯形跡可疑即行稟明解審以視滋陽五寨兩縣於拏獲時任其捏供僅予杖責釋放者尚屬認真亦著送部引見以示鼓勵勒保能督飭所屬審訊得實不致要犯始終漏網著交部議敘至滋陽五寨兩縣於該犯到案時不能悉心研究視為尋常匪犯就案完結殊為疎玩著山東山西巡撫將該府縣查明叅處此等逃匿重犯各督撫若能嚴飭所屬上緊查拏留

心偵緝斷無日久不獲之理即如段文經一犯此時如未伏冥誅亦必因事隔多年查拏疎懈變易姓名混跡平民往來游蕩亦未可定地方官如果能隨時隨處認真訪緝自無難將重犯弋獲著各督撫務督飭所屬文武員弁於關津隘口見有形跡可疑者即行細心盤詰嚴密訪拏若能將段文經拏獲必將該地方官立加陞擢毋得視為海捕具文久而生懈倘拏獲後審出該犯曾在何處逗留

未經查拏究辦必將失察之地方官從重治罪又諭據保泰等奏稱廓爾喀賊匪來至後藏入扎什倫布廟中肆行擄掠將塔上鑲嵌綠松石珊瑚等摘去即皆遁回又稱唐古忒等聞廓爾喀來侵聲息前藏人衆盡皆驚擾妄行逃避雖稱尊奉達賴喇嘛而實無愛護之心達賴喇嘛班禪額爾德尼不可在藏居住請移於泰寧或西寧居住等語所奏竟是狂謬廓爾喀賊匪侵擾之事奏到之初朕

即謂此等賊匪不難辦理不過稍肆搶擄一聞內地大兵將至即當遁歸今果逃遁歸去矣夫自賊匪擾動保泰即怯懦驚懼全無措置主見今賊匪既已遁歸又不追趕勒殺欲將達賴喇嘛班禪額爾德尼移於泰寧西寧是誠何心賊衆入扎什倫布廟中只將塔上鑲嵌綠松石等物挖去隨即遁歸可見賊匪不過如鼠竊者流初無伎倆既已逃遁正宜尾襲隨後攻殺保泰何並不追趕乃竟畏葸

至欲將達賴喇嘛班禪額爾德尼向內遷移耶。保泰係納木扎勒之子。朕念伊曾經駐藏平日尚屬曉事。遣伊往藏辦理一切事宜。自必較他人有主見。是以令伊前往。不意頓值此事。竟至昏亂驚張。出人意表。可笑亦可恨也。即如雅滿泰尚知上緊追賊。此猶略有人心。保泰如此怯懦。實屬不堪。今賊已退回。而欲將達賴喇嘛班禪額爾德尼內移。是竟將藏地棄舍乎。設使賊人得據藏地。更思進取。遂將察木多裏塘巴塘漸次退讓。並將成都亦讓與賊人。有是理乎。藏地乃

皇祖

皇考再三動用兵力略定之地。不惟不可因此小醜騷擾。遽行棄置。且藏地棄而不取。令達賴喇嘛班禪額爾德尼及其徒衆安插何地。甚不成事。此斷非雅滿泰之意。雅滿泰前曾辦理此事。若果有其意。亦必具奏矣。此必保泰之意。朕自御極以來。累年辦理大事。從無

畏難衆所稔知者。今八旬有一臨御五十六年。豈有處此區區小醜之事。反至為開門揖盜之舉乎。保泰即不自思視朕為何如主也。保泰之意。不過以為將達賴喇嘛班禪額爾德尼移於泰寧。或西寧居住。後伊便可脫然歸家。坐享安逸。不意納木扎勒而竟生此子。保寧而有此弟也。將此令保寧閱看。想伊亦必痛恨其弟也。仍著交鄂輝到藏時傳旨。將保泰用重枷永遠枷號。在該處示警。查明保

泰之子有居官者。著革職。以示儆戒。達賴喇嘛班禪額爾德尼居住前後藏。扶持黃教。振興佛法。歷年甚久。凡蒙古番子等無不瞻仰藏地。朕如此辦理者。原為維持黃教起見。著將此旨傳示在京之呼圖克圖喇嘛等。俾知朕矜憫達賴喇嘛班禪額爾德尼及全境唐古忒人衆。維持黃教之意。再以蒙古文譯出。遍諭中外各蒙古人等知之。 癸丑

上幸圓明園 諭據勒保等奏潼關城垣工程

修理完竣請派大臣驗收當經派和琳馳驛前往詳查履勘據和琳奏稱該處工程從前經巴延三德成會同勘估時將不應添修之水關泊岸等工率行浮估並城上添建堆撥房七十二座尤屬虛糜帑項以致用銀一百三十餘萬兩之多現擬大加刪減等語因令軍機大臣傳到巴延三德成面加詢問伊等俱自認糊塗錯誤咎無可辭是其任意浮估已屬顯然現在和琳會同秦承恩在該處覈

實查辦巴延三德成俱係革去頂戴之員即著革任自備資斧速行前往潼關工所眼同和琳等當面講求以服其心所有戶部尚書員缺著福長安調補其工部滿尚書員缺著金簡轉補所遺工部漢尚書員缺著加恩以彭元瑞補授伊係甫經獲罪之人念其學問尚優自降用以來辦理石渠寶笈尚知奮勉是以加恩錄用彭元瑞益當感激朕恩倍加謹慎勉圖後效無負朕宥過施恩至意諭

軍機大臣等前因都司徐南鵬守禦營官寨尚屬奮勉已降旨令鄂輝等遇有應陞之缺即行擢用該都司於賊匪攻擾時竟能保守無虞尚無緣營懦怯習氣至烏爾公阿原派在江孜防守嗣因賊匪占據扎什倫布保泰將伊調回又因賊匪退去恐往江孜滋擾仍令前赴江孜此皆保泰漫無主見以致將弁無所適從不能得力徐南鵬烏爾公阿二人尚無貽誤著鄂輝等到藏後即將伊二人傳

到令其馳驛來京以便垂詢該處賊匪起衅及如何滋擾情形必須晝夜兼程行走到京面詢後再令伊二人仍回西藏俟明春大兵進剿時隨同打仗至前次派令前往賊巢詢問情節之都司嚴廷良嗣經保泰撤回後該都司究在何處防禦曾否與賊接仗總未據保泰奏及並著鄂輝等查明詳悉具奏若其人亦經出力並著速來京總兵穆克登阿現在帶領屯練兵丁赴藏伊係前歲熟手即著

帶領兵丁將巴勒布貿易人等押令出境且聶拉木係賊匪占據之地恐有與賊勾結等事更宜留心防範穆克登阿將巴勒布等逐出邊境外即在聶拉木帶兵駐守俟大兵進剿時即可在該處帶兵會合打仗以省往返之勞兼杜賊匪窺伺之路 甲寅諭軍機大臣等本年直隸順德廣平等府屬州縣因夏間雨澤未能深透收成歉薄山東萊州府臨清等屬州縣間有被旱被水之處河南彰德衛輝懷慶等府屬州縣本年得雨稍遲收成僅止五六分又江南蘇州常州等府屬及海州之沐陽縣本年春夏之間雨水較多沐河漫溢低窪地畝間被淹浸安徽鳳陽潁州泗州等府屬州縣低窪之區今夏雨水稍多亦間有被淹處所收成均未免歉薄業經降旨將本年應徵銀米並節年帶徵等項分別緩徵停展令該督撫實力查辦以示體恤第念各該處被水被旱地方秋收既未豐稔於明

春青黃不接之時民力究恐不無拮据是否應需賑濟或酌借籽種口糧之處著傳諭梁肯堂惠齡穆和蘭長麟朱珪即行體察情形悉心履勘據實覆奏候朕於新正酌量加恩降旨 又諭昨召見新放河州總兵官皂君保未能清語人亦平常竟似漢人氣象河州地方緊要皂君保恐不稱職著傳諭勒保令由該省總兵內揀選妥幹之員調補河州皂君保到時另以簡缺補用尋奏調皂君保為陝西興漢鎮總兵興漢鎮總兵保興為河州鎮總兵從之 乙卯以左副都御史劉權之為禮部侍郎原任庫掄辦事大臣松筠為工部侍郎 旌表守正捐軀浙江縉雲縣民應添定妻楊氏 丙辰吏部議奏協辦大學士兩廣總督公福康安奏稱廣西太平府龍州緊接安南地界現在開關通市稽查商民所關尤重通判職分較小難資彈壓查潯州府同知附郡事簡應請改為通判龍州通判改

為同知一切廉俸役食仍舊再龍州向設吏目一員為州屬管獄官歸通判轄今通判改廳屬應對品將吏目改為照磨以協丞倅所屬體制潯州府通判缺歸部選龍州同知應於本省揀補改鑄關防鈐記分別咨辦均應如所請行從之
豁除甘肅平羅縣沙壓田地九十九頃十三畝有奇額賦

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十八

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十九

監修總纂官總纂官太子太傅文淵閣大學士文淵閣領閣事領侍衛內大臣稽察欽奉 上諭事務處管理吏部理藩院等處正黃旗滿洲都統世襲副都統軍功初七級隨帶加一級尋常加二級軍功紀錄一次慶緒
世襲副都統軍功初七級隨帶加二級又加二級尋常加二級軍功紀錄一次慶緒
世襲副都統軍功初七級隨帶加二級又加二級尋常加二級軍功紀錄一次慶緒
尋常紀錄十四次世襲副都統軍功初七級隨帶加二級又加二級尋常加二級軍功紀錄五次

校修

乾隆五十六年辛亥十月丁巳諭軍機大臣

曰富綱奏接准鄂輝來咨催調滇兵迅速赴藏現在檄催武定曲尋二營及鶴麗維西等營兵丁分起派撥出口等語富綱前日奏稱接據鄂輝停止滇兵咨會即撤回大理聽候信息朕即料及富綱接到鄂輝初次咨會故如此辦理若鄂輝續調咨文到滇必更紛紛調發復降旨傳諭富綱令其遵照節次諭旨將所調兵丁暫停赴藏今該督接准鄂輝續咨果又檄催各營兵丁分起赴藏不出朕之

所料。但滇兵須十月初十內外始可齊集大理。計初次停止滇兵諭旨。係九月二十六日。由六百里加緊發往。本月初五六間。該督定可接奉。遵照停發。此事總由保泰畏蕙無能。一聞賊匪前來。後藏滋擾。即心驚膽落。毫無主見。紛紛遠調官兵援救。殊不知賊匪離前藏雖近。而距調兵之滇省甚遠。亦屬緩不濟急。即云衛藏官兵較少。不能與賊對壘接仗。藏番又怯懦不堪。遇賊即退。然亦當聚集固守。何致扎什倫布等處。遽為賊匪蹂躪。而郭輝身為總督。亦復漫無把握。率據保泰咨會。將滇兵忽停忽調。使該省無所適從。甚屬非是。著傳諭富綱。如官兵業已起程。行至何處。即於該處轉回。若已至四川交界。即著孫士毅檄令回滇。總須俟明春大兵進剿時。再聽候檄調。此時斷無庸前往。徒致虛費藏米。至此次滇兵。如已起身。其一應沿途往返所用糧餉。著富綱查明數目。咨照川省。著落郭輝

保泰二人賠繳。以示懲儆。現在廓爾喀業已遠遁。各處續調官兵節經降旨。俱令暫緩赴藏。孫士毅在打箭鑪駐劄。既無賊匪信息。可探亦無照料官兵出口等事。著即回至省城。將總督衙門一切事宜。次第妥辦。俟春融雪化。大舉進剿賊匪時。該督再行前赴打箭鑪駐劄。調度照料所有調兵運糧諸事。前已責成孫士毅悉心經理。此時停止滇兵及續調官兵一切要務。竟專交伊一人籌辦。務須仰體朕心。俱臻妥協。方為不負委任。又前據青海辦事大臣奎舒奏。接到保泰知會。因廓爾喀賊匪侵擾後藏。令其於該處密為防備等語。保泰恒怯糊塗。至於此極。青海離衛藏路遠。且係僻途。廓爾喀在後藏滋擾。與青海何涉。乃保泰率行咨會。張皇若此。推其所為。即內地各省。亦將通行知照乎。此一節著郭輝成德面詢保泰。令其據實登答。遇便奏聞。○又諭前土爾扈特喇嘛薩邁林所供各款。令

理藩院行文俄羅斯薩納特衙門查詢。今據該衙門覆稱。前信係屬偽造。向來此等書信。從無用印兩顆之例。況鈐蓋之處。不合款式。並非邊界頭目手記。我國於天朝。素習恭順。不敢稍存異念。所有從前未結各案。懇求早為剖斷。至土爾扈特。久已投誠大國。生聚有年。安居得所。豈敢冀其復還故土。想蒙大皇帝俯念忱悃。信其無他。干犯邊界之說。實無其事。從前恰克圖貿易通商。於俄羅斯大有裨益。敢乞施恩。復准開市等語。此事前據特成額奏到之時。朕即疑其語屬無稽。不足憑信。是以明降諭旨。令將薩邁林解京審訊。嗣因該犯不能確指實據。隨行文俄羅斯薩納特衙門查詢。明確據實登覆。今既覆稱並無其事。是薩邁林前次帶投書信。其為捏造無疑。而俄羅斯並無誘致土爾扈特之心。尤可概見。至所懇求通貿易措詞恭順。已降旨准其通市矣。並著保寧。永保。將薩邁林假造書

信。及俄羅斯懇求開市之處。傳諭車凌烏巴什。令其不必心存疑惑。再伊屬下人等。前次聞知薩邁林捏造謠言。未免各懷畏懼。即著車凌烏巴什。明白宣諭。令伊等疑懷盡釋。守分安居。以期承受朕惠愛深恩。永綏邊境至意。○又諭曰。奎林等奏。彰化縣民劉文騰喊稟被陳非。王庇二犯砍傷。劫取番銀。業將陳非。王庇拏獲。定擬斬決。即請王命照例梟示等語。此案陳非。王庇於五十五年十一月內。探知劉文騰。在瓦窰莊討帳。帶有多銀。相約在途截劫。即將劉文騰用刀連砍重傷。搜取番銀分散。不法已極。奎林等自應飭屬上緊查拏。即時就獲。俾得速正刑誅。乃遲至本年八月內。始行辦理。殊屬遲延疎玩。現在該二犯業經拏獲。幸未始終漏網。倘竟不能弋獲。以致兇惡重犯。倖逃顯戮。奎林等疎縱之咎。更何可辭。至摺內所稱賊番字樣。不成文理。已用硃筆添改銀字。可見奎林等。於陳奏事

件並不留心。尤屬疎忽。著傳旨申飭。又諭本日奎林奏到拏獲行劫盜匪。並聽糾入會及偷挖硝磺各犯等摺。已分別批交軍機大臣。會同該部覈辦矣。臺灣為五方雜處之地。匪徒兇棍。往往滋事。近年以來。奎林在彼力加整飭。有犯必懲。乃積習未能盡改。尚有逞兇行劫。偷挖硝磺。及糾夥重興天地會等事。可見該處民風頑悍。非一時所能速化。現在哈當阿到彼接任。務須督飭所屬。於一切整飭地方。緝拏匪犯。諸要務。仿照奎林舊辦章程。認真嚴辦。以期綏靖海疆。方為不負委任。將此諭知哈當阿。並傳諭楊廷理知之。○戊午。

上還宮。○諭曰。姜晟奏審擬桑植縣役王清仇殺王潮祚等七命。并將捏名牒詳之知縣夏名陞。參革治罪。及自請與司道等議處一摺。本年河南商邱縣民人張景仲。逞兇殘殺十人命。地方官平日失於化導。曾降旨將該府

縣及該管各上司。交部分別議處。今湖南省王清一案。其殘殺多命。與豫省張景仲情罪相同。本應將該撫等照例議處。但此案該縣夏名陞規避處分。將兇犯改名捏詳。該撫司即能審出實情。據實參奏。並不稍存迴護。所辦尚屬認真。姜晟恩長。俱著加恩免其議處。餘著軍機大臣會同法司。覈擬速奏。○諭軍機大臣等。前經降旨。令鄂輝等將已勒布在前藏貿易之人。全行驅逐。此項人等。自康熙年間。即在前藏居住。皆有眷屬。人戶衆多。不下數千名口。自必安土重遷。不願移回。而藏內番民。與之婚姻已久。若一時押令出境。辦理稍有不善。或致別生事端。更非朕安集後藏僧俗之意。此時賊匪業已竄回。須俟明春雪化時。大兵始行進剿。所有驅逐已勒布一節。亦非現在刻不可緩之事。總俟福康安到彼後。再行體察情形。妥協酌辦。鄂輝等不可因接奉前旨。稍有拘泥也。○己未。諭。廓爾喀

賊匪侵擾後藏一事。朕於保泰初奏到時。即料及賊匪無能。不過志在搶掠。亟思竄回。節經降旨指示保泰等。在彼若能稍知調度。督率堵禦。賊匪自不敢擾。及後藏乃保泰怯懦性成。一籌莫展。惟知張皇其事。紛紛遠調滇省。及各處官兵赴藏援救。甚至咨會青海地方。令其防備。竟不思及各處地方距藏遼遠。官兵抵藏。賊已早竄。徒使多兵坐食。糜費軍糧。況前後藏地窄人稠。蓋藏亦少。現經賊衆搶掠。若驟添各處調派之兵。必致不敷支食。將來大兵進剿之時。轉致糧餉缺乏。採辦維艱。經朕屢次將所調官兵。停其進發。屆期再行調往。倘如保泰所奏。勞師糜餉。擾累番人。更復成何事體。本日據保泰奏。賊匪逃遁後。戴綱等追至僧格仔地方。賊匪因攜帶物件累重。自行燒燬。仍由撒迦一路逃回等語。賊匪無能。已可概見。從前賊匪侵犯時。保泰親往後藏。果能督率堵截。無難痛殲賊衆。亦何

至扎什倫布等處。為其蹂躪。無如保泰一味畏蕙。甫聞賊至。信息即帶同班禪額爾德尼。退至前藏。以致扎什倫布喇嘛等無所倚仗。各思奔避。而孜仲堪布等復於吉祥天母像前占卜。妄託神言。惑衆人心。渙散使賊匪得以乘虛占據。肆意搶掠。是扎什倫布並非賊匪所能攻陷。竟係保泰委之於賊。又何異開門揖盜耶。且保泰既將後藏失去。避至前藏時。又欲將達賴喇嘛。班禪額爾德尼。移往泰寧。猶幸達賴喇嘛及各寺堪布喇嘛等。深知大義。堅詞以拒。未幾內徙。及賊匪逃竄後。保泰仍欲仗官軍之威。劫達賴喇嘛。班禪額爾德尼。移至泰寧或西寧等處。竟棄藏地與賊。真成笑話。不意其悖謬至此。試思衛藏為崇奉黃教之地。各蒙古番衆。素所皈依。今一旦將達賴喇嘛。班禪額爾德尼。移至泰寧西寧地方。不特衆蒙古番衆。無從瞻仰。即該處僧俗人等。亦皆為賊所擄。賊匪原因後藏空虛。

始行占據設前藏亦無人守禦賊匪亦必乘虛而入從此逐漸侵占則察木多巴塘裏塘等處亦將委之於賊有是理乎保泰如此怵怯昏憤惟思率先退避以全其身而於賊匪情形從未奏及即不能奮勇打仗亦當擒一生口詳詢賊衆虛實即雅滿泰尚知趕赴江孜防守而保泰竟安坐前藏株守不前種種貽誤其罪甚大該處孜仲堪布喇嘛占卜惑衆已令鄂輝等將首先起意之人查明辦理並將保泰革職在該處永遠枷號及伊子有官職者全行革退尚不足以蔽辜著鄂輝等到藏後將保泰喚至達賴喇嘛班禪額爾德尼前對衆眼同傳旨重責四十板再行枷號仍將諭旨內指出保泰種種貽誤緣由向達賴喇嘛班禪額爾德尼濟龍呼圖克圖及各呼圖克圖大喇嘛等明白宣示以服其心並令保泰據實登答具奏至賊匪來藏侵擾若不過因索欠起衅在邊境搶掠原不值與師

大辦今竟敢擾至扎什倫布則是冥頑不法自速天誅此而不聲罪致討何以安邊境而懾遠夷耶朕臨御五十六年平定準部回部大小兩金川拓地開疆遠徼悉入版圖況衛藏為我

皇祖

皇考戡定之地久隸職方僧俗人等胥霑醲化百有餘年況該處為厯輩達賴喇嘛班禪額爾德尼駐錫之地蒙古番衆素所崇奉若任小醜侵凌置之不問則朕數十年來所奏武功豈轉於此等微外么膺不加捷伐是此次用兵實朕不得已之苦心此天下臣民所共見者並非好大喜功窮兵黷武也著將前後辦理緣由通行宣諭知之○諭軍機大臣曰保泰奏稱戴綱在僧格仔地方追殺賊匪一節恐未確實若戴綱等果能奮勇殺賊則當賊匪前來侵擾時何以不能抵禦必待賊匪退回始行追剿可見所報情節顯有捏飾著

郭輝等查明。倘有虛捏。即當將戴網從重治罪。至已勒布貿易人等。固有送信賊匪之人。但伊等在藏居住有年。久與藏番結婚。其中亦必有心向藏番者。正可密為察訪。探詢賊情。保泰亦未計慮及此。著郭輝等向已勒布在藏居住之人。密為訪問。自可備悉賊匪虛實。設有其人。仍當獎勵示勸。兵機原無一定。惟在相時籌辦也。○又諭據孫士毅奏。審明郭羅克搶奪番匪。按律分別定擬一摺。此案

番賊糾夥搶劫。傷斃事主。實屬兇頑不法。前經降旨。以總兵張芝元。諳悉番情。令其前往辦理。今張芝元。帶同遊擊關聯陞。劉國剛。馳赴該處。除當場殺斃跌死各賊。番外擒獲寧柯等七十五名。解省審辦。甚屬奮勉。張芝元。關聯陞。劉國剛。俱著交部議敘。以示獎勵。至案內賊匪寧柯等十七犯。業經該督恭請王命。分別凌遲斬梟。七勒等十犯。俱係同謀。搶奪。法無可寬。著照該督所奏。即行斬決。餘均

照所奏完結。其在逃未獲之甲讓等五犯。仍著該督嚴飭土司等。實力查拏。務期迅就。弋獲。辦理示懲。○又諭。曰。刑部議覆直隸撫寧縣民王二。用刀治病。錮傷劉蔣氏身死一本。此案據王二供。五十年春。在奉天承德縣東八家子地方做工。害起病來。該處伏魔菴。有住持于道。給藥醫治。痊愈。又將用刀切病醫法傳授。並教給治病咒語等供。伏魔菴住持于道。傳給此等邪法妖言。煽惑愚民。致戕人命。最為可惡。不可不嚴拿懲辦。該犯于道。現

經直省關提。尚未到案。著傳諭該府尹。即飭屬查拏務獲。解交刑部審辦。並著梁肯堂。一體飭屬嚴緝。毋致匪犯漏網。○又諭。曰。步軍統領衙門。奏江西崇義縣民人周鼎生等。呈控周聖傳等。創毀伊家祖塋。自將祖父母棺木盜葬一摺。此案周鼎生等。在本省督撫司道府縣衙門。疊經控告。該省各官。不但。不為訊斷。且知縣押令和息。知府捏改圖樣。如果

所控屬實。自應徹底查明。嚴叅究辦。但係一面之詞。或因嫌捏控。冀圖拖累。亦應究明懲辦。以儆刁頑。著傳諭劉義吉慶於河南控案審明完結後。即馳驛前赴江西。提集人證。秉公嚴審定擬具奏。○軍機大臣會同刑部議奏遵旨議有服尊長殺死卑幼之案。如卑幼並無觸犯情節。祇因其父兄伯叔平日相待刻薄。挾有夙嫌。將其無辜幼小子嗣弟姪。故殺洩忿。年在十二歲以下者。應照凡人謀故殺本律。擬斬監候。本年余文全孫式漢二起。即照新例改擬罪名辦理。得旨向來尊長謀殺本宗卑幼。問擬罪名。雖有定例。但案情輕重不同。如係謀財害命。強盜放火殺人。及圖姦謀殺。並因挾有父兄夙嫌。遷怒無辜幼小子嗣弟姪。故行殺害。以致絕人子嗣。則殘忍已極。恩義斷絕。自當即照平人科斷。此為明刑弼教起見。並非有意從嚴。是以令軍機大臣會同刑部將原定之例。分別妥議具奏。今

據準酌案情。增定條例。於情法益昭平允。著依議行。法可定而情不同。仍在該部就事。一準情酌理耳。○庚申。諭軍機大臣曰。姚綦奏據廣豐縣知縣曹德元稟稱。告假在籍侍衛嚴夢彪。赴縣拜謁。將紙開寫米四百石。交管門家人。又復乘馬赴倉。將完糧花戶鄭牙左腿踏傷。請旨革職等語。嚴夢彪告假期滿。不即赴京銷假當差。藉稱患病。在籍逗留。擅入縣署。并敢乘馬赴倉。踏傷花戶。甚屬奇事。嚴夢彪著革職拏問。交該撫提同案內人證。嚴審定擬具奏。至該侍衛在籍捏病遷延。其代為詳報展限捏病之該縣府。咎亦難辭。并著該撫查明參奏。○又諭據台斐音奏。伊所屬錦州義州二城。應用火藥等項。每年於演放烏鎗後。並無存貯。請嗣後於盛京工部多支一年存貯。仍用舊存外。其鉛彈照山海關例。回殘七分。其回殘者。即由本處再行鑄造存貯。俟次年祇領用三分等語。台斐音此奏。

尚屬留心。著照所請行。至該省別城。恐亦有應如此辦理者。俱著查明。照所奏一體辦理。○又諭曰。愛星阿奏各處行宮。請交總理工程處。派員勘修一摺。所稱木植間有腐朽。油飾爆裂。牆垣地面。亦有酥城之語。殊難憑信。向來各處工程。在工人員。往往以油飾剝落地面。酥城為詞。朦混開銷。藉以稍霑餘潤。遂成陋習。此等酥城剝落之處。即在內廷宮殿。亦所常有。況各處行宮。為巡幸所經。暫時駐蹕。不過於滲漏處所。略為拘抵。以防雨水浸滲。其油飾爆裂。地面酥城。原屬無礙。何得任聽工員。藉詞開報。以為浮冒地步。致滋糜費。所有愛星阿請修各處工程。止須將滲漏之處。勘估粘修。其餘單開各項。俱可毋庸辦理。除就近諭知總理工程大臣等。嗣後遇有似此等工程。俱遵照此旨辦理外。將此諭令知之。○又諭曰。長麟奏調劑市集錢價一摺。朕初閱時。因泉貨流通。隨時長落。原可聽民自

便。但該省現在錢價過賤。諸物未免增昂。推原其故。自因銀少錢多。以致錢價日賤。物價愈昂。朕即想及該省暫停鼓鑄。自可調劑得宜。惟是銀錢互易。務在商民兩得其平。其應如何量為節制。不使稍有窒礙之處。必須籌算周詳。且錙銖較量。以及商賈情形。此等細事。原非朕所素諳。本日復與軍機大臣講求。推原該撫所稱。將江省各營兵餉。暫以銀兩散放。並請來春暫緩開鑄一節。係為一時調劑起見。與朕初意相合。看來長麟於地方事務。尚能留心。應照所請辦理。但民可使由。不可使知。若令小民明知其故。又難保無市儈將錢文豫行收積。以為將來擡價牟利地步。此等權宜之計。祇可因時通變。行之一年。以收一年之效。可暫而不可久。如明歲停止局鑄後。錢價不致日賤。仍當照舊辦理。即此法亦祇可行之江省錢賤之處。而他省情形。又各不同。亦不得一例辦理。總之有治人無治

法惟在封疆大吏因地制宜。隨時妥辦也。此治目前之急。由五百里速諭知之。○辛酉。諭上年恩詔內。給予大小官員封典。其有將應得封贈懇請照例。馳封者。準令該督撫據情具奏。原屬推廣恩施之意。但例限雖有二年。今已屆滿。各督撫每遇一二員呈懇。即行專摺具奏。朕亦不過硃批有旨而已。殊屬煩瑣。嗣後各督撫將呈請馳封之文武各員。於限內彙齊。年終具奏一次。不必陸續奏請。以歸簡易。○諭軍機大臣曰。惠齡奏據茌平縣稟報。接遞兩廣總督福康安。自江西建昌驛。馳遞五百里報匣。因馬夫行至教場鋪地方。馬驚被跌。以致報匣壓壞。現提馬夫嚴訊。並將不行慎選之知縣。另行覈辦等語。驛站馬夫馳遞文報。馬驚被跌。原屬猝不及防。途中常有之事。此等文報往來。地方官亦斷不敢私行偷閱。捏稱馬夫跌損。此次壓壞報匣。諒無別項情弊。該馬夫因急於馳遞。以致馬驚被

跌受傷。其情尚屬可憫。著惠齡即賞給銀五兩。令其養傷。以示體恤。至該縣差遣馬夫馳遞報匣。安能保其途間必無馬驚等事。此次壓損報匣之馬夫。及該地方官。竟可置之不問。將此諭令知之。○吏部兵部議奏。據四川總督鄂輝奏。稱雅州府屬天全州。自雍正七年改土歸流。未立州學。其應試取進童生。附歸雅州府學考課。現在人文日盛。該州距府寫遠。應於該州專設教官。以資訓迪。請將蘆山縣訓導裁改為天全州訓導。俸銀役食。即由蘆山撥改。

文廟旁現有餘屋。改為學署。廩增名額。即於雅州府學內酌量撥歸。又嘉定府峨眉縣。裁邊營。從前未改阜和協時。歸泰寧協兼轄。迨泰寧改為阜和協。副將衙門移駐打箭鑪。距我邊營千里。一切稽察考拔。鞭長莫及。查協屬各營。本係提督管轄。而我眉距省止三百餘里。應將我邊營改隸提督就近專管。毋庸

復隸阜和協兼轄均應如所請從之。○豁免貴州運員雷平。遭風漂溺白鉛七萬觔有奇。○壬戌諭刑部議覆吉林將軍審擬屈常祥戮傷米文祿身死一案。覈其情節龍德成糾集多人強搶良家孀婦以致釀成人命情殊可惡。刑部照該將軍所擬僅將該犯發極邊充軍不足蔽辜著發往伊犁給兵丁為奴以示懲儆。屈常祥因女被搶趕至龍德成寓所聽聞伊女在屋內哭喊即欲進屋拉救又被

米文祿攔阻隨用刀將米文祿向戮致斃。係恐伊女被姦汚迫於救護情尚可憫。屈常祥照姦夫已離姦所本夫登時逐至門外將姦夫殺死不應重律改為杖八十以昭平允。○諭軍機大臣曰吳省蘭謝陞授內閣學士恩摺內有宣批諾之謨一語其意以內閣學士職司批本故用批諾二字但史冊所載如後漢之南陽宗資主畫諾係指太守不事事而言南齊江夏王蕭鐸學畫鳳尾諾係屬藩王

典故均與批本無涉即朕批閱奏摺用硃筆批寫覽字亦不謂之批諾是諾字雖係用古此處殊欠切當朕從不以語言文字責人因該學政尚稱讀書人摺內用字未妥降旨訓示伊亦不必稍有畏懼也將此諭令知之。○旌表守正捐軀湖北荊門縣民車邦順妻唐氏。○癸亥諭軍機大臣等據成德奏巴塘副土司成勒春丕勒懇請帶同伊弟澤旺諾爾布並家丁數十名前往効用成德即帶同前

進等語該土司踴躍急公著成德酌量賞給緞匹以示鼓勵至成德此次行走殊屬遲緩賊匪於九月初七日業已竄回計成德十月初五日發摺之期已及一月此時成德即兼程趨行到藏尚需時日賊匪久經遁去已屬無及今將成德行走日期覈對西藏程圖計算道里成德現在始抵察木多迤東之猛普地方是每日不過行一站似此遲緩何時始能抵藏前因成德平日尚屬勇往朕方慮其

冒昧輕進。今乃如此濡滯。豈得謂之勇往乎。著傳旨嚴行申飭。再成德現擬先往藏內。將所帶滿漢屯練兵丁。交穆克登阿管領。隨後進發。則穆克登阿行走。更在成德之後。著該總兵帶領兵丁。趲程前進。毋致再有遲誤。干咎。鄂輝接奉此旨。亦應督率兵弁。趕緊抵藏。以便一切事宜。遵旨籌辦。不可又似成德之按站行走。致稽時日也。○又諭據孫士毅奏籌辦糧運各事宜。實在盡心。可嘉之至。摺內稱軍行所用糧石。從內地運至西藏。每石需價三十餘兩。若就藏地採辦。即倍價收買。每石不過三兩等語。若果能如此。則所省至十倍。尤見盡心籌覈。不致帑項虛糜。節經降旨。不令多兵前往。坐食藏米。亦即為此。孫士毅務當事事如此。酌籌妥善。俟明春大兵進剿時。使糧餉得以源源接濟。即孫士毅一人之功也。著隨報賞給孫士毅御用大荷包一對。小荷包四個。以示獎勵。至口外軍糧全資烏

拉運送。向來官給價值。土司既有從中剋扣之弊。烏拉因之裹足不前。或中途拋棄脫逃。殊有關係。或令地方官將應付價值。當面散給。俾豫備烏拉之番衆。咸受實惠。自必更加踴躍。並著孫士毅酌量辦理。若土司等果能急公報効。不敢暗中剋扣。上緊雇備運送。所有應給價值。仍可發交土司轉給。不必拘泥遵旨。孫士毅自能仰體朕心。辦理俱臻妥協也。○又諭曰。孫士毅係署理總督。祇應全食尚書實俸。但現在辦理進剿廓爾喀賊匪。及籌運糧餉事宜。甚為妥協。且在彼往來照料需用較多。恐形拮据。著加恩於總督養廉內。與鄂輝各分半支食。以示體卹。○甲子。上御乾清門聽政。○諭近來大學士九卿奏事。及各衙門帶領引見。朕於夙興之時。一經詢問。即據奏事處奏稱。俱已伺候齊集。朕因年高少寐。每當丑寅之際。即垂衣待旦。日以為常。而諸臣因請駕較早。率皆先時祇候。且漢

大臣中多有住居城外者。趨朝自必更早。如詩所云東方未明顛倒衣裳。殊屬無謂。況目今冬月日短。朕用膳辦事。總在卯正以後。諸臣早集朝房。亦無所事。嗣後各該衙門。遇有陳奏事件。及帶領官員引見。俱著於卯正到齊。亦不為遲。以示體恤。○又諭據明興等查出駐劄巴爾楚克卡倫之護軍校玉保。私役回民勒索回子伯克馬匹等事。請將玉保革職。留於葉爾羌折挫差使等語。玉保駐劄卡

倫。乃敢違例私役回民。勒索商伯克沙。瞞蘇爾馬匹。殊屬卑鄙不堪。即著革去護軍校。從重治罪。百日滿時鞭一百。留於該處折挫差使。明興將此事查出。並不袒護。即據實定擬奏。所辦尚是。明興等著交部議叙。餘著照明興等所奏行。並將此通諭駐劄新疆大臣等。嗣後遇有此等事件。俱著照此留心妥為辦理。○察哈爾都統烏爾圖納遜奏蘇尼特兩旗連歲旱荒。自蒙恩賑濟後。雨澤如期。年

穀順成。野外生滋。楚拉啟勒甚屬豐稔。比戶俱收藏禦冬。各處就食者。俱回家樂業。臣所管戈壁內十餘臺站。亦廣產楚拉啟勒。該處人等所收足支來歲青草發生以前之用。謹囊封進呈。

御製沙蓬米詩序曰。蒙古東西蘇尼特連年被旱。已即優加賑卹。茲據察哈爾都統烏爾圖納遜奏前歲蘇尼特野外所生楚拉啟勒。居人藉此餬口。並囊貯呈覽。是米內地所無。詢之亦無知者。恭閱

皇祖御製幾暇格物編有曰。沙蓬米者。枝葉叢生如蓬。米似胡麻而小。可為餅餌茶湯之需。凡沙地皆有之。鄂爾多斯所產尤多云云。今詢之蒙古人與

幾暇格物所言形狀悉合。且西蘇尼特地連鄂爾多斯。則楚拉啟勒即為沙蓬米無疑。是米嘗之鮮有滋味。而荒年賴以全活者甚衆。覽奏為之心惻且慰。因成是什詩曰。東西蘇尼

特前歲遭洊飢由冬至夏秋雨雪總未滋所賴沙蓬米沙地自生斯然亦竟因旱資食遜往時聞之心惻然遣賑銀米施

天恩幸轉旋膏霽霈如期嗟嗟蒙古衆乃得免流離蓬米亦稔熟戶戶饘粥炊呈來一試嘗例草根樹皮北望心雖慰調變愧自知○命禮部尚書劉墉工部尚書彭元瑞仍在紫禁城騎馬○調工部侍郎松筠為戶部左侍郎○以洗馬達慶侍講那彥成曹振鏞充日講

起居注官侍讀學士吳樹本署日講起居注官○乙丑

上御懋勤殿勾到江蘇山東情實罪犯停決江蘇斬犯三人絞犯六人山東斬犯二人絞犯十人餘一百十四人予勾○諭國初以來設立議政王大臣彼時因有議政處是以特派王大臣承充辦理自雍正年間設立軍機處之後皆係軍機大臣每日召對承旨遵辦而滿洲大學士尚書向例俱兼議政虛銜無應

辦之事殊屬有名無實朕向來辦事祇崇實政所有議政空銜著不必兼充嗣後該部亦毋庸奏請○以少詹事慶善阮元為詹事○丁卯諭軍機大臣等據書麟等奏審辦外委地保賄縱販賣私礦人犯一摺已交該部議奏矣案內李言一犯販賣私礦業經弁兵查拏輒即乘間逃逸實屬可惡該督等務須飭屬嚴拏務獲該犯原籍山東並著惠齡一體查拏務期弋獲毋任漏網至該督等所稱民間需用硫磺若照定例由縣詳府由府詳司未免稽延時日請每年由布政使衙門豫印空數印票發給州縣遇有商販請領查明填發等語硫磺一項為民間需用之物該商販等報明州縣後輒轉批詳耽延時日固屬於民不便但由布政使衙門豫印空數印票發給州縣亦難保胥吏等無藉端勒索等事惟在該督等隨時留心嚴加稽察毋使法立弊生俾商民兩便方為妥善將此諭令知之○

又諭現在勦辦廓爾喀賊匪索倫達呼爾兵丁向為得力著都爾嘉將呼倫貝爾兵挑選六百名打牲兵挑選四百名照例辦給馬匹路費令呼倫貝爾兵從多倫諾爾行走打牲兵從八溝行走迅速到京所有領兵官現令海蘭察擬定富里善等十四人將名冊交與都爾嘉遵旨辦理即行起程並嚴飭該管官員沿途管束兵丁毋令稍有滋事○戊辰諭據孫士毅奏庸懦無能之川北鎮總兵富

祿一摺富祿身係滿洲又為專閫大員當此藏內用兵之際並不自請隨征効力及聞孫士毅代諸神保袁國璜具奏額請出兵富祿中懷恒怯張皇失措實屬可笑可鄙向來滿洲人員於出兵之事最為勇往無論急思自効者固皆踴躍爭先即非出自真誠亦必顧惜顏面勉為額請乃富祿知有西藏軍務且經孫士毅於接見時示之以意竟爾置若罔聞不特不圖自奮且並未以虛詞陳請尤屬

可惡孫士毅據實奏所辦甚是若僅勒令休致轉得安居自便不足示懲富祿著革職發往伊犁効力贖罪所遺川北鎮總兵員缺即令諸神保補授○己巳

上御懋勤殿勾到河南情實罪犯停決斬犯五人絞犯九人餘一百人予勾○諭前因潼關城垣工程已延三德成會同勘估時將不應添修之水關泊岸堆撥率行浮估虛糜帑項經和琳查明具奏當即降旨將已延三德成

革任前往潼關工所跟同和琳等當面講求以服其心茲復據和琳將查收潼關城工分晰刪減數目據實覈奏內如南北水關二座券洞之上祇須隨城安砌排垛宇牆儘可飾觀今德成仿箭樓式樣成造於兩關添建閣樓懸掛千觔開板每塊重五千觔非七八十人不能啟放試思水關安設開板所以禦水而非藉以禦寇即為防人起見平時放下適遇潼水猝至不能拽起轉至阻遏城內淹浸

民居是防患而適以滋患。如荊州前年之合城皆水。雖下愚無知亦不至糊塗若此。而其上復添蓋箭樓。巍哉聳峙。殊屬無謂。又城上建堆撥房七十二座。無人看守。尤為虛設。潼關在漢唐時原為雄鎮。安設重兵。自不能不於城上建設堆撥。今昔異勢。潼關尚不如直省之一邑。並無重兵在彼駐守。又安用此堆撥為耶。至自西門至東門一帶城身。係依山脚建築。原屬堅實。從無衝決之患。乃德成因有添建泊岸之舉。轉將山脚削去。是從前山脚之土本堅。無須泊岸以護城根。而今日泊岸之土浮鬆。必須挑溜以資捍衛。且應時時修築矣。種種錯誤。實出情理之外。且奏洞安設千觔閘板一節。曾經金簡在朕前奏及。伊向德成講論。德成以明季李自成到潼關時。曾從券洞內潛過。此言尤為可笑。李自成在明季橫行蹂躪。殘破郡縣。不可勝計。又安能處處為之設備。此等妄論。直同夢囈。總之德

成性成自高固執。前因辦理河工與阿桂意見齟齬。即其於工部同僚中素所嫉惡者。莫若金簡。而於福長安亦情同冰炭。皆朕所素知其意以為與此數人不和。斷不能在朕前攻摘其短。而伊平日又以廉介自居。工程復稱為諳習。諒必為朕所袒護。故敢於勘估潼關城工一事固執已見。任意率行。即彼時已延三。秦承恩俱有不必如此大修之語。向其辯論。而德成竟置之不顧。蓋欲藉此得有沾潤。為肥己娛老之資。而舉朝大臣想皆莫敢誰何。以致營私執拗。虛糜帑金。至一百三十餘萬之多。其居心實為可惡。德成前已革任著即拏問。今已延三押解來京。交刑部治罪。已延三既知德成勘估過當。與之講論不從。即應據實奏聞。乃亦隨同附和。固難辭咎。但念其本係庸懦無能之人。業經革任。免其置議。至工部堂官於德成濫行勘估之處。未能指駁。照估題覆。亦有不合。著交部議處。餘仍

著軍機大臣會同議奏。○又諭據伍拉納等奏審擬巡洋哨船遇盜恒怯裝傷捏報之弁兵一摺。已交軍機大臣會同刑部速議具奏矣。此案外委陳學明巡洋遇盜被刦軍械。膽敢裝傷捏報。希圖掩飾。情殊可惡。伍拉納赴浙查閱營伍。一經稟報。即能就近將陳學明裝傷捏報各實情。逐細究出。審明定擬具奏。辦理甚為認真。伍拉納著賞給大荷包一對。小荷包四個。以示獎勵。至福崧陳杰現駐台州海門等處。查拏洋盜。何以直至伍拉納到後始行查奏。若非伍拉納到浙查辦。則福崧陳杰竟不能究出此案實情。伊等在彼所辦何事。福崧陳杰著交部嚴加議處。○庚午。諭據畢沅等奏審明殺死胞兄年遠稽誅之王谷平一犯。即行辦理一摺。此案王谷平於乾隆二十五年。與胞兄王谷治酒後爭論。持刀向戕身死。伊母劉氏以王谷平若報官問罪。恐致絕嗣。當懇戶族王宗湯等將王谷平逐

出。為伊嫂祁氏擇立堂姪王家讓為嗣。厚給財產。今因祁氏身故。王谷平復向王家讓占產爭訟。經隨州知州張璿訊出從前戕死胞兄。私行調處各實情。審明正法。王谷平以戕兄重犯。因伊母私和寢事。彼時承繼之王家讓。年僅七歲。尚屬無知。至今已三十餘年。若非王谷平有占奪財產之事。竟至無由舉發。且當日立有分闕嗣約。所有作證之王宗湯等。現俱年逾八十。設於此案未經破露以前。先已身故。亦不能證據確鑿。今該犯因踞占屋產。經該州究出種種情節。並起出舊存嗣約內。載有王谷平刀戕胞兄身死字樣。其目擊王谷治被戕。聽從劉氏私和之王宗湯等。又俱到案供吐。歷歷如繪。可見天網恢恢。疎而不漏。此等幾倫逞兇之犯。斷不能以事隔多年。倖逃顯戮。似此天理昭彰。兇徒益當知所儆畏。至該州張璿審理爭產詞訟。即能究出三十餘年未破重案。

立實憲典。尚屬留心。除將原摺批交該部知道外。張璠著送部引見。○辛未。

上詣

奉先殿

壽皇殿行禮。○諭軍機大臣等。向聞海蘭察及各巴圖魯侍衛章京等。經過各省。沿途俱有需索之事。而承辦各員。畏其擾累。亦遂爭相餽送應酬。則辦差家人長隨等。必至藉詞影射。任意開銷。藉肥囊橐。此等用項。無從查對。

辦差之人。何所憚而不為。而承辦之地方官。即以辦差賠累為詞。以致那移倉庫。甚至科派閭閻。皆屬勢所必有。於地方殊有關係。各省督撫。經朕簡任封疆。不能據實奏。乃輒轉周旋餽送。相習成風。實屬非是。著傳諭各督撫等。所有此次海蘭察等及巴圖魯侍衛章京並兵丁等。經過各處。每省各派道員一二人。分段照料。入境出境。專司車輛馬匹廩給等事。到站即行應付。不可稍有缺乏。俾官

員兵丁等行走得以迅速。事畢各奏聞。倘有需索擾累之事。飭令該道據實呈報。該督撫即應查辦。不但帶兵大小官員。指名參奏。即兵丁等亦應嚴參究處。如各督撫等有意彌縫。轉相交接。一經發覺。必將該督撫及派出道員。一併治罪。各督撫接奉此旨。務即嚴飭所屬府廳州縣一體遵照。毋得仍蹈故轍。自干咎戾。○又諭據魁倫奏琉球國貢船到閩。遵例免稅一摺。內稱。此次正副使貢船二隻。

進口。逐一查驗。與免稅之例相符。隨照例寬免。旋據該通事梁元魯率領來使馬繼護等赴闕叩謝天恩等語。琉球國既差使臣齎進貢物。現在船隻到閩。經魁倫驗明免稅。該撫即應將該國貢使到境日期及約計程站何時可以到京。專摺具奏。乃僅照例具題。而於該貢使何時可以到京。並未奏及。殊屬拘泥遲緩。著傳諭浦霖。即將該使臣能否於年內到京之處據實覆奏。尋奏琉球國正副使馬

繼護陳天龍於八月二十。二十一日。先後到聞。十月初二日。派員伴送啟程。十九日已出閩境。計十二月二十日以前。定可到京。報聞。○又諭。鄂輝奏現在賊匪業已敗回。不過在濟龍。聶拉木一帶。觀望拒守。俟與成德先後抵藏。督率現帶之屯兵二千名。設法攻取。縱使大雪封山。亦須繞路前進。痛加勦殺。以目下情形而論。滇兵儘可不調。現已飛咨停止。又據成德奏。接奉諭旨。令其相機辦理。不可勇往貪功。致有疎失。惟有凜遵訓諭。不敢冒昧貪功等語。廓爾喀侵擾後藏。佔據扎什倫布。不過意圖搶掠。斷不能在該處久留。朕早料及。節次降旨。將所調滇兵即行停止。乃鄂輝初次接到保奏。咨調滇兵之信。以為尚可停止。及續得咨會。復行紛紛催調。而現因賊匪退回。又稱滇兵可以無用。忽調忽停。全無把握。徒費糧餉。若非朕先期諭令孫士毅。富綱。將滇兵及續調三十九族番兵暫停進發。

則早已啟程出境。鄂輝如此進退無據。一切總待朕代為籌辦。又安用帶兵大員為耶。至所稱賊匪現在濟龍。聶拉木一帶觀望。如果屬實。正可帶兵星馳赴藏。痛殲賊衆。况鄂輝既得此信。成德行走在前。亦斷無不知之理。乃成德每日祇行一站。並不趨程進發。前次朕方慮其冒昧輕進。降旨令其加意慎重。今似此行走多時。距藏尚遠。所謂勇往者安在。是教其不可輕進。正中其退卻之心矣。鄂輝身為總督。正應將成德行程遲緩之處。一面參奏。一面帶兵星速趕上。乘賊匪未遁之時。奮力勦戮。使之震懾兵威。知所做懼。鄂輝計不出此。成德已行走濡遲。而伊亦效尤按站緩行。坐失事機。實為可惜。且鄂輝等帶領兵丁。方在中途。一時尚未能抵藏。賊匪早經退去。現交冬令。該處山高雪大。道路阻絕。豈能繞道前進。乃鄂輝先為此夸大之詞。不特言不由衷。抑且不知事勢。竟同夢囈。再鄂輝成

德帶領多兵。不能迅速抵藏。勦賊。而鄂輝摺內。尚覲然為賊匪敗回之語。殊不知鄂輝等。如果與賊相遇。曾經接仗。或稱賊匪敗回。尚屬有因。今鄂輝成德帶兵行走。稽遲時日。距藏尚遠。而賊匪於搶掠後。早經飽載而歸。未見一賊。安得大言不慙。為此賊匪敗回之語。此等軍營虛詞捏報。最為惡習。明季往往如此。故有勞師遠涉。不見一敵。而虛報首級。邀功獲賞。以致軍律廢弛。賞罰皆無所懲勸。

朕自乾隆十九年以來。辦理準部回部。平定大小兩金川等事。迄今三十餘年。於軍務機宜。無不親為運籌指畫。軍營將士。亦皆恪遵紀律。從不敢有虛報邀功之事。鄂輝此等伎倆。祇可任聽伊屬下將弁。欺其庸懦。無能混行稟報。伊視朕為何如主。而亦欲以此等虛詞嘗試耶。鄂輝成德均著傳旨嚴行申飭。並交部嚴加議處。至賊匪敗回。在濟隴。聶拉木一帶拒守之語。究係得自何人。仍著鄂輝據

實覆奏。又鄂輝另摺奏稱。現在帶兵行走。一俟奎林到藏。再行面為商酌。於春融雪化。合兵進剿等語。此事現已令福康安馳赴西藏。督率勦辦。計其抵藏日期。應在奎林之前。所有軍行一切事宜。竟俟福康安到藏後聽候調度辦理。鄂輝成德既已遲誤於前。若再不加奮勉。立功自贖。伊二人恐不能當其罪也。○以湖北黃州協副將明安圖為湖南鎮筵鎮總兵。○旌表守正捐軀河南考城縣民于

忙來妻王氏。○豁免江南興武二幫旗丁李芳馨遭風漂沒米六百七十三石有奇。並賞卹淹斃水手如例。○是月江南河道總督蘭第錫奏黃河各廳自霜降後水勢日消。埽工堅穩。惟河性善於坐灣。塌灘距隄僅二十餘丈。應於迤上坐灣處。紮木龍三架。各長三十丈。以資挑護。批。似此一架足矣。不應聽工員多費開銷。況皆向所無者。又稱兩岸隄工尚有應加培寬厚。並圍築越隄處。現委員勘估。

俟估竣另行會覈奏辦。批。無此。工員不可餉口矣。然不可有加無已。○河東河道總督李奉翰奏。微山湖收水一丈二尺一寸。來年足敷宣洩。運河水消。灘嘴顯露。應行挑切工段。現飭查量估計。南旺。濟寧。彭口。塘河。及長河。受淤處。俟河水再消。方得確估。總期工段覈實。節省利漕。得旨。以實妥為之。○江蘇巡撫覺羅長麟奏。江南產米。僅敷本省口食。若商販透漏出洋。必有食貴之虞。且海洋竊劫盜犯。匪跡洋島。惟食米缺乏。上岸購買。無難擒獲。若米石透漏出洋。則盜犯不靳重價。俾商賈貪利接濟。不致以上岸購食被擒。是米石出洋。既礙民食。益資盜糧。例載。奸徒運米出洋。接濟奸匪者。絞立決。無濟匪情弊。米過百石。發近邊充軍。米石船隻。變價充公等語。查弁員奉委出洋。多不諳水性。必須雇覓船隻。多帶水手。併須先行買眼購線。種種需費。微末員弁。力難從心。請嗣後無論文員武弁。及

總督提鎮各營。如有能在海洋。拏獲私運米石者。即將所拏米石船隻充賞。則委員等費。用有資。必更認真緝拏。以裕民食。而絕盜資。倘非親身出口。及以商客貨船食米。妄拏訛詐者。嚴叅治罪。得旨。所奏是。著照所請行。

大清高宗法天隆運至誠先覺體元立極敷文奮武孝慈神聖純皇帝實錄卷之一千三百八十九

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十

監修總裁官總纂官太子太傅文淵閣大學士文淵閣領事領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次自慶
世襲騎都尉軍功加十九級隨帶加二級又加二級戶部尚書鑲黃旗滿洲都統軍功紀錄五次
尋常紀錄十四次臣德瑛謹纂官太子少保工部尚書紀錄六次臣曹振鏞等奉
敕修

乾隆五十六年辛亥十一月壬申朔諭據理

藩院奏稱喀爾喀土謝圖汗部落貝子德沁喇木丕勒旗分台吉阿彌坦等呈控乾隆二十四年因被盟長達什丕勒無故將伊等台吉頂戴革去協理台吉格里克彭楚克復行派斂及至訴控扎薩克等反謂伊等誣告各鞭責八十一案經該院咨交駐劄庫倫大臣詳查據稱阿彌坦等實係台吉尼木布等一族之人該盟長達什丕勒謬將伊等頂戴徹去及伊等呈訴冤枉復各鞭責八十至台吉

車登扎布等索取馬匹牛羊緞匹是實應將索取之牲畜令其分數賠繳等因請仍賞阿彌坦等台吉頂戴其應賠之牲畜亦請照咨完結等語凡內外扎薩克蒙古等朕平日深為憐憫遇有伊等呈告冤枉情事朕尤屢念斷以平允毫不遲延偏護此皆蒙古世僕等所盡知者今阿彌坦等此事關係裁革台吉當控告之時該院理應即行奏請欽派大員前往秉公辦理乃該院並未具奏僅咨查駐劄庫倫大臣殊屬非是著將該院堂官等交部嚴加察議阿彌坦等實係台吉而該盟長歷年以來竟視為僕役且索取許多牲畜阿彌坦誠為冤抑所有伊等牲畜自應照數賠償即索取牲畜之台吉等現在無力繳還亦應著從前辦理錯謬之扎薩克等賠繳著交駐劄庫倫大臣等將台吉車登扎布等應賠之牲畜即行追出交與阿彌坦等外餘俱著該扎薩克達什丕勒協理台吉格里克明楚克

賠繳達什丕勒雖已病故。其應賠之牲畜。即著落伊子嗣等賠繳。此項牲畜。務須照依所取足數賠償。斷不可任其推諉不給。以示朕軫念蒙古世僕之意。諭軍機大臣等。據保泰奏賊人占據聶拉木定結等處。不肯遽行退回一節。此正極好機會。昨據鄂輝奏稱賊匪現在濟龍聶拉木等處。觀望拒守。看來尚未退回巢穴。此時彼處大雪封山。歸路阻絕。竟係

天奪其魄。神靈不佑。故令其逗留邊境。坐待殲誅。若鄂輝成德行程迅速。早抵藏內。已將賊匪痛戮無遺。乃行走濡滯。失此機會。實為可惜。鄂輝成德既已遲誤於前。趁此時賊匪觀望稽留。欲歸無路。務當先後星速趨程。奮勇前進。跟蹤剿殺。若能一鼓殲誅。更可早期肅事。稍贖前愆。倘再仍前遲誤。致賊匪聞風先遁。則是伊二人放走賊匪。其罪尚可問乎。再詳閱保泰摺內稱。廓爾喀前次拘留之噶布

倫丹津班珠爾及漢兵二人。現已帶回巢穴。看此情形。或賊匪頭目已經退去。因護其輜重。恐被官兵追截。故留餘匪屯聚該處。作為疑兵。殿後以便從容竄逸。鄂輝成德應察探虛實。如果賊匪逗留尚未退去。則進退無路。正可整頓兵力。乘機痛剿。若係賊人詭譎之計。留此游兵。冀圖官兵不能追趕。自當酌量帶兵前往擒捕。不可為其所愚。轉墮賊人奸計也。禮部奏冬至節應行慶賀禮。得旨。今

年冬至次日。著停止行禮。癸酉諭廓爾喀賊匪滋擾。後藏現派福康安帶領巴圖魯侍衛章京等統領勁兵進剿。以期迅奏膚功。福康安著授為將軍。海蘭察奎林著授為叅贊。其餘隨在軍營及派往各大員俱著在領隊上行。走。庶軍行有所統攝。以專任使。諭軍機大臣等。現令福康安前赴西藏。由青海一路行走。令勒保奎舒將青海眾扎薩克馬匹調撥西寧關外聽候。福康安等到時乘騎朕

為辦理廓爾喀之事宵旰焦勞此時令福康
安晝夜進行計限四十日即抵藏中將彼處
情形速為奏聞朕心始得稍慰今思西寧至
藏尚有二千七百餘里倘中途不換馬匹由
青海直騎至藏恐馬力疲乏轉致欲速反遲
著奎舒將馬匹豫備二分其一分仍於西寧
關外等候俟福康安等一到即用不致遲誤
再另備一分先派妥員押送至尼雅瑪善地
方守候以備易換但青海一路有水草之地

遠近不一倘扎薩克趕辦馬匹一時不能全
到或即將綠旗之馬通融辦理亦無不可現
在勒保在蘭州無甚緊要應辦之事蘭州至
西寧尚近著勒保即速起程前往西寧與奎
舒面晤熟籌妥議務期勿分畛域公同商辦
再藏內摺奏向由四川一路齎送到京程途
遙遠亦甚紆折雖限行六百里往還亦需五
十餘日今查西寧到藏路平且近較為便捷
著勒保奎舒即將甘肅各營及青海衆扎薩

克等之馬調撥數十匹從西寧至藏界仿照
康熙年間之例安置驛站專為馳送藏中來
往奏摺之用並按站分派弁兵齎領馳送以
專責成至海蘭察等帶領巴圖魯侍衛章京
及調遣索倫兵一千名亦即陸續起行由西
寧前往伊等所騎馬匹及應用鍋帳等物亦
著勒保奎舒豫為料理毋致臨時竭蹶朕又
思驛站事務最關緊要若僅責諸弁兵等辦
理究恐未能妥協甘肅藩司景安身係滿洲

且係地方大員理應隨同經理又西寧辦事
大臣衙門內現有蒙古章京可派令辦理站
務著勒保奎舒即傳諭景安及該章京等隨
同福康安從西寧至青海一路妥協豫備即
留章京在彼查察景安隨福康安至藏會同
該處理藩院章京將藏中回至青海沿途臺
站之事妥為安頓景安方可回任至景安起
程赴藏之時所有甘肅布政使印務即交按
察使署理將此各諭令知之 旌表守正捐

軀山東朝城縣民邵中秋妻茲氏 甲戌
上御懋勤殿勾到山西情實罪犯停決斬犯二
人絞犯十五人餘一百二十四人予勾 諭
軍機大臣等現在勦辦廓爾喀令福康安帶
領章京等赴藏由青海一路行走復令海蘭
察率領巴圖魯侍衛章京等隨後起身並調
遣索倫兵一千名到京一同前往俱從西寧
出口所用青海衆扎薩克馬匹稍多衆蒙古
雖俱係身受重恩之人自應遇事出力但朕
心甚為軫念著勒保奎舒將此次需用馬匹
通計若干即照從前平定準噶爾之時採買
馬匹價值按數分給並著奎舒曉諭衆扎薩
克等俾共知朕恩施體恤有加無已至意再
昨降諭旨令藩司景安隨同福康安至藏並
著派西寧及藏中蒙古章京沿途往來巡察
臺站但思此路站途遙長恐兩處部院章京
尚不敷用著勒保於通省滿洲道員中擇其
能事者再派數員一同專管巡察毋致貽誤

千咎 乙亥諭據伍彌烏遜奏稱審明盜竊
商民駱駝二隻之賊犯定擬發遣等語賊犯
巴拜著照所請解部指定地方發遣扎薩克
巴噶圖爾著罰牲畜一隻至稱將所罰牲畜
賞給出力人員不過虛文理宜賞給拏獲賊
犯人員以示鼓勵嗣後如遇此等事件照此
辦理 諭軍機大臣等現在令軍機大臣審
訊八卦邪教一案所有前次江南省解到之
楊進郭振孫天然三犯曾經幫給王子重及
伊母銀米王子重信內稱為良糧該三犯自
必係傳習良卦邪教之犯其教內必另有教
首及轉相傳授之人著傳諭該督等嚴飭所
屬實力根究毋留餘孽不得因已經拏獲楊
進等解京遂可了事再此等匪徒轉相傳習
直隸豫東三省恐多餘孽潛藏不可不嚴行
查緝以淨根株著傳諭梁肯堂惠齡穆和蘭
督飭所屬嚴密訪查毋得稍有疎懈 丙子
諭軍機大臣等現審王子重傳習八卦邪教

一案檢查乾隆三十七年山東省審辦劉省過邪教原案係將八卦分授各犯內惟坤卦一卦未經立教其艮卦教下係分給張玉成并伊子張靜安曾經訊明辦理完結在案艮卦一教王子重信內稱有艮糧自必實有其教昨已降旨令江南山東各督撫一體留心實力查緝務獲懲辦以淨根株連日復經軍機大臣嚴刑審訊雖該犯熬刑尚未吐有實供但三十七年邪教案內既有艮卦一教張

玉成張靜安父子分授傳習則張玉成等在日常自必傳教授徒更有沿習其教之人即如王子重之父王中因邪教破案正法而王子重尚仍其教且敢在新疆地方輒轉煽惑此等惡不畏死之徒冥頑無知牢不可破所供艮卦一教無人傳習之語殊不可信著再傳諭書麟長麟惠齡於江南沛縣山東單縣一帶地方密飭所屬務將艮卦或別卦認真查訪嚴切根究毋令邪教匪徒稍留餘孽倘視

為海捕具文以致別經發覺則是自干咎戾也又諭據浦霖題稱琉球國王遣使齎進表文方物循例給咨令該使臣馬繼謨等於十月初二日起程赴京等語該國使臣在途行走或恐未能迅速致誤年底筵宴之期著傳諭沿途各督撫於該國使臣經過地方委員妥為護送務於臘月二十內到京以便與蒙古外藩一體同與宴賚但計算時日尚寬途次儘可從容行走亦不必過於迫切也

又諭直隸山西河南三省各府屬近日得雨雪情形業經該督撫先後奏報山東與河南直隸境壤毗連自應一律霑被該省近日曾否得雨雪之處何以迄今尚未據該撫奏到朕心深為厯念著傳諭惠齡即飭屬查明據實覆奏尋奏濟南等十府所屬州縣均於十一月初二三得雪二寸至四五寸不等實為普徧優霑得旨欣慰覽之京師亦屢霑優恩矣旌表守正捐軀直隸鹽山縣民王魁妻

田氏河南滑縣民胡起名妻趙氏 丁丑諭
現今惠齡來京陛見另有差遣所有山東巡
撫員缺著吉慶前往署理吉慶現赴江西審
辦案件應俟審案完竣後即由江西前赴山
東接印任事此時不必來京請訓俟抵任後
將地方應辦事宜妥為辦理數月之後再行
來京陛見請訓其吉慶未到以前所有山東
巡撫印務著江蘭暫行護理 又諭現派海
蘭察帶領巴圖魯侍衛章京一百員副都統
烏什哈達岱森保帶領索倫達呼爾兵一千
名前往西藏由直隸河南陝甘前赴青海一
路行走經軍機大臣酌擬日期分撥起數陸
續起程前往所有經過各省沿途需用車輛
馬匹廩給等事自應專員經理無稍貽誤俾
行走得以迅速直隸著派阿精阿河南著派
吳璥陝西著派和寧甘肅著派鄭製錦各該
員務須督率所屬來往照料以副委任 又
諭上年高郵州假串冒徵一案係巡檢陳倚

道揭報破案審辦得實彼時若將該巡檢即
為擢用恐各省聞風效尤致開告訐之風是
以未即加恩陞用但該巡檢於書吏通同舞
弊之案竟能首先揭報不避嫌怨所告皆實
究屬持正現在事隔年餘著該督撫即將該
巡檢陳倚道送部引見 諭軍機大臣等據
劉綬等奏審明監生楊淑控告銀匠等浮收
錢文請將地畝交官一案內稱楊淑因田產
荒蕪無力完糧思以呈交地畝國免田賦並
經劉綬等前往虞城縣查勘楊淑地畝實有
荒蕪之處且所過各村莊間有未經開種之
地詢之民人僉稱因五十年被旱後無力所
致等語各省地方官當以農事為重所有村
莊田畝如遇水旱偏災間有荒蕪自當督勸
小民及時開墾詎可任其竟行拋棄今豫省
虞城縣地方既查有因旱後無力開種以致
荒廢之處其餘各州縣似此情形者想亦不
少著傳諭穆和蘭即專派明幹大員詳悉查

驗妥為設法經理務使田疇盡行耕治而閭閻不致無力輸將方為無負牧民之責將此諭令知之仍將查明各州縣荒廢田畝如何借給籽種辦理之處據實覆奏毋得迴護干咎又諭向聞帶兵各員經過各省驛站往往有任意應付需索等事朕以事經已往且帶兵之員尚能奮勇成功是以不加深究但外省辦差之家人長隨等因有需索餽送遂爾恣意開銷無憑查考而辦差之州縣即以

賠累為詞那移庫項甚或派及閭閻皆屬勢所必有於地方甚有關係前經諭令直隸河南陝甘各督撫嚴飭所屬府廳州縣務革從前陋習不得稍事彌縫今既專派阿精阿等經理其事遂為伊等責成所有帶兵大小各員及兵丁等經過事宜祇須將車輛馬匹廩給等事照例豫備俾到站得以迅速行走毋稍缺乏致令守候需時如帶兵官員及兵丁等有騷擾驛站之事阿精阿等身任藩臬俱

有奏事之責即應據實奏朕必加海關察等以應得之罪倘阿精阿等意存交接之私仍蹈前轍一經發覺必將阿精阿等一併治罪至直隸向來辦理官員經過差務較為熟習尚不致過於周旋酬應但直隸為出京首站各該員辦理差務一切事宜惟視直隸所辦章程以為準式阿精阿尤當凜遵諭旨不得稍徇私情庶可為各省取法如有違玩亦必先治阿精阿之罪以為炯鑒也又諭曰

此次廓爾喀在後藏滋擾由鄂輝前此辦理不能妥協以致復滋事端現在鄂輝帶領官兵前往勦辦在路行走既不能迅速稽遲貽誤且一切勦辦機宜亦不能運籌調度將來事竣後鄂輝自有應得之咎不便令其回四川總督之任此時該省督篆有孫士毅在彼署理軍需糧餉等項籌辦均極周詳但孫士毅年過七旬且漢大臣中辦理部務亦尚需人將來軍務告藏後當仍令回京供職因思

惠齡自調任山東以來辦理地方事務尚屬穩妥且向在軍機處司員行走又係納延泰之子衛藏情形素所知悉若令前往該處隨同福康安經理將衛藏一切事宜講求熟悉將來事定後畀以四川總督之任於照料衛藏辦理地方可期得力著傳諭惠齡即將山東巡撫印篆交與江蘭暫行護理伊即來京陛見候朕面加訓示詳悉指授再行由驛前往 戊寅

上御懋勤殿勾到直隸上年停勾情實罪犯停決斬犯二人絞犯十八人餘九十四人予勾諭據鑲黃旗蒙古都統奏請將發往伊犁効力贖罪之原任總兵官富祿本身之騎都尉即行革去不准承襲又將伊世管佐領或作為公中佐領或令別支承襲之處請旨等語富祿係旗下世僕且膺總兵大員之任現今正值藏內用兵之際因伊未請前往効力是以將伊發往伊犁尚無大罪且伊承襲之

世職及佐領皆自伊祖所貽今富祿所犯之罪實與伊祖無涉其世職及佐領等官自當照例辦理承襲乃據該旗奏請將富祿之騎都尉不准承襲及世管佐領亦作為公中佐領殊屬過當著將該旗都統嚴行申飭外其富祿之世職及世管佐領等官仍照例揀選人員承襲 諭軍機大臣等前據保泰奏廓爾喀地方有紅帽喇嘛沙瑪爾巴呼圖克圖係仲巴呼圖克圖之弟訪聞伊弟兄彼此相

仇此次賊匪至藏侵擾即係沙瑪爾巴陷害伊兄之意等語沙瑪爾巴與仲巴呼圖克圖何以兄弟竟若仇讐此語究係得自何人總未據保泰奏明此事殊有關係沙瑪爾巴與伊兄仲巴舊有仇隙竟敢勾引廓爾喀滋擾後藏以洩私忿甚為可惡而撒迦廟內喇嘛等前次向賊匪投遞哈達者亦係紅帽喇嘛顯有與沙瑪爾巴彼此勾通情弊或竟係沙瑪爾巴等欲衰黃教以興紅教故勾結廓爾

喀賊匪前來滋擾亦未可定福康安到藏後務將沙瑪爾巴與仲巴何以彼此成仇及紅帽喇嘛果否欲衰黃教之處密訪嚴查相機辦理又上次巴忠到藏辦理廓爾喀一事因沙瑪爾巴欲來相見曾賞朝珠緞匹等物彼時沙瑪爾巴並未來藏巴忠亦未與見面所有賞給物件雖前據巴忠奏稱業經差人送給但沙瑪爾巴曾否領收究無確據或巴忠於此事另有情弊故爾輕生自盡並著福康安一併確查具奏 已卯

上詣

雍和宮行禮 諭軍機大臣曰秦承恩奏審擬白河縣監禁軍犯陳應照毆斃同監絞犯李得發一摺此案陳應照係原犯絞罪減流脫逃改軍之犯復在監逞兇毆斃人命實屬怙惡不悛該撫將陳應照問擬絞決尚屬照例辦理但摺內所訊起衅緣由據提牢等供稱陳應照因與李得發爭喫肉塊互相嚷罵陳

應照即用手帶鐵鐐將李得發毆斃一節此語殊不可信各處監禁人犯每日不過例給囚糧斷無官為給肉在官犯羈禁圍圉或尚有餘貲得營口腹棲止之事若此等逃流被拏拘禁之犯皆係窮民安得帶有錢文私買肉食至管獄吏卒於應給囚糧尚不免從中剋扣豈有買肉給囚之理今所稱陳應照與李得發爭肉起衅必非實在情節否則即係該縣監獄平日漫無管束一任監犯等家屬來往私給錢文買肉共食禁于於中取利致有彼此爭毆斃命之案該撫於此事問擬罪名雖無錯誤但所取供詞殊非實情秦承恩何以輕信屬員詳報之詞漫不加察率行入奏著傳旨申飭並著將指出情節查明據實覆奏 庚辰

上御乾清門聽政 御懋勤殿勾到直隸本年情實罪犯停決絞犯七人餘九十一人予勾諭曰福康安前因灑帶木植一案曾罰公

俸十年尚有未經扣完銀六十餘兩現今前往西藏勦辦廓爾喀滋擾後藏一事需費較繁所有前罰公俸除交納外餘著加恩寬免以示體恤又諭據索喜奏稱將將軍印務暫交副都統德清阿署理索喜前往收獵等語向來將軍等若遇出行事件其印務自應交副都統署理至副都統等署理印務時遇有公差豈可又轉交與相等之副都統耶此竟視副都統為伊之屬下矣且現行收獵處所即伊屬內之地嗣後署理將軍印務之副都統等凡遇收獵事件不必似此轉交副都統署理即攜帶印信隨行辦理事務以順天府府尹汪承霈為左副都御史太僕寺卿世魁光祿寺卿蔣曰綸為太常寺卿通政司副使豐盛阿為光祿寺卿辛巳諭上次廓爾喀因鹽稅細務與唐古忒人等彼此爭執鄂輝成德同巴忠前往該處查辦並未能夠斷明確一切皆聽巴忠謬為辦理以致復滋

事端茲巴忠畏罪自戕伊二人本有應得之咎經朕格外加恩不即問罪仍令帶兵赴藏立功自贖鄂輝成德理應倍加奮勉迅速趨程尅期抵藏勦殺賊匪以贖前愆今伊二人任意延緩每日祇按站行走出口多日尚未到藏節據保泰奏報廓爾喀賊匪於搶掠扎什倫布之後尚在定結第哩朗古等處逗留觀望未經退回此正

天奪其魄俾其坐待殲誅若鄂輝成德行程迅速早抵藏內即可跟蹤追勦殲戮無遺乃竟濡滯不前坐失機會其錯謬甚大豈可復膺封疆專閫鄂輝著革去總督賞給副都統銜駐藏辦事仍令舒濂幫辦成德亦著革去將軍賞給副都統銜在領隊大臣上行走聽候福康安調度差遣鄂輝成德均係獲罪之人今復加委任務須激發天良勉力自贖以觀後效若再仍前貽誤必當從重治罪斷難復邀寬貸所有成都將軍著奎林補授仍在叅

贊大臣上行走其未到任以前仍著觀成署理俟軍務告竣奎林再赴新任四川總督員缺著惠齡補授其山東巡撫員缺即著吉慶補授惠齡現已諭令來京陛見俟將衛藏應辦事宜面加指示後即馳驛赴藏先在叅贊大臣上行走同福康安勦辦廓爾喀賊匪事竣再回成都接印任事現在應行備辦軍需糧餉等項孫士毅悉心籌畫均極周詳仍著在彼一手經理俟惠齡事竣到任再行交印

起程來京供職其應支總督廉俸仍著孫士毅惠齡各半支領以示體恤 旌表守正捐軀江西宜春縣民彭以銀妻張氏 壬午諭崇文門正監督事務著派奎林管理奎林現授成都將軍派往西藏辦理軍務所有崇文門事務著伊姪御前侍衛惠倫代辦 諭軍機大臣等據奎林奏拏獲糾夥行劫盜犯審明正法一摺已批交該部矣此案首夥盜犯十二人雖已將盜首拏獲尚有逸犯何榜王

光典林料林川連李嵩蔡添來周信王夏等八犯未經就獲奎林現已補放成都將軍令其馳赴西藏勦辦廓爾喀賊匪所有此案未獲各犯著交哈當阿等督率兵弁實力嚴拏務期弋獲毋使一名漏網將此諭令知之 又諭曰保泰奏稱現令仲巴呼圖克圖寫信寄知伊弟沙瑪爾巴並遣漢兵范忠前往曉諭廓爾喀一節仲巴呼圖克圖既與伊弟沙瑪爾巴素有仇隙寄信與彼亦屬無益且現

在賊匪是否仍在定結第哩朗古逗留保泰所遣漢兵范忠究係到何處地方向賊曉諭摺內並未奏明實屬糊塗含混看此光景賊匪尚未退回巢穴今保泰既遣漢兵前往曉諭賊匪或意存觀望也留邊境坐待殲誅正是極好機會鄂輝成德務當迅速趕上帶兵追殺立功自贖此為最要又奏載綢薩木珠令巴與賊打仗得受鎗傷身故等語著鄂輝等查明如實係打仗受傷身故自當照例議

卹。倘所報不實亦當查明具奏毋任冒濫。又諭曰奎林從前出兵打仗因屬勇往但平日辦事往往有性情執拗失之過當之處近年以來惟在臺灣總兵任內辦理一切事件尚為認真妥協是以疊加擢用現因派赴西藏復念伊家計維艱令管崇文門稅務並留惠倫在京代為辦理奎林接奉後自當感激歡忻倍加奮勉嗣後辦理諸事務須痛改舊習刻自提撕總期於國家公事有益不可任意偏執致辦理不能得當也 癸未

上御懋勤殿勾到朝審情實罪犯停決官犯斬犯一人絞犯二人常犯斬犯十三人絞犯十人餘二十一人予勾 諭本日勾到朝審情實人犯內一起官犯吳煥在高郵州知州任內於書吏私雕印信假票重徵一案雖係前任知州班濟泰任內之事究不得諉為不知是其瞻徇同官袒護蠹吏且係原任侍郎吳嗣爵之子按其情罪本應予勾但念該犯在

任尚無通同染指情弊其匿不詳辦究係前任之事此案巡撫閱鴛元係屬統轄大員業已加恩釋放足以免其勾決一起絞婦烏蘇氏因契買幼婢二格彈剔蠟花誤落伊女脖項伊女啼哭抽風該氏氣忿輒用燒熱烟袋燙烙多傷以致幼婢殞命該氏身係女流兇暴殘忍輕視人命情節甚為可惡但念契買之婢究有主僕名分足以免其勾決一起絞犯李生貴邁瑪第敏因在烏嚕木齊收買大

黃賣與俄羅斯圖利至千觔以上大黃久經例禁該犯違例夥買私販出境情罪甚重但念究係愚民圖利足以免其勾決一起絞犯扎即阿因與胞兄繼妻章佳氏通姦被氏壻巴揚阿聞知屢向章佳氏挾制嚇取財產該氏恐伊子被巴揚阿陷害遂將姦情自首業關倫紀其罪本無可寬但念章佳氏因伊夫在外恐幼子被害致夫絕嗣與尚有不忍致死其夫之心情有可原者相等業將章佳氏

改入緩決是以一併免勾一起斬犯多隆武五保佛保太保勇明六達子九福鍾保珠隆阿九犯因護軍海旺等偷竊庫銀該犯等既經撞遇並不首報聽從分贓其罪本無可寬但念起意偷竊為首七犯業經處決該犯等究係被嚇分贓隨同隱匿尚無商同夥竊情事且人數衆多不忍令其駢首就戮是以免其勾決以上各犯情罪俱屬重大雖經免其予決俱著永遠監禁遇赦不赦嗣後刑部不必入於朝審秋審情實人犯冊內進呈朕辦理庶獄矜慎為懷於法無可貸之中特求其一線之路曲予生成而水懦民玩又慮失之寬縱致狡吏兇民無復知所懲儆是以斟酌權衡纖悉必求其當以期寬嚴適中不為已甚亦不失之不及特將辦理各案緣由通諭知之○又諭本日勾到朝審情實人犯內有阿林一名因向新買家奴侯振極追問買地情由侯振極不肯實說該犯將伊子侯添祿

毆打並向索地價因侯添祿頂撞令家人楊三用繩捆住自用木棍毆傷殞命此案阿林堂兄何森欲將契買家奴侯振極等出賣阿林貪圖侯振極父子貲財用銀置買居心已不可問及至索銀不遂即將侯添祿捆毆致斃情節甚為可惡向來毆斃家奴原無擬抵之例但阿林置買堂兄名下家奴可知原非其本身家奴其意本豫為勒索起見嗣因未遂所欲輒行捆毆傷命即主僕之分已絕自應照平人例擬抵不得引毆斃家奴之例稍從末減是以即行予勾並將此案情節詳悉宣示庶使貪暴不法者知所儆畏○又諭曰富綱等奏違犯在配脫逃旋經拏獲請將失於防範之地方官職名另行送部等語違犯胡牛於九月初四日潛逃至初九日即行追獲該州等雖不能防範於前而一聞該犯脫逃即選派差役上緊追捕聞五日即經拏獲不致要犯稍稽顯戮尚可量予從寬若將應

議職名仍行送部則地方官於此等速行拏獲脫逃要犯終於不免處分此後轉致懈於緝捕殊不足以示勸所有此案應議職名著免其送部。又諭昨據兵部將修製軍械則例進呈朕詳加披閱所辦殊屬非是前因各省提鎮以下至將弁等俱有占用馬步名糧作為得項者殊非覈實行伍之道因降旨添給武職養廉將虛額兵丁名糧俱挑補實兵所有一切修製軍裝等項俱令作正開銷原

為慎重營伍體卹兵丁起見但既官為經理所有應修軍械等項亦應覈實辦理毋許各該省稍有弊混方為正辦今閱兵部所定則例內即如鐵盔鐵甲兩項今定為六十年一製三十年一修殊不知鐵盔鐵甲係堅實經久之物亦不過於督撫提鎮查閱營伍時偶一穿帶並不常用即調派出兵若穿帶鐵盔鐵甲打仗必致難於轉動此歷來出兵之人所深知何必予以修造年限致啟各營伍開

銷浮冒之漸其虎衣虎帽等項尤為虛設無用又何必定限修整以此類推其中似此者諒亦不少況各省修造軍械銀兩亦應酌定數目豈可聽其任意開銷今部例內總未載明所謂定限者定何限應用者用何項甚屬疎漏不成書尚欲頒行各省何所適從若軍機大臣會同該部另行詳加酌覈悉心妥議具奏尋議奏遵旨會議請將則例內所開定限修製各項除實係操演守禦必需之物當

修製者准其仍立年限修製報部覈銷外其餘軍裝器械並非常用製造後可以經久不壞如鐵盔鐵甲虎衣虎帽等類概行刪除毋庸定立年限修製至實在應修器具所需工料等項覈銷銀兩向例歸工部辦理但各省物料價值貴賤不等應令各該省督撫及將軍提鎮等將各項器具長寬尺寸並所需工料逐一開明造報工部詳晰覈定再行載入則例務使帑項不致虛糜從之又諭山海

關監督常福奏一年任滿比較盈餘短少銀四萬二千餘兩請從重治罪並將房屋衣物等項變抵其餘銀兩將應得俸銀坐扣完款等語。關稅盈餘比較短少該監督自有應得之咎。但念該處連歲歉收商貨未能銷售到口空重船隻未免稀少盈餘短絀自屬實在情形。且較之五十四五年德綸百福保任內微有多餘尚非辦理不善常福著照前例罰俸四年以示懲儆。所有短少盈餘銀四萬二千餘兩著加恩免其賠繳其所請治罪並變抵房屋等項之處俱著一體寬免。○以少詹事岳起為奉天府府尹。湖北布政使陳淮為貴州巡撫。○以輔國將軍宗室富色額額兼正白旗蒙古副都統。總管內務府大臣巴寧阿兼鑲藍旗蒙古副都統。調正白旗蒙古副都統伍彌烏遜為鑲黃旗滿洲副都統。鑲藍旗蒙古副都統宗室公永珊為鑲藍旗滿洲副都統。○甲申。

聖祖仁皇帝忌辰遣官祭景陵。上詣奉先殿。奉皇殿行禮。以鑲藍旗滿洲副都統宗室公永琨為正紅旗蒙古都統。乙酉諭軍機大臣等據勒保奏豫備福康安等由西寧出口應用馬匹辦理甚為妥速無分畛域殊屬可嘉著賞給大荷包一對小荷包四個以示獎勵。想勒保此時已接到令伊往西寧與奎舒商辦之旨業經起行前往再前經降旨令每兵應備馬二匹以資乘騎。但思道里遙遠現屆冬令正值乏草之時恐中途不無倒斃著傳諭勒保奎舒將青海扎薩克之馬按照每兵一名給馬三匹仍遵前旨給予原價途中既可輪替騎坐到藏後亦可多得戰馬豈不兩有裨益耶。將此各諭令知之。○調貴州布政使汪新為湖北布政使。以山西按察使萬寧為

貴州布政使（旌表守正捐軀陝西鄆縣民馮景耀妻喬氏）丙戌諭向來武職內丁憂回旗之副將人員於每年冬間照文員之例帶領引見嗣後武職病痊起復在侍衛旗員上行走及終養事畢人員俱著照吏部文官之例於每年冬季一併彙齊引見○諭軍機大臣曰孫士毅奏籌辦軍糧一摺所辦俱好該處糧石節據孫士毅通盤籌畫廣為儲備自儘可源源接濟無虞缺乏但覈計運糧赴

實錄卷一百一十五

十一

藏與在藏地就近採買價值相去竟至十倍不可不節省辦理福康安到藏後務須察看情形悉心籌酌如藏內原備糧石足敷支食無須將察木多等處所貯糧石運藏固屬甚善即使不能寬餘尚須籌辦總應先儘藏地採買倘實在不能購買再行咨會孫士毅將察木多等處糧石陸續運送不致多費運腳方為妥善至福康安進抵賊境後自當因糧於賊無須藏內糧石支給軍食則更善也

又諭曰長麟覆奏江南海州屬之沐陽縣劉家集等二十二鎮夏間雖被水患現已疏消罄盡播種秋麥民情不致拮据惟於來年二三月間酌借口糧秋後照數徵還則窮民口食愈得從容實可無虞失所等語沐陽縣劉家集等處既據該撫查明勘不成災亦不值特降諭旨所有歉收各戶明春青黃不接之時即著該撫飭屬察看情形酌借口糧以資接濟務使毋濫毋遺俾小民均霑實惠方為

實錄卷一百一十五

十一

妥善將此諭令知之○御史五泰奏嗣後京察詹事府洗馬中贊各官應照翰林院讀講編檢例統由掌院出考得旨所奏是依議行○轉戶部右侍郎慶成為左侍郎以貴州巡撫額勒春為戶部右侍郎通政司副使莫瞻萊為順天府府尹旌表守正被戕陝西府谷縣民丁某妻秦氏

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百九十

實錄卷一千三百九十

五

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百九十一

監修總纂官禮部侍郎太子太傅文淵閣大學士文淵閣領事領侍衛內大臣傅爾丹奏奉 上諭事件處管理

吏部院詹事府正卿滿洲都統世襲騎都尉軍功加七級通帶加一級尋常加二級軍功紀錄一次臣慶桂

總裁官總纂官太子太傅大學士大學士文淵閣領事傅爾丹奏奉 上諭事件處管理

世襲騎都尉軍功加十九級通帶加二級又加二級尋常加二級軍功紀錄五次

尋常紀錄十四次臣德瑛總纂官太子少保工部尚書紀昀奏奉 上諭事件處管理

敘修

乾隆五十六年辛亥十一月丁亥諭前令福

康安海蘭察等分起帶領官兵由西寧一路

工

前赴西藏所有應行騎帶馬匹等項關係緊
要特降旨交勒保妥為籌備茲據該督奏官
兵應需裹帶口糧及雇備駝隻駝運各事宜
均經勒保酌定數目飭令附近各屬豫為雇
就官兵一抵西寧即可分撥駝載依期前進
辦理實為妥速勒保著交部議敘以示獎勵
○以通政司叅議特克慎為山西按察使
戊子

上幸瀛臺。諭軍機大臣曰：馮光熊奏查閱營伍情形一摺，因思從前巡幸五臺，該省向將旗營兵丁在行宮前豫備簡閱。五臺僅係一邑，兵丁自屬有限，所有備閱之兵，自係由太原駐防及各營調取，前赴該處伺候。五臺地方狹隘，本無演武之處，朕巡幸所經，原為瞻禮，並非覈簡軍實。此項備閱之兵，甚屬無謂。況各營紛紛調取兵丁，所有盔甲器械等項，均須運送，亦覺紛擾糜費。著傳諭馮光熊，梁

肯堂、明春五臺差次除辦道及巡查兵丁照例豫備外，其備操綠營兵丁及城守尉所管駐防官兵，不必調往，經過正定地方時，向來備操之駐防滿兵及綠營官兵，俱不必調往伺候，以節繁費而示體恤。又諭曰：勒保奏接准奎舒來咨，稱青海口外俱係草地，時值隆冬，冰雪甚大，炊爨維艱，牧飼缺乏，勒保現赴西寧，與奎舒面同商辦等語。覽奏又增焦慮。同日據奎舒奏到摺內，祇係接奉諭旨籌

辦情形，而於青海出口一路難以行走之處並未奏及。此事前因奎舒駐劄青海，是以降旨令其會同勒保籌備安辦。今奎舒既以青海一路雪大難行，如果情形屬實，即應據實具奏。乃摺內並無一語轉咨會勒保，並令筆帖式遠赴蘭州面稟，明係意存推諉，以特旨交辦關係軍行緊要之事，其可辦與否，自當直奏。乃竟視同隔膜，心存取巧。著傳旨嚴行申飭。至青海一路雖冬令冰雪較大，但該處

需應馬匹口糧等項，俱經勒保豫為籌備，且冰雪融化即可成水，其馬草牛糞撥開積雪亦不難於檢拾應用。況據勒保奏稱山路極多，豈無林木叢薄？海蘭察及巴圖魯侍衛章京等多係東三省人，素耐寒冷，索倫達呼爾兵尤係生長邊寒之地，更無慮其不能在冰雪中行。走福康安受朕重恩，又正年力富強，素性奮勉，豈有海蘭察等能行之路而福康安轉不能前往之理？但朕亦不强人以所難

此事特令福康安迅速赴藏原因鄂輝成德漫無把握不得該處確實情形必須福康安到彼將一切事宜熟籌具奏稍慰朕宵旰焦思若青海一路實有萬難行走之勢而福康安不肯遽行直陳臨期或致耽誤是欲速反遲於此事大有關係今竟交福康安與勒保二人面為熟商主持定見切勿游移兩可如青海草地尚可設法行走福康安竟當決計取道前進或將隨從人等減之又減並將攜帶行裝另分一路隨後續行福康安即輕騎造程以期速抵西藏朕可早得奏報方為不負委任此事惟在福康安與勒保熟籌定議現在惠齡已經到京業將一切機宜面為指示二三日內即令起程赴藏協同商辦務將勒辦諸事與之悉心妥酌以期迅速藏事○己丑諭本日刑部題覆河南省賈希曾賈望曾砍傷堂叔賈嵩秀致成篤疾將賈希曾依毆本宗小功尊屬至篤疾者擬以絞決賈望

曾照為從減等律擬流一本此案賈希曾因向堂叔賈嵩秀借貸不允挾嫌氣忿喚同胞弟賈望曾先後用刀砍傷賈嵩秀致成篤疾賈望曾兄弟兩人同為賈嵩秀堂姪雖用刀毆砍有先後之別但服制攸關未可照凡人關毆例分別輕重也且賈希曾刀砍兩傷賈嵩秀即行走避賈望曾復疊砍多傷不得以下手先後分別首從刑部雖屬照例辦理實未允協著軍機大臣會同刑部悉心詳議應如何酌議改擬之處另行具奏此案俟議定一併覈覆○又諭現在已准恰克圖通商著普福前往庫倫協同松筠辦理通商事宜即換松筠來京○諭軍機大臣曰馮光熊奏五寨縣調任太平縣知縣孫永治於拏獲附天保時不悉心根究從輕責逐完結一摺已批交該部嚴察議奏矣但摺內稱提查五寨縣案卷該縣孫永治晚間帶役巡查聽聞東關歇店張大門內喧鬧進內查拏在店拏獲歇

客王雍訊供本名夏應瓏因無行李店家不肯收留捏稱武舉繞允留住隨將該犯杖責驅逐出境等語附天保一犯既經捏稱武舉即應嚴行根究何得僅以杖責完結至該縣孫永治所云深夜查拏此係詐語尤不可信所謂難罔以非其道也各省督撫大員廉俸優厚尚多深居簡出不肯於暮夜時查拏匪類至州縣等於地方宵小聚集處所即日間尚未必親身查訪安得有深夜帶役巡查拏獲之事若果孫永治如此留心朕方欲加以不次陞擢豈轉將該員交部嚴議因令軍機大臣監提附天保細加研鞫據供上年四月到五寨城內北街住在客店聞北街有賭局即前往同張姓狄姓關牌到起更時忽有巡役數人進來說是縣官查夜就把我們鎖拏並沒見有縣官等語可見彼時孫永治並非親自往查祇係巡役等虛張聲勢用言恐嚇而孫永治亦遂裝點情節意圖輕減處分該

撫不加查察於奏摺內率行敘入竟為該縣所愚著傳諭馮光熊嗣後凡遇屬員詳報事件務須悉心察覈不使稍有朦混方為無負委任○調湖北荊州將軍舒亮為陝西西安將軍以熱河副都統富昌為荊州將軍正白旗滿洲副都統保成為熱河副都統○軍機大臣審擬附天保情罪具奏得旨附天保即夏應瓏著即處斬○庚寅

上辛瀛臺○諭據保寧奏將偷竊哈薩克馬匹之察哈爾兵丁瑪穆特等三人立行正法並請將失察官員分別議處等語察哈爾兵丁瑪穆特班珠爾濟爾噶勒膽敢私出卡倫偷盜哈薩克馬匹實為藐法殊屬可惡保寧於該處審明即行正法所辦甚是著賞給大荷包一對小荷包四個以示鼓勵卡倫章京佛會保著交部嚴加議處察哈爾佐領薩木彥著罰俸一年佐領烏爾圖納遜能留心訪察拏獲盜犯尚屬奮勉交保寧賞給該處庫緞

二匹以示鼓勵餘照所奏辦理又諭據保寧奏土爾扈特汗策凌納木扎勒等因明年遣人赴藏熬茶請借支俸銀二年等語策凌納木扎勒等於明年自備資斧差人赴藏熬茶即照保寧所請借支俸銀二年但所借之俸若作二年扣完於伊等生計未免稍形拮据著施恩作為四年減半坐扣完結諭軍機大臣等據格額奏請來京陛見格額係五十四年二月補授總兵尚未過三年之期著不必來京陛見其摺內有欣悅陛見字樣陛見之上加以欣悅之字殊不成話此皆由清語生疎所致格額著申飭○辛卯諭軍機大臣等昨令軍機大臣詢問達賴喇嘛之弟羅卜藏根敦扎克巴據稱前年廓爾喀投順時出有永遠不犯邊界甘結係沙瑪爾巴噶布倫丹津班珠爾王陀地方戴綱同廓爾喀頭人當面議定廓爾喀以聶拉木宗喀濟龍三處地方係他自己捨得不肯退回經

噶布倫等許以每年給西番銀元寶三百個合內地銀九千六百兩令其退還地方曾告知鄂輝成德巴忠等語噶布倫丹津班珠爾等許給廓爾喀銀兩一節實屬錯謬聶拉木宗喀濟龍本係衛藏地方被其搶占廓爾喀既經投順自應將搶占地方退還何得許給銀兩乃噶布倫等私與商議每年給元寶三百個而已忠顯預完事鄂輝成德亦隨同附和廓爾喀藉詞構衅復滋事端是以巴忠畏罪自盡將來事竣後自應查明治罪此時福康安抵藏後惟當督率官兵大舉深入正名討賊至於前次巴忠等許給銀兩一事不必豫為訪查朕此時將羅卜藏根敦扎克巴所供情節先為諭知福康安者惟恐大兵進剿時廓爾喀或以此藉口福康安臨時不能得有主見難於措詞是以豫行降旨倘廓爾喀提及前此許給銀兩一事福康安即不得諉為不知總當以此原係噶布倫等與廓爾喀

頭人私相定議告之已忠鄂輝成德就事完結因已忠通曉番語專主允行鄂輝成德不過隨同附和其辦理錯誤實係已忠一人之罪以安其心統俟勒辦事竣再行查辦具奏再本日福康安奏到接據勒保知會馳赴西寧商辦一摺前因勒保奏青海一路冰雪較大柴草維艱難以行走已屢降諭旨令福康安酌量實在情形可以覓路行走伊自不肯舍近求遠若實有難行之處當即改道由四

川赴藏不可勉強以致欲速轉遲福康安務當與勒保從長計議與其欲速轉遲莫若以遲為速之為妥便也○吏部議奏陝甘總督勒保奏稱遵旨將甘肅貴德縣丞改設同知查通省同知五員俱分駐要缺不便裁移應於貴德特設同知一員定為繁疲難要缺在現任同知州縣內揀旗員題請陞調刑名錢穀均改歸同知審辦造報由西寧府審解覈轉改給關防添建監獄俸薪養廉衙署典吏

役食俱酌為增添縣丞一缺即行裁汰應如所奏辦理從之○以工部左侍郎松筠為正白旗滿洲副都統○壬辰

上幸瀛臺○命刻石經列辟雍諭自漢唐宋以來皆有石經之刻所以考定聖賢經傳使文字異同歸於一是嘉惠藝林昭垂奕禩甚盛典也但歷年久遠碑多殘缺即間有片石流傳如開成紹興年間所刊今尚存貯西安杭州等府學者亦均非全經完本我朝文治光

昌崇儒重道朕臨御五十餘年稽古表章孜孜不倦前曾特命所司創建辟雍以光文教並重排石鼓文壽諸貞珉而十三經雖有武英殿刊本未經勒石因思從前蔣衡所進手書十三經曾命內廷翰林詳覈舛謬藏弄懋勤殿有年允宜刊之石版列於太學用垂永久著派和珅王杰為總裁董誥劉墉金簡彭元瑞為副總裁並派金士松沈初阮元瑚圖禮那彥成隨同校勘但卷帙繁多恐尚不敷

辦理著總裁等再行遴派三人以足八員之數為校勘諸臣等其悉心研辦務臻完善以副朕尊經右文至意尋奏遵旨遴派翰林院侍讀學士劉鳳誥祭酒汪廷珍侍講邵晉涵留心經學堪以並充校勘報聞○又諭據吉林將軍奏通省節年發到遣犯名數清單內稱脫逃未獲遣犯五百二十二名此等遣犯脫逃未獲至五百餘名之多可見地方官於咨緝事宜不過視為海捕具文不能實力偵緝但此等未獲各犯俱係各省通緝且其中多有年久之案每年開單照例彙奏亦非覈實之道所有此項未獲各犯除行查各該犯原籍有無潛逃回籍一體嚴緝外其應如何查覈年分分別之處著軍機大臣會同吏刑二部詳晰覈議具奏○諭軍機大臣曰郭世勲奏審明八卦邪教案犯分起解京一摺此案步文斌一犯在德慶州配所令劉照魁洪百春陳典等勾引各犯傳教收徒情節甚為

可惡前有旨令將步文斌解京審辦其聽從勾結拜步文斌為師之犯自應一併解京歸案辦理至其餘各犯止係輟轉收徒及聽信劉照魁指引堅守本教之人自應於審明後監禁省城聽候軍機大臣會同刑部將來定擬全案時分別覈擬行知該督等遵照辦理乃郭世勲將四十餘人概行解京辦理此案既漫無區別且人數眾多如有中途脫逃等事轉屬不成事體所有此案人犯閱該署督奏到單內周二雷興麻三陳正忠胡國吉五犯係拜步文斌為師之人情節較重俱著解京審辦其餘三十四犯著傳諭郭世勲將該犯等留禁省監聽候覈議分別發落如業經起解行至中途並著沿途各督撫查明截回仍交郭世勲收禁將此各諭令知之○癸巳諭曰書麟奏蘇松鎮總兵魏轍年近七旬精力漸衰現又染患瘡疾一時難冀速痊請令休致等語魏轍著准其休致所遺蘇松鎮總

兵員缺著陳安邦補授○甲午

上幸瀛臺○諭本日刑部奏驍騎校穆克登額責打民人李大身死請將穆克登額依罪人己就拘執而擅殺律擬絞監候一摺細閱此案情節李大因馬甲威靈阿賒欠錢文於點燈時赴營房索討威靈阿之妻回覆伊夫外出該班李大不依吵嚷穆克登額差馬甲德通等將李大擎至官廳責打傷重殞命刑部將穆克登額擬以絞候於罪名尚無錯誤但摺內稱李大係屬有罪之人依擅殺罪人律

定擬則所引殊未允協馬甲威靈阿賒欠李大錢文許以十月初八日下晚清還李大屈時往索其理本直並非有罪之人穆克登額庇護馬甲因李大出言頂撞喝令疊加杖責斃命自應按律擬抵而刑部執稱李大究屬有罪是旗人欠員民人錢文俱不應索討勢必至益加橫恣遇有錢債事件民人竟不敢向其清理何以示平允而昭公當朕辦理庶

務於旗民從不稍存歧視如民人有應得之罪固當按律懲治若曲在旗人亦必加以重懲不少寬貸惟期情真罪當用法持平絕無畸輕畸重於其間乃刑部以索欠之李大指為罪人是該管官員袒庇於前而刑部又袒庇於後皆屬非是刑部堂官著飭行併將此旨傳諭八旗並各營房一體刊刻張掛俾各觸目警心共知懲戒此案穆克登額著另擬絞監候秋後處決之罪餘依議○調禮部左

侍郎德明為吏部右侍郎盛京刑部侍郎宗室僧保佳為禮部侍郎以革任戶部尚書覺羅巴延三為盛京刑部侍郎○乙未諭兵部題覆廣東候補都司利振紀守備黃斌全在部呈改水師到省試驗未嫻准照例議以降一級調用一本業照部議降調矣該都司等在部呈請生長海濱熟悉水師到粵後經福康安即行試驗均未諳習據實咨部辦理自係福康安覈實試驗不肯任其冒濫貽誤

辦理尚屬公正。因思此等人員或因在部候補時希圖得缺較早兼回原籍。及水師陞途便捷。隨冒昧呈改。迨發往各省後。各督撫以候補人員一時未能得缺。不即行試驗。致令該員等冒濫充數。殊非覈實辦公之道。嗣後各督撫遇有此等呈改水師人員。分發到省。務須認真試驗。除實能諳習水師情形者。方准留標補用外。如有本不諳習。朦混呈改之員。即據實咨部辦理。毋得稍存姑息。致滋貽誤。

○諭軍機大臣等。現在藏內原駐官兵。及鄂輝成德先後帶往漢屯。並先期派換班兵丁。合之添調屯練。及索倫達呼爾兵。共有七千餘名。計福康安明春進剿。須帶兵五千名深入。而聶拉木一帶後路。尚須數千兵逐段屯駐。以為接應。方可聲勢聯絡。足資勦捕。策應之用。著福康安抵藏後。再行酌量情形。通盤籌算。如尚須添兵。或就近於德爾格及屯練降番。並達木蒙古兵。添調一二千名於進

剿既屬得力。而後路聲援亦較為壯盛。將來大兵直抵賊境。聲罪致討。賊匪自必震懾。軍威乞哀。籲懇福康安固當嚴詞駁斥。不准所請。倘賊匪真心悔罪。懇求再四。福康安自能遵照前旨。宣布威稜。嚴立禁約。以示創懲。而尊體制。較之巴忠等前次所辦。自必得有把握。辦理完善。不致再滋事端。至福康安到藏後。當諭知鄂輝成德以前次許給廓爾喀銀兩一事。總由巴忠一人意見主持。鄂輝成德

聽從允行。雖有應得之咎。但究係隨同附和。已將鄂輝革去總督。成德革去將軍。各治以錯誤之罪。復蒙加恩。俱賞給副都統職銜。作為領隊大臣。伊二人惟當激發天良。奮勇殺賊。立功自贖。以期承受恩施。不必復存疑畏之見。如此明白諭知。俾鄂輝成德各知感激。奮勉安心。自効於勦辦事務。較為有益。○是日起
上以冬至祀

天於

園丘齋戒三日（丙申諭據明興等奏將本年和闐收獲盈餘米石照例折辦金布等語此項金兩每年解送京師但內地產金之處既多且用處亦少若將各城折辦之金停止俱令折辦布匹解送伊犁尚足資用於事有益著交駐劄新疆各回城大臣等嗣後將各城每年收獲盈餘米石不必折辦金兩俱折辦布匹一併解送伊犁以備支用○都察院奏

山西太谷縣從九品職銜王巍即王嵐皇控孟教材張效禹等倚原任開封府知府武先慎御史武潢父子之勢訛詐銀兩搶奪霸姦又武先慎代分發通判孟鑾違例取咨武潢代為賄囑書吏等情得旨此案著軍機大臣會同刑部嚴審定擬具奏御史武潢著解任質訊（丁酉）

上詔

南郊齋宮齋宿諭前因令福康安海蘭察等

分起帶領官兵由西寧一路前赴西藏勒保豫備應行騎帶馬匹口糧等項辦理尚為妥速曾降旨將該督交部議敘今據勒保奏現在馳抵西寧前調蒙古馬匹尚未到來已專差通事執持令箭前往各扎薩克遊牧處所飛調嚴催等語所辦殊屬過當此時進剿官兵尚未至京何必過事張皇先行催調致滋擾累辦理實屬錯誤除降旨嚴行申飭外所有前次交部議敘之處著即撤回倘再不能

妥協辦理必將勒保治罪○諭軍機大臣等昨據都察院奏山西職員王嵐控告孟教材等負欠誣告占妾霸姦各款內有河南告病通判孟鑾求御史武潢寄信伊父原任開封府知府武先慎代起病痊咨文一節現今軍機大臣傳到武潢詢問據武潢供稱孟鑾係我表弟在河南告病後於上年夏間到京先在外城客店居住嗣於九月內移居內城普濟寺十月間孟鑾到我家內要我帶信與父

親武先慎替他代起病痊咨文適有使人要往河南即將孟鑾書信寄去到十一月接父親來信內有寄覆孟鑾信一封內咨文一件叫我交給孟鑾隨着人送給等語孟鑾告病後即在京居住未曾親赴河南請給病痊咨文已據武潢供明屬實是穆和蘭於該員起文時並未與之見面何得遽行給與咨文其咨內所出看驗考語竟屬憑空填寫必係武先慎向穆和蘭代為懇求勒令鄭州出結以致通同朦混率行咨部起復其弊已屬顯然除將武潢解任質訊外著穆和蘭將武先慎如何代孟鑾懇求及該撫未見孟鑾之面何以知孟鑾病已痊愈憑空填註年力壯強人亦明白考語一併據實明白回奏至降調知府武先慎候補通判孟鑾並著該撫派委妥員迅即解京以憑質訊又據王嵐稱孟鑾在京接到武先慎書信及病痊咨文時有孟鑾妹夫李安民在寓一同看見現在河南孟鑾

任所等語亦著穆和蘭將李安民一併拿獲解京候質再王嵐控詞內所稱倚勢詐銀之孟教材及太谷縣串通枉斷之武先勲從中說合乘機搶妄之張效禹並已革太谷縣知縣顧售均係案內應行質訊之人著馮光熊按名押解來京歸案審辦其餘呈內所控各案人數衆多若概行解京未免拖累著將王嵐原呈及所開款蹟鈔寄穆和蘭為光熊閱看按照所控情節逐一就近訊取供詞咨送軍機處歸案辦理若再稍有迴護遷就恐該撫等不能當其咎也將此各傳諭知之○戊戌冬至祀天於圓丘上親詣行禮○遣官祭永陵福陵昭陵

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○已亥

上幸瀛臺○諭軍機大臣曰福崧等奏等獲洋面

盜犯審明後即行正法並分別發遣一摺已交該部覈議矣浙省營伍廢弛海洋地方劫盜頻聞皆由該撫等平日不能實力整飭所致今福崧等派委文武員弁於水陸要隘等獲陳阿掌蔡阿洋等六名審明後即將首惡要犯恭請王命正法其餘分別從重定擬福崧等自緝拏洋盜以來祇此一事差強人意所有緝獲此案盜犯之文武各員著該撫等分別記功以示獎勵嗣後該撫等於地方營伍一切務須實力整頓而於海洋巡緝事

件尤宜督飭所屬倍加奮勉方為不負委任將此諭令知之 庚子諭曰畢沅等奏湖北漢陽江岸停泊船隻被火焚燬一摺內稱該處泊有回空漕船及鉛船鹽船民船約千餘隻沿岸排列十一月十一日有民船一隻失火延燒各船一時風狂火烈被燒回空漕船十六隻鉛船九隻鹽船一隻沉溺鉛六十四萬餘觔淹傷貴州委員吏目吳掄元一員淹斃家丁舵工四名水手九名不知下落等語

此係无妄之災覽奏深為憫惻本年雨暘時若年穀阜成河工海塘安瀾順軌朕猶慮直隸河南山東江蘇等省所屬村莊內間有一隅歉收之處特降諭旨令該督撫查明具奏候朕新正加恩撫卹嗣據各督撫奏稱查明所屬均不致成災祇須於明春酌借口糧無庸加賑是朕欲加惠黎元而思無可施正思廣求民瘼用普春祺俾節屋茅檐咸霑愷澤朕臨御以來惟日孜孜常懷寅畏從不敢稍

存滿足之念今仰賴

昊蒼鴻貺諸事順寧正益深兢惕之時乃秋間有廓爾喀與唐古忒索欠滋擾後藏邊界一事致勞宵旰今漢陽江岸延燒官民船隻淹斃人口猝被災傷此正

上天垂戒滿盈之意是宜引以自儆而益深乾惕也所有漢陽江岸被燒漕船及沉失鉛舡事起倉卒人力難施何忍按例令被災之運丁及委員等賠補此項漕船十六隻俱著官

為造辦免其著賠明歲應運新漕即著該督等雇募民船無誤開兌其沉失鉛舡並令該督等督率所屬上緊打撈務獲如有撈不足數者亦加恩豁免至淹傷委員及淹斃人口俱著妥為優卹恐此外尚有並非在官人役及商民同時淹斃者亦著查明確數一體辦理該督等務須實力查辦以副朕卹災愛民至意○諭軍機大臣曰阮光平寵列藩封情殷受戴自應與在朝之王公大臣近同一體

本年十二月朔朕開筆所書福字即以賞給該國王俾得先承恩賚與該國臣民共迓春禧以示欽時錫福中外同霑之意並照諸王新年分例賞給黃辦大荷包一對貯各色玉石八寶一分小荷包四個金錢金鏤各二個銀錢銀鏤各二個又加賞白玉象一件一併發往著陳用敷將以上所賜福字荷包等物即交鎮南關鎮目轉交阮光平祇領並恭錄此旨知照該國王用昭優眷將此諭令知之

○是月漕運總督管幹珍巡視南漕御史查瑩奏本月二十四日兌運淮安海州各屬漕糧之大河前幫船三十五隻泗州後幫船三十五隻兌竣來淮查驗後飭令前進過寬濶處所暫泊俟東省挑工完竣照例鋪水飛挽北上山東省重船現已全出臨清衛河至德州一帶守凍俟明春冰泮即可速赴通瀾得旨過年漕運可謂盛極極因有湖北風火之失滿招損益深儆惕耳○兩淮鹽政全德奏淮

北引鹽行銷廬州者向由洪澤湖舟運至壽州另雇牛車陸運一百四十里方至府城嗣因洪湖旱淺奏請全用舟運由運河出瓜州大江從裕溪進口到廬查前陸運時每年僅銷一萬餘引自改江運逐漸多銷近年銷至二萬餘引詢之商民等據稱陸運時牛戶拉鹽到家偷竊鹽舫用沙土攪入民間不得買食淨鹽而私販者比官鹽較好故民間喜食私鹽以致官引不銷今鹽船水運到岸並無

攪和民間得食好鹽私販無利可圖不禁自止故官引暢銷是江運已有成效應請永為定例又滁州及來安縣亦係食淮北陸運之鹽該處亦有河可以通江現令照廬州例一體江運以收便民裕課之益得旨嘉獎○河東河道總督李奉翰巡視東漕給事中窩星額奏會勘應挑工段上河捕河運河加河四廳屬共應挑土十五萬九千餘方實應添募夫銀六千八百九十兩零得旨有省有多費

原不出常年之數亦不細究矣○副都統銜鄂輝奏遵查巴勒布貿易人等有眷屬者少無眷屬者多自前歲廓爾喀滋事唐古忒人有外視伊等之意該番等心存疑懼回去者較多現在前藏實止有四百一十三名大半俱有家室驟難移回甚為安靜即頭人恩啟必樹達拉等各有眷屬並不滋事若將該頭人送京則各番管束無人或且轉生惶惑設有與廓爾喀勾通送信者不難密為訪查拏

獲將來買賣不通錢文禁用此項人等自難留居藏地此時既無多兵押送而逐回本地轉為賊匪添人莫若暫時不露端倪使之安心住藏俟明春大舉再行分別逐回批是又奏臣等現在勸賊設或此四百餘人中有一二能知賊情虛實者亦可藉為引路假通信息似不妨故示優容藉用彼力也批亦可

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十一

實錄卷之一千三百九十一

五

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十二

監修總裁官總纂官太子太傅文淵閣大學士文淵閣領侍衛內大臣傅靈樞

吏部院詹事府主簿滿洲副都統世襲騎都尉軍功加七級隨帶加一級尋常加二級軍功紀錄一次慶隆

總裁官總纂官太子太傅文淵閣大學士文淵閣領侍衛內大臣戶部尚書德齡滿洲副都統軍功紀錄五次

世襲騎都尉軍功加十九級隨帶加二級又加二級尋常加二級軍功紀錄一次慶隆

尋常紀錄十四次世襲總纂官太子少保工部尚書紀昀次子曹林稿等奉

欽修

乾隆五十六年辛亥十二月辛丑朔

上詣

大高殿行禮。○諭據富尼善奏。本年採收紅銅除正額之外。又多交五千四百觔。請將官兵鼓勵辦理等語。著照富尼善所奏。將該管遊擊德海。交部議敘。兵丁等各賞給一月鹽菜銀兩。○壬寅。諭軍機大臣等。前因勒保奏青海出口一路冰雪較大。柴草維艱。途中恐有阻滯。是以降旨令福康安到西寧後。與勒保奎舒面商定議。若青海一路勢難行走。即改

道仍由四川赴藏。然朕屢向軍機大臣言及以福康安素性勇往急公能耐勞苦如青海道路稍有可通伊必不辭辛苦仍由青海前進。今覽奏果與朕言適相符合且稱蘭州一帶氣候較往年和暖此實

上天垂佑。額慶之餘益深敬感。現在福康安既堅持定見由青海一路進發嗣後所降諭旨俱由四川馳遞青海一帶已令勒保毋庸安設臺站俟明春官兵過竣再行隨後設站安

臺。又前令海蘭察到西寧後即將所帶巴圖魯侍衛章京等暫駐西寧俟烏什哈達岱森保所帶索倫達呼爾兵到齊後一同管領進發。今福康安既由青海行走抵藏較早而勒保所備馬匹過多現在尚有三千餘匹儘為寬裕其暫駐西寧等候分起帶兵之巴圖魯侍衛章京等福康安酌量情形如有應須帶同前往以備差委之處先帶一起半起同行豫備軍前効用更為得力如無可用處仍令

其暫駐西寧等候索倫官兵一同進發更可節省馬力。○又諭此次所派索倫等兵不過一千名騎馱馬匹三千已足敷用今青海蒙古等已辦馬三千匹又豫備一千五百匹為數已多勒保乃於各營內豫備馬千餘匹又

令阿拉善王旺沁班巴爾辦馬一千匹實為多事。試思一千餘名之兵何需馬至七千餘匹之多。況索倫兵於本月二十間始能至京及至西寧已須二月初旬此項馬匹若於月

內齊到西寧並無牧廠餵養反致瘦損辦理尤為錯謬勒保著嚴行申飭仍交部議處。所有青海蒙古等豫備馬匹除留存三千匹備用外餘俱著速行停止。朕平日撫卹內外各扎薩克蒙古等惟使安樂得所不肯稍致勞瘁此次因勦辦廓爾喀官兵經西寧行走需用馬匹不得不交青海蒙古等備辦是以前經降旨特令照從前採買價值給與以昭體卹蓋青海蒙古等非內扎薩克可比牲畜不

甚充餘。現當天寒雪大。牧廠平常之際。備辦三千匹。即不能不形拮据。乃又令多為豫備。實為勞苦已甚。朕心深為不安。勒保接奉此旨。著曉諭青海扎薩克等。以爾等所辦馬匹。甚屬妥速。急公奮勉。皇上極為嘉悅。今止需用三千匹。餘俱無庸豫備。其三千匹。亦且不必即時送來。俟官兵將至西寧。再行調取。並於其來時。即照數給價。毋使稍有拖累。○轉禮部右侍郎鐵保為左侍郎。授宗室僧保佳。

為右侍郎。○甲辰。

上御乾清門聽政。○諭曰。步軍統領衙門奏。據山西民人王永恒呈控。與許提夥開鹽店。不還銀兩。鹽運使批交運同審斷不公。王永恒不肯遵斷。並令書吏樊樹勒寫遵依等情。此案著將原被各犯解赴直省。交該督梁肯堂提同案內人證。將該運同所斷是否偏袒。及該運使有無授意運同串通書吏枉斷等弊。秉公嚴訊。徹底根究。毋任稍有狡飾。致干咎

戾。○乙巳。以故雲南姚州六品土官高配忝子維藩襲職。○旌表守正捐軀河南澠池縣民張小桃妻崔氏。○丙午。

孝惠章皇后忌辰。遣官祭。

孝東陵。○諭曰。富綱等奏。據官犯黃宗傑之伯母黃高氏呈請代姪贖罪一摺。已批交該部議奏矣。但該督等摺內。既稱查閱黃宗傑犯流原案。雖曾經縱於前。但究係自行審出。與故出人罪者有間。可否准其贖罪。出自天恩。

又稱。飭將捐贖銀兩。提貯司庫等語。殊屬非是。此等呈請贖罪之案。該督等據情具奏。其應准與否。交部覈議。後尚須候酌覈情節。降旨定奪。今富綱等。既以可否准其贖罪之處。聲明雙請。乃又先將捐贖銀兩。提貯司庫。倘覈其案情。不應准贖。則此項豫提銀兩。仍須給還。其經手書吏。從中剋扣留難。種種弊端。更不可問。富綱等之意。雖以提銀貯庫。見其辦理認真。其實隱為地步。以贖項業經交納。

冀圖允准。試思黃宗傑應交贖罪之項為數無幾。又何慮其拖延不繳。若非意存取巧。有何迫不及待。先行提貯司庫耶。富綱額勒春俱著傳旨嚴行申飭。嗣後各督撫遇有此等呈請贖罪案件。祇應據情入奏。候旨遵行。不得將捐贖銀兩。豫行提貯。以杜僥倖而絕弊端。將此通諭知之。○又諭刑部題覆直隸省新樂縣民人韓連陰圖姦韓朝立之妻黃氏未成。致氏羞忿自縊身死一本。照該督所題

將韓連陰照強姦未成。本婦羞忿自盡者絞例。問擬絞候。於罪名雖無出入。而所引強姦例條過重。殊未切當。韓連陰因韓朝立外出起意圖姦其妻。假冒韓朝立聲音喚黃氏開門。黃氏不應。韓連陰推門進屋。被黃氏聽出。韓連陰聲音。當即喊罵。該犯畏懼逃逸。覈其情節。韓連陰祇係冒姦。聞喊即逃。並無威逼抑勒情事。安得謂之強姦。況向來調姦未成。致本婦羞忿自盡之案。手足勾引。方予勾決。如

如僅係語言調戲。並不予勾。此案韓連陰不但無強暴逼勒之事。亦非手足勾引。若如刑部所題。比照強姦未成之例。則較手足勾引者為更重矣。律例內雖未載有冒姦專條。亦應引用調姦之例。方與案情允協。所有本內引用強姦未成字樣。著改為調姦再行批發。以昭平允。○丁未

上幸瀛臺。○諭曰。浦霖奏審明沉溺餉鞘分別定擬著賠一摺。內稱此項酌撥京餉。行至南平縣所屬之長鐵灘地方。水急灘高。逆流牽挽。最為陡險。因用力過猛。緯繩拉斷。船隻倒流。誤碰石梁。擊碎船身。原裝餉銀二十鞘。全行沉溺。現已撈獲十八鞘。其未獲兩鞘。著落運員及失防之地方官各半分賠歸款。並請將運員分別革職議處等語。此案餉鞘沉溺。既據查明實係險灘。又因緯斷船溺。人力難施。尚非有心貽誤。且未獲鞘銀不多。業經分賠歸款。所有副運官巡檢韓興祖著加恩免

其革職。其正運官同知萬桂。交部議處之處。亦著加恩一併寬免。至所擬船戶。水手。家丁。兵丁。縣役等。應得罪名。均著一體寬免。○諭軍機大臣等。賊匪前在定結屯聚。聞知大兵將到。於十一月初一日夜間奔逸。但聶拉木以外賊匪去路。屢據保泰等奏稱該處一交冬令。即大雪封山。是賊匪在定結奔逸後。亦不能竄回巢穴。不過在聶拉木濟龍邊界一帶。逗留株守。成德此時早抵後藏。鄂輝亦接續可到。所帶屯練兵一千名。俱已齊集。鄂輝成德正當乘賊匪望風奔竄。欲歸無路之時。督率兵丁奮力進剿。大示創懲。立功自効。或賊匪在定結奔逸後。竟退回聶拉木以外。希圖竄歸巢穴。該處雖冰雪較大。但賊既能行。我亦可往。鄂輝成德宜帶兵坐守。不即跟蹤追捕耶。又成德奏據前藏噶布倫格桑納木結等。接得由賊境出來之扎薩克喇嘛書信一封。前據保泰等奏祇稱噶布倫丹津班

珠爾等被賊拘留。此扎薩克喇嘛自亦係達賴喇嘛所遣。或與丹津班珠爾同被裹去。著鄂輝成德查明具奏。至賊匪狡獪性成。中懷叵測。此次扎薩克喇嘛信內所稱差大頭人。至聶拉木與噶布倫講明各安住牧之語。殊不可信。安知非賊匪另有詭謀。又似誑騙丹津班珠爾之計。亦未可定。鄂輝成德當豫為留心防範。不可令穆克登阿張芝元輕率前往。與之講論。致墮賊匪術中。鄂輝等更應慎之又慎。再此次自廓爾喀回藏之扎薩克喇嘛及隨出之喇嘛第巴等。均著鄂輝成德畧加詢問。一面錄供具奏。一面將該喇嘛等派委委員。概行押解送京。以備質訊。更可詳詢賊情。至成德所奏請暫鑄銅錢以資兵丁。換易行使。已據成德諭令商上暫為鑄造。此係為目前兵丁需用起見。亦祇可如此辦理。其將來在藏安設鑪座。官鑄錢文之處。統俟福康安於事竣後。歸入善後事宜內辦理。非目

前急務也。至成德奏籌辦糧餉一事。據稱達賴喇嘛再行備糧數萬石等語。殊可不必。節據孫士毅通籌數算。藏內現在存貯。及前後採買。已有糧四萬四千餘石。尚有牛羊一萬餘隻。今據成德覈計。共有七萬餘石。是藏內糧石。已極寬然。將來支應之外。儘有多餘。何必再令達賴喇嘛添派此項餘糧存貯日久。徒致紅朽。且採買過多。於達賴喇嘛商上。多有擾累。著速行停止。以示體恤。○旌表守正捐軀直隸新樂縣民韓朝立妻黃氏。○戊申上幸瀛臺。○諭軍機大臣等。昨令軍機大臣將各省積欠銀兩數目。查明開單進呈。朕詳加披閱。內直隸省未完銀二十九萬八千三百餘兩。帶徵地糧七十八萬五千八百餘兩。山東省未完銀二百一十八萬五百餘兩。河南省未完銀四十五萬八千八百餘兩。江蘇省未完銀五十萬七千一百餘兩。福建省未完銀八十一萬六千四百餘兩。湖北省未完銀

六十四萬七千五百餘兩。為數甚多。浙江省亦有未完銀九萬六千三百餘兩。此項積欠銀兩。俱係應徵正項錢糧。在小民等踴躍急公。自無不輸將恐後。其各省所報未完銀數。必非盡係實欠在民。聞總由地方官吏藉口水旱歉收。因災帶緩。從中那前移後。官侵吏蝕。藉稱積欠在民。况連歲以來。各省秋收。多屬豐稔。間有歉收之處。亦不過一隅偏災。即如直隸省。祇係河間天津等府。偶因夏秋雨

欠銀糧。竟有此數。從前雍正年間。曾特派大臣往各省逐一清查。朕臨御以來。惟恐派出之員奉行不善。或致擾累地方。是以未經派員查辦。但國家經費有常。似此懸宕無著。便於蠹吏誣及良民。年復一年。伊於何底。著傳諭各該督撫。即將前項未完積欠銀兩。實在因何民欠若干。官吏侵蝕若干。詳晰查明。分別開單據實具奏。此項歷年積欠。在州縣等斷不肯自行呈報。但該督撫等俱係陞調未幾。其經徵州縣輾轉那欠。已非一日。此時自無可用其迴護。惟當確切嚴查。據實陳奏。其經徵不力之咎。轉可加恩寬宥。若該督撫等心存袒護。代為隱瞞。不過與海捕具文視同一例。稍有不實不盡。經朕派員查出。或被百姓告發。恐該督撫等不能當此重戾也。將此傳諭知之。○以故四川明正土司甲爾叅德沁子甲木叅諾爾布貴州康莊長官司土官于昌隆子于宴西寧白利族百長扎什丹津

子班馬旺慶各襲職。○己酉。諭軍機大臣曰。郭世勲奏續獲洋盜分別辦理一摺。已批交該部矣。至另片稱崖州盜案內。據營員拏獲張在書等解省。審出張在書等並無通賊。為匪情事。現俱省釋等語。張在書等被賊刦去錢文魚網。適遇巡船。隨即喊報。指令追查。該營員不見賊船。心疑張在書等代賊探信。拏獲解縣。尚屬有因。若該撫以該弁誤拏無辜。遽加飭責。嗣後巡洋各弁。心存畏懼。遇有形跡可疑之人。不敢立時拏獲。轉恐正盜因而縱逸漏網。況此案業經該撫審明省釋。所有誤拏張在書等之該營弁。竟可毋庸置議。仍令地方員弁認真巡緝。以靖洋面。而戢盜風。將此諭令知之。○庚戌。諭。打牲烏拉壯丁近日生齒日繁。伊等當差及養贍家口。不無拮据。著加恩將每月食一兩錢糧之打牲烏拉壯丁。增添一千名。毋庸另加差徭。即著與原舊應役人等一體應役。以示撫卹。再官員額

少。約束難周。即將現在五品頂戴翼長二員。作為四品虛頂戴。由驍騎校內添設五品虛頂戴。委署翼長二員。由委署驍騎校筆帖式內添設六品虛頂戴。委署驍騎校二員。由領催珠軒頭目拜唐阿內添設委署官二員。○諭軍機大臣曰。福康安一到西寧。即將青海道路。訪詢確切。定於十二月初一日吉期起程前進。與朕心適相符合。實能仰體朕懷。克副委任。嘉慰不可言喻。且摺內稱。近日天氣和暖。為西寧邊地所罕見。此實

上天護佑之嘉兆。曷勝額手感謝。看來事機順利。明春大舉進剿。定能速奏膚功。從此得以稍舒馳驅。迂歲迎祥。欣慰之餘。有何可諭。至勒保。奎舒。於福康安未到之先。將應用駝馬。帳房口糧柴薪等項。設法趕緊籌辦。並安設臺站。雇覓熟習番子。作為嚮導。福康安一抵西寧。得以定期邁發。所辦俱屬可嘉。勒保前次議處之處。即行寬免。並著加恩與奎舒一

體議敘。藩司景安。亦著賞戴花翎。又據奏。現在應用之馬匹。駝隻等項。經勒保設法趕辦。傳到蒙古扎薩克等。多方曉諭。安設軍臺。均已豫備齊全等語。前因索倫達呼爾兵。前抵西寧。尚需時日。曾經諭令勒保等。青海一路。此時且無需設站安臺。今青海扎薩克郡王。索諾木多爾濟等。於福康安接見時。據稱情殷報効。該處新設臺站。例有屬下蒙古等坐臺。距伊等游牧地方不遠。請赴各臺就近稽

查等語。該扎薩克等。踴躍急公。言詞懇切。實屬可嘉。特發去大小荷包。交勒保。奎舒轉行賞給。以示鼓勵。其駐劄各站蒙古官兵。俱照練旗官兵之例。賞給鹽菜口糧。其餘在事出力之扎薩克以上王公台吉。著一併查明具奏。另行分別獎賞。至海蘭察等。前經諭令暫駐西寧。俟烏什哈達。公森保所帶索倫達呼爾兵到齊。再行管領進發。今福康安勒保豫備馬匹。儘屬寬裕。與其留存等候。徒費餵飼。

莫若令海蘭察及巴圖魯侍衛章京等無須駐劄西寧。即於此時接續前進。伊等不過一百餘人。即加以跟役人等所需騎用馬匹。亦無須用至一千之多。而隨後遙行。可期及早抵藏。彼時賊匪或尚在邊界逗留。即可令海蘭察等帶領官兵跟蹤勦殺。更為得力。計此吉到時。福康安已由青海行走二十餘日。該處道路情形。及氣候光景。自己可悉一切。即著福康安細加酌量。如青海一路可以通行無阻。即飛咨勒保告知海蘭察等。令其無須駐劄西寧。等候官兵一同起程前進。或作為一起行走。或分作數起。俱無不可。總以計算馬力酌量行走。此事惟在福康安相度情形自行定奪。咨明辦理。○豁除直隸豐寧縣水衝地七頃五十畝。有奇額賦。○辛亥軍機大臣議奏。據御史曹錫齡奏貢監生考職請改於鄉試。聞中南北。薦卷落卷。內酌量選取。查恩拔歲貢。原有就教就職之階。貢監生在

館充當膳錄。可邀議敘。均有選途。而考職一途較捷。或反啟奔競之風。請將考職之例停止。得旨。所奏是。依議。○豁免貴州運員蕭若欽。沉溺白鉛四萬九千三百八十觔。黑鉛四千二百七十觔。有奇。○旌表守正被戕直隸赤峯縣民劉進才妻楊氏。○壬子。諭曰。候補總兵彭承堯。著馳驛前往四川。交與孫士毅酌量調遣委用。○諭軍機大臣等。步軍統領衙門奏。江西廣豐縣民人嚴夢彪。呈控伊兄嚴夢彪。被廣豐縣知縣曹德元。誣稟被參。並知縣將未完米石。勒令花戶交銀。及浮收倉糧。抑派交倉。使費錢文一摺。此案。前據姚茶參奏。告假在籍。侍衛嚴夢彪。赴縣拜謁。將紙條開寫米四百石。交該縣管門家人。又復乘馬赴倉。將完糧花戶鄭牙踏傷。是以降旨。將該侍衛革職。等因。交該撫姚茶提集人證。嚴審定擬。今據嚴夢彪呈稱。伊兄嚴夢彪。係赴縣起咨。該縣並未與之見面。管門徐姓家人。

向索使費。以致紛爭。適有完糧人等在縣前吵嚷。經知縣查問。徐姓家人。即捏稱嚴夢彪。關漕等語。如果屬實。是該縣袒護家人。捏稟誣陷。已有應得之咎。至呈內所稱知縣於收倉後。將未完米石。勒令花戶。每石交銀五兩六錢。及收糧三斛。算兩斛。每石要倉錢二百文。水腳錢二百文。一節。事關勒派浮收。尤屬大干法紀。雖係一面之詞。不可不徹底查明。從嚴究辦。此案未便再交姚茶審辦。致滋迴護。

劉我吉慶前因江西民人周鼎生控告毀墳盜葬一案。由河南前往該省審辦。計日內已可定擬完結。所有此案呈控情節。即著劉我就近提集人證。秉公嚴訊定議具奏。如劉我等前案審竣。業已起程在途。於何處接奉此旨。即著仍回江西。俟此案審辦完竣。劉我再行來京復命。吉慶仍遵前旨。順道赴山東新任。將此諭令知之。○又諭廓爾喀賊匪。前於滋擾扎什倫布後。並不竄回巢穴。仍在定

結。興隆等處。逗留觀望。鄂輝成德。若能趲程行走。早到二十餘日。正可乘機勦捕。乃行走濡滯。稽延時日。以致失此機會。惟當趁賊匪尚在邊界屯聚之時。率領官兵。奮力鼓勇。直前進剿。現在成德已帶領屯練前往追剿。鄂輝亦接續到彼。合兵前進。朕惟看伊二人。如何奮勉出力。立功自贖耳。至所稱賊匪先將扎薩克喇嘛等送出。是明知鄂輝等將到。藉此通信。冀圖割斷清還舊欠等語。此項舊欠。

皆因前次巴忠等辦理不善。以致賊有所藉口。滋生釁端。今賊匪罪惡貫盈。恣意搶占。其清還舊欠一節。豈得復行提及。鄂輝成德。惟有堅持定見。帶兵進剿。痛加殲戮。方為正辦。又奏。請於德爾格等處各土司內。派調土兵五千名。令熟悉番情之將備員弁。各自本處起程。赴藏協勦等語。所辦尚好。著准其所請。於福康安奏續調屯練兵二千名外。再添調土兵三千名。以足鄂輝成德所請五千名之

數。並著孫士毅就近專差分別譯諭各該土司。令其早為豫備。於正月初旬分起赴藏。其統領大員及熟悉番情之將備員弁亦令孫士毅妥為派定。屆期帶兵前往。看來成德鄂輝於此次奏請添兵及籌辦一切事宜較前稍有把握。益當倍加奮勉立功自効。又據孫士毅奏。總兵袁國璜懇請赴藏帶兵一節。袁國璜在川年久。熟悉番情。且曾經出師金川。臺灣於打仗殺賊頗為奮勉。今懇請赴藏。具見實心自應准其所請。著孫士毅於鄂輝成德續調土兵分起赴藏時。即令袁國璜帶領一起前往。交與福康安軍營差遣委用。於勦捕較為得力。再原任廣東潮州鎮總兵彭承堯病痊起復。來京經朕召見。看來其人尚可。且曾經出師。現已降旨令其馳驛前往四川。著孫士毅酌量若帶兵乏員。即令該鎮分帶續調土兵赴藏。在軍營委用。若因四川總兵張芝元穆克登阿諸神保袁國璜等俱帶兵

往藏。現在需員署理。即將彭承堯留於川省署理鎮篆。總在孫士毅酌量辦理。○又諭前派海蘭察帶領巴圖魯侍衛章京一百員。副都統烏什哈達。公森保分起帶領索倫達呼爾兵丁一千名。前赴西藏。俱由內地赴青海一路出口。曾經降旨令各該督撫將沿途應行備辦事宜妥為經理。其帶兵官員等如有例外需索等事。即著地方官據實奏。朕既加恩體卹。而沿途各省於一切應付事宜亦得概從節省。因思時屆隆冬。該索倫兵丁等銜寒就道亦當加以體卹。著傳諭各該督撫於該兵丁等過境時。所有飯食湯水等項俱應妥為豫備。或於廩給之外給豬羊肉湯飯。俱得飽煖。進行斷不可一任辦差家人等借端侵冒。給與寒冷食物。以致有名無實。與其將無益之費徒供帶兵將弁騷擾。何如加恩窮苦兵丁。得資飽煖較為有益也。○癸丑諭前經降旨直隸解到旗租銀兩足數普賞八

旗兵丁一月錢糧。即行普賞一次。現在直隸解到租銀。雖不足敷賞賚之用。但念該兵丁等寒冬歲暮。生計維艱。著於節年積存旗租項下撥補足數。加恩普賞八旗兵丁一月錢糧。俾生計益臻充裕。以示敦錫春祺有加。無已至意。該部即遵諭行。○諭軍機大臣曰。福崧奏海塘應修各工。業經一律完竣。覈計銀數。分別著賠一摺。據稱琅玕任內延誤未辦工段。其最要各工應賠銀八萬九千六百六十兩零。又次要各工用過例估加貼工料銀十三萬七千六百五十一兩零。亦應令琅玕賠補五成。其餘五成著落該司道廳員名下。按數分賠等語。此項海塘應修各工。琅玕前在巡撫任內延緩不辦。現在用過例估加貼工料銀兩。自應著落分賠。但所奏各工從前辦理時。未能堅實。亦非琅玕一人之咎。其承辦之司道廳員等。豈得置身事外。所有此項應賠銀八萬九千六百六十兩零。亦著照次

要各工。令琅玕賠補五成。其餘五成著落承辦之司道廳員等分賠完項。以昭平允。至琅玕名下尚有節次自行議罰。應交海塘及內務府銀兩。除陸續完繳外。尚未完銀八萬兩。著加恩概行寬免。令其專力措繳。現在海塘最要次兩工。應賠銀十一萬三千餘兩。琅玕務須倍加感激。作速解交浙省歸款。毋再延緩。干咎。將此諭令知之。○又諭年滿張家口稅務監督刑部郎中塘瑞。所收一年稅額。覈計前任監督所收數目。盈餘項下較上年缺少銀九千四百四十餘兩等語。自恰克圖禁閉以來。商販貨物較少。然歷任監督悉遵額定數目徵收。交納從無缺少。今該監督塘瑞所收盈餘項下較上年缺少銀九千四百餘兩。或伊家人書吏有從中侵蝕。徵多報少之弊。亦未可定。著傳諭烏爾圖納遜將塘瑞少收稅銀。或伊家人書吏等從中侵蝕入己。抑或實係張家口外附近地方荒歉收成歉薄。

商販運售貨物無多。始至比原額缺少之處。查明據實奏聞。毋得瞻徇。○以侍講學士薩彬圖充日講起居注官。○甲寅。諭據奎舒奏。青海蒙古扎薩克等。所進馬一千匹。遵旨給回。據各王扎薩克等。懇稱伊等區區微誠。所進馬匹。如不收納。心實不安等語。前因各王扎薩克等。備辦馬匹。迅速急公。朕甚嘉悅。惟因為數過多。是以降旨給回。今各扎薩克等。以受朕恩至重。毫無仰報。懇稱若不納伊等馬匹。心實不安。殊為誠切。朕深嘉之。著交奎舒將伊等所進馬匹。即照所請收納應用。俱照數發給價值。以示朕嘉與忱悃之意。○又諭福建額徵地丁銀兩。為數較少。該省應需兵餉等項。不敷支放。向由隣近省分協撥濟用。因思閩海關盈餘稅銀。每年俱全數解部。既多運送之煩。而該省應放餉銀。轉須向隣近省分。紛紛協濟。辦理殊多周折。所有閩海關盈餘稅銀。嗣後不必解部。即著留於福建

藩庫。以備支放兵餉之用。至各省內。如有似此地丁銀兩。不敷支放兵餉者。其有關稅省分。應解稅銀。亦著照此辦理。該部即詳晰查明。分別應解應留之項。行知各省。一體遵照。○諭軍機大臣等。據勒保奏。口外一帶。近日天氣。較往年和暖。途中水草。不致缺乏。海蘭察所帶巴圖魯侍衛章京等。不過百餘人。所騎馬匹。亦屬無多。若俟福康安信來。又稽時日。著傳諭海蘭察與勒保商酌。帶同巴圖魯侍衛章京。即照在內地行走起數。由西寧啟程進發。可以及早抵藏。至索倫達呼爾兵。現已陸續到京。於本月二十外。可以起身。計抵西寧後。已屬春融。該處馬匹。備辦寬餘。即著勒保。令帶兵之烏什哈達。岱森保。率領兵丁。隨到隨行。以期迅速抵藏。若彼處賊匪。尚在聶拉木等處邊界逗留。正可令海蘭察等。帶領此項勁旅。直前追剿。殲戮無遺。而藏內僧衆番俗人等。見有官兵。早到。人心亦可鎮定。

於勦捕機宜。實為得力。○乙卯。諭軍機大臣等。據劉莪等奏。審訊崇義縣民人周鼎生等。呈控周聖傳等。剽墳盜塋一案。摺內稱。周鼎生。周鼎傳。與周大端。公共遠祖。其墳塋經族人議定。不許添塋。嗣周聖傳之父周志選。將祖父骨殖。遷至周大端墳傍附塋。奉官押遷。經劉莪等。親往該處。履勘周姓墳塋。前面石版。暨砌。平排四穴。的係近年發開修整。其前後左右。並無餘地。可以附塋。據周鼎生供稱。

實錄卷一百一

十一

周志選等。發開石版。將骨殖塋埋。與原卷所稱在旁附塋之處不符。原辦官並未詳悉究出。顯有情弊。所有崇義縣知縣唐志越。及勘詳之署南安府。今陞山西大同府孫之岸。均應解任質訊。著傳諭馮光熊。即將孫之岸解任。派員迅速押赴江西。交與劉莪等。提同案內人證。秉公質審。以成信讞。再江西民人嚴夢魁。呈控伊兄嚴夢彪。被廣豐縣知縣曹德元。誣稟被叅一案。昨經降旨。令劉莪等就近

嚴訊。現在審辦周鼎生控案。俟山西省解到孫之岸質審。尚須時日。即可將廣豐縣控告之案。提集審訊。先行具奏完結也。將此諭令知之。○禮部奏。鎮國公宗室晉昌。繼妻金佳氏病故。應否賞祭。得旨。不必賞祭。嗣後公夫人以下。致祭之處。該部毋庸具奏。

實錄卷一百一

十一

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十二

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十三

茲修總裁官經筵講官太子太傅文淵閣大學士文淵閣領事領銜內大臣稽察欽奉 上諭事件處管理
吏部理藩院事務正副都統滿洲副都統世襲騎都尉軍功加七級隨帶加一級尋常加二級軍功紀錄一次慶隆
總裁官經筵講官太子太傅文淵閣大學士文淵閣領事稽察欽奉 上諭事件處管理刑部工部事務
世襲騎都尉軍功加十九級隨帶加二級又加二級並量給內大臣戶部內書錄監滿洲副都統軍功紀錄五次
尋常紀錄十四次並德瑛經筵講官太子少保工部尚書紀錄六次尋常紀錄尋常

敘修

乾隆五十六年辛亥十二月丙辰諭據書麟

等奏奏署青浦縣知縣何廷鳳於開倉之後糧戶輸納漸多該縣並不親身臨倉以致書役斗級等任意拋撒掃集餘米收存不復給還糧戶經糧道汪志伊知府李廷敬查訪密稟請將何廷鳳革職拏問等語江南漕務積弊最深節經降旨令該督等實力整頓乃尚有書役等乘機舞弊之事不可不徹底根究何廷鳳著革職拏問交該督等提同案內人證嚴審定擬具奏書麟在兩江總督任內為

時已久此等書吏舞弊之案從前未據該督查辦具奏此次會銜入告自必係長麟查出所辦可嘉至糧道汪志伊知府李廷敬能改裝易服潛赴該縣查訪密稟尚屬認真汪志伊李廷敬俱著交部議叙○丁巳諭曰姚茶奏訪獲在逃年久之軍流人犯劉細貴劉允南二名並將奪犯毆差傷官人犯全數拏獲分別辦理一摺已批交三法司覈擬速奏矣此案署縣丞史相訪有年久在逃軍流劉細

貴劉允南二名潛回本籍於夜間帶役往拏已將劉細貴拏獲復被劉勝組等糾眾奪犯並將差役及該縣丞毆傷該縣丞即知會該縣親往查拏隨將毆奪人犯之劉勝組等拏獲尚屬可嘉署都昌縣知縣方中署縣丞史相俱著交部議叙該撫接據稟報即派委道將等上緊訪拏將案內逸犯劉細貴劉允南等全數弋獲亦屬認真姚茶並著交部議叙○以故三等子祥泰子福珠理三等男福倫

子海福各襲爵○戊午諭軍機大臣曰姚茶奏審擬革職侍衛嚴夢彪包攬漕米一案此事前經步軍統領衙門具奏嚴夢彪之弟呈控伊兄被廣豐縣知縣曹德元誣稟被叅並知縣將未完米石勒令花戶交銀及浮收倉糧交倉使費錢文等事有關勒派浮收不可不查明嚴辦當即降旨交劉戡吉慶就近提集人證東公嚴審今披閱姚茶摺內所奏情形其中自相矛盾之處甚多如所稱嚴夢彪

代伊戚赴縣求情該縣不見嚴夢彪即於大堂下馬走進宅門將米單交管門家人轉稟一節嚴夢彪回籍兩次以患病未痊呈請該縣詳咨展限是其患病自屬實情又豈能乘馬往見知縣代伊戚說情交米且前次姚茶叅奏摺內稱嚴夢彪騎馬入倉踏傷完糧花戶茲又稱嚴夢彪騎馬至倉見完糧米石擁擠即下馬步行令工人牽馬在後因馬吃擔內糧米花戶喝趕馬驚脫韁踢傷鄭牙左腿

等語此事如嚴夢彪騎馬入倉踏傷花戶必係有意恃符強橫進倉鬧漕情事自應嚴辦示懲茲嚴夢彪所騎之馬係令工人牽拉在後因馬被花戶喝趕驚逸踢人畜類無知為事所常有何得以此入嚴夢彪之罪該撫既以嚴夢彪鬧漕滋事問擬發遣又以該縣不能約束家人任其擅收米單代為轉繳奏請革職看來姚茶竟有迴護地方官令兩敗俱傷而已無事之意可以將就完事此案情節

並未確實若遽將嚴夢彪發遣既不足以示服又啟外官通同瞻庇之漸且嚴夢彪在京所控詞內有該縣浮收勒折情弊於地方漕務尤有關係如果屬實該縣之罪亦豈僅止革職不可不查審明確以成信讞著將姚茶原摺發交劉戡吉慶閱看按照折角處所及以上指駁各情節提集案內人證東公逐一研訊毋任稍有隱飾迴護以副委任將此諭令知之○又諭據尚安奏稱巴里坤吐魯番

支放滿營官兵穀石不敷。請照例交地方官購買等語。此雖年例相沿之事。但此項穀石不敷支放。若交地方官照時價採買。恐胥役從中擾累小民。侵漁官價。莫若即將時價折給官兵。伊等既可自行購買。亦免採買交納之煩。著傳諭尚安。嗣後不敷穀石。可否停止。地方官採買。即將時價折給官兵。令其自行購買之處。詳細查明。務須酌量地方情形。期於官兵實有裨益。妥議具奏。○賑貸奉天錦

縣本年風雹旱災飢民。○已未補行乾隆五十五年大計。湖南年老官四員。才力不及官二員。不謹官二員。罷軟官二員。分別處分。如例。○旌表守正捐軀河南洛陽縣民黃某女黃氏。西平縣民焦成才妹焦氏。安徽鳳臺縣民王梳妻沈氏。四川達州民趙瑞妻羅氏。○庚申諭前因勒保駐劄西寧。辦理赴藏駝馬口糧等項。及口外安設臺站。俱極妥協。節經降旨獎敘。茲據福康奏。由西寧出口後。於

初九日。行抵貢額爾吉地方。沿途馬匹等項。均無貽誤。其海蘭察並巴圖魯侍衛章京。及兵丁等各起應用之馬匹口糧等項。俱經勒保豫為籌備。諸事定有章程。海蘭察等及後起兵丁。一到西寧。即可隨到隨行等語。此次福康安等前赴衛藏。由青海行走。從前奎舒奏報情形。未免存畏難之見。嗣經勒保馳赴該處。督率所屬調度籌辦。所有駝馬軍裝口糧柴薪等項。一切豫備齊全。足敷應用。且口

外一帶。應設臺站。不分疆界。亦經分派各員查照舊日章程。逐站安設。俾郵遞得以迅速。辦理諸事。井井有條。實屬可嘉。除已交部議敘外。勒保著加恩給予太子太保銜。以示優獎。○諭軍機大臣曰。福康安奏出口以來。天氣晴朗。等語。青海一路。冬令嚴寒。今氣候和暖。進行無阻。此實

上天嘉佑。欣慰之餘。倍深敬感。惟望福康安早抵該處。查明賊匪情形。迅速馳奏。以慰盼望。

摺內稱。口外臺站。業經安設。及知會海蘭察等。不必暫住西寧。等候索倫達呼爾兵丁。竟由西寧即行出口。其索倫達呼爾兵。亦令由青海前進。所見俱與節次所降諭旨相同。實屬可嘉。本日正值封篆之期。接到此奏。朕懷嘉悅。具見事機順利。佳兆先徵。迓歲迎禧。倍增喜慶。特解親佩荷包一個。以賜用示優眷。

○辛酉。

上幸瀛臺。杜爾伯特汗瑪克蘇爾扎布。杜爾伯

特扎薩克台吉布達什哩。土爾扈特台吉策伯克扎布。向部穆拉特伯克。伊斯拉木。喀爾喀納魯班禪呼圖克圖。歸化城扎薩克喇嘛那遜格爾格圖。伯克巴拉呼圖克圖。琉球國正使馬繼謨。副使陳天龍。安南國正使阮文璣。副使阮璉。緬甸國正使啞扎覺蘇。副使得滿覺等。於西苑門外瞻觀。○諭曰。大學士嵇璜年逾八十。每晨趨直。策騎維艱。著加恩令其乘坐肩輿。以示優眷。老臣格外體恤之意。

○壬戌。

上幸寧壽宮。御景祺閣。賜王貝勒貝子公額駙大臣蒙古王貝勒貝子公額駙等食。並賞緞匹有差。○諭軍機大臣等。前據鄂輝成德奏。請再調土兵五千名。當經降旨。令其再行添調土兵三千名。仍著福康安通盤籌畫。知會孫士毅辦理。今孫士毅尚未接到此旨。即密飭德爾格。三雜谷。緯斯甲布。共挑備土兵三千。咨會福康安酌量檄調。所奏適與朕旨相符。至所稱續調番練二千。出口時俱親身挑驗。並因數日以來。未接福康安由川赴藏之信。已飛檄南北兩路。將續調夫馬減撤。以節糜費等事。無不豫為籌及。動合機宜。覽奏深為嘉慰。著賞給大小荷包。以示優眷。○癸亥。上御撫辰殿。大幄次。賜蒙古王貝勒貝子公額駙。台吉及杜爾伯特扎薩克。土爾扈特台吉。回部伯克。歸化城扎薩克。琉球安南。緬甸等國使臣宴。○以江蘇按察使陳奉茲為江寧

布政使。○甲子。諭軍機大臣曰。郭世勲奏。澳門夷人。呢哆噓。戕斃民命。審明辦理一摺。此案。呢哆噓。因鬥毆連斃二命。自應按例。即行絞決。乃摺內。又稱。澳門地方。民番謀故。鬥毆等案。若夷人罪應斬絞。驗訊明確。即飭地方官依法辦理等語。所奏太不明晰。呢哆噓。既經按例絞決。是應絞之犯。何以又將夷人罪應斬絞之例。牽引聲敘。該撫於此等審擬案件。何漫不經心。牽混若是耶。郭世勲著傳旨

中飭。○以江蘇蘇松常鎮道汪志伊。為江蘇

按察使。○乙丑。

孝莊文皇后忌辰。遣官祭

昭西陵。○

上詣

慈寧宮。

壽康宮行禮。○諭。前因保泰奏。郭爾喀滋擾後藏時。扎什倫布廟內。有孜仲喇嘛及四學堪布喇嘛。在吉祥天母像前。假托占詞。妄稱不

可與賊打仗。以致喇嘛番眾等皆無固志。相率散去。賊匪得以乘虛占據。夫扎什倫布。為歷輩班禪額爾德尼駐錫建塔之地。該喇嘛等。不思竭力保護。乃竟妄託神言。渙散眾心。是扎什倫布。並非賊匪所能攻陷。竟係該喇嘛等。妄之於賊。此等喇嘛。自叛其教。為王法所難宥。即為佛法所不容。節經降旨。令郭輝等查明。為首之喇嘛。明指其罪。即行剝黃正法。其隨同占卜之喇嘛。亦應查明解京。茲據郭輝奏。查明該喇嘛等。占卜者共有五人。內羅卜藏丹巴一名。訊取確供。實係起意占卜。妄言惑眾之人。於審明後。傳集眾噶布倫及各寺大喇嘛等。眼同將羅卜藏丹巴。剝黃處決。其羅卜藏策登等四名。遵旨解京。而達賴喇嘛。班禪額爾德尼及濟龍呼圖克圖等。皆感激敬凜等語。朕於黃教素雖愛護。但必於奉教守法之喇嘛等。方加以恩遇。若為教中敗類。罪在不赦者。即當明正典刑。斷不稍為

袒護。設如元季之供養喇嘛。一意崇奉。漫無區別。致有詈罵者。割舌毆打者。截手之事。令喇嘛等無所忌憚。尚復成何政體。此次辦理占卜惑衆之羅卜藏丹巴一事。即於衛護黃教之中。示以彰明憲典之意。著將辦理緣由。通諭知之。○丙寅。諭曰。勒保奏青海扎薩克貝子羅布藏色布騰等感激朕恩。以大兵進剿廓爾喀。情願隨同照料。親往新設臺站巡查。實為出力奮勉。殊屬可嘉。著即加恩將貝

子羅布藏色布騰賞貝勒銜。公達瑪琳。賞貝子銜。台吉達什車木伯勒。賞公銜。以示朕眷卹嘉獎之意。○諭軍機大臣曰。鄂輝奏查明後藏占卜惑衆之喇嘛羅卜藏丹巴等。分別辦理一摺。羅卜藏丹巴等。妄托占詞。搖惑衆心。衆人聞不可打仗之語。即紛紛渙散。不復守禦。羅卜藏策登等。遂起意講和。即擅自差人前往賊營講說。可見藏內諸事。俱係伊等主持。而鄂輝於辦理羅卜藏丹巴一事。既令

噶布倫眼看處決。又將羅卜藏策登等四人交噶布倫羈禁。是鄂輝辦理藏務。無事不商之噶布倫。殊屬非是。衛藏一切事務。自康熙雍正年間。大率由達賴喇嘛與噶布倫商同辦理。不復關白駐藏大臣。相沿已非一日。達賴喇嘛係清修梵行。惟知葆真養性。離塵出世之人。豈復經理俗務。自必委之於噶布倫。而噶布倫等。遂爾從中舞弊。諸事並不令駐藏大臣與聞。及滋生事端。始行稟白。籲求大

臣為之經理。迨至事過。仍復諸事擅行。以致屢次滋釁。成何事體。即如上次賊匪滋事一案。係噶布倫索諾木旺扎勒起釁。此次又係噶布倫丹津班珠爾在彼播煽生事。此即噶布倫不可用之明驗。乃鄂輝現在辦理藏務。仍事事令噶布倫干與。積習相沿。不可不大為整頓。向來駐藏大臣。往往以在藏駐劄。視為苦差。諸事因循。惟思年期屆滿。幸免無事。即可更換進京。今經此番大加懲創之後。自

應另立章程申明約束。宜可復循舊習。嗣後駐藏大臣與達賴喇嘛遇有應辦事件。當一商同辦理。噶布倫等與在藏章京會辦。不得稍有專擅。即達賴喇嘛係出世之人。不復經理俗務。或慮駐藏大臣辦事不免偏私。達賴喇嘛原可據實參奏。朕必當嚴行懲治。著福康安於抵藏後。將此詳細告知達賴喇嘛。及各呼圖克圖大喇嘛等。咸喻此意。嗣後即遵照辦理。以期永綏衛藏。○是日起。

上以歲暮裕祭

太廟齋戒三日。○丁卯諭曰。明亮在外多年。明興著為參贊大臣。遣往喀什噶爾。更換明亮都爾嘉之母。現已年邁。明亮著補放黑龍江將軍。都爾嘉侯明亮接任後。即行回京。明興所遺葉爾羌之缺。著琅玕調補。琅玕所遺哈密辦事之缺。著塔琦以四品銜補授。○戊辰以歲暮裕祭。遣官祭太廟中殿。

後殿。○諭軍機大臣曰。吳省蘭奏科試情形。並拏獲鎗替辦理一摺。內稱在冀州科考有舉強縣童生李人恒。對試卷筆跡不符。查該童並未入場。顯有鎗替情弊。正在究辦。隨經代辦提調之武邑縣知縣杜羣玉。因有風聞。先將李人恒拏獲。審出雇替實情。現即飭令將各犯收禁解省審辦等語。考試童生鎗冒頂替入場。自應查拏究辦。該縣一有風聞。即將該童拏獲。審得實情。並究出包攬說合之人。一併緝拏到案。尚屬

留心能事。著傳諭梁肯堂將該縣知縣杜羣玉。先行記功。遇有陞調之處。酌量鼓勵。至此案應行審擬各犯。並著該督嚴審定擬。以整士習而杜弊端。○己巳裕祭

太廟

上親詣行禮。○遣官祭

永陵

福陵

昭陵

昭西陵。

孝陵。

孝東陵。

景陵。

泰陵。

泰東陵。○遣官祭

孝賢皇后陵。

端慧皇太子園寢。○遣官祭

太歲之神。○諭據勒保將豫備駝馬。巡察驛

站之出力衆王公扎薩克等查明分列等第具奏。青海王公扎薩克等俱知感激朕恩。此次軍行支辦駝馬均能妥協。又請前赴驛站巡查。實為奮勉。可嘉。著加恩將列為一等之貝勒濟克默特伊什德哩巴勒珠爾貝子車爾登多爾濟齊默特丹巴扎薩克察罕諾們罕每人各賞大八絲緞二匹五絲緞二匹。其列為二等之王納罕達爾濟貝子羅布藏色布騰公根敦端多布喇特納錫第達瑪琳扎

薩克薩木都布扎木素噶勒丹丹忠吹忠扎

布達什車木伯勒班第每人各賞大八絲緞

一匹五絲緞一匹以示獎勵。○庚午

上御保和殿賜朝正外藩筵宴。左翼科爾沁和

碩親王恭格喇布坦多羅郡王喇什噶勒當

輔國公哈達錫達什哩公品級固山額駙鄂

勒哲特穆爾額爾克巴拜巴林親王品級多

羅郡王巴圖固山貝子和碩額駙德勒克公

品級一等台吉索特納木多爾濟和碩額駙

布彥圖喀喇沁親王品級多羅郡王滿珠巴

咱爾輔國公拉扎布和碩額駙敏珠爾多爾

濟永庫爾忠索諾木巴勒丹端岳特多爾濟

奈曼多羅郡王拉旺喇布坦一等台吉巴勒

楚克敦漢多羅郡王德親齊默特噶瓦固山

貝子桑濟扎勒德威多爾濟鎮國公納木扎

勒多爾濟和碩額駙密扎特多爾濟一等台

吉固山額駙沙津阿爾畢特瑚固山額駙巴

顏巴圖爾二等台吉察克都爾扎布濟克濟

扎布。土默特多羅貝勒索諾木巴勒珠爾。扎
賽特多羅貝勒瑪什巴圖。阿巴哈納爾。固山
貝子達克丹。朋素克。郭爾羅斯鎮國公。固魯
扎布。翁牛特鎮國公。達瓦什哩。右翼。科爾沁
和碩親王。旺扎勒多爾濟。喀爾喀和碩親王
固倫額駙。拉旺多爾濟。多羅郡王。益端多爾
濟。多羅貝勒。阿裕爾。車凌多爾濟。輔國公。巴
勒達爾。扎布。達布。拉車琳。噶爾瑪。扎薩克。一
等台吉。齊巴克。扎布。巴延。巴達爾。瑚。納旺。伊
什。阿拉善和碩親王。多羅額駙。旺沁。班巴爾。
青海多羅郡王。剛噶爾。扎薩克。一等台吉。車
德爾。車凌多爾濟。同部郡王。品級多羅貝勒
哈第爾。茂明安多羅貝勒。丹丕勒。郭爾多斯
固山貝子。色旺喇什。烏喇特鎮國公。車布登
棟。囉布。扎噶特鎮國公。色梭。扎布。郭爾羅斯
輔國公。恭格喇布坦。附入察哈爾和碩特輔
國公。巴勒濟。二等台吉。敏珠爾多爾濟。巴達
爾。瑚。三等台吉。達什。納木。扎勒。四等台吉。達

什沙木丕勒。杜爾伯特扎薩克。一等台吉。布
達什哩。土爾扈特一等台吉。策伯克扎布等。
琉球國正使馬繼驥。副使陳天龍。安南國正
使阮文璫。副使阮璉。緬甸國正使啞扎覺。蘇
副使得滿覺。朝鮮國正使金履素。副使李祖
源。及領侍衛內大臣等。召左翼。科爾沁和碩
親王。恭格喇布坦。巴林親王。品級多羅郡王
巴圖喀喇沁親王。品級多羅郡王。滿珠巴咱
爾。奈曼多羅郡王。拉旺喇布坦。土默特多羅
貝勒。索諾木。巴勒珠爾。教漢。固山貝子。桑濟
扎勒。右翼。科爾沁和碩親王。旺扎勒多爾濟。
喀爾喀和碩親王。固倫額駙。拉旺多爾濟。多
羅郡王。益端多爾濟。阿拉善和碩親王。多羅
額駙。旺沁。班巴爾。青海多羅郡王。剛噶爾。郭
爾多斯。固山貝子。色旺喇什等。至
御座前。賜酒成禮。○是月。浙江巡撫福崧。提督
陳杰。奏。浙省水師廢弛。總因各營募補兵丁
時。既未慎選。又不勤加訓練。以致挑派出洋。

遇盜恒怯。現擬移行沿海各鎮將兵丁逐加甄別。革退軟弱。另募壯丁。勤加訓練。至向來巡哨弁兵。遇盜退縮。僅將該管洋汛查叅。而原派將備並無處分。故該將備派兵充數。並不慎揀。批。此向來惡習。應改。又奏請嗣後凡配兵出洋。令將原派將備銜名。先行通報。倘有巡船遇盜退怯之事。除將本船官弁及應叅疎防各員。照例嚴辦外。並將原派不慎之將備等官。竟予革職處分。仍令自備資斧。在

洋面効力三年。方准回籍。批。甚當。又奏。該管總兵。亦請交部議處。庶人人自顧考成。於巡緝可收實效。批。是。又批。仍應實力為之。○陝甘總督勒保奏。海蘭察及巴圖魯侍衛等於十五十六十八等日。行抵西寧。臣與熟商。俱陸續進發。毋庸停待。隨將應行裹帶等項。分配用駝隻運送。馬匹照依品級按例分給。又念口外站遠草枯。馬力恐易疲乏。於應得例馬外。再給餘馬二百餘匹。以資長途替換。且

到軍營。即可多得戰馬。擬照自京啟程起數。於十九二十三十一等日。啟程出口。至索倫達呼爾兵約計頭起。到西寧時。當在新正下旬。已諭令青海各扎薩克。將所辦馬匹。於各旗妥為收放。臨期傳調。自可不誤。得旨。欣慰覽之。可嘉之外。無可批諭。汝諸事皆如朕旨先辦。加恩固當也。○又奏。軍機大臣議將蒙古邊界番衆。歸併西寧辦事大臣兼管。應於生番內。設立千戶百戶頭目管束。令臣酌議。

查循化黃德生番。居住深山。各就水草游牧。打牲插帳。搬移無定。與內地語言不通。從不肯入城見官。今欲設立頭目。傳諭則必躲避不前。若親至其地。代為選擇。又恐番性多疑。張皇驚擾。應請暫仍其舊。惟飭地方官廣為化導。俾稍知法度。俟情意漸孚。然後將番衆所欽服者。賞給千戶百戶職銜。責令管束。得旨。所見是。且此時亦無暇及此。○陝西巡撫秦承恩奏。查勘潼關城垣。不應添修一案。所

有刪減原估銀兩。臣應分賠銀十萬一千四百五十五兩零。現完銀二萬四千兩。兌收貯庫。餘請分作三年交完。批。竟可作五年。此條汝附和之咎。以汝張皇錯辦。軍機大臣窩旨。令汝賠繳。朕俱寬免矣。○是年。追予出師安南陣亡千總陳超瑞一員。把總陳鴻猷一員。外委索錦標等四員。馬步兵丁薛陞等九十名。祭葬卹賞如例。俱入祀昭忠祠。○旌表孝子江蘇等省民趙峭等十一名。順孫江蘇

實錄卷一百三十九

七

潘稷一名。孝女江蘇開順一口。守節合例。八旗間散宗室德敬安妻鈕祜祿氏等九口。滿洲前鋒達啟妻舒穆祿氏等一百六十八口。蒙古護軍伍三太妻張氏等五十二口。漢軍弓匠蔡廷彥妻陳氏等二十二口。內務府茶上人常春妻尹氏等二口。奉天等省駐防閒散那丹珠妻郭氏等一百零八口。直隸等省民范中舉妻傅氏等八百三十六口。夫亡殉節。江蘇等省民朱鰲壽妻黃氏等十七口。未

婚守志。八旗前鋒青柱聘妻陳佳氏等二口。江蘇等省民盛永瑞聘妻吳氏等三十三口。百歲壽民婦直隸等省民王理等六十九名。各給銀建坊如例。○一產三男。直隸等省民盧聯九妻邢氏等十一家。○會計天下民穀數。各省通共大小男婦三萬四百三十五萬四千一百一十名口。各省通共存倉米穀四千五百七十五萬二千五百八十一石二斗七合一勺。

實錄卷一百四十

七

大清高宗法天隆運至誠先覺體元立極敷文奮武孝慈神聖純皇帝實錄卷之一十三百九十三

賞扁額

御製誌事詩曰

天貺躬承綿世嘉有同各省命詳查上瞻祖獲
孫五代近報身逢元七家盛事繁滋誠罕遇
遠疆續奏定頻加普教賜額徵庥慶虔葦持
盈敢自誇又諭上年直隸順德廣平等府
屬州縣因夏秋雨澤未能深透收成稍歉山
東萊州府臨清等屬州縣間有被旱被水之
處河南彰德衛輝懷慶等府屬州縣得雨少

直隸本年雨水情形

遲收成僅止五六分江南蘇州常州等府屬
及海州之沐陽縣春夏雨水較多沐河漫溢
低窪地畝間被淹浸安徽鳳陽潁州泗州等
府屬州縣低窪之區因雨水較多亦間有被
淹處所收成均未免歉薄業經降旨將上年
應徵銀米並節年帶徵等項分別緩徵停展
令各該督撫實力查辦以示體卹今據該督
撫等奏到查勘各該處地方俱尚不致成災
且業將新徵舊欠等項分別緩徵帶徵小民

自可不致失所但念各該處上年秋收既未
豐稔今春青黃不接之時民力究恐不無拮
据所有直隸山東河南三省奏請酌借一月
口糧江蘇省奏請酌借兩月口糧俱著加恩
竟行賞給其安徽省雖據朱珪奏稱鳳潁各
屬被水較輕無庸賑濟俟交春後察看情形
如應酌借籽種口糧再當酌辦等語著該撫
查明被水處所亦加恩賞給籽種口糧以資
接濟該督撫等務督飭所屬實心經理俾閭
閻均霑愷澤以副朕惠愛黎元普錫春祺至
意該部即遵諭行又諭上年雨暘時若年
穀順成朕慮直隸山東河南江蘇安徽等省
所屬州縣村莊內有得雨稍遲及得雨稍多
一隅歉收之處特降旨令各該督撫查明具
奏候朕加恩嗣據各督撫奏稱查明所屬均
不成災祇須於春間酌借籽種口糧毋庸加
賑等語現已另頒諭旨將籽種口糧竟行賞
給矣因思各直省節年民欠尚多未完之項

特交該部詳查茲據查明直隸山東江蘇等省前經特頒恩旨及巡幸所經節次分別蠲免外將奉天等省未完民欠數目開單具奏此項未完銀兩雖係應徵正項錢糧但小民無力輸將以致積年遞欠若仍令分別緩徵帶徵恐茅簷蔀屋仍屬不免追呼所有奉天省未完民欠銀一千七百八十餘兩安徽省未完民欠銀一萬五千餘兩湖南省未完民欠銀一萬二千七百六十餘兩廣東省未完民欠銀二萬九千九百餘兩俱著加恩全行豁免該督撫務須督飭所屬遍行曉諭務使周知毋任蠹吏奸胥侵欺影射俾小民咸霑實惠共迓春禧以副朕惠愛黎元有加無已至意該部即遵諭行 癸酉諭軍機大臣等昨鄂輝奏到訊問賊匪供詞據稱巴都爾薩野派令頭人一路由濟甯到宗喀一路由聶拉木到第哩朗古兩處俱有藏兵堵禦不能前進惟瑪木薩野占據聶拉木前往後藏滋

擾等語濟甯第哩朗古等兩處賊匪見有藏兵堵禦不敢前進聶拉木一處豈無藏兵駐守何以任聽瑪木薩野占據竟至無人抵禦該處所設駐藏之兵是否在彼駐劄抑係見賊匪前來並未迎敵率皆奔竄並有無帶兵駐劄戴綱第巴亦應查究著福康安即行查明嚴辦以示懲創至供詞所稱聶拉木止有路兩條到處搭有偏橋若將偏橋折斷即不能過去等語此殊不足慮即如四川全仗棧道險阻設絕棧難行亦可覓別途前赴今廓爾喀路徑陡險諒不至無他路可通縱賊人拆去偏橋亦可繞道前進況屯練番兵最為趨捷登山陟險是其所長更何難起騰踰越窺入其阻福康安及海蘭察等惟當激勵將弁統率兵丁鼓其銳氣直搗巢穴斷不可因賊供有拆去偏橋不能過去之語稍存畏難之見福康安受朕恩眷久歷戎行必能仰體朕意也 乙亥享

太廟遣豫親王裕豐恭代行禮 遣官祭太歲之神

上御紫光閣賜蒙古王貝勒貝子公額駙台吉及回部番部並朝鮮琉球安南緬甸國使臣等宴 召大學士及內廷翰林等茶宴以洪範九五福之二曰富聯句 諭曰澤巴結奮勇打仗中鎗陣亡深為可憫著交部照陣亡例從優議卹扎什納木扎勒馬聞鎗聲奔跑即至墜馬甚屬懦怯自無庸給與議卹念其

究屬臨陣殞命著加恩賞銀一百兩料理喪事 諭軍機大臣曰鄂輝奏審訊喇嘛來藏或係沙瑪爾巴令其探聽信息現將格哩及跟役等均交噶布倫看守等語雖亦牽綴賊匪之一法但格哩既係沙瑪爾巴徒弟今令充當扎薩克喇嘛通事到藏必係沙瑪爾巴自知罪重暗令前來探聽消息鄂輝既知其形跡可疑即應交駐藏官員看守乃將格哩等竟交噶布倫看管噶布倫豈能自行管束

仍不過轉交唐古忒人等豈能保其不將內地情形透漏乎又據奏到譯出各書信內丹津班珠爾寄達賴喇嘛稟及寄伊家信並噶布倫等信稱我們與廓爾喀兩家債帳事情孜仲第巴帶信出來把這事說壞了如今紅帽喇嘛要與我們和好等語孜仲第巴係何時何人遣去保泰等從未奏過鄂輝等摺內亦未提及著交福康安一併查明具奏若其人可疑即行解京又譯出各信曾否交達賴喇嘛噶布倫等閱看俾伊等知廓爾喀近日情事其丹津班珠爾等在彼情形亦應令班第達等知悉以安其心乃鄂輝並不給看不但班第達等及玉陀噶布倫家屬無由知伊等消息即達賴喇嘛亦不免心存疑惑鄂輝並不計及此糊塗已極著傳旨嚴行申飭其格哩一犯著福康安即行審訊如尚有備用之處不妨暫留藏內若無可留用即派員迅速解京以備訊問再閱各信內稱伊等在彼

經紅帽呼圖克圖時常照應廓爾喀王子每日給與養贍並稱紅帽喇嘛誠心出力要與我兩家永遠和好及廓爾喀現在發信各卡徹兵等語全係為廓爾喀飾詞開脫以為說和地步殊不足憑賊匪素為狡詐此項譯出各信必係廓爾喀逼勒丹津班珠爾等書寫以見廓爾喀本欲衛藏和好轉似天朝不聽息事以致藏中遭罹兵火為難聞藏內人心之計此等狡猾伎倆豈可墮其術中但達賴喇嘛恐亦不免為其所惑著將原信發交福康安如鄂輝已將各信交達賴喇嘛班第達噶布倫等閱過則已如未經給閱即著福康安分給閱看並傳集達賴喇嘛濟龍呼圖克圖大喇嘛噶布倫等諭以上次賊匪滋事即因巴忠等令丹津班珠爾等前往講諭私與說和今丹津班珠爾等又係達賴喇嘛遣令前往亦不關白駐藏大臣輒欲講和完事若徹兵後賊匪故智復萌又須煩我兵力是天

朝兵馬糧餉竟為衛藏疲於支應況賊匪復來必致擾及前藏更將如何辦理為此明白宣諭若達賴喇嘛之意必欲與廓爾喀和息完事大皇帝即聽從爾等所為將大兵撤回此後藏內一切事務概置不問若爾等以衛藏地方憑仗天朝保護則須同心合力悉聽區處不得再私遣人與賊來往如此明白斷定俾喇嘛及唐古忒人等咸喻此意方可協力同仇剋期藏事○丙子諭前因廓爾喀侵擾後藏派令鄂輝成德巴忠前往辦理巴忠自恃御前侍衛率意專擅欲圖草率完事且因通曉唐古忒語言輒向噶布倫丹津班珠爾等私自計議與廓爾喀說和令其退回侵占之聶拉木濟龍宗喀三處每歲議給元寶三百個作為地租嗣因丹津班珠爾以事已完畢未照前議給銀致廓爾喀復行滋擾去年起事之時巴忠自知罪重即投河自盡若其身尚在必當正法今已倖免刑誅伊子蒙

古奏事處三等侍衛僧額布著降為藍翎侍衛在大門上行走以示懲儆諭軍機大臣等本日據明亮奏到由五百里驛遞一摺係覆奏從前辦理邪教王子重之事限行五六百里或為薩木薩克及那爾巴圖之事尚可似此無關緊要之事自應照常馳奏明亮不識事之輕重甚屬糊塗今已違明典將伊換回除明亮著傳旨申飭外將此並諭令明與知之又諭昨據鄂輝奏詢問扎薩克喇嘛

由廓爾喀回藏情形已將一切機宜詳悉指示矣此事構釁之由總緣前次巴忠辦理不善所致伊業經自斃俾免刑誅保奏雅滿泰係駐藏大臣於巴忠前在藏內私向賊匪許銀和息之處亦並無一字奏及業經節次降旨責處永遠枷號至班第達在藏年久於前次巴忠與伊子丹津班珠爾私許廓爾喀銀兩一事豈得諉為不知乃並未告知駐藏大臣亦難辭咎第念班第達年老早經退閒伊

子現又被賊拘留姑免深究但該處噶布倫四人除丹津班珠爾現留賊地扎什納木扎勒已經身故外其扎什敦珠布噶勒藏納木扎勒二人俱係前次隨同辦理之人著福康安到藏後即查明治罪行軍之道全在賞罰嚴明令噶布倫等扶同一氣貽誤事機若不加以懲治何以使衛藏人等知所儆畏耶○

丁丑

世祖章皇帝忌辰遣官祭

孝陵

上詣

雍和宮行禮○諭曰勒保奏護理莊浪土司印務魯孫氏呈稱近聞大兵進勦廓爾喀情願起辦乾柴十二萬觔以備應用現據該土司於十一月內將所辦乾柴照數運至丹噶爾交納等語莊浪土司魯璠在日於勦捕甘肅逆回時曾經隨征出力賞戴花翎今魯孫氏一聞大兵進勦廓爾喀即請備柴薪十二萬

勛運至丹噶爾地方以資應用邊徼土司係屬女流能知大義甚屬可嘉著賞給大緞二匹伊子魯紀勛現在年已十五歲即著承襲指揮使世職並加恩賞戴花翎以示獎勵○命太僕寺少卿戈源提督山西學政○戊寅諭曰評德年邁廣州滿洲副都統員缺著博典調補所遺員缺著評德補授○諭軍機大臣曰伍拉納奏審擬續獲行劫浙江外委陳學明巡船軍械洋盜及閩省各案洋盜分別

正法定擬各摺已批交該部知道矣閩浙兩省各案洋盜盜節經伍拉納飭屬嚴拏先後正法者為數甚多今盜匪蔡瑞明等猶敢毆不畏法仍在海洋行劫復經伍拉納派委員弁拏獲首夥各犯七十餘名分別正法發遣尚屬認真所有拏獲該盜犯之地方文武員弁即著該督撫查明咨部議叙以示鼓勵其逸盜許榮陳從洪載三犯俱係盜首已用硃筆點出著該督等務嚴飭所屬實力偵緝必期

按名就獲毋得日久生懈致滋疎縱將此諭令知之○是日起

上以祈穀於

上帝齋戒三日○已卯軍機大臣議覆河南巡撫穆和蘭等奏稱河東鹽課改歸河南山西陝西三省地方地丁款內攤徵查河南於正賦之外尚有攤徵河工歲料幫價等項較他省稍多所有鹽課應照原議均攤九分有餘之數量增三分有餘每地丁一兩攤銀一錢

三分其山西陝西應徵本省鹽課并代攤河南幫課每地丁一兩仍應照議一律攤銀九分九釐已無缺額應如所請從之○庚辰上詣

南郊齋宮齋宿○諭致仕上駟院卿李質穎年逾八十親見七代五世同堂實為熙朝盛事除照例給予扁額外著加恩賞給總管內務府大臣職銜以示錫慶引年至意○又諭曰博典通曉蒙古言語諳練蒙古事務著留京

城遇有蒙古地方差委之事尚屬得力博興著仍留正藍旗蒙古副都統之任所遺廣州滿洲副都統員缺著聖保調補其鑲藍旗漢軍副都統員缺著評德調補鑾儀衛鑾儀使員缺著阿迪斯補授○諭軍機大臣等據成德鄂輝所奏各摺此事總由鄂輝成德遷延貽誤以致賊匪逃竄今成德節奉諭旨始行躡探道路前赴邊界鄂輝亦甫由前藏起程接應成德皆屬緩不及事至成德摺內稱聞喀爾達及第哩朗古通拉山一帶因嚴寒降雪山路封阻等語喀爾達一帶既大雪封山賊匪自不能退回巢穴若賊人能往則我亦能往豈有我兵為雪所阻而賊匪不為雪阻之理成德已貽誤於前巧辯亦復何益此時福康安抵藏自能相機進剿惟須察看情形如賊匪屯聚尚多轉不必過於欲速輕率前進即使連得勝仗收復邊界而賊匪乘間逃逸竄入山谷追剿轉為費力福康安惟當酌

量機宜如兵力未齊不妨畧為停待統俟海蘭察及巴圖魯侍衛章京索倫勁旅等接續到齊出其不意統領大兵奮勇前進更可一舉集事迅奏膚功 辛巳祈穀於上帝
上親詣行禮 壬午
大高殿行禮 詣
安佑宮行禮 幸圓明園○是日立春順天府進土牛春山寶座○癸未
上御山高水長賜王公大臣蒙古王貝勒貝子公額駙台吉及回部番部並朝鮮琉球安南緬甸國使臣等食至乙酉皆如之 甲申
上御奉三無私殿賜皇子皇孫皇曾孫皇元孫親王等宴 諭軍機大臣等據哈當阿等奏拏獲在監滋事並搶牛拒捕各犯審明辦理二摺臺灣府監犯吳兒等商謀開監越獄禁卒陳德在監放飯時聽聞吳兒向洪毛悄說

新提督已經進城我們須早定主意之語當即回明管監經歷周書鳳該經歷恐有開監等事即囑守監兵役小心防守並即報知本府及城守營一面率同提牢禁卒進監收封適見吳兒等已將鑰鑰斷斷向外跑走彼時該府楊紹裘同參將張無咎已到當將各犯擒獲此案吳兒與洪毛等商同開監滋事若非禁卒陳德於放飯時一聞該犯等商謀之語即行稟報則猝不及備幾至監禁重犯來

間越獄該禁卒陳德管束監犯尚屬留心可嘉著哈當阿等從重給賞或拔補名糧以示獎勵經歷周書鳳一經禁卒稟知即報明該府及營員帶領兵役到監查拏按名擒獲是周書鳳不但無罪尚屬能事著哈當阿將該員送部引見其臺灣府楊紹裘參將張無咎督率兵役立擒重犯著咨部議叙又所奏查辦搶牛拒捕各犯據該犯供稱搶牛時經事主喊叫莊隣聞聲追趕該犯等將莊民砍傷

躲入蔗園值藍千總帶兵趕拏該犯等拚命抵拒將藍千總用刀砍傷因被蔗根絆倒將我擒住等語該千總藍國寶帶兵巡查塘卡遇見搶牛賊犯即能督率營兵拏獲各犯並受刀傷尚屬奮勇著哈當阿將該千總藍國寶送部引見所有洋盜案內未獲之蔡進等七犯搶牛案內未獲之王夏等四犯並著該提督等督飭兵役一體嚴拏務期弋獲從重辦理毋使一名漏網至哈當阿所奏審訊在

洋行劫盜犯洪毛等之父訊無知情分賊情事應照父兄不能禁約子弟為盜例杖一百等語臺灣地方民情獷悍非他處可比不可不從重辦理此案洪毛等之父洪應等係兇犯親屬自不應仍留該處著杖一百流三千里以示懲儆此後臺灣地方遇有此等行劫拒捕之犯該提督等於拏獲審明後即一面奏明一面將該犯正法示衆不必奏聞請旨再行辦理以致遲延人不知畏法臺灣地隔

重洋屢有滋事之案經奎林在彼實力整飭嚴加懲創尚復強剗頻聞哈當阿等惟當照奎林所辦認真整頓遇事嚴辦俟一二年後盜風稍熄民氣漸馴方可照內地之例辦理也將此諭令知之○乙酉

上詣

安佑宮行禮 御正大光明殿賜朝正外藩等

宴召左翼科爾沁和碩親王恭格喇布坦旺

扎勒多爾濟巴林親王品級多羅郡王巴圖

喀喇沁親王品級多羅郡王滿珠巴咱爾奈

曼多羅郡王拉旺喇布坦敖漢固山貝子桑

濟扎勒右翼喀爾喀和碩親王固倫額駙拉

旺多爾濟多羅郡王蘊端多爾濟阿拉善和

碩親王旺沁班巴爾青海多羅郡王剛噶爾

土默特多羅貝勒索諾木巴勒珠爾鄂爾多

斯固山貝子色旺喇什至御座前賜酒成禮

順天府行鄉飲酒禮

大清高宗法天隆運至誠先覺體元立極敦文
奮武孝慈神聖純皇帝實錄卷之一千三百九十四

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百九十五

監修總裁官總纂修官太子太傅文淵閣大學士文淵閣領閣事領侍衛內大臣稽察欽奉 上諭事件總理

吏部謹將院事務正黃旗滿洲都統世襲副都統軍功加七級隨帶加一級尋常加二級軍功紀錄一次自乾隆

總纂官經筵講官太子太傅文華殿大學士文淵閣領閣事稽察欽奉 上諭事件總理刑部戶部工部事務

世襲副都統軍功加十九級隨帶加二級又加二級尋常加二級軍功紀錄五次

尋常紀錄十四次自乾隆五十七年壬子正月丙戌

校修

乾隆五十七年壬子正月丙戌

上御正大光明殿賜大學士尚書等宴○御山
高水長賜王公大臣蒙古王貝勒貝子公額
駙台吉等食○諭據鄂輝奏舒濂染患痢疾
身故舒濂甫經到藏旋即病故殊堪憫惜著
加恩賞銀五百兩辦理喪事仍交該部查照
副都統應得卹典照例辦理○諭軍機大臣
等駐藏事務現據鄂輝奏令額勒登保暫駐
前藏代辦事件鄂輝所辦尚是可謂知人福
康安此時自己抵前藏前經降旨諭令福康

安到彼後如兵力未齊不妨稍待俟海蘭察
等及索倫屯練兵丁齊集再行進剿福康安
接奉前旨自必在藏暫駐所有應辦事件諒
俱妥協現在鄂輝已往邊界接應成德勒毅
賊匪如實有可乘之機當即知會福康安帶
兵接應或因兵力不齊山路雪阻未能前進
則不必在彼駐候應令成德勒毅守邊界鄂輝
回前藏辦事○丁亥江南河道總督蘭第錫
奏河工冬至以後立春以前為凌汛之期去

年十二月中旬後天氣和暖凌塊漸解水勢
安流今屆立春各處埽壩工程平穩其邵宿
運河內古淺之處一律挑挖完竣至沿河一
帶地氣本屬滋潤據清河山陽桃源等縣報
稱正月初四日得雪一寸及一寸五分不等
初九日得雪二寸初十日得雪一寸甘澤疊
霑麥田藉潤湖河水勢益臻充裕得旨欣慰
覽之 己丑

上御山高水長賜王公大臣蒙古王貝勒貝子

公額駙台吉及回部番部並朝鮮琉球安南
緬甸國使臣等食 命鑲藍旗蒙古副都統
噶塔布以副都統職銜為呼倫貝爾總管
庚寅諭據福康安奏將出力之青海蒙古王
公台吉等查明開列名單請旨等語此內將
從前業經加恩者開除外其扎薩克公根敦
端多布此次往返巡察臺站甚屬出力根敦
端多布著加恩賞戴花翎台吉羅布桑垂多
爾濟著賞給大綬一匹主事通福亦屬出力

著交部議叙 又諭曰全德奏據兩淮商人
洪歲遠等呈稱現聞大兵進藏剿除賊匪情
願捐銀四百萬兩以備凱旋賞勞之需並請
於部庫先行借撥分限十年帶完歸款等語
此次廓爾喀賊匪滋擾後藏不過邊徼么麼
即日當可剿滅易於藏事自不致多糜軍餉
今既據全德奏稱該商等情詞懇切實出至
誠著准其捐銀二百萬兩收貯運庫聽候部
撥並准其於今年壬子綱起分五年帶完歸

款所有商人洪歲遠等著該鹽政查明咨部
照例議叙 諭軍機大臣等本日據福康安
奏於正月初二日行至多倫巴圖爾地方已
抵西藏交界並稱口外氣候較往歲和暖實
為邊地所罕見等語福康安由阿克塔齊嶺
等山繞道行走此時自早已抵藏遵照節降
諭旨籌辦一切進剿事宜朕懷甚為欣慰又
據奏達賴喇嘛差人迎至藏界查詢廓爾喀
滋事緣由一摺據堪布卓尼等所稱賊匪起

釁情節及廓爾喀地方路徑與此間節次所
詢情形雖大概相同然尚不及此間詢問之
詳悉此次福康安海蘭察等惟當痛殲賊衆
從前私議給銀之事自不值再行置議至廓
爾喀地方不過與內地大縣相似自邊界至
賊巢相距七八日想福康安自能相機進剿
以期迅奏膚功永綏邊徼也 辛卯諭曰福
康安此次統兵進剿廓爾喀由青海一路馳
赴西藏衝寒跋涉朕心深為廕念且道路遙

遠所有沿途犒賞不無需費著加恩於藏內
軍需銀兩內賞給銀一萬兩以備犒賞而示
體恤 又諭此次派出索倫達呼爾兵丁前
赴衛藏進剿廓爾喀所有帶兵官員及兵丁
等業經加恩分別賞賚但該兵丁等衝寒遠
涉均堪軫念著勒保於該官兵行抵西寧時
加恩每名兵每名各賞給銀二兩以資用度至
青海一帶新設臺站該處道里遙遠所有坐
臺之蒙古兵丁等在彼常川伺候亦屬勞苦

亦著交勒保每名兵每名一體各賞給銀二兩
以示體恤 又諭曰姜晟奏准吏部行查並
江縣失鞘一案將夥犯唐開泰等錯擬發遣
之承審各員職名查此案審訊擬罪始終姜
晟督同辦理與尋常命盜案件由縣府審詳
者有別所有錯擬罪名皆由姜晟拘泥所致
不敢迴護諉卸自請交部議處等語向來督
撫遇有審辦案件問擬錯誤其應得處分俱
係上司輕而承辦之員為重今姜晟以此案

係由該撫始終督辦非承問各員之過自請
交部議處雖據稱不敢迴護諉卸但此風亦
不可長督撫遇有應得處分即使例應降革
每多選恩留任若督撫等自以處分不致降
革有恃無恐於屬員承辦錯誤之案均一律
自行承認既可博擔當之名又可為屬員開
脫地步豈覈實辦事之道所有並江縣失鞘
錯擬罪名一案著交該部詳悉查明如實係
姜晟一人之過即將該撫照例議處餘員不

問若係承審各員辦理錯誤姜晟有心迴護
仍著查取職名將各該員及該撫一併議處
以昭覈實而杜弊端 壬辰諭軍機大臣曰
江蘭奏劉省過邪教案內發遣黑龍江伊士
剛周學中二犯之子伊周等現赴配所未回
等語伊士剛等以邪教發遣其子探視雖所
不禁但聞其有帶回銀兩之事情屬可疑著
傳諭都爾嘉密為查訪所有伊士剛子伊周
伊會伊欽伊五兒周學中子周大方現在黑

龍江如有潛行傳教並往返通信各情弊即盡行嚴拿解京辦理毋任漏網○湖廣總督畢沅湖北巡撫福寧奏楚省額銷淮鹽七十萬九千餘引因界聯川粵豫陝緝私最要遵旨督飭文武員弁嚴行躡緝今總計一年除足額外溢銷十萬二千餘引現仍加緊督緝得旨母久而懈勉之○以廣西義寧協副將常福為右江鎮總兵○癸巳
孝聖憲皇后忌辰遣官祭

泰東陵

上詣

恩慕寺

恩佑寺行禮○諭軍機大臣等西寧至藏一帶新設臺站原以利軍行而速驛遞昨據福康安奏經過青海地方軍臺其臺站兵丁口糧按月裹帶並無敷餘已飛咨勒保速籌接濟等語可見該處道遠站遞諸多未便前因打箭爐一帶本有臺站文報往來向無遲滯是

以諭令福康安與勒保札商將西寧至藏新設臺站即行撤去今思該處情形萬難持久著傳諭勒保鄂輝即將新設臺站於索倫達呼爾兵過竣後以次撤回其藏地新設臺站亦以次隨撤福康安竟不必與勒保往返札商致稽時日○甲午諭據勒保奏寧夏府知府隆興覃昌營遊擊雷仁委辦青海口外安設臺站又帶領甘肅兵弁前赴臺地逐臺分安甚為出力等語隆興雷仁俱著加恩賞戴花翎以示鼓勵○以倉場侍郎蘇凌阿為刑部尚書○乙未諭據奎舒奏郡王納罕達爾濟呈稱情願照料索倫兵丁送至青海西境當即照伊所請准其護送等語納罕達爾濟感朕深恩情願跟隨隊索倫兵丁沿途尋覓有水草之地護送至多倫巴圖爾地方暫行守候俟各隊兵丁全行過境後仍前往巡查新設臺站所請甚屬可嘉著加恩將納罕達爾濟從前因伊旗下蒙古將喚去之番子

引誘為盜案內部議所罰十年王偉盡行寬
免外仍賞給大緞二匹以示獎勵以理藩
院侍郎諾穆親為倉場侍郎以禮部右侍
郎宗室僧保住兼正黃旗滿洲副都統內閣
學士伯麟為鑲白旗蒙古副都統丙申諭
吏部議覆湖南芷江縣竊鞘夥犯唐開泰等
錯擬罪名一案實係姜晟率同司道府等親
提嚴鞠請將該撫照意存迴護降二級調用
無級可降相應革任並將司道府等查取職
名送部叢議等語此案既係姜晟率同司道
知府公同鞠訊即均有應得之咎乃姜晟以
此案係由該撫一人主見拘泥條例以致擬
議失錯並非承審各員之過誠為迴護部議
革任本屬咎所應得但念該撫因此案改擬
失當即行檢舉自請議處與始終諱飾者有
間姜晟著從寬改為革職留任仍註冊至此
案會審之司道知府均有錯誤仍著該撫查
取職名一併送部叢議（丁酉諭前據張家

口監督塘瑞奏報五十六年經徵稅務短絀
盈餘銀九千餘兩等語當經降旨令該都統
烏爾圖納遜詳查該監督任內有無侵蝕捏
報情弊茲據軍機大臣及該都統查奏塘瑞
任內所徵關稅銀兩與該年到關貨物各項
覈對均屬相符抹辦官物添用銀兩及變價
馬駝亦有賠墊委係辦理不善尚無侵蝕情
弊但盈餘短絀銀兩究係該監督不能妥為
籌辦所致倘概予寬免竟不示以薄懲則人
皆效尤此風漸不可長塘瑞著降一級以員
外郎補用所有短絀盈餘銀九千四百四十
餘兩著加恩寬免諭軍機大臣等據梁肯
堂奏查明直隸省積欠地糧已未完各數分
晰開單呈覽內民欠未完銀二十七萬五千
一百餘兩帶徵未完銀七十四萬八千八百
餘兩現在派委道府督同候補丞倅州縣各
員分投清查等語直省積欠銀兩遞壓至一
百餘萬為數甚多雖該省差務較多並據稱

附近山海之區田畝率多沙城且五十四五
兩年霸州等各州縣先後被災分年帶徵之
項未能依限完納以至遞有積壓然斷不至
如此之多自係不肖官吏影射帶徵名色從
中那前移後以完作欠必非盡實欠在民今
既經該督派委到直未久之丞倅州縣各員
調取收納紅簿及完銀串票逐一覈對並派
隔屬道府大員督同查覈自應如此辦理此
事總在該督實力妥為不可存庇護屬員之

高宗實錄

王

見僅以一奏了事直隸係首善之區為他省
所效法今積欠銀數至一百餘萬之多若不
認真上緊查辦一任地方官吏藉口水旱歉
收因災帶緩任意侵那遞年積壓直隸一省
如此他省從而效尤國家經費有常似此正
項錢糧懸宕無著年復一年伊於何底著傳
諭梁肯堂務須確切嚴查實心覈辦並著予
限一年責成該督將積欠之項全數歸款毋
得再有拖延倘該督意存袒護代屬員隱飾

朦混以致積欠久懸不拘何時密派大員前
往抽查一經查出弊竇該督自問能當此重
戾耶又諭據閔正祥奏現因感患風疾懇
請賞假調理等語此次巡幸五臺該提督例
應隨扈今既因患病著准其給假調理所有
沿途一切事宜有總督梁肯堂隨往足資料
理閔正祥竟可無庸前來接駕令其安心調
養並著派太醫院醫官一員前往看視以期
速就痊愈特此諭令知之○調正藍旗漢軍

高宗實錄

王

副都統德福為鑲白旗滿洲副都統以兵部
侍郎和琳兼正藍旗漢軍副都統○戊戌
上還宮已亥諭向來各省督撫提鎮遇有陳
奏事件往往令齋摺差弁分日呈遞希圖惜
費見長最為陋習屢經降旨申飭此次汪新
於正月二十七二十九兩日均有奏到之摺
覈其發摺之期相隔不過四五日且其二十
七日具奏各摺祇係尋常事件並非緊要自
應將本日所奏審辦命案趕緊辦竣一併迅

速齋奏又何必分作兩次差弁呈遞以為辦事見長仍沿陋習汪新著傳旨申飭嗣後各省督撫提鎮俱不得仍蹈前轍將應奏十日以內之事件分日呈遞至汪新所奏訪獲砍殺一家五命審明辦理一案據稱前撫臣額勒春曾經面商以案內情節可疑應詳慎確查等語今查此案於上年十一月初十日即據州役訪稟經該州錄供具詳額勒春係於上年十二月初八日交卸撫篆計破案之後已及一月額勒春既以案情多有疑竇自應即親提審訊乃僅告知汪新令其詳慎確查是額勒春竟以業經內用侍郎意存推諉於地方兇殺重案即置不辦實屬非是額勒春著交部察議轉吏部右侍郎德明為左侍郎調刑部左侍郎穆精阿為吏部右侍郎轉刑部右侍郎玉德為左侍郎以內務府大臣伊齡阿為刑部右侍郎轉理藩院右侍郎佛住為左侍郎以正藍旗蒙古副都統博興為

實錄卷一百一十五

五

實錄卷一百一十五

五

理藩院右侍郎是月安徽巡撫朱珪奏上年鳳陽潁州泗州等處低窪地畝間被淹浸俱勘不成災舊欠錢糧業已分年緩帶茲復賞給籽種口糧兼豁免積年遞欠現飭各州縣衛分委妥員確查造冊俟送到時親往抽查斷不使胥吏侵漁滋弊得旨妥實為之河東河道總督李奉翰巡視東漕給事中窩星額奏長河挑工正月後天氣融和人夫踴躍已於十二三等日挑竣一律深通至微山湖向俟南糧有渡黃日期始行宣放茲十三日已交春令黃河冰凌融化計數日內糧船定可渡黃且正月初九日沿河得雪後復於十六七等日得雪二三寸至五寸不等湖水益旺現今汴河廳於十九日先行啟放源源下注使重運早為前進俟將抵東境再開放南旺分水口土壩俾得鋪灌充足得旨嘉獎

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百九十五

實錄卷之五十五

主

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百九十六

監修總纂官經筵講官太子太傅文淵閣大學士文淵閣領侍衛內大臣稽察欽奉 上諭軍機處管理
吏部理藩院事務止貢旗滿洲都統世襲騎都尉章功加七級隨帶加一級尋常加二級軍功紀錄一次 慶祥
總裁官經筵講官太子太傅文華殿大學士文淵閣領侍衛內大臣稽察欽奉 上諭軍機處管理刑部戶部工部事務
世襲騎都尉章功加十九級隨帶加二級又加二級 董福內大臣戶部尚書錄星旗滿洲都統章功紀錄五次
尋常紀錄十四次 德興經筵講官太子少保工部尚書紀錄六次 曹振鏞尋奉

敕修

乾隆五十七年壬子二月庚子朔遣官祭

關帝廟○辛丑遣官祭昭忠祠○諭曰伍拉
納奏審明拏獲行劫浙省外委陳學明巡船
首夥洋盜及續獲閩浙二省海洋各案逸盜
並被誘逼脅窩留消賊等犯分別正法定擬
二摺俱批交三法司覈擬速奏矣此二案內
有被誘逼脅並未隨同劫盜之犯該督照粵
省王馬成案內陳螺之例擬斬監候滿三年
再行發遣回疆給回子為奴因屬遵例辦理
但海洋行劫盜犯情罪較重非內河陸路可

比此等匪徒既經被誘在船隨同出洋聽從盜匪指使為其煮飯即非善類若擬斬監禁三年後再發遣回疆仍恐復行為匪滋事且回疆漸多發遣之惡人亦非善事嗣後凡江洋大盜案內情有可原之犯及被誘在船日久為盜匪服役者竟當問擬斬候永遠監禁以示懲儆其內河陸路盜案仍照舊例辦理

壬寅諭曰穆騰額奏長蘆山東商人王佩等呈稱現聞大兵進剿廓爾喀賊匪蘆商願捐銀三十五萬東商願捐銀一十五萬共五十萬兩以備凱旋賞賚之需等語廓爾喀賊匪滋擾計日即可蕩平本不致多費軍餉今既據穆騰額奏稱該商等籲懇誠切著准其捐銀五十萬兩並著照所請於運庫本年奏銷五十六年引課項下借撥分作五年完交歸款所有捐餉商人等著該鹽政查明咨部照例議叙又諭上年鄂輝成德帶兵前赴衛藏邊界一帶勦捕廓爾喀賊匪途次行走

濡遲未能迅速節經降旨嚴飭並將該二員交部嚴加議處嗣經該部議將鄂輝成德照溺職例革職具題朕以其現俱帶兵將部本交軍機處存記以觀後效本日據成德奏帶領將備兵丁行抵拍甲嶺督率滿漢屯土弁兵會合進攻并拋擲火彈將賊匪燒斃甚多官兵分頭殲戮殺賊二百餘名生擒七名現將屯聚之賊四面拏卡攻圍等語是成德此次帶兵進剿其從前行走遲延固有應得之咎但一抵拍甲嶺即能督率弁兵奮勇勦殺痛殲賊匪並生擒活口尚為出力所有成德從前革職處分著加恩寬免癸卯諭曰直隸提督閔正祥現患痰疾未能就愈著解任安心調理所有提督印務著慶成前往署理

又諭今年京察屆期吏部開列在京各部院三品以上大臣奏請甄別一本向來大學士例不開列第念大學士阿桂等或襄贊綸扉或兼統部務均能懋著勤勞敬公稱職宜

加優叙以昭恩眷阿桂嵇璜和珅王杰俱著
交部議叙協辦大學士尚書孫士毅尚書福
長安董誥胡季堂金蘭彭元瑞侍郎德明蔣
賜榮劉秉恬夙夜宣勤均能稱職宜加獎勵
俱著交部議叙餘著照舊供職○又諭今年
京察屆期吏部將各省督撫開列名單進呈
請旨甄別協辦大學士總督福康安總督梁
肯堂勒保惠齡畢沅河道總督蘭第錫李奉
翰巡撫長麟秦承恩宣力封疆克稱厥職俱

著交部議叙餘著照舊供職○又諭據書麟
等奏興武九幫內領兌上元江寧江浦三縣
漕糧於上年十二月二十五日午刻行至上
元縣黃天蕩陡遭狂風巨浪四起洶湧異常
搶護不及將第八號楊九章十二號張尊璽
二船打散原裝米共一千一百四十餘石漂
沒無存淹斃大小人口五名又有十六號薛
文觀一船被風打破除撈獲乾濕米石外虧
折米二百八十七石等語此次漕船渡江陡

遇風暴人力難施無從搶救以致船米衝失
淹斃人口殊堪憐憫所有旗丁楊九章張尊
璽二船漂沒米一千一百四十五石七斗有
零及薛文觀船隻虧折米二百八十七石二
斗有零俱著加恩免其賠補其應行修造船
隻並著官為造辦至淹斃人口著該督等照
例賞卹以副朕卹災惠丁至意○諭軍機大
臣等此次進剿廓爾喀需用軍糧節據孫士
毅等奏前後藏所備糧石共有七萬餘石足

供一萬四五千入年餘兵食是糧石已屬充
裕曾降旨諭令不必再行採買近復據鄂輝
等奏向濟龍呼圖克圖綏綢堪布等商定於
現糧七萬餘石外尚能續辦一二萬石等語
殊可不必廓爾喀地方周圍不過千里所居
陽布距邊界僅七八日程程而附近部落又
多與賊匪為仇其勢甚孤易於勦辦現在所
調官兵共有一萬餘人福康安等統領勁旅
乘軍威勝勢即可蕞功斷無須至一年之久

是藏內現辦糧石於支應軍食之外儘有多
餘若復令前後藏商上紛紛採買未免轉滋
擾累非所以示體卹著傳諭福康安即傳知
前後藏商上及噶布倫等現備糧石已屬寬
裕且賊匪窮蹙無難剋期集事毋須多糧接
濟如該商上等業經添辦即著福康安查明
概行給還○甲辰以舉行仲春經筵遣官告
祭
奉先殿

傳心殿○命皇子皇孫從至經筵聽講○
上御文華殿講官暨侍班之大學士九卿詹事
等行二跪六叩禮分班入殿內序立直講官
四人出就講案前行一跪三叩禮復位直講
官舒常劉墉進講論語君子思不出其位一
句講畢

上宣御論曰此雖曾子重述夫子之言以兼舉
民大象之語然其義各殊朱傳所引程范均
未道及焉蓋不在其位不謀其政不過盡已

之職無越思耳若夫思不出其位則有二義
焉蓋位者職也一為不越職一為盡其職不
越職猶易盡其職甚難譬之侍郎不思尚書
之職尚書不思大學士之職易也然平心自
問果各能盡其職哉冢宰掌邦治統百官均
四海皆其位中之事司徒掌邦教敷五典擾
兆民皆其位中之事果皆盡職乎為人君者
協和萬邦闢門明目實皆予位中之事也不
能身體力行兢兢惶惶之不暇尚何敢有出

其位之思哉且出其位亦更何之乎然而今
實有四年後歸政之期則亦所謂過望之思
出其位矣然在耄期倦勤者或宜餘不可也
講官暨侍班官跪聆畢與直講官玉德金士
松進講易經唯幾也故能成天下之務一句
講畢

上宣御論曰上章明言極深而研幾極深即所
以研幾非二事也蓋深為蘊於中幾乃發於
中本祇一原不過微有動靜之別太極動而

生陽靜而生陰斯豈有內外先後之殊哉靜所以通志動所以成務此聖人所以闡易理也易之道通天地貫古今自虞翻解此章分屬之著與卦而朱子遂以易為占卜之書視易小矣其然豈其然哉予之遲速論中畧見之昔用以成功今復以自勉然而見幾而作克己立誠其難其慎亦惟自知其苦而已敢為侈談也哉講官暨侍班官跪聆畢大學士公阿桂大學士嵇璜奏曰

皇上文思安止

睿照先幾本

建極以敷言所由廣大精微實闡千古未發之

蘊也臣等幸侍

講筵親承

聖訓不勝欽服奏畢諸臣出就拜位行二跪六

叩禮禮成

上御文淵閣賜茶還宮復賜宴於文華殿東廡之本仁殿遣官祭

先醫之神軍機大臣議覆山西巡撫馮光熊奏稱河東鹽課改歸地丁各事宜一課銀應年清年款各解本省藩庫雖遇蠲免地丁之年不在應蠲之列一寧夏等處將軍副都統養廉銀請於山陝二省藩庫內分解一行鹽部引毋庸再領紙硃銀兩應免交納至內閣等衙門飯食銀兩仍在山西藩庫鹽課項下按年撥解一池鹽既歸民運應聽從民便毋許地方官禁止及私收稅錢一鹽政運使

運同經歷知事庫大使並三場大使俱請裁一運城地方請移駐河東道彈壓一鹽池週圍一百二十里未便乏員經理請將鹽池司長樂司聖惠司巡檢三員分管三場稽查巡緝一運學本為坐商而設今運商酌裁坐商仍在運學請照舊存留一鹽池供三省民食請照舊歲修在於藩庫徵收鹽課項下支領一河東向設立官秤抽掣商鹽今聽人運販若毫無憑準易起爭端請准舊式製官秤三

給發三場通行遵用又河東舊有鹽牙請照舊設立由河東道點充一運鹽道路過渡船隻應仍其舊並飭地方官實力稽查毋許攔阻一商完課項內有積餘併餘等銀應分別攤免一鹽池南岸蘆葦變價銀兩請裁革一運阜運儲二倉穀麥應分別歸併存借均應如所請至河南省之唐縣潞州歸公銀兩及山西省之潞州澤州節省等銀應令各該撫轉飭徵解本省藩庫毋庸仍解內務府其安

邑等縣向解運庫之麥租蘆價等銀自應一體改解藩庫運司經歷徵收麥租亦應改歸安邑縣就近徵解至鹽務公用項內酌留銀兩應俟該撫造冊報部到日再行覈議從之

乙巳諭戶部議覆給事中初彭齡條奏各省州縣徵收正雜錢糧及出借倉穀責成各道府據實查覈等因一摺已依議行矣清查之事朕素不欲為但各省州縣經管倉庫錢糧該管各上司衙門層層稽覈立法不為不

周各督撫如果實心經理隨時查察即有不肖之員何敢侵那影射致滋弊端倘督撫不能潔己率屬致屬員持其短長遂爾心存迴護概置不辦即多設科條亦屬有名無實所謂有治人無治法也即如上年軍機大臣將各省積欠銀兩數目查奏朕以此項未完銀數在小民踴躍輸將斷無實係積欠在民之理必係地方官吏任意侵那藉詞掩飾因特降諭旨令各該督撫徹底查明據實具奏不

得便於蠹吏誣及良民嗣經梁肯堂覆奏分委隔屬之道府大員督同候補丞倅州縣等官分投各處調取收納紅簿及完銀串票逐一覈對等語自應如此辦理復經降旨該督令其確切嚴查並勒限一年將積欠之項全數歸款直隸係首善之區為各省之所取法所有山東江蘇河南福建湖北浙江積欠較多省分自應一體實力查明盡心經理務俾正項錢糧悉有歸著不致朕特遣大臣往查

豈不妥善本日戶部議奏各省經徵錢糧出
借倉穀俱責成各該管道府隨時確查將州
縣所報完欠錢糧數目詳加覈對並由督撫
取具藩司道府印結報部存案各條所議章
程雖為詳備然在人不在法各省督撫務須
遵照所議督率所屬隨時隨事確訪嚴查一
經查有弊端即行嚴叅究辦州縣及該管各
員具有身家斷不敢輕於試法庶陋習可以
轉移而積弊可以釐剔倘各督撫尚存袒護

屬員之見任情急玩及有心朦混遲之一二
年或派大臣往查各督撫能保其必無乎若
查有仍前侵那以致倉庫虧短之事則各該
督撫能任其罪乎毋謂教之不早也將此通
諭知之○諭軍機大臣等步軍統領衙門奏
雲南民人那耀宗呈控伊兄那顯宗謀占家
產誣伊為朱亦甫之子又據民人富如山履
則呈控那顯宗霸占伊處房地什物歷控本
省各上司俱不為審辦一摺此案那耀宗等

屢經在本省控告何以該地方官宕延數載
並不審辦結案今那耀宗等不憚萬里遠赴
京師呈控恐其中不無冤抑情事自未便仍
交該省督撫查審致滋迴護湖南距滇省較
近且現在並無緊要應辦事件著傳諭姜晟
於接奉諭旨後即將巡撫印篆交與王懿德
暫行護理姜晟即迅赴雲南會同該督撫提
集犯證秉公嚴審定擬具奏該撫久任刑部
獄獄素所諳習且係隔省自無所用其迴護

今特責成姜晟查辦務須將實在情形確切
審明據實具奏倘有不實不盡稍涉徇隱之
處將來復經控告恐該撫不能當其咎也○
又諭賊匪在聶拉木一帶逗留成德督領官
弁分路進剿殺賊二百餘人捉拏活口今又
將官寨四面攻圍拋擲火彈焚燒東邊寨房
賊匪望風膽落束手待斃其竄逃之賊亦俱
殲戮無遺看來易於勦辦但成德雖已連得
勝仗祇能將聶拉木濟隴緘轄一帶屯留賊

匪悉行掃除未必即能深入總須福康安海
蘭察等統領勁旅鼓勇直前方可大功告藏
福康安等到彼相度機宜或竟於賊匪猝不
及備之時乘勝直入或應俟兵力齊集再行
統領進發此等遲速機宜定能熟籌盡善至
此次帶兵打仗殲殺賊匪之出力員弁等著
交與福康安查明分別獎賞以示鼓勵嗣後
遇有打仗出力之員俱著福康安隨時酌量
獎賞俾各知感奮爭先出力是日起

上以祭

社稷壇齋戒三日○丙午

上御乾清門聽政○諭軍機大臣等昨據步軍
統領衙門奏雲南民人那耀宗等呈控那顯
宗霸占家產房地一案已降旨令姜晟前赴
雲南會同該督撫審辦現在又派刑部司員
一員將那耀宗等押解前往隨同姜晟審辦
雖係馳驛但行走尚需時日此旨由驛發往
自己早經遞到該撫接奉後不必即行啟程

該司員押解原告赴滇自必經過湖南姜晟
應俟該司員到楚時再行帶同前往如有案
內應行傳提人證姜晟不妨先行文滇省令
該督撫豫為調集以便到滇後即可會同審
辦也將此再行傳諭知之○以刑部尚書蘇
凌阿為鑲紅旗漢軍都統○丁未

上命

皇十五子嘉親王 祭

先師孔子○陝甘總督勒保奏青海一帶臺
站原因福康安及海蘭察等各起官兵由此
出口不可不安設軍臺以利進行而供馳遞
第該處水草不便官兵口糧難以接濟馬匹
牧飼維艱茲奉旨令俟索倫達呼爾兵過站
後以次撤回此後福康安奏報之摺竟由打
箭鑪一路馳遞惟查福康安於開印前已可
早抵西藏所有彼處賊匪情形以及進剿事
宜即有飛章陸續奏報此時五起索倫達呼
爾官兵約二月初十日內可全行出口請俟

福康安將一切文報改由打箭爐一路發遞後知會到日再將青海臺站撤回得旨所思甚妥即如議行○蠲奉天錦州府屬乾隆五十六年旱災額賦仍賑卹有差○戊申祭

大社

大稷

上親詣行禮○幸圓明園○庚戌

孝康章皇后忌辰遣官祭

孝陵○諭曰伍拉納奏拏獲前在臺灣附從賊

首莊大田授過偽職之逸匪張奢即黃奢審明辦理及續拏海洋行劫盜犯各摺已批交該部及三法司覈擬具奏矣前此臺灣從賊餘犯竄逸多年伍拉納因督緝洋盜駐劄泉州督飭地方文武留心偵捕將附從賊首莊大田得受偽職之逸匪拏獲到案審明正法並將海洋各案盜匪續行拏獲多犯俾免徒逆犯不致漏網稽誅辦理尚屬認真伍拉納著交部議叙至從賊逸匪張奢即黃奢一犯

在逃日久現據伍拉納奏稱據陞任汀漳龍道史夢琦稟報係府縣緝匪差役拏獲究出等語該犯係屬何縣差役拏獲並著該督查明同承審究辦之道府等一併咨部分別議叙以示鼓勵○又諭曰孫士毅奏川省武員缺出請歸於軍營拔補其赴藏差委及承辦緊要軍需文員亦請一例辦理等語川省現在辦理軍務其効力員弁自應遇有缺出先行酌量補用使其益知感奮著照該署督所請辦理以示鼓勵○吏部等部議覆湖廣總督畢沅疏稱安陸府屬荊門州改為直隸州荊門州同改為直隸州州同裁改管轄各事宜一安襄鄖荆道應換給勅書一安襄鄖道關防應改為湖北分守安襄鄖荆兵備道兼理水利之關防荊門州印信應添鑄直隸荊門州印安陸府同知關防應改為安陸府分駐白口管理糧捕水利同知之關防荊門州州同關防應改為直隸荊門州沙洋水利

州同兼管糧捕事務之關防一該直隸州知州業將蘄州知州胡齊為題補飭令赴任至該州州同尚未到任所有應辦事務並處分均以該州到任為始即令陸衣曾為署銜辦理以專責成一該州管轄當陽遠安二縣錢糧倉庫交代奏銷等事應由該州督催覈轉其該州自理等事應由本管安襄鄖荆道督催覈轉一該州所轄二縣遠安向無隄塍其當陽隄塍應該縣估修由該州查驗結報該

州本境隄塍應由本管道查驗結報一安陸府同知原駐荊門州屬之沙洋今該州與當陽遠安二縣已非所轄請改於鍾祥縣屬白口地方移駐至該州屬沙洋襄河隄塍一道上自何家嘴起至荊門潛江交界之蕭家灣止應歸該州督修其潛江縣隄塍並天門鍾祥京山等縣隄工仍飭安陸府同知督辦一該州自理刑名命盜等案應請由州徑詳臬司審轉所轄二縣案件應由該州審轉一荊

門當陽遠安三州縣上司批審鄰邑咨查一切已未結等案應飭安陸荊州二府移送該州審辦均以到任之日為始一該州安置軍流應以該州為專管以安襄鄖荆道為兼轄一安陸府督緝荊門當陽二州縣荊州府督緝遠安縣一切應參案件均以新任到任之日截扣其該州處分及督緝二縣兼轄處分亦以到任為始一荊門當陽二州縣軍流應仍照安陸府原定道里表彙發遠安縣軍流

亦仍照荊州府原定表彙發一當陽遠安二縣應考生童應由該州覆考轉送學院錄取至該州州學應考生童應由該州考試徑送學院考取一新改各員應支廉俸等項仍照舊辦理均應如所請從之○辛亥諭此次進剿鄂爾喀派出索倫達呼爾兵丁前經加恩賞賚並特降諭旨每兵每名各賞銀二兩以資用度本日據海蘭察奏於正月二十五日行至多倫巴圖爾地方途次遇雪二次間有

瘴氣等語該兵丁等此次由青海行走衝寒遠涉踴躍從征殊堪軫念著再加恩於該兵丁等抵藏後每兵每名各賞給一月錢糧以示優卹○又諭達木及唐古忒兵丁既經調派隨征所有應需口糧自應一體支給以資飽騰此次廓爾喀滋擾後藏本係達賴喇嘛地方而該兵丁等又係達賴喇嘛所屬之人如在聶拉木邊界以內勦捕賊匪堵禦隘口既係藏內之地所有應得口糧自應照鄂輝

等所奏於達賴喇嘛商上一例支給至聶拉木以外則非藏地該兵丁等應領口糧若仍於商上支給未免需費較多非所以示體卹所有此次達木及唐古忒兵丁如在聶拉木以內勦賊守險其應領口糧即照所請在達賴喇嘛商上運送支給若將來進剿出聶拉木藏界以外即著官為支給准其一體開銷並著福康安將此旨譯出傳知達賴喇嘛及該商上人等俾咸喻朕保護黃教體卹周至

之意吏部帶領三品京堂宗人府府丞孟邵等十員引見得旨孟邵夢吉李臺慶善阮元世魁蔣曰綸莫瞻榮豐盛阿泰清俱照舊供職又帶領王大臣京察驗看之四五品京堂通政司叅議馮應榴等三十六員引見得旨馮應榴瑚圖禮童鳳三俱准其一等餘依議旌表守正捐軀直隸清苑縣民霍玉果妻王氏○壬子諭軍機大臣等據窩星額等奏南糧首幫大河前幫船三十五隻於本

月初七日挽入山東黃林莊境其在後之泗州後揚州二揚州三等幫亦俱跟接行走等語南糧首幫於二月初七日挽入東境該巡漕等奏報時自應比較上年將遲早幾日之處隨摺聲叙乃摺內並未叙及殊欠明晰著傳諭窩星額等即將此次南糧首幫入東日期與上年比較或遲或早之處詳悉覆奏尋奏上年南糧首幫於二月初七日入東境本年亦於二月初七日入境因同在一日是

未經聲叙明晰至大河前首幫上年係十七
日過濟本年該幫入境後連遇順風晝夜飛
挽於十六日過濟較早一日報聞吏部帶
領京察保送一等之內閣侍讀那淇等二百
五十九員引見得旨蔡共武余集俱准其一
等那淇石典阿色布星額泰瀛孫球宗室廣
敏呂雲棟富喀善和精額和德蔣予浦趙槐
符繼善巴哈布圖桑阿書德圖桑阿張紹孟
張灼王學海圖明阿五靈泰福森布哈達納
德敏常齡和靜曾煥楊世綸丁塔台布雙慶
傅明阿新柱李奕疇舒山顏檢富俊德蘊博
慶盛保福重朱爾賡額張丙震多慶崇祿恩
特赫謨兆坊祥林蘇忠阿王朝梧邵洪祖之
望熊之台潘紹觀許兆椿劉大懿那綰覺羅
長亮文通羅山椿齡王奉曾景裕傅崙岱阿
禮布樊士鑑西精額玉柱玉保佛尼勒劉青
照嘉琿富泰策拔阿林瞻柱多托禮常明安
福文都遜李嗣恒溥宗室成惠高杞徐如澍

閩泰和王春煦高三畏五泰程炎史致光邱
庾澄吳鼎雯馮集梧謝振定王錫奎李傳熊
康綸鈞色布星額華連布富盛盧又紳瑞麟
那澄吉綸杜兆基誠存六十七福興愛星阿
敏珠爾常寧特松額倪景寬文明多慶何廷
瓚金廣義慶來文修達椿善泰西彰阿色樓
星額富英德亨哈豐額興德富明阿沈颺張
經田劉源溥宗室多永額宗室貴祥富昌寶
德金寶舒英阿覺羅成保英吉德林翔兆福
致沃克精額雙壽松伊納富永承炷博金岱
德明舒爾炳阿皂麟德興慶昌永魁德喜圖
善德亮廣順保志克誠斌鍾安運泰班泰舒
昇阿依精阿海福福克旌額茶徹布彥布特
通阿福德色成額德昌清照富克精阿佛倫
舒進瑯璐固寧阿三多慶恩武陵岱吉祿阿
方阿富綸博興額繼善永保扎拉豐阿錫倫
明安泰靈德榮昌瑞英鄂祥伊朗阿覺羅福
壽保官棟覺羅寧泰玉福重陽賦慧西拉布

洋安泰圖蒙阿德興吉春鳴岐富明泰布彥
圖元奎扎爾杭阿平晏永祥塔斯哈武什杭
阿塔清阿察爾海五寧安善福隆安嵩秀覺
羅全善麒麟泰扎拉茶覺羅普寧佟恩武爾
登額德明慶瑞佛麟武靈阿和順宋本敬扎
爾杭阿阿林沈浩覺羅和泰覺羅仲泰善良
望格同德柏齡阿嵩齡德布張若詠常福伏
義保經常圖爾炳阿善慶景明巴尼泰汪本
中覺羅宗兆俱准其一等加一級○癸丑諭
前額勒春因伊子玉山在光州知州任內於
縣役何九毆斃鄭宗宜等扶同捏稟一案交
部嚴加議處嗣經吏部具題以額勒春無級
可降應行革任曾有旨俟額勒春來京再行
降旨此案係臬司李濤承審率行具詳該司
業經病故免議該撫穆和蘭應得處分亦經
加恩免其革任至額勒春乃因承審之撫臬
寓意護庇其子所致非額勒春囑託令寬其
子其罪尚輕於穆和蘭額勒春著從寬改為

革職留任○又諭刑部題覆安徽民人程菊
摔刀致傷胞兄程紹章身死按律擬斬立決
一本據該撫原疏稱程菊因割稻鎌刀口鈍
在院磨刀伊兄程紹章見程菊未赴田工作
斥其懶惰程菊以伊兄睡卧方起不應向斥
程紹章惡其頂撞從後掌批程菊頸後程菊
負痛生氣將所磨鎌刀向後摔棄適傷程紹
章左後脇透膜腸出等語殊若以為情有可
原者而實非情理之正也程菊刀傷胞兄程
紹章致斃事關服制其罪已無可寬乃該撫
以程菊因伊兄斥責摔刀失傷曲為聲叙試
思程菊實啟釁與兄爭即係隨手摔刀何以
不向前直摔或摔向左右兩旁轉行向後摔
擲致傷伊兄身死即云摔刀失傷又何至透
膜腸出實非無心過失也各省命案督撫等
辦理固不可鍛鍊周內亦不可有意從寬總
當準情酌理俾無枉縱朕向於服制攸關案
件或遇親情切或因姦致斃出於義忿者

俱交九卿議奏量從末減今此案程菊刀傷胞兄程紹章致斃情罪無可從輕該撫猶為此無謂之聲叙此等不過刑書開脫故套最為外省陋習各督撫皆所不免但朱珪本係書生尤好為此迂濶多活人積陰德之見遇事從寬所謂婦寺之仁實屬非是除將刑部題本照簽批發外朱珪著交部議處吏部帶領京察二三等年六十五歲以上之內閣侍讀學士富崑等五十八員引見得旨富崑五靈阿素卜東阿六十五覺羅銓桂福仲勒爾遜書隆阿扎爾杭阿赫敏謝墉隆善與奎巴揚阿永祿拔寧阿伍正額馬昌言巴克崇阿富森布木隆阿雙全高謙圖永普璉富慶八十九齊里克圖董元鏡敬順寶善卓靈阿伯發觀音保五德積忠額王士荼德永和鳴阿景盛蘇爾通阿福參泰蘇冲阿那蘭泰西登額伊爾登額海福花良阿善福舒昂圖豐額瑚雅善常興來責楊承福覺羅堪倬巴蘭

奏覺羅碩岱俱准其留任○甲寅旌表守正捐軀直隸東光縣民張有光妻劉氏

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十六

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十七

監修總裁官太子太傅文淵閣大學士文淵閣領侍衛內大臣稽察欽奉
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次
世襲騎都尉軍功加十九級隨帶加二級又加二級內大臣戶部尚書鑲黃旗滿洲都統軍功紀錄五次
尋常紀錄四次主事德齡總纂官太子少保工部尚書紀錄六次主事張爾奇奉
欽修

乾隆五十七年壬子二月乙卯諭軍機大臣

曰全德奏上年江廣銷鹽總數一摺內稱湖廣於歲額外多銷十萬二千七百六十七引江西於歲額外多銷一萬八千九百二十六引等語江廣額銷鹽觔前因督撫等皆有積弊以致私販充斥官引不能暢銷引課往往缺額經朕節次降旨飭令該督撫嚴定章程實力去弊緝私今據全德查明上年江廣銷鹽總數於正額外多銷十二萬一千六百餘引可見各督撫果能潔己更飭屬上緊緝私

其效立見但江廣地方鹽務於積疲之後甫有起色該督撫等尤應各飭所屬加倍認真俾官引銷售日暢不可因上年稍有多銷引額遂爾心存懈怠復使私販得以侵銷官引再有積壓方為妥善將此各傳諭知之○丙辰遣官祭黑龍潭

昭靈沛澤龍王之神玉泉山

惠濟慈佑龍王之神○諭戶部議駁穆和蘭

奏酌改徵收河工幫價章程并將節年積欠

銀兩分別著賠展限一摺所議甚是但其中尚有未甚詳備之處豫省河工幫價銀兩從前畢沅奏請於通省地糧一律攤徵辦理即屬非是黃河遇有應辦工程在沿河各州縣均資保障護衛田廬為閭閻生計攸關該處居民誼切護已如偶值工程緊要採買物料例價不敷不得不量為幫貼於沿河州縣內按數攤徵尚屬近理至通省州縣與沿河者隔遠全與河工無涉亦令一體均攤雖為衆

學易舉起見。但揆之事理。實未允協。所有此項攤徵積欠未完銀兩。著穆和蘭悉心籌酌。當仍攤歸沿河州縣為是。已有旨令穆和蘭來迎駕。待其至時。著會軍機大臣妥議具奏。候朕降旨。至河工採辦物料。雖時值貴賤。或有不齊。然各省情形。大概相仿。即如江南山東。均有河務。俱須採辦物料。並未聞有例價不敷。加增攤派之事。況河工偶遇險要鉅工。或需用物料緊急。價值較昂。於例價之外。稍有加增。致須幫價。尚為情理所有。若歲修搶修。則係每年常辦工程。乃亦藉口物價昂貴。輒議增添。竟至作為定額。年復一年。伊於何底。以小民之脂膏。徒為不肖官吏影射侵漁地步。尤非朕軫恤民隱之意。該部將穆和蘭所請。每年幫價三十萬兩。作為定額之處。議駁甚是。至此項歲修搶修。每年率議幫價。起於何時。所有該省初議幫價。及歷任踵行各巡撫。俱著該部查明。同此次奏請之巡撫穆

和蘭。一併嚴加議處。再乾隆四十三年以後。已攤未完銀二十六萬七千餘兩。及未攤銀十一萬四千餘兩。該部議准照穆和蘭所奏著落經徵各州縣。及該管巡撫司道知府直隸州分別著賠一款。此次攤派銀兩。起自乾隆四十三年。彼時經手各員。任意浮冒。分肥率多飽索而去。轉令接手之員。代為賠補。亦不足以昭平允。著將此項應賠銀兩。交該撫查明。乾隆四十三年以後。歷任自巡撫至州縣各員。按照在任久暫月日。著落分賠。以示懲儆。以示公平。至該部議准該撫所請。已攤未完銀兩。自乾隆五十八年為始。分作八年帶徵。又未攤及豫支銀兩。俟前項徵完之後。再作四年帶徵一款。此項銀數甚多。若照該撫所請。按限徵收。民力尚不免拮据。著將原定八年之限。展為十年帶徵。原定四年之限。展為六年帶徵。庶期限寬裕。小民益得從容完納。用示體恤。此皆朕權宜所辦。十年六年

之期甚遠。待朕六十年歸政之時。當更有處置。該部即遵諭行。○又諭此次京察一等雙圈人員。著交各該堂官。將各員是否堪勝外任。及應留之處。出具考語。交吏部照例帶領引見。其圓圈之滿洲蒙古中書筆帖式等官。著歸入記名理事同知通判內。遇有缺出。與舊記名人員一體帶領引見。其漢軍漢人著交部以撫民同知通判照例選用。○又諭軍機大臣會同刑部審擬太谷縣捐職從九品王嵐呈控孟教材等一案。閱其情節。王嵐本係負欠孟教材銀兩。因互控詞翰。心懷忿恨。輒行捏砌多款。牽連呈告。以致拖累多人。情殊可惡。僅按律擬以杖流。不足蔽辜。王嵐著發往烏魯木齊充當苦差。以示懲儆。仍暫行監禁。俟全案審擬完結後。再行發遣。○丁巳上詣玉泉山

龍神祠祈雨。○諭軍機大臣曰。福康安自正月初二日摺報後。久未接據到藏奏報。正切

懸念。茲據奏到藏交界後。一路並無阻滯。隨行人眾行走俱屬平寧。所過風雪瘴癘地方並無疾病。此皆仰賴上天默佑。欣慰之餘。益深慶感。至所奏接准鄂輝咨會。兩次與賊接仗得勝。惟恐濟龍絨轄兩處賊匪乘間竄回。飛咨鄂輝等相機堵截。將濟龍絨轄兩處賊人歸路先為斷絕。並先派巴圖魯侍衛等馳赴聶拉木以資調派。福康安辦理數日。即起程前往。俟會集各兵再行剋期大舉。仍偵探賊勢。一有可乘之機。即行隨時酌辦。各節於籌辦機宜已得竅要。看來事機極為順利。福康安抵藏後。將應行查辦事件趕緊辦理。自即行起程。目下諒已早抵聶拉木邊界。即日統領大兵進剿。惟計日以待。捷音至。福康安詢廓爾喀滋事緣由。甚為明晰。此事啟衅之由。總因上次巴忠辦理錯謬。許銀贖地所致。是以巴忠一聞廓爾喀侵擾藏地之信。即投河自盡。否則何以輕生。

若此節次查詢業已得其梗概。今福康安詳
悉查奏情弊顯然。竟與朕所料胥合。可見
天心垂眷。先啟朕衷。從此聲罪致討。必蒙
天佑。迅奏膚功也。至巴忠辦理此事。現據福康
安查奏。巴忠過藏時。達賴喇嘛亦以應行進
勦為言。巴忠未經允從。迨許銀和息時。達賴
喇嘛示以此事所辦冒昧。將來必有反覆。可
見達賴喇嘛能識大體。人尚明白。其辦理錯
謬之處。竟係巴忠與丹津班珠爾二人主意。
貽誤滋衅。即班第達亦未嘗不知。但且不必
深問。鄂輝成德與巴忠等同辦此事。且係聯
銜具奏。斷無不與聞之理。今因伊二人現在
帶兵勦賊。是以罪坐巴忠一人。然鄂輝成德
豈得置身事外。總看伊二人如何奮勉出力。
立功自贖耳。再前因巴忠在藏。並未將巴勒
布廓爾喀兩處部落情形。分晰奏明。而保泰
雅滿泰所奏亦屬含混。朕不知詳悉。恐巴勒
布部落久為廓爾喀兼併。其在藏貿易之巴

勒布人等。與廓爾喀自必聯為一氣。是以降
旨諭令福康安到藏。留心查辦。伴送驅逐。今
福康安傳諭巴勒布頭人。令其約束在藏之
巴勒布人等。各安生業。該頭人等俱稱巴勒
布部落被廓爾喀侵占。正深憤恨。今聞大兵
進勦。我等私仇。可藉此報復等語。可見廓爾
喀恃強恣肆。人心俱不帖服。現經福康安於
在藏巴勒布人。擇其有家室者。酌加賞賚。鼓
勵帶往軍前。以備差遣。是巴勒布番眾可為
我用。或令其躡探賊情。作為嚮導。於進勦更
為有益。前此驅逐巴勒布貿易人等之語。竟
可不必提及。但於善後事宜詳議可也。○又
諭據勒保覆奏伊犁等處所換哈薩克馬匹。
解送內地。近來好者甚少。著傳諭保寧。永保。
嗣後伊犁塔爾巴哈台。解送內地馬匹時。務
擇肥壯者充數。仍嚴禁解員沿途抵換偷賣
之弊。○陝甘總督勒保覆奏伊犁等處換獲
哈薩克馬匹。撥補內地營馬。稟多益寡。良有

裨益。惟是奉行之始。陝甘兩省。每年撥補馬匹。不過二千餘匹。至五十三年以後。計需三千餘匹。為數較多。伊犁等處。近年與哈薩克所換馬匹。好者甚少。長途解送。已多疲乏。必餵養數月。方能腴壯。因此綠營人等。不免有畏難之見。現在伊犁等處。因與哈薩克換馬。無多。不敷撥解。奏准停給一半。嗣後馬匹從口外解到時。自當詳加挑驗。據實覈辦。得旨。亦有旨諭保寧矣。○戊午。遣官祭賢良祠。○諭朕此次恭謁

西陵。就近巡幸五臺。於三月初八日啟鑾。著怡親王儀郡王大學士阿桂嵇璜留京辦事。至迴蹕日期。不過月餘。所有月選官文職知縣以上武職守備以上。俱候朕迴鑾帶領引見。其餘俱照向例。著王大臣驗放。其各省應進奏摺。俱著齋赴行在投遞。該部知道。○諭軍機大臣等。本日據江蘭覆奏。山東省積欠未完銀二百一十八萬餘兩。自上年奏銷後。續

完銀八十四萬三千餘兩。又除本年緩徵未屆限期銀七十四萬七千九百餘兩。現在實未完民欠銀五十八萬九千三百餘兩等語。前因直隸江蘇山東河南浙江福建湖北等省。歷年積欠為數較多。降旨令各督撫據實查奏。茲據江蘭奏稱。該省除續經徵完。及緩徵未屆限期銀兩外。現止實在未完民欠銀五十八萬餘兩。是山東一省未完積欠。自上年奏銷以後。為期未及一年。經該省實力徵收。現在已逾三分之一。豫省民欠。前據查明未完銀四十五萬八千餘兩。加以河工幫價積欠未完銀二百一十餘萬兩。是該省兩項積欠較之山東。為數尤多。昨據穆和蘭奏。河工幫價積欠。請分年帶徵。而於該省正項積欠。應行查辦之處。並未據該撫查明覆奏。豈豫省積欠自上年奏銷以後。竟無續徵銀兩。況上年山東萊州臨清等屬州縣間有被旱被水之處。小民尚能踴躍輸將。而河南則連

歲豐收。豈轉致艱於交納。著傳諭穆和蘭。即將該省各項積欠。已徵若干。實欠若干。即現在徵有幾分成數。一併查明。分晰覆奏。如一時未能查明。即於正定接駕時。詳悉開單具奏。毋得稍有隱飾。○又諭曰。李奉翰奏查勘儀封上汎三堡大隄之後。有月隄一道。工段綿長。中間夾塘。過於寬廣。應加築撐隄一道。又七堡河勢近隄。應占築挑壩一道。以資挑護等語。朕閱所繪圖樣。儀封七堡河流逼近大隄。惟恐大汎時溜勢汕刷。自應添築挑壩。以資保護。至三堡月隄。原為大隄重障。今擬加築撐隄。試思此項月隄。工段綿長。中間夾塘。俱係一律寬廣。添此一綫之隄。又安能處處撐護。自係工員等思欲藉此開銷。以為需潤謀食地步。殊屬多費無益。此等陋習。不獨東河為然。即江南亦所不免。且撐隄字樣。殊不成話。撐隄寬不過五大頂隄。其餘長隄。何能撐之。竟是冒銷之別名。嗣後河務工程。均

不得仍列此等名目。其李奉翰所請加築撐隄之處。甫經覈估。自尚未經開工。竟可毋庸辦理。以杜浮冒。而歸覈實。至該督等總理河工。惟當實力實心。先事籌辦。以期安流順軌。隄埽鞏固無虞。其河員中。如果有不辭勞瘁。在工出力者。不妨據實奏明。酌予陞遷獎賞。斷不可任其藉端開銷。興作無益工程。冀需餘潤。甚或希圖肥己。將險要各工。並不實力搶護。以致貽誤地方。則責有攸歸。惟該總河是問。恐不能當其咎也。將此諭令知之。尋奏前因臨黃埽壩工程緊要。該道廳等請於月隄中間添設護衛。並築挑壩。以資保障。是以繪具圖說。請旨未敢遽行開工。茲止將儀封七堡添築挑壩。其嗣後河工。不得仍列撐隄名目。已通飭遵照。得旨。覽其寬三五丈之隄。不能頂數十里長隄之處。何不說明。想汝不能措詞迴護耳。○己未。諭據吳省蘭奏。准督臣梁肯堂咨送年滿教職。保薦甄別。鈔疏令

學政衙門備案。內有保薦教職二員。李德懋祇見過一次。吳士升並未見過。因業經具題咨商無及。已咨令梁肯堂調送補驗等語。各省教職。係學政專管。其保薦堪膺民社之員。陞任知縣後。如才具平常。不能勝任。原保之學政。定例處分褫嚴。各省保薦教職時。自應與學政會商。擇其才具優長者。會銜保題。今梁肯堂所保教職二員。並未先與學政酌商。於會銜具題後。始行鈔疏。知照備案。殊非慎重保薦之道。竟係梁肯堂不以學政為事。率臆徑行。國家簡任學政。豈不竟同虛設乎。梁肯堂著嚴飭行。此後遇有甄別保薦教職等事。均應照例會同學政。先行酌商。秉公辦理。聯銜具題。毋得仍前徑行專辦。以符體制。至該省督撫。若於保薦甄別地方官員。亦有似此並不彼此會商。輒以一人專主。即會銜具題者。一經發覺。朕必重治其罪。將此通諭知之。○庚申。

上御勤政殿聽政。○以大理寺少卿伊朝棟為光祿寺卿。大理寺少卿永良為太僕寺卿。○旌表守正捐軀河南新蔡縣民李士友妻賀氏。○辛酉。諭此次屯兵等隨從攻打聶拉木賊寨。奮勇受傷。殊屬可憫。所有陣亡屯兵。著照陣亡例議卹。其帶鎗矢傷兵丁三名。著福康安等查明優加賞賚。至奮往開路之烏珠拉旺。及凍死並凍裂手足被雪壓倒帳房之各屯兵等。俱著福康安等一體查明。分別酌量賞卹。以示軫念。戎行至意。再帶鎗受傷。及防卡屯練凍裂手足者二十三名內。如療治痊癒。尚可留用。即著留軍營。倘已成殘廢。即令其各回本屯。用昭體卹。○又諭從前八旗官員兵丁名內。有與大臣等同名者。已降旨令其改易矣。夫與大臣同名。尚行改易。況與宗室近派王等同名者乎。即如保泰與裕親王之名相同。凡係旗人命名。均應敬避此字。乃旺扎勒。納木扎勒。皆身與同時。竟以此命

名伊子甚屬錯謬。而保泰又並未改易。公然稱謂至今。以至福薄災生。自獲重戾。此其明驗。著交八旗都統將現在八旗人等之名。概行查明。如有似此相同者。令其改易。嗣後生子命名。呈報該旗時。該旗都統等務各切實查覈。設有濫行命名者。即時改易。○諭軍機大臣等。據哈當阿等奏。汎兵追殺生番被戕。購獲正兇。查驗明確。正法一招。內稱。此案係汎兵吳祥貞等。出外砍柴。望見界外有生番。

實錄卷五十七

五

在彼趕鹿。吳祥貞等出界趕逐。致被生番用鏢擲傷身死。現據哈當阿等訊據該兵供稱。因生番趕鹿將近界口。是以出界趕逐等語。該兵丁等在汎防守。遇有生番入界滋事。自應趕逐擒拏。今該番等在彼趕鹿。並未入界。該兵丁等輒行出界趕逐。致被生番戕害。實為多事。該處生番已經歸化。尚屬恭順。防守汎兵。固應隨時稽察。亦何得有意欺凌。輒致無端生事。殊非撫馭番夷之道。甚或因比拒

捕戕害官兵。激生釁端。更屬不成事體。除此次戕兵生番。業經審明辦理外。著傳諭哈當阿。楊廷理。務須督飭兵丁。時加管束。止應在汎實力防守。其界外生番。不得肆行滋擾。失之太過。至此出界趕逐生番之兵丁。陳得順。元啟等。業據該提督等分別責革。嗣後文武所屬員弁。務須一體嚴加管束。如再有無故出界生事者。即當從嚴懲治。以安番衆。而靖海疆。○又諭賊匪在聶拉木西北官寨屯

實錄卷五十七

六

聚。不過百餘人。鄂輝成德帶領千餘勁兵。攻勦旬日。尚未能將官寨全行克復。目下氣候已屆春深。雨雪自久。經晴霽。且賊匪人數無多。水道亦已斷絕。諒不能更延殘喘。鄂輝等攻克官寨後。自即將濟龍絨轄兩處賊匪。以次勦除。至賊匪貪狡性成。其意尚欲照依前議。為之清理地租。現在鄂輝等接到來稟。一面先行檄諭喇特納巴都爾。令其親至邊界。為牽綴賊人之計。亦祇可如此辦理。此時福

康安自已馳抵邊界。遵照節降諭旨。統領大兵。相機近勦。鼓勇直前。諒此么膺小醜。不難剋期集事。再此次廓爾喀賊匪。未經侵犯邊界之先。即有稟帖寄呈。保泰雅滿泰。其稟帖自必將索取地租緣由說明。保泰等何得諉為不知。乃伊二人並未奏明。亦未將稟帖進呈。殊不可解。伊二人現在枷號前藏。即著福康安詳加查訊。廓爾喀原稟。現在何處。何以前次並不奏聞。又不將原稟一併進呈。是何

實錄卷三三七

七

主見。今其據實登答。母任稍有隱飾。若果伊二人並未見過稟帖。或竟係丹津班珠爾將稟帖私自藏匿。亦未可定。務須查訊確實。附便奏覆。○壬戌。諭軍機大臣等。據馮光熊奏。遣犯李相湯在監自戕身死一摺。內稱該犯向因與民婦周郝氏調戲。經郝氏投約報縣。李相湯復聲言郝氏本係娼婦。並指典史邵瀾等。曾與飲酒。旋據審明。實係李相湯乘醉調戲。捏詞牽扯。將該犯問擬發遣。詎該犯於

典史查驗箕斗之後。自戕身死。復提該典史邵瀾到省審訊。實係李相湯悔罪自戕。該典史並無恐嚇凌辱等語。所奏情節。尚未確實。已用硃筆點出。李相湯因調戲民婦。問擬發遣。罪由自取。原無可悔。且發遣並非死罪。更何至遽行自戕。殊非情理所有。或係典史邵瀾因該犯誣指狎妓之嫌。恐嚇凌辱。以致該犯抱忿自戕。亦未可定。著傳諭馮光熊。即將此案悉心研鞫。李相湯何故自戕。抑係因該

實錄卷三三七

六

典史挾嫌恐嚇凌辱。致令自戕之處。再行審訊明確。據實具奏。再降諭旨。○又諭本日提候補道陳大文。奏奉撫臣姚荼行知。廣饒九南道福昌染患病症。解任回旗調治。委令暫行署理等語。江西廣饒九南道一缺。兼管九江關稅課辦理密嚴關係緊要。福昌既經染患病症。姚荼自應一面委署。一面具奏。仍將應否准其解任回旗調理之處。候部題覆。今姚荼尚未將福昌患病情形繕摺具奏。即行

委署。且陳大文已將署事日期奏報而姚榮奏請解任委署之摺尚未奏到殊屬遲緩。該署撫所司何事姚榮著傳旨申飭仍令將因何遲誤之處據實覆奏。○京察本年各部院等衙門滿漢各員。年老官四員。有疾官十三員。才力不及官四員。分別處分如例。○旌表守正捐軀河南密縣民王某妻陳氏。○癸亥諭曰。福崧奏據兩浙商人何永和等呈稱。現聞大兵進剿廓爾喀賊匪。情願捐銀一百萬

實錄卷一百一十五

七

兩。以備凱旋賞勞之需等語。廓爾喀賊匪滋擾後藏。不過邊徼公膺。計日即可蕩平。本不致多費軍餉。今既據福崧奏稱該商等再四籲請。情詞懇摯。著准其捐銀五十萬兩。並准其於本年壬子綱鹽引內。按數起捐。分作半年完納。所有捐銀商人等。著該撫查明咨部照例議敘。○諭軍機大臣等。據福崧奏范公塘一帶。原係建築石壩。嗣經琅玕以石塊易於衝失。奏請停修。如遇應行修築之時。一體

改築柴壩。今自停修以來。石壩多已坍塌。若改築柴盤頭。不特需柴甚多。且石壩挑溜極為得力。現率同司道將石壩如式捐修。以資捍衛等語。范公塘一帶。前經琅玕奏稱。石壩一項。係用碎石裝入木櫃。排列海邊。復以碎石圍繞。堆護根脚。既不能排釘木樁。又不能

實錄卷一百一十五

七

用灰漿澆灌。一遇潮大之時。易於發損坍塌。不若柴盤頭一項。可以釘木作樁。根脚堅固。能耐潮水衝刷。彼時朕以琅玕所奏情形。尚屬近理。是以照議允行。今福崧又以石壩挑溜較為得力。現在壩基尚屬堅固。廢棄實屬可惜。仍應將柴盤頭改築石壩。為辭與琅玕所奏互異。朕思柴盤頭一項。鑲築既易。即遇有潮水衝汕坍塌。亦不難隨時修補。而石壩以碎石堆積作基。難以釘樁護脚。豈能日久堅固。且遇潮水衝卸。石塊沉入水底。無從查驗。易啟工員浮冒之漸。然以情理揆之。柴薪為民間日用必需之物。若改築柴盤頭。需柴

甚多。如每年壩工多費一萬柴。勛民間即缺少一萬柴。勛之用柴價不無少增。似非民情樂從而建築石壩。則需用工料較多。承辦之員藉此為開銷。浮冒地步。自以石壩為便。今若以石壩柴壩二項孰為有益之處。仍令福崧酌量定議。則福崧既以修築石壩為宜。具奏豈肯自改前說。是兩說皆各有理。朕不能遙定。大約官員喜於石工之多。開銷而民間又喜於不作柴工。則柴省於民間日用。柴薪為有益。大概出於此乎。此事著交長麟前往查勘。江蘇距浙江甚近。現在該省並無應辦緊要事件。即著長麟親往杭州范公塘一帶逐細履勘。體察該處情形。究竟石壩柴壩兩項孰為得力。孰為經久。秉公據實覆奏。並繪圖貼說呈覽。總期於塘工有裨。不可稍有偏護。再該處大小石壩十一座。建築未久。何以多有坍塌。是否從前經手塘工各員辦理不能堅實所致。並著長麟一併查明具奏。將此

傳諭長麟並諭福崧知之。旌表守正捐軀江蘇蕭縣民李二妻王氏。甲子諭刑部具題。廣西民人麻六成誤傷妻母羅黃氏身死一本。將麻六成依本夫捉姦誤殺旁人例問擬絞候。羅黃氏是誘女賣姦之人。非旁人也。至麻羅氏依父母縱姦敗露。愧迫自盡者止科姦罪。擬以杖九十。羅黃氏護賣姦之女被誤殺。非愧迫自盡也。以此入罪殊未平允。覈其情節。羅黃氏縱令伊女屢次在家賣姦。麻六成聞知前往捉姦。正值伊妻在家與人說笑。聲喊捉姦。當將姦夫梁奇保綑縛。見伊妻向內逃跑。麻六成手執鐵尺追趕。適羅黃氏聞聲走出。麻六成於黑暗中望見人影。疑係伊妻。隨用鐵尺毆打。誤傷羅黃氏殞命。是羅黃氏貪圖梁奇保資助。縱令伊女通姦。已屬不顧其婿。思義斷絕。麻六成本係應行捉姦之人。即因羅黃氏貪財縱女賣姦。或一時氣忿將羅黃氏毆斃。亦不過照擅殺罪人例問。

擬今麻六成於黑暗之中。追趕伊妻不能辨識。誤傷羅黃氏斃命。更非出於有心。何得拘泥將捉姦之人擬以死罪。而羅氏與梁奇保通姦。雖由伊母羅黃氏得財縱容。但伊母或以他事指使其女。無甚關礙者。尚可勉從。若此等賣姦之事。名節攸關。豈宜聽從伊母。不顧其夫。況其母羅黃氏之死。實由該氏與人通姦所致。向例父母因子孫犯姦。敗露。愧忿自盡。及被殺者。將子孫問擬絞決。此案即因

羅氏犯姦。係由伊母羅黃氏縱容。亦應於絞決罪名。稍為末減。予以絞候可矣。何以僅照常例。祇科姦罪擬杖。今刑部即照該撫所擬罪名題覆。輕重殊為倒置。羅氏應改為應絞監候。麻六成應改為杖九十。如此兩相互易。庶情罪各得其平。著刑部遵照改擬。另行進呈。○諭軍機大臣等。據書麟等奏上年冬季淮南各口岸行銷食鹽數目內。高淳等處多有溢銷。上元等處銷不足數等語。淮南行銷

食鹽。與江廣二處通省攤算。情形不同。彼係以衆商之力通融辦理。遇有少銷額引之處。自可於通網內牽算補足。淮南食鹽。係各商認定口岸運鹽引銷。各銷各地各完各課。誰肯以己之有餘補他人之不足。是高淳等處多銷之數。原不能牽補上元等處缺額。但恐地方官規避督銷不力處分。或以銷數有餘之處。牽補不足。朦混具報。不可不嚴行飭禁。至額銷引鹽。以一年統計覈算。遇有溢額之

年。向例係歸入下年應銷鹽引內牽算。若下年行銷。又有盈餘。則此項多餘課銀。年積一年。又作何著落。著傳諭書麟全德。一併查明。據實覆奏。不可稍有牽混。○閩浙總督覺羅伍拉納。福建巡撫浦霖。覆奏行劫浙江外委陳學明巡船盜首四名。先經拏獲。蔡瑞明一犯。茲續將許榮。陳從。洪裁三犯。按名全獲。審明正法。報聞。○以詹事慶善為大理寺卿。○乙丑

孝昭仁皇后忌辰遣官祭

景陵○丙寅諭此次大兵進剿廓爾喀前經降旨撥銀二百萬兩解往川省以備軍糈恐尚不敷應用著戶部再撥銀一百萬兩解赴川省交署督孫士毅備用○協辦大學士兩廣總督公福康奏自藏至軍營運糧需用烏拉甚多現在辦理竭蹶總緣藏地疲玩積習遇事皆然臣到藏後即傳集噶布倫等剴切曉諭並令署理駐藏事務額勒登保同道員

林偽趕緊督催現據林偽自行捐辦牛五百頭為之倡率噶布倫戴綱第巴營官頭人等均踴躍趨事即達賴喇嘛班禪額爾德尼以下及各寺呼圖克圖大喇嘛等亦願將所養牛隻助出烏拉現共有牛一萬五千頭分派各糧臺往來輸運無誤得旨好事後亦自加賞先諭知之○丁卯春分朝

日於東郊遣怡親王永琅恭代行禮○己巳祭先蠶之神遣妃行禮○諭前經有旨令鄂輝

回至前藏俟進剿廓爾喀奏凱後協同成德在藏辦事今思鄂輝人本軟弱成德遇事羸疎二人駐藏未能得力侍郎和琳心思詳細堪以管理藏務著即馳驛赴藏一切應行查辦事件即妥為經理以副委任○諭軍機大臣等聶拉木官寨賊匪不過一百餘人株守一隅上年十二月二十八日即經成德等攻勦焚燒拏卡圍困水道斷絕口食無資是該處賊匪已屬勢窮力蹙束手待斃無難立時

攻克悉數殲除而鄂輝成德止派兵圍困延至一月之久始將賊匪一百餘人用火轟斃乃奏到摺內輒覲顏稱將聶拉木賊匪悉數殲除地方全行收復張大其詞並將帶兵人員臚列名單至二十三人之多懇請加恩陞用賞給巴圖魯名號及花翎等項試思此處賊匪不過困守負隅為數亦祇一百餘人而勦至一月且濟隴緘轄兩處尚有賊匪屯守安得謂之全行收復實可謂恬不知恥此處

剿除一隅之賊即欲如此優加恩典將來勦辦濟甯絨轄兩處賊匪及直抵陽布後又當如何加恩酬績耶且鄂輝成德前次奏到摺內稱俟聶拉木官寨賊匪剿除後即赴濟甯絨轄二處進剿等語彼時即應分派將領帶兵前往二處一體圍剿迅速殲擒方為正辦乃計不及此直至今日將聶拉木賊匪盡行燒斃尚不即日馳赴濟甯絨轄乘勝攻剿且摺內並未提及如何領兵前往分路剿殺竟若殲除聶拉木賊匪後已屬完事伊二人竟別無他事者然何糊塗至此又此次鄂輝成德既將因守官寨之大頭人咱瑪達阿爾曹薩野拿獲係屬瑪木薩野之姪實為賊匪緊要之犯自應訊供具奏乃止將該頭人解送前藏交福康安審訊解京並未詳細錄供隨摺具奏是鄂輝成德皆因福康安在彼即意存諉卸諸事置之不辦種種錯謬非止一端所有咱瑪達阿爾曹薩野著福康安畧加訊

問即派委委員迅速解京其在事之官兵除陣亡受傷兵丁照例賞卹外至帶兵各員內朕閱鄂輝等奏摺惟侍衛珠爾杭阿永德阿尼雅布三人較為奮勉著福康安傳旨獎勵各賞給大緞一匹並令鄂輝成德同聽宣諭當面賞給並傳旨嚴行申飭鄂輝成德使知愧恥其剗挖賊寨牆角之副土司成勒春丕勒及巴塘土兵等俱著酌量獎賞其餘鄂輝等單內所開帶兵各員並著福康安另行據實查明出力者量加獎賞具奏以示鼓勵○又諭據伍拉納奏浙省修造戰巡船隻並無節省銀兩等語各省修造船隻俱有節省何獨至浙省並無節省銀兩此項修造船隻外省估計時往往稍為多估豫為節省地步固所不免但存此節省名目地方官尚可認真查覈不致冒濫滋弊若併此節省之名而去之則經管各員相習成風勢必至任意開銷有增無減殊非覈實辦公之道該督於此等

事件何漫不經心若此嗣後務須實力查驗毋得視為具文致啟屬員浮冒開銷之漸將此諭令知之○理藩院奏土默特台吉延丕

勒控告該管貝子色布騰喇什斂湊所屬銀

兩一案請交該司員七德貝勒索諾木巴勒

珠爾審明報院得旨著派博興馳驛前往會

同索諾木巴勒珠爾滿珠巴咱爾審明定擬

具奏隨帶司員著一併馳驛前往○旌表守

正捐軀奉天開原縣民楊進山妻李氏守正

實錄卷一百三十九

七

被戕山東臨邑縣民劉萃女劉氏○是月河

東河道總督李奉翰奏南糧首幫渡黃後隨

將南旺分水口土壩啟放汶水南北分流甚

暢至黃河工次曹單商虞睢寧一帶埽壩工

程防護周密現屆春融冰化上游之水僅長

至一尺二三寸不等各工俱屬平穩得旨欣

慰覽之○護理山東巡撫布政使江蘭奏報

東省上年雨水調勻二麥佈種甚廣茲省城

於正月二十七日得雨濟南等十府直隸州

屬亦於是日各得雨雪三四五六寸不等不惟麥收可望豐稔轉瞬大田亦易耩種得旨欣慰覽之

實錄卷一百三十九

七

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十七

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百九十八

監修總裁官經筵講官太子太傅文淵閣大學士文淵閣領事領侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次慶隆

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功加九級隨帶加二級又加二級臣童福內大臣戶部尚書鑲黃旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十七年壬子三月庚午朔諭倭滿調

軍機處上書

一

回之前任雲南普洱鎮總兵朱射斗著隨和
琳馳驛抵藏後再赴邊界聽候福康安派委
帶兵進剿○吏部議准兩江總督書麟奏稱
徐州府銅山縣雙溝鎮係上下江兩省連界
應移駐佐雜一員以資彈壓查該縣桃山司
巡檢事簡請改移雙溝鎮定為四界司巡檢
換給印信缺出歸部選從之○辛未諭曰和
琳現在出差所有兵部右侍郎員缺著鐵保
兼署其所署松筠工部左侍郎員缺著伊齡

阿兼署○諭軍機大臣等據秦承恩奏漢中
府屬畧陽縣興隆灣地方露有銅苗商民王
兆熊等呈請自備資本試採現已委員親往
該處勘明將挖出礦砂如法煎鍊成色與滇
省高銅無異請予限二年試採如果旺盛另
行題請開採等語開採銅礦係天地自然之
利陝省畧陽地方露有銅苗既據該撫委員
勘明該處銅砂旺盛山深境僻無礙田廬自
應立限開採以資鼓鑄但銅廠為利之所在
且該處界連楚蜀五方雜處設或派委非人
不但開採無效轉恐無藉游民從中漁利於
事無益著傳諭該撫務須派委妥員悉心籌
辦並慎選人夫如法開採務使銅砂日加旺
盛源源不竭足供採取仍督率地方官不時
留心稽查毋使牟利之徒藉端滋事方為妥
善○旌表守正捐軀河南魯山縣民董全德
女董氏守正被戕貴州普定縣民張發科妻
田氏○壬申諭軍機大臣曰鄂輝前已有旨

令其俟福康安到邊界後即回至前藏辦事但現在大兵進剿一切糧運烏拉關係緊要且藏內事務現已派和琳馳往辦理鄂輝不必株守前藏所有自藏至軍營一帶糧運烏拉事務及後路一切卡汎策應均著交鄂輝常川往來梭織稽查督率催趨務俾源源接濟倘有遲誤則惟鄂輝是問設若一人難於兼顧則暫留惠齡令其二人協同料理○江西巡撫姚榮泰奏江西各府州縣行銷閩浙粵三省引鹽者計三分之一且皆居淮引上游私鹽易於侵越建昌一府貼近閩省尤費稽查前屢經嚴定章程并於該府縣城內設立引店子店五處嗣據護道恒寧稟稱建屬各鄉小鋪多有願領賣官鹽者因酌量店鋪多寡由道捐發本銀歇業時繳還俾僻遠鄉村俱有官鹽可買私鹽不禁自除現在建屬俱已遵辦擬於撫饒各屬仿照而行臣查建屬逐月報銷頗屬暢旺並無紛擾派買等弊則

撫饒二府自可一律照辦得旨行之以妥持之以久可也○以輔國公宗室嵩椿子景燭襲爵○甲戌諭本日鑲黃旗蒙古都統帶領補行引見察哈爾公扎什巴勒車凌係達什璘沁之孫敏珠爾多爾濟之子念伊祖父曾經効力扎什巴勒車凌著加恩在乾清門行走○又諭據勒保奏金縣知縣員缺請以鞏昌府經歷張師升陞署一摺已批交該部議奏矣該督因張師升係佐貳人員未經保舉卓異且歷俸未滿五年與陞署之例種種不符輒另加夾片懇恩俯賜允准朕於各督撫保奏陞署州縣等員如實有人地相需之處即與例不符經部議駁俱特降旨允行豈有關係地方事件稍為忽畧者該督即為要缺需員起見亦祇應照例陳奏朕自能隨時酌量准駁又何必夾片聲明希邀恩准若俱似此紛紛瀆請則凡與例不合人員豈一經保奏即應盡人予以陞調殊與吏治有關勒保

所奏非是著飭行○又諭曰勒保奏此次福康安等及各起帶兵官員由西寧赴藏甘肅提標馬匹臚分平常經該督駁換補解仍有不堪備用之馬請將提督蘇靈交部議處等語蘇靈所辦馬匹臚分平常致干駁換其補解之馬仍有疲瘦難以備用者實難辭咎蘇靈著交部嚴加議處其勒保所奏承辦軍需在事出力之西寧鎮總兵富爾賽西寧道蔡廷衡安肅道福慶臯蘭縣知縣應先烈俱著交部分別議敘以示獎勵○又諭曰勒保奏延綏鎮標候補把總廕生馮凱因在營學習十餘年未得補缺稟請告退該營守備駁飭不准馮凱即在部頒執照內書寫該鎮營規不按部例依次補用將部照呈繳意圖挾制請將馮凱發附近充軍等語馮凱因在營年久未能補缺稟請告退經守備批駁遂疑該營拔補不公填入部照希圖挾制固有應得之罪除將原摺批交該部議奏外至此等難

廕員弁在營學習年滿後如果弓馬熟練差操勤勉自應秉公拔補俾得及時効用若人材弓馬平常不堪造就亦當令其回籍乃既不拔補又不令其回籍使其在營守候多年復不准其告退殊非整飭營伍體卹微弁之道即如前次慶成奏科布多等處換防屯田官兵例由宣化鎮屬派往其班滿回營後仍派在督提二標學習並未定有學習年限以致補缺無期多以窘乏具呈請回本鎮當差皆由各該處原送官兵為數過多是以班滿回營派在督提二標後人多壅滯候補需時亦殊未允協所有此等難廕微弁應如何定立年限及科布多等處換防屯田官兵應如何覈計數目的量保送之處均著軍機大臣會同該部定議具奏○以戶部左侍郎慶成為直隸古北口提督○予故阿巴哈納爾扎薩克固山貝子達克丹朋素克致祭如例○乙亥祭

先農之神遣肅親王永錫行禮○諭軍機大臣等上年據長麟奏江省現在銀少錢多錢價日賤請於來春暫緩開鑄鼓鑄朕以該撫所奏固為一時調劑起見但可暫而不可久如明歲停止局鑄後錢價不致日賤仍當照舊辦理惟思該省錢價過賤之故由於私鑄充斥與官錢攪雜而行今已將鼓鑄停止則官錢不復發給恐市僧知將來錢價漸昂將錢文豫行收積私銷私鑄更易滋弊則小錢必致仍復行使所為查察小錢調劑市價仍屬有名無實著傳諭該督撫將該省錢價較前貴賤若何現在有無私鑄小錢之處查明據實覆奏○湖廣總督畢沅湖北巡撫福寧奏緝私一事臣等隨時籌辦體訪南北各路情形凡私販出入往來處所分設卡座酌派官兵并專委叅遊都守各員分投總巡不令始勤終怠得旨覽奏俱悉久而毋懈可也○丙子

上御勤政殿聽政○諭據鑾儀衛奏整儀尉喀龍阿告假前往伊父任所省親等語所奏甚屬錯謬大凡旗員或因父母在任所患病甚重親往看視或因病故迎柩告假尚屬有因今喀龍阿之父並無事故竟告假省視若皆如此相率效尤伊於何底該大臣等轉為具奏甚屬非是嗣後遇有此等無故告假者概不准行○又諭據李侍政等奏克哩雅城四品阿奇木伯克邁瑪特尼哂爾希圖利已授意所屬明巴什等恐嚇塔木額吉里之民稱係克哩雅之人遷移又將伯克阿里木和卓占據小回民田地謊報又向克哩雅回民等托故攢收布二千餘匹各等語邁瑪特尼哂爾身為阿奇木伯克乃唆令所屬回子控告微員伯克又向小回民等攢收許多布匹自應從重治罪以示儆戒明興若尚未起程赴喀什噶爾此素著明興明白審擬具奏後再起程前赴喀什噶爾伊若已至喀什噶爾而

明亮前曾遵旨。在彼等候納爾巴圖咨文。即著明興。仍回葉爾羌辦理此案。設若此時明亮業已起程。著明亮順便至葉爾羌。將此案詳審辦理。穆喇特伯格。去年來京。陛見時。朕謂伊尚屬勉力。曾施恩令其在乾清門行走。穆喇特伯格。係和闐三品阿奇木伯克總理各城伯克等。有此等情事。伊即應查出辦理。伊弟邁瑪特尼。咂爾身為克哩雅城四品阿奇木伯克。如此妄為。並未舉出。及至彼人控告。又不秉公辦理。反為伊弟懇請殊屬非是。著將穆喇特伯格革退。乾清門侍衛拔去花翎。一併交明興審辦。再邁瑪特尼。咂爾如此妄為。而穆喇特伯格黨護不辦之處。李侍政等亦當秉公奏。反聽受伊等跪叩懇求。未及即行參奏。竟入於摺內。聲明具奏。甚屬錯謬。但邁瑪特尼。咂爾向衆回攢收布匹之案。既係錦格先行聽聞。始告知李侍政。著將錦格交部議處。李侍政嚴加議處。諭軍機大

臣等前因民間私銷私鑄。攬使小錢。節經降旨。令各督撫嚴定章程。通行禁止。嗣據直隸山東江蘇浙江江西兩湖兩廣四川雲貴陝西各督撫。將查辦飭禁緣由陸續奏到。而福建甘肅安徽河南山西等省。如何辦理之處。迄今未據覆奏。此等私鑄小錢。攬和行使。於錢法大有關係。而小民趨利若鶩。種種弊端。各省皆所不免。自應一體飭屬實力查辦。其福建甘肅等省。有無此等弊端。及如何嚴定章程。設法查禁之處。自當據實具奏。何以遲之許久。尚未奏到。著傳諭各督撫。即將各該省現在作何辦理。並有無弊端之處。迅速具奏。毋得任意拖延。致干咎戾。○翰林院侍讀學士薩敏。為詹事。○丁丑。

上啟鑒謁

泰陵

泰東陵巡幸五臺。遣官祭

歷代帝王廟。○諭。朕此次恭謁

西陵後巡幸五臺所有沿途經過地方著加恩蠲免本年地丁錢糧十分之三○是日駐蹕黃新莊行宮。戊寅諭曰。濟龍呼圖克圖。及藏內各寺堪布扎薩克喇嘛噶布倫等。因辦理軍務。均各奮勉。圖報將達賴喇嘛庫內存貯火藥鉛彈。盡行交出備用。又備馬百匹。以利軍行。深堪嘉尚。濟龍呼圖克圖著加恩。仍准續封慧通禪師法號。該衙門換給新改牒文副付。並著福康安將出力之堪布扎薩克喇嘛噶布倫等。分晰查明。賞賚級尺。以示鼓勵。即於藏庫現存級尺內。動支散給。○諭軍機大臣曰。福康安奏附近廓爾喀之布魯克巴。作木朗披楞三處部落。業經檄令發兵攻賊。又西藏帕克哩邊外哲孟雄宗木等部落。現與廓爾喀打仗。將該二處地方奪回。並諭令該部落乘勝直搗賊巢。等語。布魯克巴等部落既與廓爾喀不睦。經福康安檄諭令其攻剿。不過如治病偏方。藉以牽綴賊勢。原非

仗其兵力為搗穴擒渠之計。即欲用以攻剿賊匪。亦必俟大兵深入賊境。豫約各部落同時進攻。使賊匪猝不及防。方為得力。乃福康安於大兵未集之前。即檄諭前往勦殺。實屬失之太早。嗣後遇此等緊要軍機。必當熟思審處。慎之又慎。至所稱帕克哩營官番衆將哲孟雄宗木收復福康安俱加獎賞等語。營官番目等能將遠年被占之地大半收復。尚屬奮勉。著福康安傳旨再行酌量賞賚。並曉諭該營官番目等。大皇帝聞知爾等打仗奮勇奪回廓爾喀侵占之地。特再加恩賞賚。俾伊等益知感奮。圖報也。再摺內稱。屯留轟拉木賊匪困守日久。諒不能竄逸。等語。轟拉木賊匪已據鄂輝等奏。到於正月二十四日。將賊匪全行轟斃。並將擊獲活口移交福康安審訊。分別辦理。想福康安尚未接到鄂輝等咨文。故有此奏。又據福康安訊問保泰供稱。許銀說合之事。我到藏時。原有所聞。等語。保

泰等既早有所聞且賊匪所寄票內復提及此事乃保泰等竟敢徇隱不奏節經降旨將保泰雅滿泰二人枷責示儆今據福康安奏請將保泰再行重責四十板另製重枷枷號所辦甚是雅滿泰與保泰厥罪維均早有旨將伊押回前藏並著照保泰之例再行枷責以示炯戒再保泰之名與從前裕親王相同裕親王係近支尊屬自宜敬避從前納木扎勒旺扎勒皆所知悉乃並未更改以致伊損

福雅罪現已改名為倂習澤以後遇有詢伊事件即以此名書寫○是日駐蹕半壁店行宮○己卯諭曰福康安奏到藏後採辦火藥鉛丸以資應用旋據濟龍呼圖克圖並扎薩克堪布喇嘛噶布倫等查明布達拉現存火藥二千四百餘觔鉛子二萬八千觔並交出大小礮三十餘位聽候運送軍營又據各寺喇嘛及噶布倫等將自養馬匹交出經福康安選得健壯好馬一百匹一併先送軍營等

語此次征剿廓爾喀原以保護黃教輯寧衛藏前據福康安奏達賴喇嘛督率各呼圖克圖等採辦糧石牛羊幫出烏拉甚為踴躍節經傳旨獎諭茲復據濟龍呼圖克圖等將布達拉舊存火藥鉛丸礮位並畜養馬匹一併交出應用足見急公忱悃已降旨令福康安分別賞賚用示嘉獎火礮馬匹俱係行兵要用現據福康安查明藏地本產硝磺鉛觔一面就近採辦並添買良馬數百匹以備乘騎

所有達賴喇嘛處及各呼圖克圖噶布倫等處交出火藥鉛子礮位馬匹等項著福康安查明酌給價值以示體卹藏地有加無已至意○又諭此次直隸派出辦差兵丁著加恩賞給一月錢糧○又諭嗣後駐劄

陵寢辦事王公宗室等如有情願將本身俸米移於就近該州縣倉內支領者俱聽其便以省運費並著為例○諭軍機大臣等前因德成勘估潼關工程將不應添修之水關泊岸

堆撥濫行浮估虛糜帑項至一百三十餘萬之多經和琳前往查明因即降旨將德成革職交刑部治罪嗣經刑部定擬斬候因屬罪所應得但念德成辦理此事祇係拘泥成見藉以興舉大工成其執拘之名尚無侵肥入己情弊且在工部向屬奮勉情罪尚屬可原著即加恩釋放至德成舊患目疾並著留京王大臣察看是否尚能通明辨物抑或竟成盲瞽即行據實覆奏勿得稍存迴護候朕另降諭旨○又諭據陳用敷將安南國王阮先平謝恩表文進呈朕披閱該國王表內所稱節次祇領頒賜御製詩章書扇及玉象荷包等件具表恭謝情詞懇摯感激實出至誠深堪嘉獎已於表內用硃筆批示茲將原表發回並賞給該國王玉煖手一件寄信諭旨一道一併發交該撫接到後即派委妥員齎赴鎮南關交該國鎮目轉交阮先平收領將此傳諭知之○又諭朕本日行抵秋瀾有道

旁叩聞貴州民人楊秀錦隨令軍機大臣訊取供詞進呈該犯係貴州鎮遠縣人素當本縣董長催取每年應徵錢糧從前俱按畝徵收米石自四十八年以來改徵折色每地一畝徵銀遞年加增因加徵銀兩太多催交不齊屢被責打受苦不過攜帶串票來京申訴等情細閱該犯供詞折徵之始每畝折銀六錢五分遞加至二兩一二錢不等上年則仍徵一兩二錢等語地畝錢糧徵收米石自有定例何以改徵折色且遞年既經加多何以上年銀數又復減少種種情節自應徹底根究以成信讞但該縣民人交納錢糧者甚多何獨該犯一人不憚遠來赴京控告或另有唆使賄囑之人亦未可定如該犯所供情節竟屬虛誣自當治以應得之罪以儆刁風若該地方官果有加徵之事更不可不嚴行查辦據實奏著傳諭姜晟於滇省民人那耀宗等控告爭奪家產一案審辦完竣即順赴

黔省提集犯證。秉公嚴審定擬具奏。此係隔省之事。該撫自無所用其瞻徇也。○是日。駐蹕秋瀾村行宮。○庚辰。

孝賢皇后忌辰遣官祭

陵寢。○諭軍機大臣曰。鄂輝等籌辦聶拉木等處分兵防守。並繪圖貼說進呈。所辦殊屬非是。從來行軍制勝之達。全在能得要領。若攻其腹心。擣其中堅。自必紛紛瓦解。況賊匪巢穴既小。兵自無多。合計不過萬餘。即使賊兵

各路散漫而來。而巢穴既覆。則賊匪失所憑依。不攻自潰。豈有於通賊道路。一一派兵防禦。轉令進剿之兵。以分而見單。即如圖內所繪薩喀地方。係在絨轄定結等處之後。賊匪又豈能越過各處。繞至薩喀。乃鄂輝等亦派兵二百在彼駐守。其漫無措置。即此已可概見。看來鄂輝成德竟係胸無把握。心存畏怯。以致調度失宜。前此朕尚慮伊二人或有冒昧輕進之處。今則不患其不詳慎。祇患其不

奮勇矣。鄂輝成德俱著傳旨嚴行申飭。伊二人竟不可恃。雖據奏鄂輝現自聶拉木起程。統至拉子一帶。前赴宗喀成德亦由第哩朗古帶兵前往。但伊二人既如此懦怯。無能亦未知何時能到。即使勉強到彼。帶兵無幾。亦難望奮勇攻剿。計此旨到時。福康安自早已馳抵邊界。將屯聚之賊全行殲滅。廓清後路。現在續調屯土官兵及索倫達呼爾兵亦已陸續齊集。福康安即統領五六十勁旅進剿。

為擣穴擒渠之計。至大兵深入後。濟龍聶拉木兩處為通賊要路。自應分兵駐守。但祇須每處派兵二三百名足敷守禦。其餘各處俱不必零星分布。將有用之兵置之無用之地。○又諭曰。奎林向來領兵打仗。不辭勞瘁。此次特派前往。原以伊係軍營得力之人。足當一面。乃因頭患熱癰。日久未愈。精神實不能支持。殊為軫念。著傳諭奎林在江卡安心調理。以冀就痊。不必過於焦急。轉致增劇。○是

日駐蹕梁格莊行宮。○辛巳

上謁

泰陵

泰東陵俱未至碑亭。即降輿慟哭。步入

隆恩門詣

寶城前行禮躬奠哀慟。王以下文武大臣官員

隨行禮。○是日駐蹕東北溪大營。○壬午清

明節遣官祭

永陵

福陵

昭陵

昭西陵

孝陵

孝東陵

景陵

泰陵○

上命

皇十五子嘉親王

祭

泰東陵遣官祭

孝賢皇后陵

端慧皇太子園寢。○是日駐蹕隆山村大營

○癸未諭朕此次恭謁

西陵巡幸五臺經過直隸地方已加恩蠲免本

年地丁錢糧十分之三。惟念經過各州縣尚

有節年因災出借米穀各項。若仍令一併帶

徵小民輸將未免拮据。著再加恩將大興安

肅新樂正定定州望都清苑新城等八州縣

未完節年因災出借米麥穀三萬四千五百

五十四石零概行豁免。用示朕惠愛黎元有

加無已至意。該部即遵諭行。○諭軍機大臣

曰書麟奏請修理江都等處營房一摺。據清

單內所開江都縣孫基港等五汛營房於乾

隆四十八年五十年修理後現已坍塌。應修

又興化縣大團汛等十一汛營房於五十三

年修竣現經倒卸勘明應修等語。向來修理

營房俱有一定年限。如果修建已在十年之

外或有坍塌傾圮自應勘明照例請修今江都縣孫基港等處營房自四十八五十年修理後距今不過八年六年亦何致即有坍塌至興化縣大團等汛甫於五十三年修竣距今祇有三年為期更近亦一併列入應修單內明係營弁藉此為名欲需餘潤而該縣亦扶同朦混彼此分肥其弊顯而易見乃書麟並不親身查驗又不派大員履勘率據屬員詳請開單具奏請修殊屬非是著該督將是否文武員弁通同借此開銷及因何不遵年限率請修理之處據實明白覆奏毋得稍有迴護致干咎戾除原摺交部叵議外將此傳諭知之○又諭朕啟蹕以來連日途次天氣頗覺乾燥望澤甚殷本日得有雨澤雲氣寬廣京師是否同霑朕心深為廕念著傳諭留京辦事王大臣京城一帶是否已沐春膏或亦覺有乾燥之處如未得雨照例於兩處祈雨若業經得雨即行迅速具奏以慰廕念○

是日駐蹕五郎村大營○甲申諭本日刑部具題因姦謀死本夫兩案一係山西趙希元子因與張崔氏通姦情熱起意商同姦婦張崔氏謀勒本夫張揚寶子身死張崔氏聽從下手該部照原擬將張崔氏依律凌遲處死趙希元子擬斬立決一係河南省熊在法與胡氏通姦熊在法起意圖娶用言試探經胡氏斥罵熊在法將本夫余天毒害胡氏聞知即將姦情實告伊姑指拏到官該部照原擬將熊在法擬斬監候聲明胡氏尚有不忍致死其夫之心按律擬絞監候例應減等發落此兩案同係姦夫起意謀死本夫其趙希元子一案因姦婦張崔氏知情同謀斃命將張崔氏問擬凌遲趙希元子亦問擬斬決蓋因趙希元子既殺本夫於非命又陷姦婦於極刑自應如此定擬至熊在法圖娶胡氏毒死本夫其因姦謀殺本夫與趙希元子一案情罪相同特因胡氏一聞熊在法圖娶之語

即行斥詈及余天被毒身死又復即告知伊姑指拏到案尚有不忍致死其夫之心是以援例減等而姦夫熊在法則淫兇已極於法實無可寬且揆之情理姦夫與姦婦商同謀死本夫者因彼此戀姦情熱本夫之死尚出同謀若姦夫一人起意姦婦既未知情及用言試探又復詈罵不從是本夫之死實係姦夫一人主謀較之商同謀殺者其情更為淫惡原不應照尋常謀殺之案定擬斬候乃該部於趙希元子一犯因本婦知情將姦夫問擬斬決於熊在法一犯因本婦不忍致死其夫即將姦夫問擬斬候同係因姦起意謀殺之案輕重兩歧殊未平允嗣後該部遇有此等因姦謀死本夫係姦夫起意者除將姦婦分別知情與不知情仍照舊例辦理外其姦夫當照起意之律問擬斬立決以儆淫兇此案熊在法即照此辦理除將原題改發批發外將此通諭知之○諭軍機大臣曰福康安

統領大兵勦辦廓爾喀賊匪特授為將軍與外省駐防將軍體制稱謂相同究覺等威莫辨此次福康安應稱為大將軍遇有檄諭行文等事竟以大將軍列銜更覺威嚴尊重足使番衆生畏賊匪破膽○是日駐蹕東渡亭大營

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十八

大清高宗法天隆運至誠先覺體元立極敷文
奮武孝慈神聖純皇帝實錄卷之一千三百九十九

監修總裁官陸建勳官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部尚書院事務正黃旗滿洲副都統世襲騎都尉軍功七級隨帶加一級奉 上諭事務處管理

總纂官陸建勳官太子太傅文淵閣大學士文淵閣領閣事稽察欽奉 上諭事務處管理刑部尚書

世襲騎都尉軍功七級隨帶加二級又加二級稽察欽奉 上諭事務處管理刑部尚書

年書紀略十四次自總纂進講官太子少保工部尚書紀略六次自書紀略等奉

教修

乾隆五十七年壬子三月乙酉調鑲白旗滿

洲副都統德福為山海關副都統是日駐

蹕隆村大營丙戌諭據恒瑞等奏稱管守

三官廟之民人李福因患瘋疾手持小刀顛

狂尋鬧當經管街之千總庫宣駁打掌批延

至次日斃命請將千總庫宣革職枷號仍留

該處効力行走並請將代為諱報之筆帖式

福克進斥革等語民人李福平日有無瘋症

有何查考確據或係庫宣李福素有嫌隙毆

打致死後復畏罪捏詞具供亦未可定再庫

宣駁打李福之時筆帖式福克進並未在彼

及事出之後又代為隱匿不行申報情節亦

屬可疑恒瑞等並不詳細研訊執據庫宣等

供招即信以為實率行定擬具奏殊屬辦理

糊塗恒瑞等著嚴行申飭千總庫宣筆帖式

福克進俱著革職拏問派委官兵解京交刑

部嚴行明白審訊○諭軍機大臣等據恒瑞

等奏察罕烏蘇地方向有烏梁海等在彼游

牧請派兵清查即將該地賞給伊等不收租

賦等語察罕烏蘇地方寬遠烏梁海在彼游

牧相沿已久今忽為市恩之舉紛紛派擾成

何事體恒瑞等著嚴行申飭並令嗣後祇照

例巡查勿得越哈屯河滋擾○調正藍旗漢

軍副都統和琳為鑲白旗滿洲副都統以戶

部右侍郎額勒春為正藍旗漢軍副都統○

旌表守正被戕湖北孝感縣民夏學超妻連

氏是日駐蹕王快鎮大營丁亥諭軍機

大臣同河南巡撫穆和蘭議奏河南攤徵河

工幫價積欠銀兩請將民欠已攤未完銀一百八十八萬餘兩仍於通省均攤分作十年帶徵其未攤豫發銀九十六萬餘兩請著落乾隆三十年以後初議幫價及踵行之巡撫總河並司道府廳州縣河工道廳各按在任久暫年月分別著賠一摺準情酌理所議亦是前因豫省河工幫價已攤未完銀兩積欠甚多特降旨分作十年帶徵以紓民力並將此項通省攤徵銀兩或仍改歸沿河三十二

州縣按數完納俟穆和蘭前來迎駕時著軍機大臣會酌妥議具奏茲據奏稱已攤未完民欠尚有一百八十八萬餘兩之多而沿河州縣祇有三十二處歸併均攤似覺喫重仍請通省均攤分作十年帶徵固為衆擎易舉起見但此項幫價皆由從前承辦大小各員任意浮冒以致累及閭閻積年遞壓負欠甚多今定以十年帶徵為期已屬寬裕在小民急公知感自必踴躍輸將但十年之期甚遠

依限徵催逐年皆有帶徵之項民力未免拮据朕甚憫之是以前降諭旨內欲俟朕歸政之期再行酌量加恩惟是朕軫念民依無時或釋凡屬加惠黎元之事不惜逾格施恩亦不肯靳澤逾時俾小民早霑愷惠著將此項十年帶徵銀兩按照每年應完銀十八萬八千餘兩之數祇徵四年並著將此四年之限寬作八年則民力益紓其餘六年應帶徵銀一百一十二萬餘兩著竟加恩豁免此實朕

子惠元元有加無已之意小民具有天良平日偶遇水旱不齊朕不靳千百萬帑金蠲賑頒施弗使一夫失所今距歸政之期已近復大沛此恩俾豫省億萬生民益臻樂利其未完豫派銀九十六萬餘兩一款因定議之員創為幫價踵行之員擅行給發或竟侵漁肥己其咎均無可寬且此項豫發銀兩係乾隆五十四五六年由司庫豫發非遠年攤項可比乃該省總河巡撫並未先行奏明輒踵

仍積弊以豫辦物料為詞擅行動支給發本應照議著落自乾隆三十年以後創議幫價及踵行之歷任總河巡撫司道府廳州縣並河工道廳分別在任久暫年月按數分賠以示懲儆但銀數未免稍多且自乾隆三十年以後歷任大小各員人數亦眾朕於無可加恩之中再為破格曲予恩施著將此項應賠銀九十六萬餘兩內免賠四十六萬餘兩僅令分賠五十萬兩所議統限三年依數歸款

之處亦予限四年再每年幫價銀兩前經降旨概行停止此項河工歲需料物固由各州縣採購交工而辦理工程開銷料物皆係河員經手尤應責成總河隨時稽察務令實用實銷毋任承辦之員仍前冒濫而採買之各地方官亦當按照例價購辦不得絲毫派累民間如河工地方各員再有前項弊端則惟該總河巡撫是問決不稍為寬貸著將此旨謄黃偏行曉諭俾豫省小民咸喻朕格外施

仁體恤周至之意○是日駐蹕法華村大營戊子賜扈蹕王公大臣蒙古王貝勒貝子公額駙台吉及直隸官員等食○諭甘肅提督蘇靈前據勒保奏奏備辦帶兵官員由西寧赴藏馬匹贍分平常經該督駁換補解仍有不堪備用之馬業經降旨將蘇靈交部嚴加議處將來部議上時自應離任蘇靈著即來京候旨其甘肅提督員缺著烏大經前往署理俟服闋後再行實授○是日駐蹕大教

場行宮○己丑諭朕此次巡幸五臺所有山西辦差兵丁著加恩賞給一月錢糧○又諭請轎校尉御輿太監牽騾馬甲等著每人賞給一月錢糧○諭軍機大臣等前據福崧奏范公塘一帶原係建築石壩嗣經琅玕以石塊易於衝失奏請停修如遇應行修築之時一體改築柴壩自停修以來石壩已多坍塌若改築柴壩頭一項不特需柴甚多且石壩挑溜極為得力現將石壩如式捐修一摺因

查從前琅玕所奏內稱石壩一項係用碎石裝入木櫃排列海邊復以碎石圍繞堆護根腳既不能排釘木樁又不能用灰漿澆灌一遇潮大之時易於潑損坍塌不若柴盤頭可以釘木作樁能耐潮水衝刷等語朕以兩說皆各有理但建築石壩易滋工員浮冒之弊而改用柴工又虞民間日用柴薪或致缺少是石壩柴壩兩項究竟孰為得力孰為經久之處未能遂定因令長麟前赴范公塘一帶

履勘體察情形東公據實覆奏茲據長麟奏稱石壩係沈船載石為基體重根牢即遇風潮汹涌不過頂上木櫃及浮置碎石衝損斷不能搖動壩基若改作柴工一遇風排浪湧拔樁走埽漂蕩全無似應仍用石壩等語范公塘一帶大小石壩已閱多年現在壩基依然穩固止須畧為修補即可收事半功倍之效若改用柴工偶遇風潮即屬易於汕刷而基址尚存碎石釘樁下埽又復難以施工况

每年多費柴薪於小民日用之需亦多未便是柴工不如石工之堅固經久有益於民顯而易見從前琅玕有何所見而率為改用柴工之奏輕議更張且改用柴壩後亦應即為修理加意保護以資捍衛何以並未補修以致壩工現有坍塌之事著傳諭琅玕令將從前何以請改柴工又何以並不修理之處據實明白回奏長麟福崧原摺著一併鈔寄閱看是日駐蹕臺麓寺行宮○庚寅諭朕向

來每遇巡幸所有經過地方俱加恩蠲免地丁錢糧十分之三五臺非清蹕常臨之地此次巡幸駐蹕尤宜逾格施恩用敷渥澤所有五臺一縣本年地丁錢糧著加恩蠲免十分之五其大同朔平二府屬未完糧一萬八百四十八石零和林格爾廳未完米九百八十九石零亦著全行豁免以示朕惠愛黎元省方行慶至意該部即遵諭行○又諭前因福康安統兵進剿廓爾喀由青海一路馳赴西

藏道路遙遠沿途犒賞不無需費曾經加恩於軍需銀兩內賞給銀一萬兩現在福康安統領大兵已於二月十七日馳赴邊界將來進兵時一切獎賞自仍需用著再加恩賞給銀一萬兩仍於藏內所貯軍需銀內支給以示體恤諭軍機大臣曰長麟奏查勘范公塘一帶石壩係沈船載石為基堆積石塊增高出水體重根牢即遇風潮汕漂不過頂上木櫃及浮置碎石衝損斷不能搖動壩基若改作柴工一遇風排浪湧拔樁走埽漂蕩無存似應仍用石壩等語此事於乾隆五十四年四月內據琅玕奏范公塘一帶所築挑水石壩碎石堆積不能排釘木樁易於坍塌卸不若柴盤頭一項可以釘木作樁根腳堅固彼時朕以琅玕所奏情形尚屬可行本年二月內據福崧奏以此項石壩基址尚屬堅固廢棄可惜若改築柴壩不特需柴甚多且挑溜不能得力現將石壩如式捐修以資捍衛等

語與琅玕所奏情形互異朕以兩說皆各有理但不能遙定因令長麟前赴杭州范公塘一帶逐細履勘究竟石壩柴壩兩項孰為有益東公據實覆奏今長麟既偏主福崧之說以石壩為是則琅玕所議改築柴壩所見即屬錯誤前此朕令長麟前往海塘履勘原欲於福崧琅玕兩人所議孰得孰失之處確切指陳乃長麟摺內祇稱宜用石壩將柴壩無庸置議而於琅玕原辦錯誤之處並未逐細聲叙意存迴護調停殊屬非是至琅玕於五十四年四月內奏請改用柴壩後迄今已及三年是否將此項柴壩開工修築福崧於五十五年秋間抵任至本年二月亦已過年餘如何始將應行修築石壩之處具奏其五十五六兩年是否照琅玕所辦將柴壩仍行修理若云此項壩工全為挑溜護塘所築則無論用石用柴自應隨時修整何以兩年任其坍塌若係無關緊要之壩又何必多此一舉

徒滋糜費殊不可解著傳諭福崧即將此次柴壩是否業經修築被水衝坍抑竟未動工所請改作石壩現在曾否修建據實覆奏再細閱圖內挑水壩基上窄下寬堆作坦坡周圍係屬圓形儘可藉以挑溜又何須於壩頂安設木櫃此項木櫃舊製本屬方形今長麟又欲改作三角雖長麟所奏側身讓水之言尚屬近理但設此木櫃究係何用亦著福崧一併覆奏至柴工自不如石壩之堅固經久況每年壩工多費一萬柴勦民間即缺少一萬柴勦之用柴價不無稍增於小民日用多有未便自應照長麟所議行並著福崧悉照所議妥協修辦以副朕慎重海防保護民生至意除另降諭旨傳諭琅玕回奏外將此諭令知之 河南巡撫穆和蘭覆奏豫省民情質樸向無私銷私鑄復奉恩旨於呈繳小錢數目稍多之戶量給價值俾無賠累小民具有天良自必爭先呈繳惟與各省水路毗連

處所商販流通易於夾襍現飭地方官實力稽查可期收繳淨盡報聞 蠲奉天錦縣乾隆五十六年旱災額賦 旌表守正捐軀河南扶溝縣民陳鞏妻李氏山西襄陵縣民席善祿妻崔氏 是日駐蹕白雲寺行宮 辛卯諭據德勒克扎布奏稱和碩特原任四品台吉楚魯木羅藏之妻等現在孀居無可依倚應每年各賞銀十兩以資養贍等語前以和碩特之原任四品台吉楚魯木羅藏曾經降旨挑在乾清門行走俾得俸餉以資生計詎楚魯木行至多倫諾爾地方身故現在伊妻及羅藏之妻孀居無靠安忍聽其養贍無資若照德勒克扎布所請僅賞銀十兩未免較少著加恩楚魯木羅藏之妻等每年於房租內各賞給二十兩銀普爾錢俾伊等終身得有養贍之資以示朕體恤蒙古世僕至意 諭軍機大臣等朕此次巡幸五臺於二十日過長城嶺風日暄和蹕途極為順適即扈

從人等行走皆各安穩。本日已抵臺懷。即詣菩薩頂殊相寺拈香瞻禮。天氣猶覺晴朗。迨至未刻。祥雲飄灑。霑渥甚為優厚。特此隨報。諭知現在京師一帶正值望澤之際。是否一律均霑。抑或得有膏雨之處。著留京王大臣據實覆奏。以慰塵懷。將此諭令知之。○是日駐蹕菩薩頂行宮。至乙未。皆如之。○壬辰。賜扈蹕王公大臣蒙古王貝勒貝子公額駙台吉及山西官員等食。○諭成都將軍奎林。秉性肫誠。持躬端謹。久經行陣。為國宣勞。實為奮勇出力。上年以廓爾喀滋擾衛藏。特授奎林為叅贊。命其馳赴藏地。會同福康安等帶兵勦捕賊匪。昨據孫士毅奏。稱奎林行至江卡地方。因頭患熱癰。精神委頓。當經降旨。慰諭令其在江卡地方安心調攝。不必過於焦急。並賞給荷包奶餅。用示眷注。冀其速痊。茲據孫士毅奏。於江卡身故。聞之深為悼惜。奎林雖係因病身故。究屬沒於王事。著加恩賞

給銀二千兩。辦理喪事。伊子崇倫現已馳抵江卡。即令沿途照料。入城治喪。仍著入祀賢良祠。所有應得卹典。該部察例具奏。○諭軍機大臣曰。福康安等奏到詳察賊匪情形。各摺賊匪當肆行滋擾之後。仍不知悔懼。其所寄各稟信。尚敢逞其詭譎。總藉索欠為詞。意在歸咎唐古忒人等。脅誘說和。情殊可惡。而沙瑪爾巴給噶布倫信內。竟敢張大賊勢。虛聲恫喝。此賊罪大惡極。實不可恕。但所寄各稟信。特藉欠項為名。以見曲在唐古忒人等。豫為卸罪。乞降地步。是賊匪稟信內。雖未露服罪之意。而中情恇怯。已屬顯然。福康安等惟有堅持定見。勉奏膚功。現已行至朗噶地方。計日內早已直趨宗喀。將擦木濟龍賊匪痛加勦洗。再行厚集兵力。直抵賊巢。惟佇俟捷音馳至耳。又福康安現在檄諭喇特納巴都爾薩野。令將沙瑪爾巴瑪木薩野縛送軍營。如果能將此數賊設法生擒。厥功不小。若

賊匪懷疑觀望不即投赴軍營福康安等即當統兵深入直搗賊巢以期一舉集事再此次進剿賊匪成德尚屬勇往郭輝未免巧於趨避俟伊二人宗喀會集後進攻擦木濟龍賊匪時究係何人出力著福康安秉公具奏○癸巳諭朕此次巡幸五臺所有直隸山西駐蹕行宮雖係從前發帑修建但自上屆巡幸以來已閱數年不無粘補糊飾之費著於長蘆運庫應解廣儲司項下各賞給銀一

萬兩以示體恤○安徽巡撫朱珪覆奏安省向無鼓鑄錢局私鑄私銷之弊較他省尚少惟沿江水陸通衢商賈夾帶小錢積少成多前經勒限二年收繳茲各屬陸續解繳者已有三萬餘觔現仍飭屬依限收繳并責成蕪湖關口查船委員實力稽察得旨為之以實持之以久○甲午諭據保成奏喀喇河屯滿洲馬甲和楞額因酒醉在街濫行酗罵當經佐領福山保防禦克崇額將馬甲和楞額責

打三十餘板和楞額即於次日殞命請將福山保克崇額交部治罪等語馬甲和楞額酒醉酗鬧其該管官員等理宜教訓責處若因其身死即將官員治罪則此風一長官員等將至難於約束兵丁矣但僅責三十餘板亦斷不至於身死必其非法責打和楞額始至殞命保成所奏不甚明晰著將保成申飭外佐領福山保防禦克崇額著交部議處○兵部等部議奏難廕員弁於乾隆四十年奏准發標學習限年甄別定例惟嚴惟是補缺年限未經酌定人多壅滯候補無期嗣後應令各督撫以該員弁等到營學習之日為始統限五年期滿後人材弓馬可觀仍按照各員到營日期換次題補如有始勤終怠前後異轍者不拘年限即行勒休其自揣才力不及或以窘乏呈請告退者亦無論年限准其告退倘考拔不公准令據實呈明各該提督及督撫等嚴行究辦至科布多烏里雅蘇台換

防屯田兵丁係由直隸宣化鎮屬酌撥二百九十名山西大同鎮屬酌撥三十名五年一換其奮勉者由該管大臣保列一等行文該督撫以應拔之缺酌補惟是保送過多漫無限制日積日衆候補需時嗣後應令該管大臣詳加察覈每處每次數計原派額數准於二十名內保送一名寧缺無濫從之○乙未諭曰秦承恩奏陝西辦理鹽務情形一摺據稱該省遵照新定章程以來西安同州兩府

屬鹽價較往日每觔約減錢二文與安商邠等府州屬程途較遠鹽價亦有減無增各糧戶以買鹽所減之錢完納所增些須之額課有贏餘等語覽奏嘉悅河東鹽課改歸地丁一事原期商民兩便利歸於下使貧富均霑實惠自改行以來陝省西安等府州屬鹽價即已減落可見調劑得宜其效立應况鹽觔為閭閻每日必需之物價值既減則小民每日皆有節省而應攤鹽課每年祇納交一次

以日日節省之數完一年應攤之課其贏餘不可勝計昨經面詢馮光熊蔣兆奎合稱本年晉省自弛鹽禁後察訪各行鹽處所價值俱已減落民間毫無攤課之累而有食賤之利今秦承恩所奏陝省情形又復相同是鹽課改歸地丁洵屬有利無弊豫省州縣內亦有行銷河東鹽觔之處自己一律奉行何以穆和蘭並未將該省情形據實具奏即前日該撫來行在迎駕召見時因加恩寬免展限

積欠未暇問及此事著穆和蘭將豫省鹽價現在如何減落及商民均有利益之處確切查明即行明白奏覆以慰廑注○諭軍機大臣等前據長麟奏查江蘇上元等九縣沿河官塘於額設驛站夫馬之外又有站船一項奏請裁撤一摺已經該部議准行令有站船省分查明覆奏矣驛站經費攸關國帑江蘇省上元等九縣既有額設馬夫接遞文報是此項站船洵屬虛設無用書麟在兩江總督

任內已久自應早為奏請裁撤何以從前並未具奏可見書麟於此等事件漫不留心致留此虛設之船任聽屬員等浮冒開銷殊屬非是著傳諭該督將因何不將此項站船奏請裁撤之處據實覆奏至長麟於地方事務應行陳奏之件自當留心辦理書麟亦不可因有此旨稍存意見與該撫不和以致辦公掣肘也○又諭據王懿德奏福建委員安遠寨巡檢陸允恭領銀赴滇採辦銅觔與正委

員連城縣知縣楊環共領銀九萬三千九百五十餘兩計裝九十三鞘現在查對止裝九十鞘其餘銀三千九百五十餘兩俱係散領攜帶又陸允恭於領運正銀之外尚有津貼銀一千三十三兩及附帶解還滇省銀一千兩該員現已丁憂應交楊環一併查收管解除未經入鞘之銀三千餘兩已據楊環接收清楚其領解津貼及附帶之銀二千餘兩該員不能點交請將陸允恭革職拏問一摺已

明降諭旨將該員革職拏問矣此案領運辦銅銀兩既據福建原咨稱係九十三鞘該員止裝九十鞘其餘銀三千九百餘兩並未裝鞘自係冀圖取攜自便可以隨意挪用現在點交雖無短少情事其未經裝鞘之處已屬非是至該員附解之銀二千餘兩不能如數點交是其將領運之銀任意侵用以致虧缺情弊已屬顯然不可不嚴訊著追以清官項而示懲儆該員之母寄居滇省病故該員得

信後自即赴滇著傳諭雲貴各督撫即就近截拏提訊嚴審實情定擬具奏其侵用官項如不能依數歸款即咨明該員原籍及任所地方官查明貲財變抵歸款至正委員知縣楊環係領銀同解之員何以於陸允恭私用官項之處並無覺察亦著該督撫等就近查訊○丙申諭朕昨日駐蹕臺麓寺行宮因北垣外並未設堆撥亦未傳籌將管理行營之前鋒統領護軍統領及總理行營事務之王

大臣等分別議處以示懲戒矣。朕辦事五十餘年，加恩衆庶，天下太平。即朕夤夜獨行，亦復何虞？獨是衆多臣僕，隨君出狩，竟不設堆撥，不行傳籌，有是理乎？將來子孫，亦或有巡幸各處者，凡駐蹕之處，牆垣週圍，不設堆撥，不行傳籌，必至舊制廢弛，不成事體。著每次行圍時，令總理行營事務處及護軍統領等，務將此旨宣示一次。是日駐蹕白雲寺行宮。丁酉諭朕覽國史傳宏烈列傳，載其生平忠烈事實，甚堪嘉獎。傳宏烈任慶陽府知府時，即豫知吳三桂蓄謀不軌，首先許告，及巡撫粵西正值吳三桂倡亂之時。

聖祖仁皇帝授為撫蠻滅寇大將軍，傳宏烈親統官兵，恢復梧潯等處，屢奏捷功，勞績懋著。嗣又密疏尚之信種種逆謀，請削其藩封，分其兵柄，陳詞愷切，備極忠誠。後為吳三桂逆黨馬承蔭所紿，刳往貴陽，抗節不屈，罵賊捐軀，蒙

聖祖仁皇帝優卹，賜諡並准祠祀桂林。

世宗憲皇帝復勅入祀昭忠祠，以褒忠蓋。朕披閱傳內所列事蹟，嘉其志節良用憫焉。傳宏烈著再入祀賢良祠，並令江西巡撫查明傳宏烈後嗣有無官職，現執何業，據實具奏。以副朕篤念蓋臣至意。○是日駐蹕臺麓寺行宮。戊戌諭軍機大臣等，昨據留京辦事王大臣奏京師於二十四日微雨飄灑，不成分寸，現在虔誠祈禱等語。此次駐蹕臺懷於二十二二十四等日，渥霑雨雪，直隸阜平一帶據張誠基奏報於二十三日得雨三寸，永瑣等亦報得雨三寸。本日駐蹕教場，現在雲勢濃郁，可期即沛甘膏。惟念京師自入春以來，總未得有透雨，農民待澤正殷，朕心深為廕注。著傳諭留京王大臣，如日內得有雨澤，即行由驛馳奏，以慰廕注。倘尚未得雨，即由本報覆奏，可不必專摺馳遞也。○是日駐蹕大教場行宮。○是月兩江總督書麟、江蘇巡撫

覺羅長麟覆奏江蘇省錢價現惟太倉等五州縣較前稍增其句容等三十二州縣仍俱同前上元等三十二州縣較前又賤查寶蘇局實存制錢十六萬餘串計支放五十八五十九兩年兵餉尚屬有餘今春暫緩開鑄應請於來年正二月內仍行按卯鼓鑄支放兵餉照舊辦理至私鑄私販上年拏獲懲治後已俱斂跡現仍督飭各屬實力嚴拏得旨嘉獎書麟又奏江安兩省自二月十六以來

先後得雨下江之江蘇常鎮揚淮徐上江之安太廬泗和等府州屬於三月初三四五等日復得雨三四五寸不等各處膏雨頻霑二麥暢茂至河工各廳春修埽壩工程俱屬妥善江以南蘇松糧道所屬及浙省重運漕船已全數渡江北上湖廣江西幫船亦由江入運銜尾遞行淮揚運河及邵宿桃清運中河內水勢充裕得旨欣慰覽之○陝甘總督勒保覆奏甘省地處沿邊並不出產銅觔亦未

設有錢局向無私鑄私銷但恐小民趨利由隣省夾帶小錢撓雜行使前經立限收繳現仍督飭所屬實力稽查得旨持之以久可也

大清高宗法天隆運至誠先覺體元立極敷文奮武孝慈神聖純皇帝實錄卷之一千三百九十九

大清高宗法天隆運至誠先覺體元立極敷文奮武孝慈神聖純皇帝實錄卷之一千四百

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭事侍衛理
吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次 慶桂
總裁官總纂官太子太傅文淵閣大學士文淵閣領閣事稽察欽奉 上諭事侍衛理藩院事務正黃旗滿洲副都統軍功紀錄一次
世襲騎都尉軍功加十九級隨帶加二級又加二級尋常加二級軍功紀錄一次 那蘇圖
尋常紀錄十四次 德興隆隨帶官太子少保工部尚書紀錄六次 臣書保等奉
敕修

乾隆五十七年壬子夏四月己亥朔享

太廟遣順承郡王倫柱恭代行禮是日駐蹕法華村大營庚子諭據明興等奏審明克里雅城之阿哥木伯克邁瑪特尼雅爾攢收小回子等布匹事分別治罪請旨等語摺內已批該院議奏矣去歲五月內回子邁瑪沙控告邁瑪特尼雅爾勒令十五戶回民移居之事因彼時李侍政等並未參奏嚴行辦理姑息完結是以邁瑪特尼雅爾始致驕矜復有攢收屬下回民等布匹之事李侍政錦格

雖俱有應獲之咎但李侍政去歲二月前往巡查各城並未查出邁瑪特尼雅爾所為之事此次邁瑪特尼雅爾騷擾屬下回子攢收布匹等事又係錦格一人聞知轉告李侍政李侍政甚屬怠玩竟不以事為事著交部嚴加議處錦格亦著交部議處○諭軍機大臣等前據諾穆親等奏拏獲惡棍謝君美混入通倉領米兇毆官役一案當經降旨交留京王大臣等審擬速奏但聞向來赴倉領米者往往給與倉書斗級花戶錢文即得好米此次謝君美指稱綿恩府內之人恐嚇花戶或因不肯給與錢文又欲支領好米是以彼此爭執毆打復有諭旨令留京王大臣等嚴訊謝君美包攬領米共有幾次向來是否給予倉書斗級花戶等錢文並此外有無似此需索領米之處一併研訊確情據實定擬本日據留京王大臣等奏謝君美一犯已在監身故驗得該犯兩眼胞俱各潰爛左眼睛塌陷

係被花戶董得祿用灰土揉按兩眼該犯謝君美傷重感受風邪醫治不痊委係因傷身死等語此案謝君美與花戶彼此爭毆既將謝君美拏獲自應送官究治何以花戶董得祿擅將謝君美揉按兩眼至左眼睛塌陷因傷監斃此與罪人已就拘執而擅殺何異看此情形或竟係花戶等向謝君美需索錢文謝君美指稱綿恩府內名目既不給與錢文又欲支領好米以致爭毆何得專指為謝君美一人之罪昨續降諭旨甚明著留京王大臣等即遵前旨內指出各情節向花戶張文煥董得祿詳加究訊並與跟隨入倉之盧祿兒徐保兒彼此質對是否因需索領米錢文啓釁及向來赴倉領米曾否給予花戶錢文之處秉公嚴審各得確情即行定擬具奏將此諭令知之○是日駐蹕王快大營○辛丑常雩祀

天於

園丘遣儀郡王永璇恭代行禮諭曰秦承恩奏陝省辦理鹽務情形一摺據稱該省遵照新定章程以來西安同州兩府屬鹽價較之往日每觔酌減錢二文興安商邠等府州屬程途較遠鹽價亦有減無增各糧戶以買鹽所減之錢完納所增些微之額課有贏餘等語覽奏嘉悅河東鹽課改歸地丁一事原期商民兩便利歸於下使貧富均霑實惠自改行以來陝省西安等府州屬鹽價即已減落可見調劑得宜其效立應况鹽斤為閭閻每日必需之物價值既減則小民每日皆有節省而應攤鹽課每年祇交納一次以日日節省之數完一年應攤之課其贏餘不可勝計昨經面詢馮光熊蔣兆奎僉稱本年晉省自弛鹽禁後察訪各行鹽處所價值俱已減落民間毫無攤課之累而有食賤之利今秦承恩所奏陝省情形又復相同且鹽課改歸地丁洵屬有利無弊豫省州縣內亦有行銷河

東鹽勛之處。自己一律奉行。何以穆和蘭並未將該省情形據實具奏。即前日該撫來行在迎駕。召見時。因加恩寬免展限積欠。未暇問及此事。著穆和蘭將豫省鹽價。現在如何減落。及商民均有利益之處。確切查明。即行明白奏覆。以慰厘法。尋奏。河南向食河東引鹽之河南南陽二府。汝州陝州。暨許州屬之襄城縣。自本年正月更定章程。鹽勛充斥。價值減落七八文至三四文不等。裨益良非一端。得旨。欣慰覽之。○諭軍機大臣等。糧運為軍營首務。臺站烏拉。最關緊要。經福康安與達賴喇嘛。濟龍呼圖克圖等。副商使各站俱有受雇牛隻。照例給價。到站即行。可期無悞。但必統理得人。應付更為妥協。已有旨令惠齡領兵剿賊。不必再回前藏。其一切藏務。令和琳妥為經理。和琳此次馳驛赴藏。行走迅速。約計閏四月內。可以抵藏。所有此項臺站烏拉等事。著交和琳督率統理。可資得力。至

請將川省備調兵三千名。派令來藏。廟爾喀賊匪既侵占鄰近部落三十餘處。地方不靖。我兵乘勝窮追之時。後路愈長。撥兵接續以防賊人抄截。已降旨令孫士毅即將前次備調川兵三千名迅速派撥。催促帶兵將弁。趕日起程赴藏矣。藏內現備糧食已足。一萬五六千人。一年有餘口糧。此時藏內原有兵丁及派調續調屯土各兵。並索倫達呼爾兵。統計共有萬餘。今再加以添調川省兵三千名。亦不過一萬三千餘名。糧石儘有數餘。著福康安等再行酌量。如大兵深入賊境。後賊匪風聞逃竄。自應乘勝窮追。若兵力尚不敷追剿。或於川省兵丁及屯練降番內就近再行添調三四千名。亦不為多。福康安可一面飛咨孫士毅檄調一面。遇便奏聞。以期膚功迅奏。或先將此續調之三千名。先行帶往進剿。再酌量就近調撥三四千名。以為後路接續聲援。亦無不可。福康安既經朕委以軍旅重

寄全仗伊調遣主持不必拘泥請旨以致往返稽遲又據奏附近廓爾喀之哲孟雄宗本作木朗布魯克已披楞等部落前經福康安檄諭令其發兵擊賊為我先驅今仍各守地界逗留不進等語此事前據福康安奏到時朕即以辦理失之太早節經降旨飭諭今福康安察看各部落情形大率觀望遲疑莫能先發各處番兵恐不能恃以集事果不出朕之所料此等附近廓爾喀各部落素被賊匪欺凌若見大兵進擣巢穴聲勢壯盛自必乘賊匪窮蹙協力攻勦藉以報復私仇乃福康安於大兵尚未齊集之時即檄諭各部落發兵協勦則該部落等誰肯先與賊匪為難其觀望不前心持兩端自係必然之理節降諭旨甚明福康安何始未見及此耶至賊匪現在情形雖已併吞三十餘部落但從來用兵之道惟在攻擣腹心得其要領則此外皆望風瓦解不難一舉蕩平即歷觀前代戡定區

宇亦不過扼據形勢於要隘地方併力攻取其餘皆可傳檄而定斷無賊匪有數十部落即須各部落處處派兵進勦之理福康安等惟當厚集兵力直趨陽布賊巢使賊人失其所據此外各部落自必紛紛瓦解一舉集事總在福康安堅持定見激勵將士鼓勇直前生擒首惡固不可存輕視賊匪之心尤不可因賊匪併吞部落較多稍涉遲疑或致餒我士氣也又據奏上年賊匪滋擾扎什倫布時各喇嘛俱已逃散賊匪一至廟內瑪木薩野即在班禪額爾德尼靜房內居住大小頭人分據各處將廟內物件及塔上鑲嵌肆行剽掠金銀佛像搶去大半間有被毀者賊匪在扎什倫布如此肆行作踐其造孽甚重自必速取滅亡而瑪木薩野一犯尤為可惡必須與巴都爾薩野沙瑪爾巴一併生擒方足以快人心而申國憲至鄂輝成德前於二月初五日拜發之摺內稱成德將聶拉木各卡隘

分兵防守後即行前往宗喀進剿濟龍賊匪計成德發揭之期迄今已及兩月即謂屢遇大雪早已春融雪化自應早抵濟龍率兵進剿究竟於何時行抵該處作何剿賊情形總未據成德奏報從前進剿聶拉木賊匪時成德鄂輝先後到彼進剿攻圍已及一月而廓爾喀並未添派賊匪前來接應是賊匪境內並無驛站偵探其怯懦無能之狀已可概見今濟龍賊匪株守一隅坐待殲戮自屬易於辦理成德先抵該處自應帶領官兵奮勇直前悉數剿殺即或力有不能計福康安等此時已可早抵濟龍統率勁旅會合攻圍先將該處賊匪殄滅淨盡壯我軍威俾賊匪聞風落膽定計直擣賊巢迅速成功佇盼捷音之至將此傳諭福康安海蘭察惠齡和琳鄂輝成德知之○又諭據福康安等奏訪明賊匪搶占各部落情形及聶拉木濟龍等處進兵路徑並防守後路通盤籌畫恐兵力尚有不

敷自應速行添調以壯聲援想孫士毅接福康安之信自己將從前備調兵三千名迅速派撥尅日起程赴藏仍應催促帶兵將備速行毋得稍有遲緩將此諭令孫士毅知之○是日駐蹕楊家莊大營○壬寅諭軍機大臣等昨經降旨令孫士毅將前次備調兵三千名迅速派撥尅期赴藏孫士毅接到福康安知會時自即一面派撥起程此旨到時兵丁等當已行過察木多一帶計日可抵前藏彼時正值福康安統兵進剿之際即將此項兵丁帶領前進但將來深入賊境後所有後路聯絡布置留防接應尚須兵力著傳諭孫士毅再行密備屯土兵三千名聽候檄調若福康安不用則已倘若需用一俟福康安知會到日即令星速赴藏勿致稍有遲誤○旌表守正捐軀安徽阜陽縣民陶允萬妻王氏○是日駐蹕樺皮村大營○癸卯諭軍機大臣等本日正定道旁有告狀民人童佩玉一犯

當令軍機大臣審訊。係湖北蘄州人。因伊堂弟童豈磷名下應完糧米被書役舞弊重徵浮收。又將應交米石勒折錢文。任意多收。屢在本省控告承審各員。不為據實審斷。轉坐伊父以主使之罪拖斃監獄。細閱所供情節。雖係一面之詞。但此案控自五十二年。迄今已閱六載。屢經呈訴。該省承審各員任意宕延。並不速為審結。且案關書吏勒折重徵。楚省素稱健訟。此告不為無因。如果屬實。尤應徹底根究。嚴辦示懲。此案童豈磷曾在總督衙門控告。即係單沅任內之事。自不便再交該督審辦。致滋迴護。福寧到任未久。於此案呈控批委處。始終並未經手。毫無干涉。自無所用其瞻顧。著傳諭福寧。即將此案前後所控各情節。弔齊卷宗。親提人犯秉公研訊。毋得擅行轉發。務將有無重徵勒折浮收。及因何懸宕不辦。是否拖斃無辜之處。逐一嚴審確情。按律定擬具奏。以副委任。倘該撫存瞻

護同官袒徇屬員之見。以致案有屈抑。再經控告發覺。則惟福寧是問。除將原告童佩玉照例解往備質。其童作璠一犯交梁肯堂飭屬緝獲。一併解往外將此諭令知之。所有軍機大臣訊取該犯供詞及原呈一併發交福寧閱看。○是日駐蹕正定府行宮翼日如之。

○甲辰

上詣

河神廟行禮。○閱漳沱河。○諭軍機大臣等

直隸正定保定一帶。自三月以來。雖間得微雨。不成分寸。並未霑足。而順德廣平大名三府屬地方。總未據報得雨。豫省彰德衛輝懷慶三府。與直隸順德等處。境壤毗連。聞該處連年缺雨。地土乾燥。待澤頗殷。雖前據該撫奏稱衛輝府屬之汲縣延津彰德府屬之湯陰等縣。於三月初四日得雨一二寸不等。看來亦未透足。現在正當農民望澤之時。是否得有透雨。並未據該撫續行奏報。朕心深為

厘念著傳諭穆和蘭飭屬查明若此時尚未續獲雨澤自應虔誠祈禱或更設法疏濬源泉通山澤之氣以期連霈甘霖從前畢沅在河南巡撫任內曾遣官詣太白山嵩山廟取水祈雨旋獲濃膏嵩岳即在該省穆和蘭亦應倣照辦理何以並未見及豈該撫竟不關心民瘼耶倘該處得雨較遲於麥田有礙該撫務須確查據實具奏為綢繆之計毋得任聽屬員捏報稍存諱飾致令百姓失所也○

兵部議覆山西巡撫馮光熊奏稱山西省原設臨汾等五十四驛大同等十軍站寧武等十二邊站歸化等五廳站大朔寧保等七塘站共額馬三千五百零八匹此外有節次添設之王胡趙城壽陽三驛豐鎮寧遠二廳驛及殺虎口蒙古站天鎮縣等處二十八塘站俱於原設之臨汾等驛內抽撥馬匹安設其錢糧仍在各本驛報銷是此驛支用彼驛報銷恐輾轉解領日久滋弊請照現設名目逐

一更正各歸各驛自行支銷應如所請從之○調工部右侍郎松筠為戶部右侍郎以總管內務府大臣巴寧阿為工部右侍郎○乙巳諭據和琳奏馳抵成都察看各站馬匹皆臃肥足用弁兵等齎遞文報即值山徑崎嶇亦復儘力馳驟可無虞遲誤等語此次進剿廓爾喀一切文報往來關係緊要各該省臺站弁兵等上緊馳遞俱屬迅速並無遲誤從前勦辦兩金川曾降旨將沿途臺站弁兵加

恩賞賚現在正值軍營文報絡驛之際著沿途設有臺站省分各該督撫查照從前金川恩賞之例將馳遞文報奮勉之弁兵等查明先行分別賞賚一次以示體恤該部遵諭即行○又諭留京王大臣等審擬謝君美等冒名領米爭毆摔斛一案將謝君美照光棍例擬斬立決其幫助謝君美踢傷官役之盧祿兒照光棍為從例擬絞監候所辦尚是惟甲斗董得祿因謝君美尖量倉米摔斛兇毆該

犯將謝君美迷眼按地復用磚砸腳踢以致因傷自斃照罪人已就拘執而擅殺律將董得祿擬以絞候覈其情節尚未平允董得祿身充甲斗管理廩口是其專責見謝君美尋釁摔斛毆打官役勢甚強橫暗拾灰土灑迷謝君美兩眼趁勢毆踢與無故逞兇斃命者有間董得祿著於所擬應絞監候罪名上減一等發落餘俱照所議行至旗員應支俸米自當赴倉親領何得將米票擅交鋪戶領賣致啟包攬情弊嗣後著八旗都統徧行傳知無論大小官員俱令自行赴倉支領如有仍前將米票私給碓房米局包領者一經查出即行參奏以示懲儆再鋪戶包攬旗員俸米兵丁甲米與倉書斗級私自交結赴倉支領希圖從中取利其弊由來已久雖謝君美業經破案而似此囤積漁利者必不止謝君美一人著步軍統領衙門順天府密訪嚴拏如有此等包攬領米鋪戶即行拏獲人犯枷號

米石入官示懲以儆其餘○又諭貢楚克扎布著賞給副都統職銜授為烏里雅蘇台叅贊大臣知府台斐英阿著補授圍場總管○豁免福建海澄龍溪嘉義三縣乾隆五十五年分撥運內地漂沒米穀四百八十石○是日駐蹕趙村大營○丙午諭朕此次巡幸五臺所有直隸辦差兵丁業經賞給一月錢糧內有御道潑水兵丁奔走較勞著再加恩賞給銀一百兩交該督均勻分散以示體恤○

是日駐蹕衆春園行宮○丁未

上詣

帝堯廟行禮○諭向來蹕路經過地方搭蓋橋梁原為河渠水道而設此次經過直隸地方道路凡遇地勢低窪並無積水之處亦概建設橋座殊屬無謂昨據梁肯堂稱此項橋梁向來並不開銷此語尤屬非是地方官遇有承辦工程方欲藉端開銷豈有自行出貲賠墊之理今若不准開銷在官員養廉無幾

勢必派及閭閻致滋擾累轉非朕省方行慶惠愛小民之意嗣後遇有此等無水處所不准支搭橋座外所有此次經過地方無水有橋之處仍著梁肯堂據實報部並令向導處及行在工部逐一查明登記於將來報部時准其開銷一半以昭覈實而示體恤○又諭直隸順德廣平大名三府自三月以來並未得有雨澤而豫省河北彰德衛輝懷慶三府屬雖間得微雨亦不成分寸朕心深為廕念昨已有旨馳詢豫省矣現已將屆立夏即甘膏立需麥收亦不無歉薄自應早為設法接濟俾小民不致失所若俟地方官具報到日再降諭旨恐閭閻口食未免拮据現已面諭梁肯堂令其馳赴天津辦理截漕事務並著倉場侍郎劉秉恬會同妥為經理於續到津關南糧漕船內截留漕米六十萬石以三十萬石留於直隸地方以備順德廣平大名三府接濟之需以三十萬石運送豫省以備河

北三府接濟之需雖每府以十萬為率其間視災之輕重戶之多寡令該督酌劑撥用向來山東糧米有係河南漕船運載赴通者此時該省漕糧雖已起卸回空想船隻未必即過天津即可將截留接濟豫省漕米三十萬石順便載回該省交穆和蘭酌量存貯河北備用其直隸截留漕米三十萬石應運貯何地就近備用之處著梁肯堂自行的辦至漕米既在天津地方截留所有旗丁等食米更有多餘即准其就近糶賣該處糧石既得藉以流通於民食益有裨益劉秉恬接奉此旨即行帶員前赴天津其時梁肯堂亦可到彼會同商酌妥協辦理於南糧幫船內酌量何幫截留為便即將該幫米石截留該督等務須籌酌盡善毋許地方胥吏從中滋弊以期小民得受實惠副朕廕念民依先期籌畫至意計截留撥運不無畧需時日並著梁肯堂穆和蘭先將此旨於缺兩地方編貼謄黃使

百姓先知口食有資而市僧亦不敢壟斷居奇方為兩有裨益尋劉秉恬梁肯堂奏截漕六十萬石接濟直豫二省若俟江廣船到未免稽遲應將現已抵津之廬州頭幫先行截留於兩幫內間留一幫不致通壩停斛其米應運直隸大名者由臨清河至衛河直抵府城應運順廣兩府者由漳河至廣平府境應運豫省者由臨清至衛河抵楚旺水次交兌得旨所辦妥知道了○諭軍機大臣等前據

鄂輝成德奏於攻克聶拉木後鄂輝由拉子一帶查催糧運前赴宗喀成德在聶拉木安設礮卡後再赴宗喀與鄂輝會合攻勦濟龍賊匪等語此摺係二月初五日拜發距今已逾兩月總未據鄂輝成德續報勦賊情形已節經降旨嚴飭並令福康安查奏矣聶拉木賊匪經官兵全數轟斃本無須築礮壑卡正應乘官兵勝勢前往濟龍於賊匪猝不及備之時一鼓殲滅乃鄂輝藉催糧為名繞回拉

子成德復以在聶拉木擊卡為詞俱不即往濟龍勦賊是明予賊以暇使得早為設備暗添賊衆或竟乘間逃回巢穴豈不失此機會伊二人如此遷延觀望豈竟思安坐株守抑軍需糧食必須伊等親自負運耶著福康安查明鄂輝成德實在因何遲緩是否有意觀望不前據實查明嚴行參奏此時福康安海蘭察等俱早抵邊界自即前赴濟龍攻勦賊匪前次聶拉木官寨屯聚之賊以鄂輝成德

二人伎倆尚能勦滅淨盡今福康安海蘭察以久歷戎行宿將統領生力勁兵會勦濟龍困守之賊自必早經殄滅馳報捷音諒已在途若此等無能賊匪尚不能剋期殲盡尚安望直搗陽布賊巢一舉蕩平集事耶至鄂輝曾任總督成德曾任將軍寧不知朕辦理軍務曉夜佇盼何以日久並無奏報殊不可解伊等於勦賊一事從前行走既已遲誤今尚不思立功自贖甘蹈罪戾是誠何心並著福

康安傳旨嚴切詢問仍將勦辦濟甯定計進兵各情形迅速馳奏以慰厯注○福建巡撫浦霖疏報乾隆五十六年分上杭漳平二縣建右衛開墾各則田地二十三畝有奇溢額屯田十一畝有奇○予浙江巡洋漂沒署黃巖右營遊擊夏振周等並淹斃兵丁羅元升等三十二名分別賞卹如例○是日駐蹕膏腴鋪大營○戊申諭曰刑部議覆姜晟奏已陵縣知縣鄭遇亨於藍青薦被劉楚玉毆傷

後因病身死一案該縣鄭遇亨雖無信用差役授意婪索情弊但辦理命案並不當場取具屍親確結復聽差役方元稟知屍親藍鴻要餽送又失察差役指官撞騙雖經自行舉發究屬辦理錯謬將該縣鄭遇亨照擬革職一摺細閱原奏情節藍青薦既經該縣驗明委係因病身死而縣役方元稟知屍親藍鴻要求見面該縣疑其在外招搖遂傳喚藍鴻進見藍鴻將銀二百四十兩面為呈送該縣以

藍鴻行賄干求即行坐堂將藍鴻收禁並通詳革審飭提犯證至省究辦如果屬實則該縣鄭遇亨於辦理命案既屬細心且於部民餽送銀兩時立即收禁詳辦操守亦甚清潔此等縣令方當加之獎擢以風示地方官何以該撫姜晟轉將鄭遇亨奏請革職但該縣鄭遇亨於藍青薦因病身死之處既已當場驗明何復任聽屍親藍鴻以毆傷身死具結投案且於縣役方元稟知藍鴻欲求進見時

既不應傳喚進署及至藍鴻呈送銀兩又復坐堂將伊收禁種種情節殊屬支離其中顯有先侵後吐及事後捏飾上司代為開脫令情弊此案先經該撫姜晟奏請將該縣解任質訊及至審擬定案既稱該縣並無婪索情弊復請將該縣鄭遇亨革職安知不因鄭遇亨先侵後吐罪名較重有意避重就輕僅以辦理錯謬失察縣役撞騙奏請革職曲為屬員開脫罪名二者必居其一不足以成信獄

此案必須再行徹底根究。但該撫姜晟係原辦之人。自未便仍交伊審辦。致有迴護。畢沅係總督統轄兩省。湖南雖其所屬。但此事原係姜晟審辦。與畢沅無涉。著該督即親赴湖南。提集案內人証。復加研訊。該縣鄭遇亨有無得受贓銀。先侵後吐情事。不難令其與藍鴻等互相質對。其平日居官操守若何。亦不難詢訪得實。如果鄭遇亨審辦此案。既無錯誤。又無別項情弊。自不應擬以革職。若實係先已受賄。知事將敗露。始行收禁。詳辦則是先侵後吐。有心捏飾。即不致問擬死罪。亦應發往新疆示懲。非僅革職足以蔽辜。向來朕辦理庶務。事無大小。必期無枉無縱。著畢沅秉公據實審擬具奏。此案係特交畢沅審辦之件。倘該督瞻徇同官。仍為屬員開脫地步。別經發覺。恐該督不能當此重咎也。至刑部於該撫奏到定擬之摺。並未將以上指出情節。詳細駁正。執行照擬議覆。殊屬疎漏。並著

將辦理此案緣由通諭知之。尋奏此案供情俱與原審並無出入。惟知縣鄭遇亨催收採買穀石時。因藍鴻擡價居奇。心惡其人。適有伊弟藍青薦命案。驗係病斃。藍鴻混稱有傷。又在外聲言用賄行求。該縣意欲藉此懲治。故令進署。見其懷中取出銀三封。並傷結一紙。立時坐堂革審。收禁通詳。是該縣雖非先侵後吐。而挾嫌入罪。情已顯然。未便於革職之外。照例僅擬杖徒。請發往軍臺効力贖罪。以示懲儆。並請將未能審出前情之撫臣姜晟交部議處。從之。又諭曰。刑部題覆四川省陳啟賢陳啟才殺死胞叔陳公奇。並胞叔之妻陳王氏。依律凌遲處死一本。已照簽發下矣。陳啟賢陳啟才起意偷竊胞叔陳公奇銀兩。挖開牕櫺。入室偷取。因陳公奇驚喊。各用斧將陳公奇連砍斃命。並將陳公奇之妾王氏一併砍傷身死。是陳啟賢陳啟才二犯援竊盜拒捕殺人律。已應問擬斬決。況陳公

奇係該二犯胞叔因陳公奇瞥見驚喊。輒敢用斧毆斃。是該二犯兩重罪案。一死不足蔽辜。間擬凌遲。其罪無可復加。但令其子嗣脫然無事。於情法未為平允。著該督查明陳啟賢陳啟才二犯現在子嗣。年已及歲者。俱著永遠監禁。以為逞兇不法者戒。○又諭據明興奏。葉爾羌所屬十三臺站。內有地畝者四處。無地畝者九處。現將附近各臺站回人所遺地畝查出。分給原無地畝九站等語。各臺站回人均係一體當差。而得項未能盡一從前辦理。已屬錯謬。至無地畝臺站。惟擇有力回人幫同坐臺。無力者則另行換補。尤為非是。此與晉省勒派鹽商無異。如此辦理。伯克等竟可高下其手。久之有力回人漸皆貧乏矣。今明興等於無地畝九站。各將查出地畝分給。其有地臺站亦量為增添。所辦尚好。但各回城俱有坐臺回人。伊等得項。恐亦有辦理不均之處。喀什噶爾參贊大臣總理各回

城事務。著交明亮等會同各城大臣查明所屬各臺站回人得項如有原未盡一者。即著照葉爾羌例辦理。以示朕撫卹回僕一視同仁之意。○諭軍機大臣曰。福康安奏現在兵力未齊。俟前調各兵及索倫達呼爾勦旅全數到來。再行統領進剿一摺。已於摺內詳悉批示矣。福康安等發摺時。各處續調之兵尚未到齊。自難輕進。亦祇可暫為停待。惟所稱濟龍以內擦木地方及濟龍以外熱索橋一道。為通往賊境要路。廓爾喀已分派賊匪在兩處防守。又於絨轄地方添派賊匪數百名。前來在營官寨外砌卡據守等語。此則鄂輝成德二人遷延觀望。不即前赴濟龍攻剿所致。若鄂輝成德於收復聶拉木後。乘勝速往濟龍。絨轄趁賊匪猝不及備之時。將二處屯留之賊奮力圍剿。此時早已廓清邊境。專事攻取賊巢。乃伊二人於聶斃聶拉木賊匪後。鄂輝藉催糧為名。繞回拉子。成德復以聶拉

木罕卡為詞逗留不進遲至兩月有餘是明予賊以暇俾知攻破聶拉木之信於濟龍絨轄兩處添派賊匪接應復砌築碉卡以為負隅死守之計鄂輝成德之罪實無可辭已節次降旨令福康安等查明伊二人是否有意逗留據實具奏並交福康安俟事竣後再行請旨核辦計此旨到時續調屯土各兵及索倫達呼爾兵俱已接續到藏即前日添調川兵亦將次可到得此生力勁兵會剿邊境株守賊匪勢如摧朽拉枯是此時在邊界略為停待轉屬以遲為速之機惟望福康安海蘭察等於剿滅濟龍絨轄兩處賊後統領大兵直搗巢穴蕩平賊境尅日以待捷音之至耳又據奏詢問跟隨嚴廷良之通事趙璉等供稱嚴廷良前赴陽布時曾與巴都爾薩野說及爾等若能恭順噶布倫所許銀兩亦必照數付給等語此事前閱保泰給拉特納巴都爾檄諭內有嚴廷良說王子甚明白懂得道

理之語朕即知嚴廷良與廓爾喀情分甚為熟習其許銀贖地一節該都司早經詳悉底蘊乃始終隱飾其罪實不可宥已降旨將嚴廷良革職拔去花翎留於軍營作為兵丁効力續罪今福康安等所詢通事情形嚴廷良實係知情隱飾自應遵照前旨辦理亦不值再行究詢矣○是日駐蹕保定府行宮翼日如之○已酉諭軍機大臣等昨諭令梁肯堂馳赴天津會同劉秉恬於續抵津關南糧幫船內截留漕米六十萬石以三十萬石接濟直隸南三府以三十萬石接濟豫省北三府已將明發諭旨由驛發交穆和蘭矣該撫接奉後自當遵照辦理但此項米石雖令梁肯堂等就近交豫省回空幫船順便載回而兌收裝運以及沿途照料均須專員經理著穆和蘭迅即派委幹道府大員速行迎赴前途將米石督運回豫並著穆和蘭酌量附近河北三府屬地方存貯備用再截留接濟豫

省漕米雖約以一府十萬石為率。但一須視州縣戶口之多寡。受災之輕重。均勻酌劑。毋許地方官吏從中滋弊。務期民受實惠。方為妥善。仍著遵照昨降諭旨。先行刊刻。謄黃。於該三府屬缺雨處所。徧行曉示。俾窮民知口食有資。而市僧亦不致有因積居奇之事。以副朕軫念民依。先事綢繆至意。○又諭本日有道旁告狀人。湖南辰州府鳳凰廳生員劉大鴻。及里民劉勝學等。喧喊遞呈。當交軍機大臣詢問。所控情節。緣該廳五司。借兵糧為名。派買倉穀。照糧開單。每田一畝。連加耗實需出穀九斗三升。該地方官每穀一斗。僅發官價五分。貧民逃避不前。軌粟差花。戶鎖押等情。並細閱原呈。該處兵糧定例。於各府州產米縣分採買。近年始違例。於該廳五司地方。買穀填倉。照糧派買。又復浮收斗面。準折銀兩。如果所控屬實。則該地方官違例勒買。自應查明懲辦。但劉大鴻身列巽序。軌敢會

合里民。以一廳五司派買之事。並未向該省各衙門具控。徑赴行在呈告。且敢於蹕路聚集喧嚷。此風斷不可長。昨因該省已陵縣藍青薦命案。曾明降諭旨。令畢沅親赴湖南。提集犯證。覆加審訊。所有劉大鴻等控告一案。即著畢沅一併親赴該處。徹底嚴訊。該地方官是否違例勒買倉穀。有無多收準折各情弊。若所控全虛。自應按律嚴行治罪。即訊明屬實。除將該地方官嚴行叅辦外。劉大鴻等聯名越控。亦應從重擬發新疆。以示嚴懲。畢沅務當秉公據實辦理。即按例嚴審定擬具奏。劉大鴻等現交直隸省迅速解往。原呈及軍機大臣訊問該犯原供。一併發交畢沅看。將此諭令知之。尋奏。審得該地方官並無違例勒買倉穀。及多收準折情弊。至劉大鴻等敢於蹕路聚集喧嚷。實屬目無法紀。請遵旨發往伊犁。給種地兵丁為奴。劉文相等俱係鄉愚無知。皆由劉大鴻之弟劉大進寫呈。主

使旁批此風斷不可長又奏請將劉大進照生事擾害良人例發往烏魯木齊充當苦差又批竟應同劉大鴻之罪又奏鳳凰廳兵糧必須借給而買補運倉絕少田多大戶當即傳集鄉耆酌定限制其應行買穀者每畝不得過二斗水田約不得過一斗五升以示體恤報聞○庚戌諭前據戶部議駁穆騰額奏蘆東商人節年緩帶各項不准再行展限一摺原屬照例辦理已依議行矣但念該商等資本微薄從前原定七年限內前數限應交緩帶銀兩較多若令按限照數完納商力究未免拮据所有長蘆商人乾隆四十八至五十四等年緩徵引課未完銀一百五十三萬六千餘兩山東商人乾隆四十八至五十五年緩徵引課未完銀七十二萬六千六百餘兩著加恩於本年奏銷後仍按原限分作七年將銀數均勻帶徵以紓商力○又諭據吉慶奏登州鎮總兵朱泰德現在患病請回旗

調理等語朱泰德著准其回旗調理所有山東登州鎮總兵員缺著恩特赫爾補授○旌表守正捐軀山東曹縣民陳狗妻鹿氏○是日駐蹕新莊大營○辛亥諭曰刑部議覆安徽省民人程光鋸毆死胞弟程南運並弟媳汪氏二命問擬斬決一本已照發發下矣程光鋸因胞弟程南運不允借錢蓄意謀殺前赴程南運家內携取柴斧先將弟媳汪氏砍斃復將胞弟程南運連砍殞命扶嫌逞忿實為殘忍已極該犯因借錢細故殺死胞弟弟妻二命該部照平人科斷依殺一家非死罪二人問擬斬決其罪已無可復加覈其情節與前日四川省陳啟賢陳啟才殺死胞叔陳公奇並胞叔之妻陳王氏一案情罪相似陳啟賢等二犯子嗣已令該督查明年已及歲者永遠監禁今程光鋸子嗣亦應照此辦理但此等罔顧倫常逞兇殘殺二命之犯若將其子嗣永遠監禁轉得安坐囹圄尚不足以

示儆。所有此案程光鋸之子並前此四川省陳啟賢陳啟才子嗣俱著發往黑龍江給兵丁為奴。以飭倫紀而儆尤頑。嗣後似此情節殘忍者俱照此酌覈辦理。○兩江總督書麟覆奏向例江南修理營房保固六年。沿江沿海猝被風潮吹倒者准隨時修理查孫基港等汛營房坍塌已在限外。大團等汛營房於上年七月猝被颶風刮損請修。嗣後應請將保固六年例改為十年。沿江沿海風損者定限六年外興修報聞。○是日駐蹕紫泉行宮。○壬子諭曰朕駐蹕五臺時該處地方疊遇雨雪阜平亦得雨三寸土膏極為滋潤自入直隸界後間有微雨飄灑總未成分寸未知晉省近日曾否續沛甘膏現交夏令農民待澤之時朕心深為廕念著傳諭馮光熊山西通省春雨是否一律優沾相距不遠何以未據該撫奏報該省入四月以來各屬有無續報雨澤之處應即查明覆奏以慰懸注尋奏

晉省三月雨雪一律霑被四月初二日太原等屬得雨二三寸不等十七日省城得雨寸許得旨分寸尚少不足慰也○又諭據都爾嘉等奏前接奉稽查發往黑龍江人犯在彼處有無復傳邪教等因諭旨即詳細稽查所有彼處遣犯並無傳習邪教而伊等子嗣亦無與邪教人等寄通書信現將遣犯之子周大方等鎖拏將該犯貨物折變銀兩委員押解送部等語昨據江蘭奏到此案朕以為此等發遣人犯在黑龍江亦不免如王子重仍復相傳邪教伊等子嗣與邪教人等寄通書信故令都爾嘉等稽查若發遣人犯果有此等惡跡都爾嘉等自應解部以備審訊治罪今既詳查並無情弊又何必鎖拏遣犯之子周大方等五人解送刑部耶將無辜之人無故治罪有是理乎都爾嘉等如此辦理甚屬糊塗不曉事體若將都爾嘉等嚴行申飭但都爾嘉等既將伊等起解著交盛京將軍山

海關副都統查周大方行至某處。即由某處遣回。至黑龍江時。都爾嘉等。即將該犯釋放。將伊等產業貨物。如數給還。仍安置在彼貿易。都爾嘉等。仍將該犯不時稽查。倘有不守本分。復興邪教等惡跡。再行鎖拏辦理。亦不為遲。○是日。駐蹕涿州行宮。○癸丑。諭曰。諾穆親奏。本月十三日夜。土壩號房後身。居民紀榮三家失火。延燒號房六間。將該管州同蘇曰柄。奏請革職等語。土壩號房。為儲米重地。該處既設有州同衙署。自應常川駐劄。以便稽查。況現在正當重運起卸之時。尤宜加意防範。小心職守。乃該州同蘇曰柄。竟敢擅離衙署。進城拜客。連日不歸。於失火之夜。並未在署隨同。即時撲救。以致延燒號房。幸此時尚未起米。該處號房。止係空屋。若已堆貯漕米。或竟至被燬。尤屬不成事體。此等怠玩不職之員。不可不嚴行示儆。僅予革職。不足蔽辜。蘇曰柄著革職。解交刑部治罪。再現在

氣候乾燥。漕米陸續起卸。火燭最關緊要。著諾穆親嚴飭該管各員。率同人役。留心防範。毋得稍有疎虞。致干咎戾。○諭軍機大臣等。前據長麟覆奏。范公塘一帶。所築挑水壩。柴工。不如石工之堅固。經久。應仍用石壩。既省柴餉。挑水又復得力。當經降旨。令琅玕將從前何所見。而率為改用柴工之奏。又因何並未補修。以致壩工現有坍塌之事。據實明白回奏。並令福蔭將琅玕於五十四年奏請改用柴工後。曾否將此項柴壩開工修築之處。查明具奏。茲據福崧奏稱。范公塘一帶。埽工五十四年四月間。前撫臣琅玕。雖經奏請改築柴壩。旋因潮神廟迤西一帶。陰沙增漲。並未動工等語。此項壩工。原為挑溜護塘而設。從前琅玕在任時。如果因要工起見。即應於奏請改用柴工後。即為修理。以資捍衛。若係無關緊要之工。又何必妄議更張。多此一奏。今據福崧稱。琅玕奏請改築柴壩。並未動工。

是此項柴工。雖經琅玕具奏。並未認真修理。今幸石壩業已增修。前奏柴工。原可毋庸改築。不致虛費物料。但從前琅玕何以必欲改用柴工。亟為奏請。而具奏後。又不動工補修。可見琅玕在任時。於海塘要工。並未實心經理。不過撝拾虛詞。為此有名無實之奏。甚屬非是。琅玕著傳旨嚴行申飭。仍令其據實明白回奏。福崧原摺。著鈔寄閱看。尋奏前於浙江巡撫任內。勘得范公塘一帶石壩。係用碎

實錄卷五十四

三

石。易於漂損。現有柴盤頭數處。較耐衝刷。故議改用柴工。迨自奏明後。石壩之外。漸漲陰沙。不敢拘泥原奏。遽行改築。是從前奏請。實為錯謬。請交部議處。以示懲儆。得旨覽。○又諭曰。紀昀奏。現在熱河覆勘文津閣書籍。經部業將完竣。簽出空白舛誤一千餘條。分別修補。其空函書內。並無天文算法。罰來覆勘之欽天監官賈德輔。無書可勘等語。文津閣書籍。上次紀昀帶同詳校各員。前赴熱河。業

已校勘完竣。分別改正。何以揚雄法言一書。空白未填。上年既經朕看出。此次復又有簽出空白舛誤一千餘條之多。可見校勘一事。全屬有名無實。至空函書內。並無天文算法。則欽天監官賈德輔。即何必令其前往徒勞跋涉。紀昀著傳旨申飭。並令將覆校各書。務臻完善。毋得再有舛誤。致干咎戾。若朕駐蹕熱河時。再經指出錯誤。必當重治其罪也。○又諭。前據福康安奏。派副將達音泰。親至布

實錄卷五十四

三

魯克巴部落。督令發兵擊賊。為我先驅一摺。係二月十三日拜發。迄今已兩月有餘。該副將曾否回至軍營。布魯克巴有無回信。何以尚未據福康安奏到。又檄諭附近廓爾喀之哲孟雄宗木等部落。幫同剿賊一節。前此福康安奏到時。朕即以為所辦太早。降旨飭諭。計自福康安檄諭各部落後。閱時已久。並未見各部落遵諭協剿。可見各部落。因大兵未抵賊境。心存疑惑。恐先行發兵與賊打仗。而

大兵不為接應必受賊匪荼毒是以觀望不前不出朕之所料福康安細思此時尚在後藏駐候則前此之撤各部落豈非失之太早乎著福康安將各部落是否不致懷疑觀望於進剿有無妨碍及鄂輝成德曾否已抵濟龍剿除賊匪各情形一併速行奏覆○理藩院議奏博興會同該盟長審辦喇嘛喇布多爾濟控告一案得旨色布騰喇什種種任意苦累屬官甚為溺職著革去扎薩克貝子交該盟長於應襲人內秉公揀選保送理藩院奏請襲替○是日駐蹕黃新莊行宮

實錄卷十四

三

大清高宗法天隆運至誠先覺體元立極敷文奮武孝慈神聖純皇帝實錄卷之一千四百

實錄卷十四

四十

大清高宗法天隆運至誠先覺體元立極敷文奮武孝慈神聖純皇帝實錄卷之一千四百一

乾隆五十七年十一月十四日奉 上諭 著將前據都察院奏請將都察院御史郭廷璽等處分革職等因欽此

乾隆五十七年十一月十四日奉 上諭 著將前據都察院奏請將都察院御史郭廷璽等處分革職等因欽此

乾隆五十七年十一月十四日奉 上諭 著將前據都察院奏請將都察院御史郭廷璽等處分革職等因欽此

乾隆五十七年十一月十四日奉 上諭 著將前據都察院奏請將都察院御史郭廷璽等處分革職等因欽此

乾隆五十七年十一月十四日奉 上諭 著將前據都察院奏請將都察院御史郭廷璽等處分革職等因欽此

秋修

乾隆五十七年壬子四月甲寅

上詣

安佑宮行禮○還圓明園○直隸總督梁肯堂

疏報乾隆五十六年分大興宛平房山薊州

香河順義灤州西寧阜平九州縣報墾地一

百八十畝有奇○乙卯

孝端文皇后忌辰遣官祭

昭陵○

上詣黑龍潭祈雨○諭正黃旗護軍統領員缺

著都爾嘉補授都爾嘉俟明亮到任交代訖

再行來京都爾嘉未來之前仍著阿爾薩朗

署理其鑲白旗護軍統領員缺著綿佐補授

○丙辰諭曰穆和蘭奏河北彰德衛輝懷慶

三府屬地方現在未得透雨麥苗漸形黃萎

正當新舊開徵之際民情不無拮据請將安

陽等二十一縣應徵新舊錢糧倉穀懇恩緩

徵等語前因該省河北三府自三月以來未

得透雨時屆立夏恐麥收歉薄應早為設法

接濟業經先期降旨諭令梁肯堂劉秉恬截

實錄卷五百五

二

留漕米三十萬石運交豫省以備河北三府

接濟之需茲據該撫奏到河北被旱情形朕

心深為軫念著再加恩將彰德府屬之安陽

湯陰臨漳林縣武安涉縣內黃衛輝府屬之

汲縣新鄉輝縣獲嘉淇縣延津滑縣濬縣封

邱考城懷慶府屬之修武武陟陽武原武等

二十一縣應徵新舊錢糧倉穀等項一併緩

至本年秋後徵收以紓民力該撫務須實力

查察毋任吏胥滋弊以副朕軫恤民隱至意

又諭京師自入春以來雨澤稀少未能透足本年雖有閏月而現在已逾立夏正當麥苗長發之時民間望澤甚殷朕心深為廕切著該部照例敬謹設壇虔誠祈禱以期渥沛甘霖 又諭京師自本年二月以來雖經節次得雨總未霑足現屆麥苗長發之際望澤甚殷因思清理庶獄或可感召甘霖著刑部堂官查明徒罪以下各案情罪較輕者分別減等發落其因事牽涉拘繫候質者亦速行

實錄全覽

三

訊明省釋至尋常案件並著即行完結毋得稽滯該部即遵諭行 又諭曰穆和蘭奏河北鎮總兵王普染患目疾難以就痊等語王普目疾復發至於瞳光昏闇且已精力衰頹著以原品休致其河北鎮總兵員缺著張文奇補授 諭軍機大臣曰穆和蘭奏連日祈禱雨澤河北彰德懷慶衛輝三府終未得有透雨麥收已屬無望民情不無拮据請將三府屬應徵錢糧緩徵等語業經明降諭旨將

安陽等二十一縣應徵新舊錢糧一併緩至秋後徵收以紓民力矣朕前因該省北三府雨澤愆期若俟地方官具報到日再降諭旨恐民力不無拮据業經先事籌畫截運漕米三十萬石交穆和蘭酌量存貯備用並有旨飭令派委道府大員迎赴前途督運回豫籌辦接濟矣今始據該撫將三府屬被旱情形及應緩徵之處奏請加恩所奏已失之遲緩所有截存漕米如何分別戶口多寡災分輕重酌量接濟及此次緩徵各事宜該撫務須督率屬員實力經理毋任地方官吏從中滋弊俾小民均霑實惠以副朕軫念災黎至意方為妥善若再辦理不善小民勿受實惠其過當為誰將此諭令知之 又諭曰穆和蘭奏河北鎮總兵王普染患目疾請解任調理一摺所奏殊遲已有旨將王普休致另行簡放矣王普前於高雲從案內獲譴復行加恩錄用為朕所素知之人該鎮目疾復發至於

實錄全覽

四

考較官兵鎗箭俱不能審視以致責有人言且其精力衰頹亦未必復能痊愈總兵為專閫大員河北地尤衝要穆和蘭自應隨時查察早行奏聞何得直至此時始行奏請解任豈不慮其貽誤營務耶所辦實屬遲緩穆和蘭著傳旨申飭○又諭廓爾喀係邊外極邊地勢險遠賊匪又於要隘處所添設碉卡抵死守禦若有萬難果入之勢而福康安等統領官兵聲罪致討藏內僧俗番衆人等羣係

實錄卷四十五

五

觀瞻事在有進無退福康安等既不肯事半中止而限於地險又難剋期集事或致彼此相持老師糜餉亦屬非策今反覆籌畫若福康安等於官兵齊集後探訪賊匪情形道路險易事在可辦自必直前進剿掃穴擒渠將其土地給還各部落永免衛藏駐兵防守豈不甚善福康安素性勇往自不肯因有此旨稍存遷就功虧一簣倘審度事勢實難直抵賊巢或將濟龍宗喀一帶拒守賊匪盡行剿

殺大振軍威或前抵賊境與賊打幾次勝仗後賊匪心懷惴伏望風膽落差人前至軍營投遞稟帖悔罪乞哀福康安等或可將計就計令其堅明約束俯允所請准其投誠振旅班師亦完事之一法然必先懾以聲威將賊匪大加殲戮使之十分畏懼勢力窮蹙悔罪投誠始可受降納款庶賊匪有所創懲不敢復行滋事至前次令西藏許給銀兩一節斷不可行必須明白宣示令其俯首聽從以後

實錄卷四十五

六

無可藉口又向藏地勒索方可永斷葛藤若賊匪於此事稍涉含糊仍當嚴詞駁斥不准受降斷無調集如許多兵遠臨賊境而仍如前此將就完結之理必令賊匪畏威服罪不敢再提銀兩永遠不犯藏界始為完善再賊匪素性狡猾今不得已出此下策而善後之道不可不豫為之圖將來撤兵後聶拉木濟龍等處必須酌量留駐官兵以資防守庶幾緩急有備福康安等於辦理善後事宜時務

須悉心籌畫妥為佈置但究以果入賊巢永靖邊疆則聶拉木等處不致勞我官兵遠戍而衛藏永獲奠安乃為朕之至願亦福康安等之所大幸若實有萬難進取之勢必不得已不得不豫作退步以完此局想福康安等久歷戎行素嫻軍旅亦斷不肯坐失事機朕思慮所及誠恐事在兩難臨期降旨諭令遵辦未免緩不濟急關係匪輕是以豫為指示使福康安等得有把握至臨機應變當進當

實錄卷一百四十一

七

退總在福康安等酌量事機計出萬全也○調鑲黃旗滿洲副都統觀音保為密雲副都統○丁巳諭曰梁肯堂奏順德廣平大名三府屬并順德毗連之趙州及所屬各州縣本年入春以後雨澤缺少二麥難冀有收民力不無拮据請將邢臺等一十九州縣元城等一十三州縣本年節年應徵新舊錢糧倉穀分別緩徵等語前因該省順德廣平大名三府屬自三月以來並未得有雨澤麥收不無

歉薄業經先期降旨諭令梁肯堂劉秉恬於南糧漕船內截留漕米三十萬石以備該三府接濟之需茲據該督奏到被旱情形朕心深為軫念著再加恩將順德府屬之邢臺沙河南和平鄉廣宗鉅鹿唐山內邱任縣廣平府屬之永年邯鄲成安肥鄉曲周廣平難澤威縣清河磁州等一十九州縣本年應徵倉穀同節年未完錢糧倉穀及大名府屬之元城大名南樂清豐開州東明長垣趙州并所

實錄卷一百四十一

八

屬之柏鄉隆平高邑臨城寧晉一十三州縣本年節年應徵新舊倉穀錢糧等項一併緩至本年秋後徵收以紓民力該督務須實力查察毋任吏胥滋弊以副朕軫恤民隱至意該部即遵諭行○又諭此次進剿廓爾喀賊匪剋期深入道途遙遠糧運供支最關緊要自當格外加恩以示體恤所有此次採買糧麥十萬五千七百餘石著照福康安等所請准於採買價值外分別給與炒磨工價其前

藏至脅噶爾程站。雖上屆經成德奏明。兵行定為二十二站。但糧餉轉輸。馱載背負。究與兵行不同。此次亦著照福康安等所請。將前藏至後藏。定為二十三站半。後藏至脅噶爾。定為二十站。事竣後。俱准其作正開銷。以裕兵食。而利軍行。福康安等。仍須督飭各該員弁。計糧給價。按站趨程。以期迅速。藏功副朕軫念戎行至意。○諭軍機大臣曰。劉秉恬等奏。連日將廬州頭幫漕米。開斛起兌。並將東豫二省回空軍船。上緊催趨南下。前至臨清。以為撥給順德等屬南糧。運入衛河之用等語。現又據穆和蘭奏。稱接奉諭旨後。即飭委糧道劉文徽。帶同通判知縣及佐雜各員。分赴天津臨清。聽候截撥領米一摺。計此時河南委員等。諒已陸續到齊。著劉秉恬等。即將運撥糧石。照數分撥裝載。飭令督運之糧道。及領運之正協各員。妥為照料。沿途嚴密稽查。務期迅速運到。以資河北三府接濟之需。

所有穆和蘭摺。即著鈔寄劉秉恬等閱看。至直隸順德府等屬。目下曾否得有透雨。未據梁肯堂奏到。朕心深為廕念。並著梁肯堂即行查明具奏。○又諭曰。朕閱本日奏到藏地圖樣。自以濟甯為進兵正路。將來大舉深入。竟可由此一路併力會攻。軍勢更為壯盛。似無須分作兩路。且福康安亦必須海蘭察一同領兵。更為得力。若令海蘭察另領一路。則福康安處未免聲勢較單。或遇緊要之時。海蘭察未能策應。轉屬於事無益。即令惠齡同海蘭察作為一路。惠齡資分較淺。於緊要機宜。亦難參與。朕再四思維。莫若福康安海蘭察惠齡同在一路。統領大兵。竟由濟甯直前進。勒自當勢成破竹。成德人雖粗疎。但伊曾任將軍提督。經歷戎行。且聶拉木地方。究係成德克復。福康安於濟甯勒除賊匪後。統兵果入。其聶拉木濟甯一帶。或慮賊匪抄截。不可不豫為堵禦。應即令成德台斐英阿。在彼

處一帶率兵分駐往來策應以壯聲援更為萬安至所奏酌議糧運事宜其糶糶一項炒磨工價不敷懇照鄂輝原奏按數支給及增定布達拉至脅噶爾程站各款祇係細事此時惟當督率官兵奮力進剿迅速蕲功即軍行經費向有定則格於成例或難准行朕亦必特降諭旨俯從所請豈有令進兵而不與兵不與糧之理福康安等總以勦捕賊匪力圖進取為要務不必存惜費之見也○又諭

曰巴忠等私許賊匪銀兩之事阿旺簇勒提木到藏即行聞知用言阻止俘習渾雅滿泰身為駐藏大臣豈有不知之理況既經阿旺簇勒提木向伊告知原委何以尚隱匿不奏其情節甚屬可惡俘習渾雅滿泰現於前藏永遠初號示衆計此旨到時和琳已馳抵前藏著傳諭和琳即親提伊二人再各重責四十板以示懲儆至和琳到藏後當留心查察毋許看守人等有代俘習渾雅滿泰私行開

枷情事倘和琳瞻顧情面稍涉寬縱別經發覺恐不能當其咎也慎之○調鑲黃旗漢軍副都統多永武為鑲黃旗滿洲副都統○戊午諭據馮光熊覆奏查審遣犯李相湯在監自戕身死一案覆審刑書禁卒人等供稱委係該犯畏罪自戕典史邵瀾並無恐嚇凌虐情事但疎於防範實屬不職仍請將榆社縣典史邵瀾革職知縣孟毓灝交部議處等語此案前因該撫原奏內稱李相湯向因與民

婦周郝氏調戲經郝氏報約投縣李相湯復聲言郝氏本係娼婦並指典史邵瀾曾與飲酒旋據審明實係李相湯乘醉調戲捏詞牽扯將該犯問擬發遣李相湯於典史查驗箕斗之後自戕身死等語以所奏情節未為確實或係典史邵瀾因該犯誣指狎妓之嫌恐嚇凌辱致該犯抱忿自戕亦未可定因令馮光熊另行確審具奏今既據該撫審明該犯委係畏罪自戕該典史實無挾嫌恐嚇凌虐

情事。則該典史尚無不是。乃仍請將典史革職。知縣交部議處。所辦未免過當。除將原摺交部外。其該撫所奏典史邵瀾革職。知縣孟毓潔請交部議之處。俱著加恩寬免。○又諭。刑部題覆安徽省姦犯王林遠。扎傷姦婦夫兄鄭瑤典身死。將王林遠依罪人拒捕殺所捕人者律。擬斬監候。直隸省賊犯黃昆等。毆傷事主楊文德身死。將黃昆依竊盜臨時拒捕為首殺人例。擬斬立決。二本已照簽下矣。

又題覆山東省民犯劉書圖。脫拒捕。砸傷捕役喬振緒身死。將劉書依犯罪逃走拒捕殺所捕人律。僅擬斬候。未為允協。黃昆係屬賊犯。臨時拒捕殺傷事主。自應照例斬決。至王林遠與鄭瑤典俱係平民。其捉姦被扎身死。將王林遠問擬斬候。已足蔽辜。若劉書係毆傷堂嫂。拘押候質之犯。乃敢硬自跑走。及經縣役堵拏。輒用石向砸。致傷身死。以犯人而拒殺在官人役。一死二傷。豈王林遠之拒殺

鄭瑤典可比。乃僅擬斬候。使之監禁稽誅。從前定例。本未平允。刑部援引定擬。亦未加細酌。以致失當。嗣後除拒殺所捕係屬平民者。仍照舊例辦理外。其有在官兵役。自應奉票差拘。以及簽派看守押解人犯。如無恐嚇凌辱索賄情事。犯人敢於圖脫。毆打致斃者。概不當復擬斬候。其應如何酌行改定之處。著該部悉心妥議具奏。○又諭。據郭世勳奏。新會營把總談時泰等。拏獲拒捕傷兵盜犯歐

陽愈盛等。恭請王命正法。臬示一摺。已批交該部矣。談時泰巡查河面。遇見盜船。即協同縣役拏獲盜犯多人。尚屬認真巡緝。談時泰著送部引見。其因賊夥拒捕。以致船覆斃命之管隊梁韜等七名。俱著交部照例議卹。○諭軍機大臣曰。馮光熊奏。雨水糧價情形。摺內稱太原等屬稟報。三月二十四。五。及四月初二等日。得雨一二三寸等語。太原等屬得雨三寸地方。於麥田尚屬有裨。若得雨僅止

一二寸者。不過稍滋土脈。麥苗豈能藉之長發。雖山西地方。非若直隸南三府。豫省北三府。連年歉收。閭閻毫無蓄藏者可比。但得雨僅一二寸之處。又何足以資需潤。現在正值麥苗長發。大田播種之時。農民待澤孔殷。所有得雨一二寸地方。曾否續沛甘膏。於麥苗大田。有無妨礙。倘因雨澤未能透足。或致歉收。民力稍形拮据。著馮光熊即速查明具奏。以慰廑注。不得稍存諱飾之見。將此諭令知之。

○已未。諭曰。郭世勲奏。審辦吳川縣知縣沈峻。偏斷庇縱。延緩朦詳。知府徐學儔。任聽縱役頂替。審明定擬一摺。已交該部議奏矣。此案參革知縣沈峻。將現獲私販。並不嚴行根究。執行釋放。實屬任意輕縱。該署督將沈峻。問擬發遣新疆。實為罪所應得。至知府徐學儔。於沈峻解犯遲誤。並不實力催提。且於該縣釋放私犯。及家人需索陋規。勒買埠屋。衙役私行頂替等弊。均毫無覺察。僅擬革職。

不足示懲。徐學儔著發往軍臺効力贖罪。以昭儆戒。○庚申。諭軍機大臣等。據溫州鎮總兵謝斌奏。請陸見一摺。已准令來京矣。溫州地處海洋。一切巡查會哨。及緝拏洋盜各事宜。關係緊要。著伍拉納即遴選妥員。奏明委署。謝斌俟交代後。再行起程來京。陸見將此傳諭伍拉納。並諭謝斌知之。○又諭。據吉慶奏。山東省城三月二十五日得雨之後。四月十七日又得雨二寸。滕縣鄒縣城武等處。亦

於十五日均得雨二寸。惟附近直隸大名之館陶冠縣。邱縣曹州府屬之濮州范縣。並德州。間有雨水未能透足之處等語。本日據蘇寧阿奏。直隸景州安陵。於本月十七日得雨三寸。景州與德州。境壤毗連。今景州安陵。既得雨三寸。其德州曹州。同時得沛甘膏。並現在附近大名之館陶等縣。及曹州德州。一帶。曾否續得雨澤。一律深透。大田有無妨礙之處。著該撫即行查明迅速具奏。以慰廑注。○

又諭本日據蘇寧阿奏直隸景州安陵於四月十七日得雨三寸等語直省雨澤愆期現在盼望甚殷景州安陵既經得雨該州縣自必隨時稟報何以未據梁肯堂具奏昨據正定鎮總兵德克精額奏正定地方於四月十七日得雨三寸有餘本日又據吉慶奏山東省附近大名之館陶冠縣等處得雨未能深透看來直隸河間天津及保定以北均覺缺雨日內曾否得有霽澤之處梁肯堂現駐天津著即迅速具奏以慰塵注○戶部議准署兩廣總督郭世勳奏稱內地大黃為西洋各國治病要藥前因不准俄羅斯通市每年每國販買不許過五百觔現在已准俄羅斯通市該處洋商呈請照前買運不必限以五百觔之數其海龍黑狐皮張並准進口售賣從之○辛酉

上御勤政殿聽政○諭曰穆和蘭奏報二麥約收分數一摺據稱河南省彰德衛輝懷慶三

府所屬之二十一縣雨澤愆期麥收歉薄其餘八十七廳州縣通計合算收成約計七分有餘等語所奏詞語牽混未免涉於諱飾二麥約收分數係合通省計算今河南省雖止彰德衛輝懷慶三府缺雨歉收其餘各屬收成仍有七分有餘但該撫敘摺時自應於合算之處將缺雨之河北三府屬歉收情形分晰聲明始為覈實今率以通計合算籠統聲敘竟似河南通省收成均屬七分有餘殊為

牽混天下之大雨水原不能一律調勻間因短缺雨澤二麥歉收亦屬事所難免况豫省河北三府缺雨朕於未報歉收之前早經先事綢繆降旨截留漕米三十萬石運往該處以資接濟該撫又何必諱言為此含混之語設各督撫踵而行之習為諱飾豈朕軫念災區勤恤民隱之意耶將此通諭知之○又諭曰御史曹錫齡奏京畿自春入夏以來得雨未能霑足請將法司問擬立決之案除情罪

重大者照例辦理外其餘命盜案內按律問擬即應處決之犯可否暫停題奏一摺所見甚淺雨澤愆期關係民瘼朕宵旰焦勞刻加循省如果朕躬或有闕失或內外大臣中有黨援貪黷及壅蔽下情之事以致上干

天和恒暘示儆該御史原應具疏入告朕必褒其讜直現在紀綱振飭並無前項情事該御史徒敷衍虛詞以冀朕嘉其進言或邀恩賞甚無謂也本年缺雨之處惟直隸遼南順德

廣平大名三府並保定以北州縣望澤維殷並非各直省在在缺雨况經朕已降恩旨令刑部清理庶獄查明徒罪以下減等發落並將拘繫候訊者訊明省釋尋常案件速即完結以冀感召麻和甘霖速沛不過如此而已今該御史因有此旨乃奏請將各省命盜案件律應問擬立決者一概暫停題奏試思各直省與京畿何涉且邊遠省分即問擬立決之犯經法司題奏後知照各該省亦須遲至

數月方行處決焉有因京師及畿輔數處偶缺雨澤即將各直省命盜案件應擬立決之犯概行停辦以致懸案不結日久積壓更復成何政體該御史所奏甚屬迂謬原摺擲還並著傳旨申飭○以大理寺卿趙佑為左副都御史○壬戌

上詣覺生寺祈雨○詣

大高殿行禮○還宮○豁免河南省歷年民欠籽種牛具口糧銀四十九萬九千九百五十

兩有奇穀四萬一百六十石有奇○癸亥

上御太和殿視朝文武陞轉各官謝恩○幸圓明園○甲子諭曰書麟等奏秦縱匪匿報之

蕭縣知縣黃大有一摺黃大有於地方被搶案件經事主具報後既不上緊緝拏迨至鄰縣獲犯移解又不照例收禁即時審辦以致案犯脫逃復敢諱匿不報殊出情理之外僅予革職不足蔽辜黃大有著革職拏問交該督撫等提同案內人犯一併嚴審定擬具奏

仍即督飭所屬將逸犯上緊緝拏務期弋獲。母任遠颺漏網。○諭軍機大臣曰書麟奏縱匪匿報之蕭縣知縣黃大有一摺已另降諭旨將黃大有革職拏問矣。蕭縣地方雖同係該督撫所屬但距江寧甚近自係書麟平日不能約束所屬以致該縣有此等玩誤諱匿之事即此案與長麟會銜具奏亦係書麟主政知會長麟一同列名其廢弛地方實係書麟一人之咎又書麟另摺覆奏裁汰站船一摺可謂不知恥書麟在兩江總督任內已久既以此項站船虛設無用何以從前並未具奏直至長麟到任後查出始行會銜奏請裁汰即此兩事而論可見書麟於地方事件一味因循毫無整頓不過謹慎自守廉潔耳殊負朕委畀錄用之意書麟著傳旨申飭嗣後倘再不知悔改則竟甘於自棄朕亦無可再諭矣慎之將此傳諭書麟並諭長麟知之○又諭穆和蘭奏河北安陽等二十一縣至

今未獲大沛甘霖現值青黃不接之時麥收失望秋禾雜糧亦尚未能播種齊全懇概行借給一月口糧其平糶穀價照歉歲減價之例每石較市價酌減銀一錢俾資買食等語自應如此已批交該部速行矣前因豫省河北三屬暨直隸順德廣平大名三府雨澤缺少早經降旨令於南糧漕船內各截留三十萬石以備接濟之需今河北三府業經穆和蘭酌籌借糶而直隸順德等處亦迄今未據奏報續得透雨雖已請將三府新舊錢糧概予緩徵但究恐民食不無拮据朕心深為廑念著傳諭梁肯堂即將缺雨各屬現在曾否得有雨澤應否照豫省借給口糧及減價平糶之處迅速查明據實具奏○乙丑諭曰書麟等奏江西九江前幫漕船渡黃時陡遇暴風折斷舵杆均各搶救無虞惟徐子信等四船衝入河心船身漂淌所裝漕米盡行沉失淹斃水手等六名又朱伏一等二船水湧入

船登時側溺。沉濕米石。現俱搶獲等語。江西九江前幫漕船。在黃河陡遇風暴。人力難施。以致漂失米石。淹斃人口。殊為可憫。所有旗丁徐子信。傅勝樂。徐全。商陳玉。軍船四隻。漂沒米石。席竹。著加恩全行豁免。船隻給料成造。其淹斃水手人等。照例優卹。即得生者亦屬可憫。均著酌加賞賚。至旗丁朱伏。劉合。二船所撈濕米。著准其將食米易換。同搶獲乾米。分灑通幫。赴通交納。以示體恤。○減徵

江蘇江寧縣。乾隆五十六年分。低窪田畝額銀五十二兩有奇。米一百八十石有奇。○丙寅。諭本年舉行鄉試。所有應行開列試差之進士出身人員。著於四月三十日在正大光明殿考試。仍著吏部照例。按各衙門次序。於閏四月初二初三日。帶領引見。○又諭曰。孫士毅奏。寧遠府知府符兆熊。革和協副將趙秉彝。辦理軍務。不辭勞瘁。實為得力之員。又原任安徽巢縣教諭周謁。聯自上年帶至打

箭鑪。幫辦幕務。晝夜經理。毫無貽誤。實屬能事等語。符兆熊。趙秉彝。俱著賞戴花翎。以示鼓勵。仍於應陞處記名用。周謁。聯著賞給內閣中書。俟軍務告竣。再行送部引見。○又諭曰。福康安奏。達賴喇嘛。感激朕恩。將現在進兵應需口糧。馬匹火藥等項。竭力捐辦。且索倫屯練各兵丁到藏。俱分別贈給銀兩等件。朕甚為欣慰。著加恩賞達賴喇嘛。哈達一條。珍珠串一掛。以示優獎。達賴喇嘛。嗣後於進

勦廓爾喀事宜。益當實心報効。以期迅速成功。○諭軍機大臣曰。穆騰額奏。天津地方。二十五日辰刻起。霽雨稠沛。至亥刻止。入土共有五寸等語。覽奏欣慰。昨據梁肯堂奏。克收漕米事竣。二十五日起程回省。由天津以至靜海。創土驗看。入土已及四寸等語。看來保定一帶地方。或不致大旱。惟近京則實旱矣。至該督所過暨附近地方。是否一律霑被。未據續奏。朕心深為廕念。連日京畿雲氣甚濃。

似釀雨之勢。旋為風吹散。不過微點飄灑。竟未得成分寸。實切焦煩。看來天津及保定以南。正定一帶。已得雨澤。其迤北地方。均覺缺雨。著傳諭梁肯堂。即將各該處。曾否得有霽澤之處。迅速查明具奏。再本年遇閏。節候較早。通省參收分數。此時尚未報齊。但州縣自已先將情形陸續稟報。並著梁肯堂將直隸通省參收牽算。是否約有六七分之處。先行奏聞。以慰厯注。尋奏查得直隸參收。永平。正定。承德三府。及遵化州所屬。約七分有餘。天津府。約七分。保定。河間。宣化三府。及易州。深州。定州所屬。約六分有餘。冀州所屬。約六分。順天府約五分有餘。大名府屬。約五分。順德府。及趙州所屬。約四分有餘。廣平府。約四分。通計十一府六州。共約收六分有餘。得旨覽奏俱悉。○又諭曰。福康安等奏稱。濟龍等處新添賊匪。如未能立時攻破。即於山巔重疊之處。潛兵越險。繞至賊後。截其歸路。一面統

兵徑取陽布賊巢一節。雖屬暗度出奇之策。如能斷其糧道。是亦一計。但福康安等統領勁旅。聲罪致討。係堂堂正正之師。濟龍一路。既為進兵正道。自應先將該處屯聚賊匪。殲滅無遺。廓清邊界。然後力圖進取。使我兵鼓勇直前。無後顧之慮。方為正辦。若不將濟龍等處逗留之賊。攻剿淨盡。由此路乘勝直前。別尋間道。懸軍深入。該處山路叢雜。安保濟龍等處賊匪。不心生窺伺。擾我後路。即賊匪無能計不出此。而我兵深入之時。尚有濟龍等處賊人橫亘其中。軍心自不免稍有迴顧。萬一首尾不能兼應。所關非細。況自宗喀至濟龍一帶。現有察木地方。形勢扼要。賊匪尚於該處設卡據守。其自濟龍以至陽布。必更有險要之處。賊匪聞大兵進發。豈不處處安卡設寨。以為負隅抗拒之計。我兵馬能徑行越過。且濟龍等處。係後藏邊界地方。此時尚未及收復。又安必其直擣巢穴。一舉集事耶。

福康安、海蘭察等。久歷戎行。素嫻韜畧。何未見及此。即云濟龍等處有新添賊匪。併力固守。恐未能立時攻破。然福康安統率如許勁兵。攻此一隅株守之賊。諒不致有稽時日。倘或稍有耽延。亦不過畧遲數日。而邊界賊匪。悉數殲除。俾我兵無後顧之慮。自必倍加奮勇。攻堅破壘。為得尺則尺之計。若連得幾次勝仗。奪取一二處碉卡。使賊匪望風膽落。即有險要拒守之處。亦必紛紛瓦解。雖藏事稍

遲。而成功較為穩妥。此實動出萬全良策。福康安等現在熟籌進剿。必有可恃。然後可進。不得存行險僥倖之見也。至賊匪接奉兩次檄諭。何總無一信。若非嚴密設備。為負隅固守之計。即係自恃險遠。並不畏懼官兵。故不差人稟覆。使我兵無從察其虛實。不敢輕進。賊匪狡獪伎倆。大約不出乎此。福康安等益當堅持定見。加意慎重。斷不可稍涉冒險。又十二輩班禪額爾德尼失去金冊。現已飭照

辦一分。遇便賞給扎什倫布尊藏。著福康安先告知達賴喇嘛。班禪額爾德尼。以示衛護體恤之意。又據孫士毅奏。現奉諭旨。飭令再行豫備兵三千名。業已趕緊照數飭備。俟前調之官兵出口後。即令陸續至鑪城駐劄。聽候調遣等語。屯土兵丁。先後派赴西藏者。已有八千餘名。所刺者俱係老弱無用。自應即於川省綠營官兵內。就近挑取。照數豫備。但現在索倫達呼爾兵。及前調川兵三千名。想

俱陸續抵藏。合之從前派調之兵。已有一萬三千名。兵力不為不多。此項豫備兵三千名。福康安是否尚須檄調。亦在未定。著傳諭孫士毅。即飭令帶領將弁等。赴鑪駐劄。聽候一俟福康安咨調信息到日。即令剋日起程赴藏。以期早到一日。即軍營早收一日之用。方為妥善。旌表守正捐軀河南安陽縣民王法雨、女王氏。丁卯。

上詣玉泉山

龍神祠祈雨。○諭前日御史曹錫齡奏京畿得雨未能霑足。請將法司問擬立決之案。除情罪重大者。照例辦理外。其餘命盜案件內。按律問擬。即應處決之犯。暫停題奏一摺。已

經降旨飭行。第思禁屠祈雨。原期感召。

天和。若於祈雨之齋戒日期。及致祭之本日。亦照常建立決本。實不足以昭誠敬。是其奏原有一半可行。查向例凡遇祈雨齋戒日期。刑部並不停進立決本章。即本月二十一日。條

齋戒祈雨之期。刑部亦曾呈進。所辦誠屬未協。此事阿桂未免因年老重聽。不能領會。遂相沿舊例辦理。而軍機大臣於朕降旨時。都未奏及。朕一時忽畧。當引以為咎。朕於臣工功過權衡至當。豈肯令軍機大臣嘮嘮迴護。嗣後凡遇祈禱雨澤之前一日。及祭日。此二日所有刑部應請立決之本。俱著停止進呈。以肅感孚而昭誠敬。著為令。○諭軍機大臣曰。吉慶奏籌辦運送豫省漕米軍船一摺。內

稱豫東二省回空漕船。共五百九十八隻。自應全行撥用。以期運送迅速。惟查由臨清至楚旺水次。係逆流而上。今歲漳衛兩河水勢微弱。如船身喫重。恐致稽遲。現在籌酌。每船祇令運米三百石。先裝米十七萬餘石。俟卸

竣回船。再將未運十二萬餘石。一併運交等語。此項米石。關係豫省民食。自應迅速運送。早到一日。俾得早受一日之惠。吉慶現在籌辦船隻。恐裝米過多。船身喫重。行走稍遲。酌

量分撥輪流。來回運送。以期及早抵豫。所辦頗見留心。尚屬可嘉。著傳諭劉秉恬。數計豫東回空船數。酌定截留幫次。隨到隨卸。截卸竟作兩番轉運。庶船隻既覺寬裕。而途次行走。亦可期輕捷。俾豫省災黎得以早資接濟。實有裨益。吉慶摺著鈔寄劉秉恬閱看。並諭梁肯堂知之。○戊辰。諭軍機大臣等。本年直隸之順德廣平大名及河南之彰德衛輝懷慶等府。雨澤愆期。麥收歉薄。已截漕六十萬

石分撥接濟。將未完新舊倉穀錢糧。緩至秋後徵收。並經該督撫先後奏明。酌籌借糶。俾貧民得資口食。連日據吉慶李奉翰等奏。山東各屬均得透雨。本日穆和蘭奏河南之開封歸德河南陳州許州陝州各屬亦於二十五六等日得有霽雨三四五寸。以至深透不等。是東省各屬及豫省之大河以南甘霖渥被。可冀稔收。將來商販自必前往糶買。爭赴災歉地方出糶。如直隸之南三府。即京師左近。麥亦歉收。皆須仰給山東。豫省之北三府亦藉大河以南各府糧食。運往接濟。此等商販往來。務須聽其自行流通。以有餘補不足。斷不可禁遏運糶。以致歉收地方不能得食。但亦不必官為經理。或有擾累。轉致裹足不前。祇須聽商民自便。商販等惟利是圖。聞知糧價昂貴之區。自必趨之若鶩也。將此諭令知之。○直隸總督梁肯堂奏。順德廣平大名三府屬及趙州所屬各州縣雨澤愆期。請借

給口糧籽種。得旨著照所請速行。○旌表守正捐軀河南新蔡縣民郭磨妻朱氏。○是月。予告大學士蔡新奏。撫臣浦霖遞到御製反蘇軾超然臺記說一篇。臣跪誦循環。仰見一貫體道。萬化在心。軾雖文章大家。見解學問。豈能窺尋及此。得旨相與論文。或過於頌讚矣。○署甘肅提督烏大經奏。請陞見得旨不必來。汝係深知者。一切勉之。○雲南提督路超吉奏。查閱永北劍川二營。分別勸懲事宜。得旨好。毋始勤終懈。

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百一

實錄卷之一千四百一

十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百二

監修總裁官總纂官太子太傅文淵閣大學士湖廣總督臣劉世明等謹啟

吏部理藩院事務處總辦滿洲部統世襲騎都尉軍功七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級臣董誥內大臣戶部尚書兼管錢糧滿洲部總管功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

教修

乾隆五十七年壬子閏四月己巳朔諭戶部

奏奉

議奏鳳陽關一年期滿徵收盈餘比較上三
屆短少銀四萬九千七百三十兩零應著落
管關之員照數賠補一摺。因屬照例辦理第
念該關稅課全憑豫省糧食販運下江。經過
該處源源銷售始能豐旺。上年豫江兩省年
歲收成相仿糧價不甚低昂。商販無利可圖
以致豫省糧食米豆到關稀少盈餘短絀尚
屬有因。所有此次鳳陽關短少盈餘銀四萬
九千七百三十兩零著加恩寬免一半其餘

一半。著該監督等各按正署任內經徵月日分別賠補。○庚午諭。此次巡幸木蘭。工部堂官前班已派出吳省欽。後班已派出成策。第念行在工部。有查看道路橋梁。及監放柴炭之事。恐隨從人等。有藉端需索等弊。伊二人未能彈壓周到。所有行在工部事務。著福長安兼管。○諭軍機大臣等。前據蘇寧阿奏。直隸景州。於四月十七日得雨三寸。嗣據吉慶奏。德州。冠縣。范縣。同日得雨二寸。尚未透足。現在率屬祈禱。復經降旨詢問吉慶。德州一帶。曾否續得透雨。因何該撫在省城祈禱。並不飭屬在德州禱雨。或親往祈求之處。令其據實覆奏。茲據吉慶奏各屬同需甘霖一摺。詳閱清單內。濟南各屬。於四月二十五六等日俱經得雨二三四寸。而德州仍未開列。是尚未得有雨澤。但德州即係濟南所屬。何以未能一律均霑。是否僅止一州缺雨。並現在曾否續獲甘膏之處。著該撫查明迅速覆奏。

以慰厯注。○又諭。據吉慶奏。審擬海陽縣民姜子柱。在都察院呈控一案。將姜子柱問擬杖徒。初閱時。即歷歷折角以記。已批交該部議奏。及覆閱折角處所。姜子柱所控朱守經誣告漏稅。王方貴袒護捏傷。及縣役邵魁等詐贓各情節。均經得實。惟所控該縣王風清交接當商。聽受囑託一款。審係虛誣。將姜子柱按律加等反坐。細思未為平允。外省辦理誣告反坐案件。如所告俱係平人。自應將虛捏之款。按律反坐。但向例遇有捏告一人數款。一二款審明屬實者。猶應分別科罪。此案姜子柱所控得實之款。俱係平人。惟該縣王風清交接當商。聽受囑託一款。坐以虛誣。此等案件。自係先行飭委道府各員審訊。外省官官相護。且避自己處分。安知非承審之員。有扶同徇隱情事。前因此案係長麟任內之事。是以持交後任巡撫惠齡審辦。今該撫又係接辦前任案件。更何所用其迴護。乃獨將

姜子柱所控知縣王風清一款坐誣。且抵之罪。殊難憑信。此案著交吉慶再行親提研審。務將該縣王風清有無交接當商。聽受囑託之處。訊得確情。另行定擬。不得因王風清已於另案叅革外遺。稍涉顛預。即姜子柱所控果虛。亦不當治以加等罪名。該撫初任地方。當整飭陋習。此次提審。仍存瞻徇之見。別經派員審訊。究出實情。恐該撫不能當其咎也。將此諭令吉慶知之。尋奏審得姜子柱控告

知縣王風清交接當商。聽受囑託一款。實因姜子柱。姜子楷之父姜齊命在日。因姜子楷武生被革不甘。心疑朱守經之表兄王任偉。在當舖幫夥。可以囑託。寫入詞內希圖告准。伊子照原呈鈔寫實。無交結囑託憑據。是姜子柱祇鈔錄伊父原呈與造意誣告者不同。擬以杖徒。實未平允。應將姜子柱改照不應重律杖八十折責三十板報聞。○士申。諭軍機大臣等。本年漕船行走迅速。南糧已於四

月二十日全數渡黃。前據書麟等奏江西九江幫徐子信等四船在黃河遇風。有漂沒米石。淹斃人口之事。因思此項船隻或由沿途派出員弁。惟知催趲前進。不顧風色。以致猝遭暴風。救護不及。亦未可定。各省幫船固不許無故逗留。倘遇風色不便。亦不可冒昧開行。致有疎虞。著傳諭管幹珍暨沿途督撫。及巡漕御史等。即通飭派出各員弁。於催趲船隻時。務宜留心察看。設見風色不利。不妨暫

令停泊。以昭慎重。若運丁舵工人等。因有此旨。輒思無故逗留。又當實力嚴催。不得任令遲延也。○又諭據劉秉恬奏。前月二十八日。在武城地方。見河內水勢陡長四尺有餘。必係豫省河北各府及山西地方。大雨霖潦。漳衛二河。源水盛發。故南運河水勢驟長。糧艘得以浮送。裕如等語。又吉慶同日奏到。運河水勢增長情形。與劉秉恬所奏相同。各幫糧艘。自出臨清閘河以來。雖有淺溢之處。自四

月二十八日長水以後則前次之遇淺起剝各船俱已揚帆北上毫無費力此係天恩垂佑朕心實深敬戴但近京一帶總未得有澍雨慙悚之至本日又據巡漕御史斐靈額奏北河安福莊地方有沙淤淺灘而德州上下亦間有古淺等語看來德州迤南運河水勢足資浮送重運而通州誌椿亦未據報落水但自德州至天津一帶古淺處所亟需認真撈挖一律深通俾重運得以隨到隨行迅速抵通著梁肯堂嚴飭所屬上緊籌辦毋致漕艘稍有淺擱再自天津至通沙淤灘淺之處應須該倉場督率疏濬挑挖現在劉東恬在臨清辦理截漕事務著諾穆親會同斐靈額將一切挖淺撥運事宜妥為經理至臨清間外運河之水雖據吉慶稱因雨驟長但恐逐漸消落所有撈挖古淺人夫及官民剝船仍著該撫留心備辦以便江廣重運遄行無阻方為妥協將此各傳諭知之○癸酉諭

現在設壇祈雨望澤孔殷時有雲陰因風吹散自應虔祭風神以期感召靈貺渥霈甘霖著於初六日詣風神廟敬謹致祭所有一切事宜交內務府照例豫備○又諭曰郭世勲等奏粵東洋鹽各商蔡世大陳維屏等呈稱現聞大兵進剿廓爾喀賊匪情願共捐銀六十萬兩以備凱旋賞賚之需等語廓爾喀賊匪滋擾後藏不過邊徼么膺指日即可殲除自不致多糜軍餉今既據郭世勲等奏稱該商等再四籲懇情詞肫切著准其共捐銀三十萬兩並准其於本年五月起分作六年完款所有捐餉之洋鹽商人著該署督等查明咨部照例議敘○又諭京城尚未得有透雨現屆青黃不接之時恐糧價不無昂貴自應減價平糶以裕民食其如何分城設廠並撥用何項米麥及派員經理之處著該部查照向例悉心酌議

尋戶部奏京城五城分十廠平糶米麥請派大臣十員分廠查察從之○諭軍機大臣等據趙佑奏考試信豐興國二縣童生孥獲鎗手王致中一摺所辦好王致中係代興國縣童生劉昌新入場應名代考事干嚴例今既據該學政孥獲詢明王致中係廣東嘉應州文童又供實名黃揚係州學生員供詞狡詐殊難憑信著傳諭姚茶即將王致中一犯解赴廣東交郭世勲飭令該犯原籍地方官查認明確仍解回江西提集案內人證一併嚴審定擬其在逃之童生劉昌新並著姚茶飭屬嚴拏務獲歸案審辦所有趙佑原摺著鈔寄郭世勲閱看將此各諭令知之○以太常寺卿蔣曰綸為大理寺卿○旌表守正捐軀河南上蔡縣民蕭上林妻朱氏○甲戌上詣廣潤祠祈雨○

命皇十五子嘉親王

祭

風神廟○諭軍機大臣等前據福康安等奏

籌勦賊匪機宜一摺內稱岱森保帶領索倫達呼爾兵三百名業已行至前藏等語此摺係三月二十六日拜發此時岱森保等計已行抵後藏烏什哈達所帶索倫兵丁及其餘屯土各兵亦當陸續踵至福康安等現在自必統率大兵相機進剿但喇特納已都爾及已都爾薩野先經鄂輝等檄諭復經福康安發檄誘降賊匪接奉兩次檄諭後何以竟不差人稟覆若非賊人自恃險遠不知畏懼官

兵即係因濟龍一帶之賊日久未見官兵進剿陽布相距更遠大兵一時未必遽能直搗巢穴或疑福康安等亦不過與前歲鄂輝等伎倆相同不敢深入屯留邊界意存和息將就了事敢為此遲延觀望之計亦未可定福康安目下惟當遵照節次所降諭旨先將濟龍絨轄兩處之賊勦滅淨盡廓清邊界使大兵深入免致後顧之虞至濟龍係通賊境大路賊匪在彼屯聚者較多節據福康安等奏

賊人又於該處添設木柵。為固守之計等語。福康安等統領大兵。自當由此一路攻剿淨盡。其絨轄一路之賊。雖少亦不可不分兵撲滅。以防間出滋擾。著派令台斐英阿幫同成德帶兵二三千名。前往絨轄。將該處賊匪一併殲戮。無遺方為妥善。若可兩路進攻。以分賊勢。亦佳。總在相機而行也。○乙亥。諭前據鄂輝等奏。請將勦拉木官寨賊匪。在事出力人員。分別獎賞一摺。人數過多。恐不無冒

濫等事。當經降旨。令福康安查明實在出力者。據實具奏。以昭公當。茲據福康安查奏。前次勦拉木官寨據守賊匪。經官兵攻撲堵截。悉就殲擒。雖鄂輝成德調度未妥。辦理遲延。而侍衛官弁兵丁等。實屬奮勇出力。除遊擊張占魁業經奉旨。以叅將陞用。應毋庸議。驍騎校塔清阿。阿朗阿。把總劉永青。出力稍次。此時毋庸陞賞外。其餘員弁兵丁。仍請分別獎擢等語。著照所請。都司張志林。十總尤漢

玉。俱著加一等陞用。副都司成勒春。丕勒。著賞給叵勒巴圖魯名號。土都司都魯斯達拉。著賞給喀達布巴圖魯名號。土守備生根。著賞給碩克巴巴圖魯名號。仍照例各賞銀一百兩。七十總阿庫。守備中扎朋。俱著賞戴花翎。都司什格。蒲益。章候。補守備馬登朝。兵丁崇喜。行營都司雍忠。折里。守備阿咱納。十總肯朋。阿凱。木賴。把總楊忠。俱著賞戴藍翎。土舍策旺。諾爾布。土外委阿扎。著各賞緞一匹。

以示鼓勵。○又諭。此次廓爾喀跳梁滋事。搶掠後藏。究因巴忠等辦理錯謬所致。其從前與廓爾喀所立字內。雖無給與銀兩之語。以今觀之。或與丹津班珠爾另立有保結。每年許給廓爾喀銀銀三百。倘若不給。聽其來扎什倫布滋擾等語。亦未可定。伊等以此項銀兩。係由達賴喇嘛商上支發。無庸丹津班珠爾自行給與。始如此辦理。以致廓爾喀等藉為口實。滋擾後藏。使巴忠尚在。豈止立正典

刑。即凌遲處死。實屬罪所應得。今伊投河斃命。已屬微倖。若仍留伊子官職。實不足以示懲儆。已忠之子。如有現在居官者。俱行革退。著在護軍拜唐阿上行走。○諭軍機大臣等。昨據梁肯堂奏報大名府屬之清豐南樂長垣廣平府屬之威縣各得雨三四寸。是該處近日已間有霑澤。或可稍冀薄收。所有前項漕米三十萬石。是否足資接濟。尚有多餘。如或有餘。即可分撥鄰近地方。酌量動支借糶。

抑或就前項漕米。儘數動用。尚覺不敷。並應酌量加添之處。亦應據實奏聞。因思該三府所屬州縣。向設有常社等倉。額貯穀石。此等倉穀。原備借糶之需。如截存漕米。不敷支放。即將此項穀石。添入動用。豈不近便。至保定以北。及近畿一帶。總未得有透雨。即此後續得甘霖。大田可資播種。而現在麥收已屬歉薄。亦應豫籌民食。將來察看情形。需用糧石接濟。如將漕米截留北倉。勢須分投轉運。各

該處道里較遠。水路不通。徒費運腳。因令戶部查得保定以北三十一州縣常平倉穀。除出借動用。共實存六十五萬五千餘石。又二十九州縣社義二倉米穀。四萬一千五百餘石。是各該處存倉穀石。為數不為不多。將來如需賑糶。與其將截留漕米紛紛運送。而各屬倉儲轉致陳陳相因。何不乘此青黃不接之時。就各該州縣現存米穀。酌量動支。以為平糶賑借之用。更為妥便。該督身任地方。何

竟見不及此。或已經辦理耶。著傳諭梁肯堂。即遵照諭旨。酌籌妥辦。如果各屬倉穀動用後。再有不敷。亦不妨據實奏明。候朕另撥漕米。亦無不可。至各州縣倉儲數目。平時或有動用等項。而其報部之數。自必確實。該督自可確查妥辦也。○又諭據吉慶奏。四月二十五日。省城得雨深透。自省城以及各屬八十四州縣。均得普霑。惟德州一處。微雨飄灑。不成分寸等語。東省濟南以南。俱經得雨霑足。

其直隸之天津府屬亦前據奏報得雨五寸。惟中間德州尚在望澤。而景州前此得雨止有三寸。亦未為霑透。昨據梁肯堂奏直屬二麥約收分數合計六分有餘。東省上年收成豐稔。此時缺雨處所亦僅屬一隅。著傳諭吉慶。即將該省本年麥收分數統算約有幾分。並德州北方曾否得霑甘霖之處。據實即行覆奏。以慰廑注。尋奏。通省二麥收成約有九分。德州尚未得透雨。報聞。○又諭前此福康

安奏到。撤諭賊匪附近各部落。併力勦賊一節。朕即以辦理太早。今據奏作木朗哲孟確。宗木各部落俱各觀望不進。而布魯克巴回覆之稟。以番兵分佈各隘口。現存兵力有限。難以再派出征。亦不免心懷畏怯。此係自然之勢。廓爾喀附近各部落。雖平日被賊匪欺凌。伊等若見我兵乘勝深入。自必紛紛響應。藉以報復私仇。搶還侵地。今大兵尚未進剿。各該部落或慮誑誘伊等。與賊接仗。而官兵

倘如前次不進。將來必受賊匪荼毒。且伊等兵力本屬有限。誰肯先與賊匪為難。福康安等惟當俟大兵齊集。將濟龍屯聚賊匪一鼓殲擒。即乘兵威壯盛。直搗陽布賊巢。其時附近各部落等自必聞風響應。可成破竹之勢。現在濟龍賊匪諒非勦敵。福康安等帶領如許生力勁兵。鼓勇進攻。斷無不破之理。自應先得此地。再圖進取。方為正辦。至繞道截其歸路。徑取賊巢之計。究非穩著。該處山路叢穢。萬一我兵首尾不能兼顧。關係非輕。節經降旨甚明。想福康安等接奉後。自必熟籌盡善。先將濟龍賊匪勦戮淨盡。再行統兵衆入。併力攻搗賊巢。一舉集事。其絨轄一路賊匪無多。即遵照前旨。派令台斐英阿。幫同成德。帶兵二三千名。分投前往。儘足以資撲滅。又據奏。丹津班珠爾之妻。即係沙瑪爾巴姪女。恐有勾結情事。此最應留心。前此丹津班珠爾赴邊界講和。即係賊匪指名令伊前往。定

議甫經到彼即被裏去。安知非沙瑪爾已與丹津班珠爾勾連一氣。做成圈套。否則丹津班珠爾隨帶多人何至被伊誣騙裏去。且丹津班珠爾上次向廓爾喀許銀和息。並非丹津班珠爾自出己貲。即此次攜帶銀兩前往備用。皆係達賴喇嘛商上之物。伊從中說合。現雖羈留賊地。將來事定。仍可坐享厚賞。故屢次所寄稟帖大率為賊匪緩頰。即其家信內。曾有被賊羈留受苦。懇其父用銀贖回之語。自係仍用達賴喇嘛商上銀兩看來。此事全係丹津班珠爾與沙瑪爾已互相勾結。狼狽為奸。亟應加意防範。雖據福康安等奏訪知丹津班珠爾及其父班第達平日辦事不公。番民嘖有煩言。斷不致為其煽惑。但丹津班珠爾與沙瑪爾已既屬姻戚。且久居賊中。居心狡詐。將來掣獲時。略加訊問。即於已圍魯侍衛章京內。慎選妥員。迅速解京。務宜晝夜嚴密防守。不可令與伊父班第達及家屬

見面。私通信息。此為最要。至福康安前此奏請添兵三千後。又有旨令孫士毅再備兵三千。聽候調用。其應否需調之處。並著福康安酌量行止。○又諭軍火錢糧。關係緊要。今經和琳酌立限期。分別懲賞。自可期迅速無誤。但口外烏拉。俱係該處土司出派受雇。與內地民夫情形不同。內地民人運送糧餉等項。尚有臨時觀望。不聽約束者。何況此等土民。本屬野性難馴。若過於嚴緊。或致躲避不前。並別滋事端。轉為未安。自應善為招集。酌加獎賞。然賞資亦當有節制。不可過優。倘過於優厚。伊等貪得無厭。不特難乎為繼。且不足以見恩。於事轉屬無益。著傳諭和琳孫士毅一體留心妥協經理。務使土民等知所懲勸。聞風爭赴。以期軍火錢糧源源接濟。賞罰得當。不致遲逾滋事。方為妥善。至已塘土司吹忠扎布。請照西藏所屬於現備烏拉之外。添備三百隻。伺候受雇。該土司急公報効。殊屬

可嘉業經和琳獎賞著孫士毅再傳旨賞給大緞二匹以示鼓勵○丙子旌表守正捐軀山西嵐縣民楊外外妻馬氏○丁丑諭曰管幹珍奏鎮江府通判鄭時泰管押漕糧不辭勞瘁三年以來均屬全漕迅速抵壩現在到通交糧事竣可否准赴戶部帶領引見等語鄭時泰著准其送部引見以示鼓勵○又諭曰朕閱給事中拴住從前條奏各款內有外省鄉試請照順天之例欽命題目並派出之

正副考官五日内起程一款業經禮部議駁今思各省鄉試題目甚多若一一皆須欽命殊為煩瑣其事自不可行至正副考官限以五日内起程係為防弊起見各省考官派出後在京耽延多日難保無交通囑託情弊拴住所奏不為無見嗣後派出各省正副考官俱著於五日内起程至禮部請派考官向例按照省分遠近以次進本行走日期本寬今考官起程既定限五日若仍循向例進本請

派則為期更寬該考官等勢必在途逗留以符到省入闈之期並著該部覈計各省程站遠近較向來進本日期酌改緩數日不必拘泥舊例辦理以杜弊端○諭軍機大臣曰吉慶覆奏山東通省各屬俱經得雨惟德州一處微雨飄灑不成分寸已飭該州將倉貯麥石高梁酌量出糶以平市價等語因思直隸景州一帶與德州接壤毗連前據該督奏報景州得雨僅止三寸今未據續報得有雨澤

是景州河間一帶總未得有透雨麥收未免歉薄自應酌籌借糶以濟民食著傳諭梁肯堂即將景州一處並查明河間新城涿州一帶缺雨處所飭令各該屬將常平社義倉穀酌量動用先行平糶並借給籽種口糧以平市價而資接濟該督務督飭所屬妥為經理俾小民得霑實惠以副軫念仍將各該處現在曾否得雨之處即行覆奏以慰廑注並著吉慶將德州一處是否亦應借給籽種口糧

之處一併覆奏。將此諭令知之。○戊寅。陝甘總督鄂輝奏。前藏以西。應安馬塘。查照上屆章程。各塘安馬五匹。續因不敷馳遞。添馬五匹。現在大兵進剿廓爾喀。每塘安馬十匹。仍屬不敷。請正塘安馬二十匹。腰塘十匹。以速郵傳。報聞。○己卯。諭。向來京師冬春之際。五城及普濟堂。俱設廠煮粥。以濟貧民。一屆融暖。例即停止。第念現在近畿一帶。尚未得有透雨。雖業經降旨。加恩平糶。尚恐京城及附近覓食貧民。餬口維艱。著五城。順天府。再行煮賑一月。並著都察院堂官。及該府尹等。不時前往查察。勿使胥吏從中滋弊。以副朕恤貧祈澤至意。○又諭。據恒秀等奏。吉林地方失火。延燒旗民住房三千餘間。請辦理接濟等語。著照恒秀等所請。將燒燬官房。動用官項修理。其罪犯人等。暫行收入同知衙門監內。俟監房修成時。照舊收禁。所有燒燬房屋之五品以下官員。及兵丁水手等。量其職分。

賞借一年俸餉修造。限五年坐扣。旗民鋪面房屋。如有無力願借官銀修造者。每間借給官銀三十兩。作為三年交還。餘俱照所請行。○又諭。吉林地方。去年失火。延燒旗民房屋。甫經蓋造完竣。今又被火燒燬三十餘間。甚為可憫。該處木植價賤。牆壁皆係木造。易於引火。若改用磚瓦。自無此患。著恒秀曉諭各旗民。一體遵行。○豁免安徽無為州。乾隆五十六年分。河工挖廢田地。塘溝十一頃六十。三畝有奇額賦。○庚辰。諭。前因直隸順德。大名。廣平三府屬。雨澤愆期。業經截留漕糧三十萬石。並將新舊錢糧。概予緩徵。其保定以北各州縣。亦未得透雨。應否緩徵平糶之處。降旨詢問梁肯堂。茲據覆奏。該處各州縣。久未得雨。或得雨未透。麥收未能豐稔等語。近畿一帶。上年秋成。雖在八分以上。且現經該督飭屬。將倉儲穀石。分別借糶。民食自不至缺乏。但麥收既屬歉薄。若照例將新舊錢糧。

倉穀同時並徵民力究未免拮据所有保定府屬之清苑滿城安肅定興新城容城安州束鹿雄縣順天府屬之宛平大興霸州東安大城保定文安涿州良鄉固安永清香河昌平順義懷柔密雲平谷通州三河武清寶坻薊州寧河河間府屬之獻縣景州故城吳橋交河易州併所屬之洺水廣昌等四十州縣應徵本年節年倉穀錢糧均著加恩緩至本年秋成後再行啟徵俾民力益紓以副朕軫念閭閻有加無已至意該部遵諭即行○旌表守正捐軀河南夏邑縣民馬某女馬氏○辛巳軍機大臣等議奏欽差湖南巡撫姜晟等奏稱雲南民人那耀宗在京呈控伊兄謀占家產誣為朱亦甫之子審屬虛誣請照例治罪得旨此案那耀宗本係朱亦甫之子並非那嘉猷所生業經在本省歷次審結有案今復妄希分得家產輒行添捏多款赴京呈控情殊狡詐僅照例問擬充軍不足蔽辜那

耀宗著發往伊犁充當苦差以示懲儆餘依議○壬午諭曰長麟奏拿獲海洋劫殺事主多命之兇盜審明正法一摺此案盜犯黃泳林等結夥多人在洋面行劫客船將事主水手等十二人擲海身死實屬兇惡已極長麟接據同知王恒稟報即督飭緝拿將首夥十三犯立時拿獲審明後押赴海口傳集被害之事主家屬等眼同看視將各該犯分別凌遲斬決所辦好長麟著交部議叙同知王恒盤獲多盜尚屬留心出力並著送部引見餘俱照該撫所擬完結○署江西巡撫姚茶疏報乾隆五十五年分靖安萍鄉新喻廣豐等四縣開墾老荒新生田地山一頃六十六畝有奇○旌表守正捐軀河南羅山縣民陳繼安女陳氏○癸未諭軍機大臣曰書麟奏拿獲在洋行劫之盜犯黃泳林等一案審明辦理請將總巡內洋之守備趙邦臣革職統巡之總兵陳安邦交部議處一摺此案行劫盜

犯。據同知王恒。知縣何啟秀。先後稟報查拏。均係長麟及文員拏獲。其巡洋大小營弁。怠玩疎防。自應分別懲處。即書麟統轄弁兵。亦屬失於覺察。已將原摺批交該部議奏矣。至所奏之總兵陳安邦。甫經陞見回任。此案若係陳安邦任內疎防。該鎮自難辭咎。俟查明送部。嚴加議處。若係陳安邦陞見卸任以後之事。即應將署任之員議處。著傳諭書麟。據實查明。咨部辦理。以昭覈實。綠營廢弛之習。

書麟應留心整頓。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百二

實錄卷之二

七

大清高宗法天隆運至誠先覺體元立極敷文奮武孝慈神聖純皇帝實錄卷之一千四百三

監修總纂官經筵講官太子太傅文淵閣大學士文淵閣領侍衛內大臣稽察奉 上諭事務處管理

吏部理藩院事務正黃旗滿洲副都統世襲騎都尉軍功加七級隨帶加一級尋常加二級軍功紀錄一次奏廢

總裁官經筵講官太子太傅文學士文淵閣領侍衛內大臣稽察奉 上諭事務處管理刑部戶部工部書務

世襲騎都尉軍功加十九級隨帶加二級又加二級尋常加四級戶部尚書鑲黃旗滿洲副都統軍功紀錄五次

尋常紀錄十四次世襲經筵講官太子少保工部尚書紀錄六次尋常紀錄等奉

敕修

乾隆五十七年壬子閏四月甲申

上御勤政殿聽政○諭京師自春徂夏總未得有透雨朕齋心虔禱望雲瞻禮宵旰靡寧節經降旨屢沛恩施以冀感召甘和渥霑澍澤旬日以來尚在盼雨未得朕心實增焦切日諭軍機大臣等現在政刑或不無闕失撫躬循省乾惕尤深因思近年來因臺灣海洋盜風甚熾曾諭該省督撫拏獲盜犯不分首從概行按律正法從重示懲俟數年後盜風少息再行照舊辦理原期禁戢兇暴以安良善

乃節年該督撫及附近海洋省分督撫等奏報拏獲洋盜多係一面奏聞一面即行正法雖屬辟以止辟之意第恐督撫等有意見長或為屬員陞擢地步所獲之犯未必盡係正盜僅將夥黨內無關緊要者拏獲充數甚至設法購求愚民重利輕生頂兇認盜而正犯轉致遠颺又或奸民因仇誣指該督撫既經奏明正法部臣亦無由覆覈其中或竟有冤屈亦未可知殊非朕靖盜安民之本意也即如近日長麟奏拏獲海洋兇盜黃泳林等結夥多人在洋面行劫客船將事主水手等十二人擲海身死兇惡已極該撫審明後即將首夥十三犯押赴海口分別凌遲斬決示衆此等刳殺多命之兇盜加以重典正可肅法紀而快人心不得謂之過當昨又據梁肯堂奏拏獲越獄之絞犯瞿套兒一犯恭請王命即行正法則辦理未免稍過該犯止係竊賊滿貫問擬絞候之犯今因越獄拏獲雖例應

加重亦祇應入於情實辦理何至決不待時外省似此非過則不及者正復不少各省用刑失當雖距輦轂甚遠然皆朕之土之民京師缺雨或即由此乎朕于惠元元遠近豈有歧視此後臺灣地方拏獲盜犯該督撫審明後如果係真正首盜害人賊據確鑿者自應即行正法以儆兇頑若止係隨從夥黨及把風接贓等犯仍按照常例分別辦理其附近海洋及各省凡遇命盜等案俱應細心研訊務期情真罪當按例辦理不得有意從嚴株連拖累此係朕額

天祈澤夙夜焦勞無聊之極思各督撫等尚其敬體朕意詳慎庶獄以期共迓祥和庶冀甘霖速霽將此通諭知之諭軍機大臣曰福康安等奏聶拉木濟龍絨轄等處賊匪添人拒守分據要隘福康安等進兵時擬先於聶拉木等處酌派巴圖魯侍衛等帶兵前往作為偏師福康安等會合大兵由濟龍直入攻

勦等語所辦俱好賊匪等雖據守要隘抵死抗拒諒非勦敵福康安等帶領生力勁兵鼓勇先登無難立時攻破而聶拉木一帶又有巴圖魯侍衛等分路進攻使賊匪腹背受敵顧此失彼自必望風膽落不攻自潰再據奏廓爾喀尚有舊居巢穴在陽布之西大兵進攻陽布時先行截其歸路要隘止須於濟龍聶拉木定結第哩朗古等處派員留兵與番兵協同防守已可杜其抄截之路等語所辦

已得其要惟思大兵進勦陽布時聲威壯盛賊匪自必併力死守冀圖延喘該處係屬賊巢且有城垣碉寨若賊匪悉力固守自較聶拉木為甚我兵徒恃圍困轉致稽延時日自不若於攻圍時將其城門故留一面示之以隙使其乘間逃逸我兵先於隱僻處所潛設埋伏趁賊匪逃竄之時出其不意乘機掩擊實為事半功倍朕又思賊匪在濟龍一帶屯聚近復添人拒守其所資口食自須由賊巢

運送即將來圍困陽布其糧石自必由他處齎運若能酌派官兵繞出賊後絕其餉道或將其水道一併斷絕俾賊人困於飢渴束手待斃此亦制勝之一策再我兵進剿糧運關係緊要節據福康安等奏現辦糧石牛羊等項足資萬餘人年餘之食但祇係籠統計算其濟龍以內本係藏地自可按程運送源源接濟至濟龍以外至陽布賊巢及官兵跟蹤進剿處所軍行糧隨其如何籌辦運送之處

總未據福康安等分晰具奏雖大兵進剿原可因糧於賊但究不可恃即兵丁裹糧而往豈能多帶且兵丁等俱係步行各有攜帶軍械火藥及衣裝等項已屬累重若再令裹帶口糧每兵所帶至多不過一月之食軍糧為衆兵托命設接濟稍有稽遲兵丁或以枵腹為虞衆心即不免觀望亟應先事豫籌方可有備無患所有濟龍以內糧運烏拉等事節經降旨令和琳在藏督辦鄂輝往來梭織催

查但伊二人所辦同係一事斷不可稍分畛域致滋推諉務須互相商酌彼此關照兩人共事如同一人若和琳在藏駐劄時鄂輝即至沿途催查趨運如鄂輝回至前藏和琳即赴後藏至濟龍一帶督率催查總期軍糧轉運迅速無誤至濟龍以外鞭長莫及非伊二人經理所能周到今思惠齡本係叅贊固應同將軍等統兵督剿但惠齡運籌調度自不如福康安而銜鋒打仗亦不若海蘭察自當用其所長所有濟龍以外及大兵所到地方需用軍糧竟著惠齡專辦不必同福康安等帶兵前進伊身為叅贊又係本省總督一切呼應較靈惠齡應酌量情形或設法滾運或於適中處所儲備應用俟福康安知照隨時運送如福康安等在賊境獲有糧食或尚不敷用應需若干即可照數陸續運往以資接濟惟在惠齡熟籌妥辦俾無缺乏但軍糧關係緊要恐惠齡一人照料難周著福康安於

已圖魯侍衛章京內如額勒登保者酌派二員並派綠營兵三五百名留彼隨同防護更為妥善將來大功告竣惠齡轉輸之功即與戰勝之功無異朕必與福康安海蘭察一同加恩並不因伊未曾督戰稍存歧視惟自濟龍以外設有缺誤則惟惠齡是問該督務須酌籌盡善俾軍食有資方為不負委任○禮部等部議准陝甘總督勒保題稱奇臺阜康綏來三縣學進額已足三十名應照原題設

庫增各二名六年一貢從之○改鑄梧州府督捕同知關防並裁舊辦鹽務添給養廉銀五百兩從署兩廣總督郭世勲請也○蠲免河南湯陰汲縣輝縣淇縣滑縣等五縣上年旱災額賦有差○乙酉諭軍機大臣等昨據福康安奏籌辦進剿事宜摺內稱聶拉木濟龍緘轄等處邊界探得均各添有賊匪拒守分據要隘等語殊不可解前此賊匪在聶拉木逗留七聚節據鄂輝成德等奏報帶兵攻

圍將聶拉木官寨賊匪剿殺焚燒殲除淨盡其事辦至一月之久鄂輝等張大其詞將帶兵人員開列多名懇請加恩竟似奏捷成功成德復於該處派兵拏卡四處防守是聶拉木地方賊匪早已殲淨且新設防禦堅固何以此時賊匪又在該處添人拒守則鄂輝等從前帶兵收復勒淨賊匪者何事殊不可信且官兵在彼拏卡防守豈有任聽賊匪添人前來分據要隘不行勒捕之理或係賊匪於

聶拉木以外通往賊巢路徑添人拒守而摺內聲敘未經明晰亦未可定著福康安等即將聶拉木何以添有賊匪拒守究在何處地方詳晰查明據實覆奏○又諭曰孫士毅奏打箭鑪至前藏道里遼遠軍儲等項未能剋期迅速現帶領幹員親赴察木多駐劄督辦此時福康安等正在集兵進剿糧運軍儲最為喫緊朕正為繫念今孫士毅移駐察木多親身督辦呼應既靈而承辦之員亦可隨時

稟商聽候調度一切糧餉等項史可迅速趨行事事應手孫士毅不辭勞瘁實心經理殊屬可嘉著仍賞戴雙眼花翎並賞大小荷包以示優眷口外地方烏拉等項俱係各該處土司出派受雇非內地民夫可比若過於嚴緊或致躲避不前轉有遲誤務在寬猛得宜善為招集想孫士毅自能辦理協宜俾土民等聞風爭赴踴躍趨事也至軍行需用糧餉等項由川省至察木多有孫士毅在彼督辦自可不至遲誤其自察木多以西由前後藏至濟隴以內地方昨已有旨令鄂輝和琳無分畛域彼此輪往照料伊二人務宜遵照昨降諭旨同心同力經理妥善今孫士毅駐劄察木多相去較近一切更可知會商辦又據孫士毅奏請將道員王啟琨留駐打箭爐責成經理等語王啟琨經孫士毅委辦出口各事務甚為出力自應留駐打箭爐俾資照料並著加恩賞戴花翎用示鼓勵其先派往之

道員林偶及所奏徐長發經孫士毅派在口外總理臺站該員等是否實能出力著孫士毅察看如果辦事奮勉著傳旨一體賞戴花翎俾其益加鼓勵丙戌諭此次著派皇八子皇十一子皇十五子分詣三壇虔誠祈禱諭軍機大臣曰勒保奏請捐辦馬五百匹解赴軍營應用一摺全無實濟所謂能言而不能行此項馬匹解赴軍營須由四川打箭爐前赴衛藏復由衛藏解至軍營程站寫遠馬匹在途行走勢不能不多延時日福康安等進剿賊匪斷無俟此項馬匹騎用再行進兵之理即馬匹解到軍營福康安等大功想已告竣是此項馬匹竟屬無用尤為多此一舉勒保豈竟不計此道路情形及行走月日耶明知其無及而姑為是言耶況由成都省城以至打箭爐出口後在在皆崇山峻嶺路徑險窄即四川各營馬匹因山路難行鞭長莫及尚未經調赴軍營以資應用若由甘肅

解赴四川又由四川出口解至軍營路途更為遙遠計馬匹行至成都即不能保無疲乏況出口後疊經山路更安能長耐勞苦即如昨冬福康安等由青海一路行走所騎馬匹途次尚有更換行抵前藏已多疲乏難以騎用且打箭鑪以外至衛藏一帶跬步皆山俱係磽瘠之區水草缺乏尤非西北口外有游牧處所者可比以五百匹之馬經行該處必至缺於餵養現在打箭鑪以外運送軍糧火

藥等項所辦烏拉尚多掣肘而勒保摺內遽稱此項馬匹自甘省起至成都所需解費草乾等項俱由勒保捐備交委員帶往並飛咨陝西四川督撫沿途多撥夫役官為照料其至成都出口以至軍營擬交孫士毅查收另委委員轉解前往等語試思馬匹數至五百安有多人為之解送又何從得有如許水草為之牧飼勒保惟知自甘省至成都應需解費草乾出貨捐備自以為辦理周到而自成

都出口以至軍營仍交孫士毅派員轉解伊仍置之不管是所辦亦太費周章矣勒保止知意在見好而不顧其事之能行與否殊屬非是著傳旨嚴行申飭所有此項馬匹勒保既請出貨購辦其自甘省至成都所需解員盤費馬匹草乾等項亦據奏明自行捐備今既無須此項馬匹即著勒保將從前福康安等由西寧出口時該督在提鎮標下及各營所挑馬一千五百匹內有經福康安海蘭察

及巴圖魯兵丁等騎往衛藏者為數若干即將現在所購馬匹及所備解費草乾銀兩內購買馬匹按各營缺額之馬照數抵補分還各營以遂其急公見好之舉又可省長途解送之煩殊屬兩有裨益丁亥旌表守正捐軀江蘇奉賢縣民劉思泳女劉氏戊子諭曰朕此次駐蹕熱河巡幸木蘭著怡親王儀郡王大學士公阿桂尚書常青留京辦事所有吏部兵部應行引見官員文職知縣以上

武職守備以上於啟鑾進木蘭之前著該部每月派堂官一員輪流帶赴熱河引見其文員內佐雜等官武員內八旗護軍校驍騎校及外省送到之補放驍騎校水手並年滿千總等官弁仍著王大臣照例驗放至八月以後月選州縣等官照例俟回鑾後歸於九月分一併引見其各省督撫提鎮等奏摺著齋摺人前赴行在投遞進哨後著兵部派員駐劄哨門接遞各省奏摺封送行在候朕批示

發回仍於哨門交付齋摺人祇領。又諭戶工二部議覆淮宿等關徵收稅課一年期滿比較五十五年短少盈餘銀四萬五千九百七十三兩零。應著落該監督照數賠繳等語。固係照例辦理第念該關稅課全仗山東河南等處豆貨販運南來錢糧始能豐旺上年南北各省收成俱屬豐稔商販無利可圖以致豆貨船隻到關稀少盈餘短絀尚屬有因所有此次淮宿二關短少盈餘銀四萬五千

九百七十三兩零著該監督賠補四分之一餘著加恩寬免。諭軍機大臣曰奎舒奏達賴喇嘛前往青海等處購買馬匹當即曉諭蒙古番子等挑選豫備等語達賴喇嘛因軍行需用馬匹特令人前往青海等處購買實為奮勉急公朕心甚為嘉悅著賞給碧霞玗念珠並大小荷包鄂輝和琳接到後即轉給達賴喇嘛祇領惟青海去藏甚遠達賴喇嘛所遣買馬之人總須八月間方能到藏此項

馬匹斷不能濟進兵時之用將來大兵凱旋總須馬匹應用著傳諭鄂輝和琳俟達賴喇嘛之人解到此項馬匹時飭令善為餵養以備凱旋時應付需用仍照所買數目發給價值以示優恤將此諭令福康安鄂輝和琳奎舒知之。已丑諭軍機大臣曰馮光熊奏晉省自鹽課改歸地丁之後鹽池發販鹽數自本年二月初一日起至四月底止較往年多至加倍有餘等語向來晉省行銷引課未能

辦理裕如總以該處鹽池產鹽不能旺盛為辭自課歸糧輸鹽聽民運之後商販絡繹兩三月內販運之數較前竟多至加倍有餘是鹽池所產鹽觔本為旺盛從前鹽歸官辦商課不能如期輸納加以地方官派商勒索商人視為畏途遂以鹽池產鹽不旺藉詞卸責今將鹽課改攤地丁不歸地方經理該省即以鹽池產鹽旺盛具報前後情形是否如此著馮光熊查明據實覆奏至此事既已行之有效利歸於下自應使鹽觔販運流通俾閭閻永資利賴並著該撫隨時督飭嚴查毋任官吏胥役等從中滋弊致有需索阻撓之事此為最要此事所辦實蔣兆奎之力已加恩矣將此諭令知之○又諭曰劉秉恬奏籌辦截漕一摺內稱近日臨清一帶水勢漸消河面未能寬濶江西船體較大請將在前之南昌等七幫跟接赴通儘在後之廣信等六幫截留撥給等語所辦好但臨清水勢漸見消

落於赴通重運是否不至妨礙近日通州誌橋並未據報落水自由上游潮河之水足資接濟臨清一帶河水前據劉秉恬等奏增長四尺有餘何以復形消落著傳諭吉慶務宜留心查察嚴飭所屬疏濬各泉源並將古淺處所實力撈挖俾漕艘銜尾進毋致稍有淺攔其北運河一帶有無淤淺之處並著諾穆親梁肯堂一體留心撈濬以便重運迅速抵通方為妥善將此傳諭諾穆親等並諭劉秉恬知之○又諭本日召見新授撫州府知府侯學詩看其人甚平常奏對亦不明晰該員前任廣東知縣時雖經孫士毅保題同知福康安保舉堪勝知府但朕閱其才具未必能勝方面之任著傳諭姚茶侯該員到任後留心察看如果不能勝任即當據實具奏不可稍有迴護以致貽誤地方○倉場侍郎劉秉恬奏交豫截留漕米用回空軍船運往向例運米船每次給行糧及雇繹銀四兩二錢

零計每人一日僅得工銀一分餘實屬不敷因思南漕在楊村起剝時各幫旗丁於交米一百石外例交船戶飯米一斗二升今既在東截卸請將此項米亦令交出添給運米軍船得旨嘉獎 庚寅諭河東鹽務從前僉商承辦徒滋地方官勒索之弊商力屢形疲乏是以議將鹽課改歸地丁以期刊歸於下商民交便但立法之初朕尚慮未能立時奏效乃自改定章程以來晉省業已行之有驗而河南陝西二省行銷河東引鹽地方節經穆和蘭秦承恩奏稱鹽價日減商民俱獲利益茲又據馮光熊奏現在該省鹽池產鹽旺盛兩三月內發販鹽數較往年多至加倍有餘等語是鹽課改歸地丁一事效驗甚速竟可永遠遵行商民均資利賴矣此議實蔣兆奎所倡朕不掩人之善是以自甘肅調彼至山西俾身任其事今果始終承辦已著成效甚屬可嘉蔣兆奎著加恩賞戴花翎以示獎勵

辛卯諭曰存泰年邁著原品休致所遺正黃旗漢軍都統員缺著淳穎補授 諭軍機大臣曰王懿德奏據道州知州劉國永稟稱拏獲武生李盛春等護黨挾嫌肆行糾搶一案現將人犯提省審辦等語此案武生李盛春等因革生何竹筠等私立矜戶名色抗欠錢糧經戶書李啟珩等證佐供出實情致何竹筠等罹於罪愆輒敢護黨挾嫌糾約多人赴李啟珩等家內肆搶洩忿情節甚為可惡不可不嚴行審辦以示懲儆畢沅現在湖南審辦案件著傳諭該督即就近提集人犯嚴究實情定擬具奏知州劉國永一聞糾搶之事當即前往查拏擒獲多犯其案內逸犯亦據道員達明阿全數弋獲尚屬認真並著畢沅查明會同獲犯之文武各員一併咨部分別議敘以示獎勵將此傳諭畢沅並諭王懿德知之 壬辰諭班第達辦理噶布倫事務多年尚屬奮勉今聞溘逝朕心甚為軫念著

加恩賞銀一百兩以作善事即於藏庫內動給諭軍機大臣曰福康安等奏訪察賊情自聶拉木被官兵攻克後各處隘口添兵防守並聞賊匪將丹津班珠爾及裏去兵丁王剛等四名給賞用度等語現在大兵雲集聲威壯盛賊匪自必聞風震懼是以於各隘口添兵防守並將丹津班珠爾及兵丁王剛等給賞優待其心持兩端已可概見即日大兵壓境賊匪勢窮力蹙或竟差人遞稟乞降亦未可定今福康安等定計擣穴擒渠永杜後患所見甚是已得大要惟當督率將弁官兵奮勇進剿俘擒渠首蕩平賊境克奏膚功至糧石為軍營要需大兵深入之後糧道愈遠不可不先事豫籌朕已早念及此節次降旨經理有人諸事應手無虞遲滯福康安等竟可專心籌辦進剿事宜剋期深入以期一舉集事現在索倫達呼爾兵自己早抵軍營其續調之屯土各兵諒亦先後齊集專望福康

安等統領進剿掃除濟龍賊匪乘勝直抵賊巢計日以盼捷音之至又諭據和琳奏沿途查催運送軍火烏拉情形一摺所辦俱好衛藏地方素習疲玩今當軍需緊要之時派運軍火錢糧等項每換烏拉一次待至十日半月不等經和琳切實曉諭設法勸懲該處營官喇嘛等咸知畏懼上緊雇覓所有存積軍火等項陸續起運可期迅抵軍營以資接濟和琳於此事實心整頓竟能不負委任於事有濟可嘉之至現在孫士毅已移駐察木多督辦軍儲而察木多以西衛藏地方又經和琳上緊催趲並諭令鄂輝往來梭織巡查是打箭鑪及前藏至濟龍以內烏拉等項已可無誤惟是口外烏拉俱係該處土司出派受雇非內地民夫可比若過於嚴緊恐致躲避不前或別生事端又將如何辦理著傳諭孫士毅鄂輝和琳務須妥為駕馭寬猛得宜於懲創之中寓鼓勵之意俾知感畏踴躍急

公孫士毅現駐察木多與鄂輝和琳相距不遠諸事可彼此酌商務臻妥協為要又據和琳奏乍丫等三處派出商卓忒巴等或係年老殘疾或係少不更事辦理烏拉多有違誤等語此等商卓忒巴皆係各該處呼圖克圖派出乃所派之人俱庸劣無能不能管事豈不貽誤軍需且據和琳奏查明乍丫察木多類烏齊三處自康熙五十八年底定西藏均係達賴喇嘛所屬地方現在軍需緊要和琳到藏後自應即與達賴喇嘛商酌或慎選妥人量為更換實力經理不得仍前諉之各呼圖克圖以致再有玩誤再聞和琳平素敬佛此次到藏時見達賴喇嘛班禪額爾德尼自必照常瞻禮致敬於佛法固當如此但聞向來駐藏大臣不諳大體往往因接見時瞻禮因而過於謙遜即與所屬無異一切辦事與噶布倫等視若平行授人以柄致為伊等所輕諸事專擅並不關白大臣相習成風已非

一日即如四十九年沙瑪爾巴前往廓爾喀地方並未告知駐藏大臣請領路引前此達賴喇嘛令丹津班珠爾前赴廓爾喀講和駐藏大臣並未與聞其許銀贖地一節亦未先行關白而駐藏大臣等雖有所聞亦佯為不知此即噶布倫等專擅之明驗也鄂輝和琳均係欽差大臣除拜佛瞻禮之外其辦事原應與達賴喇嘛班禪額爾德尼平等至噶布倫等即係屬員諸事自須稟命欽差辦理如伊犁將軍之統轄伊犁喀什噶爾參贊之統轄回疆方足以符體制而肅綱紀鄂輝和琳在彼應乘此時加意整飭力矯從前積習俾噶布倫等咸知天朝威令不敢心生玩忽庶事權歸一可期撫馭番民永綏衛藏又現在訊問仲巴呼圖克圖供稱上年九月內有把守營官寨之噶厦卓尼爾拏獲小娃子巴碌一名訊係沙瑪爾巴跟役聞得巴碌已解赴前藏等語巴碌係沙瑪爾巴跟役聽從指使

現據仲巴呼圖克圖供已解赴前藏何以從前總未據鄂輝等奏及其已礫一犯是否業經解赴前藏著即查明如已解到即委妥員迅速解京以備質訊○甲午豁除奉天錦縣義州乾隆五十五年分水衝沙壓地一萬九千五百六十七畝有奇額賦○乙未諭軍機大臣等據琅玕覆奏范公塘石壩前請改用柴工辦理實為錯謬等語范公塘一帶石壩已閱多年現在壩基依然穩固若改用柴工

偶遇風潮轉易汕刷自應仍用石壩為此項石壩向來係用碎石沉入海邊疊出水面以上以柵欄木櫃裝載碎石排列但碎石大小不等若僅以碎小子拋入水中恐根腳不能堅實自當檢取較大石塊作為基址方能得力且用散碎石塊墊作壩基水底無所關束究未免易於衝刷不若將竹簾較前放大內裝石塊沉入海底壩基豈不更為牢固是否可以如此辦理著福崧於應行修築時酌

量情形遵照妥辦至福崧於本年正月奏請陞見摺內朕批令畧遲待數月現在將屆伏汛之時沿海塘工一切防護搶修均關緊要如該撫尚未起程此時且不必赴京俟伏秋大汛平穩後於十月間到京陞見亦無不可若該撫現在業已起身於途次接奉此旨亦不必轉回俟陞見後即速回浙省往返不過月餘於塘工防汛事宜儘可無誤也將此諭令知之○又諭曰吏部議駁廣西候補州同

王撫崇題署太平府龍州同知一本已依議行矣王撫崇係試用州同即請補同知實缺未免過優吏部按例議駁所辦尚是但該員前於駁回阮光平表文一事不待稟知督撫即直捷辦理以佐貳下僚具此識見甚屬可嘉論其才具不特越陞同知即超擢知府亦堪勝任原不必拘於資格第此時即將王撫崇陞擢恐阮光平聞知未免心生疑畏是以昨經郭世勲奏到止先令賞給大緞二匹以

示嘉獎本日吏部議駁本上亦照簽批發著郭世勲陳用敷將此旨詳細傳示王撫崇惟當益加奮勉俟二三年後朕必加恩擢用也將此諭令知之○以編修王宗誠為雲南鄉試正考官檢討張鵬展為副考官編修蔣攸銛為貴州鄉試正考官檢討錢開仕為副考官○丙申

上御勤政殿聽政○諭京師自春徂夏總未獲沛甘霖朕晝夜焦勞無時或釋去冬因雪澤較稀即於春間齋心祈禱而入夏以後望澤尤殷屢經敬謹籲求仍未能即施渥霽輾轉思維求所以不能感召之由而不可得至於夜不成寐昨本欲於二十八日御門聽政時召見大學士九卿等面加諮詢交相循省今早適恭閱

聖祖實錄康熙二十一年六月亦因天氣炎旱曾令九卿科道會議彼時九卿等奏請清理庶獄而親祈之禮未及舉行現在恤刑一事

朕不待九卿奏請早經降旨並截漕緩徵平糶煮賑等事無不次第加恩且朕曾於黑龍潭覺生寺拈香敬禱又令皇子等分詣行禮凡所以祈求甘澤者已無不備至因思乾隆二十四年京城亢旱六月初旬尚未得雨朕於十一日舉行大雩禮躬親步禱旋沛醴膏但維時朕年甫四旬有餘力能步行今春秋八十有二矣雖精神尚能如舊而步履未免稍艱即在宮內行走天色稍暗間或需人扶掖若必勉強步禱足力不支倘偶愆儀節轉不足以昭慈誠如本日召見諸臣內尚書常青年甫八十精力素稱強健乃因跪聆諭旨為時未久竟至頭目眩暈須人掖出况朕年高於常青乎且朕雖未行大雩之禮而於設壇祈禱分遣皇子等恭詣行禮時朕每日夙興必於宮中升香

天神

地祇前默禱偶見雲氣往來必望空叩祝是朕

雖未步禱而為民祈澤之誠實不敢一刻稍懈乃至

三壇禮竣

昊眈未昭夙夜焦思撫躬自省或緣政治有所缺失以致未能感迓祥和但自古政治之失無如女謁宦寺權臣外戚諸大端現在宮中妃嬪四五人皆已年老且不能備位至於女樂自即位以來即不用其餘給使女子合之皇子皇孫等乳嫗使婢統計不滿二百人為

從來宮闈所未有至本朝闈寺祇供灑掃之役從不敢干與政事近因約束更嚴稍有微愆即加斥責而伊等亦自覺愚蠢即尋常使令尚形竭蹶豈復能營私舞弊是以願充太監者日少當差竟致乏人若云權臣專政則更無其事朕乾綱獨攬太阿從不下移況現在內外大臣俱朕親加擢用不特不敢如前明之嚴嵩輩盜竊威柄朋比為奸即本朝康熙年間明珠徐乾學等私相交結少通饋遺

雍正年間及朕乾隆十年以前鄂爾泰張廷玉等素知謹慎尚不免稍存門戶之見此時諸臣中亦無一畧似彼二人者以言外戚則觀音保為

孝聖憲皇后之姪在散秩大臣上行走十有餘年甫得簡用副都統爵位亦不為崇若傳恒福康安之晉封公爵俱因底定金川及勦平臺灣等處逆匪懋著勞績用示酬庸並非因傳恒福康安為

孝賢皇后之弟姪特加恩寵即明瑞奎林明亮皆

皇后之姪俱以躬列戎行為國家宣力而明瑞又係歿於王事此等得力大臣豈必因身係外戚轉棄而不用乎其餘如興修工作等事朕早自以為過然俱動用內府帑餘從無絲毫累及閭閻並或以工代賑俾小民均資利益且近十餘年來亦未嘗復舉大工是朕之用人行政天下臣民所共聞共見者因復

思目前重務惟有進勦廓爾喀一事外間或有議及不應勞師動衆以致雨澤愆期者殊不知廓爾喀係微外小番前此因與唐古忒人等鹽稅細故侵擾後藏邊界彼時派令巴忠郭輝成德等前往剖斷賊匪即畏懼乞降此次賊匪復因帳目未清又來滋擾經駐藏大臣具奏時朕僅令郭輝成德帶兵往諭原不過示以兵威使之悔罪乞降不敢再萌他念即可完事而已及巴忠聞信自戕始疑從前辦理錯誤而賊匪等竟敢擾至扎什倫布肆行搶刦若不痛加殲戮賊匪無所忌憚勢必為得尺則尺之計漸至侵及前藏即察木多已塘裏塘一帶亦必受其煽惑日久漸成邊患且此時僅以和息了事將來大兵徵後倘賊匪復來滋事後藏距川省遼遠鞭長莫及斷無屢勞兵力遠涉勦辦之理是以特命福康安海蘭察等統兵前往聲罪致討無非為綏靖邊圉保護衛藏起見朕臨御以來拓

土開疆膚功屢奏以廓爾喀之蕞爾彈丸不及回準二部兩金川緬甸安南百分之一豈屑利其土地而為此勞師動衆之舉此朕不得已用兵之苦心又宜為天下臣民所共諒者或此即窮兵黷武乎朕反覆推求終莫能得致早之故但甘澤未施總由朕躬不能感格豈此自省無缺之一念即不免為滿盈之累遂致恒暘示儆耶此意朕每日召見軍機大臣未嘗不再三垂問即大學士九卿間日召對時均殷殷面詢令其據實直陳而諸臣等僉稱並無缺失大臣等俱受朕深恩於此等關係民瘼重務經朕虛懷訪詢豈忍復事諱飾第

天恩未降究由人事未孚是以本日於御門聽政畢復召見皇子皇孫及大學士九卿等交相咨徵務求致早之由益加省惕皇子等皆當

北郊大祭齋居並派皇孫大臣等分詣黑龍潭

覺生寺齋宿籲禱。仍令皇子等輪日前往拈香。此時將屆夏至。若能速需恩膏。趕緊播種。大田秋收尚屬可望。著大學士九卿等傳集科道。公同諮議。如果確有所見。即據實合詞陳奏。以副朕遇災戒懼側身修省之意。○諭軍機大臣等。據劉秉恬奏籌辦截漕一摺。內稱直隸大名府前此運回截漕米五萬餘石。均係雇覓民船由漳河運往。計日內可以放空回轉。此項空船正欲回去覓載。不如即將

實錄卷一百一十一

十一

此項船隻截留應雇而軍船用。以起撥於糧運自更有益等語。本年漕船抵通。比往年已屬較早。又當遇閏之年。即抵通稍遲數日。亦於回空無誤。且漕米抵通。亦不過閒貯倉廩。並非現待關支者可比。若因起撥漕米。竟將民船展轉截留。應雇以致往來商旅不能販運流通。於民食大有關係。現在直隸地方雨澤稀少。麥收較歉。糧價恐不免昂貴。正需各處商販源源接濟。且直省地方糧食向多仰

給於豫東二省商販運往接濟。本年山東及豫省之河以南雨澤尚屬調勻。糧價較賤。自應聽其自行販賣流通。轉運方於直隸附京一帶被旱之區大有裨益。今劉秉恬所奏。是但知趕運漕米而於通商便民之計。竟未籌及。所謂止知其一而未知其二也。又據吉慶奏於三進尾幫過濟後。將天井在城二閘嚴行封閉。以遏南瀉之水。及幫船轉運分水口後。即將寺前通濟二閘嚴板貼席。使汶河蜀山湖之水。全行北注。以資浮送等語。運河原以濟送漕船。但商販船隻亦資利濟。若將南流之水阻遏於漕船北上。固屬有益。而民間商賈必致阻滯。所辦亦未周到。著傳諭劉秉恬。所有軍船應行起撥米石。仍用官備撥船運載。毋得再雇民船。致阻商運。並著吉慶將閘河相機啟閉。酌籌盡善。固不可貽誤漕運。亦不可令商販稍有阻遏。以副朕軫念民依酌加調劑至意。將此各諭令知之。○以太僕

實錄卷一百一十一

十一

寺卿秦清為太常寺卿 丁酉

上詣

大高殿行禮 還宮 諭現在恰克圖已准其照常貿易所有刑部監禁私販大黃茶內絞犯民人李生貴回子邁瑪第敏俱著加恩釋放其邁瑪第敏如情願回至本地准其跟隨年班入覲之伯克同往倘不願回至本地即著入於在京回子佐領下管束 諭軍機大臣等昨朕親覽仲巴呼圖克圖攜來達賴喇嘛班禪額爾德尼呼畢勒罕所給噶勒丹錫勒圖呼圖克圖等書猶望令仲巴回藏仲巴乃前輩班禪之兄非他人可比賊匪侵擾扎什倫布時伊正當率領眾喇嘛看守廟宇乃於賊匪到時孜仲喇嘛等求乞龍單即向伊告知伊反倡率眾人逃避其罪比孜仲尤重蓋扎什倫布地方有班禪額爾德尼數輩塔座在彼皆因伊首先逃避以致塔上鑲嵌物件俱被賊匪刦掠此其忘背祖師即為忤亂

佛法賢愚因緣經第一卷內即載佛捨身割肉喂鳥一節況於前輩世代塔坐廟宇之重尤應不惜軀命如意護持乃仲巴祇為身謀棄捨逃避實為佛法之所不容本應即予正法姑念伊係前輩班禪之兄特加寬宥但令解送來京著在從前班禪額爾德尼所住德壽寺居住實為法外之恩又何得再令其回藏從前達賴喇嘛之弟羅布藏根靈扎克巴之罪比伊本輕現因達賴喇嘛奮勉軍務加恩令其回藏適堪布囊蘇來朝令其面見特降諭旨詎伊福薄身故今仲巴之罪較為重大恐班禪額爾德尼年幼眾喇嘛不識大義未必不仍望其回藏著鄂輝和琳接奉此旨親到布達拉傳集達賴喇嘛班禪額爾德尼及前後藏眾呼圖克圖喇嘛人等告以大兵進剿廓爾喀賊匪特為護衛黃教起見並將仲巴孜仲分別治罪亦欲使眾喇嘛通知大義尊持黃教之故明白曉諭俾伊等咸知朕

意○是日起

上以夏至祭

地於

方澤齋戒三日○是月署江西巡撫姚茶奏查

閱營伍飭令勒限操演軍裝器械點驗並無

殘缺批以實為之母久而懈○貴州巡撫陳

淮奏黔省地丁銀歲止十二萬一千五百餘

兩飭令隨徵隨解以杜那新掩舊之弊批好

毋始勤終怠又奏屬官時加訪察持之以久

實錄卷五十一

十一

批得之矣

大清高宗法天隆運至誠先覺體元立極敦文
奮武孝慈神聖純皇帝實錄卷之一千四百三

實錄卷五十四

十一

大清高宗法天隆運至誠先覺體元立極敷文奮武孝慈神聖純皇帝實錄卷之一千四百四

監修總裁官經筵講官太子太傅文淵閣大學士文淵閣領閣事禮部尚書內大臣稽察欽奉 上諭事件處管理
吏部理藩院事務正黃旗滿洲副都統世襲騎都尉軍功加七級隨帶加一級奉 上諭事件處管理
總纂官經筵講官太子太傅大學士文淵閣領閣事稽察欽奉 上諭事件處管理刑部主事
世襲騎都尉軍功加九級隨帶加二級又加二級臣等謹將內大臣戶部尚書庫倫滿洲副都統軍功紀錄五次
奉 上諭紀錄十四次臣等謹將經筵講官太子少保戶部尚書紀錄六次臣等謹將纂修

敕修

乾隆五十七年壬子五月戊戌朔諭此次大

兵進剿廓爾喀節經降旨撥銀三百萬兩解
往川省以備軍需恐尚不敷應用著戶部於
附近四川省分再酌撥銀二三百萬兩解交
川省備用○又諭向來蒙古偷竊牲畜十匹
以上者首犯未獲將為從之犯即擬絞候監
禁俟首犯就獲再照本罪問擬第念此等人
犯究係隨同為從之人若因首犯未獲久羈
囹圄情亦可憫現在清理庶獄所有監禁偷
竊牲畜為從之旺濟勒丹畢勒等十六犯即

各按本罪發落嗣後各省俱照此辦理如該
犯等本係起意為首因同案逸犯未獲無憑
質證狡供為從希圖避重就輕將來獲犯後
審出該犯等實係起意為首無難於配所提
回審訊明確治以應得本罪該犯等亦無從
狡飾其未獲之首犯仍著各該處嚴飭上緊
緝捕務獲按律治罪不得因有此旨遂視為
海捕具文也○又諭本年春夏以來京師及
直隸近畿一帶雨澤稀少糧價不無昂貴節
經降旨令順天府府尹設廠平糶五城煮賑
並令梁肯堂將被旱各屬倉穀酌量動用及
應徵錢糧緩至秋後開徵矣茲京師已於閏
四月二十九日大沛甘霖西北一帶更為優
渥雲勢寬廣現仍濃陰未止想近畿一帶自
必一律均霑現在節近夏至農民正可趁此
普植秋禾但恐無力貧民一時趕種未免竭
蹙所有順天府所屬各州縣除就近傳知該
府尹等查明即行借給籽種外其直隸被旱

地方現在已經得雨。趕種秋禾之處。並著梁肯堂查明。一律借給籽種。以資播植。副朕獲澤施恩有加。無已至意。○已亥。諭軍機大臣等。據李奉翰奏籌辦運河水勢情形一摺。內稱。此時江西尾幫。催過南旺分水口。已將南旺迤南寺前等閘。嚴行閉板。俾蜀山等湖放水北注。接濟臨清等語。現在京師連日得有透雨。雨勢極為寬廣。直隸山東一帶河路。自已長水暢流。諸凡順適。無慮船行之稍有阻

奉李奉翰

十

滯矣。本年漕運抵通較早。且到壩後。亦不過閒貯倉廩。並非現待關支者可比。而直隸缺雨歉收。地方正需各處商販糧食接濟。前因劉秉恬奏截雇民船。以速漕運。及吉慶奏。三進幫船過濟寧後。封閉天井等各閘。使湖水下注。以資浮送漕船。但知趕辦漕運。而於通商便民之計。並未善及。皆所謂知其一。不知其二。業經飭諭妥辦。現在已得透雨。河流暢順。更無庸復事周章。著傳諭劉秉恬李奉翰

等。該處開河。務須相機啓閉。酌籌盡善。斷不可因欲速漕運。致令商販稍有阻遏。以副朕念切民依。隨時調劑至意。○又諭據琳寧等奏修

昭陵前木柵。並永瑋自行增修者。請一體動項。官為修理等語。盛京產木之處甚多。

陵前柵木。能需幾何。向來修理。俱不開銷。如平日責令總管等隨時補葺。甚易為力。今又非全行修造。輒請動項。並永瑋自備三十四段。

一例官。為修補。琳寧傳森甚屬卑鄙。將欲浮冒漁利乎。看來彼處一切工程。均不可信。琳寧傳森著嚴行申飭。嗣後似此工程。俱責令總管等隨時伐木補修。不必特請。○命編修嚴福在尚書房行走。○庚子夏至祭

地於

方澤。

上親詣行禮。

景陵○辛酉明園○辛丑諭軍機大臣會同禮部議覆安南國王阮光平請定貢期方物一摺所稱從前舊例該國三年一貢者定為兩年六年遣使來朝一次者定為四年等語著依議行至呈進方物內金銀器二項係沿照舊例定議但任土作貢原視物產所宜況此次新定該國貢期已較前稍密足以表該國王親敬之心其舊例金銀器若毋庸呈進即此外沉香等物若未能備數不妨就該國所有如土統絹布均可進奉不必拘定成例所謂不惟其物惟其意也該國王尚其仰體朕心欽承無斁以副朕格外體恤至意○諭軍機大臣等據郭世勲奏揭陽縣民謝阿通等行竊拒捕傷差並戕害巡檢一案等語首犯謝阿通并謝阿袋等十名又續獲謝阿聲等四名其在逃各犯現在督飭嚴拏務獲等語此案謝阿通等因行竊被事主追趕拳毆輒挾忿將事主毆斃經縣差往拏復敢毆傷差

役及至巡檢張書紳督拏竟敢逞兇拒捕將巡檢殺害刁惡已極必當按名緝獲從嚴辦理以靖地方前因京畿缺雨曾降旨令附近海洋省分凡遇命盜等案俱應按例辦理不得有意從嚴原指尋常案件而言今謝阿通等拒捕戕官情罪重大實屬莠民之尤此而不嚴行懲辦何以肅法紀而儆刁頑著傳諭郭世勲辦理此案不得拘泥近旨其為首之犯竟當問以凌遲即幫同下手戕官者亦應問擬重辟此外拒傷差役助惡助勢各犯均當照舊從嚴定擬其未獲各犯即嚴飭文武員弁上緊緝拏並於通海道路分派兵役嚴密偵緝毋致一名漏網仍將現獲各犯一面先行定擬具奏不可因有近旨稍事姑息遷就也○又諭曰梁肯堂奏保定省城五月初一日得雨三寸安肅定興滿城良鄉四縣閏四月二十九夜至五月初一日得雨二寸四寸不等又順天承德等府屬州縣俱於閏四

月二十、二十一等日。得雨一二寸至五寸等語。京師於閏四月二十九及五月初一日。連得霽雨。極為深透。本日又遠保成秦。熱河一帶。自閏四月二十九日至五月初一日。甘霖大沛。得雨甚為優渥。想該督尚未據各屬報到。故未經奏及。連日陰雲間作。直隸缺雨。一帶各府州屬。自必一律均霑渥澤。前已降旨。令該督查明應借戶口。酌量借給籽種。現在得雨地方。自己趕種秋禾。其有得雨較遲。或

僅止一二寸。未能普渥。間成偏災處所。著該督遵照節降諭旨。酌量賑濟。加意撫卹。務俾小民均霑實惠。毋使一夫失所。仍據實奏聞。不得稍有諱飾。其距省稍遠。未經報雨各州縣。現在曾否已得透雨之處。即速查覆奏。以慰廑注。將此諭令知之。○又諭此次賊匪投遞福康安稟帖內。尚敢以藏內不行使廓爾喀銀錢。及不依合同付給銀兩二事。曉曉置辯。懇求剖斷。可謂貪愚已極。經福康安明切

檄諭。詞嚴義正。極為得體。若拉特納已都爾接奉檄諭後。希冀已降完事。親帶已都爾薩野瑪木薩野沙瑪爾巴等。前來軍營。即可就勢擒拏。是不煩一兵。不折一矢。而渠魁助惡。悉就俘擒。豈不更為省事。或賊匪狡詐異常。不肯墮我計中。現在各兵俱已到齊。軍糧烏拉俱已經理有人。諸事應手。無虞遲滯。福康安惟當督率將弁官兵。勤洗邊界。逗留之賊。匪乘勝深入。為搗穴擒渠之計。前因京城一

帶望雨。秦切朕心。甚為焦急。今連日大沛甘霖。普遍深透。趕種大田。秋收可望。事機極為順利。福康安等聞之。自當同深欣喜。可見一順百順。此時統兵進剿。諒必勢如破竹。一舉成功。惟計日以待捷音之至耳。至鄂輝成德。前次在聶拉木拉子地方停留。不即往濟隴勦賊一節。茲據福康安等查明。尚非故意紆迴。耽延時日。伊二人愆尤叢集。其咎亦不在此。惟看其如何立功自贖也。又據鄂輝奏大

兵進勒那爾客軍營文報。應行添設塘馬。以資馳遞。自前藏至脅噶爾。應添設站六處。自拉子至宗客。應添設站三處。等語。軍郵文報往來關係緊要。今於軍營沿途添設塘站馬匹。自應如此辦理。前經有旨。令鄂輝和琳會辦糧運烏拉事宜。此事並著伊二人隨時查察。務期郵遞迅速。○壬寅。諭軍機大臣等。昨據梁肯堂奏。保定順天承德等府屬。俱得霽雨。而易州地方。得雨僅止一二寸。昌平一帶亦止三寸等語。現在詢之順天府。據稱昌平等處連日得雨。已經深透。想該督尚未據該州稟報。易州一帶。近日得雨。諒已深透。著傳諭梁肯堂。即行查明各該處續得透雨。及入土分寸若干之處。迅速覆奏。以慰廑注。○癸卯。諭據富尼善奏。請將筆帖式五十八給與主事職銜。佛柱奏。請將筆帖式舒清阿。授為委署章京等語。此項筆帖式。皆由本處兵丁陸續陞補。若作為主事職銜。委署章京。仍照

伊等所奏。行走五年為滿。是該員等既邀陞用。復得進京之途。未免過優。五十八舒清阿。俱著七年期滿。再行照舊辦理。著為例。○諭軍機大臣等。本日據書麟吉慶奏。盜犯彭正林等。出洋行劫。將舵工水手。推海淹斃一摺。已批交三法司覈擬速奏矣。前因京畿缺雨。曾降旨。令附近海洋省分。審辦盜案。祇須照舊辦理。不必從嚴。今盜犯彭正林等。糾夥在洋面行劫。竟至將舵工水手。推溺斃命。慘惡已極。豈可不嚴行懲辦。以肅法紀。而靖海疆。閩粵江浙等省。俱係瀕海重地。若各該督撫等。因有近旨。於盤獲洋盜。一味從寬。意存輕縱。勢必盜風日熾。轉非辟以止辟之意。且現在京師及畿輔一帶。俱已普沛甘霖。此等兇惡盜犯。豈可稍從寬典。轉致擾害良民。著傳諭閩粵江浙等省各督撫。嗣後遇有洋盜重案。情節兇橫。戕殺多命。疊劫多案者。均當從嚴辦理。不得拘泥近旨。稍事姑息。以期靖盜。

安良○又諭曰。吉慶奏。據署膠州知州沈霽稟稱。在東洪洋面。盤獲無票漁船一隻。究出黃月林等。聽從彭正林。在江南海門地方。劫奪孫泳茂船隻。並將舵水楊才。丁泳。二人。推海淹斃。現將首盜彭正林一犯。拏獲。解交江省審辦。其逸盜萬奇。現在飭屬嚴拏等語。已批交三法司。覈擬速奏矣。彭正林等。膽敢糾夥出洋。劫奪客船。並將舵工水手。推跌入海。斃命。兇惡已極。吉慶係隔省巡撫。竟能不分疆域。督飭所屬。拏獲首盜。解交江省審明正法。辦理甚屬認真。所有署膠州知州沈霽。於隣省洋盜。即能留心盤獲。亦屬能事。著送部引見。其在逃之萬奇一犯。仍著各省督撫。嚴飭所屬。實力查拏。務獲。毋任遠颺漏網。將此各諭令知之。甲辰。諭曰。玉德現在出差。蘇凌阿又派令隨往熱河。伊齡阿。於刑名未能諳習。玉德未回京以前。所有刑部侍郎事務。著穆精阿兼署。○又諭。從前臺灣海口員弁。

得受陋規銀兩。於各家屬名下著追。其實在無力完繳者。經該督撫奏請。於該管各上司名下攤賠。業降旨加恩寬免。海口員弁。得受陋規。多至鉅萬。該管上司。乃竟毫無覺察。本應一體著賠。因念人數太多。且閱年已久。是以免令攤賠。但各管上司內。有棄瑕錄用者。其應得廉俸等項。若仍准支領。究不足以示懲。即如雅德。現賞給頭等侍衛。在新疆辦事。其得項。即不應支給。所有此案失察海口陋

規。曾免攤賠之各上司。如有復邀錄用者。雖免攤賠之項。俱不准領廉俸。以示因循不察屬員者戒。○又諭。向來親王郡王以下府第。俱有定制。載在會典。惟門首應否設立行馬。下馬橋。及高下寬窄遠近之處。並未開載。但行馬。下馬橋。為規制攸關。會典未有明條。難以遵循。亦應明立限制。以示等威。此後親王。固倫公主。郡王。和碩公主。及貝勒門首。俱准設立行馬。下馬橋。員子以下。不准僭用。其尺

寸高下寬窄。距府第遠近若干。應如何分別等差。著宗人府會同步軍統領衙門詳議章程具奏。至諸王園居。惟彩霞園曾經

皇祖駐蹕。是以門外建蓋東西相向朝房二座。自應仍存其舊。此外諸王公主之園居。俱不准建蓋朝房。以示限制。其親郡王子孫。以次降封至貝子以下者。其舊居府第規制。俱毋庸更改。惟行馬及下馬橋。應照定制撤去。不得僭用。並交宗人府存記遵照。尋議親王。固

倫公主。郡王。和碩公主。及貝勒。門首俱應設立行馬。下馬橋。其親王。固倫公主之下馬橋。應高一丈。郡王。和碩公主之下馬橋。應高九尺。貝勒之下馬橋。應高八尺。其行馬。親王。固倫公主。應安設八架。郡王。和碩公主。應安設六架。貝勒。應安設四架。每架以五尺為率。從之。○旌表守正捐軀四川汶川縣民苟相聘妻羅氏。○乙巳。諭曰。吉慶奏山東德州一帶。自四月二十五六等日。得有透雨。以後迄今

未獲續沛甘霖。地土乾燥。晚禾雜糧。播種無多。小民口食不無拮据等語。前因東省德州一帶。望澤甚殷。業經降旨。令該撫查明無力貧民。借給籽種口糧。以資接濟。今該處至今。既未獲被甘膏。麥收失望。若應徵新舊錢糧。同時輸納。民力益形竭蹶。所有德州。平原。恩縣。武城。夏津。邱縣。臨清。高唐。館陶。並德州衛等十州縣衛。本年應徵新舊錢糧倉穀。著加恩一併緩至秋後。察看收成。再行改徵。以紓

民力。其實在無力貧戶。並著賞給一月口糧。用資接濟。該撫務督飭所屬。實心經理。俾小民均霑實惠。以副朕軫念民艱之至意。該部即遵諭行。○又諭。本日太常寺將贊禮郎六缺。讀祝官二缺。帶領引見。所帶人員。多至二十八名。殊屬非是。其

陵寢贊禮郎。讀祝官二缺。已即行引見補放。此外亦僅有六缺。何必需用二十餘名之多。朕引見內外各官。一日有多至百餘員者。從不

厭煩勞。但部院衙門引見官員。即係緊要之缺。例止擬正擬陪。候朕簡用足矣。況贊祝微員。又何須加倍乎。且單內缺分行款。

陵寢擡寫三字。本寺之缺。亦應擡一字。以便一目了然。乃竟一例平寫。眉目不清。該堂官於此等處。全未留心。殊屬疎忽。所有此次帶領引見之太常寺堂官。俱著交部議處。○又諭曰。伍拉納等奏。查獲私拆公文。投入匿名揭帖。誣告本管營弁之兵丁柯大斌。定擬絞罪。

請即行正法一摺。所辦過當。此案柯大斌。因本管把總許登龍平日管束嚴緊。並有同營食糧之弟柯幅。因情誤標演。曾被許登龍責處。柯大斌挾嫌。捏寫許登龍包賭匿名揭帖一紙。私行裝入公文。投遞總督衙門。以圖拖累洩忿。經該督等審出實情。從重問擬。但此等案犯。非若洋盜行劫兇殺事主。及連斃多命。情罪重大。決不待時者可比。該督等照依本律問擬絞候。由部入於秋審情實。屆時仍

當予勾。亦不過暫緩數月。乃該督執請即行

正法。致與洋盜重犯。漫無區別。殊屬非是。外省辦理讞案。非失之不及。即失之太過。大率類此。除將原摺交部覈擬外。伍拉納。浦霖俱著傳旨申飭。○諭軍機大臣等。春夏以來。豫省開封府屬。雨澤稍稀。而河北三府。更屬缺少。雖據該撫奏於上月二十五二十六二十九等日。普得透雨。但現在尚未續得雨澤。朕心深為廕念。著傳諭穆和蘭。即行查明缺雨地方。現在曾否續得透雨。趕種秋禾。其有得雨較遲。或僅止一二寸。未能普溥。間成偏災處所。著該撫酌量賑濟。加意撫卹。俾小民均霑實惠。毋使一夫失所。仍即據實奏聞。不得稍有諱飾。○丁未

上以秋獨木蘭。自圓明園啟鑒。○諭朕向來巡幸木蘭。駐蹕熱河。經過地方。俱蠲免地丁錢糧十分之三。本年近畿一帶。現在雖經澆沛甘膏。但從前得雨稍遲。甫經補種大田。小民

恐未免拮据。所有此次經過地方。著加恩蠲免地丁錢糧十分之五。以示朕格外體卹至意。○又諭本日由圓明園啟蹕。前赴南石槽。途次遇雨。所有墊道兵丁。著每名賞給銀一兩。○諭軍機大臣曰。張姚成奏於獄麓書院之旁。籌建別院一所。並請將學政衙門學租用剩銀五百餘兩。撥給書院。增添膏火等語。張姚成現於失察道州武生糾搶一案。應行交部。該學政此奏。非為冀寬處分。即因本年係屆更換學差之時。去任在即。為此遺愛之留。其意俱不免於私。但建立別院。向來所無。此項銀兩。向備賑濟貧生之用。或為學政餘資。是否報部查覈。今若撥給書院。將來遇有動用。是否足敷。抑將另動公項。摺內均未奏及。著傳諭姜晟就近詳細查明。如張姚成所請可行。即奏明准其撥給。若有窒礙之處。亦即據實具奏。不可稍涉遷就。○又諭山東德州與直隸景州接壤。本年春夏未經得有透

雨。節經降旨詢問。據吉慶奏稱德州地方。自四月下旬微雨後。總未續被甘霖等語。現在京師已連霑渥澤。昨晚及本日途次復得密雨。雲勢甚廣。東南一帶。更為濃厚。諒德州附近。自必一律普霑。除河間景州等處已就近傳知梁肯堂派員前往查看外。著再傳諭吉慶即將德州附近一帶。曾否得雨。大田趕種情形。迅速查明覆奏。以慰廑注。○吏部議准。閩浙總督覺羅伍拉納等奏稱。臺灣府命盜案。南路臺灣鳳山二縣。歸臺灣同知。北路嘉義彰化二縣。歸鹿仔港同知。協同緝捕。淡水同知。以臺灣府為兼轄。亦協緝從之。○廣西巡撫陳用敷疏報乾隆五十六年分。小鎮安通判天保縣二廳縣。開墾老荒田八頃八十畝。有奇。下則水田埤七十二埤。有奇。○是日駐蹕南石槽行宮。○戊申。諭朕本年巡幸五臺。召見山西巡撫馮光熊。觀其才具。難勝繁省之任。且山西駐防滿兵。口外各廳均係蒙

古地方向例多用旗員。馮光熊著來京另候簡用。其山西巡撫員缺著長麟調補。其所遺江蘇巡撫員缺著奇豐額補授。○又諭。前據兵部奏。秦川省臺站遲遞。荷包奶餅木匣一事。當經諭令孫士毅逐站挨查。究係何處遺失。將該臺員據實參處。茲據孫士毅奏。查明此項木匣係兵丁姜榮途中墜馬。跌落山坡。致有遲遞。違限三時之久。請將該兵丁姜榮枷責發遣。並請將總查臺站及管理軍站之文武各員弁分別枷責議處等語。此項木匣接遞遲誤緣由。既經孫士毅查明。因該兵丁墜馬跌落山坡。以致逾違時刻。尚非有心玩誤。所請將該兵丁枷責發遣之處著加恩寬免。其巡查管理臺站之文武各員弁亦著從寬一併免其枷責議處。該部知道。○諭軍機大臣等。本日朱珪奏報銅鉛過境及滇銅過境兩摺。同日拜發。又俱係滇省銅運。似此照例事件。自應歸併一摺具奏。何以該撫輒分

作兩摺。已於摺內用硃筆點出。雖朕日理萬幾。固不厭披閱之煩。而該撫於同日陳奏事件。漫不經心。率行分繕。何不曉事。若此。朱珪著傳旨申飭。○又諭。孫士毅奏於閏四月二十九日起程。前赴察木多。並籌辦烏拉各摺。覽奏欣悅。口外番夫為頭人壓制。不免居奇刁捐。孫士毅於內地雇覓民夫。購備騾馬運送出口。凡遇烏拉短少地方。將停積軍儲掃數趕運。俾番衆不敢高擡雇價。所辦甚好。

且於凱旋馬匹兵食。亦豫為籌備。用心周到。實屬可嘉之至。又據奏。拏獲偷竊軍火番犯噶噶哇。髑頭。結滾三名。俟赴察木多親審得實。正法梟示等語。前降諭旨。以口外烏拉非內地可比。令孫士毅等寬猛得宜。善為招集。原指良善番衆而言。今噶噶哇等。膽敢偷竊火藥鉛子。即與賊黨無異。當此糧運緊要之時。豈可稍事姑容。自應一面審明。一面奏聞正法。俾番民各知儆懲。其拏獲之外委包貴。

業經賞給銀兩。著以千總即用。以示鼓勵。○是日。駐蹕密雲縣行宮。○己酉。調直隸布政使張誠基。為江蘇布政使。以山東按察使陸有仁。為直隸布政使。廣東肇羅道阿彰。阿為山東按察使。○是日。駐蹕要亭行宮。○庚戌。遣官祭

關帝廟。○是日。駐蹕兩間房行宮。○辛亥。諭曰。軍機大臣。叢議紀昀奏。覆勘文津閣書籍。遺漏未簽各員。請交部分別議處。其應行換寫各書。所需工料銀兩。於議叙得官各供事名下。按數攤賠一摺。此等供事。因辦理書籍。俸邀議叙。得受官職。而所辦之書。竟有缺頁缺卷。並將他本抵換等事。伊等皆因修書捷徑。俸進者。今不將該承辦供事等。概行斥革。已屬格外從寬。所有此項著賠工料銀兩。非尋常賠項可比。著交各該督撫。於部文到日。照數嚴追歸款。該員等俱係微員。廉俸無幾。毋任藉詞扣繳。致有延宕。更當查察。因此納

賄。有即嚴叅治罪。○又諭曰。陳安邦身任總兵。於海洋行劫重案。不能實力巡查。以致被賊慘殺多命。非尋常疎防可比。且伊今春在西巡途中接見。亦不過一尋常供職之人。陳安邦著照部議降一級調用。並著送部引見。○又諭據永保奏。本年塔爾巴哈台。牧放馬匹。臆分尚好。請照例獎勵等語。本年塔爾巴哈台。牧放馬匹。臆分皆在三分以上。例應獎勵。著照永保所奏。領隊大臣。花尚阿。總管齊墨特佐領。翁貴。俱著紀錄二次。兵丁等著記名。遇有挑選之處。列名。○又諭據明亮等奏。納爾巴圖。接到明亮咨。請遣使齋表進貢。入京朝覲等語。前以納爾巴圖。不能擊解薩木薩克。不准遣使來京。但念伊係一愚蠢伯克。其未能擒獲薩木薩克。尚屬可原。此次所奏之語。亦極恭順。著准其來京。於七月內起程。與年班伯克一同行走。至明亮奏請自喀什噶爾起程。趕至蘭州。赴藏効力等語。所奏不

實。伊至蘭州。即需兩三月程遠。自蘭州至藏。又需兩三月。彼時廓爾喀料已大功告成。明知不行。不過飾詞具奏。念伊來京之念。尚屬真切。前已將伊補放黑龍江將軍。著即來京。攜眷前赴新任。○諭軍機大臣等。據諾穆親等奏報。二進南糧。起卸全竣。摺內稱。江淮九幫。抵關。脫空七日。四幫。脫空六日。興武二幫。脫空三日。安慶幫。脫空一日。行咨漕臣查辦等語。本年二進南糧。於五月十二日全數起

完。辦理尚為迅速。但江淮興武安慶等幫。何以俱有脫空日期。前後脫幫。共十七日之多。是否押運員弁。任令該丁等途次逗留所致。抑或別有緣故。著傳諭管幹珍。即將二進內江淮等幫。因何脫空緣由。切實查明。如有任意遲延情事。即分別究辦。以示懲儆。將此並諭諾穆親等知之。○是日。駐蹕常山峪行宮。○壬子。諭據秦承恩奏。請定太白山祀典一摺。太白山。嶠兩軌應。久著靈異。從前曾令該

地方官春秋致祭。並特加昭靈普潤封號。以答神庥。本年該省盼雨稍殷。設壇虔禱。經撫臣委員。自太白山取水甫至。即沛甘霖。通省俱獲優霑。益見功濟生民。允宜特隆秩祀。用肅精禋。著交禮部列入祀典。並頒給祝文儀注。以昭崇報。○諭軍機大臣等。據江蘭奏。直隸河南附近山東處所。商販至東。羅買糧食者。車馱相接於道。恐市僧抑勒居奇。節經密飭地方官。不動聲色。妥為經理等語。所辦尚

是。本年直隸地方。雨澤稀少。麥收歉薄。糧價不免昂貴。必需各處商販源源接濟。茲赴東羅買糧食者。相接於道。正應聽其販賣流通。轉運。著傳諭梁肯堂。穆和蘭。吉慶。務宜飭屬設法招徠。固不可使市僧居奇。尤不可稍有阻遏。庶商販雲集。糧價日臻平減。俾兩省小民。易於糴食。於災區大有裨益。又摺內稱。德州於初六日得雨一寸。沂州萊州青州。登州府屬。亦於初七日得雨二三寸等語。本月

初六日。德州得雨僅止一寸。是仍未霑足。景州與德州接壤。情形想屬相同。看來直隸。迤南及山東德州東昌一帶。俱未免缺少雨澤。即沂州萊州各府。得雨四寸者。尚為有益。其僅止二三寸者。恐不足以資霑潤。昨於十四日駐蹕常山峪。醴膏續沛。東南一帶。雲氣尤為濃厚。若直隸山東缺雨各屬。同日普霑。則已。倘尚未得透雨。現在將屆小暑。恐秋禾不足趕種。如有應行借給籽種酌量接濟者。即當留心妥辦。不可稍事諱飾。著傳諭梁肯堂穆和蘭吉慶。即將各該省缺雨地方。於十四日曾否得有透雨。及應行接濟之處。詳晰查明。據實具奏。以慰廑注。○又諭據秦承恩奏。拏獲黑龍江為奴人犯。照例辦理。又哈當阿等奏。拏獲逸盜餘匪。審明正法兩摺。俱已批交該部矣。此二案被獲人犯。一係在配脫逃。一係逸盜餘匪。該縣馬允剛。游擊潘國材。俱能留心查察。督率拏獲。俾逃匿匪徒。不致漏

網。雖非拏獲隣境盜犯。及海洋盜犯可比。不值送部引見。但該員等於緝捕事務。尚屬認真。亦應量加獎勵。著傳諭伍拉納。秦承恩。察看該員等。如果實在奮勉。或酌予記功。遇應行陞用時。置之前列。使其益加感奮。用示鼓勵。○以福建臺灣水師副將孫全謀。為江南蘇松鎮總兵。○予江南巡江落水得生狼山鎮左營外委顧禹珍。並淹斃兵丁吳有德等十三名。分別賞卹如例。○是日駐蹕喀喇河

屯行宮。

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百四

實錄卷之一千四百四

十一

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百五

監修總纂官臣劉世明太子太傅文淵閣大學士文淵閣領閣事領侍衛內大臣稽察欽奉 上諭事務處管理
吏部理藩院事務正黃旗滿洲都統世襲副都統軍功加七級隨帶加一級尋常加二級軍功紀錄一次並慶桂
總纂官經筵講官太子太傅文華殿大學士文淵閣領閣事稽察欽奉 上諭事務處管理刑部三庫事務
世襲副都統軍功加十九級隨帶加二級又加二級並書內大臣戶部尚書鑲黃旗滿洲都統軍功紀錄五次
尋常紀錄十四次並總纂經筵講官太子少傅工部尚書紀錄六次並曾懷德等奉

敕修

乾隆五十七年。壬子。五月。癸丑。

上詣熱河

文廟行禮○詣

永佑寺瞻禮○是日駐蹕避暑山莊至八月庚寅皆如之○甲寅諭據福崧奏浙江提標派出巡洋之署守備事千總林鳳鳴因民人與漁戶互爭網地該署守備聽從伊父寄信囑託貪圖得賄執帶兵丁幫同爭奪並許給定海鎮標巡洋之署遊擊事守備李廷翰錢一百千文邀同前往而定海縣知縣嚴承夏並

無隻字稟報相應據實叅奏等語。巡洋員弁因貪圖得賄。輒敢幫同民人爭奪網地。最為綠營惡習。該縣地方遇有此等事件。並不稟報。意存諱飾。殊為可惡。署遊擊李廷翰署守備林鳳鳴及定海縣知縣嚴承夏俱著革職。李問交福崧回任後。即行會同提集犯證兵丁人等。嚴審定擬具奏。○諭軍機大臣等。前因海塘伏汛將屆。一切槍護修防。均關緊要。曾降旨諭令福崧。如尚未起程。且不必赴京。陛見。本日據福崧奏行抵宿遷。接據藩司稟報。提標派出之巡洋署守備林鳳鳴等。於民人互爭網地一事。經伊父寄信囑託。希圖獲利。幫同爭奪。並許給巡洋之署遊擊李廷翰錢文。現經提督提回審辦。相應據實叅奏等語。除已降旨將李廷翰等革職。李問外。即此而論。可見福崧此時之急於起程。殊屬非是。福崧此次陛見。如果地方事務有必須面行陳奏者。亦可具摺奏聞。料福崧亦無要事。必

須面奏。而為此僕僕轉輾沿途兼程行走。俟陛見後再行迅速回任。豈不可笑。且該撫奏報交印起程日期。摺內稱現無急須趕辦要件。因犬馬戀主之心。夢寐不能自己。尤屬無謂。福崧如曾在內廷行走。或久未覲見。尚可為此依戀之詞。乃亦作此虛飾過分之語。其誰欺乎。福崧前在巡撫任內獲咎。派往新疆辦事。令其効力贖罪。嗣因一時乏人。是以棄瑕錄用。仍任為浙江巡撫。以收駕輕就熟之益。伊前奏海塘石壩一事。尚見留心。今於接奉諭旨。令其緩行。陛見。乃不權事理輕重。亟於一來。何不曉事。若此。著傳旨嚴行申飭。並著該撫於何處接奉此旨。即於何處迅速仍回本任。即已行抵古北口。亦不必即來。來亦不令進見。即斥回。伊若為前來陛見。呈進方物。即差人齎呈。亦已諭令奏事處不准接受。福崧惟當遵奉諭旨。速回浙江。將爭奪網地一案。嚴切審訊。並將海塘石壩事宜。實力籌

辦。以副委任。至福崧所奏辦理石壩。必須將大塊石料拋入。其畧小之石。俱裝入竹簍。沉放海底。以期不致衝刷等語。亦屬無用。大塊石料。散拋水中。仍虞衝失。何不即將大石一併裝入大簍內。沉放海底。更為著實。且有收束。亦著福崧於回任後。一併酌籌妥辦。如實有地方要務。即可專差具摺陳奏。此時總不必前來行在也。將此由五百里諭令知之。○丙辰。諭前因大兵進剿廓爾喀賊匪。口外一

切糧運烏拉。關係緊要。派令侍郎和琳馳驛前往接辦藏務。和琳自行抵察木多後。沿途查催運送軍火軍餉等項。節次奏到各摺。辦理均為妥協。本日據奏於閏四月十三日到藏。路經丹達以西各臺站。向噶布倫等切實曉諭。設法勸懲。令將烏拉寬為豫備。將前積軍需源源運送。不使再有停擱等語。一切留心。可嘉之至。又據和琳會同鄂輝奏揀放噶布倫各缺。請先儘隨往軍營出力之署噶布

倫及戴綱內拔補。所辦甚當。此摺鄂輝列銜在和琳之前。鄂輝在藏年久。和琳讓伊在前奏事。其意亦是。但衛藏地方。素習疲玩。和琳未到之前。每換烏拉一次。待至十日半月不等。以致軍火等項。沿途停積。自和琳到彼。實心整頓。遵朕諭賞罰並用。該處營官喇嘛等始知畏懼。上緊趕運。大有起色。實因和琳為朕特派前往之人。又係大學士和坤胞弟。即達賴喇嘛亦必待和琳較優。是以該處番俗

人眾。見和琳到彼。均知所懲勸。即福康安軍營需用一切。皆資其催辦。且鄂輝曾經獲咎。若復令在前奏事。不特伊心有所不安。眾番見事權無所統攝。於公務轉屬無益。和琳著加恩賞給都統銜。嗣後奏事。著在鄂輝之前列銜。以資事權。歸一。呼應更靈。並著加賞御用大小荷包玉搬指。以示優眷。至和琳此次前往西藏。係朕特簡。和坤未經先行奏懇。朕之用和琳。初不過因其人尚細心遇事奮勉。

是以派往實不料其如此能事朕深慶得人國家得一好大臣大功更可易就也○諭軍機大臣等據穆和蘭奏豫省河南各屬得雨深透早禾勃發現已趕種晚禾雜糧惟河北三府屬尚在望雨據彰德衛輝等府稟報五月初一日各得雨一寸等語本年春夏以來河北三府屬雨澤短絀前經降旨截留南糧漕米以資接濟并令該撫酌量借給籽種銀兩今據奏各屬交五月以來尚未得有透雨若旬日之間仍未普渥恐致間成偏災是該處現在盼雨甚殷所有彰德衛輝等處僅得雨一寸亦何足用著傳諭穆和蘭將河北三府屬近來曾否得有透雨即行查明迅速奏聞其得雨較遲地方該撫務使留心察看先事綢繆如晚穀雜糧不能趕種齊全間有成災處所仍即據實奏聞不得稍有諱飾○又諭據劉君輔奏續獲道州生員糾搶案內逸犯周邦俊等十三名選派員弁押解赴省聽

候審辦一摺此案前據王懿德奏到時業經降旨交畢沅嚴審究辦該犯李盛春等均係生員伊等身列黉宮乃因護黨挾嫌起釁膽敢糾集多人肆行抄搶尤屬目無法紀幸而案內首從各犯三十三名業已先後全行拏獲尚無抗拒情事設人數眾多安保其不恃強拒捕且現當海宇昇平楚南亦年歲屢豐設該省地方遇有水旱偏災以致無知貧民脅從附和更復成何事體不可不嚴行辦理以示懲創著傳諭畢沅於審究此案當查明糾搶時如有傷斃人命者竟將為首之犯問擬重辟傳旨即行正法如並無傷斃情形再行按律從重定擬具奏候旨辦理將此由五百里傳諭知之○又諭據陳杰奏署守備事千總林鳳鳴委巡洋汛聽從民人賄囑伊父貪圖買賣幫同爭奪網地署遊擊事守備李廷翰一同前往放鎗嚇唬請一併革職嚴審治罪等語林鳳鳴係派委巡洋之員因貪圖

得賄。膽敢拋棄戰艦。另雇小船。幫同民人往黃壠山。搶奪網地。並邀李廷翰同往爭奪。實為大干法紀。豈可僅以革職了事。昨經福崧奏報。已降旨將林鳳鳴、李廷翰及並不稟報之定海縣知縣嚴承夏革職拿問矣。其林鳳鳴之父。寄信伊子前往幫奪。情殊可惡。亦應一併拿問。至該提督摺內稱李廷翰所帶兵船六隻。據供僅放空鎗。未加鉛子。此語斷不可信。李廷翰係管林鳳鳴之人。今乃同往。林鳳鳴既已聽從李廷翰舉旗開鎗。鉛子打去三十餘出。豈有李廷翰兵船僅止施放空鎗。不加鉛子之理。明係捏飾狡供。最為緣營惡習。豈能欺朕。該提督輒據以敘入摺內。殊屬非是。著傳旨申飭。至烏鎗火藥。原為巡查洋面時擊打賊匪之用。乃林鳳鳴等身為員弁。轉因貪賄。擊打平民。此即與附賊何異。福崧遇有此等地方要事。輒置之不顧。起程來京。陛見實不知事體輕重。著接奉此旨。即兼程

迅速回任。會同陳杰將此案犯證嚴切訊究。如林鳳鳴等有鎗傷斃命之事。即應奏明。在該處正法示儆。其餘各犯亦應從重定擬。以懲貪黷而肅戎行。將此由五百里諭令知之。○又諭據和琳奏稱丹達至拉里沿途察看軍火各起。尚多有擁擠未前者。各站安派牛隻亦多疲乏。現將已設者重加賞賚。未設者勒以限期等語。所辦俱好。臺站運送軍需最關緊要。若非賞罰嚴明。何以濟事。今和琳分別勤惰。嚴示勸懲。前此疲玩積習。自當振作一新。源源運送足資接濟。看來察木多迤西一帶運送軍需等項。仍形竭蹶。以致軍火各起壅滯不前。前已有旨。自察木多以東。令孫士毅在彼督辦。察木多以西。至前後藏。濟龍以內。令和琳鄂輝往來督率催查。設法趨運。但察木多至前藏一帶。道遠站長。不下數千里。和琳等在彼督催。未免鞭長莫及。難以兼顧。孫士毅前此自請移駐察木多。未必不因

該處臺站趨運較難是以請往督辦現在孫士毅既至察木多自己辦有章程竟當再往察木多以西至前藏一帶往來查察幫同和琳等督率催趨庶臺站軍需等項運送更可迅速又據和琳奏自班第達病故後只有婦女僕從數人俱極安靜等語前以班第達在藏年久族分較大伊子丹津班珠爾現留賊巢應行留心防範今班第達業經病故伊孫又屬年幼自可無事但班第達家道素為殷實今伊病故後家中祇有婦女僕從數人其幼孫自不能管理家事將來丹津班珠爾應行解京所有貨財必致下人任意侵用暗中消耗丹津班珠爾本係達賴喇嘛之妹夫藏中風俗凡遇疾病身故者原有將家財布施喇嘛之事現在達賴喇嘛商上正在匱乏和琳等或設法曉諭伊家令將家貲酌量遞給達賴喇嘛於班第達身後既資冥福而商上亦可藉資接濟豈不兩得其便設有難以措

置之處亦即奏明不可過於勉強致滋疑畏也又據和琳等奏現在噶布倫遺缺已咨明福康安先儘隨赴大營及分派各路辦糧之署噶布倫及戴綱等擇其奮勉出力者知會拔補等語所辦甚當向來蒙古本重世家自前代已然即我滿洲向亦以此為重但世家子弟賢否不一若專取家世不論其才幹之能否辦事豈不可笑至藏中辦理諸事從前總由噶布倫專擅輒行並不關白駐藏大臣以致任意妄為屢構釁端今和琳等如此辦理將來該處噶布倫俱可由駐藏大臣與達賴喇嘛商定奏請補放黜陟從公事權歸一藏務更易整飭實屬得當至和琳另摺奏請前往軍營隨同福康安帶兵効力一節雖屬急公奮往之心但軍營帶兵人員已不乏人其濟甯以外糧運事宜又專交惠齡在彼督辦現在察木多至前後藏糧運一切正在緊要之時和琳竟無庸前往軍營惟當遵照節

降諭旨往來巡察實力督催以副委任所有本日賞給和琳都統銜及令列名在鄂輝之前諭旨並著給達賴喇嘛閱看想伊等亦必與朕意相同也○兵部議覆湖廣總督畢沅奏稱楚省苗疆副將叅將遊擊都司守備等官五十一缺向例五年俸滿照邊俸分別保送調回應遵部議照內地營分分別或題或調或歸部推之處辦理請將湖南鎮寧鎮永州鎮辰州協沅州協靖州協永綏協宜章營

桂陽營武岡營長安營綏寧保靖營湖北之施南協衛昌營副將叅將遊擊都司守備共四十七缺定為在外題調之缺寶慶協九縣營副將都司遊擊守備四缺改為部選之缺外有荊州水師營守備一缺地方緊要改為調缺應如所請並令該督查照原定各缺分別題補調補以杜牽混從之○丁巳諭軍機大臣等本月初十日自圓明園啟鑾得有澍雨十四日在常山峪夜雨優渥十五日喀喇

河屯又復得雨昨十九日戌亥之間熱河雷電交作又復霽雨西南雲氣極為濃厚今日本報並未據奏報京城得雨著傳諭留京王大臣將京城自初十日以後曾否續得透雨及京南一帶是否得雨情形即詢問順天府府尹詳悉覆奏以慰廛注○軍機大臣奏原任山東平原縣縣丞王逢源於署平原縣知縣任內因縣民誣告命案未能審出實情叅革擬發軍臺可否准其贖罪請旨辦理得旨

此案王逢源情節尚輕著准其贖罪但向來贖罪人員一經准贖輒以措繳銀兩為詞安然家居免赴戍所迨至期限已滿又復具呈請展藉詞延宕均所不免嗣後凡有奏准贖罪立限完繳者仍令前赴戍所俟贖項繳清之日再准回籍如有及早完項者即可令其早回不必拘定期限如逾限不清著照舊例治罪所有王逢源一員即照新例辦理○戊午諭伊犁將軍係極邊要職總理一切必不

避嫌怨實心馭衆方有裨益保寧此次回任後陸續陳奏多係姑息沽名之舉從前奎林在伊犁時約束甚嚴衆皆怨恨朕甚嘉獎保寧豈不知之又據奏現在伊犁兵丁弓俱八力每遇挑缺不能用八力者俱不挑取等語人力皆由天昇強弱不等射亦不在弓力大小惟撒放得準方為得力乃思不及此惟以兵用硬弓希圖見好徒事虛名全不務實保寧著傳旨申飭嗣後當痛除姑息市恩之念惟效奎林嚴加約束無避衆怨○諭軍機大臣等浙江提標派出巡洋之署守備千總林鳳鳴聽從民人賄囑伊父貪圖買責幫奪網地一案前據福崧奏到當經降旨令速回浙江將此案嚴切審訊昨據陳杰奏報又有旨令該撫兼程回任會同陳杰審辦但福崧之摺係五月初九日在宿遷拜發其摺聲明一面拜發一面仍赴行在陛見前首係十七日發往計該撫接奉當在山東直隸交界一帶

回浙尚需半月而藩司歸景照既護撫篆於此等重大案件不即徑行審辦具奏尚待轉稟巡撫看來亦不過一循分供職之人若專交辦理恐未必能審斷得當陳杰駐劄寧波距杭州不過三四日路程著再傳諭該提督接奉此旨迅赴省城不必等候福崧即會同歸景照將此案犯證詳細嚴鞫務得確情至林鳳鳴等以巡洋升兵輒敢因貪賄賂將烏鎗火藥擊打平民與附賊何異此而不嚴加懲創其何以儆貪黷而肅戎行陳杰等務遵照昨降諭旨將鎗傷斃命之犯即行奏明正法其餘亦分別從重定擬用昭炯戒福崧仍當於途次趨緊速回以便會同審辦勿稍延緩將此由五百里各諭令知之○又諭曰福康安等奏先帶現到兵丁馳赴邊界進剿濟龍賊匪一摺據稱濟龍聶拉木一帶賊匪俱遣人潛探信息其畏懼情形可見自應乘此時迅速進剿等語所見甚是福康安等統領

官兵聲威壯盛賊匪自必聞風震懾心懷畏懼是以分遣賊人前來探信冀幸大兵不遽深入可得苟延殘喘福康安等不待續調各起兵丁齊集始行前進即帶現到之兵馳赴邊界奮力進剿此時賊匪正在驚疑不定我兵乘其不備鼓勇前進自可出奇制勝將濟龍屯聚賊匪殲戮無遺即乘兵威勝勢直前深入自當勢如破竹一舉集事所有新調川兵三千名雖到藏尚需時日留為後路接應

亦屬得力至現在福康安等統兵進剿所帶火藥鉛丸及弓箭等項雖不甚寬裕但此時攻剿賊匪自足敷用昨據和琳奏到已於沿途各臺站分別懲勸設法嚴催並責成派出之噶布倫及妥幹喇嘛等專管其事辦理俱屬得當已降諭旨令孫士毅再往察木多以西至前藏一帶往來巡察幫同和琳等督率催趲一切軍需火藥弓箭等項自當迅速運送源源接濟福康安等惟當督率官兵奮勉

前進迅奏捷音○已未諭軍機大臣等據郭世勲奏嘉應州民巫希敏之妻曹氏捏稱供奉觀音靈驗哄騙鄉民治病當將曹氏拏獲起出畫像紙扇其起意之曹秉和及同夥之余福郎黃雲振等已赴川省咨四川督臣將曹秉和等截拏務獲究辦等語巫曹氏等藉稱治病誑騙鄉愚固屬不安本分然祇係鄉曲無知以供奉觀音畫像祈禱治病尚非邪教可比該署督恐該犯等別有傳授邪術開

堂聚眾情事專委道員馳往該處密行查辦並飛咨川省轉飭嚴拏所辦未免過當著傳諭郭世勲所有此案人犯於審明後祇須杖責示懲交地方官嚴加約束不准再行藉詞哄騙其行咨川省截拏之處即著停止毋庸輟轉查拏致有滋擾○予故杜爾伯特扎薩克固山貝子賽音畢哩克致祭如例○庚申孝恭仁皇后忌辰遣官祭景陵○諭戶部議奏盛京將軍琳寧等奏請將

三陵官兵賞給隨缺官地一摺因該將軍單內祇將官兵數目及擬給畝數開載並未將現在確有何地可躡詳細聲明又從前原撥各城官兵按品分等給與地數亦未據聲敘應令該將軍查明覆奏等語所奏是但

三陵官兵安設已久隨缺地畝何以各城官兵皆有獨

三陵官兵未經一律撥給節年又係如何辦理若已經撥給自未便無故增添著該將軍等一併詳晰查明據實具奏再行覈辦○諭軍機大臣等前因步軍統領衙門拏獲犯夜之董二供出王倫原籍山西伊兄王疼疼子等尚在崞縣居住本日長麟奏將王疼疼子等拏獲審訊已令將案內各要犯摘出解赴行在與董二質訊因思從前王倫滋事時其緣坐人犯俱解京發交功臣之家為奴其中必有認識王倫者著傳諭綿恩查明此項為奴各犯內有無王倫親屬及能辨認王倫之人

除彼時年尚幼稚及不能指證者不必解赴熱河外其有緊要者即揀擇數人派委委員解赴行在以備質證沿途並飭小心看守勿稍疎虞○又諭曰長麟奏拏獲董二在京所供王疼疼子等三十三名審訊一摺閱摺內稱體察各犯語音形跡均係本地鄉愚不似外來流匪等語董二在京原供明王倫原籍山西崞縣陽武村俞家街居住三十八年帶武雷算子等至臨清謀逆事敗脫逃並非以王倫為山東之人竄匿山西語音有何不對亦且並非流寓如云董二為挾嫌誣告則董二被王黑黑子等捆毆係乾隆四十一年之事董二進京已十七年何不早行控告直待犯夜被拏始行供出其中情節尚多疑竇況董二前供還有伊堂兄董好小子董賴小子在寧武縣雄溝村居住只求查對董二如不過因挾嫌控告正當自行掩覆又豈肯將伊弟兄親戚及墳墓一一說出以為指證之理

董二此供亦鈔交長麟帶往該撫曾向董奸小子等查訊否此一節何以未據奏及長麟甫調山西若交與審辦恐該省官吏懼干處分或不免意存消弭而現獲人數衆多又未便概令解京已交軍機大臣將案內緊要之人另單摘出著傳諭該撫即照單開各犯先行派委妥幹員弁迅速分別解赴行在毋令串供又長麟奏各犯堅供委係土著良民並非黨逆董二與王黑黑子結有宿恨等語此

語究係何人首先供出有何證據尤為此案緊要關鍵並著該撫查明將到案首先供證董二挾嫌之犯亦即解來沿途并飭小心看守勿稍疎虞俟各犯到時與董二隔別質訊自無難得其確實再董劉氏據董二供係伊繼母即王倫岳母為此案要犯其已未拏獲該撫摺內何以未經聲敘著傳諭長麟如董劉氏已經拏獲即一併解赴行在如尚未拏獲即飭屬同未獲之王慶武雷算子高好手

子等各要犯一體嚴拏務獲解至行在審辦此外已獲續獲未解之犯仍嚴行隔別看守俟有應行質訊之處聽候提解不得任其串供免脫將此由六百里發去仍六百里速奏○士戍兵部議准浙江巡撫福崧奏稱接准部咨查額設站船應存應裁奏明辦理查寧紹等處差務尚少應將紹興府站船二十四隻裁去九隻寧波府站船六隻裁去四隻餘俱不能裁減從之○旌表守正捐軀直隸曲

陽縣民白玉明女白氏○癸亥諭前經降旨各省盜案如原贓未能起獲即著該管地方官罰賠嗣恐正盜未獲先令州縣賠出贓銀地方官規避罰賠必有諱盜減贓情弊復降旨嗣後遇有盜案即應嚴緝正盜審明贓數查追給主如已經獲盜而原贓未能起獲仍著該管官罰賠示懲原因地方官平時既不能實力巡查及遇有盜案又不肯認真緝捕以致小民被盜贓項久懸終歸無著若事主

係殷商大賈即盜賊無獲生計尚可不致竭
蹙如係中人小戶惟仗經紀營生一經被劫
即為數無多已足罄其家產是以罰令地方
官賠繳以示懲儆但近據吉慶奏拏獲盜犯
常二等一案未起贓銀止四百餘兩著令該
縣賠繳尚屬力所能辦至於本日書麟奇豐
額所奏尹二一案贓數至一千九百餘兩又
查前據郭世勳奏梁亞容等一案贓數多至
萬餘若亦責成該處州縣按數賠給其勢必
致日久懸宕而閭閻小民豈敢以贓數未獲
向地方官索賠甚至不肖州縣或借罰賠盜
贓為名採買科派及需索鹽當陋規在被劫
小民仍不能得獲原贓地方良善徒滋擾累
而不肖州縣轉得為肥橐之計豈不有名無
實嗣後遇有盜案該督撫等總當嚴飭所屬
實力緝捕務將原贓即時起獲速給事主其
盜犯行劫之後衆人依分如遇贓數較多者
每犯俱可分銀數百金一時豈能費用蕩盡

若將盜犯立時緝獲原無難起贓給主即有
業經花費者亦必為數有限責令地方官賠
給自屬易辦如盜犯實已遠颺不能立時起
獲而贓數又復較多該督撫即當覈其緝盜
勤惰分別贓數責令著賠總之有治人無治
法惟在該督撫隨時整飭覈實辦理庶州縣
等知所勸懲而被盜小民不致拖延受累方
為妥善○諭軍機大臣等前據留京王大臣
覆奏京城於初十後半月以來未續得雨澤
等語雖據稱地土尚屬滋潤但現屆大田長
發之際匪資甘膏接濟著傳諭留京王大臣
如已得雨則已如尚未得雨即於覺生寺黑
龍潭二處照舊設壇虔誠祈禱以期續霽甘
霖○又諭據管幹珍奏本年臨清一帶雨水
短少江廣重船經過古淺非起空不能前進
現在時已溽暑民間望澤孔殷惟有虔心禱
祝速霽甘霖等語看來臨清德州東昌一帶
至今總未得透雨即直隸景州河間與德州

境壤毗連情形大約相同。目下已過小暑。正當大田長發之時。朕心深為廛念。著再傳諭梁肯堂。吉慶務宜加意留心察看。或覓能求雨之人。虔誠設法祈求。先事綢繆。如有應行接濟之處。即當據實奏聞。妥為籌辦。仍將近日景州德州一帶。曾否得有透雨之處。迅速奏聞。以慰廛注。○乙丑。諭軍機大臣等。本日提到董二。令軍機大臣詳細訊問。據供。王倫係名王河河子。並非王黑黑子。前據長麟查奏王黑黑子。已經病故。及另拏同名一人。均非正犯。著傳諭該撫。即將董二所供王河河子。飭屬嚴密查拏務獲。即派員迅速解赴行在。毋任遠颺。又現在訊據董二供稱。案內有李老三一名。住上揚武地方。平日教書為業。即李上人子同族。可以質證。又已獲未提之趙仁意子。劉毛歪子。二犯。俱係王倫親戚。四十二年王倫潛回山西。該二犯俱曾眼見。是該三犯均為案中要犯。並著長麟將李老三

迅速查拏務獲。同趙仁意子。劉毛歪子。二併解來。以備質訊。再董二之繼母董劉氏。據供。即係王倫岳母。曾否拏獲。前此該撫摺內未據聲明。曾降旨詢問。董劉氏亦係要犯。此時自己查拏到案。於何日委員解赴行在。及現在口外之王慶高。奸手子武雷。算子。二犯。曾否俱經拏獲。何日起解。並著長麟迅速據實具奏。至前提各犯。已派乾清門侍衛阿爾塔錫第。馳赴前途迎解。所有續提各犯。該撫務即派員星速管解。沿途趕緊行走。仍飭該解員等。小心看守。速解。毋致稍有疎虞。延緩。將此由六百里傳諭知之。○以兵科給事中初彭齡為廣東鄉試正考官。御史邵自昌為副考官。左贊善程昌期為廣西鄉試正考官。吏部主事康綸鈞為副考官。修撰石鑑玉為福建鄉試正考官。兵部主事蔣師煥為副考官。○丙寅。諭前因直隸順德。廣平。大名。三府屬入春雨澤短缺。麥收歉薄。曾降旨截漕三十

萬石以備應用其應徵新舊錢糧一併緩徵並令該督酌量借糶俾資接濟本日據梁肯堂奏現報被旱州縣俟勘明如果成災即需賑項通盤覈計尚須豫為籌備請將恩賞豫省漕米三十萬石內多餘之米十萬石賞給備用等語看來直省本年缺雨地方較廣河間景州一帶至今未獲甘霖即順德廣平大名雨水亦未能霑足現在時逾小暑大田恐不及趕種必須寬為籌備以裕民食著加恩於該督所請十萬石之外增賞十萬石即著劉秉恬與梁肯堂相商就近酌撥應用該督務宜體察情形實心經理俾小民均霑實惠以副朕軫念災黎有加無已至意丁卯諭軍機大臣曰孫士毅奏接據奉節縣稟查拿粵東民人余福郎等在該縣地方用紙扇淨水妄稱消災惑眾一案已移咨廣東撫臣確查有無別項滋事不法等情並令藩臬兩司提犯確訊等語此案先據郭世勳奏到嘉應

州民巫希敏之妻曹氏捏稱供奉觀音靈驗哄騙鄉民治病當將曹氏拿獲其起意之曹秉和及同夥余福郎等現赴四川省已咨四川截拿究辦當經降旨以巫曹氏等藉稱治病誣騙鄉愚固屬不安本分然祇係鄉曲無知以供奉觀音祈禱治病尚非邪教可比該督審明後祇須杖責示懲其行咨川省截拿之處即行停止今據孫士毅奏余福郎等在川省捏稱紙扇淨水却病消災當被地民唐萬善識破哄騙用言斥責以致彼此爭鬧經縣拿獲是該犯等不但捏詞哄騙鄉愚竟敢公然恃強爭鬧情殊可惡不可不嚴行懲辦著傳諭該督等即行提犯審訊切實根究雖不必照逆案辦理亦當照邪教之例分別定擬以示懲儆將此傳諭孫士毅郭世勳並諭英善等知之是月倉場侍郎劉秉恬奏准河南撫臣穆和蘭咨截交豫省漕米三十萬內止需二十萬石餘米十萬石留貯臨清備用

查截貯天津北倉漕米十二萬石。原為廣平等府接濟需用。不日須赴北倉領運。若將豫省多餘米十萬石。就近在臨清領回。其原留北倉米。即照此數運赴通州。俟全漕告竣後。以直隸官撥船載運。實屬兩有裨益。得旨所辦甚妥。知道了。○署江西巡撫姚秦奏。遵查傅宏烈後裔。現有六世孫傳徽。瓏年十七歲。家計赤貧。父母早故。相依七十餘歲祖母齊氏。生長鄉曲。識字無多。業於上年將傳徽瓏調入省城豫章書院肄業。約束督課。上緊教導。按月給予膏火銀兩。其在縣應領膏火銀兩。仍留與伊祖母食用。一年以來。頗有長進。俟來歲年力長成。識見漸進。再為送部引見。批。好。又批。是知道了。○陝西巡撫秦永恩奏。馱運軍儲烏拉。難於猝辦。已捐購贏千頭。解赴成都應用。得旨嘉獎。○貴州巡撫陳淮奏。黔省花戶執照。俱填完納糧米實數。惟鎮遠府轄印水偏橋十八洞地方。僅填田畝數目。

沿襲已久。現已一律更正。俱填完糧實數。又黔省常平倉穀。每年平糶。及秋成買補。有不得不向花戶按糧採買者。該省跬步皆山。向來俱在各村寨按糧發價領買。各屬於糧戶交收穀石。皆另給執照為據。惟鎮遠一府。歸入完糧票內。頗覺清混。現飭另立倉收將徵收買補穀數及實發銀數。填注明白。按戶給發。仍造總冊。令該管道府提查。得旨以實妥為之。毋致有名無實。始勤終怠。

大清高宗法天隆運至誠先覺體元立極敷文奮武孝慈神聖純皇帝實錄卷之一千四百五

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理

吏部院詹事府正詹事鑾儀衛副都統世襲騎都尉軍功加七級隨帶加一級奉直二級軍功紀錄次子慶祿

總纂官經筵講官太子太傅文華殿大學士文淵閣領閣事稽察欽奉 上諭事件處管理刑部戶部工部事務

世襲騎都尉軍功加十九級隨帶加二級又加二級直隸河南大邑戶部尚書鑾儀衛副都統軍功紀錄五次

奉常紀錄十四次直隸經筵講官太子少保工部尚書紀錄六次直隸候補等奉

敕修

乾隆五十七年壬子六月戊辰朔諭據梁肯

奏

十

堂奏直隸各州縣得雨情形一摺並開具清單進呈詳加披閱內中保定正定各府屬得雨不過一二寸者居多於農田有何裨益即保定省城及附近安州等州縣得雨三四寸較之京城現在所獲雨澤未為霑足當此夏令久晴地土乾燥得此數寸之雨何益於事至景州及順德廣平大名等處迄今尚未得雨看來畿輔東南一帶及山東之德州東昌臨清並河南之彰德衛輝懷慶各府屬雨澤

奏

十

俱屬短缺即使日內得有澍雨亦祇可補種晚禾若時逾大暑仍不得雨即收麥雜糧亦俱不能補種是缺雨地方早象已成雖直隸一省業經前後賞給漕糧五十萬石俾資接濟但被旱地方較廣一切仍應留心酌為調劑至豫省河北三府雖亦截留漕糧二十萬石兼有大河以南稔收各屬可以有餘補不足但係連年缺雨之區亦應先事綢繆即山東缺雨州縣亦多除新舊錢糧業已降旨緩徵賞給口糧外如有尚須撫恤之處著該督撫等一體留心察看據實奏聞毋得稍存諱飾將此各諭令知之○又諭德爾格等土兵速道赴剿山路崎嶇途次均係步行實為踴躍急公不辭勞瘁殊堪軫念著加恩每名賞給銀二兩以示鼓勵○諭軍機大臣等前據奎舒奏達賴喇嘛遣人向青海蒙古等處購買馬匹朕以此項馬匹斷不能於進兵前到藏但達賴喇嘛既已遣人購買即令留為凱

旋官兵之用。今奎舒奏青海地方。去冬雪少。今春又復缺雨。馬廐未滿。須至七月間肥壯。再令購買。看來青海一帶。購辦馬匹。頗形拮据。去年福康安及索倫官兵。由西寧赴藏之時。各扎薩克等。已備辦馬匹數千。青海口外。本非他處可比。馬匹較少。若購辦過多。於蒙古等生計有關。且此項馬匹。於七月中方能買辦起程。計送至衛藏。已至年底。不但不能為進剿賊匪之用。即凱旋官兵。亦不及騎乘。況現在馬匹尚屬羸瘦。即至七月。亦恐不能臃壯。加以長途行走。必致雪阻難行。福康安等前由青海赴藏時。沿途有馬更換。尚形疲乏。現已令孫士毅徑赴前藏。同和琳商辦一切事宜。所有凱旋需用之馬匹。伊等亦必早為備辦。其購買青海蒙古馬匹。竟可無庸辦理。著諭奎舒。如此旨到時。達賴喇嘛所遣堪布等。已陸續購得馬一二百匹。即速令將現有者護送解藏。斷不必拘於足數。若尚未購

得。即將該堪布等遣回。無庸令其購辦。○又諭川省所運軍需。現在報到前藏者。祇有二起。口外道路險遠。烏拉運送。甚形竭蹶。幸朕先事豫籌。早派和琳前往。否則一切竟致太遲。本日據和琳奏。營官及商卓特巴等。賢愚不等。始以善言開導。竟置若罔聞。懾之以威。方叩請出結。立限趕辦等語。此等營官。商卓特巴等。惟利是圖。實屬可惡。今和琳示以懲創。俾知畏懼。此後自不敢仍前疲玩。現在所運軍需。自必可陸續運至前藏。但前藏距邊尚遠。據福康安等奏。惠齡暫留拉子。趕緊催辦糧運。此時和琳鄂輝。惟當勉力催趲。將到藏軍需。迅速運至拉子一帶。交惠齡接收。再由拉子運至軍營。以期源源接濟。至濟隴以外。運送軍糧等項。前已有旨。責成惠齡專辦。並令酌量情形。或設法滾運。或於適中處所。儲備應用。留兵看守。伊身為叅贊。又係本省總督。一切呼應較靈。今福康安與海蘭察

分往絨轄鼻拉木。察看地勢。暫留惠齡在拉子地方。催辦糧運。此時大兵尚未深入。事屬可行。若福康安等。勦除濟龍賊匪。統兵深入賊境。其濟龍以外。距藏遙遠。更屬鞭長莫及。一切糧運等項。最關緊要。惠齡當遵照前旨。仍赴濟龍以外駐劄。設法趲催。陸續運至大兵所到地方。以資接濟。毋稍貽誤。其濟龍以內。仍交和琳。鄂輝。輪流督運。以期應手無誤。又據奏。薩嘉呼圖克圖。現在聽達賴喇嘛。分派一體出辦。烏拉糧石。尚為恭順。是其初原。不免心存觀望。今見大兵前進。聲威壯盛。亦知感畏出力。且據福康安等。細加訪察。該喇嘛尚不敢與賊匪有勾通情事。如此却好。其前此向賊匪遞送哈達一節。此時亦可毋庸深究也。○以宗人府主事吳樹棠為四川鄉試正考官。刑部員外郎焦和生為副考官。修撰戴衢亨為湖南鄉試正考官。編修繆晉為副考官。○辛未。諭據明興奏。伊斯哩克臺兵

都仲保。喀明。桂臺兵達椿。前往會哨。山水忽發。河漲淹斃等語。臺兵都仲保達椿。前往會哨。被河水淹斃。甚屬可憫。伊等因公身死。著加恩照例給與半分恩賞。○諭軍機大臣等。據諾穆親等奏。目下北河一帶。於五月二十八九連日得雨。水勢頗為充足。現在過關到通。浙江湖廣等幫船。覈計所需撥船。足資接濟。其浙江杭嚴四幫。於五月二十四日過津關後。未見續行具報。現將北河撥船。酌量趕赴津南。以備江廣各幫輪撥等語。所辦好。自應如此辦理。至北河一帶。現據諾穆親等奏。水勢充足。所有陸續入境幫船。皆已過關。北上而南。船過津關者。具報遲延。看此情形。天津以北。尚得雨澤。而天津迤南。至山東德州。臨清東昌一帶地方。雨水短缺。竟成旱象。前已有旨。諭令梁肯堂。吉慶。留心察看。先事綢繆。如有尚須撫卹之處。即行量為調劑。著再傳諭該督撫等。務須切實稽查。倘有被旱成

災地方。即當據實奏聞。酌加接濟。勿使貧民一夫失所。將此並諭。謄穆親等知之。○壬申。諭前因山東德州一帶地方。自四月以後。雨澤短少。未能播種。隨經降旨。將德州平原等十州縣衛。加恩緩徵。並賞給貧民口糧。以資接濟。嗣因該省總未得有透雨。節經降旨。詢問該撫。並令留心察看。如尚有缺雨地方。即行據實奏聞。並據吉慶續奏。歷城等二十州縣。至今仍未得雨。晚禾未能趕種。民食不無

拮据等語。著加恩將濟南府屬之歷城齊河禹城陵縣。臨邑德平濟陽東昌府屬之聊城。茌平博平清平冠縣莘縣泰安府屬之東阿。兗州府屬之陽穀壽張曹州府屬之濮州范縣觀城朝城等州縣。并坐落衛所。本年應徵新舊錢糧倉穀。緩至秋後察看收成。再行起徵。並著將各該州縣衛所乏食貧民。賞借一月口糧。以資撫卹。又德州德州衛平原恩縣館陶高唐臨清武城邱縣夏津等十州縣衛。

將來一得雨澤。亦須接濟。以資耕作。著照乾隆五十二五十五年成例。量為變通。借給籽種。於來年麥熟後徵收。以紓民力。該撫務須飭屬實心妥辦。以期窮黎均霑實惠。用副朕軫念民依至意。○諭軍機大臣等。據長麟奏。遵旨查訪王河河子等。並劄催委員趕解各犯一摺。內稱。前此拏獲王疼疼子。即據供稱。伊弟原名王河河子。又名王家珍。並不叫做王黑黑子。即疑該犯自知案情重大。改名捏飾。未經聲敘入奏等語。是何言耶。王疼疼子。既供稱伊弟原名王河河子。自應據實奏明。以憑向董二根訊。何以長麟既心疑其改名。捏飾轉不據實聲敘。摺內又稱。現在查明董二原供。所指王倫胞兄子女名字。與已故王河河子兄弟子女。俱屬相符。是王河河子即係錯書王黑黑子無疑。現將王河河子墳墓剝驗等語。此案長麟初次查辦時。即以董二有挾嫌情事具奏。自因長麟初到晉省。該處

地方官自顧處分不免心存迴護該撫未經詳加體察率行具奏嗣見董二所供之人俱已先後拏獲人證甚多事非無據又復意在偏信原告所辦殊未周詳如臨清首逆王倫即使彼時倖逃法網潛回山西當此先天化日之下豈敢復萌他志不過思潛匿村僻苟延殘喘亦屬事之所有但該犯既為大逆即使漏網一時潛逃藏伏亦豈能日久掩人耳目竟無知覺者長麟於拏到王午午子王忙

忙子時即應將所供之王河河子是否係其父親於何時身故及是否即係王倫改名捏飾之處嚴切究訊即王午午子等明係逆黨自知案情重大未必肯吐實供但該處豈無鄰右村民可以質訊且崞縣係一縣城居民貿易人等耳目眾多又豈盡其黨與何難詳加詢問得有端倪乃長麟於此等緊要關鍵全未辦及何疎忽若此至所稱現查王河河子墳墓業經委員創驗一節尤屬非是王河

河子如果審明實係王倫則伊墳墓豈止創掘並當剝骨揚灰以申國法若審明並非王倫則係一無辜之人其弟兄子女皆屬牽連拖累尚為可憫豈有事未審明即將其墳墓創驗之理今王午午子等尚提解在途本案虛實未經定讞長麟又並未向王午午子等根訊明確遽先將其墳墓創挖是何意也長麟不應冒昧若此著傳旨申飭至該撫前奏另獲之王黑黑子一名業經訊明係因同名

查拏並非案內之犯應即予省釋以免拖累此人被拏審訊不無所累並著長麟賞給銀十兩用示體恤所有現在押解之董劉氏一犯據稱年老疲憊應飭令解員等沿途小心管看毋令在途病斃以致質對無人方為妥善又諭據伍拉納奏署守備林鳳鳴及署遊擊李廷翰聽從賄囑與民人爭奪網地放鎗滋事一摺此事實屬大奇前因福裕陳杰先後奏報恐歸景照未能辦理得當已諭福

崧迅速回浙會同陳杰嚴切訊究矣。該督摺內稱李廷翰舉旗開鎗。鉛子已打三十餘出。自因民人不服聚眾鬧閭。該將備等任意放鎗。而陳杰前摺有李廷翰僅止施放空鎗之語。明係該將備捏飾狡供。豈能逃朕洞鑒。烏鎗火藥原係巡查洋面時為擊賊之用。乃李廷翰等身為員弁。轉因聽囑貪賄。用鎗擊打平民。即使僅放空鎗。已干法紀。若竟裝入鉛子。勢必有傷斃人命之事。是該將備等貪圖得賄。其事尚輕。而開放烏鎗。不顧民命。實屬罪無可寬。該督等務須切實根究。即遵照前旨據實奏明。將該犯在該處正法示儆。若存化大為小之見。輒以施放空鎗曲為開脫。斷不能任其顛預了事也。將此傳諭福崧陳杰並諭伍拉納知之。○又諭曰伍拉納等奏摺獲前在臺灣附從林爽文受過偽封有名逆匪朱先一犯。審明辦理一摺。內稱係署同知黃奠邦稟報拏獲。此等匪犯稽誅日久。黃奠

邦偵緝弋獲尚屬留心。著傳諭伍拉納等查明。如果係該署同知拏獲。即行送部引見。以示獎勵。此外如有幫同協緝之人。亦著咨部議敘。摺內又稱林爽文滋事案內尚有未獲之偽封將軍張員。係朱先文交好。張員薦引入夥等語。該犯曾受偽封。亦未便任其漏網。並著該督等飭屬嚴拏務獲。立正刑誅。所有未獲各逆犯亦一體嚴緝。毋得視為海捕具文。○又諭據吉慶奏續查被旱之厯城等二十州縣懇請加恩一摺。業經明降諭旨。加恩緩徵。分別賞借。以資民食矣。但本年山東各屬其德州東昌臨清一帶節經該撫等先後具奏。總未得雨。自屬早象已成。至濟南省城先據江蘭奏於五月十一二等日得有澍雨。附近齊河章邱一帶俱一律普霑。並據吉慶亦奏稱十一二等日濟南府屬均霑渥澤等語。厯城係濟南府首縣。豈有省城得雨而首縣獨未霑被之理。何以此次吉慶摺內奏請加

思各屬。又將厯城、齊河等縣一併列入。若厯城、齊河等縣被旱屬實。則前此吉慶、江蘭所奏得雨情形必係虛飾。甚不明晰。著傳諭該撫即將厯城等縣是否實係被旱成災。及前次何以又稱省城雨澤均霑之處。查明據實覆奏。勿得迴護干咎。○癸酉。諭熱河連次得雨。後山水陡發。沙隄一帶官兵居民房屋間被衝塌。深堪軫念。因特派和坤、福長安前往查勘。據和坤等將被水情形分晰具奏。著加

恩。將被水較重之東西旗蒙古協尉佐領等八員。每員各賞三月俸銀。兩月俸米。兵一百六十七名。每名賞三月錢糧。兩月甲米。被水稍輕之正白旗滿洲佐領一員。著賞兩月俸銀。兵三十二名。每名各賞兩月錢糧。被水居民大口各賞兩月口糧。小口各賞一月口糧。以資口食。其官兵被衝房屋。交工程處動項修蓋黏補。至居民鋪戶坍塌房屋。和坤等奏請瓦房賞銀二兩。草房賞銀一兩。固屬照例。

辦理。現在朕於熱河駐蹕。自宜格外施恩。所有被衝瓦房。著賞銀四兩。土草房著賞銀二兩。交該道府等查明發給。令其自行修蓋。俾各安棲止。不致稍有拮据。以示朕軫念旗民有加無已至意。○諭軍機大臣等。刑部議駁陝西省審擬蕭登月毆傷杜文重身死一本。先經秦承恩照威力致死人例。將蕭登月擬抵。經刑部駁令改擬。該撫仍照原擬具題。復經刑部題駁。令該撫再加細覈。朕詳閱情節。

該撫原擬。暨刑部所駁。揆之案情律意。均未允協。此案死者杜文重身充民壯。輒借查夜巡吏為名。訛詐錢文。復與蕭登月扭結。被蕭登月踢傷。杜文重仍扭結蕭登月。欲毆蕭登月。因喝令雇工人史舉幫毆。致斃。該撫以史舉係聽從蕭登月喝令。遂援照威力致死人例。問擬。但杜文重假差索詐。又復扭毆。本係有罪之人。而以蕭登月無罪平民為之抵償。實不足以昭平允。然殺人者死。杜文重被毆。

斃命不可無擬抵之人。蕭登月所毆係屬輕傷。杜文重究被史舉毆傷太陽倒地殞命。自應以下手傷重之史舉擬抵。仍著刑部存記。於辦理秋審時。將史舉入於緩決。並著秦承恩監提蕭登月。諭以杜文重身死。由於該犯喝令史舉幫毆致斃。本應將該犯照威力主使例擬抵。將來必須入於情實。不但不得留養。並應予勾。現奉有恩旨。以杜文重藉差索詐係有罪之人。而史舉又屬下手傷重。是以將史舉擬絞。實屬格外施恩。第史舉係伊雇工。又係聽從幫毆。今以擬抵。羈禁囹圄。情殊可憫。該犯既免抵償。此時固應照看史舉。伏其用度。即將來史舉照例減等後。其家口養贍。該犯並當周給終身。如此向蕭登月詳細曉諭。底情理兩盡於用法。亦無枉縱。又可免該撫與刑部之往返辨駁。徒煩案牘也。除交軍機大臣會同行在法司。另行遵旨定擬外。並傳諭刑部堂官秦承恩知之。○甲戌。諭軍

機大臣曰。劉秉恬奏臨清地方。於五月二十七日得雨二寸二十九日雷電交作。又得雨四寸。察看情形。田間已種早穀高粱棉花。藉滋長發。未種大田。並可上緊趕種。收麥雜糧等語。覽奏欣慰。臨清一帶既得澍雨。此時趕種收麥雜糧。是否足資生長。不致成災。至臨清距德州不遠。臨清既經得雨。德州曾否一律普霑。如德州仍未得雨。則毗連之直隸景州河間一帶。恐亦竟成旱象。前據留京王大臣奏五月二十八九等日。得雨深透。現在熱河於本月初五六等日。又復連得澍雨。雲氣自北而南。勢尤廣遠。著傳諭梁肯堂吉慶。即將缺兩各州縣。上月二十八九及本月初間。曾否普被甘霖。並得雨後能否趕種晚禾之處。迅速查明覆奏。以慰廑注。○乙亥。諭曰。鄒奕孝現在出差。所有工部左侍郎員缺。著馮光熊署理。○諭軍機大臣等。本日據紀昀奏。直隸河間等處。二麥歉收。業蒙截漕五十萬

石以備賑濟。惟是領賑百姓其極貧之戶。一逢米貴即先赴京城覓工餬口。恐聚集日多未必能人人得所。請於直隸所截漕糧五十萬石之內酌撥京城數千石煮米放賑等語。已交大學士九卿會議。自當准行。覈計數目。約需米六千餘石。應先於京倉支用。將來再於北倉截漕數內撥還。但京城所賑之人。即係直隸應賑之人。今既因此等貧民先經就食京城。代為給賑。則京城多一人領賑。本處

即應少一人領米。其應行散賑州縣該督務須切實稽查。各按領賑實戶照數給米。毋任州縣虛開戶口冒賑侵肥。倘京城既經代為給賑而州縣仍復浮開。一經覈對查出。恐該督等不能當其咎也。○又諭吏部具題保定駐防兵丁馬匹牧場並不上緊飭屬擇地。將梁肯堂議以革任一本已從寬免其革任矣。此事梁肯堂身任總督屢准移催何以並不上緊飭屬擇地以致耽延日久是其咎專在

該督即照部議革任亦所應得。第念不值因此一事遽更換總督。是以仍從寬留任。該督既貽誤於前仰邀恩宥務宜即派妥員尋擇妥協水牧處所上緊辦理。著梁肯堂即將另選牧場之處迅速繕摺具奏。若復仍前玩延朕亦不能再為寬貸也。○丙子諭戶部具題起解粵海關雜項銀兩一本內稱該關徵收關稅贏餘銀兩自乾隆五十五年九月起至五十六年九月止比較上屆短收銀十三萬

有零。議令該監督等各按經徵月日照數賠補等語。因思向來關稅贏餘短少銀兩如係該監督等辦理不善自當照數著賠。但粵海關稅課之贏絀總視洋船之多寡上年該處徵收短絀係洋船到少貨物較稀所致尚非該監督等辦理不善。所有此次短少贏餘銀十三萬零著令郭世勲額爾登布各賠銀一萬兩其餘著加恩寬免。○又諭曰廓爾喀賊匪在擦木地方憑據險要抵死拒守。福康安

等細心調度督率將弁兵丁分隊堵截即乘雨夜進兵將士人人用命奮勇爭先踰溪涉水攀援而上奪獲賊硯全殲賊衆實屬奮勉出力勤勞倍至深堪嘉獎福康安著賞給御用搬指一個大荷包一對小荷包四個海蘭察惠齡著各賞玉搬指一個大荷包一對小荷包二個用昭優眷其帶兵之哲森保翁果爾海墨爾根保阿哈保阿滿泰額勒登保珠爾杭阿安祿桑吉斯塔爾台斐英阿德楞泰

張芝元著各賞大荷包一對小荷包二個並發去奶餅一匣令侍衛章京等一體分嘗均霑恩澤所有打仗兵丁俱賞給一月錢糧以示獎勵○諭軍機大臣等據福康安等奏官兵攻克擦木要隘全殲賊衆情形一摺首戰得勝實賴

上天之恩欣慰之餘倍深欽感擦木地方兩山夾峙中亘山梁賊匪據險拒守拚死抵禦經福康安海蘭察惠齡等乘陰雨綿密連夜發

兵將弁官兵等鼓勇先登奪獲硯座將賊衆全行殲戮實為奮勇爭先勤勞倍至覽奏殊為心惻已另降諭旨將福康安等及帶兵將弁並出力兵丁等分別優加賞賚以示獎勵至福康安等於攻克察木後即乘勝直趨濟隴其聶拉木一路已遣成德帶兵作為偏師牽綴賊勢並於絨轄要口留兵一千名派諸神保帶領防守我兵後路無虞賊匪抄截所辦俱妥總之初次打仗即獲全勝大挫賊鋒

賊匪自必聞風膽落事機極為順利現乘軍威勝勢直趨濟隴定可剋期摧破將賊匪剿戮無遺肅清邊境即行合兵深入進剿賊巢自必勢如破竹惟計日以待捷音續報也○丁丑諭據姚榮奏江西南豐廣昌二縣地居上游因閏四月下旬雨水過多溪河泛漲五月初三四日復大雨如注山水驟發以致被淹業經分別撫卹等語南豐廣昌二縣因雨水稍多致被淹浸雖經該撫查明業已照例

撫卹並聲明水勢已退尚可補種晚禾。不至成災。但該處民居衝塌較多。且有淹斃人口之事。朕心殊為惻然。此當速奏。何遲至月餘。昨熱河地方亦因山水陡發。沙隄一帶衝塌。房屋業經降旨於和珅等奏請例賞之外。加倍賞給。所有南豐廣昌二縣應行賞給建蓋民房暨掩埋銀兩俱著照該撫所奏加倍賞給。以示朕體卹災黎有加無已至意。○諭軍機大臣等從前逆匪王倫滋事後其祖父墳墓據徐績奏俱經兗州府知府刨掘並將屍骨燒揚等語。但彼時正當勦賊匆猝之際其墳墓曾否刨挖亦無確據。地方官所稟情節難以深信。今已事隔多年官非一任吉慶受恩深重甫任山東巡撫無所用其迴護著傳諭吉慶即將王倫祖父墳墓是否確在山東壽張地方從前刨挖一節有無諱飾之處詳細訪查據實具奏。再王倫如實屬籍隸壽張該處必有伊房屋田畝其房屋雖例應平毀

而田畝自必入官有冊可查。況現距該犯滋事時尚未及二十年其附近居民未必悉皆從逆無難訪詢。即該縣書役里長亦必有知其事者並著該撫即將王倫是否山東土著抑係外來寄寓一併訪查確實迅速具奏毋稍含混。○又諭曰福康安等奏行至瑪噶爾轄爾甲山梁殲戮賊匪一摺覽奏欣慰。此皆仰賴上天恩佑連次打仗再戰再捷士氣倍奮賊匪望風膽落該處距濟隴不遠。看此事機順利乘勢直前自己將濟隴立時攻克捷報當已在途一得此處軍威大振自必迎刃而解。福康安惟當倍加勉力迅奏膚功。至此次賊匪經官兵追壓尚敢拚命力撲實屬可惡。福康安等以賊勢潑猛先於石礮下埋伏故留一路誘賊上山帶領官兵橫衝賊隊痛加勦殺將賊匪三百餘人殲擒殆盡於行軍勦賊機宜深中窺要昨因福康安等初仗得勝業經

優加賞賚。此次打仗督率將弁調度有方。福康安著再賞給鍍金盒伽南手串一掛。並大小荷包鼻烟四瓶。用昭優眷。海蘭察與賊接戰馬匹受傷。幸未顛蹶。實賴

上天護佑。為之額手虔謝。特賞給行幸常佩護身佛一尊。以為諸事吉祥。往兆海蘭察臨陣勇往是其素性。但身為叅贊。所關甚重。以後接仗時。固當督率士卒。鼓銳直前。然究宜加意持重。不可輕於冒險。此必當遵朕訓諭也。

又巴圖魯三等侍衛定西鼐胸前得有鎗傷。幸係穿過護身佛龕。鎗子未能打入。該侍衛打仗出力。甚屬可嘉。並著陞為二等侍衛。以示獎勵。所有此次領兵侍衛章京等。人數較多。著福康安等。將在山半橫衝賊隊奮力截殺者。詳晰查明。如已經給有巴圖魯名號者。著即咨部議敘。其未經給有巴圖魯名號者。著開單進呈。候朕加恩賞給。所有受傷陣亡兵丁。俱著查明照陣亡例咨部賞卹。至福康

安等奏。此次追剿賊匪。因侍衛章京等馬匹疲乏。儘力馳驅。僅能趕及追奔十餘里等語。該侍衛章京等。所乘馬匹。因牧飼不時。已形疲乏。復經登山涉險。馬力不及。以致追剿賊匪。不能得力。事所固然。但賊匪俱係步行奔竄。我兵若因馬乏。轉為所累。莫若亦令舍馬徒步。跟蹤追剿。即索倫兵最為勇健。或遇馳涉山險。非其所長。至屯練兵丁。素性趨捷。令其徒步馳逐。自可收追剿之用。並著福康安

等相機籌辦。○戊寅諭曰。大學士九卿議覆紀昀奏。請撥直隸截漕米石。在京分廠煮賑一摺。所議尚未周到。朕軫念災區。豫籌民食。本年因直隸被旱各屬。二麥歉收。節經降旨。緩徵借糶。並截漕五十萬石。俾資接濟。現因應賑百姓。赴京就食者較多。酌籌分廠煮賑。所需米僅止數十石。不過截留漕糧百分之一大學士九卿等議如所奏。在直隸原截漕糧內扣出撥給。殊屬見小。所有京城需用賑

米竟毋庸在直隸截留漕糧內扣撥。即著動用通倉米石。速行撥賑分賑。以資災民口食。更可多賑數人。不致一夫失所。毋任地方州縣吏胥剋扣侵肥。以副朕惠愛黎元。有加無已至意。○又諭曰。歸景照奏。革知縣嚴承夏於五月三十日晚。押解到省。因時值深夜。暫委按察司照磨張克謙看守。飭於次早收禁。不料嚴承夏。即於是夜自縊身死。請將照磨張克謙革職。拏問。署按察使事杭嘉湖道良柱革職。一併嚴審。並自請交部等語。嚴承夏係因署守備林鳳鳴等。聽從賄囑。幫爭網地放鎗滋事一案。匿不稟報。特旨拏問之員。一經解到。即應嚴禁。所稱令照磨看守。竟是虛語。致令自縊。實出情理之外。省城重地。以拏問官犯。輒任自盡。此而不嚴加懲創。設有大員拏問。亦復徇情寬縱。與以自戕之暇。尚復成何事體。張克謙著革職。拏問。交與福崧提同看守人役。將有無徇情受賄之處。嚴審

定擬具奏。良柱著革職。審明後。發往軍臺効力贖罪。至歸景照。不過一循分供職之員。因念其係尚書歸宣光之子。不次加恩。擢用藩司。現護撫篆。又近在同城。乃於此等拏問官犯。並不留心查察。委蛇取譽。致有畏罪自盡之事。其罪實無可逭。歸景照亦著革職。發往軍臺効力贖罪。福崧並無緊要必須面奏事件。冒昧起程來京。陛見。轉致地方於不問。釀成重案。殊屬非是。福崧著即交部嚴加議處。○調湖南布政使王懿德為浙江布政使。河南布政使鄭源璠為湖南布政使。以河南按察使吳璥為布政使。河南河北道陳文緯為按察使。○己卯。諭曰。福康安等統領大兵。攻克濟龍。痛殲賊衆一千餘人。所有帶兵將領人員。奮勇出力。甚屬可嘉。其受鎗陣亡之參將長春著加恩。照副將陣亡之例議卹。至火器營委署護軍參領額勒謹。護軍達春。皆係因病留於前藏。力疾告請。隨往軍營。今在中

途病故。甚為奮勉。可憫。亦著加恩。照陣亡例議卹。○又諭。據孫士毅奏。把總傅榮貴。知縣趙來震。將收管偷竊火器賊犯。擅交商卓特巴。領回處治。請分別治罪等語。該犯等偷竊軍火。情罪甚大。既經拏獲。即應審明正法。乃傅榮貴等。不將重犯管押。聽候覈辦。輒徇商卓特巴之請。發交處治。殊屬玩誤。傅榮貴著革去把總。發往伊犁充當苦差。趙來震著革職。留於糧臺効力贖罪。如再有貽誤。即行從重治罪。以示懲儆。○又諭。此次進剿廓爾喀之官員兵丁。於擦木瑪噶爾轄爾甲及濟龍官寨攻克。要隘奮勇殺賊。甚屬可嘉。台斐英阿著賞給散秩大臣。阿滿泰侯有副都統缺出。即行補用。三等侍衛定西鼐前因打仗受傷。業經陞授二等侍衛。桑吉斯塔爾著賞給薩爾丹巴圖魯。陞為二等侍衛。吹扎普賞給綢增額巴圖魯。索爾多海賞給呢鏗額巴圖魯。達爾精阿賞給喀勒崇依巴圖魯。呼倫貝

爾副管領巴金達爾。賞給錫濟爾渾巴圖魯。布特哈佐領色爾棍。賞給托默宏武巴圖魯。呼倫貝爾佐領拜薩勒圖。賞給塞勒巴圖魯。屯練遊擊朗噶爾。結賞給喀達布巴圖魯。屯練都司斯丹巴。賞給索洛克多爾巴圖魯。阿嘉賞給覺克博巴圖魯。屯練守備登什占布。木賞給納木巴巴圖魯。巴旺大頭人阿達賞給達布凱巴圖魯。照例各賞銀一百兩。頭等侍衛佐領阿穆勒塔。著作為額外總管。齊齊

哈爾佐領雙寧。呼倫貝爾佐領訥色勒圖。呼倫貝爾協領兼佐領多爾濟布特哈。驍騎校英喀布。呼倫貝爾雲騎尉扎丹保。甘肅副將達音泰。屯練守備阿拉。屯練千總生根。土司千總巴古木塔爾。屯練守備阿塔爾。阿那什壁土司都司班達爾。嘉格布什咱大頭人索諾木敦珠布。俱著賞戴孔雀翎。布特哈領催新保馬甲畢什勒子額。呼恩徽布勒特。呼倫貝爾馬甲扎達鼐。四川千總湯仲容。賀化龍。

清 實 錄 乾隆五十七年六月上

屯練遊擊策旺屯練都司任沾爾結畢葉嚕什周格布什咱小頭人安固布特哈領催高屯輟提音瑚舒岱馬甲得勒根徹額爾棍徹烏圖保成泰哲勒克訥呼倫貝爾領催得勒格爾馬甲富明阿法彰察甘達蘇色楞屯練守備勒什爾甲溫布阿什周仲濟屯練千總伊什周根登塔木土司把總策旺普本布特哈壯丁穆喀勒岱四川外委劉成錦土司守備彰布木阿咱喇屯練外委安布木俱著賞戴藍翎屯練遊擊銜穆塔勒阿忠番子遊擊銜色木里雍中著賞給副將銜乾清門二等侍衛朱爾杭阿翁果爾海著補授頭等侍衛三等侍衛克昇額阿那保著補授二等侍衛藍領侍衛窩尼保福漢傳陞噶爾第雲騎尉阿達烏勒哈鼐薩木布鼐著補授三等侍衛司轡倫布春噶喇寶班謨信委署親軍校巴彥察親軍特克訥富爾綏將定前鋒富永聞散哲克著補授藍翎侍衛呼倫貝爾驍騎校

委署副叅領博多果爾作為額外佐領呼倫貝爾領催定博訥布特哈領催博勒合恩保布特哈壯丁哈達鼐呼倫貝爾馬甲濟勒噶察克什克畢薩鼐作為額外驍騎校其濟龍打仗兵丁著各賞一月錢糧以示鼓勵○諭軍機大臣曰嚴承夏於革弁林鳳鳴等幫同民人爭奪網地一案不過匿不稟報並無重大情罪何以於押解到省時遽行畏罪自盡其中必有別項情事或係嚴承夏於此案本有染指是以畏罪自盡或該照磨受嚴承夏賄賂有心徇縱並不即行監禁此等情節不可不切實根究著傳諭福崧親提案內人犯嚴行訊究務得實情從重定擬具奏該撫既經規避於前若再不嚴切審辦稍涉迴護恐不能當其咎也尋奏嚴承夏因年逾六旬惟恐遠遣憂懼自盡實無別情照磨張克謙亦訊無賄屬情事但不小心防範甚屬玩愒請從重發往新疆充當苦差報聞○又諭曰書

麟等奏瓜州江岸坍塌。會勘籌辦一摺。據稱瓜州城外迴瀾壩。迤下江岸。於五月十八日裂縫坍塌。侵至城根。將四十一年收進之土城。塌卸十四丈。現將迴瀾壩塌卸工尾。暨南門外灘嘴處所用料裏護。並請將土城鑲進五六十丈。補還城垣。以復舊觀等語。瓜州城外江灘。因江流北徙。衝刷灘崖。坍及土城。該督等以城內西南隅。並無民居。現在坍塌之處。後身尚有隙地。擬讓進五六十丈。照舊補

還土城。亦祇可如此辦理。但該處城垣於十一年業經收進五六十丈。此次又復鑲進。若不另籌挑護之法。則江流衝刷靡常。難保不再行塌進。豈有屢將城垣向內收進之理。閱圖內現做裏頭處所。自屬頂衝。何不於該處接靠壩根。建築石磯。挑溜向東南下趨。俾瓜州城外灘岸。不致衝刷塌卸。城垣可資保護。已於圖內用硃筆圈誌。但此係柴壩。江流甚深溜勢湍急。若以壩根接做石磯。是否可能

生根鞏固。以資挑護之處。著該督等詳細履勘。是否可行。悉心籌酌。據實具奏。將此諭令知之。○又諭據戈源奏現考山西一府三州童生。除錄取外。皆文理不通。宜嚴定縣府考送之額。以杜夾帶鈔襲等弊一摺。所奏甚是。縣府考試。為士子進身之階。必須先加遴選。始不致冒濫滋弊。若無論文理之通與不通。全行錄送。勢必人思倖進。夾帶鎗倩之弊。在所不免。關於士習者甚大。著傳諭長麟。飭令

縣府各屬。遇考試童生時。務須詳慎去取。如有文理荒謬。竟至不能完卷者。即行扣除。毋得濫送。其是否可定額數之處。並著該撫悉心酌辦。以勵真才而清弊源。除交該部覈議具奏外。將此諭令知之。○又諭曰。穆和蘭奏河北彰衛懷三府屬。於二十七八等日。至三十日。各得雨一二寸至三寸不等。雖未能一律霑足。於秋禾究為有益。此外不成分寸地方。察看情形。分別覈辦等語。河北三府屬。缺

雨已久。今得此一二寸之雨。究未霑足。雖昨據劉秉恬奏稱。臨清開外運河於三四日長水一二尺。必係豫省河北地方得沛甘霖。漳衛二河。源水盛發等語。今復經該撫奏到。是河北各府屬。業經得有雨澤。但究係未能深透。即趕種晚禾。恐已失時。民食不免拮据。節經降旨。截留漕米二十萬石。並分別緩徵。借給籽種口糧。俾資接濟。該撫務須督飭所屬實心經理。俾霑實惠。其被災地方。勘明數辦。切忌稍存諱飾。俾小民口食有資。不致一夫失所。以副朕軫念民依至意。將此諭令知之。

○又諭曰。福康安等奏大兵克復濟甯。痛殲賊匪一摺。覽奏欣慰。不禁以手加額。叩謝天恩。福康安等之摺。係五月十一日所發。距今計已一月。濟甯為進兵要路。一得此處。軍威大振。必當勢如破竹。此次官兵冒雨攻圍。人人鼓勇。可憐可嘉。而福康安等分兵攻撲。使賊不能相顧。是行軍正策。一切佈置調度。俱

合機宜。著賞福康安本日御製攻克濟甯誌喜詩書扇一柄。御用大荷包一對。小荷包四個。鼻烟壺一個。小刀一把。火鏢袋一個。海蘭察惠齡各賞大小荷包。鼻烟壺。小刀。火鏢袋。用示優眷。其打仗出力將弁。已另降諭旨。分別擢用。加恩賞巴圖魯名號。官兵賞給一月錢糧。統俟大功告成。凱旋宴勞。再沛酬庸之典。此時賊匪連次敗竄。又經官兵殲擒千餘名之多。自己聞風膽落。日就窮蹙。或喇特納巴都爾。巴都爾薩野等。自知罪在不赦。差人前赴軍營。遞稟乞降。亦未可定。但受降完事。係萬不得已之辦法。現在大兵連次克捷。所向披靡。功在垂成。諒福康安等必力圖上策也。前據福康安奏。附近廓爾喀之布魯克巴。作木朗。披楞。三處部落。概令發兵攻賊。又西藏帕克里邊外哲孟雄。宗木等部落。現與賊打仗。將該二處地方奪回。並諭令各該部落。乘勝幫同勦賊等語。彼時官兵尚未進勦。遽

檄諭各部落約期發兵所辦未免太早今大兵連得勝仗克復濟龍即乘勢直趨陽布各該部落聞知官兵屢次克捷自必衆心踴躍亟思出力助剿福康安等檄令會攻正在此時著福康安檄諭各部落以大兵攻克陽布在即賊匪勢窮該部落正當乘此機會合力進兵即使爾等自揣兵力不敷亦當於各界上緊嚴密堵截設喇特納巴都爾巴都爾薩野沙瑪爾巴助惡頭人等竄至爾境即行縛

獻亦可仰邀恩賞等語如此詳晰曉諭即不能得各部落協勦之力而賊匪首惡頭人亦可不慮其乘間竄逸也至福康安等奏現在帶兵直趨陽布軍火糧餉等項雖不能待川省運來惟應俟福康安在藏購辦之項運到以資接濟等語福康安於肅清邊境後乘銳深入糧餉火藥事不容緩其購辦之項曾否已經解到軍營濟龍以外皆為賊境應用軍需尤為緊要本日據孫士毅奏已抵察木多

前已有旨令其直到前藏往來督催該署督接奉後自必遵照前往藏中糧運有和琳悉心經理設法趲催已可不誤孫士毅到彼後與和琳商辦一切自更得力其自藏至濟龍軍糧等項自可源源接濟迅到軍營至濟龍以外前有旨責成惠齡在適中地方往來督率趲運本日福康安奏到摺內惠齡尚在隨同打仗自因前旨尚未接到此時軍營已不乏人惠齡竟可不必在彼帶兵惟當遵照前

旨。在濟龍以外一帶督催糧運以期不誤軍需。又據孫士毅奏。不將偷竊軍火要犯管解之知縣趙震等。已明降諭旨。分別辦理。噶噶哇等三犯。膽敢偷竊火藥。情罪甚為可惡。商卓特巴等。懇請領回處死。其言不實。至胞頭一犯。據商卓特巴等。稱業經打死。亦不可信。孫士毅。惟當遵照前旨。務獲噶噶哇。並究出胞頭。結滾。審明後。一併正法。示衆。俾番衆知所畏懼。斷不宜稍存寬貸也。再現在審訊

解到之扎薩克喇嘛噶勒桑丹津等供稱。前此達賴喇嘛叫我們帶去元寶三百五十個。被賊搶去一百八十個。其餘一百七十個。現在脅噶爾廟內等語。著和琳、鄂輝查明此項元寶。如尚存廟內。即交與達賴喇嘛。並諭以此係商上銀兩。未便存留廟內。仍即發往。以示體恤。

御製福康安奏攻得濟龍賊寨詩以誌喜六韻。詩曰：檠木瑪噶以次舉。濟龍咫尺弗為遐。破宵冒雨乘無備。直進分班策肯差。賊竟抗顏以死敵。師爭刃血更雄加。據其要險鴉失翼。遂克中堅蟲洗沙。報至喜翻成欲泣。念馳憐切詎惟嘉。復番境已壓冠境。陽布摧枯望不賒。庚辰諭軍機大臣等。據長麟奏董二供出之李老三。查明已經病故。往查墳墓。及傳訊地隣人等。僉供李老三病故屬實等語。此案節經該撫將王疼疼子高好手子等解到。令軍機大臣分別嚴鞫。該犯等俱供並未出。

外堅不承認。尋常小竊到案。尚思狡賴。况謀逆重情。自未肯即行供認。但案情重大。非實有確據。豈可遽入人以叛逆之罪。此事朕毫無成見。並不稍有偏袒。現已思得辦法。昨經降旨。交吉慶親往查勘王倫祖父墳墓。是否確在東省壽張地方。從前派員創掘之處。有何憑證。並王倫原籍有無田產。當時雖已入官。亦必有冊籍可稽。該處耆老里書人等均。可訪詢。而得俟吉慶奏到。真偽自明。如王倫實係山東土著。則董二挾嫌誣告。事屬顯然。雖所控之人。尚未的實。但拖累多人。亦當按律擬以重辟。入於情實。倘王倫竟係外來流寓。則董二所告。不為無因。是晉省地方迴護不實。不盡。亦未可定。必須兩處質證。徹底根訊。以成信讞。不能顛預了事也。將此諭令知之。又諭曰。和琳奏前奉諭旨。管事商卓特巴。應令達賴喇嘛與駐藏大臣驗放。已向達賴喇嘛宣示等語。所辦皆好。惟當益加奮勉。

實力整頓。使向來積習。日就肅清。目今大兵連次克捷。已將濟甯收復。乘勝直入。一切軍器糧餉等項。關係緊要。務須速行運至。以應急需。昨據福康安等奏。軍營火藥弓箭餉銀等項。不能待川省運來者應用。須俟福康安在藏購辦之項。運到濟甯。以資接濟等語。大兵乘勝直前。事不容緩。所需軍火弓箭等項。已經福康安先行在藏購辦。解到後尚可敷用。至軍餉一項。尤為要需。今軍營並無解到銀兩。支用竭蹶。所關甚重。上年秋間。即已降旨。在川省附近省分。撥給銀二百萬兩。嗣又部撥銀一百萬兩。續據孫士毅奏報不敷。又賞撥銀二百萬兩。前後五百萬兩。不為不多。即後起所撥銀兩。運解需時。其前次所撥銀三百萬兩。閱時已久。早應陸續運到軍營。前據孫士毅奏。所有運送出口軍火餉銀等項。俱已掃數趕送前途。毫無停積。何以前後藏及軍營並無解到者。是孫士毅從前奏報情

形竟為站員等所愚。並非確實。孫士毅現赴前藏。著即嚴行督察。實力催趲。務須星速趕運。毋任解員等沿途遲緩。致誤軍行要需。著和琳鄂輝。於解到前藏時。迅速趲運。務期早到軍營。以資應用。○豁免雲南運京沉失銅四萬四千三十觔有奇。○旌表守正捐軀廣西容縣民陳成宇妻黃氏。○辛巳諭曰。姚茶現丁母憂。江西巡撫員缺。著陳淮調補。所遺貴州巡撫員缺。著馮光熊補授。馮光熊甫在熱河召見。回京。且係素知之人。著即赴新任。不必前來行在請訓。陳淮未到任之前。其江西巡撫印務。著託倫暫行護理。○軍機大臣議。准直隸提督慶成奏稱。河屯協兵。遇有差遣盤費。向係自捐。該營駐劄熱河。差務稍繁。請將提標庫存節省銀九百餘兩。再於節濟兵米銀並備辦麩豆銀內。賞借三千兩。共四千兩。交熱河道發典生息。以為兵丁差費。得旨。允行。○壬午。諭軍機大臣等。現在糧餉火

藥運送濡遲。總由察木多以西至前藏臺站官員辦理疲軟。一任商卓特巴等支吾延緩。並不實力督飭查催。率以接續運解稟報。而孫士毅駐劄省城。及打箭鑪一帶。相距較遠。鞭長莫及。以致為其所愚。似此任意玩延。又不據實稟報。設法趨催。豈不貽誤要需。孫士毅此時已抵前藏。將停積糧餉等項。督率嚴趨。迅速運送前途。其前此遲誤之站員。仍著孫士毅於事竣後。嚴切查明據實奏。以示懲儆。

懲儆

大清高宗法天隆運至誠先覺體元立極敷文奮武孝慈神聖純皇帝實錄卷之一千四百六

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百七

監修總裁官經筵講官太子太傅文淵閣大學士文淵閣領事內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功七級隨帶加一級尋常加二級軍功紀錄一次臣等謹將

總裁官經筵講官太子太傅文華殿大學士文淵閣領事稽察欽奉 上諭事件處管理刑部戶部三庫事務

世襲騎都尉軍功四十九級隨帶加二級又加二級重慶內大臣戶部尚書嚴壁滿洲都統軍功紀錄五次

尋常紀錄十四次臣等謹將纂修官太子少保工部尚書紀錄六次臣等謹將纂修等奉

敕修

乾隆五十七年壬子六月癸未以吏部左侍

郎金士松為浙江鄉試正考官侍講曹振鏞

為副考官工部右侍郎吳省欽為江西鄉試

正考官御史王天祿為副考官編修王錫奎

為湖北鄉試正考官刑部主事范鰲為副考

官○旌表守正捐軀直隸東鹿縣民馬四妮

妻李氏○甲申諭曰鄒奕孝現任學政吳省

欽又派試差工部漢侍郎辦事之人著張若

渟暫行兼署工部右侍郎事務張若渟前派

隨往木蘭著毋庸前來所有後班刑部堂官

著蘇凌阿隨往○諭軍機大臣曰諾穆親等

奏江西南昌前幫於十三日過關在後各船

若能接續前來至遲不過七月初旬亦得全

漕告竣等語上年漕船於七月初九全數抵

通今年遇閏若漕船於七月初旬告竣已遲

一月昨據管幹珍奏南漕尾幫於六月初五

日全過德州當令軍機大臣將上年全過德

州日期查對比較除閏月外尚遲四日雖本

年東昌臨清一帶得雨稍遲運河水淺糧船

未免因此行走耽延但從前糧船抵通節年

遲逾直至九十月方得全數告竣經朕屢降

諭旨飭令實力催趲兩年以來方得復冬兌

冬開之制本年幸遇閏月各幫船於七月初

旬告竣尚可無誤若遇無閏之年該督等亦

不上緊催趲輒引有閏之年相為比較則年

遲一年必至又如從前之遲逾豈不前功盡

棄目下運河已經長水回空更無阻滯著傳

諭管幹珍等嗣後務宜加緊催趲俾漕船及

早回歸受兌以符冬兌冬開定制不得藉詞就延致滋遲誤獲咎○又諭曰刑部奏陝西巡撫秦承恩題覆汪秀魁毆傷假差鄧貴身死一案先經刑部題駁以此案該撫置鄧貴假差嚇詐逞兇拒捕於不問遂將汪秀魁依鬪殺律擬絞未為允協請令該撫另行妥議今秦承恩仍照鬪殺具題所引各條俱與例義案情不合自毋庸再行議駁應即照律改擬等語所奏是依議行至秦承恩辦理人命

重案既經刑部題駁自應悉心詳覈斟酌妥議以歸平允乃此案鄧貴假差嚇詐及汪秀魁擅殺各情節業據該撫兩次覆審無異仍照原題以尋常鬪殺律一例定擬未免固執著傳旨申飭○又諭大兵進剿廓爾喀直趨陽布餉銀固屬緊要而火藥鉛丸弓箭等項尤為勦賊必需之物雖福康安已於藏內就近購備但為數究屬有限一經用去即日見其少全在源源接濟方可得力孫士毅現已

赴前藏仍當於藏東一路來往督飭臺員速催嚴辦接續運解以應急需其藏以西則和琳鄂輝之責計孫士毅此時自己與和琳會晤並著會同查明將糧餉火藥弓箭等項未經運到前藏者若干起由後藏運至軍營者若干起詳晰據實速奏其業經運到後藏者並著和琳鄂輝輪班來往一體嚴催速解濟甯以外其至軍營則惠齡之責著趕緊設法保護接運迅抵軍營應用此為最要○丙戌

諭據哈當阿等奏拏獲臺灣附近案內匪犯張寢鄒祥二名審明辦理一摺已批該部知道矣前據伍拉納等奏到拏獲林爽文逆黨逸犯朱先審明正法今嘉義彰化等縣又有陸續緝獲之犯該處地方員弁尚屬留心緝捕此案從逆各犯前於大兵到時逃入內山苟延殘喘者若不盡數緝獲日久稽誅勢必竄入內地但該犯等自內山潛回不能不由臺灣經過現在各該員弁節次拏獲可期逸

犯淨盡。甚為妥善。嗣後益當飭令文武各員。於要隘處所認真盤緝。其有續行拏獲者。即酌量所獲匪犯名數。咨部議敘。以示鼓勵。所有此次獲犯之嘉義彰化二縣及把總陳成功等。著即照此辦理。哈當阿楊廷理亦著一併議敘。○諭軍機大臣曰。福康安等奏攻克熱索橋。進臨賊境。一摺。覽奏欣慰。濟隴以外高山夾峙。窄徑崎嶇。較金川尤為險阻。賊匪恃險拒守。放鎗抵禦。福康安等抵熱索橋時。

因與賊相持急切。不能得手。隨暫撤各兵。繞越兩重大山。在熱索橋上流潛渡。乘其不備。直前攻撲。痛殲賊匪。奪據石卡。所辦深合機宜。可嘉之至。該處為賊境門戶。今已乘勝攻克。統兵深入。勢如破竹。自早直搗賊巢。著賞給福康安洋表一個。御用大荷包一對。小荷包四個。海蘭察洋表一個。大荷包一對。小荷包二個。惠齡洋表一個。大荷包一對。小荷包二個。用照優眷。並發去銅管十個。大小荷包。

各十對。交與福康安等查明。遇有帶兵出力侍衛章京將領等。酌量賞給。所有此次帶兵繞道渡河。殺賊之巴圖魯侍衛等。實屬奮勇出力。除阿滿泰已於上次打仗得勝加恩。以副都統即補外。前陞頭等侍衛之翁果爾海頭等侍衛哲森保。俱著賞給副都統職銜。墨爾根保著陞為二等侍衛。兵丁等亦著查明。共有幾人。一體加賞。以示獎勵。其攀援獨木偏橋前進之兵丁。如有跌斃者。亦著查明咨。

部照陣亡例議卹。至成德岱森保等。前經福康安等派在聶拉木一路牽綴賊勢。今經福康安等行知。令其酌量進攻。即於十二日分路前進。占住德親鼎山。攻克頭卡鎗斃賊匪多人。將二卡三卡俱行攻克。焚燬木柵搭橋前進。亦屬奮勇可嘉。並著福康安等查奏。打仗出力者。酌加獎賞。以示鼓勵。至官兵連次克捷。鼓銳長驅。賊匪自己望風膽落。但用兵之道。計出萬全。於屢勝之後。自宜加意慎重。

所有進兵後路亦不可不豫為防範成德恣
森保等現已由聶拉木進至木薩橋攻勦賊
匪自己會合大兵直抵陽布固屬甚善若尚
在途次進攻應即令成德等於聶拉木一路
前趨陽布中間總匯處所帶兵堵禦以為大
兵後路聲援倘彼處無路可通則前次所調
後起之德爾格爾等兵尚未能迅抵軍營應
即於巴圖魯侍衛中遣回二人令其與帶兵
之索國璜帶領在大兵後路濟龍以外要隘
處所酌量屯駐防守以資聲援策應更為周
妥再福康安等前次進呈之圖止有濟龍以
內著福康安於大功告成後將濟龍至陽布
山川地名及險要形勢官兵打仗克捷處所
詳繪一圖貼說呈覽○旌表守正捐軀河南
永城縣民胡海聘妻夏氏○丁亥諭據都爾
嘉等奏稱墨爾根城達呼爾協領敦保騎射
俱屬庸劣請將該員革去協領等語索倫達
呼爾皆善於騎射而協領更有訓練兵丁之

責敦保身係達呼爾協領而騎射俱屬庸劣
焉能訓教他人都爾嘉等奏甚是著照都
爾嘉所請敦保革去協領以示儆戒○軍機
大臣議覆署兩廣總督郭世勲奏稱安南國
王阮光平所用袍服式樣甚多必需江寧定
織所請給予牌照等事似不可行應於下次
貢使來時改由江蘇一帶水道行走至江寧
日傳集鋪戶面議仍官為經理俟貢使回寧
交收如無購辦物件之年仍由舊定貢道進
京得旨所奏是依議○戊子諭軍機大臣等
本日據穆和蘭奏河北彰德衛輝懷慶三府
屬於六月十一二十三十四等日得雨三
四五寸以至深透等語河北三府既經得有
透雨其直隸之順德廣平大名各府境壤毗
連自當一律均霑何以未據該督奏報再保
定天津河間景州等處本年俱缺少雨澤此
四處內何處被旱較重看來保定天津三府
屬曾經陸續得雨雖未霑足被旱自當差減

惟河間景州則雨澤稀少。早禾已成。著傳諭梁肯堂即將順德等三府六月十一二等日。曾否均霑霽雨。及保定河間等處被旱較重之處。據實覆奏。以慰厯注。○庚寅遣官祭火神廟。○諭軍機大臣等。據陳淮題報本年貴州省麥收分數一本查與該撫閏四月間奏到之摺分數相同。惟本內繕寫夏田收成字樣似於麥收之後。另有收穫早稻雜糧等項。措詞殊屬牽混。著傳諭該撫嗣後題報麥收時務宜改正。毋得相沿繕寫。以致聲敘不清。將此並諭各督撫知之。○又諭此次圓明園進呈五月分月摺內。南苑草橋等處清挖水泡河道一款。用銀至十八萬一百八十餘兩。為數已屬過多。此項工程著金簡務須認真查察。使帑不虛糜工。歸實用。母任工員虛報丈尺。冒銷銀數。將來遇有淤墊。輒以風雨停淤藉詞朦混。此事著交金簡實力查辦。和坤到京亦一體認真詳查。不得以領項寬餘。

稍滋浮冒。不數年仍致淤墊千咎。將此傳諭知之。○又諭前據福康安等奏官兵進攻熱索橋時。賊匪折去橋板。放鎗抗拒。福康安等密遣阿滿泰等帶兵繞至上流潛渡等語。所辦深合機宜。已有旨嘉獎。賊匪既拆去橋板。阻河抗拒。若官兵止在該處與賊相持。即施放鳥鎗。隔河擊賊。徒費兵力。亦屬無益。今派兵繞赴上流潛渡。乘其不備。剿殺賊匪。正路官兵亦得乘勢搭橋。一時並濟。不但省我兵力。而大軍遂得迅速渡河。實為出奇制勝之策。此策福康安海蘭察二人係何人主見。又福康安等遣阿滿泰哲森保墨爾根保翁果爾海等繞道潛渡。後阿滿泰等即乘賊不防沿河疾行。直撲賊卡。趁勢剿殺一節。亦屬可嘉。伊四人中又係何人主見。首先進撲。俱著福康安等詳悉具奏。○辛卯諭軍機大臣曰。吉慶覆奏勘明逆匪墳墓查訊證據一摺。據稱王倫當日住居及祖墳所在。居民共知。隨

將王倫祖墳覆加剗挖所有遺剩骸骨盡行燒燬請將從前剗挖草率之府縣交部嚴加議處及原辦逆匪籍貫錯誤各員議處等語此事既經該撫勘明王倫祖父已剗墳墓俱屬確實並查明王倫族姓實為山東土著是此案已可明白其從前剗挖逆匪墳墓未將骸骨查檢淨盡固屬辦理疎漏但念事隔年久此時亦不必深求所請將承辦剗墳府縣及原辦逆匪籍貫錯誤之各府縣等分別交部之處均著加恩寬免又據另片稱王倫同莊居住之王森係生員王正係考職經歷請革去衣頂同族人王楹等一併遷徙等語王森等雖王倫宗黨究係遠族且事屬既往更可毋庸置議將此諭令知之○壬辰諭據梁肯堂奏河間保定天津等屬受旱較重請分別賞借口糧等語本年河間等屬雨澤短缺近雖得雨數次為時已遲所有被旱較重之處無力貧民口食未免拮据著加恩將河間

府屬之景州河間獻縣阜城任邱吳橋保定府屬之雄縣東鹿八州縣貧民於七八兩月內先行賞借兩月口糧其河間府屬之肅寧交河東光保定府屬之清苑滿城安肅唐縣博野望都完縣蠡縣容城新安天津府屬之青縣南皮滄州鹽山慶雲等十八州縣酌借八月一月口糧以資接濟該督務須董飭所屬實力稽查妥為經理毋任胥役人等捏冒滋弊俾小民均霑實惠以副朕軫恤窮簷有加無已至意○軍機大臣議覆浙江巡撫福崧等奏審擬林鳳鳴等幫同民人在洋爭奪網地一案得旨林喬俞啟明岳遜剛邱廷元趙得榮王宗顯孫行仁七犯俱著即處絞至浙省營伍廢弛已久林鳳鳴李廷翰身為將備方當率兵衛民乃敢貪圖得賄幫爭網地並施放鳥鎗擊打民人此與洋盜何異竟失衆武弁之類若不嚴加懲創其何以儆貪黷而肅戎行林鳳鳴李廷翰雖已正法並著將

伊二人之子查明發往伊犁給兵丁為奴用昭炯戒至該撫及提鎮等有管轄營伍之責今所屬將備竟有貪賄幫爭放鎗滋事之案非尋常失察可比福蔭馬瑞俱著交部嚴加議處陳杰係棄瑕錄用之人屢經獲咎此次林鳳鳴前往巡洋又係該提督所派該弁輒藉差滋事其平日不能管束已可概見陳杰著革去翎頂仍帶革職留任八年無過方准開復此八年之內止准其支領一半養廉以為專閭大員不能約束弁兵者戒○以編修施杓為陝西鄉試正考官侍講學士羅修源為副考官禮部左侍郎鐵保為江南鄉試正考官內閣學士李潢為副考官○癸巳諭前降諭旨截漕六十萬石分撥直隸河南二省豫備缺兩各府屬接濟之用並派令劉東恬梁肯堂前赴該二省交界處所就近商同酌撥續又增賞直省米十萬石令於北倉內撥給梁肯堂因有地方應辦事件先回保定劉

東恬往來臨清一帶現赴北倉調度撥運辦理均為妥協著交部議敘○又諭曰翁方綱奏科試情形一摺內稱考試士子經解默經時却於坊間所刪經題內出題其有未讀全經者概不錄取等語五經為聖賢垂教之書士子有志進取竟有未經全讀者可見士習之荒疎卑靡翁方綱身任學政自應認真董率俾承學之士全讀經義身體而力行之方不負訓迪之責如詩書內不祥諱用語句不使出題乃後世過於迴避之陋習朕所不取茲公然竟有刪去者豈不可鄙是亦學術式微之一大證也經籍俱經孔子刪定豈容後人更復妄有刪節今該學政明知坊間刪經之不可而不能去不過調停其間且相沿陋習形之奏章若為定例者然殊屬非是著傳旨申飭蓋各省坊間射利之徒往往於經書內避去不祥諱用語句擅行刪節標寫擬題以為習場屋者揣摩之具而躁進之士子遂

以為捷徑秘傳。最為惡習。山東一省如此。各省當亦不免。而各督撫學臣知而不言。則更翁方綱之不如矣。朕甚愧之。此事於士風大有關係。不可不明為查禁。著通諭各督撫及學政等。務須實心查察。嚴行禁止。俾士各通經。文風振作。其應如何立法查禁。以端士習之處。著軍機大臣會同禮部妥議具奏。○諭軍機大臣曰。將賜祭等奏。京城得雨一摺。內稱。大興。宛平。二縣得雨三寸等語。前據梁肯

堂奏。順天府屬寧河縣。久晴無雨。禾苗受旱。是寧河縣自春徂夏。總未霑澤。早象已成。小民自不免艱食。何以將賜祭等並未奏及。直隸省已截留漕糧。放米賑濟。該縣自可一律均霑。且距京不遠。現在五城設廠煮賑。該處貧民亦可就食京城。自當不致失所。著傳諭將賜祭等。即將寧河被旱。曾否歸入災賑案給賑。及該縣民人。是否赴京領賑。口食有資之處。查明據實具奏。以慰厯注。○甲午。諭浙

江署守備林鳳鳴等貪圖得賄。幫爭網地。放鎗滋事一案。昨經福崧等審明。定擬具奏。已將林鳳鳴。李廷翰等四犯。即行正法示衆。林喬俞。啟明。岳遜剛等七犯。一併正法矣。國家設立弁兵。原以稽查奸宄。衛護民生。海洋重地。如漁戶民人等。私相械鬪。忿爭。該將備等聞信。自應率兵前往查拏。送交地方官辦理。其有不服拘拏。臨時逞兇拒捕者。無論彼此曲直。但經抗拒。即放鎗擊打。致有傷斃。於該

弁兵亦無不合。今林鳳鳴因貪圖民人韓廷傑賄囑。輒敢乘巡洋之便。邀同署遊擊李廷翰前往。幫爭網地。施放火藥鉛彈。擊打平民。兵丁岳遜剛等。明知林鳳鳴等貪圖賄賂。輒行聽從。放鎗嚇制。似此藐法營私。竟與洋盜無異。實有礙衆武弁之顏。若不嚴加懲創。其何以昭法紀而肅戎行。是以將林鳳鳴。李廷翰。立行正法。並查明伊子。發往伊犁。給兵丁為奴。其聽從放鎗之兵丁岳遜剛等。概予綬

首蓋此事於營伍地方均大有關係不得不從重辦理用垂炯戒但恐武弁等知識愚昧惟利是圖不知法禁森嚴復罹重辟不可不申明紀律以儆將來著各省提鎮將此旨及辦理此案原降諭旨一併敬謹鈔錄入於交代轉相誡諭並刊刻懸掛俾將弁兵丁等共知觸目警心毋蹈林鳳鳴等覆轍以副朕整飭戎政諄切訓諭之至意○乙未諭軍機大臣等本年直隸河南山東三省雨澤均屬短少陝西入伏以後亦覺望澤山西與直隸陝西等省境壤毗連前據長麟奏平陽潞安等六府夏間雨水稀少於六月初七八等日始得透雨但糧價不免昂貴懇請平糶已依議速行茲直隸河南缺雨州縣業據陸續奏報得雨本日據秦承恩奏陝省於六月十五日復得透雨未稔山西平陽各府屬於初七八日得雨之後曾否續被甘霖大田情形若何近日糧價能否逐漸平減著長麟即詳悉查

明據實具奏將此諭令知之○又諭前因福崧急於起程前來陛見曾經降旨飭諭以地方事務如果有必須面行陳奏者亦可具摺奏聞何必為此僕僕轉置地方於不問今福崧回任後奏到各摺不過係海塘沙水及浙省糧價並沿途雨水情形其摺內所稱河間德州一帶尚未得雨之處朕早經知悉又何待福崧入告可見該撫並無緊要事件必須面奏又何必急於起程其前次摺內所稱依總之詞並非出於至誠殊為不實著再傳旨申飭○旌表守正捐軀直隸束鹿縣民曹維城女曹氏四川邛州民陶萬益妻王氏○丙申諭前因京南諸府雨水短少二麥歉收貧民赴京覓食者多令於五城展煮粥賑俾資餬口但念本年直隸被旱地方稍廣各處貧民聞設粥廠自必紛紛就食人眾既恐致擁擠而相距路遠者或不免向隅著加恩照乾隆二十七年之例於五城例設各廠外在離

城三四十里鎮集處所添設五廠照舊定章程一體妥辦並增派滿漢科道各五員著留京辦事王大臣揀選派出不必送來引見會同現任五城御史督率司坊官悉心經理至就食人數既多所有每日額支米石恐不敷用並著加恩每廠每日各加米一石其中人數不齊或將在城之贏餘協濟在鄉之不足著都察院堂官等善為酌劑仍不時輪往稽察毋任胥吏侵扣滋弊俾赴食者均霑實惠

以副朕軫念窮黎有加無已至意○又諭現因京南被旱地方無業貧民就京覓食者較多特令五城添設粥廠煮賑朕現在駐蹕熱河恐口內貧民出口至此者必多自應特沛恩施俾得均霑愷澤著承德府道府等酌量設廠撥米煮賑使乏食民人得資口食並著實力稽查妥協經理務使均霑實惠以副朕軫念民依有加無已至意○又諭現在京城添設粥廠煮賑事頗繁重都察院堂官須輪

往稽查舒常著即回京董理留京王大臣亦著留心詳悉督察○又諭曰富綱等奏請勅賜廠神封號一摺近年各廠辦獲銅筋較每年額數多至四百餘萬自屬山靈呈瑞理宜列在祀典錫之封號用答神庥著封為裕源興寶礦脈龍神並著該督撫於廠地相度處所建設總廟春秋致祭並交該部載入祀典其大小各廠聽其自行立祠其神牌祠額即照所定封號一律繕寫○丁酉諭前次官軍

攻克濟甯時所有兵丁業經降旨賞給一月錢糧本日又據福康安奏攻克協布魯賊寨將弁兵丁等俱各不辭勞瘁奮勇出力等語除福康安海蘭察等及帶兵之巴圖魯侍衛章京業經分別賞賚外所有此次打仗兵丁著加恩賞給一月錢糧以示鼓勵○又諭曰福康安等奏道員林鴻在後藏趙催軍糧將烏拉價值雇覓商民設法運送現已起運二千一百餘石林鴻趙運軍糧不辭勞瘁殊屬

奮勉著加恩賞給按察使職銜又和琳奏松茂道倭什布派辦臺站塘汛及運送軍糧軍火等項俱能遵照限期駕馭番民並無貽誤實為細心曉事等語倭什布亦著加恩賞戴花翎以示獎勵諭軍機大臣等京城粥廠現在遠來領賑者竟有二萬餘人熱河地方貧民出口覓食者亦復不少此等就食之人俱係京南一帶貧民該省早經截漕辦賑而乏業貧民轉紛紛或赴京或出口分投覓食

則該督所辦何事況京城粥廠每日放賑截至明歲春間需米不過一萬餘石而直省截漕至五十萬石之多豈復虞其不給當此貧民待哺嗷嗷自應即時賑濟豈得拘泥成例待至九月始行散賑此數月內枵腹災黎將何所得食耶梁肯堂以防汎為名駐劄長安城其養尊處優與在保定無異試思永定河流順軌又有永定河道在彼有何要工必須該督在彼久駐轉置地方賑務於不辦何不

知輕重緩急若此著傳旨申飭並著該督速赴河間景州一帶實力嚴查妥辦毋使一夫失所此事該督既經貽誤於前若再不親身督察實力稽查一任道府州縣等率從事致有冒剋一經查出則該督獲咎非止於革職留任已也慎之慎之再馮光熊奏經過新城定興一帶詢問該道府等據稱雨澤不缺補種收麥等項可冀薄收等語保定府屬雖節經得雨但為時已遲即補種收麥等項亦

恐未必有收並著梁肯堂將該處所種收麥是否尚可收成之處查明據實由五百里覆奏毋得諱飾干咎將此由五百里傳諭知之○又諭曰福康安等奏攻克協布魯一帶木城賊寨打仗得勝情形一摺官兵自過熱索橋後所經地方陡巖高礪亂石叢接無平地可以搭營福康安等與所帶官兵至於露宿實甚勞苦至不忍觀其協布魯一帶極為險要賊匪憑河阻抗徹橋固守福康安等復設

法出奇。乘其不意。於雨夜迅速潛渡。將賊匪痛加殲戮。焚燬卡寨。已圖魯侍衛官兵等俱爭先用命。於人跡不到之處。攀援登陟。衣履皆穿。手足胼胝。並未稍形退却。用兵以來。從無似此之難者。欣覽之餘。益加憐憫。官兵深入賊境。連次克捷。福康安等調度督率。悉合機宜。今賞福康安御用大小荷包。四喜搬指。鑲嵌松石翎管。海蘭察惠齡各賞給大小荷包。四喜搬指。鑲嵌松石翎管。用昭優眷。外發去四喜搬指六個。鑲嵌松石翎管十七個。著福康安等酌量帶兵大員內。如台斐英阿等。何人最為出力者。傳旨分賞。又鼻烟壺小刀各四十件。著福康安等遇有帶兵出力之侍衛章京將領等酌量賞給。以示獎勵。現在大兵深入賊境。濟龍以外糧運等項。最關緊要。屢降諭旨。令惠齡毋須帶兵。竟回至濟龍適中地方。設法趲運。今惠齡接奉初次所降諭旨。已回至濟龍一帶。往來查催實力趲運。實

屬可嘉。朕初不料惠齡能權事理。緩急輕重。若此。本日據福康安等奏。藏內運送事宜。經和琳盡心辦理。近已疏通。所有糧餉火藥等項。後藏有鄂輝在彼催趲。自己源源運至濟龍。惠齡務宜倍加奮勉。隨到隨運。迅送軍營接濟。以副委任。○是月。倉場侍郎劉東恬。山東巡撫覺羅吉慶。奏臣等在臨清將截留直隸河南漕米兌完。有直隸老民等來東求奏謝恩。當即酌給盤費回家。批好。又奏河南亦有謝恩老民。委員允為稟陳代奏。查此次直隸二省貧黎。得霑殊澤。而臨清小民。撞斛負米。均得雇價養贍。旗丁多餘食米。准令就近糴賣。糧石藉以流通。又批。所謂一舉而三得也。又奏民食實有裨益。得旨欣慰覽之。○湖廣總督畢沅奏。抵荊州後。往來滿城漢城。查看兵民安堵。屋宇一新。商賈雲集。百貨蕃昌。城外前經被水之處。現已種植蔬菜。得旨覽奏實紓念矣。○湖廣總督畢沅湖南巡撫姜

最奏常德府南門筆架城一帶緊臨江岸應用碎石拋砌保護城身又青草洲沙嘴對面舊有石櫃亦用碎石加高接長即可挑溜刷沙得旨因地制宜知道了○山東巡撫覺羅吉慶奏濟南省城前於五月中旬得雨雖各屬同霑未能一律透足是以請將歷城等縣均予緩借嗣於六月初七日省城及德州一帶同獲甘霖早晚秋禾十分有益查看情形秋成時似可分別緩徵得旨覽奏南望之意

重刊十聖

奏

十

畧加慰矣○山西巡撫覺羅長麟奏平陽潞安澤州蒲州絳州解州等六府州屬四十州縣夏雨稀少米價逐日增昂請將常平倉穀設廠平糶得旨自應如此速行

大清高宗法天隆運至誠先覺體元立極敷文奮武孝慈神聖純皇帝實錄卷之一千四百七

實錄卷之四百七

奏

大清高宗法天隆運至誠先覺體元立極敷文奮武孝慈神聖純皇帝實錄卷之一千四百八

監修總裁官經筵講官太子太傅文淵閣大學士文淵閣領閣事領侍衛內大臣稽察欽奉 上諭事務處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭事務處管理理部戶部主事事務

世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次臣曹振鏞等奉

敕修

乾隆五十七年壬子秋七月戊戌朔享

太廟遣肅親王永錫恭代行禮○已亥諭軍機

大臣等昨已有旨令梁肯堂速赴河間景州

一帶親歷災區查辦賑務本日該督摺至朕

以為尚在長安城及傳詢齋摺差弁據稱係

在保定拜發是梁肯堂早已回至省城何以

並不豫行奏明遽離工所目下伏汛雖過秋

汛方長尚須防守即云本年永定河安流順

軌有該道在彼足資照料該督亦應先赴河

間景州一帶查勘被旱情形妥為辦理乃並

不奏聞即於工次逕行回署是該督竟屬思

家念切惟圖安逸養尊處優置地方災賑於

不辦殊屬非是著再傳旨申飭仍著即遵前

旨速赴河間景州順廣大等處親查妥辦務

使無業貧民餬口有資毋使一夫失所致干

咎戾再該督另片奏經過之定興安肅清苑

地方得雨已遲所有補種蕎麥菜豆須續沛

甘霖以冀葱茂等語定興等縣補種蕎麥等

項尚需雨澤滋培現在曾否續被甘膏是否

不至成災至直隸今年被旱較廣看來涿州

迤北兩澤尚屬調勻涿州迤南雨水俱不免

短少所有被旱各州縣該督詳悉查勘後著

即通行覈算總計成災分數實有幾分一併

據實速奏毋稍諱飾○又諭據御史閻泰和

奏稱有李姓投遞浙江杭州府新城縣典史

公文一角內係稟揭新城縣知縣侵那恩賞

老民銀二千兩等情請派大臣前往查辦等

語此項恩賞銀兩理應隨時給發如該縣果

有侵那情弊。自當嚴查究辦。但該典史既知該縣未經給發。儘可就近稟報上司。何必用公文託人帶京代投。或另有別情。亦未可定。此事若即交浙江巡撫審辦。恐不免迴護地方官處分。致有瞻徇。現在玉德審辦江西控案。計算將次完竣。著即取道前赴浙江。將該典史所控情節。嚴切究訊。秉公審辦。毋得稍有徇隱。○又諭上年廓爾喀侵擾衛藏。竟敢擾至扎什倫布肆行搶掠。不可不大加懲創。

特派福康安等前往勦辦。復因道遠站長。番衆素習疲玩。糧餉火藥轉運事宜最關緊要。必須大員督辦。因令和琳馳赴前藏督率催趨。朕之用和琳。祇以伊在侍郎中尚屬細心。遇事奮勉。和琳到藏後。實心整頓。設法勸懲。該處疲玩積習。大有起色。朕初不料其竟能勝任。嗣因大兵即日深入賊境。直趨陽布而濟隴以外。距藏遙遠。運送糧餉等項。鞭長莫及。勢難兼顧。因令惠齡回至濟隴適中地方。

專司督運。接濟軍營。朕之用惠齡。亦不過以伊係納延泰之子。且係本省總督。呼應較靈。但惠齡身為參贊。帶兵打仗。本屬分內之事。以現在情形而論。官兵連次克捷。賊匪望風奔竄。士氣百倍。巴圖魯侍衛將弁等。無不奮勇爭先。成功在即。惠齡自願隨同帶兵。可著勞績較之駐劄濟隴以外。專辦糧運。任大責重。豈不難易攸殊。若惠齡徂於接戰。希圖樹績。仍懸帶兵打仗。轉致糧運重務。料理乏人。

宜朕委任之意。今惠齡並不貪功。於接奉諭旨。即回至濟隴一帶。實力督運。深屬可嘉。朕更不料其能權事理。緩急輕重。若此。皆仰蒙上天恩佑。默牖朕衷。於無意中先事籌及。特行簡用。但能同心宣力。動合機宜。即此可徵。事機順利。為迅奏膚功。先兆。朕嘉悅之餘。倍深欽感。惠齡和琳益宜盡心勉力。妥速辦理。以期母負委任。○庚子。諭軍機大臣曰。尹壯圖前因逞臆妄言。自取重戾。經朕加恩寬免。後

行錄用。伊亦何顏尚思陞擢。且其母已年逾七十。遠在萬里。雖伊戀職忘親。搗要在京居住。不以定省為念。但朕以孝治天下。不可不曲加體恤。著留京王大臣。即傳尹壯圖面加詢問。如伊不愿回籍。亦聽其在京供職。倘情愿回家侍奉。即准其開缺歸養。以示朕教孝矜全。格外推恩至意。○辛丑。諭軍機大臣等。前因直隸省京南被旱。各州縣無業貧民。至京就食者日衆。並多有出口覓食者。已有旨

令梁肯堂速赴河間。景州一帶。周歷查勘。即時散賑。俾資糊口。但恐該督接奉前旨。錯會朕意。或慮貧民赴京日多。懼干啓戾。令地方官先行攔阻。則此等乏業貧黎。無從得食。豈不竟至轉於溝壑。更非朕病瘼在抱之意。此時京城各廠領賑者已不下二萬人。今年京南各屬被旱較廣。地方官散賑恐有未周。若不設法辦理。則京城熱河就食者日聚日衆。古語救荒無善策。現詢據熱河道府等稱熱

河領賑貧民。有每日赴廠食粥者。有領過一二次。不復再來者。該道府訪問情形。此等領賑貧民。並非俱藉粥賑度活。其稍有力者。即分赴他處手藝傭工。各自謀生等語。可見領賑貧民內。稍資接濟。原即有可以自謀生計之人。並非一律嗷嗷待哺。專資粥賑度日。除已令熱河道府就近曉諭各貧民。由張三營波羅河屯等處分往各蒙古地方謀食者。不

禁。其京南地方亦應一體妥辦。著梁肯堂即轉飭各州縣。於赴京出口通衢。令各地方官遇有貧民。詳晰曉諭。今年關東盛京及土默特喀爾沁教漢八溝三座塔一帶。均屬豐收。爾等何不各赴豐稔地方傭工覓食。俟本處麥收有望。即可速回鄉里。如此通行曉諭。並令其或出山海關赴盛京一帶。或出張家口喜峯口。赴八溝三座塔暨蒙古地方。不必專由古北口出口。則貧民中稍可力圖自給者。知有長遠覓食之路。自必分投謀生。不至齊

赴粥廠。致滋擁擠人多致病。庶更妥協。但總須善為開導。不可加之攔阻。此事該督貽誤於前。再不實力稽查。任令地方官吏剋扣浮冒。其咎已不止於革職留任。若復將赴賑貧民阻其生路。則其咎更重。斷不能稍為寬貸。也將此再傳諭知之。仍即將如何發賑及勸諭分赴各處就食情形。迅速覆奏。○壬寅。諭據紀昀奏。巡視西城給事中孫家賢。於所管增壽寺粥廠。本月初三日。紀昀查至該處。

見領飯者二千餘人。並無人監放。詢之坊書稱吏目吳嗣德。因押送扛夫已稟請孫家賢代放。紀昀因領賑者難於久待。親身在廠代為監放。孫家賢至竟不來。請將該給事中交部嚴加議處。吳嗣德一併議處。其御史富康是日現在別廠。應否免議等語。本年京南一帶。被旱歉收。赴京就食者甚多。朕宵旰驚懷。特予展賑添廠。並恐都察院堂官照料難周。復令舒常回京一同查察。凡承辦各員稍有

人心者。皆當實心經理。乃孫家賢係本城監賑之人。竟不以事為事。伊係給事中。別無差使。且經吳嗣德先行稟知。以該吏目押送扛夫。請該給事中代放。而孫家賢竟置若罔聞。並不到廠。似此玩視民瘼。非交部嚴議足以蔽辜。孫家賢著革職。交刑部治罪。以示懲儆。至御史富康初三日是否因在別廠不能兼顧。吏目吳嗣德是否押送扛夫。著交與留京王大臣查明。如係實情。均予免議。若有

捏飾情節。並著一併據實奏。諭軍機大臣曰。梁肯堂奏。接奉諭旨。前赴河間。景州一帶督辦災賑事宜。一摺。據稱河間景州及保定等屬。久晴不雨。得雨三處亦未透足。近雖得雨數次。為時已遲。等語。總未言明分寸。是何意見。殊不可解。熱河地方。初二初三連日陰雨。保定天津河間等處。豈尚未一律普霑。著該督即查明分晰速奏。至河間景州保定天津等處。向年尚不至於乾暵。今看此光景。

其被旱竟比順德廣平大名較重該處百姓驟遇歉收紛紛外出覓食或不免致有怨咨該督宜飭令地方官於查賑之便就近曉諭以早潯亦天運之常茲逢此旱歉究由爾等向值屢豐不知感激

天恩搏節培養所致今偶遇儉歲宜加敬畏以冀感召休和斷不可稍萌怨尤之念此時被旱地方雖得有透雨已不及補種稂種等項祇可趕種秋麥以期明年春熟現已蒙恩酌

借口糧明歲青黃不接之時尚當加恩展賑以濟口食不使失所如此向小民等明切曉諭伊等自必各知安分民情悉臻寧謐至摺內所稱受旱各州縣令於村莊適中之地先行設廠煮賑等語何以前此未據奏及殊未可信各州縣既設立粥廠則現在赴京及出口就食之人又從何而來昨恐梁肯堂接奉前旨誤會朕意又有旨諭令該督斷不可阻止朕於該省災務先事綢繆不辭語煩隨時

訓諭已屬無微不至惟在該督善體朕意董率所屬實力妥辦梁肯堂當往來親歷周查勿使不肖州縣及吏胥從中剋扣滋弊俾災民務霑實惠此為最要即八月萬壽節該督亦竟不必前來行在也將此再傳諭知之并將目今光景究竟如何速奏來○癸卯諭據吉慶奏奏博山縣知縣武德於緝捕事件任聽衙役妄拏平民濫行重責以致拖累無辜已將武德革職憲役倚官滋事最為閭閻之

害法禁綦嚴但向來書役詐贓斃命以及假差嚇騙等項律有專條自可按例定擬其奉有差票而妄行拘拏別無詐索情事者未經著有定例此等衙役懲惠本官濫行差拘拖累無辜及至滋生事端本官被參降革而該役等轉得置身事外又於後來官員任內試其伎倆殊不足以示懲儆不特衙役為然即書吏長隨以及幕友亦往往有愚弄本官俾令任意妄行貽誤地方即本官去任所謂官

去吏不去。伊仍可作弊。此等惡習。不可不加之懲治。使知儆畏。嗣後除書役等詐贓斃命等項。仍按律治罪外。其雖無嚇詐等情。而有藉勢妄為。累及平民。致本官降革者。所有幕友書役。長隨應如何酌議治罪之處。著該部詳細定議具奏。所有武德案內。妄擊平民之衙役。即著吉慶查明。照新例辦理。尋奏。嗣後地方官有應參降革之案。該督撫先飭該管上司。嚴究幕友長隨書役等。如有慫恿愚弄情事。即拘擊看守。除舞弊詐贓。及捕役借端誣擊平民。并奉差緝賊。混擊充數等款。俱照例辦理外。其審無前項情弊。但有倚官滋事。聳令妄為。累及本官者。各按本官降革處分。上加一等。本官降一級者。將該犯杖七十。降二級者。杖八十。降三級者。杖九十。降四級者。杖一百。革者。杖六十。徒一年。如本官罪止擬徒。亦各於本官罪上加一等治罪。籍隸本地者。即交本地方官。外籍者。遞回原籍。均嚴

加管束。不許復充。倘仍潛身該地。欺瞞後任。改易姓名。復充書役。及幕友長隨者。應令該督撫詳加查察。一經得實。即嚴參治罪。其本官罪止革流外遣者。仍與本官同罪從之。○又諭。前據戈源奏。請嚴定縣府考送童生額數一摺。已交該部覈議具奏。並令長麟將山西省考試童生。是否可定額數之處。酌議覆奏。茲據長麟奏。稱縣府考試。弊竇最多。往往閱卷衡文。委之幕友。本官並不寓目。甚有瞻徇情面。及任聽幕友書吏。勾串舞弊等事。應請嗣後縣府考試。毋庸定額。俟錄送後。學臣考試。如所送童生。實在荒謬不通。即由學臣咨送撫臣查覈卷數多寡。將原送官查取職名。咨部分別議處等語。各省縣府考試。每以錄取入學。總憑學政定奪。遂視為無關輕重。本官概委幕友閱看。或有意沽名。將文理荒謬之卷。濫行錄送。其或瞻徇情面。聽受賄囑。並任幕友書吏。勾通交結。種種弊端。皆所不

免亦不獨山西一省為然。今長麟請定處分。俾縣府各顧考成。不敢仍前弊混。所奏尚屬可行。著交大學士九卿會同該部一併悉心妥議具奏。甲辰諭厄魯特等自駐防熱河以來三十餘年。與滿洲官兵一體當差。而於紅白事件向無恩賞銀兩。著加恩嗣後照滿洲官兵例給與恩賞。以示朕一體撫卹之意。○以故湖南澧州屬麻寮所曲溪隘土千總吳尚德孫世望襲職。○以侍講閣槐為河南

鄉試正考官。刑部員外郎章煦為副考官。署禮部侍郎劉躍雲為山東鄉試正考官。編修吳廷選為副考官。洗馬文寧為山西鄉試正考官。編修邱庭澄為副考官。旌表通嫁捐軀安徽宣城縣民萬某妻汪氏。守正捐軀河南南陽縣民王張隴妻呂氏。乙巳諭軍機大臣等。據刑部題。駁河南省審擬朱三圖財謀死孟加爵一案。所駁甚是。已依議行矣。向來圖財謀命之案。必視其得財與否分別斬

決。監候誠以圖財為謀命根由。須究明贓據下落。庶案無疑義。此案朱三謀死孟加爵之處。該撫並未查起贓據。下落僅憑該犯向不知姓名鋪內換錢花用及連錢包推跌下溝之供。竟將朱三定擬斬決。殊不足以服該犯之心。而成信讞罪關重辟。自應詳慎辦理。該撫何得於此等緊要情節不加根究確鑿率行定擬。若此。穆和蘭著傳旨申飭。仍著將部駁各情節逐一覆加研鞠。務得贓據致死確情。另行妥議具奏。勿再含混干咎。○又諭據勒保覆奏甘省營員不願承領伊犁馬匹情形。一摺。據稱陝甘兩省每年應補倒缺馬匹。向由伊犁撥解。嗣因該處解到之馬骨格俱小。長途解送多有疲瘦。是以綠營人等不願承領。多在洮岷青海歸化城產馬處所購買。其價自七八兩至十一二兩不等。合算買馬弁兵往回盤費。每匹價銀總在八兩以外。各營不無稍有賄賂。並無多餘等語。所奏殊不

可信各營如果賠貼則弁兵必視為畏途豈有願買馬之理天下有賠家私做官之人乎若論蒙古番子地方如洮岷青海歸化城以及大凌河等處所產馬匹骨格甚小伊犁哈薩克馬匹向多高大即最小者較之蒙古馬匹亦屬差勝此係朕所深知該省營員情願領銀在歸化城等處買補豈能得有好馬自為意圖沾潤起見若云例價之外尚有賠貼則該營員等何以轉不樂於承領伊犁馬匹

可免賠累而轉願向歸化城等處貼價購買如此急公之人即勒保尚恐不能豈有合省弁兵皆如此賠貼家產為國家出力之理此皆由勒保不諳乘馬聽信營員一面之詞意存偏袒而不自知其所言之矛盾也今勒保既有此奏即姑照所請辦理著傳諭保寧嗣後伊犁等處應解陝甘撥補馬匹務須擇其骨格高大堪以適用者儘數撥解如所解馬匹不敷撥補之數再由該省給價購買其沿

途解送並飭該解員妥為餵養毋致疲乏如解員餵養不善致有倒斃并有私行盜賣抵換者亦必就近責與該省之地方官勒保無難留心訪察一二以警其餘據寶參奏自當從嚴辦理也將此各諭令知之又諭本日吏部將四川天全州知州徐時敏一員帶領引見朕看其才具平庸因令軍機大臣查明該員本係涪州知州經李世傑以該員才具未能明幹奏請調署天全簡缺嗣因委辦廓

爾喀糧餉出力復經鄂輝等保奏准其以同知直隸州知州陞用徐時敏前在涪州任內經李世傑奏請調簡自因其才具平常何以鄂輝又稱其辦理糧餉出力復行保奏如該員於糧餉事務果能辦理妥善現在孫士毅督辦糧運正當用人之際況曾將丁憂事故人員奏留差委自應將該員留辦糧運以收駕輕就熟之益何以轉令其赴部引見是該員似又非辦糧得力之人但鄂輝等曾經保

奏該員是否果有勞績可錄此間無從考覈
著傳諭孫士毅即將徐時敏從前李世傑奏
請調簡後鄂輝等因何復行保奏及該員才
具究竟如何之處一併秉公查明覆奏（丙
午直隸總督梁肯堂奏河間景州等處被旱
較重請將六七八分極次貧民先急賑一月
口糧蠲免孤獨老幼殘疾之人摘賑兩月口
糧得旨依議速行○丁未

孝懿仁皇后忌辰遣官祭

景陵○戊申諭刑部具題福建省民人林石殺
傷胞弟林月身死一案將林石依尊長謀殺
卑幼已殺者以故殺例問擬絞候已照簽下
矣細看林石因胞弟林月嗜酒懶作並屢次
私用伊錢文林石查知責罵林月不服較鬧
林石輒乘伊弟醉卧起意殺害用力連砍斃
命自應依尊長謀殺卑幼以故殺例定擬但
尊長殺死卑幼案情亦有區別如果為卑幼
者有酗酒賭錢為匪滋事等情尊長或因其

不服教訓一時忿激毆殺斃命自可照本例
辦理毋庸入於秋審情實今林石因伊弟私
用錢文嗜酒懶作起見止屬尋常小過且林
石係林月胞兄伊弟之錢使用林石乃親兄
即幫助錢文亦分所應爾乃不念手足親情
輒因此起意殺害乘醉砍斃情節較為殘忍
自應趕入本年秋審情實辦理又邢部具題
河南省趙行遠謀勒杜三瘡身死一案因趙
行遠與杜三瘡之妻調戲成姦杜三瘡利其
資助知情縱容嗣知趙行遠家業罄盡囑令
伊妻拒絕後趙行遠因乏用借錢逾期不還
經杜三瘡屢次逼索心懷忿恨即將杜三瘡
誑至村外用繩勒死刑部將趙行遠依本夫
縱容妻妾與人通姦被姦夫起意謀殺例擬
以斬候係屬按例辦理亦照簽下矣此案雖
係杜三瘡無恥知情縱容但趙行遠因姦害
本夫難以寬縱亦應趕入本年秋審情實以
昭儆戒嗣後刑部遇有此等案件俱應留心

分別斟酌辦理以示弼教之意。又諭曰梁肯堂奏齋摺差弁回稱經過密雲城外見有蝗蝻已飛割霸昌道同興迅速力捕務期淨盡。適豐紳殷德由京回至熱河詢之亦稱自清河蘭溝石槽蝗多至密雲漸少近古北口則並無。迨南蝕傷禾稼約有十之二三該道率同地方官掩撲等語。蝗蝻滋生最為苗稼之害。本年懷柔密雲一帶雨水尚屬調勻何以有此蟲孽該地方官等於其初起時即應一面稟報上司據實奏聞一面率領夫役實力捕撲早期淨盡今蝕傷禾稼已有十之二三則蟲孽之起必非一日此事梁肯堂現在河間相距較遠且一經差弁告知即行具奏而蔣賜榮莫瞻菴身為府尹清河密雲皆其所屬密邇京城豈竟毫無聞見乃並未奏及殊屬非是。蔣賜榮莫瞻菴俱著交部嚴加議處。霸昌道同興係專派駐劄密雲一帶照料臺站之員該處既有蝗蝻即應及早撲打不

使蔓延。伊雖無奏事之責亦當呈報軍機大臣轉奏。乃既不迅速撲捕以致傷及禾稼又不呈明轉奏其咎亦無可逭。同興並著交部嚴加議處。其各該管地方官並著梁肯堂查明咨部一併嚴加議處。仍著該府尹就近督同實力撲捕淨盡並將是否不至延及他境暨禾稼不至過受損傷之處速行查奏勿再諱飾干咎。○諭軍機大臣等據蒼保奏早稻收成分數一摺。內稱瓊州府屬十三州縣收成八分有餘雷州府屬三縣亦在八分以上等語。自係祇就該鎮所管瓊雷兩屬而言其通省收成尚未據郭世勳具奏想該署督因俟各屬稟報到齊始行繕摺彙奏是以尚未遞到計此時該省早稻諒已收穫完竣各屬自必稟報齊全著傳諭該署督即將通省收成分數若干迅速據實奏聞。○已酉諭據巴延三奏審明金州錫伯滿洲阿音泰巴楞額堆清額伊薩布等行劫張國祿鋪內布匹一

案將阿音泰等即行正法。該城守尉等嚴加議處。俱依議行矣。旗人向稱淳樸。頗顧顏面。間有不肖之徒。因家道艱難。致犯偷竊。已屬有玷。今阿音泰等輒敢剽竊家財。藐玩法紀。尤覺可恥。此等子嗣。若仍留旗檔。何以示懲。所有阿音泰等四人之子。均著除檔。為民。仍飭該將軍副都統城守尉等。嗣後務將所轄兵丁等。嚴行管束。善為教訓。如仍有似此者。將該管官從重治罪。決不姑貸。○諭軍

機大臣等。昨據梁肯堂奏。密雲城外現有蝗蝻。已降旨將蔣賜榮等分別嚴加議處矣。清河蘭溝距京不遠。現聞安定門外及京南等處。亦有蝗蝻。留京王大臣等。豈無見聞。應一面奏聞。一面即派人撲捕。何亦諱飾不奏。著即將近京一帶。有無蝗蝻。並因何不奏之處。據實具奏。毋稍諱飾。○又諭蝗孽之起。多在積水潮濕被旱之地。隔年生有蝻子。次年暑雨之後。復經蒸曬。始行萌生。今密雲一

帶地方。向屬高阜。上年雨水不多。並無積潦。何至忽生蝻孽。况蝗蝻多為魚子所變。此乃眾所知者。現聞京師安定門外。以及正定保定河間天津等處。俱有蝗蝻。覈之豐紳殷德所奏情形。是此次蟲孽。竟係自南而北。朕意必係天津河間等府。沾淀低下之區。先行萌生。以致蔓延他境。梁肯堂或因朕駐蹕熱河。密雲一帶。為大臣官員往來必經之路。恐該處蝗蝻。有人奏聞。故以一奏。自占地步。京南等處。則匿不具陳。今已傳諭遍問矣。著傳諭梁肯堂。即將保定正定天津河間。以及廣順太各屬。有無蟲孽之處。迅速據實覆奏。勿稍諱飾。昨因梁肯堂現在河間。清河蘭溝密通京城。是以僅將蔣賜榮等交部嚴議。若保定天津河間等處。亦有蝗蝻。梁肯堂竟匿不奏。聞一經派員查出。則是罪上加罪。恐該督不能當其咎也。將此諭令知之。仍即迅速回奏。○又諭京南一帶。亦有蝗蝻。此必係天津等

處卑濕之鄉。一經暑熱鬱蒸。致萌生蝨子。蔓延及於他境。且蝗蝻多由魚子化生。天津沽淀多魚。上年魚子至次年雨後蒸曬。滋生蝗蟲。自所不免。此等蝗生害稼之事。在地方官往往諱飾。不肯據實奏報。務騰額何亦隱飾不奏。著傳諭該員即行查明據實迅速具奏。毋得稍有捏飾。致干咎戾。○辛亥諭留京王大臣查奏監賑御史富康一摺。內稱傳詢富康。初三日曾經到廠量飯。旋赴衙門坐城。但

飯廠事務繁重。該御史並不親身常川監放。於量飯之後。即行赴署。實屬不知輕重。請將富康交部議處等語。富康係派出監賑之員。自應親身在廠實心經理。至衙門坐城。有何緊要事件。乃該御史借此為名。輒於量飯之後。即行赴署。是其在廠監放。不過以一到塞。責希圖早散回寓。富康係屬滿洲。尤不應疎玩若此。著即革職。以示懲儆。坐城有何緊要。此後凡在廠監賑。派出料道等官。俱應每日

在廠親身督放。如遇坐城日期。須俟領賑人散後。始許回至衙門辦事。其不坐城各員。更當俟領賑人散畢。方准回寓。不得藉詞早散。自干咎戾。至該御史等管理飯廠。似此怠玩。皆由紀昀等不能約束所致。所有都察院堂官。俱著一併交部議處。○又諭此次福康安海蘭察自第哩朗古宗喀進兵。屢次克捷。收復濟龍。攻克熱索橋。深入賊境。捷音踵至今。又由協布魯進攻東覺山梁。並雅爾賽。博

爾東拉等處。將賊匪營寨木城碉卡全行攻克。痛殲賊衆。擄穴擒渠。成功在即。該處林深箐密。路徑險峻。福康安等帶領官兵冒雨步戰。手足胼胝。實屬奮勇出力。可嘉之至。除此次出力之將領等。交福康安等查明具奏。另行陞賞外。福康安海蘭察俱著交部議敘。又據福康安奏此次帶領打仗巴圖魯侍衛翁果爾海哲森保納丹保鄂尼保富永等。俱受有鎗傷等語。翁果爾海哲森保均於前次打

仗得勝。賞給副都統職銜。恩無可加。此次哲森保受傷較重。著賞銀一百兩。翁果爾海受傷較輕。著賞銀五十兩。其中鎗之三等侍衛納丹保。鄂尼保。俱著陞為二等侍衛。藍翎侍衛富永著陞為三等侍衛。以示鼓勵。所有打仗陣亡之索倫佐領多爾濟。四川都司伊魯爾圖。俱著交部照例議卹。其官弁兵丁等。打仗傷亡者。仍著福康安等查明咨部。照例賞卹。○又諭曰。孫士毅奏。瀘定橋巡檢馮廷丕。

拏獲偷竊軍餉賊犯。尚屬能事。可否交部議敘等語。馮廷丕係巡檢微員。於軍餉經過該處。一聞被竊。即親帶兵役前往搜拏。人賊並獲。實屬遇事認真。現當軍行用人之際。著即以知縣起擢。以示鼓勵。又據奏。直隸監生米喬齡。在川遊幕有年。經孫士毅詢以糧運事宜。該監生自請前往碩板多。曉諭營官等。隨同營官帶到烏拉。將該處停積餉銀火藥等項。起運全完。請賞給九品職銜等語。米喬齡。

以監生在川遊幕。竟能曉諭營官。幫辦糧運。實屬能事。米喬齡。竟著加恩。賞給七品職銜。俟軍務告竣。再行給咨送部引見。○諭軍機大臣等。據蔣賜榮等覆奏。近京一帶。生有蝗蝻。一摺。內稱。前已派員查看。即親率地方官。一面掩撲。一面具奏等語。清河懷柔密雲等處。蝗蝻傷稼。俱係該府尹所屬地方。蔣賜榮等並未奏聞。直至降旨飭諭。交部嚴議。始據伊等覆奏。乃輒稱一面掩撲。一面具奏。試問。

蔣賜榮等。於未奉諭旨之前。何曾先行奏到。乃覘顏為此支飾之語耶。蔣賜榮。莫瞻萊。著再傳旨嚴行申飭。該府尹等。現赴清河蘭溝。及懷柔密雲一帶。沿途撲捕。著即將現在曾否捕淨之處。據實覆奏。毋再延緩。諱飾。致干咎戾。○又諭曰。福康安等奏。進攻東覺山梁。並雅爾賽拉。博爾東拉等處。將賊匪營寨木城碉卡。全行攻克。痛殲賊衆。覽奏深為嘉慰。各兵登山陟險。打仗追賊。晝夜辛勩。已至八。

日。自應暫予休息。再行前進。此次福康安等
於萬難攻勦之處。竟獲全勝。皆賴

上天眷佑。感謝之誠。不能言喻。而福康安等董
率調度。悉合機宜。以及將弁兵丁勞苦之狀。
可憐可嘉。竟不忍復視。除降旨先將福康安
海蘭察。交部議敘外。著再賞福康安御用大
荷包一對。小荷包四個。海蘭察大荷包一對。
小荷包二個。用示優眷。另發去鼻烟壺小刀。
著福康安查明帶兵出力之巴圖魯侍衛章

賞銀五百員

等

京等。分別賞給。仍擇其實在奮勉者。開單具
奏。候朕賞給。巴圖魯名號。並予陞擢。其餘出
力官兵。皆交部議敘。統俟大功告竣。再降諭
旨。又據奏。成德等攻克札木。鐵索橋等處。已
令嚴守要隘。量力前進等語。連日因福康安
等未經續報情形。恐後路或無策應。賊匪間
出侵擾。今福康安等於成德一路。尚指示防
守要隘。必無代成德籌防後路。而轉自致疎
虞之理。況同日惠齡奏於協布魯熱索橋等

處。添安背夫。並由協布魯直至濟龍。往來查

催。並見後路之毫無阻梗。朕心為之欣慰。又
據福康安奏。入賊境後。即聞沙瑪爾巴。業伏
冥誅。訊之現獲賊目。已載巴拉哩。亦供稱沙
瑪爾巴於五月十五日病斃等語。此次廓爾
喀滋事。皆由沙瑪爾巴唆使。實為此案罪魁。
或係廓爾喀見大兵連捷。危亡在即。託言該
犯已伏冥誅。希圖謝罪。否則該犯詭計多端。
豫為揚言。使官兵搜捕稍寬。乘間遠颺。均未

賞銀五百員

等

可定。著福康安訪查的確。並將此次擊獲賊
目。係何弁兵。查明具奏。量加獎賞。又據和琳
奏。哲孟雄稟請派兵。並求賞項。隨酌賞頭人
銀牌。緞匹。茶葉等物。令堅守寨落等語。大兵
連獲勝仗。賊匪喪膽。不藉哲孟雄兵力。牽制
賊勢。和琳所見甚當。此必該部落意存觀望。
如官兵蕩平賊境。伊即居功。否則藉口兵少。
豫為推諉地步。今經和琳嚴詞飭諭。此等伎
倆。各該部落俱所不免。著傳諭福康安等。如

有似此請兵求賞者當照和琳嚴詞拒絕酌
賞緞匹等物和琳辦理此事得中竅要著賞
給大荷包一對小荷包二個孫士毅惠齡往
來查催糧運均為出力亦著各賞給大荷包
一對以示嘉獎○壬子中元節

上詣

永佑寺瞻禮遣官祭

永陵

福陵

賞銀奉旨四百人

昭陵

壬子

昭西陵

孝陵

孝東陵

景陵

泰陵

泰東陵○遣官祭

孝賢皇后陵

端慧皇太子園寢○諭前因清河至密雲一

帶蝗蝻蝕傷禾稼順天府尹並不奏聞已降
旨交部嚴加議處昨據蔣賜榮等覆奏尚飾
稱前已派員查看即親赴其地一面掩撲一
面具奏等語復嚴行申飭矣蔣賜榮係棄瑕
錄用之人因念其平日辦事尚屬奮勉是以
加恩特調戶部侍郎並兼管府尹非莫瞻某
可比乃伊亦支飾迴護殊負委任現雖已交
部嚴議但不值以此將伊即行罷斥將來部
議上時仍得邀恩留任不足示儆蔣賜榮此

賞銀奉旨四百人

壬子

案處分未經開復以前所有戶部飯銀不准
支給充公備賞以為玩誤諱飾者戒兩江
總督書麟江南河道總督蘭第錫奏瓜州一
帶均係柴壩江流溜急若於壩根接築石磯
必致外游不能穩固且磯嘴挺出攔腰執拽
未便請於迴瀾舊壩外拋砌碎石護住壩根
自裏頭坍卸舊城處所長七十三丈靠岸緯
道外亦用碎石拋砌並於上面鑲埽嗣後每
年逐漸挑壩可期溜勢漸遠得旨允行

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百八

寶錄卷之四百八

五

教修

乾隆五十七年壬子七月癸丑諭軍機大臣

1

曰鄂輝奏沿途查催軍火糧石情形一摺據稱現由上蟒卡木一帶迎催定日一路之糧由定日馳往聶拉木督辦糧運軍火接濟成德一路等語所見極是成德等現帶兵深入後路兵糧軍火關係緊要而濟龍以外有惠齡駐彼督辦兼有福康安等委員分段守催自可接濟無誤若鄂輝復由宗喀前往濟龍往返需時其聶拉木後路軍糧轉致鞭長莫及鄂輝能不拘泥仍自宗喀轉回迎催定日

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百九

監修總藏官總建讀書太子太傅文淵閣大學士文淵閣領閣事領侍衛內大臣稽察欽奉
上諭事件處管理

史郎理藩院事務王黃旗滿洲縣統世襲騎都尉軍功加七級隨帶加一級尋常加二級軍功紀錄一次（重慶柱）

總裁官經建講官太子太傅文華殿大學士文淵閣領閣事稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級直量踏肉大臣戶部尚書鑲藍旗滿洲都統軍功紀錄五次

身常紀錄十四次。自德瑛經度攝官太子少保工部尚書紀錄六次。自曹振鏞等奉

一路糧運。俾成德後路可資接應。實屬可嘉。此一舉足蓋前愆。著賞給大小荷包。以示獎勵。鄂輝到聶拉木後。祇應將成德後路妥為安頓。不可冒昧深入。此時成德由聶拉木進兵。已經三百餘里。鄂輝即使馳往。亦屬無及。若在聶拉木逗留。則濟龍以外糧運。雖有惠齡督辦。而濟龍迤東至後藏。轉致無人照料。現據孫士毅奏。邊壩地方尚有糧石積壓。鄂輝將聶拉木後路安頓後。仍速回宗喀一帶督催。不使停留。方為妥善。又孫士毅奏。辦理糧運情形各摺。孫士毅自出口後。親身督率相機籌辦。所有糧餉火藥等項。源源起運。自可早抵軍營。惟前此察木多以東軍需。究未免停滯。現在邊壩所積餉銀火藥等項。務須督催速運。毋任再有耽延。又據奏。裏塘近有夾壩運送運儲交卸後。回空烏拉。往往被劫。已密飭附近土練。湊足二三百名。同漢兵分布防範等語。該處係夾壩出沒之區。正當糧

運絡繹。不可不速拏嚴治。著傳諭觀成。即赴裏塘一帶。率領土練漢兵。實力搜拏。從重嚴辦。孫士毅在邊壩催運完竣。自己抵前藏。與和琳會商一切事宜。應速回裏塘一帶。四川省城。亦不可無大員彈壓。觀成俟孫士毅回至裏塘。即旋成都辦事。○旌表守正捐軀直隸鹽山縣民張某妻劉氏。山西絳州民郝成儀妻張氏。○甲寅諭。向來各省督撫奏請調補陞署人員。有與例不符。經吏部議駁者。朕或因其人地實在相需。特降旨。仍如該督撫所請行。今日偶因畢沅奏摺。思及所調府州縣各缺。必尚有以次遞請調補陞署之員。其應准應駁。仍當照例覈辦。若因該督撫奏請陞署人員。業經奉旨允行。其遞行調補陞署各員。即不復查照合例與否。概予議准。恐開外省僥倖之漸。嗣後該部遇有各省題奏府州縣各缺。照例議駁。復經特旨允行者。其奏請以次遞請調補陞署之員。俱應查照定例。

辦理如有不合例者著該部仍行議駁不得一律准行以杜混冒而重官方○又諭據梁肯堂奏查勘河間府屬受旱輕重情形內景州任邱二州縣成災約五六七八分不等等語本年河間等屬雨澤缺少雖得雨數次為時已遲內景州任邱二州縣地勢又多高阜早晚田禾未能一律秀實受旱較重民食未免拮据著加恩將該州縣應賑戶口即照河間等縣急賑一月口糧之例一體散賑其獻縣等縣著於酌借口糧之外凡缺乏麥種之戶再行添借籽種俾資接濟該督務須董飭所屬實力稽查妥為經理毋任胥役人等捏冒滋弊俾小民均霑實惠以副朕軫恤窮黎有加無已至意該部即遵諭行○又諭據恒秀等奏逃犯內拏獲二名業經正法其未獲四名現在嚴緝等語此等違犯偶有逃脫該將軍副都統等當時若差能幹人員於各隘口汛所堵截追拏斷不至越出本省年久不

獲今所逃六犯內已獲二犯其未獲之劉巴什兒等諒亦不能遠颺著該將軍等上緊緝拏務期必獲倘復因循懈弛被別省拏獲究由何汛逸出必將疎防該汛官兵嚴加治罪嗣後有脫逃者俱照此辦理○諭軍機大臣等據蔣賜榮等奏查過清河蘭溝順義等處撲捕飛蝗情形一摺內稱詢之鄉農僉稱蝗由東南飛來等語覈其方向京城東南當在遵化等處而薊州至永平一帶亦在京之東現在慶成前往各該處著傳諭慶成務須詳悉查看如該處果有蝗蝻即將蟲孽是否起自該處傷損禾稼若干一面奏聞一面督同地方官實力撲打務期淨盡其清河等處蝗蝻仍著蔣賜榮等董率實力搜捕俾永絕根株不使復延他境勿再玩誤干咎○又諭據穆騰額覆奏天津地方並無蝗蝻等語穆騰額係屬鹽政於地方事務無所庸其迴護且經朕降旨詢問伊更不敢捏飾干咎所奏自

係實情。計此旨到時。豐紳殷德已抵天津。著傳諭豐紳殷德到彼查勘。如該處實有蝗蝻。豐紳殷德自應仍往河間一帶查撲。若天津並無蝗孽。則河間景州一帶自亦必無。豐紳殷德即可回至熱河。毋庸前往。又據蔣賜榮等奏。詢之農民。僉稱蝗由東南飛來。等語。京城東南約在通州至永平一帶。通州地方係豐紳殷德必過之路。自己順道查勘。該處有無蝗蝻。及如何掩捕。並將此次蝗孽究從何處長起。留心詢訪。據實奏聞。○乙卯。豁免雲南運京沉溺銅六萬六千觔有奇。○丙辰。諭軍機大臣曰。豐紳殷德奏前赴通州查勘蝗蝻情形一摺。據稱。詢之村民云。自初十至十二三等夜。明月之下。見有蝗蟲飛過。由西北飛至東南者居多。除迤南天津等處。豐紳殷德前往查勘外。其迤東三河寶坻等縣地方。請勅下順天府尹。飭地方官迅速查撲等語。蝗蟲既成羣飛。動落跡必非一處。三河寶坻

一帶。豐紳殷德未能繞道前往。著傳諭蔣賜榮等。查現在昌平州等處。查撲尚未淨盡。即飛飭各該地方官。或分一人前往查撲。務使蝗孽飛止之處。及早捕打淨盡。不致蔓延他境。損傷禾稼。勿再玩誤干咎。○軍機大臣等議覆。山東學政翁方綱奏。稱考試士子。經解及默經時。於坊間所刪經題內出題。其有未讀全經者。概不錄取。查此等刪本經書。前經飭令銷燬。日久玩生。應行令各督撫學政。轉飭所屬將坊間所存刪本板片。限三月內押令繳銷。逾限不交。查出治罪。未能查禁之地。方官及各督撫學政。分別議處。從之。○丁巳。諭曰。秦承恩奏。西安同州兩府屬之咸寧華州等十六廳州縣。高原地方。雨水未能需足。所種秋禾。難望一律有收。應酌量借糶。並將未完錢糧。暫緩徵收等語。所奏殊屬遲緩。上年京城雪澤較稀。朕於今春即齋心祈禱。而直隸順德廣平大名以及豫省河北各府屬。

二三月間亦屬雨澤短少。朕巡幸五臺。途次屢經降旨詢問。並豫為慮。及截漕。為綢繆之計。入夏以後。盼澤尤殷。幾於無日不加垂詢。陝省距山西甚近。秦承恩寧未之聞。迨回蹕後。朕即親詣黑龍潭。覺生寺拈香敬禱。並設壇虔祈。分遣皇子等恭詣行禮。每日夙興。仍於宮中升香。

天神

地祇前默禱。偶見雲氣往來。必望空叩祝。所有

截漕緩徵。平糶煮賑等事。無不次第加恩。朕之廬念雨暘。及軫恤窮黎。宵旰焦勞。無時或釋。此尤天下臣民之共聞共見者。秦承恩歷任有年。豈於朕痼疾在抱之意。尚未能深喻仰體耶。今咸寧等州縣。既因五月中旬晴霽日久。以致秋禾未能長發。何以不早奏聞。前據該撫奏。咸夏地土易於乾燥。農田頗殷。望澤旋又據奏。前赴太白山焚告。省城等處。已於六月十五日。得有透雨等語。並未將秋禾

未能長發之處。據實具奏。看此情形。秦承恩竟有諱飾之意。直至此時。因秋收歉薄。民食未免拮据。始奏請借糶緩徵。豈以本年直隸河南山東等省。被旱州縣稍多。該撫恐早經奏聞。致朕焦煩。強作解事。遲遲不奏。欲以此寬慰朕懷。此則大不知朕心矣。朕臨御五十餘年。念切民瘼。從不肯任封疆大吏。有諱災等事。秦承恩又何必稍存掩飾。況地方既有旱災。該撫即應親履查勘。速行籌辦。何得委

令道府勘辦。以致輾轉遲延。著傳旨嚴行申飭。所有該撫奏請暫予緩徵之西安府屬咸寧。長安。咸陽。興平。醴泉。涇陽。三原。富平。高陵。臨潼。渭南。同州府屬華州。華陰。潼關。蒲城。韓城。共十六廳州縣。未完錢糧。竟著加恩。緩至明年麥熟後。再行徵收。並酌量出借平糶。仍著該撫親往詳勘各州縣。究竟是否成災。如有應行接濟之處。即據實奏聞。候朕降旨加恩。勿再隱飾干咎。該部遵諭速行。○諭軍機

大臣等本年直隸地方春夏缺少雨澤被旱甚廣。今據秦承恩奏陝省西安同州等屬亦因缺雨歉收。山西與直隸陝西境壤毗連。豈有直隸陝西兩處被旱而山西介乎其中竟無缺雨歉收之處。前雖據長麟奏平陽等六府州屬入夏以後雨水稀少糧價漸增。已准令減價平糶。嗣又據秦平陽等六處於六月初七八及二十四五等日續經得雨秋成不致歉薄成災。但恐該撫亦不免心存諱飾。所奏尚非實在情形。朕關心民食。屢念雨暘無時或釋。封疆大吏何得稍存粉飾之見。致令災黎向隅。著傳諭長麟即將平陽等六府州屬續得雨澤是否霑足秋收不致歉薄減價平糶後糧價是否漸平。及此外各屬有無被旱歉收之處查明據實覆奏。○又諭曰慶桂奏勘過宛平良鄉房山三縣地方田禾間有被蝗蝕傷之處。詢之西路同知及各縣等稟稱於十三四等日一面撲捕一面具稟。所言

未足憑信。已行查順天府尹直隸總督如有隱飾即行叅奏等語。宛平等處蝗蝻如該縣等於六月十三四等日稟報。蔣賜榮梁肯堂等匿不奏聞。則其咎自在該府尹及總督。今清河蘭溝南石槽一帶蝗蝻前豐紳殷德進京及回至熱河即經看見。豐紳殷德往還過彼之時尚在本月初一及初六七等日。梁肯堂於十一日奏到。該督之摺亦係初九日拜發。是蟲孽之起已久。該地方官所稱十一二等日始有蝗蝻。十三四日具稟之處。若在七月分。顯係聞知梁肯堂具奏朕經降旨嚴查補行稟報。以為卸過地步。著傳諭蔣賜榮梁肯堂等即查明宛平良鄉房山三縣地方蝗蝻究竟起於何時。該縣等係何月日稟報。如係七月十三四等日始行補稟。即將該縣等叅奏仍董飭上緊搜捕淨盡。勿再玩延干咎。並諭慶桂知之。仍各查明回奏。○戊午。諭軍機大臣曰。慶成奏查勘遵化州屬地方間

有數處田禾被蝗蝕傷。比薊州較輕。詢之鄉農。均稱本處近山。不長蝗。向來夏秋亦見飛蝗往來。多係近河潮濕處所。春間少雨。入地之魚子化生等語。遵化等處向來亦見飛蝗。慶成所奏係詢之鄉農。其言必非虛捏。可見蝗蝻向所時有。但在偏僻處所。該地方官即匿不稟報。今清河蘭溝等處為大臣官員往來必經之路。梁肯堂恐其奏聞。不過以一奏自占地步。至此次蝗蝻。前蔣賜榮等奏由

東南而來。嗣豐紳殷德奏到。亦稱自西北飛往東南。而各該地方官等又輒稱本處並不長蝻。係從他處飛至。蝻孽之生。必有始起之處。斷非從空而降。以豐紳殷德蔣賜榮等所奏地方互相覈對。當起自薊州玉田豐潤三河一帶。蔣賜榮等在順義發摺。故稱自東南而來。豐紳殷德拜摺時。係在通州。故稱自西北飛往。况現據慶成查勘。遵化被蝗。輕於薊州。該州暨玉田豐潤等處俱為沮洳之區。自

係該州縣潮濕處所。魚子化生。地方官漫不經心。以致蔓延他境。著傳諭梁肯堂務查明此次蝻孽究竟起於何處。將不及早撲捕之地方官據實參奏。示儆。至本年河間景州受旱較重。天津保定次之。幸朕豫為綢繆。截漕五十萬石。並令分別借糶賑濟兼行。所有救荒蠲緩之策。無不指示周備。該督務宜往來嚴查。實心經理。俾災黎均霑實惠。以副朕病瘼在抱至意。並諭慶成知之。○己未

上御卷阿勝境。賜扈從王公大臣及蒙古王貝勒貝子公額駙台吉等食。至甲子皆如之。○諭據富尼善奏前隨伯爾克逃亡之從弟額德格訥帶領伊一戶布魯特等復行投到。訊無別情。請將額德格訥交瑚什齊部長等領回原游牧安置。並照邁瑪特等所請。准其暫隨學習辦事。如果奮勉。再行奏請賞給頂戴。永令協辦遊牧事務等語。額德格訥前隨伊兄伯爾克逃亡。今因伯爾克肆行。不能忍耐。

自行投出。尚無別項情事。均著照富尼善所請行。○大學士等議覆山西巡撫覺羅長麟奏稱。縣府考錄送童生額數。與其防弊而弊愈多。不若嚴定處分等語。定例濫送至百本以上者。將府縣叅處。尚不足以示儆。臣等酌議。除係徇情賄囑。並聽幕友舞弊等事。據實嚴叅。其有荒謬不通之卷。錄送至五十本以上者。聽學政咨督撫察覈。將原送之州縣照混行收考例議處。濫送之府州一併議處。又

稱。府縣有濫送者。並將延請之人查究治罪等語。查府縣中延請閱卷之人。如祇係限於才識。校閱未當。無關弊竇。應免治罪。仍將延請失人。致有濫送之府縣議處。從之。○以告休土爾扈特郡王舍楞子策伯克扎布襲爵。○庚申。諭據內務府議駁穆騰額奏長蘆商人本年應交帑利。不准分限緩交一摺。固屬照例辦理。但念長蘆商衆。資本微薄。本年雨澤愆期。麥收稍歉。引鹽不能暢銷。以致商力

拮据。該鹽政所奏尚屬實在情形。此次姑從所請。將本年應交帑利銀三十五萬六千餘兩。著加恩緩至本年奏銷後起限分作三年帶交全完。以紓商力。嗣後不得援以為例。○諭軍機大臣等。工部題銷四川省新疆五營修建教場藥局庫局等項。覈減款項一本。細閱冊內。該省原題用過工料銀四千六百餘兩。工部准銷銀止二千五百餘兩。竟係對半覈減。向來辦理工程。覈減不過十之一二。多

者亦不過十之二三。從無對半覈減之事。所有川省修建教場等項。如果承辦之員不照定例估報。任意浮開。於例價多至一倍。該部即當奏奏。不應僅以覈減了事。向來工部於外省奏銷事件。書吏人等得有使費。即為照例覈銷。其不得使費者。往往吹毛求疵。任意覈減。今川省此案工程。竟減至對半。或係索費不遂。有意從刻。亦未可定。著傳諭留京王大臣會同該部。即將此案覈減銀兩。是否照

例辦理有無別情。及若應裁減屬實。何以不將該省浮報官員參奏之處。詳細查明。秉公具奏。勿稍迴護。○辛酉。諭軍機大臣曰。慶成奏查勘玉田縣迤西。因知州傅修帶領知縣於初見飛蝗。立即捕捉。未致停落。所傷無幾等語。該知州於飛蝗初起。即帶領所屬撲打全淨。且禾稼毫無踐踏傷損。防護尚為得宜。該州自己稟報。何以未據梁肯堂具奏。又慶成奏自薊州赴永平府途次經過道旁堆撥

塘汎房屋墩臺。大半傾圮。兵丁不能棲止。詢係五十五年水浸後。並未修葺等語。各處塘汎為兵丁棲宿巡警之所。況薊州永平一帶。為山海關大道。朝鮮貢使往來。商賈絡繹之區。尤屬觀瞻所繫。今該處堆房等項。被水倒塌。年久未修。成何體制。此尚屬閔正祥任內之事。是否閔正祥未移知該督。因而未辦。抑係閔正祥業經移知。該督置之不問。以致延誤。並曾否報部准修有案。著梁肯堂即查明

據實速奏。○又諭據穆和蘭奏各屬續得雨澤情形。摺內稱彰德府屬之安陽內黃得雨二寸。懷慶府屬之原武得雨一寸等語。本年豫省河北三府該撫節次所奏雨澤總未足。茲據奏安陽內黃原武等縣於七月初四五等日得雨僅止一二寸。是河北三府所屬仍未能一律優霑。朕心甚為廕念。著傳諭穆和蘭將得雨一二寸之處。是否成災於田禾有無妨礙。即查明據實速奏。毋得稍事諱飾。

○壬戌。諭給事中溫常綬奏酌籌興修城垣以工代賑一摺。本年直隸省被旱較廣。經朕先事綢繆。截漕緩徵。並借糶煮賑。所有救荒之策已無不豫行籌備。今保定天津河間以及順廣大等府既有應修城垣。該給事中請乘此興修。俾工程得以早完。而貧民趨事赴功。藉工代賑。免致外出。其事正屬可行。著交梁肯堂即查明各該州縣城工如有應行急修之處。一面趕緊勘估。一面奏明辦理。以資

貧民傭工口食。至該給事中所奏天氣漸寒。可否勅下順天府於空曠地面搭建席棚。以資棲止。一節。各廠就食貧民來去無常。若搭蓋席棚。不特於觀瞻有礙。且冬令風燥火燭尤屬可虞。其事不可行。○諭軍機大臣曰。朱珪奏請修鳳陽縣臨淮鄉西土壩中段五孔石橋。一摺。內稱該處原係土壩埂一道。乾隆初年。疊被淮水衝塌。二十年。將中段頂衝處所。添建五孔石橋。二十五年內。倒塌一孔。拆去石板。於橋面鋪釘楞木。以草墊土壘築。三十六年。又換木填土。五十一。五十三等年。兩次被水衝塌。橋身急需興修等語。五十三年。至今五十七年。此四年之間。作何辦理。何無一語。令人不曉。且各省水利工程。皆當有保固年限。今鳳陽五孔石橋。甫於乾隆二十年添建。何以二十五年。即至倒塌改築。而三十。五十一。五十三等年。又復連塌三次。即云淮流湍急。自臨淮以下。沿河橋梁。又不知凡

幾。若皆如此。屢圮屢修。豈不勞費更多。況該處如果頂衝迎溜。亦應相度地勢。或設法改辦。或另立渡船。亦足以濟行旅。何必專資橋座。自係地方官修建時。不能如法辦理。又不加意保護。轉借此以為常川開銷地步。本欲令書麟前往查勘。但書麟人本拘謹。且曾任安徽巡撫。從前題估興修。係其任內之事。究未免意存迴護。著傳諭長麟。接奉此旨。即將巡撫印務交蔣兆奎護理。其鄉試監臨。亦著蔣兆奎代辦。該撫輕騎減從。由驛前赴鳳陽。會同朱珪。確加履勘。將五孔橋向來修建。有無保固。及此次衝塌。是否承辦之員。不能如式。以致塌卸。如查明前任各該地方官。辦理不善。該管上司。亦不加查覈。率行據報題修。即據實參奏。著落分賠修築。以示懲儆。○又諭。據朱珪奏。請修驛路橋梁一摺。已降旨。令長麟。由驛前往該處。會同朱珪。勘明矣。各省題報估修橋梁工程。俱有保固例限。此項橋

梁旋修旋塌屢次題請動項興修該部何以並不查明保固定限率行覆准阿桂曾經督辦南河工程於淮水情形較為熟悉金簡係工部尚書於該省題報估修係屬專辦著將此項橋座工程何以修建後屢被淮水衝塌及如何遽行覆准興修之處會同查明並將五十三年題估之巡撫係屬何人將各原案一併查奏韓鐸亦曾辦理河工且曾任工部侍郎於水利工程亦所諳悉並著阿桂等將

以上情節詢問韓鐸將該處橋座何以屢被淮水衝塌之處一併覆奏○癸亥諭軍機大臣曰慶桂奏查勘涿州至保定正定一帶禾稼情形一摺內稱安肅清苑滿城望都等四縣本年雨澤稀少迨補種晚穀雜糧亦無透兩接濟未能一律長發等語同日又據阿精阿奏保定一帶於七月二十一日戌時得雨起至二十二日卯時止入土需足等語與慶桂所奏不符慶桂此摺係二十三日在正定

拜發或係慶桂已過保定之後二十一二兩日始得透雨亦未可定著梁肯堂即將安肅清苑滿城望都四縣二十一二等日曾否普被甘膏補種之晚禾蕎麥是否尚足資長發查明據實速奏又據梁肯堂奏仍請以三河縣知縣李培榮陞署通州知州一摺本年直省被蝗處所前據豐紳殷德奏天津一帶並無蝗蝻本日慶成奏正定保定等處禾稼並無被蟲蝕傷之處其永平一帶亦據慶成奏

查無蝗蝻但蟲孽之生必有始起之處斷非從空而降看來此次蝗孽竟係起自薊州遵化三河一帶昨據蔣賜榮等奏查至三河地方之張各莊燕口段家嶺等處晚穀間有被蝕俱撲打淨盡等語是該縣境內現經查有蟲患如竟起自三河則該縣係獲咎之員安望復邀陞擢是以該督奏請以李培榮陞署摺不復批交部議著傳諭梁肯堂蔣賜榮等遵前降諭旨將此次蝗蝻究係起自何處不

可顛覆混過終無起處將從空中所生耶因何不及早搜捕以致蔓延他境必有一地方即將該地方官嚴叅示儆並查明李培榮是否應叅各員之內一併具奏○又諭曰孫士毅等奏遣運糧餉軍火情形各摺稱察木多以西係達賴喇嘛等所管地方呼應甚難經福康安和琳節次派員催趕方得將前此擁積陸續起運而駝運一二起後或稱烏拉疲乏或背運糈粃即行撤去疏通後又未免畧有停滯等語內地至軍營萬有餘里春間又值牛病烏拉未免掣肘一切軍需鞭長莫及不無擁滯節經孫士毅和琳崔夫分安各站親自往來督率陸續運送軍營其孫士毅前此督運遲緩之處不復再問惟當倍加奮勉勿再懈緩貽誤又稱自拉里至藏和琳所派催趲之孜仲極為得力等語前因孫士毅奏裏塘夫壩回頭烏拉被劫已諭觀成帶兵搜捕並令孫士毅速回裏塘督同辦理又據

奏察木多番民聞官兵過境之信相率避去經和琳出示勸諭已有陸續歸農者應即令歸農番戶曉諭察木多以西拉里以東避去之番民速回本寨耕種而糧運亦可資其背運豈不兩有裨益和琳奏軍需自設法勸懲後東路俱已疏通等語所辦俱好鄂輝奏自宗喀至脅噶爾轟拉木一帶糧運絡繹並無遲誤想鄂輝到濟龍與惠齡會晤後自即速回前藏替換和琳前赴後藏至濟龍一帶催查督運伊等惟當迅速趲催毋致稍有遲緩至福康安等自攻克東覺山梁後已閱旬餘未據速奏或已乘勝深入或尚在相機進剿孫士毅和琳鄂輝三人現在前藏及濟龍一帶該處運送軍需員役常川往來自必得有信息何妨即據所聞附摺具奏何以並未提及寧不知朕盼望軍報晝夜焦勞無時或釋耶此後孫士毅等如遇軍營文報尚未過境總當將探問信息隨時具奏以慰廑念將此

各諭令知之。○甲子。諭據保寧奏請將土爾
扈特汗策凌納木扎勒等之子嗣。量給職銜
等語。著照所奏。土爾扈特汗策凌納木扎勒
長子霍碩齊著賞給公銜。郡王車凌德勒克
長子巴特瑪烏巴什著賞給頭等台吉職銜。
貝子恭坦次子巴勒丹阿爾錫奇布騰長子
瑪爾噶什哩和碩特貝子鄂齊爾長子巴特
瑪策楞土爾扈特公拜濟瑚長子策伯克扎
布均著賞給二等台吉職銜。○又諭據保寧

奏主事銜訥清額年滿所遺塔爾奇城倉官
員缺。請將廢員富喜那賞給主事職銜。令其
管理倉務等語。昨因郭世勲請將莊兆奎調
補肇慶府知府。當交軍機大臣查明該員係
發往伊犁之員。歷經保舉。由同知擢授知府。
茲保寧又請將富喜那賞給主事職銜。管理
倉務。此等發遣人員。皆係身獲重罪。如到配
後。果能悔過自新。奮勉出力。亦不過年滿令
其回籍。若俱紛紛保舉。賞給同知主事等職

銜。是並非將伊等治罪。反予以陞用之階。况
富喜那前由烏魯木齊改發伊犁。嗣因辦事
貽誤。經保寧奏奏復留三年。尤不應從優保
薦。保寧此奏。殊屬瞻徇。著嚴行申飭。嗣後遇
有此項同知倉官缺出。著由該部照例揀選
發往。現在塔爾奇城倉官遺缺。該部即遵旨
辦理。○諭軍機大臣等。直省順德大名廣平
三府屬。今春雨澤短少。麥收歉薄。經朕早經
降旨。截漕三十萬石。以備接濟之用。該三府

屬。入夏以後。節次得有雨澤。可望薄收者。所
截漕米。似已敷用。况該三府屬與河北三府
接壤毗連。缺雨次數較多。人情相安已久。地
方官辦理撫卹事宜。均有舊定章程。較易措
施。但保定天津一帶。得雨稍遲。被旱較重。河
間景州為尤甚。且各該府向年雨水尚屬調
勻。未經乾暵為患。今驟罹旱災。民情或不免
窘迫。雖亦已賞截漕米二十萬石。但被旱處
所較廣。恐不敷用。向來各省散賑。原屬銀米

兼放。不知直省庫項。是否足資散給。著傳諭梁肯堂。即通盤籌畫。如庫項不敷。另須撥帑支放。即據實奏聞。候朕撥給庫帑。倘截留之米石。不能足用。亦即酌定數目。迅速陳奏。再行酌撥。朕於加惠災黎。從不稍事靳惜。該督惟當確覈情形。據實達奏。以副朕軫念災區。有加無已至意。○乙丑。諭曰。吉慶。秦。德州等二十四州縣。衛得雨較少。補種之晚。秋未能一律飽滿。收成雖有五六分。民力不無拮据。

又武定府屬海豐。樂陵。霑化三處。因夏秋雨澤未能調勻。秋收止五分有餘等語。德州等州縣。前因得雨稍遲。秋收不無歉薄。已降旨令該撫查明。乏食貧民。賞借一月口糧。仍俟秋後。察看收成。分數。再行啟徵。茲據奏查明。各該處收成。止有五六分。所有德州。德州衛。平原。恩縣。武城。夏津。邱縣。臨清。高唐。館陶。歷城。齊河。禹城。陵縣。臨邑。德平。聊城。茌平。博平。清平。莘縣。濮州。范縣。觀城。二十四州縣。衛。本

年應徵新舊錢糧倉穀。俱著加恩。緩至來年麥熟後徵收。其海豐。樂陵。霑化三縣。本年應徵新舊錢糧倉穀。亦著緩至來年麥熟後徵收。並賞給一月口糧。俾資接濟。又據奏。德州。平原。恩縣。邱縣。夏津。武城。濮州。臨清。高唐。九處。連歲未獲豐收。本年收成。又復較減。各該州縣。有五十五六兩年。因災緩徵漕糧。應於本年并徵。民力稍覺竭蹶等語。所有德州等七州縣。新舊漕糧。均著緩徵一半。臨清。高唐。

二州。舊欠漕糧。亦予緩徵。統於來歲冬間。一併徵收。以紓民力。該撫務須董飭所屬。實心妥辦。俾災黎均霑實惠。以副朕軫念民依有加無已至意。該部即遵諭行。○以故四川。松茂道。車。木塘。寨土。百戶。旺親。布。木子。澤。楞。扎。什。磨。下。寨。土。百戶。阿。旺。進。巴。孫。旺。豆。吉。休。致。貴州。黎。平。府。屬。洪。州。正。長。官。司。土。官。李。銓。子。之。綱。各。襲。職。○丙寅。諭。軍。機。大。臣。等。據。永。琅。等。奏。查。勘。乾。清。宮。等。處。滲。漏。鈔。朽。處。所。請。率。

領司員妥協修理一摺。此次滲漏鈔朽各處所。如從前並未修理。自應准其按例整修。若曾經派員粘補。年分未遠。復有漏損之處。即應著落承辦司員賠修。著交內務府大臣再行確切查明。奏聞辦理。將此傳諭知之。○軍機大臣議。秦熱河副都統保成奏喀喇河屯兵房。請著落官兵修理。得旨。此項兵房。雖應照議著落兵丁賠修。但伊等俱係窮兵。若於應得項內坐扣。不無拮据。著加恩交巴寧阿

照估修理。以示朕軫恤旗僕至意。○吏部議。秦順天府府尹蔣賜榮等於所屬清河。密雲一帶。生有蝗蝻。並不查明奏。均應照例降三級調用。不准抵銷。霸昌道同興。駐劄密雲。既不迅速撲捕。又未呈明轉奏。實屬溺職。應請革任。得旨。吏部具題。將順天府屬生有蝗蝻。並不先行奏報之府尹。暨霸昌道。分別降革一本。蝗蝻萌生。最為田禾之害。從前節降諭旨。令該上司等務宜督飭各州縣。及早搜

挖。勿留餘孽。該管地方官。遇有飛蝗之時。自當一面奏報。一面實力撲捕。使莊稼不致損傷。方為無忝厥職。其有撲捕不力。以致滋蔓者。此等處分。緣係玩視民瘼。非尋常疎懈可比。向來俱從重辦理。未嘗稍事寬貸。近年以來。因地方久無蝗孽。未經降旨查詢。而該地方官等。遂不以事為事。以致順天府屬。又有飛蝗蝕傷禾稼。直待朕降旨嚴飭。派員查勘。始行上緊搜捕。即將該管府尹。及霸昌道等。

照部議降革。俱屬咎所應得。但念蔣賜榮。莫瞻萊等。究係統轄之員。其蝗蝻傷稼。由於各州縣不早詳稟撲捕所致。蔣賜榮。莫瞻萊。姑著從寬改為革職留任。同興雖屬本道。因念伊數年以來。夏間駐劄密雲。於大雨時行之後。防護河道橋梁。照料文報。尚無貽誤。亦著加恩。免其革任。仍註冊。俟八年無過。方准開復。此案朕格外施恩。若州縣等身任地方。其應得處分。自不能稍從寬宥。蔣賜榮等當自

知媿奮於地方事務倍加實心經理勿再稍有玩誤致干重咎也○是月漕運總督管幹珍奏回幫趙空全過天津現在山東開內水勢充足必須啟板暢放方能早出東境現馳赴臨清以南剋期督趲臣惟有廉以勵志嚴以率屬不敢姑息養奸不敢因循貽誤得旨此自汝所能但當識見開豁勿徒自謹○閩浙總督覺羅伍拉納奏予告大學士蔡新重赴鹿鳴宴得旨佳事也○河南布政使吳璥奏報到任得旨毋自滿益加慎勉之○山西巡撫覺羅長麟奏現在設廠平糶每日每口以一升二升為率則所撥倉穀即可多延時日官廠多設一日貧民即多需一日之惠得旨嘉獎○調任貴州巡撫陳淮奏江西兼轄兵民非臣才力所能副惟有盡心民事勵志官方得旨不致無才力但勉實心耳

大清高宗法天隆運至誠先覺體元立極教文
奮武孝慈神聖純皇帝實錄卷之一千四百九

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十

監修總纂官太子太傅文淵閣大學士文淵閣閣學領侍衛內大臣稽察欽奉 上諭軍機處管理
吏部理藩院事務並兼理滿洲副都統世襲副都統等職加七級應帶加一級尋加二級軍功紀錄一次臣等謹
總纂官總纂官太子太傅文淵閣大學士文淵閣閣學稽察欽奉 上諭軍機處管理刑部戶部工部等
世襲副都統等職加十九級應帶加二級又加二級尋加四級戶部尚書兼理滿洲副都統等職紀錄五次
尋奉乾隆十四次臣等謹總纂官太子少保工部尚書紀錄六次臣等謹纂奉

敕修

乾隆五十七年壬子八月丁卯朔祭

先師孔子遣儀郡王永璇行禮○諭軍機大臣等本日慶桂至行在復命詢以沿途情形據稱經良鄉涿州一帶詢之土人云曾見蝗蟲從東北飛至西南等語此次蝗蝻滋生保定正定一帶既據慶桂查明並無蟲孽天津永平等處前據豐紳殷德慶成分路查勘亦無飛蝗而良鄉一帶之蝗蝻又係由東北而來至涿州以南則無蹤影以良鄉而論東北地方自係在薊州三河遵化等處遵化近山

不長蝗蝻沿海等處亦不生長是蝗孽之生

必在薊州三河該州縣不及早撲捕以致延

及他境方有應得之咎該督前此何得尚將

三河縣知縣李培榮奏陞通州前已有旨令

梁肯堂等查明具奏總之蝗孽萌生斷非止

在空際往來其有飛集之處自必有始起之

處不可不覈實查辦現在順天府尹及霸昌

道俱經分別議處梁肯堂身任總督未經一

併交部已屬倖免至其該管州縣斷無可邀

寬貸著再傳諭該督務即查明此次蝗蟲實

在始起處所將該地方官據實奏革職以

示懲儆毋得稍有顛預希冀混過自干重戾

仍即速回奏○戊辰祭

大社

大稷遣怡親王永琅恭代行禮○

上御卷阿勝境賜扈從王公大臣及蒙古王貝

勒貝子公額駙台吉等食至辛未皆如之○

兵部議覆湖廣總督畢沅奏稱沅州府屬羅

舊驛。為滇黔通衢。餉鞘解犯所必經。向未設有墩鋪汛兵。難資彈壓。請將該縣屬之榆樹灣外委一員。帶兵五名。移駐該驛。其榆樹灣汛地二十五里。並非專驛。原有該縣縣丞分防。且存兵四名。足敷守護。無庸添撥。應如所請。從之。○己巳。遣官祭

關帝廟。○諭軍機大臣等。據蔣賜榮等奏。察看順天所屬田禾被蝗蝕傷情形。三河薊州較他處為多。三河又較重於薊州。是蝗孽孳

生。竟係由三河一帶所起等語。此事前據豐紳殷德。慶桂。慶成分路查勘。先後奏到。朕即以蝗蝻斷非從空而降。以豐紳殷德等所奏情形。互相覈對。當在三河薊州一帶。今據蔣賜榮所奏。竟與前降諭旨相合。該縣知縣李培榮。於所管地方。蠲孽萌生。未能及早撲捕。以致蔓延他境。方有應得之咎。梁肯堂非惟不將該員參奏。轉以之請陞通州知州。殊屬非是。況李培榮調署他處之後。亦應另委候

選知縣。或明幹縣丞。接署三河以重地方。何得僅委徵末州判。任令玩視民瘼。致滋貽誤。看此情形。該督竟係欲將李培榮調往通州。為該員規避處分之計。其咎俱卸與徵末州判。以完此局。能逃朕洞鑒乎。是此事皆係梁肯堂一人之咎。著該督將各情節。逐一明白。速行回奏。毋得迴護干咎。○又諭據阿桂等查奏鳳陽五孔石橋。節次題報估修一摺。內稱。詢問韓錄。據稱於三十八九年在潁州府

任內。往來鳳陽。橋座尚屬完整。五十四年奉差江西。經過該處。見橋身塌卸。往來文報俱用船擺渡等語。此項橋座。五十四年被水衝塌。自必重加修葺。否則五十四年至今。此四年內。行旅何以往來。若果重修堅固。甫及三年。又復塌卸。明係該地方官辦理不善。借此為開銷地步。著長麟到彼後。確切查勘。所修曾開銷幾何。即將該地方官及承辦之員。據實查參。著落賠修。並將彼時巡撫係屬何人。

一併查明參奏。○庚午。遣官祭昭忠祠。○諭曰。哈當阿等奏督標水師千總黃理生外委許寶國管帶換回班兵齊寶等回厦。船隻在洋被浪擊沉。該船弁兵共八十六名。據報撈救僅有二十八名等語。該弁兵等駛船回厦。遭風被溺。情殊可憫。所有未經撈救各弁兵著哈當阿查明咨部。交該部照例從優議卹。其業經撈救之各弁兵等亦著查明酌賞。○陝甘總督勒保奏。安西州屬普城山廠鉛苗旺盛。開採有效。請令採辦四十萬觔。分貯安西肅州。以備各營構運。仍令馬蓮井州判就近赴廠管理。下部知之。○辛未。諭曰。福康安等奏前經特派候補道承勳駐劄宗喀龍安府知府重光駐劄噶喀。專司起運軍餉。乃承勳一籌莫展。不能隨到隨運。重光辦運尤為怠玩。積壓較多。承勳重光均業已摘去頂戴。並將重光枷號。請旨均即革職等語。宗喀噶喀等處為後藏運糧緊要臺站。承勳重光經

福康安等特派在彼專司起運。竟不以事為事。致軍餉多有停積。非尋常貽誤可比。承勳重光均著即革職。至向來外省督撫遇有道府貽誤地方事務。不過參奏革職。並無枷號辦理者。若軍行之際。賞罰必應嚴明。不容稍事姑息。福康安於此等貽誤糧員。並不拘泥請旨。即先將該二員摘去頂戴。並將積壓較多之重光即行枷號。俾糧員共知儆惕。所辦甚為得當。福康安著交部議敘。○諭軍機大

臣曰。福康安等奏賊首拉特納巴都爾將上年裹去之兵丁王剛第巴塘邁等送出。並呈遞福康安暨官員官兵票各一件。此次賊匪齎呈票帖。僅令裹去兵丁等前來投遞。票內祇妄想乞降。尚未自行認罪。至沙瑪爾巴唆使賊匪誘執兵丁噶布倫及搶掠後藏。罪不容誅。即服毒身死。已屬倖逃顯戮。該犯雖無應襲封職。未知藏內尚有父叔子姪否。著和琳郭輝於事竣後查明現當何差。概行斥革。

以抒衆忿。又據奏成德一路官兵攻克多洛卡隴岡等處。俟續調川兵到時酌撥一千名前往等語。聶拉木一路雖成德等帶兵進攻。亦能連次克捷。但利底山寨等處賊匪守禦尚堅。究屬偏師牽綴。未能直抵賊巢。計此旨到時。續調之彭承堯等所帶川兵已可早抵軍營。著福康安等酌量如所撥一千兵尚未派往。不如仍留於福康安等軍營更足以資調遣而壯聲威。又諭據福康安等奏奏玩誤軍需之候補道承勳。龍安府知府重光均即革職。先行摘去頂戴。並將重光枷號示儆。深為可嘉。已降旨將福康安交部議敘。其承勳所辦糧運如查明亦有似承光之貽誤情節。著一併枷號示儆。不必姑息。現在糧運經福康安大加整頓。糧員兵丁等自不敢仍前弊混。福康安因鄂輝辦事稍軟。和琳能駕馭番民認真振作。飛咨和琳即赴濟隴一帶督辦。所見甚是。適和琳奏到。懇赴濟隴內外一

帶幫同惠齡辦理糧運。與福康安所奏適合。實屬可嘉。之至孫士毅行抵德慶距藏只有七十里。和琳與孫士毅會商一切。俟接到福康安咨文。自己前往濟隴一帶。但前藏為糧運總匯。不可無大員督辦。前因裏塘有夾壩之事。令孫士毅即回裏塘查拏。並令觀成帶兵搜捕。觀成俟孫士毅到後。仍回成都彈壓。今觀成已奏到起程前往。竟著即在裏塘駐劄。該處夾壩足資料理。孫士毅即應在前藏駐劄。督查此旨到時。孫士毅業經起程回途。著仍速赴前藏辦事。至濟隴以外糧運。據惠齡奏籌辦。背夫於東覺普東寨等處添設等語。所辦亦好。今和琳又赴濟隴一帶幫辦。自更周妥。其濟隴距前藏尚有四千餘里。亦恐鞭長莫及。著和琳酌量如鄂輝查催糧運。尚為得力。莫若令彼於前後藏適中之地往來照料。更為有益。如不能得力。即令竟回前藏辦理一切。亦無不可。又諭據梁肯堂奏蝗

蝻多起自濕下之區。所有薊州玉田等州縣業經飛飭通永道索明阿親往確查等語。直省蝗孽前據將賜榮等奏稱。竟係由三河一帶所起。是該縣知縣李培榮實有應得之咎。昨已降旨詢問。令該督嚴查叅劾。並令李培榮離任。聽候部議。該州知州員缺已另放有人矣。茲梁肯堂奏到摺內仍屬含混其詞。未將三河一路提出確實奏明。顯係心存迴護。是誠何意。著梁肯堂再行明白回奏。毋得始

終瞻徇。致干咎戾。再前以保定天津一帶被旱較重。河間景州尤甚。因思向來散賑原屬銀米兼放。諭令該督通盤籌畫。如庫項不敷。另須撥帑支放。即據實奏聞。候朕撥給庫帑。倘截留米石。尚有不足。亦即酌定數目。陳奏再行降旨。今尚未據該督覆奏。著傳諭梁肯堂迅即確覈情形。據實速奏。以副朕軫念災區有加無已至意。又梁肯堂另摺稱保定所聞天津等屬於七月二十一二等日各得雨

二三寸至深透不等等語。此時節候已遲。不能趕種秋禾。即得透雨。亦豈能於民田有濟耶。總應盡心辦理災賑可也。○壬申諭前因直隸順德廣平大名三府屬雨澤短缺。麥收歉薄。早經降旨截漕三十萬石。以備接濟。又因保定天津一帶得雨稍遲。被旱較重。而河間景州為尤甚。雖已賞截漕米二十萬石。但恐被旱處所較廣。尚有不敷。特令梁肯堂通盤籌畫。如放賑銀米不能足用。即行據實陳

奏。再行撥給。今據該督奏悉。心覈計成。災分數及應賑戶口尚不敷米二十萬石。銀八十萬兩等語。著照所請。即於通倉內再行賞撥漕米二十萬石。戶部庫帑內撥給銀八十萬兩。交該督收貯。以備賑濟之用。梁肯堂務須督飭所屬嚴加查察。毋使吏胥等稍有剋扣浮冒。俾小民均霑實惠。不致一夫失所。以副朕軫念災黎有加無已至意。該部遵諭速行。○又諭據託倫奏雨水農田情形一摺。內稱

南昌新建進賢都昌鄱陽餘干德化湖口等縣濱河傍湖因江水漲發低窪田畝間有被淹現在積水未退恐雜糧不及趕種應查明分別辦理等語南昌新建等縣傍水低田被淹後積水不能速退以致雜糧不及趕種著託倫詳悉查明分別酌借籽種口糧統俟明年秋收後免息還倉所有應徵糧銀並著緩至來歲麥熟後徵收俾傍湖貧民得資接濟該護撫務須確切查勘實心經理以副朕軫念民依至意○又諭曰蒙古王公等奏今歲值有閏月哨內已降霜雪且過哨鹿之時請暫停進哨等語山莊氣候早涼該王公等以朕年過八旬誠心籲懇且駐蹕此處佇侍紅旗捷報道路較近尚可早到數日著照所請停止進哨但隨圍人等業已遠來豫備不無需費著加恩仍照例各減半賞給即令回京其御前乾清門行走之額駙及衆閣散蒙古王公等俟十六日在惠迪吉門瞻覲後均令

各回游牧其由京前來之前鋒護軍等各營官兵亦著無庸前赴熱河以示體恤○又諭前因順天府所屬蚰螬萌生經派往大臣等分路查勘覈對所奏情形當起自三河一帶梁肯堂非惟不將該縣李培榮查叅轉以之請陞通州知州所有三河縣缺僅令州判陳馨洲接署顯為李培榮規避處分起見將其咎却與微末州判以完此局本日據梁肯堂奏李培榮已先委署通州如蟲患竟起自三河自應將陳馨洲叅奏等語果不出朕所料朕知梁肯堂必如此辦理早經降旨將李培榮離任其通州員缺另將景祥簡補梁肯堂身任總督乃徇庇屬員曲為開脫處分實大不是著交部嚴加議處○又諭據梁肯堂覆奏查薊州至永平一帶營房墩臺被衝傾圮州縣營員均未具報請修前任提督閔正祥亦未移會有案致未修理等語塘汛為兵丁防守之地自當修理齊整以壯觀瞻乃該處

文武各員並不隨時報修閏正祥亦並不移會總督任其傾圮所有薊州永平一帶塘房墩臺即著落閏正祥分賠一半該地方官分賠一半勒限速修以示懲儆○諭軍機大臣等步軍統領衙門奏直隸萬全縣民人王泰來呈控伊子王世文被齊齊哈爾索倫松安保殺害呈控該副都統不為究辦等因一摺王泰來所控伊子王世文被松安保殺害並將屍身殘毀如果屬實自當嚴審辦理即或

王世文與松安保之妻通姦若已離姦所則非姦所殺姦仍當照律定擬況屬指姦尚在疑似之間乃該副都統並不虛衷研鞫僅將松安保杖責完案迨王泰來親往控訴反勒令屍親具結領屍難保無袒護情弊不可不切實究辦以成信讞昨蘇凌阿派往盛京審辦事件著傳諭蘇凌阿於前案審竣時即前赴該處提集犯證秉公嚴審定擬具奏勿得稍存迴護以副委任○又諭昨因福康安等

奏賊匪呈遞稟帖內稱沙瑪爾巴已於五月十五日病斃恐賊匪詭詐多端藉口掩飾已有旨令福康安等留心查察如竟屬假捏務須設法生致解京盡法處治如果伏冥誅究屬倖逃顯戮藏內羊八井地方有伊舊住廟宇未便仍令紅教徒眾在彼安居著傳諭福康安等於事定後無論其病斃與否總應將廟宇改給黃教喇嘛居住徒眾概勒令還俗分發閩粵浙江江西等處安插以抒眾憤再

撤迦溝紅帽喇嘛於上年賊匪路過時遞送哈達尤屬可惡若仍令在彼處居住恐復煽惑滋事莫若起大兵撤回之便懾以軍威將該喇嘛等移至內地酌量安插並著福康安等一併留心的辦○順天鄉試以刑部右侍郎伊齡阿禮部左侍郎劉權之為監臨官禮部尚書劉墉為正考官刑部右侍郎王昶祭酒瑚圖禮部副考官○癸酉秋分夕月於西郊遣豫親王裕豐行禮諭曰福康安

統領大兵勦捕廓爾喀自進兵以來督率將弁兵丁推堅破險屢戰屢捷無不鼓勇爭先於調度布置一切機宜悉中竅要且經越艱險冒雨步戰手足胼胝用兵之難為從來所未有實屬奮勇出力現在大功將次告成福康安著加恩實授為大學士孫士毅自署川督以來辦理一切糧運督率所屬尚屬認真且伊係漢人能由察木多一帶馳赴衛藏會同和琳等籌備軍需俾資源源接濟甚為出力孫士毅亦著加恩實授為大學士和琳自到藏後催辦糧運實心整頓設法勸懲俾該處疲玩積習日有起色昨經奏請馳赴宗喀濟龍一帶與福康安所奏適合現復奏報即日迅赴該處趕緊催趲俾軍食接濟充裕無誤師行奮勉可嘉所有吏部滿尚書員缺著金簡調補其工部尚書員缺即著和琳補授和琳未回京以前工部尚書事務仍著金簡兼署吏部漢尚書員缺著劉墉調補紀昀著

補授禮部尚書都察院左都御史員缺著寶光鼎補授所遺禮部侍郎員缺著劉躍雲補授○又諭昨因停止進哨降旨令自京前來之前鋒護軍等營弁兵毋庸前赴熱河矣但伊等已起程在途且迴鑾時又需熱河密雲官兵扈從所有前來之各營官兵著即留行在當差○又諭據琅玕奏內地回民李子重等十八人私隨葉爾羌回人邁瑪第敏學習經卷審擬具奏等語內地回民潛往新疆私習經卷實屬不法若發伊犁塔爾巴哈台恐致傳習彼處回民著發往黑龍江給索倫達呼爾為奴邁瑪第敏引誘回民違例教經亦屬可惡仍發回疆不足示懲著解交勒保由彼發往烟瘴○甲戌豁除河南蘭陽儀封商邱寧陵睢州等五廳州縣臨河新灘地四千九百七十八頃三十畝有奇額賦○旌表守正捐軀直隸永清縣民陳賓妻張氏○乙亥太宗文皇帝忌辰遣官祭

昭陵○諭前據李奉翰等奏黃河水勢情形時
屋白露河水安瀾茲據書麟等奏節逾白露
黃河水勢旋長旋消各工平穩各等語本年
江南河南黃河水勢情形七月以來間有長
水處所埽壩各工遇有喫緊工段經各該督
等督率所屬隨時修護穩固溜勢平寧現在
時逾秋分河流順軌慶慰安瀾書麟蘭第錫
李奉翰穆和蘭俱著交部議敘其在工出力
人員亦著該督等查明一併咨部議敘以示

鼓勵○又諭曰諾穆親等奏坐糧廳吉綸現
屆報滿請再留一年以資運務一摺坐糧廳
有稽察督催之責若一時滿漢廳員並行更
換或可酌留熟手以資經理今漢員張灼到
任已逾半年原係參差更換本年糧運即已
經手辦理何必又將報滿之員率行保奏向
來坐糧廳得項優厚人皆視為美缺豈可任
意奏留聽其戀棧嗣後無論滿漢廳員凡屆
報滿應行更換之期俱不准奏請留任以杜

營競而勵官方○又諭前因三河縣為蝗蝻
自起之處梁肯堂摺內未經將三河一路提
出含糊其詞不但不將該縣知縣李培榮參
奏轉以之請陞通州知州因降旨令其明白
回奏今梁肯堂止將署三河縣知縣州判陳
馨洲奏請革職而於李培榮一員則仍稱於
五月初十日即經接署通州印務三河有蝗
之時係在李培榮卸事之後等語是總欲出
脫此人始終迴護劣員實不可解蝻子之起

向在卑濕之地多於三四月內即行化生今
年又有閏四月今李培榮係於五月初十日
始行接署通州印務是蝻孽孳生至遲亦在
該員任內之事未能及早實力留心搜捕淨
盡以致蔓延他境已屬咎無可辭即謂李培
榮已署通州與三河無涉通州地方亦有飛
蝗間蝨禾稼之處李培榮既未據實稟報又
不實力撲捕則通州之蝗李培榮又將誰諉
此等情節梁肯堂豈不能見及乃仍以該員

卸事為詞再三執奏代為開脫直欲卸過於微末州判而令李培榮得以置身局外仍獲陞擢豈謂朕前可以朦混具奏遂爾了事耶著再傳旨嚴行申飭仍令再行明白回奏毋再執迷不悟始終迴護致干重戾也李培榮著革職交刑部問罪看梁肯堂何以救之○又諭曰福康安等奏請將熱索橋脅布魯博爾東拉東覺等處打仗奮勉官兵加恩鼓勵一摺此次攻克熱索橋等處巴圖魯侍衛等冒雨涉險踰越山梁奪取碉卡實為奮勇可嘉護軍統領台斐英阿著賞給都統銜頭等侍衛額勒登保珠爾杭阿健銳營翼長德楞泰著賞給副都統銜二等侍衛安祿著賞給哈錫巴巴圖魯永德著賞給伊青阿巴圖魯三等侍衛鄂尼保著賞給噶勒珠巴圖魯前鋒參領七十五著賞給哈齊顯巴圖魯護軍參領額勒金保著賞給覺多歡巴圖魯甘肅副將達音太著賞給武爾古勒吉巴圖魯呼

倫貝爾佐領委參領訥色勒圖著賞給楚魯巴圖魯索倫驍騎校委參領色穆博鼐著賞給庫齊特巴圖魯明安圖著賞給都濟爾巴圖魯索倫額外驍騎校委防禦迪穆博鼐著賞給索多巴圖魯藍翎侍衛倫布春著賞給色默爾亨巴圖魯藍翎索倫馬甲畢什勒甘著賞給哈錫巴巴圖魯降番都司嘎噶爾普穆著賞給章布巴圖魯綽斯嘉著賞給定布巴圖魯巴塘遊擊雅魯蘇穆著賞給則吉克巴圖魯小金川屯練都司安都爾著賞給額巴爾巴圖魯九子寨屯都司庫蘇爾濟著賞給圖布丹巴圖魯阿勒古塔爾著賞給喇布登巴圖魯下孟東屯遊擊阿噶爾庫穆布穆著賞給嘉穆巴巴圖魯都司班達爾嘉著賞給綽瓦巴圖魯上孟東屯守備嘉爾木著賞給色當巴圖魯綽斯甲大頭人安朋著賞給志布魯巴圖魯雜谷腦屯都司安普穆著賞給愷丹巴圖魯甘普屯都司嘉木綽斯嘉著

賞給德羅特巴圖魯。嘉噶爾著賞給巴特博
巴圖魯。哲瓏番都司薩爾嘉著賞給刺布章
巴圖魯。雜谷腦屯守備阿拉著賞給羅丹巴
圖魯。本布塔爾著賞給噶圖布巴圖魯。巴旺
守備多爾嘉著賞給吉特卓巴圖魯。仍各賞
銀一百兩。以示朕軫念戎行。普行施惠至意。
○諭軍機大臣等。藏內氣候驟冷。九月以後
冰雪封山。今歲節氣較早。計九月中旬。雪霰
已在所不免。若非及早。歲事。撤兵。設糧。運稍
有不繼。是進不能。直擣賊巢。退又為大雪所
阻。所關匪細。早經降旨。令福康安就近籌酌。
如實在萬難進取。不妨據實奏明。受降完事。
朕遠在萬里之外。不能一一遙為指示。福康
安受恩深重。歷經委任。不肯畏難。遷就。惟在
臨機應變。安速歲功也。○又諭曰。郭世勲奏
暹羅國遣陪臣具表入貢。七月初一日。正副
使船陡遇颶風。漂至新寧縣海晏汛等處。洋
面擱淺。現將方物起卸。撥運來省。並飛行該

地方文武將貢使人等妥為照料。由省河另
雇船隻。撥送赴省。等語。暹羅國王鄭華素稱
恭順。本年屆正貢之期。備進表文方物。自當
准其呈進。但該貢使等陡遇颶風。在洋擱淺。
雖據該署督派員妥為照料。竟不妨令其緩
程行走。於年前到京。彼時安南國王阮光平
亦有使臣前來具表納貢。與各國陪臣同時
並霑恩宴。共迓春祺。更為兩便。將此傳諭知
之。○軍機大臣等議准。直隸總督梁肯堂奏

稱。勘明寧河縣七里海地方。有焦案官地六
十五頃。距保定不遠。水草甚便。請於此項地
內。撥四十五頃。零作駐防官兵馬廄。分立界
址。飭該城守尉。屆每歲馬匹出青時。牧放。毋
許越界肇衅。從之。○丙子。諭軍機大臣等。昨
因藏內氣候驟冷。已有旨諭令福康安等。通
盤籌畫。朕又思。今年節氣較早。以熱河而論。
現在氣候已覺涼於往年。況藏地崇山峻嶺。
往年九月以後。即不免冰雪封山。今年下雪

自必更早萬一福康安等銳於進取冒險深入轉瞬冬令設至進退兩難關係尤為重大着再傳諭福康安等如實不能進取已都爾薩野亦不敢親自來營即趁其畏懼懇乞諭知該賊匪以爾既畏懼乞降情詞尚屬恭順本大將軍代為轉奏蒙大皇帝准爾遣如薩野等大頭人進京具表納貢悔罪投誠如此則福康安係遵旨受降徹兵撤局更足以尊國體福康安等徹兵後將善後各事宜會同和琳熟商妥辦具奏再行回京至宗喀一帶糧運遲誤鄂輝亦難辭咎索國璜彭承堯等所帶後起各官兵途次行走恐不免遲延聞福康安等奏到摺內亦隱躍其詞微露兵糧不足之意否則福康安等攻克濟甯熱索橋協布魯東覺等處所向克捷何不乘破竹之勢迅擣賊巢而為此按兵不動之舉著福康安等將是否因兵糧不足不能進攻並鄂輝索國璜等有無貽誤之處據實覆奏勿稍含

混丁丑

太祖高皇帝忌辰遣官祭

福陵○諭前因順天各屬間有飛蝗殘蝕禾稼之處節經降旨嚴飭梁肯堂蔣賜榮等督率所屬實力撲捕並特派大臣分路查勘覈對所奏情形蝗蝻自起之處當在薊州三河一帶復經降旨令梁肯堂蔣賜榮等確查實在起蝗處所將該州縣據實嚴叅嗣據蔣賜榮等查奏蝻孽蠅生係由三河所起而梁肯堂覆奏摺內含混其詞並不將三河一路提出轉請將三河縣知縣李培榮陞擢通州又經降旨詢問並令該督明白回奏乃該督覆奏之摺僅將署三河縣知縣州判陳馨洲叅奏革職而於李培榮則稱該員於五月內委署通州印務三河有蝗之時在該員卸事之後等語朕謂蝻孽之生多在二三月內即或至遲亦不出閏四月李培榮係於五月內始署通州蝻孽生時即在該員三河任內之事

廼梁肯堂欲為該員規避處分。豫調署理別州縣。今又稱滿城地處衝衝。事務緊要。是以委令署理。查滿城本係簡缺。而該員三河本任轉屬要缺。今以本居要缺之員調署簡缺。而轉以地衝事繁為詞。且亦並未曾奏聞。顯係有心捏飾。欲蓋彌彰。為該員開脫。而卸罪於徵末州判。以完此局。此等伎倆。豈能逃朕之洞鑒。且即以通州而論。該處亦有飛蝗。李培榮並未據實稟報。實力撲捕。其咎又將誰

諉。昨已降旨。將李培榮革職。交刑部治罪。梁肯堂始終為李培榮開脫。欲其置身局外。仍邀陞擢。袒護劣員。冀圖朦混了事。以致簡要倒置。是誠何心。梁肯堂著再交部嚴加議處。至蝗蝻殘蝕禾稼。最為民害。惟在及早實力搜捕。蝻子不致成蝗。飛起方不致蔓延貽患。如或地方官玩視民瘼。諱匿不報。及捕蝗不力之員。定例褫職。從前乾隆二三十年間。經朕屢降諭旨。節次嚴加懲創。地方大小各員

稍知儆畏。留心近因並無蝗蝻二十餘年。從未降旨飭詢。是以地方官日久玩生。遂致心存諱飾。豈朕痼疾在抱。拯害恤民之意。嗣後除雲貴閩粵等省。向不聞有蝗外。其餘各省。凡有沮洳卑濕之地。即防蝻子化生。各該督撫務嚴飭所屬。每年於二三月內。實力搜查。據實稟報。各該督撫等具奏一次。倘復玩忽從事。有心諱飾。一經發覺。必當重治其罪。斷不稍為寬貸。將此通諭知之。○又諭據吏部

參奏秦承恩會同勒保奏請將推陞廣西慶遠府同知之知縣張廷杰留於陝省差遣。委用並聲明慶遠府同知已據陳用敷請將肅崇阿補授。均未便准行。請令該撫即飭該員速赴新任。一摺。向來邊省烟瘴等缺。例嚴規避。今張廷杰於本年四月內。推陞廣西慶遠府同知。該撫等並未飭赴新任。遲至半年。乃復違例會同奏請留陝。名以藉資熟手為詞。辦理驛站。非一人所獨能。此奏實為屬員規

避遠省起見陳用敷亦不候部行知輒行移咨陝省此端一開必啟外省趨避之漸勒保秦承恩陳用敷均屬不合著傳旨嚴行申飭即飭該員迅赴新任不得藉詞逗留致干咎戾○又諭各省學政現屆應行更換之期除順天學政吳省蘭福建學政鄒奕孝山東學政翁方綱山西學政戈源均任事未久毋庸更換外江蘇學政胡高望著再留一任浙江學政著李潢去江西學政著沈初去安徽學政著趙佑去河南學政著曹振鏞去湖北學政著查瑩去湖南學政著石韞玉去四川學政著吳樹萱去廣東學政著戴衢亨去廣西學政著劉鳳誥去陝甘學政著吳陰暄去雲南學政著李傳熊去貴州學政著洪亮吉去以上各員內有現出試差者即著於出闌後各赴新任不必前來請訓○以故貴州麻哈州屬樂平長官司宋聖宣子兆圖襲職○戊寅和碩特扎薩克貝子鄂齊爾土爾扈特公

扎薩克台吉阿咱喇青海扎薩克貝子齊默特巴烏梁海散秩大臣默羅木達爾扎總管已雅爾圖等入覲上御卷阿勝境召見同扈從王公大臣及蒙古王貝勒貝子公額駙台吉等賜食至辛巳皆如之○諭曰土爾扈特頭等台吉阿咱喇上年一聞薩邁林捏稟之事即將人犯送出曾賞給公職銜近來辦理游牧事務甚屬妥協現因謝恩入覲看來頗可造就著加恩授為輔國公賞戴雙眼翎以示鼓勵○己卯萬壽節遣官祭太廟後殿○遣官祭福陵昭陵昭西陵孝陵孝東陵景陵

泰陵。

泰東陵。○遣官祭

孝賢皇后陵。○遣官祭

顯佑宮

東嶽廟

城隍廟。

上御澹泊敬誠殿。扈從王公大臣官員及蒙古王貝勒貝子公額駙台吉等行慶賀禮。○庚辰諭從前普福駐藏時廓爾喀遣大頭目蘇

必達多喇拉木等來稱拉特納巴都爾等業經封王請賞俸祿地方經普福飭駁並曉示天朝特封王爵並優加賞賚已屬格外施恩且現在納貢之國甚多從無賞給地土俸祿之例所辦尚屬得體此等關係外藩之事應據實奏聞乃當時既未入告及陞見時又未面陳實屬錯謬不便稍為寬宥著博興馳往庫倫代理事務傳旨將普福革職拏送刑部治罪○諭軍機大臣等據秦承恩奏查勘涇

陽等四縣秋禾被旱較重現在各處均得有雨澤正可及時播種現經飭屬查明實係無力農民即日開倉出借並飛飭蒲城韓城等屬如果農民望借甚急亦即確查一體辦理等語所辦好陝省涇陽等四縣本年秋穀被旱較重現屆秋分種麥之期各該處既得有雨澤自當及時趕種但該處當被旱之後民力不無拮据著傳諭秦承恩即飭所過各地方官確切查明如有應行賑濟者即一面具

奏一面飭令各屬即日開倉出糶其有無力農民應須借給籽種者亦即酌量借給俾得及時佈種其蒲城韓城等屬並著查明分別辦理該撫務須督飭所屬盡心妥辦俾小民均霑實惠毋任不肖官吏從中侵剋以副朕軫念災黎有加無已至意○又諭日和琳奏行抵浪噶子接准福康安咨會未便轉回前藏移明孫士毅提訊俘習渾雅滿泰等語所奏甚是看此情形宗喀濟隴一帶糧餉似未

能充足。是以和琳欲趕緊前往催辦實為可嘉。連日恐藏地驟冷。若非及早嚴事。撤兵或為大雪所阻。節經傳諭福康安通盤籌畫。昨復令軍機大臣詢之阿爾普薩野及扎薩克喇嘛等。據供聶拉木一路向來自九月至次年正二月。雪大封山後。即不能行走。宗喀濟隴一路有繞道山雖險峻。雪不甚大。尚可繞行等語。是將來撤兵。即或遇有雪霰。儘可繞路行走。想福康安等身親經歷。更無難詢。悉其詳。又據孫士毅奏。廓爾喀差人懇求賞給俸祿。地方一節。詢係普福任內之事。經普福嚴行斥回。普福告知雅滿泰。雅滿泰又告知俘習渾。普福到京後。並未奏聞。亦未告知軍機大臣。殊不可解。已派博興馳往庫倫辦事。即傳旨將普福革職。等因。解交刑部治罪。至俘習渾。雅滿泰既經聞知此事。亦並未奏及。其昏愴糊塗。更不可解。俘習渾雅滿泰著孫士毅監看重責四十板。以示懲儆。辛巳諭。

前據福康安等奏。兵丁王剛帶出丹津班珠爾等。寄唐古忒。舊日書信內稱達薩爾乃爾興。向伊告知上次廓爾喀差哈哩薩野進京。仰蒙大皇帝施恩。即欲遣人謝恩。沙瑪爾巴妄稱既受天朝封號。例應食俸。或賞給地方。賊酋等即差大頭人蘇必達。多刺拉木並小頭目翁瑪拉。同赴前藏。未經辦成等語。廓爾喀賊酋聽信沙瑪爾巴妄言。思欲賞給俸祿。地方。既已差人前來。自向駐藏大臣稟訴。彼時俘習渾雅滿泰。豈有遇此等緊要事件。匿不具奏之理。因降旨令孫士毅和琳提訊。俘習渾等據實具奏。並經福康安一面具奏。一面咨會查明辦理。昨據孫士毅奏。廓爾喀於五十五年秋間。差人來藏。懇求賞給俸祿。地方一節。其時係普福任內之事。經普福嚴行斥駁。普福告之雅滿泰。雅滿泰又告之俘習渾等語。此事前據福康安奏到。時朕以若係俘習渾雅滿泰。匿不具奏。其罪竟無可逭。今

據孫士毅說明其時駐藏大臣尚係普福當經降旨將普福革職奪問解交刑部治罪。俘習渾雅滿泰知情不舉其罪尚居其次降旨令孫士毅監看再各重責四十板以示懲儆。五十五年秋間廓爾喀差人來藏懇賞俸祿地方事關撫馭邊徼最為緊要普福既經斥回若即以據實入告朕必嘉其得體而於廓爾喀亦必留心另有所辦乃普福竟隱飾不奏其到京召見時亦未面陳殊不可解我國

實錄卷一百一

五

家綱紀肅清朕臨御以來凡遇大小臣工陳奏事件無不躬親綜理隨時覈辦內而大學士九卿外而督撫及新疆駐劄大臣設有縱恣貽誤一被指參無不立時懲究誰敢匿不聞聞況邊疆重情尤當鉅細畢陳候朕裁奪乃普福首先隱匿俘習渾雅滿泰亦知而不舉此而不分別嚴懲何以肅政治而儆官常著將此案辦理緣由通諭中外嗣後各直省督撫及新疆駐藏大臣遇有地方及邊疆事

情均宜據實奏聞如有隱匿不行陳奏者一經發覺必當重治其罪普福等即其前車之鑒也並著將此旨令督撫及新疆大臣各錄一通入於交代俾各觸目警心毋蹈覆轍負朕諄切誥誡之意○諭軍機大臣等前據琅玕奏葉爾羌回子邁瑪第敏私教內地前往貿易回民李子重等十八名搖頭默念大干例禁已將邁瑪第敏改發烟瘴李子重等改發黑龍江給索倫達呼爾為奴矣老教回子

實錄卷一百一

五

念誦經典向不搖頭高聲誦誦惟新教有此念法從前蘇四十三田五等俱因學習新教滋生事端經官兵平定後疊加飭禁始知歛戢今邁瑪第敏又於葉爾羌地方創興新教李子重等私相傳習已有十八人之多看來竟因為時稍久回民等查禁漸懈以致故智復萌缺錢感衆不可不杜其漸著傳諭勒保務宜留心查察如回民等有私習新教情事即嚴拿辦理以斷根株不得日久疎懈其李

子重等十八犯亦未便發往黑龍江等處致滋煽惑並著勒保於該犯解到甘省時即飭轉解刑部審明治罪定以重辟將來即不予勾亦當永遠監禁庶不在外滋事也並諭刑部堂官知之

實錄卷一百一十

十一

大清高宗法天隆運至誠先覺體元立極敷文奮武孝慈神聖純皇帝實錄卷之一千四百十

大清高宗法天隆運至誠先覺體元立極敷文奮武孝慈神聖純皇帝實錄卷之一千四百十一

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣
世襲騎都尉軍功加十九級隨帶加二級又加二級臣董誥內大臣戶部尚書鑲藍旗滿洲都統軍功紀錄五次
尋常紀錄十四次臣德齡經筵講官太子少保工部尚書紀錄六次臣曹振鏞等奉

教修

乾隆五十七年壬子八月壬午諭向來每年支給拉旺多爾濟米五百石前因伊假旋游牧經年未來親謁年節亦未遣使請安將伊米石裁除用示懲戒惟念拉旺多爾濟游牧處稍遠在京家口衆多若不支給米石無以為養贍之資從前支給米五百石未免過多著加恩於春秋二季各賞給米一百石俾資養贍以示朕軫恤至意○甲申諭蝗蝻蝕傷禾稼最為民害地方大小各官俱應及早實力搜捕方不致蔓延貽患其有諱匿不報及

撲捕不力者。定例處分綦重。從前乾隆二三十年間。節經嚴示懲創。近因並無蝗蝻。二十餘年未復降旨飭訓。地方各官遂日久生懈。以致三河等處。復有飛蝗傷稼之事。本應將該縣及同知等即照部議。分別拏問革職。姑念此次蝗蝻。究因朕久未飭訓。地方各官亦遂玩愒所致。且傷穀不過一二分。未致大害。禾稼所有議以革職。拏問之署三河縣事州判陳馨洲。昌平州知州李崇。順義縣知縣陸

顯曾及雖經立時撲滅。不即稟報之宛平縣知縣馬光暉。房山縣知縣任銜。蕙署良鄉縣知縣汪應椿。俱著革職。免其拏問。議以革職之同知吳于宣。將如縣知縣王作霖。沈振鵬。俱著從寬改為革職留任。八年無過。方准開復。此係朕格外施恩。地方大小各員。嗣後務宜遵照前旨。於二三月間。實力查察。豫為搜挖。以期保衛田禾。倘再有玩延貽誤。不特不能照此次之從寬辦理。并當於定例之外。

加倍治罪。以示嚴懲。○乙酉諭曰。玉德奏審明浙江新城縣典史馬二僭稟揭該縣知縣吳斌。侵那恩賞老民銀兩一案。係馬二僭擅受民詞。恐被吳斌揭參。砌詞誣告。冀圖先發制人。將馬二僭革職。發往伊犁。其辦理遺漏遲延之知縣。分別議處。各上司請查取職名。一併交部察議等語。該縣恩賞老民銀兩。既經玉德委員帶同馬二僭。親赴各鄉村按名查詢。俱已於上年十一月領過。所有遺漏老

民七名。其咎尚輕。且經補行給發。是此案竟係馬二僭挾嫌誣告。但該典史既已問擬伊犁。其罪亦無可再加。若復將該縣及各上司一併交部。如此辦理。豈不成兩敗俱傷。恐啟將來告訐之風。所請將該縣交部。及查取各上司職名之處。俱著寬免。丙戌遣官祭賢良祠。○諭據理藩院奏。喀爾喀公銜台吉達瑪琳缺出。達瑪琳並無子嗣。或令其弟敏珠爾承襲。或削去公銜。祇襲頭等台吉之處等

語。此等賞銜。係朕格外恩施。非行陣勤勞。得有錫賚者可比。嗣後倘有曾襲二次。查明另有勞績者。候朕定奪。如係尋常賞銜。即著削去。止令承襲本職。著為令。現在達瑪琳遺缺。即照此辦理。○丁亥。諭。前因七土各兵。遠道赴勒廓爾喀。一路步行。殊堪軫念。曾經降旨。令福康安等酌量情形。特加賞賚。此次勒捕賊匪。七土及隨營各兵。冒雨夜戰。攻奪碉卡。打仗殺賊。均屬奮勉出力。除福康安等業經遵旨。按名賞給銀兩外。所有現在軍營。隨同打仗出力之索倫七土各兵。著再加恩。每名各賞給一月錢糧。其隨同成德一路各兵。未經多得地方。亦未甚受勞苦。著按名賞給半月錢糧。以示體恤。而勵戎行。○又諭。據福康安等奏。此次帶兵侍衛。奮勇打仗。甚為出力。請酌量加恩等語。著照所請。總管兼頭等侍衛阿木勒塔。著賞給副都統銜。乾清門二等侍衛阿尼雅布。著賞多托哩巴圖魯。三等侍

衛多隆武。著賞托莫爾歡巴圖魯。默陳保。著賞碩隆武巴圖魯。二等侍衛巴彥泰。即著授為頭等侍衛。三等侍衛薩寧阿。阿哈保。德勒克。依色玉。慎武。勒呼納。朝保。俱授為二等侍衛。藍翎侍衛溫保。倫布。春。前鋒校巴蘭。俱著授為三等侍衛。以示鼓勵。○又諭。昨召見新用四川雅州府知府恒溥。不特清語平常。人亦平庸。無能斷難勝方面之任。因思各部院保舉京察。原備外任之選。此時遇有道府缺出。經朕簡用。如果才具出眾。將來即可擢任兩司。所關甚重。該堂官等。或以人才難得。見其平日供職勤勉。人亦體面。因而登之薦剡。此則尚可。但初次引見。經朕圈出。後令該堂官分別內外任時。即當慎重遴選。詳加甄別。豈得以循分供職之員。使膺方面表率之責。除將雅州府知府員缺。另行簡補外。恒溥雖不勝外任。念其並無過失。著仍回御史本任。所有率行保薦之都察院堂官。著交部察議。

向來都察院衙門。保送京察人員。原不及六部。而該堂官以相沿保送。或瞻徇情面。又在所不免。即倉場衙門。亦蹈此弊。此次因從前未經飭訓。是以僅將都察院堂官交部察議。嗣後若復有似此徇情濫送情事。不必俟該員到任後。另有貪酷劣蹟。但一經朕看出其人才具平常者。即當將該堂官從重嚴處。不能復如此次從寬辦理。至各部所送京察人員。雖皆去得。但都察院既有濫送之事。恐將來各部亦不免效尤率保。並著一體加意留心覈實甄別。以副朕慎重地方。遴選人才至意。○諭軍機大臣曰。福康安等奏攻克噶勒拉堆補木。奪橋過河。打仗殺賊情形一摺。據稱藏地雪下最早。宗喀。通拉山等處。八九月間大雪封山。今年節氣較早。須趕封山前。藏事撤兵等語。前恐藏內氣候驟冷。若非及早竣事撤兵。或為大雪所阻。屢降旨令福康安等安速藏功。今福康安等已籌計及此。朕心

轉為稍慰。前福康安等。遣朗穆幾爾幫哩等回巢。令諭知賊酋。將各山梁拒守賊衆。全數撤回。檄經數日。尚未撤動。福康安等自以進攻為是。各官兵分路攻剿。攀援登陟。雖見有中鎗陣亡者。並不退怯。仍直前拋擲火彈。痛殲賊衆。將噶勒拉堆補木石卡木城。全行占奪。可嘉可憫。幾於不忍披閱。阿滿泰。臺爾根保等皆中鎗陣亡。尤堪軫惜。嗣後與賊接仗。所有得力之巴圖魯侍衛等。不可復使冒險輕進。致有傷損。並傳諭福康安等。如賊匪經官兵連次痛殲。望風膽落。必差人赴營遞稟乞降。即可起其畏懼哀懇。傳旨允准。現為節候所限。亦不得不如此辦理。至額勒登保。珠爾杭阿。德楞泰。已賞給副都統銜。此時帶兵乏人。額勒登保等。即令作為領隊。又福康安等摺內。台斐英阿等。直前射死紅衣賊目。又稱台斐英阿及二等侍衛英貴佐領棍德依中鎗陣亡等語。是否止係英貴棍德依。中鎗

陣亡。抑係台斐英阿亦中賊鎗。所奏尚未明晰。著福康安等據實覆奏。再降諭旨。其阿滿泰、墨爾根保等。統俟福康安等查明奏到。交部賞卹。又稱成德一路攻得利底大山。賊卡二座。前據福康安等奏成德等攻克多洛卡、龍崗等處。未據續奏。今將攻得利底各員保奏。則該處打仗情形。成德自必一併呈報。何以未據奏明。前經軍機大臣訊之阿爾曾薩野等。據供聶拉木一路向來冬雪較大。封山後不能行走等語。著福康安等將成德所帶兵丁現在何處。曾否前進。將來不致為雪所阻之處。一併查明具奏。○轉禮部右侍郎劉權之為左侍郎。授劉躍雲為右侍郎。○戊子諭廓爾喀係邊外荒徼。小部落。從前未列職方。乾隆五十三年。因鹽稅銀錢細務。與唐古忒人等彼此爭競。在後藏濟龍邊界滋擾。因命鄂輝、成德前往該處查辦。並以巴忠熟悉藏內情形。令其馳往會辦。詎巴忠以通曉番

語。謬執已見。不為剖斷明確。又有前輩班禪之弟紅帽喇嘛沙瑪爾巴與伊兄仲巴不和。廓爾喀聽其唆使。致滋生事端。此皆由巴忠初次辦理貽誤所致。使其身尚在。必當明正典刑。詎伊昨年一聞廓爾喀復行滋擾之信。即畏罪自盡。現已將伊子僧額布侍衛革退。令在護軍上効力行走。其罪亦無可再加。至廓爾喀復行滋擾。初據停習渾雅滿奏到。朕尚以廓爾喀向在藏內。與唐古忒人雜處貿易。紛爭微利。致有欠賬未清。如僅因索欠細故。擾至邊境。原不值加之。捷伐嗣據停習渾等奏。廓爾喀竟敢擾至扎什倫布。肆行搶掠。若仍付之不問。弗為聲罪。致討大加懲創。其何以安衛藏而靖邊疆。因特命福康安等及巴圖魯侍衛帶領官兵前往進剿。朕臨御五十七年。平定準部回部。大小兩金川。拓土開疆。不下二萬餘里。區區廓爾喀。以後藏邊外彈丸。朕豈值利其土地為窮兵黷武之舉。

第以衛藏為

皇祖

皇考戡定之地。僧俗人眾沾濡。釀化百有餘年。詎容小醜侵擾。置之不問。此朕不得已用兵之苦。心當為天下臣民所共知。共見者。福康安等自馳抵後藏。即整兵進剿。於擦木邦杏連獲勝仗。以次收復濟噶。攻克熱索橋。協布。噶東。覺集。木集等處。所向克捷。痛殲賊眾。深入廓爾喀境數百餘里。賊酋拉特納巴都爾。

及伊叔巴都爾薩野。自知滅亡在即。畏懼。伏將去年裏去之噶布倫。丹津班珠爾等。早行送出。差大頭人朗穆幾爾幫哩等四名。赴營遞稟乞降。並以此次擾至後藏邊界。皆由誤聽沙瑪爾巴指使。本欲將該喇嘛送出。適先病斃等語。經福康安等嚴行駁飭。令該賊酋叔姪親自赴營懇乞。始准投誠。本日據福康安等奏。七月初八日。接到拉特納巴都爾來稟。所有諭令。交送扎什倫布什物。並呈獻。

沙瑪爾巴骨殖等款。俱已一一遵奉。稟內語意。多係感戴恩德。自行認罪。凡自稱之處。俱改為小的。惟於親來一節。祇婉陳感畏之意。未敢切實稟覆等語。前因廓爾喀自作不靖。是以加之天討。今既畏懼悔罪。疊次遞稟乞降。情詞尚為恭順。朕仰體。

上天好生之德。廓爾喀民人猶吾民人。也不忍多事誅夷。況福康安等此次帶兵進攻。每戰必克。賊匪望風膽落。故以畏服之詞。為歸誠。

之請。較之前此安南受降納款。更足以尊國體。而示軍威。但外番素性多疑。拉特納巴都爾等因滋擾獲罪。察其畏懼情形。目下亦未必敢親自詣營。將來歸誠後。見安南阮光平。叨荷崇封。進京祝嘏。賞賚駢蕃。寵榮已極。該賊酋等自必心生艷羨。或情願詣闕。覲光輸誠。亦未可知。著福康安等即傳朕旨。敕其前罪。准令納表。進貢悔罪投誠。福康安等亦即徹兵回至內地。此朕始終不欲用兵之苦心。

又當為天下臣民所共見共聞者。福康安等之摺。係七月初九日拜發。距今已四十餘日。此旨到時。或福康安等已擣穴擒渠。馳遞紅旗。亦未可定。但朕怙冒為懷。覺勞師久役。轉不若納款受降。趁大雪封山以前。徹兵凱旋。之為完善。朕本欲俟福康安等紅旗遞到。恭謁

東西兩陵。告厥成功。今已准其受降完事。不值詣

陵祭告。行此鉅典。已定於二十五日啟鑾回京。所有辦理廓爾喀緣由。著通諭中外知之。○又諭曰。方維甸等隨營辦理一切。毫無舛誤。且自進兵以來。衝風冒雨。步行陟險。實屬奮勉。方維甸著賞給三品卿銜。長齡即以郎中補用。巴哈布以員外郎用。楊揆以侍讀用。方維甸長齡前已得有花翎。其巴哈布楊揆著一體賞戴花翎。以示鼓勵。○又諭據福康安等奏。副都統職銜乾清門頭等侍衛哲森保

因傷發身故等語。哲森保前在博爾東拉地方。與賊打仗。身受重傷。經朕加恩。賞給副都統職銜。回至協布魯地方。傷發身故。殊堪憫。著該部照陣亡例議卹。○又諭據尚安奏。拏獲瑪納斯北山內私行挖金之民戶王永春等四十七名。請俟枷號滿日。將攜眷民戶交該管官約束。內地民人發往原籍等語。內地民人私行入山挖金。殊屬不法。自應枷責解回內地。交本籍地方官約束。其攜眷各戶亦係內地移往。若枷號期滿。仍留該處。保無復萌偷挖故智。尚安殊不曉事。著傳旨申飭。仍著將攜眷民戶枷號滿日。各責四十板。解交勒保轉飭本籍地方官。嚴行約束。○諭軍機大臣曰。福康安等帶兵打仗。所向克捷。賊匪望風膽落。朕料其必差人赴營乞降。又慮及藏內氣候驟寒。疊降旨令福康安等安速藏事。今福康安等奏。俟其將合同。扎什倫布物件呈交。並送出沙瑪爾巴骨殖。徒弟跟役。

看如何具稟。再相機酌辦。所見甚是。此次官弁兵丁與賊接仗。無不奮勇爭先。攻奪碉卡。殲戮賊匪。屢戰屢捷。深入賊境數百里。軍威已極壯盛。賊匪具稟乞哀。其情勢窮蹙。已可概見。以現在情形而論。賊匪經兵威震懾。不敢再萌故智。邊境牧寧。可保數十年無事。越此收功。較安南投誠入覲。尚為完善。即拉特納已都爾巴都爾薩野。心懷畏懼。不敢親赴軍門。數年之後。畏威懷德。見安南內附。疊受

恩施。自請入覲。亦事理所有。恐福康安等未奉朕旨。不敢遽行受降。已明降諭旨。將不得已用兵之故。及賊首乞降。俯准納款緣由。宣示中外。廓爾喀既經內附。或三年五年。遣頭人赴京具表進貢。如朝鮮安南暹羅緬甸。外藩一律辦理。方成體制。從前藏貿易之巴勒布人等願留藏者。即編入戶冊。作藏內民。人不願者。派兵押送出境。令回故土。永斷葛藤。藏內行使錢文。設鑪改鑄寶藏字樣。所有

已勒布銀錢。不許再行使用。自定立疆界後。廓爾喀人眾固不許偷越藏界。即藏內人等亦不得私赴廓爾喀。禮塔貿易。至駐藏大臣二員。向俱駐劄前藏。於後藏事務鞭長莫及。嗣後應分駐一員。以資彈壓。遇有事務。就近辦理。福康安等當會同駐藏大臣將應辦各條。參酌損益。妥協辦理。以期經久遵行。邊隅永臻寧謐。○又諭曰。伍拉納等奏據臺灣鎮道報六月二十二日申時。臺灣府城地震。倒

壞民房。傷斃男婦三口。鳳山縣亦同時地震。其勢尚輕。嘉義彰化二縣連次地震。被災稍重。民房倒塌較多。人口亦有壓斃。現於藩庫內提銀一萬兩。委員領解前往。協同該道府廳縣查明撫卹等語。臺灣遠隔重洋。居民猝被偏災。殊堪憫惻。雖據該督等撥銀派員前往查辦。但該處民人猝遭地震。無力災黎。未免更形失所。不可不加以意撫卹。著傳諭伍拉納。浦霖督飭所屬查明被災戶口。分別輕重。

實力妥辦。毋任吏胥等從中侵剋。俾災黎均
需實惠。不致一夫失所。方為妥善。至哈當阿
楊廷理。駐劄臺灣。常有自行奏聞事件。今該
處既遭地震。損傷民房人口。該提督等自應
一面奏聞。一面具報撫卹。何以並未具奏。豈
該提督等僅知查緝盜賊。而於地方災祲。竟
諉之督撫。全不經心耶。哈當阿楊廷理著傳
旨申飭。並令據實回奏。○以工部尚書和琳
為鑲白旗漢軍都統。○己丑。

實錄千四百五

天

世宗憲皇帝忌辰。遣官祭

泰陵○

上詣

永佑寺瞻禮。○諭據哈當阿等奏。犯總陳國英
稟稱。奉委管帶福寧鎮三營弁兵高輝等一
百三十名。來臺換班。在厦配載哨船開行後。
於六月二十五晚。在洋面突遇颶風。桅舵損
失。船身擊破。除遇救得生兵弁外。尚有外委
鄭潮。兵丁林淑茂等七名。現無著落。嚴飭各

實錄千四百五

天

口岸查尋打撈等語。赴臺換班兵丁。自厦門
配載開行後。猝遭颶風。擊破船隻。淹斃人口
殊堪憫惻。除弁兵人等遇救得生。其受傷者
飭令小心醫治外。並著該提督等查明淹斃
人數。照例優恤。其擊破船隻。並著官為修造
以示體恤。該部知道。○又諭據哈當阿等奏
六月二十二日。臺灣府城及鳳山嘉義彰化
等處。同時地震。所有民間倒塌房屋。壓斃人
口。現在分別給銀。按數撫卹等語。臺灣地方
遠隔重洋。居民猝遭地震。倒塌房屋。壓斃人
口。殊堪憫惻。所有該提督等具奏。按數給銀
撫卹之處。俱著加恩。加倍給予。以示體卹。該
提督等務宜督飭所屬。實力妥辦。俾被災戶
口。均需實惠。以副朕軫念災區至意。○吏部
奏。大學士公福康安。大學士孫士毅。應授何
殿閣及兼尚書銜。得旨。福康安著授為武英
殿大學士。兼吏部尚書。孫士毅著授為文淵
閣大學士。兼禮部尚書。○又議奏直隸總督

梁肯堂於蝗蝻起自三河欲為該縣李培榮開脫轉令陞署通州又委署理滿城始終袒護屬員冀圖朦混了事應請照例革職得旨梁肯堂著革職從寬留任仍註冊但該督袒庇劣員始終欲代為開脫冀邀陞擢且調署縣缺簡要倒置有心迴護非尋常錯誤可比其未經開復以前所有總督廉俸止准其支領一半以示懲儆至蔣賜榮前因捕蝗案內飾詞具奏降旨將其戶部應得飯銀全數停其支給今梁肯堂總督廉俸既准半支蔣賜榮戶部飯銀亦著准其支領一半此皆朕格外施恩梁肯堂蔣賜榮當益知愧奮倍加慎勤於地方事務實心經理毋負宥過成全之意○庚寅

上御依清曠勾到秋審官犯服制及雲南貴州情實罪犯停決官犯三人服制斬犯七十二人絞犯一人雲南絞犯八人貴州斬犯二人絞犯六人餘五十人予勾諭據梁肯堂奏

山海關駐防兵丁五十八年應需兵米一萬七千七百餘石請較下奉天府尹仍照舊在寧遠州錦縣協撥一萬石交山海關通判領回供支其餘米石於徵收屯米動放外仍令永平府屬州縣領價採買支放等語本年直隸地方被旱較廣此項兵米若令全數就近採買未免辦理稍難著照該督等所請即著奉天府尹於寧遠州錦縣協撥一萬石其餘米石仍著梁肯堂照舊辦理據實報銷該部即遵諭行又諭據都爾嘉奏打牲烏拉齊齊哈爾地方本年被旱收成歉薄請接濟口糧等語著照所請自本年九月起至明年七月止按照戶口接濟口糧其屯丁所欠穀石著免其補納以示體卹○又諭曰伍拉納等奏據泉州道府營縣稟報訪得晉江縣屬有匪徒陳滋陳池等聽從同安洪塘鄉陳蘇老蘇葉暗設龍巖會派令夥黨潛往各鄉招人入會欲圖搶掠伍拉納即帶同臬司戚蓼生

等親赴泉州會同瑪爾洪阿分路圍拏將陳蘇老等一百三十二名並搜出刊刷及墨書各號紙等物現在研審確情分別定擬等語漳泉等屬從前天地會匪糾衆械鬪以致臺灣地方亦相傳習有林爽文等滋事之案節經嚴拏究治近稍斂戢乃陳滋等仍敢復與會名以藏蹤二字暗代天地並稱順國等字實為惡不畏死大干法紀該地方及營汛文武各員一經訪聞即迅速查拏稟報尚屬留心伍拉納復親自帶同司道前往督拏獲犯一百三十二名所辦亦好伍拉納浦霖瑪爾洪阿著交部議叙所有隨同前往之司道及查拏稟報之文武員弁並著伍拉納等查明咨部議叙○諭軍機大臣等此案陳蘇老蘇葉起意與會糾衆搶掠皆係為首之犯陳蘇老業經拏獲而蘇葉尚屬在逃著傳諭伍拉納等即董飭所屬務將蘇葉一犯及其餘未獲之犯嚴拏務獲從重辦理勿任漏網其已

獲各犯亦即迅速定擬一面盡行正法即行具奏又陳蘇老等供內聞廣東石城縣高溪地方洪三房即朱九桃亦有起會之事等語閩粵境壤毗連前此天地會匪內即有粵省洪姓未經拏獲或即係陳蘇老供出之洪三房亦未可定不可不嚴拏究辦著傳諭郭世勳即飛飭所屬嚴密查拏務令會匪根株淨盡以靖地方○辛卯上自避暑山莊迴鑾○調任貴州巡撫陳淮疏報平越黃平麻哈三府州甯安涓潭婺川三縣乾隆五十六年分開墾額內外田二百七十畝有奇○是日駐蹕喀喇河屯行宮○壬辰遣官祭黑龍潭昭靈沛澤龍王之神玉泉山惠濟慈佑龍王之神○刑部議覆江蘇巡撫奇豐額奏稱江南沿海各口凡商漁船隻赴海領照即於照內註明舵工水手姓名年貌住址俟攬收口岸覈對相符方准貿易而近

來海洋行劫之案。往往連船劫奪。冒認姓名。年貌。竟至無從覺察。請嗣後商漁船隻。照票內舵工水手人等年貌項下。將箕斗驗明添註。出入按名查驗。如水手人等在洋患病。雇別船水手。令該船戶於收口時。具結呈報該管官。於新雇水手年貌項下。亦填註箕斗。仍驗明同船戶各箕斗相符。方許具保。應如所請。從之。○是日駐蹕常山峪行宮。○癸巳。

上御行殿。勾到廣東廣西情實罪犯。停決廣東。

實錄卷五十四

五

新犯三人。絞犯九人。廣西斬犯二人。絞犯三人。餘六十九人。予勾。○諭軍機大臣等。昨已降旨。令福康安等受降藏事。並將善後各條。令公同詳酌妥辦矣。但撤兵之後。該處應行另定章程。前旨尚有未經詳盡之處。今思慮所及。再為逐條開示。福康安於撤兵後。即令海蘭察帶領巴圖魯侍衛章京等。分起回京。打仗官兵。俱令歸伍。會同孫士毅等。將所指各款。熟籌妥辦。務期經久無弊。○前後藏為

達賴喇嘛駐錫之地。各蒙古及番眾等前往。皈依瞻拜。必其化身確實。方足宏衍禪宗。查藏內達賴喇嘛。班禪額爾德尼等。呼畢勒罕。示寂後。令拉穆吹忠。作法降神。俟神附伊體。指明呼畢勒罕所在。乃拉穆吹忠。往往受囑。任意妄指。以致達賴喇嘛。班禪額爾德尼等。親族姻姪。遞相傳襲。總出一家。與蒙古世職無異。甚至丹津班珠爾之子。亦出有呼圖克圖之呼畢勒罕者。即仲巴與沙瑪爾巴。同為

實錄卷五十四

五

前輩班禪弟兄。仲巴係扎什倫布商卓特巴。坐享豐厚。沙瑪爾巴。居住廓爾喀。未能分潤。唆使賊人搶掠。此呼畢勒罕不真。及族屬傳襲之流弊也。嗣後應令拉穆吹忠四人。認真作法降神。指出實在根基。呼畢勒罕若干。將生年月日。各書一籤。貯金奔巴瓶內。令達賴喇嘛等。會同駐藏大臣。對眾拈定。作為呼畢勒罕。不得仍前妄指。私相傳襲。○前後藏租賦。向歸達賴喇嘛。班禪收貯。又眾蒙古平時

販依喜捨。是以布達拉扎什倫布兩處商上蓄積饒多。駐藏大臣向不過問其商卓特巴。噶布倫等。任意侵蝕各擁厚貲。嗣後商卓特巴。噶布倫等。缺應聽駐藏大臣秉公揀選。其收支一切。亦令駐藏大臣綜覈。凡換班官兵及駐藏大臣公用。俱不得於商上侵那。其商上出息。除養贍喇嘛番衆。或有羨餘。即為添補唐古忒兵丁養贍之用。一派往駐藏辦事之員。多係中材謹飭。伊等前往居住。祇圖班滿回京。於藏中諸事。並不與聞。聽達賴喇嘛等率意徑行。是駐藏大臣竟成虛設。嗣後藏中諸事。責成駐藏大臣管理。遇有噶布倫商卓特巴。第巴。戴綱等缺。秉公揀選奏補。不得仍前任聽達賴喇嘛等專擅。致滋弊端。倘原設章京筆帖式等員。數不敷酌量添設。以資差委。一查係藏內邊地。一一設立鄂博。毋許越界。駐藏大臣按季輪往稽查。並將各該處駐兵勤加操練。廓爾喀搶掠扎什倫布物

件。倘送出時。即稍有短絀。不必過於查究。仍將物件給還該喇嘛。不必入官。一布達拉扎什倫布兩處商上。改隸駐藏大臣綜理。祇須代為稽覈。不可過於嚴切。其達賴喇嘛。班禪額爾德尼。自用及公用各項。仍聽其便。無庸管束太過。以示體卹。一直隸總督梁肯堂奏。畿輔往來驛路。及道旁溝渠。均需挑挖深通。方資宣洩。請將定興。安肅。清苑。滿城。望都。為一路。良鄉。涿州。新城。雄縣。任邱。河間。獻縣。文河。阜城。景州。為一路。武清。天津。大城。靜海。青縣。吳橋。為一路。於大道兩旁。挑深三尺。寬五尺。所取之土。即培築道上。兼於工暇。有裨得旨允行。○是日駐蹕兩間房行宮。○甲午。諭大學士行走班次。福康安著在王杰之次。孫士毅著在福康安之次。○吏部等部議覆。署四川總督孫士毅等疏稱。天全州專設教官。經前督臣鄂輝奏裁。蘆山縣訓導改為該州訓導。請鑄給天全州儒學記。該州應試童生。

近年漸多。請將原附雅州府學之進額七名。撥回新設州學。仍增進額一名。應如所奏。至該州係屬新設。應照雅州府屬之清溪縣額。設廩增各十名。定為三年一貢。從之。○是日駐蹕要亭行宮。○乙未。

上御行殿。勾到四川情實罪犯。停決斬犯九人。絞犯十二人。餘七十八人予勾。○是日駐蹕密雲縣行宮。○丙申。諭軍機大臣議覆梁肯堂奏。勘明寧河官地。撥作保定駐防兵丁馬

實錄卷五十四

庚

廠一摺。已依議行矣。但該處並無差務。每年養馬二百五十匹。未免過多。與其虛設多費。莫若酌量裁減。以歸實用。所有此項馬匹。著裁去一百匹。庶每年牧放之時。廠地寬餘。俾馬匹益資臆壯。其裁去馬一百匹。即著梁肯堂撥給綠營抵補缺額。以省買補之費。○順天鄉試監臨刑部右侍郎伊齡阿等奏。龍門內甬道東西號舍相望。易滋起號代倩之弊。現於甬道兩旁。由至公堂至龍門。豎竹牽繩。

分五十二段。每段委官一員專守。舉子交卷後。令由甬道徑出。不得偷歸號舍。請飭順天府俟下科會試。照式辦理。仍收貯明遠樓。屆期應用。再場內現添科道四員。專司入號巡查。舉子出場後。並無應辦事件。請照繕譯鄉試例。三場完竣。即令出闈。免致曠公。從之。○調盛京兵部侍郎玉保。為兵部右侍郎。以內閣學士伯麟。為盛京兵部侍郎。○是日駐蹕南石槽行宮。○是月直隸總督梁肯堂奏。勘

實錄卷五十五

壬

明廣平大名順德及趙州所屬。受旱輕重情形。得旨南三府向即多旱。民亦熟於災。不致厯念。所念者保定等三府。向無蓋藏。應留心。○漕運總督管幹珍等奏。查東省德正臨東後。濟寧左東昌等幫。例赴直隸雇船撥運。現在豫糧既緩。應令就近雇餘剩軍船。分派德州等幫兌運。一船可得兩船之用。抵好。又奏。為沙河三溝閘。儀徵江口。向為私鹽出沒處所。已派漕標副將等分路查禁。使空運不

致阻滯。得旨諸凡皆妥可嘉。○山東巡撫覺羅吉慶奏本年應買補搭漕糧。若照上年糴買。未免增昂。請俟明歲秋收動借藩庫銀採購雜糧。以資平糴。得旨好。速行。○護山西巡撫蔣兆奎奏。托克托城廳常平之外。有軍需倉貯穀四萬餘石。請動穀一萬六千石。零撥解綏遠城。以備供支。報聞。○陝西巡撫秦承恩奏。親赴西路查勘成寧。長安。咸陽。乾州。四州縣。惟晚秋受旱。與平醴泉二縣。及武功之東北二鄉。被旱較重。收成恐致歉薄。得旨覽奏俱悉。其有成災者。不可諱飾。妥為賑恤。

高宗實錄卷一四一二

庚

大清高宗法天隆運至誠先覺體元立極敷文奮武孝慈神聖純皇帝實錄卷之一千四百十一

高宗實錄卷一四一二

庚

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十二

監修總裁官經筵講官太子太傅文淵閣大學士文淵閣領事內閣侍衛內大臣稽察欽奉 上諭事件處管理

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣等謹

將載官經筵講官太子太傅文華殿大學士文淵閣領事稽察欽奉 上諭事件處管理刑部戶部工部事務

世襲騎都尉軍功加九級隨帶加二級又加二級 臣等謹將內大臣戶部尚書錄星旗滿洲都統軍功紀錄五次

尋常紀錄四次 臣等謹將經筵講官太子少保工部尚書紀錄六次 臣等謹將

敕修

乾隆五十七年壬子九月丁酉朔

上詣

安佑宮行禮○幸圓明園○己亥諭廓爾喀滋

擾衛藏肆行搶掠命福康安等領兵進剿屢

次克捷收復後藏邊界濟龍等處地方深入

賊境痛殲賊衆賊首畏懼震懾投稟乞降情

詞懇迫因恐雨雪阻途特頒諭旨准其納款

令福康安等撤兵凱旋矣上年賊匪侵擾後

藏時若早為籌辦多調官兵迅速進討並糧

餉軍火各事宜一切豫備轉運不誤則兵多

糧足似此么膺小醜無難搗穴擒渠今因辦

理稍遲恐藏內氣候早寒致為雪阻不得不

及早撤兵但大軍自進剿以來連獲勝仗業

經收復濟龍聶拉木並攻克熱索橋協布魯

東覺集木集等處賊匪聞風膽落悔罪乞降

歲功已屬完善朕本擬俟福康安等直抵賊

巢縛醜獻俘於大功告竣時備加渥賞用志

酬庸茲雖未得蕩平賊境而諸將士攀越險

艱手足胼胝冒雨步戰實為勞苦出力其帶

兵將弁已經節次加恩予以陞擢及賞給巴

圖魯名號福康安等為統率大臣調度布置

悉協機宜亦應加以甄敘福康安著賞給一

等輕車都尉即令其子承襲海蘭察本係二

等公爵著晉封一等公至孫士毅由打箭鑪

馳赴前藏督辦糧運和琳自到藏後催趲積

滯整飭額習均能認真督率惠齡在濟龍一

帶辦理軍需亦屬奮勉並著交部議敘○又

諭此次官兵進剿廓爾喀所有在瑪噶爾轄

爾甲山上打仗。橫衝賊隊之侍衛章京等繞山步險。截殺賊匪。實屬奮勉出力。除未經給有巴圖魯名號者。業經加恩賞給外。其原有巴圖魯名號之副都統職銜頭等侍衛翁果爾海。額勒登保。珠爾杭阿。阿木勒塔。健銳營翼長德楞泰。頭等侍衛五紹巴。彥泰三等侍衛克興額。定西。鼎那丹保。薩寧阿。阿哈保。索倫佐領博多果爾。俱著交部議敘。又諭曰。孫士毅現在前藏。所有本年川省武闈內外場事宜。即著交布政使英善辦理。其外場彈壓等事。觀成現赴裏塘。著副都統佛智代辦。○諭軍機大臣等。廓爾喀賊匪。經此番痛殲之後。屢遞稟乞降情。詞恭順。且藏內氣候早寒。早經降旨准其撤兵藏事。今賊酋遵繳私立合同。並沙瑪爾巴骨殖及徒弟跟役全行送出。又請差辦事大頭人進奉表貢。福康安等自應一面具奏。一面撤兵。不必待其大頭人到營。致需時日。福康安等接奉前旨。業已

受降。撤回藏地。最為完善。若未經撤兵。竟當明諭賊匪以該首悔罪投誠。業經奏聞。大皇帝奉旨准降。現在邊外早寒。即日雪阻。豈值因爾所遣大頭人未至軍營。在此久待。今撤兵回至藏內。俟爾所遣大頭人到藏。帶京母得遲延時日。如此曉諭。賊首懾服。自不敢不俯首聽命。而我兵妥速旋師。不為雪阻。此次征勦廓爾喀。屢戰屢捷。既將藏地收復。又直至濟龍以外。深入賊境。七百餘里。攻克碉卡。奪據山梁。殲戮賊匪數千。賊酋誓伏乞降。經兩次駁斥。額求納款。並請差辦事大頭人獻表納貢。此後諸弊肅清。約束堅定。不但廓爾喀與藏內邊界一一設立鄂博。毋許擅越。即附近廓爾喀之作木朗布魯克巴哲孟雄等各部落。亦當嚴諭。以後概不得私通貿易。此事亦著交福康安等四人一併酌籌妥辦。再孫士毅奏請俟和琳回至前藏。即前赴裏塘一帶。搜拏夾壩一摺。裏塘夾壩已專令觀成

在彼督捕。孫士毅竟當在藏將一切善後事宜。會同商辦。其餉銀一項。現在軍務已竣。自不必解運過多。前因餉銀未能接續。解到兵丁等應得分例。未必全數得給。伊等勞苦備至。著福康安等詳悉查明。按照各兵在營之日。逐一補給。以示體卹。至前據福康安等奏。宗喀等處糧臺多有停積。其派出之道府。固無可辭咎。但後藏一帶糧運。俱係郭輝管理。既經遲誤。亦應據實具奏。施恩赦過。候旨定奪。豈得顛頂混過。並著福康安等一併查叅。至此次廓爾喀滋擾。後藏沙瑪爾巴挑唆起衅。實為罪魁。現據賊酋將該犯骨殖送出。著福康安等不必送京。分懸前藏之布達拉。後藏之扎什倫布。並前後藏及察木多。打箭鑪一帶大寺廟。一一懸掛。並將起衅犯事緣由。逐一開寫。號令示衆。用示儆戒。○庚子。諭。理藩院侍郎員缺。著奎舒補授。特克慎著以副都統銜。前往西寧辦理青海事務。現在征勦

廓爾喀軍務告竣。大兵凱旋。經由川省。並不從青海行走。該處現無緊要事件。特克慎於本年春間巡幸五臺時。甫經召見。且係朕素知之人。著即赴新任。毋庸來京請訓。所有山西按察使員缺。著善泰調補。成林前在廣西道員任內。經福康安派往安南辦理各事宜。於該處邊界及安南情形。較為熟悉。所有廣西按察使員缺。著成林署理。俟服闋後。再行實授。○又諭。刑部奏。已革三河縣知縣李培榮。於蝻子初起之時。既不能先事防範。現署通州。於飛蝗過境。又不即時稟報。若僅依律擬杖罷職。不足示懲。應從重擬。以杖一百。徒三年等語。本年直隸蝻孽滋生。雖起自三河。李培榮先已委署滿城。後調署通州。其咎祇在不能先事防範。及於通州飛蝗過境之處。並不即時稟報。乃梁肯堂於查辦蝗蝻摺內。既不將三河一路提出。含混其詞。不但將該縣李培榮奏。轉以之請陞通州。因降旨

令其明白回奏。則仍稱三河有蝗之時。係在李培榮卸事之後。始終有意迴護。曲為開脫。是以從嚴將李培榮革職。交刑部治罪。看梁肯堂何以為屬員規避處分。今據刑部將李培榮問擬杖徒。雖屬罪所應得。但念李培榮於本年正月。即經調署滿城。於三河本任。早經卸事。蝗孽滋生。多在二三月間。尚非有心玩誤。李培榮於五月內署理通州時。該處亦有飛蝗。並未稟報。其咎實無可辭。李培榮著革職。加恩免其治罪。仍交該部帶領引見。候朕再降諭旨。朕於大小臣工功過。惟視其人之自取。從不稍為畸輕畸重於其間。若為上司者。有意為屬員迴護開脫。則轉不得不從重辦理。非曰愛之適以害之。各督撫等皆以此為戒可耳。○又諭據福寧題報。應城縣張周氏逼媳馮氏賣姦不從。自縊身死。將張周氏照姦婦抑媳同陷邪淫。致媳情急自盡。例發伊犁烏魯木齊等處給兵丁為奴一本。朕

辦理庶獄。於翁姑致死子媳之案。無論其媳本有違犯教令。訓誡不悛。以致斃命。及伊媳並無過犯。而翁姑性暴致斃者。其翁姑俱不加以重罪。原以誼屬尊長。無為卑幼抵償之理。況係自縊身死。本不應將其姑抵罪。但此案張周氏逼令伊媳馮氏賣姦圖利。因馮氏堅執不從。時加磨折。並毆傷左右。肘致馮氏被逼情急。投繯自盡。情節甚屬可惡。為翁姑者當教訓其媳。勉以貞潔。自矢。方不愧為尊長之道。今張周氏欲令伊媳賣姦。已屬無恥。乃因其守節不從。輒行關禁樓房。不給飲食。挫磨毆逼。以致斃命。殊出情理之外。是其恩義已絕。即當以凡論。與尋常尊長致死卑幼者不同。此而不嚴加懲治。何以風節烈而儆淫兇。除馮氏照例交部旌表外。張周氏著即改為絞監候。入於本年秋審。情實辦理。嗣後各省如有似此情節者。俱照此辦理。庶使淫惡無恥之徒。知所儆畏。以示明刑。弼教之

意○辛丑諭刑部參奏額外主事魏若虛於
叢議湖北省盧秀等活埋盧在倫身死一案
欲照擅殺例減等問擬抗不畫稿並自繕奏
摺說帖欲行陳奏實屬任性偏執意圖爭勝
請交部嚴加議處一摺朕詳加披閱此案盧
秀於總麻姪孫盧在倫犯竊設當甫經查獲
未交保正之先因其玷辱祖宗遽以家法處
治致死猶可援照新例減等乃盧在倫業經
隣人劉惟查獲拏交保正潘見名送官是此
案即應聽官辦理而盧秀竟復將盧在倫奪
回捆縛活埋致斃迨保正查知欲行稟報盧
秀復阻令勿報寢事其為畏累逞忿挾私故
殺自無疑義該撫照謀故殺本律問擬情罪
原屬相當且為首之盧秀一犯業已在監病
故所有現擬杖流之盧谷升等俱係為從之
犯其案情更為無關緊要今刑部堂官以盧
秀因畏盧在倫扳害起意埋斃係為自己除
害並非為玷辱祖宗起見自不得援照擅殺

卑幼之例減等定擬是以仍照謀故殺本律
問擬所辦原屬循照向例並無錯誤即叢之
魏若虛所引四川湖南徐子偉等各案雖同
一尊長殺死卑幼彼則因玷辱祖宗顏面忿
激致死故照擅殺律減等此則因畏其扳害
非激於公忿故仍照謀故殺問擬本屬兩不
相悖乃魏若虛固執已見任意乖張始終抗
不畫稿且意圖見長並自行繕摺意欲陳奏
其意不過因近來有許告上司曾邀遷擢之
事遂欲借此一案獨出已見希冀一經上聞
或得俸邀識拔其為踰進用巧尤屬顯然若
部中司員相率效尤各持異議堂官何以辦
事魏若虛著交部嚴加議處以示懲儆○又
諭曰伊齡阿著調補兵部左侍郎其刑部右
侍郎員缺即著明興調補明興現在出差著
穆精阿兼署穆精阿年逾八十跪起維艱於
刑名素為熟悉尚可資其生辦嗣後吏部遇
有引見官員穆精阿竟無庸隨進帶領以示

體卹。○諭軍機大臣曰。和琳奏查辦沙瑪爾巴家產。及依什甲木叅物件。變價銀兩。或歸軍需項下抵銷。或入藏庫充公備用等語。沙瑪爾巴。為此案罪魁。現在抄出資財什物。自當全數歸公。其所燬鍍金銅像。即按照現今新鑄寶藏字樣。鼓鑄錢文。給兵丁通行使用。又據奏請將陽八井廟宇。賞與濟龍呼圖克圖。派委喇嘛管理。俟濟龍呼圖克圖離藏後。請旨定奪等語。即照所請行。附廟番民著交一併管轄。廟內紅教喇嘛一百三名。和琳以若概令還俗。恐滋事端。請改為黃教。分於前藏各大寺堪布等。嚴加管束。所見亦是。此項紅帽喇嘛。經和琳派營官等。先押赴前藏。和琳回藏時。當傳集該喇嘛等。諭以沙瑪爾巴構衅。業將骨殖號令。爾等不應仍襲其教。若爾等情願改歸黃教。仍可在藏焚修。如不願改歸。即解京聽候安插。如此曉諭。伊等自必願留藏地。可以聽受黃教堪布等約束。○又

諭據富綱奏。到秋禾暢茂。糧價平減。一摺。覽奏甚為欣慰。本年滇省晴雨調勻。田禾豐稔。統計通省收成。共有若干。此時節候。將屆霜降。各屬想已早經開報。該督撫自應即將收成分數。彙齊覈實具奏。以慰廑念。乃尚未據奏到。豈不知朕念切民依。無時或釋耶。將此傳諭知之。○增給四川邛州茶引二千五百道。從署總督孫士毅請也。○壬寅。諭曰。保寧奏。現在伊犁當差三年期滿之原任浙江同知張心鏡。參將張全得等四人。案情較重。請再留五年。再行請旨等語。朕披閱伊等原犯案由。係因江蘇運閩兵餉船內。被盜劫去錢文。原任同知張心鏡。畏干處分。照數賠補。參將張全得等。聽從諱匿不報。是以均發伊犁。今三年期滿。在不知者。必以張心鏡於此項錢文被劫後。業經照數賠補。自可冀釋放回籍。殊不知原任同知張心鏡。係因規避處分。首先起意。將錢文賠補。希圖彌縫掩飾。諱匿

不報而叅將張全得等係屬聽從諱飾。是張心鏡實為此案起意。匿報之首。張全得。王國棟。陳經綸。三人皆為張心鏡所拖累。情節各有重輕。不得不區別辦理。特將原任同知張心鏡用硃筆點出。著再留五年。其張全得。王國棟。陳經綸。俱著准其釋放。回籍以昭平允。○又諭。據宜興奏奉天所屬地方。七月至八月。氣候晴暖。禾稼收穫登場。秋收約有七八分。市集米穀充盈。小民購買甚易等語。而所開糧價單內。粟穀高粱米豆等項價值。俱比上月貴至三錢五分及九分至五六分不等。奉天各屬。今歲收成豐稔。糧價自應平減。何以轉較上月加增。各省督撫。每月所報糧價。往往多就輕減之價開報。本不盡實。即如順天府。凡遇內廷採買之項。均開貴價。而每月糧價。率以平減奏報。其意不過欲圖好看。今奉天府所報糧價單內。粟穀等項。既比上月價值加增。則該處市價之昂。更當不止於所

報之數。豈有收成豐稔。而糧價轉增之理。或係市僧等見秋成刈獲。米穀充盈。將來米價必當減落。是以豫將糧價擡高。為漸次減落。仍可得有贏餘地步。而該府尹等不加詳察。遽即率行開報。人心貪利。日流日下。此等弊習。亦不獨奉天一省為然。京師各省。皆在所不免。該督撫等。自應飭令地方官。曉諭各鋪戶。市販等。以年歲豐膏。不齊。總當隨時按照時價羅賣。其豐收年分。更應平價出售。豈得豫留地步。轉致豐歲價騰。民皆貴食。若因米穀豐登。惟恐價值漸落。豫行擡高。以圖牟利。居奇。是祇知有增無減。伊於何底。似此封殖病民。豈公平貿易之道。此後務宜各知悛改。若仍前故擡價值。必當查明從重究辦。如此明白曉諭。庶各鋪戶等。知所顧忌。不敢任意居奇。小民共受食賤之利。但該督撫等。仍不得因有此旨。輒將所開糧價。止就輕減價值開報。希圖朦混塞責。總應據市集實價。比較

上月增減詳悉呈覽。朕於民食攸關無不細加披覽。不厭精詳。倘該督撫視為具文。虛開粉飾。亦斷難逃朕鑒察也。將此通諭知之。○又諭曰。雅朗阿等奏開看八旗漢軍操演礮位所中數目。並所拾礮子數目一摺。每年操演礮位後。開看大臣等雖具奏一次。並未復加覈實。因循日久。皆成虛應故事。所關甚屬緊要。嗣後每年操演後。著軍機大臣會同兵部覈實具奏。如中數不敷。即據實奏聞。將該

營大臣官員交部議處。○癸卯。

上御勤政殿聽政。○諭昨因宜興奏奉天所屬秋成豐稔。而所開糧價轉比上月加增。推原其故。或係市僧等因見秋成刈穫。米穀充盈。惟恐將來價值減落。豫將糧價擡高。以為減價後仍可得有贏餘地步。業經降旨通飭各督撫。令所屬明白曉諭各鋪戶市販等。務須按照時價糶賣。毋得牟利居奇。致干嚴究。本日據譚尚忠奏。滇省各屬今歲雨暘時若。禾

稼豐登。及開所報糧價亦多有較上月增昂者。可見此等弊習。各省皆然。該督撫所奏糧價亦俱不過視為具文。並不實心覈辦。朕之所以再三訓飭者。並非以糧價不應增長。欲督撫止就輕減價值開報。以為粉飾之具。所恨人心不古。相習成風。在市僧等既專圖牟利。每遇稔收之歲。即豫防價值漸減。先行擡高。以為將來獲利地步。祇圖封殖。不顧病民。致使豐歲價騰。有增無減。而地方州縣又因

虛開貴價。遇採買時。即可照貴價報銷。希圖沾潤。是以雖遇年穀豐登。市價平減之時。亦復浮開呈報。督撫等又不加詳察。率據所報之價。開單具奏。似此官民交相為弊。風氣日趨日下。以致不能感召。

天和時有水旱災侵。其故未必不由於此。朕當先以為愧。自責。嗣後各該督撫等務宜各加愧勵。留心查察。嚴飭所屬州縣。以穀價貴賤。民食攸關。每月糧價。務須覈實呈報。不得因

有採買等事。先行浮開數目。以便任意侵肥。並將年歲豐歉不齊。糧價低昂。總當隨時按照時價。難賣其豐收年分。更應平價出售。若惟知利己。擡價居奇。即使獲利一時。而封已病民。既官法所必究。亦天理所不容。斷不能任其壟斷之處。剗切曉諭各鋪戶市販等。令其家喻戶曉。各知悔改。若該州縣及鋪戶等有仍前浮開擡價等弊。一經查出。即行隨案嚴懲。而尤要於平日潔己化民。庶可肅清積習。轉移風氣。而小民等亦可共受賤食之利。若各督撫等。誤會朕意。輒將各屬糧價任意抽減。虛詞奏報。希圖朦混。塞責更非封疆大吏實心教民之道。或因市僧有擡價居奇之事。地方州縣辦理不善。轉任胥吏等借端騷擾。小民未受其益。而商販反先受其累。又何裨實政耶。各該督撫等。惟當善體朕意。留心民瘼。使官民各知儆愧。風俗漸臻淳厚。庶幾感召庥和。共享綏豐之福。不負朕諄諄訓勉。

之意。將此再行通諭知之。又諭國史館呈進列傳。本年自六月至八月。共進過清字傳四本。漢字列傳四本。逆臣傳二本。共十本。一月內即當如此數呈進。今三月之期。所進止有此數。殊屬遲延。所有國史館總裁及纂修官均著交部分別察議。以通政司副使施朝幹為太僕寺卿。○以廣東南雄協副將托爾歡為潮州鎮總兵。○甲辰諭前據伊齡阿等奏。順天鄉試諸生。年屆八十以上者。鄭元謨等三名。七十以上者。姚熊思等二十七名。俱三場完竣等語。現在榜發。未經中式。但念該生等年臻耄耋。猶能踴躍觀光。洵為藝林盛事。其年在八十以上之副榜馬元倬。張應楫。生員鄭元模。年在七十以上之副榜高瑛。崔九州。謝立吉。劉素位。拔貢生高大文。恩貢生蕭淦。穆彬。俱著加恩賞給舉人。准其一體會試。其在七十以上之歲貢生李枝桂。吳承緒。廩貢生趙春芳。生員姚熊思。汪錫。戴恩詒。

蔣子定。李文祥。李澤久。封疆。張尚志。息永發。傳紹曾。唐毓麟。張月桂。晁合宜。王阜。劉壁飛。劉元燮。辛鍾鳳。俱著加恩。賞給副榜。以彰壽世。作人至意。○諭軍機大臣等。刑部議覆江西巡撫托倫泰續獲雇倩鎗手入場代考之劉昌新。定擬充軍。伊父劉世亮。訊不知情。應免置議。一摺。此案劉昌新未經就獲時。先據該撫拏獲鎗手黃超揚。並說合之附生朱衣點。及知情認保廩生劉恢祖。分別定擬。經刑部覆覆。彼時劉昌新未經到案。黃超揚祇係鎗手。是以按例定罪結案。今聞劉昌新供稱。乾隆五十七年正月內。朱衣點薦廣東嘉應州人黃超揚。即王致中。到我家教讀。三月內。聞學政按臨贛州考試。我自揣文理平常。不能取進。央朱衣點與黃超揚說合入場。鎗代許謝銀六十兩等語。此案情節。尚屬不實。黃超揚既在劉昌新家教讀。是與劉昌新係屬師弟。朝夕相處。情分親密。劉昌新赴考時。欲

求伊師入場鎗代。儘可當面央懇。何必轉囑疎遠之朱衣點代為說合。此等供詞。或係承審之員。欲開脫劉昌新之父。於此事並不知情。是以作為朱衣點說合。亦未可定。至黃超揚既為劉昌新之師。夫師之教弟子。不但課其文藝。尤當教之立品端行。如弟子有散法舞弊。倩人代考之事。方當呵斥禁止。始為無忝師範。即平日牕下。或遇所教弟子之父。欲課試伊子。觀其成效。為師者私為改竄。以冀見好總館。尚屬事之所有。豈有弟子應試。伊師竟貪得謝禮。代為入場鎗替。是通同作弊。不但導以犯法。而且身為之倡。似此貪鄙。執法尚靦顏為師。實屬無恥中之尤無恥者。朕統御萬方。教育斯民。兼作君作師之責。於此等作奸犯科之案。尤當加之懲創。譬若內外大小官員。有責官需爵之事。不加查察。任其所為。有是理乎。黃超揚一犯。該護撫僅照尋常鎗手科罪。殊不足以端師範。而正人心。又

劉昌新之父劉世亮於伊子倩令黃超揚入場鎗代一事如係伊子於出門後在途遇見外人向其說合代為鎗替尚可諉為不知今黃超揚即係所延之師在家教讀何以訛不知情曲為開脫劉世亮自亦當治以不應之罪此等情節該護撫並未詳細究辦而刑部覈覆亦未看出指發均為疎漏陳淮新調江西此案非其原審無可迴護著即交該撫提集案犯嚴切審訊究出實情分別定擬具

奏毋得稍有迴護致干咎戾○浙江巡撫福崧疏報孝豐鎮海臨海三縣乾隆五十六年分開墾額外田地一百畝有奇○乙巳遣官祭

歷代帝王廟○遣官祭

都城隍之神○

上辛靜宜園駐蹕至己酉皆如之○丙午諭此次征勦廓爾喀辦理軍務一切機宜俱經朕先期指示軍書文報絡繹不絕軍機大臣承

旨書諭夙夜宣勤均著勞勩現在大功告成福康安等業經降旨分別錫賞軍機大臣自應一體加恩大學士公阿桂大學士伯和珅大學士王杰尚書福長安董誥慶桂俱著交部議敘○又諭此次辦理廓爾喀軍務沿途馳遞文報絡繹各該員弁等俱能奮勉出力尚無貽誤現在軍務告竣各處臺站自可漸次撤回而各官員兵丁等踴躍急公宜加獎勵前此業經降旨令各該督撫等將弁兵等

查明先行賞賚一次今大功告成並著將前後所設臺站之弁兵等查明再加賞賚一次以示恩獎其承辦驛站官員除貽誤者扣除外其出力之文武員弁並著查明交部分別議敘○又諭前因廓爾喀賊匪經大兵屢次勦殺之後畏威悔罪疊行具稟乞降情詞極為恭順已明降諭旨赦其前罪准令納表進貢並令福康安等即行徵兵矣茲又據福康安等奏賊酋於七月二十七日又差頭目塔

曼薩野前赴軍營投遞稟帖繳出前次搶掠扎什倫布銀物等件並備辦馴象番馬及廓爾喀樂工一併恭進是該賊首悔罪輸誠十分懾服且其繳出物件內金冊一項係從前頒賞班禪額爾德尼之物今賊匪於搶去後因知係天朝頒賜不敢隱匿特行檢出敬謹送到可見廓爾喀滋事起釁祇因與唐古忒人等爭論帳債細故並不敢干犯天朝今已差其辦事大頭人備辦方物恭齎表文一併呈進福康安等自應察其恭順納款忱允准所請徹兵藏事除已諭知福康安等遵照辦理外將此再行通諭知之○又諭刑部進呈奉天省招冊內由緩決改入情實者共有六起一係誣竊啟釁韓文運毆死無服族兄韓文振一係理曲逞兇之孫老屋毆死杜三屋一係負欠兇毆之丐匪王五毆死孫六一係助父兇毆之張有興毆死武福高一係董貴恃強毆傷摔跌後制縛毆斃孫成才一係

楊三茂及斃徒手服嫂張氏細閱案情刑部駁改俱屬允協向來外省辦理秋審經刑部覈駁失出至五案者吏部不過降級處分但巴延三曾任督撫多年並非不諳刑名者可比且伊前經獲罪朕屢次曲加寬宥復用至侍郎自應倍加感奮於此等案件尤宜悉心詳覈方不負朕委曲成全之意乃巴延三並不實心辦理失出之案竟至六起之多可見該侍郎一味因循全不知感激朕恩勉圖改過快快自是此非尋常玩誤可比若僅照例交部議處不足示懲巴延三著交部嚴加議處即解任來京聽候部議並著查明巴延三之子如已經出仕者著即革職其有曾經捐職者即行註銷以示懲儆所有盛京刑部侍郎員缺著宜興調補祿康著調補盛京戶部侍郎其盛京禮部侍郎員缺專司祭祀德瑛由太常寺卿陞授閣學嫺習祀典即著德瑛補授○諭軍機大臣曰福康安等奏賊首繳

出扎什倫布物件並拏解沙瑪爾巴之番婦
女喇嘛等一摺。未將何日撤兵之處聲明具
奏。想因賊首所遣大頭人尚未到營。畧為等
候。計此時已詣營謁見。即派員護送進京。著
傳諭福康安等計算日期。如能年內到京。固
屬甚善。否則明正燈節前趕到。尚可隨朝鮮
暹羅一體瞻覲。至此次繳出物件。因金冊係
天朝頒賜班禪額爾德尼。關係緊要。其貴重
等件。亦不敢私留。又沙瑪爾巴姦占之妻策

旺拉木中途逃逸。賊首即緝獲鎖送。並備象
隻番馬樂工恭進。看此情形。實已真心悔服。
悔罪輸誠。邊境自可寧靖。惟定立地界一事。
前已有旨令福康安等一一設立鄂博。毋許
偷越。現在大兵將撤。宜趁此時申明約束。以
熟索橋迤西如協布魯雅鴉東覺堆補木帕
朗古等處。皆經大兵攻克。本應即以此為後
藏邊界。念爾悔罪投誠。仍行賞還。其熟索橋
以內濟龍聶拉木。宗喀等處。本屬藏地。雖經

汝侵占。現經大兵收復。非如上次講和退還
者可比。嗣後應以濟龍聶拉木以外為界。爾
部落人等。不得尺寸擅越。如有私行偷越者。
拏獲即行正法。爾部落遇有遣使進貢獻表
等事。當先稟明邊界將領。聽候知照。方許進
口。又據福康安奏。撒迦呼圖克圖採辦糈糶
五萬觔。分運濟龍。聶拉木。運腳自捐。並捐牛
五百頭等語。前因撒迦喇嘛於賊匪上年路
過時。遞送哈達。曾令福康安等於撤兵後。勒

令改歸黃教。今該呼圖克圖既有捐辦糈糶
牛隻之事。尚知畏法奉公。此等紅教流傳日
久。且人戶衆多。福康安等不必拘泥前旨。當
曉諭該喇嘛等。以前此遞送哈達。俱干重罪。
大皇帝念爾等愚昧無知。不行嚴辦。又因爾
等捐辦糈糶。牛隻急公効順。本將軍業為奏
聞。仍准爾等照舊焚修安業。此後宜倍加感
激。約束徒衆。安靜梵誦。方可永安樂利。並交
駐藏大臣嚴切約束。不准仍前越界滋事。免

與黃教爭競。庶為妥善。再金冊係前輩班禪進京時。經朕特賞。該喇嘛等不能協力防護。為賊搶去。致煩天兵遠涉。代為勦捕。賊匪因震懾聲威。知金冊為天朝所賜。不敢銷燬。茲據檢出。送繳福康安等。宜向達賴喇嘛。班禪及戴綱。堪布等詳諭。以爾等不能保守金冊。本有應得重罪。大皇帝施恩。免其究治。仍將金冊賞給班禪。俾在扎什倫布安奉。嗣後宜加意保護。勿得再有疎虞。至後藏仲巴戴綱等。向來惟知封殖營私。因唐古忒兵丁等。係達賴喇嘛之人。視為膜外。無怪賊匪滋擾。兵丁等亦各不相顧。福康安等宜剴切曉諭。以唐古忒兵丁。亦係達賴喇嘛派往。伊等駐守後藏。即為保護班禪。而設。況扎什倫布商上。素稱豐裕。嗣後如有贏餘。務分給前藏兵丁等。俾霑餘潤。伊等自必同心協力。固守無虞。再布達拉商上。前有旨令駐藏大臣兼管。所有扎什倫布商上。班禪年幼。恐戴綱堪布等

從中舞弊。嗣後亦歸駐藏大臣稽覈。以歸畫一。昨有旨令孫士毅速回前藏。裏塘一帶夾壩。專交觀成足資料理。且大兵撤回。必經過裏塘。軍威壯盛。匪徒自即斂戢。孫士毅當遵旨速回。與福康安等會商善後諸事宜。再前經降旨令達賴喇嘛等會同駐藏大臣。將呼畢勒罕名姓並生年月日各書一籤。貯金奔巴瓶內。對眾拈定。作為呼畢勒罕。是此項金瓶關係鄭重。現派御前侍衛惠倫。乾清門侍衛阿爾塔錫第。敬謹齋往。並親解御佩小荷包二箇。亦著帶往。於迎見福康安。海蘭察時。傳旨賞給以示酬庸之意。○欽差大學士署四川總督孫士毅等奏。酌定凱旋事宜。一前後藏至打箭鑪。跬步皆山。馬匹最易疲倒。且沿途一綫羊腸。兵丁行走易擠。現除漢土官兵仍照常三百名一起。間三日行走。其索倫達呼爾兵。並帶兵之巴圖魯等。定為二百名一起。間四日行走。馬匹兵糧等項。向來

兵丁赴站索費故意重複支領現豫札會領兵官覈計每起兵數應領馬匹及口糧各若干開單蓋用鈴記向該臺一總支領由領兵官按名散給。自拉里至前後藏將購備馬匹分站安設並恐全解前藏馬力易疲現今何處所購與何站相近即就地分安。索倫等兵素未耐冷已製備冬衣四千件運送濟龍備用得旨諸凡皆妥。○以兵部右侍郎玉保為鑲藍旗蒙古副都統。○丁未諭軍機大

臣曰秦承恩奏秋禾約收分數一摺內稱除被旱成災之咸寧等十四州縣沿邊之延安榆林綏德等三府州屬收成分數另行具題後又稱延榆綏三府州屬收成詢之調委入簾各員僉稱約有八分等語所奏太不清晰各省收成向來俱就通省分數牽勻覈算奏報共有幾分本年咸寧等十四州縣因旱薄收自應一併列入牽算秦承恩何以於摺內開除聲稱另題是該撫竟有諱飾之意又據

奏報七月分俱係註寫價中朕詳加披閱內延安鳳翔各府糧價二兩上下謂之價中尚可其西安榆林同州各府價至三兩有餘即屬昂貴該撫亦應據實填寫價貴具奏何得仍註價中若三兩有餘尚可謂之中必至何等方謂之昂貴耶已用硃筆逐一點出秦承恩由翰林出身擢授司道朕見其尚留心民事是以加恩簡用封圻今於災務糧價並不詳細查明據實奏報看其近來辦事殊不如

前大員委任之意秦承恩著傳旨嚴行申飭仍著將該省收成實有幾分及西安等府糧價三兩以上因何仍註價中之處據實覆奏。○戊申諭軍機大臣曰郭世勲奏接准福建咨會密委鎮道馳赴石城縣高溪寺地方確查洪三房朱紅竹即朱九桃如何立天地會黨夥若干並確究長髮大袖和尚係何姓名一體連拏究辦等語此事前據伍拉納等奏到當經諭令郭世勲飛飭所屬嚴密查拏從

前閩省查辦天地會匪案內夥犯楊咏等即供出廣東有朱姓及洪二和尚係起立天地會名目之人迄未緝獲今閩省現獲會匪陳蘇老等供出之石城縣洪三房朱九桃姓名住址言之鑿鑿無難按戶而查即所供長髮大袖和尚亦有高溪寺名可以從此根究但恐地方官從前未經查出慮獲犯究出窩留藏匿等弊致干處分意存迴護不肯認真辦理著再傳諭該署督務宜留心督飭嚴查將各會匪按名拘獲從重究辦俾根株淨盡以靖地方勿任地方官朦混稟報致有疎虞仍將正犯朱九桃及長髮大袖和尚現在曾否就獲之處迅速覆奏○兵部議覆兩江總督書麟等奏稱江防一營所管江甘江防江儀京口四汛祇設千總把總各一員把總分管自高郵州三十里鋪至甘泉縣之灣頭開千總專管大江南岸京口沿江一帶埽工其

灣頭開迤下至瓜州江口江儀江防二汛僅有文汛縣丞巡檢分管並未專設武員揚州為漕運要道瓜州江岸亦有埽壩工程向調別營外委協防每致呼應不靈查中河營安東汛千總事務較簡與山清汛壤地毗連山清把總所管中河工程僅二十六里請歸併安東汛千總兼管將山清把總及協辦外委均裁改為江防汛把總協辦外委管理灣頭開至瓜州江口隄埽各工額兵照舊毋庸添設應如所請從之○已酉諭據朱珪奏本年安徽府屬之桐城等縣鳳陽府屬之壽州等州縣高阜地畝夏秋俱獲豐收惟濱江沿淮低窪之區因夏間雨水稍多間有漫溢沙壅之處收成未免歉薄等語安徽省壽州鳳陽等州縣衛原係積歉之區本年窪地又經過水其桐城潛山二縣并安慶衛沿江地畝因五月間雨多江漲水衝沙壅雖據該撫勘不成災收成究屬歉薄若將新舊錢糧同時並

徵民力未免拮据。除桐城潛山二縣并安慶衛。本年丁地新糧。現值輪應。豁免外。所有桐城縣並安慶衛。自四十八年起。至五十六年止。潛山縣自五十年起。至五十六年止。各低窪村莊。節年未完舊欠丁地蘆課各項。及隨徵耗羨等款。俱著加恩。緩至來年秋成後徵收。其鳳陽靈璧宿州三州縣低窪村莊。應完五十四五五六等三年丁地屯折各項。及隨徵耗羨等款。又壽州自五十年起。至五十三年止。

實錄卷一百五十二

三

定遠鳳臺二縣。並鳳陽長淮二衛。自四十八年起。至五十三年止。低窪村莊。分限應徵。歷欠銀米。及五十四五五六等三年舊欠錢糧。並著加恩。分別展緩。至五十八年秋成後。啟徵。以紓民力。該撫務須督飭所屬。實心經理。毋使吏胥從中滋弊。以副朕軫念民依至意。該部知道。○又諭曰。畢沅奏荆關徵收錢糧。比較一摺。內稱。近年因下游之江南安徽江西浙江等處。年歲屢豐。糧價平減。與川省相

仿。兼之水腳盤費。販運每多虧本。是以往來船隻稀少。以致不能比較最多之年等語。各省年歲豐登。糧價平減。商販自然絡繹。關稅正當增贏。湖廣近年亦屢屢豐。斷無因稅收轉致稅額短絀之理。前次淮陽等關短少盈餘。即以豫東等省因早薄收。豆麥南下者少。為詞。今荆關盈餘短少。又藉詞於糧價平減。船隻短少。則歲歉固絀。歲豐亦缺。必如何而後可。豈司權務者。因關稅短少。而轉望歉收。

實錄卷一百五十二

三

有是理乎。各督撫於辦理地方事件。欲為屬員地步。往往不顧事理。之是非。意為軒輊。託詞陳奏。即如常平等倉。州縣等欲詳採買。即云歲豐糧賤。宜趁此買補。或不欲採買。則又云收成雖好。糧價尚未平減。而該上司亦任其朦混。稟報不加稽覈。以致各省倉儲不免虧缺。若果如畢沅所奏。則如湖廣四川江南安徽江西浙江等處。糧價平減。即應趁此豐收。採買使倉貯充足。而此數省內常平等倉。

該督撫又能保其一一無缺耶各省督撫皆受朕厚恩簡任封圻遇有關係錢糧重務自應各夫天良平日嚴密稽察勿任胥吏舞弊以致虧短或因水旱不齊稍有短絀之處原不妨據實直陳何必藉詞年歲轉成虛飾殊非事君以誠之道嗣後該督撫等於糧價關稅等務務宜詳慎確覈俱以實入告勿任屬員等朦混稟報率行轉奏除將軍沅摺交部覈議外將此通諭知之○諭軍機大臣等前

高宗實錄卷一百三十三

十一

據江西按察使歐陽永禱奏饒州贛州二郡蓄有婢女之家多至老不得配偶者請以二十五歲為限不許逾期一摺當經部議准行矣女子二十而嫁著諸禮經雖婢女屬在卑賤亦應及時配偶乃向來江西富家蓄婢因自幼養成慣於指使遂致指留服役逾期不得婚配實為惡習雖從前業經查禁但恐日久玩生積習未除著傳諭陳准留心訪察該省現在有無此等陋習即查明嚴禁再江西

向有溺女之風最為殘忍亦曾屢經飭禁並著該撫查明如尚有此等相沿惡習即據實查辦一併嚴行禁止俾士民家各知稟遵毋得仍蹈前轍以副惇化施仁至意○軍機大臣等議奏吉林黑龍江及巴里坤等處遣犯脫逃定例按照名數將佐領防禦驍騎校遞加罰俸處分第各該員均屬旗人非若地方文武可以選役驪緝近來吉林等處遣犯節年報逃無獲各該員處分日積得俸無期而於緝捕仍無實濟臣等酌議與其徒加承緝督緝處分仍無緝捕之實莫若加重疎脫處分俾平時嚴加管束脫逃後亦知認真搜捕請嗣後吉林黑龍江及巴里坤並各省駐防均無庸照新定例辦理其疎脫處分於向例應鞭責者加倍鞭責應罰俸者加倍罰俸從之○庚戌

高宗實錄卷一百三十三

十一

上還圓明園 諭前因特成額於薩邁林一案辦理未協將伊革職即留該處効力贖罪現

在薩邁林之事業經辦竣特成額尚可施恩寬宥著賞給副都統銜授為領隊大臣前往伊犁更換訥音來京○辛亥旌表守正被戕湖北房縣民李應儒妻高氏

實錄卷之二十四

七

大清高宗法天隆運至誠先覺體元立極敷文奮武孝慈神聖純皇帝實錄卷之一千四百十二

大清高宗法天隆運至誠先覺體元立極敷文奮武孝慈神聖純皇帝實錄卷之一千四百十三

駐劄總管經筵講官太子太傅文淵閣大學士文淵閣領閣事領侍衛內大臣稽察欽奉 上諭事件處管理吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂總管經筵講官太子太傅文華殿大學士文淵閣領閣事稽察欽奉 上諭事件處管理刑部戶部工部事務世襲騎都尉軍功加九級隨帶加一級又加二級臣董誥內大臣戶部尚書鑲藍旗滿洲都統軍功紀錄五次尋常紀錄十四次臣德瑛經筵講官太子少保工部尚書紀錄六次臣曹振鏞尋奉

敕修

乾隆五十七年壬子九月壬子諭曰吉慶奏

實錄卷之二十五

十

濟南等府屬州縣夏雨稍愆秋收未免歉薄現屆開徵之期應徵漕糧田多大戶尚易交納田少畸零小戶完納稍形竭蹶等語本年東省臨清德州等州縣前因得雨稍遲補種晚禾未能一律豐收業經降旨將應徵新舊錢糧及五十五六兩年因災緩徵漕糧俱著緩至來年次第徵收以紓民力茲復據奏各該處本年應徵漕糧無論大戶小戶一併照數完納民力究形拮据自應暫緩徵收用

示體恤。所有原報歉收之歷城、齊河、禹城、陵縣、臨邑、德平、濟陽、聊城、茌平、清平、莘縣、館陶、冠縣、范縣、觀城、朝城、東阿、陽穀、壽張、樂陵等二十一處。及與歉地毗連之長清、齊東、惠民、商河、蒲臺、濱州、陽信、堂邑等八處。除田多大戶。應完漕糧。照舊徵收外。其畸零小戶。本年應完漕米。著再加恩。緩至來歲秋成後。徵收搭運。以恤民艱。該撫務須董飭所屬。實心妥辦。俾災黎均霑實惠。以副朕廑念民依有加無已至意。該部即遵諭行。○又諭據吉慶奏。本年山東鄉試諸生。年屆八十以上者。劉家修等五名。俱三場完竣。未經中式。等語。諸生等年臻耄耋。猶能踴躍觀光。洵為藝林盛事。所有年在八十以上之歲貢生劉儒鈞。生員劉家修、張懷禔、劉其倬、郭瑛。俱著加恩賞給舉人。准其一體會試。以彰壽世作人至意。○又諭據伍拉納奏。拏獲竊糾天地會匪首夥各犯。審明分別辦理一摺。已交軍機大

臣會同法司。覈擬。照該督所奏辦理矣。此案先據該督奏。拏獲陳蘇老等一百三十二名。今又據續獲首夥各犯九十五名。共獲犯二百二十七名。經伍拉納於審明後。恭請王命。分別凌遲斬梟者一百一十九犯。請即行正法者三十九犯。其餘六十九犯。均請發黑龍江。給索倫達呼爾為奴。細閱案內各犯陳蘇老、蘇葉二犯。係臺灣案內漏網餘匪。膽敢改設會名。糾黨搶掠。甚至截奪文報。戕害驛夫。實屬不法。已極。伍拉納督飭所屬。究出首夥各犯。審明分別辦理。所辦尚是。惟是閩省漳泉等處。民風刁悍。當屢經懲創之後。而匪徒等尚敢不畏法。仍敢糾會逞兇。今經拏獲。審明。自不得不按律辦理。但凌遲正法之犯。至一百五十餘名。人數較多。朕心實有所不忍。此等莠民犯法。固屬孽由自作。但該處地方官。如果平日實心化導。將王法之宜畏身家之宜保。一經犯法。斷無倖逃之理。隨時董勸。

明白曉諭。則潛移默化。自可以消其不馴之氣。而生其向善之心。今乃弊俗相仍。其犷悍之習。並未悔改。以致釀成巨案。駢首就誅。固由地方官不能開導。顯蒙所致。朕未能道之以德。不得不齊之以刑。亦且引以為愧。嗣後該省大小各員。身任封圻。職司牧令者。皆有教化斯民之責。務須剴切勸諭。俾愚民各知畏法保身。免罹重辟。勿以得情為喜。庶民氣可馴。淳風可復。以副朕訓迪蚩氓。哀矜之至意。

○又諭此次福康安等督兵進剿廓爾喀。深入賊境七百餘里。瘴雨蠻烟。氣候惡劣。將弁官員兵丁等。間有染病身故者。殊堪憫惻。著福康安等查明此項在軍營病故官兵。造冊咨部。俱加恩照軍營傷亡之例一體議卹。該部知道。○諭軍機大臣等。此次廓爾喀遣大頭人恭進表文。呈獻方物。並請定貢期五年一次。表文極為恭順。懇至。實係惻伏軍威。傾心向化。經福康安等堅明約束。准其納款。

歸誠。藏局已為完善。但廓爾喀所遣頭人。雖經福康安等面諭准降。其進獻表貢之大頭人。到京後。回至該處。尚需時日。恐該酋長不免心懷疑慮。福康安應先作檄諭。以爾部落前蒙大皇帝恩施。施封爵。至為優厚。此次因邊界細故。肆行滋擾。罪無可逭。本應蕩平爾境。念爾酋長畏威悔罪。屢差人籲請歸誠。稟繳前搶扎什倫布物件。送出沙瑪爾巴骨殖。徒眾。又遣大頭人進獻表貢。不敢仍前私立合

同。及停止行使廓爾喀錢文。其濟龍向給鷹馬。永不索取。并將五輩達賴喇嘛管轄之扎木地方。仍歸西藏。本大將軍已據情代奏。蒙大皇帝念爾誤聽沙瑪爾巴唆使。未覩天朝兵威。妄生弊端。仰體

上天好生之心。赦爾前罪。准爾納表進貢。保全合境生靈。爾酋長拉特納巴都爾。暨爾叔巴都爾薩野。當倍加感恩。以期永受恩施。至爾酋長等。前蒙得受王公封爵。本當革除爾

具奏乞哀。卑辭貶損大皇帝亦赦爾罪。有旨嗣後表章文稟。准仍照繕王公封號。俟所差大頭人到京。大皇帝再行優賚。另賜勅書。至熱索橋以外之協布魯東覺博爾東拉。噶勒拉堆補木。帕朗古等處。俱係大兵攻克地方。本應即以此為界。今念爾悔罪投誠。仍行賞還。其聶拉木。濟龍。宗喀原係藏地。經大兵收復。非如前此講和退還可比。嗣後不得藉詞牽涉。爾歸出之扎木地方。係五輩達賴喇嘛管轄。應仍歸後藏。不准再有侵越貿易一事。亦照前旨停止。俟爾貢使順道過藏。憑公交易。福康安務須明白曉諭。於撫綏安輯之中。仍寓堅明約束之意。庶該酋長畏威懷德。可保邊境敉寧。再扎木地方。應派唐古忒兵駐守。並遣派第巴戴綱管理。即歸聶拉木將領兼轄。將來駐藏大臣等巡邊之便。一體稽查。此次善後事宜。節經降旨交福康安等公同商辦。但福康安孫士毅事竣。即應回京。惠齡亦

當回四川本任。一切章程全在和琳隨時辦理。和琳務宜學畫周詳。事事盡善。方為無負委任。再廓爾喀送出沙瑪爾巴骨殖。前有旨令於前後藏及察木多一帶大寺廟懸掛號令。今思藏內寺廟如布達拉扎什倫布等皆為吉祥佛地。未免喇嘛等見為不祥。竟當在前後藏及察木多一帶通衢大站地方懸掛號令。俾喇嘛番眾觸目警心。較為妥善。○癸丑。諭曰。穆和蘭。秦。河南省鄉試諸生。年八十以上者。張玉顯等六人。俱三場完竣。未經中式等語。該生等年踰耄耄。踴躍觀光。洵為藝林盛事。張玉顯。王潤牛。溥。姬儒楷。李恪王二曜。均著加恩賞給舉人。准其一體會試。以彰壽世作人至意。○諭軍機大臣等。據李奉翰奏收蓄湖水情形一摺。內稱。微山一湖。兼濟江南運道。現在啟放各閘。廣為收納。前次已經收至一丈二寸。今又陸續長水四寸。共存一丈六寸等語。微山湖水藉資濟運。全在乘

時收蓄寬裕。來春重運。經臨方足以敷宣濟。向來定誌。應收水一丈一尺。近年以來。有收至一丈三尺者。是以重運俱得通行。無阻本年東省雨水較少。來年運道尤藉湖水接濟。今蓄水僅止一丈六寸。較之近年定誌尚少二尺有餘。恐不足以資濟運。著傳諭李奉翰。務須酌量情形。廣為收蓄。俾湖水充盈。新漕足資浮送。方為妥善。○旌表守正捐軀雲南建水縣民王貴妻李氏。○甲寅諭軍機大臣

曰。英善奏。審明粵東民人曹秉和等在奉節縣地方。用紙扇淨水。妄稱消災惑眾。分別定擬一摺。已批交該部議奏矣。至摺內稱曹秉和一犯。現據華陽縣具報在監病故等語。尚不可信。曹秉和前在原籍。見伊妹巫曹氏患病。求神有應。即起意串同捏詞哄騙。得受錢米。已屬不法。復敢前赴川省。誘惑鄉民。因被鄉民唐萬善識破。輒與爭鬧。實為此案首犯。按律應擬絞正法。該犯自知法在不宥。恐有

畏罪自戕等弊。因而該縣規避處分。捏稱病故。不可率據該縣具報。即行憑信。華陽縣係該省首縣。近在省會。該藩司曾否親往查驗。摺內未據聲敘。著傳諭英善。如於該縣具報後。未經親驗。務宜確切訪查。驗明該犯屍身。有無自戕別故。據實辦理。毋任稍有捏飾。○轉理藩院右侍郎博興。為左侍郎。授奎舒為右侍郎。○乙卯諭滄州駐防兵丁並無緊要差務。所有原設馬一百五十匹。亦著裁去一

百匹。止留五十匹。足敷差操之用。其所裁馬匹。亦著梁肯堂就近撥給綠營兵丁。抵補額缺。以省買補。○諭軍機大臣等。戶部議覆陳用敷奏。將所收小錢儘數供鑄。停買滇銅一摺。已依議行矣。各省查禁小錢。前經諭令該督撫於民間呈繳時。量給價值。俾小民不致賠累。今陳用敷奏。自通飭辦理以來。百姓踴躍樂從。紛紛呈繳。其所收小錢。足敷配搭改鑄。請停買滇銅一年。如此辦理。在粵西既得

多獲餘息。免長途領運之勞。而滇省少撥此項銅。並可留供他省採買。實為兩有裨益。廣西係屬邊省。行之尚有成效。其餘各省分呈。繳自必更多。何以未據將是否足數。改鑄停買滇銅之處奏及。可見並未實力遵辦。著傳諭各督撫。即一面仿照廣西省辦理。一面將收繳小錢。共有若干。及作何配用。是否足敷鼓鑄。停買滇銅之處。據實覆奏。○又諭前據福康安等奏。廓爾喀遣大頭人進表納貢。於方物之外。另備馴象五隻。因思此次辦理廓爾喀。命福康安等統率大兵。聲罪致討。原為保護衛藏起見。今該部落既悔罪輸誠。額懇納貢。現在京城象隻。儘數陳列儀仗之用。而藏地向無象隻。著傳諭福康安。即傳旨賞給達賴喇嘛。班禪額爾德尼。各一隻。其餘三隻。緩程送京。俾前後藏僧俗。番眾常觀邊方貢物。更足以肅觀聽而壯聲威。○封閉雲南開化府屬三家銀礦。從雲貴總督富綱請也。

○丙辰。諭軍機大臣曰。梁肯堂奏請修駐防兵房一摺。內稱雄縣駐防兵房一百間。教場房三間。建自康熙十二年。曾於乾隆二十六年。動項興修。迄今三十餘年。因屢被雨水衝淋。坍塌虧朽。應急為修理等語。此項兵房。建自康熙十二年。至乾隆二十六年。計相隔八十九年之久。始行興修。自二十六年迄今。僅三十一年。何以又需修葺。此必係從前承修之員。辦理不能堅固如式。以致易於坍塌。抑或康熙雍正年間。曾經修過。該督摺內未經聲明。礙難覈辦。已用硃筆點出。梁肯堂尚屬曉事。何以於指出各情節。俱未詳悉聲敘。豈非自露罅隙。著傳諭該督。即將此項官房。是否因二十六年分修葺。未能堅固。及康熙十二年以後。曾否修過之處。詳細查明。據實覆奏。勿再含混。○刑部議奏。洋盜案內擬發回疆。及黑龍江為奴等犯。發遣後恐復為匪。滋事。自應永遠監禁。惟此等監滿三年應發之

犯沿海各省多有若概永遠監禁未免壅積臣等酌議請將案犯內情有可原除犯罪在本年二月奉旨以後者俱擬斬監候永遠監禁其犯在定例以前擬發回疆及黑龍江等處人犯改發黑龍江給打牲索倫達呼爾為奴監禁已滿三年者解部發遣未滿者限滿發遣從之○丁巳軍機大臣等議覆署兩廣總督郭世勲奏稱遂溪縣屬之涸洲海島四面大洋颶風猛烈如建蓋兵房難期經久且礁石鱗列戰船亦難灣泊請將前督臣福康安奏請酌撥守備千把等員弁兵三百名移駐之處毋庸辦理惟應於海安龍門兩協營水師額兵內各撥一百五十名每月責成該協營副將遊擊飭令千把外委各一員帶目兵各七十五名配駕哨船會赴涸洲更番巡巡如能拏獲盜匪分別陞賞倘有失事並私赴涸洲燬船汲水即將管駕之弁兵及該管副將遊擊一併叅處其涸洲東南之斜陽一

島距該處僅三四十里一體責令順帶巡查均應如所奏從之○吏部議奏邊省烟瘴各缺例嚴規避此案署咸陽縣知縣張廷杰推陞廣西慶遠府同知該撫秦承恩並未飭速赴任復會同該督勒保奏請留陝實為屬員規避遠省應將秦承恩降二級調用勒保降一級調用廣西巡撫陳用敷並不候部行知遽咨陝省亦屬不合應降二級調用均無庸查級議抵得旨此案張廷杰業經推陞後其廣西慶遠府同知一缺陳用敷先行揀員奏補並不候部知照冒昧移咨而秦承恩既未飭令該員即赴新任接到粵省咨會復行奏請留陝補用顯係為規避邊缺起見其咎較重陳用敷秦承恩俱著改為革職留任勒保究係會銜具奏其過尚輕著降一級從寬留任以示區別○禮部議准廣西巡撫陳用敷奏稱粵西鄉試房考例設十員該省巫倅州縣員缺無多若須湊足十房必致濫竽充數

查該省與雲貴省分相等。應試人數多寡亦不甚懸殊。應照雲貴例。裁去二員。定為八員。自下科為始從之。○戊午。豁除浙江台州衛。坍沒田一項五十畝。有奇。額賦。○己未。鴻臚寺奏。新授外任各官。例應赴寺謝恩。請將屢傳不到之楊懋德等員。照例議處。得旨。楊懋德等著交部議處。至新授外任官員。例應赴闕謝恩。如經鴻臚寺出示傳知。竟逾違不到。殊非敬事服官之道。嗣後外任官員。於領憑

前著吏兵二部。即查明該員。如未經謝恩。即劄知吏兵二科。不准給憑。如查係有心違誤不到者。竟應據實叅奏。從重議罪。以示懲儆。至鴻臚寺衙門。於官員呈報謝恩。該書吏等或因需索使費。有意延擱。亦所不免。如有此等情弊。即准各該員等自行呈明。查究辦理。以昭覈實。○庚申。

上御勤政殿聽政。○吏部議奏。浙江巡撫福崧。請將西塘海防同知袁秉貞陞署杭州府知

府。實屬違例。濫奏。應將該撫革任。得旨。此案福崧以未經實授之同知。遽請陞署。例應請旨補放之首府。且該員有罰俸十七案。摺內亦未聲明。違例濫行奏請。其過甚大本。應照部議革任。但未便以此一事。遽行更換巡撫。福崧姑從寬免其革任。仍註冊著罰養廉一年。以為徇情違例濫奏者戒。○辛酉。諭據富尼善奏。審明回子托虎塔毆傷胞兄邁瑪特額。則斯身死一摺。著照所奏。即行正法。新疆

回子。歸化有年。應諳悉內地法紀。今托虎塔毆死胞兄。即應按照內地例案。辦理富尼善既將該犯問擬立決。又援引回疆捐金贖罪條款。摺內並稱我內地之例。彼回子之例。尤不成話。回子等均屬臣僕。何分彼此。富尼善甚不曉事。著嚴行申飭。嗣後遇有似此緊要事件。均照內地成例辦理。並飭新疆大臣等一體遵辦。○浙江巡撫福崧疏報龍泉縣乾隆五十六年分開墾積荒田五項九十畝。有

奇○壬戌

上詣

大高殿

壽皇殿行禮○還宮○癸亥

李慈高皇后忌辰遣官祭

福陵○諭軍機大臣曰福崧奏秋汛安瀾塘工

穩固一摺內稱紹興府屬之蕭山縣境內因

本年江湖較大該處土石各塘間有坍塌節

經飭辦完竣惟荷花池張神廟閘家堰三處

工程坐當頂衝屢鑲屢墊形勢險要現飭該

府上緊搶築借項趕辦並將海塘購辦柴薪

就近截留應用等語海塘工程向來宜於南

坍北漲若北坍南漲塘工即不免著重今江

湖大溜趨向蕭山縣境此或南坍北漲之漸

自係好機會何以該撫又稱荷花池等處形

勢險要須借項搶築是北坍南漲既需修築

塘工以資保衛杭城而南坍北漲又不免於

紹興一帶另興工作江湖大溜斷不能使之

直趨中豐若如該撫所奏則塘工修建竟無

已時或係地方官藉詞興工以為開銷地步

亦未可定福崧所奏殊未明晰著傳諭該撫

即將現在溜勢既向南趨因何蕭山縣境荷

花池等處又需借項搶築之處據實覆奏並

詳細繪圖貼說呈覽○旌表逼嫁捐軀江蘇

陽湖縣民潘某妻鄭氏○是日起

上以孟冬享

太廟齋戒三日○甲子諭據姜晟奏本年湖南

鄉試諸生年屆八十以上者單士拔等六名

七十以上者秦沅等四名俱三場完竣榜發

未經中式等語該生等年臻耄耋猶能踴躍

觀光三場完竣洵為藝林盛事其年在八十

以上之副榜黃佑啟貢生唐紫瑞黃敦敏李

如湘增生胡述發附生單士拔俱著加恩賞

給舉人准其一體會試其年在七十以上之

貢生秦沅尹見瓏廩生唐綢傳附生孟光淳

俱著加恩賞給副榜以彰壽世作人至意○

乙丑

孝敬憲皇后忌辰遣官祭

秦陵○諭朕恭閱

聖祖仁皇帝實錄內載前任福建總督范承謨雲貴總督甘文焜遇吳三桂耿精忠二逆之變抗節不屈殉難捐軀忠蓋深堪嘉憫因命查該二臣殉節後所得卹典范承謨甘文焜俱贈尚書並廕一子入監此等封疆死事之臣雖非効命行間臨陣捐軀者可比但當逆

李三才

十一

豎盜兵偏隅煽惑致命遂志勁節不回實有合於成仁取義之道其身雖已仰邀贈卹而其子僅廕以入監尚不足以勵臣節而慰忠魂即使其子孫等能承世業疊繼簪纓但所膺官秩祇能及身而止而其祖父忠貞之澤究不能流傳勿替非賞延於世之義前因滿漢軍功應得世職人員襲次已完者仍賞給恩騎尉俾其子孫永遠承襲所有范承謨甘文焜子孫亦著照此例各賞給恩騎尉世襲

李三才

十一

因替其有現任職官者即准其兼襲此外尚有似此殉節諸臣並令軍機大臣會同部旗查明原有世職因替者毋庸另行賞給外其並無世職者均著一體賞給恩騎尉以為蓋臣効節者勸○是月湖廣總督畢沅奏荊州府城工告竣得旨諸凡皆妥欣慰覽之○山東巡撫覺羅吉慶奏德州等處夏間得雨鄉民種豆甚少請將各糧戶應交黑豆不拘小米黑豆均收報聞○陝西布政使和寧奏咸陽臨潼渭南災五分長安乾州災六分武功興平災七分均因大路糧多糴食稍易無論正賑加賑銀米兼放其涇陽三原高陵蒲城韓城災七分醴泉災八分係偏僻地方糧食較少應請正賑全支本色加賑仍銀米兼放不敷飭隣邑撥濟倉糧得旨諸凡皆妥仍應查察俾受實惠

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十三

實錄卷之一千四百十三

十

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十四

監修總纂官是豫官太子太傅文淵閣大學士文淵閣領閣事領侍衛內大臣稽察欽奉 上諭事件處管理

文淵閣總纂官是豫官太子太傅文淵閣大學士文淵閣領閣事稽察欽奉 上諭事件處管理

稽察欽奉 上諭事件處管理

稽察欽奉 上諭事件處管理

稽察欽奉 上諭事件處管理

秋修

乾隆五十七年壬子冬十月丙寅朔享

太廟

上親詣行禮○遣官祭

永陵

福陵

昭陵

昭西陵

孝陵

孝東陵

景陵

泰陵。

泰東陵○遣官祭

孝賢皇后陵。

端慧皇太子園寢○頒乾隆五十八年特憲書○順天府行鄉飲酒禮○諭前據梁肯堂奏請修雄縣駐防兵房一摺恐係從前承修之員未能堅固如式當經降旨飭查茲據該督覆奏此項兵房的係於康熙十二年建蓋乾隆二十六年續修今已坍塌剝壞其續修

工程自不及初建之堅固如式前經防守尉阿爾景阿移會委員驗看屬實所有估需銀一千八百兩零請先在司庫動撥趕修其二十六年動用之項著落前任雄縣知縣李賊家屬名下照數追賠等語駐防兵丁官為建蓋房屋俾資棲止免其自行租賃已屬格外恩施該兵丁等即當視同己業加意愛護或遇有水火之災人力無從防護如從前荊州滿營被衝及本年熱河沙隄一帶猝被山水

者原不惜帑金為之另行建葺若不過每歲風雨飄搖稍有滲漏殘損該兵丁自應隨時黏補免致歌傾豈得視為傳舍任其年久塌壞迨難以棲止又請官為辦理似此屢圯屢修帑項虛糜伊於何底況即如京城滿兵惟健銳火器二營並八旗之新舊營房及圓明園之八旗營房俱係官為建蓋此乃特恩其餘八旗親軍護軍馬甲步軍等俱無官給房屋伊等亦止藉錢糧各行租賃並未見其露處是各省駐防得有官房居住較之八旗兵丁等已屬從優何得不知愛護致令塌壞率請官修除雄縣兵房即照該督所請著落前任知縣李賊家屬名下如數賠修外防守尉阿爾景阿平時不能留心查察一任兵丁等將房屋殘損且不報所管大臣即行文地方官甚屬乖張著罰俸三年以示懲儆嗣後京中各營及各省駐防如該營原有生息銀兩可以動用者所居房屋實在年久歌傾尚可

准其各自動項修葺。若並無存公銀兩之營分。不得擅動官項。率請興修。以歸覈實。梁肯堂所辦差錯。著該部察議。○丁卯。

上御乾清門聽政。○諭。昨因梁肯堂奏稱。雄縣駐防兵丁住房。數燬。該防守尉阿爾景阿。咨行地方官。該地方官並未詳查。率據咨文。估計。動項修理。業經另降諭旨。將該防守尉。知縣。分別辦理。以示懲儆。矣。但防守尉之職。不過教管本城兵丁。遇有事件。理應詳報該管

大臣辦理。今修理雄縣駐防兵丁住房。該防守尉阿爾景阿。並未詳報該管護軍統領富銳。輒咨行地方。甚屬任意。看來非安分之人。不可仍留此任。阿爾景阿。著即撤回。查伊原由。何任陞遷者。著仍在原任上行走。該管護軍統領富銳。並未查出此事。亦有應得之咎。現在富銳前往稽查所屬各城駐防之官員兵丁。俟伊回京時。詢問明白。另行辦理。將此通諭各駐防將軍大臣等。嗣後嚴行約束。所

屬官員兵丁。如有旗民相關人命及盜案事

件。仍照例會同地方官審訊辦理。除嚴行約束官員兵丁。毋任伊等與地方官民人交結往來外。其將軍大臣等。如非緊要事件。亦不可濫行干與地方事務。咨行文書。○又諭。向來哈密地方所屬屯田。俱於發往伊犁烏魯木齊兩處遣犯內。截留種地。年滿後。再行分別送往原定配所為民。及當差為奴。但該遣犯等。原犯情罪輕重不同。若不定以區別。則

情罪較重之犯。俱可就近截留。一經種地。年滿。即可僥倖安插為民。未免啟避重就輕之弊。不足以示懲儆。除此次塔琦等所奏各犯。查係照例辦理。如所請行外。嗣後該處應留種地遣犯。如原犯情罪本輕者。方准截留。其情罪較重者。概不得截留。以歸覈實。而杜弊混。○又諭。曰。長麟奏。山西省本年鄉試。年逾八十之宋守祀等五名。俱三場完竣。未經中式等語。宋守祀等年臻耄耋。踴躍觀光。洵為

藝林盛事。所有年屆八十以上之副榜宋守祀。王克惠。王夢熊。生員段芳洲。薛生麟。俱著加恩賞給舉人。准其一體會試。以示壽世作人至意。○又諭曰。長麟奏歸化廳民人楞三恐嚇伍把什。自縊身死一案。覈其情節。楞三以流寓乞丐。貪圖酬謝。允許王元。代訪剽墳賊匪。即誣指喇嘛長木素為正賊。及被喇嘛伍把什控告。妄以同受夾棍之言。向其恐嚇。以致伍把什自縊身死。該撫將楞三問擬軍罪。不足蔽辜。楞三著發往伊犁。給厄魯特為奴。以示懲儆。餘著照該撫所擬完結。○諭軍機大臣曰。色楞所遺盟長員缺。著沙拉扣肯補授。其所遺副盟長。著策伯克扎布補授。沙拉扣肯現有該處台吉控告勒索屬下之案。例應議處。念其平素尚屬奮勉。特加恩補授盟長。著傳諭伍彌烏遜。曉諭沙拉扣肯。嗣後當痛改前非。愈加奮勉。如以此次並未治罪。遂至恣肆。是深負朕恩。自取罪戾。即著伍彌

烏遜嚴查參奏。至沙拉扣肯之姊齊齊。呈懇將伊子布揚什克。撥出沙拉扣肯旗分。即照所請辦理。○吏部奏。嗣後各地方官。拏獲鄰境巨盜。及行刦首犯。并糾夥行竊。在數十人以上。臨時緝毆事主之案。經該上司奏准送部引見者。均由臣部查明該員本任果無未獲逃盜。議准題覆。若所獲之犯。祇係行竊拒捕。或劫案餘盜。以及命案逃犯。止准聲請議叙。不准送部引見。得旨。此奏是。依議。○以祭酒瑚圖禮。奉天府府尹岳起。為內閣學士。兼禮部侍郎。○旌表守正捐軀江蘇陽湖縣民潘大士妻鄭氏。○戊辰。諭軍機大臣曰。拉特納。巴都爾等。屢次差頭。日赴營。哀懇投誠。進表納貢。情詞俱為恭順。是以准其乞降。今又差人呈送犒軍食物。並求伺候福康安等。直至前藏。看此情形。實屬真心。悃伏。出於至誠。非特目前藏功完善。並可保邊境教寧。衛藏無事。至濟龍。聶拉木。宗喀等處。向來原有唐

古忒兵丁駐守防禦。皆因俘習渾等。平時廢弛。不加訓練。以致怯懦無用。見賊退避。目下邊界既不駐川兵。藏地事宜。皆係和琳責任。仔肩更重。所有原駐唐古忒第巴番兵。務須於巡邊時勤加操練。認真稽查。俾去怯懦。積習。其應如何分撥派駐及稽察訓練之處。並著悉心妥辦。以期永遠遵循。再前據福康安奏。廓爾喀差大頭人第烏達特塔巴等齎送表貢。於八月初八日到營等語。其於何日自

帕朗古派員伴送起程之處。未據奏及。或係福康安等候諭旨到日。再令起程。亦未可定。計此旨到時。福康安等早抵前藏。前已有旨令福康安飛飭伴送之員。於途次趨行。著再傳諭福康安。如該貢使業已起程在途。務須飛檄委員。如緊行走。所有貢物。除象隻馬匹。本令緩程行走。此外如有沉重物件。亦不妨隨後送京。以便貢使遄行。能於年內到京。俾隨朝鮮各國之後。瞻仰朝儀。方為妥善。即或

不能。亦務令於燈節前到京。以便宴賚。再福康安等奏。廓爾喀差出頭人稟稱。欲令貢使過藏時。謁見達賴喇嘛。班禪額爾德尼。叩頭請罪。並於准降後。擬遣人赴藏。呈遞哈達土物等語。拉特納巴都爾。欲令來使謁見達賴喇嘛等請罪。亦足見其悔過之心。至伊呈送達賴喇嘛等哈達土物。和琳應告知達賴喇嘛等。酌量收存數件。勿虛其意。仍加倍酬給回賞。不可為廓爾喀所輕。再此事藏功完善。

御製十全記一篇。以志武成十告。現今繕寫四體字。俟繕寫完竣。再行發交和琳酌量於聖祖御碑之旁。豎立。或另相地勢。建蓋碑亭。以昭武功。而垂久遠。○

御製十全記。曰。昨准廓爾喀歸降。命凱旋班師。詩有十全大武揚之句。蓋引而未發。茲特叙而記之。夫記者志也。虞書朕志先定。乃在心。周禮春官掌邦國之志。乃在事。旅獒志以道。寧則蕙心與事而言之。然總不出夫道。得其

道乃能合於

天以冀承乎

貶則予之十全武功庶幾有契於斯而可志以記之乎十功者平準噶爾為二定回部為一掃金川為二靖臺灣為一降緬甸安南各一即今二次受廓爾喀降合為十其內地之三叛么膺弗屑數也前已酉廓爾喀之降蓋因彼擾藏邊界發偏師以問罪而所遣鄂輝等未宣我武已忠乃遷就完事致彼弗懼而去

歲復來以致大掠後藏飽欲而歸使長此以往彼將占藏地嚇衆番全蜀無寧歲矣是以罪庸臣選名將勵衆軍籌儲餉福康安等深感朕恩弗辭勞苦於去歲冬月即率索倫四川降番等精兵次第由西寧冒雪而進今歲五月遂臨賊境收復藏邊攻克賊疆履線險如平地渡溜要若蹄涔繞上襲下埋根批吭手足胼胝有所弗恤七戰七勝賊人喪膽及兵臨陽布賊遂屢遣頭人匍匐乞降將軍所

檄事件無不謹從而獨不敢身詣軍營蓋彼去歲曾誘藏之噶布倫丹津班珠爾等前去故不敢出也我武既揚必期掃穴犁庭不遺一介亦非體

上天好生之意即使盡得其地而西藏邊外又數千里之遙所謂不可耕而守者亦將付之他人乃降旨允降班師以藏斯事昔唐太宗策頡利曰示之必克其和乃固廓爾喀非頡利之比番邊殊長安之近彼且乞命願思准之不暇又安敢言和乎然今日之宣兵威使賊固意求降歸順實與唐太宗之論有所符合昔予記土爾扈特之事於歸降歸順已悉言之若今廓爾喀之謝罪乞命歸降歸順蓋並有焉以其悔過誠而獻地切也迺知守中國者不可徒言偃武修文以自示弱也彼偃武修文之不已必致棄其故有而不能守是亦不可不知耳知進知退易有明言予實服膺弗敢忘而每於用武之際更切深思定於

志以合乎道。幸而五十七年之間。十全武功。豈非

天貺然。

天貺逾深。予懼益切。不敢言感。惟恐難承。兢兢

惶惶。以俟。

天眷為歸政全人。夫復何言。○以奉天府府丞福保為府尹。○己巳。

上御懋勤殿。勾到奉天。福建情實罪犯。停決奉天斬犯二人。絞犯三人。福建斬犯八人。絞犯

九人。餘七十四人。予勾。○諭本日據吉慶奏請陞見。已於摺內批准矣。但思現在正屆各省勾到之期。所有情實人犯。俱禁在司監。雖有臬司專管。該撫究應在省彈壓稽察。吉慶著俟接准勾到部文。辦理完竣後。再行來京。陞見。嗣後各省督撫臬司。有准令陞見者。若距秋審勾到之期不遠。俱著俟辦理完竣後。再行起程來京。以昭慎重。○賑卹河南安陽。湯陰。涉縣。新鄉。輝縣。淇縣。延津。滑縣。濬縣。原

武陽。武林縣。武安。汲縣。獲嘉。修武等十六縣。本年旱災貧民。蠲緩新舊錢糧倉穀。及應徵漕糧。並借給籽種銀兩。○封閉遼陽州窑子峪煤窑二座。從盛京將軍宗室琳寧請也。○庚午。

上御太和殿視朝。文武陞轉各官謝恩。○諭曰。馮光熊奏本年貴州鄉試諸生內。年在八十以上者。杜大章等三人。俱三場完竣。榜發未經中式等語。該生等年臻耄耄。猶能踴躍觀光。洵屬藝林盛事。所有增生杜太章張瓊。附生陳盛恩。俱著加恩賞給舉人。准其一體會試。以彰壽世。作人至意。○辛未。諭軍機大臣曰。福康安等奏官兵撤回。現在協布魯地方。一摺。覽奏欣悅。前此大兵深入賊境。賊匪兩次令奸細暗中窺伺。幸而福康安等於軍營後路嚴密巡防。奸細即時拏獲。其東覺窺探賊人。亦經官兵放鎗擊退。是以震懾聲威。望風膽落。於屢次勦殺之後。即畏威悔罪。再四

顧懇投誠真心懾伏。皆福康安等所辦周到。深為可嘉。除該卡兵已經福康安等獎賞外。其首先盤獲之王大倫。竟著以千總用。並送部引見。東覺一路擊退窺探賊匪之侍衛色玉慎。業經福康安等奏陞二等侍衛。仍著賞緞一匹。以示獎勵。至協布魯地方擊獲奸細該賊匪始猶捏名狡供。因今前獲賊目崗噶勒塔則西認識質證。無從狡賴。始據供吐實情。是崗噶勒塔則西尚知畏法。不敢庇其黨

與福康安等曾否酌量賞給。是否已經遣回。或已起解之處。並著福康安查明具奏。尋奏。崗噶勒塔則西在軍營甚為出力。屢經酌賞。現在廓爾喀投誠。該賊目不便遣回。應請解京入於健銳營降番佐領下安插。且其人頗通廓爾喀文義。即可令其在京教習。以備通譯。得旨是。○壬申。

上御懋勤殿。勾到浙江陝西情實罪犯。停決浙江斬犯一人。絞犯六人。陝西斬犯六人。絞犯

二十一人。餘七十三人予勾。○諭曰。穆精阿熟諳刑名。調任吏部以來。亦屬勤慎。今患病溘逝。著加恩賞給銀二百兩。以示軫卹。所有吏部右侍郎員缺。著額勒春調補。其所署明興之刑部右侍郎事務。著松筠兼署。○諭軍機大臣等。本日勾到浙江省人犯內。該撫原擬緩決。經刑部改入情實者三起。一係郁三觀。因朱七觀與懷林氏通姦。賄屬該犯隱忍。嗣該犯復向索錢文。被朱七觀毆打。該犯輒用刀戳斃。並傷姦婦懷林氏。一係周富因糾夥去包掉竊。計贓逾貫。為害商旅。一係徐勝壽因衅起強借。毆斃婦女。理曲傷重。覈其情節。以上三案。均屬法無可寬。刑部所改。皆為允當。福崧不應錯誤。若此前因已延三辦理。奉天秋審。失出至六起之多。伊係屢經獲咎。棄瑕錄用之人。不知感奮留心。當將該侍郎交部嚴加議處。照擬革任。以示懲儆。今浙省失出者尚祇三起。是以不即將該撫交部議

處。但秋獻大典。理應悉心詳覈。豈容率意定擬。致有輕縱。福崧著嚴行申飭。嗣後該撫於地方刑名事件。務當倍加留心。詳慎妥辦。毋得再有錯誤。致干咎戾。○直隸總督梁肯堂奏。古北口駐防八旗。及各營兵米八千餘石。向例於該處理事同知倉內支放。其動缺倉穀。即令口外各屬買補。查現存倉米無多。應請於司庫地糧銀動撥八千兩。飭令平泉州採買米二千五百石。樂平建昌豐寧三縣。各買米一千五百石。赤峰縣買米一千石運交。以備來年支放。報聞。○癸酉。

上詣

雍和宮行禮。○諭曰。阿迪斯在鑾儀衛行走。祇屬照常供職。念伊係大學士阿桂之子。阿桂年逾七十。阿迪斯著加恩補授戶部侍郎。仍兼鑾儀衛使行走。以示體恤。○又諭曰。原任大學士范文程在國初時。勛庸懋著。其子范承謨。又殉難捐軀。令伊裔孫內。現無文職大

員。殊堪軫念。所有鄒奕孝工部左侍郎出差員缺。著加恩以范宜恒署理。○又諭曰。託倫春本年江西省鄉試諸生。年八十以上者。周經等六人。俱三場完竣。未經中式等語。該生等年臻耄耋。踴躍觀光。洵屬藝林盛事。所有年屆八十以上之周經。熊定飛。王聿中。黃鴻耆。王翼安。蕭經魁。俱著加恩賞給舉人。准其一體會試。以彰壽世。作人至意。○甲戌。

上御懋勤殿。勾到湖廣情實罪犯。停決斬犯十人。絞犯十八人。餘九十三人予勾。○諭本日召見新授山東沂州府知府徐如澍。看其人甚平常。奏對亦不能清楚。難勝方面之任。該員係由御史經都察院堂官保送京察一等。初次引見。經朕圈出。後令該堂官分別內外任時。該堂官即應詳加甄別。何得濫行保送外任。該衙門前此保送之御史恒溥。於簡放知府召見時。因其清語生疎。人亦平庸。特降旨令其仍回御史本任。並將該堂官交部察

議今徐如澍才具又復難膺外任。豈該衙門竟別無可保之員。何以率將此等循分供職之人。登之薦牒。徐如澍亦著仍留御史本任。並著都察院堂官明白回奏。所有山東沂州府知府。境接江南。亦甚緊要。著該撫於現任知府中揀選一人調補。所遺員缺。著祥林補授。○旌表守正捐軀直隸饒陽縣民李金聲妻牛氏。○乙亥。諭曰。浦霖奏。福建省本年鄉試諸生。有年屆八十以上者。陳際成等五名。俱三場完竣。未經中式等語。該生等年臻耄耋。踴躍觀光。洵為藝林盛事。所有年屆八十以上之副貢生陳際成。歲貢生黃城。生員葛日思。黃淑康。陳存遠。俱著加恩賞給舉人。准其一體會試。以彰壽世作人至意。○禮部奏。冬至節應行慶賀禮。得旨。今年冬至次日。著停止行禮。○以理藩院侍郎奎舒為鑲白旗蒙古副都統。○丙子。諭曰。秦承恩。秦陝甘兩省本年鄉試士子。年屆八十以上之王棟等

八人。俱三場完竣。未經中式等語。該生等年臻耄耋。猶能踴躍觀光。洵屬藝林盛事。所有歲貢生王棟。廩生常立。增生甯鳳集。附生張灝。姬景煊。張懷梁。復棠。王坤。善俱著賞給舉人。准其一體會試。以彰壽世作人至意。○又諭曰。觀成奏。遊擊李勝連。前經派委帶兵二百名。在大竹卡地方查拏夾壩。詎該遊擊令兵丁斫木蓋房。售與客民居住。又留藏蠻婦時常姦宿。請將李勝連革職。發往伊犁効力贖罪等語。李勝連係遊擊大員。經提督派赴裏塘一帶查拏夾壩。竟敢令兵丁斫木蓋房。售賣圖利。且引誘蠻婦留藏姦宿。當行軍之際。似此縱肆不法之員。自應按照軍法辦理。示懲。該提督僅擬以發往伊犁効力贖罪。殊屬失之輕縱。觀成著傳旨申飭。李勝連著即在該處正法示衆。以示懲儆。並傳各站員知之。永以為戒。仍著孫士毅。惠齡將此旨繕錄懸掛打箭壚外各驛站。俾站員等觸目警心。

咸知凜惕○又諭據恒秀等奏請借給寧古塔地方被雹旗民口糧并緩徵應納錢糧一摺今歲寧古塔城北蒙古峪二十九屯田苗被雹收成歉薄旗民生計不無拮据著如思自本年十二月初一日起至明年六月底止按照旗民大小戶口借給口糧以資接濟其應完糧石著展限三年完納官屯丁民本年應徵新舊穀石錢糧亦均著展限三年交輸○諭軍機大臣等據秦承恩覆奏前次開報糧價及收成分數聲叙錯誤一摺已於摺內批示該省米糧等項既稱耀州等處地居偏僻糧販鮮到榆林地多沙磧素不宜麥民間全仗小米糜穀買食等語是此項米穀為該處小民口食攸關每石價至三兩有餘已屬昂貴何得尚以價中開註秦承恩所奏仍不免於迴護此時亦不復再加詰詢惟所開收成分數清單內收成僅止五分以下各州縣雖前據和寧奏業經查明災分輕重分別賑

濟該撫自應將如何分別賑濟之處詳悉聲明乃所奏單內並未聲叙地方灾務糧價最關民瘼該撫於所報糧價始終迴護其歉收地方賑濟之事又未詳悉奏明秦承恩不應如此著再傳旨嚴行申飭○又諭濟隴地方於八月十六七等日連次降雪已至尺許況今年節氣較早月內即恐封山是以朕早經慮及降旨令福康安等於受降後即速撤兵茲大兵已於九月初間全抵濟隴此時自己早至前藏不致有凍阻之虞朕心始為稍釋此次廓爾喀不特備物輸誠向福康安等軍營呈送牛羊酒米等物備犒官兵即成德一路亦呈送牛羊米食等項可見其真心懾服恭順實出至誠福康安等所奏酌留兵一百餘名在熱索橋暫駐之處竟可不用至所稱廓爾喀貢使已派侍衛珠爾杭阿等於九月初三日帶同起身計該貢使起程日期距臘底尚有一百十餘日儘可趕到其所進貢

品內馴象番馬。本令緩程行走。其餘沉重物件。昨已有旨令福康安酌減。隨後送京。以便貢使過行。但樂工一項。必須隨貢使一同趕到。庶年節宴會。使朝覲各國。共聆異方傑侏。更足以備太常而昭武烈。福康安等摺內。祇稱該貢使及隨從人等起身日期。而於樂工是否可偕貢使於年內到京之處。未經叙及。著傳諭福康安。如樂工係隨貢使同行。則已若係落後。即著孫士毅和琳。於該樂工行祇何處。即另派妥員飛速伴送。以便與貢使一同於年內到京。方為妥善。至此次藏內用兵。烏拉一切。皆係發帑給價。並未絲毫累及商上。而各番寨經兵燹之後。元氣未能驟復。福康安請將應納錢糧酌免一兩年。所見甚是。但向來駐藏大臣類多闊冗。一切置之不問。不過三年閒住。得潤囊橐。班滿即可回京。惟聽達賴喇嘛親近及噶布倫等專擅輒行。並不關白駐藏大臣。以致任意妄為。屢滋衅端。

今經和琳到彼。實力整頓。諸事日有起色。並將噶布倫俱由駐藏大臣從公揀選。奏請補放。是藏內要務。俱聽駐藏大臣主事。一整從前積習。今酌免錢糧。修葺官寨。二事俱關緊要。自亦應駐藏大臣督辦。若僅告知達賴喇嘛。恐其見小糊塗。難保其必能遵行妥辦。此二事均交和琳等查明辦理。俾事權益歸畫一。更足以收實效。而資整理。又據和琳奏。廓爾喀所遣噶箕人等。親至布達拉謝過。一切應酬對答。必須詞嚴義正。方足以服其心。等語。此為最要。前據福康安等奏。該貢使於過藏時。謁見達賴喇嘛。並呈送哈達土物。已有旨令和琳告知達賴喇嘛。班禪酌量收存。如倍酬給回賞。不可為廓爾喀所輕。今和琳恐達賴喇嘛不諳事體。於接見貢使時。應對失當。趕回前藏。指教達賴喇嘛。所見與朕指示相同。但稱俟貢使起身後。再迎往前途督辦。此可不必。現在大兵已撤。後藏一帶。皆經和

琳籌辦妥協。無須迎往。此時當在前藏駐劄。與福康告孫士毅。惠齡會商善後各事。不必再往後藏。以省跋涉。○丁丑。諭軍機大臣等。本年直隸順德廣平大名三府。並保定河間天津等府屬州縣。因夏秋兩澤缺少。被旱成災。山東德州濟南一帶。間有被旱之處。晚禾未能趕種。河南彰德衛輝懷慶等府屬州縣。本年得雨稍遲。成災五六七分不等。安徽安慶鳳陽府屬州縣。夏間雨水稍多。低窪地畝。間被淹浸。又陝西咸寧長安等州縣。夏秋被旱較重。收成均未免歉薄。業經降旨。將直隸幾南一帶。及豫省被旱地方。截留漕糧。動撥銀米。分別賑卹。其山東安徽等省。亦將本年應徵銀米。並節年帶徵等項。分別緩徵停展。令該督撫實力查辦。以示體恤。第念各該處被旱被水地方。秋收既未豐稔。於明春青黃不接之時。民力究恐不無拮据。是否應需賑濟。及展賑幾月之處。著傳諭梁肯堂吉慶穆

和蘭未瑋秦承恩。即行體察情形。悉心履勘。據實覆奏。候朕於新正酌量加恩降旨。○予廣東電白等營出洋哨捕遭風淹斃之把總李大猷等三員。外委吳瑞川等三員。卹賞如例。○戊寅。

上御懋勤殿。勾到江西安徽情實罪犯。停決江西南斬犯八人。絞犯七人。安徽斬犯四人。絞犯九人。餘五十二人。予勾。○諭軍機大臣等。本日勾到江西省秋審人犯。內汪觀榮等一起。

因汪金普等。誤砍程學元墳墓。被其阻毆。隨喊令該犯等各用扁擔。將程學元等四人。戳斃。汪三其等。又將程定彩等四人。毆傷殞命。此案汪觀榮等七犯。逞忿故殺袒族四犯。各斃一命。法無可寬。業經擬行予勾。向來福建多有械鬪之風。而江西尚無其事。今汪觀榮等。以割草微嫌。輒率同族人。用擔毆戮。而程學元等。亦持擔互毆。閱其情節。人衆持械。彼此爭打。竟與械鬪無異。該省建昌廣信等府。

與福建接壤恐漸染閩省桀驁之習。不可不防其漸。著傳諭陳淮。務宜留心查察。潛移默化。勿使效尤。蹈械鬪惡習。以革兇暴而靖地方。○順天武鄉試。以翰林院侍讀學士吳樹本為正考官。翰林院侍讀陳崇本為副考官。○己卯諭曰。嵇璜年逾八十。精力不能兼顧。阿桂掌院已十有餘年。且亦年逾七十。所有翰林院掌院學士事務。著和珅彭元瑞管理。○又諭。據陳用敷奏。廣西省本年壬子科鄉試。有鬱林州學附生梁如炯。年八十五歲。三場完竣等語。該生年臻耄耋。踴躍觀光。洵為藝林盛事。梁如炯著賞給舉人。准其一體會試。以彰壽世作人至意。○又諭。昨召見副都統鄭明倫。看其人甚平常。詢係德保所舉之人。朕降旨令保舉堪勝副都統人員。各都統等。自應揀選諳練事務。及通曉清語蒙古語者。如不得其人。即不必保舉。向例所保之人。如犯貪婪。方將原保大臣等治罪。副都統又

能向誰勒索舞弊耶。即如弘旰所保之周輯武。德保所保之崔成玉等。雖屬平常。然較鄭明倫尚優。德保若在。必將伊治罪。著交應保副都統人員之王大臣等。嗣後如遇保舉堪勝副都統人員。務須慎重揀選。如有仍將此等無用之人。濫行保舉。必將原保之人。從重治罪。○以故四川松茂道屬上作革寨土百戶衮布策凌子桑卓。湖廣茅岡司土千總覃忠裏子熙勝。卯崗土千總向正。樂子伯煒。各襲職。○山東巡撫覺羅吉慶奏。查山東驛路濠溝。向係民間按畝出夫挑挖。本年德州一帶被旱。民食稍艱。請將濟南東昌二府屬中路。自長清縣起。由齊河禹城平原至德州。東路。自茌平縣起。由高唐恩縣至德州。所有大路濠溝。雇覓貧民挑寬四尺。加深二尺。每土方一。照直隸奏定之例。給米一升。銀一分。以工代賑。所需銀兩。即於司庫貯存工程銀撥支。報聞。○旌表守正捐軀湖北蒲圻縣民汪

世楊妻蔡氏○庚辰諭據哈當阿等奏商哨船隻配載臺灣換班回厦兵丁於八月十五日在洋遭風擊破船隻共淹斃兵丁七名又不知存歿弁兵共一百四十二名現在飭屬查明下落如係淹斃另行詳報請卹等語換班兵丁回厦在洋猝遇颶風擊破船隻以致淹斃殊堪憫惻除業經查明淹斃兵丁張得健等七名照例從優議卹外其不知存歿弁兵一百四十二名著該督等飛飭沿海文武沿口上緊查明按名造冊咨部一體辦理以示軫卹○諭軍機大臣等據哈當阿等奏緝獲謀殺捕役首從各犯審明定擬一摺已批該部速議具奏矣此案係五十六年冬間前署鳳山縣林昌炎任內之事該縣卸事後徐英於本年四月接任始行會營將黃萬各犯緝獲辦理林昌炎於承緝兇犯年餘未獲作何議處摺內未據聲叙著傳諭哈當阿等即將林昌炎緝兇未獲曾否開叅是否因此卸

事之處據實覆奏又據奏續獲謀殺捕役之從犯蔡三審明正法一摺此案匪犯林濕於五十一年糾眾搶刦砍傷事主五十五年復糾約蔡三等謀殺捕役雖林濕當經擊獲正法而蔡三逃逸兩年始行緝獲此外尚有逸犯八人黃萬一案係上年冬間之事署縣林昌炎日久未獲已屬遲延林濕一案即係五十一年及五十五年之事辦理更屬延緩該提督等另摺以臺灣文武員弁於盜犯方明糾劫一案獲犯過半兼獲盜首聲請免開疎防職名獲犯過半既請免叅而辦理遲延何以未附摺叅處並著該提督等即將林濕一案因何獲犯遲延曾否開叅之處一併據實查奏其逸犯何創等曾否續獲務即嚴飭所屬上緊躡緝勿任漏網稽誅將此傳諭哈當阿楊廷理并諭伍拉納知之○旌表守正被戕山東滕縣民曹江妻馬氏

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十四

實錄卷之一千四百十四

十

十

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十五

監修總纂官經筵講官太子太傅文淵閣大學士大鴻臚卿領侍衛內大臣稽察欽奉 上諭事件處管理

吏部理藩院掌印給事中黃旗滿洲都統世襲騎都尉軍功加七級隨帶加一級尋常加二級軍功紀錄一次臣慶桂

總裁官總纂修官太子太傅文華殿大學士文淵閣領侍衛內大臣稽察欽奉 上諭事件處管理刑部戶部三庫事務

世襲騎都尉軍功加十九級隨帶加二級又加二級軍功內大臣戶部尚書錢謙益滿洲都統軍功紀錄五次

尋常紀錄十次臣德興經筵講官太子少保工部尚書紀錄六次臣曹振鏞等奉

敕修

乾隆五十七年。壬子。十月。辛巳。諭曰。福崧奏

本年浙江省鄉試。年屆八十以上諸生來壽

昌等十一名。俱三場完竣。未經中式等語。來

壽昌等年錄耄耄。踴躍觀光。洵為藝林盛事。

所有年屆八十以上之貢生沈志超。徐由湘。

黃敏。范希儒。生員來壽。昌。梁祖成。陳宏猷。葉

桐封。陳葵。郭景兆。沈念祖。俱著加恩賞給舉

人。准其一體會試。以彰壽世作人至意。○山

東巡撫覺羅吉慶奏。現收繳小錢。解直隸寶

直局配鑄。報聞。○壬午。

上御懋勤殿。勾到河南江蘇情實罪犯。停決河南新犯二人。絞犯十七人。江蘇絞犯五人。餘一百四人。予勾。○諭軍機大臣等。步軍統領衙門奏。據陝西葭州民人任保有呈控該州鄧知州之叔。串通貢生張敬聖等。藉買常平倉穀。從中侵蝕銀兩。又倉書張相著等。藉差派累。呈控本道。交縣不為審辦等語。此案如果屬實。則官親家人。串通書役。矜士藉差派累。勒索鄉民。殊干法紀。或係該犯受人唆使。挾嫌誣控。亦未可定。不可不徹底嚴究。若交秦承恩審辦。恐該撫不免意存徇庇。勒保駐劄蘭州。無所用其迴護。著傳諭勒保。即由沿邊前往榆林。親提犯證。秉公嚴訊。務將此案實情。研訊明確。以成信讞。不可以此案係陝西失查所致。瞻徇該撫。稍涉迴護。致干咎戾。回途亦可查閱各營武備也。○加賑直隸河間。任邱。景州。青縣。慶雲等五州縣。本年旱災極次貧民。並蠲免順天。保定。河間。天津。正定。

順德。廣平。大名。冀州。深州。定州。易州。遵化等十三府州屬。被災旗民地畝額賦有差。○癸未。豁免遭風沉溺雲南運京銅四萬九千五百九十觔有奇。○旌表守正捐軀河南息縣民張某妻單氏。廣東饒平縣民黃秀妻巫氏。○甲申。予廣東春江協右營出洋哨捕。遭風淹斃之守備陳有爵。兵丁李朝雄等九名。贈廕卹賞如例。○乙酉。諭軍機大臣曰。郭世勲等奏。據洋商蔡世文等稟。有喚咭喇國夷人。啞喇啞。啞。啞。等來廣稟稱。該國王因前年大皇帝八旬萬壽。未及叩祝。今遣使臣嗎嘎。喇。呢。進貢。由海道至天津赴京等語。並譯出原稟進呈。閱其情詞。極為恭順懇摯。自應准其所請。以遂其航海嚮化之誠。即在天津進口赴京。但海洋風帆無定。或於浙閩。江蘇。山東等處。近海口岸收泊。亦未可知。該督撫等如遇該國貢船到口。即將該貢使及貢物等項。派委妥員。迅速護送進京。毋得稍有遲誤。

至該國貢船。雖據該夷人稟稱。約於明年二月可到天津。但洋船行走。風信靡常。或遲到數月。或早到數月。難以豫定。該督撫等應飭屬隨時稟報。遵照妥辦。再該貢船到天津時。若大船難於進口。著穆騰額豫備小船。即將貢物撥運起岸。並派員同貢使先行進京。不可因大船難以進口。守候需時。致有耽延。也將此傳諭各督撫。並於郭世勳。盛佳。知之。○又諭曰。姜晟奏。查銷坊間刪本經書版片。

一摺。已於摺內批示矣。五經為聖賢垂教之書。豈容妄有刪節。前經明降諭旨。令軍機大臣會同禮部。立法查禁。通行各省一體辦理。今據姜晟奏。湖南省查出刪減經文。標寫擬題。應行禁止者。共十八種。查明銷燬。是湖南一省。既有此等書籍。他省自皆不免。且江浙為人文薈萃之區。似此書籍必多。而直隸。山東。山西。河南。距京更近。尤應查明覆奏。何以均未奏及。著傳諭各督撫等。即將此項刪本

經書。現在如何立法禁銷之處。即行查明具奏。毋任延緩。○又諭曰。蔣兆奎奏。怔忡病發。近漸增劇。曾將不能供職緣由。稟求撫臣代奏。長麟之意。以蔣兆奎尚能步履。未允代奏。謹據實陳明。懇請解任等語。蔣兆奎平日辦公結實。於鹽課改歸地丁一事。尤能認真承辦。著有成效。實為兩司中得力之人。方資倚任。其摺內稱。曾稟請長麟代奏。長麟以該司尚能步履。未經允准。是長麟亦欲該司在彼。

襄助一切。且向聞長麟與蔣兆奎辦事意見甚屬相合。諒無彼此齟齬之處。著傳諭該撫。即傳知蔣兆奎。以伊非他人可比。現雖患病。儘可在任調理。不必開缺。如遇有緊要事件。著長麟揀派妥員。暫為代辦。俾得安心靜養。以冀速痊。倘察看該司病勢纏綿。實在難以支持。再據實奏明。候朕降旨。另行簡放。○直隸總督梁肯堂奏。直隸寶直局鼓鑄錢文。除照例於保定。天津。二營兵餉。長年以一成搭

放外尚屬充裕。應請將其餘各營冬季兵餉。概以一成搭放。統計需錢一萬五千有零。局錢足敷支給。報聞。○命掌翰林院事大學士和珅。工部尚書彭元瑞。以原銜充日講起居注官。○丙戌。

上御懋勤殿。勾到山東。山西情實罪犯。停決山東斬犯二人。絞犯八人。山西斬犯一人。絞犯十人。餘一百三人予勾。○諭曰。刑部奏直隸省拏獲盜犯曹先等。分別斬梟一案。此案楊

際春。陳祥。主僕二人。均被車夫吳洛全等謀害。殊堪憐憫。所失銀兩。於獲犯後。經官追起。亦屬有名無實。所有吳洛全車輛馬匹。即應一併給與事主家屬領回。該部何必按例稱變價入官。該督原請將車輛馬匹入官之處。辦理亦覺鄙吝。嗣後凡有盜竊各案。其查出盜賊名下貨財什物。俱給與事主收領。不必入官。著為令。○諭軍機大臣曰。刑部奏審擬磁州吳洛全等圖財謀死楊際春。陳祥。主僕

二命一摺。內稱吳洛全同夥曹先。並子吳黑旦。趕車攬載捐職州同楊際春。由京回豫。吳洛全在途窺見車上行李沉重。商同曹先等。乘夜趕車。從小道行走。將楊際春並僕人陳祥勒死等語。此案吳洛全等身為車戶。膽敢乘夜趕車。繞道行走。將楊際春等殺害。磁州正定一帶。為通衢大道。官員尚被謀害。其餘尋常行旅及客商等。安能保往來無虞。沿途地方營汛墩堡。所管何事。如吳洛全等。即係

該地方營汛弁兵所獲。功過尚足相抵。若非該營汛等拏獲。自應將疎防員弁一併開參。著傳諭梁肯堂。即將此案正兇係何人。盤獲並將沿途疎防地方營汛各員。查明參奏。其拏獲之員弁。若疎防地方。非其所管。即查明咨部議敘。此諭著各省督撫均知之。○又諭本日勾到山東省人犯內。該撫原擬緩決。經刑部改入情實者四起。一係馮煥因赴街買烟。適遇莊隣趙連。向該犯借錢沽飲。彼此爭

扭馮煥即奪刀扎傷趙連左腿左膝復用刀亂扎致傷趙連左胳膊左肱肘唇脣等處殞命。金刃連扎傷多且重。一係張四子因見王明義幼子戲踏攔水土坎王明義之妻劉氏袒護啟釁致相詈罵適王明義走至趕上斥論該犯順用鐵鉞擊其左手腕並砍傷顙門殞命。鐵器重傷死者並未還手。一係趙立志充當汛兵聽信孫四唆使誣指王二小為竊妄拏經王大上前救護該犯即拔王二小盾刀砍傷王大右胳膊左手背又連砍腦後殞命。輕聽妄拏刃斃無辜一係趙大二因下溝捕魚與年甫十一歲之袁保安之母田氏吵罵該犯即將田氏拖跌倒地復拾磚擲傷袁保安左脇殞命逞兇欺凌毆斃幼孩以上各案覈其情罪均無可緩之理刑部所改俱為允當業經概行予勾秋讞大典理應悉心詳覈準情定罪豈容率意定擬以致失之輕縱今該省秋審人犯經刑部改定者有四起自

係吉慶初任巡撫且非刑名出身所致著傳諭該撫嗣後辦理案件務須留心詳慎覈實妥辦期於情真罪當毋得稍有錯誤也○又諭曰和琳奏查出五十五年廓爾喀遣人至藏曾有謝恩表章貢物及各信字物件等項一摺此事大奇我國家綱紀肅清朕臨御以來一切政務無不躬親綜理而大小臣工凡遇地方事件亦無有不據實陳奏候朕裁奪從未有敢於匿不上聞者今閱廓爾喀表文因其貢使受恩回國特差頭目親齎表貢謝恩情辭至為恭順並無討要俸祿地方之語其稟請銀錢一事亦屬無關緊要俘習渾等縱不知事體輕重即為討好起見亦應據情代奏又何所顧忌而匿不上聞即云伊信字中有要照大人們所許的話行事等語自即係指巴忠等前此在藏許給銀兩之事若果於普福俘習渾等有所干涉或心存畏懼自思迴護不敢上聞尚屬情理所有今許給銀

兩之事。係巴忠、鄂輝、成德三人所辦。與傅習、澤、普福等毫無干涉。又復何所瞻顧。竟將表文貢物等項壓擱不奏。專擅糊塗。竟至不解。實屬可恨。凡內地事件。隱匿不奏。一經發覺。即當按律治罪。況邊外重務。竟敢壅於上聞。則何事不可為。此而不嚴行查辦。何以肅政治而飭官常。現今阿哥等同軍機大臣。將普福嚴加刑訊。據供五十五年七月內。鄂輝說及廓爾喀曾有人來藏。帶了珊瑚刀子等物。還有表文。說要進貢。并有給大人們信件。因見表文係屬底稿。且有並無正經頭人到來。已駁回。叫他另換正經表文貢物等語。此話我曾告訴過雅滿泰。嚴廷良。其雅滿泰曾否告知傅習。澤。不得知道等語。據普福所供。是此事竟係鄂輝隱匿不奏。雅滿泰既經普福告知。傅習、澤自亦必與聞。何以伊三人扶同隱匿。並不具奏。此時福康安等均已齊集前藏。鄂輝亦即日可到。著福康安、孫士毅、惠齡

和琳。即將鄂輝革職。同傅習、澤、雅滿泰嚴切刑訊。令其據實供吐。是何意見。迅速具奏。毋任稍有遁飾。至前次私許銀兩一節。諒係巴忠一人主見。辦理。今閱廓爾喀所寄信字。及呈送物件。鄂輝、成德及穆克登、阿張、芝元。俱有信物寄給。獨無與巴忠信字。可見巴忠前次在藏。心懷巧詐。辦理此事。雖係伊一人主見。而暗中指使關說。全不露伊名字。即廓爾喀亦不使聞知。以為日後敗露。伊轉可置身事外。居心詭譎。更屬可惡可恨。若使其身尚在。必當明正典刑。今先已自斃。法無可加。現在傳知該旗所有巴忠子孫。除伊子僧格布。前已革去官職。挑補護軍効力當差外。其餘輩不准出仕。以為取巧誤公者戒。至穆克登、阿張、芝元。係前赴邊界之人。於許銀說和之事。斷難諉為不知。姑念伊二人係為巴忠等差遣前往。聽從辦理。非創意者可比。此時亦不復深究。其巴勒布商人巴特巴第。收存廓

爾喀表章貢物等件。不敢擅動。一經和琳傳詢。即行呈出。尚屬可嘉。著和琳傳旨賞給銀一百兩示獎。至普福係和坤保舉之人。和琳並不因伊兄所薦。稍存迴護。據實查奏。甚為公正。著賞給御用玉搬指一箇。大荷包一對。小荷包四箇。以示獎勵。又據和琳奏。查辦沙瑪爾巴親屬。請將其親姪樂傘建本等三犯。照大逆緣坐律擬斬。其堂姪阿里等男女大小七名口。應否發往烟瘴地方安插。抑賞給功臣為奴等語。藏內人等。不諳緣坐條例。所有沙瑪爾巴親姪樂傘建本等三犯。竟著解京交部治罪。其阿里等七名口。即交四川總督。分發兩廣福建烟瘴地方安插。不必解京。○丁亥。諭曰。富綱等奏雲南省本年鄉試。年老士子舒聯元等四名。妥協完場。均未中式等語。該生等均年逾八旬。踴躍觀光。洵為藝林盛事。所有生員舒聯元。熊文炳。向洙。黃元贊。俱著賞給舉人。准其一體會試。以示壽世。

作人至意。○諭軍機大臣等。造辦處查覈蘇州織造五十六年分。動用銀兩。分別覈辦。准銷各款。徵瑞開銷浮冒。豈復尚有天良。著傳諭奇豐額。將織造關務暫行兼署。即令徵瑞來京候旨。○兵部奏乾隆五十三年福建臺灣案內。在逃弁兵。應請勅令該督撫查明。實係被害者。奏請議卹。餘著嚴飭通緝。並將領兵各員分別叅處。得旨。此案無著逃兵。自通緝以來。已歷四年。僅拏獲五名。投首一名。其餘並無蹤跡。或係被賊戕害。或乘間脫逃。俱未可定。但遷延未獲。年復一年。日久懸案。終無了結之期。若責令該督撫飭查。果係被賊戕害。奏請議卹。倘所查不實。致有冒濫。則以倖逃法網之兵。轉得邀死事議卹之典。既無此政體。即果全數弋獲正法。按律辦理。致令駢首就戮數百人。朕亦有所不忍。所有此項無著弁兵。嗣後竟無庸查辦。著該督撫等查明當日領兵各員。及不能實力查拏之歷任

地方文武各官。咨部分別議處。以完此案。○
賑卹陝西咸陽。臨潼。渭南。咸寧。長安。乾州。涇
陽。三原。興平。高陵。蒲城。韓城。武功。醴泉。等十
四州縣。本年旱災貧民。並緩徵乾州。武功。邠
州。長武。永壽。邠州。洛川。中部。等八州縣。被災
地畝攤徵鹽課。及民欠常社倉穀。○以雲南
昭通鎮總兵寶瓚為廣東提督。○旌表守正
捐軀直隸完縣民任青兒妻張氏。○戊子。諭
據福康安等奏。總兵諸神保帶兵赴緘轄一
路搭橋牽縱。甚為得力等語。聶拉木帶兵出
力人員。前已降旨。分別加恩。今諸神保在緘
轄一路帶兵。既屬奮勉。著加恩賞戴花翎。以
示獎勵。○又諭。前經福康安等奏。道員承
勲。知府重光。辦糧貽誤。當經降旨。將該道承
勲革職。知府重光革職。並枷號示儆。今據福
康安等奏。承勲辦理軍糧。趕緊接續起運。極
知黽勉。重光亦能在噶喀認真督催。兩路糧
運。均各疏通等語。承勲等自參革之後。既知

奮勉。設法籌辦。俾糧運疏通。沿途邊界存貯
餘糧。足敷旋兵支給。功過尚足相抵。重光著
即開釋枷號。與承勲俟大兵撤回。軍務告竣
後。交該督一併給咨送部引見。○諭軍機大
臣。曰。福康安等奏。遵旨受降。撤兵回藏。及廓
爾喀凜遵約束情形一摺。覽奏欣慰。廓爾喀
傾心向化。備具表貢。凜遵約束。並恭撰番字
訶詞呈進。極為恭順。藏局實為完善。至福康
安等奏。接到拉特納巴都爾稟稱。從前因銀
錢啟釁。嗣後不再提一箇當兩箇。箇半行使
之語。以表其誠心改悔。廓爾喀與唐古忒人
等。交通貿易。由來已久。前因此事易啟爭端。
是以有旨。令福康安等。諭知廓爾喀。竟應停
止貿易。以杜葛藤。今聞廓爾喀地方。需用食
鹽酥油等項。斷不可缺。與俄羅斯之需用大
黃相同。藏內亦需彼處米石。今廓爾喀業經
歸命投誠。若停止貿易。轉非懷柔綏輯之意。
但從前廓爾喀與藏內交易。俱係伊等自行

說合。並無官為經理。以致噶布倫等從中牟利。叢滋弊端。今因俯示體恤。准其仍通買賣。所有貿易等事。竟應官為辦理。不准噶布倫等復行私自講說。一切事宜。應比恰克圖之辦理俄羅斯交易。更為嚴密。或於一歲中酌定兩次四次。准其通市。於撫輯之中。予以限制。駐藏大臣仍不時稽查。親加督察。令彼此公平交易。毋得稍有偏枯。既可遂其恭順之心。又可免噶布倫等從中滋弊。至廓爾喀與藏地交易。自不能不行使銀錢。現據廓爾喀呈稟。此後不敢再提一箇當兩箇箇半之說。是該處銀錢。亦可公平定價。不致再有爭執。此事著交福康安等四人會同詳定章程。並明白曉諭廓爾喀及唐古忒人等。永遠遵奉。又據奏。查明承勲。重光。自參革後。尚知奮勉等語。已降旨將重光開釋枷號。與承勲於軍務完竣後。一體送部引見。至鄂輝於運糧重務。任其積壓。固有應得之咎。姑念伊係總辦

之員。彼時又赴聶拉木一帶查催。勢難兼顧。且沿途督運糧石。俱係番民。非內地民人可比。該運員等在途積壓。尚非有心玩誤。承勲。重光。俱已加恩寬免。是鄂輝之不能督催糧運。其罪尚輕。而於廓爾喀五十五年呈進表貢。匪不具奏一事。鄂輝之罪。實在於此。前次許給銀兩一節。鄂輝尚可推諉。已忠。以伊通曉番語。其事係一人主持辦理。今此事現據普福供明。係鄂輝親向普福告知。於廓爾喀遣人來藏。呈遞表貢時。經鄂輝駁回更換。並經普福勸伊據情轉奏。而鄂輝並未聽從。是此事竟係鄂輝隱匿不奏。更不能藉詞諉卸。著福康安等遵照昨旨。即將鄂輝革職。嚴切根訊。令其據實供吐具奏。諒福康安等不敢為之開脫。現有俘習渾雅滿泰。二人在藏。皆可質審。諒伊等亦不肯代人認罪也。現在藏內應辦善後事宜。最關緊要。節經有旨令福康安四人會同商辦。務須事事盡善。詳定章

程以期經久無弊。今賞福康安洋表一箇。大荷包一對。小荷包四箇。海蘭察孫士毅惠齡和琳洋表各一箇。大荷包各一對。小荷包各二箇。又初次鮮鹿肉二十塊。並著賞給福康安等四人。及隨從辦事出力官員分嘗。以示眷注。○調廣西左江鎮總兵李順阿。為雲南昭通鎮總兵。右江鎮總兵王林。為左江鎮總兵。○以故四川永寧道屬九姓長官司司任履肅子清襲職。○己丑。

上御懋勤殿。勾到直隸情實罪犯。停決斬犯一人。絞犯十一人。餘九十四人予勾。○諭曰。戶部議覆。閩海關徵收稅課。一年期滿。比較贏餘。短少銀三萬二千三百一十兩零。請著落該將軍魁倫。照數賠補一摺。固屬照例辦理。第念該關上年冬令。進口稅貨無多。本年夏秋。又值洋面颶風時發。船隻到關稀少。贏餘短絀。尚屬有因。所有此次短少銀三萬二千三百一十兩零。著魁倫賠補一半。令其分限

完繳。其餘一半。著加恩寬免。○庚寅。諭曰。馮光熊奏。擊獲採生折割之首從各犯。嚴審定擬一摺。已批交三法司覈擬速奏矣。此案該兵役等於奉飭緝拏後。即先後將案內要犯全數弋獲。尚屬認真。該縣功過儘足相抵。著馮光熊即查明該兵役等優加賞賚。以示鼓勵。○又諭曰。吏部題覆。失察山東魚臺縣民劉士興。被盜殺害一案。將前任臬司陸有仁。降三級調用。無級可降。議以革任。吉慶降

二級調用。向來藩臬兩司處分。實係因公者。俱經加恩寬免。今陸有仁於所屬盜殺重案。並不確查究辦。迨該州枷責釋放。又復據詳率行覈轉。幾至允盜漏網。非尋常失察可比。陸有仁著照部議革任。吉慶雖經照詳批結。但此案實情。究係該撫審出。著從寬改為革職留任。○又諭曰。刑部覈覆直隸省通州民婦邢李氏。與梁三通姦。以致本夫邢大羞忿自盡。將邢李氏擬絞監候一案。閱此案情節。李

氏與梁三姦好。經梁三之妻馬氏告知邢大。邢大帶同李氏赴妻母李劉氏家告知。並稱無顏為人。李劉氏當向勸慰。邢大忿未能釋。次早李氏睡卧未起。邢大推門進內。嚷罵。並用刀砍傷李氏。邢大旋棄刀而走。自行投河身死。是邢大之死。其為殺姦不遂。因而羞忿自盡。毫無疑義。婦之與夫。雖屬配耦。而夫為妻綱。婦當終身守節。是以定例調姦不從。因而羞忿自盡之婦女。俱特予旌表。以風節烈。其謀死本夫之案。姦婦初不知情。到案據實供吐者。亦以其尚有不忍致夫於死之心。每於勾到時免其勾決。無非準酌情理。維持風化之意。今李氏與梁三姦好。以致本夫羞忿莫釋。輕生投河。是邢大之死。由於李氏淫邪所致。所天之義安在此。而尚令監候稽誅。何以立綱敦教。現在直隸省勾到之期已過。李氏著即處絞。嗣後遇有此等案件。在本年以內者。著該部補入其年秋審情實辦理。以示

弼教。明刑至意。○諭軍機大臣等。刑部議駁安徽省具題周正起搗傷查雄保咽喉身死一本。所駁甚是。查雄保年僅九歲。周正起年已二十五歲。年歲長幼懸殊。安得謂之因戲起釁。且九歲之幼孩。豈能拉住二十餘歲人之髮辮。情節已不確實。且周正起既將查雄保擲打之磚奪去。又復掌批其頰。顯有欺凌之情。迨該犯赴廁出恭。即因查雄保向其吐沫。亦何妨嚇禁推出。何至即用手搗其咽喉。立時斃命。種種疑竇顯然。乃該撫率據該犯酒醉不知輕重之供。即以闖毆定擬。所辦甚屬非是。此案著朱珪另委妥員。遵照以上指出情節。逐一研訊。將該犯如何起意致死。查雄保緣由。及有無別故確情。再行妥擬具奏。毋得仍令原辦之員審訊。致有迴護。將此諭令知之。○又諭曰。馮光熊奏。擎獲剖胎折割之光犯。分別定擬一摺。已批交三法司覈擬速奏矣。閱案內李金黎士民。李相。劉仕舉各

犯均籍隸川省。而該犯等供內有前在四川挑腳。聽聞不知姓名同路。腳夫言及孩胎。焙乾為末。配入硫磺信石。易於迷人竊物之語。此等配藥迷人。竟至採生折割。殘忍兇暴。情罪甚為可惡。該犯等雖在貴州破案。均籍隸四川。且有在四川聽聞不知姓名。腳夫傳方之供。是藥方係起自四川。該省必有被惑傳習之人。不可不嚴行查訪。但若明張告示。通飭緝拏。輾轉傳播。恐奸宄不法之徒。聞而生心。不致儆誠而轉相效尤。是非所以禁之。適所以導之。著惠齡密飭所屬。務須不動聲色。暗訪嚴拏。有犯必懲。毋稍疎懈。務使殘忍之風。消除淨盡。方為妥善。將此諭令知之。○以甘肅按察使鄭製錦為直隸布政使。○辛卯諭。昨因陸有仁於所屬盜殺重案。並不確查究辦。率行據詳覈轉。已降旨。照部議革任。本屬咎所應得。第念陸有仁由刑部司員出身。於刑名事件。尚能諳習。且人亦明白。其才尚

不至終於廢棄。所有直隸布政使。業將鄭製錦補授。其所遺甘肅按察使員缺。即加恩著陸有仁補授。仍帶革職留任。四年無過。方准開復。該員益當自知感奮。於所屬刑名重案。悉心詳覈。毋再任聽屬員革率朦混。致干咎戾。○諭軍機大臣曰。梁肯堂奏永定及南北運河搶修工程一摺。已批交該部知道矣。至摺內稱溫榆河係屬流沙。時淤時通。今春天氣亢旱。水勢微弱。必須挑濬深通。俾漕船行走迅速等語。溫榆河係在北運河上游。並非漕船行走之地。而北運河之水。每年漕艘經行。係藉上游潮白二河暢流濟運。若溫榆河水勢本小。原不足以接濟通漕。況該督摺內既稱溫榆河係屬流沙。則沙隨水長。自應遇水大之時挾沙。水退易致停淤。今稱天氣亢旱。水勢微弱。不應復有淤墊。何以仍需挑濬。難保無地方官為藉端開銷地步。著傳諭梁肯堂。將以上指出情節。詳細查明。據實覆奏。

母任稍有朦混致滋浮冒。又諭曰。福康安等奏查出上次廓爾喀謝恩表貢。現在尚存前藏。此事早經和琳奏到。當令阿哥等同軍機大臣。將普福刑訊。據普福所供。乃係鄂輝隱匿不奏。實在大奇。早有旨將鄂輝革職。交福康安等提同俘習渾雅滿泰嚴切質訊。今福康安所奏。亦以此事為鄂輝所深知。何以隱匿不奏。應切實辦理。與前降諭旨相合。現又據普福續供。與雅滿泰聯銜具奏之摺。係

實錄卷一百五十五

帝

鄂輝辦的。鄂輝說。我可不必列銜。並云。俟其起身後再奏。其嚴廷良到藏日期。亦可寫遲幾日等語。是鄂輝竟豫為地步。故令普福等具奏時。將嚴廷良到藏日期。填遲數日。以便發覺後。藉詞起身在前。貢到在後。諉過於普福雅滿泰等。尤出情理之外。此時福康安等均已齊集前藏。而鄂輝傳習渾雅滿泰嚴廷良。亦皆在彼。無難四面質證。著再傳諭福康安等。務當遵照前旨。即提鄂輝嚴切根究。令

其據實供吐。此事在五十五年。成德雖未赴藏。但許給廓爾喀銀兩時。成德亦同在彼。廓爾喀既寄信索取。經鄂輝壓攔不辦。鄂輝回至成都後。斷無不告知成德之理。朕聞成德於上次派往辦理廓爾喀時。因鄂輝已忠。主持說和。成德尚以帶領多兵。應行打仗。不當與之說和。與巴忠等爭執。以致意見參差。其卒歸於說和完事者。自因鄂輝已忠。一係將軍一係欽差。成德職分在伊二人之下。不得

實錄卷一百五十五

帝

不隨同辦理。而此事之原委。成德必知其詳。著福康安再向成德嚴切詰訊。反覆開導。務使將說和一事。係何人主見。和盤托出。若再代為隱瞞。即屬喪盡天良。成德自問當得何罪。○以正紅旗蒙古副都統官福為荊州副都統。散秩大臣和舜額為正紅旗蒙古副都統。○壬辰

上御乾清門聽政。○諭曰。山海關監督多善奏。一年任滿。比較盈餘。短少銀三萬四千餘兩。

請從重治罪。並將房屋衣物等項變抵其餘銀兩。將應得俸銀坐扣完款等語。關稅贏餘比較短少。該監督自有應得之咎。但念該處連歲商船貨物到口稀少。未能暢銷。贏餘短絀。尚屬有因。且較之五十五六兩年所收贏餘銀兩。微有多餘。尚非辦理不善。多著著照前例罰俸四年。以示懲儆。所有短少贏餘三萬四千餘兩。著加恩寬免。○諭軍機大臣等。前因陸有仁於所屬盜殺重案。並不確查究

實錄李聖王

五

辦。率行據詳覈轉。已降旨照部議革任。昨因復念該員係刑部司員出身。人亦明白。其才尚不至終於廢棄。已降旨補授甘肅按察使矣。保定距京不遠。該員接奉此旨後。自必即行赴京謝恩。但伊係獲咎之人。今復加恩錄用。想亦無顏見朕。著傳諭陸有仁。即赴新任。毋庸來京瞻覲。惟當自知感奮。於所屬刑名重案。悉心詳覈。毋再疎玩干咎。○河南巡撫穆和蘭奏豫省查收小錢。除前經報部鎔銷

變價外。現在續收小錢五萬二百餘觔。應照山東成例。解交直隸官局配鑄。其收買價值業經地方官捐給。毋庸動項給領。報聞。○癸巳。

上御懋勤殿。勾到朝審情實罪犯。停決官犯。斬犯二人。絞犯二人。常犯斬犯六人。絞犯七人。餘八人予勾。○諭本日勾到朝審人犯。內官犯穆克登額一起。因民人李大。向馬甲威靈阿黑夜索欠爭鬧。經豁倫太赴官廳稟首。穆

實錄李聖王

五

克登額。令馬甲德通等將李大拏至官廳。斥其不應黑夜吵鬧。李大不服。出言頂撞。經驍騎校雙喜。令德通責打十板。李大復肆詈罵。穆克登額又令德通責打十五板。李大越五日殞命。刑部以穆克登額身係職官。袒庇兵丁。杖斃無辜。擬絞情實。覈其情節。該部所辦殊未允協。穆克登額身任驍騎校營房地面。是其專責。李大以索欠微嫌。黑夜兩次吵鬧。及至官廳頂撞不服。經驍騎校雙喜。令德通

責打十板。李大復行肆罵。穆克登額。又令德通責打十五板。計前後所責杖數。不過二十五板。並非決不如法。且穆克登額令責李大之杖。較雙喜令責杖數。僅多五板。豈有因此遽至斃命之理。何得以穆克登額。比照鬪毆殺人下手傷重之例。問擬絞抵。入於情實。若將穆克登額勾決。則嗣後民人等。在公所地方。吵鬧滋事。該管官必致心懷顧忌。難於約束。何以肅功令而靖地方。現在已將穆克登

實錄李四十五

元

額免其予勾。至前後杖責李大。俱係德通持杖用刑。德通與威靈阿。同係馬甲。此事李大與威靈阿。索欠尋釁。德通自必袒護同伴。用刑時下手過重。以致因傷斃命。刑部並未將此等情節審出。僅將德通擬以答罪。亦未允協德通。著發遣伊犁。以示懲儆。庶此案不至稍有枉縱。而情法均各得其平。用示朕慎恤庶獄折衷務當至意。○又諭曰。步軍統領衙門奏。陝西蒲城縣監生糧正馬廷璉呈控該

縣匪災不報。且於徵收錢糧額外多收。放賬時從中剋扣。又藉軍需之名。雇覓驛頭。科派鋪戶銀錢。及藉修文廟。累及閭閻各款。請欽派大臣前往查審等語。朕軫念民依。凡遇地方有水旱偏災。一經奏聞。無不蠲賑兼施。恩膏立沛。本年直隸河南因旱歉收。早經先事綢繆。截漕蠲緩。節諭該督撫實心經理。勿使一夫失所。今馮廷璉所控蒲城縣年歲早荒。捏報收成各款。如所控屬實。地方官吏。諱災

實錄李四十五

元

不報。已屬玩視民瘼。若復於應收錢糧。加徵戮頭。更干例禁。至辦理軍需等項。皆係開支帑課。從無累及閭閻。何得藉端科斂。案關重大。其虛實不可不徹底究辦。著派蘇凌阿。張若淳。即日馳驛前往。秉公嚴審。定擬具奏。其隨帶司員。並著一體馳驛。原告馮廷璉。即交帶往質訊。至勒保前因葭州民人任保有呈控該州之叔。串通書吏。藉買倉穀勒派一事。降旨令其由沿邊前赴榆林審辦。若蘇凌阿

等到彼勒保審案已竣即著該督就近前往蒲城會同確審如勒保在榆林審案需時蘇凌阿等即當提集犯證嚴行查審不必等候勒保轉致遲延也○又諭據興兆等奏審訊旗人藥神保等與同知衙門家人盜竊銀兩一案分別定擬充徒發遣等語旗人行竊實於滿洲顏面有玷應將情重者加倍擬絞始足示警乃牽強援例從輕定擬是何取意況所竊銀兩係同往更依納家中分贓是更依

實錄卷四十五

三

納即與窩主無異乃興兆等謂更依納並未得贓僅擬發遣亦屬從輕開脫且摺內清文亦甚生疎其格訥布赫之字殊不成話應用翁依赫方是從前興兆在西安將軍任內因不能辦事將伊調任綏遠城將軍今該管兵丁竟至行竊復又從輕定擬實屬有玷職任興兆七十五及失察之協領等均著交部分別嚴加議處興兆即著解任來京聽候部議所遺員缺著圖桑阿調補其寧夏將軍員缺

清 實 錄 乾隆五十七年十月下

著隆興補授至旗人行竊實屬無恥之極朕甚愧之似此等人自應擬以死罪又何必論其首從乎今為首之家人張連陞尚擬絞罪藥神保等僅擬發遣充徒殊覺輕縱著交刑部加重定擬具奏○甲午諭昨因綏遠城旗人藥神保等行竊一案業經降旨交部另行從重治罪矣但以旗人行竊無恥已極實傷滿洲顏面嗣後如遇旗人行竊之案除該犯照例治罪外其子孫俱著削除旗檔為民著為例並將此曉諭八旗及各處駐防一體遵照辦理該管大臣等平時務須將所屬人等善為訓迪嚴加管束毋致為匪○乙未

實錄卷四十五

三

上詣

奉先殿

壽皇殿行禮○諭曰郭世勲奏本年廣東省鄉試年老諸生張寬等三名三場完竣均未中式等語該生等年逾耄耋踴躍觀光洵屬藝林盛事所有年逾九十以上之生員劉錫銘

一〇四三

八十以上之生員張寬季馥萬俱著加恩賞給舉人准其一體會試以示壽世作人至意○是月兩江總督書麟江南河道總督蘭第錫等奏淮揚道署設立淮郡年久損壞應行修理查漕運由清渡黃係該道管轄其應辦歲搶各工俱於清江為近應請將淮城舊署移建清江浦地方所需銀兩照例於該道養廉借支分年扣繳得旨阜當如此知道了○江西巡撫陳淮奏覆江西饒州贛州等府富家所蓄婢女向來逾期多不擇配及通省溺女惡習自奉旨查禁後現無其事得旨不動聲色以徐實為之○陝西巡撫秦承恩奏陝省漢中府畧陽縣與隆灣地方露有銅苗前經奏准試採當即揀員督率如法採取自本年三月起至九月底止煉出淨銅四萬九千餘觔成色與滇銅無異自應實力開採以資鼓鑄批好事又稱將來砂旺夫增必須嚴禁游民滋事又批是

實錄卷一百五十五

五

實錄卷一百五十五

五

大清高宗法天隆運至誠先覺體元立極敷文奮武孝慈神聖純皇帝實錄卷之一千四百十五

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十六

監修總裁官總纂官太子太傅文淵閣大學士文淵閣領事領侍衛內大臣稽察欽奉

吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄次

總裁官總纂官太子太傅文華殿大學士文淵閣領事稽察欽奉

世襲騎都尉軍功加十九級隨帶加二級又加二級臣董浩內大臣戶部尚書鑲黃旗滿洲都統軍功紀錄次

尋常紀錄十四次臣德瑛總纂官太子少保工部尚書紀錄六次臣曹振鏞等奉

教修

乾隆五十七年壬子十一月丙申朔諭曰福

康安等奏張芝元因在廓爾喀境內觸染瘴癘回至濟甯因病身故所遺松潘鎮總兵員缺請將諸神保調補等語諸神保在川年久熟悉番情此次帶兵前赴緘轄亦屬奮勉出力著調補松潘鎮總兵至彭承堯帶領瓦寺等處土兵亦屬出力其諸神保所遺川北鎮總兵員缺即著彭承堯補授候補總兵朱射斗仍著留於四川俟有該省總兵缺出著惠齡即行奏補○又諭據福康安等奏前此進

攻甲爾古拉集木集時都統銜護軍統領台
斐英阿副都統阿滿泰二等侍衛英貴佐領
棍德依俱各中鎗身故等語台斐英阿等身
臨行陣奮猛攻堅衝鋒鼓勇以致中鎗陣亡
殊堪憫惜台斐英阿著照都統例議卹阿滿
泰著照副都統例議卹英貴棍德依俱著照
例議卹其餘打仗陣亡官兵著福康安等查
明咨部分別議卹○以盛京協領果勒明阿
為熊岳副都統○丁酉諭曰吏部會戶部議

奏奇豐額奏請將本身應得封典貤封養父
母並將次子過繼養父母為孫與例不符一
摺覃恩係起自乾隆五十五年現已久逾二
年之限該撫甫經擢任巡撫自不得照新銜
請封部駁甚是但念該撫情殷返哺其意尚
堪矜憫奇豐額祖父母本生父母應得封典
及貤封養父母之處俱著加恩准其照布政
使銜給予封贈至所請將次子廣麟過繼養
父母為孫一節亦著加恩准行以示格外體

卹錫類推恩至意○吏部奏查禮部儒士額設二十名向於經承內挑補往往甫充經承即可列入三年期滿遂咨臣部注選較之經承實歷五年者轉為捷便嗣後應令該部將額設儒士俱於現在經承內取結已過二年者揀選其甫充經承及効力儒士均不准挑補從之○戊戌諭軍機大臣曰鄂輝現因五十五年廩爾喀呈進表貢匪不具奏一事已革職交福康安等嚴審具奏矣駐藏大臣尚乏幫辦之員朕意成德前於鄂輝已忠與爾喀許銀說和時伊始尚以帶領多兵應行進剿不當說和完事祇以鄂輝已忠一係將軍一係欽差成德職分較小不得不聽從辦理其扶同迴護之咎尚有一綫可原且人才難得若成德於鄂輝壓擱表貢之處未經與聞尚可棄瑕錄用俾駐藏幫辦予以自効之途此時藏內諸務正當整飭之際關係緊要朕意原欲令松筠前往辦事但伊在庫倫駐

劄七年甫經換回未便即令遠出而成德才具亦止可在藏幫辦不能總理一切目下有和琳在彼主持經理自可倚恃俟二三年後松筠亦已在京休息數年伊係軍機章京尚為更事維時再令松筠前往更換和琳而成德隨同和琳辦事二三年於藏務漸能熟悉令其幫同松筠亦可無誤計福康安於十月中旬可抵前藏與孫士毅惠齡和琳商辦善後事宜及審訊鄂輝等一案須有數旬耽擱所有成德幫辦藏務之處福康安意以為何如著即體察情形據實覆奏○兵部奏據直隸總督梁肯堂咨稱葛沽營大沽汛祁口地方距汛遠遠稽查難周請將該汛額設經制外委一員移駐祁口撥馬守兵二十名作為專汛至所遺大沽兵丁改歸海口汛兼管又樂亭營之老爺澗蒲和營之戴家河海口較寬各添設汛撥一處兵五名駐防均應如所咨從之○雲南巡撫譚尚忠疏報晉寧州首

鑿成熟地十六頃十六畝有奇○已亥諭據英善等奏拏獲扶乩惑衆編造悖逆詩序之重犯審明定擬一摺已交軍機大臣會同該部覈議速奏矣此案饒述修等犯借扶乩為名編造詩句妄稱劉萬崇為漢室後裔與陳敷賜等犯附和悖逆糾夥結盟實屬不法已極臬司聞嘉言於該縣稟報後即馳赴該處督同府縣將案內各犯全行拏獲所辦可嘉聞嘉言著交部從優議叙藩司英善代辦武

關事務一聞該縣稟報即飛飭查拏知府謝肇洙知縣王泰運隨同臬司將各犯立時全獲辦理俱屬認真英善謝肇洙王泰運俱著交部議叙以示鼓勵○諭軍機大臣曰書麟奏訪拏洪澤湖竊刦匪犯分別辦理一摺已交軍機大臣會該部速擬具奏矣此案史奇萬等糾夥在洪澤湖持械行刦夥犯陳忞才等潛匿湖面疊竊多案實屬惡不畏法江南係屬水鄉如洪澤湖太湖等處汪洋遼闊匪

徒最易潛蹤若似此糾夥持械頻行疊刦實為行旅之害此皆由地方官平日不能認真查緝所致書麟身任總督有年方辦此一事能無愧乎著傳諭書麟奇豐額嚴飭所屬於洪澤湖太湖等處務當實力巡查遇有匪徒行刦之事隨時嚴辦以靖湖面而戢盜風○調正黃旗護軍統領都爾嘉為鑲黃旗護軍統領正藍旗護軍統領富銳為正黃旗護軍統領以鑲藍旗滿洲副都統永珊為正藍旗

護軍統領鑲藍旗蒙古副都統巴寧阿為正藍旗滿洲副都統以副都統職銜德楞泰為鑲藍旗蒙古副都統西藏辦事大臣額勒登保為鑲紅旗蒙古副都統○緩徵甘肅平涼涇州鎮原崇信華蘭金縣狄道河州靖遠平番等十州縣本年早雹災地畝新舊正借錢糧○庚子
上以冬至祀
天於

園丘。是日起齋戒三日。○辛丑諭據履勘鄉試試卷大臣等奏。河南省中式舉人年八十一歲之曹逢庚詩內。彩散雲漢外句。漢字誤作平聲。應議停會試一科等語。律詩平仄向有一三五不論之說。今曹逢庚於應用平聲之第四字。誤用仄聲。非如一三五等字可比。雖詩家拗體。或可不拘。然場屋中講求聲病。此等拗字。自非所宜。本應照議停科。但該生詩句內。若第三字亦用仄聲。則於音調更為錯誤。今第三字所用雲字。係屬平聲。雖第四字失粘。較之全行舛錯者有間。且該生年逾八十。妥協完場。文理竟能中式。所有一字之疵。尚可姑原。曹逢庚著加恩免其罰科。以示優恤。著年格外施恩至意。○諭軍機大臣曰。勒保奏。年班入覲喀什噶爾四品伯克邁瑪砥散在玉門縣地方病故。伊子拜拉沙木情願押送貢物進京。俟旋日再將伊父骨殖帶回。現專派妥人將邁瑪砥散棺柩暫留玉門縣。

城安居。拜拉沙木仍聽其赴京等語。所辦大錯。已於摺內批示。朕教人以孝伯克邁瑪砥散。因年班赴京。在途患病身故。甚可憐憫。伊子拜拉沙木應行穿孝。自當令其將伊父棺柩送歸。所有貢物亦應令其帶回。以示體卹。乃勒保輒以拜拉沙木懇請仍令自行押送貢物赴京。該督何糊塗。若此計。拜拉沙木此時可至陝西。現已傳諭蘇凌阿面行曉諭。拜拉沙木令其不必赴京。即將貢物帶回。並賞給銀二百兩。俾作好事。俟拜拉沙木回至玉門時。該督即令將伊父棺柩攜帶回喀什噶爾。以遂私情。又勒保另摺奏甄別甘肅陝西千總把總等項人員清單內。甘肅省勒休斥革者共有九員。陝西省革退者祇有一員。殊屬非是自係該督駐劄甘省。於該省武弁留心甄別。而陝西省武弁優劣。率據該提鎮所報隨意填注。並不認真覆覈。以致兩省甄別之數多少懸殊。勒保身任總督。營伍自其專

責。乃竟漫不經心。殊負委任。即以本日該督所奏此二事而論。均屬錯誤。辦事大不如前。勒保著嚴行申飭。嗣後務當隨時留心。倍加愧勉。毋得仍前疎懈。致干罪戾。將此諭令知之。○旌表守正被戕直隸藁城縣民裴皂聘妻蔣氏。守正捐軀。湖北房縣民趙文經聘妻藍氏。○壬寅。

上詣

南郊齋宮齋宿。○癸卯冬至祀

天於

圜丘

上親詣行禮。○遣官祭

永陵

福陵

昭陵

昭西陵

孝陵

孝東陵

景陵

泰陵

泰東陵。○遣官祭

孝賢皇后陵

端慧皇太子園寢。○甲辰遣官祭

先賢之神。○定國史列傳書法。諭朕偶閱錢

珏。蔡珽列傳。錢珏為御史時。劾山西巡撫

穆爾賽貪婪。暨條陳各款。似有風裁。及用至

巡撫。輒於所屬知縣婪贓之事。聽受私書。徇

情銷案。不能自踐其言。蔡珽曾極陳年羹堯

貪暴。洊擢總督。乃挾嫌誣陷岳鍾琪。田文鏡

袒護黃振國。以至護罪。問擬重辟。而傳內於

伊二人身故。俱書為卒。體例皆未允協。國史

所以傳信。一字之褒貶。即關其人終身之優

劣。義例綦嚴。夫人臣立品無訾。有始有終者

方得謂之為卒。錢珏之言行不符。蔡珽之朋

比取戾。安得謂之始終無玷。若伊二人得書

為卒。其與立朝本末粹然者。何以示區別。錢

珏。蔡珽傳末均著改書為故嗣後除特行予謚及入祀賢良祠者自當書卒外其雖無飾終之典而品行克保厥終者仍一例書卒若初終易轍營私獲罪之人傳末止當書故不得概書為卒著國史館總裁即查明列傳確覈人品事實如有似此者均改正書故用昭彰瘅所改未改陸續間日以四本傳為率繁簡錯綜送看○乙巳諭戶部奏粵海關徵收贏餘銀兩短少十一萬六千一百三十八兩

零本應著落該督撫及該監督照數賠補但念為數較多現在另降諭旨酌定章程查覈辦理所有此次短少贏餘銀兩姑著郭世勲盛佳各賠銀一萬兩餘著加恩寬免○又諭戶部奏粵海關徵收贏餘銀兩比較五十五年分計短少銀十一萬六千一百三十八兩零應按數著賠一摺已降旨令兼管之巡撫及該監督各賠銀一萬兩餘著加恩寬免矣粵海關經徵稅課不在洋船之多少惟視貨

物之粗細以定盈絀到口船隻雖多若所載不過香料藥材等項稅銀仍屬有限如船隻內裝載貴重細軟貨物則船數雖少稅銀自必較豐今該關所到洋船比五十六年多至十七隻何以僅多收贏餘銀一萬五千餘兩較五十五年少至十一萬六千餘兩該監督等自必以貨物粗重為詞但是否實係粗重無憑查覈若不設法稽查則到關船少之年既藉口船少以致贏餘短絀而到關船多年

分又藉稱貨物粗重不能徵收足數是此項正襟贏餘無論船多船少總屬有絀無盈年復一年伊於何底殊非覈實之道向來粵海關派令該督撫兼管原為就近稽察起見今思該督撫既管關務與監督即成一事而派出家人吏役等尤不免彼此扶同弊混轉不足以互相查察嗣後粵海關稅務竟不必令督撫兼管其每月到關船數若干所載貨物粗細各若干著責成該督撫詳細查明按月造

冊。密行咨報戶部。俟一年期滿時交該部將該督撫所報清冊與該監督所報清冊彙總覈對。如有不符之處。即行參辦。如此定立章程。則部中有所查覈。庶該監督無由藉詞捏報。仍前短絀也。○又諭。據永保奏。拏獲偷竊哈薩克馬匹駝隻之厄魯特特克等三人。審明立行正法。將所竊馬匹駝隻給還哈薩克。納喇特等語。永保所辦甚是。駐劄新疆大臣等。往往袒護內地之人。若內地人等。如果善良。自當恩待。似此行竊匪徒。毅然秉公辦理。庶不至失外夷之心。今哈薩克納喇特等。失去馬匹駝隻。因迷失蹤跡。不敢妄行指賴。遂回游牧。永保將賊人訪查拏獲。毫無袒護。秉公辦理。實屬可嘉。所有永保交部查議之處。著寬免。併著交部議叙。仍賞給大荷包一對。小荷包四個。以示獎勵。其餘領隊大臣卡座侍衛總管副總管佐領等。俱著交部議處。並著通諭新疆將軍大臣等。嗣後遇有此等事

件。俱宜如此辦理。不可袒護。○子廣東平海營因公出洋。遭風淹斃之兵丁林旺等三名。卹賞如例。○丙午。諭本年山東省被旱地方。節經降旨加恩緩徵。並賞給貧民一月口糧。以資接濟。但念直隸河間天津一帶。均經截留漕糧。動撥銀米。分別賑卹。而山東德州一帶。與河間景州等處。境壤毗連。其被旱情形。大畧相仿。冬春之交。民力不無拮据。若不一律給賑。災黎未免向隅。著加恩將德州平原禹

城高唐恩縣濮州臨清邱縣夏津武城及歷城齊河臨邑博平茌平清平館陶海豐樂陵霑化共二十州縣。於本年十二月放賑一月。俾得均霑愷澤。至來春尚需展賑。俟朕新正酌量再降恩旨。該撫務督飭所屬實心經理。使窮黎普霑實惠。以副朕軫念民艱至意。○又諭。刑部題覆安徽省民人李倫魁刃傷胞兄李登魁。將李倫魁問擬絞決一本。已照簽下矣。李倫魁因胞兄李登魁私挖田埂竊

放塘水微熾。兩次嚷論。及李登魁持木棒向毆。該犯輒敢用力抵格。致傷李登魁右腿倒地。實屬不法。雖李登魁傷經平復。刑部照該撫所題。依弟又傷胞兄。不論輕重絞決律。將李倫魁問擬絞決。所以重倫紀而儆兇頑。向來定律。實為允當。但弟兄爭毆致傷。情節不一。似此案李倫魁之舉。起挾嫌。有心又傷胞兄者。自當按律予以立決。若非有心干犯。或係金刃誤傷。及情有可憫者。著刑部存記於題覆時。夾單聲明。引此旨候朕酌奪。以昭情法之平。○又諭。據長麟奏。請將太原駐防滿兵絕嗣入官地畝。仍賞該營作為養贍孤寡之資等語。所辦是。此項地畝。即使入官。不過空閒。若賞給駐防兵丁。養贍孤寡。甚有裨益。著交各省駐防將軍大臣等。均照長麟所奏辦理。著為令。○諭軍機大臣曰。馮光熊奏審明行劫殺死事主之探攏阿及等。分別定擬一摺。已交軍機大臣會同該部覈擬速奏矣。

雲貴省分。向有獐獍探攏等。均係苗民。自雍正年間改土歸流後。迄今六七十年。安分樂業。與內地民人無異。該地方官。自當視同一體。教養安輯。方為妥善。今探攏阿及等。忽有糾夥行劫。殺傷事主之事。或係該地方官平日於此種民人。意存岐視。不但不能加意撫綏。而且一任軍民。有心擾累。以致激生事端。亦未可定。此案著富綱。馮光熊。留心查察。若果係地方官激而生事。自應將該管官員參處示懲。如並無此項情事。而阿及等逞兇行劫。則是該探攏等因日久玩生。復萌其桀驁不馴之氣。亦不可不防其漸。該督撫等務須密飭該管官員。留心管束。加意化導。固不可有意苛求。尤不可稍從寬懈。務俾知所感畏。使其頑梗積習。有以潛移默化。共臻良善。方為撫馭得宜也。將此傳諭知之。○又諭。前降諭旨。令將扎什倫布商上。每年所得羨餘。分給前藏所管唐古忒番兵。俾資貼補。原因扎

什倫布商上。素屬豐裕。而派往後藏唐古忒兵丁。係為保護班禪而設。是以酌為調劑。令將盈餘分給前藏兵丁。共需餘潤。同心固守之義。今據福康安等奏。該處商上。自經兵燹之後。迥不如前。一時元氣未能驟復。自不必強其分給。所謂彼一時。此一時也。且朕聞班禪額爾德尼。年雖幼。小人竟聰慧。勝於達賴喇嘛。自由前輩班禪。實非常人。故其慧性不泯。茲觀其於福康安經過後藏時。跪請朕安。呈遞佛像哈達。並以此次派兵進討。全為振興黃教起見。專差喇嘛赴京。恭進表貢謝恩。情詞極為懇摯。又據福康安等奏。薩嘉呼圖克圖。於福康安等經過時。亦呈遞佛像哈達。一併進呈等語。前因撒迦溝人數衆多。而該喇嘛又有捐辦糴糶牛隻之事。尚知畏法奉公。已屢降諭旨。令福康安等傳知該喇嘛。准其照舊焚修。毋庸遷徙。今福康安等察看情形。並未將初次欲行查辦之意。向其宣露所

見甚是。自應如此辦理。惟達賴喇嘛親族管事。最易滋弊。此必當嚴禁。昨已降旨。令和琳堅持定力。加意經理。和琳此次在藏。實力整飭。釐剔積弊。朕得之意外。實在可嘉。至軍需銷算事宜。自應令和琳會同覈辦。藏內善後諸事。經福康安等公同酌定後。俱已立法可行。無需和琳專駐該處辦理。其前後藏一切軍需條款。和琳原不妨往來查覈。所有應行銷算事宜。自察木多以西。著交孫士毅。和琳

惠齡三人會同覈實報銷。察木多以東。著交孫士毅。與惠齡會辦。如此。則和琳既可兼辦報銷。而藏務亦能就近查察。實為兩有裨益。再阿旺簇勒提木。遺有廟宇財產。若無受人管束。恐其徒衆覬覦。生心互思攘奪。滋生事端。前據俘習渾等奏。將該喇嘛徒弟建巴多布丹。作為扎薩克喇嘛。管理廟務。徒衆當經允准。但其人是否妥協。並著和琳留心察看。如建巴多布丹尚能管束。則已否。則或商之

達賴喇嘛。另於別廟喇嘛內揀選一人。為堪布。令其掌管。免致滋事。方為妥善。又前發去金奔巴瓶。原為籤掣呼畢勒罕之用。但不必俟該處大呼圖克圖轉世。方行試用。或現在藏內。不拘何呼圖克圖。應出呼畢勒罕。即可將金奔巴瓶先行籤掣。如此辦理。數次。定為章程。後該處僧俗人等。共相遵奉。將來遇有大呼圖克圖轉世。照此籤掣。更可堅衆人崇信之心。而從前私相傳襲積弊。亦可不動聲

色。藉以革除。○大學士兩廣總督公福康安等奏。據珠爾杭阿稟稱。九月二十日。帶領廓爾喀頭人。噶箕第烏達特塔巴等。至扎什倫布謝罪。經班禪額爾德尼。諭以爾部落自恃強橫。滋擾佛地。仰蒙

大皇帝發兵進剿。猶幸及早悔過。允准歸降。此後惟當永遠恭順。并給大小頭人銀兩。緞匹及跟役等銀兩。均各感悅。報聞。○丁未。

上御乾清門聽政。○戶部奏。貴州運京鉛觔。向

來運員在廠領運。每毛鉛百觔。加耗五觔。至四川重慶。始行募工。鎔淨解京。礦砂折耗。勢所不免。遂致解官掛欠。嗣後應令貴州本廠鎔淨。照例五十觔一塊。整明廠名。觔數到局驗收。如觔數不足。咎在廠員。塊數不足。咎在運員。各專責成。并可節省耗鉛。運脚得旨。此奏。是依議。○廣東巡撫郭世勲。疏報廣州肇慶連州等三府州屬。報墾額外水田沙灘四十三頃六十畝。有奇。○旌表守正捐軀河南

汝陽縣民霍連妻王氏。商邱縣民虎宜安妻劉氏。○戊申。

聖祖仁皇帝忌辰

上命

皇十五子嘉親王。顯琰祭

景陵。○

上詣

奉先殿

壽皇殿行禮。○諭軍機大臣等。前因福崧奏海

塘南岸荷花池張神廟等處工程坐當頂衝應購辦柴薪搶築等語所奏殊未明晰當即降旨詢問向來海塘工程宜於南坍北漲何以南岸仍有應修隄工之處令其據實覆奏茲該撫所奏仍未明晰繪圖亦不清楚江潮大溜既趨向蕭山縣境此正南坍北漲之漸極好機會即云該處上游富陽諸暨等江之水自西南匯歸此處亦係由來已久並非起自今時而江面亦何致遽行窄狹溜逼塘根是保護杭州一帶既須修築北岸塘工而南坍北漲又不免於蕭山一帶增添工作則塘工修建竟無已時雖據該撫奏此項工程係屬民修借項動支後仍輸還歸款但民力豈可輕用並恐地方官藉修築塘工為名從中科斂以致衛民之事轉以累民殊非愛護閭閻之道北岸既須修築今又漸添南岸之工將使潮之來與江之去究從何路而行且摺內稱該工後面附近湘湖形勢險要而圖內

並未明畫出湘湖其所繪荷花池張神廟等處塘工後面係近傍山根更可足資依靠何得謂之險要殊不可解著再傳諭福蔭將現在溜勢既向南趨蕭山縣一帶塘工因何遽至塌損亟須借項搶築之處另行詳細繪圖據實覆奏毋得仍前含混尋奏荷花池係蕭山縣西江塘工程該處塘身坐東向西今年山水較大以致潮勢旺盛遂有衝坍得旨覽又批竟是二事不宜牽混海塘也又稱前次覆奏摺未能詳細聲叙又批不用心處不惟此矣○刑部議准江蘇巡撫奇豐額奏嗣後沿海商漁各船舵工水手俱於照票內將本人箕斗驗明添註年貌項下於出口入口時按名稽察如水手人等在洋患病另雇別船水手除令該船戶具結外亦註明箕斗以備查驗通飭海疆地方官一體遵照從之○廣東巡撫郭世勳疏報廣州肇慶二府屬首墾額外荒地七頃五十畝有奇○已酉諭向來

秋朝審人犯內有業經緩決三次以上人數積多每屆數年諭令刑部堂官量為查奏減等以示法外之仁今自乾隆五十五年正月查辦之後至本年秋讞擬入緩決者又積有八千餘名為數已不為少著刑部堂官將本年秋朝審緩決三次以上各犯照節次查辦之例逐一查明各按所犯情節分別減等發落以昭矜恤該部即遵諭行○庚戌諭曰伍拉納奏福寧鎮總兵岱德現在患病請回旗調理等語岱德著准其解任回旗調理所有福建福寧鎮總兵員缺著朱射斗補授○兵部奏向例武職各官改歸祖籍者仍准陞選寄籍查兵丁入伍多係本籍之人拔補營升時每改歸祖籍為陞遷地步應請嗣後改歸原籍員弁無論兵丁科目出身遇題選陞補各缺仍令迴避寄籍從之

實錄卷一千四百五十六

十一

一

大清高宗法天隆運至誠先覺體元立極敷文奮武孝慈神聖純皇帝實錄卷之一千四百十六

實錄卷一千四百五十六

十一

一

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十七

監修總裁官總纂官太子太傅文淵閣大學士文淵閣領閣事領侍衛內大臣稽察欽奉 上諭軍機處管理

吏部理藩院事務兼管鑲黃旗滿洲都統世襲副都統副軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領閣事稽察欽奉 上諭軍機處管理刑部戶部工部事務

世襲副都統軍功加十九級隨帶加二級又加二級並量給內大臣戶部尚書領鑲滿洲都統軍功紀錄五次

尋常紀錄十四次臣德瑛經筵講官太子少保工部尚書紀錄六次尋常紀錄尋常

敕修

乾隆五十七年壬子十一月辛亥

上幸瀛臺○壬子諭曰秦承恩奏陝西咸寧等
州縣秋禾被旱成災現在督飭所屬散放正
賑至西安府屬之藍田同州府屬之大荔等
五縣秋收亦祇六分及六分以上民食不無
拮据等語該省咸寧等州縣被災較重地方
業經蠲賑兼施令該撫查明實力撫卹其收
成稍歉州縣雖經酌借籽種口糧究恐民力
拮据自應量為調劑以示體恤所有秋收祇
及六分及六分以上西安府屬之藍田同州

府屬之大荔澄城郃陽白水等五縣俱係附

近災區處所本年未完錢糧著加恩緩至來

年麥熟後徵收俾民力益臻寬裕以副朕軫

念民艱至意該部即遵諭行○又諭前因駐

藏大臣尚乏幫辦之員朕以成德前於鄂輝

巴忠許銀說和一事伊尚欲帶兵進剿其後

此扶同之咎尚有一線可原曾經降旨令福

康安體察情形將成德可否幫辦藏務之處

據實覆奏今思鄂輝業已降旨革職應行質

審且伊現在患病藏中正當整頓之際事務

繁多和琳亦不可無幫辦之員應即令成德

在藏隨同和琳協理一切○又諭曰福康安

此次辦理廓爾喀事務甚屬奮勉宜加懋獎

福康安著授為領侍衛內大臣其內大臣員

缺著阿克東阿調補福康安未到以前及赴

廣東總督任時領侍衛內大臣仍著阿克東

阿署理再福康安家福隆安曾為額駙例有

護衛官今已裁撤福康安到總督任時雖有

營弁跟隨不足示寵。著加恩。照王公名下親軍校之例。賞給六品頂戴藍翎三缺。聽其於得力家人內給戴。傳王年已及邁。著令休致。其所遺內大臣員缺。著明亮補授。○諭軍機大臣曰。福康安等奏稱。行抵前藏。將善後章程大意。告知達賴喇嘛。察看達賴喇嘛感戴出於至誠。一切惟命是聽。斷不敢稍形格礙等語。朕節次所示條款內。如嚴禁達賴喇嘛左右近侍親族及噶布倫等干與滋事。並發去金奔巴瓶。簽掣呼畢勒罕各款。皆係保護黃教。去彼世襲。囑托私弊。達賴喇嘛自當一一遵奉。此係極好機會。皆賴

上天所賜。福康安等當趁此將藏中積習消除。一切事權俱歸駐藏大臣管理。俾經久無弊。永靖邊隅。方為妥善。又據奏。達賴喇嘛告稱。此次官兵進剿廓爾喀。收復邊境。衛藏得以寧輯。實深歡感。即日專差喇嘛赴京進表謝恩等語。前據福康安等奏。班禪額爾德尼感

激朕恩。懇請差人赴京齎進表貢。今達賴喇嘛亦有此請。自可與班禪額爾德尼所遣喇嘛一同來京。計此旨到日。福康安恐已在前藏起程。著傳諭和琳。於班禪額爾德尼貢使到前藏時。即令與達賴喇嘛所遣之人一同赴京。不必分作兩起。亦不必多派喇嘛。祇須前後藏各差堪布一人齎送表貢。沿途行走。較為便捷。再向來藏內出呼畢勒罕。俱令拉穆吹忠降神附體。指明地方人家尋覓。其所指呼畢勒罕不止一人。找尋之人。各將所出呼畢勒罕生年及伊父母姓名。一一記明。復令拉穆吹忠降神禱問。指定真呼畢勒罕。積習相沿。由來已久。朕思其事近於荒唐。不足憑信。拉穆吹忠往往受人囑托。假托神言。任意妄指。而藏中人等因其跡涉神異。多為所愚。殊屬可笑。此等拉穆吹忠。即係內地師巫。多以邪術惑人耳目。聞拉穆吹忠降神時。舞刀自扎。身體無害。是以人皆信之。此等幻術

原屬常有。但即使其法果真。在佛教中已最為下乘。若使虛假。則更不值一噓。其妄誕不經。豈可仍前信奉。福康安等現在整飭藏務。正應趁此破其積弊。莫若在藏即令拉穆吹忠。各將其法試演。如用刀自扎等項。果能有驗。則藏中相沿日久。亦姑聽之。若福康安親加面試。其法不靈。即當將吹忠降神荒唐不可信之處。對衆曉諭。俾僧俗人等共知其妄。勿為所愚。嗣後出呼畢勒罕。竟可禁止吹忠。

降神。將所生年月相仿數人之名。專用金奔巴瓶。令達賴喇嘛掣簽指定。以昭公允。再此次福康安統兵進剿廓爾喀。如能直抵陽布。將拉特納巴都爾巴都爾薩野。悉數生擒。解京獻俘。其土宇分給附近各部落。剋奏膚功。該處係邊外荒徼。非如金川等可比。福康安果能擒穴擒渠。厥功甚大。前代功臣。原有身非宗室。晉封王爵之例。朕本擬俟紅旗遞到。加封王爵。以昭異數。今因廓爾喀畏罪投誠。

十分恭順。而藏內又復氣候早涼。恐為雪阻。福康安等遂傳旨受降。班師藏事。是以止將福康安賞給世職。海蘭察原有公爵。晉封一等。不克副朕初願。然由今思之。似此受降藏功。未始非

上天嘉佑我君臣之意。蓋福康安係

孝賢皇后之姪。大學士傳恆之子。如果能成鉅功。或可晉封王爵。在朕止以其勛勞甚大。用示酬庸。而天下無識之徒。或謬議朕厚於

后族。破格施恩。傳之後世。亦且以為口實。幾與漢唐之寵任外戚者無異。朕將何以自解。而福康安父子兄弟。多登顯秩。福康安又荷王封。富察氏一門太盛。於伊家亦屬無益。但福康安既成大功。朕又不得不加以殊恩。轉覺兩難。茲如此竣事。諸臻完善。朕既免加恩后族之嫌。福康安亦無盛滿難居之慮。雖不克副朕初願。而計慮及比較之。蕩平廓爾喀地方。倍為欣慰也。惟是福康安此次跋涉險

阻備嘗艱苦。且調度有方。使廓爾喀震懾威稜。誠心向化。可期永靖邊隅。僅予世職。尚不足。以酬勞勩。除已明降諭旨。將福康安授為領侍衛內大臣。俟福康安回京。赴兩廣總督任時。仍令阿克東阿署理外。但念福康安之兄福隆安。因尚公主。例有護衛等官職。自公主薨後。福隆安又已身故。其例得護衛翎頂。俱經裁撤。福康安將來在總督任內。僅有千把等官跟隨。不足以示寵異。業已降旨。照王

公名下親軍校之例。賞給六品頂帶藍翎三缺。令福康安於伊得力家人內酌量給戴。用昭格外加恩。優眷勞臣至意。○癸丑諭軍機大臣等。據慶成奏西北一帶關口自九月下旬以來。攜眷外出之民。日漸稀少。惟出山海關者。依然絡繹。現在責成該關副都統及臨榆縣。分別查驗等語。京南河南等府。偶被旱歉。曾經降旨。凡有出關覓食貧民。毋許攔阻。原為軫恤災黎起見。山海關外盛京等處。雖

旗民雜處。而地廣土肥。貧民攜眷出口者。自可藉資口食。即人數較多。斷不致滋生事端。又何必查驗禁止耶。即如該提督奏責成副都統及臨榆縣查驗。除實在貧民。方許出口。其別府州縣民人。概行禁止。亦屬有名無實。貧民出口者甚多。豈能一一查詢。即使向其盤詰。伊等亦何難自認為災區之人。該副都統等又何從為之辨別。是該提督所奏。不但無益。且恐轉滋擾累。況災民等早經出口。明

春麥收有望。此時正思回籍。即欲設法飭禁。亦已無及。所奏斷不可行。將此傳諭知之。○甲寅。

上幸瀛臺。○諭曰。倉場衙門奏本年直隸河南二省共截漕七十萬石。抵壩米數較少。請將應扣銀兩暫緩一年等語。本年直隸畿南一帶暨豫省河北三府。因旱歉收。經朕先事綢繆。降旨多截漕糧。特頒部帑。使貧黎果腹。民力寬裕。稍釋朕軫念災區至意。今該倉場此

奏自以本年抵壩米數較少。腳價不敷支用。不樂多截漕米。以重天庾。然朕自臨御以來。每遇地方水旱偏災。無不先期諮詢。蠲緩並施。而截留漕米。接濟災區。不下數十次。從不稍存靳惜。此天下臣民所共見者。地方大吏。更當激發天良。實力稽察。俾窮黎均受實惠。仰副朕懷。方為不負委任。所有倉場原摺。著該部議奏。○又諭。各省常平社倉。係仿照周官荒政而設。原以備水旱偏災。糴借放賑之用。乃各省督撫。每年俱彙奏倉庫無虧。而遇有偏裃歉收。並未據奏。聞動撥倉穀。以濟饑民。即如本年直隸畿南一帶。因旱歉收。經朕降旨詢問。梁肯堂何不將倉貯穀石。就近先行動撥。據該督奏。各該處額貯穀石。除連年出借籽種。及本年平糴外。所存無多。不敷散賑等語。可見各省倉儲。並不能足數收貯。此皆由不肖官吏。平日任意侵那虧缺。甚或借出陳易新為名。勒賣勒買。短價剋扣。其弊不

一而足。以古人之良法。轉供貪墨之侵漁。而該督撫等。並不實力稽察。惟以盤查無虧。一奏了事。以致各省倉儲。俱不免有名無實。備荒之義。安在乎。該督撫等。向來因循怠玩。此後務當認真整飭。實力稽查。使倉穀豐盈。以期有備無患。若再仍前玩忽。任令州縣侵那短缺。將來朕出其不意。特派大臣前往抽盤。一經查出。叅奏。恐督撫不能當此重戾。若因有此旨。復任地方官借詞採買。有勒派短價情弊。必將該上司。及州縣一併從重治罪。決不寬貸。勿謂教之不早也。○又諭曰。徵瑞前在蘇州織造任內。浮濫開銷。張大其事。業經內務府議以革職。固屬咎有應得。已降旨令其來京候旨矣。第念該織造。不過開支任意。浮濫取好。尚無侵冒等大弊。今同德現在丁憂。所有江寧織造事務。需人接辦。徵瑞著加恩賞給員外郎銜。前往署理。江寧織造。此時徵瑞想已起程在途。不拘行至何處。地方接

奉此旨。即速前往接署。俟同德回京。百日期滿到任後。再降諭旨。○豁免遭風沉溺雲南運京銅十一萬八千七百七十三觔有奇。○乙卯諭曰。刑部覈議安徽省民人徐惟川。戮死徐友舉。徐友良二命。改題具奏一案。已照所擬將徐惟川斬決矣。此等殺死一家二命之案情罪甚重。該撫於審明定擬後。自應專摺具奏。乃僅照尋常命案具題。使重犯有稽顯戮。殊未允協。嗣後各省督撫除尋常命案。仍照例具題外。如有殺死一家二命以上重案。俱著專摺具奏。以昭慎重。○湖北巡撫福寧疏報建始縣勘墾地二頃十二畝有奇。○丙辰諭軍機大臣曰。梁肯堂奏據承德府知府慶章稟稱。建昌縣民人孫振環呈控。平泉縣生員宋勲臣。詐稱伊叔孫芳準入學詩文。係伊代作。肆行訛詐等情。而宋勲臣先已將代倩許銀情事。在縣出首。現在委員提犯來省。俟梁肯堂查賑事竣。回至保定時。審明定

擬等語。此案如果孫芳準曾倩宋勲臣代倩詩文。許給銀兩。大干法紀。自應嚴加審訊。俾無遁飾。現據該督將人犯提省。自必由京城經過。著傳諭梁肯堂。即飭委員將案內應訊犯證。截留送京。交軍機大臣會同刑部嚴審定擬具奏。○以散秩大臣宗室慶怡為歸化城副都統。○丁巳。上幸瀛臺。○諭據恒秀等奏。稱遣往巡察南海烏蘇哩德克登依等處官兵。拆毀木架窩鋪二座。拏獲人犯八名等語。現在拏獲八人。俱係背負口糧。自係欲往挖獲。是以搭蓋木架窩鋪。此等人犯。自應照偷挖私獲人犯之例治罪。失察巡哨員弁。亦應議處。今恒秀等奏摺內稱。未暇挖獲。未曾過冬之語。顯係從輕辦理。卸脫人罪。恒秀等著申飭。現在拏獲人犯八名。即著照例治罪。其失察巡哨員弁。亦著照例議處。○諭軍機大臣等。昨據侍衛安祿等。將丹津班珠爾等解到。當令軍機大臣

詳悉詢問。其所供許銀說和各情節。大畧俱已明悉。前此藏內兩次滋事。皆由達賴喇嘛諸事惟聽左右近侍親族及噶布倫等專擅率意徑行。以致屢生事端。向來噶布倫缺出。達賴喇嘛皆於東科爾家道殷實內挑補。往往貽誤公事。噶布倫係承辦藏務之人。必須論其才幹能否辦事。方可拔補。豈得專取世族及家資豐裕者。濫行補用。若不論其賢否而輒以世家富戶充補。是猶內地世族鹽商大賈俱可擢用顯秩。有是理乎。前已節次降旨。遇有噶布倫缺出。令駐藏大臣與達賴喇嘛秉公揀選。奏請補放。惟視其才具之優長不在世族家道之貧富。方為公當。但此次噶布倫現在詢之丹津班珠爾。俱稱每年並無得項。惟商上給與糈糒酥油等項。亦無定額。其噶布倫內有官爵職銜者。向由理藩院發給銀兩俸緞等語。噶布倫等既在藏辦事。豈無用度。其有官爵職銜者。每年祇藉商上酌

給糈糒酥油。該噶布倫等或藉稱用度不敷。借端婪索。皆所不免。立法未為允協。福康安等當商之達賴喇嘛。或於商上空閒地畝內酌量撥給所收稞麥。分給若干。作為定額。如回疆阿奇木伯克之例。俾該噶布倫辦公有資。無可藉口。自酌定得項後。如噶布倫等再有借端婪索之事。即可將伊治罪示懲。辦理方為妥善。再藏內設立噶布倫四缺。原俱係從民人內挑補。嗣後班第奏明參用喇嘛一人。由商上畢七克齊四人內擇其有才具者充補。但此等喇嘛噶布倫。訛據丹津班珠爾稱。不過管理達賴喇嘛零星事件。其藏內應辦事件。俱係番民挑補之噶布倫管理等語。是噶布倫喇嘛一缺。並不得力。而該喇嘛與達賴喇嘛親近易於進言。若達賴喇嘛能知大體。尚不致為其所惑。如係庸懦無識者。惟其言是聽。遇有缺出。即可將伊親族徇私充補。諸弊叢生。似與藏務無益。現在喇嘛噶布

倫一缺。已據孫士毅和琳奏明。照例將扎薩克喇嘛堅巴多布丹補授。此時亦無庸更換。俟將來該喇嘛噶布倫出缺時。竟當於番民內挑補。將喇嘛充當噶布倫之處。永遠停止。以上二條。著福康安等。於辦理善後章程內。一併議入。又前次福康安等。將廓爾喀繳回扎什倫布物件。開單進呈。當交軍機大臣分別解京變價。及留給駐防兵丁經費。並給還扎什倫布各款。發交福康安等照辦。今思濟噶等處。既不駐兵。無需經費。且廓爾喀前搶扎什倫布物件。除零星拋散。及伊手下人等隱匿外。現在繳回之物。不過十分之一。此次軍務所費帑金。不下鉅萬。亦何必計此區區耶。著傳諭福康安等。除已解京外。所有元寶銀器。俱著賞還班禪商上。其應行變價者。亦毋庸變價。同緞匹等物。一併賞還扎什倫布。聽其料理。以示體恤。再丹津班珠爾扎什敦珠布。從前向廓爾喀許銀說和。原有應得之

罪。但念伊人尚明白。今事屬既往。不加深究。應俟年班遞丹舒克堪布喇嘛回藏時。即令伴送之員。帶回藏內。惟是丹津班珠爾被廓爾喀裹去。在陽布居住年餘。難保無屈體懇求等事。到藏後。斷不可再令充當噶布倫。俟數年後無過。或令充當第巴等缺。尚屬可行。著交和琳等存記。留心酌辦。又閱福康安等前次所奏。拉特納巴都爾呈出之原立合同內。有每年唐古忒人前往陽布朝搭抹拭白土一節。現在辦理善後事宜。此事竟可永行停止。又所有唐古忒與廓爾喀交通貿易之事。前已有旨交駐藏大臣。官為經理。限定次數。不得任聽私自交易。前因廓爾喀既已悔罪投誠。令福康安等於善後事宜內。許其仍通貿易。官為經理。每年或分作四次。或兩次交易。今思此事不可遽行允准。福康安等於廓爾喀乞降時。應俟其再四懇求開市。方行允許。庶可以斷葛藤而杜弊端。○軍機大臣

等議覆大學士兩廣總督公福康安等奏陽八井廟宇前經奏准賞給濟隴呼圖克圖現在派撥喇嘛四十名焚修請將陽八井莊田內地名江洛井一處每年應收課一百三十石給與養贍應如所請從之○以故一等鎮國將軍洞福子德文奏襲職○戊午諭曰寶光為學問尚優著在阿哥書房總師傅上行走○已未

上幸瀛臺○諭曰西安等四處考試候補筆帖

式試卷內有江寧試卷二十八本所繕甚屬錯謬而且字句雷同經閱卷大臣奏業將永慶等交部察議矣此項考試該將軍等自當嚴行考取擇其繕譯優長之卷今所繕俱屬錯謬而且字句雷同顯係永慶等並未以此為事緒一草底分與繕寫永慶等仍著嚴行申飭並將試卷駁回令其另行認真考取斷不可仍前苟且塞責也○又諭曰土爾扈特汗渥巴錫之孫那木扎勒多爾濟年甫五

歲其齒尚幼朕追念伊祖渥巴錫格外加恩那木扎勒多爾濟著賞給閑散頭等台吉以示優恤○庚申

上詣

壽康宮行禮○諭據秦承恩奏年班入覲之土爾扈特汗策林那木扎勒行至西安病故等語策林那木扎勒自襲爵以來辦理旗務尚屬奮勉茲因陞見中途病逝深堪憫惻著派乾清門侍衛佛爾卿額前往賜奠茶酒並著

由喀喇沙爾庫內賞銀五百兩料理喪事其所遺土爾扈特汗著伊子霍碩齊承襲○諭軍機大臣等本日管幹珍年終彙奏摺內稱自任總漕後一切文書皆係親辦隨僕止有四入從不用長隨管事等語所奏未免過甚管幹珍身任總漕職分較大若伊隨僕止有四入何以足敷差遣且總漕如此等而下之道將等僕從亦當遞減至廳員守備以下不將竟無僕從乎管幹珍此言若係紙上空談

固屬不可。即所奏果實。亦覺矯枉過正。又聞該督甄別營衛千總名單內。叅劾者共有十六員。為數亦似畧多。漕標千總額設之缺。比之督撫提標。自當較少。何以應劾至有十六員。營弁等如果年力衰頹。及玩誤差使。自當據實糾劾。不可稍事姑容。但恐該督遇事刻覈。則所屬營弁。必至無所措其手足。亦非馭下率屬之道。管幹珍平日居官辦事。謹飭認真。朕所素悉。特以此二事而論。誠恐該督持躬過於刻苦。而待下又有意從嚴。俱未免失之過當。嗣後宜持大體。寬嚴適中。辦理諸務。不可偏於刻責。但不得因有此旨。誤會朕意。遂涉寬縱。以致因循廢弛。於公事致有貽誤也。○又諭曰。英善覆奏前審樂至縣知縣李德遠於縣民郭兆元到宅門喊控。即將宅門關閉一節。摺內稱是日李德遠在二堂查辦稿件。因聞郭仕哲在宅門爭論。即令逐出。關閉宅門。其時並未坐堂。前摺查敘供詞。未經

聲敘明晰。實屬疎忽等語。所奏實不成話。知縣衙門有何深遠之處。其二堂與宅門相去甚近。李德遠在二堂查辦稿件。即係坐於堂中。豈有站立辦事之理。况該縣即使並未坐堂。既聞宅門有人喊控。亦即應查辦。何得轉令逐出。關閉宅門。乃英善既稱是日李德遠在二堂查辦稿件。又稱並未坐堂。豈必須書役排衙。方謂之坐堂耶。李德遠於本案辦理無能。問擬發遣新疆。已屬罪無可加。此等情節。並無關罪名輕重。該藩司又何必以此支離之詞。始終迴護。英善著再傳旨嚴行申飭。○辛酉諭曰。江西省興國縣童生劉昌新。雇倩鎗手入場代考一案。前據該護撫託倫定擬具奏時。以伊父劉世亮。訊不知情。應免置議。顯係曲為開脫。而代倩之黃超揚。即係劉昌新之師。僅照尋常鎗手科罪。殊未允協。經朕看出。除旨指駁並發交新任巡撫陳淮嚴切覆究。今據該撫審明。劉昌新倩伊師黃超

揚入場代作一事。曾向伊父劉世亮告知。劉世亮為子功名念切。執行允聽。黃超揚恐與劉昌新年歲不符。入場查出。將黃超去各情節。果不出朕之所料。黃超揚身為人師。乃貪利代倩。雍鬚入場。實屬無恥之尤。此而僅照尋常鎗手。問擬充軍。其何以端師範而正人心。黃超揚著照該撫所擬。改發黑龍江給披甲為奴。以示懲儆。劉世亮不能教子以正。轉聽允作弊。本當照擬發遣。姑念該犯年已八十。不忍以予之故而治其父罪。著從寬准其加倍捐贖。至前任巡撫姚萼暨該撫託倫。不能究出實情。率行定擬。均屬失之輕縱。著交部嚴加議處。餘著照該撫所擬完結。○又諭據伍彌烏遜奏。噶勒丹錫呼圖克圖遣伊徒弟額爾德尼達賚等赴科布多各部落。旗下化緣等語。前因噶勒丹錫呼圖克圖克圖年少。尚可造就。姑令執掌印務。昨據伍彌烏遜奏到。朕尚意或係別有喇嘛假借伊名。

今據阿哥等會同軍機大臣審訊。竟係噶勒丹錫呼圖克圖所使。此真意想所不到。朕現在保護黃教。清理喇嘛一切弊端。而噶勒丹錫呼圖克圖乃至如此。若不嚴行辦理。斷難整飭。著將噶勒丹錫呼圖克圖革去扎薩克達喇嘛。其所遺之缺。著濟龍呼圖克圖補授。濟龍呼圖克圖未到之前。著果莽呼圖克圖署理。其果莽呼圖克圖副扎薩克達喇嘛之缺。著東科爾呼圖克圖署理。噶勒丹錫呼圖克圖年少。不諳事務。此事俱係商卓特巴羅卜藏丹津挑唆。著將羅卜藏丹津剝黃。發往江寧。所有科布多看守喇嘛黑人等。俱押解送部。嚴行治罪。此案伍彌烏遜若苟且完事。不行具奏。朕必將伊一併治罪。今據實奏聞。甚屬可嘉。伍彌烏遜著交部從優議敘。並著順便寄知福康安。和琳傳諭達賴喇嘛。濟龍呼圖克圖以示朕振勵佛教。整飭喇嘛流俗之至意。○兵部奏。本年

軍政。應行開列大臣職名。請旨定奪。得旨。鄭明倫不稱副都統之任。著仍用為叅領。其餘均仍留原任。○壬戌。

上幸瀛臺。○旌表守正被戕湖北漢川縣民崔三聘妻戚氏。○癸亥。諭據富尼善等奏。遵朕訓飭。將毆死親兄之回子托呼塔立行斬決等語。從前富尼善等奏到此事。因摺內將內地及回子之例煩瑣開錄。是以將伊等嚴行申飭。此次摺內止應將遵辦之處具奏完結。

乃復拉雜陳奏。殊屬不曉事體。富尼善等仍著嚴行申飭。再駐劄新疆大臣辦理事務。自應揆度事理處置。即如回子內苟有親姪殺死親伯叔親弟殺死親兄親姪孫殺死親伯叔祖之事。自應照內地律例擬罪。若係遠族命案。仍應照回子之例辦理。不可拘泥內地服制律例。概行辦理。著通行駐劄新疆大臣一體遵照。○調正藍旗漢軍副都統額勒春為鑲黃旗漢軍副都統。以署散秩大臣田國

榮為正藍旗漢軍副都統。○旌表守正被戕山東濰縣民姚欽妻高氏。○甲子。諭曰。軍機大臣議覆福康安等奏。丹津班珠爾之妻子呈繳莊田五處。准令歸公充用一摺。丹津班珠爾為藏內噶布倫。乃於五十三年廓爾喀滋擾藏界一事。聽從巴忠指使。許銀說合。以致復生衅端。實有應得之咎。但念其究係聽從指使。且事屬已往。經朕格外加恩。不治其罪。今其妻子請繳莊田。代為贖愆。自應准其呈繳。第此次命將出師。轉輸軍餉。不惜數百萬帑金。原為保護衛藏。綏輯僧俗番眾。俾得永安樂利。豈轉於番兵添補支給之需。斤斤較量。况聞達賴喇嘛每年錢糧所入。並不贍給唐古忒番兵。以致難資其力。所有此項呈繳莊田。不必歸公。即著交駐藏大臣。給與達賴喇嘛商上。作為養贍唐古忒兵丁差防口糧之用。以示體恤。○諭軍機大臣曰。福康安等訊問鄂輝等大概情形一摺。此案前據普

福供稱。與雅滿泰聯銜具奏。嚴廷良由廓爾喀回藏日期。鄂輝令其寫遲幾日等語。是鄂輝竟豫為地步。故令普福等具奏。將嚴廷良到藏日期。填遲數日。以便發覺後。借詞起身在前。貢到在後。希圖諉卸。當即降旨。令福康安等。訊問鄂輝。今福康安等所訊鄂輝供詞。並未據實供出。自係因普福在京。該處無人質證。故爾狡展。看來此事。竟係鄂輝一人主見。俘習渾雅滿泰。亦俱隱忍因循。外番進貢。從無責令奏齊件數。並需貴重物品。方准呈進之理。即云廓爾喀表貢。係附嚴廷良帶來。未經專使到藏。於體制不合。亦當一面奏聞。何得私自壓擱。匿不具奏。殊出情理之外。再前據和琳奏稱。五十五年秋間。廓爾喀遣大頭人蘇必達。多喇拉木。同小頭人二名來藏。呈遞表貢。至冬底方回等語。今命軍機大臣訊之普福。據稱五十五年七月內。曾有大頭人二名到藏。原係貿易之人。後嚴廷良回藏

時。曾說隨後另有專差貢使等供。廓爾喀既差大頭人蘇必達。多喇拉木。同小頭人二名到藏。即係齎貢使人。豈有不往見鄂輝之理。且向來藏內。並未聞有蘇必達。多喇拉木。在藏貿易。自即係廓爾喀差使進貢之人。若如伊等所供。蘇必達。多喇拉木。並非進貢之人。則又必須何等樣人。方謂之貢使乎。此等情節。均須切實根究。著福康安等。即將鄂輝照俘習渾之例。先監責四十板。再行枷號。將節次諭旨指駁之處。嚴切訊究。勿使再有隱飾。○大學士兩廣總督公福康安等奏。官兵由濟隴。聶拉木。撤回。道路險仄。應分起行走。現在各兵。按照到藏先後。酌定起數。除巴塘副土司成勒春。丕勒帶領土兵先回外。其由正路行走者。索倫達呼爾兵。分五起。令領隊大臣烏什哈達。乾清門侍衛阿尼雅布管領。四川省標及建昌兵。分五起。令副將五十。參將扎爾杭阿管領。派撥前行。其甘肅隨征兵

及降番屯練並川北等鎮兵分八起令總兵彭承堯朱射斗管領接續起程其由草地行走者三標谷孔薩緯斯甲布巴底巴旺革布什咱瓦寺沃日黨壩等處土兵分六起令總兵諸神保表國瓊管領再嚴飭帶兵各員約束安靜不許沿途擾累報聞○旌表守正捐軀直隸建昌縣民孫趕子妻尹氏○是月河東河道總督李奉翰巡視東漕御史閻泰和等奏本年大汛時汶水旺盛塘長各河停淤應請估挑除派額設兵夫挑濬土方外應添募民夫辦理實需銀七千二百四十兩零其汶河入運口門業經堵閉並將蜀山湖之永泰永安永定各閘及馬踏湖之李家徐建等閘開放收水歸湖存濟來春漕運俾應挑河底空乾以便興工報聞○山西巡撫覺羅長麟奏河東運鹽餘引向例如有滯銷准令勻撥查本年鳳臺南台南陽等縣存鹽積滯應將該三縣乾隆五十五六等年餘引五十一

名改撥唐縣銷售餘利歸公報聞○陝西巡撫秦承恩奏本年咸寧等州縣被災各該處常平倉所存糧石不敷來春借糶現於藍屋郭縣等十六州縣常平倉動撥米麥十六萬三千石鄜州洛川宜川三州縣撥米二萬三千石分運接濟報聞○四川總督惠齡奏現在進勦廓爾喀官兵凱旋經過川省臣等及兩司道府養廉豐厚應按名分別捐賞酌定索倫達呼爾兵經過成都每名給銀三兩降番屯土兵回至本寨每名給銀二兩綠營兵丁每名給銀一兩得旨嘉獎

大清高宗法天隆運至誠先覺體元立極敦文
奮武孝慈神聖純皇帝實錄卷之一千四百十七

實錄卷之百七

元

大清高宗法天隆運至誠先覺體元立極敦文
奮武孝慈神聖純皇帝實錄卷之一千四百十八

監修總裁官經筵講官太子太傅文淵閣大學士文淵閣領侍衛內大臣稽察欽奉 上諭事件處管理
吏部理藩院事務正黃旗滿洲都統世襲騎都尉軍功加七級隨帶加一級尋常加二級軍功紀錄一次 臣
總纂官經筵講官太子太傅文華殿大學士文淵閣領侍衛內大臣戶部尚書錢謙益滿洲都統軍功紀錄五次
世襲騎都尉軍功加十九級隨帶加二級又加二級 臣等謹將內大臣戶部尚書錢謙益滿洲都統軍功紀錄五次
尋常紀錄十四次 臣等謹將經筵講官太子少保工部尚書紀錄六次 臣等謹將尋常
紀錄

秋修

乾隆五十七年壬子十二月乙丑朔

上詣

大高殿行禮○旌表守正捐軀貴州遵義縣民
馬澄瑞妻馬氏○丙寅諭曰戶部議駁倉場
衙門奏請經紀等腳價銀兩緩扣舊欠一摺
所駁甚是此項銀兩拖欠既多若復停緩扣
繳年復一年伊於何底本應照部議行第念
今歲截漕為數較多明歲辦理新漕經紀等
未免稍形拮据此次姑准其緩扣十分之六
其餘四分仍著照例坐扣已足以紓役力嗣

後務須年清年款不准藉詞再請停緣○丁卯禮部等部議覆湖北學政李長森疏稱湖北安陸府屬荊門州改為直隸州轄當陽遠安二縣請將安陸府額進文武生各二十名裁去三名撥入荊門州學二名合舊額文武各取進十七名撥入當陽學一名文武各十三名遠安文風少遜毋庸議撥至從前荊門州等屬撥入府學之廩增文武生俱改歸原籍教官約束廩增改為候廩候增歲試後照例間補與本籍廩生較食餼先後按期出貢均應如所請從之○戊辰諭據覆勘鄉試試卷大臣等奏本年各省鄉試取中之卷除陝西湖北湖南三省正副考官俱有批外其餘順天等八省有正副考官總批一卷及同考官未批者辦理疎忽請將考官及內簾監試交部議處等語前因鄉會試同考官等閱卷時於指出疵類處所僅自登記不於卷上批寫易滋弊竇曾降旨令同考官將詩文優劣

均在卷內註明其正副考官於原中暨搜出取中者亦應將取中之故批註並令禮部通行各直省將此旨懸示至公堂俾知所遵循今順天等八省正副考官同考官及內簾監試並未敬謹閱看前旨遵照辦理疎忽之咎實所難辭本應予以議處但念此次初定章程奉行伊始考官等或未盡明晰以致各省辦理參差彼此不能畫一且應議考官及內簾監試共有八省人數不免較多著加恩此次姑從寬免議嗣後各直省正副考官及同考官於取中之卷皆當細看至公堂之旨務須各自加批毋得任前疎忽如再有遺漏必將該員等照例議處不能再邀寬宥並著將此旨與前旨一同懸掛各直省至公堂上明白曉諭至所稱湖南省張力卓一卷同考官原有藍筆批語原勘官誤認未批應另行照例議處一節現在各省考官既經免議所有原勘官錯誤之處亦著加恩寬免○諭軍機

大臣等前因直隸山東河南等省本年夏秋缺雨間有被旱成災地方業經降旨令該督撫查勘情形將明春應否展賑及酌借口糧之處覆奏到日候朕於新正酌量加恩所有山東河南陝西等省業據各該撫查明奏聞而直隸省尚未經奏到雖據梁肯堂奏稱由天津河間一帶查畢再行覆奏等語但直省距京甚近何以迄今尚未查明所辦究屬遲緩著再傳諭該督即將被災各屬明正應否加賑之處迅速覆奏毋再遲緩○又諭曰姜晟奏兵丁兇殺三命審明辦理一摺已批該部知道矣此案兵丁杜世勇因賭博輸欠錢文啟釁輒敢挾忿持刀砍斃三命經該撫審明將杜世勇即行正法同案兵丁分別革糧枷號完結固屬照例辦理但此案漫無約束之該管營弁現已據畢沅與該撫等會銜奏奏而姜晟於此等兇殺重案何以不迅速辦理直至此時始據奏到所辦殊屬遲緩姜晟

著傳旨申飭○禮部奏嗣後鄉會試墨卷仍令士子自記添註塗改字數以防改竄其硃卷內不必謄寫從之○旌表守正捐軀河南洧川縣民張某女張氏○已已諭前經降旨直隸解到旗租銀兩足敷普賞八旗兵丁一月錢糧即行普賞一次前在直隸解到租銀足敷賞賚之用著加恩普賞八旗兵丁一月錢糧俾生計益臻充裕以示敷錫春祺有加無已至意該部即遵諭行○戶部議准大學

士署四川總督孫士毅疏稱邛州茶株繁盛現查打箭爐邊岸番民生齒日衆請增茶邊引一千張配運濟食從之○庚午

孝惠章皇后忌辰遣官祭

孝東陵○諭曰福康安等奏降番等平日耕種荒地自食其力因金川處處皆山地土硠瘠而地方官限定額數太少並另招內地民人占墾以致番民日食每患不敷等語金川屯番遇有勦捕之事屢經檄調最為出力該處

地畝。在在皆山。土地硠瘠。自應儘番民等墾種。自食其力。俾生計有資。乃從前地方官限定額數。既屬太少。而轉另招內地民人占墾。以致番民口食不敷。此係向來四川總督辦理錯謬。而歷任總督不加查察。遂仍其舊。實為非是。姑念事經已往。且歷任總督人數眾多。從寬免其查究。惠齡現任總督。此奏即伊會銜所有從前辦理錯誤之處。伊自深悉底裏。此項番地。即著惠齡於回任後。詳晰確查。

開墾地畝。酌定章程。按照撥給降番嗣後不許地方官吏藉端擾累。遇有征調出兵之家。即應酌量免差。俟一二年後。該降番等地畝較多。差徭又少。庶生計敷裕。元氣可復。惠齡務須妥為經理。永除積弊。以副朕體恤屯番至意。○又諭曰。福康安等奏查詢戴綱薩木珠令巴傷亡一節。實係上年在僧格宗地方與廓爾喀打仗。帶有鎗傷。嘔血身故等語。薩木珠令巴因打仗受傷。嘔血身亡。亦屬可憫。

著加恩交部照傷亡例議卹。○諭軍機大臣等。本日寶璣奏請陞見一摺。已於摺內批示。寶璣前已降旨補授廣東提督。計其發摺之時。尚未接奉前旨。該提督前在廣東。因茭塘一案。獲咎降調。經朕加恩錄用。今復令其仍任廣東提督。該省事務較繁。該提督赴任後。務須加倍奮勉。於一切營伍操防及洋面緝捕各事宜。竭力整頓。毋得再臨前愆。方為不負委任。俟明年冬月中。再行來京。陞見。亦不

為遲。將此諭令知之。○又諭曰。郭世勲覆奏查拏會匪一摺。內稱閩省咨會。訊據獲犯陳蘇老洪廷賀所供。朱九桃洪光賢及長髮和尚林進陳明各犯。當即率同文武。按照咨明住址。逐戶嚴查。並無洪光賢其人。亦並無洪姓居住。一面飛札各鎮道府。一體嚴密查拏。朱九桃長髮和尚林進陳明各犯。亦無踪跡。並無高溪地方等語。洪廷賀所供朱九桃等各犯。既據該署督率同文武。並密委鎮道遍

行查拏並無其人亦無高溪地名廟名自竟係該犯妄供並非確實此案首犯蘇葉洪廷賀等雖已正法但尚有案內餘犯及續行拏獲者俱可質訊著傳諭伍拉納等再向各犯等將從前洪廷賀所供各犯姓名住址是否實係妄供之處再行嚴切根究據實具奏毋任狡飾將此傳諭知之地方官不應存推諉他省之心○又諭曰福康安等奏酌定唐古忒番兵訓練事宜藏內鼓鑄銀錢各摺所稱新設番兵經費祇須商上給番目錢糧二千六百餘兩其餘俱係以沙瑪爾巴仲巴資產及丹津班珠爾家繳出之項支給等語此項查抄沙瑪爾巴仲巴資產並丹津班珠爾繳出莊田自應一律歸入達賴喇嘛商上作為新設番兵經費之用但廓爾喀與唐古忒滋事之由皆因前次噶布倫索諾木旺扎爾於貿易時從中刻扣私加稅銀經廓爾喀呈訴彼時留保住慶麟等隱匿不奏噶布倫索諾

木旺扎爾畏罪服毒身死雖已降旨將伊扎薩克台吉職銜革去不准伊子承襲但其家產尚未查出歸入達賴喇嘛商上該噶布倫係首先起衅之人若任其子孫坐享豐贍不足以示懲儆且其罪重於丹津班珠爾著福康安等將索諾木旺扎爾所有家產逐一查明同沙瑪爾巴等田莊資產一律歸入商上此項財產祇應以公濟公作為新設番兵三千名每年經費之用其另摺奏於察木多等處抽撥兵六十名撥調守備二員把總一員外委二員在江孜定日等處駐劄巡查所有例給換防之費原係綠旗官辦仍照例官為支給不必用其商上之項再所定藏內鼓鑄銀錢章程亦祇可如此辦理藏內既不產銅所需鼓鑄錢文銅觔仍須向滇省採買自滇至藏一路崇山峻嶺購運維艱自不若仍鑄銀錢較為省便但閱所進錢模正面鑄乾隆通寶四字背面鑄寶藏二字俱用唐古忒字

模印並無漢字與同文規制。尚未為協所鑄銀錢。其正面用漢字鑄乾隆寶藏四字。背面用唐古忒字亦鑄乾隆寶藏四字以昭同文而符體制。已另行模繪錢式發去遵辦。○軍機大臣議覆大學士兩廣總督公福康安等奏遵旨籌議番兵章程一。唐古忒兵丁向來五千餘名。係臨時在各寨調遣。有名無實。請嗣後前後藏各設兵一千名。定日江孜各設兵五百名。在該處就近挑補。原設戴綱五人。前後藏各駐二人。以一人分駐定日。再添設戴綱一人。分駐江孜。各管兵五百名。督率教演。前藏歸遊擊統轄。後藏及江孜。定日。歸都司統轄。一。大小番目。須分別等級。逐層管束。應於額設戴綱六名以下。設如綱十二名。甲綱二十四名。定綱一百二十名。遞相統轄。分管番兵。遇有缺出。按照等差。由定綱以上依次遞陞。其東科爾世家充當兵目。亦一體辦理。不准超越。一。番兵酌給口糧。此項額兵三

千名。每年各給青稞二石五斗。調遣征兵。每日由商上各給糈糲一觔。並發給執照。免其徭役。至番目除戴綱六名。例各給莊田一分。其餘每年酌給錢糧。如綱各給銀三十六兩。甲綱二十四兩。定綱十四兩。八錢俱由前藏商上支取。交駐藏大臣轉發。一。兵丁技藝。應令各將備督同番目訓練。駐藏大臣於每次巡查時。校閱優劣。分別賞罰。駐防將備即以所管兵目優劣。分別等第咨部。此項額兵定為五分鳥鎗。三分弓箭。二分刀矛。軍器火藥均按名分給。一。定日。江孜二處為衛藏要路。已設弁兵。濟龍。聶拉木各邊界。無庸另設番兵駐守。一。更換駐防將備。現在即於隨征營員內挑補。嗣後由四川總督派撥內地官兵。不得欺凌番兵。該管將弁戴綱。不得私令番兵服役。均應如所請從之。○又議覆福康安等奏稱藏地素不產銅。由內地撥運。不免糜費。應照上年奏准。由商上鑄造銀錢。一律通

行成色純用紋銀每圓照舊重一錢五分紋銀一兩易錢六圓餘銀一錢作為鼓鑄工本另鑄一錢重銀錢一種每兩易換九圓五分重銀錢一種每兩易換十八圓其巴勒布及商上原鑄舊錢低潮定為每兩易換八圓所有鼓鑄工料令商上經理仍交駐藏大臣派員督同監造如有攙雜將該管噶布倫及孜網孜仲等與監造之員一併治罪應如所請從之○又議覆福康安等奏稱查江孜定日

兩處為各部落來藏要路向來未設汛防應於江孜添立一汛派守備一外委一帶兵二十名駐劄定日添立一汛派守備一把總一外委一帶兵四十名駐劄所有兵丁於察木多抽撥四十名拉里撥十名後藏撥十名其員弁由川省派出均照例班滿更換統歸駐藏大臣於巡查時查驗操演應如所請從之○大學士兩廣總督公福康安等奏查達賴喇嘛所屬前後藏番民每年租賦除交各項

本色外約銀十二萬七千兩零現在噶布倫商卓特巴等缺議歸駐藏大臣會同揀選所有商上用度應交駐藏大臣總覈並令濟龍呼圖克圖就近稽查其扎什倫布番民租賦亦應一體辦理至前後藏邊界被賊侵擾已據達賴喇嘛遵奉諭旨於濟龍聶拉木絨轄三處酌免租賦兩年宗喀日喀爾達春堆等處亦免租賦一年其閩藏番民從前積欠全行蠲免番目等欠項減半蠲免報聞○辛未

上幸瀛臺○諭軍機大臣曰畢沅等奏京兵自川省北上由水路行走經行湖北從前辦有章程如此次凱旋索倫各兵由川江水程入楚北上已查照舊案飭為搏節妥備並飛咨穆和蘭酌辦等語因屬急公亦覺張皇此次勦辦廓爾喀所謂索倫達呼爾兵為數本屬無多儘可由四川省陸路回京乃孫士毅因據林偽所稟率行具奏議改水路以致楚省又多此一番豫備殊覺無謂此事孫士毅奏

到時朕即以川江上游船隻較少未必足敷
雇覓降旨令英善就近酌辦昨據該藩司覆
奏川江冬令上水船多下水船少所有凱旋
索倫等兵應仍由陸路進京等語是此項兵
丁仍由棧道至西安一路行走並不經過楚
省著傳諭畢沅等即將水路豫備之處飛速
停止其豫省南陽一路亦著穆和蘭飭知沿
途毋庸豫備○壬申

上幸瀛臺○癸酉諭曰軍機大臣等議駁福康
安等奏請將隨征出力之降番照屯練一體
准其襲替官職一摺所駁雖是但尚有未能
詳盡之處此等降番隨征出力業經賞給巴
圖魯名號及賞翎陞等已足酬其勞動若所
得虛銜俱准降等承襲而備弁等有管束兵
丁之責復准其子弟襲替則該處向上出力
兵丁既致拔補無階且伊等子弟襲職又安
保其俱能勝任設遇庸懦無能之人必致屯
務廢弛豈慎重名器之道譬若滿洲大臣官

員內五等之封例准世襲至其所兼大小官
職亦概予世襲有是理乎又如索倫達呼爾
兵最為驍勇屢著軍功其中有擢任大小官
員者亦並未悉予世職即如海蘭察晉封公
爵自當賞延於世而其所兼領侍衛內大臣
都統亦無世襲之理此明證也所有此項降
番即打仗陣亡者除本身所得虛銜准其親
支子弟降等戴用外所賞花翎藍翎係屬特
恩亦俱不當復准其子弟戴用至該親支子

弟內如有實在奮勉曉事者該督等原可隨
時察覈依次拔補職官即如回疆阿奇木伯
克伊什罕伯克等俱係辦事之人從無承襲
之理而其本身職銜雖係貝子公銜者仍可
補放六七品小伯克現在鄂斯璦之子邁哈
默特鄂三即係貝子職銜充當小伯克降番
等原可照此辦理本不必以伊等所得虛銜
較大拘泥對品轉致向隅况伊等如果奮勉
仍可逐漸遞陞以次拔擢原不礙其陞路○

又諭曰。刑部等衙門題覆直隸省深州民人馬四調戲戴氏羞忿自縊身死一本。閱其情節。不特節烈可嘉。而其情實堪憐憫。況馬四捏稱送做針黹。將油餠等物。暗藏包內。希圖引誘成姦。是設身處地。實屬刁淫可惡。非僅卒然相遇。以言語調戲者可比。近年調戲本婦羞忿自盡之案。並非手足勾引。祇係語言調戲者。秋讞勾到時。概不予勾。今馬四調戲戴氏自縊一案。若亦倖邀寬宥。何以懲淫惡而慰貞魂。嗣後除祇係偶然語言調戲本婦自盡之案。仍照例辦理外。若有似此案之調奸情節。貞婦之實在可憫者。著刑部於秋讞題本時。夾單提知所有馬四一案。明年著入情實辦理。以昭情法之平。○諭軍機大臣曰。吉慶奏學政聲名摺內。稱翁方綱學問尚優。考試細心。惟不能約束家人等語。翁方綱學問亦止中平。不過在直隸科甲人員內。相形尚見其優。是以簡用學政。並非必不可少之

人。今伊既不能約束家人。則在外招搖包攬滋事。自所必有。但該撫所奏。僅屬空言。並無指實之處。若遽行更換。轉滋議論。著傳諭吉慶。即將翁方綱如何不能約束家人。或有任令撞騙需索。及倚勢妄為等弊。即行據實查明。奏。勿稍迴護。有負任使。○又諭曰。勒保奏民數穀數摺內。夾片稱十一月初十日自蘭州起身。於二十三日抵榆林。原告任保有尚未解到。已專差迎提等語。榆林與寧夏接壤。皆其所屬。勒保由沿邊行走。前往審案。取道較近。乃行至十三日之久。始抵榆林。已屬遲緩。至原告任保有早已由京解往。勒保於接奉諭旨後。即應飛速派員迎提。乃該督直至抵榆林後。始行專差前往提解。所辦何事。勒保於年班伯克之子拜拉沙木。不令護送。伊父棺柩。回至喀什噶爾。轉聽其押貢進京。所辦已屬錯誤。今於交審案件。又行走遲緩。並不將原告先行迎提到案。可見該督意存

自滿。全不以事為事。竟大不如前。勒保著再傳旨申飭。○甲戌。

上詣

雍和宮行禮。○諭軍機大臣曰。管幹珍奏。佃湖營外委王兆熊。駕領水操沙船。在洋面陡遇大風。漂失船隻。請將駛駕不慎之外委王兆熊。先行斥革。所有船隻。交江南總督飭查明確。著落賠補。並開送應議職名題奏等語。此項水操沙船。駕至洋面。陡遇大風。以致漂失。在船弁兵舵水人等。幸遇漁船救護得生。殊堪憫惻。既經該遊擊陳書凱之漁船船戶王有才所供。遭風救護各情節。俱與原報相符。自非捏飾。且外委王兆熊。現在各處尋找漂失船隻。尚未回汛。情節亦為可憐。何必遽行斥革。管幹珍所辦未免過當。此事著交書麟查明。如王兆熊已經回汛。即著復還外委頂戴。免其斥革。所請賠補船隻及開送職名之處。均著加恩寬免。至遭風弁兵人等。如果係

漁船救護得生。其漁船亦應酌量加賞。將此傳諭書麟。並諭管幹珍知之。○蠲緩長蘆興國富國豐財蘆臺嚴鎮等五場。並滄州南皮鹽山慶雲青縣交河東光等七州縣。本年旱災。竈地額賦有差。○旌表守正捐軀直隸深州民馬平智妻戴氏。乙亥。諭曰。伍拉納秦拏。獲行刦殺人。及挾仇謀害事主之兇盜。審明辦理。一摺。已批交該部知道矣。閩省民俗刁悍。近年以來。盜竊械鬪各案。屢經懲辦。原期辟以止辟。而案多人眾。每於該督等奏到時。駢戮多命。朕心殊有不忍。但如本日伍拉納奏到之余。賜各犯。俱係行刦殺人。挾仇謀害。不得不按律辦理。此等莠民。犯法固屬孽由自作。第該處地方官。如果平日實心教導。默化潛移。自可以消其不馴之氣。而生其向善之心。即閩省敝俗相仍。但屢經懲創之後。亦應稍知畏法斂跡。乃尚有此等行刦逞兇之案。總由地方官不能導化所致。該省大小

官員俱有教迪斯民之責。嗣後務宜隨時董勸。剴切曉諭。俾悍俗愚民各知畏法保身。免罹重辟。以副淳切訓誡至意。又不可因有此旨。失於寬縱。化大為小。○又諭本日召見盛京戶部侍郎祿康。清語平常。一切事件。未能明白。陳奏。盛京戶部事務較繁。祿康恐不能勝任。著調補盛京兵部侍郎。所遺盛京戶部侍郎。著伯麟調補。○諭軍機大臣等。鑲紅旗漢軍都統等奏。已革福建永安縣知縣高總名下。應賠覈減軍需等銀。共五千八百餘兩。經該旗行查高總從前任內。有無寄頓迄今未覆等語。高總曾任知縣。何以伊名下應賠銀五千餘兩。尚未完繳。既經該旗於本年二月咨查閩省。該督撫自應將該參員前在任所有無寄頓之處。速飭查明。咨覆該旗。以憑覈辦。乃距今已將一載。尚未查覆。可見外省習氣。任意遲緩。全不以事為事。伍拉納。滿霖均著傳旨申飭。仍令將高總任所有無寄頓

銀兩。確速查明。及於何日。接到旗咨。因何久未查覆之處。據實覆奏。勿再遲延干咎。○又諭曰。刑部題覆安徽省廣德州僧正麒麟圖財害命一本。已照簽批發矣。此案僧正麒麟於五十五年四月內。因圖財勒死幼僧。明方後。即行逃逸。事隔二年之久。經差役汪德載協同營兵朱光玉等。改裝訪至浙省德清縣地方。在吉祥寺內。將僧正麒麟拿獲。不致正兇日久漏網。該兵役尚屬能事。著朱珪即酌加獎賞。

以示鼓勵。○丙子

上御乾清門聽政。○諭曰。福崧著來京候旨。所有浙江巡撫員缺。著長麟調補。向來山西巡撫係兼提督職銜。用武職頭品頂戴補服。今長麟調任浙江。著加恩仍戴一品職銜。並准用文職補服。蔣兆奎著補授山西巡撫。所遺山西布政使員缺。著善泰補授。其山西按察使員缺。著祖之望補授。○又諭據全德參奏。運使柴楨將商人應納錢糧私自截留侵用。

請旨革審其未經具稟之庫官黃德成請一併革職質審等語柴楨著革職拏問交書麟奇豐額會同全德嚴審定擬具奏庫官黃德成即著革職交該督等一併歸案審辦所有兩淮鹽運使員缺著曾煥補授○又諭據保寧奏今歲回民地畝田禾被雪壓傷著加恩將本年應徵穀四千石免其交納○諭軍機大臣等昨因已革永安縣知縣高鑣應賠覈減軍需等銀共五千八百餘兩經該旗行查

自應在該管各上司名下按數攤賠著該督等即行詳悉查明據實具奏毋得再有遲延至高鑣係漢軍近京州縣地方或有伊所置田地房產寄頓財物並著梁肯堂即飭所屬一併查明入官抵款除就近傳知順天府尹一體查辦外將此各諭令知之○又諭曰全德參奏運使柴楨將商人王履泰等應納錢糧在外截留作為己收私自移用共二十二萬兩庫官黃德成曾稟請該運使明示因柴楨告以急用暫那當即設措歸款黃德成隨聽其作弊又隨訊之該運使家人柏順供稱實因柴楨浙江交代未清恐浙省參奏是以私那十七萬兩前往補填其餘五萬係自己侵用等語此事大奇殊出情理之外已明降諭旨將柴楨革職拏問並將該庫官黃德成革職交書麟奇豐額全德嚴審定擬矣柴楨以貴州舉人用至運司其前任浙江鹽道即係美缺迨調用兩淮缺分尤好該員以邊省

寒暖坐享豐贍亦當知足安分謹守出納何得將商人應交錢糧私自那移至二十二萬之多即據伊家人供稱該員自用銀止五萬兩其餘十七萬兩係送往浙江補填交代柴楨調任兩淮未久何以即用銀五萬兩且浙江鹽道養廉亦厚又何以交代未清多至十七萬兩種種情節殊堪駭異除另降諭旨交福崧在浙省就近查明明白回奏並令馮光熊於該員本籍一併查封外著傳諭書麟奇

豐額接奉此旨即速赴揚州同全德將該員因何那移作何支用會同確切查訊務得實情書麟辦事素軟此係特交查辦之件尤宜秉公確查據實辦理不得稍涉迴護如該員實係侵蝕入己現距年節不遠著傳旨即將該員一面正法一面奏聞以為運使大員侵帑不法者戒至柴楨現經全德摘取印信派員看守如該員有聞風畏罪自戕等事則惟書麟奇豐額全德三人是問恐書麟等不能

當此重戾其庫官黃德成雖係微末之員但典守者不能辭其責因何任令該運使私自那移不行申報亦應訊明治罪全德雖經查明奏案第近在同城不能先事覺察致令那移至二十餘萬之多亦有應得之咎統俟定案後再降諭旨○又諭曰柴楨前在浙江鹽道任內虧空庫項至十七萬之多福崧係兼管鹽政竟形同木偶毫無聞見所司何事此項銀兩柴楨究係因何虧空離任時如何交

代現在浙省如有柴楨寄頓贓產著福崧嚴密查出毋任稍有隱匿並將柴楨如何私自那用以致虧空庫項該撫何以不及早參奏代為隱瞞之處據實明白回奏若稍涉含混及柴楨在浙江任所寄頓贓財查抄時如有不實不盡之處是福崧既不能覺察於前又復諱飾於後則二罪並罰恐該撫不能當此重戾也將此由六百里傳諭知之著即速據實明白覆奏○又諭曰柴楨到浙江鹽道任

內甫逾一載為時未久何以虧空至有十七萬兩之多必另有別故非伊一人侵用福崧兼管鹽政近在同城豈竟毫無聞見若知鹽道虧空任其彌補不行叅奏則福崧必有與柴楨通同連手之事方肯代為隱忍今若交福崧查辦必致始終迴護此事仍難水落石出現在督撫中惟長麟尚能查辦現已降旨將長麟調任浙江並賞給一品頂戴長麟接奉此旨即著馳驛迅赴浙江所有明發諭旨亦著發交長麟齎往俟到浙後即面宣諭旨令福崧回京候旨長麟即行接印任事務將柴楨在任時如何私自那用該員在任未久何以虧項如此之多或歷任皆有弊福崧因何不行據實叅奏代為隱瞞有無交結勾通之處逐一徹底查明據實具奏該撫係能事之人經特旨調往責成查辦此事務須根究得實毋得稍存徇隱方為不負加恩委任也將此由六百里加緊諭令知之○又諭曰全

德叅奏運使柴楨虧空庫項一摺已明降諭旨將柴楨革職拏問交書麟等嚴審定擬具奏矣至摺內稱商人王履泰等應納錢糧因何聽運使截留在外私自那用應押令該商先行賠出以清庫項等語尚不足以示懲從前高恒於侵用提引餘利一案商人江廣達據實證明曾特加恩賞給該商布政使職銜以示獎勵今柴楨將應納錢糧截留移用商人王履泰等若能據實稟知鹽政查辦不特得免罪戾並可仰邀恩獎乃明知運使截留移用隱匿不報其咎甚重今不將該商等一併治罪已屬格外從寬所有柴楨移用銀二十二萬兩應罰令王履泰等加倍繳出以示懲儆並著全德傳集該商等將此旨明白曉諭以前此江廣達邀賞一事伊等皆所共知何以於柴楨移用帑項並不早行稟知代人受過若鹽務官員相率效尤私向商人那移該商等俱為隱忍移累豈不更多嗣後遇有

此等侵那情事該商等務須各知利害及早呈首既免賠罰又可得賞不特運使為然雖鹽政有私那勒索等弊該商等即不必在鹽政處呈告儘可赴督撫衙門控訴毋得仍前容隱自取罪愆也○以侍講瑚圖靈阿充日講起居注官○以故湖南靖安監土把總向廣福子茂棟襲職○丁丑諭曰尚書慶桂著馳驛前往揚州查辦事件所有隨帶司員一併馳驛○諭軍機大臣曰福崧係穆和蘭胞

姪穆和蘭曾面奏其未能淳樸今觀伊於不叅柴楨一事穆和蘭前奏竟屬有見福崧小有才具是以擢用巡撫前因其不肯實心任事派往新疆効力復經棄瑕錄用簡調浙江以資駕輕就熟自應痛加淘汰矢慎矢公乃於鹽道庫項虧短至十數萬兩並不據實查叅恐竟有通同染指情弊不可不徹底根究穆和蘭係伊胞叔福崧平素操守及現在浙江聲名如何斷無不深悉底裏之理況該撫

前曾在朕前面奏今經特旨詢問尤宜據實陳奏不可瞻徇私情稍為迴護致蹈欺飾也將此諭令知之仍即據實速奏尋奏每遇江浙來豫之人詢問福崧居官聲名俱因係臣親姪未肯吐露實言現在操守無從知其確實得旨覽○又諭曰吏部叅奏推陞都察院經歷之鳳山縣知縣史必大行文調取復經咨催至今年餘未見給咨赴部亦並無咨覆文書到部等語鳳山縣史必大既經推陞都

察院經歷該督撫於接准部文後自應即飭該員速行交代清楚給咨赴部乃輒以臺灣遠隔重洋非半年以內所能請咨為辭率行咨部開缺及經部咨催後該員在知縣任內如果有經手事件未能即行起程該督等亦應將暫留閩省緣由聲明咨部乃逗留至年餘之久並未給咨又不據實聲覆若非該員貪戀外任規避京職托故遷延即係在任經手錢糧等項交代不清以致日久逗留該督

撫等既不作速查催。又任其耽延。並不咨覆吏部。可見該督撫竟不以事為事。辦理一切大不如前。伍拉納浦霖俱著傳旨嚴行申飭。並著一面押令該員迅速赴部。毋得任其再行戀棧外。仍著將吏必大因何遲延。及該督撫何以並不即行給咨飭令赴部。及接准部催。又何以遲至一年。並不咨覆。並該員交代各件。有無未清之處。據實明白。速行回奏。毋得稍有捏飾。致干咎戾。○戊寅諭前因辦理

廓爾喀軍務。業經降旨撥銀六百萬兩。以供軍需支用。茲據福康安等奏稱。所有解藏銀兩除撥支軍需外。其例應支放兵餉各項。尚不敷用。請再酌撥銀兩。解川接濟等語。著照所請。交戶部於隣近省分酌撥銀七十萬兩。令各該省派員迅速解往川省。以資支用。○又諭曰。惠齡奏著打箭爐同知徐麟趾稟稱。據惠遠廟喇嘛報稱。十月十七日。該處地震。將牆垣震塌。並震倒碉房數百間。並未傷損

人口。當即派員查明撫卹等語。前據孫士毅奏。七月二十一日。打箭爐明正土司及附近各土司地方地震。間有坍塌牆垣。壓斃番民之事。惠遠廟牆垣亦有倒塌。業經委員確查覈辦。照例先行撫卹。今泰寧惠遠廟又復地震。牆垣房間多有倒塌。此時惠齡尚在藏地。著交英善就近飭委妥員。前往照例撫卹。其前此被震各地方撫卹事宜。是否查辦俱已周妥。並著一體察看妥辦。○諭軍機大臣曰。

朱珪奏覆審周正起搗傷查確保咽喉身死一案。實係臨期頓起殺機。請照故殺例定擬。並自請同原審及率轉各員。一併議處一摺。已批交該部議奏矣。此案前據邢部具題時。朕詳覈案情。即以周正起與查確保年歲長幼懸殊。批頰搗喉。立斃其命。顯有欺凌及別項情事。飭令該撫另委妥員。按照指出情節。覆加研訊。今據該撫審明周正起一犯實係因查確保纏擾不休。頓起殺機。用手緊搗其

咽喉抵住茅廁橫牆。登時斃命。是該犯故殺情節。已屬顯然。乃從前承審及覈轉各員。並未審出。僅據該犯狡供。率行定擬。而該撫即據以具題。若非經朕詳晰指駁。則該撫竟任聽屬員。草率定擬。致令兇惡之犯。得以避重就輕。殊非詳慎獄之道。朱珪著傳旨申飭。嗣後該撫審辦案件。務宜虛衷研鞠。期於情真罪當。毋得輒據屬員率擬具題。致罪名輕重失當也。○以內閣學士吳省蘭充文淵閣

直閣事。○舉行本年各駐防軍政。盛京卓異官四員。罷軟官七員。年老官一員。有疾官四員。才力不及官三員。吉林卓異官五員。罷軟官一員。年老官一員。西安卓異官四員。江寧卓異官二員。年老官一員。有疾官一員。杭州卓異官二員。罷軟官二員。年老官一員。才力不及官二員。荆州卓異官三員。寧夏卓異官二員。福州卓異官一員。年老官一員。廣州卓異官一員。綏遠城卓異官一員。年老官一員。

察哈爾卓異官四員。罷軟官一員。有疾官一員。熱河卓異官二員。密雲卓異官二員。青州卓異官一員。涼州卓異官一員。山海關卓異官一員。浮躁官一員。乍浦卓異官一員。才力不及官一員。山西卓異官一員。河南卓異官一員。伊犁卓異官四員。黑龍江卓異官十七員。年老官一員。有疾官一員。烏魯木齊卓異官三員。分別議敘處分如例。○乙卯舉行本年軍政。順天卓異官三員。有疾官一員。直隸

卓異官三員。年老官一員。山東卓異官四員。罷軟官一員。有疾官二員。才力不及官二員。河東河標卓異官一員。年老官一員。才力不及官一員。山西卓異官二員。罷軟官一員。年老官二員。才力不及官四員。河南卓異官三員。罷軟官一員。才力不及官一員。江南卓異官七員。罷軟官一員。年老官二員。才力不及官六員。江西卓異官三員。有疾官一員。才力不及官一員。浙江卓異官九員。罷軟官六員。

年老官二員。湖廣督標卓異官二員。湖北卓異官二員。年老官一員。湖南卓異官二員。有疾官一員。才力不及官一員。廣東卓異官六員。罷軟官一員。年老官一員。有疾官一員。廣西卓異官五員。年老官一員。有疾官一員。才力不及官二員。陝西卓異官十員。罷軟官一員。年老官二員。才力不及官一員。甘肅卓異官十四員。年老官二員。有疾官三員。才力不及官三員。雲南卓異官四員。罷軟官二員。年老官二員。有疾官一員。貴州卓異官七員。罷軟官一員。年老官一員。有疾官三員。才力不及官一員。江南各衛卓異官四員。罷軟官一員。年老官二員。才力不及官二員。江西各衛卓異官一員。年老官一員。才力不及官一員。浙江各衛卓異官一員。罷軟官一員。年老官一員。湖北各衛卓異官一員。分別議敘處分如例。

實錄卷一百八十八

高宗

大清高宗法天隆運至誠先覺體元立極敷文奮武孝慈神聖純皇帝實錄卷之一千四百十八

實錄卷一百八十八

高宗

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十九

監修總纂官總纂官太子太傅文淵閣大學士文淵閣領侍衛內大臣傅家欽奉 上諭事件處管理

吏部理藩院事務。纂修滿洲部統世襲新鄂軍功加七級隨帶加一級尋常加二級軍功紀錄一次臣慶桂

總裁官經筵講官太子太傅文華殿大學士文淵閣領侍衛內大臣上諭事件處管理刑部戶部三庫事務

世襲新鄂軍功加十九級隨帶加二級又加二級臣董誥內大臣戶部尚書兼理滿洲部統軍功紀錄五次

尋常紀錄十四次臣德麟經筵講官太子少保內閣書紀錄六次臣曹振鏞等奉

敕修

乾隆五十七年壬子十二月庚辰諭曰恒瑞

在烏里雅蘇台三年有餘即著伊兄恒秀授
為烏里雅蘇台將軍前往更換恒瑞吉林將
軍員缺著恒瑞補授○又諭曰理藩院奏烏
喇特三旗蒙古等負欠民人私債銀二萬餘
兩經該扎薩克會同地方官查明從前係將
荒地令民人耕種五年抵還欠項年滿後退
出仍作牧場等語向來禁止民人在蒙古地
方開墾地畝原因蒙古等以牲畜為生計若
全行耕種必致無牧放處所今烏喇特三旗

令民墾種即係有違例禁而屬下人等又私
欠民債至二萬餘兩此皆由該盟長等未能
嚴查所致但念伊等負欠銀兩無從歸還著

加恩照所請暫令民人耕種五年抵完欠項
後即行驅出倘限外仍有私容民人墾種者
必當從重治罪並將失察之盟長扎薩克等
一併議處○吏部議處前署江西巡撫姚茶
前護理江西巡撫布政使託倫於興國縣童
生劉昌新雇倩鎗手代考一案未能據實查

辦應照例降調得旨此案託倫定擬具奏時
以劉昌新之父劉世亮訊不知情免議而代
倩之黃起揚即係劉昌新之師僅照尋常鎗
手科罪殊未允協經朕看出指駁交陳淮嚴
切覆究始行審出實情託倫係藩司護理巡
撫不能據實查辦問擬輕縱非尋常錯誤可
比託倫著賞給道員職銜前往和闐辦事換
回錦格前任署巡撫姚茶係原審之人未能
究出實情亦難辭咎姚茶俟服闋來京之日

著該部提奏再降諭旨。以故三等子額森特繼子依爾綱阿三等男普康子豐盛阿各襲爵。○辛巳。諭軍機大臣等。據吉慶奏。翁方綱家人劉四。劉五。平素酗酒。不安本分。曾將民人溫玉打傷。當經署歷城縣知縣張光熙將劉四等查拏管押。因溫玉傷已平復。即將劉四劉五重責。押令遞籍。此外尚無招搖撞騙情事等語。此尚非大過。其劉四劉五業經該撫重責。遞解回籍。亦已足示懲。但究由翁方綱平日不能約束。以致家人在外滋事。此次姑從寬免究。該學政嗣後務宜倍加小心。嚴行管束。若再任令家人滋事妄為。一經發覺。必將該學政從重治罪。決不寬貸。並著傳諭吉慶。仍應隨時查察。如翁方綱於現在邀恩寬免後。尚不自知儆惕。復有家人在外招搖滋事之處。即當據實嚴參。勿稍迴護。○調浙江布政使王懿德為江西布政使。以浙江按察使顧長紱為布政使。○三等男雅滿泰

緣事革職。以其姪台興阿襲爵。○壬午。諭曰。聞嘉言著調補浙江按察使。林雋在川省年久。所有四川按察使員缺。著林雋補授。以資駕輕就熟。○諭軍機大臣等。據全德奏。查明運庫虧那實數。並各商先行罰繳一摺。內稱。向來各商上納錢糧。或用商夥。或用家人赴庫兌交。本商並不親到。其小商並有交與銀店代納者。此次柴楨移用銀兩。即係向商夥家人及銀店人等說明。那用等語。此即係全德所辦不妥。已於摺內批示。鹽課錢糧關係帑項。該商人等即間有頂戴較大者。但身既充商。其於交納錢糧等事。是商人本分事。自應親身赴庫。兌交上納。何得委之商夥及家人銀店等代為經手。本商竟置之不聞。此皆由全德平日怠玩因循。不加整飭。惟圖見好商人。不令親身到庫。任聽伊等輾轉倩人代行交納。而商夥家人等貪得沾潤。遂聽從柴楨關說。在外交收。以致那移庫項。全德職任

鹽政稽查出納是其專責。乃似此廢弛貽誤。弊竇叢生。所司何事。除該商等罰繳銀兩。仍照前旨令其加倍罰出外。全德著傳旨嚴行申飭。○又諭曰。書麟等奏訊據柴楨供稱。在浙江交代時。因陞了運司。令將鹽道庫內無著銀二十多萬兩交出。是以到揚州後。私向衆商暫那課銀十七萬兩。趕送浙江。又曾將玉器等件。留於浙江道庫。押抵銀三萬五千兩。後來浙江定要現銀。及解往浙省。銀須加色。是以復那課銀五萬兩。共是二十二萬兩等供。但所供難以遽信。事涉兩省。懇請欽派大臣。提同質審等語。所奏可笑。奇豐額甫經擢用巡撫。未曾歷練。遇事或不能確有把握。書麟簡任封圻年久。於此等重大案件。既經全德移交審辦。自當秉公嚴鞠。據實辦理。何得輒請欽派大臣。意存推諉。試思伊等皆係督撫。尚非大臣乎。何其甘自居於不是人。一至於此。書麟奇豐額俱著傳旨嚴行申飭。此

事全德奏到後。朕即以書麟辦事素軟。早經派令慶桂長麟前往會同審辦。今觀其如此無用。竟不是人。果不出朕所料。此項銀兩既據柴楨供明。俱係那往浙省填補。揚州無可查辦。著傳諭慶桂長麟接到此旨。途次加緊行走。到揚州後。亦無庸在彼耽擱。即將柴楨帶往浙省質審。務將浙江鹽庫因何虧缺二十二萬兩之多。柴楨離任時如何移交。新任如何接收。又如何自認填補。此舉福崧自然知情染指。著即革職。逐一嚴鞠。務得實情。迅速據實具奏。若尚支飾。著慶桂帶一千犯速來京。朕將親審。將此由六百里加緊傳諭慶桂長麟等知之。○軍機大臣會同刑部等衙門。奏審明革職大興縣知縣祝振凱。法得贓唐慎中。孫衡等同謀。訛詐一案。分別定擬。得旨。此案大興縣知縣祝振接受唐慎中控告恩福呈詞。聽從孫衡央求。並不查辦。及唐慎中抱贓出首。希圖多詐銀兩。祝振復因孫衡

囑託將呈詞壓擱以致唐慎中孫衡倚仗恐嚇索詐多贓祝振係畿輔首縣竟敢徇私執法得贓至三千兩之多實屬大干法紀唐慎中孫衡同謀訛詐恩福銀兩多方恐嚇索贓至一萬二千餘兩實為惡棍之尤均著照軍機大臣等所奏應絞監候改入本年秋審情實辦理現在朝審勾到之期已過祝振唐慎中孫衡俱著即處絞革職知府恩福於伊子同慶被詐銀兩時雖不知情但事後經伊子告知理應送官究治乃始終甘心隱忍實有應得之咎著照被詐銀數三倍罰出以示懲儆至此等劣員梁肯堂何以保題大興首縣順天府尹近在同城亦復漫無覺察均難辭咎亦著交部嚴加議處○禮部尚書紀昀等奏向來考試春秋用胡安國傳胡傳中有經無傳者多出題處甚少且安國當宋南渡時不附和議借經立說原與本義無當聖祖仁皇帝欽定春秋傳說彙纂駁胡傳者甚

多

皇上御製文亦多駁其說科場試題不應仍復遵用請嗣後春秋題俱以左傳本事為文參用公羊穀梁即自下科鄉試為始一體遵行得旨此奏是○加賑陝西臨潼咸陽渭南咸寧長安乾州涇陽三原興平蒲城高陵韓城武功醴泉等十四州縣本年旱災貧民並蠲緩額賦有差○旌表守正捐軀河南新蔡縣民吳珠妻張氏○癸未諭曰福崧彙奏摺內稱查有龍泉縣具報張有順致傷周添富業內起出烏鎗一桿等語烏鎗為軍營利器是以前經降旨令各督撫實力嚴查毋許私鑄其民間舊有者曉諭呈繳並今年終彙奏一次乃連年以來並未見各該督撫實力遵辦此次福崧所奏烏鎗一桿係因張有順致傷周添富起出兇器豈得謂為地方官查出乎不特此事為然即如不准州縣無故上省及換帖宴會私設班館政碑衣傘等事久經查

禁該督撫於年終彙奏時總以並無此事為詞。而其實相沿積習。未必不陽奉陰違。是年終彙奏竟成具文。殊屬非是。嗣後務宜實力查禁。各屬內如有復蹈故轍者。即當據實糾叅。毋得託諸空言。僅以年終一奏塞責。以副朕整飭官方。諄切訓誡至意。○諭軍機大臣等。昨據全德奏。向來各商上納錢糧。或用商夥。或用家人赴庫。兌交本商並不親到。並有交與銀店代納者。此次柴槓移用銀兩。即係向商夥家人等說明。那用等語。已降旨飭諭全德。因又詢問伊齡阿。前在鹽政任時。其商人交納錢糧。如何辦理。據稱兩淮商人上納錢糧。其在揚州府城者。俱係本商自行赴庫兌交。其籍隸山西陝西安徽等處之商人。多在原籍居住。應納錢糧。俱係商夥在揚州代為交兌等語。所言自係實情。該商人等如係揚州本商。一切行運事宜。俱係自行經理。則於交納錢糧時。近在本城。自應親身到庫。兌

交上納。其籍隸山西陝西安徽等省之商人。所有營運等事。係交商夥代辦。本商多在原籍居住。相距較遠。其上納錢糧。若必令本商自行赴庫。兌交轉啟藉端需索等弊。亦非恤商之道。嗣後兩淮商人交納錢糧。除住居本城者。自應責令親身赴庫。兌交。毋得瞻徇情面。致滋弊竇外。其籍隸外省之商人。不可因有昨旨。一概拘泥。務令本商自行赴揚州到庫交兌。以免滋擾。而示體恤。再長蘆鹽務。有無前項等弊。並著傳諭穆騰額。隨時留心查察。其交納錢糧時。如有籍隸外省商人。亦著一體遵照辦理。○加賑河南安陽湯陰臨漳林縣武安涉縣內黃汲縣新鄉輝縣獲嘉淇縣延津滑縣濬縣封邱考城河內濟源修武武陟孟縣溫縣原武陽武等二十五縣。本年早災貧民。並蠲緩額賦有差。兵部議准雲貴總督富綱疏稱。貴州凱里長寨銅仁三協營。向屬邊缺。近來水土平和。應請改為內地。

所有額設八缺均照常俸人員一例陞轉從之。旌表守正捐軀山東樂安縣民魏蘭妻高氏廣東英德縣民巫友聰妻江氏。甲申諭軍機大臣等昨降諭旨將林偽陞補四川按察使符兆熊陞補鹽茶道其所遺寧遠府知府員缺應行簡放。此次承辦軍需出力人員如沈念茲姚令儀業經簡擢知府此外隨營同知直隸州內是否尚有奮勉出力之人著傳諭福康安惠齡秉公查明據實具奏候朕加恩簡放以示鼓勵。○乙酉

上御寧壽宮景祺閣賜王貝勒貝子公額駙大臣及蒙古王貝勒貝子公額駙等食。○以福建督糧道錢受椿為按察使。丙戌諭曰長麟自棄瑕錄用以來於辦理地方事件尚屬認真現在調任浙江巡撫一切正資整頓所有該撫浙江任內應得養廉著加恩准其全行支給以示體恤。又諭曰善德年已及邁著留京補授正紅旗蒙古都統所遺廣州將

軍著富昌調補富昌所遺荊州將軍著永琨補授。○諭軍機大臣等戶部奏各省未結地丁案件前經奏明勒限五年清釐完結如逾限不完即行叅處本年已屆期滿所有直隸各該省業於限內全完惟河南省未能依限清楚應查取該省承辦遲延各員職名交部議處等語。各省地丁已未辦結之案前經戶部奏請勒限五年掃數奏報通行在案各該省既皆依限辦結河南一省何以獨至遲逾殊屬延緩穆和蘭著傳旨申飭並著將已未結各款作速趕辦結報勿再遲延干咎。○丁亥

上御撫辰殿大幄次賜蒙古王貝勒貝子公額駙台吉及霍罕伯克那爾巴圖來使回部伯克等宴。○是日癸丑年立春順天府進土牛春山寶座。○戊子

上幸瀛臺朝鮮國正使朴宗岳副使徐龍輔等六人安南國陪臣武永城陳玉視等四人還

羅國正使帕史滑理遜通亞排那赤突副使
朗喝汶悉呢霞喔撫突等四人並廓爾喀貢
使噶箕第烏達特塔巴等四人於西苑門外
瞻覲○已丑

孝莊文皇后忌辰遣官祭

昭西陵○

上詣

慈寧宮

壽康宮行禮○諭軍機大臣曰福崧奏查明各

屬未完籽種口糧銀兩分別著賠一摺內稱
乾隆五十年浙省杭嘉湖所屬仁和等十七
州縣併嘉湖三衛借給口糧籽種銀兩尚有
未完銀三十三萬四百兩零請題豁二成其
餘未完銀二十六萬四千三百餘兩著落各
州縣及該管上司分別擬賠等語此項未完
口糧籽種銀兩似係地方虧空與鹽務近案
無涉但自五十年借給之項何以遲至本年
始行奏明此六七年内地方官所司何事並

不實力經徵而福崧亦漫不加察看來福崧
近聞全德參奏柴棍將運庫銀兩移往浙江
鹽庫一事故為此奏豫占地步希圖牽混殊
不足信長麟現已調任浙江巡撫地方虧空

係伊專責著傳諭該撫將此項未完銀兩何
以自五十年至今未經查催辦理或竟係州
縣等藉詞民欠那移虧缺務須秉公查明據
實覆奏不可稍涉瞻徇又福崧另摺覆奏山
陰會稽等縣境內南岸海塘各工現俱穩固

惟荷花池等處江塘各工程因該處江形曲
折潮汐往來塘身著重等語所奏亦屬牽混
向來浙省海塘南坍北漲為極好機會而福
崧前奏南岸亦有要工殊不可解節次降旨
令其據實奏覆今所奏南岸工程情形係民
修江塘為江浙瀕臨江湖地方所常有之事
與海塘本屬兩事福崧何得將此項工程亦
混入應修海塘項下可見福崧全不用心亦
著交長麟將該工是否應修地方官有無影

射弊混一併查明覆奏○庚寅諭前據全德叅奏運使柴楨一案當即降旨令福崧將柴楨在鹽道任內因何虧空離任時作何交代之處據實明白回奏茲據覆奏柴楨在鹽道任內有濫支商捐銀兩及經管變價物件繳損短交自認照數賠繳已據護鹽道明保催收清楚其接任鹽道張慎和亦經結報無虧等語所奏實大乖謬福崧以巡撫兼管鹽政於柴楨虧空庫項至十七萬之多豈竟毫無聞見况現經書麟等訊據柴楨供認屬實福崧何得藉詞支飾乃摺內並未將鹽庫因何虧短緣由據實查出猶復意存推卸而於柴楨私那虧缺福崧平日漫無覺察之處醜顏若無與已事並不自請治罪則所司何事殊屬昧良負恩福崧前已降旨革職著即拏問交慶桂長麟秉公確訊歸案辦理如有與柴楨通同染指情弊即據實嚴叅勿稍徇隱○諭軍機大臣曰柴楨所那揚州帑課銀二十

二萬兩前據書麟等奏訊之柴楨供稱內十七萬兩係分作四次送往浙江填補交代又五萬兩亦係送往浙省贖回抵押珠串玉器既添補銀色之用何以福崧所奏柴楨名下共止應賠銀七萬八千餘兩並經該護道明保催收清楚結報無虧鹽道張慎和到任交盤亦結報並無虧短與柴楨所供殊不相符且福崧摺內亦無一字認罪之處實大不是已明降諭旨將福崧革職拏問矣所有柴楨一犯業交慶桂等帶往浙省四面質對無難水落石出該護道明保及鹽道張慎和因何結報無虧亦應訊問明保丁憂回旗現查明尚未到京著傳諭慶桂長麟不拘於何處遇見明保即一面向該員詳細研訊一面帶往浙省以便候質如明保張慎和有通同弊混之處亦即據實嚴叅勿任徇隱○又諭前據書麟等奏訊之柴楨供稱所那揚州帑課銀二十二萬兩內將十七萬兩分作四次送往

浙省填補交代等語。此項銀兩既經柴槓分作四次著人送往浙江。則其那移已非一日。何以全德直至此時始行奏。此事與全德殊有關。係除另交慶桂等查明四次送浙銀兩。係何月日一併覈辦外。著傳諭該鹽政將因何不及早查叅之處。據實明白回奏。勿稍隱飾干咎。○是日起。

上以歲暮禋祭

太廟齋戒三日。○辛卯諭軍機大臣曰。福康安等奏審訊壓擱廓爾喀表貢。匿不具奏一摺。鄂輝於許給廓爾喀銀兩一事。或尚可諉為不知。至五十五年廓爾喀呈進表貢。壓擱不奏。現經福康安等面加詰訊。鄂輝雖輟轉支飾。而此事係其主見。已屬百喙難辭。今福康安等並未按律定擬。請將鄂輝等解京治罪。試思解到後。即交軍機大臣覆訊明確。亦不值即將伊三人概行立寘重典。若交部監禁。是伊等身獲重譴。轉藉此回京安坐。圖圖殊

不足以示儆。計此時鄂輝起解在途。亦距藏不遠。著傳諭惠齡英善接奉此旨。飛飭沿途不拘鄂輝解到何處。即於該處截留。仍解回前藏交與和琳將伊永遠枷號。與俘習渾雅滿泰同為在藏辦事大臣。不肯用心妥辦。致藏地不靖者戒。○軍機大臣等議覆大學士兩廣總督公福康安等奏籌酌善後章程一摺。駐藏大臣除上山瞻禮外。其督辦事務。應與達賴喇嘛班禪額爾德尼平等。自噶布倫以下番目及管理喇嘛等事。無大小均應稟知辦理。一。大小番目應立定等級。揀放查噶布倫辦理一切事務。戴綱管領番兵。商上孜綏商卓特巴總司出納缺關緊要。不可越次補放。即各缺營官管理番民。亦應揀選充補。請嗣後噶布倫缺出。於戴綱及商上孜綏商卓特巴內由駐藏大臣會同達賴喇嘛揀選正陪奏補。商上孜綏商卓特巴缺出。以管放口糧之業爾倉管理刑名之協爾幫噶厦辦事

之大中譯及孜仲喇嘛陞補業爾倉協爾幫缺出以管理布達拉番民希約第巴管拉撒番民朗仔轄密本管達賴喇嘛馬廠達本陞補希約第巴密本達本缺出以大缺邊缺及噶厦卓尼爾陞補大中譯缺出以小中譯噶厦卓尼爾陞補大缺邊缺營官以小缺營官調補及小中譯補放唯小缺各營官始准於東科爾及喇嘛內揀補其業爾倉希約第巴兩項向有喇嘛者仍准挑補前藏商上鑄錢應專派鑄錢孜絀仲喇嘛各二名辦理均由駐藏大臣會同達喇嘛挑選發給清漢字番字印照至扎什倫布管事皆係喇嘛其商卓特巴缺出以綏綏喇嘛森本喇嘛陞補綏綏缺出以孜仲喇嘛陞補森本缺出以傳事卓尼爾陞補其餘寨落小缺仍照向例所有後藏商卓特巴綏綏森本各大缺及管地方營官均照前藏例由駐藏大臣會同班禪額爾德尼補放一大小番目及前後藏管事

喇嘛均不得以達賴喇嘛班禪額爾德尼族屬挑補一駐藏大臣二人同在前藏應春秋兩季輪流前往後藏巡查邊界順便操兵所用烏拉人夫自行給價不得擾累番民一駐藏大臣衙門向設理藩院司員一筆帖式一應仍照舊例惟前藏僅設糧務一員後藏並無文員稽查難周應於前藏再添糧務一員於同知州縣內派往後藏添縣丞佐貳官一員俱由川省揀派更換邊俸報滿照例辦理一駐藏大臣衙門及文武各員聽差兵丁應酌定數目大臣衙門各三十名遊擊八名都司六名守備每員四名駐藏司員四名筆帖式二名千把總每員一名前藏糧員看庫兵八名遇操演日期仍著一體訓練均應如所請從之○大學士兩廣總督公福康安等奏欽奉頒發

御製十全記於
聖祖仁皇帝御碑之旁豎立恭查

聖祖仁皇帝御碑在布達拉山前為前後藏通衢擬添建碑亭一座礮石為方碑正面刊國書碑陰刊漢文左刊蒙古字右刊唐古忒番字報聞○壬辰以歲暮祫祭遣官祭									
太廟中殿									
後殿○癸巳祫祭									
太廟									
上親詣行禮○遣官祭									
永陵									
福陵									
昭陵									
昭西陵									
孝陵									
孝東陵									
景陵									
泰陵									
泰東陵○遣官祭									
孝賢皇后陵									

端慧皇太子園寢○遣官祭									
太歲之神○甲午									
上御保和殿筵宴朝正外藩左翼科爾沁和碩親王恭格喇布坦旺扎勒多爾濟多羅郡王羅布藏占散喇什噶勒當多羅貝勒三音察袞固山貝子錫第鎮國公薩木丕勒扎木素輔國公色當噶瑪勒公品級和碩額駙丹準旺布公品級一等台吉拉旺琳沁多爾濟敏珠爾多爾濟多羅額駙索諾木顏丕勒巴林親王品級多羅郡王巴圖固山貝子和碩額駙德勒克公品級一等台吉索特納木多爾濟多羅額駙丹津固山額駙賽尚阿喀喇沁親王品級多羅郡王多羅額駙滿珠巴咱爾公品級固山額駙丹巴多爾濟扎薩克一等塔布囊喇特納吉爾第多羅額駙垂巴勒瓦爾奈曼多羅郡王拉旺喇布坦教漢多羅郡王和碩額駙德親鎮國公納木扎勒多爾濟多羅額駙伊拉瑚固山額駙巴顏巴圖爾土									

默特多羅貝勒索諾木巴勒珠爾扎賚特多
羅貝勒瑪什巴圖翁牛特固山貝子圖們巴
顏二等台吉哈斯巴圖爾巴顏巴圖爾鄂爾
多斯固山貝子永龍多爾濟四等台吉拉旺
多爾濟右翼喀爾喀和碩親王固倫額駙拉
旺多爾濟多羅郡王德木楚克扎布多羅貝
勒衮布多爾濟固山貝子巴爾準多爾濟鎮
國公丹津多爾濟輔國公拉沁蘇龍車登扎
布納木扎勒多爾濟齊巴克扎布扎薩克一等
台吉衮布扎布扎木巴勒多爾濟阿拉善和
碩親王旺沁班巴爾青海親王品級多羅郡
王索諾木多爾濟貝勒品級固山貝子羅布
藏色布騰教漢多羅郡王齊默特魯瓦阿巴
噶多羅郡王喇特納錫第輔國公拉旺多爾
濟回部郡王品級多羅貝勒哈第爾扎魯特
多羅貝勒噶勒桑鄂爾多斯固山貝子喇什
達爾濟厄魯特固山貝子朋楚克烏喇特鎮
國公巴圖鄂齊爾蘇尼特輔國公額琳臣附

入察喀爾綽羅斯三等台吉瑚勒哈齊四等
台吉肯則尼勒庫納木庫達瑪琳扎布及領
侍衛內大臣等召左翼科爾沁和碩親王恭
格喇布坦旺扎勒多爾濟巴林親王品級多
羅郡王巴圖喀喇沁親王品級多羅額駙滿
珠巴咱爾奈曼多羅郡王拉旺喇布坦土默
特多羅貝勒索諾木巴勒珠爾右翼阿拉善
和碩親王旺沁班巴爾青海親王品級多羅
郡王索諾木多爾濟貝勒品級固山貝子羅
布藏色布騰喀爾喀多羅郡王德木楚克扎
布鄂爾多斯固山貝子喇什達爾濟等至
御座前賜酒成禮○是月江蘇巡撫奇豐額奏
山東本年被災奏准委員採買平糶查江南
淮徐二府秋收豐稔現飭地方官嚴禁市儈
居奇東省委員已於密灣順河仲興等集採
買黃豆等糧一萬一千餘石先行趕運得旨
嘉獎○浙江提督陳杰奏查閱通省營伍情
形得旨浙省武備平常慎之以實但嚴查洋

盜可耳。○山西巡撫蔣兆奎奏平陽等府州屬被旱。前經奏准出糶常平倉穀十萬八千餘石。例應秋後買補。查平蒲各府秋收僅止六七分不等。市糧稀少。應請將臨汾等三十九州縣平糶穀石。緩至五十八年後買補還倉。得旨。知道了。摺內稱誠恐糧價增長。有礙民食。批。此雖固然。若遇豐而價平。亦不買補。此即虧倉穀之弊。不可不慎。○陝西巡撫秦承恩奏奉旨令各督撫於河隄灘地村莊居民房屋。造具清冊。年終彙奏。查關中地處高厚。民居距河俱遠。並無村莊占居河岸。惟有嚴禁近河小民。毋許圍築隄堰。與水爭地。得旨。因地制宜。知道了。○是年。追予出師臺灣陣亡外委陳捷魁等二員。廓爾喀陣亡副都統銜叅領長春一員。協領策巴杰一員。委署護軍叅領額勒謹一員。佐領多爾濟一員。都司伊魯爾圖一員。護軍達春一名。祭葬贈卹如例。俱入祀昭忠祠。○旌表孝子安徽等省

章逢詔等十六名。孝女浙江省王氏一口。守節合例。八旗閒散宗室明山保妻葉赫那拉氏等六口。護軍覺羅阿爾綱阿妻張氏等三口。滿洲前鋒烏寧阿妻鈕祜祿氏等一百七十五口。蒙古領催法保妻關氏等四十三口。漢軍馬甲王士臣妻張氏等十九口。內務府包衣候補筆帖式良輔妻楊氏等三口。奉天等省駐防壯丁陳七達兒妻王氏等一百二十四口。直隸等省民虞文濬妻金氏等五百八十二口。夫亡殉節江蘇等省民王宗陽聘妻吳氏等二十口。未婚守志八旗滿洲護軍校岱熊聘妻充依拉喇氏一口。漢軍武舉祖恪教聘妻金氏一口。奉天駐防園丁巴小四子聘妻劉氏一口。江蘇等省民陳企賢聘妻劉氏等二十七口。百歲壽民婦直隸等省民吳尚志等四十七名口。各給銀建坊如例。○一產三男山東等省民郭柱等四家。○會計天下民穀數各省通共大小男婦三萬七百萬


高宗實錄 卷一四一九

四十六萬七千二百七十九名口。各省通共
存倉米穀四千五百六十四萬三千五百五
十一石二斗三升九合四勺。

宋王忠文公

王

大清高宗法天隆運至誠先覺體元立極敷文
奮武孝慈神聖純皇帝實錄卷之一千四百十九



統一書號: 11018·1355-17

定 價: 51.00 元